


Nacom Pejume Diwesi po diwesi pena jume diwesi

xua Jesucristo yabara tinatsi



New Testament in Cuiba

# **Nacom Pejume Diwesi po diwesi pena jume diwesi xua Jesucristo yabara tinatsi New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

## **Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 25 Nov 2022 from source files dated 29 Jan 2022  
e9c4c3a0-6dec-54a4-aaba-fb395e5eddc7

## Contents

SAN MATEO . . . . .	1
SAN MARCOS . . . . .	115
SAN LUCAS . . . . .	177
SAN JUAN . . . . .	280
HECHOS . . . . .	354
ROMANOS . . . . .	442
1 CORINTIOS . . . . .	491
2 CORINTIOS . . . . .	536
GÁLATAS . . . . .	565
EFESIOS . . . . .	581
FILIPENSES . . . . .	598
COLOSENSES . . . . .	609
1 TESALONICENSES . . . . .	620
2 TESALONICENSES . . . . .	629
1 TIMOTEO . . . . .	634
2 TIMOTEO . . . . .	647
TITO . . . . .	656
FILEMÓN . . . . .	662
HEBREOS . . . . .	664
SANTIAGO . . . . .	703
1 SAN PEDRO . . . . .	714
2 SAN PEDRO . . . . .	726
1 SAN JUAN . . . . .	733
2 SAN JUAN . . . . .	743
3 SAN JUAN . . . . .	745
SAN JUDAS . . . . .	747
APOCALIPSIS . . . . .	752

## **Jesucristo Pia Pexeinya Diwesi Jume Tatsi Mateo Petinae Diwesi**

*Meje yabara pomonae Jesucristo pia pamo susatopiwi tatsi  
(Lc 3.23-38)*

<sup>1</sup> Meje barapo diwese Jesucristo pia pamo susatopiwi tatsi yabara. Jesucristo pon Nacom itoroba itaboco wetsica xua jiwi pecapanenebiyaenexatsi. Bapon Abraham pia pemomoxi susato jiwanapin tatsi. Barapon Abraham pon bayatha caena tupa, pon copiya naebopa po cae pin nacuatha xua israelmonae pomonae judi monaexae beya pinmonae tsoponae. Matautano Jesucristo David pia pemomoxi susato jiwanapin tatsi. Barapon David pon bayatha caena tupa, pon caena bayatha Israel nacuapiwi itorobiya pia pepa peewatsinchi.

<sup>2</sup> Abraham Isaac paxa tatsi. Bapon Isaac Jacob paxa tatsi. Bapon Jacob, Judá paxa tatsi yawa Judá peweicho jiwi, bapontha cae axaba. <sup>3</sup> Bapon Judá Fares iru Zara paxa tatsi. Tamar Fares pena tatsi iru Zara pena tatsi. Bapon Fares Esrom paxa tatsi. Bapon Esrom Aram paxa tatsi. <sup>4</sup> Bapon Aram Aminadab paxa tatsi. Bapon Aminadab Naasón paxa tatsi. Bapon Naasón Salmón paxa tatsi. <sup>5</sup> Bapon Salmón Booz paxa tatsi. Booz pena tatsi pewun Rahab. Bapon Booz Obed paxa tatsi. Obed pena tatsi pewun Rut. Bapon Obed Isaí paxa tatsi. <sup>6</sup> Bapon Isaí David paxa tatsi, po David caena bayatha Israel nacuamonae itorobiya pia pepa peewatsinchi. Matautano David pexanto tatsi pewun Salomón. Bapon Salomón pena tatsi pewun Betsabé, powa copiya bayatha Uriás xeina.

<sup>7</sup> Bapon Salomón Roboam paxa tatsi. Bapon Roboam Abías paxa tatsi. Bapon Abías Asa paxa tatsi. <sup>8</sup> Bapon Asa Josafat paxa tatsi. Bapon Josafat Joram paxa tatsi. Bapon Joram Uzías paxa tatsi. <sup>9</sup> Bapon Uzías Jotam paxa tatsi. Bapon Jotam Acaz paxa tatsi. Bapon Acaz Ezequías paxa tatsi. <sup>10</sup> Bapon Ezequías Manasés paxa tatsi. Bapon Manasés Amón paxa tatsi. Bapon Amón Josías paxa tatsi. <sup>11</sup> Bapon Josías Jecónías paxa tatsi, iru Jecónías peweicho jiwi bapontha cae axaba. Bapon Jecónías poxonae israelmonae teicaeya capoinchi Babilonia nacua beya, barapo jinaebotha Jecónías naexana epatotha.

<sup>12</sup> Bapoxonae pirapae Jecónías tanaexanatsi pexanto Babilonia nacuatha. Jecónías Salatiel paxa tatsi. Bapon Salatiel Zorobabel paxa tatsi. <sup>13</sup> Bapon Zorobabel Abiud paxa tatsi. Bapon Abiud Eliaquim paxa tatsi. Bapon Eliaquim Azor paxa tatsi. <sup>14</sup> Bapon Azor Sadoc paxa tatsi. Bapon Sadoc Aquim paxa tatsi. Bapon Aquim Eliud paxa tatsi. <sup>15</sup> Bapon Eliud Eleazar paxa tatsi. Bapon Eleazar Matán paxa tatsi. Bapon Matán Jacob paxa tatsi. <sup>16</sup> Bapon Jacob José paxa tatsi. Bapon José piowa tatsi pewun María. Barapowa María Jesús pena tatsi. Bapon Jesús icha wun wun dutatsi, po wun “Mesías”, jei, po wun xua jei: “Pon Nacom itoroba itaboco wetsica xua jiwi pecapanenebiyaenexa tsainchi”, jei.

<sup>17</sup> Abraham pia xainya weya tatsi trece poyobe pebiwi naexana xua Abraham muxunano daxota daxita catorce poyobe naexana, beya pu ducua poxonae David naexana. Bapon iru Salomón pia xainya weya tatsi trece poyobe pebiwi naexana xua Salomón muxunano daxota

daxita catorce poyobe pebiwi naexana beya pu ducua poxonae Israel nacuamona teicaeya capoinchi Babilonia nacua beya, beya pu ducua poxonae Jeconías naexana. Salatiel pia xainya weya tatsi trece poyobe pebiwi naexanapona xua Jeconías muxunano. Daxota daxita catorce poyobe naexana, beya pu ducua poxonae Mesías naexana.

*Meje yabara poxonae Jesucristo nowaeuncua pebin wnto barapo cae pin nacuathe*

*(Lc 2.1-7)*

<sup>18</sup> Poxonae Jesucristo naexana bara iche: María Jesucristo pena tatsi, poxonae bapowa muxu pepichi pecotsiwa pon pewan José, poxonae abu cataunxuae jopa peru nacoyabiyo, bapoxonae María pexuyo bupana taecatsi. Barapo pexuyo Nacom pia Pejumope tñaxu tatsi María tsiperu weeca exanatsi. Barapo pexuyo pewan Jesús. <sup>19</sup> José, María pia pebin tatsi tsane, poxonae pichina pon pejantü coyene xanepanaein. Daxota bapon José, María jopa beyabara paebichi xua catsa pexuyo pecapoponaexae xua bupana taecatsi xua María aura peexanaenexa tsainchi jiwi peitütha tatsi. Bapoxonae José namicha moyiya najantü cui coyene baraxuba xua jopa pepichiwa tsane, xua jiwi jopa cataunxuae pecui yabara yaputaenexa. <sup>20</sup> Poxonae came cataunxuae baxua yabara nanta xeina, José maituncuataba. Bapoxonae José amachinae tsita naitütatsi matatsunpin po matatsunpin Nacom itoroba. Matatsunpin namchiya jeye: “José, David pia pemomoxi susato jiwanaepin tatsim, jopa junuwinde xua nepichiwa tsane María xua jinseuri neexanaewa tsane. Tsipei barapo pexuyo, po pexuyo naexanaena, apara Nacom pia Pejumope tñaxu tatsi pia pexuyo tatsi. <sup>21</sup> Bapowa tanaexanaeinchi pexanto. Bapon wan dutsiname, po wan ‘Jesús’, jei. Barapo wan, wan dutsiname tsipei bapon pijimona capanepaena xua abe pia peexanae cuiru coyenein weya tatsi, xua daxota Nacom jopa petsitanexatsi xua barapomona pexeinaewa penatsicuentsiwa”, jei matatsunpin.

<sup>22</sup> Daxita baraxua exana penacui yabara jume wetsinexa pocotsiwa bayatha Nacom pia peitorobi jume pepaebin caena bayatha yabara tsiwana muxu duta Nacom nexa, xua jeye:

<sup>23</sup> “Matha taema, yabuo pexuyo bupana taecatsi powa jopa peru nacoyabiyo pebin.

Yawa tanaexanatsi pexanto, po pexuyo wan

dutatsi, po wan ‘Emanuel’, jei”,

jei Nacom pia peitorobi jume pepaebin.

(Barapo wan jei: “Nacom naca baru popona”, jei.)

<sup>24</sup> Poxonae José nacosataxuba, bapon exana pocotsiwa matatsunpin itoroba po matatsunpin Nacom itoroba. José María pitatsi. <sup>25</sup> Bequein cae botha nabaru poponabe daichitha jopa came imoxoyo naperu cuicuinaeyobe beya poxonae pexanto tanaexanatsi. José pexuyo wan duta, po wan “Jesús”, jei.

## 2

*Meje yabara poxonae pomona opitei pecayabara wñnae yaputaewi barapomona Jesús siwa poinchi xua petaenexatsi*

<sup>1</sup> Jesús naexana Belén tomaratha, Judea nacuatha. Barapoxonaeru Herodes pon Judea nacuapiwi pia peyanacua ewatsinchi popona barapo Judea nacuatha. Poxonae Jesús naexana pebiwi pata Jerusalén

tomaratha. Barapomonaē opitei pecayabara w̄naē yaputaewi. Barapomonaē pia tomara taj̄a taenatsi ichaxota pocotsiwa xometo weecoina.  
<sup>2</sup> Barapomonaē ichawa beya yayainyaba tsiniya, jeye:

—¿Exota naexana pexuyo, po pexuyo judiomonaē itorobiya pia pepa peewatsinchi exanaeinchi poxonaē pinyo tsane? Paxan payaputan xua bapon naexana xote tsipei bapon pia opiteito tatsi panaitomatsiya punaenaponan pata nacua werena, po nacuatha ichaxota pocotsiwa xometo weecoina. Papatan xua pata w̄naē jainchiwa tsane barapo pexuyo, jei.

<sup>3</sup> Herodes, pon Judea nacuapiwi pia peyanacua ewatsinchi poxonaē bapon yabara jume tane xua ich̄n̄ naexana pon jiwi itorobiya pia pepa peewatsinchi, bapoxonaē bapon bichocono ʼn̄th̄n̄th̄ deideijeī Ir̄r̄ Jerusalem tomarapiwino daxita bichocono ʼn̄th̄n̄th̄ deideijeī pejume taexae baxua. <sup>4</sup> Nexata Herodes waba sacerdotemonaē pia pentacaponae wi tatsi xua pia petanacaetutsinexa tsainchi pia botha. Matautano wabano pomonaē jiwi pecuidubiwi Moisés pia peitorobi coyenewa tatsi. Daxita barapomonaētha Herodes yainyaba, jeye:

—¿Exota naexanaena Mesías, pon bepa pinaē Nacom itorobei? jei Herodes.

<sup>5</sup> Barapomonaē jume nota, jeye:

—Bapon naexanaena Belén tomaratha, po tomara Judea nacuatha eca. Bapon naexanaena barapo tomaratha, tsipei Nacom pia peitorobi jume pepaebin caena bayatha tsiw̄naeya yabara muxu dutsiya tina xua Mesías yabara, Nacom nexa. Nacom jeye:

<sup>6</sup> ‘Belén tomara bequein po tomariyo tsiqui tomariyo jiwana tomara xua Judea nacuatha, daichitha Judea nacua pentacaponae wi yabara nanta xeinaena xua Belén tomara peainya cui tomariyo tsane.

Baxua nanta xeinaena tsipei barapo

tomariyotha naexanaena, pon jiwi

pia Pecanamataxeinaeinchi tatsi.

Xan Nacom bapon itorobin tamonaētha,

pomonaē Israel nacuapiwixae,

xua bapon barapo israelmonae itorobiya

pia pepa Peewatsinchi tsainchi’, jei Nacom,

xua Nacom tatinatsi pon Nacom peitorobi jume

pepaebin, jei sacerdotemonaē ir̄a pomonaē jiwi

pecuidubiwi Moisés pia peitorobi coyenewa tatsi.

<sup>7</sup> Nexata Herodes namicha moyiya waba pomonaē opitei pecayabara w̄naē yaputaewi. Herodes yainyaba barapomonaētha: “¿Eta poxonaē yatsicaewa barapo opiteito paca tsita naitata?” jei bapon. <sup>8</sup> Poxonaē barapomonaē jume nota bapontha bapoxonaē Herodes itoroba barapo pebiwi Belén tomara beya. Herodes jeye barapomonaētha:

—Paponare Belén tomara beya. Beta xanepanaya pajaire barapo pexuyo. Poxonaē pataebiname barapo pexuyo, nexata pana netsipaebare, tsipei xan ir̄a ponaēin w̄naē tajainchinexa tsaner̄a barapo pexuyo, jei Herodes.

<sup>9</sup> Poxonaē Herodes najume weta, barapo pebiwi bara ponar̄c̄s̄ra, pomonaē opitei pecayabara w̄naē yaputaewi. Bapoxonaē po opiteito bayatha tane pia nacuatha, barapo opiteito jemeicha caewa naitataba. Yawa barapomonaē matacapoinchi. Barapo opiteito ducupona beya

matapainya matatsun ducuatábica ichaxota barapo pexuyo boca. <sup>10</sup> Poxonae barapo pebiwi tane barapo opiteito, barapo pebiwi bichocono jantũ coyene weiweina. <sup>11</sup> Barapomonae bo jojoniya ichaxota tane barapo pexuyo xua pena barũ ecatsi, barapowa María. Bapoxonae barapo pebiwi pentabocotontha ena xua barapo pexuyo wũnae pejainchinexa tsainchi, tsipei barapoyo pon Pecanamataxeinaein pe-xanaexae tsainchi poxonae pinyo tsane. Bapoxonae barapomonae piawan coibo isacapenta xua cajjinca. Barapo pexuyo catsibatsi xuan pocotsiwa pewũn oro nain. Catsibatsino xua pocotsiwa pewũn incienso xua pocotsiwa tuxusi tuxuei benata poxonae tauta exana. Mataũtano muxuna catsibatsi icha petuxueiwa pocotsiwa pewũn mirra xua pocotsiwa anaincuito. <sup>12</sup> Bapoxonae pirapae barapo pebiwi maitumenaeya amachinae xua jopa bewa equeicha patsi tsane ichaxota Herodes eca. Daxota barapomonae pia nacua be-iyiya, icha namto iyiya.

*Meje yabara poxonae Jesusbarũ panenebiya Egipto nacua beya*

<sup>13</sup> Poxonae barapo pebiwi ponarũcũpa bapoxonae Nacom itoroba matatsunpin Josetha. Matatsunpin tsita naituta poxonae José amachinae. Matatsunpin José baraichi, jeye: “Asiya uncuare. Pexuyo pire yawa coxiwano. Egipto nacua bebarũ naetsiriyiyama. Ecare barapo nacuatha, beya abũ poxonae equeicha catsipaebinchi baxota. Tsipei Herodes pexuyo jeitsina pebexubinexa tsainchi pexuyo”, jeichichi José matatsunpin.

<sup>14</sup> Poxonae cataunxuae merawi, José nacosataxuba. José pexuyo pita, yawano José pita yabũyo María xua pexuyo pena tatsi. Daxita barapoyobe warapa Egipto nacua beya poxonae cataunxuae quirei tsuncuae. <sup>15</sup> Barapo nacuatha, Egipto nacuatha, barapoyobe ecabe beya poxonae juinya Herodes tũpa. Baxua José cana exanatsi xua bayatha Nacom pia peitorobi jume pepaebin petsiwũnae yabara paebixae Nacom nexa xua jeye: “Waban Taxanto Egipto nacua weya”, jei Nacom pon pia peitorobi jume pepaebin Nacom nexa pon jiwi Pecanamataxeinaeinchi.

*Meje yabara poxonae Herodes itoroba, ichamonae itorobatsi xua pe-jutebinexatsi pexui*

<sup>16</sup> Poxonae Herodes yaputane xua pomonae opitei pecayabara wũnae yaputaewi muxujainyabiya tsipaeba bapontha xua itara patapaeba, bapoxonae Herodes anaya bichocono anaepana. Nexata bapon itoroba, ichamonae itorobatsi xua pejutebinexatsi daxita pexui pebiwi wũtixi, po pexui cataunxuae pencuetixi, po pencuetixi cataunxuae jopa yapu othopaeyo dos po weibe, irũ po pexui xua bayatha yapu othopa dos po weibe. Barapon Herodes itoroba xua pejutebinexatsi barapo pexui pebiwi wũtixi daxita poxi Belén tomara cuariya beya. Herodes baxua exana yaitama bayatha pomonae opitei pecayabara wũnae yaputaewi yopita xua pinae tane pexuyo pia opiteito tatsi barapo dos po weibetha poxonae peputha taponã, opiteito peputha tatsi xua jinaebotha, poxonae Judea nacua beya pona. <sup>17</sup> Baxua Herodes cana cui wetsiya exanatsi, xua bayatha Jeremias pon Nacom pia peitorobi jume pepaebin petsiwũnae yabara paebixae, xua jeye:

<sup>18</sup> “Jume tan xua wecoyeyi Ramã tomaratha, po tomara eca imoxoyo Belén tomaratha. Powã xua wecoyeyi, bapowa Raquel,

powa bayatha tupa.

Bapowa Raquel pia pemomoxi susatopiwi siwa wecoyei, tsipei daxita tajutebatsi.

Barapowa jopa naitawanae copatsiyo tsipei pexui bayatha werapa bequein ichamonaе jume matawenta”, jei Jeremias.

<sup>19</sup> Herodes bapoxonae pirapae tupa. Bapoxonae matatsunpin pon Nacom itoroba, José tsita naitatatsi poxonae José amachinae Egipto nacuatha. Matatsunpin jeye Josetha: <sup>20</sup> “Natsixitabare. Pire barapo pexuyo yawa coxiwa María, pexuyo pena tatsi. Israel nacua beya caibe nawiyama. Tsipei bayatha werapa pomonaе ichichipa xua barapo pexuyo pebexubiwatsi”, jei matatsunpin.

<sup>21</sup> Bapoxonae José natsixitaba. José pita pexuyo yawa coxiwa. Israel nacua beya caibe nawiya. <sup>22</sup> José jume tane xua juinya pinae Arquelao naexana Judea nacuapiwi pia peyanacua ewatsin tatsi. Arquelao Herodes pexanto tatsi. Arquelao xuya peyanacua ewatsin naexana ichaxota bayatha coxiyan peyanacua ewatsin naexana bapon Herodes. Tsipei Arquelao eca Judea nacuatha daxota José junuwa xua peponaewa barapo nacuatha. Daxota José pona Galilea nacua beya, tsipei poxonae amachinae matatsunpin itoroba xua bewa pinae ponaena barapo nacuatha. <sup>23</sup> Poxonae José patopa barapo nacuatha, bapoxonae popona po tomaratha, po tomara pewun Nazaret tomara. Baxua José cana cui wetsiya exanatsi, xua bayatha Nacom pia peitorobi jume pepaеbiwi Jesús cayabara tsiwunaе muxu dutsiya jeye: “Bapon wun dutinchi po wun jei: ‘Nazaret tomarapin’, jei”, jei barapo Nacom pia peitorobi jume pepaеbiwi.

### 3

*Meje yabara poxonae Juan, pon Pebautisabin jiwi, cuiduba ira xuepana susato tsurucuae nacuatha*  
(Mr 1.1-8; Lc 3.1-9, 15-17; Jn 1.19-28)

<sup>1</sup> Pirapae poxonae ainya wei yapucaewa, poxonae abu cataunxuae Jesús eca Nazaret tomaratha, bapoxonae Juan pon jiwi Pebautisabin patopa ira xuepana susato tsurucuae nacua beya xua Judea nacuatha. Bapon Juan Nacom Pejume Diwesi paeba ducunaеbiya. <sup>2</sup> Juan namchi: “¡Icha juntu coyene paxeinare Nacomtha painya neauraxae xua abe paexaname! Tsipei Nacom paca waba painya nenaexanaenexa piamonae tatsi jiwana pomonaе Nacom itorobiya peewatsixae”, jei Juan.

<sup>3</sup> Barapo Juan apara bapon pon caena bayatha peyabara tinaexaetsi. Isaías pon Nacom pia peitorobi jume pepaеbin, bapon caena bayatha yabara jume wunaeya tina, xua caena bayatha Juan yabara jume wunaeya tinatsi. Isaías jeye:

“Jume tan pon wawai ira xuepana susato tsurucuae nacuatha.

Bapon wawaya jeye: ‘Patsi najuntu cui

coyene wunaere pon jiwi pia pepa

Pecanamataxeinaeinchi pia pepatopae wunaeya tsane’,

jei pon wawai”, jei Isaías petinae diwesitha.

<sup>4</sup> Juan jumaina duwein nabocoto, po duwein pewun camello. Coreinya bocoto maraina. Juan xane pocotsiwan yapupuna, pocotsiwan be sure,



matautano bana daebano. <sup>5</sup> Jiwi pata Jerusalén tomara weya, iruru pata xua daxita tomaranpiwi xua Judea nacua weya, iruru pata po tomaranpiwi xua imoxoyo Jordán mene weya. Barapomonaе pata Juan pejume taenexatsi. <sup>6</sup> Poxonaе barapomonaе nayopita Nacomtha xua bepa pinae Nacom tsita auratsi, xua abe peexanaexae, barapoxonaе Juan bautisaba barapomonaе Jordán mentha.

<sup>7</sup> Ichitha poxonaе Juan tane xua nawita pata fariseomonaе jiwana iruru xua saduceomonaе jiwana pata ichaxota Juan bautisaba, Juan jeye barapomonaetha: “¡Paxam pomonaе pemuxuitorobi jiwi pam! ¡Paxam be bara jomomonaе pam, tsipei jomo ba cuitaya ducupa nawa! Bara paichim anoxuae, paichichipame Nacom pacuitaya ducupame xua abe paca exanaeyainwa. Jopa papanenebiyaem tsane bequein bara paca bautisabinchi tsipei jopa pajuntu coyene xanepanaem Nacomtha. <sup>8-9</sup> Xaniwaicha pajinompare xain ichamonaе paca cui tane, xua icha juntu coyene painya nexainaewa Nacomtha xua painya neauraxae xua abe paexaname. Tsipei bequein paxam pajam: ‘Waxainchi Abraham pia pemomoxi susato jiwichixaetsi Nacom naca capanenebiya exanaena’, pajam, daichitha paxam jopa xaniwaicha pajume cowuntsim Nacom. Daxota Nacom itacupatsi xua paca cui matawenta pia jopa paca nepaca capanenebiyaenexa tsane. Matautano barichino Nacom itacupatsi xua jiwi forotsinchi barapo ibotixi weya, po ibotixi xote Jordán mene itapatha bobena. Barapo jiwi naexanaena, po jiwi yatsicaewa Abraham pia pemomoxi susato jiwi tatsi, pomonaе pejume cowuntsiwixaetsi Nacom. <sup>10</sup> Poxonaе pebin naein uba sipari ba canacui wunaeta xua pecaucubobinexa po naein jopa nacoichiyo. Poxonaе barapo naein ucuboba nantatsun eta xua petautsinexa isototha. Paxam bara paca juta ichiya paca cana exanaena. Nacom paca yabara nacui wunaeta xua paca bebai tsane isototha, ichaxota po isototha jopa cuinaya itacounayiyo tsipei Nacom jopa xanepanaya pata exanaem. <sup>11</sup> Xan xaniwaicha paca bautisabatsi meratha painya neauraxae xua abe paexaname xua daxota icha juntu coyene painya nexainaewa tsane Nacomtha. Paca bautisabatsi meratha, ichitha nama pon tsiwanaya patopan, aparta bapon Mesías. Bapon paca bautisabina Nacom pia Pejumope tuxaxutha tatsi poxonaе Nacom paca najumope catsibina. Bapon paca jiwana cui copatsinchi xua atene tsane Cristo pejume cowuntsixaetsi xua ichamonaе atene exanaena. Bapon bichocono peayapusu itorobi coyenewa xeina beyacaincha xan. Bapon pon jiwi pia Pecanamataxeinaeinchi. Daxota bapon bichocono tsita pin ura xeinan xua tataxu mu isanaxubiwa tsane pia penataxu xatatsiwa tatsi. Tsipei xan bichocono tapawin, beyacaincha pomonaе amanaya petanacuichiwi pia pentacaponawewi poxonaе baru cui itura jina pia pentacaponawewichi. <sup>12</sup> Bapon pon patopaena bapon bayatha tsinacobenata po paparato xua trigo xu nexa. Bapon trigo xu tsanaya seicaya matapepe jehebapona. Trigo xu jehebapona trigo xu matabotha. Matapepe jehebapona petautsinexa isototha, ichaxota po isoto jopa cuinaya itacounayiyo. Bapon bara juta cana ichi tsane jiwitha icha trigo xu cana ichiya ichi. Jiwi Nacom tsana nobina pomonaе pejume cowuntsixaetsi pia nacuatha nexa. Ichamonaе tsana nobinchi pomonaе jopa pejume cowuntsiwichi, petautsinexa isototha ichaxota xua jopa itacounayiyo”, jei Juan.

*Meje yabara poxonae Jesús bautisabatsi*

(Mr 1.9-11; Lc 3.21-22)

<sup>13</sup> Nexata Jesús patopa xua Juan uncua Jordán mentha xua Galilea nacuatha. Jesús patopa xua Juan pebautisabinexa tsane. <sup>14</sup> Copiya Juan juntucuru jume matawenta xua Jesús pebautisabiwatsi tsainchi tsipei anacuicaura. Juan jeye Jesustha:

—Xan apara pon xua tanantawenonaewa xua xam bewa jame tana nebautisabiwam tsane. Nama xan jopa bewa cabautisabi tsainchi, jei Juan.

<sup>15</sup> Ichitha Jesús jume nota:

—Anoxuae bara ‘je’ jande pocotsiwa xua xanepana, pocotsiwa ichichipan pocotsiwa xua xanepanaya exanatsi pocotsiwa xua Nacom naca itoroba, jei Jesús.

Bapoxonae Juan jume jejei xua Jesús bautisabatsi. <sup>16</sup> Nexata poxonae Jesús bautisabatsi, Jesús nainya mene wejuina. Bapoxonae nainya peitaboco nayausaranaxuba. Jesús tane xua Nacom pia Pejumope tñaxu tatsi Jesús tapatopeicatsi, be topiboto yaruneica. <sup>17</sup> Bapoxonae Jesús jume tane pocotsiwa peitaboco wetsipaebicatsi, jechichi: “Bapon apara Taxanto, pon bichocono antobein pon itapetan. Bapon nejñntu coyene weiweina exana”, jei Nacom.

## 4

*Meje yabara poxonae Jesús ñntu coyene ñññtatsi caurimonae pia pentacaponaein tatsi xua Jesús abe coyeneya petaexanaenexa tsane*

(Mr 1.12-13; Lc 4.1-13)

<sup>1</sup> Nexata Nacom pia Pejumope tñaxu tatsi Jesús matakayatsi ira xuepana susato tsurucuae nacua beya. Baxotiya caurimonae pia pentacaponaein tatsi Jesús piraichi ñntu coyene ñññtatsi xua Jesús abe coyeneya petaexanaenexa tsane.

<sup>2</sup> Jesús jopa nabanaeyo baraxotiya cuarenta po matakabibetha matautano cuarenta po merawibetha. Poxonae barapo matakabin yapucaewaba bapoxonae Jesús bichocono jainpa. <sup>3</sup> Caurimonae pia pentacaponaein tatsi imoxoyo patopa Jesustha. Bapon Jesús piraichi ñntu coyene ñññtatsi xua Jesús abe coyeneya petaexanaenexa tsane. Bapon Jesús baraichi:

—Icha xam yatsicaya Nacom Pexantom, netsita iture. Barapo iboton itorobare xain pan naexanapenta, jei caurimonae pia pentacaponaein tatsi.

<sup>4</sup> Ichitha Jesús jume nota:

—Nacom Pejume Diwesitha namchi: ‘Jopa metha bepa meisa jiwi betiya una jinompaetsipae pan. Bara iru yawano Nacom Pejume Diwesi jiwi betiya yañntu cui coyeneya ñntemiya jinompa’, jei Nacom Pejume Diwesitha, jei Jesús.

<sup>5</sup> Nexata caurimonae pia pentacaponaein tatsi Jesús matakapoinchi Jerusalén tomara beya. Baxotiya Jesús Nacom pin pia botha pentatupa beicha capoinchi. <sup>6</sup> Caurimonae pia pentacaponaein tatsi Jesús baraichi, jeye:

—Icha bara xaniwaicha Nacom Pexanto tatsim, wenaxoreinque. Yaitama tsipei Nacom Pejume Diwesitha namchi, jeye: ‘Nacom itorobina pia matatsunpiwi necayanabinexa.

Barapo matatsunpiwi asiya cawaetaboutsina  
pecobetha, xua jopa necataxu tsaquituncuaenexa  
tsane ibototha, poxonae wenaxorecame',  
jei Nacom Pejume Diwesitha,  
jei caurimonae pia pentacaponaein tatsi.

<sup>7</sup> Jesús jume nota, jeye:

—Barichi Nacom Pejume Diwesitha namchi, jeye: 'Jopa jũntũ coyene  
jũjũtsiya wũcaeinde Nacom pon jinya Necanamataxeinaein, xua neca-  
jume jejeiwa tsane xua necayawenaewa tsane poxonae jopa xapain  
exanaem', jei Nacom Pejume Diwesitha, jei Jesús.

<sup>8</sup> Equeicha caurimonae pia pentacaponaein tatsi Jesús matacapoinchi  
ichaxota po demxuxwa bichocono atororo. Baraxotiya Jesús tsita itũtatsi  
daxita nacuan xua barapo cae pin nacuathe. Mataũtano Jesús tsita  
itũtatsi daxita nacuan pia peitũpanae coyenewan. <sup>9</sup> Caurimonae pia  
pentacaponaein tatsi Jesús baraichi, jeye:

—Ichaunxuae nentabocototha uncuaename taitabaratha, xua  
mataũtano ichaunxuae newũnae jaintsiname xua nenanta xeinaewaxae  
xua xan jinya tacacanamataxeinaeinchi. Bapoxonae barapo nacuan  
yawa muxuna nacuan pia peitũpanae coyenewan, baxuan cacatsinchi  
xua jinya necanamataxeinaenexa barapo nacuan, jei caurimonae pia  
pentacaponaein tatsi.

<sup>10</sup> Nexata Jesús jume nota:

—Xam pon caurimonae pia pentacaponaein, bara nexubiriware.  
Yaitama Nacom Pejume Diwesitha namchi, jeye: 'Meisa wũnae jainde  
jinya Necanamataxeinaein Nacom. Meisa bapon yatsicaewa taexande  
pocotsiwa caitoroba', jei Nacom Pejume Diwesitha, jei Jesús.

<sup>11</sup> Bapoxonae caurimonae pia pentacaponaein tatsi Jesús pia xainya  
weya tatsi napitaba. Matatsunpiwi pata Jesustha xua Jesús pecui matate-  
icaenexa tsainchi, mataũtano xua peapatsinexa tsainchi.

*Meje yabara poxonae Jesús tamropata pitaba pia penacuichiwa Galilea  
nacuatha*

(Mr 1.14-15; Lc 4.14-15)

<sup>12</sup> Poxonae Jesús jume tane xua Juan jiwi pecubi botha eca, bapoxonae  
Jesús pona Galilea nacua beya. <sup>13</sup> Ichitha Jesús jopa ecaeyo Nazaret  
tomaratha, jame saya pona Capernaum tomara beya xua baxotiya  
pepoponaenexa. Barapo tomara eca, Galilea pucua itapatha ichaxota  
ainya nacuabe nacaquita ecabe po nacuiyo pewũn Zabulón nacuiyo,  
yawa po nacuiyo irũ pewũn Neftalí nacuiyo. <sup>14</sup> Pocotsiwa Jesús exana  
poxonae Capernaum tomaratha popona, baxua Jesús yabara nacui we-  
tatsi xua caena bayatha Nacom pia peitorobi jume pepaebin, pon Isaías,  
pecayabara cui wũnae tsiwũnaeya tinaexae poxonae jeye:

<sup>15</sup> "Po ainya nacuabe pewũn Zabulón nacuiyo  
mataũtano Neftalí nacuiyo, barapo nacuabe  
ecabe ichaxota po namtotha pucua  
imoxoyo caquita ducuiya.

Barapo nacuabe ecabe ichaxota po pin nacua,  
pewũn Galilea nacua.

Barapo Galilea nacua icha muxunenetha  
eca xua Jordán mentha.

Barapo Galilea nacua weya jinompa pomona

jopa judiomonae naexanaeyo.

<sup>16</sup> Barapomonae caena bayatha jopa yaputaeyo Nacom, matautano caena bayatha jopa nayabara yaputaeyo xua muxu bara nama pewerapaeba abe peexanaexae. Daxita barapomonae be pocotsi jiwimonae poxonae pona pequireiwatha xua poxonae matautano jopa xeinaeyo xua penatsiwana itiyobiwa. Daichitha daxita barapomonae nama jume cowantsina, xua jume cowantsinchi pon Nacom itoroba.

Bapon barapomonae juntu cui coyene babatsiya xanepanaya jinompaeya exanaeinchi ichi be jiwi ichi xua poxonae pin pecoichatha jinompa”, jei Isaías, pon Nacom pia peitorobi jume pepaebin.

<sup>17</sup> Bapoxonae Capernaum tomaratha Jesús tamropata pitaba xua jiwi cuidubatsi. Jesús namchi, jeye: “Icha juntu coyene paxeinare Nacomtha, painya neauraxae xua abe paexaname. Tsipei Nacom paca waba painya nenaexanaenexa piamonae tatsi pomonae Nacom itorobiya peewatsixae”, jei Jesús.

*Meje yabara poxonae Jesús waba cuatro poyobe pebiwi, pomonae duwei peyamaewi*

(Mr 1.16-20; Lc 5.1-11)

<sup>18</sup> Jesús pona Galilea pucua itapatha. Jesús tane ponbe ainya caepipeweichobe. Ichun pewun Simón pon icha wunno Pedro. Ichun pewun Andrés. Baponbe duwei peyamaeinbe. Baponbe mentha yamonauyabe duwei pocotsiwatha xua peyamaewi. <sup>19</sup> Nexata Jesús baraibe baponbe, jeye:

—Anetha, pana nepuna pondebe. Paca cuidubinchibe. Anoxuae nama xan paca exanaeinchibe xua pinmonae payawenaenamebe xua barapomonae pejume cowantsiwa tsane Nacom icha bayatha paichimbe poxonae payamonamebe duwei nawita, jei Jesús.

<sup>20</sup> Nainya caena baraponbe peyamaewan xubotabe. Napuna ponabe Jestha.

<sup>21</sup> Bapoxonae pirapae Jesús tane ichunbe, ponbe ainya caepipeweichobe. Ichun pewun Santiago. Ichun pewun Juan. Baponbe Zebedeo pexantobe tatsi. Baponbe jeratha paxa bara ecabe. Baponbe peyamaewan wunaetauyabe. Jesús waba, baponbe wabatsibe. <sup>22</sup> Caena nainya jera xubotabe matautano paxa cuenta ponabe. Baponbe Jesús puna poinchibe.

*Meje yabara poxonae Jesús pin bicheitomonae cuiduba*

(Lc 6.17-19)

<sup>23</sup> Jesús popona ducuaeta daxita Galilea nacua beya. Bapon cuiduba ducuaeta daxita judiomonae pia penacaetutsi bontha tatsi. Jesús paeba ducuaeta Nacom pia pexeinya jume diwesi tatsi, po diwesi yabara xua Nacom waba jiwi, petanaexanaenexatsi piamonae pomonae Nacom juntu coyene itorobiya ewata. Matautano Jesús axaibi exana jiwi xua daxita carepaya xoxi atene barapomonae yawa xua faefaena peatenexae. <sup>24</sup> Pin bicheitomonae jiwi jume tane xua juinya Jesús exana daxita carepaya Siria nacuaeta. Barapomonae pomonae pejume taexae xua Jesús exana, barapomonae capona daxita pomonae domaebatsi,

yawa pomonae peatenexae, matautano pomonae caurimonae xeina, matautano pomonae amameibatsi, matautano pomonae mubatsi. Jesús axaibi exana daxita barapomonae.<sup>25</sup> Pin bicheitomonae jiwi Jesús puna poinchi pomonae Galilea nacua weya pona. Iruru Jesús puna poinchi pomonae Decápolis nacua tomaran weya pona, iruru pomonae Jerusalén tomara weya pona, iruru pomonae Judea nacua weya pona. Iruru Jesús puna poinchi pomonae jinompa ichaxota po nacua eca imoxoyo Jordán mentha xua icha muxunenetha xua tajuthiya.

## 5

### *Meje yabara poxonae Jesús cuiduba jiwi demxuwatheicha*

<sup>1</sup> Poxonae Jesús tane barapo pin bicheitomonae, bapoxonae Jesús pona demxuwatheicha. Matautano Jesús baxoteicha eca. Bapoxonae Jesús pijimonae matawacaicha nacaetutaracupatsi pomonae pia pepuna ponaewichi. <sup>2</sup> Jesús tamropata pitaba xua diwesi cuiduba barapo pin bicheitomonae.

*Meje poxonae Jesús yabara cuiduba pomonae pejuntu coyene weiweinae jiwi*

*(Lc 6.20-23)*

<sup>3</sup> Jesús barai barapo pin bicheitomonae pomonae pijimonaexae tatsi, jeye: “Maisa bichocono juntu coyene weiweina pomonae yaputane xua Nacom pecanantawenonaewatsi xua xanepanaya pejinompaewa tsane. Tsipei barapomonae naexanaena Nacom piamonae pomonae Nacom juntu coyene itorobiya ewata.

<sup>4</sup> “Maisa bichocono juntu coyene weiweina pomonae bequein anthuthurewe xua siwa wecoyei petaexae xua ichamonae abe cana exana jiwitha. Daichitha barapomonae Nacom cui matateicaena, barapomonae cui matateicaeinchi xua anthuthurewe, xua ichamonae siwa wecoyeichi.

<sup>5</sup> “Maisa bichocono juntu coyene weiweina pomonae Nacom bichocono pebaru cui itura jinaewatsi xua jopa Nacom yabara ajuntucoyenetsacatsi. Barapomonae nama patsina pena iratha po ira Nacom bayatha yabara paeba.

<sup>6</sup> “Maisa bichocono juntu coyene weiweina pomonae ichichipa nawita xua exaneiba xua Nacom ichichipa, pexeinaenexa tsane pejuntu coyene xanepanaewa Nacomtha xua Nacom jopa petsitanexatsi xua barapomonae pexeinaewa penatsicuentisiwa xua abe peexanaexae bapontha. Barapomonae yawenatsi, Nacom yawena xua barapomonae pexeinaenexa tsane barapo coyene.

<sup>7</sup> “Maisa bichocono juntu coyene weiweina pomonae nantanuweya pecayabara cui cananta xeinaewi xua ichamonae peyawenaenexatsi. Barapomonae xuya Nacom nantanuweya cayabara cui nanta xeinaena xua peyawenaenexa tsane.

<sup>8</sup> “Maisa bichocono juntu coyene weiweina pomonae pejuntu xeicae jiwi xua pomonae jopa pecayabara nanta xeinaexae abe peexanae cuiru coyene. Barapomonae Nacom necotsinchi.

<sup>9</sup> “Maisa bichocono juntu coyene weiweina pomonae jantema pejinompaexae xua peyawenaexae xua iru ichamonae jantema jinompa peexanaexatsi pomonae copiya abe nata exaneiba. Barapomonae pomonae jantema pejinompaexae Nacom unuta ‘Tapexui’, jei Nacom.

10 “Maisa bichocono juntu coyene weiweina pomonae bequein bara aperutane exainchi matautano bequein bara anthututane exainchi, xua amsiya xaniwaicha peexanaexae pocotsiwa Nacom itoroba. Barapomonae nama Nacom pijimonae tatsi naexanaena pomonae Nacom juntu coyene itorobiya ewata.

11 “Maisa bichocono pajuntu coyene weiweiname poxonae bequein bara ichamonae abeya paca yabara paeba, poxonae bequeinno abe pacata exana, matautano poxonae bequeinno canaerabiya paca yabara paeba tapaneantobemxaem. 12 Pajuntu coyene weiweinare. Matautano juntea painompare tsipei Nacom paca catsina pia pexeinya peitupanaewan pocotsiwan Nacom paca juntana jeba pia nacuatheicha. Icha ichamonae abe pacata exana payabara nanta xeinare, matha caena barichi poxonae ichamonae abe exana pomonaetha pomonae Nacom pia peitorobi jume pepaebiwi. Barapomonae caena bayatha jinompa poxonae paxam cataunxuae jopa pajinompaem”, jei Jesús.

*Meje yabara poxonae Jesús diwesi paeba xua sare yabara yawa xua pecoicha yabarano*

(Mr 9.50; Lc 14.34-35)

13 Equeicha Jesús barai barapo pin bicheitomonae, pomonae pijimonae aexae tatsi jeye: “Sare beno bara beno wanae. Ichitha icha barapo sare beno jopa abenataeyo bapoxonae jopa peitacupaewatsi xua equeicha peabenataewa. Bapoxonae jiwi barapo sare beno xuba iratha. Matauta beno taxunaunaba iratha. Paxam pomonae tamonae pam be bara jutiya ichiya pam, icha sare beno cana ichichi. Paxam payawende jiwi pomonae jinompa barapo cae pin nacuathe xua daxita jiwi jopa abe peexanaewa tsane. Ichitha icha barapomonae jopa xapain payawenaem tsane, Nacom bara paca bebai tsane. Tsipei jopa wanae pam, Nacom bara paca bebai tsane icha jiwi ichi poxonae bebai sare beno matauta xua beno taxunaunaba, tsipei jopa abenataeyo.

14 “Icha pecoicha ichi poxonae pentha xua poxonae baxota jiwi yawenatsi, paxam bara juta ichiya paichim poxonae beta painompame. Barapocotsi coyenewatha jiwi payawename xua beta jinompa. Po tomara ba demxuwatha eca, barapo tomara ba jiwi taju tane. Bara paca yabara juta coyene ichi, jiwi paca tane xua poxonae beta painya nejinompaewa. 15 Jiton dapon ba aibi xua pon pecoicha coicha exana xua pecoicha matacatetsinexa corototha. Jame, asiya coicha exanatsi xua pecoicha taenexa pomonae bomuxutha ena. 16 Bara paca yabara juta coyene ichi xua jiwi peitabaratha tatsi. Beta painompare xua jiwi painya nepaca cataenexa xua xanepanaya paexaname painya neantobemxae Nacom. Bapoxonae barapo jiwi Nacom wanae jainchinchichi, pon painya Axa, pon itabocotha eca”, jei Jesús.

*Meje yabara poxonae Jesús jiwi yabara cuidubatsi Moisés pia peitorobi diwesi jume*

17 Equeicha Jesús barai barapo pin bicheitomonae, pomonae pijimonae aexae tatsi, jeye: “Jopa pananta xeinaeinde xua xan patopeican xua apara Moisés pia peitorobi diwesi jume tacana exanaewa tsane xua jiwi jopa equeicha pecanantawenonaewa tsane barapo Moisés pia peitorobi diwesi jume xuano iru bara cana ichin tsane pomonae Nacom pia peitorobi jume pepaebiwi pia pecuidubiwan tatsi. Jame apara patopeican tanayabara jume cui yabara wetsinexan tsane pocotsiwa

caena bayatha neyabara tsiwunaē paeba po diwesintha Moisés pia peitorobi coyenewa tatsi, iruno Nacom pia peitorobi jume pepaebiwi pia penacuidubiwan jumeintha. <sup>18</sup> Bara xaniyeya paca tsipaebatsi poxonae cataunxuae barapo itaboco ducue, matautano poxonae cataunxuae barapo ira ducue, Moisés pia peitorobi diwesi jopa weraweracae tsane. Matautano jopa cae itanetiyo aichurucuae tsane beya poxonae wetsina pocotsiwa bayatha Nacom tsiwunaē yabara paeba xua weta-paeba. <sup>19</sup> Pon yabara nanta xeina pecuidubinexa ichamonaetha xua tsita jume ita xexenatsi Nacom pia peitorobi coyenewa bequein saya po peitorobi coyenewiyo peya itorobi coyenewiyo, bapon xuya, Nacom pia nacuatheicha cana juntu cui ita xexenecaeinchi. Ichitha nama pomonae cuiduba ichamonaetha Nacom pia peitorobi coyewewan, matautano xua exana pocotsiwa Nacom itoroba, barapomonae peainya cui jiwi tsane Nacom pia peitorobi nacuatheicha tatsi. <sup>20</sup> Paca tsipaebatsi jame bewa juntu coyene xanepanaya paexaneibiname ichamonaetha be pocotsi coyeneya xua Nacom paca itoroba, beyacaincha poxonae exana pomonae pecuidubiwi Moisés pia peitorobi coyenewa tatsi, matautano xua poxonae beyacaincha jinompa fariseomonae. Icha jopa yatsicaewa beta juntu coyene xanepanaya paexanaem tsane beyacaincha xua poxonae barapomonae itara mexeya wunaeya exana, jopa papatsim tsane Nacom pia peitorobi nacua beicha tatsi”, jei Jesús.

*Meje yabara poxonae Jesús yabara cuiduba xua peanaepanae cui coyene*

*(Lc 12.57-59)*

<sup>21</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Paxam pajume taneme pocotsiwa Moisés namchi painya amo susato jiwitha, jeye: ‘Jopa ichan anaya bexubinde. Tsipei pon xua ichan bexotsi, ichamonae yabara paebina xua bapon natsicuenta xua abe peexanaexae’, jei. <sup>22</sup> Ichitha nama seicaya paca tsipaebatsi xua pon caseba ichantha ichamonae yabara paebina xua bapon natsicuenta xua abe peexanaexae. Iruru pon biatane ichantha ichamonae yabara paebina xua bapon natsicuenta xua abe peexanaexae. Pomonae pecanamata caitorobi bicheito bapon yabara paebinchi xua bapon natsicuenta tsipei bapon bichocono unthutha anaepana. Matautano iruru pon namchi xua ichan jeichichi: ‘Xam nabenecame’, jei pon, bapon xubinchi po nacua beya ichaxota isoto bapana jopa itacounaiyo.

<sup>23-24</sup> “Equeicha paca tsipaebatsi. Ichacuihtha ichan duwein becapona ichaxota xua be pexaethopaewa xua tuxusi exana Nacom nexa poxonae tauta. Poxonae cataunxuae jopa exanaeyo baxua, matha copiya tsiwanaya yabara nanta xeinaena pocotsiwa icha metha bayatha abe exana ichantha. Matha be ichi tsane meje xuaje: Bn abn cataunxuae bota pocotsiwa pia pecatuxusi exanaewanexa xua Nacom nexa. Matha copiya bewa ponaena ichan beya xua pia penaita coxone exanaewa tsanebe. Bapoxonae bapon caibeya bewa ponaena xua duwein petuxusi exanaewa tsane Nacom nexa poxonae tauta.

<sup>25</sup> “Icha ichamonae be paca itoroba paca necacaponanexa pontha pon jiwi peyabara paebin penatsicuentsiwa, nexata patsipaebare barapomonae, poxonae cataunxuae namtotha paca baru pona xua painya nenaita coxone exanaewa tsanebe. Xain bapoxonae barapomonae

jopa paca caponaebe tsane pontha pon jiwi peyabara paebin penatsicuentisiwa. Tsipei icha barapomonaе bara beya paca caponaetsipa, bapoxonaе pon jiwi peyabara paebin penatsicuentisiwa equeicha dabeya policiamonaе beya paca itorobichipa. Bapoxonaе nama policiamonaе jiwi pecabi bo beya paca itorobichipa. <sup>26</sup> Bara xaniyeya paca tsipaebatsi. Paxam jopa paca pu copabi tsane jiwi pecabi bo weya, beya abu poxonaе pana pu matomacaename daxita paratixi cuntha po paratixi xua paxeiname”, jei Jesús.

*Meje yabara poxonaе Jesús yabara cuiduba xua jiton pita, powa ichun piowa tatsi, powa bequein piseuri xeina taetha*

<sup>27</sup> Equeicha Jesús barai barapo pin bicheitomonaе, pomonaе pijimonaе aexae tatsi, jeye: “Paxam pajume taneme xua Moisés pia peitorobi coyenewan xua jeye caena bayatha: ‘Jopa ichowa pichinde powa ichun piowa tatsi, powa piseuri xeina taetham’, jei Moisés. <sup>28</sup> Ichitha nama xan paca tsipaebatsi. Icha pebin tane petsiriwa, yawa nanta xeinaeya jeye: ‘Barapowa ichichipan taise maituncuaewa tsane, bequein bapowa jopa taseuriyo’, jei, bapoxonaе barapara abe exana Nacomtha, icha be pocotsi coyene ichi, poxonaе pita yabuyotha powa jopa bequein piseuriyo tatsi.

<sup>29</sup> “Bara xaniyeya paca tsipaebatsi. Icha po itamaiqueito painya necoxa werena ducua icha barapo itamaiqueito paca exana xua abe painya neexanaewa tsane panaitamaiquei jucuaе, barapo itamaiqueiton yawa taju beya pabebande. Metha wunaе xua painya nebebeiwa tsane cae itamaiqueitoxi xua Nacom pia nacua beicha cae itamaiqueitoxi painya neyawa patsinexa. Baxua jame wunaе yatsicaewa, beyacaincha xua poxonaе painya pepon ompin paca bebai tsane ichaxota po nacuatha isoto bapana jopa itacounayiyo. <sup>30</sup> Barichi icha painya necobe, po cobe painya necoxa weya, icha barapo cobe paca exana xua abe painya neexanaewa tsane panacobe ucubobare, yawa taju beya pabebande. Metha wunaе xua cae cobexi painya nebebeiwa tsane, xua cae cobexi painya neyawa patsinexa Nacom pia nacua beicha. Baxua jame wunaе beyacaincha xua poxonaе painya pepon ompin paca bebai tsane ichaxota po nacuatha isoto bapana jopa itacounayiyo”, jei Jesús.

*Meje yabara poxonaе Jesús yabara cuiduba xua jiwi piseurixi pepunapenteibiyainwa*

*(Mt 19.9; Mr 10.11-12; Lc 16.18)*

<sup>31</sup> Equeicha Jesús barai barapo pin bicheitomonaе, pomonaе pijimonaе aexae tatsi jeye: “Caena bayatha Moisés pia peitorobi jume diwesitha namchiya jeye: ‘Pon punaxuba piowa peichaxaibixae xua pocotsiwa bapowa exana, bapon barabu piowa catsina papera, po paperatha tina xua pexubiwa tsane piseuri’, jei barapo Moisés pia peitorobi coyenetha.

<sup>32</sup> Ichitha nama seicaya icha coyeneya paca tsipaebatsi. Icha pebin piowa punaxuba xua saya peichaxaibixae poxonaе bequein bapowa jopa nasi cui coyene exanaeyo bapoxonaе Nacom tsita abetsi xua bapon cana exana piseuritha. Tsipei bapon cana exana piowa xua piseuri tatsi nasi cui matacaeta xua weiweina pebiwitha. Barichi pon pita petsiriwa, powa piseuri pepunaxubixae, bapon barichi pia coutha abe natsiexana, tsipei Nacom ichewa yabara nanta xeina xua bapowa cataunxuae ichun piowa tatsi bequein punaxuba”, jei Jesús.



*Meje yabara poxonae Jesús yabara cuiduba xua jiwi xainyeya penacui wɔnae tsiwɔnaeya yabara paebiwa xua peexanaewa pocotsiwa exana-paeba*

<sup>33</sup> Equeicha Jesús barai barapo pin bicheitomonae, pomonae pijimon-aexae tatsi, jeye: “Bayatha pajume taneme xua painya amo susato jiwi tsipaebatsi, xua Moisés tsipaeba. Moisés jeye: ‘Paxam jopa bewa naerabiya pana cui wɔnae tsiwɔnaeya yabara paebim tsane xua painya neexanaewa pocotsiwa paexanapaebelbame xua Nacom peitabaratha tatsi. Ichitha jame bewa bara xainyeya paexaneibiname pocotsiwa papaebelbame xua Nacom peitabaratha tatsi’, jei Moisés pijimonaetha. <sup>34</sup> Ichitha xan seicaya icha coyeneya paca tsipaebatsi. Poxonae jiwi peitabaratha tatsi pana nacui wɔnae tsiwɔnaeya xainyeya yabara paebiname pocotsiwa xua paexanapaebame bara moya baxua paexande, xua jiwi pia painya nepaca cajume cowɔntsinea. Jopa yawa muxuna icha jumein papaebinde. Jopa pajande ichantha: ‘Bara xaniyan xua exanaein. Nacui wɔnae tsiwɔnaeya xaniyeya yabara paeban Nacom peitabaratha xua exanaein’, jopa pajande. Matautano jopa pajande: ‘Bara xaniyan. Baraxua paeban po wantha xua Nacom pia nacua wɔntheicha tatsi’, jopa pajande baxua, tsipei Nacom bara xoteicha eca pia pexeinya equeibithopeibiwa tatsi ichaxota bapon ewatsiya itorobeibeca jiwi. <sup>35</sup> Matautano barapocotsi coyenewa jopa bewa pana cui wɔnae tsiwɔnaeya yabara paebim ichantha xua ira yabara. Tsipei barapo ira apara Nacom pia ira. Barapo iratha nataxu yuyuteca. Barichi matautano barapocotsi coyenewa jopa bewa pana cui wɔnae tsiwɔnaeya yabara paebim ichantha xua Jerusalén tomara yabara, tsipei barapo tomara, po tomaratha ichaxota Nacom popona pon jiwi itorobiya pia pepa Peewatsinchi. <sup>36</sup> Matautano barapocotsi coyene jopa bewa pana nacui wɔnae tsiwɔnaeya yabara paebim ichantha xua painya nentasipa yabara. Saya meisa Nacom paca yabara matasipa yaputane. Pomonae pam xua pewowi pam xua pantana tsaebiam jopa paca itacupaeyo xua equeicha pantana inyapaname. Matautano pomonae pam pomonae amomonae pam xua pantana inyapaname jopa itacupaetsi xua equeicha pantana tsaebiam. Matautano jopa baxua daichiyo xua caentanatox-itha. Saya meisa Nacom itacupatsi xua cana exana baxua. <sup>37</sup> Saya meisa barapo jumethabe patsipaebare ichantha ichaxota po jumetha jei ‘Je, bara exanaein’, jei, matautano ichaxota po jumetha jei ‘Jume jopa exanaein tsane’, jei. Tsipei poxonae pamuxuna paebame poxonae pana tsiwɔnae yabara paebame ichamonaetha Nacom pia wantha tatsi xua painya neexanaewa pocotsiwa paexanapaebelbame baraxua apara caurimonae pia pentacaponaein tatsi paca tsimuxu duba xua painya nepaebiwa baxua”, jei Jesús.

*Meje yabara poxonae Jesús yabara cuiduba xua penayantomocae coyene*

*(Lc 6.29-30)*

<sup>38</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Paxam pajume taneme xua bayatha Moisés paeba xua jeye: ‘Pon itamaiquei esanopa ichan peitamaiqueito, bapon xuya bewa itamaiquei esanopaeinchi. Matautano pon xua wano teranopa, xua ichan wano teranopatsi, bapon xuya wano teranopaeinchi’,

jei. <sup>39</sup> Ichitha nama icha coyeneya paca tsipaebatsi: Jopa xuya pebin pacaitacueinchinde poxonae paca caitacueinta, pon peaitabein. Matautano icha ichun paca jumata tsaquinopa pecobetha, moya equeicha icha jumata pana najumata caeware xua painya necajumata tsaquinopaenexa. <sup>40</sup> Icha ichun paca yabara yopichiya paeba pontha pon jiwi peyabara paebin xua penatsicuentsiwa xua painya nentoma amanayabixae bapon, bapoxonae bara pacare xua paca itoroba. Icha painya camisa pacata pita bara yawa muxuna pacare camisa po camisa peamatiyũ camisa, po camisa xua athawe peruyaewa. <sup>41</sup> Icha soldadomona paca itoroba xua jeye: 'Painta caponde pocotsiwa arewe xua saya cae kilómetro beya', jei, bara moya pacaponde pocotsiwa arewe xua equeicha icha cae kilómetrono pantaropatabare. <sup>42</sup> Daxita coyenexi pocotsiwa ichamonae paca wũca, moya bara pacaichabeibare. Pon paca nacowaeta painyawa moya bara patsicobe copabare. Jopa paasiwinde painyawan", jei Jesús.

*Meje yabara poxonae Jesús yabara cuiduba xua jiwi bewa antobe pomonaetha pomonae pia peaitafaetabi jiwichi*

*(Lc 6.27-28, 32-36)*

<sup>43</sup> Equeicha Jesús barai barapo pin bicheitomonae, pomonae pijimonaexae tatsi, jeye: "Matautano pajume taneme xua caena bayatha Moisés namchi, xua jeye: 'Paantobeinde pomonae painya jiwi. Matautano pacasebare pomonae painya nepaca caaitafaetabi jiwi', jei xua Moisés paeba. <sup>44</sup> Ichitha icha coyeneya paca tsipaebatsi: Paantobeinde pomonae bequein painya nepaca caaitafaetabi jiwi. Matautano Nacomtha patawũcare pomonae bequein abe pacata exana. <sup>45</sup> Icha paexanaename daxita barapo coyenexi bapoxonae yatsicaewa Nacom piamonae tatsi pam tsane. Bara paichim tsane icha be painya Axa ichi pon Nacom, pon peitabocotha peecaexae xua daxita jiwi antobetsi. Nacom xometo pentha taexana daxita jiwi pomonae pejuntũ coyene xanepanae jiwi nexa irũũ pomonae peajuntũcoyenebe jiwi nexa. Matautano Nacom ema taitorobicano daxita jiwi pomonae xaniwaicha pejuntũ coyene xeicae jiwi nexa irũũ pomonae peajuntũcoyenebe jiwi nexano. <sup>46</sup> Icha saya meisa paantobem pomonae painya nepaca antobexae, Nacom jopa paca cui yabara matomacae tsane. Tsipei irũũ barapo coyene exana pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa, bequein jiwi yabara nanta xeina xua bapomonae peajuntũcoyenebewi. Barapomonae antobe pomonae xua pia peantobewixaetsi. <sup>47</sup> Matautano icha saya meisa painyamonae pajacobame pomonae irũ pejume cowũntsiwi poxonae paca siwa pona, xuano xua jopa pajacobim ichamonae, pomonae jopa pejume cowũntsiwi, barapo coyene jopa xanepanaeyo. Tsipei pomonae Nacom jopa peyaputae jiwi, barapomonae irũ ba jacobia piamonae. Ichitha nama bewa toxeinchiya pananta xeinaem beyacaincha barapomonae poxonae nanta xeina. <sup>48</sup> Daxota paxam bewa bichocono xaniwaichiya beta painompaem. Matautano xua caewiyo jopa bewa paexanaem tsane xua peabe coyenewa. Barapocotsi jũta coyeneya paichim tsane icha painya Axa ichi pon Nacom, pon peitabocotha peecaexae xua bichocono xaniwaichiya beta popona. Matautano bapon caewiyo jopa exanaeyo peabe coyenewa", jei Jesús.

## 6

*Meje yabara poxonae Jesús jiwi yabara cuidubatsi xua jiwi xanepanaya peexanaewan*

<sup>1</sup> Equeicha Jesús barai barapo pin bicheitomonaе, pomonaе piji-monaexae tatsi, jeye: “Poxonaе paxam paexaname pocotsiwan xua ichamonaе tsita xanepanatsi xua Nacom paca itoroba, bapocotsiwan paexande xua Nacom painya nepaca cacuitaenexa. Saya meisa jopa paexanaeinde xua jiwi ꞥ painya nepaca cacuitaenexa xanepanaeya painya nepaca cayabara paebinexa. Icha bapocotsi coyeneya paexanaetsipame nexata painya Axa Nacom pon itabocotha peecaexae jopa paca catsitsipae pocotsiwa paca yabara cui coyene matomacaewa tsipei jopa paexanaetsipaem Nacom nexa.

<sup>2</sup> “Daxota poxonaе peacopeibiwi xoxi pacatsibeibame jopa ichamonaе patsipaebinde xua baxua painya neexanaexae. Jopa barapocotsi coyeneya bara paichinde icha be pomonaе pemuxuitorobiwi ichi, poxonaе itara mexeya pomonaе xanepanaya pepaebiwi. Tsipei barapocotsimonaе saya ichawa beya paeba xua pinae yawena nawita peacopeibi jiwitha. Barapomonaе matha jiwi wabeibatsi xua barapomonaе pejume taenexa tsainchi, bapoxonaе judiomonaе pia penacatutsi botha yawa namtontha baxua yabara paeba nawita xua pinae yawena nawita pomonaetha pomonaе peacopeibi jiwi. Barapomonaе baxua exana pia xua jiwi beta yabara nanta xeinaetsi, pia xua jeichi jiwi: Maisa barapomonaе betiya exana, xua pejeinexa jiwi. Ichitha xaniwaicha paca tsipaebatsi, barapomonaе xeina pia pecui yabara matomacaewatsi poxonaе jiwi baxua caunuta tsipei jopa moicha exanaeyo Nacom nexa.<sup>3-4</sup> Ichitha poxonaе paxam payawenename peacopeibiwi namicha moicha pacare barapomonaetha xua painya jiwimonaе jopa paca necacui taenexa. Matautano poxonaе Nacom painya Axa paca tane poxonaе namicha moicha paexaname baxua bapoxonaе bapon Nacom paca catsina pocotsiwa pia pecui yabara matomacaewa”, jei Jesús.

*Meje yabara poxonaе Jesús jiwi yabara cuidubatsi po coyene xua Nacom pewꞥcaewatsi*

*(Lc 11.2-4)*

<sup>5</sup> Equeicha Jesús barai barapo pin bicheitomonaе, pomonaе piji-monaexae tatsi, jeye: “Poxonaе Nacom pawꞥcame, jopa barapocotsi coyeneya paexanaeinde icha be pomonaе pemuxuitorobiwi ichi, pomonaе itara mexeya beta pepaebiwi. Barapomonaе saya ichichipa xua jiwi pecui taenexa poxonaе barapomonaе Nacom wꞥcatsi. Barapomonaе ichichipa umena pewꞥcaenexa Nacomtha judiomonaе pia penacatutsi bontha tatsi xua matautano barichino namtontha. Barapomonaе baxua exana xua pecui taenexatsi xua ichamonaе pecui taenexa. Bara xaniyei paca tsipaebatsi. Barapomonaе barompaya xeina pia pecui yabara matomatsiwatsi poxonaе jiwi yabara paeba xua barapomonaе pinae bara xanepanaeya exana. Nama bapoxonaе Nacom jopa catsiyo pia pematomatsiwa barapomonaetha tsipei barapomonaе jopa moicha exanaeyo Nacom nexa. <sup>6</sup> Ichitha poxonaе Nacom pawꞥcame, barompaya painya tutu beya paponde yawa bomꞥꞥꞥ tutu pacoibo xatababare. Bapoxonaе painya Axa Nacom baraxotiya patsipaebare. Painya Axa paca yanta compa yawa daxita paca cui tane pocotsiwa namicha paexaname. Bapoxonaе bapon Nacom paca

catsina pocotsiwa pia paca yabara cui matomacaewa, xua beta painya neexanaexae poxonae Nacom patsipaebame.

<sup>7</sup> “Poxonae Nacom patsipaebame, jopa equeicha matowa patsipaebinde po jumetha xua po jume jopa paca yawenaeyo. Jopa bara paichinde icha be pocotsimonaе ichi pomonaе jopa peyaputaewi Nacom. Barapomonaе nanta xeina xua bara Nacom jume tane pocotsiwa barapomonaе tsipaeba xua matowa pepaebixae. <sup>8</sup> Nexata jopa barapocotsi coyeneya bara paichinde icha be poxonae barapomonaе icha ichi. Tsipei painya Axa Nacom bara yaputane pocotsiwa painya nenantawenonaewam, xua beya poxonae pawncame Nacom. <sup>9</sup> Daxota Nacom patsipaebare, paichinde:

‘Pata Taxam, xam ponxaem peitabocotha athabeicha neecaein.

Barab<sub>u</sub> daxita jiwi cabar<sub>u</sub> cui itura jina nej<sub>unt</sub><sub>u</sub> coyene xanepanaeinxae.

<sup>10</sup> Barab<sub>u</sub> jopaena matabi, po matabitha poxonae xam jiwi itorobiya ewatsiname barapo cae pin nacuathe.

Barab<sub>u</sub> jiwi exanaena pocotsiwa jinya neichichipae coyenewa xua barapo cae pin nacuathe tsique.

Barab<sub>u</sub> jiwi exanaena icha peitabocotha ichi xua exana pocotsiwa jinya neichichipae coyenewa.

<sup>11</sup> Daxita matabin pexaewa pana catsibeibare xua po pexaewa daxita matabin pata canantawenonaewa tsaibi tsane.

<sup>12</sup> Pana neyabara cui cana j<sub>unt</sub>emainare xua abe pata catsita exanaewatsi.

Bapoxonae pana neyabara cui cana exaname xua jopa equeicha pata catsita natsicuentisiwatsi xua abe pata catsita exanaexaetsi.

Baraxua painta exande icha paichin ichamonaetha.

Tsipei paxan copiya payabara cui cana exanan xua ichamonaе jopa pana netsita natsicuentisiyo xua abe pata tanetsita exanaexae.

<sup>13</sup> Jopa pana copatsinde xua abe pata exanaewa tsane poxonae jiwi pana nej<sub>unt</sub><sub>u</sub> coyene j<sub>uj</sub><sub>u</sub>ta, xua abe pata exanaewa tsane.

Ichitha pana necapanenebiya exande barapo abe peexanae coyene weya’, pajande poxonae Nacomtha patsipaebame”, jei Jesús.

<sup>14</sup> Equeicha Jesús barai barapo pin bicheitomonaе, pomonaе piji-monaexae tatsi, jeye: “Tsipei icha paxam pacui yabara j<sub>unt</sub>emainame pocotsiwa ichamonaе pacata abe exana, nexata xuya painya Axa Nacom pon peitabocotha peecaexae, xuya paca cui yabara j<sub>unt</sub>emainana pocotsiwa abe paexaname. <sup>15</sup> Ichitha icha paxam jopa pacui yabara j<sub>unt</sub>mainaem pocotsiwa ichamonaе abe pacata exana, nexata xuya painya Axa Nacom jopa paca cui yabara j<sub>unt</sub>mainaе tsane pocotsiwa abe paexaname”, jei Jesús barapo pin bicheitomonaetha pomonaе piji-monaexae tatsi.

*Meje yabara poxonae Jesús yabara cuiduba po coyene peyabara nainbotsi cui coyenewa*

<sup>16</sup> Equeicha Jesús barai barapo pin bicheitomonaе pomonaе pijimonaexae tatsi, jeye: “Poxonaе paxam payabara nainbotame xua Nacom beta painya newucaenexa tsane, jopa bara j̄nta ichiya coyeneya paexanaeinde icha be pomonaе ichi pomonaе itara mexeya betiya peexanaewi daichitha abe exana. Barapomonaе piyain itabara aenaenaca xua poxonaе bequein peyabara nainbotsiwatha Nacom. Barapomonaе jopa nanta cachetsiyo yawa jopa naitabara quiatsiyo. Barapomonaе ichipa xua ichamonaе yaputane xua barapomonaе cou bara nainbota. Bara xainyeya paca tsipaebatsi xua barapomonaе bayatha xeina barompaya pia peyabara cui matomacaewatsi xua poxonaе jiwi yabara w̄nae jainta xua barapomonaе cou bara nainbota. <sup>17</sup> Ichitha paxam poxonaе payabara nainbotame, xua Nacom betiya painya newucaenexa tsane, pana naitabara iquicare yawa beta pananta caichere. <sup>18</sup> Bapoxonaе jiwi jopa paca cui yaputae tsane xua paxam bara cou payabara nainbotame. Namicha painya netsita exanaexae Nacom barapo coyene. Meisa saya painya Axa Nacom paca cui yaputane, tsipei daxita yaputane pocotsiwa namicha paexaname. Bapon paca catsina pocotsiwa pia paca yabara cui matomacaewa”, jei Jesús.

*Meje yabara poxonae Jesús yabara cuiduba xua pocotsiwa Nacom jiwi pej̄ntana jebiwatsi pia nacuatheicha*

*(Lc 12.33-34)*

<sup>19</sup> Equeicha Jesús barai barapo pin bicheitomonaе, pomonaе pijimonaexae tatsi, jeye: “Barapo cae pin nacuathe copei jopa pacaetubinde xua painya nexainaewa tsane nawita barapo cae pin nacuathe. Tsipei bocobocowaton abe exanaena poxonaе xane pocotsiwan xua paxeiname. Ichacuitha abe exanaena poxonaе painyawan axumainbatsi. Ichacuitha painyawan pocotsiwa paxeiname baxuan pomonaе pecaibiwi paca caibina. <sup>20</sup> Ichitha jame paexande barapo pej̄ntu coyene xanepanaewa po pej̄ntu coyene xanepanaewa Nacom ichichipa. Bapoxonaе Nacom paca catsibina pocotsiwa painya nepaca j̄ntana jebiwata pia nacuatheicha. Baraxoteicha hapocotsiwa bocobocowaton jopa xaeyo. Yawa jopa axumainbichi. Matautano pomonaе pecaibiwi jopa paca caibiyo baxuan xuan Nacom paca necayabara cui matomacaewan. <sup>21</sup> Ichaxota ba pajebame xua painya neichichipaewan baxota ba payabara nanta xeiname nawita”, jei Jesús pijimonaetha.

*Meje yabara poxonae Jesús yabara cuiduba jiwi po coyene xanepanaeya peexanaewa pej̄ntu coyene wetsina*

*(Lc 11.34-36)*

<sup>22</sup> Equeicha Jesús barai barapo pin bicheitomonaе, pomonaе pijimonaexae tatsi, jeye: “Pecoicha ba yonoyonei merawi painya nepaca cayawenaenexa xua beta painya netaewa tsane quireitha. Barichi painya itamaiqueiton paca yawena xua beta painya netaewa tsane. Icha painya itamaiqueiton w̄nae, bara beta pataneme. <sup>23</sup> Ichitha icha painya itamaiqueiton abe, jopa beta pataetsipaem. Barichiru painya j̄ntu coyenewan xua painya nenanta xeinaewan. Icha painya j̄ntu coyenewan xanepanaetsipa bara beta Nacom payabara naj̄ntu coyene xeinaetsipame. Ichitha icha painya j̄ntu coyenewan jopa xanepanaetsipae jopa beta Nacom payabara naj̄ntu coyene xeinaetsipaem. Painya

jun̄tũ coyewewan paca cana exanaetsipa xua bichocono abe paexanaetsipame”, jei Jesús.

*Meje yabara poxonae Jesús yabara cuiduba jiwi, xua pon nantaũta ainya pia pecanamataxeinaeinchibe tatsi*

(Lc 16.13)

<sup>24</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Jiton dapon aibi pon xeina ainya pia pecanamataxeinaeinchibe tatsi xua pon beta tanacuita barapo pia ainya pecanamataxeinaeinchibe tatsi. Tsipei barapo petanacuichin meisa antobeya taexana caeintha pon pia pecanamataxeinaeinchi poxonae itorobatsi. Icha pia pecanamataxeinaeinchi jopa taraichiyo. Cae pia pecanamataxeinaeinchi xanepanaeya taexana. Icha pia pecanamataxeinaeinchi abeya taexana. Barichi jiton pon bichocono antobe Nacom jopa itacũpaetsi xua bichocono peantobewa paratixi poxonae yawa bichocono antobetsi Nacom”, jei Jesús barapo pin bicheitomonaetha, pomonae pijimonaexae tatsi.

*Meje yabara poxonae Jesús yabara cuiduba po coyene xua Nacom eena pijimonae*

(Lc 12.22-31)

<sup>25</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Paca tsipaebatsi, jopa bichocono payabara najun̄tũ coyene exabinde pexaewa xua painya neuna jinompaewa tsane yawano xua painya neapaewanno tsane. Barichi jopa bichocono payabara najun̄tũ coyene exabinde papabũũ xua painya pepon nexa. Po coyene xua asũ pejinompaewa xua Nacom naca cata jame baxua ainya cui, beyacaincha pexaewa xua peuna jinompaewa. Pepon ainya cui irũ, beyacaincha papabũũ xua pepon nexa. <sup>26</sup> Pataema peyapupunaewi. Barapoxi jopa ũbiyo pabitha. Yawa xua penawetsiwa jopa notsiyo. Yawa jopa xeinaeyo botũxũn xua pejebinexa pexaewan. Ichitha Nacom apata peyapupunaewi pexaewa. ¡Paxam nama bichocono Nacom patsita ainya cuim, beyacaincha peyapupunaewi xua Nacom tsita ainya cuichi, po Nacom painya Axa pon itabocotha eca! <sup>27</sup> Dapon aibi pon paxam jiwana pon itacũpatsi xua xeinaena icha matacabi xua po matacabitha pepoponaewa tsane poxonae tũpaena. Bequein bapon bichocono nayabara najun̄tũ exaba baxua, ichitha jopa itacũpaetsi xua xeinaena caentacabi equeicha.

<sup>28</sup> “Paxam bichocono payabara najun̄tũ exabame papabũũ. Jame pacayabara nanta xeinare pentonon, po pentonon wexotha xuwa, xua matono itũpana. Pentonon jopa nacuichiyo yawa jopa natsiexanaeyo papabũũ penama xatabinexa. <sup>29</sup> Ichitha paca tsipaebatsi xua pentonon matono itũpana bichocono beyacaincha pocotsi paparuwa Salomón nama xatata xua pexeinya paparuwa. Bapon Salomón pon caena bayatha judiomonae itorobiya pia pepa peewatsinchi pon bayatha tũpa. <sup>30</sup> Pentonon po matonon wexotha anoxuae xuwa, Nacom cana exana xua matono itũpana. Ichitha pebiwi baya matono tautsina ichaxota pocotsiwatha pan seba, tsipei saya pentono. Nacom cana exana xua pentonon bichocono wũnae bara bequein saya pentonon. Barichi Nacom itacũpatsi xua beta paca neca-eenaewa xua beta painya nejinompaenexa. Mataũtano Nacom paca catsina paparuwan. ¡Maisa pebiwi pam tsobenae, be conotha pajume cowantame

Nacom! <sup>31</sup> Jopa paunthuthu deideijeya jinompaeinde xua ichawa painya neyabara nanta xeinaexae. Jopa pajan tsaibinde: ‘¿Eta xua xaeinchi jane? ¿Eta xua apaeinchi jane? ¿Eta xua nama xatabinchi jane?’ jopa pajan tsaibinde. <sup>32</sup> Tsipei barapo cae pin nacuathe jiwí saya u baxua pecayabara najuntu coyene exabi pocotsiwa nantawenona. Ichitha nama paxam painya Axa Nacom panantaatame. Barapon Nacom pon peitabocopin, pon yaputane daxita pocotsiwa xua xoxi panantawenoname. <sup>33</sup> Saya meisa jame bichocono copiya payabara nanta xeinare xua painya neexanaewa xua pocotsiwa Nacom ichichipa pon jiwí itorobiya pia pepa peewatsinchi. Mataatano jame bichocono payabara nanta xeinare painya nexeinaenexa pejuntu coyene xanepanaewa Nacomtha. Icha paexanaename barapo coyenewan nexata bapoxonae Nacom paca catsibina xua daxita pocotsiwa panantawenoname. <sup>34</sup> Jopa payabara muxuna najuntu exabinde anoxuae pocotsiwa baya tsane pocotsiwa painya neexanaewa tsane, tsipei barapo matakabi nama xeina pocotsiwa bichocono pacata ayapube. Daxita matakabi tsoponeibi pocotsiwa xua pacata ayapube xua pocotsiwa painya neexanaewan”, jei Jesús.

## 7

*Meje yabara poxonae Jesús cuiduba xua jiwí jopa bewa yabara paebi xua ichamonae penatsicuentisiwa*

*(Lc 6.37-38, 41-42)*

<sup>1</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Jopa ichamonae payabara paebinde xua penatsicuentisiwa xua abe peexanaexae. Nexata bapoxonae Nacom jopa paca yabara paebi tsane painya nenatsicuentisiwa xua abe painya neexanaexae. <sup>2</sup> Nacom pia coya paca yabara paebina xua painya nenatsicuentisiwa xua abe painya neexanaewa icha po coyeneya paichim poxonae ichamonae payabara paebame xua penatsicuentisiwa xua abe peexanaexae. Icha daunweya payabara paebiname xua penatsicuentisiwa ichamonae xua abe peexanaexae, Nacom barichi daunweya paca yabara paebina xua painya nenatsicuentisiwa xua abe painya neexanaexae”, jei Jesús. <sup>3</sup> Equeicha Jesús paeba caeintha pomonae pijimona jiwana pecayabara jata pepaebi diwesiyo jeye: “Xam ba jinya jiton itata taneme poxonae itata jopiyatsi naepatiyo, ichitha jopa taem xua iruru xam nama pin naepato neitamaiqueitha ducua. Barapocotsi jata coyeneya ichi, xam ba jinya jiton cui taneme xua poxonae abe exana, ichitha jopa nayaputaem xua iruru xam baraichim nama bichocono abe exaname. <sup>4</sup> Icha jopa taem pin naepato xua neitamaiqueitha ducua jopa caitacupaeyo xua nejeiwa jinya jitontha: ‘Tajiton, cata jutinchi naepatiyo xua ducua neitamaiqueitha’, xua nejeiwa. <sup>5</sup> Xam nepaebim xua ichan exana xua baxua neexanaewatha iru. Xam copiya nata jure barapo pin naepato xua neitamaiqueitha ducua. Bapoxonae beta taename nejutsinexa tsane naepatiyo xua jinya jiton peitamaiqueitha tarucuatsi.

<sup>6</sup> “Jopa patsipaebinde Nacom Pejume Diwesi pomonae anaya paca aeba, xuano anaya aeba Nacom Pejume Diwesi pomonae jopa pejume cowantsiwi Nacom. Tsipei barapomonae peajuntacoyenebe jiwí bichocono. Barapomonae bara abe exana be barapocotsi jata coyeneya ichiya exana icha be auri ichi xua poxonae anaepanaya nawano webaba

poocotsiwa pacatame. Matautano barapomonae bara abe exana be barapocotsi juta coyeneya ichiya exana icha be marrano ichi, xua poxonae petaxutha taxunaunaba xua irainyaba po pexaewa paapatame”, jei Jesús.

*Meje yabara poxonae Jesús yabara paeba xua jiwi bewa matowa wuqueibi Nacomtha*

*(Lc 11.9-13; 6.31)*

<sup>7</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Matowa Nacom pawucare, bapoxonae paca catsibina pocotsiwa xua pawucame. Baraxua matowa paexande icha paichim poxonae matowa pajeiteibame beya poxonae pataebame yawa icha paichim poxonae matowa pawawam bomuxutha beya poxonae ichun paca jume nota. <sup>8</sup> Tsipei pon matowa wuca ichun bara catatsi. Tsipei pon matowa necoba, bara taeba. Tsipei pon bomuxu pecoibototha matowa wawai, bara tacoibo sarana xorenatsi, matauta jume notatsino.

<sup>9</sup> “Paxam pomonae pexui paxeiname paca muxuwetatsi. Poxonae painya pexui paca wuca pan, ¿pacatsipame iboto? ¡Jume! <sup>10</sup> Ichacuitha tsipae, poxonae painya pexui paca wuca duwei, ¿pacatsipame jomo wito? ¡Jume! Jopa baxua paraichim tsane. <sup>11</sup> Bara bequein peajuntucoyenebe jiwi pam, ichitha paxam payaputaneme xua xanepanaeya painya pexui pacatsibeibame. Ichitha nama Nacom painya Axa pon itabocotha pecaein bichocono jopa juniya paca catsiyo pejuntu coyene xanepanaewan poxonae pawucame beyacaincha poxonae painya pexui pacatsibeibame poxonae paca wuqueiba.

<sup>12</sup> “Paexande ichamonaetha xua po coyene painya neichichipaewa xua barapomonae beta painya nepacata exanaewa tsane. Tsipei barapo coyenewa bayatha Moisés pia peitorobi coyenewatha paca itoroba, matautano Nacom pia peitorobi jume pepaebiwu bayatha paca cui itoroba”, jei Jesús.

*Meje yabara poxonae Jesús yabara cuiduba po boupayo tsica boupayo dena*

*(Lc 13.24)*

<sup>13-14</sup> Nexata equeicha Jesús barai barapo pin bicheitomonae, pomonae pijimonaexae tatsi, jeye: “Poxonae jiwi pona tomara beya, pomonae itapeta pin namto iya pona, barapo jiwi pinmonae, tsipei barapo tomara namto boupa iya xua jopa ayapubeyo. Pomonae nama itapeta, po namto tsica namtiyo iya pona, barapo jiwi tsiquimonaeyo tsipei barapo tsica boupayo ayapube iya. Barichi poxonae jiwi patsina Nacom pia nacua beicha saya tsiquimonaeyo patsina tsipei ichamonaeya jopa tsita juntu cui coyene xanepanaetsi xua xanepanaeya pejinompaewa Nacomtha. Daxota pomonae Satanás pia nacua beya patsina pinmonae tsane tsipei jopa taayapubetsi xua barapo Satanás pia juntu coyeneyatha tatsi jinompa. Nama itapeta pacananta xeinaeya jinompare Nacom pia juntu coyenewa tatsi xua icha jiwi ichi poxonae seicaya iruru barompaya pona tomara tsica namtiyo boupayo iya”, jei Jesús.

*Meje yabara poxonae Jesús yabara cuiduba xua jiwi yaputane nae, penacoichixae*

*(Lc 6.43-44)*



<sup>15</sup> Equeicha Jesús barai barapo pin bicheitomonaē, pomonaē pijimon-aexae tatsi, jeye: “Dota pam, dota pomonaē penaerabiwi, pomonaē xua jeye: ‘Paxan papaēban Nacom nexa’, jei. Barapomonaē painya xainya beya pata itara mexeya jopa jũntũ coyene anaēpanaeyo icha be ichi pomonaē xua Nacom pejume jejei jiwichi xua peexanaewa pocotsiwa Nacom itoroba xua mataũtano icha be ovejamonaē ichi xua pia cui coyene xeina xua jopa anaēpanaeyo. Daichitha barapomonaē bichocono antũcuicoyenyapube xua anaēpana, icha be neũthũ ichi poxonaē bichocono anaēpana. <sup>16</sup> Ichitha paxam pacayabara ita coxoname barapomonaē poxonaē pataneme pocotsiwa barapomonaē exana, icha be jiwi ichi xua poxonaē yaputane naē, po naē penacoichixae. Mataũtano jiwi jopa yaputaeyo xua bapana jiwi jopa teracae uva cuei po naetha sojei, tsipei apara uva cuei xuwa unbototha po unbo jopa e dubenaeyo. Mataũtano jiwi jopa bapana teracae higo thei naexitha, tsipei apara higo thei xuwa higo naetha. <sup>17</sup> Tsipei daxita naein, po naein pexeinya naein bara nacoita po pethei pexeinya thei. Mataũtano daxita naein, po naein camatsa naein bara nacoita po pethei camatsa thei. <sup>18</sup> Po naē pexeinya naē jopa bapana nacoichi po pethei camatsa thei. Barichi po naē camatsa naē jopa bapana nacoichi po pethei pexeinya thei. <sup>19</sup> Daxita naein, po naein jopa nacoichiyo po pethei pexeinya thei, jiwi barapo naein uncata. Bapoxonaē jiwi barapo naein tauta isototha. <sup>20</sup> Icha naein cana ichichi xua poxonaē jopa penacoichiyo xaera, bara cana ichi tsainchi jiwi xua poxoru xanēpanaeya jopa peexanaē xaera tsane. Icha ichi xua payaputaneme naein poxonaē pia pethei pataneme, barichi jiwi pantũ cui coyene yaputaneme poxonaē pataneme pocotsiwa barapomonaē exana”, jei Jesús.

*Meje yabara poxonaē Jesús pinaē paēba xua pinaē daxita jiwi jopa patsi tsane Nacom pia peitorobi nacua beicha*  
(Lc 13.25-27)

<sup>21</sup> Equeicha Jesús barai barapo pin bicheitomonaē, pomonaē pijimonaexae tatsi, jeye: “Pinmonaē jiwi neyabara caunutsiya jei tsane: ‘Tanecanamataxeinaem’, jei tsane. Daichitha barapomonaē jiwana tsicamonaeyo patsina Nacom pia peitorobi nacua beicha. Saya meisa patsina pomonaē exana xua pocotsiwa Taxa ichichipa. Barapomonaē patsina ichaxota Taxa po nacuatheicha ewatsiya itorobeibeca. <sup>22</sup> Poxonaē barapo matacabi jopaena, po matacabitha poxonaē Nacom yabara paēbina xua jiwi penatsicuenta siwa pinmonaē jiwi pijunuwi neyabara caunutsiya jei tsane: ‘Pata Tanecanamataxeinaem, paxan pacueicueijan nejume diwesi xam nexa. Mataũtano cauri paitawetan newuntha. Mataũtano jinya newuntha papaēban poxonaē pexeinya pet-sita itũtsi coyenewa paexanan’, nejei tsane. <sup>23</sup> Daichitha barapomonaē jume notsin. Jan tsane: ‘Bũ canta bapana jopa paca yaitaetsi. ¡Taxainya weya pana natsixibarũcũpare pomonaē abe painya neexanaē jiwi pamx-aem!’ jan tsane”, jei Jesús.

*Meje yabara poxonaē Jesús ainya bomũxũbe yabara paēba*  
(Mr 1.22; Lc 6.47-49)

<sup>24</sup> Equeicha Jesús barai barapo pin bicheitomonaē, pomonaē pijimon-aexae tatsi, jeye: “Pon nejume naitomata pocotsiwa paēban mataũtano exanano pocotsiwa ichichipan barapon beta popona Nacom nexa. Bara

barapon barapocotsi j̄uta coyeneya nacana exana icha be pocotsin peyaputaein ichi, pon bo acabanota peira matatsucaewatha xua ichaxota ira daunwei. Meje jeye: Copiya m̄ath̄n̄n̄ taj̄n̄ exanareca pecuaranobinexa bom̄x̄n̄ naeton. <sup>25</sup> Poxonae ema duneica yawa mene matacaewaxuba yawa joibo bom̄x̄n̄ daunweya capubabanota, barapo bom̄x̄n̄ jopa joparenaeyo, poxoru naeton taj̄n̄ umenareca xuano poxoru barapo bom̄x̄n̄ peira matatsucaewatha uncua ichaxota ira daunwei. <sup>26</sup> Ichitha nama pon nejume taetha xuano jopa exanaeyo pocotsiwa ichichipan jopa beta poponaeyo Nacom nexa. Bara barapon barapocotsi j̄uta coyeneya nacana exana icha be pocotsin amameibatsi ichi. Bapon be meje: Bapon be pocotsin bo acabanota ichaxota ira matafatsana xuano naeton jopa taj̄n̄ umenarecaeyo poxoru taetowa. Baraxota mene pateiba poxonae aw̄bo tsaibi. <sup>27</sup> Poxonae ema duneica, yawa mene matacaewaxuba, yawa pin joibo capubabanota barapo bo, bapoxonae barapo bom̄x̄n̄ joparena poxoru naeton jopa taj̄n̄ umenarecaeyo xuano poxoru bom̄x̄n̄ uncua ichaxota ira matafatsana. ¡Maisa bom̄x̄n̄ bichocono abe!” jei Jesús barapo pin bicheitomonaetha, pomonae pijimonaexae tatsi.

<sup>28</sup> Poxonae Jesús barapo diwesin najume weta, pomonae Jesús jume tainchi, barapomonae yabara naj̄n̄n̄n̄ coyene cabenaeca xua Jesús pia pecuidubiwan tatsi. <sup>29</sup> Tsipei Jesús ba cuiduba be peyaputaein pia peayapus̄n̄ itorobi coyeneya tatsi. Jesús jopa cuidubiyo be judiomonae pia pecuidubiwi pia picoyeneya tatsi.

## 8

*Meje yabara poxonae Jesús axaibi exana pon peper̄n̄ sawinchi*  
(Mr 1.40-45; Lc 5.12-16)

<sup>1</sup> Poxonae Jesús peitapatororo wejuinca, pin bicheitomonae Jesús puna poinchi. <sup>2</sup> Jesús imoxoyo caquita poinchi pebin, pon peper̄n̄ sawinchi. Bapon pentabocototha uncua Jesús peitabaratha tatsi xua Jesús pebar̄n̄ cui itura jinaexaetsi. Bapon namchi Jesús beya, jeye:

—Pon Necanamataxeinaem jiwi, icha bara ichichipame bara caitac̄pa xua axaibi tana neexanaewam, tsipei jinya neayapus̄n̄ itorobi coyenewa nexeiinaem, jei bapon.

<sup>3</sup> Nexata Jesús nacobe yota yawa mata jayaba barapo pebin. Jesús barai, jeye:

—Bara ichichipan. ¡Bara axaibinde! ¡Bara caaper̄n̄xaibi exanatsi! jei Jesús.

Bapoxonae bapon nainya taaichurucuaetsi xua peper̄n̄ sawiwatsi.

<sup>4</sup> Nexata Jesús barai peper̄n̄ sawinchi:

—Taema, jopa yabara tsipaebinde ichamonaetha xua neaxaibiwan. Saya jame meisa ponde sacerdotemonaepintha xua nenaitatsinexa xua bapon necataenexa xua bayatha nejumewa. Bapontha care pocotsiwa xua pecatsiwa Nacomtha, pocotsiwa xua bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi cayaputaena xua tsita ita peinya xeinatsi xua xam bara jumem yawa xua per̄n̄ w̄naem, jei Jesús.

*Meje yabara poxonae Jesús axaibi exana pon soldadomonae romanomonae pia pentacaponaein tatsi tanacuitatsi*  
(Lc 7.1-10)

<sup>5</sup> Poxonae Jesús joniya Capernaum tomaratha, bapoxonae pebin Jesús imoxoyo caquita poinchi. Bapon romanomonae soldadomonae pia pentacaponaein tatsi. Bapon nantaata pon tanacuiteibatsi pia botha. <sup>6</sup> Barapo pentacaponaein Jesús jume daunweya baraichi, jeye:

—Tanecanamataxeinaem, pon inta nacuiteiba camatha boca tabotha. Bapon mabatsi yawa bichocono atene, jei barapo pentacaponaein.

<sup>7</sup> Jesús namchi:

—Bara beya tha ponaetsi taaxaibi exanaenexa bapon, jei Jesús.

<sup>8</sup> Barapo soldadomonae pia pentacaponaein tatsi jume nota:

—Tanecanamataxeinaem, xan saya tacui pawin. Auran xua xam nepatopaewa tsane tabotha tsipei xam ainya cuim. Icha saya paebiname xua bapon pia peatenewatha tatsi, bapoxonae bara axaibi tsane pon inta nacuiteiba. <sup>9</sup> Xan barichi xeinan tananecanamataxeinaein pon neitoroba. Barichiru xeinan soldadomonae pomonae itorobeiban. Poxonae ichan itoroban: ‘ponde’, jan, bara bapon pona. Poxonae ichan waban: ‘antha’, jan, bara bapon patopa. Pon inta nacuita itoroban: ‘inta exande’, jan. Bara inta exana, jei barapon pon pentacaponaein.

<sup>10</sup> Poxonae Jesús baxua jume taeba, jume cui yabara cananthuthu nanta xeinanaya cabenaeca, beta pepaebixae romanomonae soldadomonae pia pentacaponaein tatsi. Jesús necotaba pomonae puna poinchi, barai, jeye:

—Xaniyeya paca tsipaebatsi, Israel nacuatha iru dapocotsin jopa caxinaeinyo pocotsin icha pon iche pon tana necui yabara jume cowantsin xua bara neitacupa xua axaibi taexanaewa jiwi. <sup>11</sup> Paca tsipaebatsi, pinmonae patsina Nacom pia peitorobi nacuatha penabanaenexa tsane. Ichamonae pomonae ichaxota xometo ecoina, barapomonaepiwi patsinano. Ichamonae pomonae ichaxota xometo jopeica, barapomonaepiwi patsinano. Daxita carepaya barapomona Abraham baru equiyaena, iru Isaac baru equiyaena iru Jacob baru equiyaena. Daxita carepaya barapo nacuanmonaepiwi baru nabanaeinchi peitaboco beicha. Abraham, baru nabanaena barapomona ichaxoteicha Nacom itorobiya ewateiba jiwi. <sup>12</sup> Ichamonae nanta xeina xua bepa pinae patsina Nacom pia peitorobi nacua beicha tatsi, bara bequein jopa xanepanaeya peexanaewi. Daxota barapomonaebai tsainchi ichawatha waxainya weya ichaxota pequireiwatha. Baraxota barapomonaebichocono wecoyeyi tsane yawa nantanuweya nantu jayabina, jei Jesús.

<sup>13</sup> Nexata Jesús barai pentacaponaein, jeye:

—Ponde jinya bo beya. Bara cata exanatsi tanecui yabara jume cowantsimxae xua bara taneitacupaewa xua tacata exanaewatsi, jei Jesús.

Bapoxonae barapo pentacaponaein pia petanacuichin tatsi bara caena taaxaibi exanatsi.

*Meje yabara poxonae Jesús axaibi exana Pedro pamiyo tatsi  
(Mr 1.29-31; Lc 4.38-39)*

<sup>14</sup> Jesús joniya Simón Pedro pia botha tatsi. Baraxota Jesús tane Pedro pamiyo tatsi xua camatha boca yawa xua domaebatsi. <sup>15</sup> Jesús cobe pita, barapowa cobe pitatsi. Domae taaichurucuaetsi bapowa. Nainya barapowa nanta cotaxuba. Bapoxonae bapowa pexaewa apata barapomonaetha.

*Meje yabara poxonae Jesús axaibi exana pin bicheitomonae*

*(Mr 1.32-34; Lc 4.40-41)*

<sup>16</sup>Poxonae tabopiya tsanaicha, ichamonae pomonae cauri xeina barapomonae Jesús becarendanatsi. Jesús pia jumetha itaweta caurimonae. Barichi Jesús axaibi exana daxita pomonae peatenewi. <sup>17</sup>Poxonae Jesús barapo coyenein exana, bara nayabara jume cui weta exana caena bayatha Isaías peyabara cui tsiwunaeya paebixae. Bapon Isaías Nacom peitorobi jume pepaebin. Bapon jeye Cristo yabara: “Bapon naca wenota wajantá coyene bojeiwa. Matautano bapon naca wenota waatene coyenewan”, jei Isaías pejume diwesitha.

*Meje yabara poxonae Jesús yabara paeba pomonae ichichipa xua pepuna ponaewatsi*

*(Lc 9.57-62)*

<sup>18</sup>Poxonae Jesús tane xua pin bicheitomonae nacaetuta bapontha, bapoxonae bapon pijimonae itoroba xua icha muxunene beya peponaenexa tsane xua pucua epatauta iya. <sup>19</sup>Poxonae cataunxuae Jesusbará jopa torobabiyaeyo xua icha muxunene beya nexa, bapoxonae Jesús imoxoyo caquita uncuatabatsi pon jiwi pecuidubin Moisés pia peitorobi coyene. Jesús baraichi:

—Pon jiwi Necuidubim, capuna ponaeinchi daxita jupaeyantha xua ichaxotan neponaewa tsane, jei.

<sup>20</sup>Jesús jume nota:

—Namomonae ba pia mathun xeina ichaxota pemaitathopeibiwa. Iru peyapupunaewi ba coton xeina, ichaxota peyamaitathopeibiwa. Ichitha nama xan ponxaein Nacom Tananeitapetsin nama jopa daichinyo. Nama jopa xeinaeyo bo xua tabo xua xota nafinacaecan, jei Jesús.

<sup>21</sup>Bapoxonae ichun pon iru Jesús pijimonae jiwana bapon Jesustha namchi, jeye:

—Tanecanamataxeinaem, bara nepu copare tha taxa matha mathatha xubichi copiya xua bapoxonae tacapuna ponaewatsi tsainchi, jei.

<sup>22</sup>Jesús jume nota:

—Maisa jame nepuna ponde. Bara copare xua petupaewi bara mathucaeinchi, pomonae be pewerapaewi, jopa be tana nejume cowantsiwixae, barapomonae mathucaena, jei Jesús.

*Meje yabara poxonae Jesús xainya ducuanaya exana joibo yawa marat-sacano xainya mene ducuanaya exanano*

*(Mr 4.35-41; Lc 8.22-25)*

<sup>23</sup>Nexata Jesús jeratha nontabiya. Jesús pijimonae bará pona jeratha. <sup>24</sup>Bapoxonae jemeicha pin joibo naetaba mentha. Maratsacan jeratha mene othopa muxu pebunarecae. Daichitha Jesús maituncua.

<sup>25</sup>Bapoxonae Jesús pijimonae yaabaxotsi, jeichichi Jesús:

—¡Pata Necanamataxeinaem, pana capanepare! ¡Yanabunarecatsi! jei Jesús pijimonae tatsi.

<sup>26</sup>Jesús jume nota:

—¿Eta pocotsiwa metha bichocono pajunuwame? ¿Cataunxuae jopa pana neyabara jume cowantsim xua bara tana neitacupaewa xua tapaca yawanaewatsi? jei Jesús.

Nexata Jesús asiya uncua. Bapoxonae Jesús itawetaxuba joibo, marat-sacano. Daxita caewanaya joibo yawa marat-sacano. <sup>27</sup>Bapoxonae

barapo pebiwi yabara najıntu coyene cabenaecaꝛꝛꝛa xua pocotsiwa Jesús peexanaexae. Barapomonaе najei:

—¿Metha jintamda baponda? ¡Jamaisa bapon itawetaxuba joibo yawa maratsacan xua daxita xainya dubenanaya! najei barapomonaе.

*Meje yabara poxonae pebinbe ponbe caurimonaе pexeinaeinbe, ponbe Gadara nacuapinbe*

(Mr 5.1-20; Lc 8.26-39)

<sup>28</sup> Poxonae Jesús patopa pucua icha muxunene beya xua po nacuatha Gadara nacua, bapoxonae pebinbe Jesús imoxoyo caquita uncuatabıtsibe. Baponbe ibo wountha poponeibabe. Caena bayatha baponbe xeinabe caurimonaе. Barapo caurimonaе baponbe anaepana cana exanatsibe daxota daxita jiwi junuwa xua peponaewa barapo namtotha ichaxota baponbe poponabe. <sup>29</sup> Bapoxonae jemeicha caurimonaе baponbe wawai exanatsibe, jeibe:

—Nacom Pexantom tatsim, ¿eta pocotsiwa metha patopame pata xantha? ¿Patopame jinya painya neperaxa exanaetsibe pewınaeya xua po matabitha xua poxonae Nacom atene pana exanaena xua abe pata exanaexae? jei baponbe xua caurimonaе wawaya exana.

<sup>30</sup> Tsiwiyo tajıyo beya pin marrano duweimonaе xayompa.

<sup>31</sup> Caurimonaе Jesús jeichi:

—Icha pana itawetame, moya pana nepu copabare marrano duweimonaetha, jei caurimonaе.

<sup>32</sup> Nexata Jesús jume nota caurimonaetha, jeye:

—Moya pataema, jei.

Nexata caurimonaе pebinbe wepu ponatsibe, yawa marrano duweimonaetha pata. Barapo marrano duweimonaе ꝛꝛꝛa, pin pitapatororo othopareca. Pucuatha bunothopa. Caurimonaе cabunothopatsı.

<sup>33</sup> Pomonaе yapu eena barapo marrano duweimonaе, junuwiya cuinaenouta peyabara paebinexa tomarapiwıtha. Barapomonaе yabara paeba daxita pocotsiwa Jesús cana exana marrano duweimonaetha yawano pocotsiwa Jesús cana exana ponbetha ponbe xua cauri pexeinaeinbe. <sup>34</sup> Bapoxonae daxita tomarapiwi pona ichaxota Jesús eca. Poxonae Jesús tainchi, barapomonaе Jesús jeichichi: “Maisa bewa warapaename Gadara nacua weya, po nacua pata nacua weya”, jei daxita barapomonaе.

## 9

*Meje yabara poxonae Jesús axaibi exana pon pecuenobinchi*

(Mr 2.1-12; Lc 5.17-26)

<sup>1</sup> Nexata Jesús jeratha nontabiya. Jeratha pona icha muxunene beya xua pucua epataıta iya. Jesús pia tomara beya patopa, barapo tomara icha muxunenetha eca. <sup>2</sup> Baraxota pebiwi pata. Barapo pebiwi Jesús tacarendenatsi pon pecuenobinchi. Xua xota pocotsiwatha pemaiteibiwa, barapomonaе barapocotsiwatha pecuenobinchi carendenatsi. Poxonae Jesús tane xua barapomonaе yabara jume cowınta xua bara Jesús peitacıpaewatsi xua axaibi peexanaewatsi pon pecuenobinchi, bapoxonae Jesús barai pecuenobinchi:

—Tajiton, najıntu coyene tsacatabare. Cacui yabara jıntemainaya jıntu puxana exanatsiba jinya abe neexanae cuiru coyenein, jei Jesús.

<sup>3</sup> Bapoxonae pomonae jiwi pecuidubiwi Moisés pia peitorobi coyenewa tatsi, barapomonae daxita carepaya pia coutha nanta xeina. Najei: “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara jantemainaya jantũ puxana exanatsi abe pia peexanae cuiru coyenein tatsi”, najei barapomonae. <sup>4</sup>Daichitha Jesús yaputane xua barapomonae pijantũ coyeneintha natsipaeba. Jesús barai barapomonae, jeye:

—¿Eta xua metha baxua abeya pana neyabara cananta xeiname? <sup>5</sup>¿Eta po jumetha baran tsane pecuenobinchi? ¿Metha jan tsane: ‘Jinya abe neexanae cuiru coyenein cata jantemainatsi’, jan tsane? Ichacuiitha ¿metha jan tsane: ‘Nontaponare, yawa bara ponare’, jan tsane? <sup>6</sup>Daxota aunxuae paca tsita itapeinya xeinaeinchi xua xan ponxaein Nacom Tananeitapetsin, xua xeinan taayapusũ itorobi coyenewa xua bara tana neitacũpaewa xua jiwi tayabara cacui jantemainaya jantũ puxana exanaewa abe pia peexanae cuiru coyenein tatsi pomonae jinompa barapo cae pin nacuathe, jei Jesús.

Bara nexata pecuenobinchi Jesús barai, jeye:

—Catsipaebatsi nontaponde. Jinya nemaituncuaewa pire. Jinya bo be-iyande, jei Jesús.

<sup>7</sup> Bapoxonae pon pecuenobinchi caena nainya nontapona barapomonae peitũtha tatsi, yawa pita xua pemaituncuaewa. Bapoxonae pia bo be-iyã. <sup>8</sup>Poxonae jiwi tane baxua, barapomonae yabara najantũ coyene cabenaeca yawa Nacom wũnae jaintatsi. Barapomonae nabarai:

—Anoxuae waxainchi tainchi pocotsiwa pewũnaewa pocotsiwa jopa yaputaetsi, yawa wũnae jaintatsi xua Nacom barapo jitontha pecatsixae pia peayapusũ itorobi coyenewa, jei barapomonae.

*Meje yabara poxonae Mateo wabatsi, Jesús waba  
(Mr 2.13-17; Lc 5.27-32)*

<sup>9</sup> Jesús bara weya pontaba ichaxota axaibi exana pon pecuenobinchi. Bapoxonae Jesús tane pebin pon pewũn Mateo. Bapon eca ichaxota bapon paratixi matoma noteibeca po paratixi jiwi bewa catsibina pon romanomonae itorobiya pia pepa peewatsinchi nexa. Jesús Mateo baraichi:

—Nepuna ponde, jei Jesús.

Bapoxonae Mateo caena nainya nontapona yawa napuna pona Jesthã.

<sup>10</sup> Pirapaeyo Jesús barũ ecatsi, Mateo barũ eca pia botha pexaethopeibiwatha xua Jesús pebarũ xaenexatsi. Barichi Jesús barũ eca pinmonae barapo pexaethopeibiwatha pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa. Irũrũ Jesús barũ eca ichamonae pomonae abe peexanae cuiru coyenein peexanaewi. Daxita barapomonae Jesús barũ eca pexaethopeibiwatha yawa Jesús pijimonae barũ ecano penabanaenexa. <sup>11</sup>Ichitha poxonae fariseomonae tane xua Jesús dacotsiwa barũ eca, barapomonae namchi. Jesús pijimonae tatsi baraichi:

—Maisa Jesús abe exana poxoru barũ xayeca pomonae paratixi pentoma noteibiwi. Matautano, barũ xayeca pomonae abe peexanae cuiru coyene peexanaewi, jeichichi Jesús pijimonae tatsi barapo fariseomonae.

<sup>12</sup> Poxonae Jesús baxua jume tane, bapon Jesús namchi barapomon-aetha:

—Pomonae ba xaniwaicha jinompa xua jopa ateneyo barapomonae ba jopa canantawenonaeyo pon jiwi peyawubin. Saya jame meisa pomonae ba atene barapomonae jame canantawenona pon jiwi peyawubin. Bara juta coyene ichi barapomonae pomonae nebaru xane. Barapomonae nenantawenona xua tayabara cui juntemainaenexa abe pia peexanae cuiru coyenein tatsi. <sup>13</sup> Panacuidubaponde xua Nacom Pejume Diwesi paeba. Meje xua Nacom namchi, jeye: 'Ichichipan xua jiwi nantanuweya peyabara nanta xeinaewa ichamonaetha xua peyawenaewa tsane. Baxua jame ichichipan beyacaincha xua ichichipan po cui coyene xua jiwi duwei petautsiwa xua tuxusi exana xan nexa', jei Nacom. Barichinno xan patopan apara tha jopa tawabinexa tsane pomonae pejuntu coyene xanepanaewi. Apra jame patopan tha meisa tawabinexa tsane pomonae peajuntucoyenebe jiwi, xua barapomonae icha juntu coyene pexeinaenexa tsane peuraxae xua abe exana, jei Jesús.

*Meje yabara poxonae Jesús yabara yainyabatsi po coyene xua Nacom peyabara nainbotsiwatsi*  
(Mr 2.18-22; Lc 5.33-39)

<sup>14</sup> Nexata Juan pon jiwi Pebautisabin, bapon pia pepuna jinompaewichi barapomonae pata Jesús pia xantha tatsi. Barapomonae Jesús yainyabatsi, jeye:

—Apra paxan iru fariseomonaeru jopa juniya Nacom payabara nainboteibinyo poxonae Nacom pawuqueiban. ¿Eta xua metha jinyamonae daxua jopa cou daichiyo, saya cou u penabaneibi? jei barapomonae pomonae Juan pia pepuna jinompaewichi tatsi.

<sup>15</sup> Jesús jume nota barapomonae:

—Jiwi ba jopa bewa wecoyeya yabara nainbotsi poxonae ichamonae pexaewa tsinacaetuta penabanaenexa xua poxonae pebin pecotsiwa pita. Poxonae cataunxuae awiya bapon eca pexaewa penabanaewatha, bapoxonae jiwi ba peburuya nabane, jopa bewa yabara nainbotsi tsane. Ichitha icha pon aena piowa pita, caena nainya waetabatsi, ichamonae waetaba xua bapon taju pecaponaenexatsi, bapoxonae jame jiwi ba bewa wecoyeya yabara nainbotsi xua equeicha bapon caewa pepatopaewa tsane.

<sup>16</sup> "Jiwi ba jopa exanaeyo xua pena paparuwa tsiwiyo jiwana caxinaxubeta po paparuwa cataunxuae jopa matanaxubiyo, xua barapo paparuwa pewan botsinexa peru dorouto. Icha baxua exanaetsipa xua pena paparuwatha wan bota peru doroutotha, bapoxonae barapo dorouto abe tsipae. Tsipei poxonae barapo dorouto matanaxuba barapo pena paparuwa natsaquetabiya. Poxonae barapo pena paparuwa natsaquetabiya equeicha wan tsitsipanarena barapo dorouto. Bapoxonae equeicha nama bichocono pin wan tsanaya beyacaincha xua poxonae copiya. <sup>17</sup> Matautano jiwi ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto. Tsipei barapo bocoto jopa nayeyetaponaeyo poxonae barapo vino mera atsaxa. Barapo pena vino mera naxuba yawa barapo bocoto naxuba poxonae barapo bocoto tsitsica. Daxota bewa jame pena vino mera eparecae pena bocototha. Bapoxonae pena

vino mera jopa naxubiyo, yawa pena bocoto jopa naxubiyo poxoru boco yeyena yawa poxoru pena bocoto”, jei Jesús.

*Meje yabara xua poxonae Jairo pexantiyo taaxaibi exanatsi, yawa yabara xua bapoxonae icha yabꞑyo irꞑ axaibi exanatsi poxonae Jesús pia paparuwa tajayabatsirꞑ*

(Mr 5.21-43; Lc 8.40-56)

<sup>18</sup> Poxonae cataunxuae Jesús cueicueije barapomonaetha, bapoxonae pebin patopa. Bapon judiomonaetha pia penacaetutsi bo pia pecanamataxeinaein tatsi. Bapon pewꞑn Jairo. Jesús petaxutha irabe tatayecarecatsi. Bapon baxua exana tsipei Jesús pon ainya cui peexanaeinchi. Bapon namchi Jesustha:

—Taxantiyo anoxuaetha inta tꞑpa. Icha xam ponaename yawa necobetha mata jayabiname, bapoxonae barapowa equeicha asꞑ tsane xua equeicha nacosatsina, jei Jairo.

<sup>19</sup> Jesús bapoxonae nontapona. Jairo puna poinchi. Irꞑ Jesús pijimonae puna poinchi. <sup>20</sup> Poxonae Jesús iya irꞑ yabꞑyo Jesús imoxoyo caquita poinchi. Barapowa caena bayatha be yadoce po weiyobe jopa xua pentabꞑ janatha boca xua be nantawane. Barapowa Jesús pia paparuwa xainyowa tajayabapoinyatsi. Bapowa paparuwa tajayaba xua peopirawa xua Jesús pia penamaxatatsiwa tatsi. <sup>21-22</sup> Baxua exana tsipei bapowa nanta xaina, jeye: “Icha pia paparuwa tajayabin bapoxonae axaibin tsane”, jei bapowa.

Poxonae bapowa Jesús tajayabatsi pia paparuwa, bapoxonae caena jꞑntꞑbꞑ jana naruntaba.

Nexata Jesús napatomeicha necota, yawa yabꞑyo tainchi. Jesús namchi bapowatha:

—Yabꞑyo, najꞑntemiya xore. Caaxaibi exanatsi jinya tana neyabara jume cowꞑntsixaem xua bara tana neitacꞑpaewa xua tacaaxaibi exanaewatsi, jei Jesús.

<sup>23</sup> Jesús equeicha pona. Poxonae Jesús patopa pecanamataxeinaein pia bo tatsitha, bapoxonae Jesús tane xua pebiwi oba tsipei yabꞑyo bayatha tꞑpa. Barapo pebiwi pomonaetha pecapu obiwi pewerapeibiwi. Mataꞑtano Jesús tane pomonaetha pesiwa namtsebiya wecoyei jiwi. <sup>24</sup> Jesús namchi jiwitha:

—Tutu weya paponde. Yabꞑyo apara jopa tꞑpaeyo, maituncua apara, jei Jesús.

Poxonae Jesús baxua paeba, jiwi Jesús jume cui caponatsi. <sup>25</sup> Ichitha Jesús itoroba xua barapomonaetha tutu wejojoniya pesato beya. Bapoxonaetha Jesús bo tutu joniya. Jesús cobe pita, yabꞑyo cobe pitatsi yawano asiya cuaranotatsino penacosatsixae. <sup>26</sup> Xua Jesús yabꞑyo axaibi exanatsi, barapo diwesi daxita jiwi jume taetaepona pomonaetha barapo nacuatha jinompa.

*Meje yabara poxonae Jesús axaibi exana ponbe nantiyabe itata nacꞑtabe*

<sup>27</sup> Poxonae Jesús bara weya pona ichaxota yabꞑyo caewa asꞑ exanatsi, pebinbe Jesús puna poinchi. Baponbe peitata nacꞑtsinbe. Baponbe wawaya jeibe:

—Xam Jesús, David pia pemomoxi susatopin jiwanam ponxaem Namcom necaitapetsin pana neyabara najꞑntꞑ coyene xeinarebe xua pata tana neyawenaenexamebe, jeibe baponbe ponbe peitata nacꞑtsinbe.



<sup>28</sup> Poxonae Jesús bomuxu bejoniya, ponbe peitata nacutsinbe Jesús imoxoyo caquita poinchibe. Jesús yainyaba baponbetha:

—¿Bara pana neyabara jume cowantamebe xua bara tana neitacupaewa xua axaibi tapaca caexanaewatsibe? jei.

Jume notabe:

—Aja, pata Tanecanamataxeinaem, bara paca cui yabara jume cui cowantatsibe, jeibe.

<sup>29</sup> Bapoxonae Jesús itamaiquei jayababe baponbe. Jesús namchi baponbetha, jeye:

—Icha pana necui yabara jume cowantamebe xua bara tana neitacupaewa xua axaibi tapaca exanaewatsibe bara baxua pacata exanaeinchibe xua axaibi paca exanaeinchibe, jei Jesús.

<sup>30</sup> Bapoxonae caena nainya aitamaiqueixaibibe. Jesús jume daunweya baraibe baponbe, jeye:

—Jopa pana necui yopichindebe ichamonaetha xua pacata exainchibe baxua, jei Jesús baponbetha.

<sup>31</sup> Daichitha poxonae Jesús weya ponabe, pejume taewathabe xua Jesús paeba, tsipaebabe ichamonaetha pomonae barapo nacuatha jinompa, daxita pocotsiwa xua Jesús cana exana baponbetha.

*Meje yabara poxonae Jesús axaibi exana pon pemuxusipanaein*

<sup>32</sup> Poxonae Jesús bo wejoniya iruru ponbe aitamaiqueixaibi exanatsibe, bapoxonae ichamonaé Jestutha pata. Barapomonae capona pebin, pon muxusipana, matautano jopa paebiyoy, tsipei cauri xeina.

<sup>33</sup> Bapoxonae Jesús itaweta cauri xua barapo pebin muxusipana exainchi. Caena nainya bapon cueicueijei. Nexata pomonae xua tane xua Jesús exana, barapomonae yabara najuntu coyene benaeca. Barapomonae namchi, jeye:

—Jopa bapana taetsi Israel nacuatha icha be ichi pocotsiwa Jesús exana, jei barapomonae.

<sup>34</sup> Ichitha poxonae fariseomonae jume tane baxua, barapomonae namchi Jesús yabara, jeye:

—Barapon caurimonae itawetatsi tsipei xeina caurimonae pia pentacaponaein tatsi pia peayapusa itorobi coyene tatsi, jei fariseomonae.

*Meje yabara poxonae Jesús nantanuweya yabara cui nanta xeina jiwi xua peyawenaewa tsane*

<sup>35</sup> Jesús pona daxita pin tomarantha yawa po tomaraxi tsiqui tomaraxitha. Bapon cuiduba ducuaeta judiomonae pia penacaetutsi bontha tatsi. Matautano bapon paeba ducuaeta Nacom pia pexeinya jume diwesi tatsi po diwesi yabara xua Nacom waba jiwi petanaexanaenexatsi piamonae pomonae Nacom juntu coyene itorobiya ewata. Matauta bapon jiwi axaibi exana ducuaeta pomonae xua atene yawa xua cuenecuenona. <sup>36</sup> Poxonae Jesús jiwi tainchi, Jesús yabara nanta xeina barapomonae xua peyawenaewa tsane. Tsipei barapomonae natsepa matautano jopa itacupaetsi xua pia coutha penayawenaewa. Barapomonae bara be juta coyeneya ichi, icha be ovejamonae ichi xua poxonae iratha bobena tsipei natsepa matautano tsipei dapon aibi, pon pe-eenaein ovejamonae xua peyawenaenexa. <sup>37</sup> Nexata Jesús namchi pijimonaetha:

—Bara xainyeya paca tsipaebatsi. Pabitha ba pocotsiwa peubiwan naweta nawita, daichitha ba penacuichiwi pomonae jota pinmonae

aibi. Bara j̄ta ichi barapo cae pin nacuathe. Jiwi pinmonae jinompa pomonae nantawenona xua pejume taewa tsane Nacom pia pexeinya jume diwesi tatsi. Daichitha pomonae Nacom Pejume Diwesi cueicueijeji tsurubenanaebiya ichamonaetha, barapomonae pinmonae aibi, saya tsiquimonaeyo. <sup>38</sup> Daxota Nacom paw̄care xua pecaitorobinexa tsane ichamonae xua petacamuxu tsipaebinexa tsainchi pia pejume diwesi pomonaetha pomonae barapo cae pin nacuathe pejinompaewi, jei Jesús.

## 10

*Meje yabara poxonae Jesús itapetsiya waba pia peitorobiwi tatsi xua doce poyobe*

*(Mr 3.13-19; Lc 6.12-16)*

<sup>1</sup> Nexata Jesús pijimonae waba. Barapomonae jiwana itapetatsi doce poyobe, pomonae baraichi: “Jesús pia peitorobi jiwi tatsi”, jeichichi. Jesús barapomonae cata pia peayapus̄ itorobi coyenewa xua cauri ichamonae petaitawetsinexatsi pomonae xua cauri xeina. Matautano Jesús cata pia peayapus̄ itorobi coyenewa xua pijimonae tatsi axaibi peexanaenexa pomonae xua atene, xuano xua cuenecuenona.

<sup>2</sup> Barapomonae pomonae doce poyobe pomonae peitorobiwichi, ich̄n pew̄n Simón, pon icha w̄nno “Pedro” baraichi. Ir̄ ich̄n pew̄n Andrés, pon Simón peweicho tatsi. Ir̄ ich̄n pew̄n Santiago. Ir̄ ich̄n pew̄n Juan, pon Santiago peweicho tatsi. Baponbe Zebedeo pexantobe tatsi. <sup>3-4</sup> Ir̄ ich̄n pew̄n Felipe, ir̄ ich̄n pew̄n Bartolomé, ir̄ ich̄n pew̄n Tomás, ir̄ ich̄n pew̄n Mateo. Barapon Mateo pon paratixi pentoma noteibin po paratixi jiwi bewa catsibina pon romanomonae itorobiya pia pepa peewatsinchi nexa. Ir̄ ich̄n pew̄n Santiago, pon Alfeo pexanto tatsi. Ir̄ ich̄n pew̄n Tadeo. Ir̄ ich̄n pew̄n Simón, pon celotemonaepin. Ir̄ ich̄n pew̄n Judas Iscariote, pon Jesús caenaetaxubatsi ichamonaetha xua pebexubinexatsi.

*Meje yabara poxonae Jesús itoroba pijimonae xua barapomonae peyabara cueicueijeinexa jiwitha po coyene xua Nacom waba jiwi xua petanaexanaenexatsi pijimonae tatsi*

*(Mr 6.7-13; Lc 9.1-6)*

<sup>5</sup> Barapo doce poyobe Jesús itoroba, Jesús jeye:

—Jopa paponaeinde po nacua ichaxota jinompa pomonae jopa judiomonae naexanaeyo. Jopa paponaeinde po tomaran ena Samaria nacuatha. <sup>6</sup> Meisa saya paponde pomonae Israel nacuamonaepiwitha. Barapomonae payawende tsipei barapomonae Nacom taj̄ wepu jinompati xua pipato jinompa. Icha be pocotsi j̄ta coyeneya ichi oveja, barapo ovejamonae napuxana poxoru wepu pona taj̄ beya, xua pon pe-eeinaein barapo ovejamonae bapon taj̄ wepu poinchi icha xua poxonae napuxana. <sup>7</sup> Poxonae papaeba dubenanaebiyame, papaebare barapomonaetha po coyene xua anoxuae Nacom waba jiwi xua petanaexanaenexatsi piamonae pomonae itorobiya peewatsixae. <sup>8</sup> Matautano Nacom pia peayapus̄ itorobi coyenewatha po coyenewe meje baxua paexande: Axaibi paexande pomonae peatenewi; equeicha as̄ paexande pomonae werapeibina; axaibi paexande pomonae xua peper̄ sawichimonae; matautano caurimonae pata taitawere pomonae

caurimonae pexeinaewi. Nacom amanaya paca cata barapo pia peayapusu itorobi coyene, daxota poxonae jiwi payawenane Nacom pia peayapusuwatha, jopa jiwi paratixi pawucaeinde.

<sup>9</sup> “Jopa pacaponaeinde paratixi xua poxonae painya newarapaenexa. <sup>10</sup> Jopa pacaponaeinde cote xua painya nejeyaenexa paparuwan poxonae pawarapame. Saya cae camisa panama xatabare, jopa icha camisa pacaponaeinde. Matauta jopa pacaponaeinde ichawan xua painya nenataxu xatabiwan, yawa icha iwaton jopa pacaponaeinde. Painya xoba paauram xua poxonae jiwi paca catsibeibina tsipei baraxua pocotsiwa paca cata apara bara painya matoma painya netanacuichixaemxae Nacom.

<sup>11</sup> “Poxonae papanenebiyam pin tomaratha, ichacuitha tsiqui tomariyotha, pajeire pon jiwi baru cui itura jina xuano xua paca tsiwaba pia botha tatsi pia paca apatsinexa tsane. Bapon pia botha tatsi painya nepu enaeinde beya tsane poxonae barapo tomara weya pawarapaenane. <sup>12</sup> Poxonae bomuxutha pajojoniame, barapo bopiwi pajacobare, pajande: ‘Barabu Nacom juntema jinompa paca cana exanaena’, pajande. <sup>13</sup> Icha baxota jinompa pomonae pomonaetha jiwi baru cui itura jina, bara baxua Nacom barapomonae taexanaeinchi pocotsiwa papaebame. Ichitha icha baxota jinompa pomonae pomonaetha jopa jiwi baru cui itura jinaeyo, baxua Nacom jopa taexanae tsane pocotsiwa papaebame barapomonaetha. Equeicha caewa pacata parenana xua pocotsiwa papaebame. <sup>14</sup> Ichitha icha icha tomarapiwi jopa paca matenta weyataeya wabiyo yawano icha jopa xapain paca jume naitawatsiyo, nexata bapoxonae panatsixibare. Namto beya paponde xua bomuxu weya xua ichacuitha icha tomara weya. Po tsorobo painya taxutha dubena pana nataxu wenunababare barapo tomaratha. Poxonae baxua paexaname patsita itapeinya xeinaenane, apara xua barapomonae abe exana painya xainya berena xua poxonae barapomonae paca jume itaweta. <sup>15</sup> Bara xainyeya paca tsipaebatsi matacabi patopaena, po matacabitha Nacom yabara paebina jiwi petsita natsicuentisixaetsi xua abe petsita exanaexaetsi. Barapo matacabitha jopa juniya bichocono atene tsane pomonae paca jume itaweta. Caena bayatha Sodoma tomarapiwi iru Gomorra tomarapiwi bichocono abe exana. Daxota Nacom atene exanaena barapo tomaramonaebe. Bara bequein Sodoma tomarapiwi atene matauta iru Gomorra tomarapiwi bequein atene tsipei bichocono abe exana barapomonae. Ichitha nama pomonae barapo tomaratha jinompa, pomonae paca jume itaweta, jopa juniya peraxa jubebi tsainchi, beyacaincha poxonae Sodoma tomarapiwi yawa Gomorra tomarapiwi peraxa jubebatsi”, jei Jesús.

*Meje yabara poxonae Jesús yabara paeba xua ichamonae abe exanaena Jesús pijimonaetha tatsi*

<sup>16</sup> Equeicha Jesús jeye: “Paponde ichaxota paca itorobatsi. Paca caitorobatsi pia xainya beya pomonae jopa pejume cowantsiwi, pomonae itacupatsi xua abe painya nepaca exanaewa, icha ovejan ichi xua poxonae pona ichaxota neuthu jinompa xua itacupatsi xua abe peexanaewatsi. Paxam pananthuthu cui wunaetsiya tsaquiya jinompare, tsipei ichamonae beya paca pepeichipa. Baxua bara paichinde icha jomo ichi xua peita coxonaein poxonae waxouto

cuitaya naetsiriwatsi. Paxam bara jutiya jopa paichim tsane jopa ichamonaetha abe paexanaeinde, icha topiboto ichi xua anaepana jopa nanta xeinecaeyo xua jantema yapoponeca. <sup>17</sup> Paxam dota pam, dota pomonae peajuntucoyenebe jiwi. Barapomonae paca teicaena pepaca caponaenexa tsane pomonaetha pomonae tomaran pentacaponae. Barapomonae barapomonae paca cuainchina judiomonae pia penacaetutsi bontha tatsi. <sup>18</sup> Matauta barapomonae paca caponaena pomonae peyanacua ewatsi jiwi peitabaratha tatsi. Matauta paca caponaena pomonae jiwi itorobiya pia pepa peewatsiwichi pia peitabaratha tatsi. Baxua paca cana exanaena painya tana nejume cowantsixaemxae. Daichitha barapo pentacaponae peitabaratha tatsi paca itacupaena xua pata neyabara paebiwani pocotsiwa bayatha tapacata exanaewatsi paxam. Matautano paca itacupaena xua pata neyabara paebiwani pomonae jopa judiomonae naexanaeyo peitabaratha tatsi. <sup>19</sup> Ichitha poxonae paca caponaena pentacaponae beya, jopa payabara najuntucoyenebe exabinde pocotsiwa xua painya nejume notsiwa tsane barapomonaetha. Nama Nacom paca tsijume dubina po jume xua painya necaunutsiwam tsane. <sup>20</sup> Tsipei beta jopa papaebimchipae painya coutha, ichitha Nacom pia Pejumope tana tatsi paca tsimuxu cueicueijejei tsane. Bapon paca catsina po jumetha xua patsipaebiname.

<sup>21</sup> “Jiwi caenaetsina barompaya peweicho jiwi ichamonaetha xua ichamonae pejutebinexa tsane. Iru coxiyeiwi ichamonaetha caenaetsina pia pexui xua ichamonae pejutebinexa tsane. Iru pexui paxeiwi caenaetsina ichamonaetha xua ichamonae pejutebinexa tsainchi. <sup>22</sup> Daxita nacuanpiwi paca casebina painya tana nejume cowantsixaemxae. Ichitha icha awiya paantuyapusuya nejume cowantsiya jinompaename xua beya payacuiya werapaeya othopaename, poxonae bequein abe pacata exana ichamonae Nacom napaeba paca cana exanaena. <sup>23</sup> Icha cae tomarapiwi paca abe exanaena, parucupare icha tomara beya. Bara xainyeya paca tsipaebatsi xua xan ponxaein Nacom Tananeitapetsin, equeicha patopeicaein beya abe poxonae cataunxuae jopa panacui wetsim tsane xua paponame daxita israelmonae pia nacua tomarantha tatsi, xua napaeba dubenanaebiyame Nacom Pejume Diwesi.

<sup>24</sup> “Pon ba aena nacuiduba xua peyaputaenexa, bapon jopa be bapocotsinyo, pon pecuidubin jiwi, pon peyaputaenexa. Matauta pon ba petanacuichin jopa ainya cuiyo, jopa be bapocotsinyo pon xua peitorobixaetsi pon pia pecanamataxeinaeinchi tatsi. <sup>25</sup> Pon ba pecanacuidubin bewa nanta xeinae, bewa najei: ‘Maise ichamonae inta abe exanatsi pon tana necuidubin. Metha bara neichi tsane’, bewa najei. Iru pon ba tanacuita pia pecanamataxeinaeinchi bewa najei: ‘Maise ichamonae inta abe exanatsi pon tanecanamataxeinaein. Metha bara neichi tsane’, bewa najei. Icha pocotsi coyeneya baponbe ichi poxonae baxua nayabara nanta xeinabe, bara pocotsi coyeneya paca cana ichiya exana jiwi icha poxonae neyabara ichiya namchi. Tsipei jiwi abe neyabara paeba xua jeye: ‘Maise bapon Beelzebú tsecae pon caurimonae pia pentacaponaein tatsi’, jei. Matauta paca yabara jei tsane: ‘Maise barapomonae Beelzebú pijimonae tatsi po Beelzebú caurimonae pia pentacaponaein tatsi’, paca yabara jei tsane”, jei Jesús.

*Meje yabara poxonae Jesús yabara paeba xua pontha bewa ba jiwi cuitaya cunuwina*

*(Lc 12.2-7)*

<sup>26</sup> Equeicha Jesús jeye: “Jopa jiwi pacunuwinde xua tapana neyabara paebiwam. Tsipei daxita diwesin, xua po diwesin bequein anoxuae jiwi jopa yaputaeyo, bexa yaputaena. Pocotsiwa jiwi abe nameicha exana daichitha ichamonae bexa yaputaeponaena baxua. <sup>27</sup> Tsipei daxita baxua xua nameicha paca tsipaebatsi, baxua xuya patsipaebare jiwi. Po diwesi xua merawi paca tsipaebatsi, barapo diwesi xuya ichamonae mataqueitha patsipaebare. Po diwesi xua paxapaxeya paca tsipaebatsi, barapo diwesi xuya panatha pana nejume canawabiya wawande. <sup>28</sup> Tamonae pam, paca tsipaebatsi, jopa pacunuwinde pomonae itacɣpatsi xua paca jutebina xua saya meisa painya pepontha. Ichitha barapomonae jopa itacɣpaetsi xua equeicha paca jumopein tɔnaxɔ jutebina. Jame paca tsipaebatsi pon jame bewa pajume cuitaya cunuwim bapon apara jame Nacom. Tsipei barapon Nacom itacɣpatsi xua paca bebai pin isototha po pin isototha jopa bapana itacounayiyo xua weraweraca painya nepaca exanaenexa painya pepon yawa painya nejumope tɔnaxɔn.

<sup>29</sup> “Jiwi ba caenaeta sito dos poyobe, saya cae paratiyotha nantomata. Bequein barapo sitobe caenaeta jiwi xua jopa matoma nautsiyo, poxoru saya sito, ichitha painya Axa Nacom yaputane yawa copata poxonae barapo sitobe jiwana iratha yajopeica xua yatɣpa. <sup>30</sup> Nacom daxita carepaya jopa juniya paca yabara yaputaeyo, daxota paca matana yaputane xua pontanatiyobe painya nexainaewa. <sup>31</sup> Jopa pajunuwinde tsipei paxam bichocono Nacom patsita ainya cuim, beyacaincha siri”, jei Jesús pijimonaetha.

*Meje yabara poxonae Jesucristo yabara paeba xua pomonae peyabara paebiwichi ichamonae peitabaratha tatsi*

*(Lc 12.8-9)*

<sup>32</sup> Equeicha Jesús namchi: “Yabara paca tsipaebatsi pomonae xua nayopita ichamonaetha pomonae xua najei: ‘Apara paxan Jesús pijimonaetha tatsi pan’, najei. Barichi xan xuya jan tsane Nacomtha: ‘Barapomonae apara tana nejume cowantsiwi’, jan tsane xuya barapo Nacom peitabaratha pon Taxa, pon peitabocotha peecaexae. <sup>33</sup> Ichitha pomonae xua neyabara jei ichamonaetha: ‘Jopa bapon yaitaeinyo’, jei, xan xuya barapomonae yabara jan tsane: ‘Apara barapomonae jopa yaitaeinyo’, jan tsane xuya Taxa beicha, pon peitabocotha peecaexae”, jei Jesús.

*Meje yabara poxonae Jesús yabara paeba xua jiwi ainya bicheiton naexanaena xua Jesús pejume cowantsixaetsi xua ichamonae jopa pejume cowantsixaetsiru*

*(Lc 12.51-53; 14.26-27)*

<sup>34</sup> Equeicha Jesús namchi: “Jopa pananta xeinaeinde xua patopeican saya meisa xua jiwi jɔntema jinompa tacana exanaewa tsane. Jopa baxua tsipatopaeinyo. Apara jame tsipatopeican taexanaenexa po coyene jiwi naba exanatsi xua daxota ainya bicheiton penaexanaenexa. Pomonae jopa nejume cowantsiyo ita aenae-aenei pomonaeitha pomonae tana nejume cowantsiwi. <sup>35</sup> Coxian pexanto ita aenae-aenei tsainchi. Iru coxiwa pexantiyo ita aenae-aenei tsainchi.

Iru ru ichowayo pecopeinyo ita aenae-aenei tsainchi. <sup>36</sup> Daxota pebin barompaya piamonae penaaifaetabi jiwi nacana exanatsi.

<sup>37</sup> “Pon antobe paxa yawa pena beyacaincha xua neantobe bapon jopa naexanae tsane pon tajiwimonae jiwanapin. Pon antobe pexanto beyacaincha xua neantobe, bapon jopa naexanae tsane pon tajiwimonae jiwanapin. Yawa pon antobe pexantiyo beyacaincha xua neantobe bapon jopa naexanae tsane pon tajiwimonae jiwanapin. <sup>38</sup> Matautano pon jopa awiya exana ducuaenaebiayeyo pocotsiwa itoroban, tsipei jopa be peraxa exanaetsi icha be xua poxonae neichi nexata bapon jopa tajiwimonaepinyo. <sup>39</sup> Pon naantobeya nata exana pocotsiwa bapon ichichipa bapon jopa xeinaeyo peajuntuyarusawa, po peajuntuyarusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan taneantobexae bapon xeinaena peajuntuyarusawa, po peajuntuyarusawa ataya tsiteca xua Nacom pia nacua beicha”, jei Jesús.

*Meje yabara poxonae Jesús yabara paeba xua pocotsiwan peyabara cui matomatsiwa*

(Mr 9.41)

<sup>40</sup> Equeicha Jesús namchi: “Pon xua paca matenta weyatane pia tana neyabara jume taenexa tsane pocotsiwa papaebiname, barapara bapon yawa neweyataneru. Barapon pon xua neweyatane, barapara matautano weyataenaru xua weyatainchi pon xua tana neitorobixae, bapon Nacom. <sup>41</sup> Pon cueicueijeji Nacom pia peitorobi jume diwesi, Nacom bapontha catsina pia peyabara cui matomatsiwa tsipei barapon pon barapo peitorobi jume pepaebin Nacom tanacuitatsi. Po peyabara cui matomatsiwa catatsi pon Nacom peitorobi jume pepaebin Nacom barichi tsane jupa catsina pontha pon matenta weyatane, xua matenta weyatainchi pon Nacom pia peitorobi jume pepaebin. Matauta iru pon xua pejuntu coyene xeicaein bapontha Nacom catsina peyabara cui matomatsiwa tsipei bapon xanapanaya popona Nacom nexa. Nacom barichi tsane jupa catsina pontha pon matenta weyatane xua matenta weyatainchi pon pejuntu coyene xeicaein. <sup>42</sup> Pon xua apatsina tajiwimonae jiwana pintha bequein jopa matowa apatsiyo mera xua bequein cae corotiyo xua ameneque, daichitha Nacom bapontha catsina pia peyabara cui matomatsiwa tsipei bapon tajiwimonae jiwanapin yawenatsi”, jei Jesús.

## 11

*Meje yabara poxonae Juan pon jiwi Pebautisabin itoroba pijimonae Jesús beya, peyainyabinexa tsainchi Jesús*

(Lc 7.18-35)

<sup>1</sup> Jesús najume weta xua pijimonae muxuwetsiya cuiduba, po jiwimonae tatsi xua doce poyobe tatsi. Bapoxonae Jesús bara weya natsixitaba xua tomarantha peponaenexa po tomaran ena barapo nacuaatha xua jiwitha pecuidubinexa Nacom pia pexeinya jume diwesi tatsi.

<sup>2</sup> Juan pon jiwi Pebautisabin, bapon jiwi pecubi botha etatsi. Poxonae cataunxuae jiwi pecubi botha eca, bapon jume tane xua juinya Cristo exana. Bapoxonae Juan itorobabe Jesús beya ponbe pia pepuna jinompaewichi jiwana be tatsibe xua petayainyabinexatsibe Jesús beya.

<sup>3</sup> Barapomonae Jesús yainyabatsi xua Juan najume caruta, xua jei:

—¿Metha bara xaniwaicha xam baponda, pon bewa patopaena pon Mesías? ¿Ichacuitha metha bara ichun pawunaee ewatan jampa? jei baraponbe xua Juan najume caruta.

<sup>4</sup> Jesus jume nota baraponbe, jeye: “Papondebe, matauta Juan patsipaebarebe xuaunxuae pocotsiwa pana necui tanemebe, matautano xuaunxuae pocotsiwa pana nejume tanemebeno. <sup>5</sup> Matautano patsipaebarebe xua pomonae peitata nacutsi jiwi equeicha tane, matauta xua pomonae pejayujayujeiwi beta pona equeicha, matautano xua pomonae peperu sawichimonae equeicha peru wunaee, matauta pomonae xua pemuxusipanaewi equeicha muxu nasaba, matauta pomonae xua pewerapaewi equeicha asu tsane. Matauta pomonae xua peacopeibi jiwi jume tane Nacom pia pexeinya pecapanenebiyae diwesi jume. <sup>6</sup> Patsipaebarebe Juan xua xan janje: ‘Juntu coyene weiweinaena pon jopa ainya unthuthanyo, pon xaniwaicha neyabara jume cowanta’, xua jan”, jei Jesús.

<sup>7</sup> Poxonae Juan pia penacana jume caitorobinbe tatsi ponatababe, bapoxonae Jesús tamropata pitaba xua yabara paeba jiwitha xua Juan yabara paebatsi, jeye: “Ira xuepana susato tsurucuae nacuatha paponame. Poxonae bara beya poponame, zeta xua painyatsi, painya jume taetsi pebin pon ainya unthuthato cui xeina icha be naepanaewa ichi xua saya joibo ba jubabiya caya tsalbi? Jume apara. <sup>8</sup> Bara paichim. Paponame zepainya nejumetaenexa pebin pon peitapanae paparuwa nama xatata? Jume apara. Payaputaneme pomonae peitapanae paparuwan nama xataba, barapomonae ba jinompa pexeinya bontha pomonae jiwi itorobiya pia pepa peewatsiwixaetsi. <sup>9</sup> Jume. Jopa baxua patsiponaem xua jopa painya jume taenexa pebin pon ainya unthuthato cui xeina, matautano xua jopa painya jume taenexa pebin pon peitapanae paparuwa nama xatata. Apra jame baxua patsiponame xua painya nejume taenexa pon Nacom peitorobi jume pepaebin. Bapon Juan bichocono peainya cuin pon Nacom pia peitorobi jume pepaebiwi jiwana pin beyacaincha ichun pon Nacom peitorobi jume pepaebin. <sup>10</sup> Juan bapon apra, pon yabara paebatsi Nacom Pejume Diwesitha poxonae Nacom netsipaeba, nejei:

‘Catsiwanee itorobinchi copiya pon tana nacajume carutsin.

Baraponuntu cui wunaetsina jiwi xua daxita jiwi najuntu cui wunaetsina xam nexa, xua necantenta weyataeya wabinexa poxonae patopaename’, nejei Nacom Pejume Diwesitha.

<sup>11</sup> Bara xaniyeya paca tsipaebatsi xua daxita Nacom peitorobi jume pepaebiwi pomonae Juan tsiwanaya jinompatsi bayatha, dapocotsin aibi barapomonae jiwana pon yatsicaewa peainya cuin beyacaincha pon Juan, pon jiwi Pebautisabin. Juan peainya cui diwesi yabara cueicueijeji po coyene xua Nacom itorobina jiwi. Ichitha po diwesi xua tamonae anoxuae paeba barapo diwesi bichocono ainya cui diwesi beyacaincha xua Juan cueicueijeji, bequein jiwi nanta xeina xua tamonae jopa ainya cui jiwi.

<sup>12</sup> “Juan pon jiwi Pebautisabin, poxonae bapon tamropata pitaba xua cueicueijeji Nacom Pejume Diwesi xua beya anoxuae pin bicheitomonae

nejume cowanta pia penaexanaenexa Nacom piamonae tatsi. Barapomonae pichichi xua penaexanaewa Nacom piamonae tatsi pomonae Nacom itorobiya peewatsixae bequein ichamonae ayapube taexana barapomonaetha. <sup>13</sup> Daxita po petinae diwesin Nacom peitorobi jume pepaebiwi tina iru Moisés pia peitorobi coyenewa tatsi barapo naxobe peitorobi coyenewathabe yabara tsiwanae muxu dutsiya paeba. Barapo peitorobi coyenewabe yabara paeba xua bexa tsane jopaena matacabi po mataqueitha xua Nacom juntu coyene itorobiya canamataxeinaena jiwi. Matapainya Juan patopa. Bapoxonae iru Nacom tamropata pitaba xua exana pocotsiwa bayatha yabara tsiwanae muxu duta. <sup>14</sup> Icha paxam xaniwaicha paichichipame xua payabara jume cowantame xua pocotsiwa barapomonae bayatha yabara paeba, bapoxonae bara panejume cowantsiname xua paeban, xua jan: ‘Apara Juan bapon Elías pon caena bayatha tupa. Barapon apara pon Nacom peitorobi jume pepaebin, pon bayatha Nacom yabara paeba xua bepa pinae equeicha patopaena’, jan. <sup>15</sup> Icha pamuxu dubename moya pana nejume naitaeware pocotsiwa tapaca tsipaebiwatsi.

<sup>16</sup> “¿Eta pocotsimonae cui jupatsi barapomonae pomonae xote jinompe pomonae Nacom jume itawetatsi? ¿Etabe juta ichi barapomonae? Barapomonae be pexui, pocotsixi panatha nabaru jinompa. Nabaru wawai tsurubenaebiya. <sup>17</sup> Barapoxi nabarai, jeye: ‘Bayatha oibo paca tsimuxu obatsiba ichitha jopa panawirabim. Bayatha paca tsimuxu wecoyeichiba icha be ichi poxonae ichan tatupatsi ichitha jopa pana itanuwe jume notsim xua painya newecoyeinexaru’, jei barapoxi. <sup>18</sup> Juan patopa pon jiwi Pebautisabin. Bapon jopa xaeyo pan, yawa jopa apaeyo vino mera. Ichitha paxam pajam: ‘Apara Juan xeina cauri’, pajam. <sup>19</sup> Bapoxonae xan ponxaein Nacom Tananeitapetsin patopan. Xan pan taxaein yawa vino mera taapaein. Paxam pana neyabara paebame pajam: ‘Bapon maisa jopa juniya nabanaeyo, yawa jopa juniya apaeyo. Peatsacaewi abe peexanae jiwi pia jiton tatsi, iru pomonae paratixi pentoma noteibiwi, barapomonae pia jiton tatsi’, pana neyabara jam. Nacom piamonae tatsi barapomonae tsita exana xua jiwi tsita exanatsi Nacom pia peyaputae coyeneintha tatsi. Po coyene barapomonae exana, baxua Nacom tsita pexainyei coyenetsi”, jei Jesús.

*Meje yabara poxonae Jesús yabara paeba po tomaranpiwi jopa pejume cowantsiwichi*  
(Lc 10.13-15)

<sup>20</sup> Nexata Jesús tamropata pitaba xua biatane ainya tomaranpiwi, ichaxota bayatha copiya matha matowa exana pia petsita itutsi coyenewan. Bequein Jesús baxua matowa exana, ichitha barapomonae jopa icha juntu coyene xeinaeyo xua peuraxae xua abe exana. <sup>21</sup> Daxota barapo tomaranpiwi beya, jeye: “¡Pai jaibo, Corazín tomarapiwi tsobenae! ¡Iru Betsaida tomarapiwi tsobenae! Po tsita itutsi coyenewan exanan Corazín tomaratha iru Betsaida tomarathano, ichan jopa bapana exanaeyo barapo tsita itutsi coyenewan Tiro tomaratha yawa Sidón tomaratha. Icha barapo tsita itutsi coyenewan exanaetsipa Tiro tomaratha Sidón tomarathano, barapo tomarabepiwi icha penanta xeinae coyenewatha yabara nanta pentsipa Nacomtha. Barapomonae iratha enaetsipa yawa paparuwan nama xatabichipa xua pocotsiwa



be peru mapaton xua axun, yawa ipuna nacaxuebichipa pia pepontha. Barapomonaе baxua exanaetsipa xua ichamonaе petsita itapeinya xeinaewa tsainchi xua icha juntu coyenein Nacom petsita xeinaewatsi peuraxae abe peexanaexae bapontha. <sup>22</sup> Paxam pomonaе Corazin tomarapiwi pam iru Betsaida tomarapiwi pam, bara xaniyeya paca tsipaebatsi. Poxonaе barapo matacabi patopeicaena po mataqueitha Nacom yabara paebina daxita jiwi petsita natsicuentsexiaetsi abe petsita exanaexaetsi, Tiro tomarapiwi iru Sidon tomarapiwi daxita barapo tomarabepiwi bichocono peraxa jubebinchi. Ichitha nama paxam pomonaе Corazin tomarapiwi pam, iruru Betsaida tomarapiwi pamdu, daxita paxam jopa juniya paca peraxa jubebi tsane, beyacaincha xua peraxa jubebinchi Tiro tomarapiwi iru Sidon tomarapiwi. <sup>23</sup> Incane iru Capernaum tomarapiwi pamdu! ¿Bara pana nanta xeiname xua paca capanenebiya tsane peitaboco beicha? Jume, apara paca itorobina petupae coyene cuiru bereca. Po petsita itutsi coyenewan painya tomaratha exanan icha bayatha barapo petsita itutsi coyenewan exanaetsipa Sodoma tomaratha, bara cataunxuae barapo tomara ecaetsipa, xua beya anoxuae tsipae. Tsipei barapomonaе metha bayatha xeinaetsipa icha juntu coyene xua peuraxae xua abe exana Nacomtha. Metha bapoxonaе Nacom jopa jutebichipae barapo tomarapiwi. <sup>24</sup> Ichitha paca tsipaebatsi paxam Capernaum tomarapiwi pam, matacabi patopeicaena po mataqueitha Nacom yabara paebina daxita jiwi petsita natsicuentsexiaetsi abe petsita exanaexaetsi. Barapo mataqueitha bichocono paca peraxa jubebina, beyacaincha xua Sodoma tomarapiwi peraxa jubebinchi bichocono”, jei Jesus.

*Meje yabara poxonaе Jesus waba jiwi: “Anetha xan berena tapaca yawenaewa tsainchi”, jei  
(Lc 10.21-22)*

<sup>25</sup> Bara caena bapoxonaе Jesus juntu coyene weiweina exanatsi Nacom pia Pejumope tunaxu tatsi. Jesus namchi, jeye: “Axa peitaboco Necanamataxeinaem, yawa ira Necanamataxeinaem. Wunaе cajaintatsi tsipei jopa tsita itubim pocotsiwa pexainyei coyenewa xan yabara pomonaetha pomonaе bichocono penacuidubiwi pomonaе be pinyon penatsicotaewi tsipei nanta xeina xua bichocono peyaputaewi daxita. Jame tsita itutame barapo pexainyei coyenewa xua xan yabara pomonaetha pomonaе jopa bichocono penacuidubiwi, pomonaе be pexui penatsicotaewi tsipei jopa nanta xeinaeyo xua bichocono peyaputae jiwi daxita. <sup>26</sup> Axa, baxua exaname necatsita xanepanaexae baxua”, jei Jesus Paxatha.

<sup>27</sup> Equeicha Jesus namchi pijimonaetha, jeye: “Taxa daxita necata xua pia peitorobi coyenewa tatsi, matautano xua pia peyaputae coyenewa tatsi. Dapon aibi pon xaniwaicha nejuntu cui coyene yaputane. Jame saya meisa Taxa Nacom, nejuntu cui coyene yaputane. Dapon aibi pon Taxa juntu cui coyene yaputainchi. Saya jame meisa Taxaxae juntu cui coyene yaputan. Matautano barichi Taxa meisa juntu coyene yaputainchi pon saya bara copatan xua bara Taxa pejuntu cui coyene yaputaewa tsainchi. <sup>28</sup> Anetha xan berena daxita paxam xua tapaca yawenaewa tsainchi. Daxita paxam xua pocotsiwa paca juntu coyene natsepa exana painya abe neexanaе cuiru coyene baxua paca juntu cui

coyene canapuxanaeya yabara janteminaeinchi xua painya nenafinacaewatsinexa. Equeicha pena juntu coyene paca cana exanaeinchi, xua painya nejuntu coyene weiweinaeya jinompaewa tsane. <sup>29</sup> Pana necui coyene xeinare tacuidubi coyene painya nenacuidubinexam tsane yawa painya neyawenaenexa tsane xua painya necuidubiwa tsane ichamonae. Baxuan paexande tsipei xan jopa bapana juntu cui coyene anaepanaeya tacuidubin jiwi. Matauta bapana jopa tajuntu cui coyene atsacaein. Matautano jopa pajuntu coyene deideijeya jinompaem tsane. Saya jame xanepanaeya painompaename tsipei paexanaename tacuidubi cui coyenein. <sup>30</sup> Barapo tacuidubi cui coyenewan jopa ayapubeyo painya juntu cui coyenetha. Bara paca itacupa xua painya neexanaewa tsane barapo tacuidubi cui coyenewan”, jei Jesús.

## 12

*Meje yabara poxonae Jesús pijimonaе tatsi yaboto nota trigo xu judiomonaе barompaya pia pentaquei seicaе mataqueitha tatsi (Mr 2.23-28; Lc 6.1-5)*

<sup>1</sup> Caentacabi poxonaе judiomonaе barompaya pia pentaquei seicaе matabitha tatsi barapo mataqueitha Jesús iru pijimonaе tatsino pabi iyiya. Jesús pijimonaе tatsi jainpa. Barapomonaе tamropata notarucupa xua yaboto xunumenapona trigo xu, bapoxonaе pecobetha xu mata pepeta yawa xu xane. <sup>2</sup> Poxonaе fariseomonaе cui tane xua Jesús pijimonaе tatsi exana, bapoxonaе barapomonaе Jesús tsipaebatsi, jeye:

—Jamaisa jinya jiwimonaе nacuita barapo matabithe poxonaе yaboto nota trigo xu. Apara jiwi jopa yabara copatichi xua penacuichiwa po mataqueithe xua judiomonaе barompaya pia pentaquei seicaе matabi tatsi, jei fariseomonaе. <sup>3</sup> Jesús jume nota, jeye:

—Barapo tajiwiwimonaе jopa apara abe exanaeyo. Jopa payabara yorobim pocotsiwa bayatha David exana poxonaе jainpa, poxonaе iru pijimonaе tajainpatsiru. Bapon David, pon caena bayatha israelmonaе itorobiya pia pepa Peewatsinchi. <sup>4</sup> Bapon David iru pijimonaе tatsi barapomonaе Nacom pin pia botha tatsi jojoniya. David xane pan, po pan ichamonae cana exana xua Nacomtha pecatsiwatsi. Iru barapo pan David pijimonaе cata xua pexaenexaru. Barapomonaе xane bequein bara Nacom pia peitorobi coyenewatha copata xua saya meisa sacerdotemonaе itacupatsi xua pexaewa tsane barapo pan. <sup>5</sup> Matautano bequein payabara yorobame Moisés pia peitorobi coyenewatha ichaxota jei: ‘Sacerdotemonaepiwi nacuita judiomonaе barompaya pia pentaquei seicaе matabitha tatsi poxonaе Nacom pin pia botha tatsi duwei tauta xua petuxusi exanaenexa Nacom nexa’, jei. Apara barapo coyene jopa peabe coyenewiyo. Jiwi bara copata. Jopa cui matawentsiyo bequein bara barapo judiomonaе barompaya pia pentaquei seicaе matabitha tatsi exana taetha. <sup>6</sup> Ichitha paca tsipaebatsi xua nama taayapusu itorobi coyenewa ainya cui beyacaincha Moisés pia peitorobi coyenewan tatsi, xuano beyacaincha barapo coyene po coyene poxonaе Nacom pin pia botha exana. <sup>7</sup> Paxam jopa xanepanaeya payaputaem xua Nacom jei pejume diwesitha: ‘Ichichipan xua painya nexainaewa tsane nantanuweya peyabara nanta xeinae unthato xua ichamonae painya neyawenaewa tsane. Baxua jame bichocono ichichipan beyacaincha

xua duwei petautsiwa xua petuxusi exanaewa xan nexa', jei Nacom Pejume Diwesitha. Icha bayatha payaputaetsipame pocotsiwa Nacom Pejume Diwesitha paeba, bapoxonae barapo tamonae jopa abe payabara paebimchipae pomonae bequein bara jopa abe exanaeyo. <sup>8</sup> Xan ponxaein Nacom Tananeitapetsixae taitorobi coyene xeinan xua jiwi tacoya taitorobiwa pentaquei seicae matakabitha, jei Jesús, fariseomonaetha.

*Meje yabara poxonae Jesús cobe wɥnae exana pon pecobe mabinchi (Mr 3.1-6; Lc 6.6-11)*

<sup>9</sup> Poxonae Jesús najume weta xua fariseomonaetha tsipaebatsi, bapoxonae Jesús bara weya natsixitabiya ponataba trigo pabi weya. Bapoxonae pona judiomonaetha pia penacaetutsi bo tatsi beya, bapoxonaeno joniya barapo botha. <sup>10</sup> Barapo botha pebin eca pon pecobe mabinchi. Baxotarɥ fariseomonaetha ena. Barapo fariseomonaetha ichipa piraichi Jesús yainyabatsi xua icha Jesús jume notsina icha jumetha xua bapoxonae Jesús pecui yabara paebinxatsi jiwitha xua Jesús abe exana. Barapo fariseomonaetha Jesús jeichichi:

—¿Bara Moisés pia peitorobi coyene jumewatha yabara copata jampa xua pon atene bara axaibi peexanaewatsi pentaquei seicae mataqueitha jampa? jei.

<sup>11</sup> Jesús jume nota, jeye:

—¿Jintam metha pon paxam jiwana, pon xeina cae oveja, xua poxonae jopa jutsipae icha barapo oveja mɥthɥtha tajoparecatsi? Apará bara awiya jutsipa pia ovejaxae bara bequein pentaquei seicae matakabi taetha. <sup>12</sup> Nama apará bichocono jiwi yabara Nacom tsita ainya cuichi beyacaincha xua oveja yabara Nacom tsita ainya cuichi. Daxota Nacom copata xua bara jiwi pexanepanae coyene exaneibina, bara bequein xua poxonae pentaquei seicae matakabintha taetha, jei Jesús fariseomonaetha.

<sup>13</sup> Nexata Jesús barai pontha pon pecobe mabinchi jeye:

—Nacobe doire, jei.

Poxonae bapon nacobe doita, bapoxonae nainya cobe wɥnae tsanaya icha icha cobe ichi. <sup>14</sup> Bapoxonae fariseomonaetha Jesús weya ponarɥɥpa xua Jesús pecui yabara paebinxatsi xua po cui coyenewatha Jesús pebexubiwa tsainchi.

*Meje yabara xua Jesús peyabara tsiwɥnae cui paebiwatsi*

<sup>15</sup> Poxonae Jesús yaputane xua yabara cui paebatsi xua abe exana mataɥtano xua bexubapaebatsi, bapoxonae Jesús bara weya ponataba. Mataɥtano Jesús pinmonaeno puna poinchi. Jesús axaibi exana ducua-naebiya daxita pomonae peatenewi. <sup>16</sup> Mataɥta Jesús barapomonaetha itoroba, jei: “Jopa baxua ichamonaetha pana necui yopichinde xua jiwi axaibi taexanaewa”, jei Jesús. <sup>17</sup> Jesús itoroba pomonae xua axaibi pe-exanaexae xua jopa peyabara cueicueijeinexa tsainchi ichamonaetha. Baxua exana xua penayabara jume cui wetsinexa xua Isaías pejume diwesitha bayatha yabara tsiwɥnaeya tina Nacom nexa pon Nacom peitorobi jume pepaebin. Nacom jeye, Jesús yabara:

<sup>18</sup> “Bapon apará pon inta nacuita, pon itapetan, pon bichocono antobein yawa xua nejnɥtɥ coyene weiweina exana pon.

Taitorobicaein tajumope tɥnaxɥ xua bapon peyantsiwa tsainchi.

Bapon daxita nacuanpiwitha capona exanaena tapexeinya jume diwesi pomonaetha pomonae jopa judiomonae naexanaeyo.

Barapon barapo pexeinya jume diwesi caponaena, xua pejume cowantsinexa tsane pomonae poxonae jume taibina barapo pexeinya jume diwesi xua bapoxonae barapomonae tayabara jantemainaenexa abe pia peexanae cuiru coyenein tatsi.

<sup>19</sup> Matauta bapon jopa jume matsontsonobeibi tsane. Bapon jopa namtsebiya wawai tsaibi tsane namtotha xua jiwi bapon pejume taenexa tsaibi tsainchi, xua bapon pejume naitaewatsinexa tsaibi tsainchi.

<sup>20</sup> Pomonae jopa peajuntucoyenesuwi xua tana nejume cowantsiwa, bapon jopa behai tsaibi tsane.

Barapomonae capanenebiya tsainchi.

Matautano pijimonae tatsi poxonae juntu coyene faefaenena, jopa anaya jutebi tsane.

Bara bapon yawenaena barapomonae.

Bapon baxua exanaena xua pijimonae yayawenaponaena beya tsane xua cui amanayabina pia peaitafaetabi jiwichi.

<sup>21</sup> Matauta daxita nacuanpiwi jiwanamonae pomonae jopa judiomonae naexanaeyo barapomonae bapon wunaewatatsi xua bara bapon barapomonae pecapanenebiwa tsainchi Nacom beicha”, jei Nacom Jesús yabara Isaias pejume diwesitha.

*Meje yabara poxonae Jesús baraichi xua pinae xeina Beelzebú pia peayapusu itorobi coyenewa tatsi*

*(Mr 3.20-30; Lc 11.14-23; 12.10)*

<sup>22</sup> Bapoxonae jiwi Jesús tacapatatsi pebin pon muxusipana exainchi cauri, matautano xua itata nacuta exainchino. Bapon Jesús axaibi exana. Bapoxonae pebin muxu nasaba, beta necota, matautano paebano.

<sup>23</sup> Daxita pomonae cui tane baxua, pocotsiwa Jesús exana, daxita barapomonae yabara najuntu coyene benaecaeya najei: “Jina, ¿bapon apara David pia pemomoxi susato jiwi jiwanapin tatsi jampa, pon Nacom yabara wunaewatatsi paeba xua pinae patopeicaena jampa?” jei.

<sup>24</sup> Poxonae baxua fariseomonae jume tane, jeye: “Bapon caurimonae itawetatsi apara pexeinaexae Beelzebú pia peayapusu itorobi coyenewa tatsi pon caurimonae pia pe ntaconaein tatsi”, jei fariseomonae.

<sup>25</sup> Jesús yaputane xua fariseomonae nanta xeina poxonae natsipaeba baxua, daxota jei fariseomonaetha: “Icha cae nacuapiwi nawepu tsatabe matauta nababe, bapoxonae jopa xaexaenaecaeyo. Matauta iruru icha cae tomarapiwi nababe, bapoxonae jopa xapain jinompaeyo barapo tomarapiwi. Matauta iruru icha cae bo matabuxayomonaebe nababe, yawa nawepu tsatajopabe bapoxonae jopa xaexaenaecaeyo.

<sup>26</sup> Barichi icha Satanás pijimonae tatsi nawepu tsatajopabe, matautano nababe, bapoxonae jopa xaexaenaecaeyo. Satanás jopa itacupaetsi xua itoroba pijimonae, tsipei amsiya exana. <sup>27</sup> Paxam pana neyabara jam: ‘Apara bapon itaweta cauri tsipei bapon xeina Beelzebú pia peayapusu

itorobi coyenewa tatsi, pon Beelzebú caurimonae pia pentacaponaein tatsi', pana neyabara jam. Icha baxua bara xainyei, ¿nexata eta po peayapusu itorobi coyeneya tatsi painyamonaе itaweta cauri? ¿Iruu barapomonaе itaweta cauri Beelzebú pia peayapusu itorobi coyenewatha tatsi? Daxota painyamonaе paca yaputane xua apara paxam panaerabame. <sup>28</sup> Ichitha nama xan cauri itawetan Nacom pia pejumope tñaxu tatsi pia peayapusu itorobi coyenewatha tatsi, xua barapo pejumope tñaxu tana necatsixae pia peayapusu itorobi coyenewa. Baxua apara paca tsipaebatsi painya neyaputaenexa xua painya xantha patopan ponxaein Nacom Tananeitapetsin.

<sup>29</sup> “Dapon aibi pon itacupatsi xua botha joniya po botha pon bichocono maxu daunwei pia bo tatsi xua daxita penotsiwa tsane pocotsiwa bapon xeina pon maxu daunwei, icha jopa copiya matha maxu cutanotsiyo. Barapocotsi juta coyeneya ichin. Xan cui amanayaban Satanás daxota neitacupa xua torotsiya itawetan bapon pijimonaе tatsi pomonaе caurimonaе.

<sup>30</sup> “Pomonaе jopa neyawenaeyo, barapomonaе apara inta abe exana. Barapomonaе exana xua ichamonaе jopa tana nejume cowantsiwa tsane. Barapomonaе jopa yawenaeyo xua ichamonaе nenacaetutsina tajiwimonaexae tsane.

<sup>31</sup> “Daxota paca tsipaebatsi xua pocotsiwa jiwi abe peexanae cuiru coyenein exana matautano pocotsiwa xua jiwi abe paeba, barapo coyene Nacom itacupatsi xua yabara juntemainaena daxita barapo coyenein. Pon abe yabara paeba Nacom pia Pejumope tñaxu tatsi Nacom bapana jopa yabara juntemainae tsane xua bapon paeba. <sup>32</sup> Matautano xan ponxaein Nacom Tananeitapetsin pon abe neyabara paeba Nacom itacupatsi xua bapon peyabara juntemainawatsi pocotsiwa bapon abe neyabara paeba. Ichitha pon nama bichocono abe yabara paeba Nacom pia Pejumope tñaxu tatsi, Nacom jopa bapana yabara juntemainae tsane bapon, anoxuae matautano xua bexa tsane”, jei Jesús.

*Mejeyabara poxonaе Jesús yabara cuiduba xua pinae jiwi yaputane nae penacoichixae*

*(Lc 6.43-45)*

<sup>33</sup> Equeicha Jesús jeye: “Icha nae po nae pexeinya nae bara nacoita po pethei pexeinya thei. Icha nae po nae peabe nae bara nacoita po pethei camatsa thei. Jiwi ba nae yaputane tsipei po nae penacoichixae. <sup>34</sup> ¡Paxam pomonaе bichocono abe peexanaewi pam! Icha jomomonaе ichi xua abe exana jiwitha bara paichim, abe paexaname jiwitha. Paxam jopa paca itacupaeyo xua xanepanaeya painya nepaebiwa, tsipei pocotsiwa painya coibototha papaebame barapara baxua painya juntu coyenetha pacayabara nanta xeiname. <sup>35</sup> Pon ba pejuntu coyene xanepanaein bapon ba xua xanepana paeba, tsipei ba pejuntu coyene xeicaein. Pon ba peajuntucoyenebein bapon ba xua abe paeba tsipei ba peajuntucoyenebein. <sup>36</sup> Ichitha paca tsipaebatsi xua matacabi patopeicaena po mataqueitha Nacom yabara paebina daxita jiwi penatsicuentisiwa abe peexanaexae bapontha. Barapo matacabitha daxita jiwi bewa atene tsane pepaebixae po jumein jopa xanepanaeyo. <sup>37</sup> Poxonaе Nacom yabara paebina daxita jiwi penatsicuentisiwa abe peexanaexae bapontha, Nacom tsanaya tsabina pia pepaebixae jumeintha

tsane. Pomonae paxam xanepanaya papaebame ichamonaetha poxonae cataunxuae pajinompame po irathe, Nacom xuya paca yabara jei tsane: ‘Barapomonae bara jopa abe exanaeyo’, paca yabara jei tsane. Paxam pomonae bayatha abe papaebame poxonae cataunxuae pajinompame po irathe Nacom xuya paca yabara jei tsane: ‘Maisa barapomonae abe pepaebiwi’, paca yabara jei tsane”, jei Jesús.

*Meje yabara poxonae pomonae peajuntucoyenebe jiwi Jesús cui itorobatsi xua peexanaewa tsane pexeinya petsita itutsi coyenewa (Mr 8.12; Lc 11.29-32)*

<sup>38</sup> Nexata fariseomonae jiwanamonae iruru pomonae jiwi pecuidubiwi Moisés pia peitorobi coyene tatsi jiwanamonae, daxita barapomonae Jesús cui itorobatsi, jeichichi:

—Pon jiwi Pecuidubim, paichichipan xua pata taewa tsane xua tapana netsita itutswam tsane cae jinya pexeinya netsita itutsi coyenewa pocotsiwa Nacom cacatsina pia peayapusu itorobi coyenewatha. Bapoxonae paca jume cowantsinchi, jei.

<sup>39</sup> Daxita barapomonaetha Jesús barai, jeye:

—Pomonae peajuntucoyenebe jiwi iruru pomonae jopa tana nejume cowantsi jiwi barapomonae necui itoroba xua taexanaewa cae coyenewa tapexeinya tsita itutsi coyenewa. Ichitha jopa tsita itutsin tsane icha tapexeinya tsita itutsi coyenewa. Saya meisa exanaein icha bayatha jata coyene cana ichichi Jonás pon Nacom peitorobi jume pepaebin, pon caena bayatha tupa. <sup>40</sup> Nacom Jonás itorobatsi Nínive tomarapiwi beya petsipaebinexa Nacom Pejume Diwesi barapomonaetha. Jonás jopa baxua peexanaexae daxota Nacom exana xua Jonás quianaxorecatsi duwein pon pinyo. Bapon barapo pin duwein tsijuntutha eca acoibi po matabiyobe, matautano acoibi po merawiyobe, beya poxonae equeicha yacabaxotsi xua asu popona. Barichi tsane xan ponxaein Nacom Tananeitapetsin tupaen. Bapoxonae muthatha nebotsina acoibi po matabiyobe nexa tsane, matautano acoibi po merawiyobe nexa tsane, beya poxonae equeicha Nacom asu juina nexanaena. <sup>41</sup> Matabi patopeicaena po matabitha Nacom yabara paebina daxita jiwi peperaxa exanaenexatsi penatsicuentsexae abe peexanaexae. Barapo mataqueitha Nínive tomarapiwi pomonae caena bayatha jinompa barapomonae abeya paca yabara paebina poxonae umenaena Nacom peitabaratha. Baxua exanaena tsipei barapo Nínive tomarapiwi icha juntu coyene xeina Nacomtha peuraxae xua abe exana caena bayatha poxonae Jonás muxuwetsiya tsipaeba barapomonaetha Nacom pia pexeinya jume diwesi tatsi. Ichitha paxam jopa bara paichim, jopa icha juntu coyene paxeinaem. Nama apara xote uncuanje ponxaein taexanaein po coyenewa pepa peainya cui coyenewa xua tacaponaewa Nacom Pejume Diwesi daxita jiwitha. Bara pocotsi coyenewa toxechiya ainya cui coyenewa beyacaincha Jonás po cui coyene exana poxonae Nacom Pejume Diwesi capona Nínive tomarapiwitha. <sup>42</sup> Matauta barapo matabitha tsane petsiriwa, powa caena bayatha tupa, bapowa asiya uncuaena Nacom peitabaratha tatsi. Barapowa pia nacuapiwayo, po nacua pocotsiwa parowa bereca taju bereca eca. Barapowa pia nacuapiwi tatsi itorobiya pia pepa peewatsiwayo. Barapowa yabara cueicueijejei tsane pomonae xua anoxuae jinompa poxonae uncuaena Nacom peitabaratha tatsi. Jei tsane bapowa: ‘Maisa pomonae

xua jinompa poxonae Mesías popona po irathe deque, barapomonaē abe bichocono peexanaewi, tsipei ajuntꝫcoyenefaetabiya jume tane pocotsiwa Mesías cuiduba bequein Mesías bichocono peyaputaēin', jei tsane barapowa. Barapowa baxua paebina tsipei bapowa bayatha tajꝫ werena pona, pesiwa ponaenexatsi Salomón, pon caena bayatha Israel nacuapiwi itorobiya pia pepa peewatsinchi. Bapowa yaputane xua Salomón bichocono peyaputaēin Nacom yabara. Daxota bapowa ichichipa xua pecuidubiwatsi xua Salomón pecuidubinexa Nacom yabara. Nama apara xote uncuanje ponxaein taexanaēin pocotsiwa pepa peainya cui coyenewa xua tacuidubin Nacom yabara daxita jiwitha. Barapocotsi coyenewa toxēinchiya ainya cui coyenewa beyacaincha Salomón po cui coyene exana poxonaē cuiduba Nacom yabara barapo petsiriwatha, jei Jesús.

*Meje yabara poxonaē Jesús yabara paeba cauri xua caewa nauyata pebintha*

*(Lc 11.24-26)*

<sup>43-44</sup> Equeicha Jesús jeye: “Poxonaē pebin wepu poinchi cauri, bapoxonaē cauri pona wexotha ichaxota ira tsewa pepoponaenexa tsane baxota. Ichitha poxonaē jopa caxinaeyo xua ichaxota pepoponaenexa bapoxonaē bapon nabarai: ‘Tha caibeya ponaetsi pebin beya ichaxota bayatha wepu ponan’, jei cauri. Poxonaē caibeya pona cauri caxina, pebin caxinatsi xua xanepanaeya popona. <sup>45</sup> Nexata equeicha cauri pona pebin weya. Pirapaeyo bapon baru patopa siete poyobe cauri pomonaē bichocono abe beyacaincha bapon pon copiya. Daxita barapo caurimonaē pebin puna jinompatsi. Anoxuae bapon nama yatsicaya bichocono abe cana exainchi beyacaincha poxonaē copiya abe cana exainchi poxonaē saya caein. Barichi tsane caurimonaē abe cana exanaena pomonaetha pomonaē anoxuae jinompa, pomonaetha pomonaē peajuntꝫcoyenebe jiwi, icha barapo caurimonaē ichi poxonaē pebin abe cana exainchi”, jei Jesús.

*Meje yabara xua Jesús pena tatsi irꝫꝫ peyapin jiwi tatsino*

*(Mr 3.31-35; Lc 8.19-21)*

<sup>46</sup> Jesús cataunxuae cueicueijeī tsuncuae poxonaē beya irꝫ pena tatsi peyapin jiwi tatsino pata. Daxita barapomonaeyobe pesato beya umena bequein ichichipa Jesús baru cueicueijeichi canta pin bicheito. <sup>47</sup> Ichꝫ Jesús baraichi, jeye:

—Ena, irꝫꝫ neyapin jiwino pesato beya umena. Bepara bequein cataei, necatsipaebinexa tsane, jei bapon.

<sup>48</sup> Ichitha Jesús jopa bara jume jejeyo, saya jame yainyaba bapontha, jeye:

—¿Jintam powa be taena natsicotanera? ¿Jintam pomonaē be tayapin jiwi natsicotanera? jei Jesús bapontha.

Baxua Jesús caunuta pia pecuidubinexa xua peyabara caunutsinexa pomonaē pia pepuna jinompaewichi.

<sup>49</sup> Nexata Jesús pijimonaē cowai yawa jei jiwitha:

—Pomonaē xua cowaan apara barapomonaē be taena tsicotan matautano irꝫ be tayapin jiwi tsicotanno. <sup>50</sup> Pomonaē xua exana pocotsiwa Taxa Nacom itoroba, pon peitabocotha peecaeinxae, barapomonaē be tayapin jiwi tsicotan, matautano irꝫ be tayapixi tsicotanno, matautano irꝫ be taena tsicotanno, jei Jesús.

## 13

*Meje yabara poxonae Jesús cuiduba jiwi pecayabara j̄ta pepaebi diwesiyo xua pon pēbin yabara*

*(Mr 4.1-9; Lc 8.4-8)*

<sup>1</sup> Barapo mataqueitha caena Jesús bo weya pona, bapoxonae pucua itapatha ecopa. <sup>2</sup> Tsipei pin bicheito nacaetuta Jesustha daxota Jesús jeratha nontabiya yawa tsiwiyo nayana toroya bapoxonae ecoundeca. Daxita barapo pin bicheito taetabo mene itapatha umena. <sup>3</sup> Jesús barapo pin bicheito cuiduba pecayabara j̄ta pepaebi diwesintha.

Cae diwesiyotha Jesús namchi, jeye: “Pebin pon pēbin pontaba pia ̄bichi pabitha. <sup>4</sup> Poxonae pon pēbin ̄bauya, icha xu namtotha xu othopeica. Peyapupunaewi yapata yawa xu xane. <sup>5</sup> Icha xu, xu othopeica ibowantha ichaxota ira itafafana. Barapoxonae barapo xu caena nainya xu xuwa tsipei jopa taj̄n xu xuwarecaeyo. <sup>6</sup> Ichitha poxonae xometo atsa tsina bapoxonae yaboto tsaquiwa yawa t̄pa tsipei jopa taj̄n tab̄n opina xuwarecaeyo. <sup>7</sup> Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan. <sup>8</sup> Icha xu, xu othopeica ichaxota ira w̄nae. Poxonae barapo xu, xu xuwa, xu naw̄naeta. Icha xun, xu nanacoitapona cien po xu matab̄n̄yobe tsiniya. Icha xun, xu nanacoitapona sesenta po xu matab̄n̄yobe tsiniya. Icha xun, xu nanacoitapona treinta po xu matab̄n̄yobe tsiniya. <sup>9</sup> Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús.

*Meje yabara poxonae Jesús namchi xua exua metha pecayabara j̄ta pepaebi diwesiyo yabara jane, jei*

*(Mr 4.10-12; Lc 8.9-10)*

<sup>10</sup> Nexata Jesús pijimonae imoxoyo caquita umenar̄c̄patsi yawa yainyabatsi, jeichichi:

—¿Eta xua metha jiwitha paebame pecayabara j̄ta pepaebi diwesin? jei Jesús pijimonae tatsi.

<sup>11</sup> Jesús jume nota barapomonaetha, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyaw̄n̄ xeinaewa. Barapo moya peyaw̄n̄ xeinaewa xua jiwi jopa peyaputaewa apara xua Nacom paca cana exana xua painya nepaca itac̄paewa xua painya nenaexanaewa Nacom piamonae tatsi pam, pomonae pamxaem Nacom itorobiya paca ewata. Ichitha jame ichamonae pomonae jopa nejume cow̄ntsiyo jopa daichichi. Nacom jopa copatsiyo xua barapomonaetha peyabara yaputaewa baxua. Daxota barapomonaetha cuiduban pecayabara j̄ta pepaebi diwesintha xua Nacom peyabara yaputaenexatsi. <sup>12</sup> Pon ba be conothona Nacom yabara yaputainchi, Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cow̄ntsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cow̄ntsiwa tsainchi. <sup>13</sup> Daxota jiwitha paeban pecayabara j̄ta pepaebi diwesintha. Baxua paeban barapomonaetha xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane. <sup>14</sup> Barapomonaetha baxua exana bayatha petsiw̄nae cui yabara



paebixaetsi, xua bayatha Isaías pon Nacom peitorobi jume pepaebin, petsiwunaee cui yabara paebixae pejume diwesitha pocotsiwa barapomonaee poxonaee baxua exanaena. Isaías Mesías nexa jeye barapomonaetha:

‘Xaniwaicha pana nejume taename ichitha jopa bepayaputaem tsane xua jopa painya tana nejume cowantsinexam tsane.

Pana necui taename ichitha xaniwaicha jopa bepayaputaem tsane xua painya tana necui yabara jume cowantsinexam tsane.

<sup>15</sup> Paxam bichocono paainya unthutom, xua jopa painya tana neyaputaexae jiwim.

Matautano jopa xanepanaeeya pajume taem tsane, be pomonaee penamuxujematsi jiwi pam tsane.

Panaichaquetsiname icha be pomonaee peitata nacutsi jiwi pam tsane.

Baxua paexanaename tsipei jopa bepainya tana nejume taewam tsane, xua jopa painya tana nejume cowantsinexa tsane.

Yawano matauta, baxua paexanaename tsipei jopa bepainya tana necui taewam tsane xua jopa painya tana nejume cowantsinexam tsane.

Matauta baxua paexanaename tsipei jopa bepainya tana neyaputaewam tsane painya itamaiqueitontha.

Matautano jopa painya neauraxae xua abe paexaname daxota jopa paca juntu coyene xanepana exanaetsi’, jei Isaías barapomonaetha xua Mesías nexa”, jei Jesús.

<sup>16</sup> Nexata Jesús pijimonaetha jeye: “Paxam pajuntu coyene weiweiname tsipei poxonaee pana necui taneme pocotsiwa exanan bapoxonaee pana necui yaputaneme. Matautano pajuntu coyene weiweiname tsipei poxonaee pana nejume taneme pocotsiwa paeban bapoxonaee pana nejume cowantame. <sup>17</sup> Xaniwaicha paca tsipaebatsi pin bicheitomonaee, pomonaee Nacom peitorobi jume pepaebiwi, matautano iruru pomonaee pejuntu coyene xeicae jiwi, pomonaee caena bayatha jinompa barapomonaee newunaee ewata xua tapatopeicaewa. Daxita barapomonaee bequein bichocono betaena pocotsiwa pana necui taneme, daichitha jopa baxua taeyo. Matautano bequein bejume taena pocotsiwa pana nejume taneme daichitha baxuan jopa nejume taeyo”, jei Jesús.

*Meje yabara poxonaee Jesús pijimonaee muxu yaputane exana po diwesi xua pecayabara juta pepaebi diwesiyo pon peubin yabara*

*(Mr 4.13-20; Lc 8.11-15)*

<sup>18</sup> Equeicha Jesús jeye: “Pajume taema xua paca tsipaebatsi pecayabara juta pepaebi diwesiyo xua pon peubin yabara: <sup>19</sup> Pomonaee bequein jume tane po pecuidubi coyenewa xua Nacom tamropata pitaba xua ewatsiya itoroba jiwi, barapomonaee daichitha jopa yaputaeyo barapo coyenewa. Daxota barapomonaee jopa xanepanaya exanaeyo icha be pocotsi juta coyeneya ichi xua pexuton xua po xuton namto othopeica. Bara juta coyeneya cana ichichi pomonaee jopa yaputaeyo tacuidubiwa. Caurimonaee pia pentacaponaein tatsi barapomonaee

omeicha bara jũntũ coyene weichichi tacuidubi coyenewa daxota barapomonaē jopa nejume cowũntsiyo. <sup>20-21</sup> Po xuton xua xu othopa ibowantha, barapo xuton yabara caunuta po jiwi xanepanaya jume tane Nacom Pejume Diwesi xuano jũntũ coyene weiweinaya Nacom jume cowũntatsi. Ichitha bara caeto jume cowũnta poxoru barapomonaē antaŋaetabiya jume jeba Nacom pejume diwesi pejuũntũ coyeneintha. Poxonaē yaitama barapomonaē bichocono peatenexae, mataũtano poxonaē barapomonaē yaitama abe petaxanaexaetsi ichamonaē xua pejume cowũntsixae Nacom, bapoxonaē caurimonaē abe exana barapomonaetha xua barapomonaē jũntũ coyene wejuũntemaina exanatsi xua Nacom pecayabara juũntemainaewatsi. <sup>22</sup> Po xuton xua xu othopa pesoiwantha, barapo xuton caunuta xua pomonaē Nacom Pejume Diwesi jume tane ichitha saya barompaya pia juũntũ coyenetha jinompa. Mataũtano saya u copei cayabara nanta xeina. Mataũtano saya exana pocotsiwa juũntũ coyene weiweina cana exainchi. Po coyene pebiwi exana baxuan barapocotsi juata coyene exana icha ichi xua po xuton be pesoiwantha xu othopiya. Barapo xuton jopa thei dubenaeyo. Barapocotsi juata coyeneya ichi barapo jiwi. Jopa xanepanaya Nacom tsita jinompaetsi. <sup>23</sup> Po xuton xua xu othopeica peira wũnaewatha, bara nacoita. Barapo xuton yabara caunuta pomonaē jume tane Nacom Pejume Diwesi, mataũtano jume cowũntano poxoru juũntũ coyene xanepanaeya jume tane. Mataũtano beta exana dubenanaebiya beya matapainya jiwi cui tane xua barapomonaē bara juũntũ coyene xanepana Nacom peitabaratha tatsi. Bapoxonaē ichamonaē barapomonaē jiwana beta yawena ichamonaetha icha barapo xuto ichi xua cien po xu matabũxũyobe tsiniya tsoponae. Mataũtano ichamonaē barapomonaē jiwana beta yawena ichamonaetha icha barapo xuto ichi xua sesenta po xu matabũxũyobe tsiniya tsoponae xua jume cowũnta. Mataũtano ichamonaē barapomonaē jiwana beta yawena ichamonaetha icha barapo xuto ichi xua treinta po xu matabũxũyobe tsiniya tsoponae”, jei Jesús.

*Meje yabara poxonaē Jesús cuiduba pecayabara juato pepaebi diwesiyo xua trigo xu yabara xua irũ baxoyo xuwina ayabo xu*

<sup>24</sup> Bapoxonaē Jesús equeicha cuiduba jiwi icha pecayabara juata pepaebi diwesiyo, jeye: “Yabara paca tsipaebatsi po coyene xua Nacom exanaena pon jiwi ewatsiya peitorobixaetsi. Bapon yabara paebina daxita jiwi penatsicuentsixae abe peexanaexae. Barapo coyenewa jupa, icha be pocotsi coyeneya juata ichi poxonaē pebin ba uũbapona pabitha peubi xuton po peubi xuton pexeinya xuton. <sup>25</sup> Ichitha poxonaē cataunx-uae jiwi maitumena, bapoxonaē pon pabi pexeinaein pia peaitaŋaetabi jitontsi tapatopatsi pia pabitha tatsi. Bapoxonaē bapon ayabo xu taũbarecatsi ichaxoyo uũbareca po pexu pexeinya xu. Poxonaē nacobe weta xua uũba ayabo xu, bapoxonaē napitabiya ponataba. <sup>26</sup> Poxonaē trigo xu yaothopa bapoxonaē irũ ayabo xuwina. <sup>27</sup> Bapoxonaē pon pabi pexeinaein baraichi pomonaē pia petanacuichixaetsi: ‘Pata Tanecana-mataxeinaem, icha bara metha uũbame po xu pexeinya xu, ¿nexata eta werena metha ayabo pona xua xuwa?’ jei. <sup>28</sup> Pon pabi pexeinaein jume nota pomonaē pia petanacuichiwixaetsi jeye: ‘Apara baxua inta exana pon tana neaitaŋaetabi jiton’, jei. Bapoxonaē bapon baraichi pomonaē pia petanacuichiwichi, jeye: ‘¿Ichichipame xua pata ponaewa tsane bara

beya pata xunaenexa barapo ayabo?’ jei. <sup>29</sup> Ichitha bapon jume nota jeye: ‘Bara tsane itompaena tsipei icha barapo ayabo paxunaetsipame payawa xunaetsipame trigo xu. <sup>30</sup> Bara saya yawa umenaena barapo ayabo beya abɯ poxonae yawa nawetsina trigo xu. Tha nexata bapoxonae itorobichi penacuichiwi xua copiya pexunaenexa barapo ayabo xua pepa cunton peexanaenexa, xua petautsinexa tsane, xua bapoxonae trigo xu pejebinxexa tabotha xua trigo xu matabotha’, jei pon pabi pexeinaein”, jei Jesús.

*Meje yabara poxonae Jesús cuiduba pecayabara jɯta pepaebi diwesiyo po peɯbi xutiyo peɯɯn mostaza xutiyo*  
(Mr 4.30-32; Lc 13.18-19)

<sup>31-32</sup> Equeicha Jesús jiwi cuiduba icha pecayabara jɯta pepaebi diwesiyo, jeye: “Nacom waba jiwi xua petanaexanaenexatsi pijimonae tatsi, pomonae itorobiya peewatsixae beya pinmonae tsoponae xua pomonae jume cowantapona Nacom. Barapo coyene jɯpa icha be poxonae pebin ichi poxonae ɯbanota pabitha po peɯbi xuto tsica xutiyo. Barapo xuto xuwa beya pin nae tsoponae. Barapo nae pepinnaexae daxota siri pemaxuranantha coton exana”, jei Jesús.

*Meje yabara poxonae Jesús cuiduba pecayabara jɯta pepaebi diwesiyo xua levadura yabara xua pan cotowa exana*  
(Lc 13.20-21)

<sup>33</sup> Jesús equeicha cuiduba jiwi icha pecayabara jɯta pepaebi diwesiyo, jeye: “Poxonae Nacom waba jiwi petanaexanaenexatsi pijimonae tatsi pomonae itorobiya peewatsixae barapomonae pin bicheitomonae naenaexanapona. Barapo coyene bara jɯta ichi, icha levadura matawɯn ichi pocotsiwa cotowa exana poxonae pan exana. Petsiriwa tres po tsoropabe trigo xu beno muxuna cauyentaba levadura matawɯn pocotsiwa xua cotowa exana pan. Bapoxonae pentɯɯ naexananaya cocotowapona tsipei levadura matawɯn muxunaxuba”, jei Jesús.

*Meje yabara poxonae Jesús cuiduba jiwi pecayabara jɯta pepaebi diwesixitha*  
(Mr 4.33-34)

<sup>34</sup> Jesús cuiduba jiwi daxita barapo coyenein xua xuan saya ɯ pecayabara jɯta pepaebi diwesixitha. Jesús jopa cuidubeibiyo poxonae jopa paebeibiyo pecayabara jɯta pepaebi diwesixitha. <sup>35</sup> Bara barapo coyeneintha Jesús cueicueijeji xua penayabara jume wetsinexa xua bayatha pon Nacom peitorobi jume pepaebin pecui yabara wɯnae tsiwɯnaeya paebixae, xua jeye:

“Jiwitha tsipaebin pecayabara jɯta pepaebi diwesintha.

Matautano muxuna yabara tsipaebin pocotsiwa moya yawɯn xeina xua jiwi jopa peyaputaewa, po coyene caena bayatha moya yawɯn xeina xua poxonae aena Nacom forota po cae pin nacuathe xua pocotsiwa beya anoxuae tsoponae”, jei bapon xua saya Jesús tapaebatsi.

*Meje yabara poxonae Jesús pijimonae yaputane exana po pecayabara jɯta pepaebi diwesiyo xua ayabo yabara*

<sup>36</sup> Nexata Jesús napeyaba pin bicheito jiwimonae. Bapoxonae botha joniya. Iru baxota Jesús pijimonae tatsi barapo botha najojoniyaru. Jesús pijimonae baraichi, jeye:

—Yabara pana neyaputane exande po diwesiyo xua ayabo po ayabo xuwa trigo pabitha, jei.

<sup>37</sup> Nexata Jesús namchi, jeye: “Pon uba po xuton pexeinya xuton, trigo xuton jan, bapon apara bara xan ponxaein Nacom Tananeitapetsin. <sup>38</sup> Matautano po pabitha ichaxota uba jan, apara jiwi pia juntu coyenein yabara caunutan. Pocotsi xuton xua yabara caunutan xua pexeinya xuton jan, apara yabara caunutan pocotsi jiwimonae xua patsina Nacom pia peitorobi nacua beicha tatsi. Po xuto peabe xuton, po xuton ayabo xu jan, apara yabara caunutan pocotsi jiwimonae caurimonae pia pentacaponaein tatsi pijimonae tatsi. <sup>39</sup> Pon uba po xuton abe xua ayabo xu jan, apara bapon caurimonae pia pentacaponaein tatsi yabara caunutan. Xua bayatha xu naweta jan, apara yabara caunutan, po mataqueitha xua Nacom daxita nacui wetsina. Matautano barapo matacabitha Nacom yabara paebina jiwi penatsicuentsiwa abe peexanaexae bapontha. Pomonae xua trigo xu, xu siraca jan, apara yabara caunutan matatsunpiwimonae. <sup>40</sup> Copiya matha xuexuetapona ayabo petautsinexa isototha. Jiwi bara jutiya ichainchi po matacabitha tsane Nacom daxita yabara paebina jiwi penatsicuentsiwa abe peexanaexae bapontha. Matautano barapo cae pin nacue weraweracaena. <sup>41</sup> Xan ponxaein Nacom Tananeitapetsin itorobin tamatatsunpiwi xua jiwi penotsinexa tsainchi pomonae abe peexanaewi, pomonae xua cana exana ichamonaetha xua ichamonaexua iru abe peexanaenexaru. Barapo matatsunpiwi wenotsina pomonae abe peexanaewi pomonae tajiwimonae baru jinompati. Barapo abe peexanaewi jopa tamonaeyo pomonae itorobiya taewatsixae. <sup>42</sup> Daxita barapo jiwi pomonae abe peexanaewixae bebai tsainchi, matatsunpiwi bebai tsane ichaxota isoto jopa itacounayiyo ataya. Baxota daxita jiwi wescoyei tsane matauta baxota nantanuweya nantu jayabina, poxoru bichocono atene tsane. <sup>43</sup> Bapoxonae pomonae exana pocotsiwa Nacom ichichipa barapomonae bichocono pexeinya coicha xeinaena po nacuatha ichaxota Nacom itorobiya ewata piamonae pon barapomonae pia paxaxae tatsi. Po pexeinya coicha xua barapomonae xeinaena, bichocono itupana icha be xometo ichi xua poxonae pentha. Icha pamuxu dubename, moya pana nejume naitaware pocotsiwa tapaca tsipaebiwatsi”, jei Jesús.

*Meje yabara poxonae Jesús pecayabara juta pepaebi diwesiyo paeba xua po peitupanaewa pocotsiwa bichocono ainya matoma xua ira buxupanatha boca panatha*

<sup>44</sup> Equeicha Jesús namchi, jeye: “Yabara paca tsipaebatsi po coyene xua Nacom exana, pomonaetha pomonae pejuntu coyene canamataxeinaexae pon jiwi itorobiya pia pepa peewatsinchi. Barapo coyene bara juta ichi, icha be pocotsiwa peitupanaewa ichi pocotsiwa ainya matoma xua ira buxupanatha boca pabitha. Poxonae pebin barapo peitupanaewa jemeicha ira buxupanatha namicha taebota, bichocono tsorobotha matatsaebota, bichocono peichichipaexae baxua. Jopa muxu tsipaebiyo ichamonaetha. Bichocono juntu coyene weiweina. Bapoxonae pia botha pona pecaenaetsinexa daxita xua xuan pocotsiwan xeina. Bapoxonae barapo paratixitha comota barapo pabi,

po pabitha boca barapo peitapanaewa. Bewa barichi jiwi. Bewa jiwi bichocono beita cui jichatsi xua pexeinaewanexa tsane barapo peajuntayapusawa, icha poxonae pebin ichi xua pitapeitapanaewatsi piraichi daxita caenaeta pocotsiwan xeina”, jei Jesús.

*Meje yabara poxonae Jesús cuiduba jiwi pecayabara jata pepaebi diwe-siyo xua po warowa pewan perla*

<sup>45</sup> Equeicha Jesús namchi, jeye: “Barichiru yabara paca tsipaebatsi po coyene xua Nacom exanaena pon jiwi ewatsiya peitorobixaetsi po coyene bichocono wanae. Barapo coyene bara jata icha be ichi poxonae jiton warowan matowa jeita. Barapo warowan xua bapon jeita, pewan perla. Bapon jeita pecomotsinexa tsane barapo warowan, po warowan ainya matoman. <sup>46</sup> Poxonae bapon cae warowaxuto taebota, po warowaxuto perla matawan xua bichocono ainya matoma, bapoxonae bapon pia botha pona matauta bapoxonae caenaeta daxita xua xuan pocotsiwa xeina. Bapoxonae comota po warowa bichocono ainya matoma, po warowa pewan perla. Bewa barichi jiwi. Bewa jiwi bichocono beita cui jichatsi xua pexeinaenexa peajuntayapusawa po peajuntayapusawa ataya tsiteca, icha poxonae pebin ichi xua pitaperlatsi piraichi daxita caenaeta pocotsiwan xeina”, jei Jesús.

*Meje yabara poxonae Jesús cuiduba jiwi pecayabara jata pepaebi diwe-siyo xua pecayamaewa yabara*

<sup>47</sup> Equeicha Jesús namchi, jeye: “Yabara paca tsipaebatsi po coyene xua Nacom exana pon jiwi ewatsiya peitorobixaetsi xua poxonae yabara paebina jiwi penatsicuentisixae abe peexanaexae. Barapo coyene bara jata ichi, icha be pocotsiwa xua xota jiwi yacamona duwei ichi. Jiwi peyacamaewa xoya pepa mar mentha xua daxita duweimonaein tunto pecapirenaenexa. <sup>48</sup> Poxonae bichocono wancaxuba xua peyacamonaewa pomonae peyaxunubiwi taetabo bejutaboreca. Bapoxonae enoundeca, xua naitaabiya tsana pejehebaponaenexa. Po duwei pepa duwei tsana naitaabiya jehebapona corotontha. Po duwei pocotsiwa camatsawan bebai tsoponae. <sup>49</sup> Barapocotsi jata coyeneya ichi tsane poxonae matabi patopeicaena, po mataqueitha xua poxonae nacua weraweracaena, matautano Nacom daxita yabara paebina jiwi penatsicuentisixae abe peexanaexae bapontha. Bapo mataqueitha matatsunpiwi patsicaena xua daxita jiwi petsabinexa tsainchi, pomonae abe peexanae cuiru coyenein peexanae jiwi tsana nobinchi xua pomonae xanapanaya peexanae jiwi pia xainya weya tatsi. <sup>50</sup> Pomonae abe peexanae cuiru coyene peexanae jiwi bebai tsainchi isototha ichaxota jopa ataya itacounaiyo. Baraxota wecoyei tsane matautano baxota nantanuweya nantu jayabina”, jei Jesús.

*Meje yabara poxonae Jesús cuiduba jiwi pecayabara jata pepaebi diwe-siyo xua pena peitapanaewa yawa xua peru peitapanaewa yabara*

<sup>51</sup> Nexata Jesús pijimonae yainyaba, jeye:

—¿Bara daxita baxuan payaputaneme xuaunxuae paca tsipaebatsi? jei.

Barapomonae Jesús jume notatsi:

—Aa, bara payaputan pocotsiwa xuaunxuae pana netsipaebame pon pata Tanecanamataxeinaemxaem, jei barapomonae.

<sup>52</sup> Bapoxonae Jesús pijimonaetha namchi, jeye:

—Pomonae pecuidubiwi Nacom pia peitorobi diwesi pomonae tamonaexae barapomonae yabara cuiduba ichamonaetha xua po coyene Nacom exana pon itorobiya peewatsin jiji. Barapomonae xeina ainya diwesi coyenewabe, po diwesi xua xan yabara, peru diwesi poxonae cataunxuae aibin tsica po cae pin nacuathe tsique yabara. Matautano xeina pena diwesi poxonae xua anoxuae poponan yabara. Barapo ainya diwesi coyenewabe barapomonae paeba jiwitha. Barapomonae bara be jata ichi icha be poxonae pon bo pexeinaein ichi. Poxonae piamonae tatsi nantawenona paparuwa yawa pexaewa, bapon baxua bara cata pijimonaetha, poxoru bapon jeba xua peruwa yawa xua penawa piamonae nexa, jei Jesús.

*Meje yabara poxonae Jesús Nazaret tomaratha popona  
(Mr 6.1-6; Lc 4.16-30)*

<sup>53</sup> Poxonae Jesús najume weta xua cuiduba jiji barapo pecayabara jata pepaebi diwesixi bapoxonae Jesús tomara weya pontaba. <sup>54</sup> Bapoxonae Jesús patopa pia tomaratha, po tomara pewun Nazaret tomara. Baraxota Jesús cuiduba jiji, judiomonaе pia penacaetutsi botha tatsi. Pomonaе jinompa Nazaret tomaratha yabara najuntu coyene cabenaeca xua pocotsiwa Jesús cuiduba. Barapomonaе natsipaeba, najei:

—¿Exota metha bapon nacuiduba jane, xua daxota bapon daxita peyaputaеin? ¿Jintam metha pia peayapusuwatha tatsi jane, poxonae po petsita itatsi coyene bapon exana? <sup>55</sup> Aparа saya bapon pexanto tatsi pon xua pecobe coxonaein xua naepan pematabobiwa. Aparа bapon pena tatsi María. Aparа bapon Santiago pentapin tatsi, iru José pentapin tatsi, iru Simón pentapin tatsi, iru Judas pentapin tatsitu iru. <sup>56</sup> Matautano iru pamcho jiji tatsi aparа jinompa barapo tomarathe. ¿Exota metha bapon nacuiduba jane, pocotsiwa xua beta naca cuiduba? jei barapomonaе.

<sup>57</sup> Daxota barapomonaе Jesús casebatsi pecui uwixaetsi. Barapomonaе uwa tsipei Jesús bichocono peyaputaеin. Jesús namchi jiwitha, xua nayabara paeba, jeye:

—Daxita jiji ba baru cui itura jina pontha pon Nacom peitorobi jume pepaеbin. Nama pia nacuapiwi tatsi iru pia bomonaе matabuxuyomonaepiwi tatsi barapomonaе ba jopa bapon baru cui itura jinaetsi, jei Jesús, xua nayabara paeba.

<sup>58</sup> Nazaret tomaratha, barapo tomaratha Jesús saya be conotha exana pexeinya petsita itatsi coyenewan tsipei barapo tomarapiwi Jesús jopa jume cowantichi.

## 14

*Meje yabara poxonaе Juan bexotsi  
(Mr 6.14-29; Lc 9.7-9)*

<sup>1</sup> Bapoxonaе caena Herodes pon Galilea nacuapiwi, pia peyanacua ewatsinchi, bapon jume tane daxita pocotsiwa juinya xua Jesús exana. <sup>2</sup> Herodes tsipaeba pomonaе petanacuichiwiixaetsi pia botha tatsi, xua Jesús yabara paebatsi. Herodes Jesús catsawiya yabara paebatsi, jeye: “Aparа bapon Juan, pon jiw i Pebautisabin, pon bequein bayatha tupa, pon equeicha asu juina. Tsipei bapon peayapusu itorobi coyenewa xeina daxota petsita itatsi coyenewa exana”, jei Herodes.

<sup>3</sup> Baxua Herodes paeba tsipei caena bayatha Herodes cui itoroba xua Juan pewaetabinoxatsi, matautano xua pemaxu cubinexatsi, matautano xua jiwi pecubi botha peetsinexatsi. Baxua Herodes exana tsipei piowa tatsi powa pewun Herodías, pia coutha baxua peichichipaexae. Barapowa copiya Felipe xeina pon Herodes peweicho tatsi. Herodes peweicho yacaiba yabuyo. <sup>4</sup> Juan bayatha paeba Herodestha, jeye: “Nacom pia peitorobi coyenewa jopa copatsiyo xua nexainaewa bapowa tsipei ichun piowa tatsi”, jei Juan.

<sup>5</sup> Daxota Herodes bichocono anaepana. Herodes ichichipa xua Juan pebexubiwatsi. Daichitha Herodes jopa baxua exanaeyo tsipei junuwa, jiwi cunuwatsi. Tsipei daxita jiwi nanta xeina xua Juan apara pon Nacom pia peitorobi jume pepaebin. <sup>6</sup> Ichitha poxonae Herodes yantacabi jopa po matacabitha poxonae caena bayatha nowaeuncua, barapo mataqueitha pinmonae nacaetuta xua pexaewa yabara nacaetuta pia xaetsi. Barapo penacaetutsiwi peitutha tatsi Herodías pexantiyo tatsi nawiraba. Herodes baxua bichocono ita cui xanepanatsi. <sup>7</sup> Herodes barapowa beya paeba, jeye:

—Nacom peitutha cata tsiwanae yabara paebatsi xua pocotsiwa tacaatsiwa tsainchi pocotsiwa xua tana newucaewam tsane tsipei inta pexeinya penawirabi coyene exaname, jei Herodes.

<sup>8</sup> Bapoxonae pocotsiwa pena itorobatsi barapowa Herodes wucatsi baxua. Bapowa namchi, jeye:

—Necare Juan pentasipa xua yatabore paratontha, pon jiwi Pebautisabin matasipa, jei Herodías pexantiyo tatsi.

<sup>9</sup> Ichitha baxua Herodes jume taya wecoyei tsanareca poxoru jopa ichipaeyo xua Juan petupaewa tsane. Tsipei mexeya poxoru bayatha Nacom peitutha peyabara tsiwanae paebixae xua bepa pinae catsina xua pocotsiwa pewucaewaxae tsainchi, matautano mexeya poxoru barapo pin bicheitho peitutha pepaebixae baxua, daxota itoroba xua bapowa bara catinchi baxua. <sup>10</sup> Daxota Herodes pomonae petanacuichiwix-aetsi, barapomonae Herodes cui itoroba xua Juan pewisi ucuibinexatsi jiwi pecubi botha iya. <sup>11</sup> Bapoxonae barapomonae paratontha matasipa yatabota yawa carendena. Bapoxonae Herodías pexantiyo tatsi catatsi, equeicha barapowayo xuya pena cata, Herodías catatsi, xua peyaputaenexa xua bara cou Juan bayatha tupa.

<sup>12</sup> Nexata pomonae Juan pia pepuna jinompaewichi, barapomonae pata jiwi pecubi botha. Juan petupaein pitatsi. Barapoxonae barapomonae Juan muthutha xotsi. Barapoxonae barapomonae pona Jesús beya xua baxua Jesús peyabara tsipaebinexatsi.

*Meje yabara poxonae Jesús apata pexaewa cinco mil pebiwi  
(Mr 6.30-44; Lc 9.10-17; Jn 6.1-14)*

<sup>13</sup> Poxonae Jesús yaputane xua Juan tupa, bapoxonae compa jeratha pona icha muxunene beya ichaxota jiwi ajibi. Ichitha jiwi yaputane xua ichaxota Jesús pona. Daxota pinmonae xua carepaya tomaranpiwi pecae iya pona, ichaxota Jesús ponaena jeratha. <sup>14</sup> Poxonae Jesús jera wenontounya, bapoxonae Jesús pin bicheito tane. Jesús yabara nanta xeina barapomonae xua peyawenaewa tsane. Bapoxonae Jesús axaibi exana peatenewi. <sup>15</sup> Tsipei yaitama bayatha tabopiya tsanaichaba, daxota Jesús imoxoyo caquita umenarucapatsi pijimonae. Barapomonae Jesús baraichichi, jeye:

—Apara bayatha tabopiya tsanaicha. Apara xote bomaxun ajibi. Barapo jiwi itorobare bu tsiqui tomaraxi beya ponaena xua pecomo-caenexa pexaewa xua pexaenexa, jei.

<sup>16</sup> Jesús jume nota pijimonaе, jeye:

—Apara jopa bewa ponaе barapomonaе, paxam jame maisa paapare pexaewa, jei.

<sup>17</sup> Jesús jume notatsi pijimonaе, jeye:

—Xote jopa pexaewa paxeinaeinyo. Saya apara cinco po panyobe paxeinan matauta saya ainyobe paxeinan duweiyobe, jei.

<sup>18</sup> Jesús jume nota:

—Painta xawena baxua, jei. <sup>19</sup> Bapoxonaе Jesús najume caitoroba xua bepa daxita barapo jiwi iratha taenaetsei. Bapoxonaе Jesús pecobetha pita cinco po panyobe yawa xua barapo duweiyobe xua ainyobe. Jesús peitaboco benecoicha yawa Nacomtha tsipaeba, jeye: “Аха, juntu coyene weiweinан xua pexaewa pata tanecatсиwaxaem”, jei. Poxonaе Jesús najume weta xua Paxatha tsipaeba, bapoxonaе pan epa janaca, yawano duwei epa janaqueba. Bapoxonaе Jesús pijimonaе caitoroba pexaewa xua pijimonaе tatsi xuya pecacataponaeenexa barapo jiwi. <sup>20</sup> Daxita barapo jiwi nabane beya barapo jiwi jain cowantaracupatsi. Bapoxonaе Jesús pijimonaе tatsi doce po cote matabaxuyobe wanba xua bayatha nacopaba pocotsiwa xua bayatha barapo jiwi jopa xaeyo petonsanaexae. <sup>21</sup> Pomonaе xua pexaewa nabane barapomonaе cinco mil pebiwi. Yabaxino iru nanabane. Matautano pexuino iru nabane. Daichitha jopa ununaetsi pexui matauta yabaxi jopa ununaetsi.

*Meje yabara poxonaе Jesús mene matatsun jumatha pona  
(Mr 6.45-52; Jn 6.16-21)*

<sup>22</sup> Nexata bapoxonaе Jesús jera beitorobiya pijimonaе, xua pijimonaе copiya petsiwana warapaenexa tsainchi icha muxunene beya xua pucua iya. Poxonaе barapomonaе ponaracupaba bapoxonaе Jesús barapo jiwi pu itoroba xua penawibiyaenexa pia tomaran beya. <sup>23</sup> Bapoxonaе Jesús demxuwа beicha pona xua baxota compa petsipaebinexa Nacomtha. Poxonaе quirei tsuxubi Jesús demxuwatha compa eca. <sup>24</sup> Poxonaе Jesús Paxa tsipaebauya, bapoxonaе caena iruru Jesús pijimonaе tatsi cataunxuae tuwatha yana pona. Jera maratsaca caewa carena tsaibi tsipei joibo dawerena daunwei. <sup>25</sup> Mataquei wnaeyo Jesús mene matatsun jumatha pona, pijimonaе itiya pona. <sup>26</sup> Poxonaе Jesús pijimonaе taeracupatsi, barapomonaе nanthathu cui coyene nabenaeca. Junuwiya wawaya jeye:

—¡Pai jaibo, jina! ¡Apara dowatsi! jei barapomonaе.

<sup>27</sup> Jesús pijimonaetha caena nainya tsipaeba, jeye:

—¡Apara xan! ¡Jopa pajunuwinde! ¡Maisa pajuntu coyene weiweinare! jei Jesús.

<sup>28</sup> Bapoxonaе nexata Pedro Jesús baraichichi, jeye:

—Tanecanamataxeinaem, icha bara metha xam yatsicaewa bapom, moya neitorobare xua mene matatsun juma ta-iyaeenexa nexainya beya, jei Pedro.

<sup>29</sup> Jesús jume nota, jeye:

—¡Moya anetha denande! jei Jesús.

Nexata Pedro mene matatsun juma nontabiya dunareca jera wereca. Bara Pedro mene matatsun juma iya pona pepatopaenexa Jesús pia



xainya beya tatsi. <sup>30</sup>Daichitha poxonae Pedro yabara nanta xeinanareca pin joibo, bapoxonae bichocono junuwanareca. Daxota bapoxonae Pedro yamene jopareca. Bapoxonae Pedro jume daunweya wawaya jeye:

—¡Tanecanamataxeinaem, necapanepare, nepitaxuina! jei.

<sup>31</sup>Bapoxonae Jesús nainya cobe pitaxuina. Jesús namchi, jeye:

—¡Maisa be conotha neyabara jume cowantame xua bara tana neitacapaewa xua tacayawenaewa tsainchi! ¿Eta xua metha ainya juntu coyeneintha nanta xeiname? jei Jesús.

<sup>32</sup>Poxonae Jesús iru Pedro nontabiyabe jeratha, Jesús bapoxonae joibo yainjei tsanaya exana. <sup>33</sup>Daxita pomonaе jeratha ena, barapomonaе Jesús wanae jaintatsi. Barapomonaе Jesús baraichi, jeye:

—Bara yatsicaya apara xam Nacom Pexantom tatsim, jei barapomonaе.

*Mejeyabara poxonae Jesús axaibi exana pomonaе peatenewi, pomonaе Genesaret nacuapiwi*

(Mr 6.53-56)

<sup>34</sup>Bapoxonae Jesús iru pijimonaе tatsi jeratha yana enapona beya poxonaе Genesaret nacua beya pata. <sup>35</sup>Pomonaе baxota jinompa, barapomonaе Jesús caena yaitainchi. Daxota barapomonaе najume caitoroba ichamonaetha daxita barapo Genesaret nacuapiwitha beya, xua Jesús pepatopaexae. Bapoxonaе daxita jiwi carendena peatenewi ichaxota Jesús pucua itapatha uncua. <sup>36</sup>Barapomonaе pomonaе peatenewi Jesús jume daunweya wucatsi, xua Jesús bara pecui copatsinexa xua bara petajayabinexatsi pia paparuwa tatsi xua peopirawa. Bapoxonaе daxita barapomonaе axaibi tsane. Pomonaе Jesús pia paparuwa tajayabatsi daxita barapomonaе equeicha axaibi exanatsi pocotsiwa bayatha atene.

## 15

*Meje yabara poxonaе Jesús yabara paeba xua pebin abe pia peexanaе cuiru coyene juntu coyene webocatsi*

(Mr 7.1-23)

<sup>1</sup>Fariseomonaе iru pomonaе jiwi pecuidubiwi Moisés pia peitorobi coyene tatsi, barapomonaе jiwana Jerusalén tomara werendena. Barapomonaе Jesús imoxoyo caquita umenaracupaia yainyabatsi, jeye:

<sup>2</sup>—¿Eta xua metha jinyamonaе jopa exanaeyo xua pocotsiwa wamo susato jiwi pia peitorobi cui coyenewatha itoroba? Barapomonaе pomonaе jinyamonaе barapo cui jopa exanaeyo. Barapomonaе jopa matha tsiwanaya nacobe quiateibiyo poxonaе beya xaiba xua jopa penataxobinexa tsane pia juntu coyenewantha, jei daxita fariseomonaе, iruru pomonaе jiwi pecuidubiwi Moisés pia peitorobi coyene tatsi.

<sup>3</sup>Nexata Jesús xuya yainyaba, jeye:

—Irru paxamdu, ¿eta xua metha jopa paexanaem pocotsiwa Nacom Pejume Diwesitha itoroba? ¿Eta xua metha saya meisa paexaname pocotsiwa painya amo susato jiwi pia peitorobi cui coyenewantha tatsi itoroba? <sup>4</sup>Jopa bewa paexanaem tsane painya amo susato jiwi pia peitorobi coyenewa tatsi po peitorobi coyenewa paca tsita ainya cui bichocono beyacaincha xua Nacom Pejume Diwesí. Tsipei Nacom Pejume Diwesitha jeye: ‘Axatha baru cui itura jinare, iruru enatha baru

cui itura jinare', jei Nacom. Yawa equeicha Nacom jeye: 'Pon paxa abe yabara paeba matautano xua pena abe yabara paeba, bapon bewa tupaena', jei Nacom Pejume Diwesitha. <sup>5-6</sup> Ichitha paxam ba papaebame xua pinae pebin ba itacupatsi xua pepaebiwa xua pejeiwa paxatha yawa penatha: 'Jopa neitacupaeyo xua tapaca cayawenaewatsi bara bequein paacopeibim, tsipei daxita pocotsiwa xeinan baxua yabara tsiwuna paeban xua Nacomtha bexa catsin', xua pejeiwa. Matautano ba pajam: 'Pon bapocotsiwa paeba, jopa nantawenonaeyo xua paxa yawenaena. Matauta jopa nantawenonaeyo xua pena yawenaena bara bequein acopeibi taetha', ba pajam. Poxonae baxua pacaunutsiya paebame paxam pacana exaname xua painya amo susato jiwi pia peitorobi cui coyenewa tatsi bichocono ainya cui coyene, beyacaincha xua Nacom Pejume Diwesi xua ainya cui coyene. <sup>7</sup> Itara mexeya pomonae xanepanaeya pepaebi jiwi pam, daichitha apara peajuntacoyenebe jiwi pam! Bara apara Isaias caena bayatha xaniwaicha paca yabara paeba pon Nacom peitorobi jume pepaebin. Bapon paca yabara jeye poxonae tina pejume diwesitha:

<sup>8</sup> Barapomonae itara be xanepanaeya neyabara paebina jiwitha xua pinae neyabara bara cui itura jina.

Daichitha barapomonae pia juntu coyenewatha jopa xaniwaicha neyabara bara cui itura jinae tsane.

<sup>9</sup> Bequein barapomonae newuna jainteibina poxonae nacaetuteibina, daichitha baxua jopa yawenae tsaiibi tsainchi tsipei barapomonae peajuntacoyenebewi.

Matautano tsipei po peitorobi coyenewa cuidubina jiwitha, apara jopa taitorobi coyenewiyo tsane, apara xua saya jiwi barompaya pia peitorobi coyenewa tatsi tsane', jei Isaias xua paca yabara paeba, jei Jesús.

<sup>10</sup> Nexata bapoxonae Jesús waba daxita jiwi xua imoxoyo peumendenenexa. Yawa namchi barapo jiwitha, jeye:

—Pana nejume naitaeware, painya neyaputaenexa pocotsiwa paca tsipaebatsi. <sup>11</sup> Pocotsiwa ba pebin pecoiboto deca tsijain jojonecatsi pexaewan, bequein jopa tsiwunaeya matha nacobe quiatsiyo poxonae xaiba, barapo coyene apara ba jopa bapana pebin juntu coyene taxobichi xua poxonae pocotsiwa pexaexae. Jame pocotsiwa ba pebin pecoibototha caunuta, xua peabe jume barapo jume coyene apara pebin juntu coyene taxobatsi xua poxonae pecueicueijeixae baxua, jei Jesús.

<sup>12</sup> Nexata Jesús imoxoyo caquita umenaracupatsi pijimonae. Jesús pijimonae yainyabatsi, jeichichi:

—¿Bara yaputaneme xua fariseomonae cayabara muxu coniquiya anaepana, xua nepaebixae baxuan? jei.

<sup>13</sup> Jesús jume nota pijimonae, jeye:

—Taxa pon peitabocotha peecaexae xubina pon jopa pejume cowantsinchi. Taxa barapocotsi jata coyeneya cana ichi tsane jiwitha icha pebin ichi xua poxonae pabitha pona, matauta poxonae naeyo tabu opina jonta daxita, pexubinexa. <sup>14</sup> Bara barabu neyabara

muXuconacaena, fariseomonaē. Jopa payabara jume naitaewatsinde pocotsiwa barapomonaē paēba. Tsipei barapomonaē jopa xanēpanaya peyawenaē jiwi ichamonaētha. Barapomonaē barapocotsi juta coyēneya exana, icha be pon peitata nacūtsin ichi, xua poxonaē matacapona ichūn xua pon peitata nacūtsin matacapoinchi. Bapoxonaē barapo caē peitata nacūtsinbe napuna joparecabe mūthūtha deca, jei Jesús.

<sup>15</sup> Nexata Pedro Jesús baraichi, jeye:

—Yabara pana yaputane exande po pecayabara juta pepaēbi diwesiyo xua pēxaēwa yabara, jei Pedro.

<sup>16</sup> Jesús biataēya jume nota pijimonaē, jeye:

—¿Paxam bara paichimū icha jiwi ichi? ¿Cataunxuae jopa painya yaputae jiwi pamū? <sup>17</sup> Bayatha paxam payaputaneme pocotsiwa pebin tsijain jojonecatsi pēxaēwa pēcoiboto deca baraxua jopa jūntū coyene taxobichi, tsipei barapo pēxaēwa jopa ponaēyo pia jūntū coyenēwatha. Jame barapo pēxaēwa pēcotsorotha pona, bapoxonaē nawexacaēca. <sup>18</sup> Ichitha pocotsiwa pēcoiboto tsina caunuta peabe jume, baxua apara seicaya pejūntū coyene wetsina jume pichapa. Tsipei baxua penanta xēinaē coyenēwa, daxota pebin abēya paēba. Daxota Nacom tsitatsi xua bapon peajūntūcuicoyenebein Nacomtha. <sup>19</sup> Tsipei pejūntū coyene wetsina jume pichapa pocotsiwa abēya penanta xēinaē coyenēwan, pocotsiwe meje: Ichūn anaya pēbexotsi coyenēwa, irū ichūn piseuri tatsi pepichi coyene, irū peita coxanaē coyenēwatsi coyene xua poxonaē penayaputae jiwi naperū nacoyoba, irū ichūn piawa tatsi pēcaibi coyene, irū ichūn yabara penaerabiwatsi coyene, irū ichūn yabara peae-biwatsi coyene. <sup>20</sup> Nacom tsitatsi xua daxita barapocotsi coyenein pebin ajūntūcoyenebe exanatsi xua jūntū coyene taxobatsi xua daxota jopa itacūpaetsi xua beta exana. Ichitha pocotsiwa pebin nabane mataūtano xua poxonaē bequein tsiwanaya matha jopa nacobe quiatsiyo, barapocotsi coyenein pebin jopa jūntū coyene taxobichi Nacom peitūtha tatsi, jei Jesús.

*Meje yabara poxonaē yabūyo powayo penanapaincha poponaēwayo Jesús jume cowūntatsi*

(Mr 7.24-30)

<sup>21</sup> Nexata bapoxonaē Jesús barapo ira weya warapa Genesaret nacua weya. Mataūtano pona icha nacua beya po nacūtha ichaxota Tiro tomara eca yawa Sidōn tomara ecano. <sup>22</sup> Yabūyo, powayo barapo cananeamonaēwayo patopa Jesús pia xantha tatsi. Bapoxonaē barapowa wawayā Jesustha jeye:

—¡Tanecanamataxeinaem, David pia pemomoxi susato jiwi jiwanam! Neyabara najūntū cui coyene cananta xēinare, xua tana neyawēnaenexam tsane. Taxantiyo inta cauri xēina; inta bichocono atene exanatsi, jei bapowa.

<sup>23</sup> Daichitha Jesús jopa jume notsiyo, saya moya uncuā. Nexata bapoxonaē Jesús imoxoyo caquita umenarūcūpatsi pijimonaē. Mataūtano jume daunweya baraichichi pijimonaē, jeye:

—Barapowa itawere, tsipei barapowa waputha jume daunweya wawai, jei.

<sup>24</sup> Nexata Jesús jume nota pijimonaē, jeye:

—Nacom meisa saya neitoroba Israel piamonae susato saineiwitha pomonae judiomonae xua tayawenaenexa barapomonae, tsipei barapomonae Nacom tsitatsi xua barapomonae nacabeta icha be ovejan ichi xua poxonae pipato napuxanumpa, jei.

<sup>25</sup> Ichitha barapowa pentabocotha uncua yawa irabe taeuncuareca Jesús peitabaratha tatsi tsipei bapowa bará cui itura jina peauraxae, yaitama tsipei Jesús pon jiwi pepa Pecanamataxeinaein. Bapowa namchi, jeye:

—¡Pon Tanecanamataxeinaem, neyawende! jei.

<sup>26</sup> Jesús jume nota barapowa, jeye:

—Jopa xanepanaeyo icha matha cayawenatsi powayo nenanapaincha poponaewayom poxonae cataunxuae matha jopa yawenaeyo pepa tamonae judiomonae. Icha baxua exanaetsipan, bapoxonae be pitan pexui pia pexaewa taapatsinexa aurimonae, jei.

<sup>27</sup> Barapowa Jesús jume notatsi, jeye:

—Aa, bara barichi xuaunxuae netsipaebame ponxaem Tanecanamataxeinaem. Jopa bewa auri catsibi pexui pia pexaewa tatsi, yaitama auri irá xane pocotsiwa pexui sorobaba barapo pepuráwixi pocotsiwa pexaethopaewa pebuxápana tsica. Daxota bara ichiya neichinde: Neyawende, tsipei bara neayapusá itorobi coyenewa nawita xeiname jinya axaibi exanaenexa judiomonae. Po neayapusá itorobi coyenewa judiomonae jopa canantawenonaeyo barapo neayapusá itorobi coyenewatha inta axaibi exande taxantiyo, jei.

<sup>28</sup> Nexata Jesús jume nota, jeye:

—¡Yabáyo, maisa bichocono neyabara jume cowántame xua bara tana neitacápaewa xua tacayawenaewatsi tsainchi! Bara cata exainchi pocotsiwa aunxuae newácame, jei Jesús.

Poxonae Jesús baxua paeba, bapoxonae nainya barapo yabáyo pexantiyo tatsi taaxaibi tsuxubichi.

*Meje yabara poxonae Jesús axaibi exana pin bicheitomonae peatenewi*

<sup>29</sup> Nexata bapoxonae Jesús bara weya pona. Galilea pucua itapa iya pona. Bapoxonae demxuwa icha juinya, baxota ecopa. <sup>30</sup> Ichaxota Jesús eca baxota pin bicheito jiwi ayei pata. Barapo bicheito jiwi carendena pejayuyajujeiwi, irá peitata nacátsi jiwino, irá pemuxusipanaewino, mataúta pomonae irá peacowaebi jiwi xua pomonae jopa xeinaeyo xua xota nacowaeba. Mataúvano irá icha bicheitomonaeno, pomonae peatenewi. Pomonae peatenewi Jesús pexainya tajebarecatsi. Daxita barapomonae Jesús axaibi exana. <sup>31</sup> Poxonae daxita jiwi baxua cui tane, pomonae jopa judiomonae naexanaeyo daxita barapo jiwi yabara cui coyene nanthúthá cabenaeca. Bapoxonae Jesús xanepanaya peexanaexae, barapomonae Nacom wánae jaintatsi, po Nacom Israel nacuapiwi pia Nacom tatsi. Daxota barapomonae baxua exana, tsipei Jesús equeicha paeba cana exanaeya exana pomonae pemuxusipanaewi. Mataúta tsipei Jesús taduba exana pomonae bayatha jopa xeinaeyo xua xota nacowaeba. Mataúvano tsipei pomonae pejayuyajujei jiwi equeicha beta pona. Mataúvano tsipei pomonae peitata nacátsi jiwi equeicha beta tane.

*Meje yabara poxonae Jesús pexaewa apata cuatro mil pebiwi  
(Mr 8.1-10)*

<sup>32</sup> Nexata Jesús waba pijimonaē, jeye:

—Yabara cui cananta xeinan barapo pin bicheitomonaē tayawenaenexa, tsipei barapomonaē acoibi po matabiyobe jinompa taxantha, maisa ajibi xua barapomonaē penabanaewa tsane. Jopa jainbotha bepu itorobinyo pia bon beya tatsi, tsipei icha barapomonaē jainbotha pu itorobichipan, metha piyain namtotha xuirabathopaetsipa, jei Jesús.

<sup>33</sup> Jesús baraichi pijimonaē, jeye:

—Xote ira xuepana susato tsurucuae nacua ichaxota jiwi ajibi. ¿Eta beya tsijeitinchi pexaewa barapomonaē pomonaē pinmonaexae? jei.

<sup>34</sup> Jesús yainyaba pijimonaē jeye:

—¿Eta po panyobe paxeiname? jei.

Barapomonaē Jesús jume notatsi, jeye:

—Siete po panyobe paxeinan yawa be conothano duweixi, poxi tsiquirixi, jei.

<sup>35</sup> Nexata Jesús pijimonaē najume caitoroba xua bepa pinae barapo pin bicheito jiwi iratha taenaetsei. <sup>36</sup> Jesús pecobetha pita barapo siete panyobe yawa duweixino. Bapoxonaē Jesús Paxatha tsipaeba: “Axa, juntu coyene weiweinana xua pexaewa pata tanecatsiwaxaem”, jei Jesús. Bapoxonaē Jesús pijimonaē tsicobe epa nantarubiya janaquiya catsibapona xua xuya pijimonaē tatsi pecatsibaponaenexa barapo jiwitha. <sup>37</sup> Daxita barapomonaē nabane, beya barapomonaē bichocono jain cowantaracupatsi. Bapoxonaē Jesús pijimonaē tatsi siete po cotebe wunba pocotsiwa xua barapo jiwi jopa xaeyo petonsanaexae. <sup>38</sup> Pomonaē xua nabane pexaewa barapomonaē cuatro mil pebiwi. Matautano iru yabuxi nanabane matautano iru pexui nanabane, daichitha daxita jopa ununaeyo. <sup>39</sup> Bapoxonaē Jesús pu itoroba xua barapo jiwi penawibiyaenexa pia tomaran beya. Bapoxonaē Jesús jeratha nontabiya, peponaenexa Magadán nacua beya.

## 16

*Meje yabara poxonaē fariseomonaē iru saduceomonaē Jesús cui itorobatsi pia pexeinya petsita itutsi coyene xua peitabocotha*

*(Mr 8.11-13; Lc 12.54-56)*

<sup>1</sup> Fariseomonaē iru saduceomonaē, barapomonaē pona Jesús beya xua Jesús pejuntu coyene jujutsinexatsi. Barapomonaē Jesús cui itorobatsi pia petsita itutsi coyenewa pocotsi coyenewa xua cana exana itaboco wetsica. Icha Jesús jopa itacupaetsi xua exana baxua, barapomonaē pepaebinexa tsane xua deta cou Jesús jopa apara Nacom Pexanto tatsi.

<sup>2</sup> Daichitha Jesús jume nota barapomonaetha, jeye: “Poxonaē tabopiya paxam ba pajam: ‘Baya tsane pexeinya matabi tsane tsipei anoxuae quiripitha itaboco tsobia’, ba pajam. <sup>3</sup> Ichacuitha tsipae poxonaē baya, paxam ba pajam: ‘Anoxuae ema duneicaena tsipei itaboco tsaebia yawa iturana’, ba pajam. ¡Itara mexeya pomonaē xanepanaya pepaebiwi pam, daichitha abe painya neexanaewi pam! Paxam peitaboco payabara yaputaneme. Ema ba payabara wunae yaputaneme. Matautano pexeinya matabino ba payabara wunae yaputaneme, deta meisa paxam jopa pana neyabara yaputaem matautano jopa payabara yaputaem pocotsiwa exanan tapexeinya tsita itutsi coyenewan. <sup>4</sup> Barapo peajuntucoyenebe jiwi iru pomonaē jopa tana nejume cowantsi jiwi, barapomonaē necui itoroba tapexeinya tsita itutsi coyenewa pocotsi

coyene cana exanan itaboco wetsica daichitha jopa baxua beexanaeinyo pocotsiwa barapomonaec necui itoroba. Saya meisa barapo petsita itatsi coyene exanaein, icha be pocotsi coyeneya Jonás cana ichichi pon Nacom peitorobi jume pepaebin xua poxonaep pin duweintha tsijuntutha eca acoibi po matababibe beya equeicha poxonaep yacabaxotsi xua asu popona”, jei Jesús xua nayabara paeba xua tupaena xua equeicha Nacom asu exanaena acoibi po merawithabe.

Bapoxonaep Jesús ponataba, yawa cuenta pona barapomonaep.

*Meje yabara poxonaep Jesús pijimonaep yabara yaputane exana, pocotsiwa pan cotowa exana*

*(Mr 8.14-21)*

<sup>5</sup> Poxonaep Jesús pijimonaep tatsi icha muxunene beya pona jeratha xua pucua iya, barapomonaep juntemaina xua pan capana. <sup>6</sup> Nexata Jesús pewnaeaya muxuweta pijimonaep xua jopa pejume cowantsinexa tsane fariseomonaep iru saduceomonaep pia pecuidubiwa coyenewa tatsi po pecuidubi coyenewa jopa Jesús pia pecuidubi coyenewa tatsi. Jesús jeye:

—Dota pam jopa pajume naitaewatsinde fariseomonaep pia pecuidubi coyenewa tatsi xua painya nejume cowantsiyainwa. Matauta dota pam xua saduceomonaep pia pecuidubi coyenewa tatsi xua painya nejume cowantsiyainwa. Barapo pecuidubi coyenewan jiwi ichawa beya ajantucicoyeneyapube cana exanapoinchi icha be pocotsi coyene ichi xua levadura matawan xua pan cotowa exanapona beya poxonaep pin pan, jei Jesús.

<sup>7</sup> Poxonaep Jesús yabara paeba pocotsiwa xua pan cotowa exana, bapoxonaep Jesús pijimonaep tatsi catsawiya nanta xeinaeaya natsipaeba caemonaep, najei:

—Metha Jesús daxota baxua paeba metha poxoru yaitama jopa caponaetsi pan, najei barapomonaep.

<sup>8</sup> Jesús yaputane pocotsiwa barapomonaep natsipaeba, daxota Jesús barai, jeye:

—Pocotsiwa pana natsipaebame xua jopa painya necaponaexae pan, apara poxoru jopa pana nejume cowantsim. <sup>9</sup> ¡Cataunxae jopa pana necui yabara yaputaem! Paxam pana necui yabara juntemainame poxonaep cinco mil pebiwi apatan pexaewa xua yabara juntemainame poxonaep saya cinco po panbe. Matautano pana necui yabara juntemainame poxonaep equeicha doce po cotebe pawwanbaponame pocotsiwa jiwi jopa xaeyo. <sup>10</sup> Matautano paxam pana necui yabara juntemainame xua poxonaep cuatro mil pebiwi apatan pexaewa xua poxonaep saya siete po panbe. Matautano pana necui yabara juntemainame poxonaep equeicha siete po cotebe pawwanbaponame pocotsiwa jiwi jopa xaeyo.

<sup>11</sup> Matautano jopa payaputaem xua poxonaep yabara paca tsipaebatsi fariseomonaep pia pecuidubi coyenewa tatsi, iru saduceomonaep pia pecuidubi coyenewa tatsi, apara jopa pan yabara paca tsipaebichi xua jopa painya necaponaexae, jei Jesús.

<sup>12</sup> Bapoxonaep matapainya Jesús jume yaputaerucapatsi pijimonaep, xua apara yabara paeba fariseomonaep pia pecuidubi coyenewan yainwa tatsi, iru saduceomonaep pia pecuidubi coyenewan yainwa tatsi. Matautano matapainya yaputaerucapa xua apara Jesús jopa yabara paebiyu pocotsiwa pan cotowa exana.

*Meje yabara poxonae Pedro namchi Jesustha jeye: “Xam apara Mesías Nacom caitorobica”, jei*

*(Mr 8.27-30; Lc 9.18-21)*

<sup>13</sup> Bapoxonae pirapae Jesús pona. Poxonae Jesús patopa Cesarea de Filipino tomara pecuariya xua pepa tomaratha, bapoxonae Jesús yainyaba pijimona, jeye:

—¿Eta po jiton, po jiton xua jiwi yabara paeba xua pinae bapon Nacom pia Peitapetsin tatsi? jei Jesús.

<sup>14</sup> Jesús jume notatsi pijimona, jeye:

—Ichamona cayabara jeye: ‘Apara bapon Juan pon jiwi Pebautisabin, pon equeicha petɥpaein asɥ juina’, jei. Iɥ ichamona cayabara jeye: ‘Apara bapon Elías pon equeicha petɥpaein asɥ juina’, jei. Iɥɥ ichamona cayabara jeye: ‘Apara bapon Jeremías pon equeicha petɥpaein asɥ juina’, jei. Iɥɥɥ ichamona cayabara jeye: ‘Apara bapon jiwana pomona Nacom peitorobi jume pepaebiwi’, jei, jei Jesús pijimona tatsi.

<sup>15</sup> Nexata Jesús pijimona barai, jeye:

—¿Incane iɥ paxamdɥ? ¿Eta pana neyabara jumichimɥ xua xan eta pondɥn? jei Jesús.

<sup>16</sup> Simón Pedro Jesús jume notatsi, jeye:

—Xam apara Mesías. Nacom caitorobica, pon asɥ popona. Xam apara Nacom Pexanto tatsim, jei Simón Pedro.

<sup>17</sup> Jesús barai, Simón Pedro baraichi, jeye:

—Simón, Jonás pexantom, maisa Nacom cajɥntɥ coyene weiweina exana, tsipei bapana jiton bapocotsiwa jopa cacuidubi pocotsiwa xua tana neyabara paebiwam. Saya apara meisa Nacom, Taxa, cacuiduba baxua pocotsiwa tana neyabara paebiwam, pon itabocotha eca. <sup>18</sup> Pocotsiwa xua tana neyabara paebiwam baxua natsita jume itapeinya xeiname xua bichocono tana necui yabara jume cowantsiwam. Daxota cawɥn dutatsi po wɥn xua jei: ‘Pedro’, jei, po wɥn caunuta xua jei: ‘iboto’, jei, tsipei ba iboto bichocono mata daunwei. Pocotsiwa xua xainyeya neyabara paebame baxua be iboto coyene jɥtiya paebame poxonae jam: ‘Xam apara Mesías. Nacom caitoroba, pon asɥ popona. Xam apara Nacom Pexanto tatsim’, jam. Daxita pomona xua neyabara jume cowanta barapo pexainyeya jume tana neyabara paebiwathaxaemxae, barapomona tajiwiwimona exanaein. Tajiwiwimona catsin taayapusɥ itorobi coyenewa xua barapo tajiwiwimona jopa peamanayabinexa tsainchi pia peaitafaetabi jiwichi pomona petɥpae cuiru nacua beya ponaena. <sup>19</sup> Xam Pedrom, cacatinchi taayapusɥ itorobi coyenewa xua copiyam tsane caponaename tajume diwesi xua xan yabara ponxaein Mesías, ponxaein Nacom Pexanton. Barapo tajume diwesi caponaename judiromaetha mataɥtano caponaename pomonaetha pomona jopa judiromaetha naexanaeyo. Mataɥtano xam pon tajitonxaem, pocotsiwa xam jopa copatsim barapo cae pin nacuathe, xua pocotsiwa tamona exana, baxuan bara iɥ Nacom jopa copatsiyo pia peitorobi nacua beicha xua barapomona bara peexanaenexa baraxua. Pocotsiwa copatame xua tajiwiwimona peexanaenexa barapo cae pin nacuathe, bapocotsiwa iɥ Nacom copata pia peitorobi nacua beicha xua barapomona bara peexanaenexa baxua, jei Jesús.

<sup>20</sup> Nexata Jesús pijimonae muxu barai xua pijimonae jopa peyabara pepaebinxatsi ichamonaetha baxua xua po coyene bapon apara Mesías.

*Meje yabara poxonae Jesús nayabara diwesi paeba po coyene xua peitupaewa tsane*

*(Mr 8.31–9.1; Lc 9.22-27)*

<sup>21</sup> Bapoxonae barapo matakabi weya Jesús tamropata pitaba xua pijimonaetha tsipaeba pocotsi coyene Jesús cana exanaeinchi ichamona, jeye:

—Bewa ponaein Jerusalén tomara beya ichaxota pitiri jiwi, iruru sacerdotemona pia pentacaponaeawi tatsi, iruru pomona jiji pecuidubiwi Moisés pia peitorobi coyene tatsi, daxita barapomona bichocono neperaxa jubina. Matautano barapomona nebejubina. Daichitha poxonae acoibi po matakabiyobe tsuxubi tsane equeicha Nacom tatupaein asu neexanaena, jei Jesús.

<sup>22</sup> Ichitha bapoxonae Pedro, Jesús baru natsixitabatsi aisowa beya. Pedro Jesús baraichichi, jeye:

—Xam pon Necanamataxeinaem. ¡Jamaisa daxua paebameno, bara! Nacom jopa copatsi tsane xua jiwi cata exanaena baxua, jei Pedro.

<sup>23</sup> Nexata Pedro peitabara beya tatsi Jesús napatomeicha cauncuatabiya namchi, jeye:

—¡Xam newepu natsixitabare, tsipei be Satanám! ¡Nejuntu coyene jajutame xua jopa xanepanaya taexanaewa tsane neaichaxaibixae xua tatsitupaewa tsane jiwi! Xam saya abe nanta xeiname icha pebiwi ichi. Saya jopa nanta xeinaem pocotsiwa Nacom necayabara nanta xeina xua tatsitupaewa tsane jiwi, jei Jesús.

<sup>24</sup> Nexata Jesús barai pijimonae, jeye:

—Icha pebin ichichipa xua tajiwiwimona jiwana pin penaexanaewa tsane, bewa bapon yabara naitematsi pocotsiwa xua bapon ichichipa pia peexanae coyenewan tatsi. Bapoxonae jame bapon bewa eexanapona pocotsiwa itoroban, bequein bara bapon bexotsi ichamona, tajiwiwimona jitonxae. <sup>25</sup> Pon naantobeya nata exana pocotsiwa bapon ichichipa, bapon jopa xeinaeyo peajuntu yapusawa, po peajuntu yapusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan tana neantobexae bapon xeinaena peajuntu yapusawa, po peajuntu yapusawa ataya tsiteca xua Nacom pia nacua beicha. <sup>26</sup> Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntu coyenesawa po peajuntu coyenesawa ataya tsiteca, bapoxona bapon jopa itacupaetsi xua penajuntu coyene capanepaewa xua jopa peweraweracaewa. Tsipei pebin jopa itacupaetsi xua barapo copeitha matomatsina Nacomtha xua bapon pecatsinexa tsainchi peajuntu coyenesawa xua barapoxona pepatopaewanexa tsane Nacom pia nacua beicha tatsi. <sup>27</sup> Tsipei xan ponxaein Nacom Tananeitapetsin bewa yawa muxuna patopeicaein Nacom pia peitupanaewa tatsi. Matauta matatsunpiwi baru patopeicaein. Daxita carepaya jiwitha catsibin pocotsiwa peyabara cui matomatsiwatsi. Pomona jopa xapain exanaeyo ichamonaetha xuya barapocotsi coyeneya exanaein xua antomabeya catsin. Pomona xua xanepanaya exana ichamonaetha pocotsiwa cui itoroban xuya barapocotsi coyeneya exanaein matoma xanepanaya catsibin. <sup>28</sup> Bara xaniwaicha paca tsipaebatsi xua pomona



xote umene barapomonae jiwana ab<sub>u</sub>, copiya matha yabara yaputaena poxonae xan ponxaein Nacom Tananeitapetsin tamropata pitabin xua itorobiya taewatsiwa tsane pomonae tana nejume cowantsiwi, jei Jesús.

## 17

*Meje yabara poxonae Jesús pijimonae peit<sub>u</sub>tha pexeinya it<sub>u</sub>panae coicha tsanaya naexana*

*(Mr 9.2-13; Lc 9.28-36)*

<sup>1</sup> Poxonae seis po matabibibe jopa, po matabin weya poxonae Jesús paeba baxua, bapoxonae icha matabitha Jesús pona demxuwaba beicha. Pedro Jesús bar<sub>u</sub> pona, ir<sub>u</sub>no Santiago Jesús bar<sub>u</sub> pona, ir<sub>u</sub>no Juan Jesús bar<sub>u</sub> pona, pon Santiago peweicho tatsi. Barapo acoibi poyobe Jesús matabapona demxuwatha, po demxuwatha bichocono ta<sub>u</sub>cha ichaxota jiwaibi. <sup>2</sup> Baxoteicha daxita Pedrobar<sub>u</sub> peit<sub>u</sub>tha tatsi Jesús pexeinya it<sub>u</sub>panae coicha tsanaya. Bichocono itabara daedaena icha be xometo ichi poxonae pentha. Mata<sub>u</sub>tano pocotsiwa penama xatatsiwa bichocono inyapana tsanaya icha peicoicha ichi. <sup>3</sup> Bapoxonae Pedrobar<sub>u</sub> taer<sub>u</sub>c<sub>u</sub>pa Moisés ir<sub>u</sub> Elías xua baponbe Jesús bar<sub>u</sub> cueicueijeichibe. <sup>4</sup> Bapoxonae Pedro namchi Jesth<sub>u</sub>, jeye:

—Pata Tanecanamataxeinaem, maisa w<sub>u</sub>nae xua xote pata ume-naewa. Icha ichichipame, bapoxonae pacata acabinchi acoibi po boutiyobe, cae bouto xam nexa, icha bouto Moisés nexa, icha bouto Elías nexa, jei Pedro.

<sup>5</sup> Poxonae cataunxuae Pedro cueicueije, xua Jesús bar<sub>u</sub> cueicueijeichi, bapoxonae daxita barapomonae bematawacaicha taruneicatsi tsaquinaebowa po tsaquinaebowa bichocono pentha. Nexata barapomonae tsaquinaebowatha pejume jume tane xua Nacom namchi, jeye: “Bapon apara Taxanto, pon bichocono antobein, pon itapetan. Bapon bichocono nej<sub>u</sub>nt<sub>u</sub> coyene weiweina exana. Bapon beta pajume taema pocotsiwa paca tsipaeba”, jei Nacom.

<sup>6</sup> Poxonae Jesús pijimonae tatsi jume taer<sub>u</sub>c<sub>u</sub>pa baxua, bapoxonae barapomonae pia coutha iratha nabebeya, irabe taebobendeca. Barapomonae bichocono pijunuwi. <sup>7</sup> Bapoxonae Jesús pijimonae imoxoyo caquita uncuataba yawa pijimonae war<sub>u</sub>ba, jeye:

—Panonobaponde, painya xoba pajunuwame, jei Jesús.

<sup>8</sup> Poxonae barapomonae necobar<sub>u</sub>c<sub>u</sub>pa beya meisa Jesús compa unca, ichamonae aichurubena.

<sup>9</sup> Poxonae Jesús pijimonae bar<sub>u</sub> duneica demxuwaba wetsica, pijimonae barai, jeye:

—Ichamonaetha jopa baxua patsipaebinde pocotsiwa aunxuae pataneme xuaunxuae paca tsita it<sub>u</sub>tatsi, beya ab<sub>u</sub> poxonae xan ponxaein Nacom Tananeitapetsin equeicha as<sub>u</sub>n poponaein tat<sub>u</sub>rae coyene weya, jei Jesús.

<sup>10</sup> Nexata Jesús yainyabatsi pijimonae, jeye:

—Pomonae jiwi pecuidubiwi Moisés pia peitorobi coyene jeye: ‘Mesías matha tsiwanaya patopaeinchi Elías’, jei. ¿Eta pocotsiwa metha jane? jei Jesús pijimonae tatsi.

<sup>11</sup> Jesús jume nota, jeye:

—Bara xainyei, copiya matha netsiwanaya patopa pon icha be Elías ichi. Mata<sub>u</sub>tano bapon cana exana jiwitha xua jiwi cana j<sub>u</sub>nt<sub>u</sub> coyene

weta exanaya exanatsi xua tana nejume cowantsiwa tsane xua tapatopaewa tsane. <sup>12</sup> Ichitha xan paca tsipaebatsi xua bayatha apara patopa pon copiya matha netsiwanaya patopa pocotsin xua icha Elías ichi. Poxonae bapon bayatha patopeica jiwi jopa yaitaeyo bapontha pon icha Elías ichi. Saya barapo jiwi bapon abe cana exanatsi be pocotsi coyeneya ichichipa beya poxonae bapon yatsicaya bexotsi. Icha bapon ichichi xua poxonae cana exanatsi, barapomonae bara neichi tsane ponxaein Nacom Tananeitapetsin. Barapomonae iru neboxubina, jei Jesús.

<sup>13</sup> Jesús pijimonae tatsi matapainya yaputane xua poxonae Jesús pijimonae tsipaeba Elías yabara, apara xua Juan yabara paebatsi pon jiwi Pebautisabin.

*Meje yabara poxonae Jesús cauri taitaweta xua pewowin xeina  
(Mr 9.14-29; Lc 9.37-43)*

<sup>14</sup> Poxonae demxuwa weya pona, bapoxonae Jesús pijimonae baru patopa ichaxota pin bicheito jiwi jinompa. Bapoxonae pebin Jesús imoxoyo caquita uncatabatsi. Bapon pentabocototha uncua Jesús peitabaratha tatsi. Bapon Jesús baraichi, jeye:

<sup>15</sup> —Tanecanamataxeinaem, inta taxanto yabara najuntu coyene xeinare xua jinya neyawenaenexa. Taxanto inta waetabatsi cauri. Inta papai exanatsi. Inta coibo thamthamei exanatsi. Matayaiba exanatsino. Matauta isototha inta bebai tsaibichino. Matautano mentha inta bebai tsaibichino. <sup>16</sup> Bequein barapo taxanto xote caponanje jinyamon-aetha yawa janje: ‘Painta taxanto taitawere cauri’, jan, daichitha jopa itacupaetsi xua taxanto petaitawetsinexatsi cauri, jei bapon.

<sup>17</sup> Jesús namchi daxita barapomonaetha, jeye:

—¡Paxam barapomonae pam pomonae jopa xapain cataunxuae pana nejume cowantsim! ¡Paxam barapomonae pam, peajuntucoyenebe jiwi pam! ¿Eta po weibe nantawenonan xua bewa tapaca baru ecae-watsi tsainchi xua beya poxonae tapana nejume cowantsiwam tsane? Matautano ¿eta po weibe equeicha nantawenonan xua tapaca cayawenaewatsi tsainchi? Inta xawena pewowin, jei Jesús.

<sup>18</sup> Bapoxonae Jesús itaweta cauri, matautano pewowin wepu ponatsi exanatsi. Barapo pewowin nainya axaibi tsuxubi.

<sup>19</sup> Bapoxonae pirapaeyo Jesús compa tsipaebatsi pijimonae. Jesús jeichichi:

—¿Eta pocotsiwa metha jopa pana neitacupaeyo xua pata taitawetsiwa cauri? jei Jesús pijimonae tatsi.

<sup>20</sup> Jesús jume barai pijimonae jeye:

—Jopa paca itacupaeyo xua painya itawetsiwa cauri tsipei jopa beta payabara jume cowantsim xua Nacom painya nepaca cayawenaewa. Bara xaniyeya paca tsipaebatsi. Icha paxeinaetsipame xua be peya pejume cowantsi coyenewiyo xua bequein, icha mostaza xutiyo juta ichi xua tsica xutiyo, ichitha bara paca itacupa xua urutotha painya nejeiwa: ‘Uruto bara jincoutha natabu jonde, icha ira beya naxore’, xua painya nejeiwa. Bara jopa bayathiyo tsipae barapo uruto. Dapocotsiwa apara pacata aibi, pocotsiwa peayapubeya daunweiwa icha paxeiame tapana nejume cowantsiwam xua peya jume cowantsiwiyo.

<sup>21</sup> Barapo cauri saya paca itacupa xua painya neitawetsiwa poxonae

matha payabara nainbotame matautano poxonae matha Nacomtha matowa pawuacame, jei Jesús.

*Meje yabara poxonae equeicha Jesús nayabara paeba xua poxonae tupaena*

(Mr 9.30-32; Lc 9.43-45)

<sup>22</sup> Poxonae cataunxuae Jesús pijimonaе baru popona Galilea nacuatha, pijimonaе tsipaeba, jeye:

—Xan ponxaein Nacom Tananeitapetsin, jiwi necaenaetsina ichamonaetha. <sup>23</sup> Bapoxonae bequein nebexubina, ichitha poxonae acoibi po matacabiyobe yapucaewina Nacom equeicha tatupaеin asu neexanaena, jei Jesús.

Bichocono Jesús pijimonaе tatsi anthuthutane, xua poxonae Jesús pejume taexaetsi poxonae baxua paeba.

*Meje yabara poxonae Jesús cata paratiyo xua Nacom pin pia bo nexa*

<sup>24</sup> Jesús baru patopa pijimonaе Capernaum tomaratha. Bapoxonae pomonaе paratixi penoteibiwi po paratixi judiomonaе bewa catsibeibina xua Nacom pin pia bo nexa, barapomonaе Pedro pexainya beya taponatsi. Barapomonaе Pedro yainyabatsi, jeichichi:

—¿Pon painya nepaca cuidubin, bapon bepa pana catsei paratixi xua Nacom pin pia bo nexa? jei.

<sup>25</sup> Pedro jume nota, jeye:

—Aa, bepa paca catsei, jei Pedro.

Poxonae Pedro botha joniya, Jesús copiya barai bapon, jeye:

—Simón, ¿eta be caita cui jicha? Barapo cae pin nacuathe, ¿eta po jiwi wuacatsi paratixi, po paratixi xua jiwi bewa catsibeibina pomonaetha pomonaе jiwi itorobiya pia pepa peewatsiwichi poxonae pomonaе jiwi itorobiya pia pepa peewatsiwichi wuca? ¿Metha bara piamonaе matabuxu wuca? Ichacuitha, ¿metha bara ichamonaе wuacatsi pomonaе penanapaincha jinompaewi xua icha nacua werena reponaewi? ¿Eta pomonaе cuita wuacatsi? jei Jesús.

<sup>26</sup> Pedro Jesús jume notatsi, jeye:

—¡Apara jame wucaetsipa ichamonaetha! jei Pedro.

Equeicha Jesús jume nota, jeye:

—Nexata barapomonaе jopa wucaeyo piamonaе matabuxuyo. <sup>27</sup> Barichin jopa bewa Taxa catsin tsane paratixi, yaitama tsipei apara Taxa Pexanton tatsin. Ichitha xua barapomonaе jopa wanaca casebinexa, matha mene beya ponde. Curupobo xoyama mentha bapoxonae po duwein copiya wana pichina curupobo, pire barapo duwein. Bapoxonae barapo duwein coiboto tsina paratiyo taename po paratiyo xua naca yajupabe xua wamatomatsiwabe tsane Nacom pin pia bo nexa. Bapoxonae barapo paratiyo caponde pomonaе paratixi penoteibiwi beya bara careno, jei Jesús.

## 18

*Meje yabara poxonae Jesús yabara yainyabatsi pijimonaе xua ponpeainya cui peexanaeinchi*

(Mr 9.33-37; Lc 9.46-48)

<sup>1</sup> Nexata bapoxonae Jesús imoxoyo caquita umenaruсupatsi pijimonaе, yawa pijimonaе yainyabatsi, jeichichi:

—¿Jintam paxan jiwana pan pon bichocono ainya cui cana exanaeinchi po mataqueitha poxonae Nacom wabina jiwi xua petanaexanaenexatsi pijimonaе pomonaе itorobiya pecanamataxeinaexae? jei Jesús pijimonaе tatsi.

<sup>2</sup> Nexata Jesús waba pexuyo, yawa pijimonaе tatsi peitabarayo deca tatsi tacuaranoreca. <sup>3</sup> Jesús namchi pijimonaetha, jeye:

—Bara xainyeya paca tsipaebatsi bewa paxeinaem icha juntu coyenewa xua jopa pananta xeinaem peainya cui coyenewa yabara. Barapocotsi juntu coyenewa pexui ba xeina xua jopa taayapubetsi poxonae nejume cowanta. Bewa pananta xeinaem icha pexui ichi poxonae nanta xeina, icha paichichipame xua Nacom painya nepaca wabiwa xua pijimonaе tatsi painya nepaca exanaewa pomonaе pamxaem Nacom itorobiya paca ewata. <sup>4</sup> Po jiton pon najuntu coyene acaura, xua daxota bichocono Nacom canantawenonatsi xua pejume cowantsiwatsi, bapon jame ainya cui xua pecana exanaewatsi Nacom pijimonaе tatsi jiwananpin pomonaе pejume cowantsiwichi pomonaе Nacom itorobiya peewatsixae. <sup>5</sup> Pon matenta weyataeya waba peyawenaenexa pontha pon tana nejume cowantsixae xua pocotsin icha be barapocotsi pexuyo ichi, barapon apara bara nententa weyataeya waba. Xan jopa meisa nententa weyataeya wabiyo apara bara iru matenta weyataeya wabatsi pon tana neitorobixae, xua pon bara Nacom, jei Jesús.

*Meje yabara poxonae Jesús paeba xua jiton jopa bewa cana exanae ichantha xua iru abe peexanaewa tsane*

*(Mr 9.42-48; Lc 17.1-2)*

<sup>6</sup> “Nacom tsitatsi xua pebin bichocono abe exana poxonae ichan cana exanatsi xua abe peexanae cuiru coyene exana, po barapo ichan pon cataunxuae aena tana nejume cowantsixae. Metha jame wanae tsipae xua barapo pebin pon abeya cana exanaeya taexana ichantha, barapon pin iboto wisi cutsipatsi yawa xua tuwutha xua pin mar mentha barapo iboto cayawa cabutabachipatsino. Tsipei jopa wanae tsipae xua bapon cana exana xua ichamonae abe peexanae cuiru coyene exana pomonaе cataunxuae aena nejume cowanta. <sup>7</sup> Maisa bichocono jopa xanepanaeyo barapo cae pin nacuathe nexa pomonaе abe exaneiba. Barapo cae pin nacuathepiwi ataya xeineiba po jiwi pecana exanaexaetsi xua ichamonae cana exana xua barapo jiwi pecana exanaexaetsi xua ichamonae cana exana xua barapo jiwi abe peexanae cuiru coyene peexaneibinexa xua daxota jopa nejume cowanteiбиyo. Ichitha pebin tsocuae xua bapon abe taexana xua ichan abe exanaeya taexanaetsi.

<sup>8</sup> “Daxota paca tsipaebatsi icha painya cobe paca exana xua abe painya neexanaewa tsane maisa pana nacobe ucubobare yawa taju beya pana nacobe bebande abe painya jopa neexanaenexa. Tsipei baxua xanepana xua cae cobexi pabebam tsane, xua saya cae cobexi painya neyawa patsiwa tsane Nacom pia nacia beicha tatsi. Baxua jame yatsicaewa xanepana beyacaincha xua ainya cobebe painya necayawa bebai tsane ichaxota po nacuathe isoto jopa itacounayiyo. Matautano icha painya taxu paca exana xua abe painya neexanaewa tsane maisa pana nataxu ucubobare yawa taju beya pana nataxu bebande xua abe painya neexanaeyainwa. Tsipei baxua xanepana xua cae taxuxi pabebam tsane, xua cae taxuxi painya neyawa patsinexa Nacom pia nacia beicha tatsi. Baxua jame yatsicaewa xanepana beyacaincha xua ainya taxube painya

necayawa bebai tsane ichaxota po nacuatha isoto jopa itacounayiyo. <sup>9</sup> Matautano icha pocotsiwa pataneme painya itamaiqueitoha xua icha baxua paca exana xua abe painya neexanaewa tsane painya netaexae painya itamaiqueitoha, maisa pana naitamaiquei jucuaire. Yawa tajū beya pana naitamaiquei bebande abe painya neexanaeyainwa. Tsipei baxua xanepana xua cae itamaiqueitoxi pabebam tsane, xua cae itamaiqueitoxi painya neyawa patsiwa tsane Nacom pia nacua beicha tatsi. Baxua jame yatsicaewa xanepana beyacaincha xua poxonae ainya itamaiqueitobe painya necayawa bebai tsane ichaxota isoto jopa itacounayiyo”, jei Jesús.

*Meje yabara poxonae Jesús tsipaeba pijimona pecayabara jūta pepaebi diwesiyo xua oveja yabara pon penapuxanaein*

*(Lc 15.3-7)*

<sup>10</sup> Equeicha Jesús jeye: “Barapocotsi pexuyo jopa catsa jumeya pacayabara jande: ‘Maisa barapo pexuyo jopa peainya cuiyiyo’, jopa pajande. Matauta pomonaie aena pejume cowantsiwi Nacom jopa pacayabara jande: ‘Maisa barapomonaie jopa peainya cuimonaeyo’, jopa pajande. Paca tsipaebatsi pomonaie Nacom pejume cowantsiwi barapomonaie nantaūta pia matatsunpiwi po matatsunpiwi barapomonaie yawenatsi. Barapo matatsunpiwi, Taxa Nacom peitabaratha tatsi tajinonpeibatsi pia nacuatheicha, xua barapo pejume cowantsiwi peyawenaenexa tsaibi tsainchi. <sup>11</sup> Tsipei xan, ponxaein Nacom Tananeitapetsin patopeican tayawenaenexa pomonaie jopa pejume cowantsiwi xua barapomonaie napaeba tacana exanaewa tsane.

<sup>12</sup> “Pana nejume naitaeware po pecayabara jūta pepaebi diwesiyo xua paca tsipaebinchi. Barapo diwesiyo jeye: Jiton ba xeina oveja cien poyobe. Caein tanapuxanatsi. Jiton demxuwatha cuenta pona noventa y nueve poyobe oveja, pewenaweneinexa oveja, pon catsawa jopa, beya matapainya taeba. <sup>13</sup> Xaniwaicha paca tsipaebatsi poxonae jiton oveja taeba, bapon bichocono weiweina petaebixae oveja pon catsawa jopa, beyacaincha xua poxonae weiweina poxonae saya noventa y nueve poyobe po ovejamonaie jopa catsawa othopaeyo. <sup>14</sup> Barichi barapocotsi jūta coyeneya ichi, Nacom pon Taxa, pon peitabocotha eca, bapon jopa ichichipaeyo xua pebarapentsiwatsi pijiwimonaie xua pejume cowantsiwatsi matautano xua bara caeinno irū, pomonaie aena pejume cowantsiwixaetsi”, jei Jesús.

*Meje yabara poxonae Jesús yabara paeba xua jiton eta bichi tsane poxonae cayabara jūntemainaena pontha pon abe petaexanaexaetsi*

*(Lc 17.3)*

<sup>15</sup> Equeicha Jesús barai pijimonaie, jeye: “Icha ichūn pon irū pejume cowantsindū, icha bapon pacata abe exana, bapon baxua yabara patsipaebare xua bapon peyaputaewa tsane xua deta cou abe exana. Icha barapon paca jume taeya jejei tsane pocotsiwa xua bapon abe exana bara bapoxonaie paca itacoxonaena. <sup>16</sup> Ichacuitha icha ichūn pon pejume cowantsindū, icha bapon jopa paca jume cowantsiya jejeyo, bara nexata equeicha pawabare pebinbe nacueyatabe xua yoroba painya netsipaebinxae bapon xua abe peexanaexae. <sup>17</sup> Ichitha icha awiya bapon jopa cataunxuae paca jume cowantsiya jejeyo, bara nexata barapon pacaponde pomonaetha pomonaie Nacom pejume cowantsiwichi, xua barapomonaie bapon peyabara paebinexatsi. Icha bapon awiya

cataunxuae jopa came jume cowantsiya jejeyo barapomonaetha barapoxonae barapomonaewea yabara nanta xeinae xua bapon bara be pocotsi jiton pon jopa bapana pejume cowantsin Nacom. Ichacuitha bewa yabara nanta xeinae xua bapon bara be pocotsi jiton jiwana, pomonaewea peajuntucoyenebewi, pomonaewea paratixi pentoma notebiwi, po paratixi jiwi bewa catsibeibina pon romanomonaewea itorobiya pia pepa peewatsinchi nexa.

<sup>18</sup> “Xainyeya paca tsipaebatsi. Pocotsiwa paxam jopa pacopatsim barapo cae pin nacuathe xua pocotsiwa exana pomonaewea tana nejume cowantsiwi, bapocotsiwa bara iru Nacom jopa copatsiyo pia peitorobi nacua beicha xua barapomonaewea peexanaewea tsane baxua. Pocotsiwa pacopatame xua tajiwiwimonaewea peexanaenexa barapo cae pin nacuathe bapocotsiwa iru Nacom copata pia peitorobi nacua beicha xua barapomonaewea bara peexanaewea tsane baxua.

<sup>19</sup> “Matautano paca tsipaebatsi icha paxam jiwana nacueyatabe barapo cae pin nacuathe icha baponbe pebaryaya juraya yabara nanta xeinaewea xua Nacomtha pewucaewabe, baponbe bara baxua taexanaeinchibe pocotsiwa pewucaexaewea xua Taxa Nacom bara taexanaena pon peitabocotha eca. <sup>20</sup> Tsipei ichaxota ba nayantabe xua nacueyatabe poyobe, xua poxonaewea pewucaenexaewea Nacom xua ichacuitha ichaxota acoibi poyobe, xua pomonaewea taneantobe jiwixae, bara bequein saya caeyobe daichitha xan baxota ba uncueiban iru”, jei Jesús.

<sup>21</sup> Nexata Pedro Jesús yainyabatsi, jeje:

—Tanecanamataxeinaem, icha inta abe exana pon iruru jume cowanta, zeta po cuiyobe tsipaebocuaein xua bewa tacui yabara juntemainaewea tsane pocotsiwa inta abe exana? ¿Metha saya beya poxonaewea siete po jume cuiyobe tsipae? jei Pedro.

<sup>22</sup> Jesús jume nota, jeje:

—Ichitha jopa catsipaebichi xua saya siete po cuiyobetham netsipaebiwa tsane xua jinya necui yabara juntemainaewea tsane pocotsiwa cata abe exana. Seicaya apara jame catsipaebatsi, xua jopa cuinaya najume baraxubim tsane xua jinya necui yabara juntemainaewea tsane pon cata abe exana xua beya bequein jame cuatrocientos noventa po cuiyobetham tsane xua netsipaebiwa tsane, jei Jesús.

*Meje yabara poxonaewea Jesús cuiduba pecayabara juta pepaebi diwesiyo xua pon jopa yabara juntemainaewea ichantha*

<sup>23</sup> Equeicha Jesús pijimonaewea barai pecayabara juta pepaebi diwesiyo, jeje: “Anoxuaewea paca cuidubatsi xua Nacom yabara. Nacom pijimonaewea bichocono yabara juntemaina po abe peexanaewea coyenein pijimonaewea tatsi exana. Nacom baxua exana icha pebin ichi pon jiwi itorobiya pia pepa peewatsinchi. Bapon wuca xua caewa equeicha pematomatsinexatsi xua po matoman caena bayatha penacowaebixaetsi. <sup>24</sup> Pon jiwi itorobiya pia pepa peewatsinchi tamropata pitaba xua waba pia petanacuichiwichi. Pon copiya, bapon pon jiwi itorobiya pia pepa peewatsinchi jopa equeicha caewa tacanawitichi diez millones po paratiximonaewea. <sup>25</sup> Barapon pon copiya pon petanacuichinxae pon jiwi itorobiya pia pepa peewatsinchi nexa jopa xeinaewea paratiximonaewea xua pon jiwi itorobiya pia pepa peewatsinchi caewa petacanawichinexa tsainchi. Daxota pon jiwi itorobiya pia pepa peewatsinchi itoroba

ichantha xua barapo petanacuichinchi caenaetaxubinchi ichantha xua ichan pecomotsinexa tsane xua pon pebusi cui taetaeinchi pecanaexanaenexa tsainchi. Barapon pon jiwi itorobiya pia pepa peewatsinchi matauta cui itoroba xua yabayo pecaenaetsinexa tsainchino, powa barapo petanacuichin piowa tatsi. Yawano cui itoroba xua pexuino pemuxuna caenaetsinexa tsainchi. Yawano cui itoroba xua pemuxuna caenaetsinexa pocotsiwan xaina pon petanacuichin, xua barapo matoma pecatsinexatsi pon jiwi itorobiya pia pepa peewatsinchi. Ichitha daxita barapo matoma awiya seica, bequein bapon daxita baxua cana exanaetsipatsi. <sup>26</sup> Nexata pon petanacuichin pentabocototha uncuia pon jiwi itorobiya pia pepa peewatsinchi itabaratha tatsi matautano jume daunweya namchiya jeye: ‘Tanentacaponae, abu necayabara najantu coyene xeinare, xua jopa bepijawa neaitaconaenexa. Barapara bexa daxita pentoman cacatsibinchi’, jei pon petanacuichin. <sup>27</sup> Pon jiwi itorobiya pia pepa peewatsinchi bara yabara najantu coyene xaina peyawenaenexa, yawa yabara jantemaina barapo paratiximoniae, matautano bara saya pu copata.

<sup>28</sup> ‘Daichitha bapon pon petanacuichinxae poxoniae pontaba pon jiwi itorobiya pia pepa peewatsinchi weya, jemeicha caxina pia jiton pon penabaru nacuichinxaebe. Pon caxinatsi bapon matoma amanayaba saya cien po paratiximoniae. Pon jiwi itorobiya pia pepa peewatsinchi weya pona matoma amanayabatsi. Pon jiwi itorobiya pia pepa peewatsinchi weya pona bapon pia jiton coibotathu waetaba, muxu penaichatabi. Pon pecoibotathu waetabixae bapon jei: ‘¡Equeicha inta caewa canawire xua bayatha nentoma amanayabame!’ jei. <sup>29</sup> Bapoxoniae pon coibotathu waetabatsi pentabocototha uncuia pia jiton itabaratha tatsi, matautano jeye: ‘Abu, neyabara najantu coyene xeinare, xua jopa bepijawa neaitaconaenexa. Barapara bexa pentoma cacatsinchi’, jei pon coibotathu waetabatsi. <sup>30</sup> Ichitha pon jiwi itorobiya pia pepa peewatsinchi weya pona bapon aichaxaibi xua abu came pentoma ewatsiwa. Daxota bapon pia jiton capona jiwi pecubi bo beya, beya abu poxoniae matoma catsinchi pia jiton, xua pon jiwi itorobiya pia pepa peewatsinchi weya pona matoma catsinchi. <sup>31</sup> Poxoniae ichamonae pomoniae iruru petanacuichiwi baxua cui tane, barapomoniae anthuthu wecoyeyi, tsipei ichan pon iru petanacuichin jiwi pecubi botha etatsi. Bapoxoniae barapomoniae pon jiwi itorobiya pia pepa peewatsinchi beya pona. Barapomoniae tsipaeba pontha pon jiwi itorobiya pia pepa peewatsinchi daxita pocotsiwa pon petanacuichin cana exana ichantha pon iruru petanacuichin. <sup>32</sup> Bapoxoniae pon jiwi itorobiya pia pepa peewatsinchi itoroba pijimoniae xua petawabinexa tsainchi pon petanacuichinxatsi pontha xua pon peyabara jantemainaexae pocotsiwa penacowaetsixaetsi. Pon jiwi itorobiya pia pepa peewatsinchi bapontha jeye: ‘¡Maisa pon inta nacuitame maisa bichocono abem! Xan cayabara jantemainsi daxita barapo ainya paratiximoniae tsipei tanebaru jumichimxaem. <sup>33</sup> Xam bewa bayatha barichim. Bewa yabara najantu coyene xainaem jinya jiton xua nejantemainaenexa pocotsiwa bapon cantoma amanayaba, icha xan ichin xua bayatha cayabara najantu coyene xeinatsi tacayawenaenexa tsainchi’, jei. <sup>34</sup> Pon jiwi itorobiya pia pepa peewatsinchi bichocono anaepana. Daxota bapon cui itoroba ichamonae, xua barapon pon petanacuichinxatsi caponiaeinchi

jiwi pecubi bo beya. Baraxota peraxa exanaeinchi xua beya abũ poxonae barapon pon petanacuichinxætsi matoma catsinchi daxita po pentoma bayatha jopa caewa petacanawichixaetsi”, jei Jesús.

<sup>35</sup> Equeicha Jesús jeye:

—Bara jũta coyeneya ichi tsane icha be pon jiwi itorobiya pia pepa peewatsinchi ichi. Poxonae bapon peraxa exana barapo pia petanacuichinxætsi xua bapon pia jiton jopa pecui yabara jũntemainaexæ, Nacom pon itaboco peecæin barichi tsane pijiwitha. Nacom exanaena baxua poxonae barapomona jopa xapain yabara jũntemainaeyo pomonaetha pomona abe petæxanaexætsi, jei Jesús.

## 19

*Meje yabara poxonae Jesús cuiduba xua jiwi piseurixi pepunapenteibiyainwa.*

*(Mr 10.1-12; Lc 16.18)*

<sup>1</sup> Poxonae Jesús najume weta xua tsipaeba pijimonae, bapoxonae Galilea nacua weya warapa. Bapoxonae Jordán mene deca bara bereca pona, equeicha dabeya barapo Jordán mene, mene epa uncatabiya xua patopa Judea nacuaatha, po nacua eca ichaxota pocotsiwa xometo bejopiya xua po nacua Jordán mene weya eca. <sup>2</sup> Pin bicheitomonae puna poinchi. Baxotiya Judea nacuaatha Jesús axaibi exana peatenewi.

<sup>3</sup> Bapoxonae fariseomonae piraichi Jesús imoxoyo caquita ume-naracupatsi xua Jesús pejuntũ coyene jũjũtsinexatsi daxota jeye Jestutha:

—¿Moisés pia peitorobi coyenewa copata xua pebin piseuri pepunaxubiwa ichi saya poxonae ichipa? jei fariseomonae.

<sup>4</sup> Jesús fariseomonae jume notatsi, jeye:

—¿Jopa payorobim Nacom Pejume Diwesi? Barapo diwesitha jeye: ‘Poxonae aena Nacom forota, Nacom forota pebin yawa forota pet-siriwa’, jei barapo Nacom Pejume Diwesitha. <sup>5</sup> Mataũta jeyeno Nacom Pejume Diwesitha: ‘Daxota baxuaxæ pebin paxa wepu natsata yawa pena wepu natsata xua piowabe imoxoyo penaperũ nacoyobinexabe. Baraponbe be cae jiwimonae naexanabe’, jei Nacom Pejume Diwesitha. <sup>6</sup> Bapoxonae baponbe xua ainya jiwibe aibi, bara be caein naexanabe. Daxota pebin bapana jopa bewa punaxubi piowa, tsipei apara bayatha Nacom cana exana xua bara be bara caein naexanabe, jei Jesús.

<sup>7</sup> Nexata fariseomonae Jesús yainyabatsi, jeye:

—¿Eta xua metha Moisés pia peitorobi coyenewa copata xua jiton itacupatsi xua pecatsiwa papera piseuri po paperatha tina xua pexubiwa tsane piseuri? jei fariseomonae.

<sup>8</sup> Jesús jume nota, jeye:

—Moisés copata xua paxam painya seuriwi painya nepunapenteibiwa jopa painya nejume cowantsi jiwixæ Nacom. Apra caena bayatha Nacom jopa baxua copatsiyo poxonae aena foforatapona jiwi. <sup>9</sup> Nama paca tsipaebatsi pon piowa punaxuba xua poxonae yabũyo bequein jopa nasi cui exanaeyo ichũnthæ, icha bapon ichowa pita, bapon abe exana Nacom peitũthæ tatsi tsipei Nacom tsitatsi xua powa copiya barũ popona apra bara piowa tatsi, jei Jesús.

<sup>10</sup> Nexata Jesús tsipaebatsi pijimonae, jeye:

—Icha Nacom jopa copatsiyo xua pebin piowa punaxubina poxonae barapowa saya ¼ exana pocotsiwa pebin aichaxaibi, baxua bichocono



ajumeyapube. Metha nexata pebin jopa jitha ecaetsipae. Bara saya pebin metha misa ecaetsipa, jeichichi Jesús pijimonaē.

<sup>11</sup> Jesús barai pijimonaē, jeye:

—Daxita jiwi ba jopa itacupaetsi xua peyabara yaputaewa pocotsiwa aunxuae payabara caunutame xua jopa jitha peenaewa. Saya meisa pomonaē Nacom yabara yaputane exana barapo coyene, barapomonaē itacupaetsi xua pecana exanaewa barapo coyenetha xua jopa jitha peenaewa. <sup>12</sup> Barichi acoibi po cui coyenewabe xua pebiwi jopa penotsiwa pecotsiwaxi jiwi. Ichamonaē aichaxaibi xua jitha peenaewa tsipei barapocotsi jiwimonaē bara yacuiya naexana xua jopa penotsiwa yabaxitha. Ichamonaē jopa itacupaetsi xua pecotsiwaxi penotsiwa tsipei bayatha tobꞰ jucuatsi, xua ichamonaē tobꞰ jucua. Daxota jopa itacupaetsi xua pexui pecanaexanaewa. Ichamonaē aichaxaibi xua pecotsiwaxi nota, peichichipaexae xua saya Ʞ peexanaewa pocotsiwa Nacom itoroba. Pon itacupaetsi xua peyabara yaputaewa xua pocotsi coyene jopa pepichiwa pecotsiwa, bara moya jopa exanaē tsane xua pepichiwa tsane pecotsiwa, jei Jesús.

*Meje yabara poxonaē Jesús jeye pexuitha: “BarabꞰ Nacom beta paca yawenaena”, jei*

*(Mr 10.13-16; Lc 18.15-17)*

<sup>13</sup> Nexata jiwi Jesús tacaponatsi pexui xua Jesús pejayabinexa pecobetha yawa xua Nacomtha pewꞰcaenexa barapo pexui nexa xua pejeinexa: “BarabꞰ Nacom beta paca yawenaena”, pejeinexa. Ichitha Jesús pijimonaē tatsi poxonaē baxua tane, tamropata notarꞰcꞰpa xua barapomonaē cui matawentatsi pomonaē pexui carendena tsaibi. <sup>14</sup> Ichitha Jesús jume barai pijimonaē, jeye:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonaē nexa pomonaē peꞰntꞰ coyene xanepanaewi icha pexui ichi. Pexui pia cui xua tayapu xanepanatsi xua pia ꞰntꞰ coyeneintha jume cowꞰnta Nacom, jei Jesús pijimonaetha.

<sup>15</sup> Poxonaē Jesús nacobe weta xua pexui jayabatsi yawa xua Nacomtha tawꞰca barapo pexui, xua jeye: “BarabꞰ Nacom beta paca yawenaena”, jei. Bapoxonaē Jesús wepu pona barapomonaē.

*Meje yabara poxonaē pewowin pon copei pexeinaein Jesús tsipaebatsi*  
*(Mr 10.17-31; Lc 18.18-30)*

<sup>16</sup> Pewowin pona xua Jesús petaenexatsi. Barapo pewowin jeye Jestustha:

—Ja Tanecuidubim, maisa neꞰntꞰ coyene xanepanaem. ¿Eta xua copiya matha exanocuaein xua aꞰntꞰyapusꞰya tapoponaewa tsane xua ataya tsane? jei.

<sup>17</sup> Jesús jume barai, jeye:

—¿Eta xua nebaram: ‘NeꞰntꞰ coyene xanepanaem’, jam? Apará ichꞰn dapon aibi pon peꞰntꞰ coyene xanepanaein. Jame meisa apará bapon Nacom compa peꞰntꞰ coyene xanepanaein. Icha ichichipame xua aꞰntꞰyapusꞰya nepoponaewa xua ataya tsane, moya matha exande pocotsiwa Moisés itoroba pia peitorobi jume coyenewantha, jei Jesús.

<sup>18</sup> Pewowin Jesús jume baraichi jeye:

—¿Eta po peitorobi jume coyenewara? jei.

Jesús jume notsiya namchi xua Moisés pia peitorobi coyenewa namchi, jeye:

—Jopa ichun bexubinde. Jopa ichowa pichinde ichun piowa tatsi. Jopa caibinde ichun piawan tatsi. Jopa naerabiya cayabara paebinde pocotsiwa ichamonae exana. <sup>19</sup> Axatha baru jume cui itura jinare. Antobeinde necatsicuarabu enaewi icha ichim xua jincoutha naantobem', jei Moises, jei Jesús.

<sup>20</sup> Pewowin Jesús jume baraichi, jeye:

—Daxita caena bayatha barapo coyenein exaneiban. Poxonae pexuyothan tamropata pitaban, beya anoxuae yacuiya pinyon. ¿Eta pocotsiwa meisa inta acoibi xua exanaein? jei barapo pewowin.

<sup>21</sup> Jesús jume barai, jei:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyo nexa tsane xua pocotsiwa xanepanaya neexanaewa, matha daxita caenaere pocotsiwa xeiname yawa catsibare pomonaetha pomonae peacopeibi jiwi. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha pocotsiwa Nacom necajuntana botsiwa pocotsiwa bichocono wanae, jei Jesús.

<sup>22</sup> Poxonae barapo pewowin baxua jume taeba bichocono anthuthu wecoyeya ponataba tsipei bichocono copei pexeinaein.

<sup>23</sup> Nexata Jesús barai pijimonaetha, jeye:

—Bara xaniyeya paca tsipaebatsi. Maisa bichocono ayapubecai xua pomonae bichocono copei pexeinaewi naexana Nacom pijimonaetha tatsi jiwana pomonae Nacom itorobiya peewatsixae. Tsipei barapomonae bichocono antasiwayatane barapo pia copei beyacaincha xua Nacom antobetsi. <sup>24</sup> Equeicha paca tsipaebatsi. Bichocono acuiruyapube xua duwein pon pewun camello xua pejoniyaewa acuicheto peetabu wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonaetha tatsi jiwana pomonae Nacom itorobiya peewatsixae beyacaincha xua poxonae acuiruyapube xua poxonae camello acuicheto peetabu wan iya pejoniyaewa, jei Jesús.

<sup>25</sup> Poxonae baxua Jesús jume taerucupatsi pijimonaetha, barapomonae yabara najuntu cui coyene cabenaeca, yawa Jesús jeichichi:

—Bapoxonae ¿jintam metha nexata itacupatsi xua penacapanepaewa pia coutha? jei barapomonae.

<sup>26</sup> Jesús necotsiya jeye:

—Pebiwu ba jopa itacupaetsi xua baxua exana, saya jame meisa Nacom compa itacupatsi xua jiwi napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

<sup>27</sup> Nexata Pedro jeye Jesustha:

—Pata Tanecanamataxeinaem, paxan daxita pacuenta ponan pocotsiwa paxeinan pata paca puna ponaewa tsainchi. Tsipei baxua bayatha paexanan ¿eta pocotsiwa metha nexata pana necatsiname? jei.

<sup>28</sup> Jesús jume nota, jeye:

—Bara xaniyeya paca tsipaebatsi. Po mataqueitha tsane Nacom pena ira exanaena, barapo mataqueitha, xan ponxaein Nacom Tananeitapetsin ecaein tapexeinya itupanae ecaethopaewatha po tapexeinya itupanae caecaethopaewa bichocono itupana. Paxam pomonae tapana nepuna jinompaewim doce po itupanae

eneibithopeibiwatha paenaename painya yabara paebineexam tsane pomonae doce po matab<sub>нху</sub>yobe israelmonae pia penatsicuentisiwa abe peexanaexae. <sup>29</sup> Daxita pomonae taneantobe jiwixae xua pecueicueijei tsurubenanaebiyaenexa Nacom Pejume Diwesi, Nacom beta cana exanaena barapomonae. Nacom beta cana exanaena pomonae pia bon pecuenta ponaexae, mata<sub>т</sub>ta ichacuitha ichamonae peweicho jiwi pecuenta ponaexae, mata<sub>т</sub>tano ichacuitha pamcho jiwi pecuenta ponaexae, mata<sub>т</sub>tano ichacuitha paxeiwi pecuenta ponaexae, mata<sub>т</sub>tano ichacuitha pena jiwi pecuenta ponaexae, mata<sub>т</sub>ta ichacuitha pia pexui pecuenta ponaexae, mata<sub>т</sub>tano ichacuitha pia iran pecuenta ponaexae. Barapomonae barapo coyenein exana tana neantobe jiwixae, daxota daxita barapomonaetha Nacom jopa juniya catsi tsane barapo cae pin nacuathe. Mata<sub>т</sub>tano barapomonaetha Nacom catsina pia peitorobi nacuatheicha peaj<sub>т</sub>nt<sub>т</sub>coyenyap<sub>т</sub>u<sub>т</sub>wa, po peaj<sub>т</sub>nt<sub>т</sub>coyenyap<sub>т</sub>u<sub>т</sub>wa ataya tsiteca. <sup>30</sup> Pomonae xua anoxuae pomonae jiwi petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwi tsane. Pomonae xua anoxuae pepawi naexana, pomonae jiwi jopa petsita ainya cui jiwichi po cae pin nacuathe, barapomonae Nacom pia peitorobi nacuatheicha peainya cui jiwi tsane, jei Jesús.

## 20

*Meje yabara poxonae Jesús paeba pecayabara j<sub>т</sub>ta pepaebi diwesiyo pomonae uva pabitha petanacuichiwi*

<sup>1</sup> Equeicha Jesús tsipaeba pijimonae pecayabara j<sub>т</sub>ta pepaebi diwesiyotha, jeye: “Nacom pijimonae matomatsina pia nacuatheicha xua be pematomatsiwa petaexanaexaetsi pia petanacuichiwa tatsi icha pon pabi pexeinaein ichi xua poxonae matoma catsiba pomonaetha pomonae petanacuichixaetsi. Pon pabi pexeinaein caem<sub>т</sub>ambotha pona xua jeita pomonae pia petanacuichinexa tsainchi pia uva bacabo. <sup>2</sup> Bapon muxu tsipaeba pia petanacuichiwichi, jeye: ‘Paxam painta nacuire ta uva bacabo, nexata paca matoma catsibebinchi pocotsi paratiyo xua caentaqueitha nexa’, jei. Bapoxonae bapon pia petanacuichiwichi itoroba pia uva bacabo beya. <sup>3</sup> Bapoxonae equeicha bapon pona poxonae xometo taj<sub>т</sub> beequaina xua pejeichinexa ichamonae pomonae petanacuichiwichinexa tsainchi pia uva bacabo. Bapoxonae bapon tane ichamonae, pomonae panatha saya jinompa xua jopa nacuitompaeyo. <sup>4</sup> Bapon barai barapomonae jeye: ‘Paxam ir<sub>т</sub> painta nacuire ta uva pabi. Nexata beta paca matoma catsibinchi, xua pocotsi paratiyo po horatha panacuitame nexa’, jei. Bapoxonae barapomonae pona pabi beya penacuichinexa. <sup>5</sup> Bapon mateinyaxae equeicha pona xua pejeichinexa ichamonae pomonae pia petanacuichiwichi tsainchi. Barichi equeicha poxonae tabopiya pona xua pejeichinexa ichamonae pomonae pia petanacuichiwichi tsainchi. <sup>6</sup> Bapon equeicha pona pana beya poxonae xometo iriya ducuaaicha xua pejeichinexa ichamonae pomonae pia petanacuichiwichi tsainchi. Bapon equeicha tane ichamonae pomonae xua jopa ir<sub>т</sub> nacuitompaeyo. Bapon barai barapomonaetha, jeye: ‘¿Eta xua metha came saya anoxuae paume-name po panathe, xua jopa panacuitompaem?’ jei pabi pexeinaein.

<sup>7</sup> Barapomonaе jume nota, jeye: ‘Canta dapon aibi pon pata tana neitorobiwa tsane’, jei. Nexata bapon barai barapomonaе, jeye: ‘Paxam paponare, iru<sup>u</sup> painta nacuire ta uva pabi, nexata beta paca matoma catsibinchi xua pocotsi paratiyo po horatha painya nenacuichixae tsane’, jei pon pabi pexeinaein.

<sup>8</sup> “Poxonaе quirei tsanaicha pon pabi pexeinaein, bapon itoroba pon pia petayapucaeaeinchi uva pabi, jeye: ‘Inta wabare pomonaе inta nacuita yawa matoma catsibare. Tamroropata wabaponde yawa matoma catsibaponde. Copiya matha wabare pomonaе opi dubena pomonaе inta cotacaya nacuita poxonaе xometo iriya ducua-naicha, beya poxonaе papataponaena pomonaе copiya inta nacuita caemumbotha’, jei. <sup>9</sup> Nexata copiya pata pomonaе cotacaya nacuita poxonaе xometo iriya ducua-naicha. Daxita barapoyobe pomonaе cotacaya nacuita bara beta matoma catsibatsi xua pocotsi paratiyo caentaqueitha nexa, bequein bara jopa pin mataqueitha nacuichiyo. <sup>10</sup> Nexata bara iru<sup>u</sup> bapoxonaе pata pomonaе tamropata notarucupa xua nacuita poxonaе tabopiya, bara barapomonaе iru<sup>u</sup> beta matoma catsibatsi pocotsi paratiyo caentaqueitha nexa. Bapoxonaе iru<sup>u</sup> pata pomonaе tamropata notarucupa xua nacuita poxonaе mateinyaxae, bara barapomonaе iru<sup>u</sup> beta matoma catsibatsi, pocotsi paratiyo caentaqueitha nexa. Bapoxonaе iru<sup>u</sup> pata pomonaе tamropata notarucupa xua nacuita poxonaе xometo taju<sup>u</sup> beequaina, bara barapomonaе iru<sup>u</sup> beta matoma catsibatsi, pocotsi paratiyo caentaqueitha nexa. Bapoxonaе iru<sup>u</sup> nama pata pomonaе tamropata notarucupa xua nacuita caemumbotha. Barapomonaе najei: ‘Metha equeicha mataropeichiya naca catsibina paratixi tsipei nacuitatsi caemumbotha’, najei barapomonaе. Daumetha barapomonaе saya matoma catsibatsi, pocotsi paratiyo caentaqueitha nexa. <sup>11</sup> Ichitha poxonaе barapomonaе matoma nota, itaconacaru<sup>u</sup> cupa pontha pon peitorobixae barapomonaetha. <sup>12</sup> Barapomonaе anaya jei bapontha: ‘Pomonaе nacuita cotacaya, saya cae horatha nacuita, barapomonaе matoma catsibame pocotsi matoma pana catsibame. Nama apara paxan daunweya panacuitan, yawa atsatha daunweya panacuitan’, jei barapomonaе. <sup>13</sup> Ichitha pon pabi pexeinaein jume nota caeintha barapomonaе jiwana pintha, jeye: ‘Tajiton, apara jopa bara abe pacata exanaetsi. Canaunxuae paca muxu tsipaebatsiba paca jeichi: Paca matoma catsibinchi xua pocotsi paratiyo caentaqueitha nexa, paca jeichi. <sup>14</sup> Bara jinya matoma pire. Bara nawiyama. Xan ichichipan tacoya matoma catsiban pomonaе quiripitha nacuita barapocotsi matoma, pocotsi matoma jupa paca catsibatsi. <sup>15</sup> Apara xan tawaxae itacoxonan xua tantoma exanaewa. Apara pauwame ichamonaе xua jopa taasiwaxae xua tantoma exanaewa ichamonaetha’, jei pon pabi pexeinaein.

<sup>16</sup> “Nacom barapocotsi jeta coyeneya cana ichi tsane jiwitha icha pon pabi pexeinaein ichi poxonaе cana exana pomonaetha pomonaе pia petanacuichiwichi. Pomonaе xua anoxuae pepawi naexana, pomonaе jiwi jopa petsita ainya cui jiwichi po cae pin nacuathe, barapomonaе Nacom pia peitorobi nacuatheicha peainya cui jiwi tsane. Pomonaе xua anoxuae pomonaе xua jiwi petsita ainya cui jiwichi po cae pin nacuathe, barapomonaе bexa Nacom pia peitorobi nacuatheicha jopa peainya cui jiwi tsane”, jei Jesús.

*Meje yabara poxonae Jesús nayabara paeba acoibi po coyenebetha xua poxonae tupaena*

(Mr 10.32-34; Lc 18.31-34)

<sup>17</sup> Bapoxonae pirapae Jesús pona Jerusalén tomara beya. Poxonae cataunxuae Jesús pijimonae baru ecapona namtotha pomonae doce poyobe tatsi, barapo doce poyobe Jesús meisa waba aisowa beya petsipaebinea.

<sup>18</sup> Jesús jeye:

—Anoxuae ponaeinchi Jerusalén tomara beya. Barapo tomaratha xan ponxaein Nacom Tananeitapetsin necaenaetsina sacerdotemonae pia pentacaponae witha tatsi yawa pomonaetha pomonae jiwi pecuidubiwi Moisés pia peitorobi coyene tatsi. Barapomonae necaenaetsina ichamonaetha xua ichamonae tana nebexubiwa tsane. <sup>19</sup> Bapoxonae daxita barapomonae necaenaetsina pomonaetha pomonae penanapaincha jinompaewi xua icha nacua werena peponaewi xua barapomonae tana necu caponaenexa. Matautano barapo penanapaincha jinompaewi nebena yawano tupaerucua neexanaena naetotha. Daichitha poxonae acoibi po matabibe yapu jopaena equeicha Nacom asu neexanaena petupae cuiru coyene weya, jei Jesús.

*Meje yabara poxonae Jesús wucatsi powa, Santiago pena tatsi xua iru Juan pena tatsi*

(Mr 10.35-45)

<sup>20</sup> Nexata petsiriwa Jesús imoxoyo caquita uncuatabatsi. Barapowa, Juan pena tatsi yawa Santiago pena tatsi. Juan iru Santiago, baponbe Zebedeo pexantobe tatsi. Barapo petsiriwa pexantobe baru patopa Jesthath. Barapo petsiriwa pentabocototha uncua Jesús peitabaratha tatsi, xua Jesús pewucaenexa tsainchi. <sup>21</sup> Jesús barai bapowatha, jeye:

—¿Eta pocotsiwa jinya newucaetsi? jei.

Bapowa Jesús jume notatsi, jeye:

—Poxonae matabi patopaena po mataqueitha itorobiya ewatsiname jiwi barapo mataqueitha cawucatsi xua bara itorobiname barapo taxantobe, xua nantiyabe peecaewa tsanebe xamtha, xua ichan necoxa weya peecaewa tsane, xua ichan netsocona weya peecaewa tsane, jei.

<sup>22</sup> Ichitha Jesús baraiibe baraponbe, jeye:

—Paxambe jopa payaputaembe xua pocotsiwa pana newucaenamebe. Poxonae ichamonae abe inta exanaena bara saya copatsin xua barapomonae bara neperaxa jubina. Barichi poxoru paxambe pana neantobem, ¿bara iru paca itacupabe xua bara pacopatsinamebe xua bara ichamonae paca peraxa jubinabe? Barichin bara saya copatsin xua ichamonae bara tupa neexanaena. Barichi, ¿bara iru paca itacupabe xua bara pacopatsinamebe xua bara ichamonae tupa paca exanaenabe? jei Jesús.

Santiago peweichobe jume notabe, jeibe:

—Aa, bara pana itacupabe, jeibe.

<sup>23</sup> Jesús jume nota, jeye:

—Bara bara xainyei barapocotsi coyene ichamonae paca cana exanaenabe. Ichamonae paca peraxa exanaenabe. Matautano tupa paca exanaenabeno icha xan necana ichi tsane. Nama xua xantha nantiya paecamebe xua ichan pocotsiwa tacoxa weya eca, yawa xua ichan tasocona weya eca, baxua jopa tacoya yabara itorobinyo. Saya jame Taxa

Nacom meisa baxua taexanaena pomonaetha pomonae caena bayatha tsiwunaeta xua peenaewa tsane, jei Jesús.

<sup>24</sup> Jesús pijimonaе pomonae umena, pomonae diez poyobe jume tane xua Santiago iru Juan Jesús wacatsibe. Bapoxonae barapo diez poyobe, Santiago iru Juan yabara anaepanarucupatsibe. <sup>25</sup> Ichitha Jesús pia xainya berena pijimonaе waba yawa namchiya jeye barapomonaetha:

—Paxam bayatha pataneme po coyenewa ba exana pomonae jopa judiomonaе naexanaeyo. Barapomonaе ba nantauta pomonae pia nacua tatsi pia petaewatsiwichi tatsi. Daichitha barapo nacua peewatsiwi aebiya itoroba piamonaе, xua daxota bichocono jiwi taayapubetsi. <sup>26</sup> Ichitha nama paxam barapocotsi coyeneya jopa barapaichim tsane. Seicaya nama icha juntu coyeneyatha paca itorobatsi. Icha pon paxam jiwana icha bapon ichichipa naexana be pocotsin canamataxeina ichamonaе, bapon matha bewa copiya daxita paxam beta amanaya pacata nacuichina. <sup>27</sup> Matautano icha pon paxam jiwana icha bapon ichichipa naexana be pocotsin bichocono ainya cui penaexanaein xua beyacaincha ichamonaе, bapon bewa copiya matha daxita paxam amanaya pacata nacuichina pia coya peichichipaexae. <sup>28</sup> Icha be pocotsi coyeneya icha ichin, bara paichinde. Xan ponxaein Nacom Tananeitapetsin patopeican xua tanacuichinexa tsane ichamonaе nexa. Apara jopa baxua tsipatopaeinyo xua ichamonaе inta penacuichiwanaxa tsane. Saya patopeican tsipei ichichipan xua daxita carepaya jiwi tayawenaewa tsane. Matautano patopeican xua tatsitupaenexa tsane be pentoma xua daxita jiwi pepanenebiyaenexa abe pia peexanae cuiru coyenein weya tatsi, jei Jesús pijimonaetha.

*Meje yabara poxonae Jesús axaibi exana ponbe peitata nacutsinbe  
(Mr 10.46-52; Lc 18.35-43)*

<sup>29</sup> Poxonae Jesús pijimonaе baru pontaba Jericó tomara weya, bapoxonae Jesús puna poinchi pin bicheito. <sup>30</sup> Barapo Jerusalén namto iya ecabe pon peitata nacutsinbe. Poxonae baponbe, ponbe peitata nacutsinbe jume yaputanebe xua juinya Jesús xentapona, bapoxonae jume daunweya wawaibe, jeibe:

—jPon jiwi Necanamataxeinaem, ponxae David pia pemomoxi susato jiwanapim, pana neyabara najuntu coyene xeinarebe xua pata taneyawenaenexamebe! jei baraponbe ponbe peitata nacutsinbe.

<sup>31</sup> Barapo peitata nacutsinbe jume matawentatsibe barapo pin bicheito xua moya peecaenexabe. Ichitha baponbe equeicha jume daunweya wawaibe, beyacaincha xua poxonae copiya, jeyebe:

—jPon jiwi Necanamataxeinaem, ponxae David pia pemomoxi susato jiwanapim, pana neyabara najuntu coyene xeinarebe xua pata taneyawenaenexamebe! jei baraponbe ponbe peitata nacutsinbe.

<sup>32</sup> Nexata Jesús naruntaba yawa wabatsibe ponbe peitata nacutsinbe. Bapoxonae baponbe Jesús yainyaba, jeye:

—¿Eta xua jinya pata cata exanaetsibe? jei Jesús.

<sup>33</sup> Baraponbe Jesús jume notatsibe, jeibe:

—Pon jiwi Necanamataxeinaem, bepanecotsinbe cuinaya, jeibe baponbe. <sup>34</sup> Nexata baponbe Jesús yabara najuntu coyene xeinabe xua pia peyawenaewa tsane. Bapoxonae baponbe Jesús itamaiquei jayababe. Bapoxonae baponbe nainya necotaxubabe. Jestutha napuna ponabe.

## 21

*Meje yabara poxonae Jesús Jerusalén tomaratha patopa  
(Mr 11.1-11; Lc 19.28-40; Jn 12.12-19)*

<sup>1</sup> Poxonae bara itiya pona Jerusalén tomara, Jesús bara muxu pebaru patopae pijimonae Betfagé tomaratha. Barapo Betfagé tomara demxuwa itapatororotha eca po demxuwa pewan Olivowa, tsipei baxota umena olivo naein. Bapoxonae Jesús itoroba pebinbe nacueyatabe xua doce poyobe jiwana. <sup>2</sup> Jesús baraipe baponbe, jeye:

—Paponarebe po tomara painya itabaraya equiya. Poxonae papatopaenamebe barapo tomaratha pacaxinaenamebe burra pesowato xua pon quetanotatsi yawano xua penan quetanotatsi pon pebto. Barapo burra paisanaxorebe yawa payama carenandebe coxiwa yawa penanno. <sup>3</sup> Icha ichan paca barai tsane: ‘¿Eta xua payama isanaxubamebe burra?’ jei tsane, nexata pajandebe: ‘Pon jiwí Pecanamataxeinaein bepa pata yama caiyaeinjei, tsipei pinae nantawenona’, pajandebe. Nexata bapoxonae nainya bapon paca cobe itorobinabe xua painya neyama carenaenexambe tsane, jei Jesús.

<sup>4</sup> Poxonae Jesús daxita baxua paeba bara bapoxonae nayabara jume weta pocotsiwa bayatha Isaías yabara paeba pijume diwesitha xua Mesías pepatopaewa tsane Jerusalén tomaratha, jeye:

<sup>5</sup> “Patsipaebare Sión tomarapiwi.

Pajande: ‘Pataename pon itorobiya

painya pepa paca Ewatsin.

Pacata jantema patopaena, xua burriyotha

equeicaena, penantha xua burra pesowato

coxi tatsi’ pajande”, jei pon Nacom

pia peitorobi jume pepaebin,

bapon Isaías, xua Mesías yabara paebatsi.

<sup>6</sup> Nexata Jesús pijimonae jitonbe tatsi ponabe. Matautano baponbe exanabe pocotsiwa bayatha Jesús itoroba. <sup>7</sup> Baponbe yama carenabe burra pesowato yawa yama carenabe penan. Baponbe pia paparuwan tsijuma jebicabe po paparuwan matha weruyabe coxiwathano yawa penanthano. Bapoxonae Jesús equeica penantha. <sup>8</sup> Jiwi, barapo jiwi pin bicheito bichocono. Bapoxonae barapo pin bicheito namtotha paparuwan yerababa jejebabapoinya. Ichamonae peaxu ucuboba po axu icha coichaxu axu ichi. Bapoxonae barapo axu, namtotha axu jejebabapoinya. Daxita barapomonae barapo coyene exana xua Jesús pebaru cui itura jinaenexa tsainchi. <sup>9</sup> Pomonae, xua Jesús tsiwana enapoinchi iruru pomonae Jesús peputha taenapoinchi daxita barapomonae bichocono jume daunweya wawaya jeye:

—¡Pai jayana, barabu jiwi baru cui itura jinaena bapon pon David pia pemomoxi susatopin tatsi! Bapon jiwi yabara jei: ‘¡Bapon David pexanto tatsi!’ jei. ¡Maisa Jesús pon jiwi itorobiya pia pepa peewatsinchi, maisa wanae! ¡Bapon patopa Nacom peitorobixae! ¡Maisa Nacom bichocono wanae jaintatsi pon athabeicha eca! jei barapomonae.

<sup>10</sup> Poxonae Jesús patopa Jerusalén tomaratha, daxita barapo tomara-piwi najume cayayatsiya paeba. Cae bicheitomonae nayainyaba, jeye:

—¿Jintam metha bapon jane? najei.

<sup>11</sup> Ichamonae jume nota, jeye:

—Apara bapon Jesús pon Nacom pia peitorobi jume pepaebin, pon Nazaret tomarapin po tomara eca Galilea nacuaatha, jei ichamonae xua iru ichamonae jume notatsi.

*Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi*

(Mr 11.15-19; Lc 19.45-48; Jn 2.13-22)

<sup>12</sup> Bapoxonae Jesús joniya Nacom pin pia botha, yawa aisowa benapuna torobabiya pomonae caenaeta baxota. Jesús tabu tayebiya bebai iratha pocotsiwa pexaethopaewan, po pexaethopaewantha nantiya nacatsiba paratixi yawa xua tabu tayebiya bebai iratha peenaewan po peenaewan ichaxota ena pomonae caenaeta topibo. <sup>13</sup> Jesús barai barapomonae:

—Nacom Pejume Diwesitha namchi, jeye: ‘Tabo apara po botha jiwi tanetsipaebinexa tsaibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia muthu tutu pacana exaname ichaxota pijunuwi nantsiyabeibathopa tsipei baxota panacaetutame saya u xua painya necaibinexam tsane paratixi pomonaetha pomonae xua pateiba xua Nacom petsipaebinexatsi, jei Jesús.

<sup>14</sup> Barapo Nacom pin pia botha tatsi, Jesús imoxoyo caquita umenarucupatsi pomonae peitata nacutsiwi. Iruu Jesús imoxoyo caquita umenarucupatsi pomonae pejayujayujeiwi. Jesús axaibi exana daxita barapomonae. <sup>15</sup> Sacerdotemonae pia pentacaponae tatsi iruru pomonae jiwi pecuidubiwi Moisés pia peitorobi coyenewa tatsi, daxita barapomonae tane pocotsiwa Jesús exana pia pexeinya petsita itutsi coyenewatha. Daxita barapomonae jume tane xua pexui wawai Nacom pin pia botha tatsi xua pexui Jesús yabara jeichichi: “¡Pai jayana, barabu jiwi baru cui itura jinaena bapon pon David pia pemomoxi susato jiwana pinsi tatsi! Pon jiwi yabara jei: ‘Bapon David pexanto tatsi’, jei”, jei pexui. Bapoxonae daxita pomonae sacerdotemonae pia pentacaponae tatsi iruru pomonae jiwi pecuidubiwi Moisés pia peitorobi coyenewa tatsi anaepana poxonae Jesús cui tainchi yawa xua jume tainchino. <sup>16</sup> Daxita barapomonae jopa ichipaeyo xua pexui paeba, daxota anaya Jesús jeichichi:

—¿Bayatha jume taneme xua baxua pexui cayabara wawaya namchi? jei barapomonae.

Jesús jume nota barapomonae, jeye:

—Aa, bara bayatha jume tan xua pexui newuanae jainta. Paxam bayatha payorobame Nacom Pejume Diwesi xua pexui bara cui copatatsi xua bara wuanae pejainteibiwa tsane. David pexui yabara jeichichi Nacom Pejume Diwesitha, jeye:

‘Xam Nacom, cana exaname pexui poxi isainatsi,

iru poxi jinompena, xua barapoxi pexeinya

weixi cayabara caununaya naxuna

poxonae cawuanae jainchina’,

jei David Nacom Pejume Diwesitha,

jei Jesús daxita barapomonaetha.

<sup>17</sup> Nexata Jesús daxita barapomonae wepu pona Jerusalén tomara weya. Bapoxonae Betania tomara bewarapiya. Baxota merawi maiteca.



*Meje yabara poxonae Jesús biatane higuera nae xua jopa penacoichixae (Mr 11.12-14, 20-26)*

<sup>18</sup> Poxonae Jesús caemumbotha equeicha caibe iya Jerusalén tomara beya, bichocono jainpa pona. <sup>19</sup> Bapoxonae Jesús imoxoyo namtotha taenota higuera nae. Imoxoyo caquita pona piyain, pia taetsi pethei. Daichitha barapo naetha Jesús jopa taeyo pethei, saya ꞥ noxu tane. Nexata Jesús biataenota higuera nae, jeye:

—Bapana equeicha jopa nacoichim tsane pethei, jei Jesús higuera naetha.

Bapoxonae caena nainya higuera nae yꞥnuncua. <sup>20</sup> Poxonae Jesús cui tainchi pijimonae baxua barapomonae yabara najꞥntꞥ coyene cui cabenaeca bichocono. Yawa Jesús yainyabatsi pijimonae, jeye:

—¿Eta xua metha higuera nae nainya yꞥnuncua? jeichichi Jesús pijimonae.

<sup>21</sup> Jesús jume nota pijimonae, jeye:

—Bara xaniyeya paca tsipaebatsi. Icha xanepanaya payabara jume cowꞥntame xua Nacom painya nepaca cayawenaewa xuano xua jopa ainya ꞥnthꞥton paxeinaem bara paca itacꞥpaena xua painya nepae-biwa icha ichin xua cana exanan higuera nae. Mataꞥtano bara paca itacꞥpaena xua painya nejeiwa uruto beya xua pajam: ‘Uruto natsix-itabare, mar mene beya jopare’, xua painya nejeiwa. Bapoxonae bara baxua jopa bayathiyo tsane. <sup>22</sup> Daxita xua xuan pocotsiwan Nacom beya pawꞥcame, icha bara xanepanaya pajume cowꞥntsiya wꞥcame, bara Nacom paca catsibina baxuan, jei Jesús.

*Meje yabara xua Jesús pia peitorobi coyenewa xeina (Mr 11.27-33; Lc 20.1-8)*

<sup>23</sup> Nexata bapoxonae Jesús joniya Nacom pin pia botha tatsi. Poxonae cataunxuae Jesús baxota cuidubuncua jiwi, bapoxonae Jesús imoxoyo caquita umenarꞥꞥpatsi sacerdotemonae pia pentacaponae wi tatsi irꞥ judiomonae pia pitiri jiwi tatsi. Daxita barapomonae Jesús yainyabatsi, jeye:

—¿Eta po peayapusꞥ itorobi coyenewatha cuidubame baxuan? ¿Jintam cacata barapo peayapusꞥ itorobi coyenewa?

<sup>24</sup> Jesús jume nota barapomonae, jeye:

—Xan irꞥꞥ tha barichichi paca yainyabinchi. Icha beta pana nejume notsiname, bapoxonae xuya yabara paca tsipaebinchi xua po peayapusꞥ itorobi coyeneyatha taexanaewa baxuan. <sup>25</sup> ¿Jintam Juan cui itorobatsi xua bautisaba? ¿Metha bara Nacom cui itoroba jampa? ¿Metha bara jiwi cui itoroba jampa? Pana nejume nore, jei Jesús, xua Juan yabara paebatsi pon caena bayatha tꞥpa.

Nexata daxita barapomonae caemonae najume matsontsonoba, najei: “¿Eta xua metha jei tsainchi? Icha jei tsipaetsi: ‘Juan cui itorobatsi Nacom xua pebautisabiwa jiwi’, metha naca jei tsipae: ‘¿Eta xua metha nexata jopa pajume cowꞥntsim Juan?’ metha naca jei tsipae Jesús. <sup>26</sup> Jiwi cui cunuwatsi icha jeichi: ‘Juan cui itorobatsi jiwi xua bautisaba’, icha jeichi. Metha bapoxonae jiwi naca casebichipa anaya. Tsipei daxita jiwi Juan yabara jume cowꞥntatsi xua bapon apara pon Nacom pia peitorobi jume tatsi pepaebi jiton”, najei barapomonae. <sup>27</sup> Nexata barapomonae Jesús baraichi, jeye:

—Canta jopa payaputaeinyo, jei barapomonae.

Nexata Jesús barai barapomonaē, jeye:

—Nexata barichin tsane, jopa yabara paca tsipaebi tsainchi po peaya-puṣu itorobi coyenyatha xua daxita taexanaewan, jei Jesús.

*Meje yabara poxonaē Jesús cuiduba pecayabara j̄ta pepaebi diwesiyo xua pebin ainya pexantobe tatsi*

<sup>28</sup> Equeicha Jesús namchi Nacom pin pia botha daxita barapomonaetha, xua sacerdotemonaē pia pentacaponawitha tatsi, iru judiomonaē pia pitiri jiwitha tatsino. Jesús jeye:

—Moya pana nejume naitaeware pocotsiwa paca tsipaebinchi. Pebin nacueyatabe poyobe tatsi pexantobe tatsibe. Bapon caeintha nacoxi barai, jeye: ‘Owae, inta anoxuae uva bacabo pabi nacuire’, jei. <sup>29</sup> Bapon jume notatsi pexanto jeye: ‘Bara, aichaxaibin’, jeichichi bapon pexanto. Daichitha equeicha bapon pexanto tatsi nanta xeinataba, bapoxonaē pona xua penacuichinexa uva pabi, paxa tatsi pia pabi tatsi. <sup>30</sup> Pirapae equeicha ichantha, nacoxi barai barapo jumetha, jeye: ‘Owae, inta anoxuae uva pabi nacuire’, jei bapon pexantho. Bapon paxa jume nota, jeye: ‘Je, moya daichane, methaunxuae ponaein’, jei paxatha. Daichitha bapon jopa ponaeyo. <sup>31</sup> Incane yabara paca yainyabinchi xua bapon barapo pexantobe tatsi, zeta po pewowinda pon exana pocotsiwa paxa itorobatsi? jei Jesús.

Barapomonaē Jesús jume notatsi, jeye:

—Pon copiya paxa itorobatsi, jeichichi Jesús barapomonaē.

Nexata Jesús jume barai barapomonaē, jeye:

—Bara xaniyan yabara paca tsipaebatsi, pomonaē paratixi pentoma notebiwi po paratixi jiwi bewa catsibina pon romanomonaē itorobiya pia pepa peewatsinchi nexa, iruru yabaxi powaxi pesi cui weiweinaewaxi. Bara bequein barapomonaē peantucoyenebewi, daichitha barapomonaē naexanaena Nacom piamonaē tatsi jiwana tatsi, beya poxonaē paxam iru panaexaname Nacom piamonaē tatsi jiwana tatsi. <sup>32</sup> Juan pon jiwi Pebautisabin patopa xua pia nepaca cuidubinexa xua pocotsiwa bewa paexanaename painya nexainaenexa tsane po juntu coyene pexanepanaē juntu coyene. Daichitha paxam jopa pajume cowantsim pocotsiwa Juan paeba. Ichitha Juan yabara jume cowantatsi pomonaē paratixi pentoma notebiwi po paratixi jiwi bewa catsibina pon romanomonaē itorobiya pia pepa peewatsinchichi nexa. Iruru yabaxi powaxi pesi cui weiweinaewaxi Juan yabara jume cowantatsi po coyene Nacom Juan peitorobiwatsi. Nama paxam bequein bara Juan pacui taneme pocotsiwa exana, daichitha jopa painya neauraxae poxonaē abe paexaname. Daxota icha juntu coyene jopa paxeinaem xua painya nejume cowantsinexa Nacom, jei Jesús.

*Meje yabara poxonaē Jesús paeba pecayabara j̄ta pepaebi diwesiyo pomonaē xua abe exana, pomonaē petayapucaenaewi uva pabi*

*(Mr 12.1-12; Lc 20.9-19)*

<sup>33</sup> Nexata Jesús equeicha namchi jiwitha, jeye: “Incane pana nejume naitaeware xua paca tsipaebinchi pecayabara j̄ta pepaebi diwesiyo. Matha iruru pebin pia pabi xeina. Bapon uba po unbo pewan uva cuei unbo. Yawano yapu curarata barapo uva pabi ibowantha xua jopa pejojondenaenexa ichamonaē barapo pabitha. Yawano baxota ibo feto exana, xua barapo ibo fetotha pecubinexa uva cuei. Mataatano baxota exananota bo po bo taucha xua baxota pebin bara wenecotequeica uva

pabi. Bapoxonae bapon itoroba pomonae pia uva pabi pia petayapu-  
caenaewichi tsainchi, xua bapoxonae barapomonae pejiwanaxaenexa  
pocotsiwa penawetsiwa. Bapoxonae bapon icha nacua beya pona.

<sup>34</sup> Barapo matacabi tsuxubi po matacabitha uva cuei naweta. Bapox-  
onae barapo mataqueitha pomonae pabi petayapucaenaewi jiwana  
itapetanota xua penawetsiwa. Bapoxonae pon uva pabi pexeinaein,  
bapon pomonae petanacuichiwichi jiwana itoroba, xua petawucaenexa  
tsainchi uva cuei pomonae beya, pomonae pabi petayapucaenaewichi.

<sup>35</sup> Ichitha barapomonae, pomonae pabi petayapucaenaewichi teica,  
teiquebatsi pomonae itorobatsi, pomonae pabi pexeinaein itoroba uva  
pabi petayapucaenaewichi tatsi beya. Barapomonae pomonae petaya-  
pucaenaewi pabi, cuainta caeintha pomonae penajume carutsi jiwichi  
jiwanapintha. Ichun bexotsi. Ichun ibotontha cuinbabatsi. <sup>36</sup> Pon  
pabi pexeinaein barichi equeicha itoroba ichamonae pomonae pia  
petanacuichiwichi. Equeicha barichi pomonae pabi petayapucaenaewi  
bara jutiya cana exana barapomonaetha.

<sup>37</sup> “Bara nama matapainya pexanto itoroba. Bapon najei: ‘Bara-  
pomona metha taxanto inta yabara baru cui itura jinainchi, daxota  
itoroban bapon’, najei bapon. <sup>38</sup> Dapo jumetha pomonae pabi petaya-  
pucaenaewi poxonae bapon tainchi barapomonae najei: ‘Apara bapon  
paxa copiniwa pichina. Daxota bapon bu bexotsi xainya xeinatsi barapo  
uva pabi’, najei barapomonae. <sup>39</sup> Barapo pexanto tatsi uva pabi juma  
bemaxu cayiyatsi. Baxotiya bexotsi”, jei Jesús.

<sup>40</sup> Nexata Jesús barai barapo jiwu Nacom pin pia botha, jeye: “Pox-  
onae pabi pexeinaein patopaena, zeta be cana ichi tsane pomonaetha  
pomona barapo uva pabi pia petayapucaenaewichi?” jei Jesús.

<sup>41</sup> Barapomonae Jesús jume notatsi, jeye:

—Bapon bewa jutebina barapomonae, jopa weyatae tsane bara-  
pomonaetha xua peantucoyeneyapube jiwixae. Bapoxonae itorobina  
ichamonae xua petayapucaenaenexa tsainchi barapo uva pabi. Barapo  
pabi petayapucaenaewi matha notsina uva cuei xua naweta. Bapoxonae  
tsabina pabi pexeinaein nexa yawa iruru barapomonae nexaru, jei  
barapo jiwitha pomonae peenaexae Nacom pin pia botha.

<sup>42</sup> Nexata Jesús barai barapomonae xua nayabara paeba, jeye:

—iPaxam bara bayatha payorobameba Nacom Pejume Diwesitha!  
Barapo diwesitha neyabara caunuta poxonae iboto yabara paeba, xua  
jeye:

‘Pebiwi pomonae ibo bon peacabiwi,  
barapo pebiwi xuba po iboto tabu caboca  
po iboto peainya cui iboto.

Ichitha Nacom itapeta barapo iboto xua  
petabu cabocaenexa barapo peainya cui ibotoxae.

Waxainchi nanta xeinatsi jeichichi:

Maisa pocotsiwa Nacom exana naca tsita xanepana’,  
jeichichi, jei Nacom Pejume Diwesitha  
xua neyabara caunuta.

<sup>43</sup> Daxota paca tsipaebatsi, Nacom paca itawetsina xua jopa painya ne-  
naexanaenexa tsane Nacom piamonae jiwana tatsi pam. Barapo coye-  
newa xua Nacom piamonae jiwana tatsi penaexanae coyenewa Nacom

pichina painya xainya weya xua ichamonaetha pecatsinexa pomonaetha pomonae petsita juntu coyene xanepanaewichi. <sup>44</sup> Incane iboto yabara paca tsipaebinchi. Barapo ibototha poxonae ichauyo jopeica peruwixi tsanaya. Matautano poxonae barapo iboto ichauyo matatsun jopeicatsi pebeno tsanaya. Icha barapo iboto ichi poxonae cana exana ichauxitha peainya cui ibotoxae, xan barapocotsi jata coyeneya barichin pomonaetha pomonae jopa tana nejume cowantsiwi. Pia jopa tana neyaputaexae barapomonae daxota peraxa exanaein, jei Jesús.

<sup>45</sup> Sacerdotemonae pia pentacaponae wi tatsi iru fariseomonae, poxonae jume tane barapo pecayabara jata pepaebi diwesi, xua Jesús paeba, barapomonae yaputane xua apara bara Jesús yabara paeba barapomonae. <sup>46</sup> Bequein barapomonae Jesús muxu pewaetabichi, ichitha barapomonae junuwa. Jiwi cunuwatsi, tsipei daxita jiwi Jesús xanepanaya yabara paebatsi xua pinae Jesús Nacom pia peitorobi jume pepaebiwi jiwana tatsi.

## 22

*Meje yabara poxonae Jesús cuiduba pecayabara jata pepaebi diwesiyo xua pin penabanaewa peexanaewa tsane*  
(Lc 14.15-24)

<sup>1</sup> Equeicha Jesús tsipaeba jiwitha pecayabara jata pepaebi diwesiyo, jeye:

<sup>2</sup> “Nacom cana exana piamaetha pomonae juntu coyene itorobiya ewata, icha pocotsin ichi pon jiwi itorobiya pia pepa peewatsinchi poxonae waba, xua poxonae ichamonae wabatsi xua petsinacaetutsinexa pexaewa xua penabanaenexa. Baxua exana poxonae pexanto tatsi pecotsiwa pepichixae. <sup>3</sup> Barapon pon jiwi itorobiya pia pepa peewatsinchi itoroba pomonae pia petanacuichiwichi xua petawabinexa tsainchi pomonae xua bayatha petsipaebixae xua petapatsiwa tsainchi pia botha xua bepa pinae petanabanaewa tsainchi pia botha. Daichitha barapomonae aichaxaibi xua pepatsiwa tsane. <sup>4</sup> Bapoxonae barapon pon jiwi itorobiya pia pepa peewatsinchi equeicha itoroba ichamonae pomonae pia petanacuichiwichi, jeye barapomonaetha: ‘Pomonae bayatha tsiwaban pexaewa xua penabanaenexa painta tsipaebare pajande: Bepa pinae nainya papatsim, tsipei pinae bayatha pexaewa canacui wnaeta. Tsipei caena bayatha pinae cobe itoroba xua petajutebiwa tsainchi vacan, yawano po duwein bichocono nasita. Daxota bewa pinae nainya paponae bara beya xua painya nenanabanaenexa pexaewa, yaitama tsipei pinae pexanto tatsi pichina pecotsiwa, pajande’, jei barapon pon jiwi itorobiya pia pepa peewatsinchi. <sup>5</sup> Daichitha barapomonae pomonae tsiwabatsi pexaewa, barapomonae jume naitemata, saya meisa u naitomatsiya exana piawan. Barapomonae jiwana pin pia pabitha pona. Iru ichun piawa caenaetauya. <sup>6</sup> Ichamonaeru teica, pomonae pon jiwi itorobiya pia pepa peewatsinchi itoroba, barapomonae teicatsi. Yawano bichocono abe exainchi beya poxonae nama werapa. <sup>7</sup> Nexata bapon pon jiwi itorobiya pia pepa peewatsinchi bichocono caseba pomonae petajutebixaetsi pomonae bapon itoroba. Nexata bapon itoroba pia soldadomonae xua barapomonae xuya pejutebinexa tsainchi matauta xua tomara petatautsinexa tsainchi. <sup>8</sup> Bapon pirapae equeicha barai ichamonaetha pomonae pia petanacuichiwichi

jiwitha, jeye: ‘Bayatha bequein daxita wetan xua penabanaewa tsane, daichitha pomonae waban jopa xanepanaya nejume jejeyo daxota jopa bewa patsi tsane xua penabanaenexa. <sup>9</sup> Daxota paponde tomara namntontha, po namntontha pin namntontha, baxotiya pomonae poxonae pacaxibeibame, barapomonae painta wabare’, jei bapon. <sup>10</sup> Pomonae petanacuichiwi, barapomonae pona namton beya. Bapoxonae barapomonae, daxita pomonae caxiba namntontha, matacayiya pon jiwi itorobiya pia pepa peewatsinchi pia bo tatsi beya. Pomonae abe peexanaewino carendenatsi, pomonae xanepanaya peexanaewino carendenatsi, beya poxonae bo tutu nayucaxuba.

<sup>11</sup> “Nexata pon jiwi itorobiya pia pepa peewatsinchi bo tutu joniya petaenexa tsane pomonae pata. Bapon itabara tane pebin xua iruru pon baxota eca. Ichitha barapo pebin pexeinya paparuwa jopa nama xatatsiyo icha be jopa ichiyo ichamonae, tsipei ichamonae pexeinya paparuwa nama xataba xua po paparuwa jiwi ba nama xataba poxonae pona penacaetutsiwatha xua penabanaenexa pexaewa poxonae pebin pecotsiwa pita. <sup>12</sup> Pon jiwi itorobiya pia pepa peewatsinchi barai bapon, jeye: ‘Tajiton, ¿eta xua metha xote naecame xua matauta jopa pexeinya paparuwa nama xatatsim?’ jei bapon. Ichitha bapon saya moya eca. <sup>13</sup> Bapoxonae pon jiwi itorobiya pia pepa peewatsinchi barai pomonaetha pomonae pexaewa carena tsaibi pexaethopaewatha, jeye: ‘Bapon pacobe caecunta cure yawa pataxu caecunta cure, yawa aisowa beya paxore ichaxota quirei. Baxota bapon wecoyei tsane yawa baxota nantanuweya nanta jayabina, bichocono peatenexae tsane’, jei pom jiwi itorobiya pia pepa peewatsinchi. <sup>14</sup> Barapon pon jiwi itorobiya pia pepa peewatsinchi bequein pinmonae waba ichitha saya tsiquimonaeyo pata penabanaewatha. Icha barapon ichi Nacom bara juta coyene ichiya cana ichi tsane jiwi. Nacom bequein waba pin bicheitomonae, daichitha saya tsicamonaeyo itapetatsi, pomonae Nacom pijimonae tatsi penaexanaenexa tsane”, jei Jesús.

*Meje yabara poxonae Jesús yabara cuiduba paratixi matoma po paratixi jiwi bewa catsibina pontha pon romanomonae itorobiya pia pepa peewatsinchi*

(Mr 12.13-17; Lc 20.20-26)

<sup>15</sup> Nexata fariseomonae pona Jesús weya, caemonae natsipaeba najei: “¿Eta po peyainyabiwa Jesús taexanaeinchi xua catsawa wanaca jume notsinexa? Bapoxonae waxainchi xain yopitatsi ichamonaetha xua bapon abeya wanaca jume notsiwaxae”, najei fariseomonae. <sup>16</sup> Bapoxonae barapomonae itoroba pia pepuna ponaewichi, matautano barapomonae itorobano pomonae Herodes pia pepuna jinompaewichi. Daxita barapo matabuxuyobe pata Jesthath pomonae fariseomonae itoroba. Barapomonae Jesús beya jeye:

—Pon jiwi Necuidubim. Bara payaputan xua bara jume xainyeya tsipaebame jiwi, matautano xua jiwi bara beta cuidubame xua pocotsiwa jiwi bewa exanaena pexeinaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxonae cuidubame poxonae bequein jiwi jopa ichichipaeyo baxua, tsipei xam daxita jiwi bara catsita najura. <sup>17</sup> Incane yabara pana netsipaebare xua nanta xeiname xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomonae

itorobiya pia pepa peewatsinchi xua wanaca itorobixae bapon bequein bara bapon pon penanapaincha poponaen xua icha nacua werena peponaen? Icha jopa tsipae ¿metha daxua abe tsipae? jeichichi Jesús barapomonaen pomonaen fariseomonaen itoroba.

<sup>18</sup> Daichitha Jesús yaputane xua bichocono barapomonaen abeya nanta xeina xua Jesús abe pecanaexanaenexa tsainchi. Jesús barai barapomonaen, jeye:

—Paxam pomonaen itara mexeya xanepanaya pepaebiwi pam, daichitha abeya pepaebiwi pam. ¿Eta xua metha pana nejuntũ coyene jujũtame poxonaen baxua yabara pana neyainyabame? <sup>19</sup> Incane moya painta xawena tha taetsi barapo paratiyo, jei Jesús.

Bapoxonaen barapomonaen barapo paratiyo Jesús tacapoinchi. <sup>20</sup> Poxonaen Jesús tane barapo paratiyo, bapoxonaen yainyaba barapomonaen, jeye:

—¿Jĩtam pejumopere? ¿Yawano jintam wũn ducuaen? jei Jesús.

<sup>21</sup> Nexata Jesús jume notatsi barapomonaen, jeye:

—Apara romanomonaen itorobiya pia pepa peewatsinchi, jei barapomonaen.

Nexata Jesús barai barapomonaen, jeye:

—Bara nexata romanomonaen itorobiya pia pepa peewatsinchi pacare pocotsiwa xua bapon piawaxae tatsi. Mataũtano bara Nacom pacare xua baxua irũ piawaxae tatsi, jei Jesús.

<sup>22</sup> Poxonaen barapomonaen jume tane xua Jesús beta xanepanaya jume nota, bapoxonaen barapomonaen yabara najũntũ cui coyene cabenaeca. Bapoxonaen ponarũcũpa Jesús weya.

*Meje yabara poxonaen Jesús yabara yainyabatsi po coyene xua equeicha asũ pomonaen pewerapeibiwi*

(Mr 12.18-27; Lc 20.27-40)

<sup>23</sup> Bapoxonaen caena barapo mataqueitha saduceomonaen jiwana pata Jesús pia xantha tatsi xua Jesús piraichi petsipaebinxatsi. Saduceomonaen barompaya pia pecuidubi coyenewa xeina xua pinaen pomonaen pewerapeibiwi equeicha jopa asũ tsaibiyo. Barapo pecuidubi coyenewa jopa jũpaeyo po pecuidubiwa Jesús pia pecuidubiwa tatsi xua pinaen jiwĩ equeicha asũ jinompaena poxonaen werapa. Daxota barapo saduceomonaen Jesús tsipaebatsi jeye:

<sup>24</sup> —Pon jiwĩ Necuidubim, Moisés nacata tina, namchi: ‘Icha pebin piowa cuenta tũpa, yawa jopa xeinaeyo pexui, xuyapĩ bewa xuya pentapĩ pecoutha coseuri pichina xua bapoxonaen pentapĩ pecoutha pexeinaenexa tsane pexui’, jei Moisés. <sup>25</sup> Barichi, matha irũrũ cae peweicho caepiwi nabaerũ jinompa siete poyobe. Matapĩ jitha eca. Bapon piowa cuenta naxuba. Pexui jopa xeinaeyo. Pon cotacaya naexana xuya pentapĩ coseuri pita xua bapoxonaen pentapĩ pecoutha pexui pexeinaenexa. <sup>26</sup> Bapon irũ cuenta tũpa, irũ jopa xeinaeyo pexui. Bapoxonaen ichũn xuyapĩ xuya barapowa pita xua pentapĩ coseuri pita. Bapon barichi irũ cuenta tũpa, irũ pexui jopa xeinaeyo. Daxita barapo siete poyobe cuenta nanapentapona bapowa poxonaen bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo. <sup>27</sup> Bapoxonaen matapainya irũ bapowa tũpa. <sup>28</sup> Xam Jesús, ba paebame, ba jam: Matabi jopana po matabitha Nacom asũ exanaena, xua jiwĩ asũ exanaeinchi mũthũn

wetsina, ba jam. Poxonae barapo matacabi jopaena xua daxita jiwi asu jujuinaena, barapo matacabitha ζjintam metha bapowa xuya pichinchi, xua ichan pichina, xua barapo siete poyobe caein jiwana? Tsipei caena bayatha barapo siete poyobe caepiwi cuenta nanapentapona barapowa, jei saduceomonae.

<sup>29</sup> Nexata saduceomonae Jesús jume nota, jeye:

—Paxam apara catsawiya pana nejume notame, tsipei jopa beta payaputaem xua Nacom Pejume Diwesitha payabara yorobame baxua. Matautano jopa payaputaem Nacom pia peayapusu itorobi coyenewa tatsi. <sup>30</sup> Poxonae petupaewi equeicha asu jujuinaena, jopa jitha eenaponae tsane. Yawa barapomonae jopa pexantixi jitha cuarebaponae tsane. Tsipei barapomonae barichi tsane icha be matatsunpiwimonae ichi, po matatsunpiwimonae Nacom pia nacuatheicha jinompa, xua po matatsunpiwi jopa jitha enaeyo. <sup>31</sup> Paxam bequein bara bayatha payabara yorobame pocotsiwa Nacom namchi Pejume Diwesitha, po coyene xua pomonae pewerapaewi equeicha asu jujuina. Barapo diwesitha Nacom jeye: <sup>32</sup> ‘Xan Abraham pia Nacomun tatsin, iru Isaac pia Nacomun tatsin, iru Jacob pia Nacomun tatsin’, jei Nacom. Baxua Nacom paeba tsipei Abraham iru Isaac iru Jacob pomonae bayatha pewerapaewi anoxuae equeicha caewa asu jinompa Nacom pia nacuatheicha tatsi. Pomonae pewerapaewi pomonae jopa caewa equeicha asu pejinompaewi, barapomonae jopa pia Nacom tatsi, pon itabocotha eca. Saya jame meisa pomonae bayatha pewerapaewi xua caewa equeicha asu pejinompaewi, pomonae pejume cowantsiwixaetsi Nacom barapomonae jame pia Nacom tatsi, pon itabocotha eca, jei Jesús.

<sup>33</sup> Poxonae jiwi jume tane pocotsiwa Jesús cuiduba, barapomonae yabara najuntu cui coyene cabenaeca.

*Meje yabara poxonae Jesús yabara cuiduba po peitorobi cui coyene pepa peainya cui coyenewa*

*(Mr 12.28-34)*

<sup>34</sup> Poxonae fariseomonae yaputane xua saduceomonae moya umena xua Jesús beta pejume notsixae, bapoxonae fariseomonae nacaetuta xua equeicha peyainyabiwanexa tsainchi Jesús. <sup>35</sup> Barapo fariseomonae caein jiwana, pon peyabara yaputaein Moisés pia peitorobi coyene tatsi, bapon ichichipa xua Jesús pejuntu coyene jujatsiwatsi xua icha bara metha Jesús abeya jume notsina. Bapon jeye Jestutha:

<sup>36</sup> —Ja pon jiwi Necuidubim, ζeta po peitorobi coyene pepa ainya cui coyenewara po peitorobi coyene beyacaincha xua icha peitorobi coyene? jei.

<sup>37</sup> Jesús jume nota bapon, jeye:

—Po peitorobi cui coyenewa pepa ainya cui coyenewa jeye: ‘Antobeinde pon jiwi Pecanamataxeinaein, bapon Nacom xua daxita nejuntu coyene wetsina, matautano xua daxita jinya nepoponae coyenewatha, matautano xua daxita nenanta xeinaewatha nentasipatha’, jei. <sup>38</sup> Jame barapo peitorobi coyene bichocono ainya cui coyenewa beyacaincha icha peitorobi coyene. Barapo peitorobi coyene, po peitorobi coyene ainya cui coyenewa, Nacom copiya itoroba. <sup>39</sup> Po peitorobi coyene cotacaya itoroba ichaxota ba ‘dos’ jei, barapo peitorobi coyene be jume jupa po peitorobi coyene copiya ducua. Iruu barapo peitorobi coyenewatha jeye: ‘Antobeinde jinya necatsicuarabu ecaein icha ichim xua

jinya coutha naantobem', jei barapo peitorobi coyenewatha. <sup>40</sup> Barapo peitorobi coyene jumebe caunuta, xua Moisés pia peitorobi coyenewatha baxua yabara paeba, iru pomonae Nacom peitorobi jume pepaebiwi pia pecuidubi coyenewatha baxua yabara paebaru, jei Jesús.

*Meje yabara poxonae Jesús nayabara jei: "Mesías, ¿jintam pia pemomoxi susato jiwanapin tatsira?" jei*  
(Mr 12.35-37; Lc 20.41-44)

<sup>41</sup> Poxonae fariseomonae cataunxuae nacaetutompa bapoxonae Jesús yainyaba barapo fariseomonae, jeye:

<sup>42</sup> —¿Eta xua pacayabara nanta xeiname Mesías pon Nacom pia Peitapetsin? ¿Jintam pia pemomoxi susato jiwanapin tatsira? jei Jesús.

Barapomonae Jesús jume notatsi, jeye:

—Apara David, pon Israel nacuapiwi itorobiya pia pepa peewatsinchi, bapon pia pemomoxi susato jiwanapin tatsi, jei fariseomonae.

<sup>43</sup> Bapoxonae Jesús barai barapomonae, jeye:

—David yabara paeba xua Mesías apara pia Pecanamataxeinaeinchi tatsi poxonae David cueicueijejei exanatsi Nacom pia Pejumope tñaxu tatsi.

<sup>44</sup> David salmos penaxunae wei diwesitha bayatha jeye:

'Nacom pon Pecanamataxeinaein jiwi,

Tanecanamataxeinaein baraichi pon Mesías, jeichichi:

Tacoxa werena ecare, beya abu tsane poxonae

necaitafaetabi jiwi pia pecanamataxeinaeinchi

tatsi caexanaeinchi, jei Nacom',

jei David salmos penaxunae wei diwesitha.

<sup>45</sup> Icha David Mesías yabara jei: 'Bapon Mesías Tanecanamataxeinaein', jei, ¿eta xua metha tsipae xua Mesías apara David pia pemomoxi susato jiwanapin tatsi? jei Jesús.

<sup>46</sup> Daxita barapomonae jopa itacupaetsi xua Jesús pejume notsiwatsi tsainchi, poxonae pinae David paeba xua pinae jei: 'Bapon Mesías Tanecanamataxeinaein', jei. Bara nama barapo matabitha weya, equeicha nama Jesús jopa bepeyainyabiwatsi barapomonae.

## 23

*Meje yabara poxonae Jesús muxuweta jiwi xua pomonae fariseomonae iru pomonae jiwi pecuidubiwi Moisés pia peitorobi coyene tatsi barapomonae pecuiyainwa tatsi*

(Mr 12.38-40; Lc 11.37-54; 20.45-47)

<sup>1</sup> Nexata Jesús barai pin bicheito jiwi iru pijimonae, jeye: <sup>2</sup> "Pomonae jiwi pecuidubiwi Moisés pia peitorobi coyene tatsi iru fariseomonae daxita barapomonae pia pecuidubi coyene xeina xua po coyene jiwi yaputane exanatsi po coyene Moisés pia peitorobi coyenewatha paeba.

<sup>3</sup> Pacui yabara jume cowande pocotsiwa barapomonae pia pecuidubi coyenewan tatsi. Matautano paexande pocotsiwa barapomonae paca itoroba. Daichitha jopa paexanaeinde pocotsiwa barapomonae exana tsipei barapomonae itara beta pepaebiwi daichitha yabara jume tox-einchiya catsawiya exana, barapo peitorobi coyenewan. <sup>4</sup> Barapomonae be pocotsimonae poxonae ichamonae itorobatsi xua pecaponawa pocotsiwa arewe, pocotsiwa jiwi bapana jopa itacupaetsi xua pecaponawa. Daichitha barapomonae jopa yawenaeyo pocotsiwa ichamonae



itorobatsi. Matautano barapomonae jopa tayoichaeyo cae cobesitiyotha. Icha barapomonae ichi poxonae ichamonae itorobatsi xua pecaponaewa pocotsiwa bichocono arewe, barapocotsi juta coyeneya ichi pomonae jiwi pecuidubiwi Moisés pia peitorobi coyene tatsi, iru fariseomonae, daxita barapomonae itoroba pia pecuidubi coyenewatha pocotsiwa paxam painya neexanaenexa. Ichitha barapomonae jopa exanaeyo baxua. Pocotsiwa barapomonae paca cui itoroba pocotsiwa painya neexanaenexa, paxam bapana jopa paca itacupaeyo xua painya neexanaewa baxuan. <sup>5</sup> Barapomonae ichichipa nawita xua jiwi pecui taewa tsane pocotsiwa poxonae barapomonae exana xua bapoxonae jiwi penanta xeinaenexa xua barapomonae bara pejuntu coyene xanepanaewi. Daxota barapomonae tsica cajaxi peitapatha querabaduba xua pebocoton. Barapo bocotontha tututha iya jeya xua xoxitha tinaduba Nacom Pejume Diwesi. Yawa icha cajaxi pemaxutha querabaduba. Yawa barapo bocotontha tututha iya jeya xua xoxitha tinaduba Nacom Pejume Diwesi. Matauta barapomonae nama xataba po paparuwan bichocono apipiya deca, beyacaincha xua poxonae ichamonae nama xataba po paparuwan apipiya. <sup>6</sup> Matauta barapomonae nanta caxunaeneiba ichaxota nanta caxunaeneiba pomonae peainya cui jiwi penaexanaewi. Matautano barapomonae judiomonae pia penacaetutsi bontha ichichipa nawita xua nanta caeneiba ichaxota enathopeiba pomonae peainya cui jiwi penaexanaewi. <sup>7</sup> Matauta barapomonae ichichipa xua jiwi pejacobeibiwa tsane namtontha barapomonaetha, xua jiwi pebaru cui itura jineibinexa barapomonae. Matautano barapomonae ichichipa nawita xua jiwi ainya cui pecana exanaewa barapomonae poxonae jiwi pejei tsaibinexa 'Pomonae jiwi pecuidubiwi' poxonae pejei tsaibinexa jiwi.

<sup>8</sup> "Ichitha nama paxam jopa bewa pacopatsim xua bara jiwi jacobiya paca necajei tsaibinexa: 'Pata pecuidubi jiwi pam', paca necajei tsaibinexa xua ainya cui jiwi painya nepaca exanae jiwixae. Painya xoba jiwi baxua bara pajume copatame, tsipei apara paxam be caemonae jiwi pam, saya jame panantauteame bara caein pon ainya cui penaexanaein painya itutha. <sup>9</sup> Pomonae po irathe jinompe jopa bewa wabi pajam 'Axa', jopa bewa pajam xua painya baru cui itura jinaexae pomonae jopa bequein barompaya painya axeivi. Painya xoba jiwi baxua bara pajume copatame, tsipei paxam panantauteame bara caein painya Axa, pon pabaru cui itura jiname pon peitabocotha eca. <sup>10</sup> Matautano jopa bewa pacopatsim xua bara jiwi jacobiya paca necajei tsaibiwa: 'Pata necanamataxeinaewi pam', paca necajei tsaibiwa xua ainya cui jiwi painya nepaca exanae jiwixae. Painya xoba jiwi baxua bara pajume copatame, tsipei apara paxam panantauteame bara caein pon painya Necanamataxeinaein, jame apara bapon meisa Cristo. <sup>11</sup> Icha pon paxam jiwana, icha bapon ichichipa naexana be pocotsin canamataxeina ichamonae bapon matha bewa copiya daxita paxam beta amanaya pacata nacuichina. <sup>12</sup> Pon xua pia coutha peainya cui jiton naexana pejuntu coyenetha, Nacom exanaena xua bapon pecui pawu jiton naexanaena. Ichitha pon xua pecui pawu jiton naexana, pejuntu coyenetha, Nacom exanaena xua bapon peainya cui jiton naexanaena.

<sup>13</sup> "¡Paxam pomonae Moisés pia peitorobi coyene tatsi painya necuidubiwi jiwi pam tsobenaem! ¡Paxam iru pomonae fariseomonae pam

tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam acuicoyenyapubeya paexaname xua poxonae jiwi bequein ichichipa naexana Nacom pia-monae tatsi jiwana. Paxam jopa pajume cowantsim Nacom yawa jopa pacopatsim xua ichamonae iru pejume cowantsiwa Nacom.

14 “¡Paxam pomonae Moisés pia peitorobi coyene tatsi painya necuidubiwi jiwi pam tsobenaem! ¡Paxam iru pomonae fariseomonaе pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Powaxi pecuenta wera-paewaxichi piseurixi, barapowaxi pacueranta ename pia bon. Nae-mata Nacom pawaqueibame. Jopa cuinaya pana najume copababeibim poxonaе pawaqueibame Nacom tsipei paichichipame nawita xua jiwi xanepanaya paca necayabara paebiwa xua bara cou paxam pejuntu coyene xanepanae jiwi pam. Daxota poxonaе po mataqueitha Nacom yabara paebina daxita jiwi penatsicuentsiwa barapo mataqueitha Nacom bichocono paca peraxa jubina, beyacaincha poxonaе peraxa jubinchi pomonae pacuidubame.

15 “¡Paxam pomonae Moisés pia peitorobi coyene tatsi painya necuidubiwi jiwi pam tsobenaem! ¡Paxam iru pomonae fariseomonaе pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam taju beya paponame daxita carepayan beya, xua painya cana exanaenexa ichantha xua bapon pejume cowantsiwa tsane painya necuidubi coyenewan xua bapoxonaе bapon be judiomonaepin penaexanaewa tsane. Bapon pacana exaname, xua bapon bichocono equeicha mataropeicha abe peexanaein. Daxota bapon bewa xubinchi ichaxota po nacuatha isoto jopa itacounayiyu, icha paca cana ichi tsane poxonaе paca bebai tsane barapo nacuatha.

16 “¡Paxam abe peexanae jiwi tsobenaе pam! Paxam barapocotsi coyeneya juta panacana exaname, icha be pon peitata nacutsin ichi xua poxonaе ichun matacapoinchi pon iruru peitata nacutsin. Paxam ichamonae ba pacuidubeibame ba pajam tsaibim: ‘Icha ichun nayabara cui wunaе tsimuxu duta xua jeye: Xaniwaicha exanaein pocotsiwa xua catsipaebatsi Nacom pia pin bo wanthaxae tatsi, poxonaе jei, baxua ba jopa ainya cuiyiyo poxonaе ichun nayabara cui wunaе tsimuxu duta bapocotsi wantha’, ba pajam tsaibim xua ichamonae poxonaе pacuidubeibame. Matautano ba pajam tsaibim: ‘Icha ichun nayabara cui wunaе tsimuxu duta xua jeye: Xaniwaicha bara exanaein pocotsiwa xua catsipaebatsi oro nainto wantha pocotsiwa daedaena po oro nain coroton Nacom pin pia botha tatsi eca, poxonaе jei, baxua ba xua bapon exana bapocotsi wantha, baxua jame ainya cui poxonaе barapon barapo wantha nayabara cui wunaе tsimuxu dubeibina’, ba pajam tsaibim poxonaе pacuidubeibame. 17 ¡Paxam barapocotsi coyeneya juta panacana exaname, icha be pomonae matasipa daunwei ichi poxonaе jopa beta jume cowantsiyo Nacom! Nacom pin pia bo bichocono ainya cui beyacaincha oro nain, po oro nain coroton Nacom pin pia botha tatsi ena. Tsipei barapo oro nain poxonaе aisowa beequiya Nacom pin pia bo weya jopa ainya cuiyiyo. Jame saya meisa poxonaе bo tututha eca bapoxonaе ainya cui barapo oro nain, tsipei barapo bo ainya cui cana exanatsi. 18 Matauta ba pajam tsaibim: ‘Icha ichun nayabara cui wunaе

tsimuxu duta, xua jeye: Xaniwaicha bara exanaein pocotsiwa xua catsipaebatsi xua be pexaethopaewa wantha xua ichaxota duwei tauteiba xua tuxusi exaneiba Nacom nexa, poxonaе jei, baxua ba bapon jopa bewa exanae poxoru baraxua xua be pexaethopaewa jopa ainya cuiyiyo poxonaе ichan nayabara cui wanae tsimuxu duta bapocotsi wantha', ba pajam tsaibim poxonaе ichamonae pacuidubeibame. Matautano ba pajam tsaibim: 'Icha ichan nayabara cui wanae tsimuxu duta xua jeye: Xaniwaicha bara exanaein pocotsiwa xua catsipaebatsi duwei wantha po duwei xua bocopiya ichaxota xua be pexaethopaewa wantha, poxonaе jei, baxua ba bapon jame bewa exanae poxoru po duwei xua bocopiya ichaxota xua be pexaethopaewa, baxua jame ainya cui poxonaе bapon barapo wantha nayabara cui wanae tsimuxu dubeibina', ba pajam tsaibim poxonaе pacuidubeibame. <sup>19</sup> Paxam barapocotsi coyeneya jata pana cana exaname, icha be pomonae matasipa daunwei ichi poxonaе jopa beta jume cowantsiyo Nacom! Pocotsiwa xua be pexaethopaewa ichaxota duwei tauteiba xua tuxusi exana Nacom nexa, poxonaе tauta baraxua xua be pexaethopaewa bichocono ainya cui, beyacaincha ainya cui poxonaе duwein aisowatha bexuba xua saya pexaenexa. Tsipei duwei saya ainya cui poxonaе pocotsiwa xua be pexaethopaewatha bocopiya poxonaе petuxusi exanaewa tsane Nacom nexa. Bapoxonaе barapo duwein ainya cui, tsipei baraxua xua be pexaethopaewa ainya cui cana exanatsi. <sup>20</sup> Daxota pon nayabara cui wanae tsimuxu duta xua be pexaethopaewa wantha, xua ichaxota duwei tauteiba xua tuxusi exaneiba Nacom nexa, saya meisa jopa barapo wanthiyo, matautano jame nayabara cui wanae tsimuxu dutsina duwei wantha, po duwein baxota bocopiya. <sup>21</sup> Matautano pon nayabara cui wanae tsimuxu duta Nacom pin pia bo wantha tatsi, saya jopa meisa barapo wanthiyo, matautano jame nayabara cui wanae tsimuxu dutsina Nacom pewantha tatsi. Tsipei bara Nacom pin pia bothaxae eca. <sup>22</sup> Daxota pon nayabara cui wanae tsimuxu duta itaboco wantha, saya meisa jopa barapo wanthiyo, matautano jame nayabara cui wanae tsimuxu dutsina Nacom pia pexeinya pecaethopeibiwa tatsi wantha beicha matauta Nacom pewantha tatsi pon baxoteicha eca.

<sup>23</sup> "Paxam pomonae Moisés pia peitorobi coyene painya necuidubi jiwi pam tsobenaem! Paxam pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam ba caewaxi pajiwana wetsabeibame xua painya catsibeibinexa Nacom poxonaе diez xoyobe paxeineibame xua pocotsiwa painya neubiwan. Barichi pacana exaname tsiqui xutixitha po xutoxi pewan menta, matautano po pexuno pewan anis barichi matautano po pexuno pewan comino. Bara bequein barapo coyene paexaneibame, daichitha jopa paexanaem pocotsiwa bichocono ainya cui coyenewa pocotsiwa Nacom pia peitorobi coyenewatha itoroba. Matautano jopa paexanaem po cui coyenewatha bewa bara xaniwaicha pata exanaename jiwi. Matautano jopa paexanaem po cui coyenewatha bewa jiwi payabara najantu coyene xeinaename painya neyawenaenexa jiwi. Matautano jopa paexanaem po cui coyenewatha xua pana cana exaname xua beta painya nejume cowantsinexa Nacom. Daxita barapo coyenein jame maisa paexanare, muxuna paexanaponde po coyene copiya pa-eexanaponaе, po coyene pox-

onae pajiwana nonotaponeibame poxonae pocotsiwan diez xoyobe paxeineibame, xua pocotsiwa painya neubiwan. <sup>24</sup> ¡Paxam barapocotsi coyeneya juta pana cana exaname, icha be pon peitata nacútsin ichi xua poxonae ichin matabapoinchi pon irur peitata nacútsin! Paxam jopa juniya pacayabara jume exaneibim xua Moisés pia peitorobi coyenewatha itoroba. Daichitha jopa paexanaem po peitorobi coyene peainya cui coyenewa Nacomtha. Barapocotsi juta coyeneya paexaname icha jiton ichi poxonae mera mene caewata paparuwatha xua pichixi pemuxuna apaeyainwa, daichitha apara yawa apareca xua xuan poxi peconoxi.

<sup>25</sup> “¡Paxam pomonae Moisés pia peitorobi coyene tatsi painya necuidubi jiwi pam tsobenaem! ¡Paxam pomonae iru fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam jopa ba juniya paexaneibim poxonae meisa panaperu iquicame. Daichitha bupana iya painya juntu coyenetha pecaibi coyene paxeiname, peuwi coyeneno paxeiname. Be barapocotsi jiwi pam pocotsimonae coroton saya matawacaicha iquica yawa paratonno, ichitha atutuxuira bichocono. <sup>26</sup> Paxam fariseomonae pam, pocotsi jiwimonae pam pomonae be peitata nacútsi jiwi pam. Copiya matha pana najantu cui coyene barapende barapo painya neajuntacoyenebewan, baroxonae jame xanepanaya painompaename.

<sup>27</sup> “¡Paxam pomonae Moisés pia peitorobi coyene tatsi painya necuidubi jiwi pam tsobenaem! ¡Paxam iru pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Jiwi ba inyapana exana xua pocotsiwa jiton petupaein peyamathu acatabiwatsi. Bequein bara baxua inyapana daichitha xua matha bocareca bichocono ayei xua jiton petupaein. <sup>28</sup> Barapocotsi juta coyeneya paexaname, icha be pocotsi coyene peayeiwa ichi xua jiton petupaein. Bequein panaperu wunaetame, daichitha painya juntu coyene abe bichocono. Bequein jiwi paca yabara nanta xeina poxonae paca cui tane xua paxam deta cou pejuntu coyene xanepanae jiwi pam Nacomtha, daichitha painya juntu coyene bichocono paajuntacoyenebem. Matautano bara bequein paxam itara mexeya xanepanaya pepaebi jiwi pam, daichitha apara abeya pepaebi jiwi pam.

<sup>29</sup> “¡Paxam pomonae Moisés pia peitorobi coyene tatsi painya necuidubi jiwi pam tsobenaem! ¡Paxam pomonae iru fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam petupaeiwi pomonae Nacom pia peitorobi jume pepaebiwi payamathu acabame boutixi. Matautano pomonae pejuntu coyene xeicae jiwi payamathu itupana exaname. <sup>30</sup> Matauta naerabiya pana najam: ‘Icha caena bayatha jinompaetsipatsi poxonae wamo susato jiwi jinompa metha jopa cueicha yawenaetsipaetsi poxonae barapo Nacom peitorobi jume pepaebiwi jutebatsi’, pana najam. <sup>31</sup> Barapo jumetha poxonae baxua pacaunutame, barapara barapo cui coyene paexaname, icha painya amo susato jiwi ichi poxonae barapo juntu coyeneya exana poxonae jutebatsi Nacom pia peitorobi jume pepaebiwi. <sup>32</sup> ¡Painya amo susato jiwi abe peexanaexae, caena bayatha bara paichinde! Poxonae pana nebexubiname moya pana necui yabara jume cui were icha matha

painya amo susato jiwi ichi poxonae tamropata notarꝛꝛpa xua barapo Nacom pia peitorobi jume pepaebiwi jutebatsi.

<sup>33</sup> “¡Maisa paxam pomonae pemuxitorobi jiwi pam! ¡Daxota be jomomonaе pacui ꝓꝓame poxoru jomo ba cuitaya dꝛꝛpa nawa! Bara paichim anoxuae bequein paichichipame xua Nacom pacuitaya dꝛꝛꝓame xua abe paca exanaeyainwa. Ichitha Nacom paca itorobina ichaxota isoto jopa itacounayiyo. Jopa papanenebiyaem tsane barapo isoto weya. <sup>34</sup> Itorobicaein painya xantha pomonae taitorobi jume pepaebiwi. Matauta itorobicaein pomonae peyaputaewi. Matautano itorobicaein pomonae jiwi pecuidubiwi Moisés pia peitorobi coyene tatsi. Ichitha barapomonaе pajiwana jutebiname. Ichamonae naethotha pacobe matabobiname painya jutebinexa tsane. Ichamonae judiomonaе pia penacaetutsi bontha tatsi pabename. Daxita carepaya tomarantha abe pacana eexanaponaename pomonaetha pomonae taitorobi jiwi. <sup>35</sup> Daxota Nacom paca cana exanaena xua paca peraxa exanaena xua daxita pomonae peꝓꝓntꝓ coyene xeicae jiwi peꝓꝓutebaponaexaetsi painya nacuatha. Painya amo susato jiwi ꝓꝓutebapona pomonae peꝓꝓntꝓ coyene xeicae jiwi. Copiya matha Abel bexotsi pon peꝓꝓntꝓ coyene xeicaein pon bequein jopa abe exanaeyo, beya poxonaе irꝛꝛꝛ Zacarías bexotsirꝛꝛ pon Berequías pexanto tatsi. Barapon Zacarías pabexubame Nacom pin pia botha ichaxota xua barapo bo tututha uncua pocotsiwa be pexaethopaewa xua ichaxota tuxusi exana Nacom nexa xua irꝛꝛꝛ baxota uncua pepa Nacom pia boyo tatsi xua naitama taeuncuabe. <sup>36</sup> Bara xaniwaicha paca tsipaebatsi pomonae xua anoxuae ꝓꝓinompame bichocono paca peraxa ꝓꝓebina tsipei daxita paxam barapara Nacom tsitatsi xua paxam patsita xeiname penatsicuentsiwa xua painya amo susato jiwi ꝓꝓꝓutebaponaexae pomonae peꝓꝓntꝓ coyene xanepanae jiwi xua irꝛꝛꝛꝛ paxam painya neꝓꝓutebaponaexaerꝛꝛ”, jei Jesús.

*Meje yabara poxonaе Jesús Jerusalén tomarapiwi siwa wecoyeichi  
(Lc 13.34-35)*

<sup>37</sup> Bapoxonaе Jesús yabara ꝓꝓntꝓntꝓ wecoyei Jerusalén tomarapiwi. Jesús wecoyeya namchi, jeye: “¡Maisa Jerusalén tomarapiwi pam ꝓꝓutebeibame pomonae Nacom pia peitorobi jume pepaebiwi! ¡Matauta paxam ꝓꝓutebeibame ibotontha pomonae Nacom pacata itoroba! ¡Maisa be paca caetucaetuteibinchi, tapaca cayawenaewatsi tsainchi, icha wacara ichi poxonaе nacoꝓi caetucaetuteta pecuarafetha! ¡Maisa be barichocuaein tsane, daichitha jopa paichichipaem! <sup>38</sup> Incane pataema Nacom nacui baraxuba xua jopa painya nepaca caewatsiwa tsane. Daxota Nacom jopa ꝓꝓonaeyo pia pin pia botha tatsi painya tomaratha. <sup>39</sup> Paca tsipaebatsi xua equeicha jopa pana netaem tsane beya abꝓꝓ poxonaе pana neyabara jam tsane: ‘¡Maisa bapon jiwi ꝓꝓntꝓ coyene weiweina cana exanatsi pon patopa, Nacom peitorobixae, pon jiwi Pecanamataxeinaeinchi!’ pana neyabara jam tsane”, jei Jesús fariseomonaetha.

## 24

*Meje yabara poxonaе Jesús yabara ꝓꝓeaba xua ichamonae abe exanaena  
Nacom pin pia bo tatsi  
(Mr 13.1-2; Lc 21.5-6)*

<sup>1</sup> Jesús Nacom pin pia bo tatsi wejoniya. Poxonae nama bara weya pona, bapoxonae Jesús imoxoyo caquita umenarucupatsi pijimonae. Yawa pijimonae jeichichi:

—Maisa Nacom pin pia bo tatsi bepa wnae, jei barapomonae.

<sup>2</sup> Daichitha Jesús jume barai barapomonae, jeye:

—¡Moya caepatiyo pataema! Bara xaniyan paca tsipaebatsi. Matacabi jopaena barapo mataqueitha ichamonae pomonae penanapaincha jinompaewi xua icha nacua werena peponaewi abe cana exanaena Nacom pin pia bo tatsi po bo anoxuae pataneme. Apra jopa cae ibotiyo nacopatuncuae tsane icha iboto peumatha. Daxita abe tsane, jei Jesús.

*Meje yabara poxonae Jesús yabara paeba xua copiya matha pewnaeya exanaena petsita itutsi coyenewa poxonae daxita weraweracaenaba (Mr 13.3-23; Lc 21.7-24; 17.22-24)*

<sup>3</sup> Bapoxonae Jesús pijimonae baru pona demxuwatheicha po demx- uwa pewn demxu Olivowa tsipei baxota umena olivo naein. Poxonae Jesús demxuwatheicha ecopiya, bapoxonae Jesús pijimonae nameicha tsipaebatsi, jeye:

—Paichichipan xua xam tapata netsipaebiwam tsane, ¿eta poxonae metha ichamonae baxua exanaena poxonae abe cana exanaena Nacom pin pia bo tatsi? ¿Eta pocotsiwa tsane metha xua pewnaeya tsita itapeinya xeinaena xua poxonae patopeicaename, matautano xua poxonae imoxoyo daxita weraweracaenaba? jei Jesús pijimonae tatsi.

<sup>4</sup> Nexata Jesús barai, jeye:

—Dota pam bu ichamonae naerabiya paca muxu tsipaeba xua daxota abe paexanaetsipame. <sup>5</sup> Tsipei tsana patsina ayei bicheito jiwi pomonae natsicotaena icha be xan ichin. Barapomonae jei tsane: ‘Apra xan Mesías’, jei tsane. Poxonae barapomonae muxutorobiya paebina bapoxonae pinmonae jume cowantsina. <sup>6</sup> Pajume taename xua jiwi juinya nabenoutsina xote yawa xua juinya iru nabenoutsina icha ira beya. Daichitha jopa pajunuwinde, tsipei baxua pewnaeya matha copiya tsane. Daichitha cataunxuae dapo matacabi aichica tsane xua poxonae daxita weraweracaenaba yatsicaewa. <sup>7</sup> Cae nacuapiwi iru icha nacuapiwino, barapo ainya nacuapiwibe nabenoutsina. Matautano iru pon nacua peewatsin iru ichandu pon icha nacua peewatsin, baraponbe iru nantiya nabenabe. Matautano ainya nacuantha pin jainbo nacua tsane tsipei pin mayayo tsane. Matautano domae tsurucuae tsane ainya nacuantha. Matautano ainya nacuantha ira jijiyatsina. <sup>8</sup> Baraxua copiya matha tsane xua jiwi atene tsoponae tsane bichocono, xua beya jopa nama juniya tsane.

<sup>9</sup> “Bapoxonae jiwi paca teiquebina, paca atene exanaena matautano paca jutebina. Daxita nacuanpiwi paca casebina painya tana nejume cowantsixaemxae. <sup>10</sup> Barapo matacabintha jiwi pentsina xua Nacom pejume cowantsiwatsi. Matautano daxita jiwi nacasebina, matauta barapomonae piamonae caenaetsina ichamonaetha. <sup>11</sup> Pinmonae tsana pateibina, pomonae jiwi pemuxutorobiwi. Tsana jei tsane: ‘Xan Nacom peitorobi jume tapaebin, Nacom yabara paca cuidubinchi’, jei tsane. Barapo pemuxutorobi diwesi jume pinmonae jume cowantsina barapo diwesi. <sup>12</sup> Pinmonae jopa juniya abe exanaponae tsane daxota jiwi, jopa caemonae nantiya naantobe tsaiibi tsane. <sup>13</sup> Ichitha pon awiya xua antayapusya nejume cowantsiya poponaena xua beya yacuiya tupaeya

jopaena poxonae bequein abe taexanatsi ichamonae, bapon jame Nacom napaeba cana exanaena. <sup>14</sup> Tamonae capanaena tapexeinya jume diwesi po diwesi xua Nacom waba jiwi petanaexanaenexatsi pijimonae pomonae itorobiya peewatsixae. Barapo diwesi tajiwiwimonae pomonae tanejume cowantsi jiwi paebinoutsina daxita jiwitha. Poxonae barapo diwesi daxita nacuanpiwi jume taena, bapoxonae daxita barapo jiwi yaputaena xua bara matabi imoxoyo jopaena po mataqueitha poxonae daxita weraweracaenaba.

<sup>15</sup> “Daniel, pon Nacom peitorobi jume pepaebin bapon caena bayatha yabara tsiwunaeya muxu dutsiya tina pocotsiwa xua bichocono abe, pocotsiwa xua weraweraca cana exana. Pataename pocotsiwa xua ichun Nacom pin pia bo tututha exananotsina, pocotsiwa jopa bewa notsi baxota, pocotsiwa Daniel bayatha yabara paeba. Bapoxonae payaputaename xua bara imoxoyo matabi jopaenaba poxonae daxita weraweracaenaba”, jei Jesús. (Xan Mateon, paca baraichi: “Pon yorobina po jume diwesi tinan, moya jume naitawatsina pia peyaputaenexa tsane”, paca jeiichi.)

<sup>16</sup> Cataunxuae Jesús cueicueije, jeye: “Poxonae bara pocotsiwa pataename bapoxonae pomonae Judea nacua jinompa, barapomonaewe demxuan berucupiyaena. <sup>17</sup> Barapo matabi pin bo matatupatha uncu bapon jopa bewa botha joniya tsane xua penotsiwa tsane pocotsiwa tabobeinchi bomuxu tututha. Saya jame bewa nainya benaetsiricuaena. <sup>18</sup> Iruru pon pabitha popona bapon jopa bewa caibeya ponae tsane botha xua penotsiwa tsane pia paparuwan. Saya jame bewa nainya benaetsiricuaena. <sup>19</sup> ¡Pai yabuxi tsobenaewe powaxi pexui burana taenatsi barapo matabi! ¡Pai powaxi iru pexui isaina, barapowaxi tsobenaer! Tsipei acabe tsobenaewe tsane pexui. <sup>20</sup> Poxonaewe wunaeya tsane baxua Nacom pawacare xua jopa painya nerucupaewa tsane poxonaewe awabo peaquexae bichocono, matabi xua jopa painya nerucupaewa tsane poxonaewe pentaquei seicae matabi. <sup>21</sup> Tsipei barapo matabi pin jiwi bichocono pin peraxa exanaeinchi. Atene tsane beyacaincha poxonaewe jiwi atene tsai bi poxonaewe Nacom aena nacua exana, xua equeicha nama bichocono pin peraxa tsane. Equeicha bexa bapoxonaewe bapana jopa baxua exanaewe tsane poxonaewe bichocono jiwi pin peraxa. <sup>22</sup> Icha Nacom jopa be caentacabiyobe exanaetsipae, metha dapomonaewe ajibi tsipae pomonaewe panenebiya barapo peatene coyenewa weya. Daichitha Nacom be caentacabiyobe exanaena peantobexae pijimonaewe, pomonaewe pia peitapetsiwixae tatsi.

<sup>23</sup> “Bapoxonaewe icha ichun paca jei: ‘Pataema bapon apara Mesías uncue pon Nacom itorobica’, paca jei, iru icha ichun paca jei: ‘Pataema bapon Mesías xota uncuiye’, paca jei, baxuan jopa pajume cowantsinde barapo jumein. <sup>24</sup> Tsipei pomonaewe pemuxitorobi jiwi tsana patsina. Barapomonaewe natsicotaena icha be xan ichi ponxaein Mesías. Matabi barapomonaewe natsicotaena icha be pomonaewe Nacom peitorobi jume pepaebiwi ichi tsane. Barapomonaewe pexeinya petsita itutsi coyenewan exanaena peitabocotha, po irathe tsaneno xua jiwi pemuxitorobinexa tsainchi, xua jiwi pejume cowantsinexa pocotsiwa barapomonaewe paeba. Barichiru pomonaewe pomonaewe Nacom pia peitapetsiwi tatsi pemuxitorobinexa tsainchi, xua iruru icha metha barapomonaewe pejume cowantsinexa tsaneru

pocotsiwa barapomonaē paeba. Ichitha jopa itacupaetsi tsainchi xua barapomonaē pemuxuitorobiwa tsainchi. <sup>25</sup> Baxua tsiwanaya yabara paca tsiwunaē muxu dutatsi. <sup>26</sup> Daxota icha jiwi paca jei tsane: ‘Pataema bapon Mesías uncuiye ira xuepana susato tsurucuae nacua beya’, icha paca jei, jopa bara beya paponaeinde. Matauta icha paca jei: ‘Pataema bapon Mesías xote uncue bomuxu tututha’, icha paca jei, jopa baxua pajume cowantsinde. <sup>27</sup> Icha yamuxu ichi poxonaē jemeicha yacoicha uncueica xua coicha nayotaxuba itabocotha, barichi tsane po matabitha patopeicaein jemeicha. Xan ponxaein Nacom Tananeitapetsin tsita naitatsin daxita jiwi. <sup>28</sup> Quequeremonaē ba nacaetuta ichaxota baurin boca. Bara juta paichim tsane. Paxam pomonaē tana nejume cowantsi jiwi pam, pana newunaē ewatsiname po mataqueitha patopeicaein. Bara po mataqueitha pana nacaetutsiname”, jei Jesús.

*Meje yabara poxonaē Jesús nayabara paeba xua poxonaē equeicha patopaetsica ponxae Nacom pia Peitapetsin*

(Mr 13.24-37; Lc 21.25-33; 17.26-30, 34-36)

<sup>29</sup> Equeicha Jesús namchi: “Po matabin poxonaē nacui wetsina xua jiwi pin peraxa tsane, bapoxonaē xometo nainya naquitabina. Jomocoichato jopa penta tsane. Opiteiton peitaboco weothopeicaena. Matauta Nacom napuna torobabiyaena xua xuan itabocotha dubena. Bapoxonaē jopa xapain dubenaē tsane. <sup>30</sup> Bapoxonaē daxita jiwi taena peitabocotha xua cou equeicha apara tapatopaewa tsane ponxaein Nacom Tananeitapetsin. Poxonaē daxita nacuanpiwi netaena xua patopaein, barapomonaē pijunuwi wecoyei tsane. Jiwi netaena ponxaein Nacom Tananeitapetsin xua patopeicaein tsaquinaebowantha. Nacom pia peayapusu itorobi coyenewatha, matautano bichocono pexinya itupanaē coichatha patopeicaein. <sup>31</sup> Matautano itorobin tamatatsunpiwi xua bichocono daunweya peobinexa tsane, po peobiwa pewan trompeta. Poxonaē baxua jume taena tamatatsunpiwi inta caetutsina pomonaē taitapetsiwi. Nacaetutsina daxita nacuanpiwi jiwana, iru ichamonaē pomonaē ichaxota xometo weecoinapiwi jiwana, iru ichamonaē pomonaē ichaxota xometo bejopiyapiwi jiwana, iru ichamonaē pomonaē pocotsiwa werenepiwi jiwana, iru ichamonaē pomonaē pocotsiwa berequepiwi jiwana”, jei Jesús.

<sup>32</sup> Equeicha Jesús jeye: “Pajume taema barapo pecayabara juta pepaebi diwesiyo xua figuera naē xua painya nenacuidubiwa tsane. Poxonaē ba pataneme xua pena noxu xuxuwapona, bapoxonaē ba payaputaneme xua bara imoxoyo wei tsurucuae tsoponaē, xua pentono perubenaenexa. <sup>33</sup> Barapocotsi juta coyeneya ichi tsane poxonaē pataename daxita baxuan pocotsiwa aunxuae paca tsipaebatsi, pocotsiwa bexa exanaena, bapoxonaē payaputaename, xua bara imoxoyo tsane xua tapatopae wunaē tsane. <sup>34</sup> Bara xainyeya paca tsipaebatsi daxita judiomonaē naitapataya naexanaponaena beya yacui othopaena poxonaē Nacom exanaena daxita baxuan pocotsiwa xuaunxuae paca tsipaebatsi. Bapoxonaē barapo judiomonaē weraweracaena. <sup>35</sup> Peitaboco aichurucuae tsane, matautano ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban”, jei Jesús.



<sup>36</sup> Equeicha Jesús jeye: “Po matacabitha baxua exanaena, matauta po horatha baxua exanaena jiwi jopa baxuan yabara yaputaeyo. Iru matatsunpiwi pomona peitaboco beicha jinompa baxuan iruru jopa yabara yaputaeyo. Iru xan, ponxaein Nacom Pexanton baxuan jopa yabara yaputaeyo. Meisa saya Nacom pon Waxa yaputane poxona po matacabitha baxua exanaena, matautano yaputane poxona po horatha daxita exanaena baxua xuaunxuae paca tsipaebatsi”, jei Jesús.

<sup>37</sup> Equeicha Jesús jeye: “Icha matha ichi poxona Noé caena bayatha popona jiwi jopa tsaqueinaeyo xua Nacom pin awabo exanaena methaunxuae. Saya barompaya icha juntu cuitha jinompa daxota jiwi werapa. Barichi juta ichi tsane poxona patopeicaein barapo cae pin nacuathe xua ponxaein Nacom Tananeitapetsin. Poxona patopeicaein jiwi jopa tsaqueinae tsane xua Nacom werapa exanaena barapo jiwi pomona jopa pejume cowantsiyoxaetsi. <sup>38</sup> Barapo matacabintha poxona Noé popona poxona cataunxuae pin ema jopa duneicaeyo, jiwi jopa tsaqueinaeyo xua bexa pin awabo tsane. Barapo jiwi jantema nabaneiba yawa apeiba. Yawa jiwitha jijinapona, yawa pexantixi jitha dodoubapona beya yacuiya othopa poxona po matacabitha Noé pin jera naetha joniya. Bapoxona pin ema mu jopa. Daxita Noé wepu bunothopatsi pomona jinompa poxona Noé popona. <sup>39</sup> Barapo jiwi jopa awabo yabara tsaca jinompaeyo. Barapoxona jemeicha pin ema uncueica. Matauta monapentatsi barapo jiwi. Icha jiwi ichi poxona Noé popona poxona barapo jiwi jopa nanta xeinaeyo xua nacabetsina, barichi tsane poxona xan patopeicaein ponxaein Nacom Tananeitapetsin, jiwi jopa baxua yabara tsaqueinae tsane xua poxona equeicha patopeicaein. <sup>40</sup> Barapo mataqueitha ainya pebinbe nacuara nacuitauyaenabe pabitha. Ichun matatsunpin pichina, pejume cowantsixaetsi Nacom. Ichun saya cuenta ponaeinchi jopa pejume cowantsixaetsi Nacom. <sup>41</sup> Iruru ainya yabayobe nacuara yacatoyorobauyaenabe. Ichowa matatsunpin pichina, pejume cowantsixaetsi Nacom. Ichowa saya cuenta ponaeinchi, jopa pejume cowantsixaetsi Nacom.

<sup>42</sup> “Tsaca pajinompeibare xua tapatopae wuna tsane, tsipei jopa payaputaem po mataqueitha patopaein ponxaein jiwi Tacanamataxeinaein. <sup>43</sup> Meje pocotsiwe payaputaema. Icha pon bo pexeinaein yaputaetsipa xua poxona patopaena pon jiwi pecaibin, bapoxona bapon jopa maitecaetsipae. Matauta bapon jopa copatsipae xua pon pecaibin petajondenaewatsi pia botha. <sup>44</sup> Daxota bara paichinde. Tawanaetha pana nacui wunaere, tsipei xan, ponxaein Nacom Tananeitapetsin patopeicaein poxona jopa tsaca payabara jinompaem tsane tsipei jopa payabara nanta xeinaem tsane xua tapatopaewa tsane”, jei Jesús.

*Meje yabara poxona Jesús yabara diwesi paeba ponbe xua bo peyapucaecaeinbe pon xua beta peexanaein iru xua pon jopa beta peexanaein (Lc 12.41-48)*

<sup>45</sup> Equeicha Jesús namchi pijimonaetha pecayabara juta pepaebi diwesiyo xua pepatopaewa tsane, jeye: “Yabara paca tsipaebatsi pon matacapona pomona bo pexeinaein tanacuitatsi. Barapon xanepanaya yaputaeya matacapopona. Poxona bo pexeinaein wepu warapa

barapomonaе, pon bo pexeinaein itoroba pontha pon bo petayapu-  
caecaeinchi, jeye: ‘Inta beta matacapoponde, yawa inta beta pex-  
aewa apare daxita matacabi pomonaе xua inta nacuita’, jei bo pex-  
einaein. <sup>46</sup> Pon bo petayapucaecaеin bara juntu coyene weiweinaena  
poxonaе patopaena pon bo pexeinaein petaexaetsi xua bara beta taya-  
pucaeca bo, xuano bara beta peexanaexae pocotsiwa xua bo pexeinaein  
itoroba. <sup>47</sup> Xaniwaicha paca tsipaebatsi. Bo pexeinaein itorobina  
xua pon petayapucaecaexaetsi bo xua bapon cana exanaeinchi xua  
equeicha daxita piawan beta petayapuenawatsi xua xuan xeina pon  
bo pexeinaein. <sup>48</sup> Ichitha ichacuitha pon bo petayapucaecaеin bapon  
peantacuiyapubein tsipae. Bapon pia coutha nanta xeinaetsipa, najei  
tsipae: ‘Metha bo pexeinaein jopa cuinaya patopae tsane’, najei tsi-  
pae pon bo petayapucaecaеin. <sup>49</sup> Bapoxonaе bapon cueinta pomonaе  
pon bo pexeinaein tanacuitatsi. Matautano bapon nanabanaetsipa  
nawita ichamonaе yawa cupatsi nanaexanaetsipano. <sup>50</sup> Bapoxonaе pon  
bo pexeinaein jemeicha patopaena poxonaе pon bo petayapucaecaеin  
jopa wnae tsaqueinaeyo. Poxonaе bara po hora tsuxubi jopa ya-  
putaeyo yawa poxonaе barapo matacabi tsuxubi jopa yapuraeyo. <sup>51</sup> Pon  
bo pexeinaein itoroba ichamonaetha xua pebenexatsi yawa peperaxa  
jubinexatsi tsainchi pon bo petayapucaecaеinchi. Matautano itoroba  
xua barapomonaе bapon pexubinexatsi ichaxota jinompa pomonaе  
itara mexeya wnaeya pepaеbiwi ichitha abe peexanaewi. Barapo  
nacza bereca jiwi bichocono wecoyei pomonaе abe peexanaewixae,  
matautano nantanuweya nantu jayabina bichocono peatenexae”, jei  
Jesús.

## 25

*Meje yabara poxonaе Jesús cuiduba pecayabara juta pepaеbi diwesiyo  
xua diez powayobe xua penowaxi*

<sup>1</sup> Nexata Jesús equeicha icha pecayabara juta pepaеbi diwesiyo  
cuiduba pijimonaе, jeye: “Nacom cana exanaena jiwi xua pomonaе  
pejuntu coyene itorobiya ewatsixae, icha pebin ichi poxonaе diez poway-  
obetha xua penowaxi cana exana powaxi bapana jopa peru nacoyabiyo  
pebiwi. Barapo diez powayobe nota pia lámpanan xua peewatsinexa  
pon pia pecotsiwa nacoyobina. Barapowaxi barompaya capona pia  
lámpanan xua aceite epaca. <sup>2</sup> Icha cinco powayobe barapo diez powaxi  
jiwana, barapowaxi ita coxanatsi xua penacui wnaetsiwa. Icha cinco  
powayobe ita coxone xua penacui wnaetsiwa. <sup>3</sup> Barapowaxi powaxi  
ita coxanatsi xua penacui wnaetsiwa barapowaxi poxonaе lámpanan  
cajijinca jopa muxuna cajijincaeyo icha aceite xua equeicha pemene  
epacaenexa poxonaе ameneibi tsurubenaе. <sup>4</sup> Saya meisa powaxi ya-  
putane xua penacui wnaetsiwa jame barapowaxi pia lámpanan muxuna  
cajijinca aceite xua equeicha pemene epacaenexa poxonaе ameneibi  
tsurubenaе. <sup>5</sup> Tsipei pon imoxoyo pecotsiwa nacoyobina bapon jopa  
cuinaya patopaeyo, daxota daxita barapo diez powayobe itamaipa-  
narucupa. Matapainya maitarucupa. <sup>6</sup> Poxonaе papae tsuxubi poxonaе  
barapowaxi cataunxae maita, bapoxonaе jume tane pon wawai xua  
barapowaxi jeichichi: ‘Bara juinya dawerena pebin pon pecotsiwa na-  
coyobina. Bapon panta enare painya necobe jacobinexa’, jei pon wawai.  
<sup>7</sup> Daxita barapo diez powayobe nacosabarucupa. Matauta equeicha icha

aceite epacagucupa xua bapoxonae pecoicha exanaenexa. <sup>8</sup> Bapoxonae icha cinco powayobe, powaxi jopa nacui wunaetsiyo jeye ichawaxitha xua cinco powayobetha: ‘Panecatsibare icha aceite meraxi pata tha equeicha mene epacaetsi, yaitama pata lámpan acueicheibi’, jei barapowaxi. <sup>9</sup> Ichitha powaxi penacui wunaetsiwaxi jume barai, jeye: ‘Aibi apara, canta peyauxi barompaya pacajijincan patauxi, jopa pacajijincaeinio xua paxam nexaru. Maisa ichaxota pecaenaetsithopaewa aceite bara bepaiyande matha pacomocare aceite xua painya nemene epacaenexa’, jei barapowaxi poxonae xua jume barai ichawaxitha. <sup>10</sup> Poxonae cataunxuae ichawaxi enapona xua pecomocaenexa aceite ichamonaetha, bapoxonaeru pebin pecoutha patopa, pon pecotsiwa imoxoyo nacojobina. Powaxi bayatha nacui wunaeta napuna joniya bapontha xua penanabanaenexa pexaewa xua poxonae barapo pexaewa jiwí tsinacaetuta xua penabanaenexa poxonae barapo pebin pecotsiwa nacojobina. Bapoxonae bomxu bichocono boupa cateitabanota. <sup>11</sup> Bapoxonae pirapaeoyo ichawaxi pata powaxi aceite siwayiia, jeye: ‘Pata Tanecanamataxeinaem, painta boupa saranaxorena’, jei bapowaxi. <sup>12</sup> Ichitha bapon barapowaxi jume baraichichi, jeye: ‘Canta jopa paca yaitaetsi’, jei bapon”, jei Jesús, xua pijimonaetha tsipaeba.

<sup>13</sup> Bapoxonae Jesús barai pijimonaetha, jeye: “Tawanaetha pana najantu coyene wunaere, tsipei jopa payaputaem po matabitha patopaein, matautano jopa payaputaem po horatha patopaein ponxaein Nacom Tananeitapsin”, jei Jesús.

*Meje yabara poxonae Jesús paeba pecayabara juta pepaebi diwesiyo xua paratixi yabara*  
(Lc 19.11-27)

<sup>14</sup> Equeicha Jesús pijimonaetha cuiduba pecayabara juta pepaebi diwesiyo xua paratixi, jeye: “Anoxuae ichichipan xua tapaca tsipaebiwatsi po coyene xua xan beta matomacan pomonae inta beta penacuichiwi pomonae Nacom juntu coyene itorobiya ewata. Barapo coyene jupa icha be poxonae pebin ichi poxonae bara juntucuru warapaenaba icha nacua beya. Pewunaeya poxonae warapaenaba matha waba pomonae pia petanacuichi jiwichi tsainchi. Barapomonaetha itoroba xua pia paratixi tatsi beta petacacomocaewa tsainchi poxonae cataunxuae wunaewatatsi xua pepatopaewa tsane. <sup>15</sup> Ichuntha pomonae barapomonaetha jiwana cata cinco mil po paratiximonaebe. Iru ichuntha cata dos mil po paratiximonaebe. Iru ichuntha cata saya be cae mil po paratiximonaebe. Bapon daxita barapomonaetha barompaya catsiba be pocotsi coyeneya barapomonaetha yapu jupatsi xua poxonae pecacomocaewa tsane barapo paratiximonaetha. Bapoxonae bapon warapa. <sup>16</sup> Pon catatsi cinco mil po paratiximonaebe, barapo cinco mil po paratiximonaebetha equeicha icha cinco mil po paratiximonaebe matoma exana. <sup>17</sup> Barichi pon catatsi dos mil po paratiximonaebe, barapo dos mil po paratiximonaebetha equeicha matoma exana icha dos mil po paratiximonaebe. <sup>18</sup> Ichitha pon catatsi cae mil po paratiximonaebe, bapon mutha cua iratha. Bapoxonae barapo muthutha bota barapo cae mil po paratiximonaebe”, jei Jesús.

<sup>19</sup> Equeicha Jesús jeye: “Poxonae ainya matabin yapucaewa, bapoxonae patopa pon paratixi catsiba barapomonaetha pon barapomonaetha pia pecanamataxeinaeinchi tatsi. Bapon pia petanacuichiwichi pia

paratixi matoma yabara yainyaba. <sup>20</sup> Copiya patopa pon cinco mil po paratiximonaebe catatsi. Bapon icha cinco mil po paratiximonaebe cata pia pecanamataxeinaeinchitha, yawa jeye: ‘Tanecanamataxeinaem, caena bayatha cinco mil po paratiximonaebe necatame, equeicha icha cinco mil po paratiximonaebe cata matoma exainchi’, jei bapon. <sup>21</sup> Pon pecanamataxeinaein jume nota, jeye: ‘Maisa jũntũ coyene wũnaem mataũtano xam ponxaem cayabara jume cowũntatsi xua xanepanaya neexaneibiwam pocotsiwa caitorobatsi. Tsipei inta xanepanaya beta exaname bequein poxonae be conotha caitorobatsi, daxota equeicha ichawa caitorobatsi xua bichocono nawita. Moya tabohta nebarũ jonyama yawa nebarũ jũntũ coyene weiweinare’, jei pon pecanamataxeinaein. <sup>22</sup> Bapoxonae pirapae ichũn patopa pon dos mil po paratiximonaebe catatsi yawa jeye pia pecanamataxeinaeinchitha: ‘Tanecanamataxeinaem, caena bayatha dos mil po paratiximonaebe necatame, equeicha icha dos mil po paratiximonaebe cata matoma exainchi’, jei bapon. <sup>23</sup> Pon pecanamataxeinaein jume nota, jeye: ‘Maisa jũntũ coyene wũnaem mataũtano xam ponxaem cayabara jume cowũntatsi xua xanepanaya neexaneibiwam pocotsiwa caitorobatsi. Tsipei inta xanepanaya beta exaname bequein poxonae be conotha caitorobatsi, daxota equeicha ichawa caitorobatsi xua bichocono nawita. Moya tabohta nebarũ jonyama yawa nebarũ jũntũ coyene weiweinare’, jei pon pecanamataxeinaein”, jei Jesús.

<sup>24</sup> Equeicha Jesús jeye: “Bapoxonae matapainya patopa pon cae mil po paratiximonaebe catatsi. Bapon atsaquiya jei pia pecanamataxeinaeinchitha: ‘Tanecanamataxeinaem, xan yaputan xua xam be barapocotsim pon jopa jiwi juniya itorobeibim. Mataũtano jiwi cobe itorobeibame xua penoteibiwa pocotsiwa jopa jinyawiyo. Mataũtano pexaewa xua naweta noteibame ichaxota jopa ũbim. <sup>25</sup> Daxota cacunuwatsi baxua neexanaeinxae tsipei metha inta pichipame barapo paratiximonaebe poxonae equeicha icha paratiximonaebe cata matoma exainchi daxota jinya paratiximonaebe mũthũtha xubotan. Xote barapo paratiximonaebe caewa cata canawitatsi’, jei bapon. <sup>26</sup> Nexata pon pecanamataxeinaein namchi jeye: ‘jBepa maisa dapon abem, pon fifiname poxonae inta nacuitame! Xam apara neyabara nanta xeiname xua xan pexaewa tanoteibiwa pocotsiwa naweta ichaxota jopa tacoya ũbeibinyo. Mataũtano xua ichamonae cobe itorobeiban xua noteiba pocotsiwa jopa tawiyo. <sup>27</sup> Tsipei catsawiya neyabara nanta xeiname, xua bichocono daunwei itoroban daxota bayatha inta bewa barapo paratiximonaebe banco botha botsipame. Nexata poxonae equeicha patopan, icha paratiximonaebe equeicha matoma xeinaetsipan xua equeicha inta pemataropeicha botsixaetsipae poxonae ichamonae nacowaeta barapo taparatiximonaebe’, jei pon pecanamataxeinaein. <sup>28</sup> Bapoxonae pon pecanamataxeinaein barai pomonae baxota umena jeye: ‘Bapon pacobe wepire barapo cae mil po paratiximonaebe. Bapoxonae barapo paratiximonaebe pacare pon icha diez mil po paratiximonaebe xeina. <sup>29</sup> Pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane xua beya poxonae bapon equeicha bichocono Nacom pejume cowũntsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa

pejume cowantsiwa tsainchi. <sup>30</sup> Matauta bapon pon inta beta jopa nacuichiyo bapon paxore peitaquirei nacuatha, xua barapo nacuatha pewecoyeinexa, xua nantanuweya penantu jayabinexa tsane', jei pon pecanamataxeinaein", jei Jesús.

*Meje yabara poxonae Jesús nayabara paeba xua bepa pinae Nacom Pexanto tatsi tsabina daxita jiwi*

<sup>31</sup> Equeicha Jesús pijimonae tsipaeba, jeye: "Xan, ponxaein Nacom Tananeitapetsin patopeicaein, iru matatsunpiwi nebaru patsicaena. Poxonae patopeicaein, bapoxonae ecaein pexeinya peitupanae ecae-watha xua tawa tayabara paebinexa daxita jiwi xua penatsicuentisiwa abe peexanaexae Nacomtha. <sup>32</sup> Jiwi nacaetutsina taitabaratha pomonae daxita nacuan werena pona. Barichin tsane icha pon oveja peewatsin ichi. Bapon ba tsaba ovejamonae, matautano tsaba icha duweimonaeno, po duweimonaewun cabra. <sup>33</sup> Pon ovejamonae peewatsin, bapon ovejamonae cuaranoba pecoxa weya. Cabra duweimonaewun petsocona weya cuaranoba. Bara cana jutiya ichin tsane jiwitha, icha pon ovejamonae peewatsin ichi. Pomonae xanepanaya peexanaewi tsana nobin. Pomonae abe peexanaewi tsana nobin. <sup>34</sup> Bapoxonae xan ponxaein jiwi itorobiya pepa Taewatsin baran tsane pomonae tacoxa weya inta umena, jan tsane: 'Anetha paxam pomonae Nacom, Taxa, paca juntu coyene weiweina exana. Pajojonyama Nacom pia peitorobi nacuathe-icha. Bara xoteicha caena bayatha Nacom paca tsiwunaeta pocotsiwa xua paxam nexa, beya poxonae barapo nacue forota. <sup>35</sup> Paca itacupa xua papatame baxoteicha, tsipei poxonae jainpan bayatha, bapoxonae pana neapatame pexaewa. Matauta tsipei poxonae meratsipan, bapoxonae mera pana neapatame. Matauta tsipei bayatha poxonae patopan painya botha poxonae be wawatsiyo coyeneya patopan daichitha pana nententa weyataeya wabame. <sup>36</sup> Matautano tsipei poxonae bayatha jumasa patopan, bapoxonae paparuwa pana necatame. Matautano tsipei poxonae bayatha neromaeba yawa poxonae atenein bara pana nesiwa poname painya tana neyawenaenexam. Matautano tsipei poxonae jiwi pecabi botha neeta, paxam papatame painya tana nenecotsinexam', jan tsane xua ponxaein jiwi itorobiya pepa Taewatsin. <sup>37</sup> Nexata barapomonae, pomonae tacoxa weya inta peumenaexae pomonae xanepanaya peexanaewi, nejei tsane: 'Pata Tanecanamataxeinaem, ¿eta poxonae paca tainchi xua jainpame matauta xua poxonae paca apatatsi pexaewa? ¿Eta poxonae paca cui tainchi xua meratsipame xua bapoxonae mera paca apatatsi? <sup>38</sup> ¿Eta poxonae paca tainchi xua poxonae be wawatsiyo coyeneya patopame xua bapoxonae paca matenta weyataeya wabatsi? ¿Eta poxonae paca tainchi xua poxonae jumasa patopame xua bapoxonae paca catatsi paparuwa? <sup>39</sup> ¿Eta poxonae paca tainchi poxonae caromaeba xua poxonae atenemno xua bapoxonae paca siwa poinchi pata paca cayawenaenexatsi? ¿Eta poxonae paca tainchi poxonae jiwi pecabi botha caeta xua bapoxonae papatan pata cataenexatsi?' nejei tsane barapomonae. <sup>40</sup> Bapoxonae xan ponxaein jiwi itorobiya pepa Taewatsin, jume notsin barapomonaetha jan tsane: 'Xaniyan paca tsipaebatsi. Daxita po coyenewan paxam bayatha paexaname tamonae jiwitha poxonae bequein barapomonae jopa peainya cui jiwiyi, apara bara painta exaname', jan tsane ponxaein jiwi itorobiya pepa Taewatsin.

41 “Nexata xan ponxaein jiwi itorobiya pepa Taewatsin baran tsane pomonae tatsocna weya peumenaewi, pomonae jopa beta peexanaewi, jan tsane: ‘Panatsixibarucupare taxainya weya, tsipei paxam pomonae abe painya neexanae jiwi pam. Maisa po nacuatha isoto jopa cuinaya itacounayiyi baxota paponare. Barapo iso nacua caena bayatha Nacom yabara wunaeta caurimonae pia pentacaponaein tatsi nexa iruru pia matatsunpiwimonae tatsi nexa pomonae caurimonae. 42 Tsipei poxonae jainpan bayatha, jopa pexaewa pana necatsim. Matauta tsipei poxonae bayatha meratsipan, jopa mera pana neapatsim. 43 Matautano tsipei caena bayatha poxonae be wawatsiyo coyeneya patopan, paxam jopa pana nententa weyateya wabim. Matauta tsipei poxonae bayatha jumasa patopan, paxam paparuwa jopa pana necatsim. Matautano tsipei caena bayatha poxonae neromaeba yawa poxonae jiwi pecubi botha ecan, paxam jopa pana nesiwa ponaem’, jan tsane. 44 Nexata pomonae abe peexanaewi nejume notsina, jei tsane: ‘Pata Tanecanamataxeinaem, ¿eta poxonae xua pata paca cui taewathatsi xua jopa paca yawenaetsi? ¿eta poxonae xua pata paca cataebenaewathatsi poxonae jainpame? Matautano ¿eta poxonae xua pata paca cataebenaewathatsi poxonae meratsipame? Matautano, ¿eta poxonae xua poxonae pata paca cataebenaewathatsi poxonae be wawatsiyo coyeneya patopame? Matautano, ¿eta poxonae xua poxonae pata paca cataebenaewathatsi poxonae caromaeba? Matautano, ¿eta poxonae xua poxonae pata paca cataebenaewathatsi poxonae jiwi pecubi botha caeta? Daxita baxuan, ¿eta poxonae xua poxonae jopa paca yawenaetsi?’ nejei tsane barapomonae. 45 Xan ponxaein jiwi itorobiya pepa Taewatsin jume notsin barapomonae jan tsane: ‘Xaniyan paca tsipaebatsi. Daxita po coyenewa bayatha jopa paexanaem tamonae jiwitha xua barapomonae jopa peainya cui jiwiyoxae, apara bara jopa paita exanaem’, jan tsane ponxaein jiwi itorobiya pepa Taewatsin. 46 Bexa bapoxonae tsane barapo abe peexanae jiwi ponaena po nacuatha bapana jopa nacui copatsi xua atene. Pomonae pentu cui xanepanae jiwi ponaena po nacuatha jiwi xeineiba peantucoyeneyapusuwa, po peantucoyeneyapusuwa ataya tsiteca”, jei Jesús.

## 26

*Meje yabara poxonae fariseomonae iru sacerdotemonae pia pentacoponaewi tatsi daxita barapomonae Jesús yabara nanta xeinatsi po coyeneya xua Jesús pewaetabiwa tsainchi*

*(Mr 14.1-2; Lc 22.1-2; Jn 11.45-53)*

<sup>1</sup> Poxonae Jesús baxua daxita najume weta, bapoxonae pijimonae barai, jeye:

<sup>2</sup> —Paxam payaputaneme xua poxonae po baya tsane, jiwi nacaetutsina penabanaenexa pexaewa peyabara nanta xeinaenexa barapo matakabi xua poxonae caena bayatha matha judiomonae Egipto nacua weya panenebiya, po matakabi pewan Pascua matakabi wan. Barapo mataqueitha ichamonae necaenaetsina xua tūparucua tanaexanaenexa tsane naetha, ponxaein Nacom Tananeitapetsin, jei Jesús.

<sup>3</sup> Poxonae Jesús pijimonae baxua tsipaebuncua, bara caena barapo mataqueitha sacerdotemonae pia pentacoponaewi tatsi nacaetuta. Iruru baxota nacaetuta judiomonae pia pitiri jiwi tatsi. Barapomonae

daxita nacaetuta po tututha pon pewan Caifás pon sacerdotemonae pia pepa pentacaponaein tatsi pia pexeinya tutu botha tatsi. <sup>4</sup> Daxita barapomonae nabaꝛu muxu jei xua bepa pinae eta bichi tsane poxonae Jesús nameicha waetabinchi xua pebexubiwa tsainchi. <sup>5</sup> Barapomonae najei:

—Abu jopa waetabi tsainchi poxonae jiwi Pascua matabi wantha nacaetuta penanabanaenexa pexaewa. Tsipei icha barapo mataqueitha waetabichipatsi pinmonae anaepanaya najume cayayataxubichipa, najei daxita barapomonae.

*Meje yabara poxonae petsiriwa Jesús mata epatabatsi penasiwa, po penasiwa petuxueiwa*

*(Mr 14.3-9; Jn 12.1-8)*

<sup>6</sup> Pirapae Jesús popona Betania tomaratha. Barapo tomaratha Jesús popona Simón pia botha tatsi, pon copiya bayatha peperu sawinchi. <sup>7</sup> Barapo botha petsiriwa powa pesi cui weiweinaewa Jesús imoxoyo caquita uncuatabatsi. Barapo petsiriwa capatopa alabastro ibo wan bosibu atsato, xua bichocono wanca penasiwa xua petuxueiwa, po petuxueiwa bichocono ainya matoma. Poxonae Jesús eca pexaethopae-watha, bapoxonae barapo petsiriwa Jesús mata epatabatsi barapo petuxuei tuxusi nasiwatha. <sup>8</sup> Poxonae Jesús pijimonae tatsi tane baxua, barapomonae bichocono anaepana, yawa caemonae najei:

—¿Eta pocotsiwa metha saya baxua xuba jane? <sup>9</sup> Barapo petuxueiwa becaenaetsipatsi bapoxonae bexeinaetsipatsi paratixi nawita xua bapoxonae barapo paratixitha beyawenaetsipatsi peacopeibi jiwi, najei barapomonae.

<sup>10</sup> Jesús yaputane xua pijimonae tatsi baxua pepaebiwa, daxota Jesús jeye:

—¿Eta pocotsiwa metha barapowa pabiataneme? Pocotsiwa barapowa inta exana apara seicayaru xua pexeinya coyene inta exana. <sup>11</sup> Barapo irathe peacopeibi jiwi paca baru jinompeibina painya neyawenaenexa tsabi tsane barapo jiwi. Ichitha nama paxam jopa ataya paca baru poponae tsainchi xua pata tana neyawenaenexam barapo irathe. <sup>12</sup> Barapowa xua nenta epataraba tapepontha xua petuxuei tuxusi nasiwatha apara xua tsiwanaya nenacui yabara nacui wnaeta xua muthu tana neboyaenexa poxonae tupaen. <sup>13</sup> Bara xaniyan paca tsipaebatsi, daxita nacuantha poxonae jiwi cueicueijei tsane Nacom pia pecapanenebiyae diwesi, barapo jiwi yawa yabara paebina xua pocotsiwa poxonae bapowa inta exana xua jiwi barapowa peyabara cui nanta xeinaenexatsi, jei Jesús.

*Meje yabara poxonae Judas, Jesús caenaetaxotsi*

*(Mr 14.10-11; Lc 22.3-6)*

<sup>14</sup> Nexata Jesús pijimonae tatsi pomonae doce poyobe tatsi, barapo doce poyobe jiwana bara caein, bapon pewan Judas Iscariote. Bapon Judas pona sacerdotemonae pia pentacaponaei tatsi beya xua petsipaebinexa barapomonaetha. <sup>15</sup> Judas jeye barapomonaetha:

—¿Eta po paratixi pana necatsiname icha Jesús caenaetaxubin, painya xantha? jei.

Nexata barapomonae Judas pentoma catatsi treinta po paratiximonaebe, xua po paratixi bichocono matoma nawita. <sup>16</sup> Barapoxonae Judas

tamropata pitaba xua jeita xua po coyenetha Jesús pecaenaetaxubiwa tsainchi barapomonaetha, poxonae peyapu xanepanaewatha.

*Meje yabara poxonae Jesús pijimonaе barꝫ nabane Pascua wꝫn matacabitha*

(Mr 14.12-25; Lc 22.7-23; Jn 13.21-30; 1 Co 11.23-26)

<sup>17</sup> Nexata copiya matabi jopa po matabi tsiwana penantacarucaе matabi, xua po matabintha poxonae jiwi tsinacetutsina xua penabanaewa tsane pan, po pan jopa muxunapentsiyo levadura matawꝫn, pocotsiwa xua cotowa exana pan. Jesús imoxoyo caquita umenarꝫcupatsi pijimonaе yawa Jesús jeichichino:

—¿Exota ichichipame xua ichaxota pexaewa paca tsinacui wꝫnaetsinchi wanabanaenexa tsane xua Pascua wꝫn matabi nexa? jei barapomonaе.

<sup>18</sup> Jesús barai pijimonaе, jeye:

—Tomara beya paponde, Jerusalén tomara beya. Paponde po botha pon bichocono pin tutu xeina. Bapontha painta jande: ‘Pon jiwi Pecuidubin namchi: Bara nama tatꝫpae wꝫnae tsane. Jinya tututha tajiwiwimonaе tha barꝫ nabanaetsi pexaewa Pascua wꝫn matabi nexa’, cajei pon jiwi Pecuidubin, pajande, jei Jesús pijimonaetha.

<sup>19</sup> Jesús pijimonaе tatsi bara exana pocotsiwa bayatha Jesús pijimonaе peitorobixae. Mataꝫtano barapomonaе pexaewa nacui wꝫnaetajeba Pascua wꝫn matabi nexa xua penabanaenexa.

<sup>20</sup> Poxonaе quirei tsanaicha bapoxonaе Jesús pijimonaе barꝫ eca pexaethopaewatha pomonaе doce poyobe tatsi. <sup>21</sup> Poxonaе Jesús pijimonaе barꝫ xunaeca bapoxonaе barai pijimonaе, jeye:

—Bara xaniyan paca tsipaebatsi caein pon paxam jiwana pam, bapon necaenaetaxubina ichamonaetha xua tana nebexubiwa tsane ichamonaе, jei.

<sup>22</sup> Nexata bapoxonaе Jesús pijimonaе tatsi ꝫnthꝫthꝫ wecoyеi tsꝫꝫcupae, nexata daxita tsana jei tsoponaе Jesustha:

—Tanecanamataxeinaem, apara ¿xan cacaenaetaxubinchi? jei daxita barapomonaе xua Jesús tsana yainyabapoinchi.

<sup>23</sup> Jesús jume nota barapomonaе, jeye:

—Pon cae paratotha pana nabaꝫ jajaucuncuaponanbe pan, bapon apara pon necaenaetaxubina ichamonaetha. <sup>24</sup> Xan ponxaein Nacom Tananeitapetsin bewa tꝫpaein, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha. Metha jame wꝫnae tsipae icha bapon bayatha jopa naexaenae tsipae, tsipei bexa tsane bichocono atene tsocuae tsane, bichocono abe tana necana exanaexae, jei Jesús.

<sup>25</sup> Nexata Judas pon Jesús caenaetaxubinchi bapon itacaretaba, jeye Jesustha:

—Pon jiwi Necuidubim, ¿xan apara cacaenaetaxubinchi? jei Judas.

Jesús jume nota, jeye:

—A, xuaunxuae bara paebame, jei.

<sup>26</sup> Poxonaе Jesús pijimonaе barꝫ xunaeca, bapoxonaе Jesús pecobetha pita pan yawa Paxatha tsipaeba, jeye: “Axa, maisa jꝫntꝫ coyene weiweinan xua pan pata tana necatsiwam”, jei. Bapoxonaе Jesús pecobetha pan epa janaca yawa catsiba pijimonaе. Bapoxonaе pijimonaе barai, jeye:



—Paxaema po pan epa janacan. Barapo pan apara yabara caunuta tapepon xua poxonae tapaca tsitupaewatsi tsainchi, jei Jesús.

<sup>27</sup> Bapoxonae Jesús equeicha pecobetha pita corotiyo yawa Nacomtha tsipaeba, jeye: “Axa, maisa jüntu coyene weiweinan xua corotiyotha ecareca pepa uva mera xua pata tana necatsiwam”, jei. Bapoxonae Jesús pijimonae cata corotiyo xua pejiwana aapaponaenexa. Bapoxonae jeye pijimonaetha:

—Daxita pa-aapaponde xua barapo cae corotiyotha. <sup>28</sup> Pena peyabara tsiwunae muxu dutsi coyenewa paca tsipaebatsi. Barapo uva mera xua tsijuntutu eca corotiyotha barapo mera yabara caunuta tajana xua jana othoparenaein poxonae tupaein. Barapo jana tsita itapeinya xeinaena xua jiwi pinmonae, yabara jüntemainaein abe pia peexanae cuiru coyenein tatsi. <sup>29</sup> Daxota paca tsipaebatsi barapo uva mera jopa equeicha paca baru apae tsainchi anoxuae. Meisa abu bexa tsane equeicha pena coyenewatha paca baru apaeinchi, barapo uva mera poxonae Nacom neexanaena xua itorobiya ewatsin jiwi, jei Jesús.

*Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús (Mr 14.26-31; Lc 22.31-34; Jn 13.36-38)*

<sup>30</sup> Poxonae Jesús pijimonae baru najume weta xua naxuna Nacom nexa, bapoxonae Jesús pijimonae baru pona demxuwa beya. Barapo demxuwa pewan demxu Olivowa, olivo naein peumenaexae baxota. <sup>31</sup> Nexata Jesús barai pijimonae, jeye:

—Anoxuae barapo merawithe daxita pam pana necuentarucupaename, tapaca urapentsixaetsi tsainchi. Baxua paexanaename tsipei Nacom Pejume Diwesitha paca yabara cui tsiwunaeya jeye: ‘Poxonae ovejamonae peewatsin bexubinchi, bapoxonae ovejamonae tsanarucupaena’, jei Nacom. Penamchixae poxonae ichamonae newaetabina tana nebexubinexa pana necuentarucupaename. <sup>32</sup> Ichitha taeyarapaeyo poxonae equeicha asu neexanaena, bapoxonae paca tsiwana patopiyaeinchi Galilea nacua beya poxonae bara beya raponaename, jei Jesús.

<sup>33</sup> Nexata Pedro Jesús jume notatsi, jeye:

—Bequein ichamonae cacuentarucupaena jinya neuraxubixae nama xan bapana jopa cacuenta naetsiricuae tsainchi tana neuraxubix-aemxae, jei Pedro.

<sup>34</sup> Nexata Jesús Pedro jume baraichi, jeye:

—Bara xainyeya catsipaebatsi po merawithe, pewunaeya poxonae beya ainya jume cuiyobetha wacara pebto fibina, bapoxonae xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane, jei Jesús.

<sup>35</sup> Pedro Jesús baraichi:

—Bara bequein capuna tupaeinchi ichitha baxua jopa cayabara paebi tsainchi, jei Pedro.

Iruu daxita Jesús pijimonae tatsi bara jumichi, nanta jupiya paeba.

*Meje poxonae Jesús Paxa tsipaeba ichaxota tsica iriyo, po iriyo pewan Getsemani (Mr 14.32-42; Lc 22.39-46)*

<sup>36</sup> Nexata Jesús pijimonae baru patopa ichaxota tsica iriyo, po iriyo pewan Getsemani. Baxota Jesús barai pijimonae, jeye:

—Xote abũ paenare tha matha Taxatha tsipaebichi painya cuariyatha xotiye, jei Jesús.

<sup>37</sup> Jesús barũ pona Pedro. Irũ Zebedeo pexantobe tatsi Jesús barũ pona. Bapoxonae Jesús bichocono anthũthũ wecoyei, yawa bichocono anthũthũ deideije. <sup>38</sup> Nexata barapo acoibi poyobetha Jesús barai, jeye:

—Bichocono jũntũ coyene natsepiya wecoyan, tsipei muxu tatapae. Xote paenare, yawa payoyocare xua painya tana nebarũ naitae-watsinexam, jei Jesús.

<sup>39</sup> Nexata Jesús equeicha tsiwiyo dabe natsixitabiya, irabe taeuncuareca tsipei jopa juniya ajũntũtaneyo. Bapoxonae Jesús Paxa tsipaeba, jeye:

—Axa, icha ichichipame xua tana neyawenaewam tsane, newepire pocotsiwa anthũthũtane neexana. Ichitha jopa necana exanaeinde xua pocotsiwa ichichipan, saya jame necana exande xua pocotsiwa ichichipame, jei.

<sup>40</sup> Nexata Jesús equeicha caibe iya pijimonae tatsi beya poyobe xua acoibi poyobe, ichitha barapomonae maita. Jesús Pedro baraichi, jeye:

—Maisa jopa paca itacũpaeyo xua pata tana nebarũ yoyocaewam xua poxonae bequein bara cae horatha. <sup>41</sup> Maisa payoyocare. Nacom pat-sipaebare xua jopa abe painya neexanaewa tsane poxonae caurimonae pia pentacaponaein tatsi piraichi paca jũntũ coyene jũjũta. Painya jũntũ coyene wetsina bichocono paichichipame xua Nacom painya netsipae-biwa ichitha painya pepon bichocono paacoyenefaetabim xua painya netsipaebiwa Nacom, jei Jesús.

<sup>42</sup> Equeicha Jesús bara nama caeto pona xua Paxa petsipaebinexa. Poxonae Paxa tsipaeba, jeye:

—Axa, icha jopa ichichipaem xua tana newepichiwam, pocotsiwa neajũntũtane exana, bara jopa necana exanaeinde xua pocotsiwa ichichipan saya jame necana exande xua pocotsiwa ichichipame, jei Jesús.

<sup>43</sup> Bapoxonae equeicha Jesús pijimonae beya pona xua acoibi poyobe daichitha barapo acoibi poyobe came maitumena, tsipei bichocono itata tsacatsaquei xua itamaipana. <sup>44</sup> Bara nexata Jesús equeicha saya cuentapona. Equeicha Jesús pona xua Paxa petsipaebinexa xua equeicha acoibi po cuiyobetha, barapo jumetha equeicha Jesús Paxa tsipaeba. <sup>45</sup> Nexata equeicha Jesús pona pijimonae tatsi beya. Bapoxonae barai pijimonae, jeye:

—¡Moya bara painya nepu maitumenaende aunxuae jopa Nacom patsipaebim xua painya nepaca cayawenaenexa! Bayatha tsuxubiba, po horatha poxonae xua xan ponxaein Nacom Tananeitapetsin ichũn necaenaetaxubina ichamonaetha, pomonaetha pomonae peantũcoyenebe jiwi. <sup>46</sup> Panacosapende, panonobapondeno. Antha bũ poinchi. Dota dawerena pon necaenaetaxubina ichamonaetha, jei Jesús pijimonaetha.

*Meje yabara poxonae Jesús waetabatsi  
(Mr 14.43-50; Lc 22.47-53; Jn 18.2-11)*

<sup>47</sup> Poxonae Jesús cataunxuae tsipaebuncua pijimonae bapoxonae Judas patopa. Bapon Judas doce poyobe jiwana caein, xua Jesús pepa pijimonae tatsi. Judas pinmonae barũ patopa. Ichamonae cusin cajijinca. Ichamonae iwabi cajijinca. Daxota daxita barapomonae pata,

tsipei sacerdotemonae pia pentacaponaei tatsi iru pitiri jiwiru daxita barapo pentacaponaei itoroba barapomonae. <sup>48</sup> Judas, pon Jesús caenaetaxubinchi, pewnaeya tsane xua poxonae patopa bapon cou tsiwanaya paeba barapo pin bicheitha, cou jeye: “Pon tsutsubin, bapon apara barapo pebin, nexata moya pawaetabare bapon”, cou jei. <sup>49</sup> Daxota poxonae patopa, bapoxonae Judas Jesús imoxoyo caquita poinchi, matauta nainya Jesús jeichichi:

—Pon jiwu Pecuidubim, xamda, jei Judas.

Bapoxonae nainya Judas Jesús tsutsubatsi. <sup>50</sup> Nexata Jesús jume nota, jeye:

—Ponxaem tajitom, moya bara exande xua jinya necana exanaetsi, jei.

Nexata barapomonae pomonae Judas pebaru patopaexae barapomonae Jesús imoxoyo caquita umenarucupatsi, bapoxonae Jesús waetabatsi.

<sup>51</sup> Caein pon Jesús pijimonae tatsi jiwana, pon Pedro, bapon nainya cusi namara wejonta. Bapoxonae bapon muxuyoro catsoniba, pon sacerdotemonae pia pepa pentacaponaein tatsi tanacuitatsi, bapon muxuyoro catsonibatsi. <sup>52</sup> Nexata Jesús barai pijimonae jiwana jithon, pon Pedro, jeye:

—Maise cusi jeinca pentacuerutha. Tsipei pon ba cusitha namawainta, bapon ba xuya bexubinchi cusitha. <sup>53</sup> ¡Maise xam jopa yaputaem! Icha ichichipan bara neitacupa xua Taxatha tawucaewa, xua nainya inta peitorobinexa pia matatsunpiwi xua bichocono ayei pin bicheitomonae xua tana neyawenaewa tsane. <sup>54</sup> Icha Taxa wucaetsipan xua bapon tana neyawenaewa tsane bapoxonae jopa neyabara jume cui wetsipae po coyene bayatha Nacom Pejume Diwesitha neyabara paeba, po coyene xua tana newaetabiwa tsane xua tana nebexubiwa tsane, jei Jesús.

<sup>55</sup> Nexata Jesús barai pomonaetha pomonae Judas baru patopa, jeye:

—Pacapatame cusin yawa iwabi be poxonae pacana ichim pontha pon jiwu pecaibin. Daxita matacabin Nacom pin pia botha tatsi paca baru poponeibatsi, paca cuidubeibatsino, daichitha bapoxonae jame jopa pana newaetabim. <sup>56</sup> Ichitha daxita baxuan neyabara canacui jume weta exana, bayatha penecui yabara wnae tsiwanaya paebixae pomonae Nacom peitorobi jume pepaebiwi, Nacom Pejume Diwesitha, jei Jesús.

Bapoxonae Jesús cuentarucupatsi pijimonae, meisa Jesús baru umeinchi pomonae Judas bayatha baru patopa.

*Meje yabara poxonae Jesús capoinchi judiomonae pia pecanamata caitorobi jiwu bicheito tatsi pia peitabaratha tatsi*

*(Mr 14.53-65; Lc 22.54-55, 63-71; Jn 18.12-14, 19-24)*

<sup>57</sup> Pomonae Jesús teicatsi barapomonae Jesús capoinchi pon pewan Caifás itabaratha tatsi. Bapon Caifás, pon sacerdotemonae pia pepa pentacaponaein tatsi pon peainya cuin yatsicaya. Baxota iru nanacaetuta pomonae judiomonae pecuidubiwichi Moisés pia peitorobi coyene tatsi, iruru pitiri jiwu pomonae judiomonaexae. <sup>58</sup> Iru Pedro Jesús tsiwiyo taju pu taetae tsiniyatsi beya poxonae patopa panatha, po panatha ichaxota sacerdotemonae pia pepa pentacaponaein tatsi tauncuatsi bo. Poxonae Pedro pana tututha joniya bapoxonae imoxoyo naeca policiamonaetha

pecui taenexa xua po coyeneya Jesús cana exanaeinchi pomonae nacae-tuta.

<sup>59</sup> Sacerdotemonae pia pentacaponae wi tatsi iru ichamonaeno, pomonae pecanamata caitorobi jiwi bicheito, daxita barapomonae jeita ichamonae pomonae xua Jesús naerabiya peyabara paebinxatsi pocotsiwa xua Jesús paeba xuano xua exana, pia barapo jumetha paebichi xua bara Jesús tupa peexanaewa tsainchi. <sup>60</sup> Bara bequein pin bicheito pata xua Jesús abeya peyabara paebinxatsi, ichitha cataunxuae barapomonae pomonae pecanamata caitorobi bicheito, came jopa xeinaeyo po jume naemata jume tsita itapeinya xeina pocotsiwa xua Jesús paeba xua barapo jumetha Jesús pebexubinexatsi. Matapainya bapoxonae pebinbe nacueyatabe patopabe. Baponbe Jesús abeya yabara paebatsibe. <sup>61</sup> Baraponbe jeibe Jesús yabara:

—Bapon namchi: ‘Neitacupa xua Nacom pin pia bo abe taexanaewa. Bapoxonae equeicha acobi po matabibe barapo Nacom pin pia bo tatsi xanebin’, jei, jeibe baponbe.

<sup>62</sup> Nexata bapoxonae sacerdotemonae pia pepa pentacaponaein tatsi asiya uncuataba yawa bapoxonae Jesús baraichi, jeye:

—¿Jopa jume notsim barapomonae? ¿Bara xainyei xua po jumein barapomonae cayabara paeba? jei sacerdotemonae pia pepa pentacaponaein tatsi.

<sup>63</sup> Daichitha saya Jesús moya uncua. Daxota bapoxonae sacerdotemonae pia pepa pentacaponaein tatsi Jesús baraichi, jeye:

—Caitorobatsi Nacom peitabaratha tatsi, pon asu popona. Yatsicaewa paebiname pocotsiwa bara xainyei nepaebiwa. Incane pana netsipaebare. ¿Bara yatsicaya xam Mesías, pon Nacom Pexantom, pon Nacom necaitorobin? jei.

<sup>64</sup> Jesús jume nota, jeye:

—Aa, xuaunxuae bara paebame. Paca tsipaebatsi xua pana netaename xan ponxaein Nacom Tananeitapetsin Nacom pia pecoxa weya tatsi ecaein pon peayapusu itorobi coyenewa pexeinaein. Matautano pana netaename poxonae equeicha patopeicaein tsaquinaebowantha xua peitaboco wetsica, jei Jesús.

<sup>65</sup> Nexata bapon pon sacerdotemonae pia pepa pentacaponaein tatsi pin anaetha anaya paparuwa nata tsitsinaxuba. Bapoxonae jeye:

—Po jumetha xua bapon paeba barapo jume Nacom tsita abetsi. Nama equeicha jopa wanantawenonaewa ichamonae xua wanaca tsipaebiwa tsane xua bapon peyabara paebiwatsi. Bapon natsiaenae exana abe pepaebixae barapo jume poxonae Nacom Pexanto najainta. Paxam bara pajume taneme pocotsiwa bapon paeba, pocotsiwa Nacom jopa ichipaeyo. <sup>66</sup> ¿Eta xua pacayabara nanta xeiname xua paexanaename bapontha abe pepaebixae? jei.

Daxita barapo bicheito po bicheito baxota ena, jeye:

—Bara xainyeya paebame. Jesús abe pia pepaebixae Nacom tsitatsi xua bapon tsita natsicuentatsi. Daxota bapon bewa tupaena, jei barapo pecanamata caitorobi jiwi bicheito.

<sup>67</sup> Poxonae barapomonae Jesús itacuere cutatsi, bapoxonae peonetha Jesús itabara subabatsi, yawano butino. Ichamonae Jesús itabara tsaquibacotatsi. <sup>68</sup> Bapoxonae barapomonae Jesús baraichi:

—Xam jam: ‘Xan Mesías’, jam, incane pana netsipaebare: ¿Jintam caitabara tsaquibobara xua bequein paca itacuere cutatsi? jei barapomona.

*Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús*  
(Mr 14.66-72; Lc 22.56-62; Jn 18.15-18, 25-27)

<sup>69</sup> Poxonae cataunxuae Jesús cana exanompatsi bapoxonae iruru Pedro panatha eca xua pesato beya. Bapoxonae iruru yabuyo, powa sacerdotemona pia pepa pentacaponaein tatsi tanacuitatsi, bapowa Pedro imoxoyo caquita poinchi. Bapowa Pedro jeichichi:

—Apara xam bayatha iruru napuna poneibame Jesús, pon Galilea nacuapin, jei yabuyo.

<sup>70</sup> Ichitha Pedro jume matawenta bapowa, daxita jiwi peitatha tatsi. Pedro jeye:

—Jopa yaputaeinyo pocotsiwa xua yabara paebame, jei Pedro.

<sup>71</sup> Poxonae cataunxuae Pedro ecapona xua pia ponaetsi bomuxu coiboto beya, bapoxonae iru ichawayo Pedro tainchi. Barapowa tsipaeba ichamona pomona baxota iru umena, Pedro yabara paebatsi, jeye:

—Apara bapon, pon napuna poponeiba Jesús pon Nazaret tomarapin, jei barapowayo.

<sup>72</sup> Equeicha Pedro jume matawenta, jeye:

—Bara xainyan jan. Jopa dapon yaitaeinyo pon aunxuae payabara paebame, jei Pedro.

<sup>73</sup> Equeicha bapoxonae pirapaeyo Pedro imoxoyo caquita poinchi pomona baxota umena. Barapomonae Pedro jeichichi:

—Apara bara xam iruru bapon pijimona tatsi jiwanam, daxota barapo jume coyeneya paebame, icha barapomonae ichi, jei.

<sup>74</sup> Nexata Pedro daunweya jeye:

—Bara Nacom peitabaratha xainyeya paca tsipaebatsi pocotsiwa bara xaniwaicha tapaebiwa. Icha jopa xainyeya paca tsipaebichipaetsi metha barabu Nacom abe necana exanaetsipa. Equeicha paca tsipaebatsi, jopa dapon yaitaeinyo xuaunxuae pon payabara paebame, jei Pedro.

Bapoxonae iruru caena nainya wacara pebto fibaru. <sup>75</sup> Nexata Pedro nanta xeinataba xua bayatha Jesús Pedro tsipaebatsi poxonae jeye: ‘Xam barapo merawithe, pewanaeya poxonae wacara pebto fibina xam copiya acoibi po jume cuiyobetha neyabara jam tsane: Jopa dapon yaitaeinyo, neyabara jam tsane. Bapoxonae iru nainya wacara pebto fibina’, jeichichi Pedro, xua Jesús paeba. Nexata Pedro pesato bejoniya bichocono wecoyei, peajuntatanexae xua Jesús yabara paebatsi.

## 27

*Meje yabara poxonae Jesús capoinchi Pilato beya*

(Mr 15.1; Lc 23.1-2; Jn 18.28-32)

<sup>1</sup> Poxonae pentha tsina sacerdotemonae pia pentacaponaei tatsi iruru judiomonae pia pitiri jiwi tatsi, daxita barapomonae yabara nacaetuta xua nanta jurapaeya peburaya penanta xeinaenexa po coyeneya xua Jesús pebexubiwa tsainchi. <sup>2</sup> Daxita barapomonae equeicha Jesús maxu cutatsi. Bapoxonae Jesús yamaxu catsiya capoinchi Pilato beya, pon

Judea nacuapiwi peyanacua ewatsinchi xua romanomonae peitorobixae.

*Meje yabara poxonae Judas pia coutha nabexuba*

<sup>3</sup> Judas Jesús caenaetaxubatsi ichamonaetha. Poxonae bapon jume tane xua ichamonaes Jesús yabara paebatsi xua bewa tupaena abe peexanaexae, poxonae bequein jopa abe exanaeyo, bapoxonae Judas bichocono aura xua Jesús pecaenaetaxubixae. Daxota Judas equeicha caewa capona barapo treinta po paratiximonaebe. Sacerdotemonae pia pentacaponae catatsi irarũ pitiri jiwĩ catatsi. <sup>4</sup> Judas barai barapomonae, jeye:

—Poxonae pebin caenaetaxuban, xua jopa pon abe exanaeyo, xua poxonae ichamonaes pebexubinexa xua pejana pichapabarena, xan apara bara abe exanan, jei.

Ichitha barapomonae Judas jume notatsi, jeye:

—Apara baxua jopa painta ainya cuiyiyo. Jame apara xam jinya coyam poxonae baxua cana exaname, jei.

<sup>5</sup> Nexata Judas barapo treinta po paratiximonaebe anaya xoya Nacom pin pia botha. Poxonae Nacom pin pia bo weya pona, bapoxonae Judas nabexuba pia coutha, nacoibo tathũ catataba athawetsica.

<sup>6</sup> Bapoxonae sacerdotemonae pia pentacaponae tatsi nota po paratixi Judas bebaya. Bapoxonae barapomonae najei:

—Jopa naca copatsiyo xua barapo paratixi bara wajebinexa Nacom pin pia botha tatsi nexa. Tsipei apara barapo paratixi taxoba poxonae barapo paratixitha comotatsi pebin xua ichamonaes pebexubinexa, xua pejana pichapabarenaenexa, jei barapomonae.

<sup>7</sup> Bapoxonae daxita barapomonae peburũya nanta xeinarũcũpa, najei: “Waxainchi barapo paratixitha comotinchi tsica iriyo, po iriyotha jiton tsorobon noteiba xua juruwaton peexaneibinexa. Barapo iriyotha tsane xua pemũthũthũqueibinexa tsainchi poxonae werapeibina pomonae penanapaincha jinompaewi xua icha nacua werena peponaewi”, najei. <sup>8</sup> Daxota barapo iriyo barapomonae wũn duta po wũn jeye: “Pejana ira”, jei. Po iriyo barapo wũntha cataunxuae jiwĩ wũn ununutapona beya anoxuae. <sup>9-10</sup> Baraxua barapomonae exana xua bayatha pecui yabara tsiwũnaeya wũnaes tsimuxu dutsiya jeixae pon Nacom peitorobi jume pepaebin, pon pewũn Jeremías pon caena bayatha tupa. Bapon Jeremías jeye: “Israelmonae pia pentacaponae tatsi catsina treinta po paratiximonaebe ichũntha xua poxonae pecaenaetsixae tsainchi pon pejanũ coyene xeicaein. Barapo matomatha cana matomatsinchi pon pejanũ coyene xeicaein. Barapomonae baxua cana exanaena bapontha tsipei barapomonae peburũya nanta xeinarũcũpa pecana matomatsinexa. Bapoxonae equeicha barapomonae caewa pichina barapo treinta po paratiximonaebe. Barapo paratixitha barapomonae iriyo comotsina, po iriyotha jiton tsorobon noteibina xua exaneibina juruwaton. Baxua bara barapomonae exana be pocotsi coyeneya Nacom pon jiwĩ Pecana-mataxeinaein nejume cui itoroba”, jei Jeremías.

*Meje yabara poxonae Jesús uncua Pilato peitabaratha tatsi*

(Mr 15.2-5; Lc 23.3-5; Jn 18.33-38)

<sup>11</sup> Jesús cataunxuae uncua Pilato peitabaratha, pon Judea nacuapiwi peyanacua ewatsinchi. Bapon Pilato Jesús yainyabatsi, jeye:

—¿Bara yatsicaya xam judiomonae itorobiya pia pepa Neewatsin? jei.

Jesús jume nota, jeye:

—A, xuaunxuae paebame bara baxua apara, jei Jesús Pilato beya.

<sup>12</sup> Sacerdotemonae pia pentacaponaei tatsi iru judiomonae pia pitiri jiwi tatsi, daxita barapomonae Jesús abe yabara paebatsi xua pinae abe exana. Daichitha Jesús jopa jume barabotsiyo barapomonae. <sup>13</sup> Nexata daxota Pilato Jesús baraichi, jeye:

—¿Jopa jume taem pocotsiwa barapomonae bichocono abe cayabara paeba? jei.

<sup>14</sup> Ichitha Jesús jopa jume notsiyo Pilato xua pocotsiwa ichamonae Jesús abe peyabara paebiwatsi xua matauta cae jume coyenewatha jopa jume notsiyo. Daxota Pilato bichocono yabara nantu coyene cui cabenaeca baxua.

*Meje yabara poxonae Pilato jume baru jejei xua Jesús bara pebexubiwa tsainchi ichamonae*

(Mr 15.6-20; Lc 23.13-25; Jn 18.38–19.16)

<sup>15</sup> Bara nama, Pilato ba pia cui xaina poxonae ba jiwi tsinacaetuta pexaewa penanabanaenexa. Barapo matacabitha Pilato ba caein jiwana pu sotaba pomonae jiwi pecubi botha peenaewi. Pilato ba pu sotaba pon ba jiwi itapeta cowai xua Pilato peisanaxubinexa. <sup>16</sup> Barapo jiwi pecubi botha iruru eca pon bichocono abe peexanaein, pon peyaputaecinchi daxita jiwi poxonae abe exaneiba. Bapon pewun Barrabás. <sup>17</sup> Poxonae jiwi nacaetuta, Pilato barai barapo jiwi, jeye:

—¿Eta pon pu sotabocuaein? ¿Metha Barrabás jampa? ¿Metha Jesús jampa, pon Mesías baraichi? jei Pilato.

<sup>18</sup> Baxua Pilato paeba tsipei bapon yaputane xua pomonae pecanama caitorobi bicheito, Jesús peuwixaetsi, caenaetaxubatsi Pilatotha.

<sup>19</sup> Poxonae Pilato cataunxuae pia peecaethopeibiwatha eca xua Jesús peyabara paebinxatsi penatsicuentsiwa bapoxonae Pilato piowa tatsi najume caitoroba ichantha xua jeye: “Jopa copatsinde xua bapon pebexubinexatsi ichamonae, tsipei apara bapon pejantu coyene xecaecin. Yaitama tsipei merawi bapon camaitan daxota bichocono anthathurewein, tsipei bapon dacotsiwa bexotsi”, jei bapon xua Pilato piowa tatsi najume caitoroba.

<sup>20</sup> Ichitha sacerdotemonae pia pentacaponaei tatsi, iruru judiomonae pia pitiri jiwi tatsi, daxita barapomonae jiwi cui tsacarabatsi, xua barapo jiwi Pilato pecui itorobinxatsi xua Barrabás pepu sotabinxatsi, matautano xua Jesús pebexubinexatsino. <sup>21</sup> Bapon Pilato equeicha barai jiwi, jeye:

—¿Eta pon pu sotabocuaein caein xua baponbe jiwana? jei. Barapomonae Pilatotha jeye:

—Maisa Barrabás pu sotabare bara, jei barapomonae.

<sup>22</sup> Equeicha Pilato yainyaba barapomonae, jeye:

—¿Eta xua cana exanocuaein Jesús pon Mesías baraichi? jei.

Nexata pinmonae Pilato jume daunweya jume notatsi, jeye:

—¡Bewa maisa naetho thaparucua exanaem! jei barapomonae.

<sup>23</sup> Nexata Pilato jume barai, jeye:

—¿Eta pocotsiwa xua metha jane xua abe exana? jei.

Equeicha daunmetha barapomonae jume daunweya jeye:

—¡Bewa maisa naetho thaparucua exanaem! jei.

<sup>24</sup> Poxonae Pilato yaputane xua nama taaibichiba pocotsiwa bapon pepaebinexa picoya, xua peajumetsacaxae barapomonae, daxota Pilato itoroba ichan xua petaxawenaenexa tsainchi mera. Bapoxonae barapo meratha nacobe quiataxuba barapo jiwi peitatha tatsi. Bapoxonae bapon namchi, jeye:

—Xan apara jopa tacoutha bexuba exanaeinyo bapon xua daxota pejana pichapabarena pon jopa bequein abe exanaeyo. Poxonae nacobe quiataxuban meratha, baxua tsita itapeinya xeinan xua apara jopa tacouthinyo. Apara jame painya coutha pam poxonae bexuba paexaname pon abe jopa exanaeyo, jei Pilato.

<sup>25</sup> Daxita barapomonae equeicha namchi, jeye:

—¡Paxan iru pata tamomoxi susato jiwi pata coutha pan apara xua bapon bexotsi paexanan! jei daxita barapo jiwi.

<sup>26</sup> Nexata Pilato nama pu sotaba Barrabás. Bapoxonae itoroba xua soldadomonae bara Jesús moya bichocono pecuainchinexatsi pocotsi-watha eewa xua bichocono amupiya xua xota ba jiwi cuainteibatsi poxonae abe exaneiba. Matautano itorobano xua moya bara Jesús tparucua exanaeinchi naetotha.

<sup>27</sup> Bapoxonae soldadomonae Jesús capoinchi Pilato pia bo tatsi beya po soldadomonae yapu eena Pilato pia bo tatsi. Bapoxonae barapo soldadomonae waba icha soldadomonae xua daxita barapo soldadomonae Jesús pematawacaicha umenaenexa tsainchi. <sup>28</sup> Bapoxonae Jesús pia paparuwa juma xuenatsi yawa juma xatatatsi icha paparuwa, po paparuwa tsobia xua Jesús be pecana exanaenexatsi pon jiwi itorobiya pepa Peewatsinchi. <sup>29</sup> Bapoxonae cuane tepa xua pee tepa, yawa bapoxonae Jesús canamitontsiya mata xatatatsi baxua xua cana exanatsi icha be ichi pon jiwi itorobiya pepa peewatsin poxonae mata xatatatsi tepa. Matautano Jesús cobenatsi naewa icha be ichi pon jiwi itorobiya pepa peewatsinchi poxonae naewa cobenatsi poxonae itoroba jiwi. Bapoxonae Jesús peitabaratha tatsi pentabocototha taenatsi xua Jesús naerabiya pebaru cui itura jinaenexa tsainchi. Bapoxonae Jesús cui caponatsi, jeye:

—¡Jaco judiomonae itorobiya pepa Neewatsim! jei barapomonae xua Jesús canamitontatsi.

<sup>30</sup> Matautano Jesús yabara naone subabatsi. Matautano Jesús cobe wepitatsi naewa. Bapoxonae barapo naewatha Jesús mata cuaintatsi. <sup>31</sup> Poxonae Jesús canacui wetatsi xua cui caponatsi, equeicha bapoxonae Jesús caewa juma wejontatsi xua po paparuwa tsobia. Bapoxonae equeicha caewa juma xatatatsi po paparuwa pia paparuwaxae tatsi. Bapoxonae Jesús capoinchi xua tparucua peexanaenexatsi naetotha.

*Meje yabara poxonae Jesús tparucua exanatsi naetotha  
(Mr 15.21-32; Lc 23.26-43; Jn 19.17-27)*

<sup>32</sup> Poxonae Jesús namtotha caenapoinchi soldadomonae, bapoxonae barapo soldadomonae taeba pebin, pon Cirene tomarapin. Bapon pewan Simón. Bapoxonae barapo soldadomonae Simón itorobatsi xua pecaponaenexa Jesús pia naeto tatsi, po naetotha tparucua peexanaenexatsi Jesús.

<sup>33</sup> Bapoxonae Jesús baru patatsi ichaxota po uruto be jiton matasipa piwa. Daxota barapo uruto jiwi wan unuta “Gólgota”, jei. <sup>34</sup> Baraxotiya Jesús apatatsi vino mera, po vino mera equeicha muxuna epareca hiel



mera matawun po mera bichocono atsu wawa. Poxonae Jesús mene pana, bapoxonae Jesús aichaxaibi apa barapo mera.

<sup>35</sup> Poxonae Jesús canacobe wetatsi xua naetotha tɔparucua exanatsi, bapoxonae soldadomonae nata tsaba Jesús pia paparuwan tatsi. Barapomonae ibotixi bebeya penacueranta notsinexa Jesús pia paparuwan tatsi. Pon beta xoya ibotiyo bapon copiya pita Jesús pia paparuwan tatsi. <sup>36</sup> Nexata barapo soldadomonae Jesús yapu caenatsi poxoru jopa ichipaeyo xua Jesús pepanepaewa tsane. <sup>37</sup> Jesús pentutu wetsica tadutatsi napaewa xua barapo napaewatha tina. Barapo petinadutsiwa jeye: “Baponje apara judiomonae itorobiya pia pepa Peewatsinchi”, jei barapo petinadutsiwa xua napaewatha tinaduta.

<sup>38</sup> Iruru ponbe jiwi pecaibinbe tɔparucua exanatsibe naetotha ichaxota imoxoyo Jesús ducua. Ichun Jesús petsocona wetauncuiyatsi, ichun pecoxa wetauncuarenatsi. <sup>39</sup> Pomonae Jesús xentapoinchi barapomonae Jesús cui capoinchi, yawa Jesús yabara itata naichaquebatsi. <sup>40</sup> Barapomonae Jesús jeichichi:

—Xam bayatha jam: ‘Nacom pin pia bo abe exanaein, bapoxonae equeicha acoibi po matacabibe xaneibin’, jam. Moya bara jinya coutha nacapanepare naeto wetsica icha bara metha Nacom Pexantom tatsim, jei barapomonae.

<sup>41</sup> Iruru barichi sacerdotemonae pia pentacaponaeawi tatsi iruru pomonae jiwi pecuidubiwi Moisés pia peitorobi coyene tatsi iruru judiomonae pia pitiri jiwi tatsi, daxita barapomonae Jesús cui capanatsi. Daxita barapomonae najei:

<sup>42</sup> —Bapon cain capanepibabei ichamonae, came jopa nacapanepaeyo. Icha bara bapon israelmonae itorobiya pia pepa Peewatsinchi, bu bapon pia coutha naeto wetsica ecoinca, xainya bapoxonae jume cowantatsi. <sup>43</sup> Bapon jume cowanta Nacom, xua bepa pinae capanepaeinchi, xua Nacom capanepaena. Icha Nacom ichichipa, bu bara moya capanepaena, tsipei caena bayatha naca jei: ‘Apara xan Nacom Pexanton’, naca jei, jei barapomonae.

<sup>44</sup> Barichiru baxua paeba ponbe jiwi pecaibinbe, ponbe xua iruru cobe matatabarutatsibe naetotha. Baponbe iruru Jesús cui caponatsi.

*Meje yabara poxonae Jesús tupa*

*(Mr 15.33-41; Lc 23.44-49; Jn 19.28-30)*

<sup>45</sup> Poxonae Jesús cataunxuae ducua naetotha, bapoxonae daxita nacuantha bichocono aitaquiri xua poxonae mataeinyaxae weya, beya yatabopiya. Tres po horabe quirei tsuncuae. <sup>46</sup> Bapoxonae Jesús jume daunweya wawai, jeye: “Elí, Elí, ¿lema sabactani?” jei, (barapo jumetha xua jei: “Tanacom, Tanacom, ¿eta pocotsiwa metha nepunaxubame?” jei Jesús.)

<sup>47</sup> Ichamonae pomonae Jesús baxota jume taeumeinchi, barapomonae jeye:

—Pajume taema. Bapon waba, Elías wabatsi, pon Elías Nacom peitorobi jume pepaebin, pon caena bayatha tupa, jei.

<sup>48</sup> Bapoxonae caein nainya cuinaepoinya pon barapomonae jiwana yawa pitaba esponja xua baxota pemene capichinexa vino mera xua po mera mene atsu. Poxonae bapon baxota mene capita, bapoxonae naewatha duta xua Jesús petayoichaenexatsi xua peapaenexa. <sup>49</sup> Ichitha ichamonae namchi, jeye.

—Ab<sub>u</sub>, ab<sub>u</sub> jopa apatsinde. Waxainchi ab<sub>u</sub> matha taeinchi icha Elías patopeicaena xua bapon pecapanepaenexatsi, jei barapomonaē.

<sup>50</sup> Equeicha Jesús jume daunweya wawai, bapoxonaē nama t̄panaicha Jesús. <sup>51</sup> Bapoxonaē paparuwa, po paparuwa Nacom pin pia botha ducua, barapo paparuwa nainya bopiya matonta tsisqueica ainya epatobe naexanabe. Matautano ira jijiyataxuba, matauta ibo wacapouna. <sup>52</sup> Po m̄th̄ntha pomonaē pewerapeibiwi bobena, barapo m̄th̄n coibo tupa wacapouna pocotsiwa coibo xatababanoba xua pin ibo panawan. Barapo m̄th̄ntha cataunxuae ab<sub>u</sub> saya bobena pomonaē caena bayatha werapa. Pirapaeyo acoibi po matababiyo bapoxonaē Jesús as<sub>u</sub> juina exanatsi, xua Nacom exana, bapoxonaē ir̄u pomonaē bayatha pejume cowantsiwichi Nacom pomonaē xua bayatha pewerapaexae barapomonaē ir̄u as<sub>u</sub> jujuina exanatsi xua Nacom exana. <sup>53</sup> Bapoxonaē daxita barapomonaē m̄th̄u we-iyiya. Daxita barapomonaē, Jerusalén tomara beya pona po tomaratha xeina Nacom pin pia bo tatsi. Barapomonaē naitata pinmonaetha Jerusalén tomarapiwitha.

<sup>54</sup> Bapoxonaē soldadomonaē pomonaē Jesús yapu enatsi ir̄u barapo soldadomonaē pia pentacaponaein tatsi, pon romanomonaē pin poxonaē daxita barapomonaē tane xua ira jijiyata yawa xua tane ichawanno, bapoxonaē barapomonaē bichocono junuwa. Bapoxonaē barapomonaē jeye:

—¡Apara bara yatsicaya bapon Nacom pepa Pexanto tatsi! jei barapo soldadomonaē.

<sup>55</sup> Barichi ir̄u ainyawaxi yab̄xi, barapowaxi Jesús tsiwiyo taj̄u wetaeumeinyatsi. Barapowaxi Jesús bayatha matha puna jinompatsi xua poxonaē Galilea nacua weya pona xua Jesús peyawenaenexatsi. <sup>56</sup> Barapowaxi jiwana, ichowayo pew̄n María Magdalena, powa Magdala tomarapiwayo. Ichowayo pew̄n María, Santiago ir̄u José baponbe penabe tatsi. Ichowayo pew̄n Salomé bapowa Zebedeo piowa tatsi, xua ir̄u bapowa Santiago ir̄u Juan baponbe pena tatsibe.

*Meje yabara poxonaē Jesús pet̄paein ibo m̄th̄ntha yauxatatabotatsi (Mr 15.42-47; Lc 23.50-56; Jn 19.38-42)*

<sup>57</sup> Poxonaē quirei tsanaicha, pebin patopa ichaxota Jesús naetotha t̄parucua. Bapon copei pexeinaein. Bapon pew̄n José. Bapon Arimatea tomarapin. Matauta bapon ir̄u Jesús pia pepuna jinompaewichi jiwana pin tatsi pomonaē Jesús pia pejume cowantsiwichixaetsi. <sup>58</sup> Bapon pona Pilato beya pew̄naenexa xua Jesús pet̄paein. Nexata Pilato najume caruta xua bara José pecatsinexatsi Jesús pet̄paein. <sup>59</sup> José nexata pita Jesús pet̄paein. Bapoxonaē pena paparuwatha mata quiyontabareca xua pexeinya paparuwa. <sup>60</sup> Bapoxonaē José m̄th̄u iya Jesús botatsi pena ibo m̄th̄ntha, po m̄th̄u bequein José pia m̄th̄n tatsi xua poxonaē pet̄paein tsane. Poxonaē José nacobe weta xua yauxatatababota pin ibo panawatha, bapoxonaē ponataba. <sup>61</sup> Baxotiya ibo m̄th̄u itapatha eca María Magdalena, powa Magdala tomarapiwayo. Ir̄u ichowayor̄u María baxota naeca.

*Meje yabara poxonaē Pilato itoroba soldadomonaē xua Jesús peyam̄th̄u enaenexa tsainchi*

<sup>62</sup> Icha matakabitha po matakabitha pentaquei seica matakabi bapoxonae sacerdotemonae pia pentacaponae wi tatsi iruru fariseomonae daxita barapomonae pona Pilato beya. <sup>63</sup> Barapomonae Pilato jeichichi:

—Pon pata Tanecanamataxeinaem, pananta xeinan xua barapo pemuxitorobin poxonae cataunxuae popona, pana tsipaeba, jeye: ‘Poxonae acoibi po matakabibe tsuxubi tsane equeicha asu tsane petupae coyene cuiru weya’, pana jei bapon. <sup>64</sup> Daxota xam itorobare soldadomonae xua xaniwaicha peyapu eenaenexa muthu xua beya poxonae acoibi po matakabibe tsuxubi tsane. Baxua exande xua jopa pepatsinexa tsane muthu beya Jesús pia pepuna jinompaewichi, tsipei bu merawi barapomonae pichapa Jesús pia pepon. Tsipei pirapae naerabichipa jiwitha jei tsipae: ‘Bayatha equeicha asu exanatsi petupae cuiru coyene weya’, jei tsipae xua Jesús yabara naerabatsi. Barapomonae baxua naerabichipa jiwitha, baxua bichocono abe tsipae, beyacaincha poxonae Jesús bayatha pocotsiwa paeba xua pemuxitorobiwa, jei barapomonae.

<sup>65</sup> Pilato barai barapomonae, jeye:

—Bara moya pataema. Moya panore soldadomonae. Moya muthu beya pabaruru ponde. Paexande pocotsiwa panantawenoname xua bu moya barapo soldadomonae xaniwaicha yapu eenaena, jei Pilato.

<sup>66</sup> Nexata barapomonae iru soldadomonae bara be-iyiya. Bapoxonae muthu coibo daunwei exananota. Bichocono barapomonae cateitabanota xua pin ibo panawa xua muthu boupa ata. Matautano bichocono barapomonae pemacatha epatautarena boupa cutabarena barapo peboupa patsiwa, xua peyaputaenexa icha ichu namicha patopa xua pecaibinexa Jesús petupaein. Bapoxonae barapomonae cuentadendena soldadomonae xua barapo soldadomonae peyapu eenaenexa muthu.

## 28

*Meje yabara poxonae Jesús equeicha asu juina exanatsi petupae cuiru coyene weya*

(Mr 16.1-8; Lc 24.1-12; Jn 20.1-10)

<sup>1</sup> Poxonae po pentaquei seicae matakabi yapu caewaba, bapoxonae matakabi jopa po matakabi xua nanta carucua xua cae semanatha xua penacuichi matakabi. Barapo mataqueitha María Magdalena, powa Magdala tomarapiwayo iru ichawayo María, barapowayobe caemambotha siwa ponabe muthu ichaxota Jesús yamuthu uncuu.

<sup>2</sup> Bapoxonae nainya ira jijiyataxuba tsipei Nacom itoroba matatsunpin xua peitaboco wetsica pona. Barapo matatsunpin yaupataxubanota barapo pin ibo panawa. Bapoxonae barapo ibo panawatha ecopiya.

<sup>3</sup> Barapo matatsunpin bichocono daedaena icha be yamuxu coicha ichi. Paparuwa bichocono inyapana. <sup>4</sup> Poxonae soldadomonae baxua taerucupa bichocono cuitaya jijiyei tsurucupae, mexeya poxi werapa iratha bobena, tsipei bichocono junuwa. <sup>5</sup> Barapo matatsunpin namchi barapowayobetha, jeye:

—Jopa pajunuwindebe. Bara yaputan xua pawenawenambe Jesús xua painya taetsibe, pon tupa exanadutatsi naetotha jiwu. <sup>6</sup> Xote apara bapon aibi. Apara bayatha equeicha asu juina exanatsi petupae cuiru coyene weya, xua caena bayatha painya nepaca catsipaebixae. Incane anetha xote, pacou taemabe ichaxota bapon petupaein botatsi

bayatha. <sup>7</sup> Nainya papondebe weye, patsipaebarebe Jesús pijimonae tatsi. Pajandebe: ‘Bara bequein bapon bayatha tupa ichitha equeicha asu juina exanatsi petupae cuiru coyene weya. Bapon copiya paca tsiwana ponaena Galilea nacua beya. Baxotiya bapon pataename, pana nejei matatsunpin’, pajandebe Jesús pijimonaetha. Poxonae bapon pataename, bapoxonae payaputaename xuaunxuae paca tsipaebatsi bara apara xaniyei, jei matatsunpin.

<sup>8</sup> Bapoxonae barapo yabayobe muthu weya nainya pontababe. Junuwiya juntu coyene weiweinabe. Barapowayobe cuinaepoinyabe Jesús pijimonae tatsi beya xua diwesi caponabe pocotsiwa matatsunpin paeba. <sup>9</sup> Poxonae barapowayobe epathotha cataunxuae cuinaecaponabe bapoxonae Jesús jemeicha uncuataba barapowayobe pia xantha tatsi. Jesús jeye barapowayobetha: “Jaco”, jei Jesús. Barapowayobe imoxoyo caquita ponabe Jestutha bapoxonae pentabocototha uncua be yawa taxu waetababe xua Jesús wnae pejainchinexatsi. <sup>10</sup> Jesús barai barapowayobe, jeye:

—Jopa pana necunuwindebe. Paponarebe tajiwiwimonae beya. Patsipaebarebe pajandebe: Jesús paca itoroba bepa pinae ponaem Galilea nacua beya. Bepa pinae baxotiya pataem, pajandebe, jei Jesús.

*Meje yabara poxonae soldadomonae naerabiya paeba, jeye: “Jesús pijimonae petupaein pitatsi”, jei*

<sup>11</sup> Poxonae barapo yabayobe cataunxuae namtotha ecaponabe, bapoxonae icha soldadomonae jiwana, po soldadomonae Jesús yamuthu eenatsi, barapo soldadomonae tomara beya pona. Matauta sacerdotemonae pia pentacaponae tatsi tsipaebatsi daxita pocotsiwa xua xuan tane. <sup>12</sup> Barapo sacerdotemonae pia pentacaponae tatsi pona pitiri jiwi beya xua caemonae peyabara natsipaebinexa xua Jesús petupaein yabara. Bapoxonae daxita barapomonae soldadomonae paratixi nawita catsibatsi xua jiwi naerabiya petsipaebinexatsi. <sup>13</sup> Bapoxonae barapomonae soldadomonae baraichi, jeye:

—Patsipaebare jiwi xua merawi poxonae pamaitumename Jesús pijimonae tatsi pata, yawa xua bapoxonae petupaein pitatsi. <sup>14</sup> Icha Pilato pon peyanacua ewatsin jiwi jume taebina xua Jesús petupaein aichurucuae, yawa icha bapon baxua yabara paca yainyabina, bapoxonae nexata paca yabara jume yawenaeinchi xua bapon jopa paca jutebi tsane, jei barapomonae.

<sup>15</sup> Nexata barapo soldadomonae nota paratixi yawa jiwi tsipaeba tsiniyatsi xua sacerdotemonae pia pentacaponae tatsi peitorobixae. Barapo penaerabi diwesi jume, judiomonae jume cocowantapona. Anoxuae barichi po judiomonae anoxuae jinompa, jume cocowantapona barapo diwesi.

*Meje yabara poxonae Jesús cui itoroba pijimonae xua pia diwesi tatsi daxita nacuantha petapaebiwa tsainchi*

*(Mr 16.14-18; Lc 24.36-49; Jn 20.19-23)*

<sup>16</sup> Nexata once poyobe pomonae xua Jesús pijimonae tatsi barapomonae nawibiya Galilea nacua beya. Bapoxonae barapomonae demxuwa beya pona, po demxuwa pinae Jesús caunuta xua pinae baxota patopaena. <sup>17</sup> Poxonae barapo once poyobe baxota Jesús taerucupatsi, ichamonae Jesús wnae jaintatsi, bequein ichamonae

ainya jantũ coyenein xeina xua Jesús xapain beta jopa yabara jume cowantichi. <sup>18</sup> Nexata Jesús pijimonae imoxoyo caquita pona. Bapoxonae jeye:

—Nacom necata daxita peayapusũ itorobi coyene xua peitabocotha nexa, matautano po cae pin nacuathe tsiquenexano. <sup>19</sup> Paponare daxita carepaya jiwitha xua daxita nacuantha. Jiwi pacana exande xua tana nejume cowantsiwa tsane. Daxita pomonae tana nejume cowantsiwi pabautisabare. Poxonae pabautisabame Taxa pewũn pawũn taibare, matautano pana newũn taibare, ponxaein Nacom Pexanton, matautano Nacom pia Pejumope tũnaxũ tatsi pawũn taibare xua barapo acoibi wũnthabe painya paca nepaca yawenaenexa pia peayapusũ itorobi coyenewatha. <sup>20</sup> Daxita barapomonae pacuidubare daxita xua xuan pocotsiwa bayatha paca itorobatsi. Matautano painya xoba pajantemainame xua daxita matababin bara ataya paca barũ poponeibinchi beya poxonae tsane xua equeicha patopeicaein, jei Jesús pijimon-aetha.

Baja Mateo.

## Jesucristo Pia Pexeinya Diwesi Jume Tatsi Marcos Petinae Diwesi

*Meje yabara poxonae Juan pon Pebautisabin jiwi cuiduba ira xuepana susato tsurucuae nacuatha*  
(Mt 3.1-12; Lc 3.1-9, 15-17; Jn 1.19-28)

<sup>1</sup> Baraxue tamropata pitaban xua Jesucristo pia pexeinya jume diwesi tatsi. Bapon Jesucristo, Nacom Pexanto tatsi.

<sup>2</sup> Bayatha Nacom pia peitorobi jume pepaebin, pon pewan Isaías, bapon tina petinae diwesitha. Isaías tina Nacom nexa, Nacom barapo diwesitha jeye Pexantotha:

“Itorobin copiya pon tana najume caitorobin xua catsiwanaya itorobinchi.

Bapon cana exanaena jiwitha xua jiwi yabara aura tsane abe pia peexanae cuiru coyenein tatsi, xua poxonae nepatopae wanaeya tsane.

<sup>3</sup> Pon itorobin bapon jume tan pon xua wawai ira xuepana susato tsurucuae nacuatha.

Bapon wawaya jeye: ‘Patsinajuntu cui coyene wanaere, pon jiwi pia pepa Pecanamataxeinaeinchi nexa pia pepatopae wanaeya tsane’, jei pon xua wawai”,  
jei Isaías petinae diwesitha.

<sup>4</sup> Nexata Juan pon Isaías peyabara paebixae bapon ira xuepana susato tsurucuae nacuatha patopa. Bapon Juan bautisaba ducuaenaebiya, xua jiwi bautisabatsi merantha. Matautano bapon tsipaeba jiwitha Nacom pia pexeinya jume diwesi tatsi. Bapon Juan jeye jiwitha: “Icha juntu coyene paxeinare painya neauraxae xua abe paexaname. Bapoxonae Nacom paca yabara jantemainaena abe painya neexanae cuiru coyenein”, jei Juan. <sup>5</sup> Daxita Judea nacuamonae, iruru Jerusalén tomara-piwi, daxita barapomonae pona ichaxota beya Juan bautisaba jiwi ira xuepana susato tsurucuae nacuatha. Poxonae barapomonae nayopita Nacomtha xua bepa pinae Nacom tsita auratsi xua abe peexanaexae bapoxonae barapomonae Juan bautisaba Jordán mentha.

<sup>6</sup> Juan jumaina duwein nabocoto, po duwein pewan camello. Cor-einya bocoto maraina. Xane pocotsiwa yapupuna pocotsiwan be sure poxi. Matautano bana daeba. <sup>7</sup> Barapon pomonaetha pebautisabixae tsipaeba, jeye: “Pon nepuna patopaena, apara bapon Mesías. Bapon bichocono peayapusu itorobi coyenewa xeina beyacaincha xan. Bapon pon jiwi pia Pecanamataxeinaeinchi. Xan bichocono tapawin daxota bapon bichocono tsita pin ura xeinan xua tataxu ma isanaxubiwa tsane pia penataxu xatatsiwa tatsi. Tsipei xan bichocono tapawin, beyacaincha pomonae amanaya petanacuichiwi pia pentacaponae wewi poxonae baru cui itura jina pia pentacaponae wewichi. <sup>8</sup> Paca bautisabatsi meratha, ichitha nama barapon Mesías paca bautisabina Nacom pia Pejumope tnanaxutha tatsi poxonae Nacom paca najumope catsibina”, jei Juan jiwitha xua Jesús yabara.

*Meje yabara poxonae Jesús bautisabatsi*

(Mt 3.13-17; Lc 3.21-22)

<sup>9</sup> Barapo dapaetha Jesús Nazaret tomara weya pona, po tomara eca Galilea nacuaetha. Bapon Jordán mentha patopa, ichaxota Juan bautisaba. Baraxota Jesús bautisabatsi. <sup>10</sup> Poxonae mene wejuina barapoxonae caena nainya Jesús itaboco necoicha xua peitaboco nayausaranaxuba. Jesús tane xua Nacom pia Pejumope t̃nax̃ tatsi patopa bapontha xua be topiboto yaruneica. <sup>11</sup> Barapoxonae Jesús jume tane pocotsiwa peitaboco wetsipaebicatsi, jeichichi: “Xam apara Taxantom, pom bichocono caantobetsi, pom caitapetatsi. Nejuñt̃ coyene weiweina exaname”, jei Nacom.

*Meje yabara poxonae Jesús juñt̃ coyene jujuñtatsi caurimonae pia pentacaponaein tatsi xua Jesús abe coyeneya petaexanaenexa tsane*

(Mt 4.1-11; Lc 4.1-13)

<sup>12</sup> Poxonae Jesús nanacui wetatsi xua bautisabatsi bapoxonae Nacom pia Pejumope t̃nax̃ tatsi Jesús nainya itorobatsi ira xuepana susato tsurucuae nacua beya. <sup>13</sup> Jesús ira xuepana susato tsurucuae nacuaetha popona cuarenta po matabibibe. Baraxota pichiwan xua camatsawan jinompa ichaxota Jesús popona pocotsiwan bichocono atsaca. Caurimonae pia pentacaponaein tatsi pon Satanás Jesús piraichi juñt̃ coyene jujuñtatsi xua Jesús abe coyeneya petaexanaenexa tsane. Pirapae matatsunpiwimonae po matatsunpiwimonae Nacom itoroba, barapomonae pata Jesustha xua Jesús pecui matateicaenexa tsainchi, matañtano xua peapatsinexatsi tsainchi.

*Meje yabara poxonae Jesús tamropata pitaba pia penacuichiwa xua Galilea nacuaetha*

(Mt 4.12-17; Lc 4.14-15)

<sup>14</sup> Nexata poxonae ichamonae Juan max̃ waetabatsi xua peetsinexatsi jiwí pecubi botha, bapoxonae Jesús Galilea nacuaetha patopa. Jesús paeba ducuaanaeta jiwitha Nacom pia pexeinya jume diwesi tatsi. <sup>15</sup> Jesús namchi jeye: “Nacom bayatha yabara necana cui weta exana po coyeneya xua poxonae tapatopaewa. Daxota jiwí itacupatsi xua naexana Nacom piamonae, pomonae Nacom itorobiya peewatsixae. Daxota icha juñt̃ coyene paxeinare Nacomtha xua painya neuraxae xua abe paexaname, Nacom piamonae painya nenaexanaenexa tsane. Pajume cowñde Nacom pia pexeinya jume diwesi tatsi”, jei Jesús.

*Meje yabara poxonae Jesús waba cuatro poyobe pebiwi, pomonae duwei peyamaewi*

(Mt 4.18-22; Lc 5.1-11)

<sup>16</sup> Poxonae Jesús pona Galilea pucua itapatha, bapoxonae tane ponbe peyaxunubinbe duwei. Ich̃ñ p̃w̃ñ Simón, ich̃ñ p̃w̃ñ Andrés. Baponbe bara cae peweichobe. Baponbe peweichobe duwei yamonauyabe pucuatha. <sup>17</sup> Jesús waba, baraponbe wabatsibe. Jesús jeye:

—Anetha, pana nepuna pondebe. Paca cuidubinchibe. Anoxuae nama xan paca exanaeinchibe xua pinmonae payawenaenamebe xua barapomonae pejume cowñtsiwa tsane Nacom icha bayatha paichimbe poxonae payamonaamebe duwei nawita, jei Jesús.

<sup>18</sup> Bara caena baraponbe botabe barapo peyamaewa. Bapoxonae napuna ponabe Jesustha.

19 Jesús equeicha pona. Bapoxonae equeicha ichunbe tainchibe. Baraponbe ichun pewun Santiago, iru ichun pewun Juan. Baponbe Zebedeo pexantobe tatsi. Jeratha mataquerabauyabe peyamaewa xua ucupouna. 20 Jesús nainya waba, baponbe wabatsibe: Jesús baraibe: “Anetha, pana nepuna pondebe”, jei Jesús. Baponbe paxa cuenta ponabe jera weya, pon pewun Zebedeo. Matautano cuenta ponabe pomonae Zebedeo pia peyawenae jiwichi tatsi xua yamona duwei. Baponbe Jestushta napuna ponabe.

*Meje yabara poxonae pebin pon cauri xeina  
(Lc 4.31-37)*

21 Bapoxonae Jesús pijimonae baru pona Capernaum tomara beya. Bapoxonaeru judiomonae barompaya pia pentaquei seicae matababi tatsi tsuxubi. Barapo matababitha Jesús pijimonae baru joniya judiomonae pia penacaeuttsi botha tatsi. 22 Barapo jiwi yabara najuntu coyene cabenaeca, tsipei pocotsiwa Jesús barapomonae cuidubatsi be pon peyaputaein pia peayapusu itorobi jume coyeneya tatsi paebe. Jesús jopa cuidubiyo be judiomonae pia pecuidubiwi pia coyeneya tatsi. 23 Pebin pon cauri xeina barapon eca barapo judiomonae pia penacaeuttsi botha tatsi.

24 Bapon wawaya jeye:

—¡Jesús Nazaret tomarapim, pana wepu warapare! ¿Eta xua metha patopame pata xantha xua jinya apara abe pata neexanaetsim? ¿Apara patopame jinya pana nejutebichim? Paca yaputainchi yawa paca yaitainchi xam apara pon Nacom caitoroba, pon pepa Nentacuiruyapux-anepanaem, jei pebin pon cauri xeina.

25 Jesús taitaweta, pebin taitawetatsi cauri. Jesús cauritha jeye:

—¡Moyande! ¡Barapon wepu ponde! jei Jesús cauritha.

26 Barapoxonae cauri pebin naichababa exanatsi. Poxonae cauri barapo pebin bichocono wawai exanatsi, bapoxonae barapo cauri pebin wepu poinchi. 27 Daxita barapomonae yabara najuntu coyene cabenaeca. Daxota nayainyaba, jeye:

—¿Eta pocotsiwa jane? ¿Jamaisa baxua mexeya pena pecuidubi coyenewa? Maisa barapo pebin Jesús bichocono peayapusu itorobi coyenewa pexeinaein. Matautano caurimonae jume cowanta poxonae pocotsiwa bapon itoroba, najei barapomonae.

28 Bapoxonae caena nainya daxita pomonae jinompa Galilea nacuatha jume taerucupa pocotsiwa juinya Jesús exana.

*Meje yabara poxonae Jesús axaibi exana Simón Pedro pamiyo tatsi  
(Mt 8.14-15; Lc 4.38-39)*

29 Jesús caena nainya pona judiomonae pia penacaeuttsi bo tatsi weya. Bapoxonae Jesús joniya Simón pia botha tatsi po bo xua iru Andrés pia bo tatsi. Barapo botha Santiago iru Juan Jesús baru joniya. 30 Simón pamiyo tatsi domae xainchi. Barapowa camatha boca. Poxonae Jesús patopa barapomonae caena nainya Jesús tsipaebatsi, jeye: “Simón pamiyo tatsi domae xainchi”, jei. 31 Jesús caquita pona Simón pamiyo tatsi. Bapoxonae bapowa cobe pitatsi. Barapowa asiya cuaranotatsi. Bapoxonae barapowa caena nainya taaichurucuaetsi domae. Nexata barapowa pexaewa apata barapomonaetha.



*Meje yabara poxonae Jesús axaibi exana pin bicheitomonae*

(Mt 8.16-17; Lc 4.40-41)

<sup>32</sup> Poxonae tabopiya tsanaicha xua quirei tsanaicha, bapoxonae jiwi Jesús tacapoinchi pomonae peatenemonaewi, iru pomonae caurimonae xeina. <sup>33</sup> Daxita barapo tomarapiwi nacaetuta бонѣхѣ boupatha. <sup>34</sup> Jesús axaibi exana pinmonae pomonae xeina daxita coyenexi xua xoxi peatenewa. Matautano Jesús taitaweta pomonae cauri xeina. Jesús jopa copatsiyo xua pecueicueijejewa caurimonae, tsipei caurimonae Jesús cui yaputainchi.

*Meje yabara poxonae Jesús cueicuejei Nacom Pejume Diwesi judiomonae pia penacaetutsi bontha tatsi*

(Lc 4.42-44)

<sup>35</sup> Baya poxonae caemumbotha poxonae cataunxuae quiriquirica Jesús nacosataxuba. Bapoxonae tomara weya pona xua ichaxota jiwaihi bara beya pona. Baraxotiya Jesús tsipaebauya, Nacom tsipaebatsi. <sup>36</sup> Nexata Simón iru pomonae Jesús pepuna jinompae jiwichi, barapomonae Jesús pu barainatsi. <sup>37</sup> Poxonae barapomonae Jesús caxibatsi, bapoxonae Jesús tsipaebatsi, jeye:

—Daxita jiwi cawenawenei, jei.

<sup>38</sup> Jesús jume nota jeye:

—Barabu ponaeinchi icha tomaran beya, barapo tomarantha iru tacueicueijeinexa tsane Nacom pia pexeinya jume diwesi tatsi. Daxota apara baxua tsipatopeican, jei Jesús.

<sup>39</sup> Bapoxonae Jesús siwa pona ducuaeta daxita tomaran Galilea nacuatha. Judiomonae pia penacaetutsi bontha tatsi Nacom pia pexeinya jume diwesi Jesús tsipaeba barapo judiomonaetha. Matautano Jesús taitaweta caurimonae.

*Meje yabara poxonae Jesús axaibi exana pon peperu sawinchi*

(Mt 8.1-4; Lc 5.12-16)

<sup>40</sup> Bapoxonaeru pebin, pon peperu sawinchi, Jesús caquita poinchi. Bapoxonae bapon pentabocototha uncuca Jesús peitabaratha tatsi xua Jesús pebaru cui itura jinaexaetsi. Bapon matowa Jesús wucatsi, jeye:

—Icha bara ichichipame bara caitacupa xua axaibi tana neexanaewam, tsipei jinya neayapusu itorobi coyenewa nexeiaem, jei bapon.

<sup>41</sup> Jesús yabara najuntu coyene xeina bapon, xua peyawenaenexa. Jesús nacobe yota, bapoxonae bapon mata jayabatsi, jeye:

—Bara ichichipan. ¡Bara axaibinde! ¡Bara caaperuxaibi exanatsi! jei Jesús.

<sup>42</sup> Bapoxonae bapon nainya taichurucuaetsi xua peperu sawiwatsi. Matautano axaibi tsanayano. <sup>43-44</sup> Bapoxonae Jesús jume daunweya itorobiya jeye:

—Jopa yabara tsipaebinde ichamonaetha xua neaxaibiwam. Saya jame meisa ponde sacerdotepintha xua nenaitatsinexa xua bapon necataenexa xua bayatha nejumewa. Care bapontha pocotsiwa xua pecatsiwa Nacomtha, pocotsiwa bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi cayarputaena xua tsita itapeinya xeinatsi xua xam bara jumem yawa xua peru wanaem, jei Jesús.

<sup>45</sup> Daichitha poxonae bapon pona jopa moya yawwɩn xeinaeyo. Bapon yabara tsipaebapona ichamonaetha pocotsiwa xua bayatha peax-aibiwa. Daxota Jesús jopa itacɩpaetsi xua naitatsiya pata ducuaaebiya tomarantha. Daxota Jesús tomaran cuariya popona xua aisowantha. Jiwi pomonae daxita ichawan werena pona, barapomonae Jesús pia xantha tatsi tapatatsi.

## 2

*Meje yabara poxonae Jesús axaibi exana pon pecuenobinchi*  
(Mt 9.1-8; Lc 5.17-26)

<sup>1</sup> Poxonae be caentacabiyobe yapucaewa, bapoxonae Jesús equeicha caibeya pona Capernaum tomara beya. Jiwi yopita xua pinae Jesús botha eca. <sup>2</sup> Pin bicheito nacaetuta ichaxota po botha Jesús patopa, beya poxonae matawta bo coibo quecona. Barapomonaetha Jesús tsipaeba Nacom pia pexeinya jume diwesi tatsi. <sup>3</sup> Bapoxonae pebiwi pata cuatro poyobe. Barapo pebiwi yapaparua capata pon pecuenobinchi. <sup>4</sup> Tsipei pin bicheito, daxota barapo pebiwi jopa itacɩpaetsi xua Jesús imoxoyo pecaquita ponaewatsi. Daxota barapo pebiwi bomaxatha pentatupa wereca atsa caxinaxoreca ichaxoya Jesús uncuareca. Barapo muthu deca pon pecuenobinchi yapaparua yorecatsi. <sup>5</sup> Poxonae Jesús yaputane xua barapomonae yabara cui jume cowanta xua bara Jesús peitacɩpaewatsi xua axaibi peexanaewatsi pon pecuenobinchi, bapoxonae pecuenobinchitha Jesús tsipaebiya jeye:

—Tajitom cacui yabara jantemainaya juntu puxana exanatsiba abe jinya neexanae cuiru coyenein, jei Jesús.

<sup>6</sup> Ichitha baraxota iru naena pomonae jiwi pecuidubiwi Moisés pia peitorobi coyene tatsi. Barapomonae nanta xeinaeya najei: <sup>7</sup> “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara jantemainaya juntu puxana exanatsi abe pia peexanae cuiru coyenein tatsi. Jame meisa apara caein Nacom yaputane xua jiwi cacui yabara jantemainaya juntu puxana exanatsi abe pia peexanae cuiru coyenein tatsi”, najei. <sup>8</sup> Barapoxonae caena nainya Jesús yaputane pejuntu coyenewatha pocotsiwa barapomonae pia coutha nayainyaba. Jesús jeye barapomonaetha:

—¿Eta pocotsiwa metha baraxua pana natsipaebame? <sup>9</sup> ¿Eta po jumetha baran tsane pecuenobinchi? ¿Metha jan tsane: ‘Jinya abe neexanae cuiru coyenein cata jantemainatsi’, jan tsane? Ichacuihtha ¿metha jan tsane: ‘Nontaponde, bara pire jinya nemaituncuaewa, yawa bara ponare’, jan tsane? <sup>10</sup> Daxota anoxuae paca tsita itapeinya xeinaeinchi, xua xan ponxaein Nacom Tananeitapetsin, xua xeinan taayapusu itorobi coyenewa xua bara tana neitacɩpaewa xua jiwi tayabara cacui jantemainaya juntu puxana exanaewa abe pia peexanae cuiru coyenein tatsi pomonae jinompa barapo cae pin nacuathe, jei Jesús.

Bapoxonae Jesús tsipaeba pontha pon pecuenobinchi. Jesús jeye:

<sup>11</sup> —Catsipaebatsi, nontaponde. Jinya nemaituncuaewa pire. Jinya bo be-iyandeno, jei Jesús.

<sup>12</sup> Bapoxonae bapon caena nainya nontapona barapomonae peitatha tatsi, yawa pita xua pemaituncuaewa. Bapoxonae bapon bo tutu weya

pona barapo pin bicheito peitatha tatsi. Daxita barapomonaе yabara najantа coyene cabenaeca, yawa Nacom wunaе jaintatsi, jeye:

—Maisa waxainchi bapana bayatha jopa taetsi pocotsiwa wunaе pocotsiwe icha be iche, jei barapomonaе.

*Meje yabara poxonaе Levi wabatsi, Jesús waba*

*(Mt 9.9-13; Lc 5.27-32)*

<sup>13</sup> Barapoxonaе Jesús pona Galilea pucua itapatha. Bapoxonaе baxotiya pin bicheito pata Jesús pia xantha tatsi. Barapomonaetha Jesús cuiduba. <sup>14</sup> Poxonaе Jesús cataunxuae ecapona Galilea pucua itapatha, bapoxonaе Levi tainchi. Bapon Levi Alfeo pexanto tatsi. Bapon Levi eca ichaxota bapon paratixi matoma noteibeca po paratixi jiwi bewa catsibina pon romanomonaе itorobiya pia pepa peewatsinchi. Jesús Levi tsipaebatsi, Jesús jeye:

—Nepuna ponde, jei Jesús.

Bapoxonaе Levi nontapona, yawa Jesús puna poinchino.

<sup>15</sup> Pirapaeyo Jesús Levi barа eca pexaethopeibiwatha, xua Levi pia botha tatsi xua Jesús pebarа xaenexatsi. Barichi Jesús barа eca pinmonaе barapo pexaethopeibiwatha pomonaе paratixi pentoma noteibiwi po paratixi jiwi bewa catsibina pon romanomonaе itorobiya pia pepa peewatsinchi nexa. Irarа Jesús barа eca ichamonaе pomonaе abe peexanaе cuiru coyenein peexanaе jiwi. Matautano Jesús pijimonaе barа eca barapo pexaethopaewatha. Pinmonaе Jesús barа eca tsipei pinmonaе Jesús puna poinchi. <sup>16</sup> Ichitha pomonaе jiwi pecuidubiwi Moisés pia peitorobi coyenewa tatsi irarа fariseomonaе, daxita barapomonaе Jesús tainchi poxonaе Jesús barа xayeca pomonaе paratixi pentoma noteibiwi, irа pomonaе abe peexanaе cuiru coyenein peexanaе jiwi. Pomonaе Jesús tainchi daxita barapomonaе Jesús pijimonaе tatsi jeichichi:

—Maisa Jesús pon painya nepaca cacuidubin abe exana poxoru barа xayeca pomonaе paratixi penoteibiwi, matautano, barа xayeca pomonaе peajuntаcoyenebe jiwi, jei barapomonaе.

<sup>17</sup> Poxonaе Jesús jume tane baraxua, bapoxonaе Jesús jume nota, jeye:

—Pomonaе ba xua xaniwaicha jinompa xua jopa ateneyo barapomonaе ba jopa canantawenonaeyo pon jiwi peyawabin. Saya jame meisa pomonaе ba atene barapomonaе jame canantawenona pon jiwi peyawabin. Barichi xan patopan apara tha jopa tawabinexa tsane pomonaе pejantа coyene xanepanaе jiwi. Saya apara tawabinexa pomonaе abe peexanaе cuiru coyene peexanaewi tayawenaenexa tsane barapomonaе, jei Jesús.

*Meje yabara poxonaе Jesús yabara yainyabatsi po coyene xua Nacom peyabara nainbotsiwatsi*

*(Mt 9.14-17; Lc 5.33-39)*

<sup>18</sup> Caentaqueitha Juan pia pepuna jinompaewichi, irarа fariseomonaе, nainbota Nacomtha xua saya pewacaenexa Nacomtha. Poxonaе barapomonaе nainbota, bapoxonaе ichamonaе Jesús siwa poinchi. Barapomonaе Jesús yabara yainyabatsi barapo penainbotsi coyene. Barapomonaе jeye Jesthа:

—Juan pia pepuna jinompaewichi, irа fariseomonaе jopa juniya Nacom peyabara nainbotsiwatsi poxonaе Nacom wаqueibatsi. Ichitha

jinyamonae jopa daichiyo, jopa nainbotsiyo Nacomtha xua saya pew<sub>h</sub>caenexa Nacomtha, jei barapomonaе Jesustha.

<sup>19</sup> Jesús jume nota barapomonaе, jeye:

—Jiwi ba jopa bewa wecoyeya yabara nainbotsi poxonaе ichamonae pexaewa tsinacaetuta penabanaenexa xua poxonaе pebin pecotsiwa pita. Poxonaе cataunxuae awiya bapon eca pexaewa penabanaewatha bapoxonaе jiwi ba peb<sub>h</sub>rya nabane. Jopa bewa yabara nainbotsi tsane. <sup>20</sup> Ichitha icha pon aena piowa pita, caena nainya waetabatsi, ichamonae waetaba xua taji<sub>h</sub> bapon pecaponaenexatsi, bapoxonaе jame jiwi ba bewa wecoyeya yabara nainbotsi, xua equeicha bapon caewa pepatopaewa tsane.

<sup>21</sup> “Jiwi ba jopa exanaeyo xua pena dorouto tsiwiyo jiwana caxinaxubeta xua peru dorouto pewan botsinexa. Icha baxua exanaetsipa xua pena paparuwatha wan bota peru doroutotha, bapoxonaе barapo dorouto abe tsanaya tsipae. Tsipei poxonaе barapo dorouto matanaxuba barapo pena paparuwa natsaquetabiya. Poxonaе barapo pena paparuwa natsaquetabiya equeicha wan tsitsipanarena barapo dorouto. Bapoxonaе equeicha nama bichocono pin wan tsanaya beyacaincha xua poxonaе copiya. <sup>22</sup> Matautano jiwi ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto. Tsipei barapo bocoto jopa nayeyetaponae poxonaе barapo vino mera atsaxa. Barapo pena vino mera naxuba xuano barapo bocoto naxuba poxonaе barapo bocoto tsitsica. Daxota bewa jame pena vino mera eparecae pena bocototha. Bapoxonaе pena vino mera jopa naxubiyo. Yawa pena bocoto jopa naxubiyo poxoru boco yeyena yawa poxoru pena bocoto”, jei Jesús.

*Meje yabara poxonaе Jesús pijimonaе tatsi yaboto nota trigo xu judiomonaе barompaya pia pentaquei seicaе mataqueitha tatsi*

(Mt 12.1-8; Lc 6.1-5)

<sup>23</sup> Caentacabi poxonaе judiomonaе barompaya pia pentaquei seicaе matakabi tatsi, barapo matakabitha Jesús, ir<sub>h</sub> pijimonaе tatsino pabi iyiya. Jesús pijimonaе tatsi jainpa. Barapomonaе tamropata notar<sub>h</sub>cupa xua yaboto xunumenapona trigo xu. Bapoxonaе pecobetha xu mata pepeta. <sup>24</sup> Poxonaе fariseomonaе cui tane xua Jesús pijimonaе tatsi exana, bapoxonaе fariseomonaе Jesús tsipaebatsi, jeye:

—Jamaisa jinya jiwimonaе nacuita barapo matakabithe, poxonaе yaboto nota trigo xu. Aparajijiwi jopa yabara cui copatsiyo xua ichamonae penacuichiwa barapo matakabithe xua judiomonaе barompaya pia pentaquei seicaе matakabi tatsi, jei fariseomonaе.

<sup>25</sup> Jesús jume nota, jeye:

—Barapomonaе tajiwiwimonaе jopa apara abe exanaeyo. ¿Jopa payabara yorobim pocotsiwa bayatha David exana poxonaе jainpa, poxonaе ir<sub>h</sub> pijimonaе tajainpatsir<sub>h</sub>? Bapon David, pon caena bayatha israelmonae itorobiya pia pepa peewatsinchi. <sup>26</sup> Bapon David, ir<sub>h</sub> pijimonaе tatsi, barapomonaе jojoniya Nacom pin pia botha tatsi poxonaе pon pew<sub>h</sub>n Abiatar tanacuita Nacom. Bapon Abiatar sacerdotemonaе pia pepa pentacaponaein tatsi. David xane pan, po pan ichamonae cana exana xua Nacom pecatsiwatsi. Ir<sub>h</sub> barapo pan David pijimonaе cata xua pexaenexar<sub>h</sub>. Barapomonaе xane

bequein bara Nacom pia peitorobi coyenewatha copata xua saya meisa sacerdotemonaē itacupatsi xua pexaewa tsane barapo pan, jei Jesús.

<sup>27</sup> Equeicha Jesús namchi, jeye:

—Nacom, jiwi pewunaeya taexanatsi pentaquei seicaē matakabi. Barapo pentaquei seicaē matakabi Nacom tsiexana jiwi, xua barapo matakabitha jiwi penafinacaewatsinexa. Nacom jopa ainya cui cana exanaeyo pentaquei seicaē matakabi xua beyacaincha jiwi. <sup>28</sup> Daxota xan ponxaein Nacom tana neitapetsixae xeinan taitorobi coyenewa xua jiwi tacoya taitorobiwa pentaquei seicaē matakabitha, jei Jesús fariseomonaetha.

### 3

*Meje yabara poxonae Jesús cobe wunaē exana pon pecobe mubinchi*  
(Mt 12.9-14; Lc 6.6-11)

<sup>1</sup> Jesús equeicha joniya judiomonaē pia penacaetutsi botha tatsi. Baraxota pon pecobe mubinchi eca. <sup>2</sup> Barichi pomonaē jiwi pecuidubiwi Moisés pia peitorobi coyene tatsi, iru fariseomonaē baxota ena. Daxita barapomonaē Jesús necotenatsi pecui taenexatsi icha bara metha Jesús cobe wunaē exanaena pentaquei seicaē mataqueitha pon pecobe mubinchi. Icha Jesús pon pecobe mubinchi axaibi exanatsi, bapoxonae barapomonaē xeinaena po coyenewa xua Jesús abe peyabara paebiwatsi tsainchi. <sup>3</sup> Bapoxonae Jesús barai pontha pon pecobe mubinchi, jeye:

—Nontaponare. Uncuare xote, jei Jesús.

<sup>4</sup> Pomonaē Jesús tainchi Jesús barai barapomonaē, jeye:

—Paca yainyabinchi, ¿eta xua copata pentaquei seicaē matakabitha? ¿Wunaē jampa? ¿Abe jampa? ¿Eta xua metha tsipae? ¿Xua pebin capanepatsi jampa? ¿Xua pebin bexotsi jampa? ¿Eta xua jane? jei Jesús.

Ichitha barapomonaē jopa jume notsiyo, saya moya umena. <sup>5</sup> Nexata Jesús necota barapomonaē. Anaya Jesús caseba barapomonaē. Matautano juntu coyene wecoyeyi, tsipei barapomonaē jopa beyaputaeyo pocotsiwa bapon exana. Jesús barai pon pecobe mubinchi:

—Nacobe doire, jei Jesús.

Bapon nacobe doita. Bapoxonae bapon nainya cobe wunaē tsanaya. <sup>6</sup> Bapoxonae fariseomonaē Jesús weya ponarucupa. Bapoxonae barapomonaē nacaetuta Herodes pijimonaetha tatsi xua pecui yabara paebinexatsi xua po cui coyenewatha Jesús pebexubiwa tsainchi.

*Meje yabara poxonae pin bicheito nacaetuta Galilea pucua itapatha*

<sup>7</sup> Jesús pijimonaē baru pona Galilea pucua itapa beya. Iruru pin bicheitomonaē Jesús puna poinchi pomonaē Galilea nacua weya pona. <sup>8</sup> Iruru pomonaē Judea nacua werena pona iruru pomonaē Jerusalén tomara werena pona, daxita barapomonaē Jesús puna poinchi. Iruru Idumea nacuapiwi Jesús puna poinchi. Iruru ichamonae Jesús puna poinchi pomonaē icha muxunenetha jinompa xua Jordán mentha. Iruru Tiro tomarapiwi Jesús puna poinchi. Iruru Sidón tomarapiwi Jesús puna poinchi. Daxita barapo bicheito Jesús itata patatsi poxonae jume tane daxita xua juinya pocotsiwan Jesús exana. <sup>9</sup> Tsipei pin bicheito, daxota Jesús pijimonaē itoroba xua jera petaxawenaewa tsainchi xua petsaquibabiwainwatsi barapo pin bicheito. <sup>10</sup> Yaitama Jesús axaibi exaneiba pin bicheito pomonaē atenemonaē, daxota iru ichamonae

Jesús imoxoyo caquita poinchi. Barapomonaе ichichipa xua Jesús pejayabiwatsi xua barapomonaе iru axaibi peexanaenexatsiru.

<sup>11</sup> Pomonaе caurimonaе pexeinaewi, poxonaе barapomonaе Jesús tainchi, barapomonaе pentabocototha umena Jesús peitabaratha tatsi. Barapomonaе wawaya jeye xua caurimonaе wawai peexanaexaetsi:

—¡Maisa bara xam Nacom Pexantom! jei barapomonaе xua wawaya exanatsi caurimonaе.

<sup>12</sup> Jesús jume daunweya itoroba barapomonaе, jeye:

—Jopa pana neyabara paebinde ichamonaetha xua xan Nacom Pexanton, jei Jesús.

*Meje yabara poxonaе Jesús itapetsiya waba pia peitorobi jiji tatsi pomonaе xua doce poyobe*

*(Mt 10.1-4; Lc 6.12-16)*

<sup>13</sup> Bapoxonaе Jesús demxuwatha pona. Barapo demxuwatha Jesús waba pomonaetha xua peichichipaexae xua itapetsiya waba. Barapoxonaе barapomonaе Jesús pia xantha tatsi tapatatsi. <sup>14</sup> Jesús itapetsiya waba doce poyobe xua pomonaе pebaru jinompaenexatsi. Matautano barapomonaе Jesús itoroba xua daxita jiwitha petacueicueijeinexatsi Nacom Pejume Diwesi. <sup>15</sup> Barapomonaetha Jesús cata pia peayapusu itorobi coyenewa tatsi, xua cauri ichamonaе petaitawetsinexatsi pomonaе xua cauri pepuna jinompaewichi. <sup>16</sup> Meje barapomonaе pewunxi tatsi pomonaе Jesús waba: Simón pon icha wun wun dutatsi “Pedro”, baraichi. <sup>17</sup> Ichun pewun Santiago. Ichun pewun Juan pon Santiago peweicho tatsi. Baraponbe Zebedeo pexantobe tatsi. Baraponbetha Jesús icha wun wun dutabe “Boanerges” jei (xua po wantha xua jei: “Yamuxu pexantobe tatsi”, jei). Barapo wun wun duta tsipei peajuntucoyenesunbe. <sup>18</sup> Ichun pewun Andrés. Iru ichun pewun Felipe. Iru ichun pewun Bartolomé. Iru ichun pewun Mateo. Iru ichun pewun Tomás. Iru ichun pewun Santiago pon Alfeo pexanto tatsi. Iru ichun pewun Tadeo. Iru ichun pewun Simón pon celotemonaepin. <sup>19</sup> Iru ichun pewun Judas Iscariote. Barapon Judas pon Jesús caenaetaxubatsi ichamonaetha pebexubinexatsi.

*Meje yabara poxonaе Jesús baraichi xua pinae xeina Beelzebú pia peayapusu itorobi coyenewa tatsi*

*(Mt 12.22-32; Lc 11.14-23; 12.10)*

<sup>20</sup> Bapoxonaе Jesús, iru pomonaе pia peitapetsiwi tatsi botha joniya. Bapoxonaе equeicha pin bicheito nacaetuta Jesús pia xantha tatsi. Daxota Jesús iru pijimonaе tatsi jopa itacupaetsi xua penabanaewa tsane.

<sup>21</sup> Jesús piamae matabuxayo tatsi jume tane xua jiji paeba xua pinae juinya Jesús matayaibatsi. Daxota barapomonaе pata, xua Jesús pewaetabinexatsi, xua pia bo beya pecaponaenexatsi.

<sup>22</sup> Matautano pomonaе jiji pecuidubiwi Moisés pia peitorobi coyene tatsi, pomonaе Jerusalén werena pona, barapomonaе jiwitha jeye Jesús yabara: “Bapon caurimonaе itawetatsi, apara pexeinaexae Beelzebú pia peayapusu itorobi coyene tatsi, pon caurimonaе pia pentacaponaein tatsi”, jei barapomonaе pomonaе jiji pecuidubiwi Moisés pia peitorobi coyenewa tatsi.

<sup>23</sup> Bapoxonaе Jesús waba barapomonaе pia xainya berena. Yawano Jesús pecayabara juta pepaebi diwesiyo tsipaeba, jeye: “Caurimonaе pia

pentacaponaein tatsi jopa itacupaetsi xua peitawetsiwa icha caurimon-aetha, xua pecae caurimonaexae. <sup>24</sup>Icha cae nacuapiwi nawepu tsatabe xua matauta nababe, bapoxonae jopa xaexaenaecaeyo. <sup>25</sup>Matauta iruru icha cae bo matabuxnyomonaebe nababe yawa nawepu tsatajopabe, bapoxonae jopa xaexaenaecaeyo. <sup>26</sup>Barichi icha Satanás, pijimonae tatsi nawepu tsatajopabe matautano xua nababe, bapoxonae jopa xaexaenaecaeyo. Satanás jopa itacupaetsi xua itoroba pijimonae, tsipei amsiya exana.

<sup>27</sup>“Dapon ajibi, pon itacupatsi xua botha joniya po botha pon bichocono maxu daunwei pia bo tatsi xua daxita notsina pocotsiwa bapon xeina pon maxu daunwei icha jopa copiya matha maxu cutanotsiyo.

<sup>28</sup>“Bara xaniyeya paca tsipaebatsi. Pocotsiwa jiwi abe peexanae cuiru coyenein exana, matautano pocotsiwa xua jiwi abe paeba, barapo coyenein Nacom itacupatsi xua yabara juntemainaena xua barapo jiwi abe exana. <sup>29</sup>Pon abe yabara paeba Nacom pia Pejumope tñaxu tatsi, Nacom bapana jopa yabara juntemainae tsane xua bapon paeba. Bara bapon ataya atene tsane ichaxota jopa itacounayiyo isoto xua bapon abe peexanaexae”, jei Jesús.

<sup>30</sup>Jesús baraxua paeba, tsipei pomonae jiwi pecuidubiwi Moisés pia peitorobi coyene tatsi barapomonae bayatha naerabiya paeba xua pinae Jesús cauri xeina. Ichitha pon Jesús xeina apara Nacom pia Pejumope tñaxu tatsi. Daxota barapomonae Nacom pia Pejumope tñaxu tatsi tsita natsicuentatsi, tsipei Nacom pia Pejumope tñaxu tatsi abe yabara paebatsi.

*Meje yabara Jesús pena tatsi, iruru peyapin jiwi tatsino  
(Mt 12.46-50; Lc 8.19-21)*

<sup>31</sup>Pirapae Jesús pena tatsi, iruru peyapin jiwi tatsi pata Jestutha. Ichitha barapomonae pesato beumeinya. Bapoxonae najume caruta ichamon-aetha xua petawabinexa tsainchi Jesús. <sup>32</sup>Po bicheito Jesús matawacaicha enatsi, barapomonae Jesús tsipaebatsi, jeye:

—Ena, iruru neyapin jiwino, pesato beya umena. Bepara bequein cataei. Bepara bequein catsipaebei, jei.

<sup>33</sup>Ichitha Jesús jume barai barapomonae, jeye:

—¿Jintam powa be taena natsicotanera? ¿Jintam pomonae be tayapin jiwi natsicotanera? jei Jesús.

<sup>34</sup>Bapoxonae Jesús necota pomonae pematawacaicha enaewichi. Jesús jeye:

—Barapomonae pomonae xote umene apara be taena tsicotan, matautano be tayapin jiwi tsicotan. <sup>35</sup>Pomonae exana pocotsiwa Nacom itoroba, pon peitabocotha peecaeinxae, barapomonae be tayapin jiwi tsicotan, matautano iruru be tayapixi tsicotanno, matautano iruru be taena tsicotanno, jei Jesús.

## 4

*Meje yabara poxonae Jesús cuiduba jiwi pecayabara jata pepaebi diwe-siyo xua pon peabin yabara  
(Mt 13.1-9; Lc 8.4-8)*

<sup>1</sup>Equeicha Jesús tamropata pitaba xua cuiduba Galilea pucua itap-atha. Bapoxonae pin bicheito nacaetuta ichaxota Jesús cuidubuncua. Tsipei pin bicheito daxota Jesús jeratha nontabiya xua peecaenexa,

po nae mentha ducuiya. Barapo pin bicheitomonae taetabo itapatha umena. <sup>2</sup> Jesús barapomonaetha cuiduba pecayabara j̄ta pepaebi diwesintha.

Poxonae Jesús cuiduba barapomonaetha, jeye: <sup>3</sup> “Pana nejume naitaeware barapo diwesiyo: Pebin pon peubin ponataba pia ubichi pabitha. <sup>4</sup> Poxonae pon peubin ubauya, icha xu namtotha othopeica. Pepupunaewi yapata. Bapoxonae barapo xu xu xane. <sup>5</sup> Icha xu, xu othopeica ibowantha ichaxota xua ira itafafana. Barapoxonae barapo xu caena nainya xu xuwa, tsipei jopa taj̄ xu xuwarecaeyo. <sup>6</sup> Ichitha poxonae xometo atsa tsina, bapoxonae yaboto tsaquiwa yawa t̄pa tsipei jopa taj̄ tab̄ opina xuwarecaeyo. <sup>7</sup> Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan. Daxota barapo xu jopa xu nacoichiyo. <sup>8</sup> Icha xu, xu othopeica ichaxota ira w̄nae. Poxonae barapo xu, xu xuwa, xu naw̄naeta. Icha xun, xu nanacoitapona treinta po xu matab̄x̄yobe tsiniya. Icha xun, xu nanacoitapona sesenta po xu matab̄x̄yobe tsiniya. Icha xun, xu nanacoitapona cien po xu matab̄x̄yobe tsiniya”, jei Jesús barapo pin bicheitomonaetha.

<sup>9</sup> Equeicha Jesús jeye: “Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús poxonae pijimonae muxuconaquiya tsipaeba.

*Meje yabara poxonae Jesús namchi xua exua metha pecayabara j̄ta pepaebi diwesin*

*(Mt 13.10-17; Lc 8.9-10)*

<sup>10</sup> Nexata poxonae Jesús pipatoha eca, bapoxonae bar̄ eca pomonaetha pia pepuna ponaewichi, ir̄no pijimonae tatsi pomonaetha doce poyobe. Barapomonaetha Jesús yainyabatsi jeye: “¿Eta pocotsiwa yabara caunutame poxonae barapo pecayabara j̄ta pepaebi diwesiyo cuidubame?” jei barapomonaetha. <sup>11</sup> Jesús jume nota barapomonaetha, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyaw̄n xeinaewa. Barapo moya peyaw̄n xeinaewa apara xua Nacom paca cana exana xua painya nepaca itac̄paewa xua painya nenaexanaewa Nacom piamonaetha tatsi pam, pomonaetha pamxaem Nacom itorobiya paca ewata. Ichitha meisa jame ichamonae pomonaetha jopa nejume cow̄ntsiyo jopa daichichi. Nacom jopa copatsiyo xua barapomonaetha peyabara yaputaewa baxua. Daxota barapomonaetha cuiduban pecayabara j̄ta pepaebi diwesintha, xua Nacom peyabara yaputaenexatsi. <sup>12</sup> Baxua paeban xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane. Poxoru bapomonaetha jopa icha j̄nt̄ coyene xeinaeyo Nacomtha, daxota barapomonaetha Nacom tsita natsicuentatsi abe p̄tsita exanaexaetsi xuan̄o Nacom jopa yabara j̄nt̄emainaeyo abe pia peexanaetha coyenein tatsi”, jei Jesús.

*Meje yabara poxonae Jesús pijimonae muxu yaputane exana po diwesi xua pecayabara j̄ta pepaebi diwesiyo, pon peubin yabara*

*(Mt 13.18-23; Lc 8.11-15)*

<sup>13</sup> Equeicha Jesús barapomonaetha muxu tsipaeba, jeye: “Tsipei jopa payaputaem po pecayabara j̄ta pepaebi diwesiyo xua peubin yabara



paeban daxota jopa payaputaemtsipae bequein ainya pecayabara jata pepaebi diwesin paca tsipaebichipatsi. <sup>14</sup> Paca tsipaebatsi pecayabara jata pepaebi diwesiyo xua iche: Pon peubin jupa, icha be ichi pon Nacom Pejume Diwesi pepaebi ducuaenaebiyaein. <sup>15</sup> Po xuton xua namto beothopiya, aichurubena. Barapo xuton yabara caunuta xua jiwi bara juntu weichichi caurimonae pia pentacaponaein tatsi, pon Satanás. Jiwi juntu coyene weajumetsurubena exanatsi Nacom Pejume Diwesi xua bayatha po jume jume tane, xua bapoxonae jopa petajume cowantsinexa tsainchi Nacom, yawa xua jopa petanacapanenebiyaenexa tsainchi Nacom beya, xua Nacom exanaena. <sup>16-17</sup> Po xuton xua xu othopa ibowantha, barapo xuton yabara caunuta po jiwi xanepanaya jume tane Nacom Pejume Diwesi, xuano juntu coyene weiweinaya Nacom jume cowantatsi. Ichitha bara caeto jume cowanta, poxoru barapomona ae juntu faetabiya jume jeba Nacom Pejume Diwesi pejuntu coyeneintha. Poxonae yaitama barapomona e bichocono peatenexae, matautano poxonae barapomona e yaitama abe petaxanae xaeitsi ichamona e xua pejume cowantsixae Nacom, bapoxonae caurimonae abe exana barapomona e theta, xua barapomona e juntu coyene wejantemaina exanatsi xua Nacom pecayabara jantemainaewatsi. <sup>18-19</sup> Po xuton xua xu othopeica pesoiwantha, barapo xuton caunuta xua pomona e Nacom Pejume Diwesi jume tane, ichitha saya barompaya pia juntu coyeneyatha jinompa, yawa saya u copei cayabara nanta xeina, yawa saya exana pocotsiwa juntu coyene weiweina cana exainchi. Po coyene pebiwi exana baxuan bara jutiya ichiya exana xua po xuton be pesoiwantha othopiya. Barapo xuton jopa thei dubenaeyo. Barapocotsi jata coyeneya ichi, barapo jiwi. Jopa xanepanaya jinompaeyo Nacom nexa. <sup>20</sup> Po xuton xua xu othopeica peira wunaewatha, bara nacoita. Barapo xuton yabara caunuta pomona e jume tane Nacom Pejume Diwesi, matautano jume cowantano poxoru juntu coyene xanepanaya jume tane. Matautano beta exana dubenanaebiya beya matapainya jiwi cui tane xua barapomona e juntu coyene xanepana Nacom peitabaratha tatsi. Bapoxonae ichamona e barapomona e jiwana beta yawena ichamona e theta icha barapo xuto ichi xua treinta po xu matabuxnyobe tsiniya tsopona e. Matautano ichamona e barapomona e jiwana beta yawena ichamona e theta icha barapo xuto ichi xua sesenta po xu matabuxnyobe tsiniya tsopona e. Matautano ichamona e barapomona e jiwana beta yawena ichamona e theta icha barapo xuto ichi xua cien po xu matabuxnyobe tsiniya tsopona e”, jei Jesús.

*Meje yabara poxonae Jesús pijimona e tsipaeba pecayabara jata pepaebi diwesiyo xua pecoicha yabara*

*(Lc 8.16-18)*

<sup>21</sup> Equeicha Jesús barapomona e theta tsipaeba, jeye: “Poxonae jiton pecoicha, coicha exana, bapoxonae jopa coicha matacatsiyo cajatha. Yawa jopa coicha exanaeyo cama peupana deca. Jame asiya coicha exanatsi, xua pecoicha taenexa pomona e jojoneibarena. <sup>22</sup> Daxita pocotsiwa xua moya peyawun xeinaewa bexa tsane jiwi yabara yaputaena. Barichi po diwesin xua pecayabara jata pepaebi diwesin xua paebapona jiwi barapo diwesin jiwi itacupaeinchi xua peyabara yaputaewa tsane. <sup>23</sup> Icha pamuxu dubename, moya pana nejume naitaeware pocotsiwa

tapaca tsipaebiwatsi”, jei Jesús poxonaē pijimonae muxuconaquiya tsi-paeba.

<sup>24</sup> Equeicha Jesús barapomonaē barai, jeye: “Pana nejume naitae-ware painya neexanaenexa pocotsiwa paca tsipaebatsi. Icha icha-monaē daunweya payabara paebiname penatsicuentsiwa xua abe pe-xanaexae Nacom barichi daunweya paca yabara paebina painya ne-natsicuentsiwa xua abe painya neexanaexae. Matautano equeicha ichawano mataropeicha paca catsina. <sup>25</sup> Pon ba be conotha Na-com yabara yaputainchi Nacom bapontha cana exanaena xua ichawa peyabara yaputaewa tsane beya poxonaē bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi Nacom wepichina po coyene bapon yaputane xua beya daxota Nacom jopa pejume cowantsiwa tsainchi”, jei Jesús.

*Meje yabara poxonaē Jesús pecayabara j̄uta pepaebi diwesiyo paeba xua peubi xuto yabara*

<sup>26</sup> Nexata equeicha Jesús namchi, jeye: “Yabara paca cuidubatsi po coyene xua Nacom itorobiya ewata piamonaē. Barapo coyene bara j̄uta coyeneya ichi, icha pebin ichi poxonaē peubi xu xu bebeya. <sup>27</sup> Poxonaē nacobe weta xua ūba, bapoxonaē pabi weya pona. Bara bequein bapon jopa yawenaeyo xua barapo xuton xuxuwapona mataqueitha, merawithano poxonaē pebin maitequeiba, daichitha awiya barapo xu xuxuwapona. <sup>28</sup> Daxota barapo xu xuxuwapona tsipei ira yawena xua barapo xu xuxuwapona. Copiya pepaboto xuwina, bapoxonaē pepato naexana. Bapoxonaē pepa xu xu dubena xua bichocono axucacu. <sup>29</sup> Poxonaē pepa xu xu naweta barapo matababitha pebin pona xua penotsinexa pocotsiwa naweta”, jei Jesús.

*Meje yabara poxonaē Jesús cuiduba pecayabara j̄uta pepaebi diwesiyo po peubi xutiyo pewan mostaza xutiyo*  
(Mt 13.31-32; Lc 13.18-19)

<sup>30</sup> Jesús barapomonaē tsipaeba, jeye: “Poxonaē Nacom waba jiwi xua petanaexanaenexatsi piamonaē tatsi pomonaē itorobiya peewatsixae, ŷeta po coyene nacoyene j̄upabe? ŷeta xua paca cuidubinchi xua baxua yabara? <sup>31-32</sup> Nacom pijimonae tatsi mataropeicha bichocono pinmonae tsoponae xua pomonaē jume cowantapona Nacom. Baraxua icha be mostaza xutiyo ichi po xutiyo bichocono tsica xutiyo beyacaincha xua icha pethei xutiyo. Barapo mostaza xutiyo pebin ūba pia pabitha. Xuwa beya pin nae tsoponae. Pepinnaexae daxota siri coton exana pemaxaranantha. Icha mostaza xutiyo ichi xua beya pin nae tsoponae, bara j̄uta ichi Nacom pejume cowantsiwichi, pomonaē bapon itorobiya peewatsixae. Bequein anoxuae tsica bicheitiyo, bexa tsane beya pin bicheito tsoponae tsane”, jei Jesús.

*Meje yabara poxonaē Jesús cuiduba jiwi pecayabara j̄uta pepaebi diwe-sixitha*  
(Mt 13.34-35)

<sup>33</sup> Jesús jiwitha ainya pecayabara j̄uta pepaebi diwesixi tsipaeba poxonaē cuiduba Nacom Pejume Diwesi, icha barapocotsi diwesixi ichi xuaunxuae po diwesixi paeba. Awiya cuidudubapona beya poxonaē barapomonaē xainwaicha yaputane. <sup>34</sup> Saya meisa barapomonaetha

Jesús cuidubeiba pecayabara j̄uta pepaebi diwesixi coyenexitha. Poxonae Jesús meisa pijimonae bar̄u eca, bapoxonae Jesús pijimonae yabara muxu yaputane exana pecayabara j̄uta pepaebi diwesixi coyexi.

*Meje yabara poxonae Jesús xainya ducuanaya exana joibo, yawa maratsacano xainya mene ducuanaya exanano*

*(Mt 8.23-27; Lc 8.22-25)*

<sup>35</sup> Barapo mataqueitha poxonae quirei tsanaicha Jesús pijimonae tsi-paeba, jeye:

—Antha poinchi icha muxunene beya, pucua beicha, jei Jesús.

<sup>36</sup> Bapoxonae Jesús pijimonae bar̄u wepu pona barapo pin bicheito. Bapoxonae Jesús pijimonae bar̄u poinchi jeratha, po jeratha Jesús cuidubeca barapo pin bicheito. Barichi icha jeranno naponano. <sup>37</sup> Bapoxonae mentha jemeicha naetaba pin joibo. Maratsacan jeratha mene othopa, muxu jera pebunarecae. <sup>38</sup> Ichitha Jesús jera tafetha maituncua, nantasipa yuyutuncua paparuwatha xua xota nacuenacuena. Jesús pijimonae yaubatsi, jeichichi:

—Pon pata Necuidubin, ¿jopa catsita ainya cuiyo xua waxainchi bunathopaeinchi? jei barapomonae.

<sup>39</sup> Bapoxonae Jesús asiya uncua, yawa joibo itawetaxuba. Jesús jeye maratsacantha:

—¡Barande, bara xainya mene ducuanayama! jei Jesús.

Bapoxonae joibo caewanaya, yawa mene xainya ducuanaya.

<sup>40</sup> Nexata Jesús barai pijimonae, jeye:

—¿Eta pocotsiwa metha bichocono pajunuwame? ¿Cataunxuae jopa pana nejume cui yabara jume cowantsim xua bara tana neitacupaewa xua tapaca yawenaewatsi? jei Jesús.

<sup>41</sup> Barapomonae bichocono najunt̄u coyene cabenaeca, yawa cae-monae natsipaeba najei:

—¿Metha jintamda baponda? ¡Jamaisa bapon itawetaxuba joibo yawa maratsacan xua daxita xainya dubenanaya! najei barapomonae.

## 5

*Meje yabara xua pebin pon caurimonae xeina pon Gerasa nacuapin*  
*(Mt 8.28-34; Lc 8.26-39)*

<sup>1</sup> Jesús, ir̄u pijimonae tatsi pata icha muxunene beya xua barapo pucuathiya. Po iratha Jesusbar̄u pata barapo ira pew̄n Gerasa nacua.

<sup>2</sup> Poxonae Jesús jera wenontouna bapoxonae patopa pebin pon caurimonae xeina. Bapon ibo wou weya patopa Jesth̄u. <sup>3</sup> Barapo pebin poponeiba ibo wountha. Dapon aibi pon itacupatsi xua bapon pecatsiwatsi, matautano metha bequein penaintotha tsipae. <sup>4</sup> Bapon matowa penaintotha taxu cubeibatsi, yawa max̄u cubeibatsi xua bapon peyapucaeneibinexa tsainchi. Daichitha bapon barapo nain nain epa xuneiba. Dapon aibi xua bapon pecui amanayabiwatsi. <sup>5</sup> Barapon mataqueitha poponeiba, yawa merawitha poponeiba. Matautano atororotha yawa ibo wountha wawai tsopoponeibi. Matautano ibotixitha pia coutha nathabeiba. <sup>6</sup> Poxonae barapo pebin Jesús taj̄u taebatsi, bapoxonae cuinaepona Jesús beya. Bapon pentabocototha uncua Jesús peitabaratha tatsi xua Jesús pebar̄u cui itura jinaexaetsi peainya cuinxae. <sup>7</sup> Bapon wawaya jeye Jesth̄u:

—Jesús pon Nacom Pexantom, pon peitabocotha eca, ¿eta pocotsiwa metha taxantha patopame? Jume daunweya cabaraichi jopa neperaxa exanaeinde, jei.

<sup>8</sup> Bapon baxua paeba tsipei Jesús copiya namchi, jeye:

—¡Caurimonae pam, bapon pawepu ponare! jei Jesús.

<sup>9</sup> Jesús yainyaba bapontha:

—¿Eta po wam? jei.

Bapon jume nota jeye:

—Tawun Ayei, tsipei paxan caurimonae pan ayei jiwi pan, jei bapon xua paeba exanatsi caurimonae.

<sup>10</sup> Barapo caurimonae Jesús muxu fayacotatsi xua bepa pinae barapomonae jopa bewa itawetichi icha nacua beya. <sup>11</sup> Ichaxota imoxoyo peitapatororotha baxota jinompa pin marranomona. Barapo marrano duweimonae xayompa peitapa tororotha. <sup>12</sup> Caurimonae Jesús wucatsi, jeye:

—Icha pana itawetame, moya pana nepu copabare marrano duweimonaetha, jei caurimonae.

<sup>13</sup> Bapoxonae Jesús copata xua bara caurimonae ponaena marrano duweimonaetha pebin weya. Barapo marranomonaе дѣсѣра. Pin pitapatororo othopareca. Pucuatha bunothopa. Yawa caurimonae cabunathopatsi. Barapo marranomonaе dos mil po duweimonaebe.

<sup>14</sup> Bapoxonae pomonaе peyapu eenaewi marranomonaе, barapomonaе bichocono junuwiya cuinaepona tomara beya, jiwi petsipaebinxatsi baxua yabara, yawa jiwi petsipaebinxatsi tomara cuariya beya. Bapoxonae jiwi pata petaenexa pocotsiwa Jesús cana exana pebintha. <sup>15</sup> Poxonae barapomonaе pata Jestutha, bapoxonae barapomonaе tane pebin pon bayatha cauri xeina. Barapo pebin moya eca, paparuwa nama xatatano, matautano jantema eca. Bapoxonae barapomonaе bichocono junuwa. <sup>16</sup> Pomonaе bayatha tane xua pocotsiwa Jesús bayatha cana exana pebintha, pontha pon cauri xeina, baxua yabara paeba ichamonaetha pomonaе pata. Matautano yabara paeba pocotsiwa Jesús cana exana marrano duweimonaetha. <sup>17</sup> Bapoxonae barapomonaе tamropata notarѣсѣра xua Jesús itawetatsi, jeye: “Maisa bewa warapaename Gerasa nacua weya, po nacua pata nacua weya”, jei barapomonaе.

<sup>18</sup> Poxonae Jesús jeratha nontabiya, bapo pebin pon bayatha caurimonae xeina, bapon Jesús wucatsi xua bepa pinae Jesús puna ponaetsi.

<sup>19</sup> Ichitha Jesús jopa copatsiyo xua pepuna ponaenexa tsainchi bapon. Saya jame Jesús bapontha jeye:

—Maisa jinya bo beya ponare ichaxota jinyamonae matabuxayo beya. Barapomonaetha tsipaebare daxita pocotsiwa Nacom cacana exana. Matautano barapomonaetha tsipaebare xua Nacom bara cayabara najuntá coyene xeina pia necayawenaenexa, jei Jesús.

<sup>20</sup> Bapoxonae barapo pebin ponataba. Matautano tamropata pitaba xua cueicueijejei daxita pocotsiwa bayatha Jesús cana exana bapontha. Barapon baxua tsipaeba Decápolis tomarantha, po toman xua diez po tomanbe xua imoxoyo nacacuita ena. Daxita jiwi barapo toman najuntá coyene cabenaeca poxonae jume tane xua barapon paeba.

*Meje yabara xua poxonae Jairo pexantiyo taaxaibi exanatsi; yawa yabara xua bapoxonae iru icha yabuyo axaibi exanatsi poxonae Jesús pia paparuwa tajayabatsiru*

(Mt 9.18-26; Lc 8.40-56)

<sup>21</sup> Poxonae Jesús caibeya pona jeratha icha muxunene beya pucua iya, bapoxonae pin bicheito Jesús pia xantha tapatatsi pitapatha.

<sup>22</sup> Bapoxonae caein patopa pon judiomonae pia penacaetutsi bo tatsi pecanamataxeinaewi jiwanamonaepin. Bapon pewun Jairo. Poxonae bapon Jesús tainchi, Jesús peitabaratha tatsi pentabocototha tauncuatsi.

<sup>23</sup> Bapon Jairo bichocono Jesús wucatsi. Jairo jeye:

—Taxantiyo muxu imoxoyo petupa. Anetha, inta taxantiyo necobetha mata jayabare, axaibi jinya neexanaenexa tsane. Bapoxonae inta asu pepoponaenexa tsane, jei Jairo.

<sup>24</sup> Bapoxonae nexata Jairo Jesús puna pona. Pin bicheito Jesús puna poinchi, yawa barapo bicheito tsaquibabatsi. <sup>25</sup> Barapo pin bicheitha iru napona yabuyo powa atene. Barapowa caena bayatha beya yadoce po weiyobe jopa xua pentabu janatha boca xua be nantawane. <sup>26</sup> Barapowa bichocono atene tsaiibi bequein siwa poneiba pomonaetha pomonae peyawubiwi jiwi. Barapomonae bapowa daxita cobe matapaeteibatsi paratixi xua bapowa peyawubixaetsi, daichitha bapowa jopa yawenaetsi baxua. Saya equeicha bichocono abe tsoponae bapowa. <sup>27</sup> Poxonae bapowa jume tane xua pinae juinya Jesús axaibi exana jiwi, bapoxonae bapowa imoxoyo caquita uncuataba Jesús peputha tatsi xua pin bicheitha. Barapowa Jesús pia paparuwa tatsi tajayabatsi xua peopirawa. <sup>28</sup> Barapowa pia coutha natsipaeba, najei: “Icha saya Jesús pia paparuwa tajayabin, bapoxonae axaibin tsane”, najei. <sup>29</sup> Poxonae barapowa tajayaba Jesús pia paparuwa tatsi, bapoxonae caena nainya bapowa ajaneibi tsanareca. Bapowa pia coutha nayaputane xua bayatha axaibi. <sup>30</sup> Jesús pia coutha nayaputane xua ichun axaibi peexanaewatsi, tsipei pia pepon weya taajiwanatsurucuaetsi pia peayapusu itorobi coyenewa tatsi. Bapoxonae Jesús napatomeicha necota jiwitha, jeye:

—¿Jintam inta paparuwa jayabara? jei Jesús.

<sup>31</sup> Nexata Jesús pijimonae jume notatsi, jeye:

—Apara xam bayatha taneme xua pin bicheito catsaquibaba. ¿Eta xua metha pana yainyabame: ‘¿Jintam metha inta paparuwa jayabara?’ jam? jei pijimonae tatsi.

<sup>32</sup> Ichitha Jesús daxita jupaya tane peyaputaenexa pon pejayabiwatsi.

<sup>33</sup> Barapowa bichocono junuwa, tsipei yaputane xua barapowa Jesús jayabatsi poxonae axaibi exanatsi. Barapowa jijiyeya patopa Jesthath, yawa pentabocototha uncu Jesús peitabaratha tatsi xua Jesús pebaru cui itura jinaexaetsi peainya cuinxae. Barapowa bara xainyeya paeba daxita pocotsiwa xua exana. <sup>34</sup> Jesús jeye barapowatha:

—Yabuyo, caaxaibi exanatsi tana neyabara jume cowuntsixaem xua bara tana neitacupaewa xua tacaaxaibi exanaewatsi. Saya juntemiya poponde. Bara axaibim tsabim tsane xua bara nepu tsitecae tsane, jei Jesús.

<sup>35</sup> Poxonae Jesús cataunxuae cueicueijei tsuncuae barapowatha, bapoxonae pata pomonae Jairo pia botha petanacuichi jiwichi. Bapon

Jairo pecanamataxeinaein judiomonae pia penacaetutsi bo tatsi. Barapomonae jeye Jairotha pon pexantiyo taatenetsi:

—Nexantiyo bayatha cata tupa. ¿Eta xua metha came fayacotame pon jwi Pecuidubin? jei barapomonae.

<sup>36</sup> Bequein bara baxua Jesús jume tane, ichitha baxua Jesús jopa jume naitaewatsiyo. Jesús jeye Jairotha:

—Jopa junuwinde, saya maisa nejume cowunde, jei Jesús.

<sup>37</sup> Bapoxonae Jesús jopa copatsiyo xua pepuna ponaewatsi tsainchi ichamona. Saya meisa Jesús copata, xua pepuna ponaenexa tsainchi Pedro, iru Santiago iru Juan pon Santiago peweicho tatsi. <sup>38</sup> Poxonae Jesusbaru pata Jairo pia botha tatsi, bapoxonae Jesusbaru tane pin bicheito xua ajumeyaexa. Barapomonae bichocono wecoyei, yawa wawai xua Jairo pexantiyo petatupaexaetsi. <sup>39</sup> Bapoxonae Jesús joniya botha, yawa tsipaeba barapomonaetha, jeye:

—¿Eta pocotsiwa metha paajumeyaexam, xua yawa pawecoyam? Barapo pexuyo apara jopa tupaeyo, apara maituncua, jei Jesús.

<sup>40</sup> Ichitha barapomonae Jesús jume cui caponatsi. Nexata barapo pin bicheito Jesús pesato beitaweya. Meisa saya Jesús baru joniya coxiyan, coxiwano ichaxota Jairo pexantiyo tatsi petupaeyo tabocatsi. Matautano Jesús pijimonae baru joniya poyobe acoibi poyobe. <sup>41</sup> Barapowayo Jesús cobe pita, yawa jeye:

—Talita, cum, jeichichi (xua apara jeichi: “Yabuyo, asiya uncuare, catsipaebatsi”, jei Jesús.)

<sup>42</sup> Barapoxonae barapowa caena nainya nontapona, powa xua doce po weibe xeina powayo Jairo pexantiyoaxae tatsi. Barapowa asiya uncua, yawa itacupatsi xua peponaewa. Barapoxonae barapo pin bicheito poxonae baxua Jesús cui tainchi najantu coyene cabenaeca. <sup>43</sup> Bapoxonae Jesús jume daunweya itoroba jiwitha xua baxua jopa peyabara paebinexatsi ichamonaetha pocotsiwa Jesús cana exana barapowayotha. Bapoxonae Jesús itoroba xua barapo pexuyo bara peapatsiwa tsainchi pexaewa.

## 6

*Meje yabara poxonae Jesús Nazaret tomaratha popona  
(Mt 13.53-58; Lc 4.16-30)*

<sup>1</sup> Nexata Jesús Capernaum tomara weya warapa, equeicha caibeya pia tomara beya warapa xua Nazaret tomara beya. Iruu Jesús pijimonae puna poinchi. <sup>2</sup> Poxonae judiomonae barompaya pia pentaquei seicae matabi tatsi tsuxubi, barapo matabitha Jesús tamropata pitaba xua cuiduba judiomonaetha judiomonae pia penacaetutsi botha tatsi. Pinmonae pomonae Jesús jume tayenatsi, barapomonae najantu coyene cabenaeca, jeye:

—¿Eta xota metha bapon nacuiduba daxita baxua jane? ¿Jintam metha cata bapontha barapo peyaputae coyene jane, xua daxota bapon pexeinya petsita itutsi coyenewa exana? <sup>3</sup> Apará bapon pon naepan pematabobin. Bapon apara María pexanto tatsi, apara iru Santiago pentapin tatsi, iru José pentapin tatsi, iru apara Judas pentapin tatsi, iru Simón pentapin tatsi. Apará bara iru pamchowaxi tatsi watararatha jinompa, jei barapomonae.

Daxota barapomonaē jopa xapain Jesús yabara jume cowantsichi. <sup>4</sup> Ichitha Jesús jeye barapo jiwitha:

—Daxita jiwī ba baru cui itura jina pontha pon Nacom peayapusu itorobi jume pepaebin. Nama pia tomarapiwi tatsi, iru piamonaē tatsi iru pia bomonaē matabu xuyomonaēpiwi tatsi, barapomonaē ba jopa bapon baru cui itura jinaetsi, jei Jesús.

<sup>5</sup> Daxota Jesús jopa itacupaetsi xua pexeinya petsita itutsi coyenewan peexanaewa barapo Nazaret tomaratha po tomara pia tomaraxae tatsi. Saya meisa Jesús axaibi exana tsicamonaeyo pomonaē peatenewi. <sup>6</sup> Jesús najuntu coyene cabenaeca, tsipei barapomonaē jopa yatsicaewa jume cowantsichi.

*Meje yabara poxonaē Jesús pijimonaē itoroba xua barapomonaē peyabara cueicueijeinexa jiwitha po coyene xua Nacom waba jiwī xua petanaexanaenexatsi pijimonaē tatsi*

*(Mt 10.5-15; Lc 9.1-6)*

Daxota Jesús cuidubapona tsiqwi tomaraxitha po tomaraxi ena Nazaret tomara pecuariya. <sup>7</sup> Jesús waba pijimonaē pomonaē doce poyobe tatsi. Jesús tamropata pitaba xua tsana itoroba tsiniya tomarantha be dos poyobe tsiniya. Jesús pijimonaē cata pia peayapusu itorobi coyenewa, xua pijimonaē tatsi peitawetsinexa caurimonaē. <sup>8</sup> Jesús pijimonaē itoroba, xua pijimonaē tatsi jopa pecaponaenexa pocotsiwan xua poxonaē namtontha peponaenexa. Itoroba xua saya meisa pecaponaenexa naeton po naeton penacobena bababi naeton. Jopa bewa barapomonaē pecaponaenexa cotein, yawa jopa bewa pecaponaenexa pexaewan, yawa jopa bewa pecaponaenexa paratixi. <sup>9</sup> Yawa Jesús pijimonaē itoroba xua bara nataxu xatabina sapaton, po sapaton pebuxumubiwan. Matautano barapomonaē bewa nama xatabina saya be cae camisan. Jopa bewa caponaē icha camisan. <sup>10</sup> Jesús pijimonaē barai, jeye:

—Poxonaē papatame tomaratha moya bara paenare po botha papatame, xua beya abu poxonaē pawarapaename barapo tomara weya. <sup>11</sup> Icha, icha tomarapiwi jopa paca matenta weyataeya wabiyo, matautano icha jopa paca jume naitawatsiyo pocotsiwa papaebame, nexata bapoxonaē barapo tomara weya pawarapare. Po tsorobon painya taxutha dubena panataxu wenu nababare barapo tomaratha. Baxua paexande xua barapomonaē peyaputaenexa xua apara barapomonaē abe exana paxamtha, jei Jesús.

<sup>12</sup> Bapoxonaē Jesús pijimonaē tatsi ponarucupa Jesús pia xainya weya tatsi. Barapomonaē cueicueijeji jiwitha xua bewa pinaē jiwī icha juntu coyene xeinaē Nacomtha xua peuraxae xua abe peexanaē cuiru coyene exana Nacomtha. <sup>13</sup> Barichino barapomonaē taitaweta cauri pomonaē cauri xeina. Matautano barapomonaē caxueba penasiwatha pomonaē peatenewi. Bapoxonaē barapomonaē axaibi exana pinmonaē pomonaē peatenewi.

*Meje yabara poxonaē Juan bexotsi pon Pebautisabin jiwī*

*(Mt 14.1-12; Lc 9.7-9)*

<sup>14</sup> Herodes pon Galilea nacuapiwi itorobiya pia pepa peewatsinchi bapon jume tane xua juinya jiwī daxita jume tane pocotsiwa Jesús exana. Daxota bapon jeye:

—Juan pon jiwi Pebautisabin pon bequein bayatha tupa, equeicha asu juina. Daxota barapon Jesús xeina barapo peayapusu itorobi coyenewa xua exana pexeinya petsita itabi coyenewan, jei Herodes.

<sup>15</sup> Ichamonaе Jesús yabara jeichichi:

—Bapon apara Elías xua equeicha asu, pon bayatha tupa, jei.

Irusu ichamonaе jeye:

—Bapon apara pon Nacom peitorobi jume pepaebin icha pomonaе ichi pomonaе Nacom peitorobi jume pepaebiwi pomonaе caena bayatha jinompa, jei xua ichamonaе paeba.

<sup>16</sup> Poxonaе Herodes baxua jume tane, jeye:

—Apara bapon Juan, pon yabara xua bayatha najume carutan xua bapon pewisi ucuibiwatsi. Anoxuae bapon equeicha asu petupae cuiru coyene weya, jei Herodes.

<sup>17</sup> Herodes baxua paeba, tsipei caena bayatha Herodes cui itoroba xua Juan pewaetabinexatsi, matautano xua pemaхu cubinexatsino matautano xua jiwi pecabi botha peetsinexatsi. Herodes baxua exana tsipei piowa tatsi powa pewun Herodías pia coutha baxua peichichipaexae. Barapowa copiya Felipe xeina pon Herodes peweicho tatsi. Herodes peweicho yacaiba yabuyo. <sup>18</sup> Daxota Juan jiwi pecabi botha etatsi, tsipei Juan Herodes tsipaebatsi, jeichichi: “Nacom pia peitorobi coyenewa jopa copatsiyo xua xename bapowa tsipei bapowa eweicho piowa tatsi”, jei Juan.

<sup>19</sup> Daxota bapowa Herodías Juan bichocono casebatsi. Bequein bapowa ichichipa xua Juan pecaenaetaxubiwatsi xua ichamonaе pebexubiwatsi tsainchi, ichitha jopa itacupaetsi bapowa. <sup>20</sup> Herodías jopa itacupaetsi xua peexanaewa baxua, tsipei Herodes Juan cunuwatsi. Bapon yaputane xua Juan bara xaniwaicha peexanaein, xuano matautano bara juntu coyene xanepana Nacomtha. Daxota jopa copatsiyo xua Juan bara abe pecana exanaenexa tsainchi. Bequein Herodes yabara unthathu deideije pocotsiwa Juan pepaebixae, daichitha awiya ichichipa pocotsiwa Juan pepaebiwa. <sup>21</sup> Ichitha matabi jopa, po matabitha Herodías itacupaetsi xua Juan abe pecana exanaewatsi. Herodes yantacabi jopa, po matabitha caena bayatha Herodes naexana poxonaе pexuyo. Barapo matabitha Herodes exana pin penabanaewa. Bapon waba pomonaе iru pentacaponaewi, pomonaetha itoroba xua iru tacanamataxeinatsi icha tomarantha. Iruno wabano pomonaе soldadomonaе pia pepa pentacaponaewi tatsi. Iruno wabano pomonaе ainya cui penaexanae jiwi Galilea nacuatha. <sup>22</sup> Herodías pexantiyo tatsi patopa po tututha ichaxota nabanathopa. Barapowa tsita yaweibuncua xua barapomonaе tane. Baxua Herodes ichichi xeica xua bapowa yaweibuncua. Irusu pomonaе baxota naxayena, ichichi xeica baxua. Bapoxonaе Herodes jeye bapowatha.

—Newucare pocotsiwa xua neichichipaewa, bapoxonaе cacatsinchi jinya beta neyaweibixae, jei Herodes.

<sup>23</sup> Bapon Herodes yabara tsiwunaе muxu dutsiya jeye:

—Bara cacatsinchi pocotsiwa xua newucame. Metha bequein newucaetsipame xua tanacua epa toyatsipan baraxua bara cacatsinchi, jei.

<sup>24</sup> Barapowa pona xua peyainyabinexa pena, jeye:

—Ena, ¿eta pocotsiwa metha wucacuaein? jei.



Barapowayo pena jume notatsi, jeye:

—Wuꞥcare Juan pentasipa tatsi, pon jiwi Pebautisabin matasipa, jei Herodías.

<sup>25</sup> Barapowayo barapoxonae caena nainya pona ichaxota eca Herodes. Jeye bapontha:

—Ichichipan xua nainya anoxuae tanecatsiwam tsane paratontha Juan pentasipa tatsi, pon jiwi Pebautisabin matasipa, jei.

<sup>26</sup> Barapoxonae Herodes bichocono unthuthu wecoyei. Ichitha tsipei bayatha yabara petsiwanae muxu dutsixae xua bepa pinae catsina pocotsiwa wuꞥcaeinchi, matautano tsipei pejume taexaetsi pomonae bayatha waba, daxota Herodes jopa bejume totabiyo pocotsiwa wuꞥcatsi.

<sup>27</sup> Bapoxonae caena nainya Herodes itoroba soldadomonaepin xua pecarenaenexa tsane paratontha Juan pentasipa tatsi. Bapon pona jiwi pecubi bo beya. Baraxotiya Juan wisi ucuibatsi. <sup>28</sup> Barapo soldadomonaepin matasipa carena paratontha. Bapon cata yabuꞥyotha. Barapowayo xuya pena cata.

<sup>29</sup> Pomonae Juan pia pepuna jinompaewichi jume tane xua pinae Juan bexotsi. Barapoxonae barapomonae pona jiwi pecubi bo beya xua Juan pepichinexa tsainchi petuꞥpaein, yawano xua peboyaenexa tsainchi ibo wou muthu iya.

*Meje yabara poxonae Jesús apata pexaewa cinco mil pebiwi  
(Mt 14.13-21; Lc 9.10-17; Jn 6.1-14)*

<sup>30</sup> Barapoxonae pirapae Jesús pia peitorobiwi tatsi, Jesús baru nacaetutatsi. Barapomonae Jesús tsipaebatsi xua daxita pocotsiwan barapomonae peexanaexae, yawano pocotsiwa xua bayatha barapomonae cuiduba. <sup>31</sup> Jesús pijimonae tsipaeba, jeye:

—Anetha poinchi, xua wanaffina ewatsinexa tsainchi saya caeto ichaxota jiwaibi beya, jei Jesús.

Daxota Jesús baxua paeba, tsipei pinmonae Jesús itata pateibatsi, xua poxonae naepanaya poneiba. Daxota Jesús iru pijimonae tatsi jopa itacuꞥpaetsi xua pexaewa tsane. <sup>32</sup> Barapoxonae Jesús, iru pijimonae tatsi compa ponaruꞥcuꞥpa jeratha ichawatha beya xua ichaxota jiwaibi beya. <sup>33</sup> Ichitha pin bicheitomonae tane poxonae Jesús iru pijimonae tatsi jeratha pona. Barapo pin bicheitomonae Jesusbaru yaitainchi. Barapo pin bicheitomonae daxita tomaran wecuinaeyiya. Bapoxonae pata ichaxota jiwaibi beya. Barapomonae tsiwanaya patatsi Jesús.

<sup>34</sup> Poxonae Jesús jera wenontouna bapoxonae Jesús tane pin bicheito. Jesús yabara najuntu coyene xeina xua barapomonae peyawenaenexatsi. Barapomonae jopa xeinaeyo pon peyawenaein barapomonaetha icha be oveja ichi poxonae jopa xeinaeyo pon peyapu eenaein. Daxota Jesús barapomonaetha cuiduba ainya coyenein. <sup>35</sup> Poxonae tabopiya tsanaichaba Jesús pijimonae itata patatsi, jeye Jesththa:

—Bayatha tabopiya tsanaicha. Xote apara bon ajibi xua ichaxota jiwi jinompa. <sup>36</sup> Barapomonae itorobare ichaxota po bon pipatotha umena yawa ichaxota xua tomaranxitha xua imoxoyo wacuariya xua barapomonae pecomocaewa pexaewa. Tsipei xote pexaewa ajibi, jei pijimonae tatsi.

<sup>37</sup> Ichitha Jesús pijimonae barai, jeye:

—Paxam jame moya paapare pexaewa, jei.  
Barapomonae jeye:

—¿Xam ichichipame xua pata upain comocaewa tsane barapo bicheitomone ainya panmonaein xua pata comocaenexa doscientos po paratiximonaebetha pocotsi paratiximonaebe xeineiba pomonae nacuiteiba doscientos matabibetha? jei barapomone.

<sup>38</sup> Jesús barai pijimone, jeye:

—Pan ¿eta xoyobe paxeiname? Incane matha pataema, jei.

Poxonae barapomone yaputane jeye Jesthath:

—Cinco po panyobe, yawa dos poyobe duweiyobe, jei barapomone.

<sup>39</sup> Jesús pijimone najume caruta xua bepa daxita barapo bicheito iratha taenaetsei naepanaewatha xua pepa bicheiton tsana naexana tsiniya. <sup>40</sup> Barapo pin bicheito pepa bicheito naexana tsiniya. Icha bicheito cien poyobe tsiniya. Icha bicheito cincuenta poyobe tsiniya. <sup>41</sup> Barapoxonae Jesús pecobetha pita pan cinco po panyobe. Yawa pita duweiyobe xua dos poyobe. Bapoxonae Jesús peitaboco benecoicha, Nacomtha tsipaeba jeye: “Axa maisa juntu coyene weiweinan, xua pexaewa pata tanecatsiwaxaem”, jei Jesús. Barapoxonae Jesús epa janaxuba pan. Jesús pijimone cata barapo pan, xua pijimone tatsi xuya pecatsibaponaenexa barapo pin bicheitotha. Barichi Jesús duweiyobe epa janaxubabe. Bapoxonae apata barapo pin bicheitotha. <sup>42</sup> Barapo pin bicheito bara daxita nabane. Bara jain cowantarucupatsi. <sup>43</sup> Barapoxonae Jesús pijimone tatsi doce po cotebe wamba xua naco-paba xua bayatha barapo jiwu jopa xaeyo petonsanaexae. <sup>44</sup> Pomone xua barapo pan pexaexae barapomone cinco mil pebiwimone.

*Meje yabara poxonae Jesús mene matatsun jumatha pona*

*(Mt 14.22-27; Jn 6.16-21)*

<sup>45</sup> Pirapae Jesús pijimone itoroba xua peponaenexa jeratha, xua icha muxunene beya. Barapomone Jesús tsiwana payatsi Betsaida tomara beya. Barapoxonae Jesús napeyaba barapo pin bicheito. <sup>46</sup> Poxonae Jesús napeyaba barapo pin bicheito, bapoxonae Jesús pona demxuwatheicha xua petsipaebinexa Nacomtha. <sup>47</sup> Poxonae bayatha quirei tsanaicha, bapoxonae Jesús pijimone tatsi iru jeratha tuwatha yanapona. Jesús iru compa pecaetha popona. <sup>48</sup> Jesús tane xua barapomone bichocono daunweya nowaeta tsipei dawerena bichocono joibo daunwei. Poxonae mataqueiwunaeyo tsoponae, Jesús pijimone imoxoyo caquita pona. Bapon mene matatsun jumatha pona. Jesús juntucuru xenta iya barapomone. <sup>49</sup> Poxonae Jesús pijimone tainchi xua mene matatsun jumatha pona, barapomone itaraerowiya nanta xeina, xua Jesús itara mexeya dowatsiwejei. Yawa barapomone wawai. <sup>50</sup> Daxota barapomone bichocono wawai, tsipei daxita barapomone tane, yawa bichocono cuitaya junuwa. Ichitha Jesús barai barapomone, jeye:

—¡Apara xan! ¡Jopa pajunuwinde! ¡Maisa pajuntu coyene weiweinare! jei Jesús.

<sup>51</sup> Bapoxonae Jesús jeratha nontabiya barapomone pia xantha tatsi. Barapoxonae joibo caewanaya exana. Barapomone bichocono najuntu coyene cabenaeca. <sup>52</sup> Barapomone baxua exana, tsipei barapomone cataunxuae jopa yaputaeyo xua apara Jesús pon Nacom itoroba. Bequein bapon pexeinya petsita itatsi coyenewa exana poxonae apata pan pin bicheitomaetha, barapomone jopa beyaputaeyo pia juntu coyenewantha.

*Meje yabara poxonae Jesús axaibi exana pomonae peatenewi, pomonae Genesaret nacuapiwi*  
(Mt 14.34-36)

<sup>53</sup> Jesús, iru pijimonae tatsi bara pitapa berubenathopiya xua pucua weya. Genesaret nacuatha pata. Baxota jera quetanota pitapatha. <sup>54</sup> Poxonae Jesús jera wenontouna, bapoxonae caena nainya pinmonae Jesús yaitaerucupatsi. <sup>55</sup> Bapoxonae barapo jiwi bara wecuinaeyiya daxita barapo ira weya. Matautano carendena pocotsiwa pemaichiwatha pomonae atenemonae, Jesús pia xainya betacayiyatsi. <sup>56</sup> Daxitantha ichaxota Jesús ponaena, ichaxota bequein tsica tomaraxi, ichaxotano bequein pin tomaran, ichaxotano bequein tomaran cuariya, daxita barapomonae capona peatenewimonae. Barapo peatenewimonae jebatsi namtontha. Barapomonae Jesús wucatsi xua Jesús petajayabinexatsi pia paparuwa peopirato tatsi. Daxita pomonae Jesús pia paparuwa tajayabatsi daxita barapomonae axaibi tsurucupeibi.

## 7

*Meje yabara poxonae Jesús yabara paeba xua pebin abe peexanae cuiru coyene juntu webocatsi*  
(Mt 15.1-20)

<sup>1</sup> Nexata fariseomonae, iru pomonae jiwi pecuidubiwi Moisés pia peitorobi coyene tatsi xua pomonae Jerusalén tomara werendena, daxita barapomonae Jesús imoxoyo caquita poinchi. <sup>2</sup> Barapomonae tane xua Jesús pijimonae tatsi jiwana najuntu coyene taxoba xuano xua daxota Nacom tsita natsicuentatsi abe peexanaexae poxoru jopa matha nacobe quiatsiyo poxonae xane. Daxota barapomonae nanta xeina xua Jesús pijimonae tatsi pomonae peantucuiruyapube jiwi. <sup>3</sup> (Barapomonae aichaxaibi xua Jesús pijimonae tatsi jopa matha nacobe quiatsiyo poxonae xane, tsipei fariseomonae iru daxita judiomonae jopa daichiyo. Barapomonae pia cui xeina xua jopa xaibiyo poxonae jopa matha tsiwanaya daunweya nacobe quiateibiyo. Barapomonae barapo cui coyene exana xua po cui coyene pia pamo susato jiwi tatsi copiya cananta forota. <sup>4</sup> Poxonae barapomonae caibe nawibeibarena ichaxota po bon xua pexaewa pecaenaetsiwan weya, bapoxonae copiya tsiwanaya merantha naperu tsicababeiba xua poxonae xane. Barichi barapomonae icha coyeneinno exanapona xua peitorobi coyenewantha itoroba xua poxonae corotixi itapa quiata, yawano corotonno xua caseta itapa quiata yawano paraton po paraton pecaxae paraton itapa quiata yawa caman.) <sup>5</sup> Bapoxonae fariseomonae, iru pomonae jiwi pecuidubiwi Moisés pia peitorobi coyene tatsi, jeye Jesustha:

—¿Eta xua metha jinya jiwimonae jopa exanaeyo xua pocotsiwa wamo susato jiwi pia peitorobi cui coyenewatha itoroba xua penajuntu coyene taxobiyainwa? Jinyamonae barapo cui jopa exanaeyo xua jopa matha tsiwanaya nacobe quiateibiyo poxonae beya xaiba. Daxota jinyamonae pomonae peantucuiruyapube jiwi xua penajuntu coyene taxobixae, jei barapomonae.

<sup>6</sup> Jesús jume nota barapomonae, jeye:

—Bara Isaías pon Nacom peitorobi jume pepaebin beta xaniwaicha paca yabara paeba xua paxam pomonae itara mexeya xanepanaeya

pepaebi jiwi pam, daichitha apara abeya peexanae jiwi pam. Bapon paca yabara tinaeya jeye, xua Nacom paeba: 'Barapomona neyabara baru cui itura jina poxonae cueicueije tsaibi, ichitha pejantu coyenewantha jopa neantobeyo.

<sup>7</sup> Pocotsiwa poxonae barapomonae wuna nejointa saya pejume paw.

Po pecuidubiwa xua barapomona cuiduba jiwitha saya apara jiwi pia peitorobi coyenewa tatsi', jei Nacom xua Isaías tatina Nacom, jei Jesús.

<sup>8</sup> Equeicha Jesús jeye barapo fariseomonaetha iru pomonaetha pomona pecuidubiwi Moisés pia peitorobi coyene tatsi:

—Saya paxam panaitematame pocotsiwa Nacom pia peitorobi coyenewa tatsi painya exanaenexa po peitorobi coyenewa painya amo susato jiwi copiya canamata forota. Paxam baxua paexaname poxonae jiwi paitorobame xua jiwi matha penacobe quiateilbinexa poxonae xaiba penajantu coyene taxobiyainwa, jei Jesús.

<sup>9</sup> Equeicha Jesús barapomonaetha jeye:

—Itapetsiya painya nexanaenexa pocotsiwa painya amo susato jiwi pia peitorobi coyenewatha itoroba, daxota bichoina pajume itawetame Nacom pia peitorobi coyenewa tatsi. <sup>10</sup> Bayatha Moisés pia peitorobi coyenewatha itoroba, jeye: 'Axa baru cui itura jinare, iru ena baru cui itura jinare', jei. Equeicha bapon Moisés jeye: 'Pon abe yabara paeba paxa, xua jopa peyawenaewa paxa ichacuitha tsipae xua penatha, bara bapon bewa tupaena', jei Moisés. <sup>11</sup> Ichitha paxam papaebame, xua pinae pebin bara itacupatsi xua paxatha tsipaeba, ichacuitha xua penatha xua jeye: 'Jopa neitacupaeyo xua tapaca cayawenaewatsi, tsipei daxita pocotsiwa xeinan xua bequein pocotsiwatha tapaca cayawenaewatsi tsainchi baxuan daxita Nacomtha catan', xua jei pebin. <sup>12</sup> Poxonae peburaya payabara nanta xeiname xua bapon baxua paeba, bapoxonae bara pacopatame xua barapo pebin jopa penantawenonaewa xua peyawenaewa paxatha, iru xua penatha. <sup>13</sup> Poxonae paexanaponame pocotsiwa painya amo susato jiwi pia peitorobi coyenewatha itoroba, xuano xua ichamona pacana exaname xua baxua iru exana bapoxonae paxam Nacom pia peitorobi jume pecui paw jume pacana exaname. Barichi ichawanno xua be jupa xua peabe coyenein paexanamen, jei Jesús.

<sup>14</sup> Equeicha Jesús waba barapo bicheito pia xainya berena, jeye:

—Daxita paxam pana nejume taema yawa pana nejume copi yaputaema pocotsiwa paca tsipaebinchi. <sup>15</sup> Pocotsiwa ba pebin pecoiboto deca tsjain jojonecatsi pexaewan, barapo coyene apara ba jopa bapana pebin antacuiruyapube exanaetsi xua poxonae pocotsiwa peexanaexae. Jame pocotsiwa ba pebin nanta xeina xua pecoibototha caunuta xua peabe jume, barapo jume coyenewatha jame pebin antacuiruyapube exanatsi xua poxonae pecueicueijeixae baxua. <sup>16</sup> Icha pamuxu dubename, moya pana nejume naitaeware pocotsiwa tapaca tsipaebiwatsi, jei Jesús.

<sup>17</sup> Poxonae Jesús jiwi cuenta pona yawa bo bejoniya, bapoxonae Jesús pijimona yabara yainyabatsi barapo pecayabara jata pepaebi diwesiyo. <sup>18-19</sup> Jesús jume nota pijimona jeye:

—jPaxam bara paichim icha fariseomonaē ichi! Jopa payabara yapuraem barapo pecayabara juta pepaebi diwesiyo xua pexaewa yabara. Bayatha paxam payaputaneme pocotsiwa pebin tsjain jojonecatsi pexaewa pecoiboto deca, barapo pexaewa jopa abe cana exanaeyo pebin pia jantū coyenewa. Barapo pexaewa pebin jopa antacuiruyapube exanaetsi. Barapo pexaewa jopa ponaeyo pia jantū coyenewatha. Jame barapo pexaewa pecotsorotha pona. Bapoxonae pexaewa aichurucuae nawexacaeca, jei Jesús.

Poxonae Jesús baxua paeba jiwi yaputane xua daxita pexaewan bara wñnae pexaenexa. Jopa jiwi antacuiruyapube exanaetsi. <sup>20</sup> Equeicha Jesús namchi, jeye:

—Pocotsiwa pebin pecoibototha caunuta xua peabe jume, barapo jume coyenewatha jame pebin antacuiruyapube exanatsi. <sup>21-22</sup> Tsipei pejantū coyenewatha pebin nanta xeina, xua meje bapocotsiwanje: Abe penanta xeinae coyenewa, irū peita coxanae coyenewatsi coyenewa xua poxonae penayaputae jiwi naperū nacoyaba, irū ichūn piawa tatsi pecaibi coyenewa, irū ichūn anaya pebexotsi coyenewa, irū ichūn piseuri tatsi pepichi coyenewa, irū ichūn piawa tatsi peichichipae coyenewa, irū abe peexanae coyenewa, irū ichūn pemuxuitorobiwatsi coyenewa, irū peyūyūjei coyenewa, irū peūwi coyenewa, irū ichūn peyabara naerabiwatsi coyenewa, irū ichamonae paebi coyenewatsi, irū jopa xainyeya peexanae coyenewa poxonae bequein yaputaetha xua jopa bewa exanae. <sup>23</sup> Daxita barapo coyenein pejantū coyene weya jume pichapa. Barapo jume coyeneintha pebin antacuiruyapube exanatsi, jei Jesús.

*Meje yabara poxonae yabūyo powayo penanapaincha poponaewayo Jesús jume cowñntatsi*  
(Mt 15.21-28)

<sup>24</sup> Bapoxonae Jesús bara weya pona. Tiro tomara beya pona. Sidón tomara beya ponano. Jesús botha joniya. Bequein Jesús aichaxaibi xua jiwi yaputane ichaxota bapon eca, ichitha Jesús jopa itacupaetsi xua nameicha eca. <sup>25</sup> Barapoxonae caena nainya petsiriwa jume tane xua Jesús botha eca. Barapowa pexantiyo tatsi cauri xeina. Daxota barapo petsiriwa patopa Jesustha. Yawa pentabocototha unca Jesús peitabaratha tatsi xua bapowa petsita ainya cuixaetsi. <sup>26</sup> Barapowa penanapaincha poponaewayo pecueicueijeixae griegojume. Jopa judiomonaē jitowayiyō. Bapowa sirofeniciamonaewayo naexana penaexanaexae Fenicia tomaratha xua Siria nacuatha. Barapowa Jesús wñcatsi jeye:

—Taxantiyo inta taitawere cauri, jei barapowa.

<sup>27</sup> Ichitha Jesús jume nota barapowatha pecayabara juta pepaebi diwesiyotha, jeye:

—Jopa bewa ba auri apatsi pexaewa pocotsiwa pexui pia pexaewa tatsi. Baxua caunutsiya apara yabara paeban xua jopa bewa catsin tsane pomonaetha pomonaē penanapaincha jinompaewi pomonaē jopa judiomonaē naexanaeyo xua pocotsiwa barompaya judiomonaē piawa tatsi. Daxota jopa wñnaeyo xua cayawenatsi, jei Jesús.

<sup>28</sup> Barapowa jume nota Jesustha pecayabara juta pepaebi diwesiyotha, jeye:

—Aa, bara barichi xuaunxuae netsipaebame ponxaem Tanecanamataxeinaem. Xainyei paebame. Jopa ba bewa auri catsibi pexui

pia pexaewa tatsi. Daichitha auri ba xane pocotsiwa pexui sorobaba barapo pepurawixi pocotsiwa pexaethopaewa pebuxupana tsica othopeica. Bara jutiya ichiya necana ichinde, daichitha neyawende, jei bapowa.

<sup>29</sup> Barapoxonae Jesús barai barapowatha, jeye:

—Bara xaniwaicha paebame daxota cayawenatsi. Moya bara bara beya ponare. Bara bayatha nexantiyo wepu poinchi cauri, jei Jesús.

<sup>30</sup> Poxonae barapowa patopa pia botha, pexantiyo taebota xua matha jantema boca. Matautano tane xua bapowayo bayatha wepu poinchi cauri.

*Meje yabara poxonae Jesús axaibi exana pon pemuxusipanaein*

<sup>31</sup> Bapoxonae Jesús Tiro tomara weya pona, xua caibeya pona, ichaxota Sidón tomara iya pona. Matautano ichaxota diez po tomaranbe iya pona po tomaran pewun Decápolis. Bapoxonae Galilea pucuatha patopa.

<sup>32</sup> Baraxotiya Jesús pia xainya berena tacapoinchi pebin pon muxusipana, matautano xua jopa itacupaetsi xua pecueicueijejewa. Pomonae pecarendenaexae bapon, barapomonae Jesús wacatsi, xua Jesús penta jayabiwa tsane xua bapon axaibi peexanaenexa tsainchi. <sup>33</sup> Barapo pebin Jesús aisowa bebaru poinya pin bicheito pia xainya weya tatsi. Jesús pecobesitobetha nantiyabe muxu yauxatata. Poxonae naone sutaba peone pecobetha bapoxonae barapo cobetha ebato jayaba bapontha. <sup>34</sup> Bapoxonae Jesús peitaboco benecoicha, yawa najumei cajujuina, yawano jeino bapontha: “¡Efata!” jeichichi, (xua jeichichi: “¡Muxu nasabare!” jeichichi.)

<sup>35</sup> Bapoxonae caena nainya bapon muxu nasaba nantiyabe. Matautano bara ebato xanepana. Matautano bara itacupaetsi xua pecueicueijejewa beta. <sup>36</sup> Bapoxonae Jesús barai barapomonae, jeye: “Jopa ichamonaetha pana neyabara paebinde pocotsiwa exanan”, jei Jesús. Bequein Jesús matowa tsipaeba baxua, daichitha barapomonae awiya baxua yabara paebeiba ichamonaetha beyacaincha xua Jesús jume matawenta. <sup>37</sup> Barapomonae najuntu coyene cabenaeca, yawa jeino: “¡Maisa barapon bichocono daxita coyeneya xanepana exana! Pomonae pemuxusipanaewi equeicha beta jume tane, yawa bara cueicueijejé”, jei barapomonae.

## 8

*Meje yabara poxonae Jesús pexaewa apata cuatro mil pebiwi*  
(Mt 15.32-39)

<sup>1</sup> Bapoxonae icha matabitha pinmonae nacaetuta Jesús pia xantha tatsi. Jopa xeinaeyo pocotsiwa xua pexaewa tsane. Bapoxonae Jesús waba pijimonae, yawa jeye:

<sup>2</sup> —Barapomonae yabara najuntu coyene xeinan tayawenaenexa, tsipei barapomonae bayatha xote nebaru jinompa acoibi po matabibe. Anoxuae jopa xeinaeyo xua pocotsiwa pexaewa tsane. <sup>3</sup> Icha barapomonae jainbotha pu itorobichipan pia bon beya, piyain namtotha xuirabathopaetsipa. Metha xuirabathopaetsipa tsipei ichamonae bayatha taju werendena, jei Jesús.

<sup>4</sup> Jesús pijimonae jume notatsi, jeye:

—Paxan jopa pana itacupaeyo xua barapomonae pexaewa pata apatsiwa, tsipei xote jiwaibi xua pata comocaenexa pexaewa, jei Jesús pijimonae tatsi.

<sup>5</sup> Jesús yainyaba pijimonae, jeye:  
—¿Eta po panyobe paxeiname? jei.  
Jesús jume notatsi pijimonae, jeye:  
—Siete po panyobe paxeinan, jei.

<sup>6</sup> Nextata Jesús pijimonae najume caruta xua bepa pinae barapo jiwi iratha taenaetsei. Jesús pecobetha pita barapo siete panyobe. Bapoxonae Nacomtha tsipaeba jeye: “Axa, maisa jũntũ coyene weiweinan xua pexaewa pata tanecatsiwaxaem”, jei Jesús. Bapoxonae Jesús pan epa janaquiya nacobe weta. Bapoxonae Jesús pijimonae catsibapona, xua pijimonae tatsi xuya pecatsibaponaenexa barapo bicheitotha. <sup>7</sup> Barichino barapomonae be conotha xeina duweixi poxi tsiquirixi. Jesús Paxa tsipaeba jeye: “Axa, maisa jũntũ coyene weiweinan xua pata tanecatsiwaxaem duweixi”, jei Jesús. Poxonae Jesús epa janaca, bapoxonae pijimonae cobe itoroba xua pecatsibaponaenexa barapo bicheitotha. <sup>8</sup> Daxita barapomonae bara xane. Daxita bara jain cowantarcupatsi. Pirapae awiya equeicha wũmba siete po cotebe xua nacopaba pocotsiwa xua barapomonae bayatha jopa xaeyo petonsanaexae. <sup>9-10</sup> Pomonae nabane pexaewa, barapomonae cuatro mil pebiwi. Bapoxonae Jesús pu itoroba barapomonae, xua penawibiyaenexa pia tomaran beya. Bapoxonae caena nainya Jesús, irũ pijimonae tatsi, jeratha nonobabiya pewarapaenexa Dalmanuta nacua beya.

*Meje yabara poxonae fariseomonae Jesús cui itorobatsi xua peexanaewa tsane pexeinya petsita itũtsi coyenewa*  
(Mt 16.1-4; Lc 12.54-56)

<sup>11</sup> Bapoxonae fariseomonae pata Jestustha. Barapomonae tamropata notarcupa xua najume matsontsonoba exana Jestustha. Barapomonae Jesús pejũntũ coyene jũjũtsinexatsi, daxota Jesús piraichi cui itorobatsi pia petsita itũtsi coyenewa pocotsi coyenewa xua cana exana itaboco wetsica. Barapomonae jopa bapon jume cowantsichi icha jopa itacupaetsi xua exana petsita itũtsi coyenewa. <sup>12</sup> Jesús najumeicauna pejũntũ coyene weya poxoru barapomonae bapon amuxucoyenefaetabi exanatsi. Bapoxonae jeye:

—¿Eta pocotsiwa metha barapomonae tapexeinya tsita itũtsi coyenewa necui itoroba jane? Bara xainyeya paca tsipaebatsi jopa bapana beexanaeinyo baxua, xua barapomonae necui itoroba, jei Jesús.

<sup>13</sup> Bapoxonae Jesús cuenta pona barapomonae jeratha, peponaenexa icha muxunene beya xua pucua iya.

*Meje yabara poxonae Jesús pijimonae yabara yaputane exana pocotsiwa pan cotowa exana*  
(Mt 16.5-12)

<sup>14</sup> Jesús pijimonae tatsi jũntemaina xua capona pan. Meisa cae pan capona jeratha, po nae pin naetha. <sup>15</sup> Jesús itoroba pijimonae, jeye:

—Dota pam, jopa pajume naitawatsinde fariseomonae pia pecuidubi coyenewa tatsi xua painya nejume cowantsiyainwa. Mataũtano dota pam, xua Herodes pia pecuidubi coyenewa tatsi xua painya nejume cowantsiyainwa. Barapo pecuidubi coyenewan jiwi ichawa beya ajũntũcicoyeneyapube cana exanapoinchi icha be pocotsi coyene ichi xua levadura matawũn xua pan cocotowa exanapona beya poxonae pin pan, jei Jesús.

16 Jesús pijimonaе tatsi tamropata notaruçupa xua caemonae natsipaeba, najei: “Metha apara poxoru jantemainatsi xua caponatsi po pan xua levadura cotowa exana, daxota metha baxua Jesús jantu coniquiya naca muxu tsipaeba”, najei barapomonaе.

17 Jesús yaputane pocotsiwa pijimonaе tatsi natsipaeba. Ichitha poxoru Jesús yabara paeba xua fariseomonaе iru Herodes pia pecuidubiwan tatsi daxota Jesús yainyaba piamonae:

—¿Eta xua metha pana natsipaebame xua jopa painya necaponaexae pan? Baxua papaebame apara poxoru jopa pana nejume yabara cowantsim pocotsiwa paca cuidubatsi. Cataunxuae jopa pana necui yabara yaputaem poxoru jopa paichichipaem xua painya neyaputaewa tsane painya jantu coyeneintha. 18 Paxam bequein pana necui taneme, ichitha jopa xaniwaicha pana necui yaputaem. Matautano bequein bara pana nejume taneme ichitha jopa xaniwaicha pana nejume copi yaputaem. Matautano pajantemainame poxonaе pexeinya petsita itatsi coyenewa exanan jiwi nexa poxonaе pan catan jiwitha. 19 Poxonaе janacan pan xua cinco po panbe xua cinco mil pebiwi nexa, ¿eta po cotethabe pawnbaponame xua pocotsiwa nacopaba? jei Jesús.

Barapomonaе Jesús jume notatsi, jeye:

—Doce po cotebe apara, jei Jesús pijimonaе tatsi.

20—Poxonaе janacan pan xua siete po panbe xua cuatro mil jiwi nexa, ¿eta po cotethabe pawnbaponame xua pocotsiwa nacopaba? jei Jesús.

Barapomonaе Jesús jume notatsi jeye:

—Siete po cotebe apara, jei Jesús pijimonaе tatsi.

21 Nexata Jesús pijimonaе barai xua muxu jei:

—Metha matapainya payaputaename xua apara jopa yabara paca tsipaebichi pan. Apara jame paca tsipaebatsi xua jopa bewa pajume cowantsim tsane fariseomonaе iru Herodes pia pecuidubiwan tatsi, jei Jesús.

*Meje yabara poxonaе Jesús itacuere wunaeta pon peitata nacatsin Betsaida tomaratha*

22 Jesús pijimonaе baru botouna jeratha Betsaida tomaratha. Barapo tomarapiwi jiwana carendena pon peitata nacatsin, Jesús pia xantha tatsi. Barapomonaе Jesús wacatsi, xua bapon pemata jayabinexatsi xuno xua axaibi peexanaenexatsi. 23 Jesús cobe pita pon peitata nacatsin. Bapon cobe capoinchi aisowa beya xua tomara weya. Bapoxonaе Jesús naone sutaba bapon peitamaiqueitobetha, itacuere jayabano. Jesús bapon yainyaba jeye:

—¿Bara caitacupa xua netaewa? jei Jesús.

24 Bapon necotaxuba, bapoxonaе Jesús jume notatsi, jeye:

—Pebiwi tan, daichitha itanonojan. Jiwi saya be naewan jinompa, jei bapon.

25 Equeicha Jesús pecobetha itamaiquei jayaba nantiyabe. Barapo pebin daunweya naitata babatsiya tane. Bapoxonaе itamaiquei xanepana. Bapon bara beta matapainya wanae tane. 26 Jesús itorobiya jeye bapon xua penawiyaenexa pia no beya:

—Jopa tomaratha ponaeinde xua jopa baxua taneyabara cueicueijeinexa jiwitha, jei Jesús.



*Meje yabara poxonae Pedro namchi Jesustha jeye: “Xam apara Mesías pon Nacom caitorobica”, jei*  
(Mt 16.13-20; Lc 9.18-21)

<sup>27</sup> Bapoxonae Jesús, iru pijimonae tatsi pata tsiqui tomaraxitha, po tomaraxi pewun Cesarea de Filipino. Poxonae namtotha cataunxuae enapona, bapoxonae Jesús pijimonae yainyaba, jeye:

—¿Eta jiwi neyabara jei po coyene xua xan bapon aparan? jei Jesús.

<sup>28</sup> Barapomonae Jesús jume notatsi, jeye:

—Ichamonae cayabara jei: ‘Apara bapon Juan, pon jiwi Pebautisabin pon equeicha petupaein asu juina’, jei. Iru ichamonae cayabara jei: ‘Apara bapon Elias, pon equeicha petupaein asu juina’, jei. Iru ichamonae cayabara jei: ‘Apara bapon jiwana, pomonae Nacom peitorobi jume pepaebiwi’, jei, jei Jesús pijimonae tatsi.

<sup>29</sup> Bapoxonae Jesús pijimonae yainyaba, jeye:

—¿Incane iru paxamdu? ¿Eta paneyabara jumichimdu xua xan eta pondun? jei Jesús.

Bapoxonae Pedro, Jesús jume notatsi, jeye:

—Xam apara Mesías, pon Nacom caitorobica, jei Pedro.

<sup>30</sup> Jesús pijimonae muxu barai xua pijimonae jopa peyabara paebinexatsi ichamonaetha baxua.

*Meje yabara poxonae Jesús nayabara diwesi paeba po coyene xua petupaewa tsane*

(Mt 16.21-28; Lc 9.22-27)

<sup>31</sup> Bapoxonae Jesús tamropata pitaba xua pijimonae tsipaeba pocotsi coyene xua Jesús cana exanaeinchi ichamonae, Jesús jeye: “Xan ponxaein Nacom Tananeitapetsin jiwi bichocono neperaxa jubina. Matautano pitiri jiwi, iruru sacerdotemonae pia pentacaponaei tatsi, iruru pomonae jiwi pecuidubiwi Moisés pia peitorobi coyene tatsi, daxita barapomonae neitawetsina. Matautano barapomonae nebexubina. Ichitha equeicha asu poponaein poxonae acoibi po maticabiyobe tsuxubi tsane”, jei Jesús. <sup>32</sup> Baxua Jesús pijimonae wanaeya muxu tsipaeba xua barapomonae bara xaniwaicha peyaputaenexa. Bapoxonae Pedro, Jesús compa aisowa bebaru poinyatsi, Pedro Jesús jume daunweya tsipaebatsi xua Jesús jopa pepaebinexa baxua. <sup>33</sup> Jesús pijimonae napatomeicha necota. Bapoxonae jume daunweya jeye Pedrotha:

—¡Xam be pon caurimonae pia pentacaponaein tatsim! Bara newepu ponare, tsipei xam jopa beta nanta xeinaem icha be jopa Nacom ichim poxonae xua beta nanta xeina. Saya xam nanta xeiname icha jiwi ichi poxonae nanta xeina, jei Jesús.

<sup>34</sup> Bapoxonae Jesús waba pin bicheito, matautano wabano pijimonae, yawa jeye daxita barapomonaetha:

—Icha pebin ichichipa xua tajiwiwimonae jiwana pin penaexanaewa tsane, bewa bapon yabara naitematsi pocotsiwa xua bapon ichichipa pia peexanae coyenewan tatsi. Bapoxonae jame bapon bewa eexanaponae pocotsiwa itoroban, bequein bara bapon bexotsi ichamonae, tajiwiwimonae jitonxae. <sup>35</sup> Pon naantobeya nata exana pocotsiwa bapon ichichipa, bapon jopa xeinaeyo peajuntuyapusawa, po peajuntuyapusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan tana neantobexae xuano xua pecueicueijeixae Nacom Pejume Diwesi, bapon xeinaena

peajuntuyapusuwa, po peajuntuyapusuwa ataya tsiteca xua Nacom pia nacua beicha. <sup>36</sup> Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntucoyenesuwa po peajuntucoyenesuwa ataya tsiteca, bapoxonae bapon jopa itacupaetsi xua penajuntucoyene capanepaewa xua peweraweracaewa tsane. <sup>37</sup> Tsipei pebin jopa itacupaetsi xua barapo copeitha Nacom pematomatsiwatsi, xua bapon pecatsinexa tsainchi peajuntucoyenesuwa xua barapoxonae pepatopaewa tsane Nacom pia nacua beicha tatsi. <sup>38</sup> Icha ichan neacaura, yawa nejume diwesi acaurano jiwi peitabaratha tatsi, pomonaetha pomonae jopa tana nejume cowantsi jiwi, pomonaethano pomonae bichocono abe peexanaewi, xan xuya barichin tsane. Xan ponxaein Nacom Tananeitapetsin, bapon xuya acauran tsane. Baxua exanaein poxonae patopaetsicaein be jiwi pia Pecanamataxeinaein tatsi yaitupanae susato patopaetsicaein. Taxa pia peitupanaewa tatsi yawa patopeicaein. Matautano Taxa pia matatsunpiwi tatsi nebaru patsi-caena, jei Jesús.

## 9

<sup>1</sup> Barichino Jesús jeye:

—Bara xaniwaicha paca tsipaebatsi xua pomonae xote umene barapomonae jiwana abu copiya matha yabara yaputaena xua po coyene Nacom waba jiwi xua petanaexanaenexatsi piamonae pomonae itorobiya taewatsixae taayapusuwatha. Bapoxonae barapomonae werapaena, jei Jesús.

*Meje yabara poxonae Jesús pijimonae peitatha pexeinya itupanae coicha tsanaya naexana*

*(Mt 17.1-13; Lc 9.28-36)*

<sup>2</sup> Poxonae seis po matabibibe jopa, xua Jesús paeba baxua bapoxonae pirapae Jesús baru pona Pedro, iru Santiago iru Juan. Barapoyobe Jesús compa baru pona demxuwatheicha po demxua bichocono taucha. Baxoteicha barapoyobe peitatha tatsi, Jesús pexeinya itupanae coicha tsanaya. <sup>3</sup> Pocotsiwa Jesús pia penama xatatsiwa bichocono daedaena, yawa bichocono inyapana, beyacaincha poxonae jiwi bichocono paparuwa matanaca xua inyapana exana. <sup>4</sup> Bapoxonae Pedro, iru Santiago iru Juan Elías taerucupatsi, iru Moisés ponbe caena bayatha naxubabe. Baponbe Jesús baru cueicueijeichibe. <sup>5</sup> Bapoxonae Pedro namchi, jeye Jestusta:

—Pon jiwi Necuidubim maisa wuna xua xote pata umenaewa. Pacata acabinchi acoibi po boutiyobe, cae bouto xam nexa, icha bouto Moisés nexa, icha bouto Elías nexa, jei Pedro.

<sup>6</sup> Pedro baxua paeba, bequein jopa yaputaeyo pocotsiwa yabara cueicueije, tsipei poxoru saya barapomonae bichocono pijunuwi. <sup>7</sup> Bapoxonae daxita barapomonae pia xainya bematawacaicha tarunicatsi tsaquinaebowa. Barapo tsaquinaebowatha pejume jume tane, xua Nacom Jesús yabara cueicueijeichi, jeye: “Bapon apara Taxanto pon bichocono antobein pon itapetan. Bapon beta pajume taema pocotsiwa paca tsipaeba”, jei Nacom. <sup>8</sup> Barapoxonae caena nainya poxonae necobarucupa barapomonae, baponbe jopa taetsi, maisa saya Jesús compa uncu. <sup>9</sup> Poxonae Jesús pijimonae baru juinca demxuwa

wetsica, bapoxonae Jesús tsipaeba barapo acoibi poyobe, jeye: “Ichamonaetha jopa yabara patsipaebinde pocotsiwa xuaunxuae pataneme xua tapaca catsita exanaewatsi. Jopa payabara paebinde beya abu poxonae equeicha asuñ poponaein tatupaeyae coyene weya, xan ponxaein Nacom Tananeitapetsin”, jei Jesús. <sup>10</sup> Daxota barapoyobe jopa yabara paebiyo ichamonaetha xua tane. Saya barapoyobe pia coutha namicha natsipaebabe najeibe: “¿Eta xua metha baraxuara xua Jesús paeba xua pinae petupaeyae coyene weya asuñ tsane?” najeibe. <sup>11</sup> Barapoxonae barapo acoibi poyobe Jesús yainyabatsi, jeibe:

—Pomonae jiwi pecuidubiwi Moisés pia peitorobi coyene tatsi, ¿eta xua metha bapomonae paeba xua pinae bewa copiya patopaena Elías, xua pinae beya poxonae patopaena Mesías? jei barapoyobe.

<sup>12</sup> Jesús barapoyobe jume notatsi, jeye:

—Bara xainyei, Nacom Pejume Diwesitha paeba xua pon be Elías copiya netsiwana patopaena. Matautano paeba xua bapon cana nantu coyene weta exanaena jiwi pia juntu coyenewantha xua jiwi pejume cowantsinexa Nacom. Matautano barapo Nacom Pejume Diwesitha paeba xua xan ponxaein Nacom Tananeitapetsin ichamona neperaxa jubina. Matautano bichocono abeya neyabara paebina. <sup>13</sup> Ichitha nama xan paca tsipaebatsi xua pon be Elías bayatha apara patopa. Bapontha abeya cana exanatsi ichamonaeyae, icha be pocotsiwa barapomonae ichichipa xua bapon pecana exanaewatsi. Bayatha baxua Nacom Pejume Diwesitha peyabara tsiwanae muxu dutsixae, jei Jesús.

*Meje yabara poxonae Jesús cauri taitaweta xua pewowin xeina  
(Mt 17.14-21; Lc 9.37-43)*

<sup>14</sup> Bapoxonae pirapaeyo barapo acoibi poyobe Jesús baruñ nawiya ichaxota ichamonaeyae pijimonaeyae tatsi tajinompatsi. Bapoxonae bapomonae tane xua Jesús pijimonaeyae tatsi pomonaeyae baxota petajinompaewixaetsi baruñ nacaetutatsi pin bicheito. Iruñ baxota naena pomonaeyae jiwi pecuidubiwi Moisés pia peitorobi coyene tatsi. Barapo pecuidubiwi Jesús pijimonaeyae tatsi jume matsontsonobatsi. <sup>15</sup> Barapo pin bicheito najuntuñ coyene nabenaeca poxonae Jesús taerucupatsi. Bapoxonae barapo pin bicheito caena nainya Jesús pexainya betacuinaeyiyatsi xua Jesús pejacobinexatsi. <sup>16</sup> Bapoxonae Jesús yainyaba barapo pin bicheito, jeye:

—¿Eta pocotsiwa metha tajiwimonaeyae pajume matsontsonobame? jei Jesús.

<sup>17</sup> Caein pon uncua baxota, bapon Jesús jume notatsi, jeye:

—Pon jiwi Pecuidubim, xote nexantha cata caponatsi taxanto. Bapon taxanto cauri xeina, xua daxota inta muxusipana exanatsi. <sup>18</sup> Poxonae taxanto taibatsi cauri, inta iratha bebai tsaibichi. Bapoxonae inta coibo thamthamei exaneibatsi. Matautano inta nawano xane exanatsi. Daxota inta cuenecuenona. Bequein wacan jinyamonaeyae, janje: ‘Painta taxanto taitawere cauri’, jan, daichitha jopa itacupaetsi xua inta taxanto petaitawetsinexatsi cauri, jei bapon.

<sup>19</sup> Bapoxonae Jesús anaya barai pijimonaeyae, jeye:

—¡Paxam barapomonae pam, pomonaeyae jopa xapain cataunxuae pana nejume cowantsim! ¿Eta po weibe nantawenonan xua bewa tapaca baruñ ecaewatsi tsainchi xua beya poxonae tapana nejume cowantsiwam

tsane? Matautano ¿eta po weibe equeicha nantawenonan xua tapaca cayawenaewatsi tsainchi? Pon cauri xeina painta baru awena, jei Jesús.

<sup>20</sup> Bapoxonae Jesús pexanthe tacapoinchi barapo pewowin. Poxonae Jesús tainchi cauri, bapoxonae pewowin naichababa exanatsi. Barapo pewowin bapoxonae iratha xotsi. Yawa iratha natorenababa exanatsi. Yawa coibo thamthamei exanatsi. <sup>21</sup> Pexuyo paxa tatsi, Jesús yainyaba, jeye:

—¿Eta po weiyobe barapo pewowin xeina baxua xua cauri xeina? jei.

Barapon Jesús jume notatsi, jeye:

—Caena bayatha baxua xeina poxonae pexuyo tsecae. <sup>22</sup> Matowa cauri inta taxanto isototha bebai tsaibichi. Matautano inta mentha bebai tsaibichi pebexubinxatsi. Icha caitacupa xua neexanaewa tsane baxua, pana yabara najuntu coyene xeinare jinya tapana neyawenaenexam tsane, jei pexuyo paxa tatsi.

<sup>23</sup> Jesús jume nota bapon, jeye:

—¿Eta pocotsiwa metha barapo jumetha netsipaebame xua tana neitacupaewa yabara? Tsipei ponba jume cowanta bara Nacom yawena xua peitacupaewatsi xua daxitantha beta cana exana, jei Jesús.

<sup>24</sup> Bapoxonae pexuyo paxa tatsi jume daunweya wawaya jeye:

—Bara cajume cowantatsi. Neyawende xua equeicha bichocono matowa tacajume cowantsinexa tsainchi, jei pexuyo paxa tatsi.

<sup>25</sup> Poxonae Jesús tane xua pin bicheito imoxoyo nacaetutapona, bapoxonae Jesús itaweta cauri, jeye:

—Xam caurim pom muxusipana exaname jiwi, bara caitawetatsi. Bara xubiriware barapo pewowin. Equeicha bapana jopa caewa patopaeinde bapontha, jei Jesús.

<sup>26</sup> Bapoxonae cauri pewowin papai exanatsi. Yawano naichababa exanatsi. Barapo cauri pewowin cuenta poinchi, barapoxonae barapo pewowin be petupaeyo boca iratha. Daxota daxita barapo pin bicheito paeba xua pinae barapo pewowin apara tupa. <sup>27</sup> Barapo pewowin Jesús cobe pita, yawano asiya cuaranota. Bapoxonae barapo pewowin nantacotuncuataba.

<sup>28</sup> Bapoxonae Jesús joniya botha. Jesús pijimonae compa seicaya tsipaebatsi, jeichichi:

—¿Eta pocotsiwa metha jopa pana neitacupaeyo xua pata taitawetsiwa cauri? jei barapomonae.

<sup>29</sup> Jesús pijimonae jume nota, jeye:

—Barapocotsimonae caurimonae paca itacupa xua painya neitawetsiwa saya meisa poxonae memecabiya matowa pawacame Nacomtha, jei Jesús.

*Meje yabara poxonae equeicha Jesús nayabara paeba xua poxonae tupaena*

(Mt 17.22-23; Lc 9.43-45)

<sup>30</sup> Poxonae Jesús, iru pijimonae tatsi bara weya pona, bapoxonae Galilea nacua iya pona. Bapon jopa beyaputaetsi xua ichaxota ponaena, xua ichamonae yaputaena. <sup>31</sup> Baxua Jesús exana, tsipei pijimonae cuiduba. Jesús barai pijimonae xua nayabara paeba, jeye:

—Xan ponxaein Nacom Tananeitapetsin jiwi necaenaetsina ichamonae. Yawano nebexubina. Ichitha poxonae acoibi po matacabibe yapucaewina, bapoxonae equeicha asu poponaenin, jei Jesús.

<sup>32</sup> Ichitha barapomonae pomonae Jesús pijimonae jopa jume yapuraetsi xua Jesús yabara paeba. Matautano barapomonae junuwa xua Jesús peyabara yainyabiwa tsainchi barapo jume.

*Meje yabara poxonae Jesús yabara yainyabatsi pijimonae xua pon peainya cui peexanaeinchi*

(Mt 18.1-5; Lc 9.46-48)

<sup>33</sup> Jesús pijimonae baru patopa Capernaum tomaratha. Poxonae Jesús pijimonae botha baru patopa, bapoxonae pijimonae yainyaba, jeye:

—¿Eta xua namtotha pana najume matsontsonobaponame? jei Jesús.

<sup>34</sup> Barapomonae saya moya umena peauraxae, tsipei namtotha najume matsontsonobapona xua po coyene metha jintam ainya cui peexanaewatsi tsainchi pon barapomonae jiwanaxae. <sup>35</sup> Nexata poxonae Jesús eca, bapoxonae pijimonae waba, pomonae doce poyobe, yawa jeye:

—Pon ichichipa xua ichamonae ainya cui petsita naexanaewatsi, bapon bewa pia coutha pecui pawi jiton naexanae petanacuichinexa ichamonae, jei Jesús.

<sup>36</sup> Bapoxonae Jesús pita pexuyo, yawa pijimonae tatsi peitabarayo deca tatsi tacuaranoreca. Jesús isaeca barapo pexuyo, jeye:

<sup>37</sup> —Pon matenta weyataeya waba peyawenaenexa pontha pon tana nejume cowantsixae xua pocotsin icha be barapocotsi pexuyo ichi, barapon apara bara nententa weyataeya waba. Xan jopa meisa nententa weyataeya wabiyo, apara bara iru matenta weyataeya wabatsi pon tana neitorobixae xua pon bara Nacom, jei Jesús.

*Meje yabara poxonae Jesús barai pijimonae: “Pon jopa nacata abe exanaeyo, bapon ba apara naca yawena”, jei*

(Mt 10.42; Lc 9.49-50)

<sup>38</sup> Nexata Juan namchi Jestusta, jeye:

—Ja Tanecuidubim, paxan caein patan pon cawun taiba poxonae itaweta caurimonae, xua caurimonae itawetatsi. Paxan baxua pacui itawetan, tsipei jopa naca puna poponaeyo, jei Juan.

<sup>39</sup> Ichitha Jesús Juan jume notatsi, jeye:

—Bapon baxua jopa pacui itawetsinde, tsipei dapon aibi pon pexeinya petsita itutsi coyenewan exana poxonae newun taiba xua bapoxonae cotacaya abeya neyabara paeba. <sup>40</sup> Tsipei pon abe jopa nacata exanaeyo, bapon apara naca yawena. <sup>41</sup> Pon paca yawena xua mera paca cata xua bequein tsica corotiyotha xua iru pejume cowantsixae, xua xan Criston tajiwimonae pamxaem, baxua peexanaexae, Nacom catsina bapontha pematomatsiwa baxua nexa, jei Jesús.

*Meje yabara poxonae Jesús paeba xua jiton jopa bewa cana exanae ichantha xua iru abe peexanaewa tsane*

(Mt 18.6-9; Lc 17.1-2)

<sup>42</sup> Equeicha Jesús namchi, jeye: “Nacom tsitatsi xua pebin bichocono abe exana poxonae natsicuenta ichun cana exanatsi xua abe peexanae cuiru coyene exana, po barapo ichun pon cataunxuae aena tana nejume cowantsixae. Metha jame wuna tsipae xua barapo pebin pon abeya cana exanaeya taexana ichantha, barapon pin iboto wisi catsipatsi yawa xua tuwatha xua pin mar menetha barapo ibototha cayawa cabutabachipatsino. <sup>43-44</sup> Icha painya cobe paca exana xua abe

painya neexanaewa tsane, maisa panacobe ucubobare. Tsipei baxua xanepana xua cae cobexi pabebam tsane, xua saya cae cobexi painya neyawa patsiwa tsane Nacom pia nacua beicha tatsi. Baxua jame yatsicaya xanepana beyacaincha xua ainya cobebe painya necayawa bebaiwa tsane ichaxota po nacuatha isoto jopa itacounayiyo, xua ataya tsiteca. <sup>45-46</sup> Matautano icha painya taxu paca exana xua abe painya neexanaewa tsane, maisa panataxu ucubobare. Tsipei baxua xanepana xua cae taxuxi pabebam tsane, xua cae taxuxi painya neyawa patsinexa Nacom pia nacua beicha tatsi. Baxua jame yatsicaewa xanepana beyacaincha xua ainya taxube painya necayawa bebaiwa tsane ichaxota po nacuatha isoto jopa itacounayiyo xua ataya tsiteca. <sup>47</sup> Matautano icha pocotsiwa pataneme painya itamaiqueitho xua icha baxua paca exana xua abe painya neexanaewa tsane, painya ne-taexae painya itamaiqueitho, maisa pana naitacuere jucuare. Tsipei baxua xanepana xua cae itamaiqueitoxi pabebam tsane, xua cae itamaiqueitoxi painya neyawa patsiwa tsane Nacom pia peitorobi nacua beicha tatsi. Baxua jame yatsicaewa xanepana, beyacaincha xua poxonae ainya itamaiqueitobe painya necayawa bebaiwa tsane ichaxota isoto jopa itacounayiyo. <sup>48</sup> Barapo nacuatha isoto jopa itacounayiyo xua ataya tsiteca yawa oro jopa tupaeyo.

<sup>49</sup> “Tsipei daxita jiwi pia pejuntu coyenein tatsi nacui wunaetsina Nacom nexa pocotsi coyenewantha xua jiwi taayapubetsi bichocono xua jiwi atene exantsi pocotsiwa icha be isoto ichi. Matautano daxita pocotsiwan jiwi tauta xua petuxusi exanaewa Nacomtha, barapocotsiwa copiya yawa muxuna nacui xaxainchina sare beno. <sup>50</sup> Sare beno, bara bena wanae. Ichitha icha barapo sare beno jopa abenataeyo bapoxonae jopa peitacupaewatsi xua equeicha peabenataewa. Bara paichinde poxonae icha be sare beno ichi. Paxeinare pocotsi coyene pexeinya juntu coyene xua jopa po juntu coyene abeyo. Matautano jantema nantiya pana naba ru jinompare”, jei Jesús.

## 10

*Meje yabara poxonae Jesús cuiduba xua jiwi piseurixi pepunapenteibiyainwa*

*(Mt 19.1-12; Lc 16.18)*

<sup>1</sup> Jesús ponataba Capernaum tomara weya. Bapoxonae Judea nacuatha patopa. Yawa patopa Jordán mene iya icha muxunenetha, po muxunene xua Judea nacua weya. Baxotiya equeicha jiwi pin bicheitomonae nacaetuta ichaxota Jesús uncua. Equeicha Jesús cuiduba barapomonaetha, tsipei pia cui xua cuidubeiba. <sup>2</sup> Bapoxonae ichamonae fariseomonae, barapomonae piraichi Jesús imoxoyo caquita umenarucupatsi xua Jesús pejuntu cui coyene jujutsinexatsi, daxota jeye:

—¿Metha bara Moisés copata jampa xua pebin pepunaxubiwa piowa icha saya metha ichichipa jampa? jei.

<sup>3</sup> Jesús jume epa pita barapomonae, jeye:

—¿Eta xua bapon Moisés paca itoroba? jei.

<sup>4</sup> Barapomonae Jesús jume notatsi, jeye:

—Moisés copata xua jiton itacupatsi xua pecatsiwa papera piseuri, po paperatha tina xua pexubiwa tsane piseuri. Bara bapoxonae bapon xubina piseuri, jei barapomonae.

<sup>5</sup> Bapoxonae Jesús jume nota barapomonaetha, jeye:

—Moisés paca cata barapo peitorobi coyenewa, tsipei paxam jopa bepajume cowantsim painya juntu coyenewatha. <sup>6</sup> Tsipei poxonae Nacom aena forota daxita, pejume diwesitha jeye: ‘Nacom exana pebin, matautano exana yabuyo’, jei. <sup>7</sup> Equeicha Nacom jeye: ‘Daxota pebin paxa wepu natsata, yawa pena wepu natsata xua piowabe imoxoyo penaperu nacoyobinexabe. <sup>8</sup> Baraponbe be cae jiwimonae naexanabe’, jei. Bapoxonae baponbe xua ainya jiwibe aibi, bara be caein naexanabe. <sup>9</sup> Daxota pebin bapana jopa bewa punaxubi piowa. Tsipei apara bayatha Nacom cana exana xua bara be caein naexanabe, jei Jesús.

<sup>10</sup> Poxonae Jesús, iru pijimonae tatsi botha jinompa, bapoxonae Jesús pijimonae yabara yainyabatsi baxua. <sup>11</sup> Bapoxonae Jesús jume epa pita, jeye:

—Pon punaxuba piowa, yawa ichowa pita, bapon abe exana piseuritha yawa Nacom peitatha tatsi, tsipei Nacom tsitatsi xua powa copiya baru popona, apara bara piowa tatsi. <sup>12</sup> Barichi icha petsiriwa punaxuba pia pebin, yawa pita icha pebin, bapoxonae bapowa abe exana pia pebintha, yawa Nacom peitatha tatsi, tsipei Nacom tsitatsi xua pon copiya xeina, apara bara pia pebin tatsi, jei Jesús.

*Meje yabara poxonae Jesús jeye pexuitha: “Barabu Nacom beta paca yawenaena”, jei*

*(Mt 19.13-15; Lc 18.15-17)*

<sup>13</sup> Nexata jiwi Jesús pexui tacaponatsi xua Jesús pejayabinexa pecobetha, yawa xua Nacomtha pewucaenexa barapo pexui nexa xua pejeinexa: “Barabu Nacom beta paca yawenaena”, pejeinexa. Ichitha Jesús pijimonae tatsi poxonae baxua tane, tamropata notarucupa xua barapomonaе cui matawentatsi pomonaе pexui carendena tsaibi. <sup>14</sup> Poxonae Jesús baxua jume tane, jopa ichipaeyo pocotsiwa pijimonae tatsi paeba, daxota anaya jeye:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonaе nexa pomonaе pejuntu coyene xanepanaewi icha pexui ichi. Pexui pia cui xua tayapu xanepanatsi xua pia juntu coyeneintha jume cowanta Nacom. <sup>15</sup> Bara xainyeya paca tsipaebatsi. Pon jopa yabara jume cowantsiyo xua icha be jopa pexui ichiyo xua ba pexui tayapu xanepanatsi xua jume cowanta, bapon bapana jopa naexanae tsane Nacom pijimonae tatsi pomonaе Nacom itorobiya ewata, jei Jesús.

<sup>16</sup> Bapoxonae Jesús tsana tamropata nonotapona pexui, yawa pecobetha pexui jayabiya tawucatsi Nacom. Jeye: “Barabu Nacom beta yawenaena barapo pexui”, jei.

*Meje yabara poxonae pewowin pon copei pexeinaein Jesús tsipaebatsi*

*(Mt 19.16-30; Lc 18.18-30)*

<sup>17</sup> Poxonae Jesús aena warapa, bapoxonae pebin Jesús pia xainya betacuinaerenatsi. Bapon pentabocototha uncua Jesús peitabaratha tatsi, xua pebaru cui itura jinaenexatsi Jesús, tsipei Jesús pon peainya cuin. Bapon jeye Jestutha:

—Ja Tanecuidubim, maisa nejuntu coyene xanepanaem. ¿Eta xua copiya matha exanocuaein xua ajuntu yapusuya tapoponaewa tsane xua ataya tsane? jei bapon.

18 Bapoxonae Jesús jume nota, jeye:

—¿Eta xua nebaram: ‘Nejuntũ coyene xanepanaem’, jam? Apra ichũn dapon aibi pon pejuntũ coyene xanepanaein. Jame meisa apra bapon Nacom compa pejuntũ coyene xanepanaein. <sup>19</sup> Xam bara yaputaneme po coyene Moisés pia peitorobi coyenewatha itoroba, xua jeye: ‘Jopa ichũn bexubinde. Jopa ichowa pichinde ichũn piowa tatsi. Jopa caibinde ichũn piawan tatsi. Jopa naerabiya cayabara paebinde pocotsiwa ichamonae exana. Jopa ichamonae yabara muxujainyabinde xua caibame. Axatha baru jume cui itura jinare. Matautano enatha baru jume cui itura jinare’, jei Moisés, jei Jesús.

20 Pewowin Jesús jume baraichi, jeye:

—Pon jiwi Necuidubim, daxita caena bayatha barapo coyenein exaneiban. Poxonae pexuyothan tamropata pitaban, beya anoxuae yacuiya pinyon, jei bapon.

21 Jesús antobeya necota bapontha, jeye:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyo nexa tsane xua pocotsiwa xanepanaeya neexanaewa, matha daxita caenaere pocotsiwa xeiname, yawa catsibare pomonaetha pomonae peacopeibi jiwi. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha pocotsiwa Nacom necajuntana botsiwa pocotsiwa bichocono wanae, jei Jesús.

22 Poxonae barapo pewowin baxua jume taeba, bichocono nantanuweya pontaba, tsipei bichocono copei pexeinaein.

23 Bapoxonae Jesús necota jiwi, yawa jeye pijimonaetha:

—¡Maisa bichocono ayapubecai xua copei pexeinaewi naexana Nacom pijimonaetha tatsi jiwana pomonae itorobiya canamataxeina! Tsipei barapomonae bichocono antasiwayatane barapo pia copei, beyacaincha xua Nacom antobetsi, jei Jesús.

24 Jesús pijimonaetha tatsi yabara najuntũ coyene cabenaeca pocotsiwa xua Jesús paeba. Ichitha Jesús pijimonaetha equeicha tsipaeba, jeye:

—Pomonae tamonae pamxaem, ¡maisa bichocono ayapubecai xua pomonae copei pexeinaewi jume cowantsina Nacom! Barapomonae nanta xeina xua pia copeitha nayawena xua daxota jopa canantawenonae xua Nacom pejume cowantsiwatsi. <sup>25</sup> Bichocono acuiruyapube xua duwein, pon pewan camello xua bapon pejoniyaewa acuicheto peetabu wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonaetha tatsi jiwana pomonae itorobiya canamataxeina beyacaincha xua poxonae acuiruyapube xua poxonae camello acuicheto peetabu wan iya pejoniyaewa, jei Jesús.

26 Poxonae Jesús pijimonaetha jume taerũcupatsi xua paeba bapoxonae najuntũ coyene cabenaeca bichocono. Barapomonae caemonae nayainyaba, najei:

—Bapoxonae ¿jintam metha nexata itacũpatsi xua pecapanepaewa pia coutha? jei barapomonae.

27 Jesús tane barapomonae, yawa jeye:

—Pebiwi ba jopa itacũpaetsi xua baxua exana, saya jame meisa Nacom compa itacũpatsi xua jiwi napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

28 Nexata Pedro Jesús jume notatsi, jeye:



—Paxan daxita pacuenta ponan pocotsiwa paxeinan pata paca puna ponaewatsi tsainchi, jei Pedro.

<sup>29</sup> Jesús Pedro jume notatsi, jeye:

—Bara xainyeya paca tsipaebatsi. Nacom beta cana exanaena daxita pomonae pecueicueijeixae Nacom pia pecapanenebiyae diwesi yawa taneantobexae beyacaincha xua ichamonae antobetsi. Nacom beta cana exanaena barapomonae pia bon pecuenta ponaexae inta peexanaexae. Matautano beta cana exanaena pomonae peweichowi pecuenta ponaexae. Matautano beta cana exanaena pomonae pamchowi pecuenta ponaexae. Matautano beta cana exanaena pomonae paxeiwi pecuenta ponaexae, matautano peniwi pecuenta ponaexae. Matautano beta cana exanaena pomonae pia pexui yawa pia iran pecuenta ponaexae. <sup>30</sup> Nacom barapomonaetha catsina po irathe pentoma xua cien po cuiyobe tsane. Barapomonae xeinaena bon, matautano nantaatsina peweichowi, iru pamchowi tatsi, iru peniwi tatsi, iru pia pexui tatsi, yawa iranno. Daxita barapomonaetha tsicotane be barompaya piamonae tatsi. Barapo cae pin nacuathe barapomonae peraxa jubinchi taneantobexae, daichitha barapomonae xeinaena Nacom pia peitorobi nacuatheicha peajuntuyapuswa po peajuntuyapuswa ataya tsiteca. <sup>31</sup> Pomonae xua anoxuae, pomonae jiwi petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwi tsane. Pomonae xua anoxuae pepawi naexana pomonae jiwi jopa petsita ainya cui jiwichi, po cae pin nacuathe, barapomonae Nacom pia peitorobi nacuatheicha peainya cui jiwi tsane, jei Jesús.

*Meje yabara poxonae Jesús nayabara paeba acoibi po coyenebetha xua poxonae tupaena*

*(Mt 20.17-19; Lc 18.31-34)*

<sup>32</sup> Poxonae Jesús pijimonae cataunxuae namtotha baru ecapona xua Jerusalén tomara beya, Jesús pijimonae tsiwana nantacapona. Bapoxonae Jesús pijimonae tatsi najuntu coyene cabenaeca, tsipei Jesús nainya nantacapona. Iru pomonae Jesús puna poinchi yabara junuwa, tsipei yaputane xua Jesús abe cana exanaeinchi barapo tomarapiwi. Bapoxonae Jesús pijimonae compa waba aisowa beya xua pomonae doce poyobe tatsi. Jesús tamropata pitaba xua tsipaeba pijimonae xua pocotsiwa imoxoyo ichamonae Jesús cana exanaeinchi. <sup>33</sup> Jesús jeye pijimonaetha: “Anoxuae ponaeinchi Jerusalén tomara beya. Baxotiya xan ponxaein Nacom Tananeitapetsin, necaenaetsina ichamonae sacerdotemonae pia pentacaponawitha tatsi, yawa pomonaetha pomonae jiwi pecuidubiwi Moisés pia peitorobi coyene tatsi. Barapomonae itorobina xua nebexubina. Matautano necana cobenatsina pomonaetha pomonae penanapaincha jinompaewi xua pomonae icha nacua werena peponaewi. <sup>34</sup> Barapomonae necui caponaena, yawa necueinchinano. Matautano yawa necana one subabina. Bapoxonae nebexubina. Daichitha poxonae acoibi po matabibe weraweracaena equeicha asu poponaein petupae coyene weya”, jei Jesús.

*Meje yabara poxonae Santiago iru Juan Jesús yainyabatsibe*  
*(Mt 20.20-28)*

<sup>35</sup> Bapoxonae Santiago iru Juan ponbe Zebedeo pexantobe tatsi, baponbe Jesús imoxoyo caquita uncuatabatsibe, jeibe Jesththa:

—Pon jiwi Necuidubim, paichichipan xua painta exanaename pocotsiwa paca wɥcaeinchi, jei.

<sup>36</sup> Nexata Jesús yainyaba baponbetha, jeye:

—¿Eta pocotsiwa paichichipamebe xua pacata exanaeinchibe? jei.

<sup>37</sup> Baponbe Jesús jume notatsi, jeye:

—Matacabi jopaena, po mataqueitha itorobiya ewatsiname jiwi poxonae ecaename jinyawa xua pexeinya itɥpanae ecaethopaewatha. Barapo mataqueitha copare xua paxambe nantiyabe paecaeinbe patawantha xua pexeinya itɥpanae ecaethopaewatha. Ichɥn pocotsiwa necoxa weya ecaena. Ichɥn pocotsiwa netsocona weya ecaena, jeibe baponbe.

<sup>38</sup> Bapoxonae Jesús baraibe baponbetha, jeye:

—Paxambe jopa payaputaembe pocotsiwa pana newɥcamebe. Poxonae ichamonae abe inta exanaena, xan bara saya copatsin xua barapomonae bara neperaxa jubina. Barichi poxoru paxambe tapana neantobexaembe, ¿bara irɥ paca itacɥpabe xua bara pacopatsinamebe xua bara ichamonae paca peraxa jubinabe? Barichin bara saya copatsin xua ichamonae bara tɥpa neexanaena. Barichi, ¿bara irɥ paca itacɥpabe xua pacopatsinamebe xua bara ichamonae tɥpa paca exanaenabe? jei Jesús.

<sup>39</sup> Barapoyobe jume notabe Jestustha, jeye:

—Aa, bara baxua pana neitacɥpabe, jeibe.

Jesús jume notabe baponbetha, jeye:

—Bara bara xainyei, barapocotsi coyene ichamonae paca cana exanaenabe. Ichamonae paca peraxa jubinabe. Matautano ichamonae bara tɥpa paca exanaenabe, icha xan necana ichi tsane. <sup>40</sup> Nama xua xantha nantiya paecamebe xua ichɥn pocotsiwa tacoxa weya eca, yawa xua ichɥn tatsocona weya eca, baxua jopa tacoya yabara itorobinyo. Saya jame Taxa Nacom meisa baxua taexanaena pomonaetha pomonae caena bayatha tsiwɥnaeta xua peenaenexa tsane, jei Jesús.

<sup>41</sup> Jesús pijimonae tatsi pomonae umena, pomonae diez poyobe, barapomonae jume tane xua Santiago irɥ Juan Jesús wɥcatsibe. Bapoxonae barapo diez poyobe, Santiago irɥ Juan yabara anaepanarɥcɥpatsibe. <sup>42</sup> Ichitha Jesús pia xainya berena pijimonae waba yawa namchiya jeye barapomonaetha:

—Paxam bayatha pataneme po coyenewa ba exana pomonae jopa judiomonae naexanaeyo. Barapomonae ba nantaɥta pomonae pia nacua tatsi pia petaewatsiwichi tatsi. Daichitha barapo nacua peewatsiwi aebiya itoroba piamonae xua daxota bichocono jiwi taayapubetsi. <sup>43</sup> Ichitha nama paxam barapocotsi coyeneya jopa bara paichinde. Seicaya nama icha juntu coyeneyatha paca itorobatsi. Icha pon paxam jiwana, icha bapon ichichipa naexana be pocotsin canamataxeina ichamonae, bapon matha bewa copiya daxita paxam beta amanaya pacata nacuichina. <sup>44</sup> Matautano pon xua paxam jiwana, icha bapon ichichipa naexana be pocotsin bichocono ainya cui penaexanaein xua beyacaincha ichamonae, bapon matha bewa copiya daxita paxam beta amanaya pacata nacuichina icha pon pebusi cui taetaeinchi ichi. <sup>45</sup> Icha be pocotsi coyeneya ichin bara paichinde. Xan ponxaein Nacom Tananeitapetsin patopeican xua tanacuichinexa tsane ichamonae nexa. Apra jopa baxua tsipatopaeinyo xua ichamonae inta penacuichiwanexa tsane.

Saya patopeican tsipei ichichipan xua daxita carepaya jiwi tayawenaewa tsane. Matautano patopeican xua tatsitupaenexa tsane be pentoma xua daxita jiwi pepanenebiyaenexa abe pia peexanae cuiru coyonein weya tatsi, jei Jesús.

*Meje yabara poxonae Jesús axaibi exana pon peitata nacútsin, pon pewan Bartimeo*

*(Mt 20.29-34; Lc 18.35-43)*

<sup>46</sup> Bapoxonae Jesús iru pijimonae tatsi pata Jericó tomaratha. Jesús iru pijimonae tatsi tomara we-iyiya xua iruru pin bicheitomonae napon. Iruu bapoxonae pebin pon pewan Bartimeo, pon Timeo pexanto tatsi, bapon namtotha eca. <sup>47</sup> Poxonae Bartimeo jume tane xua juinya Jesús imoxoyo pona, pon Nazaret tomarapin, bapoxonae bapon Bartimeo tamropata pitaba xua wawaya jeye:

—Jesús, David pia pemomoxi susato jiwana, ponxaem Nacom necaitapetsim neyabara najuntu coyene xeinare jinya tana neyawenaenam! jei.

<sup>48</sup> Pinmonae jume matawenta bapontha xua moya peecaenexa. Ichitha bapon equeicha bichocono jume daunweya wawai, jeye:

—Jesús, David pia pemomoxi susato jiwana, ponxaem Nacom Necaitapetsim neyabara najuntu coyene xeinare jinya tana neyawenaenam tsane! jei bapon.

<sup>49</sup> Bapoxonae Jesús naruntaba yawa namchi pijimonaetha, jeye:

—Maisa painta wabare, jei Jesús.

Bapoxonae pon peitata nacútsin wabatsi, yawa barapomonae jeye bapontha:

—Bara najuntu tsacatabare, jopa amurande. Nontaponare, aunxuae cawaba, jei barapomonae.

<sup>50</sup> Bapoxonae pon peitata nacútsin pia penauyapatsiwa xubiriwa, yawa jirawana. Bapoxonae pona Jesthath. <sup>51</sup> Jesús yainyaba bapontha, jeye:

—¿Eta xua jinya tacata exanaetsi? jei.

Bapon Jesús jume notatsi, jeye:

—Pon jiwi Pecuidubim, benecotsin cuinaya, jei.

<sup>52</sup> Jesús jume nota bapontha, jeye:

—Bara moya ponde. Bara bayatha caitacuere xanepana exanatsi, tana neyabara jume cowantsixaemxae xua bara tana neitacupaewa xua tacayawenaewatsi, jei Jesús.

Bapoxonae caena nainya pon peitata nacútsin necotaxuba. Bapoxonae bapon Jesús puna poinchi namtotha.

## 11

*Meje yabara poxonae Jesús Jerusalén tomaratha patopa*

*(Mt 21.1-11; Lc 19.28-40; Jn 12.12-19)*

<sup>1</sup> Poxonae Jesús, iru pijimonae tatsi muxu pepatsi Jerusalén tomaratha copiya pata Betfagé tomaratha yawa Betania tomaratha, po tomara xua nacacuita ecabe. Barapo tomarabe cuariya demxuwa eca, po demxuwa pewan Olivowa, xua baxota olivo naein peumenaexae. Bapoxonae Jesús nacueyatabe poyobe itoroba ponbe pijimonae tatsi jiwana. <sup>2</sup> Jesús barai baponbetha, jeye:

—Paponarebe, po tomara painya itabaraya equiya. Poxonae papatopaenamebe barapo tomaratha, bapoxonae pacaxinaenamebe burro pon penyn pon pequetanotsin, po burro ichamonae jopa tsijuma enaeyo. Barapo burro paisanaxorebe. Bapoxonae payama carenandebe. <sup>3</sup> Icha ichan paca yainyabiya jeye: ‘¿Eta xua payama isanaxubamebe burro?’ paca jei, nexata pajandebe: ‘Pon jiwi Pecanamataxeinaein bepa pata yama caiyaeinjei tsipei pinae nantawenona. Bexa nainya equeicha payama carenaein’, pajandebe, jei Jesús.

<sup>4</sup> Barapomonae ponarucupa. Yawa caxinarucupa barapo burro pebto, pon quetanota imoxoyo bo coibototha xua aisowa beya namtotha. Bapoxonae barapoyobe yama isanaxubabe barapo burro.

<sup>5</sup> Pomonae baxota jinompa barapomonae baponbe yainyabatsi jeye:

—¿Eta xua paexanamebe? ¿Eta xua burro paisanaxubamebe? jechichibe baponbe.

<sup>6</sup> Bara baraponbe jume notabe barapomonaetha pocotsiwa bayatha Jesús pejume itorobixae. Bara baraponbe tacopatatsibe xua bara peyama isanaxubinexabe. <sup>7</sup> Bapoxonae baponbe tayama cayabe burro Jesús tayama cayatsibe. Bapoxonae pia paparuwana tsijuma jebicabe, yawa Jesús tsijuma equeicha. <sup>8</sup> Bapoxonae jiwi pinmonae namtotha yerababa jejebabapoinya pia paparuwana. Ichamonae peaxu po axu be coichaxu axu ucuboba. Barapo axu namtotha jebapoinya xua Jesús ainya cui exanatsi. <sup>9</sup> Pomonae Jesús tsiwana nanta cajinjincatsi, iru pomonae Jesús peputha tajinjincatsi, barapomonae Jesús yabara wawaya jeichichi:

—¡Pai jayana, maisa Jesús pon jiwi itorobiya pia pepa peewatsinchi maisa wuna, bapon patopa Nacom peitorobixae! <sup>10</sup> ¡Bara wuna jaintatsi pon patopeica xua jiwi peitorobinexatsi, icha David ichi pon wamo susatopin poxonae bapon Israel nacua itorobiya ewata! ¡Maisa Nacom bichocono wuna jaintatsi pon athabeicha eca! jei barapomonae.

<sup>11</sup> Bara bapoxonae Jesús patopa Jerusalén tomaratha, yawa joniya Nacom pin pia botha tatsi. Jesús naita cui wetaba xua tane daxita pocotsiwa jiwi exana barapo botha. Bapoxonae equeicha Jesús pijimonae baru ponataba Betania tomara beya, poyobe xua doce poyobe, tsipei bayatha tabopiya.

*Meje yabara poxonae Jesús biatane higuera nae xua jopa penacoichixae (Mt 21.18-19)*

<sup>12</sup> Icha matababitha baya, poxonae Jesús iru pijimonae tatsi Betania tomara weya pona, Jesús jainpawana. <sup>13</sup> Tajuru weya Jesús tane higuera nae xua noxu tsuncuae. Jesús higuera nae beya pona piyain petaenexa pethei, ichitha saya noxu tane, tsipei cataunxuae dapo dapae aibi po dapaetha higuera nae nacoita. <sup>14</sup> Bapoxonae Jesús barai higuera nae, jeye:

—Bapana jopa equeicha nacoichim tsane, xua jiwi jopa necathei xaenexa, jei Jesús.

Jesús pijimonae jume tainchi baxua poxonae higuera nae barai.

*Meje yabara poxonae Jesús aisowa benapuna torobabiya Nacom pin pia botha pomonae pecaenaetsiwi (Mt 21.12-17; Lc 19.45-48; Jn 2.13-22)*

<sup>15</sup> Bapoxonae pirapaeyo Jesús pijimonae baru patopa Jerusalén tomaratha. Jesús joniya Nacom pin pia botha tatsi. Bapoxonae Jesús aisowa benapuna torobabiya barapo Nacom pin pia bo weya pomonae pecaenaeta jwi baxota. Jesús tabu tayebiya bebai iratha pocotsiwa pexaethopaewa po pexaethopaewantha nantiya nacatsiba paratixi, yawa xua iruru baxota topibo caenaeta. <sup>16</sup> Jesús jopa copatsiyo xua jwi piawan capona Nacom pin pia bo tatsi tutiya iya. <sup>17</sup> Jesús cuiduba barapomonae, jeye:

—Nacom Pejume Diwesitha jeye: ‘Tabo apara po botha xua daxita nacuanpiwi tanetsipaebinexa tsaibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia muthu tutu pacana exaname, ichaxota pijunuwi nantiyabeibathopa. Tsipei baxota panacaetutame saya u xua painya necaibinexam tsane paratixi pomonaetha pomonae xua pateiba xua Nacom petsipaebeibinexatsi, jei Jesús.

<sup>18</sup> Sacerdotemonae pia pentacaponae tatsi, iruru pomonae jwi pecuidubiwi Moisés pia peitorobi coyene tatsi, daxita barapomonae jume tane xua Jesús paeba. Bapoxonae barapomonae tamropata notarupa xua jeita po coyenewatha Jesús bexubinchi. Barapomonae bequein ichichipa Jesús bexotsi ichitha baxua jopa exanaeyo tsipei barapomonae junuwa xua jwi anaepana xua barapo sacerdotemonae pia pentacaponae tatsi pecasebiwatsi irano xua pecasebiwatsi pomonae jwi pecuidubiwi Moisés pia peitorobi coyene. Tsipei barapomonae jwi cunuwatsi, xua daxita jwi peichichipaexae nawita pocotsiwa Jesús cuiduba. <sup>19</sup> Poxonae xometo iriya ecanaicha bapoxonae Jesús pijimonae baru ponataba barapo tomara weya.

*Meje yabara poxonae higuera nae yununcia*  
(Mt 21.20-22)

<sup>20</sup> Baya poxonae pentha tsina, Jesús pijimonae baxoyo baru ecapona yawa tane xua higuera nae yununcia xua daxita petabaca opina wetsina. <sup>21</sup> Bapoxonae Pedro yabara nanta xeinataba xua mexuae Jesús biatane higuera nae. Bapoxonae jeye Jesthath:

—Pon jwi Necuidubim, taema po higuera nae mexuae biataneme, bayatha yununcia, jei Pedro.

<sup>22</sup> Bapoxonae Jesús jeye pijimonaetha:

—Paxam bichocono pajume cowunde Nacom. <sup>23</sup> Bara xainyeya paca tsipaebatsi. Icha xanepanaeya pana neyabara jume cowuntame xua Nacom painya nepaca cayawenaewa xuano xua jopa ainya unthuton paxeinaem, bara paca itacupaena xua painya nepaebiwa icha ichin xua cana exanan higuera nae. Matautano bara paca itacupaena xua painya nejeiwa uruto beya, xua pajam: ‘Uruto, natsixitabare, mar mene beya jopare’, xua painya nejeiwa. Bapoxonae bara baxua jopa bayathiyo tsane. <sup>24</sup> Daxita xua xuan pocotsiwan Nacom beya pawucame, icha bara xanepanaeya pajume cowantsiya wucame, bara Nacom paca catsibina baxuan. <sup>25</sup> Poxonae Nacomtha patsipaebame, icha ichun abe pacata exana, copiya payabara juntemainare bapon pocotsiwa pacata abe exana, xua xuya beta painya necayabara canantaxeinaenexa. Barichi Nacom pon peitabocotha eca xuya paca yabara juntemainaena pocotsiwa abe painya neexanae cuiru coyenein paexaname. <sup>26</sup> Ichitha icha jopa

payabara jantemainaem ichun pocotsiwa pacata abe exana, barichi Nacom pon itabocotha eca, jopa paca yabara jantemaina tsane pocotsiwa abe painya neexanae cuiru coyenein paexaname, jei Jesús.

*Meje yabara xua Jesús pia peitorobi coyenewa xeina*

*(Mt 21.23-27; Lc 20.1-8)*

<sup>27</sup> Bapoxonae Jesús, iru pijimonae tatsi caibe nawibiya Jerusalén tomara beya. Poxonae Jesús Nacom pin pia botha joniya xua yawa tututha iya ponano, bapoxonae sacerdotemonae pia pentacaponae tatsi, iru pomonae jiwi pecuidubiwi Moisés pia peitorobi coyene tatsi iru pitiri jiwi, barapomonae Jesús imoxoyo caquita umenarucupatsi.

<sup>28</sup> Barapomonae Jesús yainyabatsi, jeichichi:

—¿Eta po peayapusu itorobi coyenewatha cuidubame baxuan? ¿Jintam cacata barapo peayapusu itorobi coyenewa? jei barapomonae.

<sup>29</sup> Jesús jume nota barapomonae, jeye:

—Xan iruru tha barichichi paca yainyabinchi. Icha beta pana nejume notsiname, bapoxonae xuya yabara paca tsipaebinchi xua po peayapusu itorobi coyeneyatha exanan baxuan. <sup>30</sup> ¿Jintam Juan cui itorobatsi xua bautisaba? ¿Metha bara Nacom cui itoroba jampa? ¿Metha bara jiwi cui itoroba jampa? Pana nejume nore, jei Jesús.

<sup>31</sup> Nexata daxita barapomonae caemonae najume matsontsonoba, najei: “¿Eta xua metha jei tsainchi? Icha jeichipaetsi: ‘Juan cui itorobatsi Nacom, xua pebautisabiwa jiwi’, metha naca jeichipae: ‘¿Eta xua metha nexata jopa pajume cowantsim Juan?’ metha naca jeichipae Jesús. <sup>32</sup> Jiwi cui cunuwinchi icha jei tsainchi: ‘Juan cui itorobatsi jiwi, xua bautisaba’, icha jei tsainchi. Metha bapoxonae jiwi naca casebichipa anaya”, najei barapomonae. Barapomonae jiwi cunuwatsi tsipei daxita jiwi Juan yabara jume cowantatsi, xua apara bapon Nacom pia peitorobi jume tatsi pepaebi jiton. <sup>33</sup> Bapoxonae barapomonae namchi Jesús beya, jeye:

—Canta jopa payaputaeyino, jei barapomonae.

Nexata Jesús barai barapomonaetha, jeye:

—Nexata barichin tsane jopa yabara paca tsipaebi tsainchi po peayapusu itorobi coyeneyatha exanan xua daxita taexanaewan, jei Jesús.

## 12

*Meje yabara poxonae Jesús paeba pecayabara jata pepaebi diwesiyo pomonae xua abe exana, pomonae petayapucaenaewi uva pabi*

*(Mt 21.33-46; Lc 20.9-19)*

<sup>1</sup> Bapoxonae Jesús tamropata pitaba xua cuiduba jiwitha pecayabara jata pepaebi diwesiyotha, jeye: “Matha iruru pebin pin uva pabi xeina. Bapon uba po unbo pewun uva cuei unbo. Yawa yapucurarata barapo pia uva pabi ibowantha xua jopa pejojondenaenexa ichamonae barapo pabitha. Yawano baxota ibo feto exana, xua barapo ibo fetotha pecubinexa uva cuei. Matautano baxota exananota bo, po bo bichocono taucha xua baxota pebin bara wenecotequeica uva pabi. Bapoxonae bapon itoroba pomonae pia uva pabi pia petayapucaenaewichi tsainchi, xua bapoxonae barapomonae pejiwanaxaenexa pocotsiwa penawetsiwa. Bapoxonae bapon icha nacua beya pona. <sup>2</sup> Barapo matacabi tsuxubi, po matacabitha uva cuei naweta. Bapoxonae barapo mataqueitha pomonae pabi petayapucaenaewi jiwana itapeta nota xua penawetsiwa. Bapoxonae pon uva pabi pexeinaein, bapon pomonae

petanacuichiwichi jiwana itoroba, xua petawucaenexa tsainchi uva cuei pomonae beya pomonae pabi petayapucaenaewichi. <sup>3</sup> Ichitha barapomonae pomonae uva pabi petayapucaenaewi barapomonae waetaba pon copiya patopa, pon uva pabi pexeinaein itoroba. Yawa bapon bñtsino. Bapoxonae bapon caibe cobesa itorobiyatsi. <sup>4</sup> Pon uva pabi pexeinaein equeicha itoroba ichun pon pia petanacuichinchi. Barichiru bapon ibotontha matasipa cuinbabatsi, yawa abe jumetha biatainchi. <sup>5</sup> Equeicha pon uva pabi pexeinaein itoroba ichun pon pia petanacuichinchi. Barichiru bapon bexotsiru. Equeicha ichamonae itorobatsi. Ichamonae bñtsi, iru ichamonae jutebatsi.

<sup>6</sup> “Cataunxuae awiya bapon pexanto tanacopatatsi, pon pexanto compa tatsi, po pexanto bichocono antobe. Matapainya bapon pexanto cotacaya itoroba bara beya. Bapon nanta xeinaeya jeye: ‘Metha barapomonae taxanto inta yabara baru cui itura jinaeinchi’, jei coxiyun. <sup>7</sup> Dapo jumetha pomonae uva pabi petayapucaenaewi poxonae bapon tainchi, barapomonae najei: ‘Apara bapon paxa copiniwa pichina. Daxota bapon bñ bexotsi xua xainya xeinatsi barapo uva pabi’, najei barapomonae. <sup>8</sup> Bapoxonae barapomonae pon uva pabi pexeinaein pexanto tatsi tawaetabatsi. Poxonae bexotsi bapoxonae petupaein aisowa beya xotsi uva pabi pecuariya beya”, jei Jesús.

<sup>9</sup> Bapoxonae Jesús yainyaba, jeye: “Pon uva pabi pexeinaein, ¿eta be cana ichi tsane pomonaetha pomonae barapo uva pabi pia petayapucaenaewichi? Apara bapon patopaena xua pejutebinexa tsane pomonae uva pabi pia petayapucaenaewichi. Bapoxonae barapo uva pabi catsina ichamonaetha xua petayapucaenaenexa tsainchi barapo uva pabi”, jei Jesús.

<sup>10-11</sup> Equeicha Jesús nayabara paeba barapomonaetha, jeye: “¡Paxam bara bayatha payorobameba Nacom Pejume Diwesi! Barapo diwesitha neyabara caunuta poxonae iboto yabara paeba, jeye:

‘Pebiwi pomonae ibo bon peacabiwi, barapo pebiwi xuba po iboto tabu caboca,  
po iboto peainya cui iboto.

Ichitha Nacom itapeta barapo iboto xua petabu cabocaenexa peainya cui ibotoxae.  
Waxainchi nanta xeinatsi jeichichi: Maisa pocotsiwa Nacom exana naca tsita xanepana,  
jeichichi’, jei Nacom Pejume Diwesitha”,  
jei Jesús.

<sup>12</sup> Poxonae bapomonae jume tane xua Jesús paeba, Jesús muxu pe-waetabichi. Tsipei bapomonae yaputane xua apara barapomonae yabara paebatsi poxonae Jesús cueicueijei barapo pecayabara jeta pepaebi diwesiyo. Daxota Jesús casebatsi. Tsipei barapomonae jiwi cunuwatsi, daxota Jesús jopa waetabichi. Bapoxonae bara saya ponaruchpa.

*Meje yabara poxonae Jesús yabara cuiduba paratixi matoma po paratixi jiwi bewa catsibina pontha pon romanomonae itorobiya pia pepa peewatsinchi*

(Mt 22.15-22; Lc 20.20-26)

<sup>13</sup> Bapoxonae pirapaeyo Jesús pia xainya betaitorobiyatsi fariseomonae jiwana, iruru pomonae Herodes pia pepuna

jinompaewichi jiwana tatsi, xua daxita barapomonaē piraichi Jesús petsipaebineḡatsi xua Jesús xuya abeya pejume notsinexa. <sup>14</sup> Bara barapomonaē Jesús pia xantha tatsi tapatatsi, jeye Jestuḡtha:

—Pon jiwi Necuidubim. Bara payaputan xua bara jume xainyeya tsipaebame jiwi, xua matautano jiwi bara beta cuidubame xua pocotsiwa jiwi bewa exanaena pexeinaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxonaē cuidubame poxonaē bequein jiwi jopa ichichipaeyo baxua, tsipei xam daxita jiwi bara catsita najupa. Xam jume xainyeya cuidubeibame jiwi Nacom pia peitorobi coyenewa. Incane yabara pana netsipaebare xua nanta xeiname, xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomonaē itorobiya pia pepa peewatsinchi xua wanaca itorobixae bapon bequein bara bapon pon penanapaincha poponaēin xua icha nacua werena pona? Icha jopa tsipae, ¿metha daxua abe tsipae? jeichichi Jesús barapomonaē pomonaē fariseomonaē itoroba.

<sup>15</sup> Daichitha Jesús yaputane, xua barapomonaē itara mexeya xanepanaeya pepaebi jiwi ichitha abeya peexanae jiwi. Jesús jeye:

—¿Eta pocotsiwa metha painya daichi pana nejuntu coyene jujutame? Moya painta xawena paratiyo, tha taetsi, jei Jesús.

<sup>16</sup> Bapoxonaē barapomonaē barapo paratiyo Jesús tacapoinchi. Poxonaē Jesús tane barapo paratiyo, bapoxonaē Jesús yainyaba barapomonaē, jeye:

—¿Jintam pejumopere? ¿Yawano jintam wun ducuaere? jei Jesús.

Barapomonaē Jesús jume notatsi, jeye:

—Apara romanomonaē itorobiya pia pepa peewatsinchi, jei barapomonaē.

<sup>17</sup> Jesús barai barapomonaē, jeye:

—Bara nexata romanomonaē itorobiya pia pepa peewatsinchi pacare pocotsiwa xua bapon piawaxae tatsi. Matautano bara Nacom pacare xua baxua iru piawaxae tatsi, jei Jesús.

Barapomonaē yabara najuntu cui coyene cabenaeca pocotsiwa xua Jesús xanepanaeya beta jume nota.

*Meje yabara poxonaē Jesús yabara yainyabatsi po coyene xua equeicha asu pomonaē pewerapeibiwi*

*(Mt 22.23-33; Lc 20.27-40)*

<sup>18</sup> Bapoxonaē saduceomonaē jiwana pata Jesús pia xantha tatsi xua Jesús piraichi petsipaebineḡatsi. Saduceomonaē barompaya pia pecuidubi coyenewa xeina xua pinae pomonaē pewerapeibiwi equeicha jopa asu tsaiḡbiyo. Barapo pecuidubi coyenewa jopa jupaeyo po pecuidubiwa Jesús pia pecuidubiwa tatsi xua pinae jiwi equeicha asu jinompaena poxonaē werapa. Daxota barapomonaē Jesús tsipaebatsi, jeye:

<sup>19</sup> —Pon jiwi Pecuidubim. Moisés nacata tina, namchi: ‘Icha pebin piowa cuenta tupa, yawa jopa xeinaeyo pexui, xuyapin bewa xuya pentapin pecoutha coseuri pichina xua bapoxonaē pentapin pecoutha pexeinaenexa tsane pexui’, jei Moisés. <sup>20</sup> Barichi, matha iru cae peweicho caepiwi nabaru jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo. <sup>21</sup> Pon cotacaya naexana xuya pentapin coseuri pita xua bapoxonaē pentapin pecoutha



pexeinaenexa pexui. Bapon iru cuenta tupa, iru jopa xeinaeyo pexui. Bapoxonae ichan xuyarin xuya barapowa pita xua pentapin coseuri pita. Bapon barichi iru cuenta tupa, iru pexui jopa xeinaeyo. <sup>22</sup> Daxita barapo siete poyobe cuenta nanapentapona barapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo. Bapoxonae matapainya iru bapowa tupa. <sup>23</sup> Xam, Jesús, ba paebame, ba jam: ‘Matacabi jopaena po matacabitha Nacom asu exanaena, xua jiwi asu exanaeinchi muthan wetsina’, ba jam. Poxonae barapo matacabi jopaena xua daxita jiwi asu jujuinaena, barapo matacabitha jintam metha bapowa xuya pichinchi, xua ichan pichina, xua barapo siete poyobe caein jiwana? Tsipei caena bayatha barapo siete poyobe, caepi jiwi cuenta nanapentapona barapowa, jei saduceomonae.

<sup>24</sup> Bapoxonae Jesús jume nota barapomonae, jeye:

—Paxam apara catsawiya pana nejume notame, tsipei jopa beta payaputaem xua Nacom Pejume Diwesitha payabara yorobame baxua. Matautano jopa payaputaem Nacom pia peyapusu itorobi coyenewa tatsi. <sup>25</sup> Poxonae petupaewi asu jujuinaena jopa jitha eenaponae tsane. Yawa barapomonae pexantixi jopa jitha cuarebaponae tsane. Tsipei barapomonae barichi tsane icha be matatsunpiwimonae ichi, po matatsunpiwi Nacom pia nacuatheicha jinompa, xua po matatsunpiwi jopa jitha enaeyo. <sup>26</sup> Paxam bequein bara bayatha payorobame pocotsiwa Nacom yabara namchi pejume diwesitha xua pomonae equeicha asu jujuina pomonae pewerapebiwi. Barapo diwesitha Nacom cueicueije ichaxota xua poxonae po naewa taxuncua, Nacom jeye: ‘Xan Abraham pia Nacomun tatsin, iru Isaac pia Nacomun tatsin, iru Jacob pia Nacomun tatsin’, jei Nacom. <sup>27</sup> Baxua Nacom paeba, tsipei Abraham, iru Isaac, iru Jacob pewerapaewi anoxuae equeicha caewa asu jinompa, Nacom pia nacuatheicha tatsi. Pomonae pewerapaewi, pomonae caewa equeicha asu jopa pejinompaewi, barapomonae jopa pia Nacom tatsi, pon itabocotha eca. Saya jame meisa pomonae pewerapaewi caewa equeicha asu pejinompaewi, barapomonae jame pia Nacom tatsi, pon itabocotha eca. Daxota paxam catsawa papaebame, jei Jesús.

*Meje yabara poxonae Jesús yabara cuiduba po peitorobi cui coyene pepa peainya cui coyenewa*

*(Mt 22.34-40)*

<sup>28</sup> Caenin pon jiwanamonaepin pomonae jiwi pecuidubiwi Moisés pia peitorobi coyene tatsi, bapon jume tane xua Jesús iru saduceomonae najume matsontsonobiya paeba. Matautano bapon jume tane xua Jesús xanepanaeya betiya jume nota barapomonaetha. Daxota bapon yainyaba Jesustha, jeye:

—¿Eta po peitorobi coyene pepa peainya cui coyenewara, po peitorobi coyene beyacaincha icha peitorobi coyene? jei bapon.

<sup>29</sup> Jesús jume nota bapontha, jeye:

—Po peitorobi cui coyenewa pepa peainya cui coyenewa jeye: ‘Paxam Israel nacuamonaepiwi pam pajume taema xuaje meje: Pon jiwi Pecanamataxeinaein bara compa pepa Pata Nacom, icha Nacom ajibi. <sup>30</sup> Antobeinde Jinya Necanamataxeinaein bapon Nacom xua daxita nejuntu coyene wetsina, matautano xua daxita jinya nepomonae coyenewatha, matautano xua daxita nenanta xeinaewatha nentasipatha,

matautano daxita nedaunwei coyenewatham', jei barapo peitorobi coyenewatha, po peitorobi coyenewa pepa peainya cui coyenewa. <sup>31</sup> Po peitorobi coyene cotacaya itoroba ichaxotaba 'dos' jei, barapo peitorobi coyene be jume jupa po peitorobi coyene copiya ducua. Iruru barapo peitorobi coyenewatha jeye: 'Antobeinde jinya necatsicuarabu ecaein icha ichim xua jinya coutha naantobem', jei barapo peitorobi coyenewatha. Icha peitorobi coyenewa aibi po peitorobi coyene peainya cui coyenewa, po peitorobi coyenewa xua beyacaincha po peitorobi coyenewe, jei Jesús.

<sup>32</sup> Bapoxonae caein jiwana monaepin pomonae jiwi pecuidubiwi Moisés pia peitorobi coyene tatsi, bapon jeye Jestutha:

—Bara beta paebame pocotsiwa aunxuae paebame ponxaem jiwi Necuidubim. Bara xainyeya paebame xua pinae pepa Nacom bara compa popona xua icha pepa Nacom ajibi. <sup>33</sup> Matautano bara xainyeya paebame xua pinae bewa Nacom antobetsi xua daxita wajuntu coyene wetsina, matautano xua daxita wajinompae coyenewatha, matautano xua daxita wananta xeinaewatha wantasipantha, matautano daxita wadaunwei coyenewantha. Matautano bara xainyeya paebame xua wanacatsicuarabu enaewi bewa pinae antobe tsainchi icha ichichi xua wacoutha naantobetsi. Baraxua jame bichocono peainya cui coyenein pocotsiwa bewa exanaetsi, beyacaincha xua duwein ompin tautatsi yawa xua ichawan tautatsi xua watuxusi exanaenexa Nacom nexa, jei bapon. <sup>34</sup> Poxonae Jesús jume tane xua bapon beta jume nota, Jesús jeye:

—Bara saya tsiwiyo cata seica xua jinya nejume cowantsinexa xua nenantausinexa Nacom pon jiwi itorobiya pia pepa Peewatsinchi, jei Jesús.

Bapoxonae nama dapon ajibi xua pon Jesús peyainyabinexa tsainchi.

*Meje yabara poxonae Jesús nayabara jei: “Mesías, ¿jintam pia pemomoxi susato jiwanapin tatsira?” jei (Mt 22.41-46; Lc 20.41-44)*

<sup>35</sup> Bapoxonae Jesús yabara cuiduba Nacom pin pia botha tatsi, xua pon Mesías baraichi xua nayabara paeba Jesús, jeye:

—¿Eta pocotsiwa metha pomonae jiwi pecuidubiwi Moisés pia peitorobi coyene tatsi paeba xua pinae Mesías bapon David pia pemomoxi susato jiwanapin tatsi? <sup>36</sup> Nacom pia Pejumope tanaxu tatsi David cueicueije exanatsi. David jeye:

‘Nacom pon Pecanamataxeinaein jiwi,  
Tanecanamataxeinaein baraichi pon Mesías,  
jeichichi: Tacoxa werena ecare, beya abu  
tsane poxonae necaaitafaetabi jiwi pia  
pecanamataxeinaeinchi tatsi caexanaeinchi, jei  
Nacom pia Pejumope tanaxu tatsi’, jei David.

<sup>37</sup> Icha David Mesías yabara jei, ‘Bapon Mesías Tanecanamataxeinaein’, jei, ¿eta xua metha tsipae xua Mesías apara David pia pemomoxi susato jiwanapin tatsi? jei Jesús.

Barapo pin bicheito bichocono tsimuxu wanaetsi pocotsiwa Jesús cueicueije.

*Meje yabara poxonae Jesús muxuweta jiwi xua pomonaе jiwi pecuidubiwi Moisés pia peitorobi coyene tatsi barapomonaе pecuiyainwa tatsi (Mt 23.1-36; Lc 11.37-54; 20.45-47)*

<sup>38</sup> Poxonaе Jesús cuiduba jiwitha, jeye: “Dota pam, dota pomonaе jiwi pecuidubiwi Moisés pia peitorobi coyene tatsi. Barapomonaе pia pecuidubi coyenewan tatsi pecuiyainwa pande. Jopa paexanaeinde icha bapomonaе ichi xua barapomonaе bichocono ichichipa xua penama xatabiwa po paparuwan apipiya deca xua be pomonaе peainya cui jiwi penaexanaewi naexana. Barapomonaе bichocono ichichipa xua jiwi namtontha jacobebina barapomonaetha xua jiwi pebaru cui itura jineibinexa barapomonaе. <sup>39</sup> Barapomonaе bichocono ichichipa xua nanta caeneiba judiomonaе pia penacaetutsi bontha tatsi ichaxota ba enathopeiba pomonaе peainya cui jiwi penaexanaewi. Matautano barapomonaе bichocono ichichipa xua eneiba ichaxota ba eneiba pomonaе peainya cui jiwimonaе poxonaе pexaewan tsinacaetuteiba penabaneibinexa tsane. <sup>40</sup> Matautano barapomonaе powaxi pecuenta werapawaxichi piseurixi barapowaxi cueranta enatsi pia bon. Barapomonaе naemata jopa cuinaya najume copababeibiyo poxonaе tsipaebeiba Nacom. Barapomonaе bichocono peraxa jubebinchi poxonaе po mataqueitha Nacom jiwi yabara paebina penatsicuentisiwa xua abe peexanaexae Nacomtha. Barapomonaе atene tsane beyacaincha poxonaе ichamonaе atene exanaeinchi xua jopa pejume cowantsixaetsi Nacom”, jei Jesús.

*Meje yabara poxonaе Jesús yabara paeba xua petsiriwa paratiyobe cata Nacomtha, powa pecuenta tupaewatsi piseuri (Lc 21.1-4)*

<sup>41</sup> Poxonaе Jesús eca Nacom pin pia botha tatsi xua peitabara weya, xua ichaxota jiwi jeyeiba paratixi Nacom nexa, bapoxonaе Jesús tane xua pinmonaе pomonaе copei pexeinaewi paratixi nawita jeya ichaxota jiwi jeyeiba paratixi Nacom nexa. <sup>42</sup> Barapoxonaeru yabuyo patopa, powa pecuenta tupaewatsi piseuri. Barapowa bichocono peacopeibiwayo. Bapowa jeca ainya pecacomocae paratiyobe Nacom nexa. Barapo paratiyobe tsiqui paratiyobe. <sup>43</sup> Bapoxonaе Jesús pijimonaе waba, yawa jeye barapomonaetha:

—Bara xainyeya paca tsipaebatsi. Barapo yabuyo, powa pecuenta tupaewatsi piseuri, bapowa peacopeibiwayo. Daichitha barapowa jeca ainya paratiyobe Nacom nexa. Bapowa cata beyacaincha ichamonaе daxita pomonaе xua jeya xua Nacom nexa. <sup>44</sup> Daxita barapomonaе jeya pocotsiwa tanacopabeibatsi. Ichitha nama bapowa bichocono peantobexae Nacom daxota omeicha jeca pocotsiwa bequein canantawenona xua pepoponaewa tsane bequein bichocono peacopeibiwayo, jei Jesús pijimonaetha.

## 13

*Meje yabara poxonaе Jesús yabara paeba xua ichamonaе abe cana exanaena Nacom pin pia bo tatsi (Mt 24.1-2; Lc 21.5-6)*

<sup>1</sup> Poxonaе Jesús Nacom pin pia bo wejoniya, bapoxonaе caein Jesús pijimonaе jiwana tatsi, Jesús tsipaebatsi jeichi:

—¡Pon jiwi Necuidubim, taema maisa pexeinya iboton, yawa pexeinya ibo bo! jei bapon.

<sup>2</sup> Ichitha Jesús jume nota bapontha, jeye:

—Aunxuae pataebename barapo iboton yawa xua pexeinya bon. Apra jopa cae ibotiyo nacopatuncuae tsane icha iboto peamatha. Daxita abe tsane, jei Jesús.

*Meje yabara poxonae Jesús yabara paeba xua copiya matha pewunaeya exanaena petsita itatsi coyenewa poxonae daxita weraweracaenaba (Mt 24.3-28; Lc 21.7-24; 17.22-24)*

<sup>3</sup> Bapoxonae Jesús pijimonae baru pona demxuwatheicha, po demx-  
uwa pewun demxu Olivowa tsipei baxota umena olivo naein. Poxonae  
Jesús copiya demxuwatheicha, po demxua Nacom pin pia bo itama  
tayecatsi, bapoxonae Jesús pijimonae tatsi Pedro, iru Santiago iru Juan,  
iru Andrés, barapoyobe Jesús namicha tsipaebatsi. <sup>4</sup> Barapoyobe jeye:

—Paichichipan xua xam tapata netsipaebiwam tsane zeta poxonae  
metha ichamona baxua exanaena poxonae abe cana exanaena Nacom  
pin pia bo tatsi? zEta pocotsiwa tsane metha xua pewunaeya tsita  
itapeinya xeinaena po coyene xua poxonae imoxoyo daxita werawera-  
caenaba? jei Jesús pijimonae tatsi.

<sup>5</sup> Jesús jume nota barapomonaetha, jeye: “Dota pam, bu ichamona  
naerabiya paca muxu tsipaeba, xua daxota abe paexanaetsipame.  
<sup>6</sup> Tsipei tsana patsina ayei bicheito jiwi pomona natsicotaena icha  
be xan ichin. Barapomonae jei tsane: ‘Apra xan Mesías’, jei tsane.  
Poxonae barapomonae muxuitorobiya paebina, bapoxonae pinmonae  
jume cowantsina.

<sup>7</sup> “Pajume taename xua jiwi juinya nabenoutsina xote, yawa xua  
juinya iruru nabenoutsina icha ira beya. Daichitha jopa pajunuwinde,  
tsipei baxua pewunaeya matha copiya tsane. Daichitha cataunxuae  
dapo matacabi aichica tsane xua poxonae daxita weraweracaenaba yat-  
sicaewa. <sup>8</sup> Cae nacuapiwi iru icha nacuapiwino, barapo ainya nacuapi-  
wibe nabenoutsina. Matautano iru pon nacua peewatsin iru ichandu pon  
icha nacua peewatsin, baponbe iru nantiya nabenabe. Matautano ainya  
nacuantha ira jijiyatsina. Matautano ainya nacuantha jainbo nacua  
tsane tsipei pin mayayo tsane. Baxua copiya matha tsane xua jiwi atene  
tsopona tsane bichocono xua beya jopa nama juniya tsane.

<sup>9</sup> “Ichitha dota pam, tsipei poxonae baxua pewunaeya tsane jiwi  
paca teiquebina painya nepaca caenaetsinexa pomonaetha pomona  
tomaran pentacaponae. Matautano paca cuainchina judiomona  
pia penacaetutsi bontha tatsi. Yawa paca caponaena nacua pee-  
watsiwi peitabaratha tatsi, painya tana nejume cowantsixaemxae.  
Yawa paca caponaena pentacaponae peitabaratha tatsi pomona iru  
itoroba jiwitha xua pon nacua peewatsin nexa painya tana nejume  
cowantsixaemxae. Barapoxonae bara paca cui itacupaena xua bara-  
pomonaetha tapana neyabara paebiwam pocotsiwa bayatha paca tsita  
exanatsi. <sup>10</sup> Barapo pecapanenebiyae diwesi, tamona bewa paebi-  
noutsina daxita nacuanpiwitha xua poxonae pewunaeya tsane xua  
daxita weraweracaenaba. <sup>11</sup> Poxonae barapomona paca caponaena  
pomonaetha pomona tomara pecanamataxeinaewi xua pia painya  
nepaca cayabara paebinx tsane xua painya nenatsicuentisiwa xua abe  
painya nexanaexae bapoxonae jopa patsiwanaya junuwiya najantu  
coyene exabinde xua painya netsipaebiwa tsane barapomona. Paxam  
jame papaebare pocotsiwa xua caena bapoxonae Nacom cueicueije

paca exanaena. Bapoxonae po jume pacueicueijam tsane apara jopa poxoru painya coya paichichipaem, apara jame Nacom pia Pejumope t̄nax̄u tatsi baxua paca cueicueijei exanaena. <sup>12</sup> Jiwi barompaya pia peweicho jiwi caenaetsina ichamonaetha xua pejutebinexa tsainchi. Ir̄u coxiyeiwi ichamonaetha caenaetsina pia pexui. Ir̄u pexui paxa jiwi caenaetsina ichamonaetha pejutebinexa tsainchi. <sup>13</sup> Daxita nacuanpiwi paca casebina painya tana nejume cow̄untsixaemxae. Ichitha pomonae awiya ant̄yap̄us̄ya nejume cow̄untsiya jinompaena xua beya yacuiya werapaeya othopaena poxonae bequein abe taexanatsi ichamonaē barapomonae jame Nacom napaeba cana exanaena.

<sup>14</sup> “Daniel pon Nacom peitorobi jume pepaebin, bapon caena bayatha yabara tsiwanaya muxu dutsiya tina pocotsiwa xua bichocono abe, pocotsiwa xua weraweraca cana exana. Pataename pocotsiwa xua ich̄n Nacom pin pia bo tututha exananotsina, pocotsiwa jopa bewa notsi baxota, pocotsiwa Daniel bayatha yabara paeba. Bapoxonae payaputaename xua bara imoxoyo matacabi jopaenaba poxonae daxita weraweracaenaba”, jei Jesús. (Xan Marcos paca baraichi: “Pon yorobina po jume diwesi tinan moya jume naitaewatsina pia peyaputaenexa tsane”, paca jeichi.) Equeicha Jesús jeye: “Poxonae barapocotsiwa pataename bapoxonae pomonae Judea nacuaetha jinompa, barapomonae bewa demxuwan ber̄cup̄iyaena. <sup>15</sup> Barapo matacabitha pon bo matatupatha uncua, bapon jopa bewa botha joniyae tsane xua penotsiwa tsane pocotsiwa tabobeinchi bom̄x̄u tututha. Saya jame bewa nainya benaetsircuaena. <sup>16</sup> Ir̄u pon pabitha popona, bapon jopa bewa caibeya ponae tsane botha xua penotsiwa tsane pia paparuan. Saya jame bewa nainya benaetsircuaena. <sup>17</sup> ¡Pai yab̄xi tsobenae powaxi pexui b̄pana taenatsi barapo matacabitha! ¡Pai ir̄u powaxi pexui isaina barapowaxi tsobenaer̄u! Tsipei acabe tsobenae tsane pexui. <sup>18</sup> Poxonae pew̄naeya tsane baxua Nacom paw̄care xua jopa painya ner̄cup̄aewa tsane poxonae aw̄bo peaquexae bichocono. <sup>19</sup> Tsipei barapo matacabintha jiwi bichocono pin peraxa exanaeinchi. Atene tsane beyacaincha poxonae jiwi atene tsaibi poxonae Nacom aena nacua exana, xua equeicha nama bichocono pin peraxa tsane. Equeicha bexa bapoxonae bapana jopa baxua exanae tsane poxonae bichocono jiwi pin peraxa. <sup>20</sup> Icha Nacom jopa be caentacabiyobe exanaetsipae metha dapomonae ajibi tsipae pomonae panenebiya barapo peatene coyenewa weya. Daichitha Nacom be caentacabiyobe exanaena peantobexae pijimonae, pomonae pia peitapetsiwixae tatsi.

<sup>21</sup> “Bapoxonae icha ich̄n paca jei: ‘Pataema bapon apara Mesías uncue pon Nacom itorobica’, paca jei, ir̄u icha ich̄n paca jei: ‘Pataema bapon Mesías xota uncuiye’, paca jei, barapo jumein jopa pajume cow̄untsinde. <sup>22</sup> Tsipei pomonae pemuxitorobi jiwi tsana patsina. Barapomonae natsicotaena icha be xan ich̄n ponxaein Mesías. Matautano barapomonae natsicotaena icha be pomonae Nacom peitorobi jume pepaebiwi ichi tsane. Barapomonae pexeinya petsita it̄tsi coyenewan exanaena peitabocotha, po irathe tsaneno xua jiwi pemuxitorobinexa tsainchi xua jiwi pejume cow̄untsinexa pocotsiwa barapomonae paeba. Barichir̄u pomonaetha pomonae Nacom pia peitapetsiwi tatsi pemuxitorobinexa tsainchi xua ir̄u icha metha barapomonae pejume cow̄untsinexa tsaner̄u pocotsiwa

barapomonaē paēba. Ichitha jopa itac̄paē tsainchi xua barapomonaē pemuxitorobiwa tsainchi. <sup>23</sup> Tsaca pajinompare, tsipei baxua tsiwanaya yabara paca tsiw̄naē muxu dutatsi”, jei Jesús.

*Meje yabara poxonaē Jesús nayabara paēba xua poxonaē equeicha patopaetsica ponxae Nacom pia Peitapetsin*

(Mt 24.29-35, 42, 44; Lc 21.25-36)

<sup>24</sup> Equeicha Jesús namchi, jeye: “Po matakabintha poxonaē nacui wetsina xua jiwi pin peraxa tsane, bapoxonaē xometo nainya naquitabina. Jomocoichato jopa pentha tsane. <sup>25</sup> Opiteiton peitaboco weothopeicaena. Matauta napuna torobabiyaena Nacom xua xuan itabocotha dubena. Bapoxonaē jopa xapain dubenanaeyo tsane. <sup>26</sup> Bapoxonaē daxita jiwi taena peitabocotha xua po coyene apara tapatopeicaewa tsaneba tsaquinaebowatha peitaboco wetsica ponxaein Nacom Tananeitapetsin. Nacom pia peayapus̄ itorobi coyenewatha matautano bichocono pexeinya it̄panae coichathano patopeicaein. <sup>27</sup> Matautano itorobin tamatatsunpiwi xua inta pecaetutsinexa pomonaē taitapetsiwi. Nacaetutsina daxita nacuanpiwi jiwana, ir̄u ichamonaē pomonaē ichaxota xometo weecoinapiwi jiwana, ir̄u ichamonaē pomonaē ichaxota xometo bejopiyapiwi, jiwana, ir̄u ichamonaē pomonaē pocotsiwa werenepiwi jiwana, ir̄u ichamonaē pomonaē pocotsiwa berequepiwi jiwana.

<sup>28</sup> “Payaputaema barapo pecayabara j̄ta pepaēbi diwesiyo xua higuera naē. Jeye: Poxonaē ba pataneme xua pena noxu xuxuwapona, bapoxonaē ba payaputaneme xua bara imoxoyo wei tsurucuaē tso-ponaē, xua pentono perubenaenexa. <sup>29</sup> Barapocotsi j̄ta coyeneya ichi tsane poxonaē pataeneme daxita baxuan pocotsiwa aunxuaē paca tsipaebatsi pocotsiwa bexa exanaena, bapoxonaē payaputaeneme, xua bara imoxoyo tsane xua tapatopae w̄naē tsane. <sup>30</sup> Bara xainyeya paca tsipaebatsi daxita judiomonaē naitapataya naexanaponaena beya yacuiya othopaena poxonaē Nacom exanaena daxita baxuan pocotsiwa xuaunxuaē paca tsipaebatsi. Bapoxonaē barapo judiomonaē weraweracaena pomonaē poxonaer̄u barapo matakabitha jinompa. <sup>31</sup> Peitaboco aichurucuaē tsane. Matautano ira aichurucuaē tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paēban.

<sup>32</sup> “Po matakabitha baxua exanaena, matautano po horatha baxua exanaena jiwi jopa baxua yabara yaputaeyo. Ir̄u matatsunpiwi pomonaē peitaboco beicha jinompa baxuan ir̄ur̄u jopa yabara yaputaeyo. Ir̄u xan ponxaein Nacom Pexanton baxua jopa yabara yaputaeyo. Meisa saya Nacom, pon Waxa yaputane poxonaē po matakabitha baxua exanaena. Matautano yaputane poxonaē po horatha daxita exanaena baxua xuaunxuaē paca tsipaebatsi.

<sup>33</sup> “Tsaca pajinompeibare xua tapatopae w̄naē tsane. Yawa Nacomtha patsipaēba dubenanaebiyama, tsipei jopa payaputaem po mataqueitha patopaēin. <sup>34</sup> Barapocotsi coyeneya j̄ta ichi poxonaē xan patopeicaein taitorobinexa tsane jiwi, icha be poxonaē pebin ichi poxonaē warapaena icha nacua beya. Poxonaē bapon pew̄naeya tsane xua warapaena pia bo weya, copiya matha waba pia petanacuichiwichi. Bapon daxita pia petanacuichiwichi barompaya cobenata petanacuichiwantsi tatsi. Matautano bapon itoroba pon bo coiboto

eena xua xanepanaeya bo pe-eeenaenexa. <sup>35</sup> Paxam tsaca pajinompare, tsipei jopa payaputaem poxonae patopeicaein, icha be barapomonaee ichi poxonae jopa yaputaeyo poxonae pepatopaewa tsane pia pecanamataxeinaeinchi pon bo pexeinaeinxae. Barapomonaee jopa yaputaeyo icha barapon patopaena poxonae quirei tsanaicha, ichacuiitha icha bapon patopaena papaetha, ichacuiitha icha bapon patopaena mataqueiwanaeyo, ichacuiitha icha bapon patopaena baya tsane. <sup>36</sup> Barapomonaee jopa yaputaeyo xua pia pecanamataxeinaeinchi nainya patopaena xua yaichamaicha mata taenabounaeinchi poxonae maitumena. <sup>37</sup> Meje xuaje paca tsipaebatsi, xua paca jeichi: 'Tsaca pajinompare', paca jeichi, baxua iru daxita jiwitha tsipaeban", jei Jesús.

## 14

*Meje yabara poxonae fariseomonaee iru sacerdotemonaee pia pentacoponaewi tatsi daxita barapomonaee Jesús yabara nanta xeinatsi po coyeneya xua Jesús pewaetabiwa tsainchi*

*(Mt 26.1-5; Lc 22.1-2; Jn 11.45-53)*

<sup>1</sup> Acoibi po maticabiyobe cataunxuae seica poxonae jiwi nacaetutsina penabanaenexa pexaewa, peyabara nanta xeinaenexa barapo maticabi xua poxonae caena bayatha matha judiomonaee Egipto nacua weya panenebiya. Barapo maticabi pewan Pascua maticabi wan. Barapo Pascua maticabi wantha jiwi xane pan, po pan xua jopa cotowiyo. Sacerdotemonaee pia pentacoponaewi tatsi, iru pomonaee jiwi pecuidubiwi Moisés pia peitorobi coyene tatsi, daxita barapomonaee nabaru muxu jei xua bepa pinae eta bichi tsane poxonae Jesús nameicha waetabinchi pebexubinexatsi. <sup>2</sup> Ichitha barapomonaee najeye:

—Abu jopa waetabi tsainchi poxonae jiwi Pascua maticabi wantha nacaetuta penanabanaenexa pexaewa. Tsipei icha barapo mataqueitha waetabichipatsi pinmonaee anaepanaya najume cayayataxubichipa, najei daxita barapomonaee xua Jesús yabara paebatsi.

*Meje yabara poxonae petsiriwa Jesús mata eatabatsi penasiwa, po penasiwa petuxueiwa*

*(Mt 26.6-13; Jn 12.1-8)*

<sup>3</sup> Poxonae Jesús Betania tomaratha popona, bapoxonae Jesús Simón pia bo tatsi betajoniyatsi, pon peperu sawinchi. Poxonae Jesús eca pexaethopaewatha, bapoxonae patopa petsiriwa. Bapowa capatopa alabastro ibo bosibu atsato, xua bichocono wanca penasiwa xua petuxueiwa. Barapo petuxueiwa bichocono ainya matoma. Poxonae wacataba barapo bosibu, bapoxonae Jesús mata eatabatsi barapo petuxuei nasiwatha. <sup>4</sup> Pomonaee iru baxota ena, barapomonaee jiwana anaepana, yawa caemonaee najei:

—¿Eta pocotsiwa metha saya xuba jane barapo petuxuei nasiwa? <sup>5</sup> Barapo petuxuei nasiwa becaenaetsipatsi. Bapoxonae bexeinaetsipatsi trescientos po paratiximonaeebe po paratiximonaeebe xua namatomata xua poxonae trescientos maticabibe nexa xua poxonae nacuita. Barapo paratixitha beyawenaetsipatsi peacopeibi jiwi, najei barapomonaee.

Bapoxonae barapomonaee barapowa casebatsi.

<sup>6</sup> Ichitha Jesús jeye barapomonaetha:

—Moya pande, bara pacopare. ¿Eta pocotsiwa metha barapowa pabiataneme? Pocotsiwa barapowa inta exana apara seicayarꝯ xua pexeinya coyene inta exana. <sup>7</sup> Barapo irathe peacopeibi jiwi paca barꝯ jinompeibina ataya tsaibi tsane. Paca itacꝯpa xua beta pata exaname barapomonaꝯ poxonaꝯ paichichipame. Ichitha nama paxam jopa ataya paca barꝯ poponaꝯ tsainchi barapo irathe poxonaꝯ paca itacꝯpa xua pana neyaweneme. <sup>8</sup> Barapowa xua nenta epataraba tapepontha xua petuxuei tuxusi nasiwatha apara xua tsiwanaya nenacui yabara nacui wꝯnaeta xua mꝯthu tana neboyaenexa poxonaꝯ tꝯpaein. <sup>9</sup> Bara xainyeya paca tsipaebatsi. Daxita nacuanthan poxonaꝯ jiwi cueicueijeji tsane Nacom pia pecapanenebiyae diwesi barapo jiwi yawa yabara paeibina xua pocotsiwa poxonaꝯ bapowa inta exana xua jiwi bapowa peyabara cui nanta xeinaenexatsi, jei Jesús.

*Meje yabara poxonaꝯ Judas, Jesús caenaetaxotsi  
(Mt 26.14-16; Lc 22.3-6)*

<sup>10</sup> Barapoxonaꝯ Judas Iscariote pon doce poyobe jiwana, pomonaꝯ Jesús pijimonaꝯxae tatsi, bapon sacerdotemonaꝯ pia pentacaponae wi tatsi beya pona. Bapon pona xua petsipaebinxaxua Jesús caenaetaxubinchi barapomonaꝯaetha. <sup>11</sup> Poxonaꝯ barapomonaꝯ baxua jume taerꝯꝯpa bichocono ichichiparꝯꝯpa baxua. Yawa barapomonaꝯ Judas Iscariote muxu tsipaebatsi xua paratixi catsibapaebatsi. Bapoxonaꝯ Judas tamropata pitaba xua jeita, xua po coyenetha Jesús pecaenaetaxubiwa tsainchi barapomonaꝯaetha poxonaꝯ peyapu xanepanaewatha.

*Meje yabara poxonaꝯ Jesús pijimonaꝯ barꝯ nabane Pascua wꝯn matacabitha  
(Mt 26.17-29; Lc 22.7-23; Jn 13.21-30; 1 Co 11.23-26)*

<sup>12</sup> Nexata copiya matabi jopa po matabi tsiwana penanta carucuae matabi xua po matabintha poxonaꝯ jiwi tsinacaetutsina, xua penabanaenexa pan, po pan jopa muxuna pentsiyo levadura matawꝯn, pocotsiwa xua cotowa exana pan. Barapo penanta carucuae matabitha ba corderoxi pebtoxi xua oveja coxi jutebatsi xua jiwi pexaenexa. Bapoxonaꝯ barapo jiwi cayabara nanta xeina xua caena bayatha pia pamo susato jiwi tatsi corderoxi juteba yawa xane beya poxonaꝯ panenebiya Egipto nacua weya. Barapo matabitha Jesús pijimonaꝯ yainyabatsi, jeye:

—¿Exota ichichipame xua xota pexaewa paca tsiwꝯnaetsinchi wana banaanexa tsane xua Pascua wꝯn matabi nexa? jei barapomonaꝯ.

<sup>13</sup> Bapoxonaꝯ Jesús itoroba nacueyatabe poyobe ponbe xua doce poyobe jiwana, pomonaꝯ Jesús pijimonaꝯ tatsi. Jesús jeye:

—Tomara beya paponarebe. Barapo tomarathiya pantenta ponaenamebe pebin pon mera yantana ponaena juruwatotha. Bara bapon papuna pondebe. <sup>14</sup> Bo beya paponarebe ichaxota bapon joniyaena. Pon bo pexeinaein pabarande: ‘Pon jiwi Pecuidubin cabarai: ¿Incane tutura, po tututha tajiwimonaꝯ barꝯ nabanaein pexaewa Pascua wꝯn matabi nexa?’ jei bapon, pajandebe. <sup>15</sup> Bapoxonaꝯ bapon paca tsita itacayopichinabe po tutu pin tutu po tutu xua asiyeicha po tutu xua bayatha tutu xaneba. Barapo tututha pexaewa pana cui wꝯnaetajebare xua wanabanaenexa pexaewa barapo Pascua wꝯn matabi nexa, jei Jesús.



<sup>16</sup> Bara bapoxonae baponbe ponatababe. Bara patopabe tomaratha. Bara tanebe daxita be po coyeneya bayatha Jesús paeba. Bapoxonae pexaewa nacui w̄naetajebabe Pascua w̄n matacabi nexa xua pena-banaenexa.

<sup>17</sup> Poxonae quirei tsanaicha bapoxonae Jesús pijimonae bar̄u patopa barapo tututha. <sup>18</sup> Poxonae Jesús pijimonae cataunxuae bar̄u xunaboca pexaethopaewatha, bapoxonae Jesús pijimonae barai, jeye:

—Bara xainyeya paca tsipaebatsi caein pon paxam jiwana pam pon nebar̄u xaeuncua bapon necanaetaxubina ichamonaetha, jei Jesús.

<sup>19</sup> Nexata bapoxonae Jesús pijimonae tatsi unthuthu wecoyei ts̄ur̄uc̄ur̄ae, nexata daxita tsana jei tsoponae Jesththa:

—¿Apara xan cacaenaetaxubinchi? jei daxita barapomonae xua Jesús tsana yainyabaponatsi.

<sup>20</sup> Jesús jume nota barapomonaetha, jeye:

—Pon paxam jiwana pam xua doce poyobe jiwana xua cae paratotha pana nabar̄u jajauncuaponanbe pan apara bapon necaenaetaxubina ichamonaetha. <sup>21</sup> Xan ponxaein Nacom Tananeitapetsin bewa t̄ur̄aein, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha. Metha jame w̄nae tsipae icha bapon bayatha jopa naexanaetsipae, tsipei bexa tsane bichocono atene tsocuae tsane, bichocono abe tana necana exanaexae, jei Jesús.

<sup>22</sup> Poxonae Jesús pijimonae bar̄u xaeuncua, bapoxonae Jesús pecobetha pita pan. Yawa Paxatha tsipaeba, jeye: “Axa, maisa j̄unt̄u coyene weiweinan xua pan pata tanecatsiwam”, jei. Bapoxonae Jesús pecobetha pan epa janaca, yawa catsiba pijimonae. Bapoxonae pijimonae barai, jeye:

—Paxaema po pan epa janacan. Barapo pan apara neyabara caunuta tapepon xua poxonae tapaca tsit̄ur̄aeiwatsi tsainchi, jei Jesús.

<sup>23</sup> Bapoxonae Jesús equeicha pecobetha pita corotiyo, yawa Nacomtha tsipaeba, jeye: “Axa, maisa j̄unt̄u coyene weiweinan xua corotiyotha ecareca pepa uva mera xua pata tanecatsiwam”, jei. Bapoxonae Jesús pijimonae cata corotiyo xua pejiwana aapaponaenexa. Daxita barapomonae bara jiwana aapapona. <sup>24</sup> Bapoxonae Jesús jeye pijimonaetha:

—Pena petsiw̄nae muxu dutsi coyenewa paca tsipaebatsi. Barapo uva mera po mera xua corotiyotha tsijuntu eca yabara caunuta tajana barapo uva mera xua jana othoparenaein poxonae t̄ur̄aein. Barapo jana tsita itapeinya xeinaena xua jiwi pinmonae yabara j̄unt̄emainaein abe pia peexanae cuiru coyenein tatsi. <sup>25</sup> Bara xainyeya paca tsipaebatsi, barapo uva mera jopa equeicha paca bar̄u apae tsainchi anoxuae. Meisa ab̄u bexa tsane pena coyenewatha paca bar̄u apaeinchi barapo uva mera poxonae Nacom neexanaena xua itorobiya ewatsin jiwi, jei Jesús.

*Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús (Mt 26.30-35; Lc 22.31-34; Jn 13.36-38)*

<sup>26</sup> Poxonae Jesús pijimonae bar̄u najume weta xua nax̄na Nacom nexa, bapoxonae Jesús pijimonae bar̄u pona demxuwa beya. Barapo demxuwa pew̄n demxu Olivowa, olivo naein peumenaexae baxota.

<sup>27</sup> Nexata Jesús pijimonae barai, jeye:

—Anoxuae barapo merawithe daxita pam pana necuentarꝝꝑaename tapaca urapentsixaetsi tsainchi. Baxua paexanaename, tsipei Nacom Pejume Diwesitha paca yabara cui tsiwꝝnaeya jeye: ‘Poxonae ovejamonae peewatsin bexubin, bapoxonae ovejamonae tsanarꝝꝑaena’, jei Nacom. Penamchixae poxonae ichamonae newaetabina tanebexubinexa pana necuentarꝝꝑaename. <sup>28</sup> Ichitha taeayarapayo Nacom equeicha asꝝ neexanaena. Bapoxonae paca tsiwana patopiyaeinchi Galilea nacua beya, poxonae bara beya raponaename, jei Jesús.

<sup>29</sup> Nexata Pedro Jesús jume notatsi, jeye:

—Bequein ichamonae cacuentarꝝꝑaena jinya neuraxubixae, nama xan bapana jopa cacuenta naetsiricuae tsainchi taneuraxubixaemxae, jei Pedro.

<sup>30</sup> Nexata Jesús Pedro jume baraichi, jeye:

—Bara xainyeya catsipaebatsi, po merawithe pewꝝnaeya poxonae ainya jume cuiyobetha wacara pebto fibina, bapoxonae xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane, jei Jesús.

<sup>31</sup> Ichitha Pedro equeicha jume daunweya, jeye:

—Bara bequein capuna tꝝpaeinchi ichitha baxua jopa cayabara paebi tsainchi, jei Pedro.

Irꝝꝝ daxita Jesús pijimonae tatsi bara jumichi, nanta jꝝpiya paeba.

*Meje yabara poxonae Jesús Paxa tsipaeba ichaxota tsica iriyo, po iriyo pewꝝn Getsemaní*

(Mt 26.36-46; Lc 22.39-46)

<sup>32</sup> Nexata Jesús pijimonae barꝝ patopa ichaxota tsica iriyo po iriyo pewꝝn Getsemaní. Baxota Jesús barai pijimonae, jeye:

—Xote abꝝ paenare tha matha Taxatha tsipaebichi, jei Jesús.

<sup>33</sup> Jesús barꝝ pona Pedro irꝝ Santiago irꝝ Juan. Bapoxonae Jesús bichocono ꝝnthꝝthꝝ wecoyei, yawa bichocono ꝝnthꝝthꝝ deidei jei.

<sup>34</sup> Nexata barapo acoibi poyobetha Jesús barai, jeye:

—Bichocono jꝝntꝝ coyene natsepiya wecoyan, tsipei muxu tatꝝpae. Xote paenare, yawa payoyocare xua painya tanebarꝝ naitaewatsinexam, jei Jesús.

<sup>35</sup> Nexata Jesús tsiwiyo dabe natsixitabiya, irabe taeuncuareca, tsipei jopa juniya ajꝝntꝝtaneyo. Jesús yaputane xua bichocono tsiatene tsane xua daxita jiwi abe pia peexanae coyenein tatsi. Daxota Jesús Paxa wꝝca xua icha itacꝝpatsi xua jopa penantawenonaewa xua peatenewa.

<sup>36</sup> Bapoxonae Jesús Paxa tsipaeba, jeye: “Axa caitacꝝpa xua daxita exaname. Icha ichichipame xua taneyawenaewam tsane, newepire pocotsiwa neajꝝntꝝtane exana. Ichitha jopa necana exanaeinde xua pocotsiwa ichichipan. Saya jame necana exande xua pocotsiwa ichichipame”, jei.

<sup>37</sup> Nexata Jesús equeicha caibe iya ichaxota pijimonae jiwana tatsi taenatsi xua acoibi poyobe. Ichitha barapomonae maita. Jesús Pedro baraichi, jeye:

—Simón, ¿maituncuame? ¿Jopa caitacꝝpaeyo xua yoyocame xua jinya tanebarꝝ naitaewatsinexam, matautano xua bara cae horathano?

<sup>38</sup> Maisa payoyocare. Nacom patsipaebare xua jopa abe painya neexanaewa tsane poxonae caurimonae pia pentacaponaein tatsi piraichi

paca juntu coyene jujata. Painya juntu coyene wetsina bichocono paichichipame xua Nacom painya netsipaebiwa, ichitha painya pepon bichocono paacoyenefaetabim xua painya netsipaebiwa Nacom.

<sup>39</sup> Equeicha Jesús bara nama caeto caibeya pona xua Paxa petsipaebinexa barapo jumetha, po jumetha copiya Paxa tsipaeba. <sup>40</sup> Bapoxonae equeicha Jesús pijimonae beya pona xua acoibi poyobe. Daichitha barapo acoibi poyobe came maitumena, tsipei bichocono itata tsacatsaquei xua itamaipana. Barapomonae jopa yaputaeyo xua Jesús petsipaebiwatsi poxonae yaichamaicha mata taenanaboumeinchi. <sup>41</sup> Bara nexata equeicha Jesús saya cuenta pona pijimonae, xua Paxa equeicha petsipaebinexa. Equeicha pijimonaetha patopa acoibi po cuiyobetha. Jesús jeye pijimonaetha:

—¡Moya bara painya nepu maitumenaende, aunxuae jopa Nacom patsipaebim xua painya necayawenaenexa! Bayatha tsuxubi po horatha xua xan ponxaein Nacom Tananeitapetsin, ichan necaenataxubina ichamonaetha, pomonaetha pomonae peantacoyenebe jiwí. <sup>42</sup> Panacosabapende, panonobapondeno. Antha bu poinchi. Dota dawerena pon necaenataxubina ichamonaetha, jei Jesús.

*Meje yabara poxonae Jesús waetabatsi*  
(Mt 26.47-56; Lc 22.47-53; Jn 18.2-11)

<sup>43</sup> Poxonae Jesús cataunxuae tsipaebuncua pijimonae, bapoxonae Judas patopa. Bapon Judas doce poyobe jiwana caein pomonae Jesús pepa pijimonaexae tatsi. Judas pinmonae baru patopa Jesustha. Ichamonaae cusin cajinjina. Ichamonaae iwabi cajinjina. Daxota daxita barapomonae pata tsipei sacerdotemonae pia pentacaponae tatsi, iru pomonae jiwí pecuidubiwi Moisés pia peitorobi coyene tatsi, iru pomonae pitiri jiwiru daxita barapo pentacaponae itoroba barapomonaetha. <sup>44</sup> Judas pon Jesús caenataxubinchi beya poxonae bapon patopa cou tsiwanaya paeba barapo pin bicheitha cou Jesús yabara paebatsi, cou jeye: “Pon tsutsubin bapon apara barapo pebin Jesús. Nexata moya bara pawaetabare. Pacaponde xua soldadomonae xainwaicha pecutsinexa tsane”, jei Judas.

<sup>45</sup> Nexata Judas Jesús imoxoyo caquita poinchi. Bapoxonae nainya Jesús jeichichi:

—Pon jiwí Necuidubim, ¿xamda? jei Judas.

Bapoxonae nainya Judas Jesús tsutsubatsi. <sup>46</sup> Nexata barapomonae pomonae Judas pebaru patopaexae, Jesús imoxoyo caquita umenarucupatsi. Bapoxonae Jesús waetabatsi.

<sup>47</sup> Caein pon Jesús pijimonae tatsi jiwana, bapon nainya cusi namara wejonta. Bapoxonae bapon muxuyoro catsoniba, pon sacerdotemonae pia pepa pentacaponaein tatsi tanacuitatsi bapon muxuyoro catsonibatsi. <sup>48</sup> Bapoxonae Jesús jeye jiwitha:

—Pacapatame cusin, yawa iwabi ichi be poxonae pacana ichim pontha pon jiwí pecaibin. <sup>49</sup> Daxita matabin Nacom pin pia botha tatsi paca baru poponeibatsi. Paca cuidubeibatsino. Daichitha bapoxonae jame jopa pana newaetabim. Ichitha daxita baxuan neyabara canacui jume weta exana, bayatha Nacom Pejume Diwesitha tana necui yabara wuna tsiwanaya paebixae pomonae Nacom peitorobi jume pepaebiwi.

<sup>50</sup> Bapoxonae Jesús daxita pijimonae cuentaru cupatsi.

<sup>51</sup> Bapoxonae pewowin Jesús puna poinchi pon saya meisa paparuwatha naepa yaraba. Barapo pewowin waetabatsi pomonae Judas baru patopa. <sup>52</sup> Ichitha barapo pewowin nama xuetacuta pia paparuwa epato. Tamasa naetsiricua.

*Meje yabara poxonae Jesús capoinchi judiomonae pia pecanamata caitorobi jiwi bicheito tatsi pia peitabaratha tatsi*

*(Mt 26.57-68; Lc 22.54-55, 63-71; Jn 18.12-14, 19-24)*

<sup>53</sup> Pomonae Jesús teicatsi, barapomonae Jesús capoinchi pon sacerdotemonae pia pepa pentacaponaein tatsi pia bo tatsi beya, pon yatsicaya peainya cuin. Baxota iru sacerdotemonae pia pentacaponaei tatsi nanacaetuta. Iru pitiri jiwino nanacaetuta. Baxota iru nanacaetuta pomonae jiwi pecuidubiwi Moisés pia peitorobi coyene tatsi. Daxita barapo penacaetutsi jiwi, barapomonaetha jiwi wun duta “Pecanamata caitorobi jiwi bicheito”, jei. <sup>54</sup> Iru Pedro Jesús tsiwiyo taju pu taetae tsiniyatsi beya poxonae patopa panatha, po panatha ichaxota sacerdotemonae pia pepa pentacaponaein tatsi tauncuatsi bo. Poxonae Pedro pana tututha joniya bapoxonae naeca imoxoyo policiamonaetha pomonae Nacom pin pia bo tatsi pe-eenaewi. Pedro cui tane po coyeneya xua Jesús cana exanatsi pomonae nacaetuta. Pedro nonopeca isototha.

<sup>55</sup> Sacerdotemonae pia pentacaponaei tatsi, iru ichamonaeno pomonae pecanamata caitorobi jiwi bicheito, daxita barapomonae jeita ichamonaeno pomonae xua Jesús naerabiya peyabara paebinxatsi pocotsiwa xua Jesús paeba, xuano xua exana, pia barapo jumetha paebichi xua bara Jesús tupa peexanaewa tsainchi. Bara bequein pin bicheito pata xua Jesús abeya peyabara paebinxatsi, ichitha cataunxuae barapomonae pomonae pecanamata caitorobi jiwi bicheito came jopa xeinaeyo po diwesi xua daxota Jesús pebexubinxatsi. <sup>56</sup> Pinmonae bequein Jesús yabara naerabiya paebatsi, ichitha tsanaya barompaya pia diwesin paeba. <sup>57</sup> Ichamonaeno asiya umena, yawa naerabiya Jesús yabara paebatsi.

<sup>58</sup> Barapomonae jeye:

—Paxan pajume tan xua bapon Jesús paeba, jeye: ‘Xan abe exanaein barapo Nacom pin pia bo, po bo jiwi pia coutha acaba. Acoibi po matabibibe icha bo equeicha exanaein po bo jiwi jopa exanaeyo’, jei Jesús, jei barapomonae.

<sup>59</sup> Daichitha barapomonae awiya came cataunxuae tsanaya barompaya ichawan paeba. Barapomonae pia pepaebiwun xua Jesús peyabara paebiwatsi jopa peburaya nanta jupaya nanta xeinaeyo.

<sup>60</sup> Bapoxonae sacerdotemonae pia pepa pentacaponaein tatsi asiya uncuataba xua daxita peitabaratha tatsi. Bapoxonae bapon Jesús yainyabatsi, jeichichi:

—¿Jopa jume notsim barapomonae? ¿Bara xainyei xua po jumein barapomonae cayabara paeba? jei bapon.

<sup>61</sup> Daichitha Jesús saya moya uncua. Jopa jume notsiyo bapontha. Daxota equeicha sacerdotemonae pia pepa pentacaponaein tatsi jeye Jesutha:

—¿Bara yatsicaya xam Mesías pon Nacom necaitorobin, pon Nacom Pexantom, po Nacom wunaen pajainteiban? jei bapon.

<sup>62</sup> Bapoxonae Jesús jume nota bapontha jeye:

—Aa, bara xan tsocuaein apara, Nacom Pexanton apara. Paxam pana netaename xua xan ponxaein Nacom Tananeitapetsin ecaein Nacom pexota weya tatsi, pon peayapus itorobi coyenewa pexeinaein. Matautano pana netaename poxonae equeicha patopeicaein tsaquinaebowantha xua peitaboco wetsica, jei Jesús.

<sup>63</sup> Nexata bapoxonae sacerdotemonae pia pepa pentacaponaein tatsi, pin anaetha anaya pia paparuwa nata tsitsinaxuba, peyabara anaepanaexaetsi Jesús, jeye:

—¡Nama equeicha jopa wanantawenonaewa ichamonae xua wanaca tsipaebiwa tsane xua bapon peyabara paebiwatsi! Bapon natsiaenae exana abe pepaebixae barapo jume poxonae Nacom pexanto najainta. <sup>64</sup> Bara paxam pajume taneme pocotsiwa bapon paeba pocotsiwa Nacom jopa ichipaeyo. ¿Eta xua pacayabara nanta xeiname xua paexanaename bapontha abe pepaebixae? jei.

Daxita barapo pecanamata caitorobi jiwi bicheito jeye:

—Bara xainyeya paebame. Jesús abe pia pepaebixae, Nacom tsitatsi xua bapon Nacom tsita natsicuentatsi. Daxota bapon bewa tãpaena, jei barapo pecanamata caitorobi jiwi bicheito.

<sup>65</sup> Bapoxonae barapomonae jiwana, peonetha Jesús anaya itabara subabatsi. Poxonae Jesús itacuere cutatsi, bapoxonae Jesús itabara tsaquibacotatsi pecobetha. Barapomonae jeye Jesththa:

—Incane pana netsipaebare: ¿Jintam caitabara tsaquibobara xua bequein paca itabara cutatsi? jei barapomonae.

Bapoxonae irũ policiamonae pomonae Nacom pin pia bo tatsi peenaewi Jesús itabara cuaintatsi.

*Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, xua yabara jeichichi Jesús*

*(Mt 26.69-75; Lc 22.56-62; Jn 18.15-18, 25-29)*

<sup>66</sup> Poxonae cataunxuae Jesús cana exanompatsi bapoxonae irũũ Pedro eca panatha tsica xua bo peũma werena. Bapoxonae yabũyo patopa powa sacerdotemonae pia pepa pentacaponaein tatsi tanacuitatsi. <sup>67</sup> Poxonae barapowa Pedro tainchi xua nonopeca, Pedro came taeuncuatsi. Pedro jeichichi:

—Apara xam bayatha irũũ napuna poneibame Jesús, pon Nazaret tomarapin, jei yabũyo.

<sup>68</sup> Ichitha Pedro jume matawenta bapowa, jeye:

—Jopa dapon yaitaeinyo, matautano jopa yaputaeinyo pocotsiwa xua yabara paebame, jei Pedro.

Bapoxonae Pedro pona bomũxũ coiboto beya. Bapoxonae wacara pebto fiba. <sup>69</sup> Equeicha bapowa Pedro tainchi. Bapoxonae bapowa tamropata pitaba xua tsipaeba pomonaetha pomonae baxota irũ umena. Bapowa Pedro yabara paebatsi, jeye:

—Apara bapon pomonae Jesús pijimonae tatsi jiwana pin, jei.

<sup>70</sup> Equeicha Pedro jume matawenta bapowa, jeye:

—Jopa dapon yaitaeinyo, jei Pedro.

Pirapaeyo pomonae umena baxota equeicha Pedro tsipaebatsi jeichichi:

—Bara xaniwaicha barapomonae jiwana. Apara xam Galilea nacuapim, jei pomonae umena.

<sup>71</sup> Nexata Pedro jume daunweya, jeye:

—Bara Nacom peitabaratha xainyeya paca tsipaebatsi pocotsiwa bara xainyeya tapaebiwa. Icha jopa xainyeya paca tsipaebichipaetsi metha barabu Nacom abe necana exanaetsipa. Equeicha paca tsipaebatsi: ‘Jopa dapon yaitaeinyo’, xuaunxuae pon payabara paebame, jei Pedro.

<sup>72</sup> Bapoxonae iruru caena nainya wacara pebto equeicha fiba. Nexata Pedro nanta xeinataba xua bayatha Jesús Pedro tsipaebatsi poxonae jeye: ‘Xam barapo merawithe pewunaeya poxonae ainya jume cuiyobetha wacara pebto fibina xam copiya acoibi po jume cuiyobetha neyabara jam tsane: Jopa dapon yaitaeinyo neyabara jam tsane. Bapoxonae nainya iru wacara pebto fibina’, jeichichi Pedro xua Jesús paeba. Nexata bapoxonae Pedro bichocono wecoyeyi peanthuthutanexae xua Jesús peyabara paebiwatsi.

## 15

*Meje yabara poxonae Jesús uncuá Pilato peitabaratha tatsi*

(Mt 27.1-2, 11-14; Lc 23.1-5; Jn 18.28-38)

<sup>1</sup> Poxonae pentha tsina sacerdotemonae pia pentacaponae wi tatsi, iruru judiomonae pia pitiri jiwi tatsi, iru pomonae jiwi pecuidubiwi Moisés pia peitorobi coyenein tatsi, iruru ichamonae pomonae pecanamata caitorobi bicheito jiwi jiwana, daxita barapomonae yabara nacaetuta xua nanta juraya peburaya penanta xeinaenexa po coyeneya xua Jesús pebexubiwa tsainchi. Bapoxonae barapomonae Jesús maxu cutatsi. Bapoxonae capoinchi Pilato beya. <sup>2</sup> Pilato Jesús yainyabatsi, jeye:

—¿Bara xam yatsicaya judiomonae itorobiya pia pepa neewatsin? jei. Jesús jume nota, jeye:

—Xuaunxuae paebame bara baxua apara, jei Jesús.

<sup>3</sup> Sacerdotemonae pia pentacaponae wi tatsi namchi Pilatotha, jeye:

—Bapon Jesús bichocono exana pocotsiwa xua abe, jei barapomonae.

<sup>4</sup> Equeicha Pilato yainyaba Jesththa, jeye:

—¿Jopa jume notsim pocotsiwa barapomonae abe cayabara paeba? Maisa barapomonae bichocono abe cayabara paeba, jei Pilato.

<sup>5</sup> Ichitha Jesús jopa equeicha jume notsiyo, Pilato jopa jume notichi. Daxota Pilato najuntu coyene cabenaeca poxoru Jesús jopa nayabara paebiyo xua pia coya penayawenaenexa.

*Meje yabara poxonae Pilato jume baru jejei xua Jesús bara pebexubiwa tsainchi ichamonae*

(Mt 27.15-31; Lc 23.13-25; Jn 18.38-19.16)

<sup>6</sup> Bara nama matabi jopa poxonae ba Pilato pia cui xeina poxonae ba jiwi tsinacaetuta pexaewa penanabanaenexa. Barapo matabitha Pilato ba pu sotaba pon ba jiwi itapeta cowai xua Pilato peisanaxubinexa pomonae jiwi pecubi botha peenaewi jiwana monaepin. <sup>7</sup> Barapo jiwi pecubi botha iruru eca pon pewun Barrabás. Bapon bichocono abe peexanaein tsipei caena bayatha mataba pon ichamonae xua barapomonae najume tsacaba cana exanatsi xuano xua jiwi jutebatsi. <sup>8</sup> Bapoxonae pin bicheito jiwi pata Pilatotha, xua Pilato pewunaenexa tsainchi xua bapon exanaena pia cui coyeneya poxonae xua isanaxubina caein pomonae jiwi pecubi botha peenaewi jiwana pin. <sup>9</sup> Bapoxonae Pilato yainyaba barapomonae Jesús yabara, jeye:

—¿Paichichipame xua tapu sobatiwa tsane pon judiomonae itorobiya pia pepa peewatsinchi? jei. <sup>10</sup> Baxua Pilato paeba, tsipei bapon yaputane

xua sacerdotemonae pia pentacaponae tati Jesús uwatsi. Daxota barapomonae Jesús caenaetaxubatsi Pilatotha. <sup>11</sup> Ichitha barapo sacerdotemonae pia pentacaponae tati jiwi jume cui tsacabatsi xua anaepana cana exanatsi, xua Pilato pecui itorobinexatsi xua Barrabás pepu sotabinexatsi, xua Jesús jopa pepu sotabinexatsi. <sup>12</sup> Equeicha Pilato yainyaba barapo jiwi, jeye:

—¿Eta xua cana exanocuaein pon pawan dutame, xua pajam: ‘Judiomonae itorobiya pia pepa peewatsinchi?’ pajam, jei.

<sup>13</sup> Barapomonae Pilato daunweya jume notatsi, jeye:

—¡Bewa maisa naetha t̄parucua exanaem! jei.

<sup>14</sup> Bapoxonae Pilato jeye barapomonaetha:

—¿Eta pocotsiwa xua metha jane, xua abe exana? jei.

Ichitha equeicha daumetha jume daunweya, jeye:

—¡Bewa maisa naetha t̄parucua exanaem! jei.

<sup>15</sup> Pilato ichichipa xua bapon jopa peita aenae-aeneiwatsi jiwi. Daxota Pilato Barrabás nama pu sotabatsi. Bapoxonae Pilato itoroba xua soldadomonae bara Jesús moya pecuainchinexatsi pocotsiwatha eewa xua bichoco am̄piya xua xota jiwi cuainteibatsi poxonae abe exaneiba. Matautano itorobano xua moya bara Jesús t̄parucua exanaeinchi naetha.

<sup>16</sup> Bapoxonae soldadomonae Jesús capoinchi Pilato pia bo tati beya po soldadomonae yapu eena Pilato pia bo tati. Bapoxonae barapo soldadomonae waba icha soldadomonae xua daxita barapo soldadomonae Jesús pematawacaicha umenaenexa tsainchi. <sup>17</sup> Bapoxonae Jesús pia paparuwa juma xuenatsi. Yawa juma xatatatsi icha paparuwa po paparuwa tsobia xua Jesús be pecana exanaenexatsi pon jiwi itorobiya pia pepa peewatsinchi. Yawa poxonae nacobe weta xua fata pee bapoxonae Jesús muxuna mata xatatatsi barapo pee tepa. <sup>18</sup> Bapoxonae barapomonae tamropata notar̄c̄pa xua Jesús cui caponaeya jeichichi:

—¿Xamda? ¡Apara xam barapom pon judiomonae itorobiya pepa Nee-watsin! jei.

<sup>19</sup> Po naewa xua Jesús cobenatatsi bayatha, barapo naewa Jesús cobe wepitatsi. Bapoxonae barapo naewatha Jesús mata cuaintatsi. Matautano Jesús yabara naone subabatsi. Bapoxonae barapomonae Jesús peitararatha tati pentabocototha taumeinchi, xua Jesús naerabiya w̄nae pejainchinexa tsainchi. <sup>20</sup> Poxonae Jesús cana cui wetatsi xua cui caponatsi equeicha bapoxonae Jesús caewa juma wejontatsi xua po paparuwa tsobia. Bapoxonae equeicha caewa juma xatatatsi po paparuwa pia paparuwaxae tati. Bapoxonae Jesús capoinchi xua pecobe matabobinexatsi naetha pebexubinexatsi.

*Meje yabara poxonae Jesús t̄parucua exanatsi naetha*

*(Mt 27.32-44; Lc 23.26-43; Jn 19.17-27)*

<sup>21</sup> Poxonae Jesús namtotha caenapoinchi soldadomonae, bapoxonae barapo soldadomonae taeba pebin, pon Cirene tomarapin pon pewan Simón. Bapon wexua werena pona. Bapon Alejandro paxa tati, iru xua Rufo paxa tati. Bapoxonae barapo soldadomonae Simón itorobatsi xua pecaponaenexa Jesús pia naeto tati, po naetha t̄parucua peexanaenexatsi Jesús.

<sup>22</sup> Bapoxonae Jesús capoinchi uruto beya, po uruto be jiton matasipa piwa, daxota barapo uruto jiwi w̄n unuta “Gólgota”, jei. <sup>23</sup> Baraxotiya

Jesús apatatsi vino mera, po vino mera equeicha muxuna epareca mirra mera matawun po mera bichocono atsu. Ichitha Jesús jopa apaeyo. <sup>24</sup> Matautano bapoxonae Jesús tɔparucua exanatsi. Bapoxonae barapo soldadomonaе nata tsaba Jesús pia paparuwan tatsi. Barapomonaе bebeya ibotixi penacueranta notsinexa Jesús pia paparuwan tatsi.

<sup>25</sup> Poxonae baya a las nueve tsuxubi, bapoxonae Jesús tɔparucua exanatsi naetotha. <sup>26</sup> Jesús pentutu wetsica tadutatsi napaewa xua barapo napaewatha tina. Barapo petinae dutsiwa Jesús yabara je-ichichi: “Baponje apara judiomonaе itorobiya pia pepa peewatsinchi”, jei barapo petinae dutsiwa. <sup>27</sup> Iruru ponbe jiwi pecaibinbe tɔparucua exanatsi naetotha imoxoyo ichaxota Jesús ducua. Ichun Jesús petsocona wetarucuiyatsi, ichun pecoxa wetarucueinatsi. <sup>28</sup> Poxonae barapomonaе baxua exana, bara barapomonaе yabara jume cui weta pocotsiwa xua bayatha Nacom Pejume Diwesitha Mesías yabara paebatsi xua jiwi paeba, xua jeye: “Bapon pomonaе abe peexanaewi jiwana”, jei.

<sup>29</sup> Pomonaе Jesús xenta poinchi barapomonaе Jesús cui capoinchi. Yawa Jesús yabara itata naichaquebatsi. Barapomonaе jeye Jesustha:

—¡Xam bayatha jam: ‘Nacom pin pia bo abe exanaein, bapoxonae equeicha acoibi po matacabibe xanebin’, jam! <sup>30</sup> ¡Moya bara jinya coutha nacapanepare naeto wetsica icha bara metha Nacom Pexantom tsipaem! jei barapomonaе.

<sup>31</sup> Iru sacerdotemonaе pia pentacaponae wi tatsi, iru pomonaе jiwi pecuidubiwi Moisés pia peitorobi coyene tatsi, barapomonaе Jesús cui capoinchi, yawa najei Jesús yabara:

—Bapon cain capanepibabei ichamonaе, came jopa nacapanepaeyo. <sup>32</sup> ¡icha bara bapon Mesías, pon israelmonaе itorobiya pia pepa peewatsinchi, bu bapon bara pia coutha naeto wetsica ecoinca! ¡Xainya bapoxonae jume cowantatsi xua wataexae tsane! najei barapomonaе.

Barichiru baxua paebabe ponbe jiwi pecaibinbe, ponbe xua iruru cobe matatabadutatsibe naetotha. Baponbe iruru Jesús cui caponatsi.

*Meje yabara poxonae Jesús tɔpa*

*(Mt 27.45-56; Lc 23.44-49; Jn 19.28-30)*

<sup>33</sup> Poxonae Jesús cataunxuae ducua naetotha, bapoxonae daxita nacuantha bichocono aitaquiri xua poxonae mateinyaxae weya, beya yatabopiya. Tres po horabe quirei tsuncuae. <sup>34</sup> Bapoxonae Jesús jume daunweya wawai jeye: “Eloi, Eloi, ¿lema sabactani?” jei, (barapo jumetha xua jei: “Tanacom, Tanacom, ¿eta pocotsiwa metha nepunaxubame?” jei Jesús.)

<sup>35</sup> Ichamonaе pomonaе baxota Jesús jume taeumeinchi, barapomonaе jeye:

—Pajume taema, bapon waba, Elías wabatsi, pon Elías Nacom peitorobi jume pepaebin pon caena bayatha tɔpa, jei.

<sup>36</sup> Bapoxonae caein bapomonaе jiwana nainya cuinaepoinya yawa pitaba esponja xua baxota pemene capichinexa vino mera xua po mera mene atsu. Poxonae bapon baxota mene capita, naewatha duta xua Jesús petayoichaenexatsi xua petsutsubinexa. Bapon jeye:

—Abu, abu jopa apatsinde. Waxainchi abu matha taeinchi icha Elías patopeicaena xua bapon pepichinexatsi naeto wetsica, jei.

<sup>37</sup> Bapoxonae Jesús jume daunweya wawai. Bapoxonae nama tɔpanaicha Jesús. <sup>38</sup> Bapoxonae paparuwa, po paparuwa Nacom pin pia



botha tatsi ducua, barapo paparuwa nainya bopiya epa matonta tsit-siqueica ainya epatobe naexanabe. <sup>39</sup> Soldadomonaē pia pentacaponaein tatsi, pon romanomonaepin pon Jesús peitabaratha tauncuatsi, poxonae bapon tane xua Jesús t̃aparucua, bapon jeye:

—Apara bara yatsicaya bapon Nacom pepa Pexanto tatsi, jei.

<sup>40</sup> Barichi ir̃a ainyawaxi yab̃axi barapowaxi Jesús tsiwiyo taj̃a we-taeumeinyatsi. Barapowaxi jiwana, ichowayo pew̃n María Magdalena, powa Magdala tomarapiwayo. Ichowayo ir̃a pew̃n María, Santiago pon xuyapin, ir̃a José matapin, baponbe penabe tatsi. Ichowayo ir̃a pew̃n Salomé. <sup>41</sup> Barapowaxi Jesús bayatha matha puna jinompatsi xua Jesús peyawenaenexatsi xua poxonae Galilea nacuatha popona. Ir̃a ichowaxi yab̃axi pinmonae powaxi Jesús bar̃a patopa Jerusalén tomaratha.

*Meje yabara poxonae Jesús pet̃apaein ibo m̃uth̃a yauxatatabotatsi  
(Mt 27.57-61; Lc 23.50-56; Jn 19.38-42)*

<sup>42</sup> Po mataqueitha pew̃n penacui xaxainchi matakabi poxonae judiomonaē ba weta daxita xua penacuichiwa pew̃naeya poxonae jopaena pentaquei seicaē matakabi, poxonae quirei tsanaicha barapo penacui xaxainchi matakabitha bapoxonaē patopa pebin Pilatotha. <sup>43</sup> Bapon pon pepatopaexae bapon pew̃n José, pon Arimatea tomara-pin. Bapon pomonaē pecanamata caitorobi jiwi bicheito jiwana-pin. Bapon bar̃a cui itura jineibatsi jiwi. Bapon yabara jume cow̃ntsiya w̃naē ewateiba po coyenewa xua poxonae Mesías patopaetsica pon jiwi itorobiya peewetsinexatsi. José aj̃unt̃acoyenetsaquiya patopa Pilato pia xantha tatsi pew̃caenexa Jesús pet̃apaein. <sup>44</sup> Bapoxonaē Pilato yabara naj̃unt̃a coyene cabenaecatoba xua bayatha Jesús t̃apa. Daxota bapon itoroba soldadomonaē pia pentacaponaein tatsi pia yaputaetsi po coyene xua eta poxonae bayatha t̃apa. <sup>45</sup> Poxonaē barapo soldadomonaē pia pentacaponaein tatsi paēba xua pinaē bayatha Jesús t̃apa, bapoxonaē Pilato copata xua José bara pichina Jesús pet̃apaein. <sup>46</sup> Bapoxonaē José pexeinya paparuwa comota. José naeto wepichica Jesús pet̃apaein. Yawa mata quiyontabareca barapo pexeinya paparuwatha. Bapoxonaē José ibo m̃uth̃a iya boya Jesús pet̃apaein. Yawa torenababapoinya pin ibo panawa. Yawa barapo ibo panawatha yauxatatabanota. <sup>47</sup> María Magdalena, powa Magdala tomarapiwayo ir̃a icha María powa José pena tatsi, barapowabe tanebe ichaxota Jesús pet̃apaein boyatsi.

## 16

*Meje yabara poxonae Jesús equeicha as̃a juina exanatsi pet̃apae cuiru coyenē weya*

*(Mt 28.1-10; Lc 24.1-12; Jn 20.1-10)*

<sup>1</sup> Nexata barapo judiomonaē pia pentaquei seicaē matakabi tatsi yapucae-waba poxonae quirei tsanaicha xua icha matakabi jopa. Bapoxonaē María Magdalena, powa Magdala tomarapiwayo, ir̃a icha María powa Santiago pena tatsi, ir̃a ichowayor̃a powa pew̃n Salomé, daxita barapowaxi comoca petuxueiwan peponaenexa xua Jesús peper̃u epababinexatsi pet̃apaein. <sup>2</sup> Bapoxonaē baya caem̃m̃botha, po matakabitha xua nanta carucua cae semanatha, barapowaxi capata petuxueiwan ichaxota Jesús ibo m̃uth̃a iya boyatsi. Bapoxonaē xometo pichatabina. <sup>3</sup> Barapowaxi caewaxi natsipaebenapona, najei:

—¿Jintam metha nacata pataxubina barapo ibo panawa xua yaux-atatabotatsi? najei.

<sup>4</sup> Daichitha poxonaē barapowaxi taerucupa xua po pin ibo panawatha yauxatatabota barapo ibo muthu bayatha cou yaupataxubanota. <sup>5</sup> Barapowaxi jojoniya barapo ibo muthu iya. Barapo ibo muthu tutu iya pewowin eca po muxunene pecoxa weya. Bapon nama xatata paparuwa, po paparuwa bichocono apiya yawa bichocono inyapana. Barapo yabuxi bichocono junuwa, pewowin cunuwatsi. <sup>6</sup> Ichitha barapo pewowin jeye barapo yabuxitha:

—Jopa pajunuwinde. Paxam pajeitame Jesús Nazaret tomarapin, pon bayatha naetha tupa. Ichitha bapon anoxuae xote jopa bocaeyo. Bayatha asu petupae cuiru coyene weya. Pataema ichaxota Jesús bayatha botatsi petupaein. <sup>7</sup> Bara paponare, yawano patsipaebare Pedro iru ichamonae pomonae Jesús pijimonae tatsiru. Nexata pajande: ‘Bepa Jesús paca tsiwana patopiyaēi Galilea nacua beya poxonaē bara bepaiyiaename. Bapoxonaē baxotiya pataename bapon icha be pocotsi coyeneya paca tsipaeba bayatha’, pajande, jei pewowin barapo yabuxitha.

<sup>8</sup> Barapo yabuxi ibo muthu wejojondena. Yawa bara weya ducupa tsipei bichocono pijunuwi jijiyei. Barapo yabuxi jopa paebiyō ichamonae aetha poxoru bichocono junuwa.

*Meje yabara poxonaē Jesús María tsita naitutatsi powayo Magdala tomarapiwayo*  
(Jn 20.11-18)

<sup>9</sup> Poxonaē Jesús asu exanatsiba petupaewa weya po mataqueitha opi carucua xua cae semanatha poxonaē aena pentha, bapoxonaē Jesús tsita naituta María Magdalena, powa Magdala tomarapiwayo. Barapowa caena bayatha Jesús taitaweta cauri siete poyobe xua bapowa xeina barapo cauri, xua equeicha bapowa jopa pexeinaenexa. <sup>10</sup> Poxonaē Jesús tainchi bapowa pona pemuxu tsipaebinexa pomonaetha pomonae anoxuae anthuthutane yawa wecoyei xua Jesús petupaexae. Barapomonaē bayatha Jesús pepuna jinompaewichi. <sup>11</sup> Poxonaē barapomonaē jume tane xua juinya Jesús asu popona, yawa xua bapowa bayatha Jesús tainchi, barapomonaē baxua jopa yabara jume cowantsiyō.

*Meje yabara poxonaē Jesús pebinbe tsita naituta namtotha poxonaē Emaús tomara beya ponabe*  
(Lc 24.13-35)

<sup>12</sup> Pirapae bapoxonaē equeicha Jesús tsita naituta pijimonae tatsi jiwanaetha icha cui coyenyatha xua poxonaē jopa xapain yaitaetsi poxonaē namtotha pipatotha ecaponabe aisawatha. <sup>13</sup> Bapoxonaē baponbe caibe nawiyaē. Yawa tsipaebabe ichamonaetha xua Jesús pijimonaetha tatsi xua po coyene bayatha Jesús baponbe tsita naitutatsibe. Ichitha barapomonaē barichiru iru jopa jume cowantsiyōru barapo diwesi pocotsiwa baponbe paebabe.

*Meje yabara poxonaē Jesús cui itoroba pijimonaē xua pia diwesi tatsi daxita nacuantha petapaebiwa tsainchi*  
(Mt 28.16-20; Lc 24.36-49; Jn 20.19-23)

<sup>14</sup> Pirapae Jesús tsita naituta pijimonaē pomonae once poyobe poxonaē barapomonaē pexaethopaewatha iratha ena. Jesús pin jumetha muxutaenaquiya exana xua jopa pejume cowantsixaetsi matautano peyabara

muxusipanaexaetsi matauta xua jopa peyabara jume cowantsixaetsi pocotsiwa paeba pomonae tane xua Jesús equeicha bayatha asu pona petupae cuiru coyene weya. <sup>15</sup> Jesús jeye pijimonaetha: “Paponare, daxita nacuantha beya. Patsipaebare daxita jiwitha barapo pecapanenebiyae diwesi jume. <sup>16</sup> Pomonae neyabara jume cowantsina xua xan apara Nacom Pexanton tatsi, matautano xua bautisabatsi, barapomonae capanenebiyaeinchi xua jopa peweraweracaenexa. Ichitha pomonae jopa neyabara jume cowantsiyo xua xan Nacom Pexanton tatsi, barapomonae peraxa jubebinchi xua Nacom peyabara paebixae xua pinae barapomonae jopa jume cowantsiyo. <sup>17-18</sup> Pomonae neyabara jume cowantsina xua xan Nacom Pexanton tatsin muxuna exanaein xuaje pocotsiwe: Barapomonae taitawetsina ichamonae cauri poxonae tawantha wunqueibina; matautano barapomonae pena jumeintha cueicueijeji tsane; icha barapomonae jomon notsina pecobetha, jopa barapomonae tupa exanae tsainchi jomon; matautano icha barapomonae apaena po mera jiwi tupa exanatsi barapo mera jopa abe exanae tsainchi barapomonae; matautano barapomonae itacupaeinchi xua jayabina pecobetha pomonae peatenewi, xua bapoxonae barapo peatenewi peaxaibinexa tsaibi tsane”, jei Jesús.

*Meje yabara poxonae Jesús athabe juinya Nacom pia peitorobi nacua beicha tatsi*

*(Lc 24.50-53)*

<sup>19</sup> Jesús pon jiwi Pecanamataxeinaeinchi, poxonae bapon najume weta xua cueicueijeji pijimonaetha, bapoxonae Jesús asiya peitaboco beicha juinya exanatsi, xua Nacom exana. Bara xoteicha Jesús Paxa cuaretatsi pecoxa weya ainya cui peexanaenexatsi. <sup>20</sup> Bara barapomonae Jesús pijimonaetha tatsi ponaracupa. Yawano barapomonae cueicueijeji tsurubenanaebiya jiwitha barapo pecapanenebiyae diwesi jumein daxita nacuantha. Bapon Jesús pon jiwi pepa Pecanamataxeinaeinchi yawena barapomonaetha. Matautano Jesús cana exana barapomonaetha xua barapomonae muxuna exana pexeinya petsita itatsi coyenewan xua daxota pocotsiwa barapomonae cueicueijeji jiwitha bara pexainyei jumein. Je, bara ichi tsane.

Baja Marcos.

## Jesucristo Pia Pexeinya Diwesi Jume Tatsi Lucas Petinae Diwesi

*Meje po diwesi yabara xua Lucas tamropata pitaba poxonae tina*

<sup>1</sup> Jaco Teófilo. Ponxaem nent<sub>u</sub> cui xanepanaein, cata tinatsi. Pinmonae bayatha xuya cou tina diwesi Jesús yabara, xua ichamonae cou paeba, xua pinae Jesús poxonae xanepanaya popona pata xantha. <sup>2</sup> Pomonae cou xua baxua pepaebixae barapomonae pinae copiya yatsicaewa tane daxita pocotsiwa Jesús exana pata xantha. Matautano pinae barapomonae Nacom Pejume Diwesi tatsi cuidubeiba. <sup>3</sup> Xan netsita w<sub>u</sub>nae daxota nanta xeinan xua yabara tayainyabiwa pomonae petinaexae yawa pecueicueijeixae daxita barapo diwesi xua pinae juinya Jesús exana. Bapoxonae cuita cata tinapoinchi Teófilo jinya neyaputaenexa tsane daxita pocotsiwa Jesús exana juinya xua copiya tsoponae xuano xua bapoxonae tsoponaeno. <sup>4</sup> Baraxua cata tinatsi jinya neyaputaenexa tsane barapo pexainyei jume po coyene ichamonae bayatha cacuiduba.

*Meje yabara poxonae matatsunpin w<sub>u</sub>nae yabara tsiw<sub>u</sub>nae paeba xua Juan naexanaena pon jiwi Pebautisabin tsane*

<sup>5</sup> Caena bayatha poxonae Herodes popona Judea nacuatha, xua pon Judea nacuapiwi peyanacua ewatsinchi, bapoxonaer<sub>u</sub> barichi popona barapo nacuatha sacerdotepin pon pew<sub>u</sub>n Zacarías. Bapon jiwana po sacerdotepiwi pia matab<sub>u</sub>x<sub>u</sub> jiwi pew<sub>u</sub>n Abías. Piseuri tatsi pew<sub>u</sub>n Isabel. Piseuribe pia pamo susato jiwana pin tatsibe, bapon pew<sub>u</sub>n Aarón pon yatsicaya tab<sub>u</sub> ducua sacerdotepin. <sup>6</sup> Piseuribe Nacom tsita jant<sub>u</sub> coyene xanepanatsibe xua bara xanepanaya peexanaewabe. Pocotsiwa Nacom pon jiwi Pecanamataxeinaein, nacana jume diwesi itoroba baxua itapeta beta exaneibabe. Daxota jopa yabara paebeibichibe jiwi po coyene xua baponbe natsiaenae cuentabe xua abe peexaneibiwabe. <sup>7</sup> Ichitha pexui jopa xinaeyobe, tsipei Isabel mawecowa, matautano tsipei bayatha acuewa ir<sub>u</sub> tsipei pebin bayatha amo tsecae.

<sup>8</sup> Caentacabi poxonae Zacarías <sub>u</sub> pia matab<sub>u</sub>x<sub>u</sub> jiwi pia cuitha exana Nacom nexa, bapon Zacarías xuya piamonae itapetatsi. <sup>9</sup> Barapomonae sacerdotemona, pia cui coyene xeina xua caein piamonae jiwana itapetatsi poxonae daxita barapomonae nacuita Nacom pon jiwi Pecanamataxeinaein pin pia botha tatsi. Bapon Zacarías itapetatsi xua pejoniyaenexa po tutu peainya cui tutu Nacom pin pia botha po tututha ichaxota exaneiba xua Nacom nexa. Barapo tututha Zacarías tauta petuxusi exanaenexa Nacom nexa xua Nacom peitorobixae. <sup>10</sup> Poxonae Zacarías cataunxuae tuxusi exanawiya petuxueiwa xua tauta Nacom nexa, barapoxonae daxita pomonae aisowa beumeinya barapomonae Nacom tsipaebompa. <sup>11</sup> Bapoxonae Zacarías tsita naitutatsi matatsunpin pon Nacom pon jiwi Pecanamataxeinaein itoroba. Po muxunene pecoxa weya matatsunpin iboto caquita uncua po ibototha xua ichaxota tauteiba petuxueiwa Nacom nexa. <sup>12</sup> Poxonae Zacarías taeba matatsunpin jopa yaputaeyo xua peexanaewa, bichocono pejunuwixae. <sup>13</sup> Ichitha matatsunpin Zacarías baraichi, jeichichi:

—Zacárias, jopa junuwinde. Nacom bara cajume tane poxonae tsipae-beibame bapon. Methaunxuae jinseuri Isabel tanaexanaeinchi pexuyo. Jinseuri cata pabetsina pebin wato. Xam wun dutsiname bapontha, po wun Juan, jei. <sup>14</sup> Juntũ coyene weiweinaename. Barichi pinmonae juntũ coyene weiweinaena xua bapon penaexanaexae tsane. <sup>15</sup> Bapon Juan Nacom pon jiwi Pecanamataxeinaein tsita ainya cui tsainchi. Bapon peatsaxae mera jopa apae tsane. Vino mera jopa apae tsaneno. Poxonae cataunxuae butiyotha eca bichocono juntũ coyene yucaeinchi Nacom pia Pejumope tunaxũ tatsi pia peayapuswa tatsi. <sup>16</sup> Bapon cana exanaena xua ainya Israel nacuapiwi jume cowantsina Nacom pon Pecanamataxeinaein jiwi xua barapomonaе barapo Nacom pia Nacom tatsi tsainchi. <sup>17</sup> Juan tsiwanaya poponaena xua pon xua Nacom itorobina bapon tsiwanaya poponaeinchi. Juan xeinaena Nacom pia Pejumope tunaxũ tatsi pia peayapuswa tatsi icha cain Elías ichi pon Nacom peitorobi jume pepaebin. Bapon Elías bayatha tupa. Juan exanaena xua pexui paxeivi antobe tsaibi tsainchi. Matautano Juan cana exanaena xua jume cowantsina Nacom pomonaе copya Nacom pejumefebiwichi. Tsipei exanaena baxua, barapomonaе tsiwanaya jume cui yabara najuntũ coyene wunaetsina, xua barapomonaе pejume cowantsinexa Nacom pon Pecanamataxeinaein jiwi, jei matatsunpin.

<sup>18</sup> Zacárias yainyaba matatsunpin, jeye:

—¿Eta nejumichim yatsicaewara xua inta naexanaena pexuyo? Apra xan amo tsecaein. Iru tapetsiriwa apra inta acue tsecaeba, jei.

<sup>19</sup> Matatsunpin Zacárias jume notatsi, jeye:

—Apra xan Gabriel. Barapara Nacom ba imoxoyo caquita uncueiban. Nacom neitoroba bepara catsipaebichei barapo pexeinya jume diwesi. Daxota yatsicaya naexanaenaba nexanto. <sup>20</sup> Incane jume taema. Yaitama jame maisa aunxuae jopa yabara nejume cowantsim, daxota methaunxuae jopa cuinaya paebim tsane. Yajume aunyeibiya yantacabi jopaename poxonae beya abũ nexanto naexanaena xuaunxuae catsipaebatsi, jei.

<sup>21</sup> Poxonae Zacárias tsipaebauyatsi, Zacárias pesato beya ewatumeinchi pomonaе Nacom tsipaeba pesatotha. Barapomonaе nabarai: “¿Eta pocotsiwa metha Zacárias came jopa jondenaeyo Nacom pin pia bo werena?” najei. <sup>22</sup> Poxonae Zacárias matapainya jondena jopa itacupaetsi xua petsipaebiwa barapomonaetha. Bapoxonae barapomonaе nanta xeina xua metha bara Zacárias tsita naitutatsi xua wunaе barapo tututha poxoru Zacárias pecobetha cowai barapomonaetha. Ichitha awiya came jopa cueicueijeijo.

<sup>23</sup> Poxonae Zacárias daxita nacobe weta xua exana Nacom nexa, Nacom pin pia botha, bapoxonae pia botha pona. <sup>24</sup> Pirapaeyo Zacárias piseuri tatsi Isabel bupana taecatsi pexuyo. Barapowa jopa naitutsiyo cinco po xometiyobe. Saya pia botha eca. <sup>25</sup> Barapowa nabarai, jeye: “Baxua Nacom inta exana pon Tanecanamataxeinaein. Bapon baxua inta exana xua jiwi jopa aura tana neexanaewa tsane”, najei bapowa.

*Meje yabara poxonae matatsunpin wunaе tsiwanaya paeba xua Jesús naexanaena*

<sup>26</sup> Poxonae Isabel seis po xometiyobe yapucaewa poxonae pexuyo bupana taecatsi, bapoxonae Nacom itoroba matatsunpin, pon pewun Gabriel. Gabriel Nazaret tomara beitorobiyatsi po tomara eca Galilea

nacuatha. <sup>27</sup> Gabriel patopa pesiwa ponaenexa yabũyo, powa bapana jopa pebin pichiyo. Bapowa muxu pepichi pecotsiwa, pon pewũn José. Bapon José David pia pemomoxi susato jiwana tatsi. Caena bayatha David Israel nacuamonae itorobiya pia pepa peewatsinchi. Barapowa powa José pecotsiwaxae tatsi pewũn María. <sup>28</sup> Matatsunpin Gabriel, patopa ichaxota María eca. Gabriel barai, María baraichi, jeye:

—María jaco. Nacom itapeta cayabara tsita jũntũ coyene xanepanatsi beyacaincha icha yabũxi. Mataũtano barapara Nacom pon jiwi Pecanamataxeinaein cabarũ popona, jei matatsunpin.

<sup>29</sup> Ichitha poxonae jume taeba bapowa, yabara jume cuitaya nabenaeca. Pia coutha nayainyaba jeye: “¿Eta xua bapon nejacoba jane?” najei. <sup>30</sup> Matatsunpin María baraichi, jeichichi:

—María, jopa junuwinde, Nacom cayabara tsita jũntũ coyene xanepanatsi. <sup>31</sup> Matha taema xam methaunxuae pexuyo yapũrũwa jinaename xuano bara pabetsiname nexanto. Bapoyo wũn dutsiname po wũn Jesús. <sup>32</sup> Bapon ainya cui peexanaeinchi tsainchi. Bapon wũn dutinchi, icha wũn jei tsainchi: ‘Nacom Pexanto tatsi pon peitabocotha eca’, jei tsainchi. Nacom pon Pecanamataxeinaein jiwi, bapon pexanto cana exanaena xua bapon jiwi itorobiya pia pepa Peewatsinchi tsane icha matha David cana ichichi, pon Jesús pia pamo susato jiton tatsi. <sup>33</sup> Bapon yacui tsitecaena xua jiwi peewatsinchi penaexanaewa tsane Israel piamonae susato saineiwi pexantha tatsi. Pia peitorobi coyenewa tatsi jopa weraweracae tsane, jei Gabriel, pon matatsunpin.

<sup>34</sup> Nexata María jume nota matatsunpin, jeye:

—¿Eta xua yapũrũwa jinocuaein pexuyo? Apara cataunxuae jopa nacueyabinyo, jei María.

<sup>35</sup> Matatsunpin jume nota, jeye:

—Nacom pia Pejumope tũnaxũ tatsi cata patopeicaena. Mataũtano Nacom pon bichocono pepa pejũntũ coyene xanepanaein bapon, pia peayapusũwa tatsi cantatsun matawacaicha nontsicaena icha be tsaquinaebowa ichi tsane. Daxota po pexuyo naexanaena, barapo pexuyo Nacom tsita jũntũ coyene xanepanaeinchi. Barapo pexuyo yabara jei tsainchi: ‘Nacom Pexanto tatsi’, jei tsainchi. <sup>36</sup> Irũrũ barichi jinyamonaewayo Isabel, bequein bara acue tsecae, ichitha anoxuae pexanto yapũrũwa jina. Anoxuae barapowa seis po xometiyobe yapucaewa xua yapũrũwa jina bequein copiya mawecowa. <sup>37</sup> Dapocotsiwa aibi pocotsiwa Nacom tsita ayapubetsi, tsipei bapon daxita bara yaputane.

<sup>38</sup> Nexata María namchi, jeye:

—Xan bara barapowayũn xua taexanaewayon pocotsiwa Nacom pon jiwi Pecanamataxeinaein neitoroba. Bũ moya bara Nacom inta exanaena xuaunxuae netsipaebame, jei María, matatsunpintha.

Bapoxonae matatsunpin napitaba.

*Meje yabara poxonae María siwa pona, xua Isabel siwa poinchi*

<sup>39</sup> Pirapaeyo María nainya pontaba tomara beya, po tomara eca ichaxota ira marafofowa xua Judea nacuatha. <sup>40</sup> Baxota barapowa María joniya Zacarías pia botha tatsi. Bapoxonae Isabel jacobatsi. <sup>41</sup> Poxonae Isabel jume tane xua María jacobae, bapoxonae pia pexuyo tsiperũ nat-sixibecatsi Isabel. Bapoxonae Nacom pia Pejumope tũnaxũ tatsi pia peayapusũwa tatsi Isabel jũntũ coyene yũcatsi. <sup>42</sup> Bapoxonae Isabel jume daunweya wawai xua María baraichi, jeye:

—¡Nacom cayabara tsita juntu coyene xanepanatsi beyacaincha icha yabuxi! ¡Barichi nexanto Nacom yabara tsita juntu coyene xanepanatsi!  
<sup>43</sup> ¡Xam powa Tanecanamataxeinaein pena tatsim, bichocono auran xua tana nesiwa ponaewam tsipei jopa taainya cuiwayon! <sup>44</sup> Poxoru poxonae cajume tainchi xua nejacobame hapoxonae pexuyo netsiperu weiweinyaya natsixibeca. <sup>45</sup> Juntu coyene weiweiname nejume cowantsixae tsipei bara nayabara jume cui wetsina pocotsiwa Nacom pon jiwi Pecanamataxeinaein yabara catsiwunae muxu duta pon Pecanamataxeinaein jiwi xua poxonae matatsunpin catsipaeba, jei Isabel.

<sup>46</sup> Nexata María namchi, jeye:

“Tajuntu coyene Nacom wunae jaintatsi pon jiwi Pecanamataxeinaein.

<sup>47</sup> Matautano tajuntu coyene Nacom yabara weiweinatsi pon Tanecapanepaein.

<sup>48</sup> Nacom neweyatane xua xan saya tapawin.

Bara barapowayun, powayun xua taexanaewa pocotsiwa Nacom neitoroba.

Anoxuae xuano bexa tsaneno daxita jiwi pomonae naitapataya naexanaponaena wunae nejainchina tsipei Nacom nejuntu coyene weiweina exana bichocono beyacaincha icha yabuxi.

<sup>49</sup> Bapon Nacom pon peayapusu itorobi coyene pexeinaein inta bichocono wunae exana.

Bapon Nacom pepa pejuntu coyene xanepanaein.

<sup>50</sup> Bapon Nacom yaweneibina jiwi pia peantobewaxae pomonaetha pomonae copiya pecunuweibixaetsi.

<sup>51</sup> Nacom tsita itaba xua peayapusu itorobi coyenewa xeina.

Baxua exana poxonae juntu coyene amanayaba pomonaetha pomonae atsaquiya penayabara paebiwu xua ichamonae peaebiwichi.

<sup>52</sup> Nacom cui pita cana exana pomonaetha pomonae pecanamataxeinaewi xua equeicha barapomonae jopa naexanae tsane xua pecanamataxeinaewa jiwi.

Ichitha nama pomonaetha pomonae pecu pawu naexana barapomonaetha Nacom cana exana xua barapomonae penaexanaewa pomonae pecanamataxeinae jiwi.

<sup>53</sup> Pomonae xua piyain barapomonaetha Nacom cana exana xua barapomonae petonsanaewa xua penabanaewa po pexaewa pexeinya pexaewan. Matautano copei pexeinaewi barapomonaetha Nacom cana exana xua barapomonae pecobesainaewa.

<sup>54</sup> Nacom yaweneiba pijimonae Israel nacuapiwi pomonae pia pamo susatopin tatsi, bapon Israel pon tanacuita Nacom.

Nacom jopa yabara junteinaeyo xua peyawenebiwa barapo pijimonae peantobexae.

<sup>55</sup> Nacom daxita exana pocotsiwa Abraham wamo susatopin yabara tsiwunae muxu dutatsi

xuano xua yabara tsiwunaē muxu dutatsi pia pemomoxi susato jiwi tatsi”, jei María.

<sup>56</sup> María cataunxuae acoibi po xometiyobe eca Isabel pia botha tatsi. Bapoxonae equeicha caibe nawiya pia bo beya.

*Meje yabara poxonae Juan naexana pon jiwi Pebautisabin*

<sup>57</sup> Nexata Isabel xua b̄pana taecatsi pexuyo, per̄ cui nauchitane. Bapoxonae pexuyo tanowaeincuatsi xua pexanto. <sup>58</sup> Pomonae Isabel pia botha petaenaewichi, ir̄r̄r̄ piamonae tatsi pomonae pecuariya petaenaewichi daxita barapomonae Isabel siwa poinchi xua pejacobinexa tsainchi. Barapomonae yaputane xua Nacom pon Pecanamataxeinaēinxae jiwi Isabel beta taexanatsi poxonae Isabel dacotsiwa taitorobatsi pexuyo. <sup>59</sup> Poxonae ocho po matabibibe yapucaewa barapoxonae pexuyo wi thabatsi xua pebin w̄t̄oxae xua ichaxota nareixacaeca. Barapomonae nanta xeina xua pexuyo w̄n dutsinchi po w̄n pexuyo paxa tatsi xeina, xua po w̄n “Zacarías”, jei. <sup>60</sup> Ichitha pexuyo pena tatsi namchi barapomonaetha, jeye:

—Jume, jame bewa jei: ‘Juan’, jei, jei pexuyo pena tatsi.

<sup>61</sup> Bapoxonae barapomonae Isabel baraichi, jeye:

—¿Exua? Jinyamonae dapocotsi w̄n aibiba, po w̄n: ‘Juan’, jei, jei barapomonae.

<sup>62</sup> Nexata barapomonae moya pecobetha cowai Zacariastha. Matautano pecobetha cowaya yainyaba, Zacarías yainyabatsi jeichichi: “¿Eta po w̄n jinya nexanto w̄n dutsichi?” jei barapomonae. <sup>63</sup> Zacarías w̄nca napaewa petinaenexa tsane. Bapoxonae barapo napaewatha jei xua tina: ‘Apara pew̄n Juan’, jei. Bapoxonae barapomonae naj̄nt̄a coyene benaeca xua ir̄a bapon namchi: ‘Bara pew̄n Juan’, jei. <sup>64</sup> Poxonae baxua exana, caena bapoxonae jemeicha Zacarías equeicha caewa paeba. Equeicha ebato sad̄jei xua cueicueije. Zacarías tamropata pitaba xua w̄nae jainta Nacom. <sup>65</sup> Bapoxonae daxita pomonae imoxoyo jinompa ichaxota Zacarías piseuribe poponabe, daxita barapomonae junuwa. Matautano pomonae xua pejinompaewi daxita ichaxota po ira xua marafofowa xua barapo Judea nacuatha, daxita barapomonae paebinouta pocotsiwa xua bayatha petaexae. <sup>66</sup> Daxita pomonae jume tane, barapomonae naj̄nt̄a coyene yabara nanta xeina nawita. Matautano caemonae nantiya nayainyaba najei: “¿Eta bichane metha pexuyo poxonae wichabina?” najei barapomonae. Apara poxoru Nacom pon Pecanamataxeinaēin jiwi bichocono pexuyo petsita j̄nt̄a coyene xanepanaexaetsi daxota barapomonae baxua paeba.

*Meje yabara xua Zacarías pia wei*

<sup>67</sup> Pexuyo paxa tatsi Zacarías, j̄nt̄a coyene ȳc̄atsi Nacom pia Pejumope t̄nax̄a tatsi pia peayapus̄wa tatsi. Matautano bapon cueicueije po jumetha po jume Nacom cata. Zacarías namchi, jeye:

<sup>68</sup> “Nacom pon Pecanamataxeinaēin jiwi,

pon Israel pia Nacom tatsi, barab̄

w̄nae jainchinchi barapo Nacom.

Tsipei bapon bayatha patopeica waxantha.

Bapon bara piadonaetsi.

Matautano bapon bayatha naca capanepa.



69 Pon Nacom nacata itorobica bapon pon jiwi pecapanenebiyaein pia peayapusuwatha. Bapon David pia pemomoxi susato jiwana tatsi. Bapon David pon Nacom pia petanacuitinchi xua peexanaewa pocotsiwa Nacom itoroba.

70 Caena bayatha Nacom yabara naca tsiwunaee muxu duta, poxonaee itoroba pia peitorobi jume petapaebiwichi xua wanaca tsipaebinexa.

71 Bara naca tsipaeba xua pinae bapon pon Nacom wanacata itorobicaexae, pinae naca capanepaena pomonaee wanaca aitafaetabi jiwi pia xainya weya tatsi.

Matautano pinae naca capanepaena pomonaee wanaca ita aenae-aenei jiwi pia xainya weya tatsi.

72 Matautano Nacom naca tsipaeba xua pinae wamo susatopiwi yabara canantaxeinaeinchi xua peyawenaenexatsi.

Matautano pinae jopa juntemainae tsane xua wamo susatopiwi peyawaenaponaewatsi xua bayatha Nacom yabara petsiwunaee muxu dutsixae baxua.

73 Baraxua Nacom naca tsiwunaee muxu duta xua xainyeya bara paeba poxonaee Abraham tsipaebatsi, pon wamo susatopin.

74 Nacom Abraham tsipaebatsi xua pinae naca capanenebiya tsane wanaca aitafaetabi jiwi weya.

Baxua pinae nacata exanaena xua pinae waexanaewa tsane pocotsiwa naca itoroba, xuano jopa wacunuwinexa tsane ichamonaee pinae.

75 Matautano nacata exanaena xua pinae beta jinompaeinchi bapon peitabaratha, xuano xua juntu coyene xeicaeya jinompaeinchi daxita maticabintha xua jopa abe waexanaponaewa.

76 Iru xam taxantom Juan jiwi cayabara wun dutsina pon Nacom peitorobi jume pepaebin, pon itabocotha eca, cayabara jei tsane.

Baxua cayabara jei poxoru xam tsiwanaya patopaename pon jiwi pia pepa Pecanamataxeinaein.

Daxita jiwi juntu coyene wunaetsiname pepatopaenexa tsane pon jiwi pia pepa Pecanamataxeinaein, pon Mesías.

77 Nacom caitoroba Juan xua jiwi neyaputane neexanaenexa tsane xua Nacom juntemainaena jiwi abe pia peexanaee cuiru coyenein tatsi. Bapoxonaee Nacom barapomonaee capanenebiya exanaeinchi bapon beya xua jopa Nacom petsita natsicuentisixaetsi xua abe peexanaexae.

78 Wanacom jopa juniya wanaca antobexae xuano xua wanaca yawenaexae nacata itorobicaena pexanto itaboco wetsica.

Nacata wɥnae exanaena icha xometo ichi xua nacata wɥnae poxonae pentha pena matacabixae.

79 Poxonae patopeicaena pon Nacom itorobicaena, bapoxonae bapon jiwi jɥntɥ cui weiweinaya exanaeinchi.

Baxua exanaeinchi, pomonaetha pomonae pejume cowɥntsiwi bequein copiya barapomonae muxu pewerapae bichocono abe peexanaexae.

Yawa Nacom naca jumope antasɥ exanaena, xua jɥntema wajinompaenexa tsainchi”, jei Zacarías xua pexanto barai pon Juan.

80 Barapo pexuyo Juan wichabeca. Mataɥtano ajɥntɥyapɥsɥya popona xua Nacom yabara yaputaepona. Juan ira xuepana susato tsurucuae nacuatha tsana popona, beya poxonae po mataqueitha poxonae Juan tsita patopa Israel nacuapiwi pebautisabinexa barapomonae.

## 2

*Meje yabara poxonae Jesús nowaeuncua pebin wɥto barapo cae pin nacuathe*  
(Mt 1.18-25)

1 Iɥɥɥ bapoxonae popona romanomonae itorobiya pia pepa peewatsinchi, pon pewɥn Augusto. Bapon itoroba piamonae peexanaenexa censo matawɥn xua pewɥn tinaewan xua daxita carepaya tomaran jiwi wɥn tinaeinchi. 2 Barapo censo matawɥn xua pewɥn tinaewan jiwi, baxua matapainya nacobe cui jɥta poxonae Cirenio Siria nacuapiwi pia peyanacua ewatsinchi naexana. 3 Daxita jiwi tsanaya barompaya pia pepa tomaran bewa benawibiyaena, ichaxota pia pamo jiwi tatsi tanowaeumeinchi. 4 Daxota José Nazaret tomara wewarapiya, xua Galilea nacua weya. Belén tomara bewarapiya po tomara eca Judea nacuatha. Baraxota caena bayatha David pon judiomonae itorobiya pia pepa peewatsinchi nacatsiwa, pon José pia pamo jiwi susato jiwana tatsi, pon yatsicaya tabɥ ducua. 5 José pecotsiwa barɥ pona pewɥn tinaenexa tsainchibe. Barapowa pewɥn María. Barapowa pexuyo bɥpana taecatsi. 6 Poxonae cataunxuae baraxota Belén tomaratha ecabe, bapoxonae María xua bɥpana taecatsi pexuyo, bara weaperɥtanetsiba. 7 Bara bapowa tanaexanatsi pexanto pon copiya tanacatsiwatsi. Barapo pexuyo paparuwantha tsiwixitha mata quiyontababota jeriyotha, po naeyotha ichaxota vaca naepanaewa xayathopa. Tsipei tutu quecona po bomɥxɥtha ichaxota jiwi maiteiba pomonae pateiba pomonae siwa poneiba.

*Meje yabara poxonae matatsunpiwi patsica ichaxota pomonaetha pomonae oveja duweimonae peyapu eenaewi*

8 Imoxoyo Belén tomaratha, pebiwi oveja duweimonae yapu eeneiba wexotha poxonae merawi. 9 Nexata jemeicha barapo pebiwi tsita

naitutatsi matatsunpin po matatsunpin itorobicatsi xua pon jiwi Pecanamataxeinaein itorobica. Matautano Nacom pon jiwi Pecanamataxeinaein pia peitapanae coicha tatsino barapomonaе matawacaicha unceicatsi. Barapo pebiwi bichocono junuwa. <sup>10</sup> Nexata matatsunpin barapomonaе baraichi jeye: “Jopa pajunuwinde. Apra paca tsipaebatsi pexeinya jume diwesi xua po diwesi daxita jiwi juntu coyene weiweina exanaeinchi. <sup>11</sup> Poxoru anoxuae ichowayo tanaexanatsi pexuyo. Barapo pexuyo naexana David pia tomaratha tatsi xua Belén tomara. Barapo pexuyo, pon jiwi pecapanenebiyaеin. Bapon apra pewan Mesías pon Pecanamataxeinaein jiwi, pon Nacom weitorobicatsi. <sup>12</sup> Bara barapo pexuyo paca ita cayopitatsi xua pataebotsiname vaca pia boyotha. Pataebotsiname barapo pexuyo xua paparuwatha mata quiontababotatsi jeriyotha ichaxota po naeyotha vaca naepanaewan xayathopa”, jei matatsunpin.

<sup>13</sup> Bapoxonaе jemeicha equeicha icha matatsunpiwi pin bicheito naitubarucupa ichaxota icha matatsunpin uncua. Barapo matatsunpiwi itaboco wepatsica. Barapomonaе Nacom wanae jaintatsi. Barapo matatsunpiwi namchi, jeye:

<sup>14</sup> “¡Maisa bichocono Nacom wanae jaintatsi pon itabocotha pecaeин, peitorobixae pexanto! ¡Barabu jiwi juntu tema jinompa barapo irathe pomonaе xua Nacom juntu coyene weiweina exanatsi!” jei matatsunpiwi.

<sup>15</sup> Poxonaе matatsunpiwi athabe ichicha caibeicha itaboco beicha, bapoxonaе pomonaе oveja duweimonaе peyapu eenaewi barapomonaе nabarai, jeye:

—Bu poinchi Belén tomara beya wataenexa tsane pocotsiwa bayatha Nacom exana, xuano xuaunxuae matatsunpin naca tsipaeba pon jiwi Pecanamataxeinaein nexa, jei barapomonaе pomonaе oveja duweimonaе peyapu eenaewi.

<sup>16</sup> Barapoxonaе oveja duweimonaе peyapu eenaewi nainya ponarucupa. Barapoxonaе María iru José caxibarucupatsi. Iru pexuyo poyo boqueca jeriyotha vaca matabotha caxibarucupatsi. <sup>17</sup> Poxonaе barapomonaе taerucupa pexuyo, barapomonaе tsipaeba nawita ichamonaetha pocotsiwa bayatha barapomonaе petsipaebixaetsi matatsunpin xua pexuyo yabara. <sup>18</sup> Daxita pomonaе jume taerucupa baxua yabara najuntu coyene cabenaeca xua pomonaе oveja duweimonaе peyapu eenaewi pepaebixae baxua. <sup>19</sup> María barapo diwesi moya yawan xeina pejuntu coyenewatha xua jume cui cayabara nanta exaba. <sup>20</sup> Bapoxonaе oveja duweimonaе peyapu eenaewi caibe nawibiya. Barapomonaе Nacom wanae jaintatsi petaexae xuano pejume taexaeno xua bayatha matatsunpiwi pepaebixae. Barapomonaе namchi, jeye:

—Maisa Nacom pon pepa yatsicaewa pejuntu coyene xanepanaein, jei.

*Meje yabara poxonaе María iru José caponabe Jesús Nacom pin pia botha tatsi*

<sup>21</sup> Poxonaе ocho po matabibibe yapucaewa, pexuyo wi thabatsi, xua pebin wutoxae xua ichaxota nareixacaeca. Baxua judiomonaе pia cui coyenetha tatsi. Barapoyo wan dutatsi pewan Jesús, po wan bayatha

matatsunpin w<sub>h</sub>n unuta xua María muxu tsipaebatsi poxonae María cataunxuae ab<sub>u</sub> jopa b<sub>u</sub>pana taecaetsi pexuyo.

<sup>22</sup> Nexata matakabi jopa, xua po mataqueitha María ir<sub>u</sub> José bewa pepon naxanebibe xua sacerdotemonaepin taexanaena be pocotsi coyeneya bayatha Moisés pia peitorobi coyenewa tatsi paeba xua daxota jopa penataxobinexa. Bapoxonae María ir<sub>u</sub> José pexuyo caponabe Jerusalén tomara beya pecatsinexa tsanebe pexuyo Nacomtha pon jiwi Pecanamataxeinaein xua petsita itapeinya xeinaenexabe xua barapo pexuyo Nacom petanacuichiwa tsainchi poxonae pinyo tsane. <sup>23-24</sup> Baxua exana tsipei Nacom pia peitorobi diwesitha tatsi tina, jeyei: “Daxita jiwi pia pexui tatsi, pebin w<sub>h</sub>tixi, poxi copiya nacatsiwena, bapoxi Nacom itapeta pia taexanaetsi pocotsiwa Nacom ichichipa”, jei Nacom pia peitorobi jume diwesitha tatsi. Yawa ponabe pecapon-aenexabe pepupunaein xua pecatsiwa Nacomtha xua sacerdotemonaepin pebexubinexa xua petautsinexa xua petuxusi exanaenexa tsane Nacomtha María nexa yawa José nexa. Nacom peitorobi coyenewa tatsi jeyei: “Bara ir<sub>u</sub> ainya tsaqueintobe care. Ichacuitha icha tsaqueintobe aibi, bara ir<sub>u</sub> ainya topibotobe care”, jei.

<sup>25</sup> Ir<sub>u</sub> Ir<sub>u</sub> barapoxonae pebin popona Jerusalén tomaratha, bapon pew<sub>h</sub>n Simeón. Bapon pej<sub>u</sub>nt<sub>u</sub> coyene xanepanaein. Bapon w<sub>h</sub>nae jainteiba Nacom. Bapon w<sub>h</sub>nae ewateiba xua Nacom itorobina pon Israel nacuapiwi pia Pecanamataxeinaein tatsi nexa. Bapon Israel nacuapiwi pu capanepaeinchi romanomonaewe. Barapo romanomonaewe icha nacua werena pona xua Israel nacuapiwi cueranta enatsi. Tsipei barapo romanomonaewe Israel nacuapiwi canamataxeinatsi. Nacom pia Pejumo pe t<sub>u</sub>nax<sub>u</sub> tatsi Simeón bar<sub>u</sub> popoinchi. <sup>26</sup> Nacom pia Pejumo pe t<sub>u</sub>nax<sub>u</sub> tatsi Simeón yaputane exanatsi xua pinae copiya taena Mesías pon xua Nacom, pon jiwi Pecanamataxeinaein itorobina. Bapoxonae xua pinae pirapaeyo t<sub>u</sub>paena. <sup>27</sup> Nacom pia Pejumo pe t<sub>u</sub>nax<sub>u</sub> tatsi Simeón joniya exanatsi Nacom pin pia botha tatsi. Bara José ir<sub>u</sub> pexuyo pena tatsino patopabe Nacom pin pia botha tatsi. Pexuyo capatopabe petacana exanaenexa tsainchibe icha be pocotsi coyeneya Moisés pia peitorobi coyenewatha tatsi itoroba. <sup>28</sup> Simeón isapita pexuyo. Nacom w<sub>h</sub>nae jaintatsino. Simeón namchi, jeye:

<sup>29</sup> “Nacom pon Tanecanamataxeinaem, bara anoxuae caitac<sub>u</sub>pa xua tanecopatsiwam xua bara j<sub>u</sub>ntemiya tat<sub>u</sub>paewa tsane.

Tsipei anoxuae bara nayabara jume wetame pocotsiwa bayatha yabara netsiw<sub>h</sub>nae muxu dutame.

Poxoru xan bapon tsocuaein xua exanan xua neitorobame.

<sup>30</sup> Xan yatsicaewa bara tanba, pon Pecapanenebiyaein jiwi.

<sup>31</sup> Bapon tan pon xua itorobicapaebame, xua daxita jiwi taena xua bapon taeinchi.

<sup>32</sup> Bapon yaputane exanaena xua Nacom yaputaeinchi pomonaewe jopa judiomonaewe naexanaeyo.

Tsipei bapon be bapocotsin, xua poxonae jiwi beta tane exainchi merawi xua xota yonoyonei. Yawano bapon exanaena xua Israel nacuapiwi,

pomonae jinyamonae xua wɔnae jaintinchi xua ichamonae wɔnae jainchina”, jei Simeón.

<sup>33</sup> María iru José yabara najuntu coyene cabenaecabe pocotsiwa Simeón pexuyo yabara paebatsi. <sup>34</sup> Nexata Simeón barai, Nacom baraichi xua María yabara yawano xua José yabara, jeye: “Juntu coyene weiweina exande baraponbe”, jei. Nexata Simeón, María baraichi xua pexuyo pena tatsi:

—Barapo pexuyo Nacom itapeta xua bapon peexanaenexa tsane po coyene xua Israel nacuapiwi ichamonae Nacom beya peponaenexa xua ichacuitha icha ichamonae Nacom beya jopa peponaenexa tsane. Yawa Nacom itoroba barapo pexuyo, peitabinexa Nacom pia peayapusɔwa ichitha ichamonae jume cui aitaftabi tsaiɓi tsane. <sup>35</sup> Daxota barapo pexuyo yaputaena pocotsiwa jiwi pejuntu coyeneintha nanta xeineibina. Ichitha xam, María, daxita baxuan caajuntacoyenerewe exanaena be poxonae ichan canthuthu tsapinopaena cusitha, jei Simeón xua María tsipaebatsi.

<sup>36</sup> Iruru baxota poponaru petsiriwa, pewun Ana. Barapowayo Nacom peitorobi jume pepaebiwayo. Barapowa Fanuel pexantiyo tatsi. Aser pon yatsicaya tabu ducua bapon pia pemomoxi susato jiwana tatsi. Barapowa bara nama penapataewa tsoponae. Barapowa caena bayatha poxonae penowayo tsecae jitha eca. Pia pebinbe siete po weiyobe nabaru poponabe. Bapoxonae pebin tupa. <sup>37</sup> Barapowa caena bayatha piseuri cuenta tupaɓtsi. Anoxuae nama barapowa yaochenta y cuatro po weiyobe jopaba. Barapowa Nacom pin pia bo weya jopa pichapeibiyo. Saya exaneiba pocotsiwa Nacom itoroba merawintha yawa matakabintha. Najainboteibano poxonae tsipaebeiba Nacomtha. <sup>38</sup> Poxonae Jesús caponatsi Nacom pin pia botha xua Nacom pecatsinexatsi bapoxonae Ana imoxoyo caquita uncuca barapomonaetha. Barapowa tsipaeba Nacomtha, jeye: “Nacom maisa juntu coyene weiweinan xua painta itorobame barapo pexuyo”, jei Ana. Bapoxonae Ana yabara paebaxoya pexuyo jiwitha pomonaetha pomona wɔnae ewateiba po coyene xua Nacom itorobina Israel nacuapiwitha pon Israel nacuapiwi capanenebiya exanaeinchi romanomona weya.

*Meje yabara poxonae Jesusbaru caibe iyiya Nazaret tomara beya*

<sup>39</sup> Nexata María iru José wetabeba daxita xua Nacom, pon jiwi Pecanamataxeinaein, peitorobi jume coyenewa paeba. Bapoxonae caibe canawiyabe pexuyo Galilea nacua beya xua pia tomara beyabe, Nazaret tomara beyabe. <sup>40</sup> Pexuyo wichabeca. Matautano bichocono daunwei nawita, peyaputae coyene xexeinaponano. Nacom tsita juntu coyene xanepanapoinchi.

*Meje yabara poxonae Jesús siwa pona Nacom pin pia bo tatsi*

<sup>41</sup> Jesús pena tatsi iru paxa tatsi daxita weitha poneiba Jerusalén tomara beya xua nataiba Pascua wun matakabin. Barapo Pascua wun jei, poxonae Israel nacuapiwi nanta xeina xua poxonae pinae bayatha pia pamo susato jiwi tatsi capanenebiya exanatsi Egipto nacua weya, xua Nacom capanenebiya. <sup>42</sup> Poxonae Jesús doce po weiyobe yapu jopa, María iru José iru Jesús, Jerusalén tomara be-iyiya. Tsipei barapomonae pia cui xua poneiba barapo Pascua wun matakabin nexa. <sup>43</sup> María iru José caibe nawirenabe pia tomara berena poxonae

barapo matakabin weta. Ichitha pewowin Jesús naruntaba Jerusalén tomaratha. Jesús pena tatsi iru José jopa taeyobe xua Jesús naco-pataba. <sup>44</sup> Nanta xeinabe xua Jesús mexeya itara napunaecaponawe pin bicheitotha. Caentacabitha María iru José namtotha naecapon-abe, bapoxonae itaxanawiyabe pexanto. Necobauyabe pexanto pin bicheitotha pia matabaxuyoy jiwimonaetha, pijiwimonaethano. <sup>45</sup> Jopa pexanto caxinaebe. Bapoxonae equeicha caibe iyabe Jerusalén tomara beya, pewenaweneinexa tsanebe pexanto baxotiya equeicha.

<sup>46</sup> Poxonae acoibi po matakabiyobe yapucaewa Jerusalén tomaratha baxota pexanto caxinabe Nacom pin pia botha tatsi. Jesús naeca ichax-ota pomonae jiwi pecuidubiwi Nacom pia peitorobi jume. Jesús jume tane barapomonae. Matautano yainyabano nawita barapomonaetha. <sup>47</sup> Daxita pomonae jume tane, najuntax coyene cabenaeca tsipei Jesús peyaputaein tsecae, matautano tsipei Jesús beta jume nota. <sup>48</sup> María iru José poxonae baxua cui tanebe najuntax coyene cabenaecabe. María pexanto barai, jeye:

—Owae, ¿eta xua metha baxua painta exaname? Axa iru xan paca yabara najuntax coyene exabatsibe, paca jeitompatsi, jei.

<sup>49</sup> Jesús jume nota pena, jeye:

—¿Eta pocotsiwa metha ichawa beya pana nejeitompame? ¿Metha bara jopa payaputaem jampa xua bewa necui eenaena xua Taxa pia cui yabara tatsi? jei.

<sup>50</sup> Ichitha María iru José jopa xapain yaputaeyobe pocotsiwa Jesús paeba.

<sup>51</sup> Jesús caibe nanawiya pena tatsibarutha Nazaret tomara beya. Jesús pena jume jejei tsaibi yawano José jume jejei tsaibichino xua daxita exana pocotsiwa Jesús itorobeibatsi. Jesús pena, daxita baxuan moicha cacui yabara cananta xeineibatsi pejuntax coyenewatha. <sup>52</sup> Nexata Jesús wiwichabapona yawa juntax coyene ayapusuxa exanapoinchino Nacom pia Pejumopetha tñaxax tatsi. Nacom iru jiwi Jesús antobe tsoponaetsi.

### 3

*Meje yabara poxonae Juan pon Pebautisabin jiwi cuiduba ira xuepana susato tsurucuae nacuatha*  
(Mt 3.1-12; Mr 1.1-8; Jn 1.19-28)

<sup>1</sup> Iru Tiberio pon romanomonae itorobiya pia pepa peewatsinchi tatsi yapu jopa quince po weibe xua itorobiya canamataxeina barapo nacuanthapiwi. Bapoxonae iru Poncio Pilato Judea nacuapiwi peyanacua ewatsinchi naexana. Barichi Herodes Galilea nacuapiwi peyanacua ewatsinchi naexana. Iru Herodes peweicho tatsi Felipe, bapon Iturea nacuapiwi peyanacua ewatsinchi naexana xua Traconite nacuathano. Barichiru Lisantias Abilinia nacuapiwi peyanacua ewatsinchi naexana. <sup>2</sup> Barichiru Anás iru Caifás baponbe sacerdotemonae pia pepa pentacaponaeinbe tatsibe. Barapoxonaeru Nacom Juan tsipaebatsi poxonae ira xuepana susato tsurucuae nacuatha popona. Juan bapon Zacarías pexanto tatsi. <sup>3</sup> Juan popona ducuaeta Jordán nacuatha ichaxota Jordán mene. Nacom Pejume Diwesi tsipaeba ducuaeta jiwitha. Bapon barai jiwitha, jeye:

—Icha jũntũ coyene paxeinare painya neauraxae xua abe paexaname. Paca bautisabina ichamonae xua Nacom paca necayabara jũntemainaenexa abe painya neexanae cuiru coyenein, jei Juan.

<sup>4</sup> Baxua exana, peyabara jeichixaetsi xua peyabara jeixae pon Nacom peitorobi jume pepaebina Isaías poxonaе bapon tina pejume diwesi. Barapo diwesitha Isaías caena bayatha wũnae tsiwũnaeya yabara paeba xua Juan yabara. Isaías namchi, jeye:

“Jume tan pon wawai ira xuepana susato tsurucuae nacuatha.

Bapon wawai jeye: ‘Patsinajũntũ cui coyene wũnaere pon jiwi pia pepa Pecanamataxeinaeinchi pia pepatopae wũnaeya tsane.

<sup>5</sup> Daxita pemarafotontha paatsa jejebapoinyama.

Daxita petsuton paatsa caxiquiyama.

Pejeyajeyowa namton bopiya dubeinya paexande.

Pemarafotofowa namton, panamto dameyama.

Apara jopa yabara janyo namton, jame

apara yabara jan painya jũntũ coyenein.

Ichi paichim xua namton paxanebame bara

paichinde pana najũntũ cui wũnaere

painya Nepacacanamataxeinaein nexa

poxonaе bapon patopeicaena.

<sup>6</sup> Daxita nacuapiwimonae yaputaena Nacom pia

pecapanenebiyae coyene tatsi’, jei pon

wawai”, jei Isaías pejume diwesitha.

<sup>7</sup> Pin bicheito pata, xua Juan pebautisabinexa tsane. Juan barai

barapomonae jeye: “¡Paxam pomonae pemuxuitorobi jiwi pam! ¡Paxam

be bara jomomonae pam, tsipei jomo ba cuitaya dũcũpa nawa! Bara

paichim anoxuae paichichipame Nacom pacuitaya dũcũpame xua

abe paca exanaeyainwa. Jopa papanenebiyaem tsane bequein bara

paca bautisabinchi tsipei jopa pajũntũ coyene xanepanaem Nacomtha.

<sup>8</sup> Xaniwaicha painompare xain ichamonae paca cui tane xua icha jũntũ

coyene painya nexainaewa Nacomtha, pon jiwi Pecanamataxeinaein.

Tsipei bequein paxam pajam: ‘Waxainchi Abraham pia pemomoxi

susato jiwichixaetsi Nacom naca capanenebiya exanaena’, pajam, dai-

chitha paxam jopa xaniwaicha pajume cowũntsim Nacom. Daxota

Nacom itacũpatsi xua paca cui matawenta pia jopa paca nepaca ca-

panenebiyaenexa tsane. Matautano barichino Nacom itacũpatsi xua jiwi

forotsinchi barapo ibotixi weya, po ibotixi xote Jordán mene itapatha

bobena. Barapo jiwi naexanaena, po jiwi yatsicaewa Abraham pia

pemomoxi susato jiwi tatsi, pomonae pejume cowũntsixaetsi Nacom.

<sup>9</sup> Poxonaе pebin naein ũba, sipari ba canacui wũnaeta pecaucubobinexa

po naein jopa nacoichiyo. Poxonaе barapo naein ucuboba nantatsun

eta xua petautsinexa isototha. Paxam bara paca jũta ichiya paca cana

exanaena. Nacom paca yabara nacui wũnaeta xua paca bebai tsane

isototha, ichaxota po isototha jopa cunaya itacounayiyo tsipei Nacom

jopa xanepanaya pata taexanaem”, jei Juan.

<sup>10</sup> Nexata barapomonae Juan yainyabatsi jeichichi:

—¿Eta pocotsiwa Nacom ichichipa pocotsiwa pata exanaenexa xua ichamonae pata necui taenexa tsane xua bara pajuntũ coyene xanepanaein Nacomtha? jei barapomona.

<sup>11</sup> Juan jume nota, jeye:

—Pon ainya camisabe xeina, bapon becatsipa pontha pon yatsicaewa jopa naũma xatatsiyo camisa. Irũrũ pon tamatecatsi penabanaewa bapon becatsipa ichũn pontha pon jopa xeinaeyo penabanaewa, jei Juan.

<sup>12</sup> Barichirũ pata, pomona paratixi pentoma noteibiwi po paratixi jiwi bewa catsibina pon romanomona itorobiya pia pepa peewatsinchi nexa. Barapomona pata xua Juan pebautisabinexa tsanerũ barapomona. Barapomona Juan yainyabatsi, jeichichi:

—Pon jiwi Necuidubim, ¿eta pocotsiwa Nacom ichichipa pocotsiwa pata exanaewa tsane? jei barapomona.

<sup>13</sup> Juan jume nota, jeye:

—Saya meisa jiwi pawũcaename paratixi xua romanomona paca itoroba. Jopa yabara muxuitorobiya pawũcaeinde ichawan, jei Juan.

<sup>14</sup> Barichirũ soldadomona Juan yainyabatsi, jeichichi:

—Iru paxan, ¿eta pocotsiwa Nacom ichichipa pocotsiwa pata exanaewa tsane? jei barapomona.

Juan jume nota, jeye:

—Jopa payabara jume daunweya wecobe noteibinde ichamonae piawan tatsi. Mataũtano ichamonae jopa pacui yopiteibinde pocotsiwa exana ichamonae poxona apara jopa exaneibiyo. Bara saya pajuntũ coyene weiweinare poxona paratixi paxename poxona ichamonae xua pata exaname xua soldadomona pamxaem, jei Juan.

<sup>15</sup> Daxita pomona wũnae ewateiba xua Mesías pepatopeicaewa tsane, barapomona poxona Juan jume tainchi, barapomona pejuntũ coyeneintha nanta xeina, xua apara Juan metha apara Mesíaswei.

<sup>16</sup> Ichitha Juan barai daxita barapomona, jeye: “Xan paca bautisabatsi meratha. Ichitha nama patopaena pon bichocono ainya cui beyacaincha xan. Bapon pon pepa Pecanamataxeinaein jiwi. Xan saya tapawin. Daxota auran xua tataxu mũ isanaxubiwa pia penataxu xatatsiwa. Bapon paca jiwana bautisabina Nacom pia Pejumo pe tunaxutha tatsi. Bapon paca jiwana cui copatsinchi xua atene tsane Jesús pejume cowũntsixaetsi tsane. <sup>17</sup> Bapon pon patopaena bapon bayatha tsinacobenata po paparato xua trigo xu nexa. Bapon trigo xu tsanaya seicaya matapepe jehebapona. Trigo xu jehebapona, trigo xu matabohta. Matapepe jehebapona petautsinexa isototha, ichaxota po isoto jopa cuinaya itacounayiyo. Bara jũta cana ichi tsane jiwitha icha trigo xu cana ichiya ichichi jiwi Nacom tsananobina pomona pejume cowũntsixaetsi pia nacuatha nexa. Ichamonae tsananobinchi pomona jopa pejume cowũntsiwichi, petautsinexa isototha ichaxota xua jopa itacounayiyo”, jei Juan.

<sup>18</sup> Icha diwesi yabara jumeno Juan barapomonaetha paeba Nacom pia pexeinya jume diwesi tatsi. <sup>19</sup> Mataũtano Juan biatane, Herodes biatainchi pon Judea nacuapiwi pia peyanacua ewatsinchi poxoru Herodes peweicho caiba yabũyo powa Herodías. Herodes peweicho tatsi pewũn Felipe. Mataũtano Juan biatane poxoru bayatha Herodes abe exana nawita jiwitha. <sup>20</sup> Ichitha daũmetha equeicha Herodes abe exana



xua Juan caenaetatsi ichamonaetha xua pecaponaenexa tsainchi jiwi pecabi botha.

*Meje yabara poxonae Jesús bautisabatsi*

*(Mt 3.13-17; Mr 1.9-11)*

<sup>21</sup> Poxonae cataunxuae Juan jopa ecaeyo jiwi pecabi botha, Juan bautisaba ducuaanaeta jiwi. Barichi iru Jesús nabautisabatsi. Poxonae Jesús tsipaebuncua paxa, peitaboco nayausaranaxuba. <sup>22</sup> Nacom pia Pejumope tanaxu tatsi patopeica Jesustha, be topiboto yaruneica. Jesús jume tane pocotsiwa peitaboco wetsipaebicatsi, jeichichi:

—Xam apara Taxantom pom bichocono cantobetsi, pom caitapetatsi. Nejuntu coyene weiweina exaname, jei Nacom.

*Meje yabara pomonae Jesús pia pamo susatopiwi tatsi*

*(Mt 1.1-17)*

<sup>23</sup> Poxonae Jesús treinta po weibe yapu jopa, bapoxonae nama tamropata pitaba barompaya pia pepa peexanae coyenewan po coyene Nacom Pejume Diwesi pecueicueijejiwa xuano jiwi axaibi exana ducua-naebiyano. Jesús, José pexanto tatsi. Daxita jiwi nanta xeina xua mexeya itara José yatsicaewa pexantowei. José, Elí pexanto tatsi. <sup>24</sup> Bapon Elí, Matat pexanto tatsi. Bapon Matat, Leví pexanto tatsi. Bapon Leví, Melqui pexanto tatsi. Bapon Melqui, Jana pexanto tatsi. Bapon Jana, José pexanto tatsi. <sup>25</sup> Bapon José, Matatías pexanto tatsi. Bapon Matatías, Amós pexanto tatsi. Bapon Amós, Nahúm pexanto tatsi. Bapon Nahúm, Esli pexanto tatsi. Bapon Esli, Nagai pexanto tatsi. <sup>26</sup> Bapon Nagai, Maat pexanto tatsi. Bapon Maat, Matatías pexanto tatsi. Bapon Matatías, Semei pexanto tatsi. Bapon Semei, Josec pexanto tatsi. Bapon Josec, Judá pexanto tatsi. <sup>27</sup> Bapon Judá, Joanán pexanto tatsi. Bapon Joanán, Resa pexanto tatsi. Bapon Resa, Zorobabel pexanto tatsi. Bapon Zorobabel, Salatiel pexanto tatsi. Bapon Salatiel, Neri pexanto tatsi. <sup>28</sup> Bapon Neri, Melqui pexanto tatsi. Bapon Melqui, Adí pexanto tatsi. Bapon Adí, Cosam pexanto tatsi. Bapon Cosam, Elmadam pexanto tatsi. Bapon Elmadam, Er pexanto tatsi. <sup>29</sup> Bapon Er, Josué pexanto tatsi. Bapon Josué Eliezer pexanto tatsi. Bapon Eliezer, Jorim pexanto tatsi. Bapon Jorim, Matat pexanto tatsi. <sup>30</sup> Bapon Matat, Leví pexanto tatsi. Bapon Leví, Simeón pexanto tatsi. Bapon Simeón, Judá pexanto tatsi. Bapon Judá, José pexanto tatsi. Bapon José, Jonam pexanto tatsi. Bapon Jonam, Eliaquim pexanto tatsi. <sup>31</sup> Bapon Eliaquim, Melea pexanto tatsi. Bapon Melea, Mena pexanto tatsi. Bapon Mena, Matata pexanto tatsi. Bapon Matata, Natán pexanto tatsi. <sup>32</sup> Bapon Natán, David pexanto tatsi. Bapon David, Isaí pexanto tatsi. Bapon Isaí, Obed pexanto tatsi. Bapon Obed, Booz pexanto tatsi. Bapon Booz, Sala pexanto tatsi xua icha wan Salmón. Bapon Sala, Naasón pexanto tatsi. <sup>33</sup> Bapon Naasón, Aminadab pexanto tatsi. Bapon Aminadab, Admin pexanto tatsi. Bapon Admin, Arni pexanto tatsi. Bapon Arni Esrom pexanto tatsi. Bapon Esrom, Fares pexanto tatsi. Bapon Fares, Judá pexanto tatsi. <sup>34</sup> Bapon Judá, Jacob pexanto tatsi. Bapon Jacob, Isaac pexanto tatsi. Bapon Isaac, Abraham pexanto tatsi. Bapon Abraham, Taré pexanto tatsi. Bapon Taré, Nacor pexanto tatsi. <sup>35</sup> Bapon Nacor, Serug pexanto tatsi. Bapon Serug, Ragau pexanto tatsi. Bapon Ragau, Peleg pexanto tatsi. Bapon Peleg, Heber pexanto tatsi. Bapon Heber, Sala pexanto tatsi. <sup>36</sup> Bapon Sala, Cainán

pexanto tatsi. Bapon Cainán, Arfaxad pexanto tatsi. Bapon Arfaxad, Sem pexanto tatsi. Bapon Sem, Noé pexanto tatsi. Bapon Noé, Lamec pexanto tatsi. <sup>37</sup> Bapon Lamec, Matalalén pexanto tatsi. Bapon Matalalén, Enoc pexanto tatsi. Bapon Enoc, Jared pexanto tatsi. Bapon Jared, Mahalaleel pexanto tatsi. Bapon Mahalaleel, Cainán pexanto tatsi. <sup>38</sup> Bapon Cainán, Enós pexanto tatsi. Bapon Enós, Set pexanto tatsi. Bapon Set, Adán pexanto tatsi. Bapon Adán, Nacom pexanto tatsi.

## 4

*Meje yabara poxonae Jesús juntu coyene jujutatsi caurimonaе pia pentacaponaein tatsi xua Jesús abe coyeneya petaexanaenexa tsane*

*(Mt 4.1-11; Mr 1.12-13)*

<sup>1</sup> Poxonae Jesús juntu coyene yucatsi Nacom pia Pejumope tñaxu tatsi bapoxonaе caibe nawiya Jordán mene weya. Nacom pia Pejumope tñaxu tatsi Jesús mata cayatsi ira xuepana susato tsurucuae nacua beya.

<sup>2</sup> Baraxotiya Jesús popona cuarenta po matabibe. Caurimonaе pia pentacaponaein tatsi Jesús piraichi juntu coyene jujutatsi xua Jesús abe coyeneya petaexanaenexa tsane. Barapo cuarenta po matabibetha Jesús jopa nabanaeyo. Poxonaе barapo matabin yapucaewa Jesús bichocono jainpa. <sup>3</sup> Caurimonaе pia pentacaponaein tatsi, Jesús baraichi, jeichichi:

—Icha xam yatsicaya Nacom Pexantom, netsita itare. Barapo iboto itorobare xain pan naexanaxoya, jei caurimonaе pia pentacaponaein tatsi.

<sup>4</sup> Jesús jume nota. Caurimonaе pia pentacaponaein tatsi jume notatsi, jeye:

—Nacom Pejume Diwesitha namchi: ‘Jopa metha bepa meisa jiwi betiya una jinompaetsipae pan’, jei Nacom Pejume Diwesi, jei Jesús.

<sup>5</sup> Caurimonaе pia pentacaponaein tatsi Jesús mataboinchi ichaxota po demxuwa bichocono atororo. Baraxotiya Jesús tsita itatarabatsi daxita nacuan, xua barapo cae pin nacuathe. <sup>6</sup> Bapoxonaе caurimonaе pia pentacaponaein tatsi Jesús baraichi, jeichichi:

—Daxita barapo nacuan cacatinchi jiwi neitorobinexa tsane. Matautano daxita cacatinchi nacuan pia pewnaewan, tsipei bayatha necata daxita barapo nacuan xua taitorobeiwiwa coyenewan. Tawaxae catsin ichantha pontha pon xua ichichipan xua tacatsiwa. <sup>7</sup> Ichaunxuae nentabocototha uncuaename taitabaratha, xuano ichaunxuae newnae jainchiname xua nenanta xeinaewaxae xua xan jinya tacacanamataxeinaeinchi, bapoxonaе baxuan daxita bara cacatsinchi jinya Necanamataxeinaenexa barapo nacuan, jei caurimonaе pia pentacaponaein tatsi.

<sup>8</sup> Ichitha Jesús jume nota, jeye:

—Yaitama Nacom Pejume Diwesitha namchi, jeye: ‘Meisa wnae jainde jinya Necanamataxeinaein Nacom. Meisa bapon yatsicawa taexande pocotsiwa caitoroba’, jei Nacom Pejume Diwesitha, jei Jesús.

<sup>9</sup> Cotacaya nama equeicha Jesús mataboinchi Jerusalén tomara beya, Nacom pin pia botha pentatupa beicha capoinchi. Jesús baraichi, jeichichi:

—Icha bara xaniwaicha Nacom Pexanto tatsim, wenaxoreinque.

<sup>10</sup> Nacom Pejume Diwesitha namchi, jeye:

‘Nacom itorobina pia matatsunpiwi necayanabinexa.

<sup>11</sup> Barapo matatsunpiwi asiya cawaetaboutsina pecobetha, xua jopa necataxu tsaquituncuaenexa tsane ibototha poxonae wenaxorecame’, jei Nacom Pejume Diwesitha, jei caurimonae pia pentacaponaein tatsi.

<sup>12</sup> Jesús jume nota, jeye:

—Barichi Nacom Pejume Diwesitha namchi, jeye: ‘Jopa juntu coyene jujutsiya wucaeinde Nacom pon jinya Necanamataxeinaein, xua cajume jejei tsane necayawenaenexa poxonae jopa xapain exanaem’, jei Nacom Pejume Diwesitha, jei Jesús.

<sup>13</sup> Poxonae caurimonae pia pentacaponaein tatsi yaputane xua jopa xeinaeyo po coyenetha equeicha Jesús pejuntu coyene jujutsiwa tsainchi, bapoxonae nama Jesús wepu poinchiba xua saya bara caeto nexa.

*Meje yabara poxonae Jesús tamropata pitaba pia penacuichiwa Galilea nacuatha*

(Mt 4.12-17; Mr 1.14-15)

<sup>14</sup> Jesús caibe iya Galilea nacua beya. Matautano jopa juniya xeinaeyo Nacom pia Pejumope tunaxu tatsi pia peayapusu itorobi coyenewa tatsi. Daxita jiwi pomonae jinompa barapo nacuatha Jesús yabara paebinou-tatsi. <sup>15</sup> Jesús cuidubeiba barapomonae judiomonae pia penacaeuttsi bontha tatsi xua daxita tomarantha. Barapomonae Jesús wanae jain-teibatsi.

*Meje yabara poxonae Jesús Nazaret tomaratha popona*

(Mt 13.53-58; Mr 6.1-6)

<sup>16</sup> Nexata Jesús Nazaret tomara beya pona, po tomaratha ichaxota wichaba. Judiomonae barompaya pia pentaquei seicae maticabitha tatsi Jesús joniya judiomonae pia penacaeuttsi botha tatsi tsipei pia cui xeina xua peponeibiwa barapocotsi botha. Jesús xenta iya barapomonae peuncuaenexa peitabaratha, peyorobinexa Nacom Pejume Diwesi, xua barapomonae pejume taenexa. <sup>17</sup> Nexata Jesús catatsi Isaiás pejume diwesi, pon Nacom peitorobi jume pepaebin, pon caena bayatha tupa. Poxonae Jesús diboro pataxuba baxota taeba pocotsiwa baxota paeba, xua jeye:

<sup>18</sup> ‘Nacom pia Pejumope tunaxu tatsi neyanta popona.

Nacom neitapeta tatacucueijeinexa tsane pia pexeinya jume diwesi tatsi pomonaetha pomonae peacopeibi jiwi.

Matautano neitoroba xua tayawenaenexa pomonae anthuthutane.

Matautano neitorobano xua tayawenaenexa pomonae caurimonae itorobatsi nawita xua barapomonae pepanenebiyaenexa.

Matautano neitorobano xua tane tacana exanaenexa pomonae peitata nacatsi jiwi.

Matautano neitorobano xua tayawenaenexa pomonae xua bichocono taayapubetsi xua

pejinompaewa tsane xua barapomonae jopa pexeinae

dubenanaebiyaenexa tsane barapo coyenein.

<sup>19</sup> Matautano neitorobano xua jiwi tatsipaebinexa po coyene xua Nacom nacui wunaeta xua jiwi peyawenaewa tsainchi pomonae ichichipa xua Nacom pejume taewatsi”, jei Isaías pejume diwesitha, jei Jesús xua yoroba.

<sup>20</sup> Poxonae Jesús barapo diboro acataraba, bapoxonae cata pontha pon jiwi peyawenequeibin judiomonae pia penacaetutsi botha tatsi. Bapoxonae Jesús econeca. Daxita pomonae baxota ena, Jesús necotenatsi xua cui ewatenatsi xua pecueicueijeiva tsane Jesús. <sup>21</sup> Bapoxonae Jesús tamropata pitaba xua paeba, jeye:

—Anoxuae xuaunxuae pajume taneme baxua apara barapo mataqueithe Nacom nayabara jume cui weta painya itatha, jei Jesús.

<sup>22</sup> Daxita carepaya jiwi Jesús xanepanaya yabara paebatsi. Daxita barapomonae najuntu coyene cabenaeca xua pejume taexae xua po jume barapomonae petsipaebixaetsi. Barapomonae nantiya nabarai, jeye:

—Maisa jume xeica bapon, jume wunaeya paeba. ¿Bara bapon José pexanto tatsi jampa? najei barapomonae.

<sup>23</sup> Jesús barai barapomonae, jeye:

—Metha pana netsipaebichipame icha be pocotsi diwesiyo iche xua pecayabara juta pepaebi diwesiyo xua ba jei: ‘Pon jiwi neyawabin, jinya coutha nayawubare’, xua ba jei. Barichi anoxuae pana nejam tsane: ‘Xua paxan pajume tan xua juinya Capernaum tomaratha exaname, barichinde xote exande jinya tomaratha’, pana nejam tsane, jei Jesús.

<sup>24</sup> Awiya cataunxuae Jesús cueicueije. Equeicha namchi, jeye:

—Xaniwaicha paca tsipaebatsi pon ba Nacom peitorobi jume pepaebin pia nacuamonaepiwi ba aitafaetabichi. <sup>25</sup> Xaniyan paca baraichi xua caena bayatha poxonae Elías popona pon Nacom peitorobi jume pepaebin, ainyawaxi powaxi pecuenta werapaewaxichi pia seuriwi Israel nacuatha jinompa. Barapo nacuatha cuinaya jopa duneicaeyo acoibi po weiyobe xuano seis po xometiyobethano. Daxita jiwi piyain barapo nacuatha Israel nacuatha. <sup>26</sup> Nacom jopa itorobiyo, Elías jopa itorobichi xua peyawenaenexa tsane caewayo jiwana powaxi pecuenta werapaewaxichi pia seuriwi xua Israel nacuatha. Ichitha saya meisa Nacom itoroba, Elías itorobatsi powatha powa pecuenta tupaewayotsi piseuri, powa popona Sarepta tomaratha, xua Sidón nacuatha xua barapowayo peyawenaenexatsi. <sup>27</sup> Barichi Israel nacuatha pinmonae jinompa pomonae peperu sawatsi jiwimonae, poxonae Eliseo popona pon Nacom peitorobi jume pepaebin. Eliseo jopa jiwana axaibi exanaeyo. Ichitha meisa Eliseo Naamán axaibi exanatsi pon bichocono peperu sawinchi. Bapon Naamán, Siria nacuapin, jei Jesús.

<sup>28</sup> Poxonae barapomonae jume tane pocotsiwa Jesús paeba pomonae judiomonae pia penacaetutsi botha ena, bapoxonae barapomonae Jesús casebatsi. <sup>29</sup> Asiya umenaracupa barapomonae. Jesús tomara peuma beitaweyatsi. Jesús capoinchi pitapatororo itapa beya, po tsututha bomaxun jeba, xua bara wepexorecaenexa tsainchi Jesús. <sup>30</sup> Ichitha Jesús barapomonae xenta iya, pu seicataba.

*Meje yabara poxonae pebin pon cauri xeina  
(Mr 1.21-28)*

<sup>31</sup> Nexata Jesús pona Capernaum tomara beya po tomara eca Galilea nacuatha. Baxotiya Jesús cuiduba jiwí po mataqueitha pentaquei seicae matacabitha. <sup>32</sup> Barapomonae yabara najantũ coyene cabenaeca tsipei pocotsiwa bapon barapomonae cuidubatsi be pon peyaputaen pia peyapusũ itorobi jume coyeneya tatsi paeba.

<sup>33</sup> Judiomonae pia penacaetutsi botha tatsi pebin baxota eca, pon cauri xeina. Bapon bichocono wawaya exanatsi cauri. Bapon Jesús baraichi xua namtsebiya wawai, jeye:

<sup>34</sup> —¡Jesús Nazaret tomarapim, warapare pata xainya weya! ¿Eta xua metha patopame pata xantha xua jinya apara abe pata neexanaetsim? ¿Apara patopame jinya pana nejutebicham? Paca yaputainchi yawa paca yaitainchi. Xam apara pon Nacom caitoroba, pon pepa Nentacuiruyapuxanepanaem, jei cauri.

<sup>35</sup> Jesús itaweta cauri, jeye:

—¡Moyande! ¡Bapon wepu ponde! jei Jesús.

Nexata cauri pebin iratha xotsi barapomonae peitũtha tatsi. Pebin wepu poinchi cauri, saya jũntema. Equeicha jopa ateneyono. <sup>36</sup> Daxita barapomonae yabara najantũ coyene cabenaeca, nayainyaba namchi:

—¿Eta po jumera xua bapon paeba? Jamaisa barapo pebin itaweta caurimonae pia peyapusũya itorobi coyenewatha. Mataũtano barapo caurimonae bara pona.

<sup>37</sup> Daxita jiwí paebinouta Capernaum tomara cuariyatha pocotsiwa Jesús exana.

*Meje yabara poxonae Jesús axaibi exana Simón Pedro pamiyo tatsi  
(Mt 8.14-15; Mr 1.29-31)*

<sup>38</sup> Bapoxonae Jesús judiomonae pia penacaetutsi bo tatsi wejoniya. Jesús joniya Simón pia botha tatsi. Simón pamiyo tatsi atene, domae-batsi. Barapowa piamonae tatsi Jesús jume daunweya wũcatsi xua bapowa axaibi peexanaenexa tsainchi. <sup>39</sup> Jesús imoxoyo caquita uncua pentasipatha. Jesús domaetha namchi, jeye:

—Barapowatha jopa bayatha yacacaewiyande, jei Jesús.

Domae aichurucuae. Nainya barapowa nantacotaxuba. Bapoxonae bapowa pexaewa apata barapomonaetha.

*Meje yabara poxonae Jesús axaibi exana pin bicheitomonae  
(Mt 8.16-17; Mr 1.32-34)*

<sup>40</sup> Poxonae tabopiya tsanaicha pomonae piamonae barompaya taatenetsi pomonae xua jopa nayaromae jũpaeyo, daxita barapomonae Jesús betacarendenatsi. Jesús ichawa beya jayabapona pecobetha, bapoxonae daxita carepaya axaibi. <sup>41</sup> Barichi pomonae cauri pexeinaewi Jesús taitaweta barapomonae. Barapo caurimonae wawaya jeye:

—Apara xam Nacom Pexantom, jei.

Bequein caurimonae baxua paeba ichitha Jesús awiya daumetha itaweta caurimonae. Jesús jopa najume copatsiyo xua equeicha pepae-biwa tsane poxoru barapo caurimonae yaputane xua bapon yatsicaewa Mesías pon Nacom itorobica.

*Meje yabara poxonae Jesús cueicueijeji Nacom Pejume Diwesi judiomonae pia penacaetutsi bontha tatsi  
(Mr 1.35-39)*

<sup>42</sup> Poxonae baya juntucuru pentha tsina, Jesús tomara weiya ichaxota jiwaibi bara beya pona. Ichitha jiwi Jesús jeitatsi. Barapoxonae bapomonae pata ichaxota Jesús popona. Barapomonae aichaxaibi xua Jesús pewepu warapaewa barapomonae. <sup>43</sup> Ichitha Jesús namchi, jeye:

—Bewa iru yabara paebin Nacom pia pexeinya jume diwesi tatsi, po diwesi yabara xua Nacom waba jiwi petanaexanaenexatsi piamonae pomonae Nacom juntu coyene itorobiya ewata. Aparax baxua net-siyabara itorobica, jei Jesús.

<sup>44</sup> Daxota Jesús paeba ducuaeta Nacom Pejume Diwesi Judea nacuatha xua judiomonae pia penacaeuttsi bontha tatsi.

## 5

*Meje yabara poxonae Jesús piamonae yawena xua duwei yamona*  
(Mt 4.18-22; Mr 1.16-20)

<sup>1</sup> Caentacabi Jesús Genesaret pucua itapatha uncua. Pin bicheito pata bichocono nacucunaxuba Jesthath, tsipei barapomonae ichichipa jume tane Nacom Pejume Diwesi tatsi. <sup>2</sup> Jesús ainya jerabe tane pucua taetabo itapatha, po jera saya naebe. Tsipei duwei peyamonaewi bayatha nacui wetarucupa, matautano poxorubayatha nonobouna taetabotha. Barapomonae pia peyamonaewan iquicompa. <sup>3</sup> Nexata Jesús jeratha nontabiya Simón pia naetha tatsi. Jesús Simón baraichi:

—Tsiwiyo neyana torotaxoyam, jei Jesús.

Bapoxonae Jesús eca jeratha. Jesús mene wecuidubecarena jiwi Nacom Pejume Diwesi. <sup>4</sup> Poxonae Jesús najume weta, Simón baraichi, jeye:

—Jeratha ponde ichaxota pentatheibu. Paxoyama painya neyacamonaeewa painya necapirenaenexa duwei, jei Jesús.

<sup>5</sup> Simón, Jesús jume notatsi, jeye:

—Pon jiwi Necuidubim, bequein barapo merawithe payamonompan, pacobesa patan. Yaitama aunxuae neitorobame, methaunxuae xoyaein tayamonaewa, jei Simón.

<sup>6</sup> Poxonae barapomonae xoya, duwei pin tunto capirena, muxu pucubabi xua peyamonaewa. <sup>7</sup> Nexata barapomonae moya pecobetha itacowaeba pomonae penabaru yaxunobompaexae, pomonae icha jeratha jinompa itacowaebatsi, penayawenaenexa. Barapomonae pata. Jera ainya naebe wantabe duwei. Muxu pibunopaebe jerabe. <sup>8</sup> Simón pon Jesús icha wan duta, xua Pedro baraichi, bapon tane baxua. Bapoxonae bapon Jesús peitabaratha tauncuatsi pentabocotha. Simón, Jesús baraichi, jeye:

—Tanecanamataxeinaein, newepu ponare, tsipei xan abe taexanaein, jei Simón Pedro.

<sup>9</sup> Poxoru Simón Pedro junuwiya najuntu coyene cabenaeca yaitama peyacamonaewatha capirena duwei pin tunto. Iru pomonae Simón Pedro pia jeratha petaenaewichi barapomonae iru junuwiya najuntu coyene cabenaeca. <sup>10</sup> Iru Zebedeo pexantobe tatsi, Santiago iru Juan baponbe iru junuwiya najuntu coyene cabenaecabe. Baponbe ponbe Simón pebaru yamonaeinbe tatsibe. Ichitha Jesús Simón baraichi, jechichi:

—Simón, jopa junuwinde, anoxuae caexanaeinchi xua pinmonae yawenaename xua barapomonae pejume cowantsiwa tsane Nacom icha bayatha ichim poxonae yamonaewa duwei nawita, jei Jesús.

<sup>11</sup> Nexata poxonae barapo jerabe botounabe, barapoxonae barapomonae baxuan daxita nacui barapenta. Bapoxonae barapomonae Jesús puna poinchi.

*Meje yabara poxonae Jesús axaibi exana pon peperu sawinchi*  
(Mt 8.1-4; Mr 1.40-45)

<sup>12</sup> Jesús icha tomara siwa pona. Bapoxonae pebin patopa pon peperu sawinchi. Poxonae Jesús taebatsi, bapon Jesús peitabaratha tatsi pentabocototha tauncuatsi yawa ira betaeuncuareca. Bapon Jesús jume daunweya wuacatsi, jeichichi:

—Pon Necanamataxeinaem jiwi, icha bara ichichipame bara caitacupa xua axaibi tana neexanaewam, tsipei jinya neayapusu itorobi coyenewa nexainaem, jeichichi Jesús bapon.

<sup>13</sup> Nexata Jesús, nacobe yota, yawa mata jayaba bapon, pon peperu sawinchi. Jesús barai, jeye:

—Bara ichichipan. ¡Bara axaibinde! ¡Bara caaperuxaibi exanatsi! jei Jesús.

Bapoxonae bapon nainya taaichurucaetsi xua peperu sawiwatsi.

<sup>14</sup> Nexata Jesús barai bapon, jeye:

—Jopa yabara tsipaebinde ichamonaetha xua neaxaibiwam. Saya jame meisa ponde sacerdotemonaepintha xua nenaitatsinexa xua bapon necataenexa xua bayatha nejumewa. Bapontha care pocotsiwa xua pecatsiwa Nacomtha, pocotsiwa xua bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi cayaputaena xua tsita itapeinya xeinatsi xua xam bara jumem yawa xua peru wunaem, jei Jesús.

<sup>15</sup> Ichitha daxita jiwi taju beya jume taetaepona pocotsiwa Jesús exana. Pin bicheiton nacaetutapona Jesustha pejume taenexa tsane pocotsiwa Jesús exana. Matautano nacaetutapona xua Jesús peaxaibi exanaenexa barapomonae. <sup>16</sup> Ichitha Jesús ichaxota jiwaibi bara beya poneiba compa. Baxotiya Paxatha tsipaebeiba.

*Meje yabara poxonae Jesús axaibi exana pon pecuenobinchi*  
(Mt 9.1-8; Mr 2.1-12)

<sup>17</sup> Caentacabi Jesús cuidubauya. Iruu baxotiya ena pomonae fariseomonae jiwana tatsi. Iru baxota ena pomonae jiwi pecuidubiwi Moisés pia peitorobi coyenewa tatsi. Barapomonae daxita tsiqui tomaraxi werendena po tomaraxi ena Galilea nacuatha. Iru daxita tsiqui tomaraxi werendena po tomaraxi ena Judea nacuatha, iru ichamonae Jerusalén tomara werendena. Nacom pia peayapusu itorobi coyenewa tatsi Jesús yawenatsi, daxota axaibi exana peatene jiwi. <sup>18</sup> Nexata pebiwi pata. Barapo pebiwi carendena pon pecuenobinchi. Xua xota pocotsiwatha maiteiba, barapomonae barapocotsiwatha carendenatsi pecuenobinchi. Barapomonae bepa bomuxatha cajojoniyaei xua bepa Jesús peitabaratha tabotichei. <sup>19</sup> Ichitha barapomonae jopa cajojoniyaeyo bomuxatha tsipei pin bicheito boupa quecona. Barapo bo matatupa pereca. Nexata daxota barapo bo matatupa beenoinya. Barapomonae barapo penta tupa weatsa caxina xoreca. Nexata barapomonae nantiya opi quetabe bumacatha barapo pemaiteibiwatha. Bapoxonae bara weyawa yorecatsi barapo pecuenobinchi jiwi pexainya deca tatsi, Jesús peitabarayo decano tatsi. <sup>20</sup> Jesús tane xua barapomonae yabara cui jume cowanta xua Jesús bara peitacupaewatsi xua axaibi

peexanaewatsi pon pecuenobinchi. Daxota Jesús barai pecuenobinchi, jeye:

—Tajiton cayabara cui j̄ntemainatsiba abe jinya neexanae cuiru coyenein, jei Jesús.

<sup>21</sup> Nexata pomonae jiwi pecuidubiwi Moisés pia peitorobi coyene, ir̄a fariseomonae, daxita barapomonae caemonae natsipaeba, najei: “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara j̄ntemainaya j̄nt̄a puxana exanatsi abe pia peexanae cuiru coyenein tatsi. Jame meisa apara caein Nacom yaputane xua jiwi cacui yabara j̄ntemainaya j̄nt̄a puxana exanatsi abe pia peexanae cuiru coyenein tatsi”, najei barapomonae.

<sup>22</sup> Ichitha Jesús yaputane xua barapomonae caemonae natsipaeba. Jesús barai barapomonae, jeye:

—¿Eta pocotsiwa metha baxua pana natsipaebame? <sup>23</sup> ¿Eta po jumetha baran tsane pecuenobinchin? ¿Metha jan tsane: ‘Abe jinya neexanae cuiru coyenein cata j̄ntemainatsi’, jan tsane? Ichacui<sup>24</sup> metha jan tsane: ‘Asiya uncuatabare yawa ponare’, jan tsane? <sup>24</sup> Daxota aunxuae paca tsita itapeinya xeinaeinchi xua xan ponxaein Nacom Tananeitapetsin, xua xeinan taayapus̄a itorobi coyenewa xua bara tana neitac̄upaewa xua jiwi tayabara cacui j̄ntemainaya j̄nt̄a puxana exanaewa abe pia peexanae cuiru coyenein tatsi pomonae jinompa barapo cae pin nacuathe, jei Jesús.

Bara nexata pecuenobinchi Jesús barai, jeye:

—Catsipaebatsi, nontaponde. Jinya nemaituncuaewa pire. Jinya bo be-iyandeno, jei Jesús.

<sup>25</sup> Bapoxonae pon pecuenobinchi caena nainya nontapona barapomonae peitatha tatsi, yawa pita xua pemaituncuaewa. Pia bo be-iyawa yawa Nacom w̄nae jaintatsi poxonae namtotha ecapona. <sup>26</sup> Barapomonae daxita yabara naj̄nt̄a coyene cabenaeca yawa Nacom w̄nae jaintatsi. Barapomonae junuwiya namchiya jeye:

—Anoxuae waxainchi tainchi xua pew̄naewa pocotsiwa jopa yaputaetsi, jei barapomonae.

*Meje yabara poxonae Leví wabatsi, Jesús waba  
(Mt 9.9-13; Mr 2.13-17)*

<sup>27</sup> Poxonae baxua Jesús nacui weta, bapoxonae Jesús pontaba. Jesús tane pebin pon pew̄an Leví. Leví bapon pon paratixi pentoma noteibin po paratixi jiwi bewa catsibina pon romanomonae pia pepa peyanacua ewatsinchi nexa. Bapon eca ichaxota paratixi matoma noteibeca. Jesús Leví baraichi, jeichichi:

—Nepuna ponde, jei Jesús.

<sup>28</sup> Bapoxonae Leví nontapona. Daxita baxua xubota, cuenta pona. Bapoxonae Jesús puna poinchi.

<sup>29</sup> Pirapaeyo Leví pin penabanaewa exana pia botha xua Jesús tsiexanatsi. Ir̄a pebiwi pinmonae pomonae paratixi pentoma noteibiwi po paratixi jiwi bewa catsibina pon romanomonae pia pepa peyanacua ewatsinchi nexa, barapomonae Jesús bar̄a eca pexaethopeibiwatha, ir̄a ichamonaeno bar̄a enatsi penabar̄a nabanaenexa tsane. <sup>30</sup> Ichitha



fariseomonaē iru pomonaē jiwi pecuidubiwi Moisés pia peitorobi coyenewa, daxita barapomonaē Jesús pijimonaē abeya tsipaebatsi xua Jesús yabara. Barapomonaē namchi, Jesús pijimonaē tatsi baraichi, jeichichi:

—Maisa Jesús abe exana poxoru baru xayeca pomonaē paratixi pentoma noteibiwi po paratixi jiwi bewa catsibina pon romanomonaē pia pepa peyanacua ewatsinchi nexa. Matautano baru xayeca pomonaē abe peexanaē cuiru coyene peexanaewi, jeichichi Jesús pijimonaē tatsi barapomonaē.

<sup>31</sup> Jesús jume nota barapomonaē, jeye:

—Pomonaē ba xua xaniwaicha jinompa xua jopa ateneyo barapomonaē ba jopa canantawenonaeyo pon jiwi peyawabin. Saya jame meisa pomonaē ba atene canantawenona pon jiwi peyawabin.

<sup>32</sup> Barichinno xan patopan apara tha jopa tawabinexa tsane pomonaē pejuntu coyene xanepanaē jiwi. Apara tha meisa tawabinexa tsane pomonaē peajuntu coyenebe jiwi, xua barapomonaē icha juntu coyene pexeinaenexa tsane Nacomtha, jei Jesús.

*Meje yabara poxonaē Jesús yabara yainyabatsi po coyene xua Nacom peyabara nainbotsiwatsi*

*(Mt 9.14-17; Mr 2.18-22)*

<sup>33</sup> Nexata barapomonaē fariseomonaē iru pomonaē jiwi pecuidubiwi Moisés pia peitorobi coyene, daxita barapomonaē Jesús yainyabatsi, jeichichi:

—Pomonaē Juan pia pepuna jinompaewichi jopa juniya nainboteibiyo xua jopa juniya tsipaebiyo Nacomtha. Iru pomonaē fariseomonaē barichiru. Ichitha nama jinyamonaē daxua jopa cou daichiyo, saya cou u penabaneibi xuano saya u peapeibi cou, jeichichi Jesús.

<sup>34</sup> Jesús jume nota barapomonaē, jeye:

—Paxam jopa bewa paexanaem tsane xua ichamonaē nainbotsina, pomonaē patsiwabame pexaewa xua penabanaenexa xua poxonaē pebin pecotsiwa pita. Poxonaē cataunxuae awiya bapon eca poxonaē jiwi nabane, jopa ba bapoxonaē nainbotsi. <sup>35</sup> Ichitha icha pon aena piowa pita, bapon caena nainya waetabatsi, ichamonaē waetaba xua bapon taju pecaponaenexatsi, bapoxonaē jame jiwi ba bewa wecoyeya yabara nainbotsi, xua equeicha bapon caewa pepatopaewa tsane, jei Jesús.

<sup>36</sup> Matautano Jesús pecayabara juta pepaebi diwesiyo tsipaeba barapomonaē, jeye:

—Jiwi ba jopa exanaeyo xua pena dorouto tsiwiyo jiwana caxinaxubeta xua peru dorouto pewan botsinexa. Icha baxua exanaetsipa xua pena paparuwatha wan bota peru dorouto, bapoxonaē barapo dorouto abe tsanaya. Tsipei poxonaē barapo dorouto matanaxuba barapo pena paparuwa natsaquetabiya. Poxonaē barapo pena paparuwa natsaquetabiya equeicha wan tsitsipanarena barapo dorouto. Bapoxonaē equeicha pin wan tsanaya beyacaincha xua poxonaē copiya.

<sup>37</sup> Matautano jiwi ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto tsipei barapo bocoto jopa nayeyetaponaeyo poxonaē barapo vino mera atsaxa. Barapo pena vino mera naxuba xuano barapo bocoto naxuba poxonaē barapo bocoto tsitsica. <sup>38</sup> Daxota bewa jame pena vino mera eparecae pena bocototha. Bapoxonaē pena vino mera

jopa naxubiyo, xuano pena bocoto jopa nacubiyo poxoru boco yeyena xuano poxoru pena bocoto. <sup>39</sup>Pon ba xua peru vino mera apa pirapaeyo jopa ichipaeyo pena vino mera. Bapon jei: ‘Maisa peru vino mera xeica, beyacaincha pena vino mera’, jei.

## 6

*Meje yabara poxonae Jesús pijimonaе tatsi yaboto nota trigo xu judiomonaе barompaya pia pentaquei seicaе mataqueitha tatsi (Mt 12.1-8; Mr 2.23-28)*

<sup>1</sup> Caentacabitha judiomonaе barompaya pia pentaquei seicaе matacabitha tatsi Jesús pijimonaе baru iya pabi iyiya. Jesús pijimonaе tatsi xunumenapona trigo xu, bapoxonaе barapomonaе pecobetha xu mata pepeta yawa xu xane. <sup>2</sup> Nexata Jesús pijimonaе tatsi tayainyabatsi, fariseomonaе yainyaba, jeye:

—¿Eta pocotsiwa baxua paexaname? Apará jiwí jopa yabara cui copatsiyo xua ichamonaе penacuichiwa barapo matacabithe, xua judiomonaе barompaya pia pentaquei seicaе matabi tatsi, jei barapomonaе.

<sup>3</sup> Jesús jume nota barapomonaе, jeye:

—Barapo tajimonaе jopa apará abe exanaeyo. ¿Jopa payabara yorobim pocotsiwa bayatha David exana poxonae jainpa poxonae iru pijimonaе tajainpatsiru? Bapon David pon caena bayatha Israel nacua-monaе itorobiya pia pepa peewatsinchi. <sup>4</sup> Bapon David iru pijimonaе tatsi barapomonaе Nacom pin pia botha jojoniya. David xane pan, po pan ichamonaе cana exana xua Nacomtha pecatsiwatsi. Iru barapo pan David pijimonaе cata xua pexaenexaru. Barapomonaе xane bequein barapo Nacom pia peitorobi coyenewatha copata xua saya meisa sacerdotemonaе itacupatsi xua pexaewa barapo pan.

<sup>5</sup> Jesús namchi, jeye:

—Xan ponxaein Nacom Tananeitapetsin taitorobi coyenewa xeinan xua jiwí tacoya taitorobiwa pentaquei seicaе matabitha, jei Jesús fariseomonaetha.

*Meje yabara poxonae Jesús cobe wunaе exana pon pecobe mubinchi (Mt 12.9-14; Mr 3.1-6)*

<sup>6</sup> Icha matabitha judiomonaе pia pentaquei seicaе matabitha tatsi Jesús joniya judiomonaе pia penacaetutsi botha tatsi. Matautano tamropata pitaba xua cuiduba barapomonaе. Barapo botha eca pon pecoxa weya pecobe mubinchi. <sup>7</sup> Pomonaе jiwí pecuidubiwi Moisés pia peitorobi coyene tatsi, iru fariseomonaе baxota ena. Daxita barapomonaе Jesús necotenatsi pecui taenexatsi icha bara metha Jesús cobe wunaе exanaena pentaquei seicaе mataqueitha pon pecobe mubinchi. Icha Jesús pon pecobe mubinchi axaibi exanatsi, bapoxonaе barapomonaе xeinaena po coyenewa xua Jesús abe peyabara paebiwatsi tsainchi. <sup>8</sup> Ichitha Jesús yaputane pocotsiwa barapomonaе nanta xeina. Jesús barai pontha pon pecobe mubinchi, jeye:

—Nontaponde, uncuare xote, jei Jesús.

Bapon nontapona, asiya uncua Jesús peitabaratha tatsi. <sup>9</sup> Nexata Jesús barai ichamonaе, jeye:

—Paca yainyabinchi, ¿eta xua copata pentaquei seicae matabitha? ¿Wunaē jampa? ¿Abe jampa? ¿Eta xua, xua exana jane? ¿Xua pebin capanepatsi jampa? ¿Xua pebin bexotsi jampa? ¿Eta xua jane? jei Jesús.

<sup>10</sup> Nexata Jesús naita muxunene cauncuapona, tane pomonae pe-matawacaicha enaewichi. Jesús barai pon pecobe maibinchi, jeye:

—Nacobe doire, jei Jesús.

Bapon nacobe doita. Nainya cobe wunaē tsanaya. <sup>11</sup> Ichitha barapomonae bichocono Jesús casebarucupatsi. Barapomonae caemonae natsipaeba najei:

—¿Etabe cui yabara ichainchi Jesús? jei barapomonae fariseomonae.

*Meje yabara poxonae Jesús itapetsiya waba pia peitorobiwi tatsi pomonae xua doce poyobe*

*(Mt 10.1-4; Mr 3.13-19)*

<sup>12</sup> Barapo matababintha Jesús pona demxuwatha petsipaebinxaxa. Baraxotiya Jesús Paxa matowa tsipaeba barapo merawitha. <sup>13</sup> Poxonae baya xometo penta tsina bapoxonae Jesús pijimonae waba. Barapomonae jiwana itapetsiya waba doce poyobe, pomonae baraichi xua jeye: “Jesús pia peitorobiwi tatsi”, yabara jeichichi. <sup>14</sup> Meje barapo doce poyobe pomonae Jesús pia peitorobiwi tatsi. Meje barapomonae: Simón, pon icha wun “Pedro”, baraichi, iru ichun pewun Andrés, pon Simón peweicho tatsi, iru ichun pewun Santiago, iru ichun pewun Juan, iru ichun pewun Felipe, iru ichun pewun Bartolomé. <sup>15</sup> Iru ichun pewun Mateo, iru ichun pewun Tomás, iru ichun pewun Santiago, pon Alfeo pexanto tatsi, iru ichun pewun Simón, pon celotemonaepin. <sup>16</sup> Iru ichun pewun Judas, pon Santiago pexanto tatsi, iru ichun pewun Judas Iscariote, pon Jesús caenaetaxubatsi ichamonaetha xua Jesús pebexubinexatsi.

*Meje yabara poxonae Jesús pin bicheitomonae cuiduba*

*(Mt 4.23-25)*

<sup>17</sup> Barapo doce poyobe Jesús demxuwa webaru dunareca, peira matafatanaewatha baru patopa. Baxota peira matafatanaewatha pin bicheito Jesús ewatumeinchi. Ichamonae pomonae Jesús pejume cowantsiwichi baxota umena. Iru Jerusalén tomarapiwi pata xua Judea nacuapiwi. Barichi Tiro tomarapiwi, Sidón tomarapiwino pata. Barapo tomarabe mar mene itapatha ecabe. Daxita barapo pin bicheito pata xua Jesús pejume taenexatsi xua cueicueijeji xuno xua Jesús pia axaibi exanaetsi peatene jiwi. <sup>18</sup> Pomonae cauri pexeinaewi barapomonae Jesús taitaweta cauri. <sup>19</sup> Daxita jiwi ichichipa xua Jesús pejayabiwatsi tsipei Jesús daxita jiwi axaibi exana pia peayapusawatha.

*Meje yabara poxonae Jesús yabara cuiduba pejuntu coyene weiweinaewa, xuno jopa pejuntu coyene weiweinaewa*

*(Mt 5.1-12)*

<sup>20</sup> Nexata Jesús pijimonae necota. Jesús barai pijimonae, jeye:

“Pajuntu coyene weiweiname bequein anoxuae peacopeibi jiwi pam. Tsipei Nacom pia pejume cowantsiwichi tatsi piamonae tatsi pam, pomonae Nacom juntu coyene itorobiya ewata.

<sup>21</sup> “Pajuntu coyene weiweiname, bequein bara anoxuae pajainpame, bexa tsane patonsanaename.

“Pajuntũ coyene weiweiname, bequein bara anoxuae pawecoyam, bexa tsane bichocono pajuntũ coyene weiweinaename.

<sup>22</sup> “Pajuntũ coyene weiweiname poxonae bequein jiwi paca ita aenae-aenei, bequein paca itaweta bo weya xvano poxonae bequein abeya paca muxutainyaba. Mataũtano poxonae bequein jiwi paca yabara abe paeba. Barapomonae baxua paca cana exana tamonae jiwi pamxaem xua xan ponxaein Nacom Tananeitapetsin. <sup>23</sup> Bichocono pajuntũ coyene weiweinare barapo matacabitha, tsipei peitabocotha Nacom paca catsibina pia pexeinya peitũpanaewan pocotsiwan Nacom paca jũntana jeba pia nacuatheicha. Icha barapomonae paca ichi, barapomonae pia pamo susato jiwi tatsi, Nacom pia peitorobi jume pepaebiwi barichichi abeya biatainchi yawa abe exanatsi.

<sup>24</sup> “¡Ichitha pai jaibo paxam, anoxuae copei paacabem tsobenaem poxoru methaunxuae equeicha jopa painya neraichiwa tsane!

<sup>25</sup> “¡Pai jaibo, paxam pomonae anoxuae patonsanabename tsipei methaunxuae bexa tsane pajainpabenaename!

“¡Pai jaibo, paxam pomonae pajuntũ coyene weiweinabename tsipei anoxuae methaunxuae pajuntũ coyene wecoyam tsane!

<sup>26</sup> “¡Pai jaibo, pomonae jiwi wũnae paca jaintebena painya necue-icueijeixae po diwesi jopa Nacom Pejume Diwesiyo! ¡Icha barapomonae paca ichi barichi barapomonae pia pamo susato jiwi tatsi, wũnae jainta pomonaetha pomonae naerabiya paeba xua pinae barapomonae Nacom pia peitorobi jume pepaebiwi!” jei Jesús.

*Meje yabara poxonae Jesús yabara cuiduba xua jiwi bewa antobe pomonaetha pomonae pia peaitafaetabi jiwichi*

(Mt 5.38-48; 7.12)

<sup>27-28</sup> Equeicha Jesús namchi, jeye: “Paxamtha pomonae beta pana ne-jume taneme, barapomonae paca baraichi: Paantobeinde pomonae bequein painya nepaca caaitafaetabi jiwi. Mataũtano beta pata taexande pomonae paca ita aenae-aenei. Mataũtano amanaya beta papaebare pomonaetha pomonae paca yabara abe paeba. Nacomtha patawũcare pomonae xua paca biatane. <sup>29</sup> Icha ichũn paca jumata tsaquinopa pecobetha, moya equeicha icha jumata pana najumata caeware xua painya necajumata tsaquinopaenexa. Icha ichũn pacata pita peamũtiyũ camisa, po camisa xua athawe peruyaewa yawa bara saya moya pacopare xua equeicha painya nepacata pichiwa tsane camisa. <sup>30</sup> Daxita coyenexi pocotsiwa ichamonae paca wũca moya bara pacaichabeibare. Pon pacata pita painyawa jopa equeicha caewa pawũcaeinde. <sup>31</sup> Paexande ichamonaetha xua po coyene painya neichichipaewa xua barapomonae beta painya nepacata exanaewa tsane.

<sup>32</sup> “Icha saya meisa paantobem pomonae painya nepaca antobexae, Nacom jopa paca cui yabara matomacae tsane. Tsipei apara irũ pomonae peajuntũcoyenebewi antobe ichamonae pomonae peantobewixaetsi. <sup>33</sup> Barichi icha saya beta pata exaname pomonae beta pacata exana, Nacom jopa paca cui matomatsiyo tsaneno baxua. Tsipei pomonae peaitabe jiwi barapocotsi coyene irũ exana ichamonaetha pomonae peaitabe jiwitha. <sup>34</sup> Barichi icha saya pacatsibame ichamonae xua bexa xuya painya nepaca catsibinexa, Nacom jopa paca cui matomatsiyo tsane baxua. Tsipei pomonae peaitabe jiwi barichi icha peaitabe jiwitha catsiba xua xuya equeicha pecatsibeibinexatsi.

<sup>35</sup> Paxam jame bewa paantobem tsane painya nepaca caaitafaetabi jiwí, xuano jame beta bewa paexanaem ichamonaetha. Matautano jame bewa bara pacatsibim ichamonaexua jopa painya neyabara ewateibiwa xua xuya painya nepaca catsibeibiwa tsane. Icha baxua paexanaename Nacom paca catsibina pia nacuatheicha pocotsiwa xua paca jantana jeba pia nacuatheicha. Matautano Nacom paca cana exanaena pia pexanton jiwí tatsi pam, pon peitabocotha eca. Tsipei Nacom pejuntu coyene xanepanaein, daxota yawena barapomonaetha, pomonaex bequein xua jopa wecobe noteibiya jacobelbiyo xuano xua peitabe jiwí. <sup>36</sup> Payabara cui nanta xeinare po coyene xua ichamonaex painya neyawenaewa. Icha be Nacom ichi xua yabara cui nanta xeina po coyene xua peyawenaenexatsi jiwí, bara paichinde”, jei Jesús.

*Meje yabara poxonaex Jesús cuiduba xua jiwí jopa bewa yabara paebina ichamonaex xua penatsicuentisiwa xua abe peexanaexaex*

(Mt 7.1-5)

<sup>37</sup> Equeicha Jesús namchi, jeye: “Jopa ichamonaex payabara paebinde xua penatsicuentisiwa xua abe peexanaexaex. Nexata bapoxonaex Nacom jopa paca yabara paebi tsane painya xua nenatsicuentisiwa xua abe painya exanaexaex. Ichamonaex jume daunweya jopa pajande: ‘Apara bapon picoya, अपरा बपॉन पलकॉय’, jopa pajande. Nexata Nacom jopa paca daichi tsane baxua. Pacui yabara jantemainare po coyene ichamonaex pacata abe exana, nexata Nacom paca cui yabara jantemainana xua abe painya neexanaewa. <sup>38</sup> Ichamonaetha, jopa juniya pacatsibinde, nexata Nacom jopa juniya paca catsibi tsane. Painya dorotha paca catsina, beta pacata pesabina, yawa beta pacata xatabacorecaena pecobetha yawa pacata nanacutaxuina. Yawa pacata wanca exanaena. Icha daunweya payabara paebina xua penatsicuentisiwa ichamonaex xua abe peexanaexaex, Nacom barichi daunweya paca yabara paebina xua painya nenatsicuentisiwa xua abe painya neexanaexaex”, jei Jesús.

<sup>39</sup> Jesús tsipaeba barapomonaex pecayabara jata pepaebi diwesiyo, jeye: “Pon ba peitata nacutsin jopa itacupaetsi xua pematacaponaewa ichun pon irun peitata nacutsin. Icha bapon baxua exanaetsipabe, bapon be fetotha joparecaetsipabe. <sup>40</sup> Pon ba aena nacuiduba xua peyaputaenexa, bapon jopa be bapocotsinyo, pon pecuidubin jiwí, pon peyaputaen. Ichitha pon poxonaex wetsina xua nacuiduba, bapon be pia pecuidubin cui jupa”, jei Jesús.

<sup>41</sup> Barichi equeicha Jesús paeba caeintha pomonaex pijimonaex tatsi jiwana icha pecayabara jata pepaebi diwesiyo, jeye: “Xam be jinya jiton itata taneme poxonaex naepatiyo itata jopiyatsi, ichitha jopa taem xua irun xam nama pin naepato neitacueretotha ducua. Barapocotsi jata coyeneya ichi, xam ba jinya jiton cui taneme xua poxonaex abe exana, ichitha jopa nayaputaem xua irun xam bara ichim nama bichocono abe exaname. <sup>42</sup> Icha jopa taem pin naepato xua neitacueretotha ducua, jopa caitacupaeyo xua nejeiwa jinya jitontha: ‘Tajiton, cata jutinchi naepatiyo xua ducua neitacueretotha’, xua nejeiwa. Xam nepaebin xua ichun exana xua baxua neexanaewatha irun. Xam copiya nata jure barapo pin naepato xua neitacueretotha ducua. Bapoxonaex beta taeneme nejutsinexa tsane naepatiyo xua jinya jiton peitacueretotha tarucuatsi”, jei Jesús.

*Meje yabara poxonae Jesús yabara cuiduba xua pinae jiwi yaputane nae penacoichixae*

*(Mt 7.17-20; 12.34-35)*

<sup>43</sup> Jesús namchi, jeye: “Po naein pexeinya naein jopa bapana nacoichiyo po pethei camatsa thei. Barichi po naein camatsa naein jopa bapana nacoichiyo po pethei pexeinya thei. <sup>44</sup> Jiwi yaputane nae po nae penacoichixae. Daxita jiwi yaputane xua higo thei, po pethei pexeinya thei jopa bapana teracae po naetha sojei xua camatsa nae. Matautano jiwi yaputane xua uva thei po thei unbototha xuwa jopa bapana teracae naexitha. Bara juta ichi jiwi yaputane xua pebin pejuntu coyene xanepanaein pon xanepanaya peexanaeinxae. <sup>45</sup> Pon ba pejuntu coyene xanepanaein, bapon ba jame ba paeba pocotsiwa pexeinya coyene, pejuntu coyene xanepanaeinxae. Barichi pon ba peajuntucoyenebein bapon ba abe paeba, peajuntucoyenebeinxae. Pocotsiwa jiwi nanta xeina pejuntucoyene, baxua ba pecoiboto tsina cueicueijej”, jei Jesús.

*Meje yabara poxonae Jesús ainya bomuxu be yabara paeba*

*(Mt 7.24-27)*

<sup>46</sup> Equeicha Jesús namchi, jeye: “Paxam pana neyabara jam: ‘Patatanecanamataxeinaem’, pajam, daichitha jopa paexanaem pocotsiwa paca itorobatsi. <sup>47</sup> Incane yabara paca tsipaebinchí pon xua patopa taxantha, nejume naitomata pocotsiwa paeban, matautano exanano pocotsiwa ichichipan, bapon beta popona Nacom nexa. <sup>48</sup> Bapon barapocotsi juta coyeneya nacana exana icha be ichi pon bo acabanota peira matatsucaewatha xua ichaxota ira daunwei. Meje jeye: Copiya muthun tajum exanareca pecuaranobinexa bomuxu naeton. Poxonae mene matacaewaxuba, barapo bomuxu jopa joparenaeyo poxoru naeton tajum umenareca xuano poxoru bomuxu uncua pematatsucaewatha ichaxota ira daunwei. <sup>49</sup> Ichitha nama pon nejume taetha, xuano jopa exanaeyo pocotsiwa ichichipan, bapon be meje: Bapon be pocotsin bo acabanota ichaxota ira matafatsana, xuano naeton jopa tajum umenarecaeyo. Poxonae mene matacaewaxuba, barapo bomuxu joparena poxoru naeton jopa tajum umenarecaeyo, xuano poxoru bomuxu uncua ichaxota ira matafatsana. Barapo bomuxu nainya joparena. ¡Maisa bomuxu bichocono abe!” jei Jesús.

## 7

*Meje yabara poxonae Jesús axaibi exana pon soldadomonae romanomonae pia pentacaponaein tatsi tanacuitatsi*

*(Mt 8.5-13)*

<sup>1</sup> Poxonae Jesús baxuan najume weta xua barapomonae jume tane, bapoxonae Capernaum tomara beya pona. <sup>2</sup> Baxotiya popona romanomonae soldadomonae pia pentacaponaein tatsi, pon xeina pia petanacuiteibinchixaetsi. Barapon bichocono antobe pia petanacuitinchi. Bapon pon petanacuiteibin bichocono atene, xua awatha petypae. <sup>3</sup> Poxonae romanomonae soldadomonae pia pentacaponaein tatsi Jesús yabara jume tainchi, bapoxonae itoroba pitiri jiwi judiomonae jiwaniwi Jesús beya xua petaxaibi exanaenexa tsainchi pia petanacuitinchi tatsi. <sup>4</sup> Barapomonae Jesús imoxoyo caquita poinchi. Barapomonae Jesús jume daunweya tsipaebatsi, jeichichi:

—Barapo pentacaponaein, pentacui xanepanaein, daxota yawende.  
 5 Poxoru bapon wanacuamonae w<sub>nae</sub> yabara cananta xeineibatsi. Matautano bapon itoroba xua acaba pata penacaetutsi bo pia paratixitha, jei barapo pitiri jiwi.

6 Nexata Jesús bar<sub>u</sub> poinchi barapomonae. Ichitha poxonae Jesús muxu pepatopae, romanomonae soldadomonae pia pentacaponaein tatsi pia botha tatsi, barapo soldadomonae pia pepa pentacaponaein tatsi, bapon itoroba pia jiwi xua petacajume jeichinexa tsainchi Jesustha: “Tanecanamataxeinaein, xan saya tacui pawin. Auran xua xam nepatopaewa tsane tabo<sub>tha</sub> tsipei xam ainya cuim. 7 Daxota jopa patopaeinyo nexainya beya, tsipei xam ainya cuim, xua paebiname pia peatenewatha tatsi bapoxonae bapon axaibi bara tsane pon inta nacuiteiba. 8 Xan bichi xeinan tanecanamataxeinaein, pon neitoroba. Barichir<sub>u</sub> xeinan soldadomonae pomonae itorobeiban. Poxonae ich<sub>u</sub>n itoroban: ‘ponde’, jan, bapon pona. Poxonae ich<sub>u</sub>n waban: ‘antha’, jan, bapon patopa. Pon inta nacuita, itoroban: ‘inta exande’, jan, inta exana”, jeye pentacaponaein, jei pomonae penacajume caitorobixaetsi.

9 Poxonae Jesús baxua jume taeba, jume cui yabara cananth<sub>u</sub>th<sub>u</sub> nanta xeinanaya cabenaeca beta pepaebixae romanomonae soldadomonae pia pentacaponaein tatsi. Jesús necotaba pomonae puna poinchi, barai, jeye:

—Xaniyan paca tsipaebatsi Israel nacuatha ir<sub>u</sub> dapocotsin jopa caxinaein<sub>u</sub> pocotsin icha pon iche pon tana necui yabara jume cowantsin xua bara neitac<sub>u</sub>pa xua axaibi taexanaewa jiwi, jei Jesús.

10 Poxonae barapomonae botha caibe nawibiya, barapomonae taeba d<sub>u</sub>c<sub>u</sub>pa xua axaibiya boca romanomonae soldadomonae pia pentacaponaein tatsi pia petanacuichin tatsi.

*Meje yabara poxonae Jesús pet<sub>u</sub>paein as<sub>u</sub> exana pexanto tatsi powa pecuenta t<sub>u</sub>paewayotsi piseuri*

11 Poxonae Jesús baxua nacui weta, bapoxonae Naín tomara beya pona. Jesús cueyabatsi pijimonae, ir<sub>u</sub> pin bicheitomonaeno napona. 12 Poxonae Jesús muxu pepatopae tomaratha, Jesús tane xua pewowin pet<sub>u</sub>paein cajojondenatsi xua pem<sub>u</sub>th<sub>u</sub>th<sub>u</sub> xubinexa tsainchiba, pon pena tsita compa. Barapo pewowin powa pecuenta t<sub>u</sub>paewayotsi piseuri barapowa pexanto tatsi. Barapowa puna poinchi pin bicheito. 13 Bapon Jesús pon Pecanamataxeinaein<sub>u</sub> xae jiwi, barapowa yabara cui nanta xeinatsi. Jesús barai bapowa, jeye:

—Jopa wecoyande, jei Jesús.

14 Nexata Jesús imoxoyo caquita pona pet<sub>u</sub>paein, yacaja jayabano. Pomonae yacaja capona yacaja caumenar<sub>u</sub>c<sub>u</sub>pa. Jesús barai pet<sub>u</sub>paein, jeye:

—Pewowin catsipaebatsi, nontaponde, jei Jesús.

15 Nexata pewowin pon t<sub>u</sub>pa, nantacotecataba, yawa tamropata pitaba xua pecueicueije<sub>u</sub>wa. Jesús coxiwatha cana cobenata pexanto. 16 Poxonae pin bicheito taer<sub>u</sub>c<sub>u</sub>pa baxua, barapo pin bicheito bichocono junuwa. Barapoxonae barapo pin bicheito Nacom w<sub>nae</sub> jaintatsi, barapomonae namchi:

—Nacom peitorobi jume pepaebin, pon ainya cui, waxantha patopa. Nacom siwa pona peyawenaenexa pijimonae pomonae pia pejume cowantsiwichi, jei barapomonae.

<sup>17</sup> Daxita jiwi jume tane xua Jesús exana Judea nacuatha, iru po nacuan imoxoyo caquita ena Judea nacuatha.

*Meje yabara poxonae Juan itoroba pijimonae Jesús beya peyainyabinexa tsainchi Jesús*

*(Mt 11.2-19)*

<sup>18</sup> Juan pijimonae tsipaebatsi daxita baxua xua Jesús exana. Juan waba ainya pebinbe pijimonae jiwana tatsi. <sup>19</sup> Baponbe Juan itoroba Jesús beya xua najume caruta baponbetha matauta xua Jesús peyainyabinexatsi xua icha metha bara baponde jei pon bewa patopeicaena, bapon Cristo, jei. Ichacuitha metha ichun jampa, xua pawanae ewatsin jampa jei. <sup>20</sup> Bara baponbe ponbe Juan peitorobixaebe, baponbe imoxoyo Jesús caquita uncuatsibe. Baponbe Jesús baraichi:

—Juan pon jiwi Pebautisabin, bapon pana nejume caruta, bapon namchi: ‘¿Metha bara xaniwaicha baponda, pon bewa patopeicaena, bapon Cristo?’ jei. ‘¿Ichacuitha metha bara ichun pawanae ewatan jampara?’ jei Juan, jei baponbe.

<sup>21</sup> Poxonae baponbe patopabe, Jesús axaibi exana peatenewi, iru pomonae pin domae xainchi, yawa taitaweta pomonae cauri xeina. Matautano yawenano xua equeicha tane pomonae jopa necotsiyo.

<sup>22</sup> Baponbe jume notatsibe. Jesús jume nota, jeye:

—Paponarebe Juan beya. Juan patsipaebarebe xuaunxuae pocotsiwa panecui tanemebe, matautano xuaunxuae pocotsiwa pana nejume tanemebeno. Matautano patsipaebarebe xua pomona peitata nacatsi jiwi equeicha tane, matautano xua pomona pejayujayujeimona beta pona equeicha. Matautano xua pomona peperu sawichimona equeicha peru wanae, matautano xua pomona pemuxusipanaewi equeicha muxu nasaba, matauta xua pomona pewerapaewi equeicha asu. Matautano pomona xua peacopeibiwi jume tane Nacom pia pexeinya pecapanenebiyae diwesi jume. <sup>23</sup> Patsipaebare Juan xua xan janje: ‘Juntu coyene weiweinaena pon jopa ainya unthathanyo, pon xaniwaicha neyabara cui jume cowanta’, xua jan, jei Jesús.

<sup>24</sup> Nexata ponbe Juan itorobabe ponabe Juan beya. Bapoxonae Jesús tsipaeba jiwitha, xua Juan yabara paebatsi, jeye barapomonaetha: “Ira xuepana susato tsurucuae nacuatha paponame. Poxonae bara beya paponame, ¿eta xua painyatsi? ¿Painya jume taetsi pebin pon ainya unthathuto cui xeina icha be naepanaewa ichi xua saya joibo ba jababiya caya tsaibi? Jume apara. <sup>25</sup> Bara paichim paponame, ¿painya nejume taenexa pebin, pon peitupanae paparuwa nama xatata? Jume apara. Payaputaneme pomona peitupanae paparuwan nama xataba, barapomona jinompa pexeinya bontha pomona jiwi itorobiya pia pepa peewatsiwixaetsi. <sup>26</sup> Jume. Jopa baxua patsiponaem xua jopa painya jume taenexa pebin pon ainya unthathuto cui xeina, matautano xua jopa painya jume taenexa pebin pon peitupanae paparuwa nama xatata. Aparajame baxua patsiponaem xua painya nejume taenexa pon Nacom peitorobi jume pepaebin. Bapon Juan bichocono peainya cuin pon Nacom pia peitorobi jume pepaebiwi jiwana pin beyacaincha ichun pon Nacom peitorobi jume pepaebin. <sup>27</sup> Juan bapon apara, pon yabara paebatsi Nacom Pejume Diwesitha poxonae Nacom netsipaeba, nejei: ‘Catsiwanae itorobinchi copiya pon tana nacajume carutsin.



Barapon juntu cui wunaetsina jiwi,  
 xua daxita jiwi najuntu cui  
 wunaetsina xam nexa, xua necantenta  
 weyataeya wabinexa poxonaē patopaename’,  
 nejei Nacom Pejume Diwesitha.

<sup>28</sup> Paca tsipaebatsi, xua daxita Nacom peitorobi jume pepaebiwi pomonaē Juan tsiwanaya jinompatsi bayatha, dapocotsin aibi barapomonaē jiwana pon yatsicaewa peainya cuin beyacaincha pon Juan, pon jiwi Pebautisabin. Juan peainya cui diwesi yabara cueicueijeji po coyene xua Nacom itorobina jiwi. Ichitha po diwesi xua tamonaē anoxuae paeba barapo diwesi bichocono ainya cui diwesi beyacaincha xua Juan cueicueijeji, bequein jiwi nanta xeina xua tamonaē jopa ainya cui jiwi.

<sup>29</sup> “Daxita barapomonaē baxua jume taerucupa. Iruru jume taerucupa pomonaē paratixi pentoma noteibiwi romanomonaē pia pepa peyanacua ewatsinchi nexa, pomonaē bayatha Juan bautisaba. Daxita barapomonaē nanta xeinarucupa xua Nacom bara pepa pentacui xanepanaein. <sup>30</sup> Ichitha fariseomonaē iru pomonaē jiwi pecuidubiwi Moisés pia peitorobi coyene tatsi, barapomonaē jume itaweta, Nacom jume itawetatsi pocotsiwa xua Nacom beexanaena barapomonaē nexa. Matautano barapomonaē cui itaweta, Juan cui itawetatsi xua pia pebautisabi coyenewa.

<sup>31</sup> “Jiwi pia Pecanamataxeinaeinchi tatsi, bapon Jesús namchi, jeye: ¿Eta pocotsimonaē cui jupatsi barapomonaē pomonaē xote jinompe pomonaē Nacom jume itawetatsi? ¿Etabe jata ichi barapomonaē?

<sup>32</sup> Barapomonaē be pexui, pocotsixi panatha nabaru jinompa. Nabaru wawai tsurubenaēbiya. Barapoxi nabarai, jeye: ‘Bayatha oibo paca tsimuxu obatsiba ichitha jopa panawirabim. Bayatha paca tsimuxu wecoyeichiba icha be ichi poxonaē ichan tatupatsi, ichitha jopa pana itanuwe jume notsim xua painya newecoyeinexaru’, jei barapoxi. <sup>33</sup> Juan patopa pon jiwi Pebautisabin. Bapon jopa xaeyo pan. Matautano jopa apaeyo vino mera. Ichitha paxam pajam: ‘Apara Juan puna popoinchi cauri’, pajam. <sup>34</sup> Bapoxonaē xan, ponxaein Nacom Tananeitapetsin patopan. Xan pan taxaein yawa vino mera taapaēin. Paxam pana neyabara paebame, pajam: ‘Bapon maisa jopa juniya nabanaeyo, yawa jopa juniya apaeyo. Peatsacae jiwi abe peexanaē jiwi pia jiton tatsi, iru pomonaē paratixi pentoma noteibiwi barapomonaē pia jiton tatsi’, pana neyabara jam. <sup>35</sup> Nacom piamonaē tatsi barapomonaē tsita exana xua jiwi tsita exanatsi Nacom pia peyaputae coyeneinthata tatsi. Po coyene barapomonaē exana baxua Nacom tsita pexeinya coyenetsi”, jei Jesús.

*Meje yabara poxonaē Jesús siwa pona Simón fariseomonaēpin pia bo beya tatsi*

<sup>36</sup> Caein fariseomonaēpin bapon Jesús wabatsi petaxaenexa tsainchi pia botha. Jesús pona bara beya yawa naeca pexaethopaewatha penanabanaenexa tsane. <sup>37</sup> Nexata petsiriwa patopa powa pesi cui weiweinaewa, powa barapo tomaratha popona. Barapowa yaputane xua Jesús nanabanaēicha fariseomonaē jiwanaēpintha. Barapowa alabastro ibo wun bosibu atsato capatopa Jesustha xua petuxuei nasiwa xua bichocono wanca. <sup>38</sup> Barapowa Jesús imoxoyo caquita wecoyei tsuncuaetsi

yawa peitacuere mentha Jesús taxu atatsica exanatsi. Bapoxonae barapowa pia pentanatha baxota Jesús taxu tsewa exanatsi. Barapowa Jesús taxu tsutsubatsi poxoru Jesús Pecanamataxeinaein jiwi. Bapoxonae barapowa Jesús taxu epatabatsi petuxuei nasiwatha. <sup>39</sup> Poxonae fariseomonae jiwanapin pon Jesús pewabixaetsi petaxaenexa tsane pia botha, poxonae bapon tane baxua, bapon pia coutha nabarai: “Icha bapon xaniwaicha tsipae pon Nacom peitorobi jume pepaebin tsipae metha yaputaetsipa xua powa jayabatsi apara powa pesi cui weiweinaewa, matautano xua bapowa powa peatsacaewa. Ichitha bapon xaniwaicha jopa daponyo pon Nacom itoroba”, jei barapon pon fariseomonaepin. <sup>40</sup> Nexata Jesús barai fariseomonae jiwana jiton, jeye:

—Simón incane catsipaebinchi, jei.

Bapon jume nota, jeye:

—Pon jiwi Necuidubimxae, moya taema, jei.

<sup>41</sup> Jesús barai, jeye:

—Pebinbe nacueyatabe nacowaetabe paratixi ichuntha. Ichun jopa cataunxuae xuya catsiyo quinientos po paratiximonaebe po paratixi quinientos po matabibe nexa poxonae nacuita. Ichun jopa cataunxuae xuya catsiyo cincuenta po paratiximonaebe pontha pon penacowaetsixaetsi. <sup>42</sup> Poxoru baponbe jopa itacupaetsibe xua xuya equeicha pecatsiwa tsanebe pontha pon penacowaetsixaebe, daxota pon penacowaetsixaetsi paratixi, bapon namchi, jeye: ‘Metha basaya paca cui yabara jantemainsibe’, jei. Incane netsipaebare Simón xua baponbe, ¿jintam yatsicaewa antobetsira xua beyacaincha ichun antobetsi xua antobe pon nacowaetatsi paratixi? jei Jesús.

<sup>43</sup> Simón jume nota, Jesús jume notatsi, jeye:

—Bh, metha moya pon bichocono cacui yabara jantemainsi bichocono pon penacowaetsixae quinientos po paratiximonaebe, jei Simón.

Jesús barai:

—Bara beta nejume notame, jei Jesús.

<sup>44</sup> Nexata Jesús necota barapo petsiriwa, bapoxonae Jesús Simón baraichi: Taema pocotsiwa barapo petsiriwa inta exana. Xan patopan jinya botha ichitha jopa meratha netaxu waexubim xua painya cui coyeneyathaxae xua judiomona pamxaem. Nama barapowa peitacuere mentha netaxu atatsica exana yawa pia pentanatha netaxu tsewa exana. <sup>45</sup> Xam jopa netsutsubim, ichitha bapowa poxonae caena jonarenan awiya came netaxu tsutsuba.

<sup>46</sup> Jopa nenta epatabim petuxuei tuxusi nasi mera. Ichitha barapowa petuxuei tuxusi nasi mera netaxu epataba. <sup>47</sup> Daxota catsipabatsi xua bapowa matowa nasi cui matabaeta. Daxita baxuan yabara jantemainan, daxota bichocono neantobe. Ichitha nama pon be conotha nasi cui matabaeta, be conotha yabara cui jantemainan. Bapon be conotha neantobe, jei Jesús.

<sup>48</sup> Equeicha Jesús namchi bapowatha. Petsiriwa baraichi, jei:

—Cacui yabara jantemainaya juntu puxana exanatsiba abe jinya neexanae cuiru coyenewan, jei Jesús.

<sup>49</sup> Pomona Jesús pebaru nabanaexaetsi, barapomona nabarai, jeye:

—Bapon, ¿jintamda, jamaisa bapowa cacui yabara jüntemainaya juntu puxana exanatsi abe pia peexanae cuiru coyenewan tatsi? jei barapomonae pomonae baxota naena.

<sup>50</sup> Jesús barai petsiriwa, jeye:

—Bayatha necacapanepaewa caexainchi tsipei yabara tana nejume cowantsixaem. Saya jüntemiya poponde, jei Jesús.

## 8

### *Meje yabara yabuxi powaxi Jesús yanabatsi*

<sup>1</sup> Bapoxonae pirapae Jesús daxita tomarantha pona ducuaeta, tsica tomaraxithano po tomarantha pin tomaranthano. Matautano paeba ducuaeta Nacom pia pexeinya jume diwesi tatsi po diwesi yabara xua Nacom waba jiwi petanaexanaenexatsi piamonae pomonae Nacom juntu coylene itorobiya ewata. Jesús yanabatsi pia peitorobiwi tatsi pomonae doce poyobe. <sup>2</sup> Barichi Jesús yanabatsi petsiriwaxi, powaxi Jesús bayatha taitaweta cauri xuano axaibi exanano xua domae xainchi. Barapowaxi jiwana caewayo pewun María Magdalena, tsipei pia tomara tatsi pewun Magdala. Barapowa María powa bayatha taitawetatsi siete poyobe cauri. <sup>3</sup> Bichiru petsiriwa, powa pewun Juana, bapowa napona. Bapowa Juana, Cuza piowa tatsi. Bapon Cuza pon Herodes pia bo tatsi tayapucaecatsi. Iru ichowa pewun Susana, bapowa napona. Iru ichowaxi ainya yabuxiru napona. Daxita barapowaxi Jesús urain exaneibatsi xua xoxi barapowaxi pexeinaexae.

*Meje yabara poxonae Jesús cuiduba jiwi pecayabara jata pepaebi diwesiyo xua pon peubin yabara*

*(Mt 13.1-9; Mr 4.1-9)*

<sup>4</sup> Daxita tomaranpiwi pata. Poxonae pin bicheito nacaetuta Jesús cuiduba barapo bicheito po diwesiyo pecayabara jata pepaebi diwesiyo. <sup>5</sup> Jesús barai: “Pebin pon peubin pontaba pia ubichi pabitha. Poxonae pon peubin ubauya, icha xu namtotha othopeica, pexu jiwi taxunaunaba, yawa pepupunaewi xu xane. <sup>6</sup> Icha xu, xu othopeica ibowantha. Poxonae barapo xu xuwa, barapo xu, xu unna poxoru jopa taju xuwarecaeyo poxoru ibotixi nacsuna yawa poxoru ira tsewa. <sup>7</sup> Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan. <sup>8</sup> Icha xu, xu othopeica ichaxota ira wanae. Poxonae barapo xu, xu xuwa, xu nawnaeta. Cae xuto nacoita cien po xu matabuxuyobe”, jei Jesús.

Poxonae Jesús baxua paeba, bapoxonae jume daunweya namchi: “Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús.

*Meje yabara poxonae Jesús namchi xua exua metha pecayabara jata pepaebi diwesiyo yabara, jane jei*

*(Mt 13.10-17; Mr 4.10-12)*

<sup>9</sup> Nexata Jesús yainyabatsi pijimona, barapomona namchi, jeye: “¿Eta pocotsiwa yabara caunutame poxonae pana netsipaebame barapo pecayabara jata pepaebi diwesiyo?” jei bapomona. <sup>10</sup> Jesús jume nota, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyawun xeinaewa. Barapo moya peyawun xeinaewa apra xua Nacom exana xua paca cana exana xua painya

nepaca itacupaewa xua painya nenaexanaewa Nacom piamonae tatsi pam, pomonae pamxaem Nacom itorobiya paca ewata. Ichitha jame ichamonae meisa pomonae jopa nejume cowantsiyo jopa daichichi Nacom jopa copatsiyo xua barapomonae peyabara yaputaewa baxua. Daxota barapomonae cuiduban pecayabara juta pepaebi diwesiintha xua Nacom peyabara yaputaenexatsi. Baxua paeban xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane”, jei Jesús.

*Meje yabara poxonae Jesús pijimonae muxu yaputane exana po diwesi xua pecayabara juta pepaebi diwesiyo pon peubin yabara (Mt 13.18-23; Mr 4.13-20)*

<sup>11</sup> Equeicha Jesús namchi: “Meje apara baxua yabara caunutan poxonae paeban pecayabara juta pepaebi diwesiyo: Po xuto xua iratha xuwa nacoichiya xanepanaya exana. Barapo xuto yabara caunuta Nacom Pejume Diwesi xua poxonae pebin juntu coyene webocatsi pebin wanaeya xanepanaya cana exanatsi. <sup>12</sup> Po xuton xua namto beothopiya, aichurubena. Barapo xuton yabara caunuta xua jiwi bara juntu coyene weichichi saurimonae pia pentacaponaein tatsi. Jiwi juntu coyene weajumetsurubena exanatsi Nacom Pejume Diwesi xua bayatha po jume jume tane, xua bapoxonae jopa petajume cowantsinexa tsainchi Nacom, yawa xua jopa petana capanenebiyaenexa tsainchi Nacom beya xua Nacom exanaena. <sup>13</sup> Po xuton xua xu othopa ibowantha, barapo xuton yabara caunuta po jiwi xanepanaya jume tane Nacom Pejume Diwesi xuano juntu coyene weiweinaya Nacom jume cowantatsi. Ichitha bara caeto jume cowanta poxoru barapomonae antaetabiya jume jeba Nacom Pejume Diwesi pejuntu coyeneintha. Matauta cauri juntu coyene wemuxu paeba xua abe peexanaenexa tsane. Daxota barapomonae cayabara junteina Nacom. <sup>14</sup> Po xuton xua xu othopa pesoiwantha barapo xuton caunuta xua pomonae Nacom Pejume Diwesi jume tane ichitha saya barompaya pia juntu coyenyatha jinompa, yawa saya u copei cayabara nanta xeina, yawa saya exana pocotsiwa juntu coyene weiweina cana exanatsi. Po coyene pebiwi exana baxuan barapocotsi juta coyeneya exana icha ichi xua po xuton be pesoiwantha xu othopiya. Barapo xuton jopa thei dubenaeyo. Barapocotsi juta coyeneya ichi, barapo jiwi jopa xanepanaya jinompaeyo Nacom nexa. <sup>15</sup> Po xuton xua xu othopeica peira wanaewatha, bara nacoita. Barapo xuton yabara caunuta pomonae jume tane Nacom Pejume Diwesi xuano jume cowantano poxoru juntu coyene xanepanaya jume tane. Matautano beta exana dubenanebiya beya matapainya jiwi cui tane xua barapomonae juntu coyene xanepana Nacom peitabaratha tatsi”, jei Jesús.

*Meje yabara poxonae Jesús pijimonae tsipaeba pecayabara juta pepaebi diwesiyo xua pecoicha yabara (Mr 4.21-25)*

<sup>16</sup> Equeicha Jesús namchi: “Poxonae jiton pecoicha coicha exana bapoxonae jopa coicha matacatsiyo. Matauta jopa coicha exanaeyo cama peupana deca. Jame asiya coicha exanatsi, pecoicha taenexa pomonae joneibarena. <sup>17</sup> Daxita pocotsiwa xua moya peyawun

xeinaewa bexa tsane jiwi yabara yaputaena. Barichi barapo diwesin xua pecayabara juta pepaebi diwesin xua paebaponan jiwi itacypaeinchi xua peyabara yaputaewa tsane.

<sup>18</sup> “Pana nejume naitaeware painya neexanaenexa pocotsiwa paca tsi-paebatsi. Pon ba be conotha Nacom yabara yaputainchi, Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowantsiwa tsainchi”, jei Jesús.

*Meje yabara Jesús pena tatsi iruru peyapin jiwi tatsino*  
(Mt 12.46-50; Mr 3.31-35)

<sup>19</sup> Nexata Jesús pena tatsi iruru peyapin jiwi tatsino pata ichaxota Jesús uncuá. Ichitha jopa Jesús imoxoyo caquita ponaetsi tsipei bichocono pin bicheito. <sup>20</sup> Ichun Jesús baraichi:

—Ena, iruru neyapin jiwino pesato beya umena. Bepara bequein cataei, jei bapon.

<sup>21</sup> Jesús namchi barapomonaetha:

—Apara jame be taena tsicotan yawano be tayapin jiwi tsicotan pomonae xua jume tane Nacom Pejume Diwesi xuano xua exana pocotsiwa Nacom itoroba, jei Jesús.

*Meje yabara poxonae Jesús xainya ducuanaya exana joibo, yawa maratsacano xainya mene ducuanaya exanano*

(Mt 8.23-27; Mr 4.35-41)

<sup>22</sup> Caentacabi Jesús baru pona pijimonae jeratha. Jesús pijimonae barai:

—Anthá, poinchi icha muxunene beya, pucua beya, jei Jesús.

Bara ponarucypaba. <sup>23</sup> Poxonae cataunxuae jeratha yana enapona bapoxonae Jesús maituncuataba. Bapoxonae jemeicha pin joibo naetaba mentha. Matauta bichocono jera mene wanca, muxu pebunarecae. <sup>24</sup> Nexata Jesús yaubaxotsi. Jesús baraichi:

—¡Jesús, Patatanecuidubim, yana bunarecatsi! jei barapomonaetha.

Nexata Jesús nacosataxuba. Jesús itawetaxuba joibo maratsacano. Daxita caewanaya joibo yawa maratsacano. <sup>25</sup> Nexata Jesús barai pijimonae:

—¿Jopa pana nejume cui yabara jume cowantsim xua bara tana neitacypaewa xua tapaca yawenaewatsi? jei Jesús.

Barapomonaetha bichocono junuwa yawa najantu coyene cabenaecarucupa. Barapomonaetha caemonae natsipaeba, jeye:

—¿Jintam metha baponda? ¡Jamaisa bapon itaweta joibo yawa marat-sacan xua daxita xainya dubenanaya! najei barapomonaetha.

*Meje yabara xua pebin yabara pon caurimonaetha pexeinaein pon Gerasa nacuapin*

(Mt 8.28-34; Mr 5.1-20)

<sup>26</sup> Pirapaeyo jebouna Gerasa nacua itapatha, po itapa eca Galilea nacua icha itapa panawa beya. <sup>27</sup> Poxonae Jesús muxu penontounae jeratha, pebin pon copiya tomarapin pon equeicha aisowapin naexana, bapon patopa. Jesús caquita uncuatabatsi. Caena bayatha bapon puna jinompatsi caurimonaetha. Paparuwa jopa yawa poponaeyo, matautano botha jopa poponaeyo, saya ibo wountha poponeiba. <sup>28</sup> Poxonae Jesús

tainchi, iratha jopa. Pentabocototha uncua bapon, Jesús peitabaratha tatsi. Jume daunweya wawai:

—Jesús, Nacom Pexantom, pon peitabocototha eca. ¿Eta pocotsiwa metha patopame taxantha? ¡Jume daunweya cabaraichi jopa neperaxa exanaeinde! jei.

<sup>29</sup> Daxota bapon baxua paeba yaitama Jesús taitaweta cauri xua peponaenexa bapon pia xainya weya tatsi. Bapon matowa teiqueibatsi cauri. Bayatha bequein jiwi taxu cাবেiba yawa pemaxano penaintotha xua bapon xua jopa peponaenexa, ichitha bapon nain xuneiba. Bapon ira xuepana susato tsurucuae nacua beya itorobeibatsi cauri. <sup>30</sup> Jesús yaynaba:

—¿Eta po wam? jei Jesús.

Bapon jume nota exanatsi Jestutha. Bapon namchi, jeye:

—Tawun ayei, jei.

Baxua namchi tsipei bayatha cauri bicheito cunto pata bapontha. <sup>31</sup> Equeicha barapo pebin cueicueije exanatsi barapo cauri bicheito cunto. Barapo cauri cunto namchi, jeye: “Jesús jopa pana neitawetsinde po nacua ira bereca ichaxota jiwi atene tsaibi”, jei bapon xua cueicueije exanatsi cauri. <sup>32</sup> Pin marrano duweimonae pitapatororotha jinompa xua yawa xayompano. Caurimonae Jesús jume daunweya wacatsi, jeye: “Pana nepu copabare marrano duweimonaetha”, jei. Jesús namchi: “Moya pataema”, jei. <sup>33</sup> Nexata caurimonae pebin wepu ponatsi, yawa marrano duweimonaetha pata. Barapo marrano duweimonae ducupa, pin pitapatororo othopareca. Pucuatha bunothopa. Caurimonae cabunothopatsi.

<sup>34</sup> Pomonae yapu eena barapo marrano duweimonae junuwiya cuinaenouta tomarantha xuano tomaran aisowapiwi, xua pepaebinxexa xua baxua exana. <sup>35</sup> Jiwi poxonae baxua tane, pata baxota ichaxota Jesús uncua. Tainchi pon wepu poinchi caurimonae. Bapon Jesús petaxu deca taecatsi, xuano paparuwa nama xatateca. Axaiibiya eca, be pocotsin jopa matsiyaibichi. Barapo jiwi junuwa nawita. <sup>36</sup> Pomonae copiya tane, barapomonae equeicha tsipaeba ichamonaetha pomonaetha pomonae jopa taeyo po coyene xua bapon equeicha jume xua copiya bequein caurimonae pexeinaewa. <sup>37</sup> Poxonae daxita barapo Gerasa nacuapiwi jume tane baxua, daxita barapomonae Jesús itawetatsi xua pewarapaenexa bara weya xua Gerasa nacua weya, poxoru barapomonae junuwa bichocono. Daxota Jesús jeratha nontabiya bara warapano. <sup>38</sup> Pebin, pon wepu poinchi caurimonae, Jesús wacatsi xua bepara puna ponaetsei Jesús. Ichitha Jesús jopa copatsiyo xua pepuna ponaewa tsainchi bapon.

<sup>39</sup>—Jinya bo beya ponare. Daxita paebare jiwitha xua bayatha Nacom cata exana, jei Jesús.

Pebin nawiya tomara beya yawa daxita paebano tomaratha xua po coyene bayatha Jesús taexana xua bapon tacana exanatsi.

*Meje yabara xua poxonae Jairo pexantiyo taaxaibi exanatsi; yawa yabara xua bapoxonae iru icha yabuyo axaibi exanatsi poxonae Jesús pia paparuwa tajayabatsiru*

(Mt 9.18-26; Mr 5.21-43)

<sup>40</sup> Poxonae Jesús caibe patoparena Galilea nacua berena, jiwi Jesús matenta weiweinaya wabatsi, tsipei daxita barapomonae Jesús ewatatsi.

<sup>41</sup> Nexata pebin patopa pon pewan Jairo. Bapon Jairo pon canamataxeina judiomonae pia penacaeutusi bo tatsi. Jesús petaxutha irabe tatayecarecatsi. Baxua Jairo exana poxoru Jesús pon ainya cui peexanaeinchi. Bapon Jairo Jesús jume daunweya wabatsi, jeye: “Antha tabotha ponare”, jei Jairo. <sup>42</sup> Bapon baxua paeba tsipei Jairo pexantiyo saya compa tatsi. Barapowayo doce po weibe xeina. Bapowayo muxu petapae.

Poxonae Jesús iya iru pin bicheito napona. Bichocono jiwi acucu. <sup>43</sup> Barapo pin bicheitha yabuyo iru napona. Bapowa caena bayatha beya yadoce po weiyobe jopa xua pentabu janatha boca xua be nantawane. Barapowa daxita cobe caewitatsi xua peaxaibi exanaenexa tsainchi. Pomonae jiwi peyawabiwi cobe caewita daichitha jopa axaibi exanaetsi. <sup>44</sup> Bapoxonae barapowa imoxoyo caquita uncuataba Jesús peputha tatsi. Barapowa Jesús pia paparuwa tatsi tajayabatsi xua peopirawa. Bapoxonae caena nainya bapowa ajaneibi tsanareca. <sup>45</sup> Nexata Jesús yainyaba barapo pin bicheitha, jeye:

—¿Jintam nejayabara? jei.

Daxita barapomonae paeba xua pinae jopa jayabichiba. Daxota Pedro barai:

—Patatanecuidubim, barapo pin bicheito acucu canapuna torobabiya tane, dacotsiwa jam: ‘¿Jintam nejayaba?’ jam, jei Pedro.

<sup>46</sup> Ichitha Jesús jume nota:

—Ichun nejayaba tsipei taayapusuwa newepu jiwana aichurucuae xua axaibi exanan, jei Jesús.

<sup>47</sup> Petsiriwa yaputane xua cobe yaputainchi xua Jesús cobe yaputane poxonae bapowa jayaba. Barapowa junuwiya patopa yawa pentabocototha uncua ira betaeuncuarecano Jesús petaxutha tatsi. Baxua exana bapowa poxoru Jesús ainya cui peexanaeinchi. Nexata barapowa namchi barapo bicheito peitabaratha, jeye:

—Apara xan jayaban. Poxonae jayaban caena nainya axaibin, jei. <sup>48</sup> Nexata Jesús barai, bapowa baraichi, jeye:

—Yabuyo caaxaibi exanatsi tana neyabara jume cowantsixaem xua bara tana neitacupaewa xua tacaaxaibi exanaewatsi. Saya juntemiya poponde, jei Jesús.

<sup>49</sup> Poxonae cataunxae Jesús tsipaebauya bapowatha, pebin patoparu pon Jairo pia bo tatsi weya pona. Bapon tsipaeba pontha pon pecanamataxeinaeinxae judiomonae pia penacaeutusi botha tatsi pon Jairo. Jairo baraichi, jeichichi:

—Nexantiyo bayatha cata tupa. Jopa came fayacotsinde pon jiwi Pecuidubin, jeichichi Jairo bapon.

<sup>50</sup> Ichitha poxonae Jesús jume tane baxua, xua Jairo baraichi, Jesús barai, Jairo baraichi, jeye:

—Jopa junuwinde, maisa saya nejume cowande. Nexantiyo cata axaibi tsane, jei Jesús.

<sup>51</sup> Poxonae botha pata, Jesús jopa juntucuru bebaru joniyaeyo ichamonae. Saya meisa Pedro iru Santiago iru Juan iru powayo tupa paxa tatsi, bapon Jairo yawa pena tatsi, Jesús baru joniya barapomonae.

<sup>52</sup> Daxita barapomonae yabuyo siwa wawaya wecoyeichi. Ichitha Jesús barai barapomonae, jeye:

—Jopa pawecoyande, yabũyo apara jopa tũpaeyo, maituncua apara, jei Jesús.

<sup>53</sup> Ichitha Jesús jume caponatsi barapomonaē. Tsipei barapomonaē yaputane xua yatsicaewa apara tũpa barapowayo. <sup>54</sup> Nexata Jesús jume daunweya cobe pichiya barai, jeye:

—¡Ja, owaē asiya uncuatabare! jei Jesús.

<sup>55</sup> Barapowayo equeicha petũpaewa nacosataxuba, caena nainya asiya uncuataba. Jesús itoroba barapomonaē xua barapowayo peapatsinexatsi pexaewa. <sup>56</sup> Barapowayo paxa tatsi irũ pena tatsi najũntũ coyene cabenaecaeya tanebe. Jesús barapomonaē tsipaeba xua jopa cui yopichi tsainchi ichamonaetha xua po coyene bapon peexanaexae.

## 9

*Meje yabara poxonaē Jesús pijimonaē itoroba xua barapomonaē peyabara cueicueijeinexa jiwitha po coyene xua Nacom waba jiwi xua petanaexanaenexatsi pijimonaē tatsi*

(Mt 10.5-15; Mr 6.7-13)

<sup>1</sup> Jesús pijimonaē caetuta pomonaē xua doce poyobe. Yawa pijimonaē cata pia peayapusũwa. Mataũtano catano peitorobi coyenewa xua barapomonaē peitaweteibinexa tsane cauri xuano xua peaxaibi exanaenexa tsaibi tsane jiwi pomonaē atene. <sup>2</sup> Jesús itoroba barapomonaē xua barapomonaē peyabara cueicueijeinexa tsane jiwitha xua po coyene Nacom waba jiwi xua petanaexanaenexatsi pijimonaē pomonaē itoroba peewatsixae. Mataũtano itoroba xua barapomonaē peaxaibi exanaenexa tsane jiwi pomonaē atene. <sup>3</sup> Jesús barai pijimonaē:

—Jopa pacaponaēinde ichawa xua painya necawarapaenexa. Mataũtano jopa iwabi pacaponaēinde, yawa jopa cote pacaponaēinde. Mataũtano jopa pacaponaēinde pexaewa, yawa jopa pacaponaēinde paratixi. Saya cae camisa panama xatabare, jopa icha camisan pacaponaēinde. <sup>4</sup> Botha po botha papatsiname, bara po botha painya nepu enaēinde bapoxonaē barapo botha painya nepu warapaeinde. <sup>5</sup> Pomonaē xua ichaxota jopa paca matenta weyataya wabiyo barapo tomara weya pawarapare. Pana taxu wenũnũbabare tsorobon po tsorobon painya taxutha dubena. Baxua paexande xua barapomonaē peyaputaenexa xua abe exana paxamtha, jei Jesús.

<sup>6</sup> Bara barapomonaē ponarũcupa. Mataũtano barapomonaē pona daxita carepaya peya tomaraxitha. Mataũtano papaeba tsiniya Nacom pia pecapanenebiyae diwesi jume tatsi. Yawa axaibi exana tsiniyano jiwi pomonaē atene.

*Meje yabara poxonaē Herodes Juan yabara jume unthũthũ deideijeichi pebexubixaetsi bayatha*

(Mt 14.1-12; Mr 6.14-29)

<sup>7</sup> Bapoxonaē Herodes Galilea nacuapiwi pia peyanacua ewatsinchi daxita jume tane xua Jesús exana. Bapon Herodes jopa xapain beta nanta xeinaeyo. Tsipei ichamonaē catsawa Jesús yabara namchichi: “Apara bapon Juan, pon bequein bayatha tũpa, equeicha asũ juina”, jei. <sup>8</sup> Irũ ichamonaē namchi: “Bapon apara Elías, pon tsita naituta jiwitha”, jei. Irũ ichamonaē namchi: “Apara pomonaē bayatha Nacom peitorobi jume pepaebiwi, barapomonaē jiwana, bapon apara, pon petũpaēin equeicha juina”, jei barapomonaē. <sup>9</sup> Ichitha Herodes namchi:



—Bara bayatha ichamonae cobe itorobacoumba xua Juan pewisi ucuibiwatsi. ¿Jintam metha bapon xua yabara jume tan nawita xua pinae peitapanaewan exana? jei.

Herodes bichocono beyaitaena, Jesús beyaitaeinchi pon wanae peexanaein.

*Meje yabara poxonae Jesús apata pexaewa cinco mil pebiwi*  
(Mt 14.13-21; Mr 6.30-44; Jn 6.1-14)

<sup>10</sup> Poxonae pata pomonae Jesús itoroba, barapomonae Jesús tsipaebatsi pocotsiwa xua barapomonae exana. Jesús tsana baru jopa barapo pijimonae tatsi xua pin bicheito weya. Ichaxota jiwi aibi, Jesús bara beya baru pona pijimonae, Betsaida tomara pecuariya beya baru pona.

<sup>11</sup> Ichitha poxonae barapo bicheito yaputane xua xota Jesús ponaena, barapo bicheito iru Jesús puna poinchi. Jesús matenta weiweinaya waba barapo pin bicheito. Matautano Jesús yabara tsipaeba barapo bicheitha po coyene xua Nacom waba jiwi petanaexanaenexatsi pijimonae pomonae itorobiya pecanamataxeinaexae. Matautano Jesús axaibi exana atenemonae.

<sup>12</sup> Poxonae imoxoyo tabopiya Jesús barompaya pijimonae tatsi pomonae xua doce poyobe, barapoyobe Jesús imoxoyo caquita umenarucupatsi. Jesús baraichichi, jeye:

—Barapo bicheito itorobare pejeichinexa tsane xua ichaxota maichina xuano xua pexaewa pejeichinexa tsane tomaranxitha yawa po bon pipatoha umena, poxoru xote aibi pexaewa yawa bon xua ichaxota pemaichiwa tsane, jeichichi Jesús pijimonae.

<sup>13</sup> Ichitha Jesús barai pijimonae:

—Paxam paapare pexaewa, jei Jesús.

Jesús jume notatsi pijimonae:

—Saya apara cinco po panbe paxeinan matautano saya ainyoyobe paxeinan duweiyobe. Apara acoibi tsipei pin bicheito. Metha paponan pata comotsinexa icha pexaewa, daxita barapomonae nexa, jei.

<sup>14</sup> Barapo bicheito be cinco mil pebiwi. Nexata Jesús pijimonae barai:

—Pana nantaure xua ichamonae tsana eeniyaena be cincuenta po matabuxuyobe tsiniya, jei.

<sup>15</sup> Bara Jesús pijimonae tatsi exana pocotsiwa xua Jesús paeba. Bapoxonae barapo pin bicheito iratha ena. <sup>16</sup> Bapoxonae Jesús pan pita cinco po panbe, yawa duwei ainyobe pitano. Jesús itaboco benecoicha, Paxa tsipaeba: “Axa, maisa juntu coyene weiweinan xua pexaewa pata tanecatsiwaxaem”, jei Jesús. Poxonae Jesús epa janaquiya nacobe weta, pijimonae caitoroba xua pecatsibaponaenexa tsane barapo bicheitha.

<sup>17</sup> Bara daxita nabane, yawa bara daxita jain cowantarucupatsi. Bapoxonae Jesús pijimonae tatsi doce po cote matabuxuyobe wanba xua bayatha nacopaba pocotsiwa xua bayatha barapo jiwi jopa xaeyo petonsanaexae.

*Meje yabara poxonae Pedro namchi Jestustha jeye: “Xam apara Mesías pon Nacom caitorobica”, jei Pedro*

(Mt 16.13-19; Mr 8.27-29)

<sup>18</sup> Caentacabitha Jesús Nacom tsipaebawiya, meisa pijimonae baru pona. Bapoxonae Jesús yainyaba pijimonae, jeye:

—¿Eta jiwi neyabara jei po coyene xua xan bapon aparan? jei Jesús.

<sup>19</sup> Barapomonae Jesús jume notatsi, jeye:

—Ichamonaē cayabara, jei: ‘Apara bapon Juan pon jiwi Pebautisabin, pon equeicha petupaēin asu juina’, jei. Iru ichamonaē cayabara, jei: ‘Apara bapon Elías, pon equeicha petupaēin asu juina’, jei. Iru ichamonaē cayabara, jei: ‘Apara bapon jiwana pomonaē Nacom peitorobi jume pepaēbiwi, pon petupaēin equeicha asu juina’, jei, Jesús pijimonaē tatsi.

<sup>20</sup> Nexata Jesús pijimonaē yainyaba, jeye:

—Incane iru paxamdu, zeta pana neyabara jumichimdu xua xan eta pondun? jei Jesús.

Pedro jume epa pita:

—Xam apara Mesías, pon Nacom caitorobica, jei Pedro.

*Meje yabara poxonaē Jesús nayabara diwesi paeba po coyene xua petupaewa tsane*

(Mt 16.20-28; Mr 8.30-9.1)

<sup>21</sup> Jesús pijimonaē muxu barai, xua pijimonaē jopa peyabara paebinexatsi ichamonaētha baxua. <sup>22</sup> Yawa barai pijimonaē po coyene xua bexa ichamonaē Jesús cana exanaēinchi. Jesús namchi, jeye:

—Xan ponxaein Nacom Tananeitapetsin, jiwi bichocono neperaxa jubina. Matautano pitiri jiwi iruru sacerdotemonaē pia pentacaponae wi tatsi, iruru pomonaē jiwi pecuidubiwi Moisés pia peitorobi coyenewa tatsi, daxita barapomonaē neitawetsina. Matautano barapomonaē nebexubina. Ichitha equeicha asu poponaēin poxonaē acoibi po matacabi yobe tsuxubi tsane, jei Jesús poxonaē nayabara paeba.

<sup>23</sup> Bapoxonaē Jesús barai daxita pijimonaē, jeye:

—Icha pebin ichichipa xua tajiwiwimonaē jiwanapin penaexanaewa tsane bewa bapon yabara naitematsi pocotsiwa xua bapon ichichipa pia peexanaē coyenewan tatsi. Bapoxonaē jame bapon bewa eexanaponaē daxita matacabi pocotsiwa itoroban bequein bara bapon bexotsi ichamonaē, tajiwiwimonaē jitonxae. <sup>24</sup> Pon naantobeya nata exana pocotsiwa bapon ichichipa, bapon jopa xeinaeyo peajuntuyapusuwa, po peajuntuyapusuwa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan bapon xeinaena peajuntuyapusuwa, po peajuntuyapusuwa ataya tsiteca xua Nacom pia nacua beicha. <sup>25</sup> Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntucoyenesuwa, po peajuntucoyenesuwa ataya tsiteca, bapoxonaē bapon jopa itacupaetsi xua penajuntu coyene capanepaewa xua jopa peweraweracaewa.

<sup>26</sup> Icha ichan neacaura, yawa nejume diwesi acaurano, xan ponxaein Nacom Tananeitapetsin xuya bapon acauran tsane. Baxua exanaēin poxonaē patopaetsicaēin be jiwi pia pecanamataxeinaēin tatsi yaitupanaē susato patopaetsicaēin. Taxa pia peitupanaewa tatsi yawa patopeicaēin. Matautano Taxa pia matatsunpiwi tatsi nebaru patsicaena, jei Jesús. <sup>27</sup> Bara xaniwaicha paca tsipaebatsi xua pomonaē xote umene abu barapomonaē jopa werapaē tsane. Barapomonaē jiwana copiya matha necotsina xua po coyene Nacom waba jiwi xua petanaexanaēnaxatsi piamonaē pomonaē itorobiya peewatsixae, bapoxonaē barapomonaē werapaena, jei Jesús.

*Meje yabara poxonaē Jesús pijimonaē peitutha pexeinya itupanaē coicha tsanaya naexana*

(Mt 17.1-8; Mr 9.2-8)

<sup>28</sup> Poxonae ocho po matabibibe jopa xua poxonae Jesús barapo diwesi paeba, bapoxonae Jesús pona demxuwa beicha petsipaebine Nacom. Pedro iru Juan iru Santiago barapo matabixuyobe baru poinchibe. <sup>29</sup> Poxonae Jesús cataunxuae Nacom tsipaebauya, bapoxonae icha itabara tsanaya. Matauta penama xatatsiwano inyapana tsanaya yawa bichocono daedaena tsanaya. <sup>30</sup> Nexata pebinbe yaitupanae be damacu patopabe. Baponbe, iru Jesús, bapoyobe nabaru cueicueijeibe. Ponbe xua Jesús jemeicha tsita patopatsibe, bapon Moisés iru ichan pewan Elías, ponbe xua caena bayatha naxubabe. <sup>31</sup> Baponbe yabara baru cueicueijeibe xua Jesús petupaewa tsane xua peraxa jubinchi ichamonae Jerusalén tomaratha. <sup>32</sup> Bequein Pedrobaru bichocono itamaipana daichitha nacosatumena. Pedrobaru tane xua Jesús yamatawacaicha pexeinya itupanae be damacu tsuncuaetsi. Matautano Pedrobaru tane ponbe Jesús baru uncuu, Moisés iru Elías. <sup>33</sup> Moisés iru Elías, poxonae baponbe Jesús weya naetababe, bapoxonae Pedro Jesús baraichichi, jeye:

—Jiwi Necuidubin, maisa wuna xua xote pata umenaewa. Pacata acabinchi acoibi po boutobe, cae bouto xam nexa, icha bouto Moisés nexa, icha bouto Elías nexa.

Ichitha Pedro beta jopa yaputaeyo xua baxua paeba. <sup>34</sup> Poxonae Pedro cataunxuae baru cueicueije Jesús, bapoxonae daxita pexainya bematawacaicha taruneicatsi tsaquinaebowa. Poxonae barapomonae tsaquinaebowa tututha nataerucupa bichocono junuwa. <sup>35</sup> Nexata barapomonae tsaquinaebowatha pejume jume tane xua Nacom namchi, jeye: “Bapon apara Taxanto, pon bichocono antobein, pon itapetan. Bapon beta pajume taema pocotsiwa paca tsipaeba”, jei Nacom.

<sup>36</sup> Poxonae Nacom najume weta, Pedrobaru necobarucupa xua Jesús beya compa uncuu. Pedrobaru saya moya. Jopa pejumeyo ichamonae aetha xua tane.

*Meje yabara poxonae Jesús cauri taitaweta xua pewowin xeina  
(Mt 17.14-21; Mr 9.14-29)*

<sup>37</sup> Baya poxonae Jesús barapo acoibi poyobe pijimonaebe dabe baru dunareca Jesús pin bicheito matenta poinchi. <sup>38</sup> Nexata barapo bicheitha jiwana pebin, bapon jume daunwei wawai, jeye:

—Jiwi Necuidubin, incane inta taema taxanto. Bapon taxanto inta compa pebin. <sup>39</sup> Taxanto inta waetabatsi cauri, inta papai exanatsi, yawa inta iratha bebaichi. Matauta inta coibo thamthamei exanatsi poxoru matayaibatsi exanatsi. Inta taxanto cui tatainchi jopa bepu sorobabeibichi barapo cauri. <sup>40</sup> Bayatha bequein jinyamonae jume daunweya cui itoroban: ‘Painta taxanto taitawere cauri’, jan. Ichitha jopa itacupaetsi xua taxanto inta petaitawetsiwatsi cauri, jei pewowin paxa tatsi.

<sup>41</sup> Jesús barai pin bicheitha, jeye:

—¡Paxam barapomonae pam pomonae jopa xapain cataunxuae pana nejume cowantsim! ¡Paxam barapomonae pam, peajuntucoyenebe jiwi pam! ¿Eta po weibe nantawenonan xua bewa tapaca baru ecaewa tsainchi xua beya poxonae tapana nejume cowantsiwam tsane? ¿Matautano eta po weibe equeicha nantawenonan xua tapaca cayawenaewatsi tsainchi? jei Jesús.

Nexata Jesús barai pewowin paxa tatsi, jeye:

—jNexanto inta carenande! jei Jesús.

<sup>42</sup> Poxonae pewowin cataunxuae Jesús itiya poinchi, bapoxonae equeicha pewowin iratha xotsi cauri. Equeicha pewowin coibo thamthamei exanatsi. Ichitha Jesús taitaweta cauri pewowin. Jesús axaibi exana pewowin. Equeicha Jesús caewa cata. Coxiyán caewa catatsi pexantoxae. <sup>43</sup> Daxita barapo pin bicheito yabara najantũ coyene cabenaeca pocotsiwa pewowin pexeinya coyene taexanatsi Nacom.

*Meje yabara poxonae equeicha Jesús nayabara paeba xua poxonae tũpaena*

(Mt 17.22-23; Mr 9.30-32)

Poxonae awiya cataunxuae yabara najantũ coyene cabenaecompa barapo pin bicheito pocotsiwa Jesús exana, bapoxonae Jesús pijimonae barai:

<sup>44</sup> —Incane beta pajume taema, yawa jopa pana nejume cayabara jantemainaeinde. Xan, ponxaein Nacom Tananeitapetsin jiwi, necaenaetsina ichamonaetha xua tanebexubinexa tsane, jei Jesús.

<sup>45</sup> Ichitha Jesús pijimonae jopa xapain jume yaputaetsi xua barai. Barapomonae jopa tacopatichi Nacom xua Jesús pejume yaputaewa tsainchi. Barapomonae junuwa xua Jesús yabara peyainyabiwa tsainchi xua Jesús yaputane peexanaenexa xuaunxuae paeba.

*Meje yabara poxonae Jesús yabara yainyabatsi pijimonae po coyene xua pon peainya cui peexanaeinchi*

(Mt 18.1-5; Mr 9.33-37)

<sup>46</sup> Nexata Jesús pijimonae tatsi caemonae yabara nayainyaba, najei: “¿Jintam paxantha bichocono peainya cuinda xua beyacaincha ichũn?” jei. <sup>47</sup> Jesús yaputane baxua pocotsiwa barapomonae yabara nanta xeina. Nexata Jesús cobe pita pexuyo yawa pexainya cuaranoreca. <sup>48</sup> Nexata Jesús barai pijimonae:

—Pon matenta weyataeya waba peyawenaenexa pontha pon tana nejume cowantsixae xua pocotsin icha be barapocotsi pexuyo ichi barapon bara apara nententa weyataeya waba. Xan jopa meisa nententa weyataeya wabiyo apara bara irũ matenta weyataeya wabatsi pon tana neitorobixae xua pon bara Nacom. Daxota pon paxam jiwana pam, pon jopa paca tsita ainya cuiyo, bapon jame Nacom tsita ainya cuichi, jei Jesús.

*Meje yabara poxonae Jesús barai pijimonae: “Pon jopa nacata abe exanaeyo, bapon ba apara naca yawena”, jei*

(Mr 9.38-40)

<sup>49</sup> Nexata Juan Jesús baraichi, jeye:

—Ja Tanecuidubim, paxan caein patan pon cawũn taiba poxonae itaweta caurimonae, xua caurimonae itawetatsi. Paxan baxua pacui itawetan tsipei jopa naca puna poponaeyo, jei Juan.

<sup>50</sup> Ichitha Jesús jume nota, jeye:

—Jopa pacui itawetsinde, tsipei pon jopa nacata abe exanaeyo bapon ba apara naca yawena, jei Jesús.

*Meje yabara poxonae Jesús jume itaweta, Santiago irũ Juan jume itawetatsibe*

<sup>51</sup> Poxonae imoxoyo matabi jopaena, po matabitha Jesús athabe icha tsane, xua Nacom exanaena, bapoxonae Jesús bichocono awiya

nant<sub>u</sub>s<sub>u</sub>ba xua peponaewa tsane Jerusalén tomara beya. <sup>52</sup> Jesús naw<sub>u</sub>nae jume caitoroba pia jitonbe tatsi. Barapo Jesús pia jitonbe tatsi ponabe Samaria nacua beya. Ponabe xua bo tutu pew<sub>u</sub>caenexa tsanebe po tomara barapo Samaria nacuatha eca xua Jesús peecaenexa. <sup>53</sup> Ichitha barapo tomarapiwi xua Samaria nacuatha jinompa, barapomonaе aichaxaibi xua Jesús weiweinaya pententa wabiwatsi baxota poxoru barapomonaе yaputane xua Jesús pona Jerusalén tomara beya. <sup>54</sup> Ichitha Santiago ir<sub>u</sub> Juan poxonaе baxua tanebe, ponbe bequein taw<sub>u</sub>cabe bo tutu Jesús nexa, baponbe Jesús baraichi, jeye:

—Patatanecanamataxeinaem, ¿xam ichichipame xua paxan isoto paw<sub>u</sub>caein po isoto xua itaboco wetsica xua petautsinexatsi barapomonaе? jei baponbe.

<sup>55</sup> Nexata Jesús pijimonaе napatomeicha necota yawa jume itaweta.

<sup>56</sup> Nexata equeicha Jesús pijimonaе bar<sub>u</sub> pona icha tsiqui tomariyo beya.

*Meje yabara poxonaе Jesús yabara paeba pomonaе ichichipa xua pepuna ponaewatsi*

*(Mt 8.19-22)*

<sup>57</sup> Poxonaе namtotha enapona, pebin Jesús baraichi, jeye:

—Patatanecanamataxeinaem, ichichipan xua tacapuna ponaewatsi xua ichaxota poname, jei pebin. <sup>58</sup> Jesús jume nota, jeye:

—Namomonaе ba pia m<sub>u</sub>th<sub>u</sub>n xeina ichaxota pemaitathopeibiwa. Iru peyapupunaewi ba coton xeina ichaxota peyamaitathopeibiwa. Nama xan ponxaein Nacom Tananeitapetsin nama jopa daichinyo. Nama jopa xeinaeinyo bo xua tabo xua xota nafinacaecan, jei Jesús.

<sup>59</sup> Jesús barai ich<sub>u</sub>ntha, jeye:

—Nepuna ponde.

Ichitha bapon Jesús jume notatsi, jeye:

—Tanecanamataxeinaem, nepu copare xua taxa matha m<sub>u</sub>th<sub>u</sub>tha xubichi copiya xua bapoxonaе tacapuna ponaenexatsi, jei.

<sup>60</sup> Jesús jume nota, jeye:

—Bara copare xua pet<sub>u</sub>paewi m<sub>u</sub>th<sub>u</sub>caeinchi, pomonaе xua be pew<sub>u</sub>erapaewi jopa betanejume cow<sub>u</sub>ntsiwixae, barapomonaе m<sub>u</sub>th<sub>u</sub>caena. Ichitha xam ponare jinya neyabara tsipaebinxaxa jiwitha po coyene xua Nacom waba jiwi petanaexanaenexatsi pijimonaе pomonaе itorobiya pecanamataxeinaexae, jei Jesús.

<sup>61</sup> Nexata ich<sub>u</sub>n Jesús baraichi, jeye:

—Tanecanamataxeinaem, ichichipan xua tacapuna ponaewatsi. Ichitha copiya bara necopare xua tana napeyabiwa tsane tamonaе, tabopiwi, jei bapon.

<sup>62</sup> Jesús jume nota:

—Pebinba jopa itac<sub>u</sub>paetsi xua beta penacuichiwa pabi icha saya napatomeicha necobiya nacuita. Barapocotsi j<sub>u</sub>ta coyeneya ichi, icha pebin exana Nacom pia petanacuichiwa tatsi jopa xapain exanaeyo xua peyabara paebiwa po coyene xua Nacom waba jiwi petanaexanaenexatsi pijimonaе pomonaе itorobiya pecanamataxeinaexae icha bapon saya cayabara nanta xeina pocotsiwa barapo cae pin nacuathe xeina, jei Jesús.

## 10

*Meje yabara poxonae Jesús pijimonaе itoroba setenta y dos poyobe pebiwi*

<sup>1</sup> Barapoxonae Jesús pon jiwi Pecanamataxeinaeinxae tatsi, bapon itapeta equeicha icha pijimonaе tatsi setenta y dos poyobe. Daxita tomarantha Jesús itoroba be dos poyobe tsiniya, tsica tomaraxithano, pin tomaranthano xua ichaxota Jesús cotacaya ponaena. <sup>2</sup> Jesús barai barapomonaе poxonae muxu peitorobi, jeye: “Bara xaniyeya paca tsipaebatsi. Pabitha ba pocotsiwa peubiwan naweta nawita, daichitha ba penacuichiwi pomonaе jota pinmonaе aibi. Bara jata ichi barapo cae pin nacuathe. Jiwi pinmonaе jinompa pomonaе nantawenona pejume taenexa Nacom pia pexeinya jume diwesi tatsi. Daichitha pomonaе Nacom Pejume Diwesi cueicueijeji tsurubenanaebiya ichamonaetha barapomonaе pinmonaе aibi saya tsiquimonaeyo. Daxota Nacom pawucare xua pecaitorobinexa tsane ichamonaе xua petacamuxu tsipaebinexa tsainchi pia pejume diwesi pomonaе barapo cae pin nacuathe pejinompaewi nexa. <sup>3</sup> Paponde ichaxota paca itorobatsi. Paca itorobatsi pia xainya beya pomonaе jopa jume cowantsiyo, pomonaе itacupatsi xua abe painya nepaca exanaewa icha oveja ichi xua poxonae pona ichaxota neutha jinompa xua itacupatsi xua abe peexanaewatsi. <sup>4</sup> Jopa pacaponaеinde cote. Yawa paratixi jopa pacaponaеinde. Yawa jopa pacaponaеinde painya nenataxu xatabiwan. Matauta jopa ichamonaе namtotha paewatumeyaеinde xua saya painya netsipaebinexa. <sup>5</sup> Poxonae bomuxhtha pajojoniyaename, barapo bopiwi pajacobare, pajande: ‘Barabu Nacom junteма jinompa paca cana exanaena’, pajande. <sup>6</sup> Icha baxota jinompa pomonaе junteма jinompa, baxua Nacom taexanaena xua papaebame. Ichitha icha baxota jinompa pomonaе jopa junteма jinompaeyo, baxua Nacom jopa taexanae tsane xua papaebame. Equeicha caewa pacata parenaena xua baxua papaebame. <sup>7</sup> Barapo botha paenare. Paxaema paapareno pocotsiwa barapomonaе paca apata. Painya xoba paauram xua paca cata tsipei baraxua xua paca cata painya matoma painya netanacuichixae Nacom. Jopa ichawa beya paponaeinde bontha, saya bara po botha paenare. <sup>8</sup> Poxonae tomaratha papanenebiyam, icha barapomonaе paca matenta weyataeya waba, moya paxaema pocotsiwa barapomonaе paca apata. <sup>9</sup> Axaibi paexande peatene jiwi, pomonaе xua barapo tomaratha ena. Barapomonaе pabarande: ‘Anoxuae Nacom waba jiwi xua petanaexanaenexatsi piamonaе tatsi pomonaе itorobiya peewatsixae’, pajande. <sup>10-11</sup> Ichitha poxonae icha tomaratha papatsiname icha barapo tomara-piwi jopa paca matenta weyataeya wabiyo, pajande barapomonaetha: ‘iPo tsorobon panataxu wenanubaban painya tomaratha, apara xua abe paexaname pata xainya berena poxonae pana nejume itawetame! Payaputaema, anoxuae Nacom waba jiwi petanaexanaenexatsi piamonaе tatsi pomonaе itorobiya peewatsixae ichitha pana nejume itawetame pomonaе Nacom pata tana neitorobiwi panxaein’, pajande. <sup>12</sup> Xaniyeya paca tsipaebatsi matabi patopaena. Barapo matabitha Nacom yabara paebina jiwi xua penatsicuentiwa xua petsita exanaexatsi. Barapo matabitha jopa juniya bichocono atene tsane pomonaе paca jume itaweta. Ichitha nama pomonaе barapo tomaratha jinompa

pomonaē paca jume itaweta jopa juniya atene tsane, beyacaincha poxonae Sodoma tomarapiwi atene”, jei Jesús.

*Meje yabara poxonae Jesús yabara paeba po tomaranpiwi jopa pejume cowantsiwichi*  
(Mt 11.20-24)

<sup>13</sup> Jesús equeicha pijimonaetha namchi, pomonaē setenta y dos poyobe xua ichamonaē yabara paebatsi, jeye: “¡Pai jaibo Corazín tomarapiwi tsobenaē! ¡Iru Betsaida tomarapiwi tsobenaē! Po tsita itatsi coyenewan exanan Corazín tomaratha yawa Betsaida tomaratha ichan jopa bapana exanaeyo barapo tsita itatsi coyenewan Tiro tomaratha yawa Sidón tomaratha. Icha barapo tsita itatsi coyenewan exanaetsipa Tiro tomaratha Sidón tomarathano, barapo tomaranbepiwi icha penanta xeinaē coyenewatha yabara nanta pentsipa Nacomtha. Barapomonaē iratha enaetsipa yawa paparuwan nama xatabichipa xua pocotsiwa be peru mapaton xua axan, yawa ipuna nacaxuebichipa pia pepontha. Barapomonaē baxua exanaetsipa xua ichamonaē petsita itapeinya xeinaenexa tsainchi xua icha juntu coyenein Nacom petsita xeinaewatsi peauraxae xua abe peexanaexae. <sup>14</sup> Poxonae barapo matabi patopeicaena po matabitha Nacom yabara paebina daxita jiwi xua petsita natsicuentisixaetsi xua abe petsita exanaexaetsi, Tiro tomarapiwi, Sidón tomarapiwino, daxita barapo tomarabepiwi bichocono peraxa jubebinchi. Ichitha nama paxam pomonaē Corazín tomarapiwi pam, iruru Betsaida tomarapiwi pamu, daxita paxam jopa juniya paca peraxa jubebi tsane, beyacaincha xua peraxa jubebinchi Tiro tomarapiwi iru Sidón tomarapiwi. <sup>15</sup> ¡Incane iru Capernaum tomarapiwi pamu! ¿Bara pananta xeiname xua paca capanenebiya tsane peitaboco beicha? Jume, apara paca itorobina petupae coyene cuiru bereca.

<sup>16</sup> “Pon xua paca jume naitaewata, barapara nejume naitaewataru. Pon xua paca jume itaweta, barapara nejume itaweta xan berena. Pon xua nejume itaweta, barichi Nacom jume itawetatsi pon xua tana neitorobixae”, jei Jesús.

*Meje yabara poxonae equeicha caibe parenaena Jesús pijimonaē tatsi pomonaē setenta y dos poyobe pebiwi*

<sup>17</sup> Barapo setenta y dos poyobe juntu coyene weiweinaya caibe nawibarena, jeye:

—Patatanecanamataxeinaem, caurimonaē pana nejume cowanta xua paitawetan poxonae paca wan wan taibatsi, jei Jesús pijimonaē tatsi.

<sup>18</sup> Jesús jume nota, jeye:

—Aa, bara bayatha cauri pia pentacaponaein tatsi Satanás tan xua jopeica itaboco wetsica icha yamuxu ichi poxonae uncueica. <sup>19</sup> Paxam paca catatsi taayapusawa painya netaxunaunabaponaewa tsane jomon yawa putonno, xua jopa painya nepaca capepeichinexa. Po peayapusawa paca catatsi bichocono daunwei, beyacaincha painya nepaca caaitafaetabi jiton, pon cauri pia pentacaponaein pia peayapusawa tatsi xua xota jiwi abe exanatsi. Jiwi dapomonaē aibi pomonaē abe paca cana exana. <sup>20</sup> Jopa pajuntu coyene weiweinaeinde xua caurimonaē pia paca jume jejeixae xua duxpa poxonae paitawetame, saya jame pajuntu coyene weiweinare xua Nacom painya nepaca wan dubixae pia diborotha itabocotheicha.

*Meje yabara poxonaē Jesús jũntũ coyene weiweina exanatsi Nacom pia Pejumope tũnaxũ tatsi*

(Mt 11.25-27; 13.16-17)

<sup>21</sup> Bara caena bapoxonaē Jesús jũntũ coyene weiweina exanatsi Nacom pia Pejumope tũnaxũ tatsi. Jesús namchi, jeye: “Axa peitaboco Necanamataxeinaem, yawa ira Necanamataxeinaem. Wũnae cajaintatsi tsipei jopa tsita itũbim pocotsiwa pexainyei coyenewa xan yabara pomonaetha pomonaē bichocono penacuidubiwi pomonaē be pinyon penatsicotaewi tsipei nanta xeina xua bichocono peyaputaewi daxita. Jame nama tsita itũtame barapo pexainyei coyenewa xan yabara pomonaetha pomonaē jopa bichocono penacuidubiwi pomonaē be pexui penatsicotaewi tsipei jopa nanta xeinaeyo xua bichocono peyaputae jiwi daxita. Axa baxua exaname necatsita xanepanaexae baxua”, jei Jesús Paxatha.

<sup>22</sup> Equeicha Jesús pijimonaē barai pomonaē xua setenta y dos poyobe, jeye: “Taxa daxita necata xua pia peitorobi coyenewa tatsi mataũtano xua pia peyaputae coyenewan tatsi. Dapon aibi pon xaniwaicha nejũntũ cui coyene yaputane. Jame saya meisa Taxa Nacom, nejũntũ cui coyene yaputane. Dapon ajibi pon Taxa jũntũ cui coyene yaputainchi ichũn, saya meisa Taxaxae jũntũ cui coyene yaputan. Mataũta barichi Taxa meisa jũntũ coyene yaputainchi pon saya bara copatan xua bara Taxa pejũntũ cui coyene yaputaewa tsainchi pomonaē ichichipan”, jei Jesús.

<sup>23</sup> Nexata Jesús pijimonaē napatomeicha necota pomonaē xua doce poyobe. Meisa barapomonaebetha barai, jeye: “Jũntũ coyene weiweina pomonaē xua tane, pocotsiwan xua pataneme. <sup>24</sup> Poxoru paca tsipae-batsi, xua Nacom pia peitorobi jume pepaebi jiwimonaē irũ nacuan peewatsiwimonaē, pomonaē bayatha napenta barapomonaē bequein betaena pocotsiwa pataneme ichitha jopa taeyo. Mataũta barapomonaē bequein bejume taena pocotsiwa pajume taneme ichitha jopa jume taeyo”, jei Jesús.

*Meje yabara poxonaē Jesús yabara paeba Samaria nacuapin, pon wũnae exana*

<sup>25</sup> Nexata irũrũ pon jiwi pecuidubin Moisés pia peitorobi coyene tatsi, barapon Jesús piraichi jũntũ coyene jũjũtsiya yainyabatsi xua barapon pejume barabotsinexatsi. Barapon Jesús jeichichi:

—Ja Tanecuidubim, ¿eta xua copiya matha exanocuaein xua ajũntũyapusũya tapoponaewa tsane xua ataya tsane? jei.

<sup>26</sup> Jesús jume nota, jeye:

—¿Eta xuara xua barapo Moisés pia peitorobi coyene diwesitha tina? ¿Eta xua yabara yorobame barapo diwesitha? jei Jesús.

<sup>27</sup> Pon jiwi pecuidubin Moisés pia peitorobi coyene bapon Jesús jume notatsi, jeye:

—Antobeinde jinya Necanamataxeinaein, bapon Nacom, daxita xua nejũntũ coyene wetsina, mataũtano xua daxita jinya nepoponaē coyenewatha, mataũtano xua nanta xeiname, daxita xua nenanta xeinaewatha nentasipatha, mataũtano daxita xua nedaunwei coyenewatham, mataũtano antobeinde necatsicuarabũ ecaein icha ichim xua naantobem jinya coutha, jei pon jiwi pecuidubin Moisés pia peitorobi coyene.

<sup>28</sup> Nexata Jesús jume nota, jeye:

—Bara beta nejume notame. Icha baraxua exanaename peajũntũyapusũwa xeinaename po peajũntũyapusũwa xua ataya tsiteca, jei Jesús.



<sup>29</sup> Ichitha pon jiwi pecuidubin Moisés pia peitorobi coyene tatsi, barapon awiya nanta xeina nawita, pia jiwi nanta xeinaetsi xua bapon xeina pexeinya peyainyabiwa. Bapon Jesús yainyabatsi, jeye:

—¿Jintam baru pomonae tanetsicuarabu enaewi? jei.

<sup>30</sup> Nexata Jesús jume nota, jeye:

—Iruu pebin Jericó tomara bereca pona, Jerusalén tomara namtotha weya pona. Poxonae awiya namtotha ecapona jemeicha waetabatsi pomonae jiwi pecaibiwi. Barapon daxita wecobe notatsi xua pocotsiwa xeina, yawa butsi. Barapomonae aichurubena, tsica cuiyotha copatabatsi. <sup>31</sup> Bapoxonae iru sacerdotemonaepin barapo namto ecapona. Poxonae barapon yasusunya taebotatsi sacerdotemonaepin tajua matawacaicha toquetaba. <sup>32</sup> Iru levimonaepin baxoyo ecapona, bapon iru tajua matawacaicha toquetaba poxonae yasusunya taebota. <sup>33</sup> Ichitha Samaria nacuapin baxoyo iru ecapona poxonae yasusunya taebota, yabara najuntu coyene xeinanareca peyawenaenexa. <sup>34</sup> Nexata Samaria nacuapin imoxoyo caquita uncuataba pon yasusunya boca. Bapon wan yawubecapona penasiwatha vino merathano. Bapoxonae paparuwatha wan yarabecapona. Bapoxonae burrotha cuaretsica piyantha. Bomaxu beya capona ichaxota jiwi maiteibathopa. Baxota xanepanaya bota. <sup>35</sup> Bapoxonae baya poxonae juntucuru Samaria nacuapin ponaenaba, pita ainya paratixi. Bapoxonae cata pontha pon bo pexeinaein. Samaria nacuapin barai pontha pon bo pexeinaein: ‘Barapon beta xanepanaya bore. Icha paratixi seicanaya, equeicha bexa cacatsinchi poxonae caewa denan tsane’, jei Samaria nacuapin, jei Jesús.

<sup>36</sup> Equeicha Jesús namchi, jeye: “Barapo acoibi poyobe jiwana, ¿jintam yabara cananta xeiname xua wuna exana xua peantobexaetsi pon waetabatsi pomonae jiwi pecaibiwi, yawa xua butsi?” jei Jesús.

<sup>37</sup> Pon jiwi pecuidubin Moisés pia peitorobi coyene tatsi, bapon Jesús jume notatsi, jeye:

—Pon xua yabara najuntu coyene xeinanareca xua peyawenaenexa, jei bapon.

Jesús jume nota, jeye:

—Ponare, icha pocotsi coyeneya Samaria nacuapin ichi barichiya exande, xanepanaya exande ichamonaetha, jei Jesús.

*Meje yabara poxonae Jesús, Marta yawa María siwa poinchibe*

<sup>38</sup> Jesús pijimonae cataunxuae baru ecapona namtotha Jericó tomara beya baru pona. Pijimonae baru patopa tsica tomariyotha ichaxota petsiriwa popona powa pewan Marta. Barapowa Jesús matenta wey-ataeya wabatsi pia botha. <sup>39</sup> Marta peyapiyo nantauta powa pewan María. Barapowa María Jesús caquita ecatsi xua Jesús pejume taenexatsi pocotsiwa paeba. <sup>40</sup> Ichitha Marta enatsi pia penacuichiwa xua Jesús tsixanatsi pexaewa xuano xua pijimonae tatsi nexano. Barapowa pona Jesús beya, namchi, jeye:

—Tanecanamataxeinaem, ¿jopa taem xua tayapiyo necopata xua compa nacuitan? Awiya bobena penacuichiwan. Itorobare bu neyawena, jei Marta.

<sup>41</sup> Ichitha Jesús jume nota, jeye:

—Marta, caenauya jinya nenacuichiwan xua pocotsiwa xua ichichipame neexanaewa. <sup>42</sup> Saya cae coyene ainya cui xua xam nantawenoname pocotsiwa xua María exana xua barompaya itapeta

xua wunaē exana poxonaē nejume tayeca. Jiton dapocotsin aibi xua pon María juntu coyene weaichurubenaē exainchi xua nejume tayeca, jei Jesús.

## 11

*Meje yabara poxonaē Jesús pijimonaē yabara cuiduba xua Nacomtha petsipaēbiwa*

(Mt 6.9-15; 7.7-11)

<sup>1</sup> Caentacabi Jesús tsipaebauya Nacom ichawatha. Jesús najume weta, bapoxonaē pijimonaē tatsi jiwana poyobe xua doce poyobe Jesús baraichi, jei:

—Jesús, Patatanecanamataxeinaem, pana necuidubare xua Nacomtha pata tsipaēbiwa, icha Juan ichi xua pijimonaē cuiduba, jei bapon.

<sup>2</sup> Jesús barai barapomonaē, jeye:

—Poxonaē Nacom patsipaēbame, pajande:

‘Pata Taxam xam ponxaem peitabocotha athabeicha neecaein.

Barabu daxita jiwi cabaru cui itura jina

nejuntu coyene wunaewa nexainaexae.

Barabu jopaena matakabi po matakabi xua

poxonaē xam jiwi itorobiya canamataxeinaename

barapo cae pin nacuathe.

<sup>3</sup> Daxita matakabin pexaewa pana catsibeibare po

pexaewa daxita matakabi pata canantawenonaewa.

<sup>4</sup> Pana neyabara cui cana juntemainare

xua abe pata catsita exanaewatsi.

Bapoxonaē pana neyabara cui cana exanare xua

jopa equeicha pata catsita natsicuentisiwatsi

tsainchi xua abe pata catsita exanaewatsi.

Baraxua painta exande icha paichin ichamonaetha.

Tsipei paxan copiya payabara cui cana exanan

xua ichamonaē jopa pana netsita natsicuentisiyo

xua abe pata tanetsita exanaewa.

Jopa pana copatsinde xua abe pata exanaewa

tsane poxonaē jiwi pana nejuntu coyene

jujuta xua abe pata exanaewa tsane’,

pajande poxonaē Nacomtha patsipaēbame, jei Jesús.

<sup>5-6</sup> Equeicha Jesús barai, jeye:

—Metha beya tsipae xua caein paxam jiwana bapon nantaata pon peyaputaēinchi. Bapon pia peyaputaēinchi beya pona papaetha. Pia peyaputaēinchi barai: ‘Tamo, cacowaetatsi acoiibi po panbe, yaitama

icha taneyaputaēin patopa pon anoxuae warapa tabo berena. Jopa xeinaeinyo xua taapatsiwa bapon’, jei pebin. <sup>7</sup> Metha pon bomaxu

tututha boca bapon jume notsipa, jei tsipae: ‘Jopa nejume fayacotsinde bomaxu

boupa daunwei, tapexui baru maituncuan camatha. Jopa benontaponaēinyo xua pan tacacatsiwa tsane’, jei tsipae pon bomaxu

tututha boca. <sup>8</sup> Paca tsipaebatsi bequein bapon bomaxutha jopa benontaponaeyo, bequein bara pia peyaputaēinchi, daichitha cata poroxu

jume fayacotatsi pia peyaputaēinchi. Matautano cata daxita xua pia

peyaputaeinchi nantawenona. <sup>9</sup> Daxota paca tsipaebatsi. Matowa pawncare Nacom, bapoxonae paca catsibina pocotsiwa xua pawncame. Baraxua matowa paexande icha paichim poxonae matowa pajeit-eibame beya poxonae pataebame, yawa icha paichim poxonae matowa pawawam bomuxatha beya poxonae ichun paca jume nota. <sup>10</sup> Tsipei pon matowa wuca ichun bara catatsi. Tsipei pon matowa necoba, bara taeba. Tsipei pon bomuxu pecoibototha matowa wawai bara tacoibo sarana xorenatsi yawa jume notatsino.

<sup>11-12</sup> “Paxam pomonae pexui paxeiname paca yainyabatsi. Poxonae painya pexui paca wuca duwei, ¿painya pexui pacatsipame jomo? Jume. Ichacuitha tsipae poxonae painya pexui paca wuca petobu, ¿painya pexui pacatsipame puto? Jume, jopa baxua paraichim tsane. <sup>13</sup> Bara bequein peajuntucoyenebe jiwi pam, ichitha paxam payaputaneme xua pewanaewan painya pexui pacatsibeibame. Ichitha nama Nacom painya axa jopa juniya paca catsiyo Nacom pia Pejumoŋe tñaxu tatsi poxonae pawncame. Nacom paca cata beyacaincha poxonae painya pexui pacatsibeibame poxonae paca wuqueiba”, jei Jesús.

*Meje yabara poxonae Jesús baraichi xua pinae xeina Beelzebú pia peayapusu itorobi coyenewa tatsi*  
(Mt 12.22-30; Mr 3.20-27)

<sup>14</sup> Iruru Jesús taitawetauya cauri xua pebin muxusipana exainchi. Poxonae cauri pebin wepu poinchi, bapoxonae pebin equeicha paeba. Jiwi yabara najuntu coyene cabenaeca poxonae baxua tane. <sup>15</sup> Ichitha ichamonae namchi: “Bapon caurimonae itawetatsi apara pexeinaexae Beelzebú pia peayapusu itorobi coyenewa tatsi pon caurimonae pia pentacaponaein tatsi”, jei barapomonae.

<sup>16</sup> Ichamonae Jesús wucatsi: “Pana netsita itare peitupanaewa xua peitaboco wetsica jopeicaena”, jei. Barapomonae baxua paeba poxoruru ichichipa xua Jesús tsita itatsina, pia yaputaetsi icha barapon pon yatsicaewa Nacom itoroba. <sup>17</sup> Ichitha Jesús yaputane xua barapomonae nanta xeina. Jesús barai:

“Icha cae nacuapiwi nawepu tsatabe xua matauta nababe, bapoxonae jopa xaexaenaecaeyo. Matauta iruru icha cae bo matabuxuyomonaebe nababe yawa nawepu tsatajopabe, bapoxonae jopa xaexaenaecaeyo. <sup>18</sup> Barichi icha Satanás pijimonae tatsi nawepu tsatajopabe matautano xua nababe bapoxonae jopa xaexaenaecaeyo. Satanás jopa itacupaetsi xua itoroba pijimonae tsipei amsiya exana. Baxua paca tsipaebatsi tsipei naerabiya pana baram: ‘Apara bapon cauri itaweta Beelzebú pia peayapusu itorobi coyenewa tatsi pexeinaexae pon cauri pia pentacaponaein tatsi’, pana neyabara jam. <sup>19</sup> Icha Beelzebú pia peayapusu itorobi coyeneya tatsi cauri itawetan pon cauri pia pentacaponaein tatsi, ¿nexata eta po peayapusu itorobi coyeneya tatsi painyamona cauri itaweta? ¿Iruru barapomonae cauri itawetatsi Beelzebú pia peayapusu itorobi coyeneya tatsi? Daxota painyamona paca yaputane xua apara paxam panaerabame. <sup>20</sup> Ichitha nama xan cauri itawetan Nacom pia Pejumoŋe tñaxu tatsi pia peayapusu itorobi coyenewatha tatsi xua barapo pia pejumoŋe tñaxu tatsi tanecatsixae. Baxua apara paca tsipaebatsi painya neyaputaenexa, xua painya xantha patopan ponxaein Nacom Tananeitapetsin.

<sup>21</sup> “Pebin ba pon bo pexeinaein pon xua maxu daunwei, bapon nayanaba xua xuan peopi sojeiwan. Daxota pocotsiwan xua xeina pia botha bara xaniwaicha tabobeinchi. <sup>22</sup> Ichitha icha ichun patopa pon beyacaincha maxu daunwei, bapon ba nawita yawa caiba barapo peopi sojeiwan xua xuan bomxu pexeinaein nanta xeina xua barapocotsiwantha bara xaniwaicha nayaewata. Poxonae barapo peopi sojeiwan bapon caiba tatsana ichamonae bichocono pematataeuncuaexae.

<sup>23</sup> “Pomonae jopa neyawenaeyo, barapomonae apara inta abe exana. Barapomonae exana xua ichamonae jopa tana nejume cowantsiwa tsane. Barapomonae jopa neyawenaeyo xua ichamonae nenacaetutsina tajiwimonaexae tsane”, jei Jesús.

*Meje yabara poxonae Jesús yabara paeba cauri xua caewa nauyata pebintha*

(Mt 12.43-45)

<sup>24</sup> Equeicha Jesús namchi, jeye: “Poxonae pebin wepu poinchi cauri, bapoxonae cauri pona wexotha ichaxota ira tsewa pepoponaenexa tsane baxota. Ichitha poxonae jopa caxinaeyo xua ichaxota pepoponaenexa bapoxonae bapon nabarai: ‘Tha caibeya ponaetsi pebin beya ichaxota bayatha wepu ponan’, jei cauri. <sup>25</sup> Poxonae caibeya pona cauri caxina, pebin caxinatsi xua xanepanaya popona. <sup>26</sup> Nexata equeicha cauri pona pebin weya. Pirapaeyo bapon baru patopa siete poyobe cauri pomonae bichocono abe, beyacaincha bapon pon copiya. Daxita barapo caurimonae pebin xeina. Anoxuae bapon nama yatsicaya bichocono abe cana exainchi beyacaincha poxonae copiya abe cana exainchi poxonae saya caein”, jei Jesús.

*Meje yabara poxonae Jesús yabara paeba po coyene pepa pejuntu coyene weiweinaewa*

<sup>27</sup> Poxonae Jesús cataunxuae cueicueijei tsuncuae barapo diwesi, baxota pin bicheitotha petsiriwa jume daunwei wawai Jesththa, jeye:

—¡Maisa ena juntu coyene weiweina powayo xua bayatha caexana yawa xua mito caapatano! jei petsiriwa.

<sup>28</sup> Ichitha Jesús barai petsiriwa, jeye:

—¡Bequein barichi, jame yatsicaewa juntu coyene weiweina pomonae jume tane xua Nacom paeba xuano xua exana pocotsiwa Nacom itoroba! jei Jesús.

*Meje yabara poxonae pomonae peajuntucoyenebe jiwi Jesús cui itorbatsi xua peexanaewa tsane pexeinya petsita itutsi coyenewa*

(Mt 12.38-42; Mr 8.12)

<sup>29</sup> Jesús imoxoyo matawacaicha umenatsi pin bicheito. Jesús barai barapo pin bicheito, jeye: “Jiwi pomonae anoxuae jinompa barapomonae peajuntucoyenebe jiwi. Barapomonae necui itoroba xua bepa pinae tsita exanaein tatsita itutsi coyenewa xua pexeinya coyenewa. Ichitha jopa exanaein tsane icha tatsita itutsi coyenewa xua pexeinya coyenewa, saya meisa exanaein icha bayatha juta coyene cana ichichi Jonás pon Nacom peitorobi jume pepaebin, pon caena bayatha tupa. <sup>30</sup> Caena bayatha Nínive tomarapiwi Jonás yaputainchi pon Nacom peitorobi jume pepaebin xua po coyene bapon Jonás Nacom peitorobinchi, tsipei Nacom bichocono Jonás ainya cui exanatsi. Xan ponxaein Nacom Tananeitapetsin Nacom ainya cui neexana. Daxita jiwi

pomonae anoxuae jinompa barapomonae neyaputane po coyene xua xan Nacom neitorobica peitaboco wetsica. <sup>31</sup> Matacabi patopeicaena po matacabitha Nacom yabara paebina jiwi xua penatsicuentisiwa daxita peperaxa exanaenexa xua abe peexanaexae. Barapo mataqueitha tsane petsiriwa powa caena bayatha tupa, bapowa asiya uncuaena Nacom peitabaratha tatsi. Barapowa pia nacua, nacuapiwayo, po nacua pocotsiwa parowa bereca taju bereca eca. Barapowa pia nacuapiwi tatsi itorobiya pia pepa peewatsiwayo. Barapowa yabara cueicuei-jei tsane pomonae xua anoxuae jinompa poxonae uncuaena Nacom peitabaratha tatsi. Jei tsane bapowa: ‘Maisa pomonae xua jinompa poxonae Mesías popona po irathe deque, barapomonae abe bichocono peexanaewi tsipei ajuntucoyenefaetabiya jume tane pocotsiwa Mesías cuiduba bequein Mesías bichocono peyaputaein’, jei tsane barapowa. Barapowa baxua paebina poxoru bapowa bayatha taju werena pona pesiwa ponaenexatsi Salomón, pon caena bayatha Israel nacuapiwi itorobiya pia pepa peewatsinchi. Bapowa yaputane xua Salomón bichocono peyaputaein xua Nacom peyabara yaputaewatsi. Daxota bapowa ichichipa xua pecuidubinexatsi xua Salomón pecuidubinexa Nacom yabara. Nama xote uncuanje ponxaein taexanaein pocotsiwa pepa peainya cui coyenewa xua tacuidubin daxita jiwitha xua Nacom yabara. Barapocotsi coyenewa toxeinchiya ainya cui coyenewa beyacaincha po cui coyene Salomón exana poxonae cuiduba xua barapowa cuidubatsi xua Nacom yabara. <sup>32</sup> Barichi barapo matacabitha Nínive tomarapiwi pomonae caena bayatha jinompa barapomonae abeya paca yabara paebina poxonae umenaena Nacom peitabaratha. Barapomonae baxua exanaena tsipei barapo Nínive tomarapiwi icha juntu coyene xeina Nacomtha peauraxae xua abe exana caena bayatha poxonae Jonás muxuwetsiwa tsiptaeba barapomonaetha Nacom pia pexeinya jume diwesi tatsi. Ichitha paxam jopa bara paichim, jopa icha juntu coyene paxeinaem. Nama apara xote uncuanje ponxaein taexanaein pocotsiwa pepa peainya cui coyenewa xua tacaponaewa Nacom Pejume Diwesi daxita jiwitha. Barapocotsi coyenewa toxeinchiya ainya cui coyenewa beyacaincha Jonás po cui coyene exana poxonae Nacom Pejume Diwesi capona Nínive tomarapiwitha”, jei Jesús.

*Meje yabara poxonae Jesús yabara cuiduba jiwi po coyene xanepanaya peexanaewa pejuntu coyene wetsina*  
(Mt 5.15; 6.22-23)

<sup>33</sup> Jesús namchi jiwitha jeye: “Jiton dapon aibi pon pecoicha cueicha exana xua quirei pebuxu pana wetsina, yawa xua cueicha mat-acateta cajatha. Jume, jame, asiya cueicha exanatsi xua pecoicha taenexa pomonae joneibarena. <sup>34</sup> Pecoicha ba yonoyonei merawi painya nepaca cayawenaenexa xua beta painya netaewa tsane quireitha. Barichi painya itacuereton painya nepaca cayawenaenexa xua beta painya netaewa tsane. Icha painya itacuereton wanae bara beta pataneme. Ichitha icha painya itacuereton abe jopa beta pataetsipaem. Barichiru painya juntu coyenewan xua painya nenanta xeinaewan. Icha painya juntu coyenewan xanepanaetsipa bara beta Nacom payabara najuntu coyene xeinaetsipame. Ichitha icha painya juntu coyenewan jopa xanepanaetsipa jopa beta Nacom payabara najuntu coyene xeinaetsipaem. <sup>35</sup> Painya juntu coyenewan paca cana exanaetsipa xua

bichocono abe paexanaetsipame daxota dota pam. Painya xoba merawi paponame icha jopa paxeinaem xua peyonoyoneiwa poxoru cotacaya panapapeichipame. Barichi pam, painya xoba pajinompame icha jopa paxeinaem xua pocotsiwa beta painya neyabara nanta xeinaewa Nacom poxoru cotacaya abe paexanaetsipame. <sup>36</sup> Icha painya jũntũ coyene wũnae, xuano xua jopa paxeinaem peabe coyenewa painya jũntũ coyenewa, bara xaniwaicha Nacom payabara yaputaneme icha poxonae pecoicha paca cana ichi xua beta pataneme”, jei Jesús.

*Meje yabara poxonae Jesús muxuweta jiwi fariseomonae irũ pomonae jiwi pecuidubiwi Moisés pia peitorobi coyene tatsi barapomonae pecuiyainwa tatsi*

(Mt 23.1-36; Mr 12.38-40; Lc 20.45-47)

<sup>37</sup> Poxonae Jesús najume weta, fariseomonae jiwanapin Jesús wabatsi xua petaxaenexa tsainchi pia botha. Jesús joniya yawa ecoundeca pexaethopaewatha. <sup>38</sup> Fariseomonae najũntũ coyene cabenaecaeya necotecataba xua Jesús jopa matha tsiwanaya penacobe quiatsiyoxae poxonae xane icha judiomonae ichi, xua saya pia cui coyene tatsi xua barapomonae nanta xeina icha jopa matha nacobe quiatsiyo Nacomtha natsicuentisipa. <sup>39</sup> Nexata Jesús pon Pecanamataxeinaeinxae jiwi, fariseomonaepin baraichi:

—Paxam fariseomonaepiwi pam, paxam jopa ba juniya paexaneibim poxonae meisa panaperũ iquicame. Daichitha bũpana iya painya jũntũ coyenetha pecaibi coyene paxeiname, peuwi coyeneno paxeiname. Be barapocotsi jiwi pam, pocotsimonae coroton saya matawacaicha iquica yawa paratonno, ichitha atutuxuira bichocono. <sup>40</sup> Jopa peyaputae jiwi pam. Nacom exana wapepon yawa exana wajũntũ coyenewa. ¡Baxua payaputanemeba! <sup>41</sup> Xua xoxi paxeineibame matha abũ copiya pajiwana tsabeibare pomonae peacopeibiwi nexa. Bapoxonae xua xoxi nacopabeiba baxua panata copabeibare. Icha bara paichim tsane, bara xaniwaicha pajũntũ coyene xanepaname Nacomtha. Yawa jopa panantawenonaem xua pana nacobe iquiqueibame jiwi peitũtha xua be panatsicotaneme pocotsi pebin pejũntũ coyene wũnaein.

<sup>42</sup> Equeicha Jesús namchi, jeye: “¡Paxam fariseomonaepiwi pam tsobenae, xua peperaxa perũ jũbiwa bexa paxeinaename! Daxita xua painya neũbiwa Nacom pacatsibeibame caewaxi poxonae diez xoyobe paxeineibame. Iru xua tsiwaxino pacatsibeibame. Bequein baxua paexaneibame ichitha Nacom jopa paantobem. Mataũta ichamonae jopa xapain pata exanaem. Bewa paexanaem xua Nacom pacatsibeibame caewaxi poxonae diez xoyobe paxeiname. Yawano bewa paantobem Nacom. Yawano bewa xainyeya paexanaem jiwitha”, jei Jesús fariseomonaepintha.

<sup>43</sup> Bapoxonae Jesús fariseomonae baraichi, jeye: “¡Paxam fariseomonaepiwi pam tsobenae! Bexa paxeinaename xua peperaxa perũ jũbiwa. Paxam paichichipeibame xua painya nenanta caeneibiwa pexeinya peenaewantha judiomonae pia penacaetutsi botha po peenaewan ichaxota enathopeiba pomonae ainya cui penaexanaewi. Mataũtano paichichipeibame xua jiwi paca wũnae jainteiba poxonae paca jacoba namtotha, xua jiwi painya nepaca barũ itura jinaenexa”, jei Jesús.

<sup>44</sup> Equeicha Jesús namchi, jeye: “¡Moisés pia peitorobi coyene tatsi, jiwi pecuidubiwi pam tsobenae! ¡Iru fariseomonae pam tsobenae! Poxonae jiton ba pona namtotha jopa tsaqueinaeyo xua jiton piwa baxoyo bocareca muthu deca, xua peayeiwa poxoru jopa wnaeyo. Paxam bara paichim. Jiwi imoxoyo paca caquita pona jopa tsaqueinaeyo xua pocotsiwa painya juntu coyenetha pananta xeiname xua abe xua jopa pecui wnaewiyo”, jei Jesús.

<sup>45</sup> Nexata pomonae jiwi pecuidubiwi Moisés pia peitorobi coyene tatsi, barapomonae jiwana caein bapon Jesús baraichi, jeye:

—Jiwi Necuidubin, poxonae baxua paebame, apara iru pana neyabara jam poxonae catsawiya paebame, jei.

<sup>46</sup> Nexata Jesús jume nota, jeye:

—¡Iru paxam Moisés pia peitorobi coyene tatsi jiwi pecuidubiwi pam tsobenaem! Tsipei paxam ichamonae paitorobame xua capona pocotsiwa arewe pocotsiwa jiwi bapana jopa itacupaetsi xua pecaponaewa, ichitha paxam jopa pata yoichaem, matauta bara cae cobesitiyotha jopa pata yoichaem. Jiton ba itoroba ichantha xua pecaponaenexa pocotsiwa jopa juniya arewiyo, xua pocotsiwa jopa itacupaetsi xua pecaponaewa pon itoroba. Bara paichim paxam ichamonae pacuidubame xua jopa itacupaetsi xua peexanaenexa baxuan xua pocotsiwa iru xua jopa paca itacupaeyo xua painya neexanaewa baxuan.

<sup>47</sup> “¡Paxam patsobenaem! Paxam petupaewi pomonae Nacom peitorobi jume pepaebiwi payamuthu acabame boutixi bequein painya amo susato jiwi juteba barapomonae. <sup>48</sup> Poxonae baxua paexaname, ichamonae patsita itapeinya xeiname xua paxam bara iru paichichipameru pocotsiwa xua painya amo susato jiwi juteba xua barapomonae pomonae Nacom peitorobi jume pepaebiwi jutebatsi. Daxota barapo petupaewi payamuthu acabame boutixi.

<sup>49</sup> “Daxota Nacom peyaputae jumetha namchi: ‘Itorobicaein barapomonaetha taitorobi jume pepaebiwi iru pomonae taitorobiwi. Ichamonae pomonae taitorobi jume pepaebiwi jutebinchi. Ichamonae pomonae taitorobi jume pepaebiwi abe exanaeinchi. Ichamonae, pomonae taitorobiwi jutebinchi. Ichamonae, pomonae taitorobiwi abe exanaeinchi’, jei Nacom peyaputae jumetha”, jei Jesús. <sup>50</sup> Equeicha Jesús namchi, jeye: “Pomonae anoxuae jinompa Nacom cana exanaena xua barapomonae peraxa jubebinchi petsitaxaetsi xua barapomonae penatsicuentsiwa xeina, tsipei jiwi juteba xua Nacom peitorobi jume pepaebiwi jutebatsi caena bayatha xua weya xua poxonae Nacom aena forota barapo cae pin nacue. <sup>51</sup> Painya amo susato jiwi jutebapona xua pomonae pejuntu coyene xeicae jiwi jutebatsi. Copiya matha Abel bexotsi beya poxonae iruru Zacarías bexotsiru. Barapon Zacarías pabexubame Nacom pin pia botha ichaxota xua barapo bo tututha naitama taeuncuabe xua be pexaethopaewa xua ichaxota duwei tauteiba Nacom nexa iru ichaxota po tutu yatsicaewa Nacom pia tutu. Daxota paca tsipaebatsi Nacom cana exanaena xua daxita paxam pomonae anoxuae pajinompame paca peraxa jubebina tsipei Nacom patsitame xua paxename penatsicuentsiwa xua painya amo susato jiwi pejutebixae barapomonae”, jei Jesús.

<sup>52</sup> Equeicha Jesús namchi, jeye: “¡Paxam jiwi pecuidubiwi pam tsobenaem xua Moisés pia peitorobi coyene tatsi! Paxam ayapube paexaname

xua jiwi peyaputaewa Nacom Pejume Diwesi poxoru icha caununaya pacuidubame, xua jopa xapain pocotsiwa Nacom paebiyu. Paxam jopa pajume cowantsim Nacom matauta jopa pacopatsim xua ichamonae iru pejume cowantsiwa Nacom”, jei Jesús.

<sup>53</sup> Poxonae Jesús baxua paeba poxonae cataunxuae jopa natsixatabiyo, fariseomonae iru pomonae jiwi pecuidubiwi Moisés pia peitorobi coyene, daxita barapomonae Jesús bichocono casebatsi. Barapomonae Jesús muxu fayacotatsi xua yainyabatsi nawita, peamuxuconaexanaenexa tsainchi. <sup>54</sup> Barapomonae Jesús piraichi matowa yainyabatsi peyaputaenexa icha Jesús ajumebeya jume bara botsina.

## 12

*Meje yabara poxonae Jesús yabara cueicueijei jiwitha xua fariseomonae itara beta paeba ichitha jopa xapain exanaeyo*

<sup>1</sup> Poxonae cataunxuae Jesús cueicueijei tsuncuae, bapoxonae ayei jiwi nacaetutapona Jesustha. Jiwi nataxu taxunaunaba. Jesús tamropata pitaba xua cueicueijei jiwitha. Copiya matha Jesús pijimonae tsipaeba, jeye: “Dota pam jopa pajume naitaewatsinde fariseomonae pia pecuidubi coyenewa tatsi xua painya nejume cowantsiyainwa. Barapomonae itara beta paeba ichitha jopa xapain exanaeyo. <sup>2</sup> Daxita diwesi xua po diwesi bequein anoxuae jiwi jopa yaputaeyo, bexa yaputaena. Pocotsiwa jiwi abe nameicha exana daichitha ichamonae bexa yaputaeponaena baxua. <sup>3</sup> Paxam xua po diwesi merawi nameicha pana natsipaebame, barapo diwesi ichamonae mataqueitha jume taena. Matautano pocotsiwa paxam aisawatha pana namuxu paxapaxeya tsipaebame, barapo diwesi ichamonae panatha paca jume canawabiya wawai tsane”, jei Jesús.

*Meje yabara poxonae Jesús yabara paeba xua pontha bewa ba jiwi cuitaya cunuwina*  
(Mt 10.26-31)

<sup>4</sup> Equeicha Jesús pijimonae barai, jeye: “Tamona paxam paca tsipaebatsi jopa pacuitaya cunuwinda pomonae xua itacupatsi xua paca necajutebiwa xua meisa painya pepontha. Ichitha barapomonae jopa itacupaetsi xua equeicha paca jumopein tanaxu jutebina. <sup>5</sup> Ichitha yabara paca tsipaebatsi pontha jame bewa pacuitaya cunuwim, bapon apara jame Nacom. Tsipei bapon itacupatsi xua painya nepaca bebaiwa pin isototha po pin isototha jopa bapana itacounayiyo xua weraweraca painya nepaca exanaenexa painya pepon. Xaniyan paca tsipaebatsi bewa jame pacunuwim bapon Nacom.

<sup>6</sup> “Jiwi ba caenaeta siri cinco poyobe, saya ainya paratiyobe nantomata. Bequein barapo siri caenaeta jiwi xua jopa matoma nautsiyo, ichitha Nacom jopa yabara jantemainaeyo siri, matautano caeyono jopa yabara jantemainaeyo. <sup>7</sup> Iru daxita painya nentanan Nacom daxita matapaeicha paca matana ununa. Jopa pajunuwinda tsipei paxam Nacom bichocono patsita ainya cuim beyacaincha siri”, jei Jesús pijimonaetha.

*Meje yabara poxonae Jesucristo yabara paeba xua pomonae peyabara paebiwichi ichamonae peitabaratha tatsi*  
(Mt 10.32-33; 12.32; 10.19-20)



<sup>8</sup> Equeicha Jesús namchi pijimonaetha, jeye: “Yabara paca tsipaebatsi pomonae xua nayopita ichamonaetha, pomonae xua najei: ‘Apara paxan Jesús pijimonaetha tatsi pan’, najei. Barichi xan, ponxaein Nacom Tananeitapetsin xuya jan tsane matatsunpiwitha. Barapomonae apara tana nejume cowantsiwi, jan tsane xuya barapo Nacom pia matatsunpiwi tatsi peitabaratha tatsi. <sup>9</sup> Ichitha pomonae xua neyabara jei ichamonaetha: ‘Jopa dapon payaitaeinyo’, jei, xan ponxaein Nacom Tananeitapetsin xuya barapomonae yabara jan tsane Nacom pia matatsunpiwi peitabaratha tatsi: ‘Apara barapomonae jopa yaitaeinyo’, jan tsane.

<sup>10</sup> “Xan ponxaein Nacom Tananeitapetsin pon abe neyabara paeba Nacom itacupatsi xua bapon peyabara juntemainae watsi pocotsiwa bapon abe neyabara paeba. Ichitha pon nama Nacom pia Pejumope tñaxu tatsi bichocono abe yabara paebatsi Nacom jopa bapana yabara juntemainae bapon.

<sup>11</sup> “Paca caponaena judiomonaetha pia penacaetutsi bontha ichaxota nacaetuteiba pentacaponae wi. Paca caponaena pomonaetha pomonae peyabara paebi jiwi xua penatsicuentisiwa xua abe peexanaexae yawa tomara pia pentacaponae wi peitabaratha tatsi paca caponaena. Poxonae baxua paca exanaena, jopa payabara najuntu coyene exabinde pocotsiwa xua painya nejume notsiwa xuano xua painya netsipaebiwa tsane barapomonaetha. <sup>12</sup> Poxonae juntucuru pacaunutsiya paebiname, bapoxonae Nacom pia Pejumope tñaxu tatsi paca tsijume dubina pocotsiwa painya netsipaebiwa tsane”, jei Jesús.

*Meje yabara poxonae Jesús pijimonaetha yabara tsipaeba pon copei pexeinaein*

<sup>13</sup> Caein pin bicheitha, bapon Jesús baraichi, jeye:

—Jiwi Necuidubim, taeweicho inta itorobare bu necata xua tawa xua taxa pecopiniwa xua xuan taxa bayatha pana nejuntana jeba, jei.

<sup>14</sup> Jesús jume epa pita, jei:

—Maisacai, apara dapon aibi pon necana exana xua xan tapaca yabara paebi watsi xua painya nenatsicuentisiwa xua abe painya neexanaexae. Matautano apara dapon aibi pon necana exana xua xan be pon tapacata tsabibei watsi pocotsiwa painya axa pia pecopiniwan tatsi, xua bayatha paca juntana jebeiba painya axa, jei Jesús.

<sup>15</sup> Yawa Jesús namchi, jeye:

—Dota xua asiwiya paantobem xua xoxi paxeiname. Bequein pebin copei nawita xeinaetha, ichitha barapo pebin jopa yawenaetsi xua beta pepoponaewa, jei Jesús.

<sup>16</sup> Nexata Jesús tsipaeba jiwitha pecayabara juta pepaebi diwesiyo, xua jeye: “Iru matha pebin popona pon copei pexeinaein. Pia pabi tatsi pexaewa tanawetatsi nawita. <sup>17</sup> Pon copei pexeinaein nexata pia coutha nabarai: ‘¿Eta bichocuaein tsane? ¿Eta xota jebocuaein pocotsiwan pabitha notan?’ jei. <sup>18</sup> Pia coutha najume nota: ‘Bara yaputan tha xubichi pexaewa matabon. Tha equeicha acabichi po bon bichocono pin bon. Barapo pin bontha daxita pexaewa etsin yawa etsinno daxita pocotsiwa xeinan. <sup>19</sup> Nexata najuntu coyene baran tsane: Bara daxita xeiname ainya wei dapaen nexa. Nafinacaecare, xaibare, apeibareno, juntu coyene weiweineibare’, najei xua najuntu coyene barai pon copei pexeinaein. <sup>20</sup> Ichitha pon copei pexeinaein Nacom barai bapon, jeye:

‘Pebin pon jopa xapain nenanta xeinaem, methaunxuae anoxuae mer-awí tupaename. Daxita baxuan xua yabo notame, ¿jintam metha piawa tsane?’ jei Nacom. <sup>21</sup> Baxua barichi pon xua saya copei yabara nanta xeina nawita pecaetubinexa. Bapon Nacom copei xeina taetha, Nacom tsitatsi xua bapon apara acopeibi, tsipei bapon pejuntú coyene tatsi tsocuae xua Nacom jopa pejume cowantsixaetsi”, jei Jesús.

*Meje yabara poxonae Jesús yabara cuiduba po coyene xua Nacom eena pijimonae*

(Mt 6.25-34)

<sup>22</sup> Bapoxonae Jesús pijimonae tsipaeba, jeye: “Paca tsipaebatsi, jopa bichocono payabara najuntú coyene exabinde pexaewa xua painya neuna jinompaewa tsane. Barichi jopa bichocono payabara najuntú coyene exabinde papaburu xua painya pepon nexa. <sup>23</sup> Pocotsi asu pejinompaewa xua Nacom naca cata jame baxua ainya cui, beyacaincha pexaewa xua peuna jinompaewa. Pepon ainya cui iru, beyacaincha papaburu xua pepon nexa. <sup>24</sup> Uni payabara yaputaema. Bapomonae jopa ubiyo pabitha. Matautano jopa jotsiyo pocotsiwa penawetsiwa. Jopa xeinaeyo bomuxun xua pejebinexa pexaewa. Ichitha Nacom, uni apatatsi pexaewa. Paxam nama bichocono Nacom patsita ainya cuim jame, beyacaincha peyapupunaewi xua Nacom tsita ainya cuichi. <sup>25</sup> Dapon aibi pon paxam jiwana pon itacupatsi xua xeinaena icha matacabi xua po matacabitha pepoponaewa tsane poxonae tupaena. Bequein bapon payabara nantú exaba nawita baxua, ichitha jopa itacupaetsi xua xeinaena caentacabi equeicha. <sup>26</sup> Icha jopa paca itacupaeyo xua paexaname xua be conotha xua caentacabi nexa, ¿eta xua metha equeicha yabara panantú exabame ichawan xua daunwei bichocono?

<sup>27</sup> “Jame pacayabara nanta xeinare pentonon xua xuwa, xua matono itupana. Pentonon jopa nacuichiyo yawa jopa natsiexanaeyo papaburu penamaxatabinexa. Ichitha paca tsipaebatsi xua pentonon matono itupana bichocono beyacaincha pocotsi paparuwa Salomón nama xatata xua pexeinya paparuwa. Bapon Salomón pon caena bayatha judiomonae itorobiya pia pepa peewatsinchi pon bayatha tupa. <sup>28</sup> Pentonon, po matonon wexotha anoxuae xuwa, Nacom cana exana xua matono itupana. Ichitha pebiwi baya matono tautsina ichaxota pocotsiwatha pan seba, tsipei saya pentono. Nacom cana exana xua pentonon bichocono wuna bar bequein saya pentonon. Barichi Nacom itacupatsi xua beta paca neca-eenaewa xua beta painya nejinompaenexa. Matautano Nacom paca catsina paparuwan. ¡Maisa pebiwi pam tsobenae be conotha pajume cowantame Nacom! <sup>29</sup> Jopa payabara najuntú coyene exabinde pexaewa xuano xua painya neapaewan yabara. Jopa panthuthu deideijeya jinompaeinde xua ichawa pacayabara nanta xeiname. <sup>30</sup> Tsipei barapo cae pin nacuathe jiwi, saya i baxua pecayabara najuntú coyene exabi pocotsiwa nantawenona. Ichitha nama paxam painya Axa Nacom panantautame pon yaputane daxita pocotsiwa xua xoxi panantawenoname. <sup>31</sup> Meisa saya bichocono pacayabara nanta xeinare xua painya neexanaewa xua Nacom ichichipa waba jiwi xua jiwi wabatsi xua petanaexanaenexatsi pijimonae pomonae itorobiya pecanamataxeinaexae. Icha baxua paexanaename nexata Nacom paca catsibina xua daxita pocotsiwa panantawenoname”, jei Jesús.

*Meje yabara poxonae Jesús yabara cuiduba xua pocotsiwa Nacom jiwi pejuntana jebiwatsi pia nacuatheicha (Mt 6.19-21)*

<sup>32</sup> Equeicha Jesús namchi, jeye: “Tamonaе pomonaе be ovejamonae pam, painya nejunuwi jiwi pamxaem. Jopa pajunuwinde bequein bara tsiquimonaeyo pam. Painya Axa Nacom pia coya peichichipaexae pia coya paca cana exanaena pijimonaе tatsi jiwana pam pomonaе pejume cowantsiwichi pomonaе itorobiya pecanamataxeinaexae. <sup>33</sup> Pacaenaere xua paxeiname. Barapo paratixi pomonaе acopeibiwi pacatsibare. Poxonae baxua paexaname, bapoxonae xuya Nacom athabeicha paca catsibina pocotsiwa xua painya nepaca juntana jebiwatsi pocotsiwa xua jopa naxubiyo. Athabeicha pecaibin jopa patopaeyo painya nepaca caibinexa pocotsiwa pajebame bara xoteicha. Matautano ofo jopa xaeyo pocotsiwa xua pajebame bara xoteicha. <sup>34</sup> Ichaxota ba pajebame xua painya neichichipaewan baxota ba payabara nanta xeiname nawita”, jei Jesús.

*Meje yabara poxonae Jesús yabara paeba xua pinae bewa nacui w̃naetichi*

<sup>35-36</sup> Equeicha Jesús namchi, jeye: “Pana najunt̃a coyene cui w̃naere xua tapatopaewa tsane. Barapocotsi j̃ta coyeneya paichinde, icha pomonaе petanacuichiwi ichi xua nacui w̃naeta, xua pon bo pexeinaein imoxoyo pepatopaexae. Bapon pon bo pexeinaein nasiwa pona ichaxota jiwi nacaetuta xua pexaenexa pexaewa poxonae pebin piowa pita. Bapon nawirena bara werena, pomonaе pia petanacuichiwichix-aetsi nainya tayausaranaxorenatsi pecoiboto poxonae bapon patopa pia botha. Barapocotsi j̃ta coyeneya paichinde. Paxam panacui w̃naetsiya jinompare xua tapatopeicaewa tsane. <sup>37</sup> Poxonae bo pexeinaein patopa icha bapon tane xua pomonaе pia petanacuichiwichix-aetsi jopa maichiyo bapoxonae barapomonaе j̃nt̃a coyene weiweina. Bara xaniwaicha paca tsipaebatsi bapon pon bo pexeinaeinxae pia petanacuichiwichi cuareba pexaethopaewatha, bapoxonae apatsina pexaewa. <sup>38</sup> Pon bo pexeinaein, bara bequein papaetha patopaetha tsipae, ichacuitha bara bequein metha patopaetha tsipae mataquei w̃naeyo, ichitha barapomonaе pomonaе petanacuichiwi j̃nt̃a coyene weiweinaetsipa poxonae bo pexeinaein tane xua jopa maichiyo barapomonaе. <sup>39</sup> Barichi payaputaema, icha bo pexeinaein yaputaetsipa xua poxonae patopaena pon jiwi pecaibin jopa maitecaetsipae. Matauta bapon jopa copatsipae xua pon pecaibin petajondenaewatsi pia botha. <sup>40</sup> Bara paichinde. Tawanaetha pana nacui w̃naere tsipei xan ponxaein Nacom Tananeitapetsin patopeicaein poxonae jopa tsaca payabara jinompaem tsane poxonae jopa payabara nanta xeinaem tsane xua tapatopaewa tsane”, jei Jesús

*Meje yabara poxonae Jesús yabara diwesi paeba ponbe xua bo peyapucaecaecinbe pon xua beta peexanaein, ir̃a xua pon jopa beta peexanaein (Mt 24.45-51)*

<sup>41</sup> Nexata Pedro Jesús yainyabatsi:

—Jesús, pata Tanecanamataxeinaem, po diwesi xuaunxuae pana tsipaebame, xua pecayabara j̃ta pepaebi diwesiyo, ¿saya meisa paxan nexa? ¿ir̃a ichamonae nexano? jei Pedro.

<sup>42</sup> Jesús pon Pecanamataxeinaeinxae jiwi, Pedro jume notatsi pecayabara juta pepaebi diwesiyotha pepatopaewa tsane yabara, jeye: “Yabara catsipaebatsi pon matacapopona pomonae bo pexeinaein tanacuitatsi. Barapon xanepanaya yaputaeya matacapopona. Poxonae bo pexeinaein wepu warapa barapomona, pon bo pexeinaein itoroba pontha pon bo petayapucaecaecinchi, jeye: ‘Inta beta matacapoponde, yawa inta beta pexaewa apare daxita matacabi pomonae xua inta nacuita’, jei bo pexeinaein. <sup>43</sup> Pon bo petayapucaecaecin bara jantũ coyene weiweinaena poxonae patopaena pon bo pexeinaein, petaexaetsi xua bara beta tayapucaeca bo, xvano bara beta peexanaexae xua bo pexeinaein itoroba. <sup>44</sup> Xaniwaicha paca tsipaebatsi. Bo pexeinaein itorobina, xua pon petayapucaecaexaetsi bo, bapon cana exanaecinchi xua equeicha daxita piawa beta petayapu enaewatsi xua xuan xeina pon bo pexeinaein. <sup>45-46</sup> Ichitha ichacuitha pon yapucaeca bo bapon peantacuiyapubein tsipae. Bapon pia coutha nanta xeinaetsipa, najei tsipae: ‘Metha bo pexeinaein jopa cuinaya patopae tsane’, najei tsipae. Bapoxonae bapon cueinta pomonae pon bo pexeinaein tanacuitatsi, pebiwi yawa petsiriwaxi. Matautano bapon nanabanaetsipa nawita ichamonae yawa cupatsi nanaexanaetsipano. Bapoxonae bo pexeinaein jemeicha patopaena poxonae pon bo petayapucaecaecin jopa wanae tsaqueinaeyo. Poxonae barapo hora tsuxubi jopa yaputaeyo yawa poxonae barapo matacabi tsuxubi jopa yaputaeyo. Pon bo pexeinaein itorobina ichamonaetha xua pebenexatsi yawa peperaxa exabinexa tsainchi pon bo petayapucaecaecin icha cana ichichi pomonae jopa pejume cowantsiwi.

<sup>47</sup> “Pon bo yapucaeca, bapon bequein yaputane pocotsiwa pon bo pexeinaein itoroba xua ichichipa, ichitha jopa exanaeyo pocotsiwa itorobatsi, xua bo pexeinaein itoroba. Barapon bichocono peraxa jubinchi xua jopa peexanaexae pocotsiwa itorobatsi. <sup>48</sup> Ichitha ichun pon bo yapucaeca jopa xano yaputaeyo pocotsiwa bo pexeinaein itoroba yawa itatemaya abe exana. Bequein jopa cono yaputaeyo yawa itatemaya abe exana, ichitha nantawenona xua peperaxa exanaewatsi be cono, tsipei abe exana be cono. Pon ba be cono Nacom yabara yaputaecinchi, Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi Nacom wepichina po coyene bapon yaputane xua beya daxota Nacom jopa pejume cowantsiwa tsainchi”, jei Jesús.

*Meje yabara poxonae Jesús yabara paeba xua jiwi ainya bicheiton naexanaena xua Jesús pejume cowantsixaetsi xua ichamonae jopa pejume cowantsixae*

*(Mt 10.34-36)*

<sup>49</sup> Equeicha Jesús namchi, jeye: “Patopan barapo cae pin nacuathe Nacom tana neitorobixae xua jiwi aperaxatane taexanaenexa abe peexanaexae barapo jiwi. Tapatopaewaxae jiwi atene tsane icha be ichi poxonae barapo jiwi tautatsi isototha. ¡Maisa metha bayatha bena baxua exanocuaein barapo isoto! <sup>50</sup> Xan barichin tsane daxita matapaetha aperaxatanein tsane poxonae tũpaein. Awiya bichocono anthũrewein xua beya baxua inta exanaena. <sup>51</sup> ¿Pananta xeiname xua xan apara patopan xua jiwi jantema pejinompaewa tsane? Apra aibi,

jopa baxua tsipatopaeinyo. Apará jame patopeican taexanaenexa po coyene jiwi naba exanatsi xua daxota ainya bicheiton penaexanaewa tsane. <sup>52</sup> Anoxuae, yawa bexa cinco poyobe cae matabuxuyoy xua bomuxutha jinompa barapomonae nawepu tsatajopaenabe. Tres poyobe ita aenae-aenei tsane xua dos poyobe ita aenae-aenei tsainchibe. Nantiya barapo matabuxuyobe naita aenae-aenei tsanebe. Baxua exanaena xua ichamonae tana nejume cowantsi jiwixae xua iru ichamonae jopa tana nejume cowantsixae. <sup>53</sup> Coxiyán pexanto ita aenae-aenei tsane. Coxiyán xuya pexanto ita aenae-aenei tsainchi. Coxíwa pexantiyo ita aenae-aenei tsane. Coxíwa xuya pexantiyo ita aenae-aenei tsainchi. Iruru pamiyobe naita aenae-aenei tsanebe. Pecopeinyobe naita aenae-aenei tsanebe”, jei Jesús.

*Meje yabara poxonae Jesús diwesi paeba xua jiwi itaboco tane peitaboco yaputaenexa*

(Mt 16.1-4; Mr 8.11-13)

<sup>54</sup> Yawa Jesús barai jiwitha, jeye: “Poxonae tsaquinaebowa pataneme xua pocotsiwe wejopeine: ‘Ema dáwa jopeina’, pajam. Jopa jume bara duneica. <sup>55</sup> Poxonae joibo jopa: ‘Wei imoxoyo’, pajam. Jopa jume bara coicha jopa. <sup>56</sup> Itara mexeya pexeinya juntu coyene paxeiname ichitha peajuntucoyenebe jiwi pam. Itaboco yawa irano panaita caewatame painya yaputaetsi icha ema yawa xua icha pexeinya matababi. Ichitha jopa payabara yaputaem xua bequein peitupanaewan exanan, ichitha cataunxuae came awiya jopa payabara yaputaem po coyene xua baxua Nacom taneitorobiwa”, jei Jesús.

*Meje yabara poxonae Jesús paeba xua ichun juntu cui xanepanaya juntema popona cana exana xua pon peitafaetabixaetsi*

(Mt 5.25-26)

<sup>57</sup> Equeicha Jesús namchi jiwitha, jeye: “¿Eta xua metha painya coutha beta jopa pana nayabara nanta xeinaem xua icha metha wunaey painya neexanaewa? <sup>58</sup> Icha ichun bepaca itoroba paca necaponaenexa pontha pon jiwi peyabara paebin xua penatsicuentisiwa xua abe peexanaexae nexata bapon patsipaebare poxonae cataunxuae namtotha paca baru ecapona xua painya naita coxone exanaenexa. Xain bapoxonae bapon jopa paca caponae tsane pontha pon jiwi peyabara paebin xua penatsicuentisiwa xua abe peexanaexae. Tsipei icha bapon bara beya paca caponaetsipa, bapoxonae pon jiwi peyabara paebin xua penatsicuentisiwa xua abe peexanaexae equeicha dabeya policiamonae beya paca itorobichipa. Bapoxonae nama policiamonae jiwi pecabi bo beya paca itorobichipa. <sup>59</sup> Bara xaniyeya paca tsipaebatsi. Paxam jopa paca pu copabi tsane jiwi pecabi bo weya, beya abu poxonae panatsipu matomacaname daxita paratixi cuntha po paratixi xua paxeiname”, jei Jesús.

## 13

*Meje yabara poxonae Jesús yabara paeba xua ainya cui xua icha juntu coyene pexeinaewa Nacomtha*

<sup>1</sup> Barapoxonae ichamonae pata. Jesús tsipaebatsi, jeye:

—Galilea nacuapiwi Jerusalén tomaratha capata duweimonae, Nacom pin pia botha xua barapo duweimonae pejutebinexa petautsinexa

xua petuxusi exanaenexa Nacom nexa. Ichitha poxonaе cataunxuae baxua exanompa Galilea nacuapiwi pon Galilea nacuapiwi peyanacua ewatsinchi, pon pewan Pilato poxonaе bapon baxua jume taeba, xua Galilea nacuapiwi exanompa Nacom pin pia botha, bapoxonaе bapon pia soldadomonaе itoroba Nacom pin pia bo beya xua pejutebinexatsi Galilea nacuapiwi. Daxita duwei jana, yawa Galilea nacuamonae jiwi jana cae jana naexananaya, jei barapomonaе.

<sup>2</sup> Jesús jume nota, jeye: “¿Eta xua metha pananta xeiname? ¿Barapo pebiwi jutebatsi bichocono yatsicaya abe peexanaewixae beyacaincha pomonaе abe peexanaewi pomonaе jinompa Galilea nacuatha? <sup>3</sup> Apará aibi. Icha jopa Nacom patsita xeinaem icha jantá coyene, bara paichipaem, paca weraweraca exanaetsipa. <sup>4</sup> Ichacuitha metha pacui cananta xeiname pomonaе dieciocho poyobe, pomonaе bayatha bomaxutha mata perababatsi xua po botha bichocono taicha po bo pewan Siloé. ¿Barapomonaе mata tsapababatsi bichocono abe peexanaexae beyacaincha pomonaе jinompa Jerusalén tomaratha? <sup>5</sup> Apará aibi. Icha Nacom jopa patsita xeinaem icha jantá coyene, paxam bara paichipaem paca weraweraca exanaetsipa”, jei Jesús.

*Meje yabara poxonaе Jesús yabara paeba higuera nae xua po diwesi pecayabara jata pepaebi diwesiyo*

<sup>6</sup> Nexata Jesús tsipaeba pecayabara jata pepaebi diwesiyo. Bapon namchi, jeye: “Matha irarú pebin higuera nae xeina po nae wbanota pia pabitha. Barapo pebin pia pabitha pona pia taetsi icha yacuei dubena. Ichitha poxonaе tane jopa yacuei dubenaeyo. <sup>7</sup> Nexata pon pabi pexeinaein tsipaeba pontha pon pabi petayapu eenaeinchi, namchi, jeye: “Taema acoibi po weibe pabitha poneiban tha bequein taibichi pethei ichitha jopa yacuei dubeneibiyo. Encataxore. Jopa ichichipaeinyo xua came barapo nae saya uncua ichaxota wbanotinchi icha nae, po nae penacoichi nae’, jei pon pabi pexeinaein poxonaе tsipaeba pon pabi petayapu eenaeinchi. <sup>8</sup> Ichitha pon pabi petayapu eenaein jume nota: ‘Tanentacaponae, abá barapo nae uncuaena barapo weithe. Tha yaira tabaca nacuenuena exanaetsi paraparatotha, bapoxonaе duwei petasin jebarecaetsi petabaca deca. <sup>9</sup> Metha bapoxonaе matono dubenaetsipa icha weitha. Icha jopa matono dubenae tsane icha weitha nexata moya beencataxotsi’, jei pon pabi petayapu eenaein”, jei Jesús.

*Meje yabara poxonaе Jesús axaibi exana yabuyo pentaquei seicae mat-acabitha powayo naepasi xurutsiya pona*

<sup>10</sup> Caentacabitha judiomonaе barompaya pia pentaquei seicae matacabitha tatsi Jesús cuidubauya Nacom Pejume Diwesi judiomonaе pia penacaetutsi botha tatsi. <sup>11</sup> Barapo botha yabuyo eca, powa caena bayatha atene dieciocho po weiyobe. Barapowa naepasi xurutsiya pona. Barapowa xua juntucuru epasi boipana ajibi. <sup>12</sup> Poxonaе barapowa Jesús tane, Jesús waba barai, jeye:

—Yabuyo anoxuae jopa neraichiwa, bayatha wnaem, jei Jesús.

<sup>13</sup> Nexata barapowa Jesús pecobetha jayaba. Bapoxonaе yabuyo epasi naroitaba yawa barapowa wnae jainta, Nacom wnae jaintatsi. <sup>14</sup> Ichitha pon pecanamataxeinaein judiomonaе pia penacaetutsi bo tatsi, bapon Jesús casebatsi xua axaibi peexanaexae pentaquei seicae matabitha. Bapon barai jiwitha, jeye:

—Bara iru seis po matabibibe xua be cae semanatha tsoponeibi xua barapo matabibintha benacuitatsi. Jame barapo seis matabibintha moyá papare xua axaibi painya nepaca exanaewa tsane. Nama jopa papatsinde pentaquei seicae matabibitha, jei bapon pon pecanamataxeinaein judiomonae pia penacaetutsi bo tatsi.

<sup>15</sup> Bapoxonae Jesús jume nota, jeye:

—Itara mexeya pexeinya juntu coyene painya nexainaewi ichitha peajuntucoyenebe jiwi pam. Ichitha paxam iru panacuitame pentaquei seicae matabibitha. Burro ba payama isanaxubame, bueyno ba payama isanaxubame painya apatsinexa mera pepa mene beya barapo pentaquei seicae matabibitha. <sup>16</sup> Barapowa powayo Abraham pia pemomoxi susatopiwi jiwawayo tatsi. Barapowa caena bayatha atene exanatsi. Satanás atene exana dieciocho po weyobetha. Daxota iruru barapowa xan axaibi exanan pentaquei seicae mataqueitha, jei Jesús.

<sup>17</sup> Poxonae Jesús baxua caunuta, bapoxonae pomonae Jesús pia peitaetaetabiwichi aura tsumenae. Ichitha daxita jiwi juntu coyene weiweina petaexae xua Jesús pexeinya pewanaewa exana.

*Meje yabara poxonae Jesús cuiduba pecayabara jata pepaebi diwesiyo po peubi xutiyo pewan mostaza xutiyo*

(Mt 13.31-32; Mr 4.30-32)

<sup>18</sup> Equeicha Jesús namchi, jeye: “Poxonae Nacom waba jiwi petanaexanaenexatsi pijimonae tatsi, pomonae itorobiya peewatsixae, ¿eta po coyene nacoyene jupabe? ¿eta xua paca cuidubinchi xua baxua yabara? <sup>19</sup> Baraxua apara icha be mostaza xutiyo ichi po mostaza xuto pebin uba pia pabitha. Xuwa beya pin nae tsoponae. Pepinnaexae daxota siri exana coton pemaxaranantha. Icha mostaza xutiyo ichi xua beya pin nae tsoponae, bara jata ichi Nacom pejume cowantsiwi. Bequein anoxuae tsica bicheitiyo, bexa tsane beya pin bicheito tsoponae tsane”, jei Jesús.

*Meje yabara poxonae Jesús cuiduba pecayabara jata pepaebi diwesiyo xua levadura yabara xua pan cotowa exana*

(Mt 13.33)

<sup>20</sup> Barichi Jesús namchi, jeye: “Poxonae Nacom waba jiwi petanaexanaenexatsi pijimonae tatsi pomonae itorobiya peewatsixae barapomonae pin bicheitomonae naenaexanapona. ¿eta po coyene nacoyene jupabe? <sup>21</sup> Barapo coyene bara jata ichi icha levadura matawan ichi, pocotsiwa cotowa exana poxonae pan exana. Petsiriwa tres po tsoropabe trigo xu beno muxuna cauwentaba levadura matawan pocotsiwa xua cotowa exana pan. Bapoxonae pentubun naexananaya, cocotowapona tsipei levadura matawan muxunaxuba”, jei Jesús.

*Meje yabara poxonae Jesús yabara cuiduba po boupayo tsica boupayo dena*

(Mt 7.13-14, 21-23)

<sup>22</sup> Poxonae Jesús Jerusalén namto beya pona, cuiduba tsiniya Nacom Pejume Diwesi po bon epatotha bobena yawa tomaranthano. <sup>23</sup> Pomonae Jesús cuiduba barapomonae caein jiwana Jesús yainyabatsi, jeichichi:

—Patatanecanamataxeinaem, ¿saya tsiquimonaeyo pomonae capanenebiyatsi? jeichichi Jesús.

Nexata Jesús namchi jiwitha, jeye:

<sup>24</sup> —Bequein bichocono ayapube xua naexana Nacom pijimonae pomonae Nacom itorobiya ewata, ichitha bichocono pajũjũre xua panaexaname Nacom pijimonae tatsi. Baraxua be poxonae pin bicheitomonae ichichipa xua pejojondenaewa tsica boupayo dena. Bichocono ayapube. Bequein barapomonae ichichipaena xua pejojondenaewa tsane ichitha jopa itacũpae tsainchi. <sup>25</sup> Barapoxonae matabi jopaena po matabitha poxonae pon bo pexeinaein pecoiboto daunwei exanaena. Paxam pomonae aisowatha paumename pecoiboto pada-cadacatsiname, pajam tsane: ‘Patatanecanamataxeinaem, painta coibo saranaxorena ботуха’, pajam tsane. Ichitha bapon paca jume notsina. Jei tsane: ‘Бу canta jopa paca yaitaetsi xua jopa paca yaputaetsi xua ichaxota werena painya neponaewi’, jei tsane. <sup>26</sup> Paxam pajam tsane: ‘Bara cain bayatha paca baru xainchiba yawa paca baru apatsiba, yawa bayatha jiwi cuidubameba namtotha pata tomaratha’, pajam tsane. <sup>27</sup> Ichitha Nacom pon painya Nepacacanamataxeinaein paca jume notsina: ‘Aunxuae bayatha paca baraichiba: Бу canta jopa paca yaitaetsi. Jopa paca yaputaetsi xua ichaxota werena painya neponaewi’, jan. ‘Taxainya weya panatsixibarũcũpare. Aparaxam peajantũcoyenebe jiwi pam, xua abe painya neexanaewi’, paca jei tsane. <sup>28</sup> Barapoxonae pataename xua Abraham, irũ Isaac, irũ Jacob, irũ daxita Nacom peitorobi jume pepaebiwi xua ena Nacom pia peitorobi nacuatheicha. Ichitha paxam baxoteicha jopa pana naenaem tsane poxoru paca bebai tsane Nacom pia peitorobi nacua weya. Daxota pawecoyam tsane anaya nantanuweya pana nawano tsaquibasi-naename poxoru paca bebai tsane Nacom pia peitorobi nacua weya. <sup>29</sup> Poxoru pinmonae patsina, Nacom pia peitorobi nacuathe pena-banaenexa tsane. Ichamonae pomonae ichaxota xometo ecoina, barapomonaepiwi patsinano. Ichamonae pomonae ichaxota xometo jopeica, barapomonaepiwi patsinano. Ichamonae pomonae ena pocotsiwa bereca, barapomonaepiwi patsinano. Ichamonae pomonae pocotsiwa beweyabeicha ena, barapomonaepiwi patsinano. <sup>30</sup> Pomonae xua anoxuae pepawi naexana pomonae jiwi jopa petsita ainya cui jiwichi po cae pin nacuathe barapomona Nacom pia peitorobi nacuatheicha peainya cui jiwi tsane. Pomonae xua anoxuae, pomonae jiwi petsita ainya cui jiwichi po cae pin nacuathe, barapomona hexa Nacom pia peitorobi nacuatheicha jopa peainya cui jiwi tsane, jei Jesús.

*Meje yabara poxonae Jesús Jerusalén tomarapiwi siwa wecoyeichi (Mt 23.37-39)*

<sup>31</sup> Barapoxonae fariseo jiwana monae pata. Jesús tsipaebatsi. Jechichi:

—Bewa warapaetsipame barapo tomara weya. Dota bepa Herodes cabexubei, jei.

<sup>32</sup> Ichitha Jesús jume nota, jeye:

—Paponare painya netsipaebinexa pon jiwi pemuxujainyabin, bapon Herodes. Pana nejume yopire pajande: ‘Taema anoxuae yawa baya tsane itawetsin caurimonae jiwi weya yawa axaibi exanaein peatenewi. Popobaya tsane wetsin’, jei pajande. <sup>33</sup> Ichitha anoxuae yawa baya tsane nantawenon xua bara beya Jerusalén tomara beya ponaein namtotha. Barapoxonae popobaya patopiyaein Jerusalén tomaratha.



Jopa tana neitacupaexae xua tatupaewa taju Jerusalén tomara pepuya beya ponxaein Nacom peitorobi jume tapaebin. Bewa tupaein Jerusalén tomaratha, jei Jesús fariseomonaetha.

<sup>34</sup> Bapoxonae Jesús yabara unthuthu wecoyei Jerusalén tomarapiwi. Jesús wecoyeya namchi, jeye: “¡Maise Jerusalén tomarapiwi pam, pajutebeibame pomonae Nacom pia peitorobi jume pepaebiwi! ¡Matautano paxam pajutebeibame ibotontha pomonae Nacom pacata itoroba! ¡Maise bepaca caetucaetuteibinchi, tapaca cayawenaewa tsainchi, icha wacara ichi poxonae naxoxi caetucaetuteta pecuarafetha! ¡Maise bebarichocuaein tsane daichitha jopa paichichipaem! <sup>35</sup> Incane pataema Nacom nacui baraxuba xua jopa painya nepaca caewatsiwa tsane. Daxota Nacom jopa poponaeyo pia pin pia botha tatsi painya tomaratha. Paca tsipaebatsi xua equaicha jopa pana netaem tsane, beya abu poxonae pana neyabara jam tsane: ‘¡Maise bapon jiwi juntu coyene weiweina cana exanatsi, pon patopa Nacom peitorobixae, po Nacom jiwi Pecanamataxeinaeinchi!’ pana neyabara jam tsane”, jei Jesús fariseomonaetha.

## 14

*Meje yabara poxonae Jesús axaibi exana pon peru putsuna*

<sup>1</sup> Caentacabi pentaquei seicae matakabitha Jesús pona fariseomonae pia pentacaponawewi tatsi jiwanapin pia botha tatsi penanabanaenexa. Baxota fariseomonae ichamonae Jesús amanayabiya tainchi pecui yaputaenexa tsainchi xua exana. <sup>2</sup> Iru baxota pebin patopa ichaxota Jesús naeca. Barapo pebin pon peru putsuna. <sup>3</sup> Nexata Jesús yainyaba pomonae jiwi pecuidubiwi Moisés pia peitorobi coyene, yainyabano fariseomonae, jeye:

—¿Bara Moisés pia peitorobi coyene jumewatha yabara copata jampa xua pon atene bara axaibi peexanaewatsi pentaquei seicae matakabitha jampa? ¿Ichacuitha metha jopa yabara copatsiyo jampa? jei Jesús.

<sup>4</sup> Ichitha barapomonae moya umena. Bara Jesús jayaba pecobetha pontha pon atene, yawa axaibi exana, tsipaebano xua bara peponaenexa. <sup>5</sup> Jesús tsipaeba, barapo fariseomonaetha, jeye:

—Paxam panantawenoname xua panacuitame pentaquei seicae mataqueitha xua poxonae pajutsiname painya nexanto xua poxonae butecatsi iruba bueyno bara bequein pentaquei seicae matakabi, jei Jesús.

<sup>6</sup> Barapomonae jopa itacupaetsi xua Jesús pejume notsiwatsi.

*Meje yabara poxonae Jesús yabara paeba pomonae pexaewa petsiwabiwichi penabanaenexa poxonae pebin piowa pita*

<sup>7</sup> Nexata Jesús tsipaeba barapomonae pecayabara jata pepaebi diwesiyo pomonaetha pomonae xua pata penabanaenexa. Baxua tsipaeba poxonae tane xua barapomonae nanta caeniya, copiya penabanaenexa. Jesús namchi barapomonaetha, jeye:

<sup>8</sup> —Poxonae ichun cawaba jinya nenabanaenexa tsane, jopa nanta-caeaeinde ichaxota enothopeiba pomonae peainya cui jiwi. Poxoru metha iruru patopaetsipa pon bichocono jiwi tsita ainya cuichi pon beyacaincha xam. <sup>9</sup> Pon xua cawaba, iru xua wabatsi pon jiwi tsita ainya cui naexanatsi, bapon cabarai tsipae: ‘Incane nontaponde icha muxunenetha ecare. Cotacaya xaema. Ichaxota ecame, baxota ecaena pon jiwi tsita ainya cui naexanatsi’, jei tsipae pon xua paca mata canabane.

Nexata icha muxunenetha uranaya ecoundecaetsipame. <sup>10</sup> Daxota poxonae cawaba nenabanaenexa, cotacaya ecareinca necajeinexa poxonae patopa pon paca mata canabane: ‘Tajiton, icha muxunenetha ecare ichaxota xaiba pomonae jiwi tsita ainya cui naexanatsi’, jei. Bapoxonae pomonae pata xua penabanaenexa barapomonae cayaitaena xua xam pon jiwi tsita ainya cui naexaname. <sup>11</sup> Pon pia coutha peainya cui jiton naexana pejuntũ coyenetha, Nacom exanaena xua bapon pecui pawĩ jiton naexanaena. Ichitha pon xua pepawĩ naexana pejuntũ coyenetha Nacom exanaena xua bapon peainya cui jiton naexanaena, jei Jesús.

<sup>12</sup> Yawano Jesús barai pontha pon pexaewa petsiwabixaetsi, jeye:

—Poxonae pexaewa tsiexaname yawano ichacuitha xua poxonae pin penabanaewa tsiexaname, jopa wabinde jinya jiwimonae penabanaenexa. Iru jopa wabinde eweichomonae irũ jinyamonae irũ pomonae copei pexeinaewi. Poxoru barapomonae pentoma exanaetsipa xua xuya catsi wabichipa penabanaewa. <sup>13</sup> Jame maisa poxonae jiwi pexaewa tsiexaname yawano ichacuitha pin penabanaewa tsiexaname, wabare pomonae peacopeibi jiwi. Yawa wabare pomonae jopa peainya cui jiwi, irũ pejajuyajujei jiwino, irũ pomonae peitata nacatsi jiwino. <sup>14</sup> Bapoxonae juntũ coyene weiweinaenename. Barapomonae jopa itacũpaetsi xua xuya necatsi wabiwa penabanaewa xua pentoma nexa. Ichitha Nacom cata exanaena pentoma poxonae jiwi asũ exanaeinchi pomonae pejuntũ coyene wũnae jiwi, xuano xua exana pocotsiwa Nacom itoroba, jei Jesús.

*Meje yabara poxonae Jesús cuiduba pecayabara jũta pepaebi diwesiyo xua pin penabanaewa peexanaewa tsane*

*(Mt 22.1-10)*

<sup>15</sup> Poxonae baxua jume tane, pomonae xua xayena, barapomonae caein jiwana Jesús baraichichi, jeichichi:

—jPon xua nanabane Nacom pia peitorobi nacuatheicha tatsi, bapon bichocono juntũ coyene weiweina! jeichichi Jesús bapon.

<sup>16</sup> Nexata Jesús jume nota, jeye:

—Pebin pin penabanaewa tsiexana jiwi. Barapo pebin itoroba ichũn, xua pewabinexa ayei bicheito. <sup>17</sup> Poxonae barapo hora tsuxubi poxonae pexaewa nacui wũnaeta, bapon itoroba pia petanacuichinchi xua pewabinexatsi pomonae bayatha wabatsi. Barapon namchi: ‘Pajande jiwi: Antha pajojondena jei. Pexaewa weta jei, pajande’, jei pon mata canabane. <sup>18</sup> Ichitha daxita barapomonae paeba xua pinae enatsi xua peexanaewa. Ichũn namchi: ‘Bayatha pabi comotan, tha canta matha taetsi. Nexata nejume yopire pinae jopa casebinde yaitama pinae jopa patopae tsane, jande’, jei. <sup>19</sup> Ichũn namchi: ‘Canta diez poyobe comotan buey. Tha canta matha taetsi. Nexata nejume yopire pinae jopa casebinde yaitama pinae jopa patopae tsane, jande’, jei. <sup>20</sup> Ichũn namchi: ‘Canta anoxuaetha taseuri pitan. Nexata nejume yopire pinae jopa itacũpaetsi xua pepatopaewa tsane, jande’, jei. <sup>21</sup> Poxonae caibe nawiya pon penajume caitorobinchi bapon daxita baxua tsipaeba pia pecanamataxeinaeinchitha. Nexata pon pecanamataxeinaein caseba pomonaetha pomonae bequein pewabixae, xua jopa pepatsixae. Bapon barai pia petanacuichinchi, jeye: ‘Nainya ponde tomara namtontha, yawa tsiqui namtoxitha tomara cuariya. Berene peacopeibiwi caponde, pewabinaewi caponde, pejajuyajujeimonae caponde, pomonae peitata

nacatsi jiwi berene caponde', jei pon pecanamataxeinaein. <sup>22</sup> Pon petanacuichin pia pecanamataxeinaeinxaetsi, bapon pia pecanamataxeinaeinxaetsi barai: 'Tanecanamataxeinaein, xua neitorobame bayatha exanan, ichitha ботыхъ jopa tutu canaꝑaxubiyoy, jiwi yayatha', jei. <sup>23</sup> Nexata bapon jume notatsi pia pecanamataxeinaeinchi: 'Equeicha nainya ponde tomara cuariya beya po namton pin namtontha, yawa tsiqui namtoxithano tomara cuariya. Baxota jume daunweya itorobare pomonae xua taneme xua pepatsinexa tabotha petutu canaꝑaxubinexa tsane. <sup>24</sup> Catsipaebatsi, pomonae bequein waban ichitha jopa pat-siyo, barapomonae jopa nabanae tsane tabotha', jei pon pecanamataxeinaein, jei Jesús.

*Meje yabara poxonae Jesús paeba xua pinae bewa matha nacui barapentsi pia peexanaewan poxonae Jesús pepuna jinompaewa tsainchi (Mt 10.37-38)*

<sup>25</sup> Pin bicheitomonae Jesús puna poinchi. Jesús napatomeicha necota, namchi barapomonaetha, jeye: <sup>26</sup> "Icha pebin ichichipa xua tajiwimonae jiwana pin penaexanaewa tsane, bapon bewa yabara naitematsi pia peexanaewa. Bapon jame bewa neantobe tsane beyacaincha xua paxatha, beyacaincha xua penatha, beyacaincha xua piowatha, beyacaincha xua pia pexuitha, beyacaincha xua peweichowitha, beyacaincha xua pamchoxitha, yawano xua beyacaincha naantobe pia coutha, nexata bapon bara tajiwimonaepin. Ichitha icha jopa baxua exanaeyo xua bichocono nama tana neantobewa, bapon jopa tajiwimonaeyo. <sup>27</sup> Matautano pon jopa awiya exana ducuaenaebiyayeyo pocotsiwa itoroban, tsipei jopa beperaxa exanaetsi icha be xua poxonae neichi nexata bapon jopa tajiwimonaepinyo. <sup>28</sup> Poxonae pebin imoxoyo bo exana, po bo, pin bo, copiya matha nanta xeina xua bo yabara, copiya coichaxu ununa, icha jupa xua pecubaponaenexa pomonae nacuita bo. <sup>29</sup> Ichacuitharꝑ saya naewa wetanota, poxoru coichaxu axu weraweraca. Daxota jopa yaputaeyo xua pewetsiwa. Ichamonae pata, barapomonae bo taenota. Poxonae tane barapomonae cui capona, bapon cui caponatsi. <sup>30</sup> Barapomonae namchi tsane, jei tsane: 'Barapon tamropata pitaba bo xua acaba, ichitha jopa itacꝑaetsi xua pewetsiwa', jei tsane", jei Jesús. <sup>31</sup> Equeicha Jesús namchi: "Iruꝑ pon jiwi itorobiya pia pepa peewatsinchi ichichipa xua jiwi naba exana ichꝑn beya pontha pon irꝑ jiwi itorobiya pepa peewatsin. Poxonae bapon baxua exana, copiya nanta xeina, najei tsane: 'Jamaisa, saya beisa diez mil po soldadomonae bicheitobe neyaewatacua, bapon netsi veinte mil po soldadomonae bicheitobe yaewatatsi. Metha tamonae jopa inta itacꝑaetsi xua peamanayabiwa barapo veinte mil bicheitha xua taxainya berena ponaena', najei tsane. <sup>32</sup> Icha barapon jopa itacꝑaetsi xua peamanayabiwa, bapon najume caitorobina ichꝑntha, poxonae cataunxuae tajꝑ eca, ichꝑn pon icha nacuapiwi itorobiya pia pepa peewatsinchi xua petapaebinxexa tsainchi xua jopa penabiwa tsane yabara, xua equeicha jꝑntema pejinompaenexa. <sup>33</sup> Icha bapon ichi pon jiwi itorobiya pia pepa peewatsinchi xua baraxuba xua nanta xeina, xua penabiwa tsane, barichi icha paxam jopa pabarapentsim daxita pocotsiwa paxeiname, jopa paca itacꝑaeyo xua tajiwimonaeyo painya nenaexanaewam", jei Jesús.

*Meje yabara poxonae Jesús diwesi yabara paeba xua bequein sare xoya pexaewatha ichitha awiya axaibi*

(Mt 5.13; Mr 9.50)

<sup>34</sup> Equeicha Jesús jeye: “Sare beno, bara beno w<sub>nae</sub>. Ichitha icha barapo sare beno jopa abenataeyo, bapoxonae jopa peitac<sub>paewatsi</sub> xua equeicha peabenataewa. <sup>35</sup> Barapo sare jopa ira nexiyo tsipei naein jopa beta xuwa exanaetsi. Daxota barapo sare jiwi bewa xubi. Icha pamuxu dubename moya pana nejume naitaeware pocotsiwa tapaca tsipaebiwatsi”, jei Jesús.

## 15

*Meje yabara poxonae Jesús paeba pecayabara j<sub>ta</sub> pepaebi diwesiyo xua oveja pe-eenaein yabara xua poxonae pia oveja taeba*

(Mt 18.10-14)

<sup>1</sup> Pomonae paratixi pentoma noteibiwi, po paratixi jiwi bewa catsibina pon romanomonae itorobiya pia pepa peewatsinchi nexa, ir<sub>u</sub> pomonae abe peexanae cuiru coyene peexaneibiwi daxita barapomonae Jesús imoxoyo caquita umenar<sub>u</sub> patsi xua Jesús pejume taenexatsi. <sup>2</sup> Daxota fariseomonae ir<sub>u</sub> pomonae jiwi pecuidubiwi Moisés pia peitorobi coyene tatsi daxita barapomonae Jesús abe yabara paebatsi. Barapomonae namchi, jeye:

—Barapo pebin napona pomonaetha pomonae abe peexanae cuiru coyene peexanaewi, yawa barapomonaetha nanabane, jei.

<sup>3</sup> Tsipei Jesús yabara paebatsi barapomonae, daxota nexata Jesús tsipaeba pecayabara j<sub>ta</sub> pepaebi diwesiyo jeye: <sup>4</sup> “Jiton ba xeina oveja cien poyobe, caein tanapuxanatsi. Jiton wexotha cuenta pona noventa y nueve poyobe oveja pewenaweneinexa oveja pon beya matapainya taeba. <sup>5</sup> Poxonae jiton oveja taeba pon aichurucuae, j<sub>ntu</sub> coyene weiweinaya bota peutucuratha. <sup>6</sup> Poxonae jiton oveja capatopa botha bapoxonae piamonae waba pomonae petaenaewichi pia botha, pia jiwi wabano, wabano pomonae petsicuarab<sub>u</sub> enaewichi. Jiton daxita barapomonaetha barai, jeye: ‘Panebar<sub>u</sub> j<sub>ntu</sub> coyene weiweinare tsipei oveja bayatha taeban pon bayatha inta aichurucuae’, jei bapon piamonaetha. <sup>7</sup> Xaniyan paca tsipaebatsi. Icha jiton ichi poxonae j<sub>ntu</sub> coyene weiweina petaebixae oveja, barichi pomonae peitaboco beicha ena. Bapomonae bichocono j<sub>ntu</sub> coyene weiweina poxonae ich<sub>u</sub> Nacom tsita xeinatsi icha j<sub>ntu</sub> coyene pon copiya penacui matacaetsin xua abe peexanae cuiru coyene exana. Barapomonae bapon yabara toxeinchiya j<sub>ntu</sub> coyene weiweinatsi beyacaincha poxonae yabara j<sub>ntu</sub> coyene weiweinatsi pomonae xua noventa y nueve poyobe jiwi pomonae xanapanaya peexanaewi, pomonae jopa Nacom pentichi”, jei Jesús.

*Meje yabara poxonae Jesús paeba pecayabara j<sub>ta</sub> pepaebi diwesiyo xua yab<sub>u</sub>yo yabara xua poxonae taeba paratiyo*

<sup>8</sup> Equeicha Jesús paeba pecayabara j<sub>ta</sub> pepaebi diwesiyo, jeye: “Petersiriwa diez po paratiyobe xeina xua pecacomocae paratixi. Cae paratiyo taichurucuaetsi, daxota pecoicha coicha exana. Bo tutu camona bewayo, beya matapainya taeba. <sup>9</sup> Poxonae barapowa paratiyo taeba bapoxonae pia jitowaxi waba, wabano powaxi petsicuarab<sub>u</sub> enaewaxichi. Barapowa namchi barapowaxitha: ‘Pana nebar<sub>u</sub> j<sub>ntu</sub> coyene

weiweinare poxoru bayatha taeban paratiyo, po paratiyo bayatha inta aichurucuae', jei. <sup>10</sup> Paca tsipaebatsi barichi peitabocothiecha Nacom pia matatsunpiwimonaе tatsi bichocono jantа coyene weiweina poxonae ichan Nacom tsita xeinatsi icha jantа coyene pon copiya penacui matacaetsin xua abe peexanae cuiru coyene peexanaein", jei Jesús.

*Meje yabara poxonae Jesús paeba pecayabara jata pepaebi diwesiyo xua pebin yabara pon pexanto cayabara cui jantemaina xua abe exana*

<sup>11</sup> Barichi equeicha Jesús paeba icha pecayabara jata pepaebi diwesiyo, jeye: "Jiton xeina pexantobe. <sup>12</sup> Pon xuyapin paxa barai: 'Axa, necare xua necopiniwa tsane pocotsiwa xua pana nejantana jebame bequein cataunxuae poponame', jei xuyapin. Nexata barapo jumetha coxiyan pexantobe tsata catabe. <sup>13</sup> Pirapaeyo xuyapin piawa caenaeta xua paxa catatsi. Barapo paratixi cuntha taju beya pona icha nacua beya. Icha nacuatha abe exana. Barapo paratixi cobe caewitatsi xua nasi cui matacaeta yabuxitha. <sup>14</sup> Poxonae bapon daxita paratixi wetaxuba, iruru mayayo tsuxubiru barapo nacuatha, barapon muxu piyain petupae. <sup>15</sup> Nexata bapon jeita penacuichiwa ichantha xua barapo nacuatha. Bara barapon itorobatsi xua petayapu eenaenexa marranomonaе. <sup>16</sup> Bapon piyain ichichipa xane marranomonaе pexunenowa xua petsebocoton, tsipei bapon jopa catichi pexaewa. <sup>17</sup> Nexata bapon pia coutha nanta xeinanaya najei: '¡Maisa taxa pia petanacuichiwichi tatsi pexaewa ajainbe, tonsana nawita! Nama xota ecanje tain muxu tatupae. <sup>18</sup> Tha tacoyo beya nawiyaetsi ichaxota taxa popona. Metha jan tsane: Axa, Nacom tsita abe exanan, yawa catsita abe exanatsino. <sup>19</sup> Daxota equeicha jopa be taxanto, nejam. Nenatsicotaema be jinya necata nacuichiwi jiwanan, jan tsane', najei barapo xuyapin. <sup>20</sup> Nexata bapon paxa beya caibe nawiya.

"Poxonae cataunxuae taju jiniya, paxa taebiyatsi, coxiyan pexanto yabara nantanuweya cui nanta xeina. Coxiyan pexanto matenta cuinaepoinya. Nexata pexanto cobe jayaba. Jantа coyene weiweinaya pexanto naisa cateita waetaba peantobexae. <sup>21</sup> Nexata barapo xuyapinxae paxa barai: 'Axa, Nacom abe tsita exanan, yawa abe catsita exanatsino. Daxota equeicha jopa be taxanto nejam. Nenatsicotaema be jinya necata nacuichiwi jiwanan', jei barapo xuyapin. <sup>22</sup> Ichitha coxiyan barapo jumetha barai pia petanacuichiwichi: 'Nainya papire pexeinya paparuwa pamaxatare taxanto. Yawa anillo pacobesi xatare. Yawa pataxu xatare xua penataxu xatatsiwa. <sup>23</sup> Vacayu pebtiyo poyo nasiteca pacarenande. Pabexore. ¡Bu xainchi! <sup>24</sup> Poxoru barapo taxanto mexeya nacata tupawejan, ichitha anoxuae asu. Bayatha nacata aichawiya, anoxuae matapainya netsita patopa', jei coxiyan. Nexata bapoxonae tamropata notarucupa xua weiweina poxonae xane", jei Jesús.

<sup>25</sup> Equeicha Jesús namchi, jeye: "Iuru pin penabanaewa exanompa, iruru matapin pabitha popona. Poxonae bo benawirena busi taeba xua busi tanbaba yawa jume tane xua juinya nawiraba. <sup>26</sup> Nexata barapon pon matapinxae waba caein pomonaе penacuichiwi. Yainyaba, jeye: '¿Eta xua juinya busi exanompa?' jei. <sup>27</sup> Nexata barapon pon penacuichiwi jiwana jume nota. Jeye: 'Apara poxoru neyapin patopa. Axa pana itoroba bepa pinae pabexubin vaca pebtiyo poyo nasiteca, poxoru pinae neyapin xanepanaya asuya pepatopaexae', jei. <sup>28</sup> Ichitha barapon pon matapinxae barapo jumetha anaepana. Jopa bejoniyaeyo

botha. Coxiyan pesato bejoniya, pexanto jume daunweya waba: ‘Owae, antha, antha jonarena’, jei coxiyan. <sup>29</sup> Nexata barapo coxiyan pexanto jume notatsi: ‘Bara xam caena bayatha yaputaneme xua ainya wei cata nacuitatsi yawa jopa cajumefebichi. Ichitha bapana jopa necat-sim peweinyo cabritiyo, tajiwimonae tabarũ nabanaenexa. <sup>30</sup> Ichitha barapo nexanto anoxuae cata patopa, xua jinya paratixi caewitaxuba xua penasi cui matacaetsiwa yabũxitha. Xam penacuichiwi itorobame xua vacayo pebtiyo bexubina poyo nasiteca tayapin nexa’, jei barapon pon matapinxae.

<sup>31</sup> “Nexata coxiyan jume nota pexanto: ‘Owae, apara xam cabarũ poponeibatsi. Daxita pocotsiwan xeinan, apara bara jinyawa. <sup>32</sup> Ichitha anoxuae wũnae nawita xua pin penabanaewa, yawa jũntũ coyene weiweinaeinchi poxoru barapo neyapin, pon xua mexeya nacata tũpawejan, anoxuae asũ popona. Caena bayatha nacata aichurucuae, yawa anoxuae matapainya naca tsita patopa’, jei coxiyan poxonae pexanto tsipaeba”, jei Jesús.

## 16

*Meje yabara poxonae Jesús paeba pecayabara jũta pepaebi diwesiyo xua pebin yabara pon jopa xanepanaya peyapucaeaein bo*

<sup>1</sup> Equeicha Jesús tsipaeba pijimonae pecayabara jũta pepaebi diwesiyo. Jesús jeye: “Matha irũ pebin popona pon copei pexeinaein. Bapon xeina pon bo petayapucaeaeinchi. Bapon pon copei pexeinaein tsipaebatsi ichamonae xua pinae pon bo petayapucaeaeinxatsi jopa pinae xapain exanaeyo, saya pinae abe exana, jei ichamonae. <sup>2</sup> Nexata bo pexeinaein pon copei pexeinaeinxae, bapon waba pia petayapucaeaeinchi bo. Bapon barai pontha pon bo petayapucaeaeinchi, jeye: ‘¿Jame ichamonae jume tan xua pinae inta abe exaname xua tawan? Incane tha taetsi xua po paperantha tinadubame pocotsiwa inta caenaetame, xuano xua inta comocame. Tsipei jopa becaexanaetsi equeicha xua inta yapucaecame daxita tawan’, jei. <sup>3</sup> Nexata pon bo peyapucaeaeinxae nacui yabara nanta xeina pia coutha, nabarai: ‘¿Eta pocotsiwa exanocuaein anoxuae tsipei nama pon tanecanamataxeinaein imoxoyo necopata xua bapoxonae jopa taxeinaewa tsane pocotsiwa taexanaewa? Jopa nebusi coxonaeyo xua naein tauncatsiwa pabitha. Auran tsipae xua saya amanaya i tawũqueibiwa paratixi. <sup>4</sup> Jaina, bara yaputan xua po coyeneya exanaein poxonae tanecanamataxeinaein necopatsina, xua poxonae jopa xeinaein tsane tanacuichiwa xua ichamonae tanententa wabeibinexa pia botha’, jei. <sup>5</sup> Nexata bapon pon bo petayapucaeaein daxita tamropatsiya wawabapona pomonae pia pecanamataxeinaeinchi petantoma amanayabixaetsi. Bapon matha yainyaba pontha pon copiya patopa jeye: ‘¿Eta xoyobe matoma amanayabame xua jopa cataunxuae catsim pontha pon tanecanamataxeinaein?’ jei. <sup>6</sup> Bapon jume nota, pon bo peyapucaeaein, jume notatsi, jeye: ‘Cien po penasi mera bosibũbe xua pin bosixibũn tha baxua catichi, ichitha cataunxuae jopa baxota matomatsinyo barapo penasi mera bosibũn’, jei. Pon bo petayapucaeaein xuya jume nota: ‘Taema xote xeinanje jinya papera xua tinadutame, cien po nasi bosixibũn, jam, xua bexa matomatsiname. Xote nainya ecoundeinque barapo netinadutsiwa, iquinaxore. Icha itaneto dure xua saya cincuenta po penasi mera

bosixibabe, jande', jei pon bo petayapucaeaein. <sup>7</sup> Bapoxonae equeicha ichantha yainyaba: 'Incane iru xamdu, zeta xoyobe tanecanamataxeinaein taacoibichi xua catsiname bapon?' jei. Bapon jume nota, pon bo petayapucaeaein jume notatsi, jeye: 'Tha catichi cien po sacube aro sacun', jei bapon. Nexata pon bo petayapucaeaein xuya jume nota: 'Taema xote xeinanje jinya papera xua bayatha tinadutame xua cien po sacube, jam, xua bexa matomatsiname pontha pon tanecanamataxeinaeintha. Xote nainya ecoundeinqe barapo itaneto tsitsinaxore, icha pena netinadutsiwa tinadure xua saya ochenta po sacube, jande', jei pon bo petayapucaeaein. <sup>8</sup> Ichitha bo pexeinaein yabara paeba pon bo petayapucaeaeinchi xua pinae bequein bara bapon abe taexana ichitha yaputane xua pocotsiwa pia coutha nayawena xua poxonae pia jiwimonae peexanaewa. Daxota paca tsipaebatsi pomonae anoxuae jinompa barapo cae pin nacuathe, pomonae jopa penejume cowantsiwi nama barichi. Barapomonae yabara najuntu coyene wnaeta xua po coyene cae jiwimonae penaexanaewa xua daxota cae jiwimonae nantiya penayaweneibinexa. Baxua barapomonae exana beyacaincha pomonae Nacom pejume cowantsiwi.

<sup>9</sup> "Paca tsipaebatsi ichamonae pacatsibeibare paratixi xua painya jiwi painya neexaneibinexa po paratixi xeina pomonae barapo cae pin nacuathepiwi pomonae abe peexanaewi. Bapoxonae poxonae jopa paxeinaem tsane paratixi pomonae bayatha payawenname barapomonae paca matenta weiweinaya wabina po bontha xua ataya tsitecaeya pajinompaname.

<sup>10</sup> "Pon xua xanepanaya yapucaeca xua poxonae peya penacuichiwiyo, barichi beta yapucaeca xua poxonae pin penacuichiwa. Pon naerabiya exana poxonae peya penacuichiwiyo, barichi naerabiya exanaena xua poxonae pin penacuichiwa. <sup>11</sup> Icha paxam jopa xanepanaya patayapuenam xua paratixi xua barapo cae pin nacuathe nexa, Nacom jopa paca itorobiyo xua patayapuenaname xua bapon pia pexeinya pexeinaewa tatsi. <sup>12</sup> Icha jopa xanepanaya payapucaeacem ichan piawa, metha nexata jopa paca catsipae xua painyawa nexa tsane painya neyapucaeawamxae.

<sup>13</sup> "Jiton dapon aibi pon xeina ainya pia pecanamataxeinaeinchibe tatsi xua pon beta tanacuita barapo pia ainya pecanamataxeinaeinchibe tatsi. Tsipei barapo petanacuichin meisa antobeya taexana caeintha pon pia pecanamataxeinaeinchi poxonae itorobatsi. Icha pia pecanamataxeinaeinchi jopa taraichiyo. Cae pia pecanamataxeinaeinchi xanepanaya taexana. Icha pia pecanamataxeinaeinchi abeya taexana. Barichi jiton pon bichocono antobe Nacom, jopa itacupaetsi xua bichocono peantobewa paratixi poxonae yawa bichocono antobetsi Nacom", jei Jesús.

<sup>14</sup> Ichitha fariseomonae pomonae xua bichocono antobe nawita paratixi, barapomonae baraxua Jesús jume tayenatsi, yawa Jesús cui caponatsi. <sup>15</sup> Nexata Jesús fariseomonae baraichi, jeye: "Paxam barapomonae pam, xua ichamonae paca yabara nanta xeina xua pejuntu coyene xanepanaje jiwi pam. Ichitha Nacom paca juntu coyene yaputane xua peajuntucoyenebe jiwi pam. Xua pocotsiwan jiwi bichocono tsita ainya cuichi, baxuan Nacom bichocono tsita abetsi", jei Jesús.

*Meje yabara poxonae Jesús diwesi yabara paeba Moisés pia peitorobi*

*coyene tatsi, yawa po coyene Nacom waba jiwi petanaexanaenexatsi pijimonae pomonae itorobiya pecanamataxeinaexae*

<sup>16</sup> Equeicha Jesús namchi, jeye: “Caena bayatha jiwi xeina Moisés pia peitorobi coyenewa tatsi, yawano xua pomonae Nacom peitorobi jume pepaebiwi pia peucidubiwa tatsi, beya Juan patopa. Barapoxonae caena poxonae Juan popona pon jiwi Pebautisabin, jiwi paebinouta po coyene Nacom xua waba jiwi petanaexanaenexatsi pijimonae tatsi pomonae itorobiya peewatsixae. Jiwi bewa yabara najant<sub>u</sub> coyene s<sub>u</sub>bi awiya xua pepatsinexa Nacom pia peitorobi nacua beicha tatsi.

<sup>17</sup> “Yapu xanepana xua itaboco yawa ira peweraweracaewa. Nama Nacom peitorobi jume ajumeyapus<sub>u</sub> bapana jopa peweraweracaewa bequein bara cae peitorobi coyene”, jei Jesús.

*Meje yabara poxonae Jesús cuiduba xua jiwi piseurixi pepuna penteibiyainwa*

*(Mt 19.1-12; Mr 10.1-12)*

<sup>18</sup> Equeicha Jesús namchi, jeye: “Pon punaxuba piowa yawa ichowa pichapa, bapon abe exana piseuritha yawa Nacom peit<sub>u</sub>tha tatsi, tsipei Nacom tsitatsi xua powa copiya bar<sub>u</sub> popona apara bara piowa tatsi. Barichi pon pita petsiriwa powa pepunaxubixae piseuri, bapon barichi pia coutha abe natsiexana, tsipei Nacom ichowa yabara nanta xeina xua bapowa cataunxuae pia pebin xeina bequein bara punaxuba”, jei Jesús.

*Meje yabara poxonae Jesús diwesi yabara paeba xua pon copei pexeinaein ir<sub>u</sub> ich<sub>u</sub>n pon Lázaro*

<sup>19</sup> Equeicha Jesús tsipaeba icha diwesi, jeye: “Matha ir<sub>u</sub> barichi pebin pon copei pexeinaein. Pexeinya paparuwan xua pena paparuwa nama xatabapona. Mata<sub>u</sub>ta daxita matababi peit<sub>u</sub>panae nabanaewa exaneiba. <sup>20</sup> Ir<sub>u</sub> ich<sub>u</sub>n pebin popona, pon pew<sub>u</sub>n Lázaro pon peacopeibin. Bapon Lázaro wan nawita xeina repar<sub>u</sub>totha. Bapon iratha eca pon copei pexeinaein pia bo bopatha weya tatsi. <sup>21</sup> Xua pon copei pexeinaein pia pexaethopaewatha taothopeicatsi pexaewa pep<sub>u</sub>ruwan, baraxua Lázaro ichichipa xaiba. Yawa aurimonae pata xua Lázaro pewan daebinexatsi. <sup>22</sup> Icha matababitha Lázaro t<sub>u</sub>pa. Matatsunpiwi Lázaro jumope pitatsi. Jumope capoinchi ichaxota Abraham popona athabeicha. Ir<sub>u</sub> pon copei pexeinaein t<sub>u</sub>pa, yawa m<sub>u</sub>th<sub>u</sub>tha xotsi.

<sup>23</sup> “Pon copei pexeinaein patopa ichaxota pateiba pomonae pewerapeibiwi barapo pet<sub>u</sub>pae cuiru coyene nacua<sub>u</sub>tha. Bapon bichocono atene. Bapon athabeicha necoicha. Bapoxonae Abraham taj<sub>u</sub> taebiyatsi asiyeicha, yawa xua Lázaro bar<sub>u</sub> equiyatsi. <sup>24</sup> Pon copei pexeinaein wawai: ‘Tamo susato jiwanam, Abraham, necui yabara nanta xeinare. Inta Lázaro itorobinca taneebato memeynatsinexa meratha poxoru bichocono netaxua po isotothe uncuan’, jei. <sup>25</sup> Ichitha Abraham jume nota: ‘Tamonae susato jiwanam, nanta xeinatabare xua caena bayatha poxonae cataunxuae as<sub>u</sub> poponame, xeiame xua acabem xua pocotsiwan ichichipame xua nexei<sub>u</sub>awa. Xanepanaya poponame. Ichitha nama Lázaro jopa daichiyo poxonae cataunxuae as<sub>u</sub> popona. Jopa xanepanaya poponaeyo. Xote bapon w<sub>u</sub>nae yabara nantanuweya cananta xeinatsi xua peyawenaenexatsi. Ichitha nama xam jopa caraichiyo. Bichocono caper<sub>u</sub> weyawa. <sup>26</sup> Yawa pin pitapatororo naca yacaincha ducua. Daxota pomonae ichichipa bara bedunareca taxainya wereca jopa



itacupaetsi xua bara beparecaena nexainya bereca. Iru pomonae nexainya weruneina jopa itacupaetsi xua taxainya betsina pepatsinaenexa', jei.

<sup>27</sup> "Nexata pon copei pexeinaein jume nota: 'Nexata tamo susatopim cawacatsi inta Lázaro itorobare taxa pia bo beya. <sup>28</sup> Baxota xeinan cinco poyobe tayapin jiwi. Abraham Lázarotha najume carure xua bu tayapin jiwi jopa pepatsinexaru tsane ichaxota uncuana xua bichocono atenein', jei. <sup>29</sup> Ichitha Abraham jume nota: 'Apara neyapin jiwi xeina Moisés pia peitorobi coyene tatsi, yawa Nacom peitorobi jume pepaebiwi pia penacuidubiwan tatsi. Bu barapomonae exana pocotsiwa baraxua pejume coya', jei Abraham. <sup>30</sup> Pon copei pexeinaein jume nota: 'Aa, tamo susato jitom, Abraham, ichitha icha petupaewi jiwana caein siwa ponaena barapomonae beya, barapomonae jume cowantsina yawa icha juntu coyene pexeinaenexa tsane Nacomtha', jei. <sup>31</sup> Ichitha Abraham jume nota: 'Icha barapomonae jopa exanaeyo xua peexanaewa pocotsiwa Moisés pia peitorobi coyene tatsi itoroba, xuanu xua Nacom peitorobi jume pepaebiwi pia pecuidubiwan tatsi, barapomonae jopa jume cowantsipae bara bequein Nacom taitorobichipa xua jiwana caein pomonae petupaewi', jei Abraham", jei Jesús.

## 17

*Meje yabara poxonae Jesús paeba xua jiton jopa bewa cana exanae ichantha xua iru abe peexanaewa tsane*

(Mt 18.6-7, 21-22; Mr 9.42)

<sup>1</sup> Jesús namchi pijimonaetha, jeye: "Barapo nacuathepiwi ataya xeineiba po jiwi pecana exanaeatsi xua ichamonae cana exana xua barapo jiwi abe peexanae cuiru coyene peexaneibinexa xua daxota jopa nejume cowanteibiyo. Ichitha pebin tsocuae xua bapon cana exana, xua ichan cana exanatsi, xua ichan abe peexanaewa tsane. <sup>2</sup> Metha jame wuna tsipae xua barapo pebin pin iboto wisi cutsipatsi pin mar mentha barapo iboto cayawa cabutabachipatsino. Tsipei jopa wuna tsipae xua bapon cana exana xua ichamonae abe peexanae xuiru coyene exana pomonae cataunxuae aena nejume cowanta. <sup>3</sup> ¡Dota pam, xua jopa bara paichim tsane!

"Icha ichan pon iru pejume cowantsindu, icha bapon pacata abe exana, bapon baxua yabara patsipaebare. Icha icha juntu coyene paca tsita xeinaena peauraxae xua pacata exana, bapoxonae pacui yabara juntemainare pocotsiwa bapon pacata exana. <sup>4</sup> Bequein bara bapon abe pacata exana, siete po cuiyobe xua cae matabitha, yawa paca tsipaeba siete po jumeyobe, bapon jeye: 'Maisa auran tsocuae xua abe pacata exanatsi, equeicha jopa pacata abe exanae tsainchi', jei pon abe exana. Daxota paca jeichi xua nantawenona peyabara juntemainaewa baxua xua po coyene bapon pacata abe exana", jei Jesús.

*Meje yabara poxonae Jesús yabara paeba xua pin pejume cowantsi coyenewa*

<sup>5</sup> Jesús pon Pecanamataxeinaein jiwi, equeicha pia peitorobiwi baraichi, jeye:

—Pana cana exande xua bichocono pata jume cowantsiwa beyacaincha xua anoxuae, jei barapomonae.

<sup>6</sup> Nexata Jesús pia peitorobiwi jume nota, jeye:

—Icha paxeinaetsipame xua be peya pejume cowantsi coyenewiyo xua bequein icha mostaza xutiyo juta ichi xua tsica xutiyo ichitha bara paca itacupa xua naewatha painya nejeiwa: ‘Ee, naewa jinya coutha natabu jonde yawa pin mar mene beya equeicha uncuare’, painya nejeiwa. Bapoxonae barapo nae jopa bayatha tsipae poxonae pajam tsipae baxua, jei Jesús.

*Meje yabara poxonae Jesús paeba xua pocotsiwa jivi bewa exanae pocotsiwa pentacaponaein itoroba*

<sup>7</sup> Equeicha Jesús namchi, jeye: “Metha ba paxam jiwana caein xeina pia petanacuichinchi pon penacuichin bapon ira cacobauya, matauta vaca yapu capopona. Bapoxonae bapon pon penacuichin wexua wenawirena, bo benawirena. Pon paxam jiwana caein metha bapon jopa jei tsipae: ‘Anetha, jondena matha xaema’, jopa jei tsipae bapon. <sup>8</sup> Jame bapon jei tsipae: ‘Pexaewa netsiupain exanare. Inta carena tsailbinde pexaewa pexaethopaewatha poxonae xunaecan. Bapoxonae cotacaya bexa nabanare’, jei tsipae pon paxam jiwana. <sup>9</sup> Pon penacuichin jopa jei tsipaetsi: ‘Jaco xua taneyawenaewam’, jopa jei tsipae pon paxam jiwana. Tsipei saya taexanatsi xua bapon peitorobixae. <sup>10</sup> Icha pon petanacuichin ichi xua taexana peitorobixaetsi pia pentacaponaein, paxam bara juta paichinde. Poxonae pawetame pocotsiwa Nacom paca itoroba, pajande: ‘Paxan pata nebusi cui tataewimonae pan xuano pata pecui pawi pan, tsipei saya paexanan xua pocotsiwa bewa paexanaein’, pajande”, jei Jesús.

*Meje yabara poxonae Jesús axaibi exana diez poyobe pebiwi, pomonae peperu sawichimonae*

<sup>11</sup> Poxonae Jesús cataunxuae ecapona Jerusalén tomara beya nexa, Samaria nacua iya pona yawa Galilea nacua iya pona. <sup>12</sup> Poxonae Jesús tsica tomariyotha patopa, diez poyobe pebiwi pata Jesús pia xantha tatsi. Barapo diez poyobe peperu sawichimonae, ichitha barapomonae Jesús tajū wetaeumendenatsi. <sup>13</sup> Barapomonae wawai, jeye:

—Jesús, pon Patatanecuidubim, pana neyabara najantu coyene xeinare jinya pata tana neyawenaenexam, jei barapo peperu sawichimonae.

<sup>14</sup> Poxonae Jesús tane barapomonae, Jesús barai, jeye:

—Paponare sacerdotemonaetha painya nepaca cataenexa, jei Jesús.

Poxonae cataunxuae namtotha enapona, bapoxonae barapomonae perū jume tsurucupae xua peperu sawiwatsi barapomonae. <sup>15</sup> Barapo diez poyobe jiwana caein, poxonae bapon taeba xua axaibi tsurucupae, bapoxonae Jesús beya pona, xua caibeya pona, yawa jume daunweya Nacom wūnae jaintatsi. <sup>16</sup> Barapon pentabocototha uncua Jesús peitabaratha tatsi. Yawa irabe taeuncuareca xua Jesús pejacobinexatsi. Barapo pebin apara pon seicaya Samaria nacupin. <sup>17</sup> Nexata Jesús namchi, jeye:

—¿Diez poyobe itara axaibi exanan? ¿Incane dapo nueve poyobe jane? <sup>18</sup> Bapon apara penanapaincha jinompaewi jiwana pin. Yawa cou compa caiberena pia wūnae jainchichi Nacom, jei Jesús.

<sup>19</sup> Nexata Jesús equeicha pebin baraichi, jeye:

—Nontaponde pondeno, bayatha axaibim tana neyabara jume cowantsixaemxae xua bara tana neitacupaewa xua axaibi tacaexanaewatsi, jei Jesús.

*Meje yabara poxonae Jesús yabara paeba po coyene xua poxonae Nacom itorobiya ewatsina jiwi*  
(Mt 24.23-28, 36-41)

<sup>20</sup> Fariseomonae Jesús yainyabatsi namchi, jeye:

—¿Eta poxonae Nacom itorobina pon peitapetsinxae pata tanecapanenebiwa exanaenexa, xuano xua itorobiya pata taneewatsiwa? jechichi barapomonae Jesús.

Jesús jume nota, jeye:

—Poxonae Nacom itorobiya ewatsina jiwi, barapo coyene jiwi jopa itacupaetsi xua petaewa baxua. <sup>21</sup> Daxota jiwi jopa jei tsane: ‘Baraxote bayatha patope’, jopa jei tsane. Matautano jopa jei tsane ‘Xoteicha bayatha patope’, jopa jei tsane. Tsipei apara po coyene xua Nacom itorobiya ewatsina jiwi barapo coyene patopa jiwitha. Daxota Nacom juntu coyene itorobiya ewatsina jiwi pomonae pejume cowantsiwixaetsi Nacom, jei Jesús.

<sup>22</sup> Nexata Jesús barai pijimonae, jeye:

—Matacabin othopaena po matacabintha poxonae paichichipame xua painya tana netaewam xua ponxaein Nacom Tananeitapetsin xuano xua muxuna bepataebenaename caentacabi xua barapo matacabin jiwana. Dapo jumetha jopa painya nepaca itacupaewa tsane xua painya tana netaewam tsane xuano xua caentacabi xua barapo matacabin jiwana. <sup>23</sup> Ichamonaе paca jei tsane: ‘Baraxote bayatha patopa bapon’, paca jei tsane. Ichacuitha paca jei tsane: ‘Baraxoteicha bayatha patopa bapon’, paca jei tsane, ichitha jopa paponaeinde bara beya yawa jopa pajume cowantsinde. <sup>24</sup> Icha yamuxu ichi xua jemeicha yacoicha uncueica, xua coicha nayotaxuba itabocototha, barichi tsane po matacabitha poxonae patopeicaein ponxaein Nacom Tananeitapetsin. <sup>25</sup> Ichitha copiya nantawenona xua neperaxa jubina ichamonaе. Yawa neitawetsinano pomonaе xua anoxuae jinompa. <sup>26</sup> Icha matha ichi poxonae Noé caena bayatha popona jiwi jopa tsaqueinaeyo xua Nacom pin awabo exanaena methaunxuae. Saya barompaya icha juntu cuitha jinompa daxota jiwi werapa. Barichi juta ichi tsane poxonae patopeicaein barapo cae pin nacuathe xua ponxaein Nacom Tananeitapetsin. Poxonae patopeicaein jiwi jopa tsaqueinae tsane xua Nacom werapa exanaena barapo jiwi pomonaе jopa pejume cowantsiyoxaetsi. <sup>27</sup> Pomonaе jinompa poxonae Noé popona, barapomonaе junteма nabaneiba, yawa apeiba, yawa apeiba yawa jiwitha jijinapona yawa pexantixi jitha dodoubapona, beya yantacabi othopa poxonae po matacabitha Noé pin jera naetha joniya. Barapoxonae pin ema mu jopa. Daxita Noé wepu bunothopatsi pomonaе jinompa poxonae Noé popona. <sup>28</sup> Barichiru jiwi pocotsiwa ichamonaе exana poxonae ichun pebin popona pon pewun Lot. Barapomonaе nabaneiba, yawa apeiba, yawa comaqueiba, yawa caenaeteiba, yawa pexaewa ubeiba, yawa bomuxun acabeiba. <sup>29</sup> Poxonae bapon Lot Sodoma tomara wenaetabiya, barapoxonae iso itere mu, mu othopeica tomaratha, yawa pocotsiwa be ibo paru baxua itaboco weothopeicano xua bichocono atou. Daxita Sodoma tomarapiwi werapa. <sup>30</sup> Icha Sodoma tomaratha ichi xua jemeicha iso itere mu, mu othopeica yawa xua jemeicha ibo paru itaboco weothopeica, bara juta ichin tsane jemeicha patopeicaein ponxaein Nacom Tananeitapetsin poxonae jiwi tsita naitatsin.

<sup>31</sup> “Barapo matacabitha icha ichan bo matatupatha uncua, barapon jopa bewa botha joniya tsane xua penotsiwa tsane pocotsiwa tabobeinchi bomuxu tututha. Iru pon pabitha popona jopa bewa caibeya ponae tsane botha, saya jame nainya benaetsiricaena. <sup>32</sup> Pacui yabara nanta xeinare Lot piseuri tatsi xua tupa poxonae jopa nainya naetsiricaueyo piawan caibe pesiwa necoyaexae. <sup>33</sup> Pon naantobeya nata exana pocotsiwa bapon ichichipa, bapon jopa xeinaeyo peajantuyapusawa po peajantuyapusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan bapon xeinaena peajantuyapusawa, po peajantuyapusawa ataya tsiteca xua Nacom pia nacua beicha.

<sup>34</sup> “Paca tsipaebatsi po mataqueitha patopaein, ainya pebinbe ponbe xua nanta jupaya maitecabe, caein matatsunpin pichina, pon pejume cowantsixae Nacom. Ichun saya cuenta ponaeinchi jopa pejume cowantsiyoxae Nacom. <sup>35</sup> Iru ainya yabuyobe nacuara yacatorobauyaenabe, ichowa matatsunpin pichina pejume cowantsixae Nacom. Ichowa saya cuenta ponaeinchi jopa pejume cowantsixae Nacom. <sup>36</sup> Iru ainya pebinbe nacuara nacuitauyaenabe pabitha, ichun matatsunpin pichina, ichun saya cuenta ponaeinchi”, jei Jesús.

<sup>37</sup> Poxonae baxua Jesús pijimonae jume tainchi, Jesús yainyabatsi jeichichi, jeye:

—Pata Tanecanamataxeinaem, ¿exota metha baxua exanaena? jeichichi pijimonae.

Jesús pijimonae jume nota pecayabara jata pepaebi diwesiyotha, jeye:

—Quequeremonae ba nacaetuta ichaxota baurin boca. Bara jata paichim tsane paxam pomonae tana nejume cowantsi jiwi pam pana newnae ewatsiname po mataqueitha patopeicaein, barapo mataqueitha panacaetutsiname, jei Jesús.

## 18

*Meje yabara poxonae Jesús paeba pecayabara jata pepaebi diwesiyo xua yabuyo yabara powa pecuenta tupaewayotsi piseuri xua iru pon jiwi peyabara paebin xua penatsicuentsiwa xua abe peexanaexae*

<sup>1</sup> Jesús pijimonae tsipaeba pecayabara jata pepaebi diwesiyo xua pecuidubinexa, jeye: “Paxam daxita matacabi bewa pawaqueibim Nacom. Painya xoba paajantucoyenefaetabim tsaibim poxonae pawaqueibame”, jei Jesús. <sup>2</sup> Equeicha Jesús pijimonae barai, jeye: “Matha iruru tomaratha popona pon jiwi peyabara paebin xua penatsicuentsiwa xua abe peexanaexae. Bapon jopa Nacom cunuwichi. Yawa bapon jopa beta yabara nanta xeinaeyo jiwitha xua peyawenaenexa. <sup>3</sup> Barapo tomaratha iruru popona petsiriwa, powa pecuenta tupaewayotsi piseuri. Barapowa siwa poneiba pontha pon jiwi peyabara paebin xua penatsicuentsiwa xua abe peexanaexae. Barapowa jei tsaibi bapontha: ‘Neyawende, ichun inta abe exana’, jei tsaibi. <sup>4</sup> Pon jiwi peyabara paebin xua penatsicuentsiwa xua abe peexanaexae bapon ainya matacabin juntucuru jopa beexaneibiyo pocotsiwa barapowa waqueiba. Ichitha bapon matapainya nanta xeina. Najei: ‘Xan apara jopa Nacom cunuwinyo. Matauta jopa beta tayabara nanta xeineibin jiwi xua tayawenaenexa. <sup>5</sup> Ichitha barapo pecuenta tupaewayotsi piseuri matowa nefayacota daxota neamuxufaetabi

exana. Metha moya barapowa yawenaein, xua equeicha barapowa jopa penesiwa ponaenexa, tsipei bichocono amuxufaetabin', najei pon jiwi peyabara paebin xua penatsicuentsiwa xua abe peexanaexae", jei Jesús.

<sup>6</sup> Jesús pon Pecanamataxeinaein jiwi equeicha namchi, jeye: "Baxua apara pocotsiwa paeba pon jiwi peyabara paebin xua penatsicuentsiwa xua abe peexanaexae xuano pon jopa beta yabara nanta xeinaeyo jiwitha xua peyawenaenexa. Pajume naitaeware pocotsiwa bapon paeba. <sup>7</sup> ¿Eta xua metha pananta xeiname? ¿Metha bara Nacom came bayatha tsaibi poxonaei jiwi yaweneibatsi pomonaei xua pewñqueibixaetsi? ¡Jume, apara! Nacom nainya jiwi yaweneiba poxonaei barapo jiwi abe exaneibatsi ichamonae, beyacaincha xua barapowa yawenatsi. Jame yatsicaewa Nacom yaweneiba pomonaetha pomonaei peitapetsixae pewñqueibixaetsi merawitha yawa mataqueithano. <sup>8</sup> Paca tsipaebatsi xua Nacom jopa bayatha tsaibiyo xua peyaweneibinexa pomonaei ne-jume cowanta. Xan ponxaein Nacom Tananeitapetsin poxonaei patopeicaein, ¿metha bara pin bicheito taeoyeicaein jampa, pomonaei xua xanepanaya beta tana nejume cowantsiya jinompaewi pomonaei Nacom pewñqueibiwichi?" jei Jesús pijimonaetha.

*Meje yabara poxonaei Jesús paeba pecayabara juta pepaebi diwesiyo yabara xua fariseomonaei iru pon paratixi matoma penoteibin*

<sup>9</sup> Jesús icha pecayabara juta pepaebi diwesiyo tsipaeba pomonaetha pomonaei jiwi peaebiwi pomonaei xua nayabara nanta xeina xua pinaei beta jume cowanta xua pinaei ichamonae jopa daichiyo. <sup>10</sup> Jesús namchi, jeye: "Irññ ainya pebinbe Nacom pin pia bo beya ponabe, xua baxotiya pewñcaenexabe Nacom. Ichññ fariseomonaepin, ichññ bapon jiwana pomonaei paratixi pentoma noteibiwi po paratixi jiwi bewa catsibina pon romanomonaei itorobiya pia pepa peewatsinchi nexa. <sup>11</sup> Fariseomonaepin nantacotuncua yawa penthutotha wñca Nacomtha. Poxonaei tsipaeba Nacom, jeye: 'Nacom meisa xam nejñntñ coyene xanepanaein. Jñntñ coyene weiweinan xua tana neyawenaewam tsipei xan jopa be ichamonaeinyo pomonaei xua jiwi pecaibiwi, yawa xua peabewi, xuano xua penasi cui matacaetsiwi yabñxitha. Matañtano xan jopa dapomonaei jiwanyo pomonaei xua paratixi pentoma noteibiwi po paratixi jiwi bewa catsibina pon romanomonaei itorobiya pia pepa peewatsinchi nexa. <sup>12</sup> Xan cayabara nainbotatsi ainya cuiyobe xua cae semanatha, beta tacawñqueibinexatsi. Matañtano cae paratixi jiwana wetsabeiban xam nexa poxonaei diez po paratiximonaebe xeineiban. Yawano daxita xua xeinan baxuano jiwana tsaban xam nexa', jei fariseomonaepin. <sup>13</sup> Ichitha pon paratixi pentoma noteibin auranaya tajñ beuncuiya. Saya irabe necoreca yawa jopa athabe necoichaeyo. Saya ñ penantanuweya penanthñthñ jayabi abe peexanaeinxae. Bapon Nacom wñca, jeye: 'Jaibo, Nacom neyabara najñntñ coyene cui xeinare xua tana neyawenaewam tsane bequein bara taajñntñcoyenyapubein', jei pon paratixi matoma penoteibin. <sup>14</sup> Barapon pon paratixi penoteibin poxonaei najume weta xua wñca Nacom, nawiya pia bo beya. Paca tsipaebatsi xua barapon Nacom tsitatsi xua jopa xeinaeyo xua penatsicuentsiwa xua abe peexanaexae. Ichitha fariseomonaepin jopa daichichi tsipei bapon awiya peajñntñcoyenebein. Pon xua pia coutha peainya cui jiton naexana pejñntñ coyenetha, Nacom exanaena xua

bapon pecui pawí jítón naexanaena. Ichitha pon xua pepawí naexana pejuñtũ coyenetha, Nacom exanaena xua bapon peainya cui jítón naexanaena”, jei Jesús.

*Meje yabara poxónae Jesús jeye pexuitha: “Barabũ Nacom beta paca yawenaena”, jei*

*(Mt 19.13-15; Mr 10.13-16)*

<sup>15</sup> Nexata jiwi Jesús tacaponatsi pexui, xua Jesús pejayabinexa pecobetha yawa xua Nacomtha petawũcaenexa barapo pexui xua pejeinexa: “Barabũ Nacom beta paca yawenaena”, pejeinexa. Ichitha Jesús pijimónae tatsi poxónae baxua tane, tamropata notarũcũpa xua barapomónae cui matawentatsi pomónae pexui carendena tsaibi. <sup>16</sup> Ichitha Jesús waba pexui. Jesús pijimónae barai:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomónae nexa pomónae pejuñtũ coyene xanepánaewi icha pexui ichi. Pexui pia cui xua tayapu xanepánatsi xua pia juñtũ coyeneintha jume cowũnta Nacom. <sup>17</sup> Xaniyan paca tsipaebatsi. Pon jopa yabara jume cowũntsiyo xua icha be jopa pexui ichiyo xua ba pexui tayapu xanepánatsi xua jume cowũnta, bapon bapana jopa naexanae tsane Nacom pijimónae tatsi pomónae Nacom itorobiya ewata, jei Jesús.

*Meje yabara poxónae pewowin pon copei pexeinaein Jesús tsipaebatsi*  
*(Mt 19.16-30; Mr 10.17-31)*

<sup>18</sup> Caein pon pentacaponáewi jiwánapin bapon Jesús yainyabatsi, jeichichi:

—Ja Tanecuidubim, maisa nejuñtũ coyene wũnaem. ¿Eta xua copiya matha exanocuaein xua ajuñtũyapũsũya tapopónaewa tsane xua ataya tsane? jei.

<sup>19</sup> Jesús jume epa pita, jeye:

—¿Eta xua nebaram: ‘Nejuñtũ coyene xanepánaem’, jam? Apra ichũn dapon aibi pon pejuñtũ coyene xanepánaein. Jame meisa apra bapon Nacom compa pejuñtũ coyene xanepánaein. <sup>20</sup> Xam yaputaneme po coyene Moisés pia peitorobi coyenewatha itoroba xua jeye: ‘Jopa ichowa pichinde ichũn piowa tatsi, jopa ichũn bexubinde, jopa caibinde ichũn piawan tatsi, jopa naerabiya cayabara paebinde pocotsiwa ichamónae exana. Axatha jume barũ cui itura jinare. Mataũtano enatha jume barũ cui itura jinare’, jei Moisés, jei Jesús.

<sup>21</sup> Pon pentacaponáein jume epa pita, jeye:

—Daxita caena bayatha barapo coyenein exaneiban, poxónae pexuyothan tamropata pitaban, beya anoxuae yacuiya pinyon, jei.

<sup>22</sup> Poxónae Jesús baxua jume tane, Jesús barai, jeye:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyónexa tsane xua pocotsiwa xanepánaeya neexanaewa, matha daxita caenaere pocotsiwa xeiname, yawa catsibare pomónaetha pomónae peacopeibi jiwi. Bapoxónae jame moya anetha, nepuna ponde. Bequein bara bapoxónae acopeibim tsane, daichitha Nacom cacatsina peitaboco beicha, pocotsiwa Nacom necajuñtana botsiwa pocotsiwa bichocono wũnae, jei Jesús.

<sup>23</sup> Poxónae barapo pebin jume taeba, bichocono juñtũ wecoyeyi, tsipei bichocono copei pexeinaein. <sup>24</sup> Poxónae Jesús tane xua barapon juñtũ coyene wecoyeyi, Jesús barai, jeye:

—jMaisa bichocono ayapubecai xua copei pexeinaewi naexana Nacom pijimonaе tatsi jiwana pomonaе itorobiya canamataxeina! Tsipei barapomonaе bichocono antasiwayatane barapo pia copei, beyacaincha xua Nacom antobetsi. <sup>25</sup> Nama bichocono acuiruyapube xua duwein pon pewn camello xua bapon pejoniyaewa acuicheto peetabn wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonaе tatsi jiwana pomonaе itorobiya canamataxeina beyacaincha xua poxonaе acuiruyapube xua poxonaе camello acuicheto peetabn wan iya pejoniyaewa, jei Jesús.

<sup>26</sup> Pomonaе xua baxua jume taerupa, barapomonaе Jesús yainya-batsi, jeye:

—Bapoxonaе ¿jintam metha nexata itacupatsi xua penacapanepaewa pia coutha? jei barapomonaе.

<sup>27</sup> Jesús jume nota, jeye:

—Pebiwi ba jopa itacupaetsi xua baxua exana, saya jame meisa Nacom compa itacupatsi xua jiwi napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

<sup>28</sup> Pedro barai, Jesús baraichi:

—Tapata Tanecanamataxeinaem, paxan daxita pacuenta ponan pocotsiwa paxeinan pata paca puna ponaewa tsainchi, jei Pedro.

<sup>29</sup> Jesús jume nota, jeye:

—Bara xainyeya paca tsipaebatsi. Nacom beta cana exanaena daxita pomonaе peyabara cueicueijeixae po diwesi xua Nacom waba jiwi petanaexanaenexatsi pijimonaе tatsi pomonaе itorobiya peewatsixae. Nacom beta cana exanaena barapomonaе pia bon pecuenta ponaexae, yawa piseuri pecuenta ponaexae. Matautano beta cana exanaena pomonaе peweichowi pecuenta ponaexae. Matautano beta cana exanaena pomonaе pamchowi pecuenta ponaexae. Matautano beta cana exanaena pomonaе paxei jiwi pecuenta ponaexae, matautano peniwi pecuenta ponaexae. Matautano beta cana exanaena pomonaе pia pexui pecuenta ponaexae. <sup>30</sup> Barapomonaе barapo coyenein exana taneantobe jiwixae, daxota daxita barapomonaetha Nacom jopa juniya catsi tsane barapo cae pin nacuathe. Matautano barapomonaetha Nacom catsina pia peitorobi nacuatheicha peajuntacoyeneyarusawa po peajuntacoyeneyarusawa ataya tsiteca, jei Jesús.

*Meje yabara poxonaе Jesús nayabara paeba acoibi po coyenebetha xua poxonaе tupaena*

*(Mt 20.17-19; Mr 10.32-34)*

<sup>31</sup> Bapoxonaе Jesús pijimonaе compa waba aisowa beya xua pomonaе doce poyobe tatsi. Jesús barai barapomonaе, jeye: “Anoxuae ponaeinchi Jerusalén tomara beya. Baraxotiya tana nayabara jume cui wetsinexa bara nama, po coyene Nacom pia peitorobi jume pepaebiwi newnae tsiwanaya yabara tina xua xan ponxaein Nacom Tananeitapetsin. <sup>32</sup> Yawa necaenaetsina pomonaetha pomonaе penanapaincha jinompaewi, xua icha nacula werena peponaewi xua barapomonaе tanecui caponaenexa. Matautano abe neyabara paebina. Yawa neyabara naone subabina. <sup>33</sup> Yawa necuainchina, barapomonaе nebexubina. Daichitha poxonaе acoibi po matabibe yapu caewina equeicha asu neexanaena petupaе cuiru coyene weya”, jei Jesús.

<sup>34</sup> Ichitha Jesús pijimonae tatsi jopa yaputaeyo baxua xua pocotsiwa Jesús pijimonae tsipaeba. Barapomonae jopa jume ita cui cꝑaetsi poxoru Jesús barompaya nabaru jume yabara canamchi, baxua barapomonae taayapubetsi bichocono.

*Meje yabara poxonae Jesús Jericó tomaratha axaibi exana pon peitata nacꝑtsin*

(Mt 20.29-34; Mr 10.46-52)

<sup>35</sup> Poxonae Jesús itiya pona Jericó tomara, pon peitata nacꝑtsin namtotha eca, yawa jiwi wꝑqueibeca paratixi. <sup>36</sup> Poxonae bapon ponxae peitata nacꝑtsin jume tane xua juinya pin bicheito pona, bapoxonae bapon yainyaba, ichamonae yainyabatsi, jeye: “¿Eta xua metha juinya pin bicheito pona?” jei pon peitata nacꝑtsin. <sup>37</sup> Bapon ponxae peitata nacꝑtsin jume notatsi, jeye: “Apara Jesús, Nazaret tomarapin xote imoxoyo patope”, jei. <sup>38</sup> Nexata bapon pon peitata nacꝑtsin jume daunweya wawai, jeye:

—Jesús, David pia pemomoxi susato jiwanapim, ponxaem Nacom necaitapetsim neyabara najantu coyene xeinare jinya tana neyawenaenam, jei pon peita nacꝑtsin.

<sup>39</sup> Pomonae xua pin bicheito matacaenapoinchi, barapomonae pon peitata nacꝑtsin jume matawentatsi xua moya peecaenexa. Ichitha bapon equeicha jume daunweya wawai, jeye:

—Jesús, David pia pemomoxi susato jiwanapim ponxaem Nacom Necaitapetsim neyabara najantu coyene xeinare jinya tana neyawenaenam, jei pon peitata nacꝑtsin.

<sup>40</sup> Nexata Jesús naruntaba. Jesús namchi, jeye:

—Painta maxu xawena, jei.

Poxonae pon peitata nacꝑtsin imoxoyo patopa Jesustha, Jesús yainyaba, barai, jeye:

<sup>41</sup> —¿Eta xua jinya tacata exanaetsi? jei.

Pon peitata nacꝑtsin jume nota, jeye:

—Jesús Tananecanamataxeinaem, benecotsin cuinaya, jei.

<sup>42</sup> Jesús jume nota, barai, jeye:

—Moya necore antha. Axaibi caexanatsi tana neyabara jume cowantsixaemxae xua bara tana neitacꝑaewa xua tacayawenaewatsi, jei.

<sup>43</sup> Caena nainya bapon necotaxuba. Yawa Jesús puna poinchi. Matautano Nacom wꝑnae jaintatsi. Poxonae pin bicheito baxua cui tane, iraru daxita barapo bicheito Nacom wꝑnae jaintatsi.

## 19

*Meje yabara poxonae pebin pon pewꝑn Zaqueo Jesús jume cowantatsi*

<sup>1</sup> Jesús Jericó tomaratha patopa. Bapoxonae bapon barapo tomara xenta iya. <sup>2</sup> Baxota Jericó tomaratha pebin popona, pon copei bichocono pexeinaein. Bapon pewꝑn Zaqueo. Bapon pon pecanamataxeinaein pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa. <sup>3</sup> Barapon Zaqueo bequein ichichipa xua Jesús peyaitaewatsi, ichitha Jesús jopa taetsi tsipei pin bicheito, matautano poxoru Zaqueo xataxatequeca. <sup>4</sup> Nexata Zaqueo nanta cacuinaepoinya, peitiya ecoinyaenexa tsane naetha, po nae imoxoyo namtotha uncua ichaxota Jesús ponaena, xua Jesús barapo



naetheicha xaniwaicha peyaitaenexatsi. <sup>5</sup> Jesús barapo nae cacuita ecapona, bara asiya necoicha. Poxonae Zaqueo naetha tayeichatsi, Jesús namchi, jeye:

—Zaqueo, nainya ecoinca tha jinya botha ecaetsi anoxuae, jei Jesús.

<sup>6</sup> Bapoxonae Zaqueo nainya dunatabica. Matautano Jesús matenta weiweinaya wabatsi pia botha. <sup>7</sup> Poxonae pin bicheito baxua tane, Jesús abe yabara paebatsi, jeye:

—Maisa Jesús bewa jopa ponae barapo botha, tsipei bapon abe peexanae cuiru coyene peexanaein, jei barapo bicheito.

<sup>8</sup> Nexata Zaqueo nantacotuncua pia botha, yawa jeye Jestutha:

—Taema Jesús Tanecanamataxeinaem, tha daxita jiwana wetsabichi pocotsiwa xeinan, tacatsibinexa tsane pomonaetha pomonae peacopeibiwi. Matautano pomonae xua naerabiya wucan cae paratixi equeicha caewa tha catsibichi cuatro po paratixibe, jei Zaqueo.

<sup>9</sup> Jesús jume nota, jeye:

—Anoxuae Nacom cana exana xua barapomonae pecapanenebiyae jiwichi, pomonae barapo botha peenaewi. Zaqueo, xam Abraham pia pemomoxi susatopiwi jiwanam. <sup>10</sup> Daxota xan ponxaein Nacom Tananeitapetsin patopan tawenaweneinexa tsane pomonae abe peexanae cuiru coyene peexanaewi pomonae icha xam ichim, xua tacapanenebiyaenexa tsane barapomonae, jei Jesús.

*Meje yabara poxonae Jesús paeba pecayabara juta pepaebi diwesiyo xua diez po paratixibe yabara*

*(Mt 25.14-30)*

<sup>11</sup> Barapomonae jume tayena xua Jesús paeba barapo jiwitha poxonae Zaqueo yabara paebatsi. Daxota Jesús cuiduba barapo jiwi pecayabara juta pepaebi diwesiyotha, tsipei barapomonae nanta xeina xua Jesús pona Jerusalén tomara beya xua itara mexeya barapomonae itorobiya pia pepa peewatsinchi tatsi naexanaenawejei.

<sup>12</sup> Bapoxonae Jesús jeye: “Matha irũũ pebin popona. Barapo pebin jiwana pin pomonae peainya cui jiwi pomonae barompaya piamonae matabuxamonae. Barapo pebin taju pona icha nacuatha xua barapon icha nacuatha peexanaenexa tsainchi pocotsin be jiwi itorobiya pia pepa peewatsinchi, xua itorobiya peewatsinexa piamonae. Barapoxonae caibe nawiyaena pia nacuatha. <sup>13</sup> Poxonae cataunxuae jopa taju ponaeyo matha waba diez poyobe pebiwi, xua petanacuichinexatsi. Daxita barapomonaetha barompaya catsina be cae paratixi xua pocotsiwa ainya matoma. Barapo pebin namchi pomonaetha pomonae pia petanacuichiwichi, jeye: ‘Barapo paratixitha pacomocare, equeicha pacaenaere xuya, painya xuya nawita nexeinaponaenexa paratixi. Payacobe cui othopare poxonae beya patopaein’, jei barapo pebin.

<sup>14</sup> Ichitha bapon casebatsi piamonae, pomonae jinompa pia nacuatha tatsi. Pomonae bapon casebatsi, barapomonae itoroba ichamonae xua pecoyo wepetaiyaenexatsi poxonae bapon penta caponaein naexanopiya ichaxota pon jiwi itorobiya pia pepa peewatsinchi. Xua barapo penacajume caitorobiwichi pejeinexa: ‘Ponxaein jiwi itorobiya pia pepa neewatsin, taema, apara bapon piamonae aichaxaibichi xua peexanaewatsi pon jiwi itorobiya pia pepa peewatsinchi’, jei penacajume caitorobiwichi, xua saya tapaeba.

15 “Daichitha barapon cana exanatsi, pon jiwi itorobiya pia pepa peewatsinchi, xua ichan cana exana pon iru jiwi itorobiya pia pepa peewatsinchi, bapoxonae equeicha bapon caibe nawiya pia nacua beya. Poxonae bapon pia nacuaatha patopa bapon waba pia petanacuichiwichi pomonaetha pomonae catsiba paratixi. Waba peyaputaenexa icha barapomonae metha comoca yawa caenaeta icha be pocotsi coyeneya bayatha bapon itoroba. 16 Pon copiya patopa bapon namchi: ‘Tanecanamataxeinaem, po paratixi necatame, barapo paratixitha comocan, xuya equeicha caenaetan, equeicha diez po paratixibe matoma xeineiban’, jei pon copiya patopa. 17 Pon pecanamataxeinaein jume nota, jeye: ‘Maisa xam beta exaname pon inta nenacuichim. Yaitama beta eexanaponame xua peyauyo caitorobatsi daxota pentacaponaein caexanatsi xua necanamataxeinaewa tsane diez po tomariyobepiwi’, jei. 18 Iru icha petanacuichinchi patopa. Bapon jeye: ‘Tanecanamataxeinaem, po paratixi necatame, barapo paratixitha comocan, equeicha caenaetan, equeicha matoma xeineiban cinco po paratixibe’, jei. 19 Pon pecanamataxeinaein jume nota. Bapontha jeye: ‘Xam pentacaponaein caexanaeinchi xua necanamataxeinaenexa cinco po tomariyobepiwi’, jei.

20 “Iru icha pia petanacuichinchi patopa, bapon jeye: ‘Tanecanamataxeinaem, taema xote xeinanje jinya paratiyo, cata mata quiyontabatsi painyaweratha. 21 Yaitama cacui cunuwatsi, tsipei be barapocotsim pon jopa jiwi juniya itorobeibim. Matautano jiwi cobe itorobeibame xua noteibina pocotsiwa jopa jinyawiyo. Matautano pexaewa xua naweta noteibame ichaxota jopa abim’, jei. 22 Nexata pon jiwi itorobiya pia pepa peewatsinchi namchi: ‘Bepa maisa dapon abem. Apra xam jinya coutha nanatsicuenti exaname abe nepaebixae. Xam yaputaneme xua xan pon jopa jiwi juniya taitorobeibin, xuano xua pexaewa naweta tanoteibiwa xua ichaxota jopa tacoya abeibinyo, matautano xua ichamonae cobe itorobeiban xua noteiba pocotsiwa jopa tawiyo. 23 Tsipei catsawiya neyabara nanta xeiname xua bichocono daunweya itoroban daxota bayatha inta bewa barapo paratiyo banco botha botsipame xua equeicha poxonae patopan, icha paratiyo equeicha matoma xeinaetsipan xua equeicha inta pemataropeichabotsixae tsipae poxonae ichamonae nacowaeta barapo paratiyo’, jei. 24 Pon jiwi itorobiya pia pepa peewatsinchi barai, pomonae xua ena baxota baraichi: ‘Barapon pacobe wepire barapo paratiyo, nexata barapo paratiyo pacare pon xua equeicha diez po paratixibe matoma exanaeya xeina’, jei pon jiwi itorobiya pia pepa peewatsinchi. 25 Pomonae ena, barapomonae jume epa nota, jeye: ‘Pon jiwi itorobiya pepa neewatsin, equeicha icha paratiyo jopa catsinde bapontha. Bayatha apra diez po paratixibe xeina’, jei barapomonae. 26 Pon jiwi itorobiya pia pepa peewatsinchi barapomonae jume notatsi, jeye: ‘Paca tsipaebatsi, pon ba be conothona Nacom yabara yaputainchi Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowantsiwa tsainchi. 27 Yabara paca tsipaebatsi pomonae taneaitafaetabi jiwi. Barapomonae neaichaxaibi xua jiwi itorobiya pepa taewatsin tanecana exanaewa. Barapomonae pacarene-nande ichaxota ecan. Barapomonae pajutebare ichaxota ecan’, jei pon

jiwi itorobiya pia pepa peewatsinchi”, jei Jesús.

*Meje yabara poxonae Jesús Jerusalén tomaratha patopa  
(Mt 21.1-11; Mr 11.1-11; Jn 12.12-19)*

<sup>28</sup> Poxonae Jesús baxua najume weta, bapoxonae pona Jerusalén tomara beya. <sup>29</sup> Jesús itiya patopa Betfagé tomara, Betania tomarano xua saya patopa demxuwatha po demxuwa pewan Olivowa tsipei baxota umena olivo naein. Bapoxonae nacueyatabe poyobe itoroba poyobe xua pijimonaexae tatsi jiwanabe pomonae xua doce poyobe. <sup>30</sup> Jesús barai baponbe, jeye:

—Paponarebe po tomara painya itabaraya equiya. Poxonae papatopaenamebe barapo tomaratha, pacaxinaenamebe burro pon penan pon pequetanotsin, pon jopa ichamonae tsijuma enaeyo. Payama isanaxorebe bepayama carenandebe. <sup>31</sup> Icha ichan paca barai: ‘¿Eta pocotsiwa payama isanaxubamebe burro?’ icha paca jei bapon, nexata pajandebe: ‘Pon Wanacanamateaxinaein bepa pata yama cayiyaeinjei, tsipei pinae nantawenona’, pajandebe, jei Jesús.

<sup>32</sup> Poxonae baponbe tomaratha patopabe, tanebe be pocotsi coyeneya bayatha Jesús namchi. <sup>33</sup> Poxonae baponbe burro yama isacauyabe, baponbe yainyabatsibe pomonae barapo burro pexeinaexae. Baponbe baraichibe:

—¿Eta pocotsiwa burro payama isacauyamebe? jeichichibe baponbe.

<sup>34</sup> Baraponbe jume notabe barapomonaetha, jeye:

—Pon Pecanamataxeinaein jiwi bepa pinae patayama cayiyaein, tsipei pinae nantawenona, jeibe baponbe.

<sup>35</sup> Baraponbe burro tayama cayabe, Jesús tayama cayatsi. Baraponbe burro paparuwa tsijuma jebicabe po paparuwan aitiya xua baponbe pia paparuwan tatsi, bapoxonae Jesús cuaretsicatsi. <sup>36</sup> Jesús burrotha ecapona. Jiwi paparuwan namtotha yerababa jejabapoinya. Barapo paparuwan Jesús matatsun ecapona burrotha. Barapomonae baxua exana tsipei Jesús matenta weyatainchi xua patopa. <sup>37</sup> Poxonae Jesús muxu perunadecae demxuwa wereca, po demxuwa pewan Olivowa, tsipei baxota umena olivo naein barapoxonae pomonae Jesús pejume cowantsiwichi, barapomonae jantú coyene weiweinaya jume daunweya wawai. Yawano Nacom wanae jaintatsi xua bayatha pexeinya petsita itútsi coyenewan petaexae xua Nacom exana. <sup>38</sup> Barapomonae jeye:

—¡Pai jayana! ¡Maisa Jesús pon jiwi itorobiya pia pepa peewatsinchi, maisa wanae, bapon patopa Nacom peitorobixae! ¡Pomonae xua peitabocoha jinompa jantú coyene weiweina bichocono! ¡Maisa Nacom bichocono wanae jaintatsi pon athabeicha eca! jei Jesús pijimonae tatsi.

<sup>39</sup> Nexata fariseo jiwanamonae, pomonae naenapona pin bicheitoha, barapomonae Jesús baraichi:

—Pon jiwi Necuidubim, jinya jiwimonae baxua jume matawende: ¡Moya pande! jande, jei fariseo jiwanamonae.

<sup>40</sup> Ichitha Jesús jume epa pita, jeye:

—Paca tsipaebatsi, icha barapomonae metha moya tsipae bara nexata iboton jume daunweya wawai tsipae, jei Jesús.

<sup>41</sup> Poxonae Jesús imoxoyo Jerusalén tomaratha patopa, poxonae tomara tane, Jesús jantú coyene wecoyei tsanareca, poxoru Jerusalén

tomaramonae yabara wecoyeichi. <sup>42</sup> Jesús namchi, jeye: “¡Pai maisa be-payaputaename xua pocotsi jũntũ coyene jũntema jinompa paca cana exana! Nama anoxuae baxua nantsiyata. Jopa paca itacũpaeyo xua painya nexainaewa painya jũntũ coyenetha. <sup>43</sup> Meisa matabi pacata jopaena po matabi abe. Barapo matabitha painya nepaca caaitafaetabi jiwi paca yatomara yatoroto exanaxubina. Tsorobo paca yacaincha acabina. Yawa paca yacaincha umenaena daxita muxuneneinha. <sup>44</sup> Paxam Jerusalén tomarapiwi pam, yawano painya pexuino, ichamonae paca jutebina. Painya bon iratha paca yawa bebai tsane. Jopa cae iboto asiya uncuiyae tsane, omeicha othopeicaena. Tsipei paxam jopa Nacom payaitaem xua poxonae paca necasiwa ponaewa”, jei Jesús Jerusalén tomarapiwimonae yabara.

*Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi*

(Mt 21.12-17; Mr 11.15-19; Jn 2.13-22)

<sup>45</sup> Jesús Nacom pin pia botha joniya. Baxota Jesús aisowa benapuna torobabiya pomonae caenaeta baxota. <sup>46</sup> Jesús barai barapomonae, jeye:

—Nacom Pejume Diwesitha jeye: ‘Tabo apara po botha xua jiwi tanetsipaebinxeta tsaibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia mũthũ tutu pacana exaname, ichaxota pijunuwi nantsiyabeibathopa, tsipei baxota panacaetutame sayũ xua painya necaibinxam tsane paratixi pomonaetha pomonae xua pateiba xua Nacom petsipaebibinxatsi, jei Jesús.

<sup>47</sup> Nacom pin pia botha daxita matabi Jesús cuidubeiba. Ichitha sacerdotemonae pia pentacaponae, irũ pomonae jiwi pecuidubiwi Moisés pia peitorobi coyene tatsi, irũũ tomara pia pentacaponae daxita barapomonae Jesús yabara nanta xeinatsi nawita xua pebexubineta tsainchi. <sup>48</sup> Ichitha jopa itacũpaetsi barapomonae xua Jesús pebexubiwa tsainchi tsipei pin bicheito beta xanepanaya Jesús jume tayenatsi.

## 20

*Meje yabara xua Jesús pia peitorobi coyenewa xeina*

(Mt 21.23-27; Mr 11.27-33)

<sup>1</sup> Caentacabi Jesús Nacom pin pia botha joniya. Barapo botha Jesús cuiduba jiwi. Yawa Nacom pia pecapanenebiyae diwesi yabara cueicueije. Bapoxonae irũ sacerdotemonae pia pentacaponae tatsi pata. Irũ pata pomonae jiwi pecuidubiwi xua Moisés pia peitorobi coyenewa tatsi. Irũ pata pomonae penapatae jiwi. <sup>2</sup> Daxita barapomonae Jesús baraichi, jeye:

—Incane pana tsipaebare, ¿eta po peitorobi coyenewatha cuidubame baxuan? ¿Jintam cacata barapo peitorobi coyene? jei.

<sup>3</sup> Nexata Jesús jume nota, jeye:

—Xan irũũ tha barichichi paca yainyabinchi pana nejume nore.

<sup>4</sup> ¿Jintam Juan cui itorobatsi jane xua jiwi pebautisabineta tsainchi? ¿Metha bara Nacom cui itoroba jampa? ¿Metha bara jiwi cui itoroba jampa? jei Jesús.

<sup>5</sup> Barapomonae caemonae yabara natsipaeba pocotsiwa Jesús pepaebiwa. Barapomonae jeye: “¿Eta xua metha jei tsainchi? Icha jei tsipaetsi xua Juan cui itorobatsi Nacom xua pebautisabiwa jiwi, metha naca jei

tsipae: ‘¿Eta xua metha nexata jopa pajume cowantsim Juan?’ metha naca jei tsipae Jesús. <sup>6</sup> Icha jei tsipaetsi Juan cui itorobatsi jiwi, metha apara jiwi naca jutebina ibotoxitha, tsipei daxita barapo jiwi nanta xeina xua Juan pon Nacom peitorobi jume pepaebin”, najei barapomona. <sup>7</sup> Barapomona. Jesús jume notatsi, jeye:

—Canta jopa payaputaeyno xua pon Juan cui itorobatsi xua jiwi pebautisabiwatsi, jei barapomona.

<sup>8</sup> Nexata Jesús barai barapomona, jeye:

—Nexata barichin tsane. Jopa yabara paca tsipaebi tsainchi, po peitorobi coyeneyatha exanan xua daxita taexanaewan, jei Jesús.

*Meje yabara poxona. Jesús paeba pecayabara juta pepaebi diwesiyo pomona. xua abe exana, pomona. petayapucaenaewi uva pabi*  
(Mt 21.33-44; Mr 12.1-11)

<sup>9</sup> Nexata Jesús diwesi tsipaeba jiwitha po diwesi pecayabara juta pepaebi diwesiyo. Jesús jeye: “Matha iru pebin pin uva pabi xeina. Bapon uba po unbo pewan uva cuei unbo. Bapoxona. bapon itoroba pomona. pia uva pabi petayapucaenaewichi tsainchi, xua bapoxona. barapomona. pejiwanaxaenexa pocotsiwa penawetsiwa. Bapoxona. bapon icha naca beya pona ainya wei nexa. <sup>10</sup> Matabi tsuxubi xua uva cuei naweta. Bapoxona. barapo mataqueitha pomona. pabi petayapucaenaewi jiwana itapeta nota xua penawetsiwa. Bapoxona. pon uva pabi pexeinaein, caein jiwana itoroba pomona. pia petanacuichiwichi jiwana, xua petawacaenexa tsainchi uva cuei pomona. beya pomona. pabi petayapucaenaewichi. Ichitha barapon pon najume caitorobatsi, bapon butsi. Bapon caibe cobesa iya. <sup>11</sup> Pon uva pabi pexeinaein bapon equeicha caein jiwana itoroba pomona. pia petanacuichiwichi jiwana. Bapon barichi bichocono butsi, caibe cobesa nawiya yawa jopa catichi. <sup>12</sup> Pon uva pabi pexeinaein equeicha caein jiwana itoroba pomona. pia petanacuichiwichi jiwana. Barichi pomona. pabi petayapucaenaewi barapon butsi yawa wan exanatsi yawa pabi weya xotsi.

<sup>13</sup> “Pon uva pabi pexeinaein matapainya nanta xeina najei: ‘¿Eta xua metha exanaein? Metha taxanto itorobin pon bichocono antobein. Metha poxona. taxanto taeinchi, metha inta yabara baru cui itura jinainchi’, najei. <sup>14</sup> Dapo jumetha pomona. uva pabi petayapucaenaewi poxona. bapon taeinchi, barapo petayapucaenaewi uva pabi najei tsane: ‘Apara bapon paxa copiniwa pichina. Daxota bapon bu bexotsi xua xainya xeinatsi barapo uva pabi’, najei barapomona. <sup>15</sup> Barapo pexanto tatsi uva pabi juma bemaxu cayiyatsi. Baxotiya bexotsi”, jei Jesús.

Nexata Jesús barai barapomona, pomona. jume tayenatsi Jesús, jeye: “Pon uva pabi pexeinaein, ¿eta be cana ichi tsane pomonaetha pomona. barapo uva pabi pia petayapucaenaewichi? <sup>16</sup> Pon uva pabi pexeinaein patopaena. pia uva pabitha, pomona. uva pabi peyapucaenaewi daxita barapomona. jutebinchi. Barapoxona. barapo uva pabi ichamona. xuya catinchi xua petayapucaenaenexa tsainchi barapo uva pabi”, jei Jesús.

Pomona. Jesús jume tayenatsi poxona. baxua jume tane xua Jesús paeba, barapomona. Jesús jume itawetatsi, jeye:

—¡Bara, jopa bepajume taeinyo baxua, tsipei xua paebame Nacom jopa copatsiyo pata xantha xua pata tanejutebinexa ichamonae! jei barapomonaе.

<sup>17</sup> Ichitha Jesús tane, barapomonaе tainchi. Jesús jeye:

—Incane pajume taema pocotsiwa Nacom Pejume Diwesitha neyabara caunuta poxonaе iboto yabara paeba, jeye:

‘Pebiwi pomonaе ibo bon peacabiwi,

barapo pebiwi xuba po iboto tabu

caboca, po iboto peainya cui iboto.

Ichitha Nacom itapeta barapo iboto xua

petabu cabocaenexa peainya cui ibotoxae’,

jei Nacom Pejume Diwesitha.

<sup>18</sup> Incane iboto yabara paca tsipaеbinchi. Barapo ibototha poxonaе ichauyo jopeica peparuwixi tsanaya. Matautano poxonaе barapo iboto ichauyo matatsun jopeicatsi pebeno tsanaya. Icha barapo iboto ichi poxonaе cana exana ichauxitha peainya cui ibotoxae, xan barapocotsi juta coyeneya barichin pomonaetha pomonaе jopa tana nejume cowantsiwi. Pia jopa tana neyaputaexae barapomonaе daxota peraxa exanaeinchi, jei Jesús.

<sup>19</sup> Sacerdotemonaе pia pentacaponae wi tatsi, iru pomonaе jiwi pecuidubiwi xua Moisés pia peitorobi coyenewa tatsi, daxita barapomonaе juntucuru Jesús teicatsi poxoru barapomonaе yaputane xua yabara paebatsi xua Jesús paeba. Nexata Jesús jopa teicaetsi poxoru jiwi unuwatsi.

*Meje yabara poxonaе Jesús yabara cuiduba paratixi matoma po paratixi jiwi bewa catsibina pontha pon romanomonaе itorobiya pia pepa peewatsinchi*

*(Mt 22.15-22; Mr 12.13-17)*

<sup>20</sup> Barapomonaе itoroba, ichamonae itorobatsi xua petataenexa tsainchi. Pomonaе xua itorobatsi, barapomonaе naexana itara mexeya pentu cui xanepanaewi. Barapomonaе pona Jesús beya, xua Jesús naerabiya pecui jume yopichinexa tsainchi xua exana yawa xua paeba. Pia bapoxonaе Jesús waetabichi yawa pia caponaetsi pontha pon Judea nacuapiwi peyanacua ewatsinchi. Bapon peajumeyapusu itorobiwa xeina, xua po peajumeyapusu itorobiwa cata pon romanomonaе itorobiya pia pepa peewatsinchi. <sup>21</sup> Daxota barapomonaе Jesús yainyabatsi jeye:

—Pon jiwi Necuidubim. Bara payaputan xua bara jume xainyeya tsipaebame jiwi, matautano xua jiwi bara beta cuidubame xua pocotsiwa jiwi bewa exanaena pexeinaenexa tsane Nacomtha po juntu coyene pexanepanae juntu coyene. Matautano jopa jiwi unuwim poxonaе cuidubame poxonaе bequein jiwi jopa ichichipaeyo baxua, tsipei xam daxita jiwi catsita najupa. <sup>22</sup> Incane yabara pana netsipaebare xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomonaе itorobiya pia pepa peewatsinchi xua wanaca itorobixae bapon bequein bara pon penanapainchi poponaein? Icha jopa tsipae, ¿metha daxua abe tsipae? jeichichi Jesús barapomonaе pomonaе fariseomonaе itoroba.

<sup>23</sup> Ichitha Jesús yaputane xua piraichi baxua yainyabatsi.

<sup>24</sup> Daxota jeye:

—Incane moya painta xawena paratiyo, tha taetsi. ¿Jintam peju-mopere? ¿Yawano jintam wɔn ducuaire? jei Jesús.

Barapomonae jume nota, jeye:

—Apara romanomonae itorobiya pia pepa peewatsinchi, jei barapomonae.

<sup>25</sup> Nexata Jesús barai barapomonae, jeye:

—Bara nexata romanomonae itorobiya pia pepa peewatsinchi pacare pocotsiwa xua bapon piawaxae. Matautano Nacom pacare xua baxua irɔ piawaxae tatsi, jei Jesús.

<sup>26</sup> Barapomonae jopa itacɔpaetsi xua Jesús pewaetabiwatsi daxita jiwi peitɔtha, tsipei Jesús beta jume nota barapomonae. Barapomonae yabara najuntɔ cui coyene cabenaeca pocotsiwa xua Jesús xanepanaya beta jume nota, daxota barapomonae saya moya umena.

*Meje yabara poxonae Jesús yabara yainyabatsi po coyene xua equeicha asɔ pomonae pewerapeibiwi*

(Mt 22.23-33; Mr 12.18-27)

<sup>27</sup> Bapoxonae saduceomonae jiwana pata Jesús pia xantha tatsi xua Jesús piraichi petsipaebinexatsi. Saduceomonae barompaya pia pecuidubi coyenewa xeina xua pinae pomonae pewerapeibiwi equeicha jopa asɔ tsaibiyo. Barapo pecuidubiwa jopa jɔpaeyo po pecuidubiwa Jesús pia pecuidubiwa tatsi xua pinae jiwi equeicha asɔ jinompaena poxonae werapa. Daxota saduceomonae Jesús siwa poinchi. Saduceomonae Jesús baraichi:

<sup>28</sup> —Pon jiwi Necuidubim. Moisés nacata tina, namchi: ‘Icha pebin piowa cuenta tɔpa, yawa jopa xeinaeyo pexui, xuyapin bewa pentapin pecoutha coseuri pichina xua bapoxonae pentapin pecoutha pexeinaenexa tsane pexui’, jei Moisés. <sup>29</sup> Barichi, matha irɔ cae peweicho jiwi xua caepiwi nabarɔ jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo. <sup>30</sup> Pon cotacaya naexana xuya pentapin coseuri pita xua bapoxonae pentapin pecoutha pexeinaenexa pexui. Bapon irɔ cuenta tɔpa, irɔ jopa xeinaeyo pexui.

<sup>31</sup> Bapoxonae ichɔn xuyapin xuya barapowa pita xua pentapin coseuri pita. Bapon barichi irɔ cuenta tɔpa, irɔ pexui jopa xeinaeyo. Daxita barapo siete poyobe cuenta nanapentapona barapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo. <sup>32</sup> Bapoxonae matapainya irɔ barapowa tɔpa. <sup>33</sup> Xam, Jesús, ba paebame, ba jam: ‘Matacabi jopaena po matacabitha Nacom asɔ exanaena xua jiwi asɔ exanaeinchi muthɔ wetsina’, ba jam. Poxonae barapo matacabi jopaena xua daxita jiwi asɔ jujuinaena, barapo matacabitha, ¿jintam metha barapowa xuya pichinchi, xua ichɔn pichina, xua barapo siete poyobe caein jiwana? Tsipei caena bayatha barapo siete poyobe caepiwi cuenta nanapentapona barapowa, jei saduceomonae.

<sup>34</sup> Nexata saduceomonae, Jesús jume nota. Jesús jeye:

—Barapo nacuathe pebiwi yawa yabaxi, barapomonae jitha eenapona. <sup>35</sup> Pomonae xua Nacom itapeta waba, poxonae barapomonae patsina Nacom pia nacuathe, barapomonae jopa equeicha jitha eenapona tsane, yawa jopa pexantixi jitha cuarebapona tsane. <sup>36</sup> Tsipei barapo nacuatheicha, barapomonae bexa jopa werapae tsane icha matatsunpiwi ichi xua jopa werapaeyo. Matauta barapomonae

Nacom pia pexui, tsipei barapomonaē equeicha asu barapo petuᵛpae coyene weya. <sup>37</sup> Caena bayatha Moisés yabara naca cuiduba xua pomonaē pewaterapeibiwi xua equeicha asu tsaibi tsane, po diwesitha naewa yabara tina po naewa taxuncua. Barapo diwesitha Nacom pon Pecanamataxeinaein jiwi, namchi: ‘Xan Abraham pia Nacomun tatsin, iru Isaac pia Nacomun tatsin, iru Jacob pia Nacomun tatsin’, jei Nacom. <sup>38</sup> Baxua Nacom paeba tsipei Abraham iru Isaac, iru Jacob pomonaē bayatha pewaterapaewi anoxuae equeicha caewa asu jinompa Nacom pia nacuatheicha tatsi. Pomonaē pewaterapaewi pomonaē jopa caewa equeicha asu pejinompaewi, barapomonaē jopa pia Nacom tatsi, pon itabocotha eca. Saya jame meisa pomonaē bayatha pewaterapaewi caewa equeicha asu pejinompaewi pomonaē pejume cowantsiwixaetsi Nacom, barapomonaē jame pia Nacom tatsi, pon itabocotha eca, jei Jesús.

<sup>39</sup> Nexata pomonaē jiwi pecuidubiwi Moisés pia peitorobi coyene tatsi, barapomonaē jiwanamonaē Jesús baraichi, jeye:

—Pon jiwi Necuidubim, maisa bara beta xanepanaya paebame, jei barapomonaē.

<sup>40</sup> Saduceomonaē equeicha jopa Jesús yainyabichi xua equeicha beta pejume notsiwatsiyainwa.

*Meje yabara poxonaē Jesús nayabara jei: “Mesías, ¿jintam pia pemomoxi susato jiwanapin tatsira?” jei*

*(Mt 22.41-46; Mr 12.35-37)*

<sup>41</sup> Equeicha Jesús nayabara paeba pomonaētha pomonaē jiwi pecuidubiwi Moisés pia peitorobi coyene tatsi. Jesús jeye:

—¿Eta pocotsiwa metha jiwi paeba xua pinaē Mesías bapon David pia pemomoxi susato jiwanapin tatsi? <sup>42-43</sup> Tsipei David jei salmos penaxunaē weixi diwesintha:

‘Nacom pon Pecanamataxeinaein jiwi

Tanecanamataxeinaein baraichi pon

Mesías jeichichi:

Tacoxa werena ecare, beya abu tsane poxonaē

necaitafaetabi jiwi pia Pecanamataxeinaeinchi

tatsi caexanaeinchi, jei Nacom’,

jei David salmos penaxunaē weixi diwesintha.

<sup>44</sup> Icha David yabara jei xua Mesías yabara jeichi: Bapon Mesías Tanecanamataxeinaein, jei, ¿eta xua metha tsipae xua Mesías apara David pia pemomoxi susato jiwanapin tatsi? jei Jesús.

*Meje yabara poxonaē Jesús muxuweta jiwi xua pomonaē jiwi pecuidubiwi Moisés pia peitorobi coyene tatsi barapomonaē pecuiyainwa tatsi*

*(Mt 23.1-36; Mr 12.38-40; Lc 11.37-54)*

<sup>45</sup> Pomonaē xua umena daxita barapomonaē Jesús jume taeumeinchi poxonaē Jesús pijimonaē tsipaeba. Jesús namchi, jeye: <sup>46</sup> “Dota pam, dota pomonaē jiwi pecuidubiwi Moisés pia peitorobi coyene tatsi. Barapomonaē pia pecuidubi coyenewan tatsi pecuiyainwa pande. Jopa paexanaeinde icha barapomonaē ichi xua barapomonaē bichocono ichichipa xua penama xatabiwa po paparuwan apipiya deca xua be pomonaē peainya cui jiwi penaexanaewi naexana. Barapomonaē bichocono ichichipa xua jiwi namtotha jacobebina xua barapomonaē pejacobinexatsi xua jiwi pebaru cui itura jineibinexa barapomonaē



xua barapomonae pebaru cui itura jineibinexatsi. Barapomonae bichocono ichichipa xua nanta caeneiba judiomonae pia penacaetutsi bontha tatsi ichaxota ba enathopeiba pomonae peainya cui jiwi penaexanaewi. Matauta barapomonae bichocono ichichipa xua eneiba ichaxota ba eneiba pomonae peainya cui jiwimonae poxonae pexaewan tsinacaetuteiba xua poxonae penabaneibinexa tsane. <sup>47</sup> Matautano barapomonae powaxi pecuenta werapaewaxichi piseurixi, barapowaxi cueranta enatsi pia bon. Barapomonae naemata jopa cuinaya najume copababeibiyo poxonae tsipaebeiba Nacom. Barapomonae bichocono peraxa jubebinchi poxonae po mataqueitha Nacom yabara paebina jiwi xua pia penatsicuentsiwa xua abe petsita exanaexaetsi. Barapomonae bichocono atene tsane xua poxonae beyacaincha ichamonae atene exanaeinchi xua jopa pejume cowantsixaetsi Nacom”, jei Jesús.

## 21

*Mejeyabara poxonae Jesús yabara paeba xua petsiriwa paratiyobe cata Nacomtha, powa pecuenta tupaewatsi piseuri*

(Mr 12.41-44)

<sup>1</sup> Nacom pin pia botha Jesús tane xua baxota pomonae copei xeinaewi paratixi jeya Nacom nexa ichaxota jiwi jebeiba paratixi. <sup>2</sup> Barichi Jesús tane xua iru ainya tsica paratiyobe jeca baxota powa pecuenta tupaewatsi piseuri, yawa bapowa peacopeibiwayo. <sup>3</sup> Jesús jeye:

—Bara xaniyeya paca tsipaebatsi. Barapo yabuyo powa pecuenta tupaewatsi piseuri, barapowa peacopeibiwayo. Daichitha barapowa jeca ainya paratiyobe Nacom nexa. Bapowa cata beyacaincha ichamonae daxita pomonae nawita jeya xua Nacom nexa. <sup>4</sup> Daxita barapomonae jeya pocotsiwa tanacopabeibatsi. Ichitha nama bapowa bichocono peantobexae Nacom daxota omeicha jeca po paratiyobe bequein canantawenona xua pexaewa tsane, bequein bichocono peacopeibiwayo, jei Jesús pijimonaetha.

*Mejeyabara poxonae Jesús yabara paeba xua ichamonae abe exanaena Nacom pin pia bo tatsi*

(Mt 24.1-2; Mr 13.1-2)

<sup>5</sup> Ichamonae yabara natsipaeba nawita Nacom pin pia bo tatsi. Barapomonae najei: “¡Maisa Nacom pin pia bo tatsi bepa wuna! ¡Maisa bepa wuna xua jiwi tutu pepena peitupanaewan barapo Nacom pin pia botha xua Nacom nexa!” jei barapomonae. Nexata Jesús jeye:

<sup>6</sup> —Matacabi jopaena po mataqueitha tsane ichamonae pomonae penanapaincha jinompaewi pomonae xua icha nacua werena peponaewi abe exanaena Nacom pin pia bo tatsi, xuaunxuae pataneme po bo. Jopa cae ibotiyo nacopatuncuae tsane icha iboto peumatha, daxita abe tsane, jei Jesús.

*Mejeyabara poxonae Jesús yabara paeba xua copiya matha pewunaeya exanaena petsita itatsi coyenewa poxonae daxita weraweracaenaba*

(Mt 24.3-28; Mr 13.3-23)

<sup>7</sup> Nexata jiwi Jesús yainyabatsi, jeye:

—Pon jiwi pata Pecuidubim, ¿eta poxonae metha ichamonae baxua exanaena poxonae abe cana exanaena Nacom pin pia bo tatsi? ¿Eta pocotsiwa tsane xua pewunaeya tsita itapeinya xeinaena po coyene xua poxonae imoxoyo daxita weraweracaenaba? jei Jesús pijimonaetha.

<sup>8</sup> Jesús jume barai: “Dota pam bu ichamonae naerabiya paca muxu tsipaeba xua daxota abe paexanaetsipame. Tsipei tsane patsina ayei bicheito jiwi pomonae natsicotaena icha be xan ichin. Barapomonae jei tsane: ‘Apara xan, Mesias’, jei tsane. Ichun jei tsane: ‘Anoxuae Mesias patopaena’, jei tsane. Ichitha paxam jopa payabara jume cowantsinde pocotsiwa xua barapomonae paeba. <sup>9</sup> Pajume taename xua jiwi juinya nabenuotsina xote, yawa xua juinya iruru nabenuotsina icha ira beya. Daichitha jopa pajunuwinde, tsipei baxua pewunaeya matha copiya tsane. Daichitha cataunxuae dapu matababi aichica tsane xua poxonae daxita weraweracaenaba yatsicaewa”, jei Jesús.

<sup>10</sup> Equeicha Jesús namchi: “Cae nacuapiwi iru icha nacuapiwino barapo ainya nacuapiwibe nabenuotsina. Matautano iru pon nacua peewatsin iru ichandu pon icha nacua peewatsin baponbe iru nantiya nabenebe. <sup>11</sup> Matautano ainya nacuantha ira jijiyatsina. Matautano ainya nacuantha jainbo nacua tsane, tsipei pin mayayo tsane. Matautano domae tsurucuae tsane ainya nacuantha. Matautano Nacom peitabocotha peitupanaewan itutsina, xua jiwi bichocono sunuwa.

<sup>12</sup> “Poxonae baxua pewunaeya tsane jiwi paca teiquebina, paca atene exanaena. Judiomonae pia penacaetutsi botha paca caponaena painya paca yabara paebinexa painya nenatsicuentisiwa xua abe painya neexanaexae. Yawa paca caponaena jiwi pecubi botha. Paca caponaenano nacua peewatsiwi peitabaratha tatsi, painya tana ne-jume cowantsixaemxae. Yawano paca caponaena pentacaponae wi peitabaratha tatsi, pomonae iru itoroba jiwitha xua pon nacua peewatsin nexa painya tana nejume cowantsixaemxae. <sup>13</sup> Barapoxonae paca cui itacupaena xua barapomonaetha tapana neyabara paebiwam pocotsiwa bayatha paca tsita exanatsi. <sup>14</sup> Pananta xeinare painya juntu coyenetha, pana najande: ‘Jopa tsiwanaya yabara nacui wunaetsi tsainchi xua ichamonae watsipaebiwatsi xua abe wanaca yabara paebiwa’, pana najande. <sup>15</sup> Tsipei xan paca tsimuxu dutinchi po jume xua pacounutsiname, xua po jumetha beta paca yaputane exanaena. Barapo jume pacata exanatsi xua painya paca necaaitafaetabi jiwi jopa paca jume matanonopentsi tsane, xuano xua jopa peitacupaenexa tsainchi xua abe painya nepaca yabara paebiwa. <sup>16</sup> Paca caenaetsina ichamonae icha jiwitha pomonaetha pomonae jiwi pecanmataxeinaewi. Iru painya axeiwi yawa painya ena jiwi paca caenaetsina ichamonaetha. Iru painya eweicho jiwi paca caenaetsina ichamonaetha. Iru painya amoyo jiwi paca caenaetsina ichamonaetha. Iru painya jiwimonae paca caenaetsina ichamonaetha. Barichi ichamonae pomonae paxam jiwana pam jutebinchi. <sup>17</sup> Daxita nacuanpiwi paca casebina, painya tana nejume cowantsixaemxae. <sup>18</sup> Ichitha Nacom paca capanenebiyaena painya nejuntu coyenein panenebiyaenexa. <sup>19</sup> Awiya paantuyapusuwa nejume cowantsiya jinompare poxonae bequein ichamonae abe pacata exana xua beya payacuiya werapaeya othopaenama xua painya xeinaewa tsane peajantuyapusuwa po peajantuyapusuwa ataya tsiteca.

<sup>20</sup> “Poxonae pataename xua soldadomonae xua icha nacuapiwi yacaincha matawacaicha yatoxoroto naexanaxubina Jerusalén tomara bapoxonae payaputaenama xua barapo tomara bara imoxoyo abe exanaeinchi. <sup>21</sup> Barapo mataqueitha, daxita pomonae Judea nacuatha

jinompa barapomonaē bewa demxuwān beruḥḥupiyaena. Iru pomonaē Jerusalén tomarapiwi, barapomonaē bewa bara beruḥḥupiyaena. Iru pomonaē pabitha jinompa, barapomonaē jopa bewa duḥḥupaetsipae tomara beya. <sup>22</sup> Tsipei barapo matabintha Nacom cui itorobina, ichamonaē cui itorobinchi, xua jiwī peraxa exanaeinchi, icha be po coyeneya Nacom Pejume Diwesitha yabara paeba baxua. <sup>23</sup> ¡Pai yabuxi tsobenaē powaxi pexui buḥḥana taenatsi barapo matabitha! ¡Pai powaxi iru pexui isaina, barapowaxi tsobenaeru! Tsipei acabe tsobenaē tsane pexui. Matautano Nacom cui itorobina barapo nacuathe, ichamonaē cui itorobinchi xua barapo nacuathepiwi pin peperaxa jubiwatsi tsainchi. <sup>24</sup> Ichamonaē cusitha jutebinchi. Ichamonaē yamaxu ḥḥubiya caponaeinchi icha nacuan beya. Barapo Jerusalén tomaratha pomonaē penanapaincha jinompaewi xua icha nacua werena peponaewi dubenanaebiyaena beya barapo matabi yacobe cui othopaena, po matabitha xua Nacom cobe matawentsina xua equeicha jopa enae tsane barapo tomaratha barapomonaē”, jei Jesús.

*Meje yabara poxonaē Jesús nayabara paeba xua poxonaē equeicha patopaetsica ponxae Nacom pia Peitapetsin  
(Mt 24.29-35, 42-44; Mr 13.24-37)*

<sup>25</sup> Equeicha Jesús jeye: “Bapoxonaē xometotha naitatsina peitapanaewa, yawa jomocoichatho, yawa opiteitontha. Barapo irathe daxita nacuanpiwi yabara najuntu coyene cabenaenoutsina. Matautano busi taena pin maratsacan busi xua busi jopa xainya mene ducuaeyo. Bichocono jiwī najuinyacaena. <sup>26</sup> Jiwī pijunuwi muxu pewerapae tsane poxonaē nanta xeinaena po coyene Nacom exanaena barapo cae pin nacuathe. Matauta junuwina xua exanaena itabocotha poxonaē Nacom napuna torobabiyaena xua xuan itabocotha dubena. Bapoxonaē jopa xapain dubenanaeyo tsane. <sup>27</sup> Bapoxonaē jiwī netaena ponxaein Nacom Tananeitapetsin xua tsaquinaebowatha patopeicaein. Nacom pia peayapusuwa itorobi coyenewatha, matautano bichocono pexeyina itupanae coichatha yawa patopeicaein. <sup>28</sup> Poxonaē baxuan juntucuru exanaenaba, panantusubaruḥḥupare, athabe panecotumeinyama, tsipei bara imoxoyo paca necapanenebiwa tsane”, jei Jesús.

<sup>29-30</sup> Nexata Jesús pijimonaē tsipaeba pecayabara juta pepaebi diwesiyo xua higuera nae, jeye: “Pataema nae po nae pewun higuera nae, xuano ichacuihitha icha naeinno xua pataneme xua pena noxu xuxuwa pona. Nexata bapoxonaē payaputaema xua imoxoyo wei tsurucuae tsoponaē. <sup>31</sup> Nexata barapocotsi juta coyeneya icha tsane xuaunxuae paca tsipaebatsi xua poxonaē jiwī muxu pijunuwi pewerapae tsane. Bapoxonaē payaputaename xua bara imoxoyo tsane poxonaē xua tapatopae wanae tsane poxonaē jiwī itorobiya ewatsin.

<sup>32</sup> “Bara xaniyeya paca tsipaebatsi daxita judiomonaē naitapataya naexanaponaena beya yacui othopaena poxonaē Nacom exanaena daxita baxuan pocotsiwa xuaunxuae paca tsipaebatsi. Bapoxonaē barapo judiomonaē weraweracaena. <sup>33</sup> Peitaboco aichurucuae tsane, matauta ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban.

<sup>34</sup> “Dota pam, pana neyabara cananta xeinaeya jinompare. Painya xoba pana najuntꝫ coyene ararana exaname xua pana nasi cui matacaetame yabꝫxitha xuano xua pana nacꝫpa exaname peatsaxae meratha, yawano xua saya i pananta xeiname xua panantawenoname xua saya paxam nexa. Bapoxonae barapo matacabi xain jopa paca benaecae tsane poxonae jopaena. <sup>35</sup> Tsipei barapo matacabi jemeicha jopaena, icha be pocotsi jꝫta coyeneya ichi poxonae duwein jemeicha autabatsi mayatha. Barapo matacabi jopaena daxita barapo cae pin nacuathe yajiwꝫ canaꝫpaxuinchi. <sup>36</sup> Tsaca pajinompeibare xua tapatopae wꝫnae tsane. Matowa patsipaeba dubenanaebiyama Nacom. Patsipaebeibare xua Nacom paca capanenebiya exanaena baxua weya xua poxonae Nacom cana exanaena ichamonaetha xuaunxuae paca tsipaebatsi. Barichi patsipaebeibareno xua painya nepaca itacꝫpaewa tsane xua painya neumenaewa taitabaratha ponxaein Nacom Tananeitapetsin”, jei Jesús pijimonaetha.

<sup>37</sup> Daxita matacabi Jesús cuidubeiba jiwꝫ Nacom pin pia botha Jerusalén tomaratha. Merawitha tsaiꝫ demxuwa beya poneiba xua baxotiya peecaenexa tsaiꝫ tsane, po demxuwa pewꝫn Olivos. <sup>38</sup> Daxita matacabi jiwꝫ caemꝫmbotha tsaiꝫ pateiba Nacom pin pia botha xua Jesús pejume taenexa tsaiꝫ tsainchi.

## 22

*Meje yabara poxonae fariseomonae irꝫ sacerdotemonae pia pentacaponaei tatsi daxita barapomonae Jesús yabara nanta xeinatsi po coyeneya xua Jesús pewaetabiwa tsainchi*

*(Mt 26.1-5, 14-16; Mr 14.1-2, 10-11; Jn 11.45-53)*

<sup>1</sup> Bara nama imoxoyo matacabi jopa po matacabitha xua jiwꝫ nacae-tuta pexaenexa pan xua jopa cotowiyo. Barapo matacabi pewꝫn Pascua matacabi wꝫn. Barapo Pascua matacabi wꝫntha jiwꝫ yabara nanta xeina po matacabi poxonae caena bayatha matha judiomonae Egipto nacua weya panenebiya. <sup>2</sup> Sacerdotemonae pia pentacaponaei tatsi, irꝫ pomonae jiwꝫ pecuidubiwi Moisés pia peitorobi coyene tatsi, daxita barapomonae nabaꝫ muxu jei xua bepa pinae eta bichi tsane poxonae Jesús waetabinchi pebexubinexatsi. Cataunxuae jopa exanaeyo, canta jiwꝫ cunuwatsi.

<sup>3</sup> Bapon Judas caein jiwana pomonae doce poyobe pomonae Jesús pijimonaexae tatsi. Judas icha wꝫn xeina, po wꝫn “Iscariote”, baraichi. Nexata bapoxonae Satanás caurimonae pia pentacaponaein tatsi, Judas imoxoyo peinya caquita uncuatabatsi peitorobinexatsi xua abe peexanaewa tsane. <sup>4</sup> Judas siwa pona sacerdotemonae pia pentacaponaei tatsi, irꝫ policiamonae xua pebaꝫ cueicueijeinexa tsane. Barapomonae policiamonae pentacaponaei, xua pomonae peyabara umenaewi Nacom pin pia bo tatsi. Daxita barapomonaetha Judas tsipaeba xua pocotsi coyeneya poxonae Jesús caenaetinchi barapomonaetha. <sup>5</sup> Barapomonae bichocono ichichipaꝫcꝫpa baxua. Yawa barapomonae Judas muxu tsipaebatsi xua paratixi catsibapaebatsi. <sup>6</sup> Judas bara yabara jejei xua barapomonae paeba. Bapoxonae Judas tamropata pitaba xua jeita xua po coyenetha Jesús pecaenaetaxubiwa tsainchi barapomonaetha poxonae peyapu xanepanaewatha poxonae jiwaibi tsꝫꝫcꝫpa.

*Meje yabara poxonae Jesús pijimonaе baru nabane Pascua wun matacabitha*

(Mt 26.17-29; Mr 14.12-25; Jn 13.21-30; 1 Co 11.23-26)

<sup>7</sup> Nama matabi jopaba po matabitha poxonaе jiwi tsinacae-tutsina xua penabanaenexa pan po pan jopa muxuna pentsiyo levadura matawun pocotsiwa xua cotowa exana pan. Barapo penantacarucuae matabitha ba corderoxi pebtoxi xua oveja coxi jutebatsi xua jiwi pexaenexa. <sup>8</sup> Pedro iru Juan itorobatsibe, Jesús itoroba. Jesús barai, jeye: —Paponarebe panacui wunaerebe pexaewa Pascua wun matabi nexa waxaenexa tsainchi, jei Jesús.

<sup>9</sup> Baponbe, Pedro iru Juan, Jesús yainyabatsibe. Jeibe:

—¿Exota ichichipame xua xota pexaewa paca tsiwunaetsinchi wana-banaenexa tsane xua Pascua wun matabi nexa? jei barapomonaе.

<sup>10</sup> Jesús jume nota. Jeye:

—Poxonaе tomaratha papatopaenamebe, pataenamebe pebin. Barapo pebin juruwatotha yantana ponaena mera. Bapon papuna ponarebe bo beya ichaxota bapon joniyaena. <sup>11</sup> Pon bo pexeinaein pabarande: ‘Pon jiwi Pecuidubin cabarai: ¿Incane tutura, po tututha tajiwimonaе baru xaein Pascua wun matabi nexa? jeye Pecuidubin’, pajandebe, jei Jesús. <sup>12</sup> Equeicha Jesús jeye:

—Bapoxonaе pon bo pexeinaein tsita ita cayopichinabe po tutu pin tutu. Barapo tutu, po tutu xua asiyeicha, barapo tutu bayatha xaneba. Barapo tututha pexaewa panacui wunaetajebare xua wana-banaenexa pexaewa barapo Pascua wun matabi nexa, jei Jesús.

<sup>13</sup> Barapoyobe ponabe, penamchixae daxita tanebe be pocotsi coyeneya Jesús bayatha paeba. Bapoxonaе pexaewa nacui wunaetajebare Pascua wun matabi nexa xua penabanaenexa.

<sup>14</sup> Poxonaе barapo hora tsuxubi poxonaе quirei tsanaicha, Jesús baru ecoundeca pexaethopaewatha pijimonaе pomonaе doce poyobe pomonaе pia peitorobiwixae tatsi Jesús. <sup>15</sup> Nexata Jesús barai, jeye:

—Maisa bichocono juntu coyene weiweinan xua tapaca cabaru nacaе-tutsiwatsi, yawa tapaca cabaru nabanaewatsi barapo Pascua wun nabanae matabithe, xua baxua matha pewunaeye tsane xua poxonaе tatupaewa tsane. <sup>16</sup> Daxota paca tsipaebatsi xua equeicha jopa tapaca baru nacaеtutsiwatsi tsainchi xua wanabanaewa tsane Pascua wun matabitha. Equeicha exanaeinchi barapo penabanaewa po mataqueitha poxonaе Nacom neexanaena xua jiwi itorobiya ewatsin, jei Jesús.

<sup>17</sup> Nexata Jesús pecobetha pita corotiyo, Nacomtha tsipaeba, jeye:

—Axa, maisa juntu coyene weiweinan xua corotiyotha ecareca pepa uva mera xua pata tanecatsiwam, jei.

Yawa barai pijimonaе, jeye:

—Barapo corotiye pana nacobe wenonotaponde tamropata tsiwixi pa-aapaponde. <sup>18</sup> Daxota paca tsipaebatsi barapo uva mera jopa equeicha paca baru apae tsainchi anoxuae. Meisa abu bexa tsane pena coyenewatha paca baru apaeinchi barapo uva mera poxonaе Nacom neexanaena xua jiwi itorobiya ewatsin, jei Jesús.

<sup>19</sup> Jesús pecobetha pita pan, Nacomtha tsipaeba, jeye:

—Axa, maisa juntu coyene weiweinan xua pan pata tanecatsiwam, jei. Bapoxonaе Jesús pecobetha epa janaca pan, yawa catsiba pijimonaе. Pijimonaе barai, jeye:

—Paxaema po pan epa janacan. Barapo pan apara neyabara caunuta tapepon xua poxonae tapaca tsitupaewatsi tsainchi. Baxua paexaneibare bapocotsiwa xuaunxuae pan paca baru xainchi. Barapo coyene paexaneibare painya tana neyabara jıntanaineibinexa tsalibi tsane, jei Jesús.

<sup>20</sup> Poxonae Jesusbaru najain weta, barapoxonae Jesús yabara paeba corotiyó, icha ichi xua yabara paeba pan. Jesús jeye:

—Nacom exana pena pecapanenebiyae coyene jiwi nexa. Barapo pecaapaewiyótha uva mera paapame, xuaunxuae paapame, apara natsicotane be tajana xua tatupaein jana jopeicaein. Barapo pejanatha paca jıntu coyene cui capanepaeinchi abe painya neexanae cuiru coyenein weya. <sup>21</sup> Pebin taxantha necacuita namaxu yutabota pexaethopaewatha, barapo pebin necaenaetsina ichamonaetha xua tanebexubinexa tsane ichamonae. <sup>22</sup> Xan ponxaein Nacom Tananeitapetsin bewa tupaein, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha, jei Jesús.

<sup>23</sup> Nexata barapomonae caemonae nantiya nayainyaba, jeye: “¿Jintam metha caenaetsi Jesús?” najei barapomonae.

*Meje yabara poxonae Jesús pijimonae tatsi, yabara najume matsontsonoba xua barapoyobe caein ainya cui jiwana exanaeinchi pon xua barapo doce poyobe jiwana*

<sup>24</sup> Pirapaeyo Jesús pijimonae tatsi najume matsontsonoba xua barapoyobe caein ainya cui jiwana exanaeinchi pon xua barapo doce poyobe jiwana. <sup>25</sup> Nexata Jesús jume barai: “Pomonae jopa judiomona naexanaeyo, barapomona ba nantauta piamonae pomonae nacua peewatsiwi. Barapomonae pomonae jiwi itorobiya pia pepa peewatsiwichi barompaya piamonaexae jopa juniya itorobeibiyo. Barapomonae pomonae jiwi itorobiya pia pepa peewatsiwichi baxua exana, xua daxita jiwi pia jeichi: ‘Maisa barapomonae pomonae jiwi itorobiya pia pepa peewatsiwichi wuna nacata exana xua naca itoroba’, pia jeichi jiwi. <sup>26</sup> Ichitha paxam jopa bewa paraichim tsane xua aebiya painya neitorobiwa tsane. Jame, icha cui bewa paxeinare. Pon ainya cui peexanaeinchi paxamtha xua beyacaincha ichamona bapon bewa naexanaena be pon pecui pawí. Pon xua jiwi itorobeiba, bapon bewa naexanaena be pon amanaya tanacuita ichun nexa. <sup>27</sup> Iru ainya pebinbe. Ichun pexaethopaewatha ecoundeca. Ichun pexaewa apata. Pon ecoundeca apatatsi. ¿Jintamda pon ainya cui peexanaeinchira xua beyacaincha ichun? Pon xua jiwi apata pexaewa bapon jopa ainya cui peexanaeinchi. Jame pon pententa apatinchi bapon jame pon peainya cui peexanaeinchi, xua beyacaincha ichun. Nama painya xantha ecan, xua tacoya nacana exanan be pon xua pexaewa jiwi taapatsin, pocotsin jopa ainya cuiyiyo.

<sup>28</sup> “Paxam barapomonae pam, pomonae meisa pana nebaru jinompeibame poxonae bequein ichamonae inta abe exana. <sup>29</sup> Daxota paca catatsi taitorobi coyenewan icha Taxa Nacom neichi xua necata barapo peitorobi coyenewan. <sup>30</sup> Barapo peitorobi coyenewan paca catatsi, painya nenabaru nabanaenexa taitorobeibi nacuatheica. Paenaename pexeinya peitupanae enaewantha, painya neyabara paebinexa tsane pomonae doce po bicheito cuntiyobe, pomonae Israel pia pemomoxi susato jiwimonae tatsi xua penatsicuentisiwa abe pia peexanaexae”, jei Jesús.

*Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús (Mt 26.31-35; Mr 14.27-31; Jn 13.36-38)*

<sup>31</sup> Equeicha Jesús jeye:

—Simón jan, caurimonae pia pentacaponaein tatsi, bapon Satanás newuca: ‘Jinyamonaepin necare’, nejei. Bapon ichichipa xua abe cata exanaena xua taneitawetsinexam tsane. Icha jiwí ichi xua pebena daunweya yasisita pexubinexa pesiberapewa. Barichi caurimonae pia pentacaponaein tatsi ichichipa cajünta coyene itorobina xua taneitawetsinexam tsane. <sup>32</sup> Ichitha xan Taxa beicha cata tsipaebatsi xua jopa tana neyabara jüntemainaenexam tsane xua tana nejume cowantsiwam. Ichitha Satanás cacana exanaena xua tana nejumefebiwam saya bara caeto tsane. Bapoxonae equeicha caewa nejume cowantsiname. Poxonae equeicha caewa nejume cowantsiname, nexata ichamonae pomonae tana nejume cowantsiwi barapomonae yawenaename xua ajüntayapusya tana nejume cowantsiwa tsane, jei Jesús.

<sup>33</sup> Simón Jesús jume notatsi, jeye:

—Tanecanamataxeinaem, maisa be cabaru poponaeinchi. Bara bequein ichamonae cacaponaeina jiwí pecubi botha ichitha awiya capuna tupaenchi. Matauta bequein tupaename ichitha awiya capuna tupaenchi, jei Simón Pedro.

<sup>34</sup> Jesús jume nota, jeye:

—Pedro, catsipaebatsi bexa necaunutsiname acoibi po jume cuiyobe neyabara jam tsane: ‘Dapon jopa yaitaeinyo’, neyabara jam tsane. Barapoxonae iru tsane wacara pebto fibina, jei Jesús.

*Meje yabara poxonae bara nama barapo matacabi tsane po matacabiha Jesús waetabatsi*

<sup>35</sup> Nexata Jesús pijimonae yainyaba, jeye:

—Poxonae bayatha paca itorobatsi paca jeichi: ‘Jopa paratixi doro pacaponaeinde, jopa cote pacaponaeinde, jopa panataxu xatabinde xua penataxu xatabiwa’, jan. ¿Eta xoyo pacata seica xua xoyo pacobena poname? jei Jesús.

Barapomonae Jesús jume notatsi, jeye:

—Ajibi, bara paxeinan pocotsiwa panantawenonan, jei.

<sup>36</sup> Nexata Jesús jume nota. Barapomonae jume notatsi. Namchi:

—Anoxuae paca tsipaebatsi xua icha cui coyeneya. Pon cote xeina, moya bewa caponae. Pon xeina paratixi doro, moya bewa caponae. Pon peaitiyu camisa xeina, bapon bewa caenaetsina barapo camisa, barapo paratixitha bewa comotsina cusi. <sup>37</sup> Poxoru paca tsipaebatsi caena bayatha Nacom Pejume Diwesitha neyabara paebe, jeye: ‘Bapon cayabara cananta xeinaeinchi jei tsane bapon jiwana caein pomonae peabewi’, jei Nacom Pejume Diwesitha xua pinae jiwí jei tsane. Jiwi nantawenona xua baxua neyabara caunutsina xua Nacom peneyabara jumichixae baxuan pejume diwesitha, jei Jesús.

<sup>38</sup> Barapomonae Jesús jume notatsi. Jeye:

—Patatanecanamataxeinaem, xote bayatha paxeinan ainya watobe cusi, jei.

Jesús jume nota, jeye:

—Bara, bare, jei Jesús.

*Meje yabara poxonae Jesús Paxa tsipaeba ichaxota tsica iriyo po iriyo pewun Getsemani*

(Mt 26.36-46; Mr 14.32-42)

<sup>39</sup> Nexata Jesús tomara weya pona. Bapon pona demxuwa beya po demxuwa pewun demxu Olivowa, olivo naein peumenaexae baxota poxoru pia cui xua poneiba baxota petsipaebibinexa Paxa. Jesús pijimonae puna poinchi. <sup>40</sup> Poxonae barapo demxuwatha patopa, Jesús pijimonae barai:

—Nacom patsipaebare xua jopa abe painya neexanaewa tsane xua caurimonae paca itoroba.

<sup>41</sup> Nexata Jesús pijimonae tsiwiyo wepu natsixitaba. Saya jopa tajuyo. Be poxonae pebin ibotiyo xoya xua be pocotsiwatha naruntabiya jopeica. Jesús pentabocototha ecoundeca. Paxa tsipaeba. <sup>42</sup> Jesús namchi: “Axa, icha ichichipame xua tana neyawenaewam, inta pire xua ajuntacoyenerewe neexana. Ichitha jopa neexanaeinde be pocotsi coyeneya ichichipan. Saya jame necana exande be pocotsi coyeneya ichichipame”, jei Jesús.

<sup>43</sup> Bapoxonae Jesús tsita naitutatsi matatsunpin pon itaboco wetsica pona. Barapo matatsunpin Jesús antasuya cana exanatsi poxonae yawenatsi. <sup>44</sup> Bichocono Jesús ajuntatane tsipei Paxa copatatsi xua jiwi petsitupaewa tsainchi. Paxa beya bichocono matowa jume daunweya tsipaeba. Yawano bichocono najaneta. Barapo penajanetsiwa poxonae iratha othopeica be pejana othothepeica.

<sup>45</sup> Poxonae najume wetaba xuano xua asiya uncuano bapoxonae pijimonae beya pona. Jesús tane pijimonae xua tamaitumeinchi. Barapomonae maita tsipei juntu cuerona xua wecoyei, xua Jesús yaitama petapapaebixae. <sup>46</sup> Nexata Jesús pijimonae barai, jeye:

—¿Eta xua metha pamaitame? Panonobaponde Nacom patsipaebare xua jopa abe painya neexanaenexa tsane pocotsiwa caurimonae paca itoroba, jei Jesús.

*Meje yabara poxonae Jesús waetabatsi*

(Mt 26.47-56; Mr 14.43-50; Jn 18.2-11)

<sup>47</sup> Cataunxuae abu Jesús pijimonae tsipaebuncua poxonaeru jiwi pin bicheito pata. Caein Jesús pijimonae tatsi jiwana, pon pewun Judas, pomonae xua doce poyobexae, bapon pin bicheito matacapona. Judas Jesús imoxoyo caquita uncuatabatsi xua Jesús petsutsubinexa tsainchi.

<sup>48</sup> Nexata Judas baraichi, Jesús barai, jeye:

—Xan ponxaein Nacom Tananeitapetsin, ¡Judas, jamaisa netsutsubame, apara metha jinya necaenaetichi ichamonaetha! jei Jesús.

<sup>49</sup> Pomonae Jesús pijimonae tatsi caquita umeinchi, poxonae barapomonae baxua tane xua Judas Jesús tsutsubatsi xua pecaenaetsinexatsi ichamonaetha, bapoxonae barapomonae Jesús baraichi:

—Pata Tanecanamataxeinaem, ¿barapomonae cusitha paucuboban? jei Jesús pijimonae tatsi.

<sup>50</sup> Jesús pijimonae tatsi jiwana caein, bapon muxuyoro catsoniba, pon sacerdotemonae pia pepa pentacaponaein tatsi tanacuitatsi bapon muxuyoro catsonibatsi po muxuyoroto pecoxa werucuiya. <sup>51</sup> Ichitha Jesús barai bapon jeye:

—Bara, bara, jei Jesús.



Pon muxuyoro catsonibatsi Jesús muxuyoro jayaba pecobetha. Bapoxonae bapon equeicha muxuyoro ducuanaya. <sup>52</sup> Jesús tsipaeba, sacerdotemonae pia pentacaponaei tatsi tsipaebatsi. Yawano tsipaebano pomonaetha pomonae Nacom pin pia bo peyapu enaewi. Daxita barapomonaetha Jesús cueicueijei, pomonae ichichipa xua Jesús pewaetabiwatsi. Jesús jeye:

—¡Pacapatame cusin yawa iwabi, icha paichim poxonae pacana exaname pontha pon jiwi pecaibin! <sup>53</sup> Poxonae daxita matacabi Nacom pin pia botha paca baru poponeibatsi, jopa pana newaetabim. Ichitha anoxuae barapo matacabi tsuxubi nama po matacabitha Nacom paca yabara cui copata xua painya neexanaewa tsane pocotsiwa paca necaitorobixae cauri, bapon Satanás pon peyaitaquireya jinaein.

*Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús*

*(Mt 26.57-58, 69-75; Mr 14.53-54, 66-72; Jn 18.12-18, 25-27)*

<sup>54</sup> Nexata daxita barapomonaetha Jesús teicatsi. Yawano capoinchimo sacerdotemonae pia pepa pentacaponaein tatsi pia bo beya tatsi. Pedro, Jesús tsiwiyo taju pu taetae tsiniyatsi. <sup>55</sup> Baraxotiya sacerdotemonae pia pentacaponaein tatsi pia botha tatsi bara po botha aisowa beya panatha tututha isoto itutaeta. Soldadomonaetha barapomonaetha nayatoxoroto exanaxubiya ena isototha. Baraxota iru Pedro naeca. <sup>56</sup> Yabuyo powa sacerdotemonae pia pepa pentacaponaein tatsi tanacuitatsi, poxonae Pedro tainchi barapowa, xua iru naeca baxota isototha barapowa Pedro caununaya baraichichi, jeichichi:

—Bapon iru apara bayatha Jesús puna poponeibatsi, jei.

<sup>57</sup> Ichitha Pedro jume matawenta, jei:

—¡Petsiriwa, barapo pebin jopa yaitaeinyo! jei Pedro.

<sup>58</sup> Bapoxonae pirapaeyo iru ichundu pebin patopa. Bapon Pedro iru tainchi xua iru naeca baxota. Pedro baraichi bapon, jeye:

—Xam apara iru Jesús pijimonaetha tatsi jiwanam, jei.

Ichitha Pedro jume barai, jeye:

—¡Pebin, jopa dapomonaetha jiwananya apara! jei Pedro.

<sup>59</sup> Poxonae cae hora yapucaewa, iruru ichun Pedro matowa baraichichi:

—Bapon apara napuna poneiba Jesús, tsipei bapon Galilea nacuapindu, jei.

<sup>60</sup> Ichitha Pedro jume barai, jeye:

—¡Pebin, dammetha jopa taeinyo xua paebame! jei Pedro.

Poxonae Pedro cataunxuae baxua cueicueijei, bapoxonae caena nainya wacara pebto caein fiba. <sup>61</sup> Nexata Jesús napatomeicha necota, Pedro necoyatsi. Nexata Pedro nanta xeinataba xua bayatha Jesús Pedro tsipaebatsi, poxonae jeye: “Xam barapo merawithe, pewunaeya poxonae wacara pebto fibina xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane. Barapoxonae iru nainya wacara pebto fibina”, jeichi Pedro xua Jesús paeba.

<sup>62</sup> Nexata Pedro pesato bejoniya. Bichocono wecoyeyi, peajuntatanexae xua Jesús yabara paebatsi.

*Meje yabara poxonae Jesús cui caponatsi*

(Mt 26.67-68; Mr 14.65)

<sup>63</sup> Pomonae Jesús yapucaumeinchi, daxita barapomonae Jesús cui caponatsi, yawa butsinu. <sup>64</sup> Jesús itacuere cutatsi, paparuwatha yawa itabara cuaintatsino. Barapomonae Jesús baraichi:

—Incane pana netsipaebare, ¿jintam caitabara tsaquibobara xua bequein paca itabara cutatsi? jei.

<sup>65</sup> Daxita barapomonae Jesús tsuṃṃṃ jume baru paebatsi ainya jumeintha.

*Meje yabara poxonae Jesús capoinchi judiomonae pia pecanamata caitorobi jiwi bicheito tatsi pia peitabaratha tatsi*

(Mt 26.59-66; Mr 14.55-64; Jn 18.19-24)

<sup>66</sup> Poxonae pentha tsina nabaru nacaetuta penapataewi judiomonae, iru sacerdotemonae pia pentacaponae wi tatsi, iruru pomonae jiwi pecuidubiwi Moisés pia peitorobi coyene tatsi. Daxita barapomonae Jesús capoinchi pecanamata caitorobi bicheito itabaratha tatsi xua peyainyabinexatsi, jeichi:

<sup>67</sup>—Incane pana netsipaebare, ¿Xam Mesías, pon Nacom necaitorobin? jei.

Jesús jume epa pita jeye:

—Icha: ‘Aa’, paca jei tsipaetsi, apara jopa pana nejume cowantsitsipaem. <sup>68</sup> Icha paca yainyabichipatsi tayainyabiwan apara jopa pana nejume notsipaem. <sup>69</sup> Ichitha ponxaein Nacom Tananeitapetsin ecaein Nacom pia pecoxa weya tatsi, po Nacom peayapusu itorobi coyenewa pexeinaein, jei Jesús.

<sup>70</sup> Bapoxonae daxita barapomonae Jesús baraichi:

—¿Nexata metha xam Nacom Pexanto tatsim? jei.

Jesús jume epa pita jeye:

—Aa, barichi xuaunxuae papaebame painya coutha, jei.

<sup>71</sup> Nexata barapomonae caemonae natsipaeba najei:

—Anoxuae jopa nantawenonaetsi xua ichamonae Jesús peyabara pae-biwatsi. Tsipei anoxuae nama yatsicaewa jume tainchi, xua bapon pia coutha nayabara paeba, jei barapomonae.

## 23

*Meje yabara poxonae Jesús uncua Pilato peitabaratha tatsi*

(Mt 27.1-2, 11-14; Mr 15.1-5; Jn 18.28-38)

<sup>1</sup> Nexata daxita penayatoxoroto exanaxubiya enae jiwi barapomonae asiya umenarucupa, Jesús teicatsi yawa capoinchi Pilato peitabaratha tatsi. Pilato bapon pon Judea nacuapiwi peyanacua ewatsinchi. <sup>2</sup> Baxota daxita barapomonae Jesús cui yopitatsi xua abe exana, jeye:

—Barapo pebin patan xua wajiwiwimonae jume cui tsacabatsi xua anaepana cana exanatsi. Yawano pajume tanno pocotsiwa jopa bewa pinae paratixi matoma catsi pontha pon romanomonae itorobiya pia pepa peewatsinchi. Matauta bapon nayabara paeba: ‘Xan apara Mesías pon jiwi itorobiya pepa Taewatsin’, jei, jei barapomonae.

<sup>3</sup> Nexata Pilato Jesús yainyabatsi, jeye:

—¿Xam judiomonae itorobiya pia pepa Neewatsin? jei.

Jesús jume nota namchi, jeye:

—Xuaunxuae paebame bara baxua apara, jei Jesús.

<sup>4</sup> Nexata Pilato barai sacerdotemonae pia pentacaponae wi tatsi yawa baraino jiwi, jeye:

—Jopa jume itaraerowinyo bapon xua po jumetha penayaita anae exanaewa, xua pebexubinexatsi barapo pebin, jei.

<sup>5</sup> Ichitha barapomonae jume daunweya cueicueijei, jeye:

—Jiwi jopa juniya jume cui tsacabichi xua anaepana exanatsi pia pecuidubiwantha, daxita Judea nacuatha. Baxua Galilea nacuatha tamropata pitaba, equeicha aunxuae waxainya becui joparene, jei.

*Meje yabara poxonae Jesús uncua Herodes peitabaratha tatsi*

<sup>6</sup> Poxonae Pilato baxua jume taeba barapo bicheito baraichi, jeye:

—¿Jesús bara Galilea nacuapin? jei Pilato barapo bicheitotha.

<sup>7</sup> Barapo bicheito namchi, jeye:

—Aa, bapon Galilea nacuapin, jei barapomonae.

Bapoxonae Pilato itoroba, Jesús itorobatsi, Herodes peitabaratha beya. Bapon Herodes pon Galilea nacuapiwi peyanacua ewatsinchi. Herodes siwa poneiba Jerusalén tomara. <sup>8</sup> Poxonae Jesús taebatsi Herodes, bapon bichocono jantá coyene weiweinanareca, tsipei bayatha Herodes cuinaya betaena. Herodes saya jume taiba xua Jesús yopiteibatsi. Herodes ichichipa tane xua Jesús petsita itatsi coyenewa exanaena. <sup>9</sup> Herodes Jesús matowa yainyabatsi. Ichitha Jesús jopa jume notsiyo. <sup>10</sup> Baraxota iru ena sacerdotemonae pia pentacaponae wi tatsi. Iru baxota ena pomonae jiwi pecuidubiwi Moisés pia peitorobi coyenewa tatsi. Daxita barapomonae Jesús bichocono abe yabara paebatsi Herodes pia xantha tatsi. <sup>11</sup> Nexata Herodes yawano pia soldadomonae tatsino daxita barapomonae Jesús tsumu jume baru paebatsi. Jesús cui caponatsi, pexeinya paparuwa juma xatatatsi pocotsi paparuwan nama xataba pomonae peyanacua ewatsi jiwi. Equeicha Jesús itorobatsi Pilato peitabaratha beya, Herodes bara beitorobiya. <sup>12</sup> Barapo matabitha Herodes irano Pilato naitacoxonabe. Baponbe caena bayatha saya penaita aenae-aenei jitonbe.

*Meje yabara poxonae Pilato jume baru jejei xua Jesús bara pebexubiwa tsainchi ichamonae*

*(Mt 27.15-26; Mr 15.6-15; Jn 18.39-19.16)*

<sup>13</sup> Sacerdotemonae pia pentacaponae wi tatsi iruru judiomonae pia pentacaponae wi, iruru daxita jiwi, daxita barapo bicheito Pilato waba xua barapo bicheito penacuetutsinexa. <sup>14</sup> Pilato barai barapo bicheito, jeye:

—Paxam barapo pebin pacaponame taxantha. Pajam: ‘Barapo pebin daxita jiwi jume cui tsacabatsi xua anaepana exanatsi’, pajam. Bayatha bequein baxua barapo pebin yabara yainyaban painya itabaratha pocotsiwa bayatha payabara paebame taxantha, ichitha jopa jume itaraerowinyo bapon, xua po jumetha penayaita anae exanaewa xua yabara pana netsipaebame. <sup>15</sup> Icha ichin xua jopa jume itaraerowinyo Herodes barichi. Daxota equeicha Jesús caibe itorobarenatsi waxainya berena. Yaitama Jesús jopa abe exanaeyo, daxota jopa bewa bexubi. <sup>16</sup> Tha cueintichi bapon. Tha bapoxonae pu copatichi, jei Pilato.

<sup>17</sup> Poxonae Pascua matababintha ichun ba bewa isanaxubichi. Pilato barapo Pascua matababintha nantawenona xua isanaxubina caein pon jiwi pecubi botha pecaein, pon xua jiwi ichichipa, xua bapon peisanaxubinexa tsainchi.

18 Bapoxonae daxita jiwi jume daunweya wawai, jeye:

—¡Soldadomonae itorobare xua bapon pebexubinexatsi! ¡Barrabás painta pu sotabare! jei.

19 Barrabás jiwi pecubi botha etatsi, tsipei caena bayatha matacapona ichamonae xua barapo tomarapiwi najume tsacaba cana exanatsi xuano xua jiwi jutebatsi. 20 Pilato ichichipa xua Jesús pu copatatsi. Daxota equeicha barapo bicheito tsipaebatsi xua Jesús yabara paebatsi. 21 Ichitha equeicha barapo bicheito jume daunweya wawai Pilatotha, jeye:

—¡Bewa maisa naetotha t̄parucua exanaem! ¡Bewa maisa naetotha t̄parucua exanaem! jei.

22 Equeicha Pilato tsipaeba barapo bicheito, jeye:

—¿Eta pocotsiwa xua metha jane xua abe exana? Xan jopa jume itaraerowinyo bapon xua po jumetha penayaita anae exanaewa xua pebexubinexatsi bapon. Tha cueintichi, tha bapoxonae pu copatabichi, jei.

23 Barapo bicheito jopa juniya wawayo xua naetotha t̄parucua peexanaenexatsi Jesús. Ir̄u sacerdotemonae pia pentacaponae wi tatsi jume daunweya wawair̄u, beya capanepa po coyene ichichipa pecana exanaewa. 24 Daxota Pilato namchi: “Moya paexande be pocotsi coyeneya paichichipame”, jei Pilato. 25 Nexata Pilato nama pu sotaba pon jiwi pecubi botha peecaein, pon jiwi ichichipa xua bapon peisanaxubiwa tsainchi. Bapon pew̄n Barrabás, pon waetabatsi poxonae jiwi najume tsacaba xuano poxonae jiwi jutebatsi. Bapoxonae Jesús copatatsi, Pilato copata, xua Jesús bara pebexubinexatsi judiomonae pejumeyainwa tatsi.

*Meje yabara poxonae Jesús t̄parucua exanatsi naetotha  
(Mt 27.32-44; Mr 15.21-32; Jn 19.17-27)*

26 Poxonae Jesús cataunxuae caenapoinchi t̄pa peexanadutsinexatsi naetotha, pebin waetabatsi, soldadomonae waetaba. Bapon pew̄n Simón, Cirene tomarapin. Bapon wexua werena pona. Bapon peutucuratha tabotsicatsi naeto, xua pecaponaenexa Jesús peputha tatsi.

27 Jesús peputha tapoinchi pin bicheito, ir̄u ainya yab̄xino Jesús peputha tapoinchi. Daxita barapowaxi nantanuweya siwa namtsebiya wecoyeichi Jesús. 28 Ichitha Jesús necotabiya barai barapowaxi, jeye:

—Yab̄xi Jerusalén tomarapiwaxi pam, jopa pana nesiwa namtsebiya wecoyande. Jame maisa painya coutha pana nasiwa wecoyande, painya pexuino pasiwa wecoyande. 29 Tsipei matabintha othopaena po matabintha jiwi atene tsane. Barapo matabintha, jiwi jei tsane: ‘J̄nt̄u coyene weiweina po yab̄xi jopa pexui xeinaeyo. J̄nt̄u coyene weiweina po yab̄xi jopa bapana b̄tixitha taenaetsi pexui. J̄nt̄u coyene weiweina po yab̄xi bapana pexui jopa isinae’, jei tsane jiwi barapo matabintha. 30 Yawano jiwi namchi tsane: ‘Maisa xanepana xua wawerapaewa xua wanaca c̄n̄ababiwa demxuwan, yawano tsorobon naca matatsun wetoxebabina xua jopa wanaca it̄tsiwa tsane’, jei tsane jiwi barapo matabintha. 31 Xan w̄nae exanan dacotsiwa jiwi jopa juniya neperaxa exanaeyo. Ichitha pomonae abe peexanaewi nama jopa juniya bichocono peraxa exanaetsi beyacaincha xua neperaxa exana, jei Jesús.

<sup>32</sup> Cataunxuae Jesús ecapona. Iruru ponbe abe matowa peexanaeinbe, baponbe Jesús peputha tacapoinchibe, xua baponbe iru pebexubinexa tsainchibe poxonae Jesús bexotsi. <sup>33</sup> Daxita jiwi Jesús baru patatsi ichaxota po uruto be jiton matasipa piwa. Po uruto wun caunuteiba xua jei tsaibi: “La Calavera”, jei. Barapo uruto matasoitha Jesús tparucua exanatsi naetotha. Iruru ponbe jiwi pecaibinbe tparucua exanatsibe naetotha ichaxota imoxoyo Jesús ducua. Ichun Jesús petsocona wetauncuiyatsi, iru ichun pecoxa wetauncuarenatsi. <sup>34</sup> Poxonae Jesús naetotha ducua, Jesús jeye:

—Axa yabara cui jntemainare po coyene barapomonaecanana, tsipei barapomonaecanana, jopayaputaeyo xua necana exana, jei Jesús.

Soldadomonaecanana nata tsaba Jesús pia paparuwan tatsi. Bapomonaecanana ibotixi bebeya penacueranta notsinexa Jesús pia paparuwan tatsi. Pon beta xoya ibotiyo bapon copiya pita Jesús pia paparuwan tatsi. <sup>35</sup> Baraxota Jesús taeumeinchi jiwi. Ichitha nama pentacaponae wi Jesús cui caponatsi, barapomonaecanana jeye:

—Bapon cain capanepeibabei ichamonaecanana, came jopayaputaeyo. Icha bara bapon Mesías, pon Nacom pia peitapetsin, bu bara bapon pia coutha nacapanepa naeto wetsica, jei barapomonaecanana.

<sup>36</sup> Soldadomonaecanana iru Jesús cui capoinchi, imoxoyo caquita ume napoinchino. Barapo soldadomonaecanana Jesús apatatsi po mera pewun vino, po mera mene atsu. <sup>37</sup> Barapo soldadomonaecanana Jesús baraichi, jeye:

—¡Icha xaniwaicha judiomonaecanana itorobiya pia pepa Neewatsim, moya jinya coutha nacapanepa! ¡Naeto wetsica ecoinca! jei soldadomonaecanana.

<sup>38</sup> Jesús pentutu wetsica tadutatsi napaewa xua barapo napaewatha tina. Barapo petinadutsiwa jeye: “Baponje apara judiomonaecanana itorobiya pia pepa peewatsinchi”, jei barapo petinadutsiwa.

<sup>39</sup> Ponbe Jesús pecuariya tacobe matatabarutatsibe, ponbe matowa abe peexanaeinbe, baponbe caein ichun, bapon Jesús biatainchi petupaeyainwa naetotha. Bapon namchi:

—¡Icha xaniwaicha xam Mesías, ponxaem Nacom caitapeta, moya jinya coutha nacapanepa! ¡Yawano pana necapanepa! jei bapon.

<sup>40</sup> Pon icha naetotha ducua, bapon jume matawenta, pon Jesús casebatsi, bapon jume matawentatsi. Pon icha naetotha ducua namchi, jeye:

—¿Xam jopayaputaeyo cuitaya junuwim Nacom? Aparaunxuae tpaieinchibe ichaunxuae Jesús ichi tsane. <sup>41</sup> Waxainchibe jopayaputaeyo jiniya naca peraxa jubiyobe abe waexanaexaebe, apara bara xainwaicha xua nacata exana tsipei bayatha apara abe exanatsibe. Ichitha nama ponje jopayaputaeyo apara abe exanaeyo, jei.

<sup>42</sup> Nexata pon baxua penamchixae, bapon Jesús baraichi, jei:

—Jesús, neyabara cananta xeinare xua tana neyawenaenexam po matabathaxa poxonae patopeicaename xua jiwi neitorobinexam tsane, jei bapon.

<sup>43</sup> Jesús jume nota, jeye:

—Xaniwaicha bara catsipaebatsi, anoxuae tsane cabaru ecaeinchi ichaxota jiwi jntu coyene weiweinathopeiba, peitupanae nacuatheicha, jei Jesús.

*Meje yabara poxonae Jesús tupa  
(Mt 27.45-56; Mr 15.33-41; Jn 19.28-30)*

<sup>44</sup> Poxonae Jesús cataunxuae ducua naetho, bapoxonae daxita nacuantha bichocono aitaquiri xua poxonae mateinyaxae weya, beya yatabopiya. Tres po horabe quirei tsuncuae. <sup>45</sup> Poxonae cataunxuae xometo jopa penthiyo, bapoxonae paparuwa, po paparuwa Nacom pin pia botha ducua, barapo paparuwa nainya bopiya matonta tsitsiqueica. <sup>46</sup> Nexata Jesús jume daunweya wawai, jeye:

—Axa, nejumope pire, po jumope tana necatsixaemxae, jei Jesús.

Poxonae Jesús baxua caunuta, bapoxonae Jesús tɔpanaicha.

<sup>47</sup> Soldadomonae pia pentacaponaein tatsi Roma nacuapin, poxonae bapon baxua taeba, bapoxonae Nacom wɔnae jaintatsi, jeye:

—Jaina, apara baraponje jopa abe exanaeyo, itara ichamonae yopita xua abe exana, jei bapon.

<sup>48</sup> Daxita pomonae xua baxua taeumena baxota, barapomonae pia bo benawibiya. Poxonae namtotha enapona, daxita barapomonae nantacari cuainbobenapona poxoru bichocono ajuntɔcoyenetane xua Jesús pewisiwatsi. <sup>49</sup> Ichitha pomonae Jesús peyaitae jiwi, irɔ yabɔxino, powaxi Jesús puna dendenatsi Galilea nacua werena, daxita barapomonae Jesús tajɔ wetaeumeinyatsi poxonae ichamonae Jesús bexotsi.

*Meje yabara poxonae Jesús petɔpaein ibo mɔthɔtha yauxatatabotatsi (Mt 27.57-61; Mr 15.42-47; Jn 19.38-42)*

<sup>50</sup> Irɔrɔ pebin popona, bapon pewɔn José, Arimatea tomarapin. Arimatea tomara eca Judea nacuatha. Bapon pentacui xanepanaein. Yawano beta peponaein Nacom peitɔtha tatsi. José, bapon jiwana caein pomonae judiomonae pia pecanamata caitorobi bicheito tatsi.

<sup>51</sup> Barapon José yabara jume cowantsiya wɔnae ewateiba po coyenewa xua poxonae Mesías patopaetsica pon jiwi itorobiya peewatsinexatsi. Poxonae pomonae pecanamata caitorobi bicheito exana poxonae Jesús bexotsi, baxua José jopa peburɔya nacayabara nanta xeinaeyo. <sup>52</sup> José Pilato siwa poinchi. Pilato wɔcatsi Jesús petɔpaein, José wɔca. <sup>53</sup> José naeto wepichica Jesús petɔpaein. Bapoxonae José mata quiyontabareca barapo pexeinya paparuwatha. Bapoxonae José ibo mɔthɔ iya boya, po mɔthɔ jiwi mɔthɔ tofobobapona. Barapo mɔthɔtha cataunxuae petɔpaein ichɔn jopa boyaetsi. <sup>54</sup> José baxua exana po mataqueitha pewɔn penacui xaxainchi matacabi poxonae judiomonae ba weta daxita xua penacuitsiwa pewɔnaeya poxonae jopaena pentaquei seicae matacabi. Barapo pentaquei seicae matacabi imoxoyo jopaena.

<sup>55</sup> Powaxi Jesús puna dendenatsi Galilea nacua werena, barapowaxi pona mɔthɔtha, petaenexa xua Jesús mɔthɔtha xotsi. <sup>56</sup> Poxonae barapowaxi bo benawibiya, bapoxonae nacui wɔnaetajeba petuxueiwan yawa penasiwanno, xua Jesús petɔpaein tsixaxaintajebatsi.

## 24

*Meje yabara poxonae Jesús equeicha asɔ juina exanatsi petɔpae cuiru coyene weya*

*(Mt 28.1-10; Mr 16.1-8; Jn 20.1-10)*

<sup>1</sup> Barapowaxi botha cuicuina peseicae matacabitha, Moisés pia peitorobi coyeneya pepaebixae, barapo matacabi yabara.

Poxonae judiomonae pia pentaquei seicae matacabi tatsi yapu caewaba bapoxonae patopa matacabi po matacabi xua copiya ducua cae semanatha. Barapo matacabitha poxonae aena pentha tsina, yabɔxi

pona m̄th̄u beya ichaxota Jesús boca. Barapowaxi capona petuxueiwan yawa penasiwanno xua bayatha xaxaintajeba. Barapowaxi cueyabatsi icha yab̄xi. <sup>2</sup> Poxonae barapowaxi barapo m̄th̄u beya pata, barapowaxi taer̄c̄pa xua po ibo panawatha yaxatatababota xua pin ibo panawa barapo ibo m̄th̄u bayatha cou yaupataxababota. <sup>3</sup> Barapowaxi jojoniya m̄th̄iya ichitha barapowaxi jopa taeyo xua Jesús pon Pecana-mataxeinaein pet̄paein pebocuaewa. <sup>4</sup> Barapowaxi yabara naj̄nt̄u coyene cabenaeca. Jopa yaputaeyo xua exana tsipei jopa taeyo xua Jesús pet̄paein boca. Barapowaxi tsita nait̄tatsi nacueyatabe pebinbe ponbe xua asiya uncuabe, xuano xua yawa paparuwa nama xatatabe, po paparuwa bichocono daedaena. <sup>5</sup> Barapowaxi bichocono junuwa, pijunuwi irabe necobareca. Barapo pebinbe barapowaxi baraichi, jeibe:

—¿Eta xua metha pet̄pae cuiru coyenewatha panecobompame pon equeicha as̄u barapo pet̄pae cuiru coyene weya? <sup>6</sup> Xote jopa bocaeyo bapon. Bayatha bapon as̄u pet̄pae cuiru coyene weya. Payabara jume nanta xeinare xua bayatha bapon paca tsipaeba poxonae cataunxuae Galilea nacuatha popona. <sup>7</sup> Paca jeye: ‘Xan ponxaein Nacom Tananeitapetsin, bewa necaenaetsina pomonaetha pomonae abe peexanaewi. Barapo abe peexanaewi naetotha t̄parucua neexanadutsina. Ichitha equeicha po matakabi acoibibetha as̄un juina neexanaena pet̄pae cuiru coyene weya’, paca jei Jesús, jei barapo pebinbe xua barapowaxi tsipaebatsi.

<sup>8</sup> Nexata barapowaxi baxua jume cui yabara nanta xeinar̄c̄pa xua bayatha barapowaxi tsipaebatsi, xua Jesús tsipaeba. <sup>9</sup> Poxonae barapowaxi m̄th̄u wenawibiya tomara beya, barapowaxi daxita paeba pocotsiwa tane. Jesús pia peitorobiwi tatsi pomonae xua once poyobe barapomonae tsipaebatsi, ichamonaeno tsipaebatsino, pomonae Jesús jume cow̄ntatsi. <sup>10</sup> Powaxi yopita, xua powaxi Jesús pia peitorobiwi tsipaebatsi, ichowayo pew̄n María Magdalena powa Magdala tomarapiwayo, ir̄u ichowayo Juana, ichowayo María, Santiago pena tatsi, yawanor̄u ichowaxino powaxi saya napona. <sup>11</sup> Ichitha Jesús pia peitorobiwi tatsi nanta xeina xua barapowaxi jopa xainyeyo, yawano jopa jume cow̄ntsichi barapowaxi.

<sup>12</sup> Bapoxonae Pedro m̄th̄u becuinaepoinya. M̄th̄u tututha tane xua meisa paparuwa boca. Bapon pia bo benawiya. Bapon baxua yabara nanta xeina nawita.

*Meje yabara poxonae Jesús pebinbe tsita nait̄ta namtotha poxonae Emaús tomara beya ponabe*

*(Mr 16.12-13)*

<sup>13</sup> Barapo matakabitha Jesús pijimonae tatsi jiwanabe namtotha ecaponabe, siwa ponabe tomara, po tomara pew̄n Emaús. Barapo tomara eca once po kilómetrobe xua Jerusalén tomara weya. <sup>14</sup> Baraponbe yabara natsipaebecaponabe namtotha xua mexuaetha exana. <sup>15</sup> Poxonae cataunxuae yabara natsipaebecaponabe yawa yabara najume matsontsonobecaponabe, bapoxonae Jesús imoxoyo caquita uncuatabe yawa naponano. <sup>16</sup> Bequein baraponbe Jesús tainchi, ichitha baponbe jopa ita cui canāp̄aetsibe xua Jesús peyaitaewatsi. <sup>17</sup> Nexata Jesús yainyaba, baponbe baraichibe, jeye:

—¿Eta xua namtotha yabara pana natsipaebecaponamebe? jei Jesús.

Baponbe juntu wecoyeya naruntababe peyabara natsipaebecapon-aexaebe xua mexuaetha exana. <sup>18</sup> Ponbe penacueyatsixaebe caein pewan Cleofas. Bapon Cleofas Jesús jume notatsi, jeye:

—Daxita pomonae jinompa Jerusalén tomaratha, daxita barapomonae yaputane xua exana barapo matakabintha. ¿Meisa xam compam jopa yaputaem xua mexuaetha exana? jei.

<sup>19</sup> Nexata Jesús baraibe baponbe, jei:

—¿Eta xua exanara barapo tomaratha? jei.

Baraponbe jume notabe, jeibe:

—Apara pana natsipaebecaponanbe xua jiwi exana, pajan: ‘Xua po coyeneya Jesús Nazaret tomarapin cana exanatsi’, pajan. ‘Pon Nacom peitorobi jume papaebin, pon peitapanae petsita itutsi coyenein exana Nacom pia peayapusu itorobi coyeneya tatsi’, pajan. ‘Pon xanepanaya pecueicueijein Nacom peitatha tatsi, xuano xua jiwi peitatha tatsi’, pajan. <sup>20</sup> Sacerdotemonae pata tanecanamataxeinaewi iru pata pecanamata caitorobiwi piraichi Jesús cobe waetabatsi pia Pilato peitorobinexa soldadomonae xua Jesús tparucua peexanaenexa tsainchi naetotha. <sup>21</sup> Bequein pawnae ewatan xua Jesús patopa xua peyawenaenexa tsane Israel nacuapiwi xua barapo Israel nacuapiwi panenebiya peexanaenexatsi, ichitha bapon jopa capanenebiyaeyo barapomonae. Yawano acoibi po matakabibe pu caewa poxonae Jesús bexotsi. <sup>22</sup> Yabuxi, powaxi xua paxan jiwana pan, barapowaxi pona mathu beya poxonae aena pentha tsina. Pona ichaxota Jesús boca. Barapowaxi pana tsipaeba xua tane. Daxua pana nenabenaeca exana bichocono. <sup>23</sup> Barapowaxi pinae jopa taeyo Jesús petupaein. Bapoxonae pana netsipaeba xua pinae barapowaxi tsita naitatatsi matatsunpiwi. Pinae matatsunpiwi namchi: ‘Bayatha Jesús asu’, jei pinae. <sup>24</sup> Bapoxonae pata jiwimonae, barapomonae jiwana mathu beya pona. Barapomonae bara tane baxua, xua yabuxi yopita. Ichitha Jesús petupaein jopa taetsi, jeibe xua Jesús tsipaebatsi.

<sup>25</sup> Nexata Jesús jume nota baraponbe, jeye:

—Paxam pomonae jopa peyaputae jiwi pam, xuano xua bewayo pajume cocowantaponame pocotsiwa bayatha Nacom peitorobi jume pepaebiw paeba. <sup>26</sup> Paxam payaputaneme xua Mesías pon Nacom itapeta, copiya bewa peraxa exanaeinchi. Nacom cana exanaena xua bapon patopaena Nacom pia peitorobi nacia beicha xua pexeinaenexa tsane Nacom pia peayapusu itorobi coyenewa tatsi, jei Jesús.

<sup>27</sup> Nexata Jesús tsipaeba baraponbe xua daxita i dapo diborontha Jesús yabara paebatsi Nacom Pejume Diwesitha. Copiya matha Jesús yaputane exana po diwesin xua Moisés tina xua Jesús yabara paebatsi. Bapoxonae equeicha Jesús yaputane exana xua po diwesi Nacom peitorobi jume pepaebiw tina, xua Jesús yabara paebatsi.

<sup>28</sup> Jesús, iru barapo pebinbe imoxoyo pata tomaratha, po tomara siwa ponaena. Barapo pebinbe naruntababe, ichitha Jesús mexeya maisa pona namto tomara weya. <sup>29</sup> Ichitha baponbe Jesús jume daunweya baraichi, jeye:

—Pana nebaru ecare, apara bayatha tabopiya tsanaicha, quirei tsanaicha apara, jeibe.

Daxota Jesús puna joniya ichaxota baraponbe patopabe xua barponbe pebaru ecaenexa tsainchibe. <sup>30</sup> Nexata poxonae Jesús baru eca



pexaethopaewatha baponbe, bapoxonae Jesús wecobe pita pan. Paxa barai: “Axa, maisa jũntũ coyene weiweinan xua pata tana necatsiwam barapo pan”, jei. Bapoxonae Jesús epa janaxuba pan. Baponbe catatsibe. <sup>31</sup> Poxonae Jesús baxua exana, caena bapoxonae baponbe Jesús yaitainchi. Baponbe yaitaebabe. Bapoxonae Jesús yacuinaya jemeicha aichurucuae tsanaya. <sup>32</sup> Baponbe natsipaebabe, najeibe:

—Maisa jũntũ coyene weiweinatsibe poxonae namtotha naca tsipaebecaponabe. Bapon naca yaputane exanabe xua bapon peyabara paebiwatsi Nacom Pejume Diwesitha, jei baponbe.

<sup>33</sup> Bapoxonae caena yacuinaya caibe iyabe Jerusalén tomara beya. Baraxotiya Jerusalén tomaratha baponbe caxinabe penacaetutsi jiwi pomonae once poyobe pomonae Jesús pia peitorobiwi tatsi. Irũrũ nanacaetuta pomonae cueyaba xua pomonae once poyobe pia pecueyabiwichi. <sup>34</sup> Barapo penacaetutsi jiwi namchi baponbetha, jeye:

—Apara xainyei. Bara Jesús pon Pecanamataxeinaein, asũ. Apara bapon Jesús Simón tsita naitũtatsi, jei barapo penacaetutsimonae.

<sup>35</sup> Nexata baponbe daxita yabara paebabe barapo penacaetutsi jiwitha xua baponbe namtotha cuidubecapoinchibe. Mataũta paebabeno xua baponbe matapainya yaitaebabe xua Jesús yaitaebatsi poxonae Jesús pan epa janaxuba, xuano xua poxonae catatsibeno pan.

*Mejeyabara poxonae Jesús tsita naitũta pijimonae Jerusalén tomaratha (Mt 28.16-20; Mr 16.14-18; Jn 20.19-23)*

<sup>36</sup> Poxonae cataunxuae tsipaebabe barapo diwesi, bapoxonae Jesús jemeicha tsita naitũta barapomonae peitabaratha. Jesús jacoba barapomonae, jeye:

—Barabũ Nacom jũntema jinompa paca cana exana, jei Jesús barapo penacaetutsimonae.

<sup>37</sup> Barapomonae bichocono nabenaeca, yawa bichocono cuitaya junuwa. Barapomonae nanta xeina xua metha Jesús perowatsi tainchi. <sup>38</sup> Ichitha Jesús barai barapo penacaetutsimonae, jeye:

—¿Eta xua metha junuwiya pana nabenaecame? ¿Eta xua metha ainya unthũton pam? <sup>39</sup> Pana necobe taema, yawa pana netaxu taema. Apara bara xan tsocuaein. Pana nejayabare, yawa pana neyaputaema xua xan pepa jiton. Dowatsi bapana jopa wi ducuae, yawa bapana jopa piwa ducuae. Ichitha aunxuae nama yatsicaewa xaniwaicha pana netaneme xua xan pepa jiton icha paxam paichim, jei Jesús.

<sup>40</sup> Poxonae baxua Jesús najume weta, nacobe wan itũba, yawa nataxu wan itũba. <sup>41</sup> Ichitha came awiwa barapomonae jopa jume cowũntsiyo poxoru barapo diwesi barapomonae tsita jume xeicatsi yawa barapo diwesi yabara najũntũ coyene cabenaeca exanatsi. Jesús jeye:

—¿Paxam xote penabanaewiyo paxeiname? jei Jesús.

<sup>42</sup> Nexata barapomonae Jesús catatsi duweiyoy, poyo seba. <sup>43</sup> Jesús wecobe pita, yawa xane barapomonae peitũtha tatsi. <sup>44</sup> Bapoxonae Jesús namchi barapomonaetha:

—Caena bayatha paca tsipaebatsi poxonae cataunxuae paca baru ecatsi. Paca jeichiche: ‘Daxita po coyenein neyabara tina, daxita baxuan peneyabara jeixae, bewa necana exanaena. Daxita xua Moisés po diwesiintha neyabara tina, bewa necana exanaena. Daxita pocotsiwa Nacom peitorobi jume pepaebiwiy neyabara tina, bewa necana exanaena.

Daxita xua salmos penax̄nae weixi diwesiñtha neyabara tina, bewa necana exanaena', paca jeichiche, jei Jesús.

<sup>45</sup> Jesús barapomonaē yaputane exana xua Nacom Pejume Diwesi paeba. <sup>46</sup> Jesús barai barapomonaē, jeye:

—Nacom Pejume Diwesiñtha neyabara jei: 'Mesías bewa t̄paena, yawa equeicha as̄u tsane po matababi acoibibe pet̄paē coyene cuiru weya. <sup>47</sup> Yawano bewa barapomonaē Mesías pia pejume cow̄nchiwichi bewa tsipaebina daxita nacuantha Nacom Pejume Diwesi tatsi Mesías pia peayapus̄u itorobi coyeneyatha tatsi. Copiya petamropata notsinexa Jerusalén tomara weya. Barapomonaē jei tsane jiwitha: Bewa icha j̄nt̄u coyene Nacom patsita xeinaem xua bapoxonaē Nacom painya nepaca cayabara j̄nt̄emainaewa tsane abe painya neexanaē cuiru coyenewa, jei tsane barapomonaē', jei Nacom Pejume Diwesiñtha, jei Jesús. <sup>48</sup> Equeicha Jesús barai pijimonaē, jeye:

—Paxam daxita jiwi patsipaebiname daxita xua pataneme. <sup>49</sup> Matauta pataemano xua pacata itorobicaeinchi Nacom pia Pejumope t̄nax̄u tatsi xua bayatha Taxa yabara paca tsiw̄nae muxu duta. Barapo Nacom pia Pejumope t̄nax̄u tatsi yawa patopaena peayapus̄u itorobi coyenewa. Paenare xote Jerusalén tomaratha, beya poxonaē barapon yawa pacata patopaena pia peayapus̄u itorobi coyenewa Nacom pia nacua tatsi wet-sica, jei Jesús.

*Meje yabara poxonaē Jesús athabe juinya Nacom pia peitorobi nacua beicha tatsi*

*(Mr 16.19-20)*

<sup>50</sup> Nexata Jesús pijimonaē bar̄u pona Jerusalén tomara weya, Betania tomara bebar̄u iya. Jesús namax̄u yoicha itaboco beicha yawa tsipaeba Nacomtha xua pijimonaē tatsi nexa, xua pijimonaē petayawenaenexatsi. <sup>51</sup> Poxonaē cataunxuae Jesús tsipaebuncua Nacom xua pijimonaē tatsi nexa, bapoxonaē Jesús athabe juinya exanatsi peitaboco beicha, Nacom exana. <sup>52</sup> Poxonaē Jesús pijimonaē tatsi baxua tane, bapoxonaē barapomonaē Jesús pecoutha tatsi namchi: "Maisa Wanacanamataxeinaein w̄nae", jei. Barapomonaē Jerusalén tomara beya j̄nt̄u coyene weiweinaya caibe nawibiya. <sup>53</sup> Barapomonaē Jesús pia peitorobi jiwi tatsi Nacom pin pia botha, baxota Nacom jopa juniya w̄nae jainteibichi.

Baja Lucas.

## Jesucristo Pia Pexeinya Diwesi Jume Tatsi Juan Petinae Diwesi

*Meje yabara poxonae Mesías jiwi forotatsi, pon pewun “Pejume”, baraichi*

<sup>1</sup> Poxonae cataunxuae daxita nacuan jopa forotsiyo, bapoxonae iruru caena bayatha Mesías popona, pon Nacom Pexanto tatsi, pon pewun “Pejume”, baraichi. Bapon Nacom caena bayatha baru poponeiba. Bapon apara bara Nacom. <sup>2</sup> Poxonae aena copiya, bapoxonae bapon caena bayatha Nacom baru popona. <sup>3</sup> Nacom cana exana xua Mesías daxita nacuan foforota. Dapocotsiwa aibi xua yaseicanaya xua pocotsiwa bapon jopa exanaeyo. <sup>4</sup> Bapon Mesías, pon “Pejume” baraichi bapon asu cana exana daxita jiwi tsipei bapon ataya xeina peasu coyenewa. Matautano bapon pena juntu coyeno cana catsiya taexanano jiwi xua jiwi yaputaena po coyene pexainyei coyenewa. <sup>5</sup> Icha pecoicha ichi xua jiwi yaweinchi xua beta pejinompaenexa poxonae quirei, bara jata ichi Mesías. Bapon jiwi yaweinchi xua beta xanepanaya pejjinaponaenexa poxonae bapon Mesías cuiduba jiwi. Caurimonae pia pentacaponaein tatsi bequein ichichipa xua Mesías peamanayabiwatsi, ichitha caurimonae pia pentacaponaein tatsi jopa itacupaetsi xua Mesías peamanayabiwatsi tsipei bichocono Mesías peayapuswa xeina.

<sup>6</sup> Bapoxonae iru Nacom itoroba pebin, pon pewun Juan. <sup>7</sup> Bapon patopa xua Mesías peyabara paebinexatsi, po wun xua jei “Pon Nacom itorobica”, jei. Bapon Juan daxita jiwi juntu coyene cui tsacaraba xua jiwi Mesías pewanaeya tatsi, penajuntu cui wunaetsinexa xua daxita jiwi Mesías pejume cowantsinexa tsainchi. <sup>8</sup> Juan apara Mesías aibi. Apara saya pia Mesías wunae yabara paebichi xua Juan peitorobixaetsi baxua. <sup>9</sup> Bapon Mesías patopeica po cae pin nacuathe tsique peyawenaenexa daxita carepaya jiwitha pia pecuidubi coyenewantha.

<sup>10</sup> Bapon popona barapo cae pin nacuathe tsique. Bara bequein bapon exana pia coya barapo nacue, po cae pin nacuathe tsica pona, daichitha barapo cae pin nacuathepiwi jopa Mesías yaitaetsi po coyene xua bapon po cae pin nacuathe tsique forota daxita. <sup>11</sup> Bequein bapon bara pia nacuathe patopeica, daichitha barapo cae pin nacuapiwi bapon jopa weiweinaya matenta wabichi. Matautano jopa yaputaetsi xua po coyene bapon Mesías apara pon Nacom itoroba. <sup>12</sup> Ichitha ichamonae pomona bapon matenta weiweinaya wabatsi xuano xua bapon jume cowantatsi, barapomona Mesías cana exana xua po coyeneya barapomona Nacom piamona tatsi penaexanaewa tsane. <sup>13</sup> Tsipei barapomona jopa naexanaeyo Nacom pia pexui xua poxoru be jiton coyeneya penaexanumenaponaexae. Matautano barapomona jopa naexanaeyo Nacom pia pexui xua poxoru pebin peichichipaexae xua pepichiwa piowa. Matautano barapomona jopa naexanaeyo Nacom pia pexui xua poxoru coxiyun peichipaexae xua pexeinaewa pia pexui. Saya jame barapomona Nacom pia pexui tatsi naexana, tsipei Nacom cana exana baxua.

<sup>14</sup> Barapon Mesías pon pewun “Pejume”, baraichichi, bapon poxonae naexana po cae pin nacuathe tsique bara bapon yatsicaya pepa jiton.

Matautano naca baru popona bapon. Bapon wan ununatatsi “Jesús” baraichichi. Matautano bapon pejantu coyene wetsina bichocono jiwi antobetsi. Matautano bapon xainyeya pepaebin. Matautano paxan pacui tan xua Jesús exaneiba pia pexeinya peyapusuwatha po pexeinya peyapusawa Jesús Paxa catatsi. Bapon Nacom Pexanto tatsi, bara yatsicaya compa tatsi pepa Pexanto. <sup>15</sup> Juan yabara paeba, Jesús yabara paebatsi. Juan jeye: “Bara barapon apara pon bayatha yabara paeban xua poxonae janje: ‘Pon cotacaya patopa xua xan tsiwana patopan, bapon jame bichocono peainya cuin, beyacaincha xan. Tsipei bapon caena bayatha popona poxonae xan aibin xua poxonae abu cataunxuae jopa naexanaeinyo’, janje”, jei Juan.

<sup>16</sup> Bapon Jesús naca cata daxita pia peyaputae coyenewan. Jopa juniya amanaya naca catsiyo baxuan, xua pocotsiwa nantawenonatsi jantema watsita jinompaenexa tsane bapon. <sup>17</sup> Moisés naca cata Nacom pia peitorobi coyenewan tatsi. Baxuan bichocono jopa juniya ayapubeyo. Ichitha Jesucristo, pon “Mesías” baraichi xua pocotsiwa naca cuiduba xua pinae Nacom jopa juniya antobeyo jiwi, xuan xua pocotsiwa naca cuiduba bara baxua yatsicaya pexainyei jume. <sup>18</sup> Dapon aibi pon Nacom petaewatsi. Nacom Pexanto tatsi, pon yatsicaewa compa tatsi bapon naca cana exana xua Nacom wayaputaewatsi, paxa imoxoyo pebaru poponaexaetsi.

*Meje yabara poxonae Juan pon jiwi Pebautisabin Jesucristo yabara cueicueijeichi*

*(Mt 3.11-12; Mr 1.7-8; Lc 3.15-17)*

<sup>19</sup> Judi monae pomonae ena Jerusalén tomaratha barapomonae sacerdotemonae itorobatsi iruru levitamona itorobatsi Juan beya, xua Juan peyainyabinexatsi xua pejeinexatsi: “¿Xam jintamamda?” pejeinexatsi. <sup>20</sup> Juan beta nayabara paeba, jeye:

—Xan Mesías apara aibin, pon Nacom itorobicaena, pon wanaca capanenebiwa tsane, jei Juan.

<sup>21</sup> Nexata equeicha Juan yainyabatsi, jeichichi:

—¿Metha nexata xam jintamamda? ¿Bara xam bapom pon Nacom peitorobi jume pepaebim pon pewun Elías, pon bayatha tupa? jei barapomonae.

Juan jume nota, jeye:

—Xan bapon apara aibin, jei.

Equeicha Juan yainyabatsi, jeichichi:

—¿Nexata jintam metham? ¿Xam bapom pon Nacom peitorobi jume nepaebim pon bewa patopeicaena juinya pata tanecuidubinexa tsane Nacom Pejume Diwesi? jei barapomonae.

Equeicha Juan jume nota, jeye:

—Jume, xan apara aibin dapon, jei Juan.

<sup>22</sup> Nexata daxita barapomonae Juan baraichi, jeye:

—¿Eta pom metham? Tsipei xua pata tanejume notsiwam pata tha xuya tsipaebichi pomonae pana nejume caitoroba. ¿Etabe pana nejumichim tsane xua jinya coutha nenayabara paebiwam? jei barapomonae.

<sup>23</sup> Nexata Juan jume nota, jeye:

—Xan bapon aparan pon wawan ichaxota ira xuepana susato tsurucuae nacua beya, xua jan: ‘Patsi najantu cui coyene wanaere, pon jiwi

pia pepa Pecanamataxeinaeinchi nexa pia pepatopae w<sub>na</sub>eya tsane', xua jan ponxaein xua wawan ira xuepana susato tsurucuae nacua beya. Bayatha Isaías pejume diwesitha taneyabara jume cui w<sub>na</sub>e tsiwanaya paebixae pon Nacom peitorobi jume pepaebin, jei Juan.

<sup>24</sup> Daxita pomonae Juan bar<sub>u</sub> cueicueijeichi, barapomonae fariseomonae itoroba. <sup>25</sup> Daxita barapomonae Juan yainyabatsi, jeichichi:

—Icha xam bapon Mesías aibim xuano xua icha Elías aibim, yawa icha xam bapon aibim pon Nacom peitorobi jume nepaebin, ¿nexata jintam cacui itoroba xua nebautisabiwa jiwi? jei barapomonae.

<sup>26</sup> Juan jume nota, jeye:

—Xan meratha bautisaban, ichitha ich<sub>u</sub>n beta exanaena beyacaincha xan. Bapon bara bequein painyamonae pia xantha tatsi popona ichitha bapon jopa payaitaem. <sup>27</sup> Bequein bapon nepuna patopaena, ichitha pocotsiwa bapon exana bichocono ainya cui beyacaincha pocotsiwa exanan. Bichocono pin ura tsita xeinan xua tataxu m<sub>u</sub> isanaxubiwa tsane pia penataxu xatatsiwa tatsi, jei Juan.

<sup>28</sup> Daxita baxuan Juan yainyabatsi ichaxota po tomara pew<sub>u</sub>n Betania. Barapo tomara eca icha pocotsiwa xometo weecoina xua icha muxunenetha eca Jordán mentha. Barapo muxunenetha Juan bautisaba jiwi.

*Meje yabara xua poxonae Jesús pon “Cordero”, baraichichi*

<sup>29</sup> Icha mataqueitha Juan tane, Jesús tainchi xua Juan pexainya tare-natsi. Bapoxonae Juan jiwitha jeye: “Incane pataema pon pej<sub>u</sub>nt<sub>u</sub> coyene xeicaein pon Nacom itorobica, pon ‘Cordero’, baraichichi xua oveja pebto pen<sub>u</sub>n. Apra bapon pon jiwi petsit<sub>u</sub>paewa tsainchi xua abe pia peexanae cuiru coyenein tatsi icha poxonae ovejiyo ichi poxonae tsit<sub>u</sub>pa jiwi abe pia peexanae cuiru coyenein tatsi. <sup>30</sup> Bara bapon apra pon bayatha yabara paeban poxonae janje: ‘Pon cotacaya patopa xua xan tsiw<sub>u</sub>na patopan, bapon jame bichocono peainya cuin, beyacaincha xan. Tsipei bapon caena bayatha popona poxonae xan aibin xua poxonae ab<sub>u</sub> cataunxuae jopa naexanaeinyo’, janje. <sup>31</sup> Xan copiyatha jopa yaputaeyno xua Jesús bapon barapara Mesías, pon icha w<sub>u</sub>n Cristo, pon Nacom itorobica. Ichitha xan patopan tabautisabinexa meratha Israel piamonae susato saineiwi xua barapomonae bapon peyaputaewa tsainchi”, jei Juan.

<sup>32</sup> Juan yawa namchi, jeye: “Poxonae bapon bautisaban bapoxonae tan Nacom pia Pejumo pe t<sub>u</sub>nax<sub>u</sub> tatsi xua peitaboco weruneica xua be topiboto yaruneica. Barapo Nacom pia Pejumo pe t<sub>u</sub>nax<sub>u</sub> tatsi, bapon pexantha tapatopatsi. <sup>33</sup> Xan cataunxuae bapoxonae xaniwaicha jopa yaitaeyno bapon. Ichitha pon xua necui itoroba xua jiwi bautisaban meratha, nejei bapon: ‘Taename tajumo pe t<sub>u</sub>nax<sub>u</sub> xua be topiboto tsecae xua peitaboco weruneica, po tajumo pe t<sub>u</sub>nax<sub>u</sub> bapon pia xantha tapatopatsi. Poxonae baxua taename bapoxonae yaputaename xua barapo pebin apra pon jiwi pebautisabiwa tsainchi tajumo pe t<sub>u</sub>nax<sub>u</sub>tha. Bapon barompaya pia pebautisabi coyenewa exanaena xua poxonae barapo tajumo pe t<sub>u</sub>nax<sub>u</sub> catsibina pomonaetha pomonae piamonaethaxae. Barapoxonae barapo tajumo pe t<sub>u</sub>nax<sub>u</sub> barapomonae yanaba jinompaeinchi’, jei Nacom. <sup>34</sup> Bapoxonae bapon yaitan xua deta cou apra Mesías, yaitama tan xua poxonae bayatha Nacom netsipaeba.

Daxota paca tsipaebatsi xua bapon barapara Nacom Pexanto tatsi”, jei Juan jiwitha.

*Meje yabara xua poxonae Jesús itapeta pomonae copiya pomonae Jesús pijimonae tatsi*

<sup>35</sup> Icha mataqueitha equeicha Juan pon jiwi Pebautisabin pecoutha patopa xuano xua pebinbe nacueyatabe puna poinchi ponbe xua pia pepuna ponaewichi jiwanabe tatsi. <sup>36</sup> Poxonae Juan tane xua Jesús dawerena ichaxoyo Juan dena, bapoxonae Juan jeye xua Jesús yabara jeichi:

—¡Pataema apara bapon pon ‘Cordero’ baraichi xua oveja pebto penan pon Nacom itorobica xua petsitupaenexa jiwi abe pia peexanae cuiru coyenein tatsi! jei Juan.

<sup>37</sup> Barapo pebinbe ponbe Juan pia pepuna ponaewichi jiwanabe tatsi, baraponbe Juan jume tainchibe xua Juan baxua paeba. Bapoxonae barapo pebinbe Jesús puna poinchibe. <sup>38</sup> Nexata Jesús napatomeicha necota caibeya yawa tanebe xua barapo pebinbe Jesús puna poinchibe. Bapoxonae baponbe Jesús yainyaba, jeye:

—¿Painya eta xuatsi?

Jesús jume notatsibe baponbe, jeibe:

—Pon jiwi Necuidubim, ¿exota poponame? jeibe.

<sup>39</sup> Jesús jume nota baponbe, jeye:

—Anetha, matha pataema, jei Jesús.

Nexata napuna ponabe yawa natanebe ichaxota Jesús popona. Barapo mataqueitha naecabe ichaxota Jesús popona. Jopa nawiyaebe tsipei xometo tabopiya tsanaichaba.

<sup>40</sup> Ponbe Juan pejume taexaetsibe xuano pepuna ponaexaetsibe Jesús, caein pewan Andrés, Simón Pedro peweicho tatsi. <sup>41</sup> Andrés copiya matha peweicho wenawenei pon pewan Simón. Andrés barai peweicho, jeye:

—Paxan pacaxinan pon pewan Mesías, jei Andrés. (Barapo wan yabara caunuta xua jei “Cristo”, jei.)

<sup>42</sup> Bapoxonae Andrés peweicho capona, Simón capoinchi ichaxota Jesús uncua. Poxonae Jesús tane xua poxonae Simón tainchi, jeye:

—Xam Simón Juan pexanto tatsim. Ichitha xam anoxuae newan Cefas tsane, barapo wan Cefas wan jei: ‘Iboto’, jei, jei Jesús. Seicaya griego jume wan ‘Pedro’, jei barapo wan iru jei: ‘Iboto’, jei.

*Meje yabara poxonae Jesús Felipe wabatsi, iru Natanael wabatsi*

<sup>43</sup> Bapoxonae icha mataqueitha Jesús ichichipa xua peponaewa Galilea nacua beya. Bapoxonae Jesús, Felipe caxinatsi, yawa jeichichi:

—Nepuna ponde, jei Jesús.

<sup>44</sup> Barapon Felipe Betsaida tomarapin, po tomaratha iru Andrés popona iru Pedro. <sup>45</sup> Nexata Felipe Natanael wenaweneichi, yawa Felipe barai bapon, jeye:

—Pebin pacaxinan, pon bayatha Moisés yabara tsiwunaecui tina pia peitorobi diwesi jume coyenewatha. Matautano pon bayatha iruru Nacom peitorobi jume pepaebiwi yabara tsiwunaecui tina. Bapon apara Jesús, José pexanto tatsi. Bapon Jesús pon Nazaret tomarapin, jei Felipe.

<sup>46</sup> Natanael jeye:

—Dapon pebin pon peꝓntꝓ coyene xanepanaein Nazaret tomara weya bapana jopa ponaē. Tsipei daxita barapo tomarapiwi apara peꝓntꝓcuiruyapubewi, jei Natanael.

Felipe jume barai, jeye:

—Anetha incane matha taema, jei Felipe.

<sup>47</sup> Poxonae Jesús tane xua Natanael imoxoyo caquita pona, Jesús jeye:  
—Patopa pebin pepa israelmonaepin, pon jopa jiwi pemuxitorobin, pon xaniwaicha peꝓume cowꝓntsin Nacom, jei Jesús.

<sup>48</sup> Nexata Natanael Jesús yainyabatsi. Natanael jeye:

—¿Eta ichim xua taneyaitaewam? jei.

Jesús jume nota, jeye:

—Bayatha catainchi poxonae higuera nae tabacatha uncuame poxonae cataunxuae Felipe jopa cawabiyo, jei Jesús.

<sup>49</sup> Bapoxonae Natanael jume nota, jeye:

—Pon jiwi Necuidubim. ¡Apara xam bara Nacom Pexantom! ¡Apara bara xam Israel nacuamonae itorobiya pia pepa Neewatsim! jei Natanael.

<sup>50</sup> Jesús jume nota, jeye:

—Xam nejume cowꝓntame poxonae xua saya catsipaebatsi xua cataewatsi higuera naetha. Ichitha bexa necotsiname xua exanaein pocotsiwa pexeinya peitꝓpanae tsita itꝓtsiwan, beyacaincha xua saya aunxuae catsipaebatsi, jei Jesús.

<sup>51</sup> Equeicha Jesús jeye:

—Xaniyan paca tsipaebatsi paxam pataename xua Nacom peitaboco saranaxuicaena. Mataꝓtano pataename matatsunpiwi xua jujuneibicaena xote tsique taxantha pia taneyawenaetsi. Mataꝓtano pataename xua equeicha caibe jujuneibiyaena taxainya weicha, ponxaein Nacom Tananeitapetsin, jei Jesús.

## 2

*Meje yabara poxonae jiwi tsinacaetuta pexaewa Caná tomaratha xua penabanaenexa xua poxonae pebin pita pecotsiwa*

<sup>1</sup> Poxonae acoibi po matababibe yapucaewa, bapoxonae irꝓꝓ pexaewa tsinacaetuta Caná tomaratha xua Galilea nacuatha xua pebin pecotsiwa pepichixae. Jesús pena tatsi irꝓ baxota natane pewabixaetsi.

<sup>2</sup> Irꝓ Jesús wabatsi, irꝓ pijimonae tatsi wabatsi xua penaponaewa tsane barapo pexaewa petsinacaetutsiwatha xua poxonae pebin pecotsiwa pita. <sup>3</sup> Vino mera omeicha mene weranapenta tsipei daxita jiwi apa. Daxota Jesús pena baraichi, jeye:

—Nama equeicha ameneibi vino mera omeicha mene weranapenta, jei Jesús pena tatsi.

<sup>4</sup> Jesús jume nota, jeye:

—Ena, abꝓ bexabꝓ abꝓ jopa yabara neyainyabinde baxua. Canta daxua aichica xua petsita itꝓbiwa taexanaewa, jei Jesús.

<sup>5</sup> Bapoxonae barapowa barai pomonaetha pomonae pexaewa carena tsaibi, jeye:

—Moya paexande xua pocotsiwa bapon paca itoroba, jei barapowa.

<sup>6</sup> Baxota iratha ena seis po juruwatobe sayawan. Barapo pin juruwaton barompaya cae juruwatontha tsiniya cincuenta po mera bosibꝓ matabaxꝓyobe tutu canaꝓpa. Icha juruwatontha tsiniya setenta po

mera bosibũ matabũxũyobe tutu canaũpa. Barapo juruwatontha ba judiomonaē mene yaebeiba xua barapo merantha penacobe quiateib-inexa xua daxota jopa Nacom petsita najũntũ coyene taxobeibinexatsi. <sup>7</sup> Pomonaē pexaewa carena tsaibi barapomonaē Jesús barai, jeye:

—Barapo saya juruwatontha pawũnbare mera, jei.

Bapoxonaē barapomonaē barapo juruwaton wũnba. <sup>8</sup> Bapoxonaē Jesús barai, jeye:

—Anoxuaē barapo juruwaton tsiwixi pajiwana mene wenore xua po mera equeicha vino mera exanan. Pacaponare pontha pexaewa mata canabane, jei Jesús.

Daxota barapomonaē bara baxua exana xua Jesús peitorobixae. <sup>9</sup> Pon mata canabane pexaewa, bapon mene pana barapo vino mera, po vino mera copiya saya mera. Ichitha bapon jopa yabara yaputaeyo xua barapo vino mera xua eta werena metha mene capona. Saya meisa pomonaē mene eepacapona barapo juruwatontha barapomonaē yaputane xua barapo juruwatontha jiwana mene nota xua po mera vino mera naexana. Bapoxonaē pon mata canabane pexaewa waba, pon pecotsiwa pita bapon wabatsi. <sup>10</sup> Bapon barai, pon pecotsiwa pita baraichi, jeye:

—Daxita jiwi ba poxonaē aena copiya matha apata po vino mera mene xeica. Poxonaē jiwi ba wenaxuba po vino mera xeica, bapoxonaē ba barapo jiwi ba equeicha apatatsi po vino mera be conotha xaexaeca. Ichitha nama xam icha coyene exaname. Po vino mera be conotha mene xaexaeca matha copiya apatame jiwi barapo vino mera. Poxonaē barapo vino mera jiwi wenaxuba po vino mera be conotha mene xaexaeca bapoxonaē apatame po vino mera bichocono xeica, jei bapon.

<sup>11</sup> Baxua xua Jesús exana Caná tomaratha xua Galilea nacuatha. Barapo pexeinya petsita itũtsi coyenewa poxonaē xua aena copiya matha exana pia peayapũswatha. Poxonaē baxua Jesús pijimonaē cui tainchi, Jesús jume cowũntatsi pijimonaē.

<sup>12</sup> Poxonaē baxua pexaewa najain weta bapoxonaē Jesús pona Capernaum tomara beya. Bapon pena barũ pona yawa peweicho jiwi barũ pona, mataũtano pijimonaē barũ pona. Baxota Capernaum tomaratha daxita Jesusbarũ be caentacabiyobe ena.

*Meje yabara poxonaē Jesús aisowa benapuna torobabiya pomonaē Nacom pin pia botha pecaenaetsiwi*

(Mt 21.12-13; Mr 11.15-18; Lc 19.45-46)

<sup>13</sup> Tsipei poxoru imoxoyo barapo matakabi tsaneba xua Pascua wũn matakabin daxota Jesusbarũ Jerusalén tomara beya pona. Barapo Pascua wũn matakabin, po matakabin poxonaē judiomonaē yabara nanta xeina xua pinae caena bayatha pia pamo susato jiwi tatsi panenebiya Egipto nacua weya. <sup>14</sup> Baxota Jesús caxina Nacom pin pia botha pomonaē baxota caenaeta buey duweimonaē, yawa ovejamonena yawa topibomonaē caenaetano. Mataũtano Jesús tane xua pomonaē ena pexaethopaewantha ichaxota paratixi nantiya nacatsiba jiwi. <sup>15</sup> Poxonaē Jesús tane barapomonaē, Jesús bapoxonaē exana xua pocotsiwa xota cuainta xua duwein perũ mũto. Daxita barapomonaē Jesús Nacom pin pia bo wenapuna torobabiya. Yawano Jesús muxuna itaweta xua barapomonaē piawanxae, bueymonaeno, ovejamonena. Pomonaē xua ena pexaethopaewantha xua ichaxota nantiya nacatsiba



paratixi Jesús iratha tabebai paratixi, yawa irabe tayebabareca torobabiya pexaethopaewan. <sup>16</sup> Pomonae baxota caenaeta topibo, Jesús barai barapomonae, jeye:

—¡Daxita baxuan panore barapo Nacom pin pia bo weya pocotsiwan pacaenaetame! ¡Barapo Nacom pin pia bo jopa pacana exanaeinde xua be pocotsi bo jiwi ichaxota caenaeta pexaewa! jei Jesús.

<sup>17</sup> Bapoxonae Jesús pijimonae tatsi yabara jume cui nanta xeinarucupa xua Nacom Pejume Diwesitha namchi xua Cristo yabara jeichichi xua jeye: “Yabara nejuntu coyene yuca xua yabara nanta xeinan xua pocotsiwa Taxa pia pin pia botha tatsi xeina. Daxota jiwi necaseba”, jei Nacom Pejume Diwesitha xua Cristo yabara paebatsi.

<sup>18</sup> Nexata judiomonae Jesús yainyabatsi, jeye:

—¿Eta po pexeinya petsita itatsi coyenewa pana netsita itatsiname? Bapoxonae xain payaputaein xua bara cou xam deta xeiname Nacom pia peitorobi coyenewa tatsi xua daxota jiwi cui itawetame Nacom pin pia bo tatsi weya, jei.

<sup>19</sup> Jesús jume nota, jeye:

—Icha barapo bo weraweraca paexanaename, equeicha acoibi po matabibetha beta caewa xanebin, jei Jesús.

<sup>20</sup> Nexata barapo judiomonae Jesús tsipaebatsi, jeye:

—Jiwi barapo Nacom pin pia bo tatsi acaba ainya wei, cuarenta y seis po weibetha nacobe weta. ¿Eta pocotsiwa baxua paebame xua jinya saya acoibi po matabibetha equeicha wuna exanaetsi? jei judiomonae.

<sup>21</sup> Po bo xua Jesús yabara paeba apara xua nayabara paeba pia pepon.

<sup>22</sup> Daxota poxonae Jesús equeicha asu juina petupae cuariyatha Jesús pijimonae yabara jume cui nanta xeinatsi xua bayatha Jesús paeba. Daxota jume cowanta Nacom Pejume Diwesi. Yawano Jesús jume cowantatsi pocotsiwa xua paeba.

*Meje yabara xua po coyene Jesús daxita juntu coyene yaputane jiwi*

<sup>23</sup> Poxonae Jesús Jerusalén tomaratha popona xua Pascua wan matabibetha bapoxonae pin bicheitomonae Jesús jume cowantatsi. Daxota barapo bicheiton jume cowanta tsipei tane Jesús pia pexeinya petsita itatsi coyenewan tatsi. <sup>24</sup> Jesús jopa yabara jume cowantsiyo barapomonae bequein jume cowantatsi taetha. Tsipei Jesús daxita juntu coyene yaputane jiwi xua ainya juntu coyene pexeinaewa. <sup>25</sup> Daxota jopa nantawenonaeyo xua ichamonae Jesús petsipaebiwatsi icha jiwi yabara. Tsipei bapon Jesús daxita juntu coyenein yaputane jiwi.

### 3

*Meje yabara poxonae Nicodemo Jesús tsipaebatsi*

<sup>1</sup> Iruru pebin popona pon fariseomonaepin, pon pewan Nicodemo. Bapon judiomonae canamataxeinatsi. <sup>2</sup> Bapon Nicodemo merawi Jesús siwa poinchi, yawa Jesús jeichichi:

—Pon jiwi Necuidubim, bara paxan payaputan xua Nacom caitoroba xua jinya pata tanecuidubiwam tsane. Tsipei ichan jopa itacupaetsi xua pexeinya petsita itatsi coyenewan peexanaewa Nacom pia peyapupuwatha tatsi icha Nacom jopa yantsiyo bapon icha be xua poxonae ichim poxonae xua exaname Nacom necayantsixae, jei Nicodemo.

<sup>3</sup> Nexata Jesús Nicodemo jume notatsi, Jesús jeye:

—Xaniyan catsi paebatsi. Pon equeicha jopa caewa naexanaeyo xua pena jiton penaexanaenexa, bapon jopa itacupaetsi xua Nacom piamonae tatsi penaexanaewa pomonae Nacom itorobiya peewatsixae, jei Jesús.

<sup>4</sup> Nicodemo Jesús jume epa notsiya yainyabatsi. Nicodemo jeye:

—¿Eta bichi xua pebin pon bayatha pinyo xua equeicha caewa pena jiton naexana? ¿Metha bara itacupaetsi xua pena equeicha tsiperu wepatopa xua equeicha caewa penaexanaenexa pena jiton? jei Nicodemo.

<sup>5</sup> Jesús jume nota, jeye:

—Xaniyan catsipaebatsi. Pon meratha jopa bautisabichi xuano xua icha jopa xeinaeyo Nacom pia Pejumope tñaxu tatsi po jumope tñaxu bapon icha juntu coyene xeina pecana exanaenexatsi, bapon jopa itacupaetsi xua Nacom piamonae tatsi penaexanaewa pomonae Nacom itorobiya peewatsixae. <sup>6</sup> Pomonae pena jiwi tsiperu wenaexana bara jiwi coyeneya yacuiya naexana. Pomonae naexana Nacom piamonae tatsi barapomonae Nacom pia Pejumope tñaxu tatsi cana exana xua barapomonae pexeinaewa icha juntu coyene. Barapomonae yacuiya naexana Nacom piamonae tatsi tsipei exana pocotsiwa Nacom pia Pejumope tñaxu tatsi itoroba. <sup>7</sup> Jopa najuntu coyene cabenaecaeinde xua tacatsipaebiwatsi xua tacajeiwatsi: ‘Daxita jiwi bewa pena jiwi naexanae equeicha’, tacajeichiwatsi xua. <sup>8</sup> Joibo ba pona ichaxota ichichipa peponaewa. Joibo busi taneme, ichitha jopa yaputaem xua ichaxota weponarena, yawa jopa yaputaem xua xota ponaena. Icha jiwi ichi xua jopa taeyo joibo ichitha tane xua joibo bubujei barichi jiwi jopa taeyo Nacom pia Pejumope tñaxu tatsi. Saya jiwi yaputane xua icha jiwi juntu coyene xeica cana exainchi barapo Nacom pia Pejumope tñaxu tatsi, jei Jesús.

<sup>9</sup> Nexata Nicodemo equeicha Jesús yainyabatsi, jeye:

—¿Eta metha bichi Nacom pia Pejumope tñaxu tatsi? jei Nicodemo.

<sup>10</sup> Jesús jume barai, Nicodemo jume baraichi, Jesús jeye:

—Xam pon daxita neyaputaem israelmonae pexantha tatsi yawa pon jiwi necuidubim barapomonae pexantha tatsi. Bequein barapo jitom ichitha jopa baxua yabara yaputaem xua tacatsipaebiwatsi. <sup>11</sup> Xaniyan catsipaebatsi xua paxanbe, Juan, pon jiwi Pebautisabin, iru xan Jesús paca tsipaebatsi xua pocotsiwan payaputanbe. Matañtano paxanbe bara yatsicaewa pata paebinbe xua patanbe bayatha. Ichitha paxam pomonae judiomonae pam jopa yabara pana nejume cowantsim pocotsiwa paxanbe paca tsipaebatsi. <sup>12</sup> Icha jopa pana nejume cowantsim pocotsiwan xua barapo cae pin nacuathe yabare paca tsipaebatsi bara paichim jopa pana nejume cowantsipaem icha yabara paca tsipaebichipatsi pocotsiwan Nacom pia peitorobi nacua beicha tatsi.

<sup>13</sup> “Dapon aibi pon peitaboco beicha pona Nacom beicha xua equeicha caewa patopeica bara wetsica. Daxota jiwi jopa yabara yaputaeyo Nacom pia peitorobi nacua beicha tatsi. Saya meisa jame xan ponxaein Nacom Tananeitapetsin patopeican tanacua wetsica daxota yabara yaputan Nacom pia peitorobi nacua beicha tatsi. <sup>14-15</sup> Caena bayatha ira xuepana susato tsurucuae nacuatha, pinmonae werapa poxoru jomon sinebatsi. Daxota Moisés penainto asiya duta xua be jomo canaxobiya exana. Pomonae jomon sinebatsi, poxonae barapomonae tane barapo

penain jomo, bapoxonae jopa werapaeyo. Icha Moisés ichi bara neichi tsane jiwi. Xan ponxaein Nacom Tananeitapetsin, ichamonae asiya naetotha t̄parucua neexanaena. Barichi tsane pomonae yabara ne-jume cow̄antsina po coyene xua xan naetotha tatsit̄paewa tsane xua barapomonae abe pia peexanae cuiru coyenein tatsi, barapomonae jopa weraweracae tsane. Barapomonae xeinaena peaj̄unt̄yap̄us̄wa, po peaj̄unt̄yap̄us̄wa ataya tsiteca”, jei Jesús.

*Meje yabara xua Nacom daxita jiwi bichocono antobetsi barapo cae pin nacuathe*

<sup>16</sup> Equeicha Jesús nayabara paeba poxonae Nicodemo tsipaebatsi. Jesús jeye: “Nacom antobe bichocono daxita carepaya jiwi xua barapo cae pin nacuathe. Daxota Nacom Pexanto itoroba pon yatsicaya compa tatsi. Pon Nacom Pexanto tatsi jume cow̄antatsi, bapon jopa weraweracae tsane. Bapon peaj̄unt̄yap̄us̄wa xeinaena, po peaj̄unt̄yap̄us̄wa ataya tsiteca. <sup>17</sup> Nacom Pexanto jopa itorobicaeyo xua saya barapo cae pin nacuepiwi atene peexanaenexatsi xua penatsicuentsexae xua abe peexanaexae Nacomtha. Saya apara jame Nacom Pexanto itorobica xua jiwi pecapanenebiyaenexatsi penatsicuentsiwa weya.

<sup>18</sup> “Pon Nacom Pexanto tatsi yabara jume cow̄antatsi, bapon jopa Nacom tsitatsi xua atene peexanaewa tsainchi xua penatsicuentsexae xua abe peexanaexae Nacomtha. Ichitha nama pon Nacom Pexanto tatsi jopa yabara jume cow̄antsichi bapon Nacom bayatha tsitatsi xua atene peexanaewatsi tsainchi xua penatsicuentsexae jopa peyabara jume cow̄antsixaetsi Nacom Pexanto tatsi, pon bara compa. <sup>19</sup> Pomonae jopa Nacom Pexanto tatsi yabara jume cow̄antichi, barapomonae Nacom bayatha tsitatsi xua atene peexanaewatsi xua penatsicuentsexae xua abe peexanae cuiru coyenein peexanaexae. Tsipei poxonae Nacom Pexanto tatsi patopeica po cae pin nacuathe tsique, barapomonae ichichipa exana abe peexanaewan beyacaincha xua peexanaewa pocotsiwa Nacom itoroba. <sup>20</sup> Tsipei daxita pomonae abe peexanaewi barapomonae Nacom Pexanto tatsi aichaxaibichi daxota jopa imoxoyo caquita pon-aetsi bapon. Barapomonae jopa ichipaeyo xua peyaputaewatsi, xua Nacom Pexanto tatsi peyaputaewa xua pocotsiwa barapomonae abe exana. <sup>21</sup> Ichitha pomonae pejume cow̄antsiwi, pomonae yatsicaewa beta xanepanaya exana, barapomonae Nacom Pexanto tatsi imoxoyo caquita poinchi. Tsipei barapomonae ichichipa xua peyaputaewatsi xua Nacom Pexanto tatsi peyaputaewa tsane xua pocotsiwa barapomonae w̄nae peexanaexae, xua pocotsiwa Nacom peitorobixae”, jei Jesús Nicodemotha poxonae nayabara paeba.

*Meje yabara poxonae Juan pon jiwi Pebautisabin equeicha Jesús yabara cueicueijeichi*

<sup>22</sup> Poxonae Jesús najume weta xua poxonae Nicodemo tsipaebatsi, bapoxonae pirapae Jesús pijimonae bar̄u pona Judea nacua beya. Barapo nacuathe Jesús ainya matababintha pijimonae bar̄u popona. Matautano baxota Jesús pijimonae cui itoroba xua jiwi pebautisabiwa tsainchi. <sup>23</sup> Ir̄u Juan bautisaba jiwi Enón tomaratha, po tomara eca ichaxota imoxoyo po tomara pew̄n Salim. Tsipei baxota menein nawita. Pinmonae Juan itata patatsi, yawa Juan bautisaba barapomonae. <sup>24</sup> Juan baxua pew̄naeya exana xua poxonae jiwi pec̄abi botha etatsi.

<sup>25</sup> Bapoxonae pomonae Juan pia pepuna jinompaewichi tatsi iru judiomonaeno, barapomonae yabara baru najume matsontsonobatsi pebautisabi coyenewa. <sup>26</sup> Barapomonae Juan siwa poinchi xua Juan yabara peyainyabinexa tsainchi baxua. Jeye Juantha:

—Pon jiwi Necuidubim, incane matha taema. Pon caniwi cabaru popona Jordán mentha xua icha muxunene beya, pon bayatha yabara pana netsipaebame, bapon nama anoxuae bautisabauya jiwi yawa bapon puna poinchi daxita jiwi, jei Juan pijimonae tatsi xua Jesús yabara paebatsi.

<sup>27</sup> Nexata Juan barai barapomonae, jeye:

—Jiwi ba jopa xeinaeyo icha Nacom jopa catsiyo. <sup>28</sup> Paxam bara yatsicaewa pana nejume taneme xua paca jeichi: ‘Xan dapon aibin Mesías’, jan. ‘Apara bapon pia pewanaeya tatsi Nacom neitoroba’, jan. <sup>29</sup> Poxonae ba pebin pecotsiwa pita bapon pona yabayo pia botha tatsi. Pon piowa pepichixae bapon pia jiton tatsi bichocono juntu coyene weiweina xua bapon piowa pepichixae poxonae jume taeuncua xua pia jiton tatsi piowa pita. Icha pebin cana ichichi pia jiton, bara juta ichin Jesucristotha anoxuae. Bichocono juntu coyene weiweinan tsipei daxita jiwi Mesías puna poinchi. <sup>30</sup> Bapon bewa mataropeicha ainya cui naexanaponae jiwi peitatha tatsi. Xan bewa jopa ainya cui naexanaponaein tsane jiwi peitatha tatsi, jei Juan.

*Meje yabara poxonae Juan yabara paeba pon peitaboco wetsica pona*

<sup>31</sup> Equeicha Juan piamonae barai, jeye:

—Pon peitaboco wetsica pona, bapon jame bichocono peyaputaein beyacaincha xua ichamonae. Pon xua po irathepin bapon apara saya jiton. Bapon saya yabara cueicueije pocotsiwa po irathe yabara. Ichitha pon peitaboco wetsica pona, bapon daxita canamataxeina. <sup>32</sup> Bapon bequein jiwi yabara tsipaebatsi pocotsiwa xua bayatha tane peitabocotha, xuano xua pocotsiwa bayatha jume tane peitabocotha, ichitha jiwi jopa jume cowantsiyo pocotsiwa bapon paeba. <sup>33</sup> Icha pebin jume cowanta pocotsiwa paeba pon peitaboco wetsica peponaexae xua Nacom yabara paebatsi, barapon tsita itapeinya xeina ichamonaetha, xua apara Nacom bara xaniwaicha pepaebin. <sup>34</sup> Pon xua Nacom itoroba bara bapon cueicueije Nacom pejumein tatsi, tsipei Nacom jopa juniya nacana jumope tanaaxu catsiyo xua bapon peyawenaewa tsainchi. <sup>35</sup> Nacom bichocono antobe Pexanto. Pexanto cata peayapusu itorobi coyenewa xua bapon daxitan pecanamataxeinaewa tsane. <sup>36</sup> Pon Nacom Pexanto tatsi yabara jume cowantinchi, bapon peajuntuayapusuwa xeinaena, po peajuntuayapusuwa jopa bapana weraweracaeyo. Ichitha pon Nacom Pexanto tatsi jopa yabara jume cowantichi, bapon jopa xeinae tsane barapo peajuntuayapusuwa. Nama bapon Nacom cana exanaena xua bapon bichocono atene peexanaewa tsainchi, jei Juan.

## 4

*Meje yabara poxonae Jesús tsipaeba powayo Samaria nacuapiwayo*

<sup>1</sup> Jesús jume tane xua jiwi tsipaeba fariseomonaetha xua jeye: “Jesús pinmonae xeina, pomonae pia pepuna ponaewichi. Jesús toxeinchiya jopa juniya bautisabiyo jiwi beyacaincha xua poxonae Juan bautisaba jiwi”, jei jiwi fariseomonaetha. <sup>2</sup> (Dumetha Jesús apara jopa bautisabiyo. Apara jame Jesús pijimonae tatsi bautisaba jiwi.) <sup>3</sup> Poxonae

Jesús jume yaputane xua jiwi paeba fariseomonaetha, bapoxonae Jesús pijimonae Judea nacua webaru warapiya. Caibeya warapa Galilea nacua beya.

<sup>4</sup> Poxonae warapa Galilea nacua beya bewa ponaena ichaxoyo Samaria nacua iya, tsipei namto baxoyo ducuiya. <sup>5</sup> Bapoxonae Jesús pijimonae baru patopa Sicar tomaratha, po tomara eca Samaria nacuaatha. Barapo tomara, Sicar tomara eca ichaxota imoxoyo po iriyo caena bayatha Jacob pexanto cata. Barapo Jacob pexanto tatsi pewun José. Jacob iru pexanto tatsi caena bayatha tnpabe. <sup>6</sup> Barapo iriyotha mene muthu eca, barapo mene muthu pewun, “Jacob pia muthu”, jei. Tsipei Jesús natsepapona namto dena, tsipei tajm werena pona, daxota barapo mene muthu muxuburutha ecora. Matautano bapoxonae mateinyaxae tsuxubi iru. <sup>7-8</sup> Iru bapoxonae Jesús pijimonae tatsi tomara be-iyiya pecomocaenexa pexaewa. Barapomonae pecoutha tatsi yabyo Samaria nacuapiwayo patopa ichaxota Jesús po mene muthu muxuburutha eca. Jesús barai bapowa, jeye:

—Mera necare, jei Jesús.

<sup>9</sup> Bapoxonae barapo Samaria nacuamonaepiwayo Jesús jume notatsi. Barapowa jeye:

—¿Eta pocotsiwa metha mera nebaru ununame? Apra judiomonae pim iru xan apra Samaria nacuamonaewayon, jei.

Barapowa baxua paeba tsipei judiomonae iru Samaria nacuamonae daxita barapomonae jopa naita coxonaeyo. <sup>10</sup> Nexata Jesús jume nota, jeye:

—Icha xam yaputaetsipame xua pocotsiwa Nacom cata jiwitha, yawa icha neyaputaetsipame pon aunxuaein mera cawacatsi, bapoxonae jame newacaetsipame mera, xua icha mera, po mera jiwi peajuntayapusawa xeina cana exainchi, po peajuntayapusawa jopa bapana weraweracaeyo, jei Jesús.

<sup>11</sup> Bapowa Jesús jume notatsi, jeye:

—Pon jiwi Necanamataxeinaem, apra jopa xeinaem xua xota mene capatame. Yawa po mene muthu apra tajm deca. ¿Jinya exota po mene boca inta mene capitichi, po mera jiwi ajuntayapusu exainchi?

<sup>12</sup> Barapon Jacob pata tamo susatopin pana cata barapo mene muthu. Bapon barapo mene muthu mene capaneiba peapeibinexa, iru pia pexui tatsi mene capaneiba xua peapeibinexa, matautano mene capaneiba peapateibinexa pia duweimonaein. ¿Metha bara Jacob toxeincha ainya cuim, beyacaincha bapon? jei bapowa.

<sup>13</sup> Jesús jume nota, jeye:

—Daxita pomonae xua po mene muthu the mene capaneiba xua peapeibinexa equeicha meratsipouneibina. <sup>14</sup> Ichitha pon apa xua po mera catan, bapon equeicha jopa caewa meratsipae tsane. Barapo mera icha ira bupana mene ichi xua epatoya mene jujuina poxoru bichocono ira bupana mene nayuca. Barichi po coyene xua cacatinchi barapo coyene cajuntu coyene yuca cacana exanaena, bapoxonae xeinaename peajuntayapusawa, po peajuntayapusawa xua ataya tsiteca, jei Jesús.

<sup>15</sup> Nexata bapowa Jesús jume notatsi, bapowa jeye:

—Pon jiwi Necanamataxeinaem, dapu mera necare xua jopa caewa tameratsipouneibiwa tsane yawa xua equeicha po mene muthu the jopa tapateibiwa tsane xua mera tacapanathopeibinexa, jei barapowa.

16 Jesús jume nota, jeye:

—Moya matha iyande, matha jinseuri wabare. Nexata bapoxonae xote papatoparebe, jei Jesús.

17 Bapowa jume nota, Jesús jume notatsi, jeye:

—Taseuri apara jopa xeinaeinyo, jei.

Nexata Jesús jume barai, jeye:

—Bara xainyeya paebame poxonae jam, ‘Taseuri jopa xeinaeinyo’, jam. 18 Tsipei caena bayatha cinco poyobe pebiwi punaxubame. Pon xua anoxuae baru poponame, apara jinseuri aibi. Poxonae paebame baxua bara xainyeya paebame, bara jopa naerabim, jei Jesús.

19 Barapowa poxonae Jesús baxua jume tainchi barapowa jeye:

—Pon jiwi Necanamataxeinaem, bara catainchi xua xam apara pon Nacom peitorobi jume nepaebim. 20 Pata tamo susato jiwi, Samaria nacuamonaepiwi, barapomonae wɔnae jainteiba Nacom xote po demxuwathe. Ichitha paxam judiomonae pam, papaebame xua pinae bewa jiwi wɔnae jainteibina Nacom bomɔxɔtha po bo uncua Jerusalén tomaratha po bo Nacom pin pia bo tatsi, jei barapowa.

21 Jesús jume nota, jeye:

—Yabɔyo moya yabara nejume cowɔnde xua tacatsipaebiwatsi. Tsipei barapo matabi imoxoyo patopaena, po mataqueitha xua wɔnae pajainteibiname Nacom. Nama jopa painya nenantawenonaewam tsane xua painya neponaewa, po demxuwathe yawa Jerusalén tomara beya xua wɔnae painya nejainteibiwa tsane Nacom. 22 Paxam Samaria nacuamonaepam, jopa payaputaem pon wɔnae pajainteibame. Paxan nama judiomonae pan payaputan pon wɔnae pajainteiban, tsipei pon pecapanenebiyaein jiwi apara bapon judiomonae jiwapanin. 23 Ichitha anoxuae nama patopa po mataqueitha poxonae pomonae xaniwaicha wɔnae pejainchiwa Nacom, barapomonae icha coyene cuitha Nacom wɔnae jaintinchi, xua barapomonae pia Paxaxae tatsi. Barapomonae xaniwaicha pia peɔntɔ coyenewatha wɔnae jainchina Nacom. Tsipei Nacom baxua ichichipa xua wɔnae pejainchiwatsi xua jiwi wɔnae pejainchiwa peɔntɔ coyenewatha. 24 Nacom peɔntɔ coyene xanepanaein pon peinya jumopein. Daxota pomonae Nacom wɔnae pejainchiwatsi, barapomonae bewa xaniwaicha peɔntɔ coyenewatha wɔnae jainchina Nacom, jei Jesús.

25 Barapowa jume nota, jeye:

—Yaputan xua patopeicaena pon pewɔn Mesías, (xua pon icha wɔn ‘Cristo’ baraichi). Poxonae bapon patopeicaena daxita yabaran pana necuidubina, jei bapowa.

26 Jesús jume nota, jeye:

—Apara xan bapon, pon aunxuaein catsipaebatsi, jei Jesús.

27 Bapoxonae equeicha Jesús pijimonae tatsi pata. Daxita barapomonae yabara najɔntɔ cui coyene cabenaeca xua Jesús tsipaeba Samaria nacuamonaewayo. Ichitha dapon aibi xua pon pejeiwa Jesustha, “¿Eta xua metha jinya xuatsi? ¿Eta pocotsiwa metha bapowa tsipaebame?” xua pon pejeiwa. 28 Nexata bapowa juruwato cuenta iya tomara be-iyá, nainya yacuínaya iya. Bapowa jiwi tsipaeba, jeye:

29 —Anetha, pataema pebin ichaxota mɔthɔ mene. Bapon yabara netsipaeba daxita pocotsiwa bayatha caena exanan. ¡Apara bapon metha Mesías! jei bapowa.

<sup>30</sup> Bapoxonae jiwi tomara we-iyiya peponaenexa ichaxota Jesús pona. <sup>31</sup> Iruru Jesús pijimonae jume daunweya baraichichi, jeye:

—Pon Patatanecuidubim, matha xaema, jeichichi pijimonae.

<sup>32</sup> Jesús jume barai pijimonae, jeye:

—Xan xeinan pexaewa, po pexaewa jopa payaputaem, jei Jesús.

<sup>33</sup> Jesús pijimonaexae tatsi nexata bara caemonae nayainyaba, jeye:

—¿Metha bara ichun Jesús apatatsi pexaewa? najei barapomonae.

<sup>34</sup> Ichitha Jesús pijimonae jume barai, jeye:

—Icha pebin ichi xua bewa nabanaena, barichin xan bewa exanaein pocotsiwa Nacom ichichipa pocotsiwa bapon tana necui itorobixae. Matautano bewa nacui wetsin Nacom pia penacuichiwa tatsi xua tana neitorobixae. Daxota xua bapoxonae tanejuntu coyene ucaewa tsane be poxonae pebin xua pexaewa una tonsana. <sup>35</sup> Paxam ba pajam: ‘Abu cataunxuae cuatro po xometobe yapu seica pabitha xua pexaewa penawetsiwa tsane’, ba pajam. Ichitha nama paca jeichi: ‘Pataema bayatha pexaewa naweta xua pabitha’, paca jeichichi. Barapocotsi juta coyeneya paca jeichi: ‘Jiwi barapo cae pin nacuathe bayatha najuntu cui coyene wunaetaba xua pejume taenexa Nacom Pejume Diwesi xua pejume cowantsinexa’, paca jeichi. <sup>36</sup> Catsibin pomonae tamonaexae pocotsiwa xua pematomatsiwa xua inta ichamonae peyawenaexaetsi xua iruru be tamonae jiwi penaexanaenexa. Pomonae nejume cowanta barapomonae catsibin peajuntuyapusuwa, po peajuntuyapusuwa jopa weraweracaeyo. Tsipei pomonae tajume diwesi pecueicueijeijiwi copiya xuano iru pomonae tajume diwesi cotacaya xuya yaputane cana exana xua daxota jiwi nejume cowanta, daxita barapomonae matabuxuyobe naboru juntu coyene weiweina xua ichamonae nejume cowanta pecana exanaexaetsi. <sup>37</sup> Tsipei po diwesiyo xua tsica diwesiyo, po diwesiyo yabara cananta jutsiya pepaebiwa bara apara xaniwaicha, po diwesiyo xua ba jeye: ‘Ichun uba, iru ichun xuya jota poxonae naweta’, xua jei po diwesiyo. <sup>38</sup> Paca itorobatsi xua inta payawenname jiwi xua tajiwiwimonae penaexanaenexa xua po coyene jopa pacata ayarubeyo xua poxonae paexaname baxua. Baxua paexananame bequein bara jopa dapomonae pam pocotsimonae copiya tajume diwesi paeba barapo jiwitha. Jame paxam apara barapomonae pam, xua xuya cotacaya yaputane pacana exaname barapo tajiwiwimonae. Baraxua icha be poxonae ichi poxonae ichun xuya jota cotacaya poxonae ichun copiya uba, jei Jesús.

<sup>39</sup> Bapoxonae pin bicheitomonae pomonae barapo tomaratha jinompa xua Samaria nacuatha, Jesús jume cowantatsi, tsipei barapo petsiriwa pejeixae: “Bapon Jesús yabara netsipaeba daxita pocotsiwa bayatha caena exanan”, jei. <sup>40</sup> Poxonae barapo Samaria nacuapiwi Jesththa pata, bapoxonae Jesús jume daunweya jeichichi: “Pana baru ecare pata tomaratha”, jeichichi. Daxota Jesús ainya matababibe naeca barapo tomaratha. <sup>41</sup> Bichocono pinmonae Jesús jume cowantaponatsi poxonae jume tane xua Jesús paeba. <sup>42</sup> Nexata barapomonae bapowa tsipaebatsi, jeichichi:

—Anoxuae nama pajume cowantan jopa meisa saya poxoru pata tanetsipaebiwam. Matautano bara pajume cowantan tsipei yatsicaewa pata muxutontha pajume tan pocotsiwa bapon paeba. Matautano bara payaputan xua bapon pon jiwi Pecapanenebiyaeinchi abe pia peexanae

cuiru coyenein tatsi weya xua barapo jiwi jopa peweraweracaenexa, jei barapomonaē.

*Meje yabara poxonaē Jesús axaibi exana pon pentacaponaein pexanto tatsi*

<sup>43</sup> Poxonaē barapo ainya matacabibe yapucaewa, bapoxonaē Jesús pijimonaē Samaria nacua webarū warapiya xua barū pona Galilea nacua beya. Ichitha pijimonaē jopa barū patopaeyo pia tomaratha Nazaret tomaratha. <sup>44</sup> Tsipei Jesús bayatha pijimonaē tsipaeba xua nayabara jeye:

—Pon ba Nacom peitorobi jume pepaebin, bapon ba pia nacuapiwi jopa barū cui itura jinaetsi, jei Jesús. <sup>45</sup> Poxonaē Jesús pijimonaē barū patopa Galilea nacuatha, barapo Galilea nacuapiwi Jesús matenta weyataya wabatsi. Tsipei caena bayatha barapo Galilea nacuapiwi Jesús tainchi Jerusalén tomaratha, poxonaē jiwi nacaetuta xua penabanaenexa pexaewa po matacabintha pewan Pascua wan matacabin poxonaē jiwi yabara canantana xeina xua caena bayatha pia pamo susato jiwi tatsi panenebiya Egipto nacua weya. Matautano tsipei poxoru bayatha barapomonaē tane daxita pocotsiwa Jesús exana baxota.

<sup>46</sup> Bapoxonaē Jesús pecoyo barū pona pijimonaē Caná tomara beya xua po tomara eca barapo Galilea nacuatha. Barapo Caná tomara, po tomaratha ichaxota bayatha Jesús meratha equeicha vino mera cana exana. Poxonaē Jesús Caná tomaratha eca, irarū pebin pon pentacaponaein Capernaum tomaratha popona. Bapon pexanto taatenetsi. Barapo pentacaponaein tanacuita, pon jiwi itorobiya pia pepa peewatsinchi tanacuitatsi. <sup>47</sup> Barapon pon pentacaponaein yaputane xua Jesús pijimonaē barū patopa Galilea nacuatha xua Judea nacua weya pona. Bapoxonaē Jesús siwa poinchi. Bapon Jesús jume daunwei jeichichi:

—Tabo beya ponde. Inta taxanto axaibi exande tsipei imoxoyo petupae, jei bapon.

<sup>48</sup> Nexata Jesús barai bapon xua piamonaē tatsirū, jeye:

—Paxam jopa yabara pana nejume cowantsim. Saya poxonaē pexeyina petsita itutsi coyenewan paca tsita exaneibatsi bapoxonaē deta pana nejume cowanteibame, jei Jesús.

<sup>49</sup> Ichitha pentacaponaein jume nota, jeye:

—Pon Necanamataxeinaem jiwi, anetha nainya iyande, xua pewanaeya tsane poxonaē taxanto tupaena, jei.

<sup>50</sup> Nexata Jesús jume barai bapon, jeye:

—Moya caibe nawayama jinya bo beya. Bayatha cata axaibi nexanto, jei Jesús.

Barapo pentacaponaein yabara jume cowanta pocotsiwa Jesús paeba. Bara pontaba pia bo beya. <sup>51</sup> Poxonaē barapo pentacaponaein cataunxuae ecapona namtotha xua pia bo beya pona, bapoxonaē bapon matenta poinchi pomonaē pia petanacuichiwiwaetsi pia botha. Bapon jeichichi:

—Nexanto bayatha cata axaibi, jei barapomonaē.

<sup>52</sup> Nexata bapon yainyaba pia petanacuichiwichi, jeye:

—¿Eta poxonaē inta taxanto axaibi? ¿Eta xoyo poxonaē ecatabiya xometo? jei bapon.

Barapomonaē jume nota, jeye:

—Mexuae axaibi tsuxubi poxonaē mateinyaxae pepuya weya bapoxonaē yasataxotsi domae, jei barapomonaē.



<sup>53</sup> Nexata pexuyo paxa tatsi yabara nanta xeinataba xua barapo mateinyaxae pepuya weya xua mexuae Jesús namchi jeye: “Moya caibe nawiama jinya bo beya, bayatha nexanto cata axaibi”, jei Jesús. Bapoxonae bapon iru pomonae pia botha petaenaewichi Jesús yabara jume cowantatsi.

<sup>54</sup> Barapo pexeinya petsita itutsi coyenewa xua poxonae equeicha Jesús cotacaya exana poxonae caibe warapiya Galilea nacua beya poxonae Judea nacua wewarapiya.

## 5

*Meje yabara poxonae Jesús axaibi exana pon pecuenobinchi ichaxota po fetiyo pewun Betzata*

<sup>1</sup> Bapoxonae pirapae Jesús pona Jerusalén tomara beya. Barapo tomaratha judiomonae nacaetuta xua penabanaenexa pexaewa.

<sup>2</sup> Barapo tomaratha xua iboton peyacaincha toxoro dutsi acabiwa coiboton cae boupa iya barapo boupa pewun “Oveja pia boupa”, jei. Imoxoyo barapo boupa iya eca tsica mene fetiyo. Barapo fetiyo hebreo jumetha pewun “Betzata”, jei.

Barapo fetiyotho cinco po boutiyobe umena. <sup>3</sup> Barapo boutontha peatenewi iratha bobenapoinya, ichamonae pomonae peitata nacutsi jiwi, iru ichamonaeno pomonae pejayujayujei jiwi, iru ichamonaeno pomonae pecuenobiwichi. Barapomonae ewatabobena xua barapo mene fetiyo mene najirababa.

<sup>4</sup> Tsipei ichacuitha tsaibi matatsunpin patopeiqueiba barapo mene fetiyotho xua peitaboco wetsica pona. Barapo matatsunpin mene najirababa exana barapo mene fetiyo. Pon copiya maxu cayatsi mene beya xua baxota cuaranotatsi, bapoxonae axaibi exainchi. <sup>5</sup> Baxota pebin iru boca pon caena bayatha atene treinta y ocho po weiyobetha.

<sup>6</sup> Jesús tane xua bapon iratha boca. Matautano Jesús yaputane xua bapon ainya dapaein bayatha ewata boca. Jesús yainyaba bapontha, jeye:

—¿Ichichipame xua neaxaibiwa? jei Jesús.

<sup>7</sup> Pon atene Jesús jume notatsi, jeye:

—Pon Necanamataxeinaem jiwi, dapon inta aibi pon taneyawenaewa xua mene betanemaxu cayaenexa poxonae matatsunpin mene najirababa exana. Poxonae tacoutha taepatotha iya tsaibin ichun copiya netsiwana patopeiba. Bapon axaibi, copiya pecaxinaexae mene, jei pon atene.

<sup>8</sup> Jesús jume barai, jeye:

—Asiya uncuare. Pire jinya nebocaewa. Bara ponde, jei Jesús.

<sup>9</sup> Bapoxonae caena nainya axaibi tsuxubi. Yawa pita pia pebocaewa, bara ponano. Ichitha barapo matakabi apara po matakabi pentaquei seicae matakabi. <sup>10</sup> Daxota judiomonae barai pontha pon axaibi exainchi. Jeichichi:

—Apara anoxuae po matakabi xua pentaquei seicae matakabi. Barapo mataqueitha jopa cacopatsiyo xua bara necaponaewa jinya nebocaewa, jei judiomonae.

<sup>11</sup> Bapon jume barai judiomonae, jeye:

—Pon neaxaibi exana bapon nebarai: ‘Pire jinya nebocaewa, bara ponde’, nejei bapon, jei bapon judiomonaetha.

<sup>12</sup> Nexata judiomonae yainyaba bapon, jeye:

—¿Jintam bapon pon baxua cabarai: ‘Pire jinya nebocaewa, bara ponde’, jei? jei barapomonae.

<sup>13</sup> Ichitha bapon jopa wun taeyo pon peaxaibi exanaexaetsi, tsipei Jesús pin bicheitho naita cafetaba. <sup>14</sup> Pirapae bapon Jesús taeba Nacom pin pia botha tatsi. Jesús barai bapon, jeye:

—Incane nejume taema. Jame caaxaibi exanatsi. Equeicha jinxoba abe exaname, tsipei bapoxonae bichocono atenem tsipae beyacaincha xua poxonae copiya atenem, jei Jesús.

<sup>15</sup> Nexata barapo pebin pona judiomonae beya xua pejeinexa:

—Apara pon neaxaibi exana bapon apara Jesús, jei bapon.

<sup>16</sup> Daxota Jesús abe tsiyabara jeitapoinchi xua pebexubiwa tsainchi yaitama Jesús axaibi exana pon atene po mataqueitha pentaquei seicae mataqueitha. <sup>17</sup> Ichitha Jesús jeye barapomonaetha:

—Taxa, apara cataunxuae nacuiteiba daxita matakabintha. Xan barichin bara bequein pentaquei seicae matabi tan, jei Jesús.

<sup>18</sup> Daxota bichocono nama judiomonae jopa juniya anaepanaeyo, yawa ichichipa xua Jesús pebexubiwa tsainchi. Barapomona anaepana tsipei yaitama Jesús po mataqueitha pentaquei seicae matakabitha nacuita poxonae bequein barapomona jopa copatsiyo. Mataatano anaepana tsipei Jesús naexana xua Nacom pecui jupaewatsi, yawa tsipei jeye: “Nacom, Taxa”, jei.

*Meje yabara poxonae Jesús yabara paeba xua pexeinaewa pia peayapusu itorobi coyenewa*

<sup>19</sup> Nexata equeicha Jesús barai barapo judiomonae, jeye: “Xaniyan paca tsipaebatsi xua xan Nacom Pexanton jopa exanaeinyo pocotsiwa tacoutha ichichipan. Saya jame exanan pocotsiwa Taxa cui tan pocotsiwa exana. Daxota bapocotsiwan baxua exanan. <sup>20</sup> Taxa bichocono neantobe, yawa netsita ituta daxita xua bapon pocotsiwa exana. Taxa equeicha ichawanno netsita itutsina pocotsiwa xua bichocono wunae beyacaincha xua bayatha exanan. Bapoxonae yabara pana najuntu cui coyene cabenaecaename. <sup>21</sup> Taxa equeicha asu cana exana pomonae caena bayatha werapa. Xan barichin tsane Nacom Pexantonxaein equeicha asu cana exanaein pomonae pewerapaewi, pomonae xua ichichipan xua asu tacana exanaewa. <sup>22</sup> Taxa jopa ba yabara paebiyo jiwi xua penatsicuentsiwa xua abe peexanaexae. Saya meisa xan Pexanto tatsixaein necata barapo peayapusu itorobi coyenewa xua tayabara paebiwa jiwi xua penatsicuentsiwa xua abe peexanaexae Nacomtha. <sup>23</sup> Baxua Taxa barapo peayapusu itorobi coyenewa necata xua daxita jiwi tana nebaru cui itura jinaenexa xua icha barapo jiwi ichi xua poxonae Taxa baru cui itura jinatsi. Xan ponxaein Nacom Pexantoxaein ponxaein Nacom tana neitorobixae pon jopa nebaru cui itura jinaeyo bapon barichi Taxa jopa baru cui itura jinaetsi.

<sup>24</sup> “Bara xainyeya paca tsipaebatsi xua xan, Nacom Pexantoxaein, pon xanepanaya nejume naitawata pocotsiwa paeban xuano xua Taxa jume cowantatsi bapon peajuntuayapusuwa xeinaena po peajuntuayapusuwa xua ataya tsiteca. Bapon bapana jopa yabara caunutsin tsane xua bapon Nacom bayatha tsitatsi xua bapon penatsicuentsiwa xua daxota bapon bewa tupaena abe peexanaexae. Tsipei bapon be barapocotsin, bara be pocotsin xua equeicha asu exanan petupae cuiru coyene weya. <sup>25</sup> Xainyeya paca tsipaebatsi. Apara anoxuae barapo matabi patope, po mataqueitha pomonae be pewerapaewi jopa pexeinaexae peajuntuayapusuwa,

barapomonaē nejume taena. Yawano icha barapomonaē nejume cowantsina bapoxonaē xeinaena peajantuyapusuwa. <sup>26</sup> Taxa xeina xua peajantuyapusuwa, po pia peajantuyapusuwa tatsi jopa weraweracaeyo. Daxota bara tayapu xanepanatsi xua ichan pecatsinexatsi barapo peajantuyapusuwa. Matautano Taxa necata barapo peajantuyapusuwa xua daxota xuya jiwi catan. <sup>27</sup> Taxa pia peayapusu itorobi coyenewa necata xua jiwi tayabara paebinxaxua xua penatsicuenta xua abe peexanaewixae Nacomtha. Tsipei naexanan pepa Jiton daxota necui jura xua barapo pia peayapusu itorobi coyenewatha jiwi tayabara paebiwa xua penatsicuenta xua abe peexanaexae. <sup>28</sup> Jopa baxua payabara najantu coyene cabenaecaeinde pocotsiwa tapaca tsipaebiwatsi. Tsipei patopaena icha matakabi po mataqueitha pomonaē pewerapaewi nejume taena. <sup>29</sup> Barapomonaē pomonaē pewerapaewi mathu wejujuinaena. Pomonaē xua xanepanaya exana xua poxonaē caena bayatha jinompa, barapomonaē asu exanaeinchi xua pexeinaewa tsane peajantuyapusuwa. Ichitha nama pomonaē abe exana xua poxonaē caena bayatha jinompa, barapomonaē asu exanaeinchi xua peyabara paebinxatsi xua penatsicuenta xua abe peexanaexae Nacomtha”, jei Jesús.

*Meje yabara poxonaē Jesús tsita itapeinya xeina jiwi xua bara xeina peayapusu itorobi coyenewa*

<sup>30</sup> Cataunxuae awiya Jesús cueicueijeji judiomonaetha. Jesús jeye: “Jopa exanaeinyo pocotsiwa tacoutha ichichipan. Jiwi yabara pae-ban xua penatsicuenta xua abe peexanaexae Nacomtha be pocotsi coyeneya Taxa tanecui itorobixae. Baxua xua pocotsiwa poxonaē jiwi yabara pae-ban xua penatsicuenta xua abe peexanaexae apara bara xanepana. Tsipei jopa exanaeinyo pocotsiwa tacoutha ichichipan jame saya exanan pocotsiwa Taxa ichichipa, pon tana neitorobixae. <sup>31</sup> Icha saya meisa nayabara paebichipan tacoutha, yawa icha ichan jopa neyabara jume yawenaetsipae metha bapoxonaē pana neyabara jam tsipaem: ‘Apara pocotsiwa bapon pia coutha nayabara paeba jopa xainyeyo’, pana neyabara jam tsipaem. <sup>32</sup> Ichitha ichan neyawena xua tana neyabara paebiwa tsipei pae-ban xua pocotsiwa bapon paeba. Nanta juraya papaebanbe. Apara bapon Nacom bara Taxa. Bara yaputan po coyene bapon xua tana neyabara paebiwa apara bara xainyei. <sup>33</sup> Paxam ichamonaē paitorobame Juan beya, xua Juan peyainyabiwa tsainchi, pocotsiwa Juan yabara paca jume nota xua xan yabara, bara apara xainyei. <sup>34</sup> Xan jopa jiton nantawenonaeinyo xua tana nebaru jume yawenaewa xua jiwi yabara tana nejume cowantsiwa xua bara xainyeya tapaebin. Saya yabara paca tsipaebatsi pocotsiwa Juan tana neyabara paebiwa. Poxonaē baxua pajume cowantsiname pocotsiwa Juan tana neyabara paebiwa bapoxonaē paca capanenebiyaena abe painya neexanaē cuiru coyenein weya xua jopa painya atene tsaibiwa tsane abe painya neexanaewantha. <sup>35</sup> Poxonaē pecoicha itanata, jiwi ba caeto jantu coyene weiweina poxoru ichichipa barapo coicha xua yonoyonei. Icha pecoicha ichi Juan barichi. Poxonaē Juan paca cuiduba copiya pajantu coyene weiweiname caeto, poxoru paichichipame barapo diwesi pocotsiwa bapon paca tsipaeba. <sup>36</sup> Ichitha nama xan xeinan xua pocotsiwa ainya cui beyacaincha xua po diwesi Juan tana neyabara paebiwa. Baxuan xua xuan pocotsiwa exanan apara bara xua pocotsiwa

Taxa neitoroba. Po pexeinya petsita itubiwan xua exanan poxonae baxuan jiwi necui tane bapoxonae nejume cowanta xua Taxa necata barapo peayapusu itorobi coyenewa. <sup>37</sup> Matautano Taxa, pon tana neitorobixae, beta xanepanaya neyabara paeba. Ichitha paxam jopa bapana Nacom pajume taem xua pejume. Matautano jopa bapana pataem pia pepon. <sup>38</sup> Nacom Pejume Diwesi jopa paxeinaem painya juntu coyeneintha tsipei jopa pana nejume cowantsim ponxaein xua Nacom tana neitorobixae. <sup>39</sup> Paxam matowa pana nacuidubame Nacom Pejume Diwesi, tsipei pananta xeiname xua pia bapoxonae Nacom painya nepaca catsibichi pia peajuntuyapusawa, po peajuntuyapusawa jopa weraweracaeyo. Ichitha Nacom Pejume Diwesi, po diwesi payorobame, apara xua tana neyabara paebiwa. <sup>40</sup> Ichitha jopa bapana pana nejume cowantsim xua tapaca catsibinexatsi barapo peajuntuyapusawa, po peajuntuyapusawa jopa weraweracaeyo.

<sup>41</sup> “Jopa netsita ainya cuiyiyo xua bara jiwi tana nebaru cui itura jinaewa xua ainya cuin tanaexanaexae. <sup>42</sup> Matautano paca juntu coyene yaputainchi xua painya juntu coyeneintha jopa Nacom paantobem. <sup>43</sup> Xan, Nacom Taxa tana neitorobixae, pacata patopatsi, daichitha jopa pana nejume cowantsim. Ichitha icha ichan pacata patopaetsipa pon pia coutha naitoroba, bapon xanepanaya pajume cowantsipame. <sup>44</sup> Jopa paca itacupaeyo xua pana nejume cowantsiname tsipei saya pananta xeiname xua pia jiwi paca necayabara baru cui itura jineibiwa. Jopa pananta xeinaem xua po coyene Nacom paca necayabara baru cui itura jinaewa tsane. <sup>45</sup> Jopa pananta xeinaeinde xua Taxatha tapaca yabara paebiwatsi xua po coyene abe painya neexanaewa. Xan dapon apara aibin xua abe tapaca yabara paebiwatsi. Paxam pananta xeiname, pana najam: ‘Caena bayatha Nacom nacana jume diwesi cata Moiestha xua jiwi pejume cowantsiwa tsane. Jume cowantatsi barapo diwesi, daxota Nacom naca capanenebiya tsane’, pana najam. Daichitha jopa paexanaem pocotsiwa Moisés paca itoroba. Poxoru tsipei jopa Nacom pajume cowantsim daxota Nacomtha abe paexaname. <sup>46</sup> Icha pajume cowantsipame pocotsiwa Moisés neyabara tinaeya paeba, metha iruru pana nejume cowantsipame, tsipei Moisés neyabara tina. <sup>47</sup> Icha jopa pajume cowantsim pocotsiwa Moisés neyabara paeba, bara paichipaem jopa pana nejume cowantsipaem”, jei Jesús xua judiomona tsipaebatsi.

## 6

*Meje yabara poxonae Jesús apata pexaewa cinco mil pebiwi  
(Mt 14.13-21; Mr 6.30-44; Lc 9.10-17)*

<sup>1</sup> Poxonae Jesús najume weta judiomonaetha, bapoxonae Jesús pijimonae baru pona jeratha xua Galilea pucua icha muxunene beya. Barapo pucua icha wan Tiberias pucua. <sup>2</sup> Pin bicheito Jesús puna poinchi, tsipei Jesús cui tainchi xua exana pia pexeinya petsita itutsi coyenewan, poxonae axaibi exana peatenewi. <sup>3</sup> Nexata Jesús pijimonae baru ecoinya demxuwa icha. Bapoxonae baxoteicha Jesús pijimonae baru ecopiya. <sup>4</sup> Imoxoyo bara nama patopaena matababi xua judiomonae pia Pascua wan matababi tatsi. <sup>5</sup> Jesús tane xua puna poinchi pin bicheito. Bapoxonae Jesús barai, Felipe baraichi jeichichi:

—¿Eta xota metha pexaewa barapomonae upain comocaeinchi? jei Jesús Felipetha.

<sup>6</sup> Baxua Jesús Felipe yainyabatsi, pia xua Felipe jume taetsi, xua po coyeneya Felipe pejume notsiwa tsane. Tsipei Jesús yaputane po coyeneya xua imoxoyo peexanaewa. <sup>7</sup> Nexata Felipe Jesús jume notatsi, jeye:

—Bequein doscientos po pan matabaxumonae comocaetsipathatsi jopa awiya jupaetsipae xua daxita barompaya pexexeinaponaewa barapo bicheito. Barapo denario paratiyo matawun xua bichocono matoma nawita xua caentaqueitha nexa xua matoma xeineiba pomonae penacuichiwi, jei Felipe.

<sup>8</sup> Bapoxonae Andrés pon iraru Jesús pijimonae tatsi jiwana jiton, pon Simón Pedro peweicho tatsi, bapon Jesús jeichichi:

<sup>9</sup> —Meje pewowin wato uncue. Bapoyo cinco po panbe xeina, po pan xua cebada beno pan. Matautano bapoyo duweiyo ainyobe capana. Ichitha apara jopa yapu jupaeyo xua pin bicheito! jei Andrés.

<sup>10</sup> Nexata Jesús jume nota pijimonae, jeye:

—Daxita jiwi patsipaebare xua peenaewa tsane iratha, jei.

Baxota naepanaewan nawita. Baxota pebiwi iratha ena. Barapo bicheito bara be cou cinco mil pebiwi. <sup>11</sup> Nexata Jesús pecobetha pita pan, po pan xua pexuyo capatopa. Bapoxonae Jesús Paxatha tsipaeba: “Axa, maisa juntu coyene weiweinan xua pata tana necatsiwaxaem pexaewa”, jei Jesús. Bapoxonae Jesús pijimonae tsicobe jajanacaponan pan. Equeicha Jesús pijimonae tatsi cacatsibapona barapo pan barapo cinco mil pebiwitha. Jesús barichiya exana poxonae duweiyobe pita. Matautano pijimonae tsicobe jajanacaponan barapo bicheito nexa. Barapo cinco mil pebiwi bara xane xua ichichipa piyainxae.

<sup>12</sup> Poxonae daxita tonsanarucupa, bapoxonae Jesús pijimonae barai:

—Panore xua barapomonae jiwana xane. Pajebare, jopa pabebande, jei Jesús.

<sup>13</sup> Barapomonae Jesús pijimonae tatsi nonotapona pocotsiwa barapo pin bicheito jiwana xaexaepona. Jesús pijimonae tatsi doce po cotebe wanba xua bayatha po cinco panbe jiwana xaexaepona pin bicheito po pan xua cebada beno pan. <sup>14</sup> Barapo cinco mil jiwi poxonae Jesús cui tainchi xua pexeinya petsita itatsi coyenewa exana, jeye:

—Apara bara bapon pon Nacom peitorobi jume pepaebin, pon xua juinya bewa pinae patopaena po nacuathe xua wanacuatha tsica, jei.

<sup>15</sup> Ichitha Jesús yaputane xua barapomonae ichichipa xua po coyene Jesús penaexanaewa tsane be pon jiwi itorobiya pia pepa peewatsinchi tsane barapo bicheito pia nacuathe tatsi. Daxota equeicha Jesús ponataba demxuwa beya, xua compa peecaenexa.

*Meje yabara poxonae Jesús mene matatsun jumatha pona  
(Mt 14.22-27; Mr 6.45-52)*

<sup>16</sup> Poxonae quirei tsanaicha Jesús pijimonae tatsi pucua itapa bepareca. <sup>17</sup> Bapoxonae jeratha nonobabiya. Barapo pucua iya jeratha epatauta iyiya xua pepatsiwa tsane Capernaum tomara beya. Jesús cuenta iyiyatsi poxoru bayatha quirei, yawano poxoru Jesús jopa cataunxuae patopaeyo. <sup>18</sup> Bapoxonae pin joibo tsuxubi. Yawa marat-saca muxunenababa jera. <sup>19</sup> Poxonae Jesús pijimonae tuwatha yana panenebiya, bapoxonae Jesús pijimonae tainchi. Jesús mene matatsun juma dena pona jera dena. Bapoxonae barapomonae bichocono junuwa. <sup>20</sup> Ichitha Jesús pijimonae barai, jeye:

—¡Apara xan! ¡Jopa pajunuwinde! jei Jesús.

<sup>21</sup> Bapoxonae Jesús pijimonae yaitaerucapatsi. Bapoxonae Jesús juntu coyene weiweinaya wabatsi pijimonae xua jeratha penontabinaenexa. Bapoxonae nainya patarucapa Capernaum tomaratha.

*Meje yabara poxonae jiwi Jesús wenaweneichi*

<sup>22</sup> Icha mataqueitha pin bicheito, pomonae umena pucua itapatha xua icha muxunenetha, barapomonae tane xua Jesús pijimonae cuenta ponarucapatsi jeratha, po jera saya bara cae nae xua po nae baxota boca. <sup>23</sup> Poxonae cataunxuae Jesús yabara nanta xeinatsi baxua, bapoxonae icha jera naein pata xua po naein Tiberias tomara werendena. Barapo jera naein pata ichaxota po iriyo itama tayeca xua ichaxota bayatha Jesús, pon Wanacanamataxeinaein, Paxa tsipaeba xua jeye: “Axa, maisa juntu coyene weiweinan xua pata tanecatsiwam pan”, xua jei, xuanu xua baxota Jesús apata pan jiwitha. <sup>24</sup> Barapomonae yaputane xua Jesús aichurucuae. Matautano yaputane xua Jesús pijimonae tatsi aichurubena. Daxota jeran notarucapa Capernaum tomara be-iyiya xua Jesús pewenaweneiwa tsainchi.

*Meje yabara xua Jesús apara bapon yabara caunutatsi xua poxonae po pexaewa Nacom jiwi itaboco wetaitorobicatsi*

<sup>25</sup> Poxonae barapomonae pata icha muxunene beya xua pucua iya, bapoxonae Jesús tainchi. Barapomonae Jesús yainyabatsi, jeichichi:

—Pon jiwi Necuidubim, ¿eta poxonae xote patopame? jei barapomonae.

<sup>26</sup> Jesús jume barai barapo jiwi, jeye:

—Xaniyan paca tsipaebatsi. Pana newenawenam, tsipei bayatha pana najain taneme pexaewa xua beya poxonae patonsaname. Apara jopa baxua patsipatsim xua bayatha tapaca tsita exanaexaetsi pexeinya tatsita itatsi coyenewan. <sup>27</sup> Jopa pananta xeinaeinde xua saya pexaewa pana natsiupain nacuitame, po pexaewa saya nainya weraweraca. Saya meisa jame payabara nanta xeinare xua peajuntu yapusu coyenewa, po peajuntu yapusu coyenewa jiwi ajuntu yapusu exanatsi, po peajuntu yapusuwa jopa weraweracaeyo. Taxa, Nacom, barapo peajuntu yapusuwa necata, po peajuntu yapusuwa xuya paca catsinchi ponxaein Nacom Tananeitapetsin, jei Jesús.

<sup>28</sup> Nexata barapomonae Jesús yainyabatsi, jeye:

—¿Eta xua bewa paexanaein xua xainyeya pata exanaewa tsane pocotsiwa Nacom ichichipa? jei.

<sup>29</sup> Nexata Jesús jume nota barapomonae, jeye:

—Jame Nacom baxua ichichipa xua pata tanejume cowantsiwam tsane ponxaein xua barapon Nacom, Taxa, neitoroba, jei Jesús.

<sup>30</sup> Nexata barapomonae Jesús yainyabatsi, jeye:

—¿Eta po jinya pexeinya netsita itatsi coyenewa, pana netsita itatsiname? Icha paca cui taeinchi baxua xua pana netsita itatsiname nexata bapoxonae xua xain paca jume cowantatsi. <sup>31</sup> Ichaxota ira xuepana susato tsurucuae nacuatha wamo susato jiwi xane pexaewa, po pexaewa Nacom taitorobica itaboco wetsica. Barapo pexaewa maná matawan. Barapomonae baxua cana exanatsi be pocotsi coyeneya Nacom Pejume Diwesitha yabara jeichichi: ‘Nacom cata

barapomonaetha pexaewa, po pexaewa itaboco wetaitorobica', jei Nacom Pejume Diwesitha, jei barapomonaetha.

<sup>32</sup> Nexata Jesús jume barai barapomonaetha, jeye:

—Xaniyan paca tsipaebatsi, Moisés barapo pexaewa apara jopa wamo susato jiwi catsichi, po pexaewa xua itaboco wetaitorobicatsi. Apra jame Nacom, Taxa, barapo pexainyei nabanae pexaewa taitorobica.

<sup>33</sup> Po pexaewa Nacom itaboco wetaitorobica, apra neyabara wanae caunuta. Nacom neitorobica xua tacana exanaewa tsane jiwi barapo cae pin nacuathe xua jiwi pexeinaewa tsane peajuntuyapusuwa, po peajuntuyapusuwa jopa weraweracaeyo, jei Jesús. <sup>34</sup> Nexata barapomonaetha Jesús baraichichi, jeye:

—Patatanecanamataxeinaem, barapo pexaewa pana catsibeibare daxita matabi tsaibi, jei.

<sup>35</sup> Jesús jume nota, jeye:

—Xan apra bapon xua po pexaewa Nacom itaboco wetaitorobica jiwi xua po pexaewa tana neyabara wanae caunutsixae ponxaein jiwi peajuntuyapusuwa tacatsin. Bequein jiwi xaiba pexaewa daichitha equeicha jainpouneiba, yawa equeicha meratsipouneiba. Jame pon patopa taxantha yawa pon nejume cowanta bara xeina daxita pocotsiwa penantawenonaewa. <sup>36</sup> Bara bayatha bequein paca tsipaebatsi, daichitha jopa pana nejume cowantsim bequein pana netaneme. <sup>37</sup> Daxita pomonaetha xua Taxa necata, barapomonaetha bara tamonaetha. Barichi pomonaetha nejume cowanta, barapomonaetha jopa beban tsane. <sup>38</sup> Xan apra jopa baxua tsipatopeicaeinyo itaboco wetsica xua taexanaewa tsane pocotsiwa tacoutha ichichipan. Apra saya jame baxua tsipatopan xua taexanaewa tsane pocotsiwa Taxa ichichipa. <sup>39</sup> Tsipei Taxa ponxae neitoroba, barapon ichichipa xua daxita jiwi beta ta-eenaewa tsane pomonaetha tana necatsixae. Matautano Taxa jopa ichipaeyo xua barapomonaetha jiwana caein tanexubiwa. Matautano Taxa ichichipa xua equeicha asu cana exanaein petupae coyene cuariya weya pomonaetha tana necatsixae xua poxonaetha po matabi opi ducuaenaba po cae pin nacuathe. <sup>40</sup> Paxam yabara paca tsipaebatsi xua pocotsiwa Taxa peichichipaewa. Daxita pomonaetha neyabara paebina po coyene xua xan apra Nacom Pexanton, xuan xua nejume cowanta, barapomonaetha xeinaena peajuntuyapusuwa xua ataya tsiteca. Barapomonaetha asu exanaein petupae coyene cuariya weya poxonaetha matabi opi ducuaenaba po cae pin nacuathe, jei Jesús.

<sup>41</sup> Poxonaetha Jesús baxua nayabara paeba bapoxonaetha judiomonaetha Jesús abe yabara paebatsi, tsipei Jesús jeye: “Xan apra bapon po pexaewa Nacom itaboco wetaitorobica jiwi xua po pexaewa tana neyabara wanae caunutsixae ponxaein jiwi peajuntuyapusuwa tacatsin”, jei Jesús.

<sup>42</sup> Barapomonaetha najei caemonaetha:

—Apra bapon Jesús, José pexanto tatsi. Apra coxiyan bayatha yaputainchi, coxiwano yaputainchino. ¿Eta pocotsiwa metha naca tsaiba xua pinae itaboco wetsica pona? najei barapomonaetha.

<sup>43</sup> Nexata Jesús jume barai, jeye:

—Jopa caemonaetha pana natsipaebinde xua abe papaebame. <sup>44</sup> Dapon aibi pon peitacupaewatsi xua pia coutha pepatopaewa xantha xua tana nepuna ponaewa tsane icha Taxa pon tana neitorobixae, pia coutha jopa copatsiyo xua jiwi pepatsinexa xantha. Barapomonaetha asu exanaein

petypae coyene cuariya weya poxonae po mataqueitha daxita weraweracaena po nacuathe. <sup>45</sup> Nacom peitorobi jume pepaebiwi pia petinae diwesiŋtha jeye: ‘Daxita jiwi Nacom yaputane cana exanaena’, jei barapo Nacom peitorobi jume pepaebiwi pia petinae diwesiŋtha. Daxota daxita pomona Taxa jume tainchi xuano xua jume cowantatsino barapomona bara pata taxantha.

<sup>46</sup> “Dapon aibi pon Taxa tainchi. Jame meisa ponxaein itaboco wepatopeican bara Taxa tan. <sup>47</sup> Xaniyan paca tsipaebatsi, pon nejume cowanta bapon jame xeinaena peajuntayapuswa, po peajuntayapuswa jopa weraweracaeyo. <sup>48</sup> Xan apara bapon xua po pexaewa Nacom itaboco wetaitorobica jiwi xua po pexaewa tana neyabara wnae caunutsixae ponxaein jiwi peajuntayapuswa tacatsin. <sup>49</sup> Painya amo susato jiwi pexaewa xane ichaxota ira xuepana susato tsurucuae nacuatha. Barapo pexaewa maná matawan. Bequein bara barapo pexeinya pexaewa nabane daichitha matapainya werapa. <sup>50</sup> Paxam yabara paca tsipaebatsi po pexaewa Nacom itaboco wetaitorobica jiwi xua po pexaewa tana neyabara wnae caunutsixae. Pon nejume cowantsina jopa weraweracaeyo tsane icha ichan ichi xua poxonae xane barapo pexaewa jopa tupaeyo. <sup>51</sup> Xan apara bapon xua po pexaewa Nacom itaboco wetaitorobica jiwi, po pexaewa ayapusu, xua po pexaewa tana neyabara wnae caunutsixae. Pon xua nejume cowanta bara ataya poponaena icha ichan ichi xua poxonae xane barapo pexaewa bara asu. Po pexaewa xua yabara paeban, apara tapepon xua paca catatsi painya nenabanaewa tsane. Tupaeyin xua jiwi pexeinaewa tsane peajuntayapuswa”, jei Jesús.

<sup>52</sup> Nexata judiomona caemona nejume matsontsonoba, najei:

—¿Eta pocotsiwa metha bapon naca tsipaeba xua naca catapaeba pia pepon xua wanabanaewa tsane? jei barapomona.

<sup>53</sup> Jesús barai barapomona, jeye:

—Xaniyan paca tsipaebatsi xan ponxaein Nacom Tana neitapetsin. Icha jopa paxaem tsane tapepon, yawa icha jopa paapaem tsane tajana, jopa paxeinaem tsane peajuntayapuswa, po peajuntayapuswa jopa weraweracaeyo. <sup>54</sup> Pon xua tapepon xane yawa xua apa tajana, bapon xeinaena peajuntayapuswa, po peajuntayapuswa jopa weraweracaeyo. Yawa bapon asu exanaein petypae coyene cuariya weya po mataqueitha poxonae daxita weraweracaena po cae pin nacuathe. <sup>55</sup> Tsipei tapepon be pexeinya pexaewa poxonae xua jiwi pexaewa tsane. Yawa tajana be pexeinya peapaewa xua jiwi peapaewa tsane. <sup>56</sup> Pon tapepon xane yawa apa tajana, bapon nebaru poponeibina yawa xan baru poponeibin. Tsipei poxoru bapon neyabara jume cowanta xua xan bapon pia pepon tatsi tsitupan, yawano xua tajana othoparenaewa bapon nexa xua abe pia peexanae cuiru coyenein tatsi nexa. <sup>57</sup> Taxa ponxae neitoroba bapon ataya asu poponeiba. Iruru xan barichin ataya asu poponeiban tsipei Taxa necata pia peajuntayapuswa, po peajuntayapuswa jopa weraweracaeyo. Barichiru pon xane tapepon, xua poxonae tana nejume cowantsiwa, bapon asu poponeibina tacatsixae peajuntayapuswa. <sup>58</sup> Xan yabara paeban pexaewa, po pexaewa Nacom itaboco wetaitorobica jiwi. Barapo pexaewa jopa tupaeyo, xua icha be maná matawan ichi, po pexaewa painya amo susato jiwi xane. Daichitha barapomona matapainya werapa. Po



pexaewa yabara paeban icha ichan xane barapo pexaewa, bapon xeinaena peajuntuyapusuwa, po peajuntuyapusuwa jopa weraweracaeyo, jei Jesús.

<sup>59</sup> Baxuan Jesús cuiduba judiomonae pia penacaetutsi botha tatsi xua Capernaum tomaratha.

*Meje yabara poxonae Jesús yabara paeba peajuntuyapusuwa, po peajuntuyapusuwa jopa weraweracaeyo*

<sup>60</sup> Pinmonae pomonae Jesús puna poinchi, poxonae barapomonae Jesús jume tainchi pia pecuidubiwa, bapoxonae barapomonae najei:

—Pocotsiwa bapon paeba maisa bichocono ayapube xua wayabara jume cowantsiwa. ¿Jintam metha itacupatsi xua peexanaewa tsane pocotsiwa bapon paeba? najei.

<sup>61</sup> Ichitha Jesús yaputane pocotsiwa xua peyabara paebiwatsi barapomonae xua peayapubexae pocotsiwa Jesús pepaebiwa. Nexata Jesús yainyaba barapomonae, jeye:

—Pocotsiwa aunxuae paca tsipaebatsi, ¿baxua pacata ayapube? <sup>62</sup> ¿Eta xua metha pananta xeinaetsipame icha pana netaetsipame xua athabe taichaewa itaboco beicha ichaxota bayatha poponan ponxaein Nacom Tananeitapetsin? <sup>63</sup> Jiwi asu jinompa poxoru xeina pejumope tñaxu. Poxonae pejumope tñaxu panepa jiton ba pia pepon tupa. Icha pejumope tñaxu ichi xua jiton asu exainchi pia pepon, barichi xua xan pocotsiwa tapaca tsipaebiwatsi barapo jume paca juntu coyene ayapusu cana exana xua jopa painya neweraweracaewa tsane. <sup>64</sup> Ichitha cataunxuae pinmonae pomonae paxam jiwana pam, jopa nejume cowantsiyo, jei Jesús.

Caena bayatha Jesús copiya wñae tsiwanaya yaputane pomonae jopa pejume cowantsiwa tsainchi. Matautano caena bayatha Jesús copiya wñae tsiwanaya yaputane pon pecaenaetsiwa tsainchi tsane ichamonaetha xua pebexubiwa tsainchi Jesús. <sup>65</sup> Equeicha Jesús barai pomonaetha pomonae pia pepuna ponaewichi, jeye:

—Daxota paca jeichi: ‘Dapon aibi pon peitacupaewatsi xua pia coutha pepatopaewa xantha xua tana nepuna ponaewa tsane, icha Taxa pia coutha jopa copatsiyo xua bara jiwi pepatsiwa xantha’, paca jeichi, jei Jesús.

<sup>66</sup> Poxonae Jesús baxua paeba bapoxonae pin bicheito pomonae Jesús pepuna ponaewichi barapomonae Jesús cuenta warapatsi. Barapomonae equeicha nama jopa Jesús puna ponaetsi. <sup>67</sup> Bapoxonae Jesús pijimonae yainyaba pomonaeyoxae xua doce poyobe, pomonae Jesús pijimonaexae tatsi. Jesús pijimonae barai, jeye:

—¿Paxam painya iru ponaetsiru? jei Jesús.

<sup>68</sup> Nexata Simón Pedro Jesús jume notatsi. Pedro jeye:

—Patatanecanamataxeinaem, dapon aibi tsipae pon papuna ponan icha paca cuenta ponaetsipatsi. Saya meisa payaputan xua meisa xam compam yabara pana netsipaebame peajuntuyapusuwa, po peajuntuyapusuwa jopa weraweracaeyo. <sup>69</sup> Paxan paca jume cowantatsi. Matautano payaputan xua xam apara pon Nacom caitoroba, pon pepa Nentacuiruyapuxanepanaem, jei Simón Pedro.

<sup>70</sup> Jesús pijimonae jume nota, jeye:

—Paxam pomonae doce poyobe pam pomonae tapaca caitapetsiwichi pam. Daichitha caein jiwana pam cauri piamonae jiton tatsi, jei Jesús.

<sup>71</sup> Poxonae Jesús baxua paeba, Jesús yabara paeba Judas, Simón Iscariote pexanto tatsi. Bapon Judas Jesús caenaetsinchi bequein bapon caein jiwana pomonae Jesús pijimonaexae tatsi, pomonae doce poyobe tatsi.

## 7

*Meje yabara poxonae Jesús jopa yabara jume cowantichi peweicho jiwi*

<sup>1</sup> Bapoxonae Jesús popona ducuaeta baxota xua Galilea nacuatha. Jesús aichaxaibi xua pepoponaewa Judea nacuatha, tsipei judiomonae, pomonae baxota jinompa, ichichipa xua Jesús pebexubiwatsi. <sup>2</sup> Bara nama imoxoyo tsurucuae tsoponaeba po matacabintha judiomonae jinompa tsica бoмѣхѣхѣиѣ xua penabanaenexa pexaewa. Barapo matacabin ba judiomonae cayabara nanta xeina xua caena bayatha pinae pia pamo susato jiwi tatsi jinompa tsica бoмѣхѣхѣиѣ ira xuepana susato tsurucuae nacuatha. <sup>3</sup> Jesús baraichi pia peweicho jiwi, jeye:

—Jopa xote poponaende. Judea nacua beya warapiyama xain baxotiya jinyamonae cacui tane pocotsiwa exaname xua jinya netsita itutsiwa. <sup>4</sup> Pon xua ba ichichipa peyaputaewatsi daxita jiwi, bapon ba daxita jiwi peitatha exana po coyene xua moya peyawun xeinaewa po coyene jiwi copiya jopa yabara yaputaeyo. Bapon ba jopa nameicha exanaeyo. Xam ирѣиѣ barichinde. Daxita jiwi peitatha exande xain cacui tane xua jinya netsita itubiwa neexanaewam, jeichichi Jesús peweicho jiwi.

<sup>5</sup> Baxua Jesús baraichichi peweicho jiwi, tsipei Jesús jopa jume cowantichi peweicho jiwi. <sup>6</sup> Nexata Jesús jume barai peweicho jiwi, jeye:

—Apara inta cataunxuae dapo matacabi aichica, po mataqueitha tana naitutsiwa judiomonaetha xua Judea nacuatha. Ichitha poxonae paichichipame xua painya neponaewa moya bara paponde Judea nacua beya. <sup>7</sup> Pomonae jopa Nacom jume cowantichi barapomonae jopa paca casebiyo. Ichitha xan necaseba tayabara paebixae xua po coyene pocotsiwa barapomonae exana pejuntѣ coyeneintha apara abe. <sup>8</sup> Paxam bara moya paponde ichaxota judiomonae nacaetuta xua penabanaenexa pexaewa. Xan nama jopa ponaeinyo cataunxuae canta tamatacabi aichica, jei Jesús.

<sup>9</sup> Poxonae Jesús baxua najume weta, bapoxonae abѣ cataunxuae Galilea nacuatha popona be caentacabiyobe xua pecoyo weya peponaenexa.

*Meje yabara poxonae Jesús nasiwa pona Jerusalén tomara ichaxota judiomonae nacaetuta xua penabanaewa tsane pexaewa*

<sup>10</sup> Poxonae Jesús peweicho jiwi tatsi bayatha ponaba penabanaenexa pexaewa ирѣ Jesús bara beya pona. Jesús compa nameicha pipatotha pona. Jopa peбарѣя naponaejiwi. <sup>11</sup> Barapo judiomonae penacaetutsiwatha Jesús wenaweneichi. Barapo judiomonae pia pentacaponaejiwi tatsi caemonae nayainyaba, najei:

—¿Incane methara? ¿Exota metha popona bapon? najei barapomonae xua Jesús yabara paebatsi.

<sup>12</sup> Barapo pin bicheitomonaetha ichamonae Jesús yabara paxapaxeya paebatsi. Ichamonae jeye: “Bapon apara pejuntѣ coyene xanepanaein”, jei. Ichamonae jeye: “Вѣиѣ, metha jume, apara jiwi muxujainyabeibatsi”, jei barapomonae.

<sup>13</sup> Ichitha dapon aibi pon pentha pejume jinaewa jiwi peitatha xua Jesús peyabara paebiwatsi, tsipei judiomonae pia pentacaponawewi tatsi cunuwatsi.

<sup>14</sup> Poxonae cuatro po matakabinbe yapucaewa xua poxonae judiomonae po matakabintha nacaetuba, bapoxonae Jesús joniya Nacom pin pia botha. Matautano baxota tamropata pitaba xua pecuidubiwa jiwitha.

<sup>15</sup> Bapoxonae judiomonae yabara najuntá cui coyene cabenaeca pocotsiwa Jesús beta caununaya pepaebiwa. Yawano najei:

—¿Eta xua metha bapon bichocono yaputane diwesi bequein jopa nacuidubiyo diwesi xua jopa barichiyo xua waxainchi wepu wanacuidubiwatsi diwesi? jei.

<sup>16</sup> Jesús jume nota barapomonae, jeye:

—Po diwesi jiwi cuiduban apara jopa barompaya tacuidubi coyenewa. Saya apara Taxa pia pecuidubi coyenewan tatsi jiwi cuiduban, pon tanecui itorobixae baxua. <sup>17</sup> Icha ichan ichichipa exana pocotsiwa Nacom ichichipa, bapon necayabara yaputaena xua po coyene tacuidubi coyenewa. Bapon yaputaena icha metha bara cuiduban pocotsiwa Taxa neitoroba, xuano xua ichacuitha icha metha apara cuiduban pexeinya peayapusa itorobi coyenewatha po coyene xua tawa xua saya tacoutha ichichipan. <sup>18</sup> Pon barompaya pia diwesi pia coutha nayabara paeba, apara bapon pia xua wunaeyabara paebichi xua jiwi wunaeya peyabara paebiwa tsane. Ichitha ichan pon ichichipa xua jiwi Nacom wunaeyabara pejainchiwatsi pon Nacom bapon peitorobixaetsi, bapon jame po diwesi pexainyei diwesi paeba. Bapon jame jopa pemuxuitorobin jiwi.

<sup>19</sup> “Moisés paca cata pia peitorobi coyenewa. Daichitha jopa pacayabara jume cui cowantsiya exanaem. Bequein Moisés paca cui itoroba xua bepa pinae jopa jiton pabexubim tsane. Dapo jumetha, ¿eta xua metha paichichipame xua pata tanebexubiwam?” jei Jesús.

<sup>20</sup> Daxita barapomonae Jesús jume notatsi, jeye:

—¡Apara cou cauri xeiname! Dapon apara aibi pon cabexubapaeba, jei judiomonae.

<sup>21</sup> Jesús jume barai barapomonae, jeye:

—Daxita paxam payabara najuntá cui coyene cabenaecame, tsipei pebin axaibi exanan po matakabitha pentaquei seicae matakabitha.

<sup>22</sup> Ichitha paxam irá panacuiteibame barapo matakabitha. Moisés paca cata pia peitorobi coyenewa xua pexui painya newi thabiwa xua ichaxota pebiwichi xeinatsi xua ichaxota nareixacaena xua ocho po matakabibetha poxonae yapu othopeiba. Ichitha Moisés jopa tamropata pitabiyo baxua, saya jame painya amo susato jiwi tamropata notarucupa baxua. Poxonae ocho po matakabibe yapu othopeiba pawi thabame pebin wutixi bequein poxonae pentaquei seicae matakabi pataetham.

<sup>23</sup> Paxam paichichipame xua painya yabara jume cui wetsiwa xua pocotsiwa Moisés paca cui itoroba. Daxota pexui pebin wutixi pawi thabame ichaxota pebiwichi xeinatsi xua ichaxota nareixacaena bequein pentaquei seicae matakabi pataetham poxonae. Icha bara paichim pentaquei seicae matakabitha, ¿eta pocotsiwa metha pana necasebame xua pebin axaibi taexanaexae pentaquei seicae matakabitha? <sup>24</sup> Painya xoba pebin payabara paebame xua penatsicuentisiwa xua abe peexanaexae Nacomtha poxonae cataunxuae jopa payaputaem pocotsiwa pebin abe

exana. Jame metha copiya pacui yaputaema xua icha bara metha pebin abe exana tsipei methapara barapo pebin xanepanaya exana.

*Meje yabara xua Jesús yabara paeba xua ichaxota copiya popona*

<sup>25</sup> Pomonae Jerusalén tomaratha jinompa, poxonae barapomonae Jesús baxua jume tainchi, nayainyaba. Barapomonae najei:

—¿Metha apara baponje, pon yabara paebatsi ichamonae xua bepa pinae pon bexubichi? <sup>26</sup> Bapon apara jiwi peitabaratha paebuncua-jeba. Ichitha dapon aibi pon pejume matawentsiwatsi bapon. ¿Metha poxoru pentacaponae wi bapon yabara nanta xeinatsi xua bapon barapara Mesías pon Nacom itoroba daxota jopa pejumeyo barapomonae? <sup>27</sup> Ichitha waxainchi yaputainchi xua ichaxota werena pona bapon. Jame poxonae Mesías patopaena dapon ajibi tsane pon yaputaena xua ichaxota werena peponaewa Mesías, jei barapomonae, pomonae Jerusalén tomarapiwi.

<sup>28</sup> Jesús cuiduba jiwi Nacom pin pia botha tatsi. Poxonae Jesús baxua jume tane pocotsiwa jiwi paeba, bapoxonae Jesús jume daunweya wawai, jeye:

—Pana neyabara cananta xeinaeya yaitaneme. Yawa pana neyabara nanta xeiname xua payaputaneme xua ichaxota werena taponae. Apari jopa tsipatopaeinyo xua taexanaewanexa pocotsiwan ichichipan tacoutha. Mexeya apara daxota tsipatopan ichun tana neitorobixae pon xua yabara jume xainyeichi xua barapon bara eca peitabocotha. Bapon paxam jopa payaputaem. <sup>29</sup> Bapon bara yaitan tsipei bapon pexainya wetsica ponan. Matautano bapon neitorobica, jei Jesús.

<sup>30</sup> Bapoxonae bequein barapomonae ichichipa xua Jesús pewaetabiwatsi, ichitha Jesús jopa waetabichi tsipei cataunxuae Jesús pia matacabi jopa tapatopeicaetsi. <sup>31</sup> Pin bicheitomonaes Jesús yabara jume cowantatsi xua Jesús apara bara Mesías. Barapomonae Jesús yabara jeichichi:

—Barapo pebin pexeinya petsita itatsi coyenewan exana be pocotsi coyene bayatha Nacom peitorobi jume pepaebiwi paeba xua juinya pinae Mesías pocotsiwa exanaena, jei barapomonae.

*Meje yabara poxonae fariseomonae itoroba policiamonae xua Jesús pewaetabiwa tsainchi*

<sup>32</sup> Bapoxonae fariseomonae jume tane pocotsiwa jiwi Jesús yabara baraichi: “Bapon apara Cristo”, xua jei jiwi. Nexata bapoxonae fariseomonae irarua sacerdotemonae pia pentacaponae wi tatsi, daxita barapomonae itoroba policiamonae Nacom pin pia bo beya xua Jesús pewaetabiwa tsainchi. <sup>33</sup> Nexata Jesús jei jiwitha:

—Saya caeto paca barua popoinchi. Bapoxonae pirapaeyo equeicha tacoya beicha Taxa beicha ponaein pon tana neitorobixae. <sup>34</sup> Paxam pana newenawenam tsane ichitha jopa pana necaxinaem tsane. Tsipei jopa paca itacupaes tsane xua painya neponaewa xua ichaxota taponae tsane, jei Jesús.

<sup>35</sup> Nexata judiomonaes caemonae nayainyaba, najei:

—¿Exota metha bapon ponaena xua jopa wacaxinaewa tsainchi? ¿Metha icha judiomonaetha ponaena jampa po judiomonaes icha nacua werena pona po judiomonaes griegomonaes barua jinompa jampa? Metha pia bapoxonae bapon cuidubichi barapo judiomonaes, griegomonaeno.

<sup>36</sup> ¿Eta xua metha baxua caunuta poxonae naca jei: ‘Paxam pana newenawenam tsane ichitha jopa pana necaxinaem tsane, tsipei jopa paca itac̣paē tsane xua painya neponaewa xua ichaxota taponaeewa tsane’, poxonae xua naca jei? najei judiomonae.

*Meje yabara poxonae Jesús yabara paeba xua ira б̣х̣х̣пана мене ера-тоуауа ichawa beya mene pona*

<sup>37</sup> Po matabi opi ducuanayaba xua po mataqueitha judiomonae nacaetuta xua penabanaenexa pexaewa, barapo matabi bichocono peainya cui matabi. Barapo matabi xua Jesús uncua jiwī peitabaratha tatsi. Matautano jume daunweya wawaya jeye:

—Icha icḥn meratsipa, б̣ pona xan berena xua peapaenexa mera. <sup>38</sup> Nacom Pejume Diwesitha paeba: Pinae pon tana nejume coẉntsiwa bichocono j̣nṭ coyene у̣у̣са exanaponaeinchi po coyene xua tana nejume coẉntsiwa, icha be pinae mene ichi tsane po mene ira б̣х̣х̣пана мене, po mene xua ichawa beya epatoyaya mene pona bichocono pemene naỵса ponaexae, jei Jesús.

<sup>39</sup> Baxua Jesús paeba, xua pomonae pejume coẉntsiwa tsainchi, barapomonae pinae xeinaena Nacom pia Pejumope т̣нах̣ tatsi. Ichitha cataunxuae Nacom pia Pejumope т̣нах̣ tatsi aichica. Tsipei cataunxuae Jesús jopa т̣паеуо naetha. Matautano tsipei cataunxuae jopa ponaeyo Nacom beicha. Bapoxonae bexa tsane barapomonae pomonae Jesús pejume coẉntsiwichi xeinaena Nacom pia Pejumope т̣нах̣ tatsi.

*Meje yabara poxonae jiwī Mesías yabara najume matsontsonobatsi*

<sup>40</sup> Baxota iṛг̣ ena ichamonae pomonae Jesús jume tainchi poxonae yabara paeba mera. Barapoxonae barapomonae najume matsontsonobiya paeba. Ichamonae jeye:

—Apara barapo pebin pon Nacom peitorobi jume pepaebin, pon ẉnae ewatatsi, pon bewa juinya patopaena, jei.

<sup>41</sup> Ichamonae jeye:

—Apara barapo pebin, bapon apara Mesías pon Nacom itorobeica-paeba peitaboco wetsica, jei.

Ichitha ichamonaeṛ jeye:

—Jume apara, apara Mesías aibi, tsipei Mesías jopa patopaeyo Galilea nacua werena. <sup>42</sup> Tsipei Nacom Pejume Diwesitha jeye: ‘Bapon Mesías itorobarecaein. Bapon Mesías David pia pemomoxi susato jiwānapin tatsi, pon caena bayatha Judea nacuamonae itorobiya pia pepa pee-watsinchi tatsi naexana. Bapon Mesías Belén tomaratha naexanaena, po tomaratha David ichaxota popona bayatha’, jei Nacom Pejume Diwesitha, jei barapomonae.

<sup>43</sup> Daxota pinmonae najume matsontsonoba, tsipei daxita barapomonae Jesús ichawa beya barompaya yabara nanta xeinatsi.

<sup>44</sup> Barapomonae jiwānamonae bequein ichichipa xua Jesús pewaetabiwatsi, ichitha dapon aibi pon Jesús pewaetabiwatsi.

*Meje yabara poxonae pentacaponae jiwī Jesús yabara jume coẉntichi*

<sup>45</sup> Bapoxonae policiamonae pomonae Nacom pin pia bo peyapu eenaewi nawibiya fariseomonae beya yawa sacerdotemonae pia pentacaponae tatsi beyano. Daxita barapomonae policiamonae yainya-batsi, jeichichi:

—¿Eta xua metha jopa pacarendenaem Jesús? jei daxita.

<sup>46</sup> Barapo policiamonae jume nota barapomonae, jeye:

—¡Dapon aibi ichun pon beta pepaebiwa, icha bapon ichi xua beta wunaeya paeba! jei.

<sup>47</sup> Daxita nexata barapomonae policiamonae jume notatsi, jeye:

—¿Paxam iruru jiwi pacui jurame, xua iruru pajume cowantame bequein bara bapon paca muxuitoroba? <sup>48</sup> Tsipei apara jopa payaputaem xua judiomonae pia pentacaponaeawi tatsi jopa yabara jume cowantsiyo bapon. Iru fariseomonae pia pentacaponaeawi tatsiru jopa yabara jume cowantsiyo bapon. <sup>49</sup> Pomonae Jesús jume cowantatsi apara barapomonae jopa yaputaeyo pocotsiwa Nacom paeba pia peitorobi jumeintha. Barapomonae apara Nacom atene cana exanaena xua petsita natsicuentsexatsi xua abe petsita exanaexatsi, jei daxita fariseomonae.

<sup>50</sup> Barapo fariseomonae jiwanapin baxota eca, pon pewun Nicodemo, pon merawitha bayatha Jesús siwa poinchi. Bapon Nicodemo jeye fariseomonaetha xua ichamonaetha:

<sup>51</sup> —Waitorobi coyenewatha ba jeichichi: ‘Jopa bewa yabara paebichi pebin xua penatsicuentsiwa xua abe peexanaexae poxonae cataunxuae jopa jume taetsi bapon pocotsiwa exana. Jame copiya matha bewa jume taetsi xua bapon pia coutha nayopita xua pocotsiwa exana’, ba jeichichi, jei Nicodemo.

<sup>52</sup> Nexata fariseomonae Nicodemo jume notatsi, jeye:

—¿Xam iruru barichim Galilea nacuapin naexaname, po Galilea nacupawi jopa beta yaputaeyo? Maisa jame matowa yorobare Nacom Pejume Diwesi. Xain yaputaneme xua dapon aibi pon xua Nacom peitorobi jume pepaebin, pon Galilea nacua werena pona, jei fariseomonae.

*Meje yabara poxonae yabuyo abe exana poxonae nasi cui wainmeinta icha pebintha bequein pia pebin xeinaetha*

<sup>53</sup> Nexata daxita barapomonae barompaya pia bon be-iyiya.

## 8

<sup>1</sup> Nexata Jesús pona demxuwa beya, po demxuwa pewun demxu Olivowa. <sup>2</sup> Icha matababitha poxonae penta tsina, bapoxonae equeicha Jesús caibeya pona Nacom pin pia bo tatsi beya. Pinmonae Jesús imoxoyo caquita poinchi. Jesús eca yawa tamropata pitaba xua pecuidubiwa jiwi. <sup>3</sup> Bapoxonae judiomonae, pomonae jiwi pecuidubiwi Moisés pia peitorobi coyene tatsi, iruru fariseomonae, daxita barapomonae carendena petsiriwa Jesús pia xantha tatsi. Barapomonae cui taepona poxonae barapo petsiriwa nasi cui wainmeinta icha pebintha bequein pia pebin xeinaetha. Bapoxonae daxita barapomonae barapo petsiriwa cuaranotatsi pin bicheito itabarayo deca xuano xua Jesús peitabarayo deca tatsi. <sup>4</sup> Daxita fariseomonae iruru judiomonae, pomonae jiwi pecuidubiwi Moisés pia peitorobi coyene tatsi daxita barapomonae Jesús baraichi, jeye:

—Pon jiwi Necuidubim, paxan jemeicha pacui taeponan xua barapo yabuyo abe exana, poxonae nasi cui wainmeinta icha pebintha bequein pia pebin xeinaetha. <sup>5</sup> Moisés pia peitorobi coyenewatha naca tsipaeba xua pinae bewa tapa exanaetsi ibowantha powaxi poxonae barapo

coyene exana xua abe exana. ¿Incane iru xamdu? ¿Jinya eta xua pana netsipaebichi xua pata cana exanaewa bapowatha? jei.

<sup>6</sup> Baxua naemata Jesús yainyabatsi, pia poxona Jesús abeya jume notsina bapoxonaē pia barapomonaē Jesús abe yabara paebichi. Nexata bapoxonaē Jesús irabe tauncuareca yawano ira tinano pecobesitha. <sup>7</sup> Tsipei barapomonaē matowa Jesús yainyabatsi, daxota Jesús equeicha nantacotaxuba. Yawano barai barapomonaē, jeye:

—Caein paxam jiwana pam, pon bapana jopa abe exanae, bu bapon jame copiya matha bapowa cuintabatsi ibototha, jei Jesús.

<sup>8</sup> Equeicha Jesús irabe tauncuareca. Yawano equeicha Jesús ira tina pecobesitha. <sup>9</sup> Ichitha poxonaē barapomonaē Jesús jume tainchi, bapoxonaē daxita barapomonaē barompaya nanthathu cayabara nanta xeina xua iruru abe exanaru barapomonaē. Daxita barapomonaē Jesús pia xainya weya tatsi tsana nanatsixibapona. Copiya penapataewi pona, bapoxonaē cotacaya ichamonaē nawibiya, beya jiwaibi. Saya meisa barapo yabuyo compa uncuā Jesús pia xantha tatsi. <sup>10</sup> Bapoxonaē Jesús equeicha nantacotaxuba. Yawa Jesús tane barapo yabuyo xua compa uncuā pia xantha tatsi. Jesús barai yabuyo, jeye:

—¿Incane dapomonaē? ¿Dapomonaē aibi pomonaē cayabara paeba xua nenatsicuentiwa xua abe neexanaexae Nacomtha? jei Jesús.

<sup>11</sup> Barapowa Jesús jume notatsi, jeye:

—Jume, Tanecanamataxeinaein, dapomonaē aibi pomonaē neyabara paeba xua tanatsicuentiwa xua abe taexanaexae Nacomtha, jei.

Nexata Jesús barai bapowa, jeye:

—Xan iruru jopa cayabara paebi tsainchi xua nenatsicuentiwa xua abe neexanaexae Nacomtha. Nawiyama, equeicha jopa abe peexanae cuiru coyene exanaeinde, jei Jesús.

*Meje yabara poxonaē Jesús namchi, jeye: “Icha pecoicha ichi xua jiwi beta tane cana exainchi merawi, barichin xan jiwi cana exanan xua Nacom beta peyaputaewatsi”, jei Jesús*

<sup>12</sup> Equeicha Jesús tsipaeba jiwi Nacom pin pia botha. Jesús jeye:

—Icha pecoicha ichi xua jiwi beta tanecana exainchi merawi, barichin xan jiwi cana exanan xua Nacom beta peyaputaewatsi xua pomonaē jinompa po cae pin nacuathe. Pon nejume cowanta, bapon xeinaena peajuntayapuswa, po peajuntayapuswa ataya tsiteca xua bapon jopa abe peexanaenexa, jei Jesús.

<sup>13</sup> Nexata fariseomonaē Jesús baraichi, jeye:

—Xam apara jinya coutha nayabara diwesi paebame, daxota jopa be paca jume cowantichi tsipei jopa ainya cuiyo pocotsiwa paebame, jei fariseomonaē.

<sup>14</sup> Jesús jume nota barapomonaetha, jeye:

—Xua xan nayabara diwesi paeban, baxua apara xainyan, bequein bara tacoutha nayabara diwesi paeban saya. Tsipei yaputan ichaxota werena taponawa xuano xua ichaxota beya taponawa tsane. Ichitha paxam jopa payaputaem ichaxota werena taponawa xuano xua ichaxota beya taponawa tsane. <sup>15</sup> Paxam jiwi payabara paebame xua penatsicuentiwa xua abe peexanaexae Nacomtha saya xua poxonaē pataneme xua exana icha po cae pin nacuathepiwi ichi. Xan jopa bapana jiwi yabara paebinyo xua penatsicuentiwa xua abe peexanaexae Nacomtha saya xua poxonaē tan xua exana. <sup>16</sup> Icha jiwi yabara paeban

xua penatsicuentisiwa xua abe peexanaexae Nacomtha bara pexainyei coyenyatha exanan. Tsipei jopa bapana companyo poxonae jiwi yabara paeban xua penatsicuentisiwa xua abe peexanaexae Nacomtha tsipei Taxa Nacom nebaru exana baxua pon tana neitorobixae. <sup>17</sup> Painya itorobi coyenewatha jeye: ‘Icha ichanbe nanta jupaeya yabara paebabe pocotsiwa tanebe bewa baponbe pajume cowantsiname tsipei baxua apara ainya cui’, jei. <sup>18</sup> Xan tacoutha nayabara diwesi paeban. Iruu Taxa neyabara diwesi paeba, pon tana neitorobixae. Daxota Taxa pana nacueyatanbe, jei Jesús.

<sup>19</sup> Nexata barapomonae Jesús yainyabatsi, jeye:

—¿Incane Axa, exota poponara? jei.

Jesús jume nota, jeye:

—Paxam jopa pana neyaitaem, matautano Taxa jopa payaitaem. Icha pana neyaitaetsipame bapoxonae metha payaitaetsipame Taxa, jei Jesús xua fariseomonae tsipaebatsi.

<sup>20</sup> Baxuan Jesús caunuta poxonae tsipaeba jiwi Nacom pin pia botha tatsi. Jesús imoxoyo uncua ichaxota jiwi jeba paratixi Nacom nexa. Dapon aibi pon Jesús pewaetabiwatsi, tsipei Jesús pia matacabi cataunxuae taachicatsi.

*Meje yabara poxonae Jesús namchi: “Jopa paca itacupae tsane xua painya neponaewa tsane ichaxota taponaeewa tsane”, jei Jesús*

<sup>21</sup> Equeicha Jesús jeye barapo fariseomonaetha:

—Bexa equeicha caibeicha ponaein. Paxam pana neitaxanaename painya tapaca cayawenaenexa tsainchi abe painya neexanae cuiru coyenein weya. Jopa paca capanepae tsainchi abe painya neexanae cuiru coyenein weya xua poxonae pawerapaename. Jopa paca itacupae tsane xua painya neponaewa ichaxota taponaeewa tsane, jei Jesús fariseomonaetha.

<sup>22</sup> Nexata judiomonae caemonae najei:

—¿Eta pocotsiwa metha bapon naca tsipaeba xua pinae jopa tae tsainchi xuano xua pinae jopa naca itacupae tsane xua waponaeewa ichaxota bapon peponaeewa tsane? ¿Metha pia coutha pia nabexuichi? jei judiomonae.

<sup>23</sup> Nexata Jesús barai judiomonae, jeye:

—Paxam saya betsiqepiwi pam. Xan seicaya nama athabeicha taponaein. Paxam seicaya nama po cae pin nacuathepiwi pam. Xan nama po cae pin nacuathepin aibi. <sup>24</sup> Daxota bayatha paca jeichi: ‘Paxam jopa paca capanepae tsainchi abe painya neexanae cuiru coyenein weya poxonae pawerapaename’, jan. Tsipei jopa pana neyabara jume cowantsim po coyene xua bara tana neitacupaewa xua tapaca cayawenaewatsi, daxota pamuxuna werapaename abe painya neexanae cuiru coyenein, jei Jesús judiomonaetha.

<sup>25</sup> Nexata barapomonae Jesús yainyabatsi, jeye:

—¿Jintam xamda? ¿Etapo jitom? jei.

Jesús jume nota barapomonae, jeye:

—Poxonae aena tamropata pitaban xua paca cuidubatsi, bapoxonae bayatha nayopichiya paca tsipaebatsi po coyene xua ichaxota werena taponaeewa. <sup>26</sup> Acoibi nawita xua yabara tapaca tsipaebiwatsi po coyene xua abe peexanae cuiru coyenein painya neexanaewa xua daxota Nacom patsita natsicuentame xua abe painya neexanaexae Nacomtha.



Taxa neitoroba xua jiwi tatsipaebiwa pocotsiwa bayatha Taxa jume tan. Taxa bara yatsicaya jume xainyeya paeba, jei Jesús.

<sup>27</sup> Ichitha barapomonaе jopa yaputaeyo poxonaе Jesús jeye Nacom yabara: “Taxa”, jei xua apara Paxa caunuta, pon Nacom. <sup>28</sup> Daxota Jesús barai barapomonaе, jeye:

—Poxonaе paxam naetotha pana necobe matatabarutsiname xan ponxaein Nacom Tananeitapetsinxae, bapoxonaе pana neyaputaename xua deta cou apara barapo jiton xan. Matautano pana neyaputaename xua xan jopa tacoutha nayabara paebinyo, saya xua cueicueijan pocotsiwa Taxa necuiduba. <sup>29</sup> Tsipei pon neitoroba apara nebaru popona. Taxa bapana jopa compa popona neexanae tsipei saya exaneiban pocotsiwa Taxa tsita xanepanatsi, jei Jesús.

<sup>30</sup> Poxonaе Jesús baxua caunuta pinmonaе judiomonaе Jesús jume cowantatsi.

*Meje yabara poxonaе Jesús yabara paeba Nacom pijimonaе tatsi iru pomonaе caurimonaе pia pentacaponaein tatsi piamonaе tatsi*

<sup>31</sup> Nexata bapoxonaе Jesús barai judiomonaе, po judiomonaе Jesús pejume cowantsixaetsi. Jesús jeye:

—Icha paxam xanepanaya pana nejume cowantsiya exanaponaeya jinompaename pocotsiwa tapaca tsipaebiwatsi, bapoxonaе bara pepa tajimonaе pam tsane. <sup>32</sup> Bapoxonaе payaputaename po coyene pexainyei coyenewa. Matautano papanenebiyaename pexainya weya pon paca itoroba xua abe painya neexanaewa, jei Jesús.

<sup>33</sup> Barapo judiomonaе, Jesús jume notatsi, jeye:

—Apara paxan Abraham pia pemomoxi susato jiwi tatsi pan. Dapon aibi pon pana itoroba xua pata taexanaewa poxonaе pana itoroba xua poxonaе pana busi tatane. ¿Eta pocotsiwa metha pana nejam: ‘Paxam papanenebiyaename pexainya weya pon paca itoroba xua abe painya neexanaewa’, pana nejam? jei pomonaе Jesús jopa jume cowantichi.

<sup>34</sup> Jesús barai barapomonaе, jeye:

—Xaniyan paca tsipaebatsi daxita pomonaе xua abe peexanae cuiru coyenein exana barapomonaе bara exana po coyenein pia pepon itorobatsi icha jiton ichi pon amanaya tanacuita ichun xua poxonaе bewa exanae pocotsiwa peitorobixaetsi poxonaе busi cui tatainchi. <sup>35</sup> Pon ba amanaya tanacuita ichun, bapon ba apara piamonaе aibi pomonaе peitorobixaetsi, tsipei bapon pebusi cui taetaeinchi. Ichitha pon ba xua ichun pexantoxae tatsi, bapon ba ataya pexanto tatsi bara piamonaе pexeinaexae bapon. <sup>36</sup> Daxota xan Nacom Pexanton, icha panenebiya paca cana exainchi caurimonaе pia pentacaponaein tatsi weya, pon xua paca itorobeiba xua abe painya neexanaewa, barapoxonaе bara ataya paca capanenebiya tsoponeibi tsainchi bapon pexainya weya tatsi. <sup>37</sup> Bayatha yabara paca yaputainchi xua Abraham pia pemomoxi susatopiwi tatsi pam. Daichitha paichichipame xua pana nebexubame, jopa painya neichipaexae xua painya nejume taewa pocotsiwa paca tsipaebatsi. <sup>38</sup> Xan yabara paeban po coyenein xua Taxa netsita ituta. Paxam paexaname xua po coyenein painya axa paca itoroba, jei Jesús.

<sup>39</sup> Barapomonaе Jesús jume notatsi, jeye:

—¡Pata tamo susatopin pon be pata taxa patsicotan, bapon apara Abraham! jei barapomonaе.

Ichitha Jesús jume barai, jeye:

—Icha bara Abraham pia pexui tatsi pam tsipaem, metha bara paexanaetsipame pocotsiwa bapon bayatha caena exana. <sup>40</sup> Bequein bara paca tsipaebatsi po coyene pexainyeiwa xua po coyene Nacom necuiduba, ichitha paichichipame xua pana nebexubame. Apará Abraham jopa bapana baxua daichi. <sup>41</sup> Paxam bara barapocotsiwa paexaname pocotsiwa painya axa exana, jei Jesús.

Nexata barapomonaé Jesús baraichi, jeye:

—Paxan dapomonaé pan aibi pomonaé piacoibi jiwi pan, tsipei pata taena jopa nasi cui wainmeinchiyo. Paxan xaniwaicha payaputan xua bara compa painta pata taxa, bapon Nacom, jei barapomonaé.

<sup>42</sup> Nexata Jesús jume barai, jeye:

—Icha bara Nacom pia pexui pam tsipaem metha pana neantobe tsipaem. Tsipei Nacom bapon pia xainya wetsica ponan, anoxuaeno bara uncuanje. Apará jopa daxua tsipatopaeinyo xua tacoutha tana nayabara paebiwa tsane. Saya patopan poxoru Nacom neitoroba. <sup>43</sup> Paxam jopa payaputaem xua paca tsipaebatsi poxoru jopa be painya nejume taexae baxua pocotsiwa paca tsipaebatsi. <sup>44</sup> Caurimonaé pia pentacaponaein tatsi bapon piadonaé tatsi pam daxota paexaname pocotsiwa bapon paca itoroba. Barapo caurimonaé pia pentacaponaein tatsi jiwi jutebapoinchi poxonaé Nacom aena nacua forota weya, xua beya anoxuae. Bapon bapana jopa xainyeya pepaebin tsipei po juntu coyene Nacom xainyeya peyabara paebiwatsi jopa xeinaeyo. Poxonaé bapon naerabiya paeba, baxua paeba tsipei barapo penaerabi juntu coyene xeina. Bapon jiwi itorobatsi xua jiwi naerabiya pepaebiwiwa tsane. <sup>45</sup> Paxam bapon piadonaé tatsi pamxaem daxota jopa xaniwaicha pana nejume cowantsim pocotsiwa xainyeya tapaebiwa. <sup>46</sup> Paxam caein jiwana pam dapon aibi pon tana neyabara jeiwa: ‘Maisa bapon abe exana’, pon tana neyabara jeiwa. Bequein bara pexainyei jume paca tsipaebatsi daichitha jopa pana nejume cowantsim. <sup>47</sup> Pon ba Nacom piadonaé tatsi baraba namuxu naewata pocotsiwa Nacom paeba. Paxam apará jopa Nacom piadonaé tatsi pam, daxota jopa bepajume cowantsim pocotsiwa Nacom paeba, jei Jesús xua judiomonaé tsipaebatsi.

*Meje yabara poxonaé Jesús namchi: “Poxonaé cataunxuae Abraham jopa poponaeyo, caena bayatha tsiwanaya ataya poponeiban”, jei Jesús*

<sup>48</sup> Nexata equeicha judiomonaé Jesús baraichi, jeye:

—Bara xainyeya paca yabara paebatsi poxonaé pana najan: ‘Bapon apará Samaria nacuamonaepin, apará cauri xeina’, poxonaé paca yabara jeichichi, jei judiomonaé.

<sup>49</sup> Jesús jume nota, jeye:

—Xan apará cauri jopa nebaru poponaeyo. Saya xua exanan bara pocotsiwa jiwi cana exanan xua Taxa wanaé pejainchiwatsi, ichitha nama paxam pana necasebame, saya abeya pana neyabara paebame. <sup>50</sup> Jopa netsita ainya cuiyiyo xua jiwi wanaé tana nejainchiwa. Bequein Taxa ichichipa xua jiwi wanaé tana nejainchiwa. Bapon Taxa yabara paebina jiwi pomonaé xua abe peexanaewa xua penatsicuentaé xua abe petsita exanaexaetsi. <sup>51</sup> Xaniyan paca tsipaebatsi pon nejume cowantsiya exanaena pocotsiwa paeban, bapon jopa bapana tupaé tsane, jei Jesús.

<sup>52</sup> Bapoxonaé judiomonaé Jesús jume notatsi, jeye:

—Bara xaniwaicha payaputan xua xam cabarũ popona cauri. Abraham irurũ pomonae Nacom peitorobi jume pepaebiwi daxita barapomonae caena bayatha werapa. Ichitha xam pana nejam: ‘Pon ne-jume cowantsiya exanaena pocotsiwa paeban, bapon jopa bapana tũpae tsane’, pana nejam. <sup>53</sup> ¡Xam apara jopa toxecha ainya cuim Abraham pon pata tamo susatopin! Bapon caena bayatha tũpa irurũ caena bayatha werapa pomonae Nacom peitorobi jume pepaebiwi. ¿Eta xua metha jinya coutha nanta xeiname xua ichamonae cayabara nanta xeinaena xua xam pon peainya cui jitom? jei judiomonae.

<sup>54</sup> Jesús jume nota, jeye:

—Icha saya compa xan tacoutha wũnae najaintan baxua jopa xapain wũnaeyo. Jame pon wũnae nejainta bapon apara Nacom, pon payabara jam: ‘Apara pata Taxa, bapon Nacom’, pajam. <sup>55</sup> Bequein baxua papaebame daichitha jopa xapain payabara yaputaem Nacom. Xan Nacom yaputan. Ichitha icha jan tsipaein: ‘Bapon jopa yaputaeyino’, jan tsipaein, metha apara naerabichipan icha paichim xua naerabiya papaebame poxona. Ichitha xan yatsicaewa yaputan Nacom daxota bara baxuan itapeta exanan xua pocotsiwa tana neitorobixae pon Taxa bapon Nacom. <sup>56</sup> Abraham painya amo susatopin bayatha yabara wũnae yaputane xua tapatopaewa tsane po cae pin nacuathe tsique. Daxota bapon bichocono jũntũ coyene weiweina. Bara xainyei patopan po cae pin nacuathe tsique daxota bichocono jũntũ coyene weiweina bapon.

<sup>57</sup> Nexata judiomonae Jesús baraichi, jeye:

—Apara pena jitom cataunxuae, jopa xeinaem apara cincuenta po weibe. ¿Eta pocotsiwa metha jam: ‘Abraham tan’, jam? Bara caena bayatha Abraham tũpaba, jei judiomonae.

<sup>58</sup> Jesús jume nota, jeye:

—Xaniyan paca tsipaebatsi poxona cataunxuae Abraham jopa poponaeyo caena bayatha tsiwanaya ataya poponeiban, jei Jesús judiomonaetha.

<sup>59</sup> Nexata bapoxonae barapomonae anaepanaya ibowan notarũcũpa pecuinbabinexatsi Jesús. Ichitha Jesús nantsiyataraba yawa ponataba Nacom pin pia bo weya. Jesús xenta iya, barapomonae pia xainya iya tatsi.

## 9

*Meje yabara poxona Jesús axaibi exana pon peitata nacũtsin, pon xua pexuyotha yawa naexana*

<sup>1</sup> Irurũ Jesús Nacom pin pia bo weya barũ pona pijimonae xua poxona namtotha barũ ecapona. Bapoxonae Jesús caxina pebin pon peitata nacũtsin xua pon pexuyotha yawa naexana. <sup>2</sup> Jesús pijimonae yainyabi-atsi, jeye:

—Patatanecuidubim, ¿eta pocotsiwa metha bapon itata nacũtsiya naexana? ¿Metha poxoru paxa tatsi abe exana? ¿Metha poxoru pena tatsi abe exana? ¿Ichacutha metha tsipae poxoru bapon pia coutha abe exana? jei barapomonae.

<sup>3</sup> Jesús pijimonae jume barai, jeye:

—Jume apara, jopa apara itata nacũtsiyo poxoru abe peexanaexae bapon. Mataũtano jopa apara baxua xua paxa tatsi abe peexanaexae. Mataũtano jopa apara baxua xua pena tatsi abe peexanaexae. Jame

apara bapon itata nacuta xua jiwi peyaputaenexa xua Nacom peayapuwawa xeina xua axaibi peexanaenexa tsainchi bapon. <sup>4</sup> Jiton ba nacuita poxona cataunxuae pentha tsuncuae. Poxonae quirei tsuxubi pebin ba jopa itacupaetsi xua penacuichiwa. Xan barichin. Poxonae cataunxuae poponan po cae pin nacuathe bewa exanaein tanacuichiwa. Barapo tanacuichiwa apara pia penacuichiwa tatsi pon tana neitorobixae. Poxonae tupaein jopa neitacupae tsane xua taexanaewa barapo tanacuichiwa xua bayatha Nacom neitoroba. <sup>5</sup> Poxonae cataunxuae po cae pin nacuathe poponanje jiwi yawenan xua Nacom beta peyabara yaputaewa tsainchi, icha jiton ichichi pecoicha xua yawenatsi merawi xua beta penecotsiwa, jei Jesús pijimonaetha.

<sup>6</sup> Poxonae Jesús baxua najume weta, bapoxonae iratha naone sutaba, yawa peonetha tsoroboyo nacobena ponaxuba. Bapoxonae Jesús barapo tsoroboyotha itacuere caxueba peitata nacutsin. <sup>7</sup> Nexata Jesús barai bapon, jeye:

—Ponare fetiyo beya, po fetiyo pewan Siloé. Barapo Siloé fetiyotha naitacuere waexore, jei Jesús. (Barapo Siloé fetiyo wan jei: “Po fetiyo Nacom itoroba”, jei.)

Pon peitata nacutsin pona fetiyo beya naitata waexubano. Poxonae equeicha bapon caibe iya Jesús beya, nama bara itacupatsi xua petaewa. <sup>8</sup> Bapon pia petsicuarabu enaewichi tatsi, irano pomonae pecui yaputaexaetsi xua poxonae bapon aitatabeya popona daxita barapomonae bapon yabara natsipaebatsi. Ichamonae jeye:

—¿Apara baponda pon iratha jiwi waquequeibara paratixi? jei.

<sup>9</sup> Ichamonae jeye:

—Aa, apara bapon, pon iratha jiwi waquequeiba paratixi, jei.

Ichamonae jeye:

—Apara bapon aibi. Saya apara be bapon, jei.

Ichitha pon peitata nacutsin pia coutha jeye:

—Apara bara xan tsocuaein, jei.

<sup>10</sup> Nexata daxita barapomonae peitata nacutsin yainyabatsi, jeichichi:

—¿Eta xua metha anoxuae taneme? jei daxita barapomonae.

<sup>11</sup> Pon peitata nacutsin jume nota barapomonae, jeye:

—Pon pewan Jesús, bapon tsoroboyo peonetha nacobena pontaba, bapoxonae barapo tsoroboyotha neitacuere caxueba. Yawa nejei: ‘Fetiyo beya ponare, po fetiyo pewan Siloé. Barapo fetiyotha naitacuere waexore’, nejei. Bara barabeya ponan. Poxonae baxota naitacuere waexuban, bapoxonae bara tan, jei bapon.

<sup>12</sup> Bapoxonae peitata nacutsin yainyabatsi barapomonae, jeichichi:

—¿Incane dapo pebin, pon caaxaibi exana? jeichichi.

Bapon jume barai bapomonae, jeye:

—Ba, canta jopa taeinyo, jei bapon.

*Meje yabara poxonae pon equeicha xua itata wanae matowa yainyabatsi xua fariseomonae matowa yainyaba*

<sup>13</sup> Pon xua equeicha itata wanae, pomonae pia petsicuarabu enaewichi tatsi barapomonae bapon capoinchi fariseomonae beya. <sup>14</sup> Ichitha po mataqueitha Jesús axaibi exana pon peitata nacutsin, xua poxonae tsoroboyo peonetha nacobena pontaba, barapo matacabi apara judiomonae pia pentaquei seicae matacabi tatsi. <sup>15</sup> Bapoxonae bapon yainyabatsi fariseomonae, jeye:

—¿Eta bichim xua anoxuae jamaisa necotame? jei fariseomonaе.

Bapon jume barai, jeye:

—Bapon tsoroboyo peonetha neitacuere caxueba. Bapoxonae naitacuere waexuban meratha. Bapoxonae yawa bara necotan, jei fariseomonaetha.

<sup>16</sup> Bapoxonae fariseo jiwanamonaе bapon baraichi, jeye:

—Pon caaxaibi exana apara Nacom jopa bapon itorobicaeyo, tsipei bapon jopa yabara baru cui itura jinaeyo barapo pentaquei seicae mat-acabi, jei fariseo jiwanamonaе.

Ichamonaе jeye:

—Icha bapon peajuntacyoyenebein, ¿metha nexata eta pocotsiwa pex-einya petsita itutsi coyenewa exana? jei.

Daxita barapo fariseomonaе nantiya najume matsontsonoba. <sup>17</sup> Equeicha fariseomonaе, pon bayatha itacuere axaibi exainchi, bapon yainyabatsi, jeichichi:

—¿Incane xam, eta xua yabara nanta xeinameru pon caaitacuerexaibi exana? jei fariseomonaе.

Bapon jume epa pita, jeye:

—Yaitama bapon neaxaibi exana metha moya bara bapon, pon Nacom peitorobi jume pepaebin, jei bapon.

<sup>18</sup> Ichitha judiomonaе jopa bejume cowantsiyo pocotsiwa pon peitata nacatsin bayatha itacuere axaibi exainchi xuano xua anoxuae itacupatsi xua petaewa. Daxota bapoxonae barapo judiomonaе pon itacuere axaibi exainchi paxa tatsi wabatsi, yawa pena tatsi wabatsi. <sup>19</sup> Barapo judiomonaе jeye coxiyunbetha:

—¿Baponje bara yatsicaya painya nexanto? ¿Apara bara bapon pon bayatha yaitata nacatsiya naexana? ¿Eta bichi xua anoxuae itacupatsi xua penecotsiwa? jei judiomonaе.

<sup>20</sup> Barapo coxiyunbe jume notabe, jeibe:

—Bara yatsicaewa payaputan xua bapon barapara pata taxanto. Matautano payaputan xua bayatha bapon itata nacatsiya naexana.

<sup>21</sup> Daichitha jopa payaputaeyino xua eta bichi xua bapon anoxuae necota. Matautano jopa payaputaeyino xua pon pata taxanto itacuere axaibi exainchi. Paxam moya bara bapon payainyabare. Bu nexata bapon pia coya paca jume notsina tsipei apara bayatha pinyo, jeibe coxiyunbe.

<sup>22</sup> Barapo coxiyunbe cunuwa judiomonaе cunuwatsi. Tsipei judiomonaе bayatha jei: “Pomonaе Jesús yabara jume cowantatsi, pomonaе xua jeye: ‘Jesús apara bapon Mesías pon Nacom itorobica’, pomonaе jeye, barapomonaе paitawetan pata penacaetutsi bo weya”, jei barapo judiomonaе. Daxota barapo coxiyunbe pijunuwi jopa jeibe: “Apara bapon Jesús pon Mesías bapon painta taxanto itacuere axaibi exainchi”, jopa jeibe. <sup>23</sup> Daxota barapo coxiyunbe barapo judiomonaetha jeibe: “Paxam moya bapon payainyabare. Bu nexata bapon pia coya paca jume nota tsipei bayatha pinyo”, jeibe coxiyunbe.

<sup>24</sup> Bapoxonae equeicha judiomonaе pon itacuere axaibi exainchi yainyabatsi, jeichichi:

—Yatsicaewa xainyeya pana netsipaebare xua iruru Nacom necajume taenexa. Paxan payaputan xua Jesús bapon apara pon peajuntacyoyenebein, jei judiomonaе.

<sup>25</sup> Bapon jume nota barapo judiomonaetha, jeye:

—Xan jopa yabara yaputaeinyo xua icha metha bapon pon peajuntucoyenebein. Saya meisa yaputan xua copiya taitata nacutsin xuano xua anoxuae neitacupa xua tanecotsiwa, jei bapon.

<sup>26</sup> Equeicha barapo judiomonaetha bapon yainyabatsi, jeichichi:

—¿Eta caitacuere ichi poxonaetha caaitacuereixaibi exana? jei judiomonaetha.

<sup>27</sup> Bapon jume nota barapo judiomonaetha, jeye:

—Bara bayatha paca tsipaebatsiba. Came jopa yabara pana nejume cowantsim. ¿Eta xua metha equeicha bepa baxua matowa paca tsipaebichi? ¿Painya iruru naexanaetsi Jesús pijimonaetha tatsi? jei bapon.

<sup>28</sup> Ichitha barapo judiomonaetha bapon biatainchi, jeichichi:

—Xam moya Jesús piamonaetha jiton tatsi naexande, nama paxan Moisés pia peitorobi coyenewa pata exanaponaetha jiwí. <sup>29</sup> Paxan payaputan xua Nacom Moisés itorobatsi. Ichitha nama pon caaitacuereixaibi exana jopa payaputaeinyo xua ichaxota werena peponaewa xua ichan peitorobixae, jei judiomonaetha.

<sup>30</sup> Bapon jume nota, jeye:

—¡Jina! Paxam jopa payaputaem xua bapon Jesús ichaxota werena peponaewa xua bequein painya tana netaewatham xua Jesús tana neaitacuereixaibi exanaewa. <sup>31</sup> Waxainchi yaputainchi bara, xua Nacom jopa jume naitaewatsiyo pomonaetha pomonaetha abe peexanaewi xua peyawenaewanexa. Nacom saya meisa jume naitaewata pomonaetha pomonaetha wanaetha pejainchixaetsi. Matautano Nacom saya jume naitaewata pomonaetha pomonaetha peitorobixae xua pia petaexanaewa tsainchi pocotsiwa bapon peichichipaexae. <sup>32</sup> Poxonaetha aena Nacom nacua forota, bapoxonaetha xua beya anoxuae, dapon aibi pon ichan itacuere axaibi exainchi pon peitata nacutsin. <sup>33</sup> Icha bapon Nacom jopa itorobichipae, metha bapon jopa itacupaetsipaetsi xua ichan itacuere axaibi peexanaewatsi, pon peitata nacutsin, jei bapon.

<sup>34</sup> Nexata bapon baraichi, jeichichi:

—Daxota itata nacutsiya naexaname tsipei ajuntucoyenebeyanaexaname. ¡Dacotsiwa apara ichichipame pana necuidubamecai! jei judiomonaetha.

Bapoxonaetha bapon itawetatsi judiomonaetha pia penacaetutsi bo tatsi weya.

*Meje yabara poxonaetha Jesús yabara paeba pomonaetha jopa Nacom yaputaetsi*

<sup>35</sup> Jesús yaputane xua pon bayatha itacuere axaibi exainchi itawetatsi judiomonaetha pia penacaetutsi bo tatsi weya, xua judiomonaetha itaweta. Poxonaetha bapon Jesús caxina, Jesús jeye:

—¿Xam yabara jume cowantame pon Nacom pia Peitapetsin tatsi? jei Jesús.

<sup>36</sup> Bapon jume barai Jesús, jeye:

—Pon Necanamataxeinaem jiwí, incane netsipaebare, ¿Incane bapon pon Nacom pia Peitapetsin? Bapoxonaetha tha jume cowantichi, jei pon peitata nacutsin.

<sup>37</sup> Jesús jume nota, jeye:

—Xam apara bapon bayatha taneme pon Nacom pia Peitapetsin tatsi. Pon aunxuaein catsipaebatsi, apara bara xan, jei Jesús xua nabarai.

<sup>38</sup> Nexata bapon pentabocototha uncua Jesús peitabaratha tatsi xua Jesús wanae pejainchinexatsi. Bapon jeye:

—¡Tanecanamataxeinaem, cajume cowantatsi bara! jei bapon.

<sup>39</sup> Bapoxonae Jesús barai, jeye:

—Barapo cae jín nacuathe patopeican xua jiwi tayabara paebinexa xua penatsicuentsiwa xua abe peexanaexae Nacomtha. Pomonae xua bayatha jopa Nacom cayabara yaputaetsi barapomonae cana exanaein xua barapomonae Nacom cayabara yaputaeinchi. Pomonae xua bayatha bequein nanta xeina xua Nacom cayabara yaputainchi barapomonae cana exanaein xua barapomonae equeicha jopa Nacom cayabara yaputae tsainchi, jei Jesús.

<sup>40</sup> Bapoxonae fariseo jiwanamonae, pomonae Jesús bará uncua, poxonae barapomonae Jesús jume tainchi, Jesús yainyabatsi, jeye:

—¿Apara pana baram xua equeicha jopa payabara yaputaein tsane Nacom? jei fariseo jiwanamonae.

<sup>41</sup> Jesús jume nota, jeye:

—Icha paxam bayatha jopa payabara yaputaemtsipae Nacom, jopa aparta painya coutham tsipae xua poxonae abe painya neexanaewa. Ichitha mexeya poxoru pajam: ‘Payaputan Nacom’, pajam daxota aparta painya coutham xua bara abe painya neexanaewa, jei Jesús.

## 10

*Meje yabara poxonae Jesús yabara paeba pon oveja pe-enaein*

<sup>1</sup> Equeicha Jesús namchi: “Xaniyan paca tsipaebatsi diwesi xua pata neyabara yaputaewam tsane. Pebin ba oveja pia curara boupa iya joniya. Ichitha pon peboupa jopa joniyaeyo, saya ecoinya icha muxunene werena, bapon aparta pon pecaibin oveja. <sup>2</sup> Pon jame joniya pepa boupa iya bapon aparta pon pe-enaein oveja. <sup>3</sup> Pon peboupa xatababin, bapon boupa saranaxorena pon oveja pe-enaein taboupa saranaxorenatsi. Poxonae pon oveja pe-enaein junuta oveja, barapo oveja jume copi yaputane baxua. Pon oveja pe-enaein, bapon daxita barapo oveja barompaya pia wánxitha junuta. Bapoxonae bapon curara weya mata coniya ovejamonae. <sup>4</sup> Poxonae curara weya mata coniya daxita bapon mata caecapona yawa punaenapoinchi pejume copi yaputaexaetsi. <sup>5</sup> Ichitha barapo ovejamonae jopa puna ponaeyo ichantha, pontha pon jopa yaitaeyo. Saya cuitaya ducupa tsipei ichun jopa jume copi yaputaetsi”, jei Jesús.

<sup>6</sup> Jesús tsipaeba barapomonae barapo pecayabara jata pepaebi diwesiyo poxonae oveja yabara paeba, daichitha came barapomonae jopa yaputaeyo barapo diwesi.

*Meje yabara xua Jesús pon beta pe-enaein jiwi*

<sup>7</sup> Nexata equeicha Jesús tsipaeba barapomonae, jeye: “Icha oveja ichi xua curaratha jojoniya xua peboupa peyawenaexaetsi, barichi jiwi xua Nacom pia nacuatheicha tatsi pata poxoru xanxaein xua tayawenaexae.

<sup>8</sup> Daxita pomonae netsiwana pata, pomonae xua jei: ‘Nacom pana itoroba’, jei, barapomonae aparta pomonae jiwi pemuxujainyabiwi. Ichitha jiwi jopa yabara jume cowantsiyo barapomonae, icha oveja ichi xua aichaxaibi pepuna ponaewa ichantha jopa pejume copi yaputaexae.

<sup>9</sup> Xan jiwi tayawenaein daxota pon nejume cowanta yawenan xua pepatopaewa Nacom beicha. Icha oveja ichichi xua merawi curaratha

yaboupa xatatabatsi xuano xua mataqueitha yausaranaxorenatsi xua pexaenexa naepanaewa, barichi pomonae tana nejume cowantsiwi barapomona beta yawenan.

<sup>10</sup> “Pon pecaibin patopa xua saya pecaibinexa oveja, yawa xua saya abe peexanaenexa yawa pebexubinexa. Ichitha nama xan patopan xua jiwi tacatsinexa peajuntayapusawa, po peajuntayapusawa jopa weraweracaeyo xua jiwi jopa juniya mataropeichiya xexeinaponae tsane barapo peajuntayapusawa. <sup>11</sup> Pon beta pe-eenaen oveja, bapon tsitapa pia ovejamona, tsipei jopa ichichipaeyo xua petajutebiwatsi pia ovejan tatsi xua poxonae pomonae pecaibiwi jutebina. Barapocotsi coyene ichi jiwi beta ta-eenaen. Jiwi tsitapaein xua barapomona tacapanepaenexa. <sup>12</sup> Ichitha pon tanacuita ichun xua tayapu eena oveja apara saya piaparatichi. Poxonae bapon neuthu tane pijunuwi, oveja cuenta naetsiriwa, tsipei barapo ovejamona pia ovejamona tatsi aibi. Poxonae neuthu icha ovejan teicatsi, bapoxonae icha ovejamona tsanaothopa. <sup>13</sup> Bapon naetsiriwa tsipei saya oveja eena xua piaparatichi, xuano xua jopa xapain peyabara nanta xeinaexa ovejamona.

<sup>14-15</sup> “Xan naticotan be pon ovejamona beta tayapu eenaen tsipei beta ta-eenaen pomonae tana nejume cowantsiwi. Taxa neyaitane, xuya Taxa yaitan. Barichi yaitan pomonae tana nejume cowantsiwi, xuya barapomona neyaitane. Xan tana nejume cowantsiwi yaitatsin xua tatsitapaenexa naetha xua jopa peweraweracaewa tsane barapomona. <sup>16</sup> Barichi xeinan icha tana nejume cowantsiwi pomonae jopa israelmonaeyo. Barapomona bewa iruru nacaetuta exanaen xantha pomonae caena bayatha tana nejume cowantsiwi iru pomonaeno xua bexa nejume cowantsinano. Cae bicheito exanaen. Barapomona exanaena pocotsiwa itoroban. Matautano xeinaena bara compa xua xan ponxaein beta ta-eenaen, icha pebin ichi pon ovejamona peyapu eenaen xua poxonae ovejamona caetucaetuteta cae curaratha.

<sup>17</sup> “Taxa bichocono neantobe tsipei tsitapaein pomonae tana nejume cowantsiwi. Ichitha equeicha asun tsane. <sup>18</sup> Dapon aibi pon xua pia coutha tana nebexubiwa. Saya jame poxonae tacoutha ichichipan. Xan itacoxonan xua bara jiwi tatsitapaewa. Matautano itacoxonan xua equeicha asu tapoponaewa tsane petupaewa weya. Baxua itacoxonan xua taexanaewa, Taxa tana neitorobixae”, jei Jesús.

<sup>19</sup> Poxonae barapo judiomona Jesús baxua jume tainchi, bapoxonae equeicha barapo judiomona yabara najume matsontsonoba. <sup>20</sup> Ichamona judiomona yainyaba xua icha judiomona yainyabatsi, jeichichi:

—¿Eta xua metha bapon pajume naitawatame pocotsiwa bapon paeba? ¡Apara matayaibatsi! ¡Cauri xeina apara! jei judiomona.

<sup>21</sup> Ichamona jeje:

—Dapon aibi pon xanepanaya pepaebiwa icha cauri xeina. Caurimonaepin jopa hapana itacupaetsi xua pon peitata nacutsin axaibi peexanaewatsi, jei ichamona.

*Meje yabara poxonae judiomona Jesús jume itawetatsi*

<sup>22</sup> Poxonae awabo daxita jiwi nacaetuta Jerusalén tomaratha xua penabanaenexa pexaewa. Barapo penacaetutsi matabin poxonae nabane jiwi yabara nanta xeina xua caena bayatha piamona tatsi equeicha xaneba Nacom pin pia bo tatsi poxonae ichamona abe exana.



Barapomonae baxua yabara nacaetuta peyabara paebinexa xua barapo bo Nacom nexa. <sup>23</sup> Jesús popona Nacom pin pia bo tauchipa boutotha. Barapo Nacom pin pia bo tauchipa bouto pewun Salomón. <sup>24</sup> Baxota judiomonae Jesús imoxoyo caquita umenaracupatsi yawa Jesús jeichichi:

—¿Eta po matacabibe metha ainya muxu paxeinaein xua pata cayabara yaputaewa tsainchi? Icha bara yatsicaya Mesías xam, moya pana netsipaebare, jei.

<sup>25</sup> Jesús jume nota, jeye:

—Bara bayatha paca tsipaebatsiba ichitha jopa pana nejume yabara cowantsim. Pocotsiwa xua exanan, xua Taxa tana neitorobixae, baxua apara bara paca tsita naitapeinya xeinatsi xua xan apara bara Mesías. <sup>26</sup> Baxua jopa pana neyabara jume cowantsim tsipei jopa tajimonae pam be pocotsi coyeneya aunxuae bayatha paca tsipaebatsi. <sup>27</sup> Pomonae tana nejume cowantsiwi nejume copi yaputane yawa nepuna pona, icha ovejamonae ichi xua jume copi yaputane pontha pon pe-eenaexaetsi xuano xua barapo ovejamonae puna pona xua bapon puna poinchi. <sup>28</sup> Tana nejume cowantsiwi catan peajantuyapusawa, po peajantuyapusawa xua bapana jopa peweraweracaewa tsane. Matautano ichamonae jopa itacupaetsi xua tana newecobe notsiwa xua tamono inta notatsi. <sup>29</sup> Taxa barapomonae necata. Barapon Taxa bichocono toxecha caein ainya cui, beyacaincha ichan xua ainya cui. Dapon aibi pon Taxa wecobe notatsi xua piamonae tatsi tanotatsi. <sup>30</sup> Xan, iru Taxa bara caein panbe, jei Jesús.

<sup>31</sup> Nexata judiomonae ibotoxi nota xua Jesús pecuinbabiwa tsainchi.

<sup>32</sup> Jesús barai barapomonae, jeye:

—Paxamtha matowa exaneiban pexeinya tatsita itatsi coyenewan Taxa pia peayapusawatha tatsi. ¿Eta po tatsita itatsi coyenewan taexanaexae ibotoxitha painya necuinbabichi? jei Jesús.

<sup>33</sup> Judiomonae jume nota, jeye:

—Jopa apara daxota paca cuinbabichi poxoru pexeinya petsita itatsi coyenewan neexanaexae. Daxota paca cuinbabatsi tsipei jam: ‘Xan iru Taxa bara caein panbe’, jam. Baxua apara abe paebame tsipei be Nacom naexaname jinya coutha poxonae saya pebim, jei judiomonae.

<sup>34</sup> Jesús barai, jeye:

—Nacom Pejume Diwesitha yabara paebatsi pomonae Nacom pejume cowantsiwichi. Nacom jeye: ‘Paxam iruru nacomonae pam’, yabara jei Nacom, pomonae pejume cowantsiwixaetsi. <sup>35</sup> Nacom paeba xua pinae pomonae petajume cowantsiwixaetsi pejume diwesi barapomonae pinae bara nacomonae tsenae. Matautano waxainchi yaputainchi barapo diwesitha xua jopa bapana Nacom naerabiyo. <sup>36</sup> Nacom neitapeta, neitorobano tapatopaenexa barapo cae pin nacuathe. ¿Eta xua metha papaebame xua xan abe paeban poxonae jan: ‘Xan Nacom Pexanton’, jan? <sup>37</sup> Icha jopa exanaeinyo pocotsiwa Taxa neitoroba painya xoba pana nejume cowantame baxua. <sup>38</sup> Icha exanan pocotsiwa Taxa neitoroba, bapoxonae pana necui yabara jume cowande pocotsiwa exanan, bequein jopa pana nejume cowantsim xua paca tsipaebatsi. Bapoxonae xain payaputaename xua xan Taxa nebaru popona, xua barichin xua Taxa baru poponan, jei Jesús.

<sup>39</sup> Equeicha barapomonae ichichipa xua Jesús pewaetabiwatsi ichitha Jesús naetsiriwa barapomonae weya.

<sup>40</sup> Nexata Jesús pijimonaē caibe baru nawiya icha muxunene beya xua Jordán mentha. Baraxotiya Jesús pijimonaē baru eca, ichaxota Juan bayatha bautisaba jiwī. <sup>41</sup> Pin bicheitomonaē Jesús siwa poinchi pejume taenexatsi. Barapomonaē Jesús yabara natsipaebatsi, najei:

—Xaniyei bequein Juan pexeinya petsita itutsi coyenewan jopa exanaeyo daichitha daxita pocotsiwa xua Jesús yabara paebatsi, daxita baxuan bara apara xainyei, najei barapomonaē.

<sup>42</sup> Baraxotiya pin bicheitomonaē Jesús yabara jume cowantatsi.

## 11

### *Meje yabara poxonaē Lázaro tupa*

<sup>1</sup> Irū pebin popona, pon pewan Lázaro. Bapon atene. Bapon Betania tomarapin. Irū bapon Lázaro pamchobe tatsi barichi Betania tomara-piwayobe. Barapo pamchobe tatsi ichowayo pewan María, ichowayo pewan Marta. <sup>2</sup> Barapowa María, powa Lázaro pamcho tatsi, powa Jesús taxu epatabinchi icha matabitha penasiwatha xua petuxueiwa xuano xua taxu tsewa exanaeinchi pentanatha. <sup>3</sup> María pamchobe najume caitorobabe ichantha icha tomara beya xua baxotiya Jesús beya petacajume jeichinexatsibe:

—Patatanecanamataxeinaein, jinya jiton atene, petacajume jeichinexatsibe bapon.

<sup>4</sup> Poxonaē Jesús baxua jume tane, Jesús jeye:

—Bequein Lázaro atene ichitha barapo peatenewa jopa exanaeyo xua tupa peexaneibiwa ataya. Saya atene, apara Nacom pia jiwī tsita itatsichi pia peayapusya itorobi coyenewa. Matautano irū xan Nacom Pexanton jiwitha tatsita itatsinexa taayapusya itorobi coyenewa, jei Jesús.

<sup>5-6</sup> Bequein Jesús antobe Marta irū María irū Lázaro ichitha cataunxuae eca baxotiya ainya matabibibe poxonaē jume taetha xua Lázaro bayatha atene nawita. <sup>7</sup> Pirapae Jesús daxita pijimonaē barai, jeye:

—Caibeya poinchi Judea nacua beya, jei Jesús.

<sup>8</sup> Nexata daxita Jesús pijimonaē baraichi, jeye:

—Pon Patatanecuidubim, cain judiomonaē, Judea nacuatha ichichichipa cacuinbaba ibotoxitha. Dacotsiwa equeicha jinya ponaetsi barapo Judea nacua beya, jeichichi.

<sup>9</sup> Jesús barai, jeye:

—Caentacabi doce po horabe xeina poxonaē pentha tsuncuae. Icha pebin mataqueitha popona jopa xuirapopaeyo pentha petsuncuaexae barapo cae pin nacuathe. <sup>10</sup> Barichin poxonaē cataunxuae poponan barapo cae pin nacuathe bewa exanaein xua Taxa pocotsiwa neitoroba. Tsipei poxonaē tupaēin jopa neitacupaē tsane xua exanaein baxua, barapo cae pin nacuathe.

<sup>11</sup> Pirapae Jesús daxita pijimonaē barai, jeye:

—Wajiton, Lázaro, maituncua. Ichitha tha bexa yaubaxuichi, jei Jesús.

<sup>12</sup> Nexata daxita Jesús pijimonaē baraichi, jeye:

—Patatanecanamataxeinaem, icha bapon maituncua, ¿metha poxoru anoxuae yasatatsi, daxota baxua paebame? jeichichi.

<sup>13</sup> Ichitha Jesús namchi: “Lázaro bayatha tupa”, jei, xua poxonaē jei: “Lázaro maituncua”, jei. Daichitha Jesús pijimonaē tatsi nanta xeina xua metha Lázaro maituncua icha merawi ichi poxonaē maiteca. <sup>14-15</sup> Bapoxonaē Jesús pijimonaē tsita najume itapeinya xeina, jeye:

—Lázaro bayatha naxuba. Pacata daxua wunaē xua jopa baxotiya poponaēinyo poxonaē Lázaro tupa. Tsipei baxua painya nejume cowantsinexa, daxota jopa nainya ponaeinyo. Antha poinchi bara beya ichaxota Lázaro boca, jei Jesús.

<sup>16</sup> Nexata Tomás, pon icha wun Gemelo peweichobe penama naexanaexaēbe, bapon Jesús pijimonaē tatsi baraichi, jeye:

—Bū naca barū pona Jesús, xain Jesús naca barū werapa, jei Tomás.

*Meje yabara xua Jesús namchi: “Xan pon jiwi asū taexanaēin petupaē cuiru coyene weya”, jei*

<sup>17</sup> Poxonaē Jesús pijimonaē barū patopa Betania tomaratha, jiwi Jesús tsipaebatsi xua pinaē bayatha Lázaro cuatro po matacabibe yapucaewa xua muthatha xotsi. <sup>18</sup> Betania tomara tajūyo itamataeca Jerusalén tomara saya tres po kilómetro epatiyobe xeina. <sup>19</sup> Pinmonaē judiomonaē Marta irū María siwa poinchibe pia botha tatsi peitanuwe matataenexa tsainchibe petatupaētsibe peweicho tatsi. <sup>20</sup> Poxonaē Marta yaputane xua Jesús pijimonaē barū patopa, bapowa bo wejonarena xua Jesús pententa weyataeya wabinexatsi. Ichitha nama María botha eca.

<sup>21</sup> Marta Jesús baraichi, jeye:

—Pon Necanamataxeinaem jiwi, icha bayatha xote ecaetsipame, metha bayatha jopa tupaetsipae taeweicho. <sup>22</sup> Yaputan xua methaunxuae Nacom cacatsina daxita pocotsiwa newucaewam, jei Marta.

<sup>23</sup> Jesús barai, jeye:

—Eweicho equeicha cata asū poponaena, jei Jesús.

<sup>24</sup> Marta Jesús baraichi, jeye:

—Aa, bara yaputan xua equeicha asū poponaena poxonaē po mataqueitha daxita jiwi Nacom asū exanaena petupaē cuiru coyene weya poxonaē po cae pin nacue daxita weraweracaena, jei Marta.

<sup>25</sup> Nexata Jesús jume barai, jeye:

—Xan apara barapo jiton, pon jiwi asū jinompa taexanaēin petupaē cuiru coyene weya. Matautano xan pon jiwi tacatsin peajuntuyapusūwa, po peajuntuyapusūwa jopa weraweracaeyo. Pon nejume cowanta bequein bara tupa ichitha equeicha asū poponaena. <sup>26</sup> Pon xeinaena peajuntuyapusūwa xuano xua nejume cowantsina, bapon bapana jopa weraweracaē tsane. ¿Baxua bara yabara jume cowantame? jei Jesús xua Marta tsipaebatsi.

<sup>27</sup> Bapowa jume nota, jeye:

—Aa, Tanecanamataxeinaem, bara baxua yabara jume cowantan xua xam Mesías pon Nacom Pexantom, pon bewa juinya patopaeneme po cae pin nacuathe tsique, jei Marta.

*Meje yabara poxonaē Jesús itamata wecoyēi tsuncuae ichaxota Lázaro yamuthū uncua*

<sup>28</sup> Poxonaē Marta najume weta xua Jesús tsipaebatsi, bapoxonaē Marta pamcho waba powa pewun María. Marta nameicha pamchotha jeye:

—Pon jiwi Pecuidubin xote patope, cawaba, jei Marta.

<sup>29</sup> Poxonaē María baxua jume taeba, bapoxonaē caena nainya ponataba Jesús petaenexatsi. <sup>30</sup> Jesús abū cataunxuae pijimonaē jopa barū ponaeyo tomaratha. Jesús caxinatsi ichaxota copiya Marta Jesús

caxinatsi. <sup>31</sup> Judiomonae pomonae María pamchobe itanuwe matate-icatsibe xua pomonae pia botha tatsi taenatsibe, poxonae barapo judiomonae tane xua María nainya ponataba, irũũ barapomonae napuna pona. Barapo judiomonae nanta xeina xua mexeya itara María pamchobe mũthũ beya ponabewei xua pewecoyeinexabe ichaxota peweichobe tatsi tayamũthũ uncuatsibe.

<sup>32</sup> Poxonae María itamata patopatsi María pentabocototha uncua, yawa Jesús baraichichi, jei:

—Tanecanamataxeinaem, icha bayatha xote ecaetsipame metha bayatha pata taeweicho jopa tũpaetsipae, jei María xua Jesús tsipaebatsi.

<sup>33</sup> Jesús tane xua María wecoyei. Taneno xua judiomonae pomonae napona xua irũũ wecoyei. Bapoxonae Jesús anthũthũ wecoyei yawa anthũthũrewew. <sup>34</sup> Jesús baraino barapomonae, jeye:

—¿Exota Lázaro pamũthũthũ xubame? jei Jesús.

Jesús jume notatsi, jeye:

—Pon Necanamataxeinaem jiwi, xotiye incane matha taema, jei barapomonae.

<sup>35</sup> Irũũ Jesús wecoyei tsanareca. <sup>36</sup> Bapoxonae judiomonae Jesús yabara jeichichi, jeye:

—Incane pataema maisa bapon Lázaro bichocono antobetsi, najei judiomonae.

<sup>37</sup> Ichitha ichamonae judiomonae Jesús yabara jeichichi:

—Icha bapon itacũpaetsi xua pon peitata nacũtsin axaibi exainchi, ¿eta xua metha bapon jopa itacũpaetsi xua Lázaro yawenatsi xua bayatha jopa tũpaetsipae? najei judiomonae.

*Meje yabara poxonae Lázaro equeicha asũ popona*

<sup>38</sup> Equeicha Jesús bichocono anthũthũrewew. Yawa imoxoyo pijimonae barũ pona mũthũ beya. Barapo mũthũ ibo mũthũ, yawa mũthũ yauxatatabanota pin ibo panawatha. <sup>39</sup> Jesús barai barapomonae, jeye:

—Papataxore ibo panawa, jei Jesús.

Lázaro pon tũpa bapon pamcho tatsi Marta, Jesús jeichi:

—Patatanecanamataxeinaem, apara bayatha pepon bichocono tuxamna, tsipei bayatha cuatro po matacabibe yapucaewa poxonae tũpa, jei Marta.

<sup>40</sup> Ichitha Jesús Marta jume baraichi, jeye:

—Bara bayatha catsipaebatsiba: Icha yabara jume cowũntame, necotsiname Nacom pia peayapusũwa, cajeichiba, jei Jesús.

<sup>41</sup> Nexata ichamonae ibo panawa pataxuba. Bapoxonae Jesús peitaboco beicha athabeicha necoicha. Yawa jeye Paxatha:

—Axa, jũntũ coyene weiweinan, yaitama nejume taneme pocotsiwa tacawũcaexaetsi. <sup>42</sup> Bara yaputan xua nejume taibame poxonae cawũqueibatsi. Apra catsipaebatsi baxua xua pomonae xote umene barapomonae nexa xua tana neyabara jume cowũntsinexa xua xan pon tana neitorobim, jei Jesús.

<sup>43</sup> Poxonae Jesús najume weta baxua, bapoxonae jume daunweya wawai, jeye:

—¡Lázaro, bara wejondena! jei Jesús.

<sup>44</sup> Bapoxonae pon xua tũpa mũthũ wejondena. Xua bayatha paruawatha maxũ caecunta cũbaxotsi yawa pesito decano yawa xua

painyaweratha itabara yarabaxotsi, baxuan Lázaro yawa jondena. Jesús barai jiwi, jeye:

—Daxita baxuan paweisacare, bapoxonae bu bara pona, jei Jesús.

*Meje yabara poxonae fariseomonae iru sacerdotemonae pia pentacaponae tatsi daxita barapomonae Jesús yabara nanta xeinatsi xua po coyeneya Jesús pewaetabiwa tsainchi*

(Mt 26.1-5; Mr 14.1-2; Lc 22.1-2)

<sup>45</sup> Judiomonae pomonae María pamchobe cueyatatsibe, poxonae barapo judiomonae baxua Jesús cui tainchi Jesús yabara jume cowantatsi pinmonae. <sup>46</sup> Ichitha ichamonae judiomonae fariseomonae beya pona xua peyabara paebinexa pocotsiwa bayatha Jesús exana. <sup>47</sup> Nexata fariseomonae iru sacerdotemonae pia pentacaponae tatsi daxita barapomonae nacaetuta penacanamata caitorobi bicheitha, yawa najei barapomonae:

—¿Eta xua exanaeinchi metha? Barapo pebin exana nawita pexeinya petsita itatsi coyenewan. <sup>48</sup> Icha baraxua saya yabara cui copatinchi metha pinmonae bapon yabara jume cowantsinchi. Barapoxonae romanomonae pia pentacaponae patsina waxantha, yawa abe exanaena Nacom pin pia bo tatsi xua watomaratha, yawa wanacuatha naca jutebina, najei barapomonae.

<sup>49</sup> Caein bapomonae jiwana pewun Caifás. Bapon Caifás barapo weitha sacerdotemonae pia pepa pentacaponaein tatsi naexana. Bapon Caifás jei pin bicheitha:

—Paxam apara jopa baxua payabara yaputaem. <sup>50</sup> Matautano jopa payabara yaputaem xua po coyene pacata xanepana xua ichun bara caein piamonae yaitatsina pebexubinexatsi xua daxita piamonae tatsi jopa petajutebinexa tsainchi, jei Caifás xua piraichi nanta xeina.

<sup>51</sup> Ichitha Caifás jopa baxua pia coutha nanta xeinaeyo. Tsipei Caifás barapo weitha sacerdotemonae pia pepa pentacaponaein tatsi naexana, daxota tsiwunaeyabara paeba xua Nacom cueicueije exana xua Jesús bewa tsitupaena judiomonae. <sup>52</sup> Meisa barapo judiomonae Jesús jopa tsitupaeyo, apara iruru ichamonae nexano Jesús tsitupa xua Jesús caemonae nacaetuta peexanaenexa pomonae Nacom piamonae tatsi, pomonaeno tajun ena ichaxota icha nacuantha. <sup>53</sup> Daxota barapomonae judiomonae pia pentacaponae tatsi nabaru muxu jei po coyeneya xua poxonae Jesús pebexubiwa tsainchi.

<sup>54</sup> Daxota Jesús jopa naitapeinya xeinaeyo judiomonaetha. Saya Jesús Judea nacia wewarapiya, tomara beya pona po tomara pewun Efraín, po tomara eca ichaxota ira xuepana susato tsurucuae nacia. Barapo tomaratha pijimonae baru eca Jesús.

<sup>55</sup> Bara nama imoxoyo tsurucuae tsoponae po matakabin xua judiomonae pia Pascua wun matakabin tatsi. Pin bicheitomonae tomara weya pona xua Jerusalén tomara beya pona xua baxotiya pia cui coyenewa peexanaenexa Nacom nexa, xua Nacom jopa petsita natsicuentinexatsi xua abe petsita peexanaexae. Tsipei pia peitorobi coyenewatha tatsi baxua yabara paeba xua barapomonae bewa baxua exanaena Pascua wun matakabin pewunaeya. <sup>56</sup> Daxita barapomonae Jesús wenaweneichi. Poxonae barapomonae Nacom pin pia botha pata, baxota barapomonae najei:

—¿Etabe payabara nanta xeinaeya ichim? ¿Metha Jesús xote patopaena jampa? ¿Metha jopa patopae tsane jampa? najei barapomonaе.

<sup>57</sup> Fariseomonaе iru sacerdotemonaе pia pentacaponaeви tatsi daxita barapomonaе jivi baraiichi, jeichichi:

—Pon tane Jesús, nexata bu pana netsipaeba, xua bapon pata tha waetabichi, jei barapomonaе.

## 12

*Meje yabara poxonaе petsiriwa Jesús mata epatabatsi penasiwa, po penasiwa petuxueiwa*

(Mt 26.6-13; Mr 14.3-9)

<sup>1</sup> Poxonaе cataunxuae seis po matabibe aibi xua Pascua wun mat-acabin nexa, Jesús pijimonaе baru pona Betania tomara beya. Barapo Betania tomara, po tomara ichaxota Lázaro popona, pon Jesús bayatha asu exana petupae cuiru coyene weya. <sup>2</sup> Baxota pexaewa Jesús upain exanatsi. Marta apata pexaewa. Jesús pijimonaе tatsi iru naena pex-aethopaewatha. Iru Lázaro baxota naeca xua iru naxane. <sup>3</sup> Iru bapoxonaе María carena bosibu bichocono wunca petuxuei nasiwa. Barapo tuxusi tuxuei nasiwa bichocono ainya matoma. Barapo tuxusi tuxuei nasiwa pewun nardo. Barapo petuxuei tuxusi nasiwatha María Jesús mata epatabatsi yawa taxu epatabatsino. Bapoxonaе María pentanatha Jesús taxu tsewa exainchi. Daxita bomuxu tutu canaupá ducua xua tuxuei tsurucuae. <sup>4</sup> Iru naeca Judas Iscariote, pon Simón pexanto tatsi. Bapon Judas Jesús pijimonaе tatsi jiwana. Barapo Judas pon bexa Jesús caenaetsinchi. Bapon namchi, jeye:

<sup>5</sup> —¿Eta pocotsiwa metha saya xuba barapo tuxusi tuxuei nasiwa? Barapo petuxuei tuxusi nasiwa becaenaetsipame xua nentoma xeinaenexa beyacaincha xua trescientos po paratiximonaеbe xua po paratiximonaеbe beyacaincha trescientos po matabibe nexa, poxonaе nacuita, jei Judas Iscariote.

<sup>6</sup> Judas apara jopa baxua paebiyo xua peantobexaetsi pomonaе peacopeibiwi. Saya apara baxua paeba poxoru bapon pon pecaibin jivi. Bapon Judas Jesusbaru paratixi dunucue tacapoinchi. Ichitha bapon cou jiwana wenoteiba paratixi poxonaе Jesusbaru jeiba. <sup>7</sup> Nexata Judas Jesús barai, jeye:

—¡Moyande bara copare! Apará xua barapowa netsibota barapo petuxuei tuxusi nasiwa tapepon nexa xua tatupaein tana neperu waenexa poxonaе po mataqueitha muthiya tana neboyaenexa tsane. Baxua netsibota apara xua muthu tana neboyaenexa poxonaе tupaеin. <sup>8</sup> Barapo irathe peacopeibi jivi paca baru jinompeibina painya neyawenaenexa tsaibi tsane barapo jivi. Ichitha nama paxam jopa ataya paca baru poponaе tsainchi xua pata tana neyawenaenexam barapo irathe, jei Jesús.

*Meje yabara poxonaе sacerdotemonaе pia pentacaponaeви tatsi peburaya nanta xeina xua Lázaro pebexubiwa tsainchi*

<sup>9</sup> Pinmonaе judiomonaе jume tane xua Jesús popona Betania tomaratha. Bapoxonaе barapo judiomonaе pona Betania tomara beya xua Jesús petaenexatsi iru xua Lázaro petaenexatsi pon Jesús bayatha asu exana petupae cuiru coyene weya. <sup>10</sup> Nexata sacerdotemonaе pia pentacaponaeви tatsi peburaya nanta xeina xua iru Lázaro pebexubiwa

tsainchi. <sup>11</sup> Tsipei pinmonae judiomonae penta sacerdotemonae pia pentacaponae wĩ tatsi pia pecuidubiwan tatsi. Matautano barapo judiomonae saya Jesús jume cowantatsi tsipei Jesús cui tainchi pocotsiwa Jesús wñae exana poxonae Lázaro asu exainchi petupae cuiru coyene weya.

*Meje yabara poxonae Jesús Jerusalén tomaratha patopa*  
(Mt 21.1-11; Mr 11.1-11; Lc 19.28-40)

<sup>12</sup> Icha mataqueitha baya xua poxonae po mataqueitha Jesús taxu wainchi petuxuei nasiwatha, bapoxonae Jesús pijimonae baru pona Jerusalén tomara beya. Bapoxonaeru Jerusalén tomaratha ena pin bicheito pomonae xua copiya bayatha pata Pascua wñn matababin nexa. Daxita barapomonae yaputane xua anoxuae methaunxuae patopaena Jesús barapo tomaratha. <sup>13</sup> Barapo pin bicheito peaxu ucuboba po axu icha coichaxu axu ichi. Barapomonae Jesús matenta iyiyatsi xua Jesús pententa weyataeya wabinexatsi. Yawa jume daunweya wawaya jeye:

—¡Pai jayana! ¡Maisa Jesús pon Pecanamataxeinaein jiwi deta wñae, bapon patopa Nacom peitorobixae! ¡Maisa Nacom bichocono wñae jaintatsi pon peitabocotha eca! ¡Maisa Jesús deta wñae, pon Israel nacuamonae itorobiya pia pepa Peewatsinchi tatsi! jei barapo pin bicheito.

<sup>14</sup> Bapoxonae Jesús tane burro pon penñn. Bapoxonae barapo burrotha equeica yawa ponano namtotha. Jesús exana be pocotsi coyeneya caena bayatha yabara paebatsi Nacom Pejume Diwesitha, xua Mesías pepatopaewa tsane Jerusalén tomaratha, jeye:

<sup>15</sup> “Sión tomarapiwi pam, jopa pajunuwinde.

Pataema pon itorobiya pepa painya Nepacacaewatsin.

Bapon pacata patopaena xua burrotha equeicaena”, jei Nacom Pejume Diwesitha.

<sup>16</sup> Bapoxonae Jesús pijimonae tatsi jopa yaputaeyo po coyene xua caena bayatha Jesús wñae yabara tsiwñae paebatsi, xuano xua po coyene exanaenano. Ichitha pirapae poxonae Jesús caibe nawicha peitaboco beicha, yawa poxonae Paxa matenta weyataeya wabatsi, bapoxonae barapomonae yaputane po coyene Jesús yabara tsiwñae paebatsi Nacom Pejume Diwesitha, xuano xua jiwi exana poxonae Jesús wñae jaintatsi.

<sup>17</sup> Pomonae napona poxonae Jesús Lázaro wabatsi petupae cuiru coyene weya, barapomonae tamropata notarucupa xua jiwitha paeba pomonaetha pomonae Jerusalén tomarapiwi, pomonae bayatha Jesús pecui taexaetsi poxonae Lázaro asu exainchi. <sup>18</sup> Daxota pinmonae pona Jesús beya xua Jesús pematenta weyataeya wabinexatsi. Tsipei barapo pinmonae jume tane pocotsiwa Jesús exana pexeinya petsita itatsi coyenewa poxonae Lázaro asu exainchi. <sup>19</sup> Nexata fariseomonae caemonae natsipaeba, najei:

—¡Incane matha pataema! Barapomonae jopa naca jume cowantsiyo, yawa daxita jiwi meisa napuna pona bapontha, najei barapomonae.

*Meje yabara poxonae griegomonae Jesús wenaweneichi*

<sup>20</sup> Barapo pin bicheito, po bicheito copiya bayatha Jerusalén tomaratha ena, xua baxota wñae pejainchinexa Nacom, barapo pin bicheito jiwanamonae, griego nacuamonaepiwi jiwana. <sup>21</sup> Barapo griego nacuamonaepiwi Felipe imoxoyo caquita poinchi. Barapon

Felipe Betsaida tomarapin xua Galilea nacuatha. Barapo griego nacuamonaepiwi Felipe tsipaebatsi, jeichichi:

—Incane matha pana nejume taema. Pata bequein Jesús taetsi, jei.

<sup>22</sup> Bapoxonae Felipe jume yopita Andrés beya, xua equeicha baponbe pejume yopichinexabe Jesús beya. <sup>23</sup> Bapoxonae Jesús baraponbe baraichi yawa daxita barapo jiwi baraichi, jeye:

—Nama imoxoyo barapo matabi tsoponae, po mataqueitha xan, ponxaein Nacom tana neitapetsixae nebexubina ichamonae. Barapo mataqueitha Nacom ainya cui neexanaena. <sup>24</sup> Xaniyan paca tsipaebatsi. Poxonae trigo xuto saya xu boca yawa icha jopa xu bocaeyo tsorobo tututha, yawa icha jopa xuwiyo, jopa itacupaetsi xua pexaewa naexana. Ichitha icha barapo trigo xuto tsorobo tututha boca yawa icha xuwa, bapoxonae jame bara pexaewa naexana. Icha barapo trigo xuto ichi, xan barapocotsi coyeneya jiwi bara necana ichi tsane. <sup>25</sup> Pon naantobeya nata exana pocotsiwa bapon ichichipa po cae pin nacuathe, bapon jopa xeinaeyo peajuntayapusawa, po peajuntayapusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan, bapon xeinaena peajuntayapusawa, po peajuntayapusawa ataya tsiteca xua Nacom pia nacua beicha. <sup>26</sup> Pon ichichipa exana tawa xua penacuichiwa, bapon bara bewa moya exanaena pocotsiwa itoroban. Pon exana pocotsiwa itoroban, bapon patopaena ichaxota poponan. Icha pebin exana pocotsiwa itoroban, bapon Taxa cana exanaena xua bapon peainya cui jiton tsane Taxa pia nacua beicha tatsi, jei Jesús.

*Meje yabara poxonae Jesús nayabara paeba xua petupaewa tsane*

<sup>27</sup> Equeicha Jesús jeye: “Anoxuae bichocono anthureweïn tsipei tatupaewa tsaneba. ¿Eta jumichicuaeïn tsane metha Taxatha? ¿Metha jan tsane: ‘Axa, necapanepare baxua weya’, metha jan tsane? Jume, apara jopa baxua tsipatopeicaeyo. Apara tsipatopeican xua taaperutanewa tsane jiwi nexa. <sup>28</sup> Jame bejan: ‘Axa, bara bu jiwi cana exaname xua wnae necajainchiwa’, bejan jame”, jei Jesús.

Poxonae Jesús baxua najume weta, bapoxonae Jesús jume tane xua Nacom namchi peitaboco wetsica, jeye: “Bayatha apara baxua jiwi cana exanan xua jiwi wnae tana nejainteibiwanea, tsipei daxita beta exanan. Matautano equeicha ichawa exanaein xua jiwi wnae tana nejainteibiwanea tsane”, jei Nacom.

<sup>29</sup> Pinmonae umena xua Jesús jume taeumeinchi, iru Jesús pijimonae tatsi baxota umenaru. Barapo jiwi baxua nayabara yainyaba xua Nacom cueicueijei. Ichamonae jeye:

—jApara xua jurujurei yamxu! jei.

Ichamonae jeye:

—jApara bapon tsipaebatsi matatsunpin! jei.

<sup>30</sup> Nexata Jesús pijimonae barai, jeye:

—Pon pajume taneme apara Nacom. Jopa apara paebiyu xua xan nexa. Apara paeba pia xua painya nejume taenexa daxota baxua Nacom paeba. <sup>31</sup> Imoxoyo nama matabi patopaena, po mataqueitha Nacom yabara paebina jiwi xua penatsicuentiwa xua abe peexanaexae bapontha. Pon jiwi juntu coyene itorobatsi xua abe peexanaewa po cae pin nacuathe, nama imoxoyo Nacom amanayabina bapon poxonae xubina barapo cae pin nacue weya. <sup>32</sup> Poxonae ichamonae nedutsina naetotha



tatɔpaenexa tsane, bapoxonae daxita jiwi cana exanaein xua pomonae peichichipaewa tsane xua tana nejume cowɔntsinea, jei Jesús.

<sup>33</sup> Poxonae Jesús baxua paeba jiwi yaputane exainchi xua Jesús pebexubiwa tsainchi poxonae tɔpaena. <sup>34</sup> Bapoxonae barapo jiwi Jesús tsipaebatsi. Jesús jeichichi:

—Paxan pajume tan xua poxonae wamonae yoroba Moisés pia peitorobi coyenewatha pocotsiwa baxota jeye: ‘Bara Mesías ataya asu poponeiba’, jei baxota. ¿Eta xua metha pana netsipaebame xua pinae pon Nacom Peitapetsin bewa naetotha tɔpaena? ¿Jintam metha pon Nacom Peitapetsin? jei barapomonae.

<sup>35</sup> Nexata Jesús tsipaeba barapomonae xua nacaunuta, jeye:

—Saya caeto pana netaneme pon paca yaputane exainchi. Beta pajinompame tapaca yawenaexae tsainchi, icha paichim xua beta pajinompame poxonae xometo paca yawena xua beta pajinompame mataqueitha. Pana nejume cowɔnde poxonae cataunxuae po cae pin nacuathe poponanje. Matautano poxonae cataunxuae paca itacɔpa xua pata tanejume cowɔntsiwam. Jopa abe paexanaeinde xua poxoru poxonae jopa pata tanejume cowɔntsiwam. Tsipei bara jɔtiya ichi, poxonae jiwi abe exana be poxonae pomonae pona ichaxota quirei. Jopa beta ponaeyo tsipei jopa xeinaeyo pecoicha. <sup>36</sup> Pana nejume cowɔnde poxonae cataunxuae po cae pin nacuathe poponanje. Bapoxonae paxam tajimonae pam tsane, jei Jesús.

Poxonae baxua Jesús najume weta, barapo jiwi weya natsixitaba yawa wepu aichurucuae.

*Meje yabara poxonae Jesús yabara paeba xua eta xua metha pinae Jesús jopa jume cowɔntichi judiomonae*

<sup>37</sup> Bequein Jesús matowa exana pia pexeinya petsita itatsi coyenewan barapomonae peitatha tatsi, daichitha pinmonae barapomonae jopa Jesús yabara jume cui cowɔntichi po coyene xua Jesús bara bapon Mesías pon Nacom itorobica. <sup>38</sup> Baxua exana xua nayabara jume cui weta po coyene bayatha pon Nacom peitorobi jume pepaebin Isaías wɔnae tsiwanaya yabara jei:

“Pon jiwi Necanamataxeinaein barapomonae jopa jume cowɔntsiyo xua pacuiduban bequein barapomonae tane matowa poxonae paexanan Nacom pia peayapusɔwatha”,  
jei Isaías.

<sup>39</sup> Barapomonae jopa jume cowɔntsiyo, tsipei Isaías equeicha jei:

<sup>40</sup> “Nacom cana exana xua barapomonae jopa beta xapain naita cui coyene yaputaeyo. Matautano Nacom cana exana xua jopa pejume cowɔntsiwa pejuntɔ coyene wetsina. Barapomonae be natsicotane peitata nacɔtsi jiwi, tsipei jopa beyaputaeyo, xua icha juntɔ coyene pexeinaewanexa. Matautano jopa ichipaeyo xua peyabara jume cowɔntsiwa po coyene xua Nacom itacɔpatsi xua pejuntɔ coyene xanepana peexanaewa”,  
jei Isaías pejume diwesitha.

<sup>41</sup> Daxita baxuan Isaías paeba xua Jesús yabara paebatsi. Isaías caena bayatha tane poxonae eca Mesías pia pexeinya pia peitapanae peecawatha. Daxota Isaías yabara paeba, Mesías yabara paebatsi xua pocotsiwa bayatha petaexae.

<sup>42</sup> Bequein daxita judiomonae Jesús jopa jume cowantichi, daichitha ichamonae judiomonae Jesús jume cowantatsi. Matautano ichamonae judiomonae xua pomonae judiomonae pia pentacaponawewi tatsi Jesús jume cowantatsi. Ichitha daxita barapomonae jopa Jesús yabara paebichi jiwi peitatha tatsi tsipei fariseomonae cunuwatsi. Tsipei icha barapomonae Jesús yabara paebichipatsi, metha barapomonae itawetsipatsi judiomonae pia penacaetutsi bon tatsi weya, xua fariseomonae itawetsipa. <sup>43</sup> Tsipei barapo Jesús pia pejume cowantsiwichi pijunuwi daxota itapeta jume naitaewata xua jiwi jei: “Jopa Jesús payabara paebinde”, jei jiwi. Barapomonae pomonae Jesús pejume cowantsiwichi baxua itapeta jume naitaewata beyacaincha xua poxonae bequein Nacom cui itoroba.

*Meje yabara xua po jume Jesús paeba barapo jumetha jiwi yabara paebinchi xua penatsicuentiwa xua abe peexanaexae*

<sup>44</sup> Equeicha Jesús jume daunweya jeye: “Pon nejume cowanta meisa jopa nejume cowantsi tsane, jame Taxa jume cowantsinchino pon tana neitorobixae. <sup>45</sup> Pomonae xua neyaputane barapomonae barichi Taxa yaputainchi. <sup>46</sup> Xan pon yabara yaputane paca cana exainchi Nacom. Patopeican po cae pin nacuathe xua pomonae tana nejume cowantsiwi jopa penantawenonaenexa xua pejinompaewa poxonae jopa Nacom yabara yaputaetsi. <sup>47</sup> Pon bequein jume tane tajume diwesi xuano xua icha bequein jopa exanaeyo tana nejume taewatha pocotsiwa itoroban, bapon jopa yabara paebin tsane xua penatsicuentiwa xua abe peexanaexae Nacomtha. Tsipei apara jopa baxua tsipatopaeinyo xua tacoya barapocotsi jiwimonae tayabara paebinexa xua penatsicuentiwa xua abe peexanaexae Nacomtha. Jame apara tsipatopan xua jiwi u tacapanenebiyaenexa tsane. <sup>48</sup> Pon jopa tsita ainya cuichi xua jopa tsita ainya cuinyo, xuano xua icha jopa jume cowantsiyo pocotsiwa paeban po jume aunxuae paeban, bapon barapo jumetha yabara paebinchi xua penatsicuentiwa xua abe peexanaexae poxonae po mataqueitha nacua weraweracaena. <sup>49</sup> Tsipei xan jopa paebinyo pocotsiwa tacoutha taichichipaewa. Saya apara baxua daxita exanan pocotsiwa Taxa neitoroba pocotsiwa bewa paebin xuano xua pocotsiwa bewa jiwi cuidubin. <sup>50</sup> Yaputan Taxa pia peitorobi coyenewa, barapo peitorobi coyenewa jiwi cana exainchi xua pexeinaewa peajantuyapusawa, po peajantuyapusawa ataya tsiteca. Daxota pocotsiwa paca tsipaebatsi apara xua Taxa bayatha tana neitorobixae”, jei Jesús.

## 13

*Meje yabara poxonae Jesús pijimonae taxu matawane meratha*

<sup>1</sup> Barapoxonaeru bara barapo matacabi tsuxubi, po matacabi tsiwanaya mata carucua xua Pascua wan matacabin. Jesús yaputane xua bara nama imoxoyo bara po matacabi tatsoponaetsiba, po mataqueitha Jesús cuenta ponaena po cae pin nacue xua Paxa beicha peponaewa tsane. Jesús antobe tsaibi pia pejume cowantsiwichi pomonae xua tajinompatsi po cae pin nacuathe. Nama imoxoyo Jesús exana xua

pocotsiwa jiwi yaputane xua Jesús jopa juniya antobeyo pomonae pia pejume cowantsiwichi.

<sup>2-4</sup> Judas, pon Simón Iscariote pexanto tatsi, bapon cui itorobatsi caurimonaе pia pentacaponaein tatsi xua Jesús pecaenaetsinexatsi ichamonaetha. Jesús yaputane xua bayatha Paxa wetsica pona. Matautano xua equeicha Paxa beicha patopaena xuano xua Paxa catatsi daxita pia peayapusya itorobi coyenewa. Baxua bequein xeina, daichitha poxonae pijimonaе baru eca pexaethopaewatha asiya uncuataba. Yawa paparuwa nama jonta, po paparuwa matha weruya. Yawa icha paparuwatha naepa cata. <sup>5</sup> Bapoxonae Jesús mera epata corototha. Bapoxonae pijimonaе taxu matawaеpona meratha. Yawa paparuwatha taxu tsewa exana po paparuwatha naepa cata.

<sup>6</sup> Poxonae Jesús Simón Pedro muxu petaxu matawaetsi, Simón jeye:

—Tanecanamataxeinaem, ¿eta pocotsiwa metha iru jinya netaxu matawaetsi? jei Simón Pedro.

<sup>7</sup> Jesús jume barai, jeye:

—Xua baxue cata exanatsi anoxuae jopa yabara yaputaem. Ichitha bexa tsane baxua yabara yaputaename, jei Jesús.

<sup>8</sup> Ichitha equeicha Simón Pedro jume barai, jeye:

—Bapana jopa netaxu matawaem tsane, jei Simón Pedro.

Jesús jume barai, jeye:

—Icha jopa cataxu matawaetsipaetsi meratha nexata jopa tajimonaе jitom tsipaem, jei Jesús.

<sup>9</sup> Simón Pedro jume barai, jeye:

—Tanecanamataxeinaem, meisa jopa netaxu matawaеinde, jame yawa necobe matawaema, yawa nentasipa matawaema, jei Simón Pedro.

<sup>10</sup> Jesús jume barai, jeye:

—Pon xua anoxuae nowaexuba, bapon equeicha jopa nantawenon- aeyo xua pia pepon matawaеinchi, saya jame meisa petaxu. Paxam pejuntu coyene xeicaе jiwi pam, saya caein jiwana pam jopa daichiyo, jei Jesús.

<sup>11</sup> Jesús jeye: “Paxam pejuntu coyene xeicaе jiwi pam, ichitha caein jiwana pam jopa daichiyo”, jei. Jesús baxua paeba tsipei yaputane xua caein jiwana pomonaе Jesús pijimonaе tatsi, bapon Jesús caenaetinchi.

<sup>12</sup> Poxonae Jesús nacobe weta xua pijimonaе taxu matawane meratha equeicha paparuwa nama xatata po paparuwa copiya nama xuenaxuba. Bapoxonae equeicha econeca pexaethopaewatha. Yawa pijimonaе barai, jeye:

—¿Bara payaputaneme xuaunxuae pacata exanatsi? <sup>13</sup> Pana neyabara jam: ‘Pon Patatanecuidubin’, pana neyabara jam. Yawano pana neyabara jam: ‘Pon Patatanecanamataxeinaein’, pana neyabara jam. Bara xainyeya pana neyabara jam baxua, tsipei apara xan bapon. <sup>14</sup> Icha xan painya Tapacacuidubinchi xuano xua painya Tapacacanamataxeinaeinchi xua paca taxu matawainchi meratha bewa paxam bara paichim tsane, bewa nantiya pana nataxu matawaem meratha. <sup>15</sup> Baxua paca tsita exainchi xua painya bara paichinexam tsane ichaunxuae ichin. <sup>16</sup> Xaniyan paca tsipaebatsi. Pon ba tanacuita bapon jopa ainya cuiyo. Jame bapon pia pentacaponaein tatsi yatsicaya ainya cui beyacaincha pon tanacuita. Pon ba itorobatsi jopa ainya cuiyo. Jame

pon peitorobixae bapon ainya cui. <sup>17</sup> Icha baxua payaputaneme yawa icha baxua paexanaenameno bapoxonae peꝯntu coyene weiweinae jiwi pam tsane.

<sup>18</sup> “Apara jopa daxita paca yabara paebichi xua peꝯntu coyene weiweinae jiwi pam tsane, tsipei caein jiwana pam jopa daichiyo. Xan paca ꝯntu coyene yaputainchi tsipei tapaca itapetichi jiwichi pam. Ichitha nacui yabara jume wetsina be po coyeneya bayatha Nacom tsiwunae yabara paeba pejume diwesitha. Nacom jeye: ‘Pon baru xan, pon itara mexeya tajiton, bapon equeicha caewa tana neaitafaetabi jiton naexana’, jei Nacom Pejume Diwesitha. <sup>19</sup> Baxua pewunaeya paca tsipaebatsi xua poxonae necana exanaena pon equeicha caewa tana neaitafaetabi jiton naexana. Bapoxonae painya yabara tana nejume cowantsinexam tsane xua xan bapon aparau xua ponxaein paca tsipaebatsi. <sup>20</sup> Xaniyan paca tsipaebatsi. Po pebin matenta weyataya waba pontha pon itoroban barapo pebin barapara nententa weyataya waba. Barichi pon nententa weyataya waba barapara Nacom matenta weyataya wabatsi, pon tana neitorobixae”, jei Jesús.

*Meje yabara poxonae Jesús jeye: “Judas necaenaetsina ichamonaetha”, jei*

*(Mt 26.20-25; Mr 14.17-21; Lc 22.21-23)*

<sup>21</sup> Poxonae baxua Jesús najume weta, bapoxonae bichocono anthathurewe tsanareca. Yawa najume naitapeinya xeinaeya, jeye:

—Xaniyan paca tsipaebatsi. Caecin jiwana pam bapon necaenaetsina ichamonaetha, jei Jesús pijimonaetha.

<sup>22</sup> Nexata Jesús pijimonaetha tatsi naitabara taerucupa, nantiya najeye: “ꝯintam metha bepa Jesús caenaetichi?” najei. Ichitha barapomonaetha jopa yaputaeyo xua Jesús yabara jei pon. <sup>23</sup> Caecin Jesús pijimonaetha tatsi jiwana, pon bichocono Jesús antobe, bapon Jesús imoxoyo baru xunaeca, barapo pexaethopaewatha. <sup>24</sup> Simón Pedro pecobetha moya jume itoroba jeye: “Jesús yainyabare: ‘ꝯintam yabara paebame?’ jande”, jei Simón Pedro xua jume itorobatsi pon Jesús imoxoyo caquita ecatsi. <sup>25</sup> Bapoxonae Jesús imoxoyo caquita ecarenatsi equeicha. Jesús yainyabatsi, jeye:

—Tanecanamataxeinaem, ꝯintam cacaenaetsina? jei.

<sup>26</sup> Jesús jume nota, bapon jume notatsi, jeye:

—Pan purawiyoy tha atatsica exanaetsi. Pon catan barapo pan purawiyoy, bapon apara pon necaenaetsina ichamonaetha, jei Jesús pontha pon peyainyabixaetsi.

Poxonae Jesús pan purawiyoy atatsica exana, bapoxonae Jesús cata, Judas catatsi pon Simón Iscariote pexanto tatsi. <sup>27</sup> Poxonae Judas barapo pan Jesús wecobe pitatsi, bapoxonae caena nainya Judas ꝯntu coyene itorobatsi Satanás caurimonae pia pentacaponaein tatsi xua Jesús pecaenaetsiwa tsainchi. Bapoxonae Jesús jeye, Judas jeichichi:

—Xua pocotsiwa jinya anoxuae exanaetsi, moya exande nainya, jei Jesús.

<sup>28</sup> Daxita barapomonaetha pomonaetha Jesús pijimonaetha tatsi, pomonaetha pebaru xunaecaexae, jopa xapain yaputaeyo pocotsiwa Jesús itoroba, xua Judas itorobatsi. <sup>29</sup> Tsipei bapon Judas paratixi doroy capopona, daxota Jesús pijimonaetha tatsi nanta xeina xua mexeya itara Jesús itorobawe-jei xua pia tacomotichi pexaewa penabanaey coyenewa nexa. Yawa

nanta xaina xua mexeya itara Jesús itorobawejei xua Judas paratixi pecatsinexa peacopeibi jiwitha. <sup>30</sup> Poxonae Judas Jesús wecobe pitatsi pan  $\text{\textcircled{P}}$   $\text{\textcircled{R}}$   $\text{\textcircled{W}}$   $\text{\textcircled{I}}$   $\text{\textcircled{Y}}$   $\text{\textcircled{O}}$ , bapoxonae Judas ponataba.  $\text{\textcircled{I}}$   $\text{\textcircled{R}}$   $\text{\textcircled{U}}$   $\text{\textcircled{R}}$  bapoxonae quirei tsanaicha  $\text{\textcircled{R}}$ .

*Meje yabara poxonae Jesús yabara cuiduba jiwi pena peitorobi coyenewa*

<sup>31</sup> Nexata poxonae Judas pontaba Jesús pijimonae barai, jeye:

—Imoxoyo nama paca tsita itatsinchi taayapus  $\text{\textcircled{U}}$   $\text{\textcircled{Y}}$   $\text{\textcircled{A}}$   $\text{\textcircled{I}}$   $\text{\textcircled{T}}$   $\text{\textcircled{O}}$   $\text{\textcircled{B}}$   $\text{\textcircled{I}}$   $\text{\textcircled{Y}}$   $\text{\textcircled{A}}$  coyenewa xua xan apara bara ponxaein Nacom Tananeitapetsin. Barichino paca tsita itatsinchi Nacom pia peayapus  $\text{\textcircled{U}}$   $\text{\textcircled{I}}$   $\text{\textcircled{T}}$   $\text{\textcircled{O}}$   $\text{\textcircled{B}}$   $\text{\textcircled{I}}$  coyenewa tatsi. <sup>32</sup> Icha xan ponxaein Nacom Tananeitapetsin, icha paca tsita itatsi Nacom pia peayapus  $\text{\textcircled{U}}$   $\text{\textcircled{I}}$   $\text{\textcircled{T}}$   $\text{\textcircled{O}}$   $\text{\textcircled{B}}$   $\text{\textcircled{I}}$  coyenewa, nexata Nacom xuya nainya paca tsita itatsina taayapus  $\text{\textcircled{U}}$   $\text{\textcircled{I}}$   $\text{\textcircled{T}}$   $\text{\textcircled{O}}$   $\text{\textcircled{B}}$   $\text{\textcircled{I}}$  coyenewa xua xan apara bara ponxaein Nacom Tananeitapetsin. <sup>33</sup> Pomonae be tapexui tapaca canatsicotaewichi pam, bara nama saya caeto paca bara  $\text{\textcircled{P}}$   $\text{\textcircled{O}}$   $\text{\textcircled{P}}$   $\text{\textcircled{O}}$   $\text{\textcircled{N}}$   $\text{\textcircled{A}}$   $\text{\textcircled{E}}$   $\text{\textcircled{I}}$   $\text{\textcircled{N}}$   $\text{\textcircled{C}}$   $\text{\textcircled{H}}$   $\text{\textcircled{I}}$ . Icha ichin xua caena bayatha xua judiomonae tsipaeban, bara paca jumichichi anoxuae: ‘Jopa paca itac  $\text{\textcircled{P}}$   $\text{\textcircled{A}}$   $\text{\textcircled{E}}$   $\text{\textcircled{T}}$   $\text{\textcircled{S}}$   $\text{\textcircled{A}}$   $\text{\textcircled{N}}$   $\text{\textcircled{E}}$  xua pana nepuna ponaename ichaxota taponawewa tsane’, paca jeichi. <sup>34</sup> Barapo pena itorobi coyenewa paca cuidubatsi, xua janje: ‘Nantiya pana naantobeinde, icha paca ichichi xua paca antobetsi. Bewa bara paichim tsane xua nantiya pana naantobem tsane’, jan. <sup>35</sup> Icha paxam nantiya pana naantobem tsurubenanaebiyam tsane, daxita jiwi paca cui yaputaena xua paxam bara apara tana nejume cowantsi jiwi pam, jei Jesús.

*Meje yabara poxonae Jesús namchi xua Pedro jei tsane: “Jopa dapon yaitaeinyo”, pinae yabara jei tsainchi Jesús*

(Mt 26.31-35; Mr 14.27-31; Lc 22.31-34)

<sup>36</sup> Simón Pedro Jesús yainyabatsi, Pedro jeye:

—Tanecanamataxeinaem,  $\zeta$  jinya exota ponaetsi? jei Simón Pedro.

Jesús jume nota, jeye:

—Anoxuae jopa caitac  $\text{\textcircled{P}}$   $\text{\textcircled{A}}$   $\text{\textcircled{E}}$   $\text{\textcircled{T}}$   $\text{\textcircled{S}}$   $\text{\textcircled{I}}$   $\text{\textcircled{P}}$   $\text{\textcircled{E}}$   $\text{\textcircled{Y}}$   $\text{\textcircled{O}}$  xua tana nepuna ponaewam ichaxota ponaein. Ichitha bexa tsane caitac  $\text{\textcircled{P}}$   $\text{\textcircled{A}}$   $\text{\textcircled{E}}$   $\text{\textcircled{T}}$   $\text{\textcircled{S}}$   $\text{\textcircled{I}}$   $\text{\textcircled{P}}$   $\text{\textcircled{E}}$   $\text{\textcircled{Y}}$   $\text{\textcircled{O}}$  xua tana nepuna ponaewam ichaxota ponaein, jei Jesús.

<sup>37</sup> Nexata Simón Pedro jume barai, jeye:

—Tanecanamataxeinaem,  $\zeta$  eta xua metha baxua paebame xua anoxuae jopa neitac  $\text{\textcircled{P}}$   $\text{\textcircled{A}}$   $\text{\textcircled{E}}$   $\text{\textcircled{T}}$   $\text{\textcircled{S}}$   $\text{\textcircled{I}}$   $\text{\textcircled{P}}$   $\text{\textcircled{E}}$   $\text{\textcircled{Y}}$   $\text{\textcircled{O}}$  xua tacapuna ponaewatsi ichaxota poname? Ichitha xan bara copatan xua jiwi tana nebexubinexa tacapuna ponaenexatsi! jei Pedro.

<sup>38</sup> Jesús jume barai, jeye:

— $\zeta$  Bara xaniwaicha xua xam bara copatame xua jiwi necabexubinexa tana nepuna ponaenexam? Jume, apara xaniyan catsipaebatsi barapo merawithe acoibi po jumeyobebe neyabara jam tsane: ‘Jopa dapon yaitaeinyo’, neyabara jam tsane. Bapoxonae  $\text{\textcircled{I}}$   $\text{\textcircled{R}}$   $\text{\textcircled{U}}$   $\text{\textcircled{R}}$  wacara pebto fibina, jei Jesús.

## 14

*Meje yabara poxonae Jesús jeye: “Xan apara pon jiwi matakaponan Taxa beicha”, jei Jesús*

<sup>1</sup> Equeicha Jesús pijimonae barai, jeye: “Jopa yabara nant  $\text{\textcircled{U}}$   $\text{\textcircled{E}}$   $\text{\textcircled{X}}$   $\text{\textcircled{A}}$   $\text{\textcircled{B}}$   $\text{\textcircled{I}}$   $\text{\textcircled{N}}$   $\text{\textcircled{D}}$   $\text{\textcircled{E}}$  ichawan. Pana neyabara jume cowanteibare yawano Taxa payabara jume cowanteibareno. <sup>2</sup> Taxa pia nacua beicha bon nawita ichaxota

jiwi pejinompaewa. Icha bon ajibi tsipae, metha bayatha jopa paca tsipaebichipaetsi, daxota apara paeban tsipei xainyan. Daxota paca tsiwanaeya pacata tutu wunaetinchi bara po bon. <sup>3</sup> Poxonae wetan xua Taxa beicha taponaeawa xuanu xua icha nacobe wetan xua bon paca tsiwanaeya tutu wunaetatsi, bapoxonae equeicha patopeicaein. Paca caponaeinchi ichaxoteicha xua tapoponaewa tsane. <sup>4</sup> Paxam payaputaneme ichaxota ponaein. Daxota payaputanemeno po coyeneya xua painya nepatsiwa tsane baxota”, jei Jesús.

<sup>5</sup> Tomás jeye Jesustha:

—Patatanecanamataxeinaem, jopa payaputaeyino po nacua beya ichaxota ponaename. Tsipei baxua jopa payaputaeyino, daxota jopa pana neitacupaeyo xua pata ponaewa po nacua beya ichaxota xam ponaename, jei Tomás.

<sup>6</sup> Jesús jume nota, jeye:

—Xan apara pon jiwi tamatacaponaein Taxa beicha. Matautano xan pon xainyeya tapaebin. Matautano xan apara pon jiwi tacatsin peajuntuyapuswa, po peajuntuyapuswa ataya tsiteca. Saya meisa xan ba jiwi yawenan xua pepatsiwa Taxa beicha. <sup>7</sup> Icha paxam pana neyaputaneme bara paichim Taxa payaputaneme. Daxota anoxuae nama Taxa payaputaneme yawano patanemeno tsipei paxam pana netaneme, jei Jesús.

<sup>8</sup> Nexata Felipe Jesús baraichichi, jeye:

—Patatanecanamataxeinaem, copare xua Axa pata tha taetsi. Bapoxonae jantema pata jinompaewa tsane, jei Felipe.

<sup>9</sup> Jesús Felipe jume notatsi. Jesús jeye:

—Felipe, bara bayatha cabaru popoinchiba. ¿Eta xua came jopa neyaputaem? Pon ba netane barichi apara bara Taxa tainchi. Daxota jopa benejam: ‘Copare painta pata tha Axa taetsi’, jopa bepana nejam. <sup>10</sup> ¿Eta xua metha jopa jume cowantsim xua bara Taxa neyanta xua bara iru Taxa yantandu? Daxita pocotsiwan paca tsipaebatsi apara jopa paebinyo pocotsiwa tacoutha ichichipan. Apra Taxa pon neyantsiya popona baxua apara exana pocotsiwa xua exanan. <sup>11</sup> Pajume cowunde xua Taxa neyanta popona, xua Taxa iru yanta poponan xua daxota Taxa be caein panbe. Icha jopa paca itacupaeyo xua pana nejume cowuntame pocotsiwa yabara paca tsipaebatsi Taxa, moya pana necui yabara jume cowunde xua bayatha exanan pexeinya tatsita itatsi coyenewan. Baxuan jiwi tsita ituban xua bara xainyei xua Taxa neyanta popona xua daxota Taxa be caeinbe panbe. <sup>12</sup> Xaniyan paca tsipaebatsi, pon nejume cowanta, bapon iru exanaena pocotsiwa exanan. Matautano equeicha ichawan mataropeicha exanaena pewunaewan beyacaincha xua pocotsiwa exanan. Tsipei xan ponaein Taxa beicha. <sup>13</sup> Daxita pocotsiwan pana newun caununaya wucame Taxa beicha, bara baxua exanaein, tapaca catsita itatsinexatsi Taxa pia peayapusu itorobi coyenewa tatsi. <sup>14</sup> Bara pacata exanaeinchi poxonae pana newun caununaya wucame Taxa beicha, jei Jesús.

*Meje yabara poxonae Jesús tsiwunaeya paeba xua bexa Nacom najumope tunaxu itorobina jiwitha*

<sup>15</sup> Equeicha Jesús barai pijimonae, jeye: “Icha pana neantobem, moya paexande taitorobi coyenewan. <sup>16</sup> Icha baxua paexanaename tha bapoxonae Taxa wucaetsi jan tsane: ‘Axa, ichun itorobare xua

barapomonae peyawenaenexatsi', jan tsane. Bapoxonae Taxa pacata itorobina pon ataya paca yantsiya poponeibina. <sup>17</sup>Pon Nacom itorobina, apara bapon bara pia Pejumope t̃nax̃ tatsi, po Pejumope t̃nax̃ tatsi paca yaputane exana xua bara xainyei xua pocotsiwa Nacom yabara. Ichitha pomonae jopa nejume cowantsiyo, barapomonae jopa yaputaeyo Nacom pia Pejumope t̃nax̃ tatsi. Daxota barapo Nacom pia Pejumope t̃nax̃ tatsi jopa itac̃paetsi xua barapomonae peyantsiya jinompawatsi. Daichitha payaputaename barapo Nacom pia Pejumope t̃nax̃ tatsi tsipei pacata patopaena yawano ataya paca yantsiya popon-aena", jei Jesús.

<sup>18</sup> Equeicha Jesús barai pijimonae, jeye: "Jopa paca punapentsi tsainchi. Equeicha caibe patopeicaein xua tapaca bar̃ poponaewatsi tsainchi. <sup>19</sup> Bara caeto jiwi jopa netae tsane pomonae jopa tana nejume cowantsiwi. Ichitha paxam pana netaename. Paxam equeicha as̃ pajinompaename tsipei xan equeicha as̃ poponaein. <sup>20</sup> Barapo mataqueitha poxonae Nacom pia Pejumope t̃nax̃ tatsi patopeicaena, payaputaename xua xan Taxa be caein pana naexananbe ir̃ xua paxam be caein pana necana exaname ir̃ xua xan be caein paca cana exanatsi. <sup>21</sup> Pon yaputane taitorobi coyenewan xuano xua exana xua barapo taitorobi coyenewan paeba, bapon tsita itapeinya xeina jiwitha xua xaniwaicha bara neantobe. Taxa antobe tsane bapon, pon neantobe. Xan barichin antobein tsane bapon. Matautano yaputane exanaein xua bara bapon bar̃ poponan", jei Jesús.

<sup>22</sup> Ir̃ Judas pon seicaya ichund̃, pon Judas Iscariote aibi, barapo Judas Jesús tsipaebatsi, Jesús jeichichi:

—Patatanecanamataxeinaem, ¿eta xua jinya meisa pana neyaputane exanaetsi xua bara pana nebar̃ jinompame xua jopa daichim pomonaetha pomonae jopa cajume cowantsiyo? jei Judas.

<sup>23</sup> Jesús Judas jume notatsi, jeye:

—Pon neantobe bapon exana pocotsiwa itoroban. Bapoxonae Taxa antobe tsane bapon. Xan ir̃ Taxa pon caein panxaeinbe papatopaeinbe bapontha pata yantsinexa bapon. <sup>24</sup> Pon jopa neantobeyo, bapon jopa exanaeyo pocotsiwa itoroban. Po jume diwesi xuaunxuae pana nejume taneme apara jopa nata paebinyo. Apara baxua paeban tsipei Taxa nejume caitoroba pon tana neitorobixae, jei Jesús xua Judas tsipaebatsi.

<sup>25</sup> Equeicha Jesús pijimonae barai, jeye: "Daxita baxuan paca tsipaebatsi poxonae cataunxuae paca bar̃ popoinchi anoxuae. <sup>26</sup> Inta paxam pacata Nacom najumope t̃nax̃ itorobina. Barapo Nacom pia Pejumope t̃nax̃ tatsi paca yawenaena. Matautano paca cuidubina xua pexainyeiwa xua Nacom yabara. Matautano barapo Nacom pia Pejumope t̃nax̃ tatsi paca cana exanaena xua pana neyabara cananta xeinaename xua pocotsiwan bayatha daxita yabara paca tsipaebatsi.

<sup>27</sup> "Poxonae paca cuenta ponaeinchi j̃ntema jinompa paca cana exanaeinchi. Paca catinchi po coyene j̃ntema tapoponae coyenewa. Barapo j̃ntema tapoponae coyenewa jopa bara be j̃ta ichiyo xua jiwi barompaya j̃ntema pia pejinompae coyenewa tatsi. Jopa yabara pana naj̃nt̃ exabinde ichawan. Matauta jopa junuwiya pajinompaeinde. <sup>28</sup> Bayatha pana nejume taneme xua ponaein jan xuano xua equeicha

patopeicaein paxamtha xua paca baru poponaeinchi jan. Icha xaniwaicha pana neantobem tsipaem metha pajuntu coyene weiweinaetsipame xua taponae Taxa beicha. Tsipei Taxa bichocono ainya cui, beyacaincha xua xan poxona cataunxuae poponan po cae pin nacuathe. <sup>29</sup> Baxua paca tsipaebatsi xua tsiwuna paeban painya tana nejume cowantsinexam tsane poxonae xaniwaicha baxua tsane.

<sup>30</sup> “Nama imoxoyo jopa neitacupaeyo xua equeicha caeto tapaca tsi-paebiwa tsainchi, tsipei nama imoxoyo patopaenaba pon jiwi juntu coyene itorobeibatsi po jiwitha jopa tana nejume cowantsiwi. Ichitha bapon jopa xeinaeyo peayapusu itorobi coyenewa xua tana neitorobiwa tsane. <sup>31</sup> Bewa exanaein pocotsiwa xua Taxa neitoroba, xua daxita jiwi peyaputaenexa xua apara bara xan ponxaein Taxa bichocono tana neantobein.

“¡Panonoba ponde! Weye poinchi”, jei Jesús pijimonaetha.

## 15

*Meje yabara poxonae Jesús yabara paeba uva unbotu xua pepa unbotu*

<sup>1</sup> Equeicha Jesús jeye: “Icha pepa unbotu ichi xua petabu opina wejujuina mene xua uva thei penacoichinexa, xan bara pocotsi juta coyeneya cana ichin jiwi. Jiwi ajuntucoyenyapusu cana exanan pomonae tana nejume cowantsi jiwi, icha uva pabi pexeinaein ichi xua yabaca xueta xua xanepanaya petaxuwiwa tsainchi. Taxa bara jata coyeneya ichi. Taxa yawena pomonae tana nejume cowantsiwi, pomonae xanepanaya inta pejinompaewi. <sup>2</sup> Uva pabi pexeinaein daxita ucuboba po maxaranan xua jopa nacoichiyo. Bapoxonae daxita barapo pemaxaranan po maxaranan xua dubena xanepanaya nacoita beyacaincha xua copiya poxonae nacoita. Taxa barapocotsi juta coyeneya exana. Taxa itaweta pomonae bequein nejume cowanta ichitha jopa beta jinompaeyo xan nexa. Barichi pomonae bequein nejume cowanta ichitha saya tsiwiyo exana pocotsiwa itoroban, Taxa atene cana exana xua barapomonae atene, xua daxota barapomonae beta exanaena pocotsiwa itoroban. <sup>3</sup> Pajuntu coyene wunaem painya tana nejume cowantsixaemxae xua bayatha po jume diwesi tapaca tsipaebixaetsi. <sup>4</sup> Pana necayawa jinompeibare icha ichin xua ataya paca cayawa pophoneibinchi. Uva unbotu maxaranawa ba poxonae iratha maxarana boca jopa ba pipatoha matono xuwouncuaeyo xua pethi perubenaenexa. Bara juta coyeneya paichim. Icha jopa pana necayawa jinompaem, jopa paxeinaem tsane xua po coyene pexeinya peajuntuypapusu coyenewa.

<sup>5</sup> “Icha pepa uva unbotu ichi xua xeina pemaxaranawan, bara juta coyeneya ichin. Xeinan pomonae tana nejume cowantsi jiwi pam. Pepa uva unbotu nacoita exana nawita pethi pemaxaranawantha tsipei poxoru pemaxaranawan dubena pepa uva unbototha tsica. Bara jatiya ichi icha pana necayawa jinompame bapoxonae bichocono paca juntu coyene xanepana exanaeinchi. Daxota icha pana nepentsiya jinompame jopa paca itacupaetsipae xua paexaname pocotsiwa xua Nacom ichichipa. <sup>6</sup> Pon jopa necayawa poponaeyo bapon Taxa itawetsina, icha xua uva pabi pexeinaein ichi. Bapon petapae maxaranawan nota xua bayatha ucobobeba yawa bapoxonae isotototha bebeya petautsinexa.



7 “Icha pana necayawa jinompaename yawa icha jopa pajıntemainaem tsane pocotsiwa bayatha paca cuidubatsi, bapoxonae pocotsiwa pana newucaeename bara baxua pacata exanaeinchi. 8 Jiwi Taxa baru cui itura jinatsi poxonae paca tane xua betiya xanepanaya pajinompage painya neexanaexae pocotsiwa Taxa paca itoroba. Yawa Taxa baru cui itura jinatsi tsipei barapomonae paca cui yaputane xua paxam barapara pepa tamonae jiwi pam. 9 Paca antobetsi icha Taxa ichi xua neantobe. Ataya payacuiya jinompare xua paxam po coyene xua pomonae tapana nejume cowuntsi jiwi pam. 10 Paexanaponde pocotsiwa paca itorobatsi, bapoxonae bichocono tsitecaeya paca antobe tsoponae tsainchi, icha xan ichin xua poxonae exanan pocotsiwa Taxa neitoroba xua daxota ataya tsitecaeya neantobe tsoponae.

11 “Baxuan paca tsipaebatsi xua paca juntu coyene xanepana exanaeinchi xua bapoxonae bichocono pajuntu coyene weiweinaename. 12 Barapo taitorobi coyenewa baxue xua janje: ‘Nantiya paxam pana naantobeinde, icha paca ichichi xua paca antobetsi’, jan. 13 Yabara paca tsipaebatsi po peantobewa bichocono ainya cui beyacaincha icha peantobewa. Barapocotsi peantobewa xeina pebin poxonae peantobexae pia jiton yaitataba xua pebexubinexatsi xua pia jiton tatsi jopa bepetabexubiwa tsainchi. 14 Paxam apara tajiwiwimonae pam, icha paexanaponaename pocotsiwa xua tapaca itorobiwatsi. 15 Anoxuae jopa bepaca caunutichi xua paxam pomonae inta amanaya penacuichiwi pam. Nama po cae pin nacuathe pomonae petanacuichiwi jopa yabara yaputaeyo pocotsiwa exana pomonae pia pecanamataxeinaewichi tsipei jopa baxua yabara paebiyo. Ichitha paca caunutatsi xua paxam apara tajiwiwimonae pam, tsipei nama xan paca cana exainchi xua payabara yaputaneme daxita pocotsiwan xuan Taxa necui itoroba. 16 Apra jopa pana neitapetsim. Jame apra paca itapetatsi. Paca cui itorobatsi xua xanepanaya painya neexanaewa pocotsiwa Taxa paca itoroba. Ichichipan xua jopa pewatereracaewa tsane pocotsiwan painta exanaename. Bapoxonae Taxa bara pacata exanaena poxonae Taxa beicha pawucame poxonae pana nebuxuna bobenouname. 17 Daxota equeicha paca jeichi: ‘Paxam nantiya pana naantobeinde’, jan”, jei Jesús pijimonaetha.

*Meje yabara poxonae Jesús jeye: “Jiwi necaseba, iru paca caseba”, jei Jesús*

18 Equeicha Jesús jeye: “Pomonae jopa nejume cowuntsiyo icha barapomonae paca caseba pananta xeinare xua barapomonae copiya necaseba daxota paca casebaru. 19 Icha paxam pomonae jopa pata tana nejume cowuntsiwi jiwana pam tsipaem, bapoxonae pomonae necaseba paca antobe tsipae icha ichi xua barompaya antobe pijimona. Pomonae xote jinompe, pomonae jopa tana nejume cowuntsiwi, barapomonae pexantha tatsi paca itapetatsi daxota barapomonae paca caseba. Tsipei anoxuae paxam jopa barapomonae jiwana pam. 20 Pana nejume cayabara nanta xeinare xua bayatha paca tsipaebatsi xua janje: ‘Pon ba tanacuita ichun, bapon jopa ainya cuiyo, jame pia pentacaponaein tatsi ainya cui pon peitorobixaetsi’, paca jeichi. Tsipei jiwi inta abe exana daxota iru pacata abe exana. Jiwi jopa jume cowuntsiyo tacuidubiwa. Barichi jopa jume cowuntsiyo painya necuidubiwa. 21 Daxita

baxuan jiwi paca cana exanaena xua painya neexanaexae pocotsiwa paca itorobatsi tsipei jopa yaputaetsi pon neitoroba pon Taxaxae.

<sup>22</sup> “Icha jopa patopaeinchipae po cae pin nacuathe, xuano xua icha jopa cuidubinchipae barapomonaetha, barapomonaepae jopa natsicuentisipae xua abe peexanaexae tsipei jopa yaputaetsipae xua abe exana. Ichitha anoxuae jopa itacupaetsi xua pejeiwa: ‘Jopa payaputaeyino xua abe paexanan’, xua pejeiwa, tsipei patopan yawa cuiduban barapomonaepae. <sup>23</sup> Pomonaepae xua necaseba, barapomonaepae iru Taxa casebatsi. <sup>24</sup> Barapomonaepae tane xua xan exanan pocotsiwa ichun jopa itacupaetsi xua peexanaewa. Icha barapomonaepae jopa bayatha necui taetsipae xua exanan jopa natsicuentisipae xua abe peexanaexae jopa peyaputaexae tsipae xua abe exana. Ichitha barapomonaepae bara xaniwaicha necui tane xua exanan. Matautano yaputane xua abe exana. Daxota barapomonaepae necaseba iru daxota Taxa casebatsi. <sup>25</sup> Ichitha baxua bewa neyabara jume cui wetsina tsipei Moisés pia peitorobi coyenewatha neyabara tsiwunaeya jeye: ‘Barapomonaepae necaseba poxoru saya apatsi’, jei barapo Moisés pia peitorobi coyenewatha.

<sup>26</sup> “Itorobin Nacom pia Pejumope tñaxu tatsi xua po pejumope tñaxu Taxa werena pona, po pejumope tñaxu paca yawenaena po pejumope xainyeya pepaebin. Barapo pejumope tñaxu neyabara paebina poxonaepae bapon patopeicaena. <sup>27</sup> Paxam bara paichim tsane ichamonaetha pana neyabara paebiname. Tsipei poxonaepae aena tamropata pitaban tanacuichiwa barapo cae pin nacuathe, bapoxonaepae caena bayatha pana nebaru jinompame”, jei Jesús pijimonaetha.

## 16

<sup>1</sup> Equeicha Jesús barai pijimonaepae, jeye: “Baxua paca tsipaebatsi xua jopa painya nebarapentsiwa tsane xua tapanane jume cowantsiwam poxonaepae jiwi abe pacata exanaena. <sup>2</sup> Paca itawetsina judiomonaepae pia penacaeuttsi bon weya. Po mataqueitha poxonaepae jiwi paca jutebina, barapo jiwi catsawiya nanta xeinaena xua Nacom pecui itorobixae xua daxota painya paca necajutebiwa tsane. <sup>3</sup> Barapo jiwi baxua pacata exanaena, tsipei jopa neyaputaeyo matauta Taxa tsipei jopa yaputaetsi. <sup>4</sup> Baraxua paca tsipaebatsi xua painya tana necayabara jume cananta xeinaewam tsane poxonaepae barapo matacabi tsane poxonaepae po mataqueitha jiwi abe pacata exanaena.

*Meje yabara po coyene xua Nacom pia Pejumope tñaxu tatsi exana*

“Poxonaepae aena tamropata pitaban tanacuichiwa baraxua jopa paca tsipaebatsi tsipei paca baru popoinchi. <sup>5</sup> Ichitha nama anoxuae baxua paca tsipaebatsi tsipei ponaein, xua Taxa beicha taecaewa tsane pon tana neitorobixae. Dapon aibi paxam jiwana pam pon neyainyaba xua nejei: ‘¿Eta xota ponaename?’ pon nejei, tsipei daxita pam bara pana neyaputaneme xua xota taponaeewa. <sup>6</sup> Nama anoxuae bichocono panthathu wecoyam tapaca tsipaebixae baxua. <sup>7</sup> Ichitha bara yatsicaya xainyeya paca tsipaebatsi. Baxua pacata wnaepae xua taponaeewa tsipei icha jopa ponaeinchipae, jopa neitacupaetsipae xua taitorobiwa Nacom pia Pejumope tñaxu tatsi xua painya nepaca cayawenaenexa. Icha ponaein barapo jumope pacata itorobinchi. <sup>8</sup> Poxonaepae Nacom pia Pejumope tñaxu tatsi patopeicaena, jiwi yabara yaputane cana

exanaeinchi pocotsiwa daxita jiwi abe peexanae cuiru coyenein exana. Matautano barapo Nacom pia Pejumope t̃nax̃ tatsi jiwi yaputane cana exanaeinchi xua xan saya xanepanaya Nacom tayabara paebin. Matautano barapo Nacom pia Pejumope t̃nax̃ tatsi jiwi yaputane cana exanaeinchi xua po coyene poxonae Nacom exanaena xua Nacom yabara paebina daxita jiwi xua penatsicuentisiwa xua abe peexanaexae. <sup>9</sup> Poxonae barapomonae abe peexanae cuiru coyene exana baxua tsita itapeinya xeina xua barapomonae jopa tana nejume cow̃ntsiwi. <sup>10</sup> Matautano jiwi yaputane cana exanaeinchi xua xan saya xanepanaya Nacom tayabara paebin, tsipei Taxa beicha ponaein yawa paxam jopa equeicha pana netaem tsane. <sup>11</sup> Matauta barapo Nacom pia Pejumope t̃nax̃ tatsi jiwi yaputane cana exanaeinchi xua po coyene poxonae Nacom exanaena xua Nacom yabara paebina daxita jiwi xua penatsicuentisiwa xua abe peexanaexae. Tsipei caena bayatha bapocotsiwa exana caurimonae pia pentacaponaeintha, pon jiwi j̃nt̃u coyene itorobatsi barapo cae pin nacuathe xua abe peexanaexa. Matautano Nacom bapontha cana exanaena xua bexa bapon weraweracaena.

<sup>12</sup> “Ichawa bequein xeinan xua tapaca tsipaebiwatsi ichitha anoxuae jopa paca itac̃paeyo xua painya neyaputaewa tsipei jopa paca coyene c̃paeyo. <sup>13</sup> Poxonae patopeicaena Nacom pia Pejumope t̃nax̃ tatsi, barapo pejumope t̃nax̃ paca tsipaebina daxita xua xuan pocotsiwa pexainyeiwa tsipei apara jopa paebi tsane xua pia coutha peichichipaewa. Saya paebina xua Nacom bayatha jume tainchi. Matautano barapo pejumope t̃nax̃ yabara yaputane paca cana exanaena pocotsiwa bexa tsane exanaena po cae pin nacuathe tsique. <sup>14</sup> Barapo Pejumope t̃nax̃ jiwi cana exanaeinchi xua jiwi w̃nae tana nejainchiwa tsane. Pocotsiwa xua paca tsipaebatsi, barapo pejumope t̃nax̃ xuya yaputane paca exanaena. <sup>15</sup> Daxita xua Taxa pocotsiwa xeina ir̃u apara xan tawa. Daxota paca jeiche: ‘Pocotsiwa tacuidubi coyenewa, barapo coyenewa barapo pejumope t̃nax̃ xuya equeicha paca cuidubina’, paca jeichi.

<sup>16</sup> “Caeto tsane jopa pana netaem tsane. Ichitha bexa tsane bapoxonae equeicha pana netaename. Bapoxonae pirapaeyo Taxa beicha ponaein”, jei Jesús pijimonaetha.

*Meje yabara poxonae Jesús jeye: “Bequein copiya pawecoyam tsane ichitha bexa equeicha paj̃nt̃u coyene weiweinaename”, jei Jesús*

<sup>17</sup> Bapoxonae ichamonae pomonae Jesús pijimonaetha tatsi caemonae nayainyaba, najei:

—¿Eta xua bapon naca tsipaebara? ¿Eta xua metha naca jei: ‘Caeto tsane jopa pana netaem tsane. Ichitha bexa tsane, bapoxonae equeicha pana netaename. Bapoxonae pirapaeyo Taxa beicha ponaein’, naca jei? <sup>18</sup> ¿Eta xua metha ‘caeto tsane’, jane? Jopa baxua yaputaetsi, najei.

<sup>19</sup> Jesús pijimonaetha yaputane xua pijimonaetha juntucuru yainyabatsi. Daxota pijimonaetha barai, jeye:

—Xuaunxuae paca jeichi: ‘Caeto tsane jopa pana netaem tsane. Ichitha bexa tsane bapoxonae equeicha pana netaename’, jan ¿baxua apara pana necayabara jume yainyabame? <sup>20</sup> Xaniyan paca tsipaebatsi. Tacoutha paxam pawecoyam tsane yawano paanth̃th̃rewem tsane poxonae ir̃u j̃nt̃u coyene weiweinaena pomonae jopa tana nejume cow̃ntsiwi. Bequein caeto pawecoyam tsane ichitha equeicha

pajuntũ coyene weiweinaename. <sup>21</sup> Poxonae yabũyo bũpana taecatſi pexuyo, poxonae imoxoyo naexanaena pexuyo, bapowa bichocono we-coyei. Ichitha poxonae bayatha pexuyo naexana, bapoxonae bapowa nacayabara jũntemaina xua bayatha yaporowa papai xua peatenexae. Daxota bapowa jũntũ coyene weiweina pexuyo bayatha penaexanaexae. <sup>22</sup> Bara jũta coyeneya paichim tsane. Poxonae tũpaein xua taponaenexa tsane, bequein pawecoyam tsane, ichitha panetaename poxonae aſun tsane xua ponaein Taxa beicha. Yawa bapoxonae pajuntũ coyene weiweinaename. Dapon aibi pon barapo jũntũ weiweinae coyenewa paca jũntũ coyene wejũntemaina cana exanaena.

<sup>23</sup> “Barapo mataqueitha, po mataqueitha Taxa beicha ponaein, equeicha bara nama jopa painya tana neyainyabiwam tsane. Saya meisa poxonae Taxa beicha pana newũn caununaya wũcaename, bara baxua daxita pacata exanaena. Baxuan pocotsiwa paca tsipaebatsi bara xainyan. <sup>24</sup> Caena bayatha xua beya anoxuae jopa pana newũn caununaya wũcaem Taxa beicha. Anoxuae nama pana newũn caununaya wũcaename Taxa beicha. Bara baxua pacata exanaena xua bichocono yatsicaya painya nejũntũ coyene weiweinaewa tsane”, jei Jesús pijimon-aetha.

*Meje yabara poxonae Jesús jeye: “Xan amanayabaxubin pon jiwi jũntũ coyene itorobatsi po cae pin nacuathe”, jei Jesús*

<sup>25</sup> Equeicha Jesús barai pijimona, jeye: “Pocotsiwan xua bayatha paca tsipaebatsi, bara paeban pecayabara jũta pepaebi diwesixitha. Ichitha barapo matabi patopaena, po mataqueitha jopa paca tsipaebi tsainchi pecayabara jũta pepaebi diwesixitha. Barapo mataqueitha bara Nacom yabara jume penhiya paca tsipaebinchi. <sup>26</sup> Barapo mataqueitha pana newũn caununaya wũcaename Taxa beicha. Jopa paca tsipaebichi xua Taxatha tapacata wũcaewa tsainchi tsipei apara bara painya coya paca itacũpa. <sup>27</sup> Taxa paca antobe pata tana neantobemxaem yawa pata tana nejume yabara cowũntſixaemxae xua xan bara yatsicaya Taxa wetsica ponan. <sup>28</sup> Taxa pia xainya wetsica ponan xua tapatopaewa tsane po cae pin nacuathe tsique. Ichitha anoxuae barapo cae pin nacue cuenta ponan xua equeicha Taxa beicha taponaewa tsane”, jei Jesús pijimonaetha.

<sup>29</sup> Nexata Jesús pijimonaexae baraichichi, jeye:

—Anoxuae bara yatsicaya jume penhiya pana netsipaebame. Jopa paebim pecayabara jũta pepaebi diwesixitha. <sup>30</sup> Anoxuae payaputan po coyene xua bara daxita neyaputaewan. Matautano payaputan xua jopa pata nantawenonaewa xua paxan pata paca cayainyabiwatsi. Daxota pajume cowũntan xua xam bara yatsicaewa Nacom wetsica neponaein, jeichichi Jesús pijimona.

<sup>31</sup> Jesús jume barai pijimona, jeye:

—jAnoxuae matapainya pana nejume cowũntame! jei Jesús. <sup>32</sup> Bara nama imoxoyo matabi patopa, po mataqueitha tsana paracũpaename poxonae jiwi paca yotabina. Paxam pana necuentaracũpaename. Daichitha xan jopa companyo tsane tsipei Taxa neyanta bayatha. <sup>33</sup> Daxita baxuan paca tsipaebatsi painya nejũntũ coyene weiweinaenexam tsane tapana necayawa jinompaexaem tsane. Poxonae cataunxae pajinompaename po cae pin nacuathe jiwi paca atene exanaena poxonae abe paca cana exanaena. Daichitha jũntema pajinompare. Tsipei xan

amanayabaxubin pon jiwi jũntũ coyene itorobatsi po cae pin nacuathe, jei Jesús pijimonaetha.

## 17

### *Meje yabara poxonae Jesús pijimonaetha Paxatha*

<sup>1</sup> Poxonae Jesús baxua najume weta xua pijimonaetha tsipaeba, bapoxonae Jesús itaboco necoicha. Paxatha tsipaeba jeye: “Axa, aunxuae patopaena xua poxonae jiwi tsita itũtsiname xua xan, apara bara Nexanton, pon taainya cuin. Bapoxonae jiwi tsita itũtsin xua xam jinya neainya cuim. <sup>2</sup> Xam, Nexantonxaein, daxita jinya neitorobi coyenewa necatame xua taitorobinexa tsane jiwi. Daxita po jiwi necatame, po jiwi tana nejume cowũntsiwi, barapo jiwi catsin peajũntũyapũsũwa, po peajũntũyapũsũwa ataya tsiteca. <sup>3</sup> Axa, yatsicaya compam xam Nacom, irũ xan Jesucriston compan ponxaein neitorobame po cae pin nacuathe tsique. Pomonaetha nejume cowũnta irũ xuano cajume cowũntano, barapomonaetha xeinaena peajũntũyapũsũwa, po peajũntũyapũsũwa ataya tsiteca.

<sup>4</sup> “Po cae pin nacuathe exanan xua jiwi wũnaetha necajainchiwa. Bayatha wetan xua bayatha necui itorobame xua taexanaewa tsane. <sup>5</sup> Axa, anoxuae equeicha ainya cui neexande neitabaratha, icha matha neichim poxonae caena bayatha ainya cui neexaname neitabaratha poxonae nexantha poponan poxonae cataunxuae po cae pin nacue jopa forotsinyo.

<sup>6</sup> “Pomonaetha bayatha itapetame, pomonaetha nejume cowũnta, barapomonaetha yabara cuiduban xua xam cayabara paebatsi. Barapomonaetha bara jinyamonaetha yawa nepuna pona exaname. Barapomonaetha bara xanepanaya exana xua pocotsiwa itorobame. <sup>7</sup> Pocotsiwan xua xan paeban xuano xua exanan, daxita baxuan exanan tana necatsimxae jinya pexeinya ayapũsũ itorobi coyenewa. Anoxuae daxita baxuan barapomonaetha yaputane. <sup>8</sup> Pocotsiwan necuidubame xuya barapomonaetha cuiduban. Daxita baxuan barapomonaetha yabara nejume jejei. Barapomonaetha yaputane xua xan bara yatsicaya xam wetsica ponan. Mataũtano yaputaneno xua xam tana neitorobiwam.

<sup>9</sup> “Cawũcatsi barapomonaetha nexa xua neyawenaewa tsane barapomonaetha. Apara jopa yabara cawũcaetsi pomonaetha jopa nejume cowũntsiyo xua neyawenaewa tsane. Saya jame yabara cawũcatsi pomonaetha tana necatsixaemxae pomonaetha jinyamonaetha. <sup>10</sup> Daxita pomonaetha xua jinyamonaetha apara tamonaerũ. Daxita irũrũ pomonaetha xua tamonaetha, apara jinyamonaerũ. Ichamonaetha wũnaeya necayabara nanta xeina xua xan ainya cuin tsipei xanepanaya jinompa, pomonaetha tana nejume cowũntsi jiwi.

<sup>11</sup> “Xan jopa poponaetha tsane po cae pin nacuathe tsipei ponaein nexainya beicha xua tapoponaenexa nexantheicha. Nama barapomonaetha jopa daichiyo, saya po cae pin nacuathe dubenanaebiyaena. Axa, xam ponxaein bichocono nejũntũ coyene xanepanaetha tsaim. Pomonaetha bayatha tana necatsixaemxae barapomonaetha bebere jinya neayapũsũ neitorobi coyenewatha xua barapomonaetha jopa pejũntũ coyene cui itorobinexa tsainchi xua abe peexanaewa tsane xua cairimonaetha pia pentacaponaein tatsi jũntũ coyene cui itoroba. Bapoxonae barapomonaetha be caein cana naexanaetha waantobexaetha

barapomonaē icha ichichibe xua be caein naexainchibe. <sup>12</sup> Poxonaē cataunxuae poponan po cae pin nacuathe, apara xan bebeteiban barapomonaē jinya neayapusū neitorobi coyenewatha pomonaē tana necat-sixaemxae. Barapo tamonaēxae beta bebetan yawa jopa copatsinyo xua ichūn tana newepu aichurucuaewa, saya meisa caein nexubina barapomonaē jiwana. Daxota bapon bewa tūpaena tsipei bichocono peajūntūcoyeneyapubein. Bapon abe exana tsipei caena bayatha ne-jume diwesitha bapon yabara paebatsi po coyeneya xua bapon tana necana exanaewa tsane.

<sup>13</sup> “Anoxuae xan ponan nexainya beicha ichaxoteicha ecame. Ichitha daxita baxuan paeban poxonaē cataunxuae po cae pin nacuathe poponanje xua barapomonaē bichocono pejūntūcoyene weiweinaenexa, po pejūntūcoyene weiweinaewa bayatha xeinan. <sup>14</sup> Nejume diwesi catan barapo tamonaē. Ichitha barapo tamonaē inta casebatsi ichamonaē tsipei barapo jiwi po cae pin nacuathepiwi. Barapo tamonaē nama po cae pin nacuathepiwi aibi, icha ichin xua xan po cae pin nacuathepin aibin. <sup>15</sup> Apara jopa cawūcaetsi xua barapo tamonaē nenotsinexa po cae pin nacue weye. Saya apara cawūcatsi xua barapomonaē nebe-betsinexa caurimonaē pia pentacaponaein tatsi pecuiyainwa. <sup>16</sup> Icha xan ichin xua po cae pin nacuathepin aibin, barichi barapo tamonaē jopa barapo cae pin nacuathepiwiyo. <sup>17</sup> Nejume diwesi, apara po diwesi nexainyei diwesi jume. Poxonaē barapo tamonaē jume tane baxua barapomonaē catame xua pejūntūcoyene weiweinaewa xua peexanaewa tsane pocotsiwa ichichipame. <sup>18</sup> Icha neichim xua neitorobame pomonaetha pomonaē jopa jume cowūntsiyo, barichin pomonaē tana nejume cowūntsiwi itoroban pomonaetha pomonaē jopa tana nejume cowūntsiwi. <sup>19</sup> Najūntūcoyene catan nexainya beya tha xua exanaetsi pocotsiwa ichichipame. Baxua exanan tsipei antobein tamonaē. Exande xua barapomonaē irū penajūntūcoyene catsinexa nexainya beya xua pia peexanaewa tsane pocotsiwa ichichipame. Baxua peexanaenexa tsane pexeinaexae nejume diwesi, po diwesi nexainyei jume diwesi.

<sup>20</sup> “Jopa meisa cawūcaetsi barapo tamonaē nexa, apara yawano irū yabara cawūcatsi pomonaē bexa nejume cowūntsiwa poxonaē jume taena tajume diwesi xua poxonaē pepaebixae tsane barapo tamonaē. <sup>21</sup> Cawūcatsi xua barapomonaē be caein penaexanaenexa xuano xua cae penanta xeinaeya nacana barū cayawa nanta xeinaenexa tsainchibe. Baxua exanatsibe barapomonaetha icha neichim xua neyantame xuanano xua xam cayantatsirū. Poxonaē barapomonaē be caein nacayawa naexana ponaeinchibe, bapoxonaē ichamonaē yabara jume cowūntsiwa xua xam bara yatsicaya tana neitorobiwam. <sup>22</sup> Barapo tamonaē peainya cui coyenewa catan, po peainya cui coyenewa xam necatame xua barapomonaē be caein penaexanaenexa icha ichichibe xua bara caein naexanatsibe. <sup>23</sup> Xan tamonaē yantan irū xam neyantame, tsipei daxitatsi be caein naexainchi daxota barapomonaē yatsicaya bara be caein naexana. Bapoxonaē daxita jiwi cui yaputaena xua xam bara yatsicaya tana neitorobiwam. Matautano barapo jiwi cui yaputaena xua tamonaē antobem icha ichim xua neantobem.

<sup>24</sup> “Axa, necatame barapo tana nejume cowūntsiwi. Ichipan xua barapomonaē pomonaē tana nejume cowūntsiwi ponaena ichaxoteicha taponaeewa tsane xuano xua pia petaenexa tsane taainya cui coyenewa

xua necatame. Tsipei caena bayatha neantobem poxonae cataunxuae jopa forotsiyo po cae pin nacue. <sup>25</sup> Axa, pon bichocono nejuntu coyene xanepanaem. Pomonae jopa tana nejume cowantsiwi jopa pepa jinyamaeyo tsipei jopa cayaitaeyo. Ichitha xam bara cayaitainchi. Pomonae tamona, pomona tana nejume cowantsiwi barapomona neyabara yaputane xua xam tana neitorobiwam. <sup>26</sup> Barapomona pomona tana nejume cowantsiwi yabara yaputane exanan xua xam cayabara paebatsi. Ab<sub>u</sub> cataunxuae awiya baxua exanaein xua jinya necaantobenexa tsane icha neichim xua neantobem. Matautano barapomona ataya yaitata poponeibin”, jei Jesús poxonae Paxa tsipaeba.

## 18

*Meje yabara poxonae Jesús waetabatsi*  
(Mt 26.47-56; Mr 14.43-50; Lc 22.47-53)

<sup>1</sup> Poxonae Jesús najume weta xua poxonae Paxa tsipaeba, bapoxona pomonae Jesús pijimonaexae tatsi Jesús bar<sub>u</sub> pona. Jesús bar<sub>u</sub> pona foto iya icha muxunene beya, po foto cataunxuae ira tsewa. Barapo foto pew<sub>an</sub> Cedrón. Barapo icha muxunene beya umena xua ponaein pe<sub>abi</sub> naein, baxota Jesús pijimonae bar<sub>u</sub> patopa. <sup>2</sup> Judas, pon Jesús caenaetatsi, bapon yaputane barapo momiyo tsipei baxota matha matowa Jesús pijimonae bar<sub>u</sub> nacaetuteiba. <sup>3</sup> Judas patopa ichaxota Jesús pijimonae bar<sub>u</sub> uncua. Judas bar<sub>u</sub> pona soldadomonae ir<sub>no</sub> policiamona, po policiamona pomona Nacom pin pia bo peyabara umenaewi. Daxita barapomona, pomona Judas bar<sub>u</sub> patopa fariseomona itoroba ir<sub>u</sub> sacerdotemona pia pentacaponae wi tatsi itorobar<sub>u</sub>. Daxita barapomona cusin capona. Ir<sub>u</sub> ichamona lamparan capata ir<sub>u</sub> ichamona banaxuton capata. <sup>4</sup> Bequein Jesús tsiwana yaputane barapomona xua po coyene pecana exanaewa tsainchi, ichitha Jesús itataya yawa yainyaba, jeye:

—¿Jintam pawenawenam? jei Jesús.

<sup>5</sup> Daxita barapomona Jesús jume notatsi, jeye:

—Apara Jesús Nazaret tomarapin pawenawenan tsompae, jei.

Jesús jume nota, jeye:

—Apara bara bapon uncuanje, jei Jesús.

Ir<sub>u</sub> Judas, pon Jesús caenaetatsi, baxota nauncuar<sub>u</sub>. <sup>6</sup> Poxonae Jesús, jeye: “Apara, bara bapon uncuanje”, jei, bapoxonae barapomona pe<sub>ama</sub> iyiya caibeya yawa xuirabathopa. <sup>7</sup> Equeicha Jesús yainyaba, jeye:

—¿Jintam pawenawenam tsompae? jei.

Equeicha barapomona, jeye:

—Apara, Jesús Nazaret tomarapin pawenawenan tsompae, jei barapomona.

<sup>8</sup> Nexata Jesús barai, jeye:

—Bayatha paca tsipaebatsiba: ‘Apara bara bapon uncuanje’, jan. Icha pana newenawenam bara tamona inta painta pu copabare, jei Jesús.

<sup>9</sup> Baxua exana tsipei caena bayatha Jesús jeye Paxatha: “Axa, barapo tamonaexae beta bebetan yawa jopa copatsinyo xua ich<sub>an</sub> tana newepu aichurucuaewa”, jei Jesús. <sup>10</sup> Bapoxonae Simón Pedro namara wejonta pia wato cusi. Simón Pedro muxuyoro catsoniba pon pew<sub>an</sub> Malco, po

muxuyoroto pecoxa werucuiya. Bapon Malco pon sacerdotemonae pia pepa pentacaponaein tatsi tanacuitatsi. <sup>11</sup> Jesús Pedro baraichi, jeye:

—Cusi jeinca pentacuerutha. ¿Eta pocotsiwa daxua daichim? ¿Xam ichipame xua jopa taexanaewa tsane pocotsiwa caena bayatha Taxa neitoroba xua bara bewa jiwi atene tana necana exanaewa? jei Jesús.

*Meje yabara poxonae Jesús uncuá Anás peitabaratha tatsi  
(Mt 26.57-58; Mr 14.53-54; Lc 22.54)*

<sup>12</sup> Bapoxonae soldadomonae iru soldadomonae pia pentacaponaein tatsi iruru policiamonae, po policiamonae pomonae Nacom pin pia bo peyabara umenaewi, daxita barapomonae Jesús waetabatsi yawa maxu cubatsi. <sup>13</sup> Bapoxonae Jesús capoinchi Anás pia bo tatsi beya. Bapon Anás Caifás paxuyo tatsi. Bapon Caifás barapo weitharu sacerdotemonae pia pepa pentacaponaein tatsi naexana. <sup>14</sup> Barapon Caifás, pon caena bayatha jei judiomonaetha: “Metha wuna xua bara caein piamonae yaitatsina pebexubinexatsi xua daxita piamonae tatsi jopa petajutebinexatsi”, jei Caifás xua bayatha paeba.

*Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús  
(Mt 26.69-70; Mr 14.66-68; Lc 22.55-57)*

<sup>15</sup> Simón Pedro iru ichun ponxaeru Jesús pijimonae tatsi jiwana Jestsutha napuna ponabe poxonae policiamonae Jesús capoinchi sacerdotemonae pia pepa pentacaponaein tatsi pia botha tatsi. Barapon pon ichun bapon yaitainchi xua sacerdotemonae pia pepa pentacaponaein tatsi yaitane. Daxota bapon sacerdotemonae pia pepa pentacaponaein tatsi pia pin pia bo panatha tatsi Jesús puna jonyatsi. <sup>16</sup> Nama Pedro aisowatha uncu pebupa juma werena. Daxota bapon pon ichun pana weya pona pebupa beya xua yabyo petsipaebinxatsi powayo yapu eeneiba pebupa. Bapon jeye: “Inta Pedro pu itorobarena xua bara jondenaena”, jei. Tsipei barapo sacerdotemonae pia pentacaponaein tatsi bapon yaitainchi daxota barapowa Pedro bara copatatsi xua bara jondenaena. <sup>17</sup> Nexata poxonae Pedro jondena, bapowa Pedro yainyabatsi, jeichichi:

—¿Bara xam, Jesús pijimonae tatsi caein jiwanamda? jeichichi Pedro.

Pedro jume nota, jeye:

—Jume, apara xan dapon aibin, jei Pedro.

<sup>18</sup> Yaitama iru aque tsuncuaeru daxota pomonae sacerdotemonae pia pepa pentacaponaein tatsi tanacuitatsi iru policiamonaeno, daxita barapomonae isoto itutaeta barapo panatha. Daxita barapomonae nonopumena barapo isototha. Pedro iru baxota nanonopuncuaru.

*Meje yabara poxonae sacerdotemonae pia pepa pentacaponaein tatsi Jesús matowa yainyabatsi  
(Mt 26.59-66; Mr 14.55-64; Lc 22.66-71)*

<sup>19</sup> Iruu bapoxonae sacerdotemonae pia pepa pentacaponaein tatsi tamropata pitaba xua Jesús matowa peyainyabiwatsi. Jesús jeichichi: “Jesús, ¿jintam baru jinyamonae? ¿Eta po diwesi cuidubame barapo jinyamonae?” jeichichi Jesús.

<sup>20</sup> Jesús jume nota, jeye:



—Caena bayatha daxita jiwi peitutha cueicueijan tsaibin. Judiomonae pia penacaeutusi bontha ataya cuidubeiban. Matautano Nacom pin pia botha ichaxota judiomonae nacaetuteiba, baraxotano ataya cuidubeiban. Bapana jopa jiwi wepu nameicha paebin xua pocotsiwa jiwi jopa tana nejume taenexa. <sup>21</sup> ¿Eta pocotsiwa metha nejume yabara yainyabame? Jame maisa moya yainyabare pomonae bayatha nejume tane. Moya barapomonae catsipaebina pocotsiwa bayatha tsipaeban barapomonae petanejume yaputaexae pocotsiwa bayatha tsipaeban, jei Jesús.

<sup>22</sup> Poxonae Jesús baxua najume weta, bapoxonae caein policiamonae jiwana pin pomonae baxota umena, po policiamonae Nacom pin pia bo peyabara umenaewi bapon Jesús jumata cuaintaxotsi. Yawa bapon Jesús jeichichi:

—¿Eta xua dapo jume paebame poxonae baxua jume notame sacerdotemonae pia pepa pentacaponaein tatsi? jei bapon.

<sup>23</sup> Jesús jume nota, jeye:

—Icha bara pocotsiwa abe paeban, moya netsipaebare xua abe. Ichitha icha xua wuna paeban, ¿eta pocotsiwa metha nexata nejumata cuaintaxubame? jei Jesús.

<sup>24</sup> Bapoxonae Anás Jesús yamaxa cubiya itorobatsi Caifás beya. Bapon Caifás sacerdotemonae pia pepa pentacaponaein tatsi naexana barapo weithara.

*Meje yabara poxonae equeicha Pedro Jesús yabara paebatsi: “Jopa dapon yaitaeinyo”, yabara jeichichi Jesús*  
(Mt 26.71-75; Mr 14.69-72; Lc 22.58-62)

<sup>25</sup> Poxonae baxuara, irara cataunxuae Pedro nanonopuncua. Barapoxonae barapomonae Pedro yainyabatsi, jeichichi:

—¿Xam apara Jesús pijimonae tatsi caein jiwana mda? jeichichi Pedro. Ichitha Pedro jume notsiya jeye:

—Jume, apara xan bapon aibin, jei Pedro. <sup>26</sup> Bapoxonae equeicha icha Pedro yainyabatsi pon sacerdotemonae pia pepa pentacaponaein tatsi tanacuitatsi. Pon Pedro yainyabatsi, bapon caein jiwana pomonae Pedro jiwana muxuyoro catsoniba. Bapon Pedro yainyabiya jeichichi:

—Xam bayatha caena catainchi poxonae Jesús paca bara pona momiyo beya. ¿Bara methara? jeichichi Pedro.

<sup>27</sup> Pedro equeicha jume notsiya jeye:

—Jume, jopa dapon yaitaeinyo, jei.

Bapoxonaera caena nainya wacara pebto fiba.

*Meje yabara poxonae Jesús uncua Pilato peitabaratha tatsi*  
(Mt 27.1-2, 11-14; Mr 15.1-5; Lc 23.1-5)

<sup>28</sup> Caemumbotha Jesús capoinchi Caifás pia bo weya pon jiwi peyanacua ewatsinchi pin pia bo tatsi beya, pon pewan Pilato. Ichitha judiomonae jopa joniyaeyo barapo botha pon jiwi peyanacua ewatsinchi pin pia bothaxae tatsi. Judiomonae pia janta coyene cui xeina xua jei: “Judiomonae jopa bewa nanacaetutsi pomonae jopa be judiomonae naexanaeyo pia bothaxae tatsi po mataqueitha poxonae imoxoyo Pascua wan matacabin xua poxonae jiwi penabanaewanexa pexaewa”, jei. Tsipei icha baxua exanaetsipa pia coutha najanta coyene taxobichipa yawa barapomonae jopa itacupaetsipaetsi xua pexaewa xaena, po pexaewa poxonae xane Pascua wan matacabintha. <sup>29</sup> Daxota

Pilato aisowa bejoniya pia bo weya xua petsipaebinxatsi pomonae pesatotha umena. Pilato jeye barapomonaetha:

—¿Eta pocotsiwa painya yabara netsipaebichi bapon xua abe peexanaewa? jei.

<sup>30</sup> Barapomonaetha Pilato jume notatsi, jeye:

—Icha bapon jopa abe exanaetsipae, metha bapon jopa caponaetsipaetsi nexantha, jei barapomonaetha.

<sup>31</sup> Nexata Pilato barai jiwi, jeye:

—Paxam papire bapon, barompaya painya neitorobi coyenewatha payabara paebare xua penatsicuentsiwa xua abe peexanaexae, jei Pilato.

Barapo judiomonaetha jume nota, jeye:

—Ichitha paxan judiomonaetha pan, romanomonaetha pia peitorobi coyenewa jopa pana copatsiyo xua ichan pacui itoroban xua jiton pebexubi-watsi xua poxonaetha abe peexanaexae, jei judiomonaetha.

<sup>32</sup> Baxua exana tsipei bayatha Jesús tsiwanaya nayabara paeba po coyeneya jiwi poxonaetha Jesús pebexubiwa tsainchi. <sup>33</sup> Bapoxonaetha Pilato equeicha pia pin pia bo bejoniya yawa Jesús wabatsi, jeichichi:

—¿Xam judiomonaetha itorobiya pia pepa Neewatsin? jei Pilato.

<sup>34</sup> Jesús jume nota, jeye:

—¿Apara jincoya necayabara cananta xeinaeya yainyabame? Apara ichan yabara necatsipaebixae baxua, ¿daxota barapo jumetha neyainyabame? jei Jesús.

<sup>35</sup> Pilato jume nota, jeye:

—Jopa taeinyo tsipei aparta xan judiomonaepin aibin. Aparta jinya nacuamonaepiwi iru sacerdotemonaetha pia pentacaponaewi tatsi, aparta barapomonaetha cacaenaeta taxantha. ¿Eta pocotsiwa metha exaname? jei Pilato.

<sup>36</sup> Nexata Jesús jume nota, jeye:

—Taitorobi coyenewatha jopa itorobinyo jiwi po cae pin nacuathe. Icha baxua exanaetsipan, bara nexata tamonaetha neyawenaetsipa xua judiomonaetha jopa tana newaetabinexa. Ichitha taitorobi coyenewatha jopa itorobinyo jiwi po cae pin nacuathe, jei Jesús.

<sup>37</sup> Nexata Pilato Jesús jeichichi:

—¿Apara xam pon jiwi itorobiya pia pepa Neewatsin? jeichichi Jesús.

Jesús jume nota, jeye:

—Aa, aparta bara xan bapon pon jiwi itorobiya pia pepa Taewatsin xuaunxuae bara paebame. Daxota naexanan po cae pin nacuathe yawa patopan tapaebinexa xua pocotsiwa pexainyeiwa yatsicaewa. Daxita pomonaetha ichichipa xua pejume cowantsiwa xua barapo pexainyei jume, barapomonaetha bara nejume tane, jei Jesús.

<sup>38</sup> Pilato Jesús baraichi, jeye:

—¿Eta pocotsiwa metha pocotsiwa pexainyeiwa? jei Pilato.

*Meje yabara poxonaetha Pilato jume baru jejei xua Jesús bara pebexubiwa tsainchi ichamonaetha*

(Mt 27.15-31; Mr 15.6-20; Lc 23.13-25)

Poxonaetha Pilato baxua yainyaba, bapoxonaetha Pilato equeicha aisowa bejoniya xua equeicha judiomonaetha petsipaebinxatsi. Pilato barai judiomonaetha, jeye:

—Xan jopa jume itaraerowinyo bapon xua po jumetha nayaita anae exanaena xua pebexubinxatsi. <sup>39</sup> Ichitha paxam painya cui paxeiname xua ba caein tapacata isanaxubiwatsi pomonae jiwi pecabi botha nobatsi poxonae xua po mataqueitha Pascua wɛn matacabintha. ¿Bara anoxuae pacata saya pu copatinchi pon judiomonae itorobiya pia pepa peewatsinchi? jei Pilato.

<sup>40</sup> Nexata barapo judiomonae jume daunweya wawai, jeye:

—¡Jume, jopa dapon isanaxubinde! ¡Maisa jame Barrabás isanaxore! jei barapo judiomonae.

Barapon Barrabás, pon bichocono jiwi pecaibi.

## 19

<sup>1</sup> Nexata Pilato najume caitoroba xua Jesús bara pecuainchinexatsi xua pocotsiwatha eewa xua bichocono amɔpiya xua xota ba jiwi cuainteibatsi poxonae abe exaneiba. Soldadomonae baxua exana. <sup>2</sup> Barapo soldadomonae Jesús mata xatatatsi pee tepa. Matautano bapoxonae Jesús pia paparuwa juma xuenatsi. Icha paparuwa juma xatatatsi po paparuwa tsobia. <sup>3</sup> Bapoxonae barapo soldadomonae Jesús imoxoyo cacuita umenarɛɛpatsi. Yawa Jesús cui caponaeya jeichichi:

—¡Jaina, maisa wɛnaem pon judiomonae itorobiya pia pepa Nee-watsin! jei barapo soldadomonae xua Jesús cui capoinchi.

Bapoxonae Jesús itabara cuaintatsi.

<sup>4</sup> Equeicha Pilato pesato bejoniya judiomonae beya. Pilato barai judiomonae, jeye:

—Matha pataema. Bapon pacata carenaeinchi, painya neyaputaenexa xua xan jopa jume taeinyo xua po jumetha penayaita anae exanaewa xua pebexubinxatsi barapo pebin, jei Pilato.

<sup>5</sup> Bapoxonae Jesús pee tepa pesato beyawa joniya. Yawa paparuwa yawa joniya po paparuwa tsobia. Nexata Pilato barai jiwi, jeye:

—¡Pataema xote uncue baponje! jei Pilato.

<sup>6</sup> Bapoxonae sacerdotemonae pia pentacaponaeawi tatsi irɛ policia-monae, poxonae daxita barapomonae Jesús taerɛɛpatsi, jume daunweya wawaya jeye:

—¡Naetotha bara tɔparucua bewa exanaem! ¡Naetotha bara tɔparucua bewa exanaem! jei barapomonae.

Pilato barai jiwi, jeye:

—Moya paxam jame bara papire, moya painya coya naetotha tɔparucua paexande. Yaitama xan apara jopa jume taeinyo po jumetha xua bapon penayaita anae exanaewa xua pebexubinxatsi.

<sup>7</sup> Ichitha judiomonae Pilato jume notatsi, jeye:

—Paxan pata taitorobi coyenewa paxeinan. Bapon pia coutha Namcom Pexanto tatsi natsicotane daxota bapon bewa tɔpaena tsipei pata taitorobi coyenewa baxua peyabara paebixae, jei judiomonae.

<sup>8</sup> Poxonae Pilato baxua jume tane, Pilato nama bichocono equeicha junuwa. <sup>9</sup> Equeicha Pilato Jesús caibe maxɛ coniyatsi bo beya. Baxota Pilato Jesús yainyabatsi. Jesús jeichichi:

—¿Eta werenapim xam? jei Pilato.

Ichitha Jesús jopa jume notsiyo. <sup>10</sup> Nexata Pilato Jesús baraichi, jeichichi:

—¿Eta pocotsiwa jopa nejume notsim? ¿Apara xam jopa neyaputaem xua xeinan taitorobi coyenewa xua tana neitacupaewa xua jiwi taitorobiwa xua tupaerucua necaexanadutsiwa naetotha? Matautano xeinan taitorobi coyenewa po coyene xua jiwi taitorobiwa xua saya necapu sotabiwa, jei Pilato.

<sup>11</sup> Jesús jume nota, jeye:

—Icha Nacom jopa cacatsipae barapo peitorobi coyenewa metha ichamonae jopa itorobimchipae xua ichamonae abe tana necana exanaewa. Daxota pon necanaeta xamtha bapon jame bichocono abe exana beyacaincha xam xua abe necana exaname, jei Jesús.

<sup>12</sup> Poxonae baxua Pilato jume taeba, bequein bichocono nanta xeina xua Jesús bara saya pepu sotabiwa tsainchi, ichitha junuwa poxoru judiomonae jume daunweya wawai. Barapomonae jeye:

—¡Icha xam bara saya, pu sotabame, apara romanomonae itorobiya pia pepa peewatsinchi bapon jopa pia jiton tsipaem! ¡Pon pia coutha naexana xua be natsicotane pon jiwi itorobiya pia pepa peewatsinchi, bapon apara romanomonae itorobiya pia pepa peewatsinchi bapon pia peaitafaetabinchi jitontsi! jei judiomonae.

<sup>13</sup> Poxonae Pilato baxua jume taeba, bapoxonae ecoundeca ichaxota pia coutha cayabara cananta xeinecaeya cueicueije tsequeibi jiwi. Bapon baxota eca yawa najume caitorobeca xua bara berena Jesús pecarendenaenexatsi ichaxota Pilato eca, po pia peecaethopae tutu ibo pana tatsi hebreo jumetha, “Gabata”, jei. Baraxua jei: “Pefaratsiwa ibowa pana”, jei. <sup>14</sup> Bapoxonaer<sub>u</sub> barapo matacabi tsuxubir<sub>u</sub>, po matacabi copiya tsiwanaya ducua Pascua w<sub>un</sub> matacabi. Barapo mataqueitha judiomonae pexaewa xaxaintajeba xua Pascua w<sub>un</sub> matacabi nexa xua baya tsane. Poxonae mateinyaxae tsuxubi, bapoxonae Pilato barai judiomonaetha, jeye:

—¡Incane pataema pon itorobiya pepa painya Nepacacaewatsin! jei.

<sup>15</sup> Ichitha barapo judiomonae jume daunweya wawaya jeye:

—¡Maisa bara tupaena! ¡Bara naetotha tupaerucua exande! jei.

Pilato jume barai, jeye:

—¿Bara itorobin jampa xua pebexubiwatsi pon itorobiya pepa painya Nepacacaewatsin? jei Pilato.

Ichitha sacerdotemonae pia pentacaponae wi tatsi Pilato jume notatsi, jeye:

—Apara ich<sub>un</sub> jopa paxeinaeinyo pon jiwi itorobiya pia pepa Peewatsinchi. Jame saya meisa painta bara compa pon itorobiya pepa pata Neewatsin, bapon jame apara pon romanomonae itorobiya pia pepa Peewatsinchi, jei judiomonae.

<sup>16</sup> Barapo jumetha Pilato Jesús canacobena catatsi barapo judiomonaetha. Baxua Pilato exana xua Jesús bara tupa peexanaenexatsi naetotha. Bapoxonae barapo judiomonae Jesús pitatsi.

*Meje yabara poxonae Jesús tupaerucua exanatsi naetotha*

*(Mt 27.32-44; Mr 15.21-32; Lc 23.26-43)*

<sup>17</sup> Jesús bara pona, yawa pia naeto utucurapona, xua barapo naetotha pecobe matatabarutsinexatsi ichaxota po demxuwatha be jiton matasipa piwa. Barapo demxuwa caunuteiba xua jei tsaibi: “La Calavera”, jei. (Seicaya hebreo jumetha jei tsaibi: “Gólgota”, jei.)

<sup>18</sup> Barapo demxu matasoitha Jesús cobe matatabarutatsi naetotha. Iru

ainya pebinbe cobe matatabarutatsibe. Jesús tutiyotha yanaeto uncuca, ichun Jesús pecoxa weya tayanaeto uncuatsi iru ichun Jesús petsocona weya tayanaeto uncuatsi. <sup>19</sup> Pilato itoroba xua Jesús pentutu wetsica petarutsinexatsi napaeuyo. Barapo napaeuyotha jeye xua tinaduta: “Jesús, Nazaret tomarapin, pon judiomonae itorobiya pia pepa Peewatsinchi”, jei barapo petinae napaeuyotha. <sup>20</sup> Pinmonae judiomonae yoroba barapo petinadutsiwa tsipei ichaxota Jesús cobe matatabarutatsi imoxoyo itama tayeca tomara, po tomara pewun Jerusalén. Barapo petinae napaeuyotha, hebreo jumetha tina, griego jumetha tinano, iru latín jumetha tinano. <sup>21</sup> Daxota sacerdotemonae pia pentacaponaeawi tatsi, pomonae judiomonaexae, Pilato baraichi, jeye:

—Jopa jande ‘Pon judiomonae itorobiya pia pepa Peewatsinchi tatsi’, jopa jande. Jame maisa jande: ‘Ponje najei: Xan pon judiomonae itorobiya pia pepa Taewatsin, najei’, jande, jei sacerdotemonae pia pentacaponaeawi tatsi.

<sup>22</sup> Ichitha Pilato jume nota, jeye:

—Xuaunxuae tinadutan bara ducuaena, jei Pilato.

<sup>23</sup> Soldadomonae poxonae Jesús canacobena wetatsi xua cobe matabobatsi, bapoxonae nota Jesús pia paparuwan tatsi. Tsipei cuatro po soldadopinbe daxota nata tsaba xua cuatro poyobe nexa xua soldadomonae. Matauta dorouto Jesús juma wejontatsi, po dorouto ompareca, xua jopa epa xuxucaeyo. <sup>24</sup> Barapo cuatro poyobe xua soldadomonae caemonae natsipaeba, najei:

—Jopa tsana nata epa tsitsicae tsainchi. Jame metha xanepana xua ibotixi bebeya tsainchi. Bapoxonae yaputaeinchi xua pon ibotiyo beta xoya, moya copiya pichina, jei.

Baxua barapomonae exana peyabara cui wunae tsiwanaya jeixae pon Nacom peitorobi jume pepaebin. Bapon jeye Cristo yabara, Nacom Pejume Diwesitha: “Tapaparuwan nata tsabina yawa ibotixi bebeya tsane penacueranta notsinexa tsane tapaparuwan”, jei pon Nacom peitorobi jume pepaebin. Bara baxua exana barapo soldadomonae.

<sup>25</sup> Jesús pena tatsi imoxoyo uncuca ichaxota Jesús ducua. Barichi Jesús pena tatsi iru pamcho tatsi baxota umena. Barichi icha María, powa Cleofas piowa tatsi baxota uncuca. Barichi icha María, powa María Magdalena, powa Magdala tomarapiwayo, baxota uncuca. <sup>26</sup> Poxonae Jesús taenota pena yawa poxonae taenota pon bichocono Jesús antobe, pon pijimonae jiwanapin bapoxonae Jesús barai pena, jeye:

—Ena, taema bapon nexanto cata uncuareque, jei Jesús.

<sup>27</sup> Bapoxonae Jesús barai bapon, jeye:

—Incane taema barapowa, powayo enaxae, jei Jesús.

Bapoxonae barapowa barapon pena tsicotaeaya waba pia botha.

*Meje yabara poxonae Jesús tupa*

*(Mt 27.45-56; Mr 15.33-41; Lc 23.44-49)*

<sup>28</sup> Bapoxonae pirapaeyo Jesús yaputane xua bayatha yabara jume cui wetatsi xua bayatha Nacom Pejume Diwesitha paeba. Matautano xua Jesús penajume cui yabara wetsinexatsi xua bayatha Nacom Pejume Diwesitha yabara tsiwunae paebatsi, bapoxonae Jesús jeye:

—Meratsipan, jei.

<sup>29</sup> Baxota juruwato eca xua yawa eca vino mera, po mera atsu. Nexata barapo soldadomonae esponjatha mene yutsiya capita. Bapoxonae

Jesús naewatha tadutatsi yawa tayoichatsi pecoiboto deca. <sup>30</sup> Jesús tsutsubiya apa barapo vino mera. Bapoxonae jeye:

—Bara daxita neyabara jume cui weta, jei Jesús.

Bapoxonae Jesús nawisi jetataba. Tupaanaicha.

*Meje yabara poxonae soldadomonaepin Jesús epa catsitsinaxubiya cawhichatsi dejonatha*

<sup>31</sup> Cataunxuae barapo matacabi po matacabitha poxonae judiomonae pewnaeaya nacui wnaeta pia pentaquei seicae matacabi tatsi nexa. Barapomonae jopa ichipaeyo xua came naetotha dubenaena po pebiwi naetotha werapa poxonae jopaena barapo pentaquei seicae matacabi, po matacabi peainya cui matacabixae. Barapo pentaquei seicae matacabi, po matacabi tamropata pitaba xua Pascua wun matacabin. Judiomonae jopa ichipaeyo xua pejontsiwa pepon naetotha barapo pentaquei seicae matacabitha. Daxota barapo judiomonae Pilato jume itorobatsi, jeye: “Soldadomonae itorobare xua petopa janacaenexa tsainchi pomonae naetotha dubena xua nainya barapo pebiwi tupa peexanaenexatsi. Matauta itorobare xua barapo pebiwi naeton wetsica penotsinexatsi icha xaniwaicha daxita barapo pebiwi bayatha werapa”, jei barapo judiomonae.

<sup>32</sup> Nexata soldadomonae bara beya pona. Yawa barapo soldadomonae copiya topa janaxuba ichun pon Jesús icha muxunene wetarucuiyatsi. Bapoxonae equeicha ichun topa janaxotsi pon Jesús icha muxunene wetarucuiyatsi. <sup>33</sup> Poxonae soldadomonae imoxoyo umenarucupa ichaxota Jesús ducua, bapoxonae Jesús tainchi xua bayatha Jesús tupa. Daxota barapo soldadomonae Jesús jopa topa janaxuichi.

<sup>34</sup> Ichitha caein barapo soldadomonae jiwana, bapon Jesús epa cawhicha catsitsinaxubiyatsi dejonatha. Bapoxonae caena nainya jana othoparena yawano mera othoparenano. <sup>35</sup> Xan, Juan, baxuan daxita tan pocotsiwa soldadomonae Jesús cana exanatsi. Daxota pocotsiwa xua baxua paeban bara xainyan, xua daxota painya tana nejume cowantsinexam. <sup>36</sup> Barapomonae baxua exana tsipei bayatha Nacom Pejume Diwesitha Cristo yabara tsiwanaya jeichichi: “Jopa piwa janaxubi tsainchi bapon xua matauta cae piwano”, jei Nacom Pejume Diwesitha. <sup>37</sup> Matautano icha jume diwesitha xua Nacom Pejume Diwesi, jeye: “Necoichaeinchi pon xua cawhichatsi”, jei Nacom Pejume Diwesitha.

*Meje yabara poxonae Jesús petupaepin ibo muthutha yauxatatabotatsi (Mt 27.57-61; Mr 15.42-47; Lc 23.50-56)*

<sup>38</sup> Bapoxonaeru pebin, pon pewun José, pon Arimatea tomarapin, bapon Jesús iru jume cowantatsi. Ichitha José baxua jopa nayopichiyo ichamonaetha xua Jesús pejume cowantsiwatsi, tsipei judiomonae jume cunuwatsi. Bapon José copiya Pilato muxu tsipaebiya jeichichi, jeye:

—Nejume baru jejande tha jontichi Jesús petupaepin naeto wetsica, jei José.

—Bara moya taema, jei Pilato.

Daxota José bara beya pona. Bapoxonae José jonta naetotha Jesús petupaepin. <sup>39</sup> Iruru ichun napon Jesús pia muthutha. Bapon pewun Nicodemo, pon matha Jesús siwa poinchi merawi. Daxota bapon Nicodemo patopa xua José peyawenaenexatsi. Bapon Nicodemo capatopa treinta po kilobe xua pocotsiwa pebeno, po beno xua tuxuei.

Barapo benoŧha muxunaxuba po petuxuei nain pewun mirra, xuano xua icha petuxuei nainwano po petuxuei nainwa pewun áloe. <sup>40</sup> Bapoxonae José iru Nicodemo pitabe Jesús petupaen. Yawa paparuwatha petuxuei beno muxuna capanaboınca mata quiyontabicabe. Baxua exanabe, tsipei judiomonae pia cui coyene xeina xua poxonae pon petupaen canacui wanae wetatsi poxonae namuthuqueiba. <sup>41</sup> Imoxoyo ichaxota Jesús po demxuwatha tupa, baxota peubi naein umena. Barapo peubi naein uniyotha ibo itapatororotha muthu boca pena muthu, po muthutha cataunxuae jopa muthutha xubichi petupaen ichun. <sup>42</sup> Barapo pena muthutha Jesús boyatsi, tsipei barapo pena muthu imoxoyo boca ichaxota Jesús tupa. Matauta tsipei quirei tsanaicha xua poxonae patopa pentaquei seicae matabi, po mataqueitha judiomonae jopa nacuchiyo.

## 20

*Meje yabara poxonae Jesús equeicha asu juina exanatsi petupae cuiru coyene weya*

(Mt 28.1-10; Mr 16.1-8; Lc 24.1-12)

<sup>1</sup> Bapoxonaeru domingo matabi jopa, po matabi xua copiia ducua cae semanatha. Bapoxonae caemambotha poxonae cataunxuae quiriquirica, bapoxonae María Magdalena, powa Magdala tomarapiwayo, muthutha patopa ichaxota Jesús boca. Barapowa tane xua muthu yapusauncua xua bequein ichamonae yapu xatatabanota pin ibo panawatha. <sup>2</sup> Bapoxonae barapowa nainya pata taxainya becuinaerena ichaxota Simón Pedro uncuu iru xan, Juan, baxota uncuan ponxaein Jesús bichocono neantobe. Yawa pana nejei:

—Cou Jesús petupaen pitatsi, pon Wanacanamataxeinaein. Jopa payaputaeyino ichaxota equeicha botatsi, pana nejei.

<sup>3</sup> Bapoxonae Simón Pedro, iru xan Juan, muthu bepaiyanbe. <sup>4</sup> Bara beya pana nacuaa cuinayanbe. Ichitha xan, Juan, bichocono bichoinan beyacaincha Pedro. Daxota muthutha patopan copiia. <sup>5</sup> Yawa muthu beya nabuxu tsutiya necobiyan. Paparuwa tan xua iratha boca, po paparuwatha Jesús petupaen mata quiyontabatsi, ichitha jopa joniyaeyino. <sup>6</sup> Bapoxonae Simón Pedro tacoya werena cotacaya patopa. Bapoxonae muthu joniya. Barichi barapon barapo paparuwa tane xua iratha boca. <sup>7</sup> Matautano taneno po paparuwatha Jesús matasipa quiyontababotatsi. Barapo paparuwa nanta quiyontabiya tsanaya boca. <sup>8</sup> Bapoxonae xan, ponxaein copiia patopan, iru joniyan muthu iya. Poxonae daxita baxuan tan, bapoxonae nainya jume cowantan xua Jesús bayatha asu. <sup>9</sup> Bayatha jopa payaputaeyino Nacom Pejume Diwesi, po diwesitha xua xota bapon yabara paebatsi po coyene xua bapon bewa asu tsane petupae coyene cuiru weya. <sup>10</sup> Nexata xan, Juan, iru Simón Pedro caibe panawianbe bo beya.

*Meje yabara poxonae Jesús María tsita naitutatsi, powayo Magdala tomarapiwayo*

(Mr 16.9-11)

<sup>11</sup> María Magdalena, Magdala tomarapiwayo, powa pana tsiwun caya, bapowa equeicha caiberena muthutha patopa. Barapowa muthu coiboto juma weya wecoyei tsuncuae. Poxonae wecoyei tsuncuae nantanuweya nabuxu japasota necobiya muthu iya. <sup>12</sup> Bapoxonae bapowa tane ponbe matatsunpinbe xua ecabe ichaxota bayatha Jesús botatsi petupaen.

Barapo matatsunpinbe po paparuwa apiya nama xatatabe pemainya paparuwa. Icha matatsunpin eca Jesús pentasipa coyo deca tatsi. Icha matatsunpin eca Jesús pia pesito coyo deca tatsi. <sup>13</sup> Barapo matatsunpinbe María yainyabatsi, jeichichi:

—María, ¿eta xua metha wecoyam tsauya? jei.

María jume nota, jeye:

—Yaitama cou Tanecanamataxeinaein pet<sub>u</sub>paein pitatsi. Jopa taeinyo xua equeicha xota botatsi pet<sub>u</sub>paein, jei María.

<sup>14</sup> Poxonae bapowa najume wetsiya paebaxoya, xuano xua poxonae napatomeicha necotaxoya, bapoxonae pebin taenotatsi ichitha bapowa jopa yaputaeyo xua apara bapon Jesús. Ichitha bapowa Jesús jopa yaitaetsi. <sup>15</sup> Nexata Jesús María yainyabatsi, jeichichi:

—Ja, ¿eta pocotsiwa came wecoyam tsauyam? ¿Jintam wenawenam? jei.

Barapowa nanta xaina xua mexeya itara pon pe<sub>u</sub>bi naein yapu eenawei. Daxota bapowa, jeye:

—Icha xam bayatha pitame pet<sub>u</sub>paein pon Tanecanamataxeinaein, incane netsipaebare xua equeicha exota botame. Tha bapoxonae pet<sub>u</sub>paein equeicha pitichi, jei María.

<sup>16</sup> Nexata Jesús barai, jeye:

—María, jei.

María equeicha napatomeichaxuba. Yawa hebreo jumetha jeye:

—¡Rabuni! jei (po jumetha xua jei: “Pon jiwi Necuidubin”, jei).

<sup>17</sup> Jesús jume nota, jeye:

—Jopa nejayatabinde tsipei cataunxuae jopa ponaeyo ichaxota Taxa equiya. Jamaisa ponde, paebareno tajimonaetha xua xan paeban xua jan: ‘Taxa beicha ponaein, po Taxa painya Axa iru’, jan. ‘Barapon Nacom, Tanacom iru paxam painya Nacom’, jan xua, jei Jesús.

<sup>18</sup> Barapoxonae María Magdalena, powa Magdala tomarapiwayo, tsiw<sub>u</sub>n caya Jesús pijimonae tatsi beya. Bapowa tsipaeba xua bayatha tane pon Pecanamataxeinaein jiwi. Yawano tsipaebano daxita pocotsiwa Jesús paeba bapowatha.

*Meje yabara poxonae Jesús pijimonae tsita nait<sub>u</sub>tá*

*(Mt 28.16-20; Mr 16.14-18; Lc 24.36-49)*

<sup>19</sup> Barapo mataqueitha poxonae cataunxuae awiya domingo, bapoxonae merawi Jesús pijimonae tatsi nacaetuta. Tsipei judiomonaey cui cunuwatsi daxota bo bichocono boupa daunwei exana. Nexata Jesús barapo tututha patopa. Yawa pijimonae peitabarayo deca tauncua. Pijimonae jacobiya jeye:

—Maisa j<sub>u</sub>ntema pajinompare, jei Jesús.

<sup>20</sup> Poxonae Jesús baxua najume weta bapoxonae tsita nacobe wan it<sub>u</sub>tá pijimonae yawa naepa wan it<sub>u</sub>tá. Poxonae Jesús pijimonae taer<sub>u</sub>c<sub>u</sub>patsi bichocono j<sub>u</sub>nt<sub>u</sub> coyene weiweina petaexaetsi Jesús pon barapomonae Pecanamataxeinaexaetsi. <sup>21</sup> Pirapaeyo equeicha Jesús pijimonae barai, jeye:

—Maisa j<sub>u</sub>ntema pajinompare. Icha Taxa neichi xua neitoroba bara paca ichichi paca itorobatsi, jei Jesús.

<sup>22</sup> Nexata bapoxonae Jesús pijimonae matatsun ofutaba, jeye:

—Nacom pia Pejumope t<sub>u</sub>nax<sub>u</sub> tatsi bara paca yantsina, jei.

<sup>23</sup> Pomonaey xua pacui cayabara j<sub>u</sub>ntemainame abe pia peexanae



cuiru coyenein tatsi, bara barapomonae Nacom iru cayabara cui jantemainaena abe pia peexanae cuiru coyenein tatsi. Pomonae jopa pacayabara cui jantemainaem abe pia peexanae cuiru coyenein tatsi, bara barapomonae Nacom iru jopa cayabara cui jantemainaeyo abe pia peexanae cuiru coyenein tatsi, jei Jesús.

*Meje yabara poxonae Tomás tane xua Jesús equeicha asu*

<sup>24</sup> Tomás, bapon Jesús pijimonae tatsi jiwana. Bapon icha wan Gemelo, po wan xua jei: “Nama naexanabe pexuyobe”, jei. Barapon Tomás jopa naecaeyo poxonae Jesús pijimonae tsita naitata.

<sup>25</sup> Pirapae poxonae Jesús napitaba ichamonae pomonae Jesús pijimonae tatsi Tomás tsipaebatsi, jeichichi:

—Paxan Jesús, pon Wanacanamataxeinaein, patan, jeichichi Tomás.

Ichitha Tomás jume nota, jeye:

—Jopa jume cowantsinyo baxua. Jopa bejume cowantsinyo icha jopa cobe wan taeinyo xua penain wan, xuano xua icha jopa jayabinyo tacobetha. Matautano jopa bejume cowantsinyo icha jopa yene wan jayabinyo, jei Tomás.

<sup>26</sup> Poxonae ocho po matabibibe yapucaewa xua icha domingotha, bapoxonae equeicha bomuxatha nacaetuta Jesús pijimonae tatsi. Bapoxonaeru Tomás jame naeca. Bequein bomuxu boupa bichocono daunwei exana ichitha Jesús jonarena. Pijimonae peitabarayo deca tauncua. Yawa jacobiya jeye:

—Maisa jantema pajinompare, jei Jesús.

<sup>27</sup> Bapoxonae Jesús jeye Tomás beya:

—Moya necobe wan jayabare xua penain wan. Moya taema xua nantiyabe tacobe wanbe. Yawano neyene wan jayabare. Jopa ainya muxu xeinaeinde. Moya maisa nejume cowande, jei Jesús.

<sup>28</sup> Nexata Tomás jume nota, jeye:

—Jaina, deta Tanecanamataxeinaem! ¡Yawa Nacom, Tanacom! jei Tomás.

<sup>29</sup> Jesús jume nota, jeye:

—Tomás anoxuae nejume cowantame tanetaemxaem. Ichitha pomonae bequein jopa netaeyo xua daichitha nejume cowanta, barapomonae bichocono juntu coyene weiweina, jei Jesús.

*Meje yabara xua eta pocotsiwa metha yabara tina barapo diboro*

<sup>30</sup> Jesús ainya coyenein matowa pijimonae peitatha exaneiba pexeinya petsita itatsi coyenewan. Daxita barapo coyenein awiya yabara seica xua jopa yabara tinaeinyo barapo diborothe. <sup>31</sup> Daxita xua xuan pocotsiwa yabara tinan po diborothe apara xua baxuan painya yabara jume cowantsinexam tsane xua Jesús apara bara Mesías. Matautano yabara tinan xua painya yabara jume cowantsinexa xua Jesús apara Nacom Pexanto tatsi. Matautano yabara tinan xua painya nexainaenexa tsane peajuntu yapusawa, po peajuntu yapusawa xua ataya tsiteca xua poxonae pajume cowantsiname Jesús.

## 21

*Meje yabara poxonae Jesús tsita naitata siete poyobe pomonae pijimonaxae tatsi jiwana*

<sup>1</sup> Bapoxonae pirapae equeicha Jesús pijimonae tsita naituta Tiberias pucua itapatha. Poxonae pijimonae tsita naituta poxonae aparta ichi: <sup>2</sup> Jesús pijimonae tatsi nacaetuta. Barapo matabaxuyobe meje: Simón Pedro, iru Tomás pon icha wan Gemelo, iru Natanael Caná tomarapin, po tomara eca Galilea nacuatha, iru xan, Juan, iru taeweicho xua Zebedeo pexantobe tatsi panbe, iru ichunberu. Daxita barapo matabaxuyobe pan panacaetutan Tiberias pucua itapatha. <sup>3</sup> Simón Pedro pana jei:

—Tha duwei yamonaetsi, jei.

Paxan pajanje:

—Paxan iru paca puna ponaeinchi, pajan.

Bapoxonae jeratha daxita panonobabiyan. Ichitha barapo merawitha jopa duwei pataeinyo, bequein payamonan. <sup>4</sup> Poxonae baya pentha tsina, Jesús pana tsita naituta pitapathiya, tuwatha payana dubendenan. Ichitha paxan jopa payaitaeinyo xua bapon aparta Jesús. <sup>5</sup> Nexata Jesús pana nebarai:

—Incane, ¿jopa pataem duwei? jei Jesús.

—Jume, duwei aibi, pajan.

<sup>6</sup> Nexata Jesús pana barai, jeye:

—Jera coxa beya bara bepaxoyama peyacamonaewa. Bapoxonae pacapirenaename duwei, jei Jesús.

Baxua paexanan. Pirapae jopa pana itacupaeyo xua patajutaxorenaewa peyacamonaewa, poxoru pin duwei tunto pacapirenan. <sup>7</sup> Nexata xan, Juan, ponxaein bichocono Jesús neantobe, Simón Pedro baran, janje:

—Aparta bapon Jesús, pon Wanacanamataxeinaein, jan.

Poxonae Simón Pedro nejume taeba, bapoxonae paparuwa xua nama xuenabota nainya yacuinaya nama xatataba. Bapoxonae mene weitata jopiya. <sup>8</sup> Ichitha paxan pomonae jopa paraichinyo jeratha pajebounan. Barapo jera be conotha taju tuwatha berucuarena saya cien metrobe xeina. Bewayo pajeboundenan tsipei peyacamonaewa mentha yawa ducuaona pin duwei tunto. <sup>9</sup> Poxonae jera wepanonobabiyan, bapoxonae isoto patan xua barapo isototha duwein yataboya yawano xua pan boquiya. <sup>10</sup> Jesús pana barai, jeye:

—Painta xawena duwei xuaunxuae pacaebouname, pana jei.

<sup>11</sup> Simón Pedro jeratha nontabiya. Yawa taetabo itapa bejutabotsina peyamonaewa xua bichocono wanca duwei. Ciento cincuenta y tres po duwei matabaxumonaebe. Bequein duwei bichocono wanca daichitha jopa ucupanaiyo peyacamonaewa. <sup>12</sup> Nexata Jesús pana barai, jeye:

—Antha matha paxaema, pana jei.

Paxan jiwana dapon aibi pon peyainyabinexa, pon pejeinexa: “¿Jintam xamda?” pon jei, tsipei daxita paxan payaitan xua bapon aparta pon Patatanecanamataxeinaein. <sup>13</sup> Bapoxonae Jesús isoto bepoinya pepichinexa pan. Bapoxonae pana necatsiba yawa duwei pana necatsiba.

<sup>14</sup> Baxua exana poxonae nama acoibi po cuiyobe xua Jesús pana netsita naituta xua poxonae equeicha asu popona petapae cuiru coyene weya.

*Meje yabara poxonae Jesús baru cueicueijei Simón Pedro*

<sup>15</sup> Poxonae pana nain wetan xua Jesús pana apata, bapoxonae Simón Pedro, Jesús yainyaba, jeye:

—Simón, pon Juan pexantom, ¿bichocono neantobem, beyacaincha xua po pebiwe neantobe? jei.

—Aa, Tanecanamataxeinaem, bara caena bayatha neyaputaneme xua tacaantobewatsi bichocono, jei Pedro.

Jesús barai, jei:

—Icha neantobem, inta tamonae tana nejume cowantsiwi yawende, icha pon ovejaxi pe-eenaen ichi xua yawena ovejaxi, jei Jesús.

<sup>16</sup> Equeicha Jesús barai Pedrotha, jeye:

—Simón, pon Juan pexantom, ¿bichocono neantobem? jei.

—Aa, Tanecanamataxeinaem, bara caena bayatha neyaputaneme xua bichocono tacaantobewatsi, jei Pedro.

Jesús jume nota, jeye:

—Icha neantobem, inta tamonae tana nejume cowantsiwi yawende, icha pon ovejamonae pe-eenaen ichi xua yawena ovejamonae, jei Jesús.

<sup>17</sup> Equeicha acoibi po jume cuiyobe Jesús barai Pedrotha, jeye:

—Simón, pon Juan pexantom, ¿bichocono neantobem? jei.

Pedro juntá coyene wecoyei yaitama Jesús yainyaba acoibi po jume cuiyobetha. Pedro jeye Jesustha:

—Tanecanamataxeinaem, bayatha caena daxita yaputaibame. Matautano yaputanemeno xua tacaantobewatsi, jei Pedro.

Jesús jume nota, jeye:

—Icha neantobem, inta tamonae pomonae tana nejume cowantsiwi yawende, icha pon ovejamonae pe-eenaen ichi xua yawena ovejamonae. <sup>18</sup> Xaniyan catsipaebatsi poxonae matha cataunxuae pewowim jinya paparuwa bara jincoutha namaxatabeibame. Matautano matha bara poneibame xua ichaxota ba ichichipa neponaewa. Ichitha poxonae perum tsane, ichamonae camaxá cubiya yotsina. Ichán paparuwa cama xatatsina. Ichamonae camaxá caponaena ichaxota jopa ichipaem xua neponaewa, jei Jesús.

<sup>19</sup> Poxonae Jesús baxua paeba Pedro wñae tsiwanaya cui yaputane exainchi xua jiwi eta bichi tsane poxonae Pedro bexubinchi. Matautano Jesús tsiwanaya cui yaputane exana xua jiwi Nacom wñae jainchinchí xua poxonae jiwi taena xua po coyene cuirutha xua poxonae Pedro tupaena peexanaexae pocotsiwa Nacom itoroba. Bapoxonae Jesús jeye Pedrotha:

—¡Bara ataya yacuiya poponare xua tamonae jítom! jei Jesús.

*Meje yabara poxonae Jesús neyabara paeba ponxaein xua Jesús bichono neantobe*

<sup>20</sup> Poxonae Pedro napatomeicha necota, bapoxonae netaenota xua punauncuan ponxaein Jesús bichocono neantobe. Xan apara bapon pon bayatha matha imoxoyo Jesús caquita xunaecan, poxonae matha jan: “Tanecanamataxeinaem, ¿jintam pon cacaenaetapaeba?” ponxaein matha jan. <sup>21</sup> Poxonae Pedro netane, bapoxonae jeye Jesustha:

—Tanecanamataxeinaem, ¿incane ponje tsanerú? jei Pedro.

<sup>22</sup> Jesús Pedro jume notatsi, jeye:

—Icha xan tacoutha ichichipan xua bapon Juan bara ataya asú poponaena beya poxonae xua equeicha caewa patopeicaein po cae pin nacuathe, baxua jopa apara cata ainya cuiyo. Jamaisa xam bara ataya yacuiya poponde po coyene xua tamonae jítom, jei Jesús.

<sup>23</sup> Daxota Jesús pijimonaē tatsi, barapomonaē neyabara tsiwun capana pijimonaetha xua xan jopa tatupaewa tsane. Ichitha Jesús jopa paebiyo xua jopa tatupaewa tsane. Saya apara jei: “Icha xan tacoutha ichichipan xua bapon bara ataya asu poponaena beya poxonaē xua equeicha caewa patopeicaein po cae pin nacuathe, baxua jopa apara cata ainya cuiyo”, jei Jesús.

<sup>24</sup> Xan, Juan, ponxaein xua Jesús yabara paeban. Daxita pocotsiwa xua xuan paeban, apara pexainyeiwan. Matauta barapo diborothe xan apara tinan, pon Juan tsocuaein. Bara paichim daxita xua xuan tinan payaputanemeru xua baxuan apara bara pexainyeiwan.

<sup>25</sup> Awiya cui yapu seica xua tayabara tinaewa pocotsiwa Jesús daxita exana. Icha daxita diwesin tsana yabara titiniyaetsipan pocotsiwa Jesús exana, metha barapo diboron jopa po cae pin nacue tsijuntutu canaupaetsipaetsi.

Baja Juan.

## Po Coyenein Jesucristo Pia Peitorobiwi Tatsi Pexeinya Coyenein Exana

*Meje yabara xua Lucas yabara tina xua Nacom yabara tsiwuna mu xu duta xua itorobina jiwitha pia Pejumope tñaxu tatsi.*

<sup>1</sup> Xam, Teófilom, tajiton cata tinatsi. Bayatha copiya matha cain cata tinatsi icha diwesi. Barapo diwesitha yabara catsipaebatsi daxita po coyenewan xua Jesús exana. Cata tinatsi bayatha daxita xua po mataqueitha Jesús tamropata pitaba po coyene xua peexanaewa, matautano xua pecuidubiwano, xua beya yacui weraweracanaya po mataqueitha poxonae athabe juinya. <sup>2</sup> Poxonae pewunaeya tsane xua Jesús athabe icha, matha pia peitorobiwi itapeta. Jesús cuiduba barapomona xua Nacom pia Pejumope tñaxu tatsi pia peayapuswatha tatsi. Jesús cata barapomona po coyenewan xua Jesús petaxanaenexa tsainchi. <sup>3</sup> Poxonae Jesús equeicha asu, poxonae bequein tupa, bapoxonae Jesús tsita naituta barapomonaetha. Cuarenta po maticabibetha Jesús tsita naituba ducuaenaebiya barapomona. Petsita naituba ducuaenaebiyaexae pijimona, barapoxonae pijimona yaputainchi xua xaniwaicha bara petupaein equeicha asu. Jesús barapo pia peitorobiwi yabara cuiduba po coyene Nacom waba jiwí petanaexanaenexatsi pijimona pomona itorobiya peewatsixae.

<sup>4</sup> Poxonae cataunxuae awiya Jesús pia peitorobiwi baru nacaetuta ducuaenaebiya, Jesús barai, jeye:

—Abu jopa paponaeinde Jerusalén tomara weya. Paeware xua Nacom Taxa bayatha yabara paca tsiwuna mu xu duta. Taxa namchi: ‘Tajumope tñaxu itorobicaein’, jei. Baraxua bayatha paca tsipaebatsi. <sup>5</sup> Barapon Juan bautisaba u meratha. Ichitha tsiwiyo bayiyo hexa tsane Nacom pia Pejumope tñaxutha tatsi paca bautisabina. Pacata patsina Nacom pia Pejumope tñaxu tatsi painya paca baru poponaenexa tsane, jei Jesús pijimonaetha.

*Meje yabara poxonae Jesús athabe icha*

<sup>6</sup> Poxonae Jesús pia peitorobiwi baru nacaetutatsi Jesús yainyabatsi pia peitorobiwi, jeichichi:

—Jesús, pata Necanamataxeinaem, ¿methaunxuae anoxuae exanaename xua Israel nacuapiwi equeicha xeinaena itorobiya pia pepa peewatsinchi? jeichichi Jesús pijimona.

<sup>7</sup> Jesús jume nota pijimona, jeye:

—Paxam jopa paca itacupaeyo xua painya neyaputaewa po dapae poxona Nacom peexanaewa tsane baxua, matautano xua po mataqueitha poxonae peexanaewa tsane. Saya meisa Taxa xeina peayapusu itorobi coyenewa, po peayapusu itorobi coyenewatha xua peexanaewa baxua. <sup>8</sup> Poxonae Nacom pia Pejumope tñaxu tatsi pacata patsina painya nepaca baru poponaenexa xua bapoxonae peayapusuwa painya nexeinaenexa. Tajume diwesi painta papaebiname Jerusalén tomaratha, Judea nacuathano, Samaria nacuathano, daxita carepaya tajú nacuantha, jei Jesús.

<sup>9</sup> Poxonae Jesús baxua najume weta, Jesús athabe caichatsi Nacom. Jesús pia peitorobiwi taeumeinyatsi. Barapomonae tsaquinaebowa tane xua Jesús matawacaicha duneicatsi. Equeicha Jesús jopa taetsi. <sup>10</sup> Poxonae awiya came barapomonae necotumeinya itaboco, barapomonae jemeicha caquita umenaracupatsi pon xua nacueyatabe, ponbe xua pemainya paparuwa penama xatatsinbe. <sup>11</sup> Baraponbe Jesús pijimonae tatsi baraichi, jeye:

—Ja, pomonae Galilea nacuapiwi pam, ¿eta xua metha came awiya paitaboco necotumeinyame? Bapon Jesús, pon xuaunxuae athabe icha painya xamtha, bexa tsane equeicha patopaetsica, barapocotsi jata coyeneya ichi tsane ichaunxuae aunxuae icha ichi, poxonae athabe icha.

*Meje yabara poxonae Jesús pia peitorobi jiwi tatsi Matías itapetatsi Judas pecoutha petanacuichiwa tsainchi*

<sup>12</sup> Barapoxonae Jesús pia peitorobi jiwi tatsi demxuwa weiyiya po demxuwa pewun Olivo demxuwa xua Jerusalén tomara be-iyiya. Poxoru Jerusalén tomara imoxoyo daxota barapomonae itacupatsi xua peponaewa Jerusalén tomara beya demxuwa weya bequein bara judimonae pia pentaquei seicae matakabi tatsi saya poxoru Moisés pia peitorobi coyenewatha baxua peyabara copatsixae. <sup>13</sup> Poxonae Jesús pia peitorobiwi tatsi pareca Jerusalén tomaratha, athabe jujuinya po tututha athawetsica jinompa. Baraxota jinompa Jesús pia peitorobiwi tatsi pewun Pedro, iru Juan, iru Santiago, iru Andrés, iru Felipe, iru Tomás, iru Bartolomé, iru Mateo. Iru popona ichun Santiago pon Alfeo pexanto tatsi. Iru popona ichun pon pewun Simón. Barapon Simón celotemonae jiwana pin. Barapo celotemonae pomonae ba ichichipa xua pexeinaewa barompaya pia pecanamataxeinaeinchi. Iru popona ichun pon pewun Judas pon Santiago pexanto tatsi. <sup>14</sup> Daxita barapomonae iru Jesús peyapin jiwi tatsi baru nacaetuteibatsi, xua pebaru tsipaebeibinexatsi Nacomtha. Iru Jesús pena tatsi, bapowa María, iru ichowaxi yabaxi baru nacaetuteibatsi xua pebaru tsipaebeibinexatsi Nacomtha.

<sup>15</sup> Nexata caentacabi Pedro nontapona ichaxota ena pomonae xua Jesús pejume cowantsiwi. Barapo bicheito be ciento veinte poyobe. Barapomonae Pedro barai, jeye: <sup>16</sup> “Tamona pam, pomonae iru painya nejume cowantsiwixae Jesús. Bewa nayabara jume cui wetsina po coyene bayatha Nacom namchi xua pejume diwesitha yabara tsiwanaya paeba. Bayatha caena David cueicueijeji exanatsi Nacom pia Pejumope tanaxu tatsi xua Judas cui coyene caunutatsi xua pinae Jesús waetabinchi pomonae Judas matakapona. <sup>17</sup> Bara Judas yatsicaya pata jiton petain pana nabaru nacuitan barapo penacuichiwa. <sup>18</sup> Poxonae Judas Jesús caenaetatsi, sacerdotemonae pia pentacaponaewi tatsi Judas catatsi paratixi. Pirapae sacerdotemonae pia pentacaponaewi tatsi bapo paratixitha Judas petupaein tsicomotatsi ira. Judas iratha jopeica poxonae tupa yawa coto tsitecatsi, unu pichatecatsino abe peexanaexae. <sup>19</sup> Nexata pomonae Jerusalén tomaratha pejinompaewi, barapomonae jume tane pocotsiwa Judas exana. Daxota barapomonae barapo ira wun duta po wun jei: ‘Acéldama ira’, jei. Barapo jume, barapomonae pijumetha xua jei: ‘Pejana ira’, jei”, jei Pedro. <sup>20</sup> Equeicha Pedro barai barapomonae pomonae pejume cowantsiwi, jeye: “Salmos penaxunae wei diwesitha Judas petupaexae yabara paeba, jeye: ‘Pia bo tatsi tausaya bo tauncuaeinchi.

Jopa ichun ecae tsane baxota', jei.

Matautano namchino:

'Equeicha pecoutha tanacuitinchi ichun',  
jei Salmos penaxunae wei diwesitha,  
xua Judas yabara", jei Pedro.

<sup>21</sup> Nexata Pedro equeicha namchi, jeye: "Xote waxantha jinompa pebiwi pomonae matha cain pana nepuna jinomparu poxonae Jesús pon Wanacanamataxeinaein pana nebaru jinompa daxita pan. <sup>22</sup> Barapo pebiwi taneno xua Juan Jesús pebautisabiwatsi. Yawa barapo pebiwi taneno xua poxonae Jesús cataunxuae exana ducunaebiya pocotsiwa xua pewunaewan. Matautano barapo pebiwi taneno poxonae Jesús yantacabi jopa po mataqueitha poxonae athabe juinya. Bewa wabichipatsi caein barapo pebiwi jiwana, pon pecui yaputaein po coyene Jesús equeicha asu popona. Bapon iru pana puna cueicueije tsane xua po coyene Jesús equeicha asu pepoponaewa", jei Pedro barapo pejume cowantsi jiwitha.

<sup>23</sup> Barapomonae pomonae pejume cowantsi jiwi najiwana itapeta ayunbe. Ichun pewun José Barsabás, pon icha wun Justo. Iru ichun pewun Matías. <sup>24</sup> Nexata barapomonae Jesús athabeicha tsipaebatsi, jeye: "Nacom, pon jiwi Necanamataxeinaem. Daxita jiwi nejuntu coyene yaputaein. ¿Incane methara ponbe jiwana pon xua ichichipamera, pon xua cuita itapeta ichichipame? <sup>25</sup> Barapon iru penaexanaenexa jinya neitorobi jiton pon xuya Judas pecoutha petanacuichinexatsi. Judas tupa nacabeta abe peexanaexae. Judas pona ichaxota po nacuatha jopa nacoicha duntsiyo isoto", jei barapomonae.

<sup>26</sup> Nexata barapomonae wun jiyatabaxuba ibotiyobe. Nexata saya Matías wun naitataraba. Daxota bapon Matías itapeta cuita wabatsi. Matías once pomonaeyobetha napona pomonae Jesús pia peitorobi jiwi tatsi.

## 2

*Meje yabara poxonae Nacom pia Pejumope tuxaxu tatsi patopeica pomonaetha pomonae Nacom pejume cowantsiwi*

<sup>1</sup> Pentecostés matakabi tsuxubi, po mataqueitha xua poxonae jiwi tsinacaetuteiba penabanaenexa pexaewa peyabara nanta xeinaexae xua pexaewa naweta. Barapo matakabitha daxita pomonae Jesús pejume cowantsiwi bara cae botha nacaetuta. <sup>2</sup> Barapo mataqueitha barapomonae busi tane, pebusi po busi xua be joibo busi po busi xua busi nainya naetaba itaboco wetsica. Barapo busi daxita bo tutu canaura ichaxota barapomonae nacaetuta. <sup>3</sup> Barapoxonae barapomonae tsita naitapeinya xeinatsi xua be peebato jumope coichan. Barapo peebato jumope coichan daxita carepaya barompaya barapomonae jajayababa tsiniya taenatsi. <sup>4</sup> Barapoxonae daxita carepaya barapomonae juntu coyene yacatsi Nacom pia Pejumope tuxaxu tatsi pia peayapusu itorobi coyenewa tatsi. Matautano daxita barapomonae barompaya tsanaya icha jumeintha cueicueije xua be po jumetha Nacom pia Pejumope tuxaxu tatsi cueicueije cana exana barapomonae po jumein xua jopa yaputaeyo.

<sup>5</sup> Barapo matakabintha, iruru pinmonae judiomonae pata Jerusalén tomaratha, po judiomonae i dapocotsi nacuan werena peponaewi xua penataenexa Pentecostés wun matakabi poxonae tsinacaetuta pexaewa

penabanaenexa. Barapomonaē bichocono pejume cowantsiwi Nacom.  
<sup>6</sup> Barapo ayei bicheitomonaē pomonaē judiomonaē barapomonaē busi tane xua po busi, busi duneica ichaxota nacaetuta pomonaē barapon Jesús pia pejume cowantsiwichi tatsi. Barapo judiomonaē jume tane xua daxita barapomonaē barompaya pia jumexitha cueicueijeji xua judiomonaē pia pejume tatsi. Bapoxonaē barapomonaē nanacaetuta Jesús pejume cowantsiwitha. Barapomonaē pomonaē judiomonaē najantũ coyene cabenaeca. Yawa jopa yaputaeyo xua peyabara nanta xeinaewa baraxua tsipei daxita barapomonaē pomonaē Jesús pejume cowantsiwichi barompaya judiomonaē pijumexitha tatsi cueicueijeji.  
<sup>7</sup> Daxita barapomonaē pomonaē judiomonaē najantũ coyene cabenaeca. Nantiya caemonaē natsipaeba, jeye:

—jina, bara barapomonaē Galilea nacuapiwiba, pomonaē bequein barapomonaē jopa icha jumeintha pecueicueijeji jiwi xua wajumeintha pecueicueijejiwa!  
<sup>8</sup> ¿Eta pocotsiwa barapomonaē metha daxita barompaya tsanaya icha jumeintha cueicueijeji xua wajumeintha?  
<sup>9</sup> Xote jinompa Partia nacuapiwi irũ Media nacuapiwiba, irũ Elam nacuapiwiba. Barichi xote jinompe Mesopotamia nacuapiwi, irũ Judea nacuapiwiba, irũ Capadocia nacuapiwiba, irũ Ponto nacuapiwiba, irũ Asia nacuapiwiba.  
<sup>10</sup> Matautano barichi xote jinompa Frigia nacuapiwi, irũ Panfilia nacuapiwiba, irũ Egipto nacuapiwiba, irũ Libia nacuapiwiba pomonaē jinompa imoxoyo Cirene nacua. Matautano ichamonaē pata pomonaē Roma tomarapiwi.  
<sup>11</sup> Barapo Roma tomarapiwi icha judiomonaē pepa judiomonaē xua yacui naexana. Icha judiomonaē jopa pepa judiomonaeyo. Saya judiomonaē penaexanaewi, tsipei barapomonaē jume cowanta Nacom icha be judiomonaē ichi pomonaē pepa judiomonaē. Irũ pata ichamonaē Creta nacuapiwi, irũ Arabia nacuapiwiba. Ichitha daxita waxainchi jume tainchi xua Nacom pewunaewan exana peayapuswatha, poxoru barapo Jesús pijimonaē tatsi wajumeintha paeba, jei barapo judiomonaē.

<sup>12</sup> Daxita barapo judiomonaē najantũ coyene cabenaeca. Daxota barapomonaē jopa xaniwaicha yabara nanta xeinaeyo baxua. Barapomonaē caemonaē nayainyabiya, jeye:

—¿Eta pocotsiwa metha baxua jane? jei.  
<sup>13</sup> Ichamonaē saya jume cui capana. Barapomonaē namchi, jeye:

—jApara barapomonaē Jesús pijimonaē tatsi cãpaetsi! jei.

*Meje yabara poxonaē xua Pedro tsipaeba barapomonaē*

<sup>14</sup> Jesús pia peitorobiwi tatsi poyobe xua once poyobe, barapoyobe pia xantha tatsi Pedro nontapona. Matautano nontapona pepa bicheito itabaratha tatsi. Pedro jume daunweya barai barapo bicheitha, jeye: “Paxam, pomonaē Judea nacuapiwi pamxaem irũ daxita pomonaē Jerusalén tomarapiwi pamxaem, incane pana nejume taema, yabara paca tsipaebinchi xuaunxuae pajume taneme.  
<sup>15</sup> Barapo pebiwe xua Jesús pijimonaē tatsi apara jopa cãpaetsi xuaunxuae pacui yabara nanta xeiname. Apara awiya xometo caewa ecareca. Cataunxuae apara baya daxota jopa cãpaetsi.  
<sup>16</sup> Baraxua xuaunxuae anoxuae pajume taneme, caena bayatha Nacom pia peitorobi jume pepaebin yabara tsiwunaē muxu duta pon pewan Joel. Joel baraxua Nacom Pejume Diwesitha tina xua saya tatina, xua pinaē Nacom paeba.

<sup>17</sup> Jeyei Nacom:



‘Poxonae barapo cae pin nacuathe po matakabi  
opi weraweracaena, bapoxonae barapo  
matababitha daxita carepaya jiwitha  
najumope t̃nax̃u cayataxubiya catsibin.  
Painya nexanto jiwi ir̃u painya nexantixi  
neyabara cueicueijejei tsane pocotsiwa  
xua yaputane exanan.

Pewowi yatsicaya tsita nait̃uteibinchi  
be poxonae camaiteibina.

Pitiri jiwi camaiteibina poxonae amachinae tsane.

<sup>18</sup> Pomonae xua amanaya neyabara diwesi  
canantsipaebina, barapomonaethano  
najumope catsibin barapo matababitha,  
yab̃axithano, pebiwithano. Barapoxonae inta cueicueijejei tsane.

<sup>19</sup> Peitabocotha paca tsita it̃utsinchi po coyenein  
bichocono pew̃naewan xua jiwi bichocono  
naj̃nt̃u coyene cabenaeca exanatsi.

Iratha tsicano paca tsita it̃utsinchi po coyenein  
xua jopa juniya be pejana tsurucuae tsane, xuano  
xua jopa juniya be isoto tsurucuae tsane, xuano  
xua jopa juniya be nobo ts̃x̃u tsurucuae tsane.

<sup>20</sup> Poxonae patopaetsica pon jiwi Pecanamataxeinaein  
copiya baraxue panecotsiname xua xometo quiri  
jei tsane, jopa pentha tsurucuae tsane.

Yawa panecotsiname xua jomocoichato be  
janowa ducuaena.

Barapo matakabi w̃nae tsane poxonae pon jiwi  
Pecanamataxeinaein patopaetsica.

Barapo matakabi Nacom pepa peit̃upanae  
matakabi exanaena.

<sup>21</sup> Pomonae picoya penata w̃ucaewa Nacomtha xua  
Nacom peyawenaenexa tsainchi, barapomonae  
capanenebiya tsainchi Nacom’, jei Joel  
xua saya Nacom tapaebatsi”, jei Pedro.

<sup>22</sup> Equeicha Pedro barai barapomonae jeye: “Pomonae Israel  
nacuariwi pamxaem, incane pana nejume taema, xua paca  
tsipaebinchi. Jesús, pon Nazaret tomarapinxae bapon Nacom  
itoroba painya xantha. Bapon Jesús pew̃naewan exana pexeinya  
petsita it̃utsi coyenewanno Nacom pia peayapus̃watha tatsi, painya  
neyaputaenexa tsane xua Nacom yawena xua Jesús peyawenaewatsi.  
Paxam bayatha payaputaneme xua bapon tsita nait̃uba ducuaenebiya.

<sup>23</sup> Bayatha Nacom paca cui w̃nae tsiwanaya tane xua po coyeneya pata  
exanaename pexantotha tatsi. Nacom bara paca cui copata xua abe  
paexaname. Jesús pawaetabame painya caenaetsinexa tsane bapon  
peacuibe jiwitha. Barapomonae Jesús cobe matabobatsi naetotha yawa  
bexotsi. <sup>24</sup> Ichitha equeicha Nacom as̃u exana pexanto pet̃upae cuiru  
nacia weya. Nacom Pexanto capanepa pia peant̃uyapus̃watha barapo  
pet̃upae cuiru nacia weya, tsipei barapo pet̃upae cuiru nacia jopa  
xeinaeyo peayapus̃wa xua Jesús awiya pebotsiwatsi barapo pet̃upae  
cuiru nacuaetha. <sup>25</sup> Ir̃u David, Israel nacuariwi itorobiya pia pepa

peewatsinchi, caena bayatha tina Nacom Pejume Diwesitha. David tina Jesús jume yabara tatsi. David namchi, jeye:

‘Yaputan xua Tanecanamataxeinaein nebarũ

poponeiba daxita matakabi.

Bapon neyaweneiba.

Bapon nebarũ poponeiba daxota

jopa junuwin tsane.

<sup>26</sup> Daxota bichocono jũntũ coyene weiweinan.

Mataũtano daxota Nacom Pejume Diwesi

jũntũ coyene weiweinaya

cueicueijan ichamonaetha.

Bara bequein tũpaein, mũthũtha bocuaeinno,

ichitha jume cowũntan xua Nacom equeicha asũ

neexanaena pia peantũyapũwatha.

<sup>27</sup> Xam Nacom jopa punaxubim tsane tajumope

petũpae cuiru cuariyatha.

Poxoru xan jinya nexanton tajũntũ cui

xanepanaein daxota jopa benecopatsim

xua tatũpaein tuxamnuncuaein,

yawa xua tsabanuncuaein.

<sup>28</sup> Neita cui tsita itũbame beta xaniwaicha

tapoponaenexa tsane poxonae equeicha asũ

neexanaename petũpae cuiru nacua weya.

Nejũntũ coyene weiweina exaname tsipei

neyanta poponeibame’, jei David

xua saya Jesús tapaebatsi”, jei Pedro.

<sup>29</sup> Equeicha Pedro barai barapomona, jeye: “Tamona, daxota beta paca tsipaebatsi xua pinae David wamo susato nacuapin bayatha pinae

tũpa. Piamona mũthũtha xotsi. Awiya waxantha boca barapo mũthũ

ichaxota petũpaein mũthũtha xotsi. <sup>30</sup> Apra, barapon David, pinae Nacom peitorobi jume pepaebin. Bayatha pinae David nacana wũnae

tsiwanaya muxu tsidutatsi Nacom, xua pinae David pijimona tatsi jiwana pon jiwi Pecanamataxeinaein tatsi naexanaena. Barapon pon

Pecanamataxeinaein jiwi Israel nacuapiwi canamataxeinaeinchi icha cain bayatha David ichi poxonae canamataxeina barapo Israel nacua-

monae. <sup>31</sup> Bayatha pinae David yabara tsiwũnae muxu duta xua bexa tsane Nacom Mesías equeicha asũ exanaeinchi. Nacom Pexanto tatsi pon

David yabara jume jei, apra bapon Mesías. David namchi xua Mesías jeyei xua saya pinae David tapaeba: ‘Xam Nacom jopa punaxubim tsane

tajumope petũpae cuiru cuariyatha. Poxoru xan jinya nexanton tajũntũ

cui xanepanaein, daxota jopa benecopatsim xua tatũpaein tuxamnuncuaein yawa xua tsabanuncuaein’, jei David xua Mesías jeyei. <sup>32</sup> Pon

Mesías, pon xuaunxuae yabara paca tsipaebatsi apra bapon Jesús pon Nacom equeicha asũ exana. Baraxua paxan yatsicaewa pata cui taewi.

<sup>33</sup> Jesús asiya icha peecaenexa Nacom pecoxatha tatsi. Jesús pon jiwi pepa Pecanamataxeinaein exanatsi Nacom. Mataũtano Jesús nacana

jumope catatsi, Nacom. Barichi baxua xuaunxuae pataneme yawa pana nejume tanemeno xua daxita carepaya barompaya icha jumexitha pacueicueijan, baraxua Nacom pia Pejumope tũnaxũ tatsi pana cata.

<sup>34</sup> Poxoru David saya tũpa, jopa athabe ichiyo, icha be jopa Jesús ichiyo

poxonae athabe icha Jesús. Ichitha saya baxua David tapaeba Nacom, xua Nacom Mesías tsipaebatsi, jeye:

‘Nacom, Tanecanamataxeinaein baraichi.

Tacoxatha weya ecare.

<sup>35</sup> Ab<sub>u</sub> beya poxonae matapainya necaitafaetabi jiwi

pia Pecanamataxeinaein tatsi caexanaeinchi.

Barapomonae beexanaetsipa pocotsiwa xua xam

nepaebiwam’, jeye pinae Nacom xua Mesías

tsipaebatsi, jei David Nacom nexa”, jei Pedro.

<sup>36</sup> Equeicha Pedro namchi barapomonaetha: “Paxam, pomonae Israel nacuapiwi pamxaem. Anoxuae payaputaneme pon xua naetha t<sub>u</sub>parucua paexaname, Nacom exana xua bapon jiwi pia Pecanamataxeinaein tatsi naexana. Yawano Nacom naca itata caewata xua pon Mesías jei, pon Nacom itorobica petsit<sub>u</sub>paenexa jiwi, apara bapon Jesús”, jei Pedro.

<sup>37</sup> Poxonae daxita carepaya barapomonae baxua jume taer<sub>u</sub>c<sub>u</sub>pa bichocono j<sub>u</sub>n<sub>t</sub><sub>u</sub> coyene wecoyei tsur<sub>u</sub>c<sub>u</sub>pa. Barapomonae Pedro baraichi ir<sub>u</sub> Jesús pia peitorobi jiwi tatsi baraichi, jeye:

—Patamonae, ¿eta bewa pabichin tsane metha? jei.

<sup>38</sup> Nexata Pedro barapomonae barai, jeye:

—Icha j<sub>u</sub>n<sub>t</sub><sub>u</sub> coyene paxeinare Nacomtha painya neauraxae xua abe paexaname. Mata<sub>u</sub>tano daxita carepaya pam ichamonae paca bautisabina Jesucristo pew<sub>u</sub>n<sub>t</sub><sub>u</sub> xua Nacom pia paca necayabara j<sub>u</sub>n<sub>t</sub><sub>u</sub>temainaenexa xua abe painya neexanae cuiru coyenein. Barapoxonae Nacom paca nacana jumope catsibina. <sup>39</sup> Barapo peyabara tsiw<sub>u</sub>nae muxu dutsiwa apara paxam nexa, ir<sub>u</sub> muxuna daxita painya pexui nexano. Mata<sub>u</sub>tano pomonae taj<sub>u</sub> beya jinompa ir<sub>u</sub> barapomonae nexa. Barichi Nacom pon Wanacanamataxeinaeinxae, pomonae waba peantobexae barapomonae ir<sub>u</sub> nexa, jei Pedro.

<sup>40</sup> Barapo jumeintha yawa icha jumeintha Pedro tsipaeba barapomonae. Mata<sub>u</sub>tano Pedro bichocono muxuweta poxonae jeye:

—Po coyenein xua daxita abe peexanae cuiru coyenein paexaneibame, barapo coyenein pana nacui barapende, po coyenein xua daxita carepaya jiwi exaneiba, jei Pedro.

<sup>41</sup> Po matabitha poxonae Pedro paeba baxua barapo matabitha pomonae jume cow<sub>u</sub>n<sub>t</sub><sub>u</sub> xua Pedro paeba barapomonae bautisabatsi. Barapo matabitha tres mil po bicheito jiwimonaebe naexana xua pomonae copiya pomonae Nacom pejume cow<sub>u</sub>n<sub>t</sub><sub>u</sub>siwixaetsi barapomonae mataropeicha pinmonae naexanatsi. <sup>42</sup> Barapomonae nacuiduba nawita, xua Jesucristo pia peitorobi jiwi tatsi paeba. Barapomonae nacana cui nanta j<sub>u</sub>paya jinompa. Nacomtha nabar<sub>u</sub> tsipaebeibano. Nabar<sub>u</sub> nacaetuteibano xua penabar<sub>u</sub> epa janaqueibinexa pan xua penabar<sub>u</sub> xaibinexa. Barapomonae baxua exana dubenanaebiya xua Jesucristo peyabara nanta xeina dubenanaebiyaenexatsi po coyene xua Jesucristo bayatha icha ichi xua poxonae pan epa janaca.

*Meje yabara po coyeneya xua jinompa pomonae copiya Jesús pejume cow<sub>u</sub>n<sub>t</sub><sub>u</sub>siwi*

<sup>43</sup> Jesucristo pia peitorobiwi tatsi, barapomonae pexeinya petsita it<sub>u</sub>t<sub>u</sub>si coyenewan exana nawita Nacom pia peayapus<sub>u</sub>watha tatsi. Daxota

pomonaе jopa Jesucristo pejume cowantsiwichi, daxita barapomonaе junuwa, Nacom cunuwatsi poxonaе cui tane baxuan. <sup>44</sup> Daxita barapomonaе, pomonaе, Jesu’s pejume cowantsixaetsi, barapomonaе xaniwaicha caemonaе pebyaya nabaru jinompa. Matautano barapomonaе caemonaе nantiya nacatsiba dubenanaebiya pichiwixi pocotsiwan xua xeina. <sup>45</sup> Matautano barapomonaе daxitan pocotsiwan xua xeina caenaeta dubenanaebiya. Bapoxonaе barapo paratixi nata tsaba dubenanaebiya xua jopa pexeinaexae ichamonaе xua icha be pocotsi coyeneya pocotsiwan canantawenona ichamonaе. <sup>46</sup> Daxita carepaya barapomonaе nabaru nacaetuta dubenanaebiya Nacom pin pia botha. Matautano pia boxitha nabaru nacaetuta dubenanaebiya pan nabaru epa nantaraba janaquiya exana dubenanaebiya. Junta nabaru junta coyene weiweinaeya xaerubenanaebiya. <sup>47</sup> Daxita barapomonaе carepaya Nacom wunaе jainta dubenanaebiya. Matautano barapomonaе baru cui itura jinatsi ichamonaе beta peexanaexae. Daxita matabi tsaibi pomonaе Nacom pejume cowantsiwixaetsi barapomonaе Nacom cana exana xua mataropeicha pinmonaе tsoponaе tsaibi.

### 3

*Meje yabara poxonaе pon pejayuyajujei jiton equeicha cui jume exanatsi*

<sup>1</sup>Caentaqueitha quiripitha poxonaе tres po horabe tsuxubi po horatha poxonaе jiwi ba poneiba Nacom pin pia botha xua petsipaebeibinexa Nacomtha bapoxonaе Pedro iru Juan Nacom pin pia botha jonyabe. <sup>2</sup> Barapo bo Nacom pin pia bo tatsi icha coiboto jiwi wun duta, jeye: “Pexeinya coiboto”, jei. Barapo coibototha daxita matabi tsaibi pebin cuareteibatsi pon pejayuyajujei jiton xua yawa naexana poxonaе pexuyo. Daxota bapon baxota cuareteibatsi xua pewaquequeibinexa pomonaetha pomonaе jojoneibiya barapo coiboto iya. <sup>3</sup> Pon pejayuyajujei jiton wuca paratixi poxonaе Pedro iru Juan tainchibe xua muxu pejonyaebe barapo coiboto iya. <sup>4</sup> Nexata Pedro iru Juan tanebe bapon. Pedro barai bapontha, jeye:

—Incane pana taemabe, jei Pedro.

<sup>5</sup> Nexata necota bapon. Nanta xeinataba xua catinchi paratixi. <sup>6</sup> Ichitha Pedro barai bapontha, jeye:

—Canta jopa xeinaeinyo paratixi. Matautano jopa xeinaeinyo pocotsiwa oro nain matawan. Meisa po coyenewa xua taxeinaewa baxua cacatinchi. Jesucristo, Nazaret tomarapin wantha cabaraichi, asiya uncuatabare yawa pondeno, jei Pedro.

<sup>7</sup> Nexata Pedro pocotsiwa pecoxa weya cobe pita. Yawa asiya cuaranotano. Bapoxonaе nainya beta taxuyawere daunweya ducuanaya. Pesitano wunaе tsanayano. <sup>8</sup> Nexata bapon pon pejayuyajujei jiton jirawana. Asiya uncuatabano. Ponano. Bapoxonaе Pedro iru Juan puna jonyatsibe bapon, Nacom pin pia botha. Jirajirawiya ponano. Yawano Nacom wunaе jaintatsi. <sup>9</sup> Nexata daxita pomonaе xua Nacom pin pia bo tututha peenaexae, tainchi pon pejayuyajujei jitonxae xua pona, yawano xua Nacom wunaе jaintatsino. <sup>10</sup> Barapomonaе daxita carepaya najunta coyene cabenaecaeya tane, tsipei barapomonaе bayatha cui tane xua bapon amanaya jiwi waquequeiba paratixi pecoibototha, po coiboto pewan “Pexeinya coiboto”, jei.

*Meje yabara poxonae Pedro diwesi paeba Nacom pin pia botha po tututha pewan Salomón bo wan tututha*

<sup>11</sup> Poxonae pejayuyajujei jiton awiya maxu waetabatsibe Pedro Juanno bapoxonae iraru daxita jiwi najantu coyene cabenaecaeya cuinaenouta Nacom pin pia botha xua tututha po tututha Salomón bo wan tututha ichaxota Pedro baru jinompa. <sup>12</sup> Poxonae Pedro baromona caetaebiya, Pedro barai: “Ja, pomonae Israel nacuamonaepiwi pamxaem, zeta xua metha daxita paxam pana najantu coyene cabenaecaeya taneme baxua? ¿Pana neyabara nanta xeinamebe xua pata taayapuwath paaxaibi exananbe pejayuyajujei jiton? ¿Matautano pana neyabara nanta xeinamebe poxoru Nacom pajume cowantanbe daxota pon pejayuyajujei jiton axaibi? <sup>13</sup> Ajibi, apara wamo susato jiwi pia Nacom tatsi axaibi exana bapon. Barapo Nacom Jacob pia Nacom tatsi, Abraham bapon pia Nacomno, Isaac bapon pia Nacomno. Apara bapon baxua taexana Nacom. Bapon Nacom Pexanto bichocono ainya cui cana exana poxonae pexanto asu exana petupae cuiru coyene weya. Bapon apara Jesús pon pacaenaetame pomonaetha pomonae pentacaponae wi, pon bepa bequein isanaxubei Pilato poxonae paxam jopa racopatsim xua bapon peisanaxubiwa. <sup>14</sup> Bapon pon bichocono pejantu coyene xanepanaein xua jopa xeinaeyo penatsicuentisiwa xua abe pexanaexae tsipei saya exaneiba pocotsiwa Nacom ichichipa. Ichitha jopa paichipaem xua Pilato peisanaxubiwa tsane bapon. Saya meisa rawncame xua Pilato peisanaxubiwa ichun pon jiwi pejutebeibin pon Barrabás. <sup>15</sup> Poxonae baxua paexaname barapara Jesús pabexubame. Bapon Jesús pon jiwi cana exanatsi xua jiwi ajuntayarusuya pejinompraewa. Bapon Jesús Nacom equeicha asu exana petupae cuiru coyene weya. Bara baxua yatsicaya pacui tan daxita. <sup>16</sup> Po jume wan peayarusu wan, baro wan Jesús pia wan. Daxota pejayuyajujei jiton barapo jume wanthaxaibi exanatsi. Barapon pataneme xua axaibi, tsipei bapon jume nanta pitabiya jume cowanta barapo peayarusu jume wan. Daxota barapon painya itabaratha axaibi tsuxubi poxoru jume cowanta Jesús”, jei Pedro.

<sup>17</sup> Equeicha Pedro jeye: “Tamonaeyaputan xua jopa payabara yaputaem xua paexaname poxonae Jesús pabexubame. Barichi painya pentacaponae wi jopa yabara yaputaeyo xua baxua exana. <sup>18</sup> Nacom peitorobi jume pepaebiwi bayatha Mesías yabara tsiwana paebatsi. Barapomonaey paeba, jeye: ‘Bexa tsane Mesías bexubinchi’, jei. Nacom bara nacui yabara jume weta baxua xua bayatha Nacom peitorobi jume pepaebiwi paeba. <sup>19</sup> Daxota icha jantu coyene paxeinare Nacomtha painya neauraxae xua abe paexaname. Yawa pajume cowunde painya nepaca cayabara junte mainaenexa abe painya neexanae cuiru coyenein. Yawa Nacom rawncare xua paca jantu coyene xanepana exanaena. Bapoxonae Nacom paca jantu coyene ayarusuya exanaena. <sup>20</sup> Tsipei Nacom equeicha athawetsica Jesús itorobicaeinchi pon bayatha Nacom itapeta pon Mesías xua painya nepaca capanenebiyaenexa tsane abe painya neexanae cuiru coyenein weya. <sup>21</sup> Cataunxuae abu Jesucristo equiya Nacom pia nacuatheicha tatsi. Equeicha bapon patopaetsica poxonae Nacom wnae exanaena daxitan, be pocotsi coyeneya bayatha Nacom peitorobi jume pepaebiwi paeba. <sup>22</sup> Barichi Moisés pata amo susato jiton namchi: ‘Painyamonae jiwana Nacom cana exanaena,

pon Nacom pia peitorobi jume pepaebin tsecae tsane icha neichi. Pa-jume cowantsiya exande daxita pocotsiwa xua bapon paca tsipaebina. <sup>23</sup> Daxita pomonae jopa jume cowantsiya pocotsiwa bapon paeba, barapomonae Nacom weraweraca cana exanaena xua jopa penaexanaenexa Nacom pijimonae tatsi', jeyei Moisés", jei Pedro.

<sup>24</sup> Equeicha Pedro jeye: "Daxita Nacom peitorobi jume pepaebiwi iru Samuel pon xua yatsicaya tabu ducua, baraxua carepaya bapo di-wesin yabara paeba barapo matababin. <sup>25</sup> Barapo Nacom pia peyabara tsiwanae muxu dutsiwa po peyabara tsiwanae muxu dutsiwa Nacom tsiwanaeya muxu duta Nacom pia peitorobi jume pepaebi jiwitha, apara bara iru paxam nexa. Baxua Nacom pena peyabara tsiwanae muxu dutsiwa Abraham yabara tsiwanae muxu dutatsi pon wamo susatopin xua xanepanaya painya nejinompaenexa. Nacom Abraham baraichi, jeye: 'Caenin jinya nemomoxi susato jiwi jiwana pin pepatopaexae tsane daxita i dapocotsi nacuanpiwi yawenaen', jei Nacom Abrahamtha. <sup>26</sup> Poxonae Nacom Pexanto asu exana petupae cuiru coyene weya, bapoxonae copiya pacata itoroba painya xantha pia painya nepaca cayawenaenexa xua daxita paxam painya nenacui barapentsinexa abe painya neexanae cuiru coyenein", jei Pedro.

## 4

*Meje yabara poxonae Pedro iru Juan cueicueijejei tsuncuaebe pomonae tomarapiwi pia pentacaponae tatsi peitabaratha tatsi*

<sup>1</sup> Poxonae cataunxuae Pedro iru Juan cueicueijeibe barapomon-aetha, bapoxonae sacerdotemonae pia pentacaponae tatsi pata. Iru patopa pon soldadomonae pia pentacaponaein tatsi pon Nacom pin pia botha tatsi pe-eenaen. Yawa saduceomonaeno iru pata baxota. <sup>2</sup> Barapomonae bichocono anaepana, yaitama Pedro Juanno paebabe xua po coyene Jesús petupaein equeicha asu, xua pinae barichi jiwino poxonae tupa equeicha asu. <sup>3</sup> Bara nexata Pedro Juanno waetabatsibe barapomonae. Jiwi pecubi botha capoinchibe. Barapo botha etatsibe tsipei quirei tsanaya xua beya poxonae yaitapenacaena. <sup>4</sup> Pinmonae jume tane po diwesi Juan iru Pedro paebabe, yawa jume cowantano barapo diwesi. Barapomonae iruru pomonae copiya jume cowanta caena bayatha, daxita barapomonae nexata daxita cinco mil bicheito tsuxubi xua saya pebiwi ununatsi.

<sup>5</sup> Icha mataqueitha judiomonae pia pentacaponae tatsi, iruru pitiri jiwi, iruno pomonae jiwi pecuidubiwi Moisés pia peitorobi coyenewa tatsi, daxita barapomonae nacaetuta Jerusalén tomaratha. <sup>6</sup> Baxota iru nanacaetuta Anás pon sacerdotemonae pia pepa pentacaponaein tatsi. Iru nanacaetuta Caifás, Anás perobi. Iru nanacaetuta Juan iru Alejandro, ponbe Anás piamonae tatsi. Barichiru nanacaetuta ichamonae pomonae sacerdotemonae pia pentacaponae tatsi barapomonae piamonae tatsi. <sup>7</sup> Bapoxonae ichamonae itoroba xua Pedro iru Juan pecuaranotatsinexatsibe barapo penacaetutsiwi itabaratha. Yainyabat-sibe, jeichibe:

—¿Jintam pia peayapusu itorobi coyenewatha tatsi matautano jintam pewantha tatsi axaibi paexanamebe? jeichichibe.

<sup>8</sup> Pedro bichocono juntu coyene yucatsi Nacom pia Pejumope tunaxu tatsi pia peayapusu itorobi coyenewa tatsi. Pedro barapomonaе jume nota, jeye:

—Pomonaе tomarapiwi pia pentacaponae jiwi pamxaem, iruru pomonaе pitiri jiwi pamxaem, pomonaе Israel pijimonaе tatsi pamxaem, daxita barapomonaе pam paca tsipaebatsi. <sup>9</sup> Maisa yabara pana yainyabamebe xua po coyene pejayujayuwei jiton axaibi xua painya neyaputaenexa xua eta po coyeneya xua paexananbe poxonaе bapon axaibi exanatsi po coyene xua bichocono wunaе. <sup>10</sup> Daxota paxanbe paca jume notatsi xua iru israelmonaepiwi peyaputaenexa po coyene xua pon pejayujayuwei jiton axaibi exanatsi poxonaе pawun paeban Jesús pewun pon Nazaret tomarapin. Bapon Jesús, pon apara naetotha tparucua paexaname matautano pon equeicha Nacom petupaein asu exana petupae cuiru coyene weya. <sup>11</sup> Bayatha Nacom Pejume Diwesitha tsiwanaya yabara paeba xua po coyeneya pacana exanaename Jesthа. Paxam be barapocotsimonaе pam, be pocotsimonaе xua ibo bo peacabiwi. Barapomonaе xuba iboto po iboto bequein ainya cui naexana beyacaincha icha iboto. Paxam bara paichim Jesucristo paxubame pon peainya cuin xua Nacom ainya cui cana exana beyacaincha ichamonaе. <sup>12</sup> Barapo cae pin nacuathe dapocotsin aibi pon capanepеiba jiwi. Saya meisa bapon Jesús capanepеiba jiwi. Ichun Nacom jopa nacata itorobiyo.

<sup>13</sup> Daxita tomarapiwi pia pentacaponaewi tatsi yabara najuntu coyene cabenaeca xua Pedro Juanno jopa auriyobe xua atsaquiya paebabe. Tsipei barapomonaе pomonaе pentacaitorobi bicheito yaputane xua Pedro Juanno jopa nacuidubiyobe petinaе botha matautano xua baponbe saya pecui pawi jitonbe. Barichi barapo pentacaitorobi bicheito yaputaneno xua xaniwaicha apara baponbe ponbe napuna poponeibabe Jesthа. <sup>14</sup> Barapomonaе moya ena tsipei pon pejayujayuwei jiton Pedro Juanno axabiya caquita uncuatsibe. Daxota barapomonaе Pedro Juanno jopa abe yabara paebichibe. <sup>15</sup> Pedro Juanno matha pesato beitorobiyatsibe. Barapomonaе natsipaeba. <sup>16</sup> Nabarai, jeye:

—¿Eta bichainchi metha baraponbetha Pedro Juanno? Bayatha daxita carepaya Jerusalén tomarapiwi yaputane xua Juan Pedrono exanabe pexeinya petsita itutsi coyenewa Nacom pia peayapusuwatha tatsi. Daxota jopa naca itacupaeyo xua wapaebiwa po coyene xua baponbe jopa apara exanaeyobe pexeinya petsita itutsi coyenewa Nacom pia peayapusuwatha tatsi. <sup>17</sup> Maisa aichaxaibichi xua daxita carepaya jiwi jume taetaepona baxua. Metha daxota baponbe jume daunweya itorobinchi xua equeicha jopa paebi tsanebe xua Jesús peyabara paebiwatsi, jei barapomonaе.

<sup>18</sup> Barapo pentacaitorobi bicheito equeicha Pedro iru Juan wabatsibe. Jume daunweya tsipaebatsibe:

—Equeicha jopa Jesús payabara paebindebe. Equeicha jopa yabara pacuidubindebe barapo cui, jei barapomonaе.

<sup>19</sup> Bara nexata Pedro Juanno jume notabe barapomonaе, jeibe:

—Incane payabara nanta xeinare icha metha bara Nacom tsita xanepanatsi xua paxanbe pata paca cajume cowantsiwatsi xua pata exanaewabe pocotsiwa pana itorobame xua daxota jopa pata exanaewa pocotsiwa Nacom pana itoroba. <sup>20</sup> Bewa paexanaeinbe daxita pocotsiwa

Nacom pana neitorobabe. Bewa papaebinde daxita pocotsiwa patanbe xua Jesús exana yawa xua pajume tanbeno xua Jesús paeba, jeibe Pedro Juanno.

<sup>21</sup> Barapomonaē pomonaē tomarapiwi pia pentacaponae wi tatsi, Pedro iru Juan jume itawetatsibe. Daichitha saya pu copatatsibe. Barapomonaē jopa itacupaetsi xua pecuainchiwatsibe Pedro iru Juan jiwi pecunuwixaetsi, tsipei pinmonae jiwi Nacom wunaē jaintatsi, petaxae pocotsiwa Pedro iru Juan exanabe. <sup>22</sup> Pon pejayujayujei jiton pontha pon Nacom pexeinya petsita itatsi coyenewa taexana, bapon axaibi exanatsi poxonaē cuarenta po weiyobe xeina.

*Meje poxonaē pomonaē Jesús pejume cowantsiwichi tatsi wuca Nacom xua jopa pejunuwinexa tsane poxonaē Nacom Pejume Diwesi cueicueijej tsane jiwitha*

<sup>23</sup> Pedro Juanno nainya pontababe ichaxota Jesús pejume cowantsiwichi tatsi jinompa. Baxota nanabarū nacaetutatsibe. Barapomonaētha paebabe, xua baraunchichibe sacerdotemonaē pia pentacaponae wi, pitiri jiwino. <sup>24</sup> Poxonaē Pedro iru Juan baxua jume taerucupatsibe, barapomonaē Nacomtha tsipaeba, jeye: “Nacom, pon pata Necanamataxeinaem, xam daxita peitabocotha exaname, irathano, menthano, daxita icha coyeneinno. <sup>25</sup> David pon neitorobi jume pepaebin, nejumope tanaχū cueicueijej cana exanatsi xua cata paeba, poxonaē jeye:

‘¿Eta xua metha, pomonaē jopa judiomonaē naexanaeyo cayabara anaepana?

Bara bequein ichipa abe cata exana ichitha jopa itacupaetsi.

<sup>26</sup> Daxita carepaya nacuanpiwi pomonaē jiwi itorobiya pia pepa peewatsiwichi iru ichamonaē pomonaē jiwi peyanacua ewatsiwichi barapomonaē nacaetuta xua abe necayabara paebinexa yawa xua Nexanto pia abe yabara paebichi pon Mesías, pon jinya Neitapetsin’, jeyei David, xua pinaē Nacom tapaebatsi”, jei barapomonaē xua wuca Nacomtha.

<sup>27</sup> Equeicha bapomonaē jeye: “Bara yatsicaya baxua exana poxonaē Herodes iru Poncio Pilato, iru icha nacuamonaepiwino, iru Israel nacuamonaepiwino xote nacaetuta Jerusalén tomaratha. Barapomonaē nacaetuta xua Jesús abe peyabara paebinexatsi nexanto pon pejantu coyene xanepanaein pon Mesías pon itapetame. <sup>28</sup> Barapomonaē, pomonaē xote nacaetuta, exana daxita xua caena bayatha cui wunaē tsiwanaya yabara paebame po coyene xua barapomonaē exanaena. <sup>29</sup> Pata Necanamataxeinaem, matha jume taema xua pana yabara abe jume baraunchi xua abe pana exanapaeba. Pana care xua neajantayapusawa xua jopa junuwiya pata paebinexa tsane jinya jume diwesi, tsipei paxan jinya neitorobi jiwi pan. <sup>30</sup> Peatenewi axaibi exande neayapusawatha. Matautano barabu copatame xua pexeinya petsita itatsi coyenewan paexanaein poxonaē pacueicueijan tsane jinya jume diwesi, Jesús nexanto pia peayapusawatha tatsi pon pejantu coyene xanepanaein”, jei barapomonaē poxonaē wuca Nacomtha.



<sup>31</sup> Barapomonaе najume wetaracupa xua Nacomtha petsipaеbiwa. Bapoxonaе ichaxota nacaetuta barapomonaе ira jijiyataxuba. Daxita barapomonaе juntu coyene yuca cana exanatsi Nacom pia Pejumope tuxaxu tatsi pia peayapuxu itorobi coyenewa tatsitha. Matautano barapomonaе Nacom Pejume Diwesi jopa junuwiya paеbinoutsiyu.

*Meje yabara poxonaе pomonaе Jesús pejume cowantsiwi pocotsiwan xua xeina daxita baxuan bara barapomonaе nexa*

<sup>32</sup> Pomonaе pejume cowantsiwi Jesucristo pinmonaе tsoponaе. Barapomonaе peburaya nanta xeina be caenthuto coyeneya. Ichun jopa jeiyo: “Apara pocotsiwa xeinan meisa tawa”, jopa jeiyo. Ichitha daxita xua barapomonaе xeina baxua saya daxita bara barapomonaе nexa. <sup>33</sup> Jesús pia peitorobi jiwi tatsi ajumeyapuxu yabara paeba pocotsiwa bayatha tane poxonaе Jesucristo pon jiwi Pecanamataxeinaeinchi xua equeicha petypaein asu popona exanatsi. Matautano yabara cueicueijeji po coyene Nacom bichocono wunaе exana daxita barapomonaetha peantobexaetsi. <sup>34-35</sup> Jopa ichun acopeibiyo pomonaе Jesús pejume cowantsiwi. Daxita barapomonaе xeina xua pocotsiwa penantawenonaewa poxoru ichamonaе pomonaе nawita pexeinaewi caenaeta dubenanaebiya pabin, bomuxunno. Barapo paratixi poxonaе xeineiba, catsibeibatsi Jesucristo pia peitorobi jiwi tatsitha. Nexata xuya barapo paratixi Jesucristo pia peitorobi jiwi tatsi catsibeiba pomonaetha pomonaе peacopeibi jiwi xua daxota jopa petaseicaenexatsi pocotsiwa nantawenona. <sup>36</sup> Barichi exana bapon José pon Leví pia pemomo susato jiwanapin. Jesucristo pia peitorobi jiwi tatsi icha wun duta bapontha, po wun Bernabé. (Barapo wun, xua hebreo jume jei: “Pon jiwi pentateiqueibin”, jei.) Barapon José, Chipre tunaetotha naexana. <sup>37</sup> Bapon pia pabi caenaeta. Bapoxonaе barapo paratixi Jesucristo pia peitorobi jiwi tatsi catatsi peacopeibiwi nexa.

## 5

*Meje yabara poxonaе Ananías iru piowa Safira аbe exanabe*

<sup>1</sup> Bapoxonaе iru ichun pon pewun Ananías iru piowa pewun Safira, pabi xeinabe. Bapon piowabe pia ira caenaetabe. <sup>2</sup> Bapon piowabe najupa nanta xeinabe. Baponbe icha paratixi nata botabe. Icha paratixi Jesucristo pia peitorobi jiwi tatsi catabe bequein Ananías paeba xua daxita catabe Jesús pia peitorobi jiwitha tatsi. <sup>3</sup> Bara nexata Pedro Ananías baraichi, jeye:

—Ananías, zeta xua metha Satanás jume jejam xua cajume tsiduta xua Nacom pia Pejumope tuxaxu tatsi muxuitorobame? zeta xua metha paratixi nata botame xua ira matoma cacata? <sup>4</sup> Po ira caenaetame apara bara jinya ira. Yawa barapo matomano apara bara jinyawa. Barapo paratixi icha canantawenoname bara ba moya tainchi. zeta xua metha baxua najuntu coyene xeiname? Jopa apara muxuitorobim pebiwi. Jame yatsicaya apara Nacom pia Pejumope tuxaxu tatsi muxuitorobame, jei Pedro.

<sup>5</sup> Poxonaе baraxua Ananías jume taeba, petypaein Ananías iratha jopa. Daxita pomonaе xua jume tane xua bapon tupa, bichocono junuwa. <sup>6</sup> Pewowi pata. Ananías petypaein mata yarabatsi pesato becayatsi, xua pemuthatha xubinexatsi.

<sup>7</sup> Pirapaeyo poxonae tres po horabe weta, Ananías piowa tatsi patopa ichaxota Pedrobará ena. Barapowa jopa yaputaeyo xua pia pebin tatsi tatáatsi. <sup>8</sup> Nexata Pedro barai barapowa, jeye:

—¿Bara daxita pana catame xoxi pacaenaetame pentoma pabi? jei Pedro.

Barapowa jume nota, jeye:

—Aja, bara daxita, jei barapowa.

<sup>9</sup> Nexata Pedro barai barapowa, jeye:

—¿Eta xua metha pana muxu wetamebe xua Nacom pia Pejumope tñaxá tatsi pamuxuitorobinamebe? Taema, pewowi pomonaе aunxuae jinya pebin mñthñtha xotsi, pecoibototha pata, necamñthñtha xubinexa tsañerá.

<sup>10</sup> Barapoxonaе caena nainya Safira Pedro petaxutha petápaein tanabotabatsi. Poxonaе pewowi taeba xua barapowa bayatha tupa, bapoxonaе bapowa jontaxorenatsi. Pia pebin cacuita mñthñtha xorecatsi.

<sup>11</sup> Daxita Jesús pejume cowantsi jiwi, ichamonaeno ñthñthñ nayotarñcupa pejunuwixae poxonaе baraxua jume tane.

*Meje yabara poxonaе Jesús pia peitorobi jiwi tatsi ainya pexeinya petsita itñtsi coyenewan exana, Nacom pia peayapusñwatha tatsi*

<sup>12</sup> Jesús pia peitorobi jiwi tatsi pexeinya petsita itñtsi coyenein exana jiwitha Nacom pia peayapusñwatha tatsi. Pinmonae Jerusalén tomarapiwi pomonaе jume cowanta Jesús, Nacom pin pia botha nacaetuta. Po tutu pewñ Pórtico de Salomón tutu, bapo tututha nacaetuta.

<sup>13</sup> Ichamonaе, pomonaе xua jopa jume cowantsiyo Jesús, junuwa xua penanacaetutsiwa Jesús pejume cowantsi jiwitha tatsi. Ichitha barapo Jerusalén tomarapiwi tsita cui wñnaetsi Jesús pejume cowantsi jiwi tatsi.

<sup>14</sup> Pin bicheito nayoyotapona, pebiwino, yabñxino pomonaе xua jume cowantapona Jesús ponxae jiwi Pecanamataxeinaeinchi. <sup>15</sup> Jesús pia peitorobi jiwi tatsi wñnae peexanaexae, Nacom pia peayapusñwatha tatsi, daxota pomonaе atene namtotha capoinchi. Ichamonaе camatha bobena namtotha. Ichamonaе weintha bobena. Barapomonaе ichipa jayababatsi xua Pedro pejumope tatsi, xua barapomonaе peaxaibi exanaenexa tsainchi. <sup>16</sup> Jiwi nacaetuta Jerusalén tomaratha pomonaе xua pia tomaran jeba Jerusalén tomara pepuya weya. Barapomonaе capata peatenewi irñ pomonaе xua matajemabatsi exanatsi cauri. Daxita barapomonaе pebñrñya axaibi exanatsi. Daxita barapomonaе carepaya queicha axaibi.

*Meje yabara poxonaе Jesús pia peitorobi jiwi tatsi peraxa exanatsi*

<sup>17</sup> Nexata sacerdotemonaе pia pepa pentacaponaein tatsi, irñ pomonaе xua napuna pona, pomonaе saduceomonaе, daxita barapomonaе Jesús pia peitorobi jiwi tatsi anaepanaya jume uwatsi. <sup>18</sup> Daxota pomonaе xua anaepana Jesús pia peitorobi jiwi tatsi teicatsi. Jiwi pecabi bothano capoinchi. <sup>19</sup> Ichitha Jesús itoroba matatsunpin. Bapon merawi patopa. Jiwi pecabi coiboto yausaranaxuba. Matatsunpin aisowa bemaxñ cayiya Jesús pia peitorobi jiwi tatsi. <sup>20</sup> Matatsunpin Jesús pia peitorobi jiwi tatsi tsipaebatsi, jeye:

“Paponde Nacom pin pia botha. Baxota paumende. Payabara paebare daxita jiwitha barapo pena jantñ coyene po coyene xua Nacom cata jiwitha xua beta pejinompaenexa”, jei matatsunpin. <sup>21</sup> Poxonaе baya caemñbotha Jesús pia peitorobi jiwi tatsi bara exana xua matatsunpin

peaba. Bara Nacom pin pia botha yacuinaya jojoniya pecuidubinexa jiwi.

Barapoxonae sacerdotemonae pia pepa pentacaponaein tatsi, iru saduceomonaeno waba daxita carepaya Israel nacua pia penapatae jiwi xua penacaetutsinexa pentacaitorobi bicheitho. Barapoxonae barapomonae itoroba ichamonae xua Jesús pia peitorobi jiwi tatsi pecuaranobinexatsi pin bicheitho peitabaratha tatsi. <sup>22</sup> Ichitha poxonae policiamonae jiwi pecabi botha pata, Jesús pia peitorobi jiwi tatsi jopa taetsi. Daxota policiamonae diwesiyo caibeya capona pin bicheito peitabaratha. <sup>23</sup> Policiamonae namchi, jeye:

—Poxonae papatan jiwi pecabi botha, soldadomonae pomonae peewatsiwi barapo pecabi botha barapo soldadomonae pecoiboto yabara umena, daunwei tsuncuae. Poxonae pasaranaxoyan jopa paitaraerowinyo Jesús pia peitorobi jiwi tatsi. Jiwaibi. Aichurubena, jei.

<sup>24</sup> Poxonae sacerdotemonae pia pepa pentacaponaein tatsi, iru Nacom pin pia bo peyabara umenaewi pia pentacaponaein tatsi, iru sacerdotemonae pia pentacaponaein tatsi jume tane baxua, bapoxonae najuntu coyene benaecaeya nayainyaba, jeye: “¿Exota metha jane Jesús pia peitorobi jiwi tatsi? ¿Exua jane?” jei. <sup>25</sup> Iruu barapoxonae pebin patopa. Barapomonae baraichi, jeye:

—Ja, pomonae jiwi pecabi botha pacaponame, barapomonae Nacom pin pia botha umena. Matautano cuiduba jiwi, jei bapon.

<sup>26</sup> Nacom pin pia bo peyabara umenaewi barapomonae pia pentacaponaein tatsi bapon baru pona policiamonaeno Nacom pin pia botha. Equeicha caewa baru dendenatsi Jesús pia peitorobi jiwi tatsi ichaxota nacaetuta pentacaitorobi bicheito. Saya jopa abe exanaetsi poxonae teicatsi. Saya baru cui wunaeya carendenatsi poxoru barapo policiamonae jiwi cui cunuwatsi. Daxota policiamonae saya be xainyatha teica barapomonae xua jiwi pecuiyainwaxae tatsi xua policiamonae pecuinbabiwa tsipaetsi ibotixitha. <sup>27</sup> Nacom pin pia bo peyabara umenaewi pia pentacaponaein tatsino, barapomonae Jesús pia peitorobi jiwi tatsi capoinchi pentacaitorobi bicheito peitabaratha. Sacerdotemonae pia pepa pentacaponaein tatsi bapon, Jesús pia peitorobi jiwi tatsi baraichi, jeye:

<sup>28</sup> —Bayatha jume daunweya paca tsipaebatsiba: ‘Equeicha jopa Jesús payabara paebinde’, pajan. ¿Ichitha eta xua paexaname? Daxita carepaya Jerusalén tomarapiwi yaputane pocotsiwa paxam pacuidubame Jesús yabara. Yawa painya metha paebichi xua paxan panatsiaena cuentan Nacomtha tupa pata exanaexae Jesús, jei barapo pentacaitorobi bicheito.

<sup>29</sup> Nexata Pedro iru ichamonae pomonae Jesús pia peitorobi jiwi tatsi daxita barapo matabuxuyobe jume nota barapomonaetha, jeye:

—Apara jame bewa paexanaein pocotsiwa Nacom pana itoroba. Nacom pia peitorobi coyenewa ainya cui beyacaincha jiwi pia peitorobi coyene tatsi. <sup>30</sup> Pata amo susato jiwi pia Nacom tatsi, barapo Nacom Jesús equeicha petupaein asu exanatsi pon xua pabexubame, poxonae naetotha tupa ruca paexanadutame. <sup>31</sup> Nacom Pexanto pia peayapusuwatha exana yatsicaya jiwi pia pepa Pecanamataxeinaein

tatsi. Yawa exana pexanto pon jiwi Pecapanenebiyaein. Baxua exana poxonae pecoxatha taecatsi pexanto. Nacom baxua exana tsipei ichichipa xua Israel nacuapiwi icha juntu cui coyene xeinaena bapontha, xua bapoxonae barapomonae Nacom pecui yabara jantemainaexa po coyene xua barapomonae Nacom tsita natsicuentatsi xua abe peexanaexae. <sup>32</sup> Bara yatsicaya pata cui taewi daxita baxuan, Nacom pia Pejumope tanaxu tatsi iru taneru. Daxota paca tsipaebatsi baxua, pocotsiwa xua Jesús exana. Nacom najumope cata pomonaetha pomonae xua peichichipaewa xua peexanaewa pocotsiwa Nacom itoroba, jei Jesús pia peitorobi jiwi tatsi.

<sup>33</sup> Pentacaitorobi bicheito jume taerucupa xua pocotsiwa paeba barapomonae pomonae Jesús pia peitorobiwi tatsi. Bapoxonae barapomonae bichocono casebarucupatsi. Barapo pentacaitorobi bicheito ichichipa xua barapo Jesús pia peitorobiwi tatsi pejutebiwatsi. <sup>34</sup> Barapo pentacaitorobi bicheitha eca fariseomonaepin pewan Gamaliel, pon jiwi pecuidubin Moisés pia peitorobi coyene tatsi. Jiwi bapon baru cui itura jineibatsi. Bapon asiya uncua yawa itoroba xua bara caeto pesato becayiya tsainchi barapomonae pomonae Jesús pia peitorobi jiwi tatsi. <sup>35</sup> Bapoxonae bapon Gamaliel barai barapomonae pomonae pentacaitorobi bicheitha, jeye:

—Paxam pomonae Israel nacuamonaepiwi pamxaem, dota pam xua pocotsi coyeneya pacana exanaename barapomonae. <sup>36</sup> Metha bara jantemainame poxonae matha bapon Teudas poxonae pia coya pentacaponaein naexana, nayabara paeba xua pinae bichocono peainya cui jiton. Cuatrocientos pebiwimonae matabuxube puna jinompatsi bapon. Ichitha poxonae Teudas bexotsi ichamonae, bapoxonae pijimonae tatsi ducupa, poxonae daxita yotabatsi. Saya xua Teudas exana baxua pecui pawí. <sup>37</sup> Barichi Teudas pepuya weya ichan patopa pon pewan Judas. Bapon pentacaponaein najainta poxonae jiwi pewan tinae matababi tsuxubi. Bapon Galilea nacuapin. Piamonae pin bicheito puna jinompatsiru, ichitha barichi bapon Judas bexotsi ichamonae. Barichiru pijimonae tatsi tarucupatsi poxonae yotabatsi. <sup>38</sup> Daxota paca jeichi: ‘Jesús pia peitorobi jiwi tatsi bara pacui copabare’, jan. Icha barapomonae saya exanaetsipa xua jiwi itoroba, nexata barapomonae jopa amanayabichipae pocotsiwa xua ichichipa peexanaewa. <sup>39</sup> Ichitha icha barapomonae exanaetsipa pocotsiwa Nacom itoroba, nexata paxam jopa pacui amanayabichipaem barapomonae. Dota pam. Daxota jopa paexanaponaeinde po coyene xua Nacom pia peaitafaetabi jiwichi pana naexanaponame, jei Gamaliel.

Barapomonae pomonae pentacaitorobi bicheito bara jopa pecuiyo Gamaliel pepaebixae. <sup>40</sup> Barapoxonae barapomonae pomonae pentacaitorobi bicheito equeicha wabatsi Jesús pia peitorobi jiwi tatsi. Bapoxonae matha copiya ichamonae itorobatsi xua Jesús pia peitorobi jiwi tatsi pecuainchinexatsi. Equeicha jume daunweya tsipaebatsi: “Equeicha jopa Jesús payabara papaebim tsane”, jei. Bapoxonae pu copababatsi nama Jesús pia peitorobi jiwi tatsi. <sup>41</sup> Jesús pia peitorobi jiwi tatsi pentacaitorobi bicheito weya pona. Barapomonae juntu coyene weiweina tsipei peraxa exanatsi ichamonae, Jesús pijimonaexae xua baxua saya Nacom pecopatsixae. <sup>42</sup> Awiya barapomonae amsiya yabara cuiduba, Nacom pin pia botha Jesús pia pexeinya jume diwesi yawa xua

boxithano. Matautano cuidubano xua Jesús apara Mesías pon Nacom itorobica.

## 6

*Meje yabara poxonae Jesús pia peitorobi jiwi tatsi itapeta siete poyobe peyawenaenexa tsane ichamonaetha*

<sup>1</sup> Barapoxonae barapo mataqueitha pinmonae jume cowanta Jesús. Pomonae xua griego jume pecueicueijeijiwi anaya tsipaeba, pomonae xua hebreo jume pecueicueijeijiwi baraichi, jeye: “Patamonae, powaxi pecuenta werapaewaxichi piseurixi powaxi griego jume pecueicueijeijiwaxi poxonae judiomonae apata pexaewa, barapowaxi saya peyauxi apatatsi pexaewa. Ichitha meisa judiomonaewaxi powaxi pecuenta werapaewaxichi barapowaxi jopa juniya nabaneibiyo”, jei. <sup>2</sup> Jesús pia peitorobi jiwi tatsi, pomonae doce poyobe, barapomonae barua nacaetuta ichamonae pomonae irua Nacom pejume cowantsiwi. Barapomonae pomonae Jesús pia peitorobi jiwi tatsi jeye barapomonaetha:

—Painta jopa yapu xanepanaeyo xua pata nacui barapentsiwa xua pata cueicueijeija Nacom Pejume Diwesi xua saya pexaewa pata apatsinexa jiwi. <sup>3</sup> Daxota wajiwimonae paitapere siete poyobe pebinbe paxam jiwana. Paitapere pomonae xua daxita jiwi ita cui juntu coyene xanepaneibatsi, pomonae xua juntu coyene yucatsi Nacom pia Pejumope tanaaxa tatsi pia peayapusuwatha tatsi, pomonae xua peyaputaewi. Barapo siete poyobe pacui itorobin xua pexaewa apateibina. <sup>4</sup> Barapoxonae paxan Jesús pia peitorobiwi tatsi pan, jopa paapatsin tsane pexaewa. Saya meisa Nacom pata tsipaebeibichi nawita yawa pata cueicueijeiji tsaibichi Jesús pejume diwesi, jei barapomonae.

<sup>5</sup> Jesús pejume cowantsi jiwi tatsi nanta jupaya nanta xeinarucupa. Barapoxonae Esteban itapetatsi. Bapon Esteban pon bichocono jume cowanta Jesús yawa bichocono juntu yucatsi Nacom pia Pejumope tanaaxa tatsi pia peayapusuwa tatsi. Itapetatsi Felipeño, irua Prócoro, irua Nicanor, irua Timón, irua Parmenas, irua Nicolás. Bapon Nicolás Antioquía tomarapin. Bapon copiya jopa naexanaeyo judiomonaepin. Poxonae jume cowanta Nacom, barapoxonae judiomonaepin naexana. <sup>6</sup> Barapoxonae barapo siete poyobe Jesús pejume cowantsi jiwi tatsi capona Jesús pia peitorobi jiwi tatsitha. Jesús pia peitorobi jiwi tatsi mata jayabiya tawuca Nacomtha xua Nacom yawenaena barapomonae.

<sup>7</sup> Pinmonae jume tane Nacom Pejume Diwesi. Pinmonaeno irua jume cowanta Cristo Jesús, pomonae Jerusalén tomaratha jinompa. Irua judiomonae pia sacerdotemonae tatsi, barapocotsimonae pin bicheito jume cowanta.

*Meje yabara poxonae Esteban waetabatsi*

<sup>8</sup> Esteban pexeinya petsita itatsi coyenewan exaneiba jiwitha Nacom pia peayapusu itorobi coyenewatha tatsi. Tsipei Nacom yanta popona bapon daxota Esteban Nacom yaweneibatsi pecatsixaetsi peayapusuwa. <sup>9</sup> Nexata nacaetuta pinmonae judiomonae pia penacaetutsi botha tatsi. Ichamonae wun dutatsi xua jeichichi: “Pomonae pepu sorobabebiwichi poxonae busi cui tatayebabatsi”, yabara wun jeichichi. Irua nanacaetutapona Cirene tomarapiwi, irua Alejandría tomarapiwi, irua Cilicia nacuapiwi irua Asia nacuapiwi. Daxita barapomonae Esteban jume matsontsonobatsi. <sup>10</sup> Ichitha Esteban xaniwaicha cueicueijeiji exanatsi

Nacom pia Pejumope t̄nax̄a tatsi. Daxota poxonae Esteban paeba barapomonaе jopa itac̄upaetsi xua beta pejume notsiwa. <sup>11</sup> Nexata barapomonaе po pin bicheito penac̄aetsimonae ichamonaе nantsiyatsiya catatsi paratixi petacamuxitorobinexa tsainchi xua Esteban paeba. Barapomonaе pomonaе pemuxuitorobi jiwi namchi xua Esteban Moisés baraunchichi abe jei, yawa xua Nacom baraunchichi abe jei. <sup>12</sup> Barapo jumetha pemuxuitorobi jiwi daxita jiwi anaepana exanatsi xua Esteban jume canaerabatsi. Pitiri jiwino anaepana. Ir̄a pomonaе jiwi pecuidubiwi Moisés pia peitorobi coyene tatsi barapomonaeno ir̄a anaepana. Daxota barapo penapat̄ae jiwi ir̄a pomonaе jiwi pecuidubiwi Moisés pia peitorobi coyene tatsi barapomonaе Esteban yorobateicatsi. Pentac̄aitorobi bicheito peitabaratha capoinchi. <sup>13</sup> Barapo pentac̄aitorobi bicheito equeicha waba pomonaе Esteban jume cui canaerabatsi wabatsi. Barapomonaе pomonaе penaerabiwi Esteban yabara jeichichi:

—Bapon Esteban Nacom pin pia bo tatsi baraunchichi abe jei. Barichi bapon Esteban Moisés pia peitorobi coyenewa tatsi baraunchichi abe jei. <sup>14</sup> Pajume tan, xua Esteban paeba xua pinae Jesús Nazaret tomarapin paeba. Jesús pinae namchi, pinae jeye: ‘Barapo bo Nacom pin pia bo tantanaca exanaein’, pinae jei Jesús. Equeicha Esteban namchi xua pinae Jesús paeba pinae jeye: ‘Tamropata pitaban po peitorobi coyenewa xua bayatha Moisés paca itoroba’, jei pinae bapon Jesús, jei barapomonaе pomonaе penaerabiwi.

<sup>15</sup> Pomonaе baxota ena pomonaе pentac̄aitorobi bicheito, barapomonaе Esteban necotenatsi. Barapomonaе itabara tayena xua Esteban peitabara be matatsunpin itabara, xua bichocono w̄nae.

## 7

*Meja yabara poxonaе Esteban pentac̄aitorobi bicheito itabaratha pia coya paeba*

<sup>1</sup> Nexata sacerdotemonaе pia pepa pentac̄aponaein tatsi bapon Esteban baraichi, jeichi: “¿Bara xainyei xua barapomonaе cabarai?” jei sacerdotemonaе pia pepa pentac̄aponaein tatsi. <sup>2</sup> Esteban jume nota, jeye: “Tamonaе pam pana nejume taema. Wanacom w̄nae nawita. Barapon Abraham tsita nait̄tatsi poxonaе caena bayatha awiya Mesopotamia nacuatha popona. Bapon Abraham wamo susatopin matha copiya tsiwanaeya popona Mesopotamia nacuatha poxonaе Harán tomara bewarapiya. <sup>3</sup> Nacom pinae Abraham baraichi: ‘Barapo ira jinya ira cuenta warapare. Jinyamonaeno cuenta warapare. Icha ira bewarapiyama ichaxota po ira beya cac̄aponaeinchi’, jei pinae Nacom. <sup>4</sup> Nexata pinae Abraham Caldea nacua wewarapiya. Harán tomara pinae bewarapiya. Poxonaе pinae Abraham Harán tomaratha popona pinae Abraham paxa tat̄patsi pon pew̄n Taré. Bapoxonaе Nacom, Abraham pinae itorobatsi barapo irathe po irathe pajinompame anoxuae. <sup>5</sup> Barapoxonaе pinae Abraham cataunxuae jopa catichi ira. Saya pinae tacayabara w̄nae tsimuxu dutatsi. Nacom pinae Abraham baraichi: ‘Jinya ira tsane, ir̄a jinya jiwi penaitapataya naexana dubenaponeibiwi tsane pomonaе jinya nemomo susato jiwi pia ira nexa tsaner̄a’, jei pinae Nacom. Ichitha pinae barapoxonaе jopa xeinaeyo pexui. <sup>6</sup> Baraxua Nacom pinae Abraham baraichi: ‘Jinya nemomo susato jiwi icha nacuatha jinompaena. Be

pomonaē penanapaincha jinompaewi tscitaeinchi xua be pocotsi jiwimonaē icha nacua werena peponaewi. Tanacuitinchi ichamonaē xua amanaya tanacuichina. Busi cui tatayebeibinchino. Caitacueintinchino yawa. Cuatrocientos po weiyobe tsane xua jinyamonaē naitapataya atene exaneibinchi’, jei Nacom Abrahamtha. <sup>7</sup> Equeicha Nacom tsi-paeba Abraham, jeye: ‘Barapomonaē xua abe pacata exanaena poxonaē paca busi cui tataibina barapomonaē jopa cui janteminaein tsane. Barapomonaē itawetsiya peraxa jubin. Bapoxonaē jinya nemomoxi susato jiwī warapaena po nacuathe ichaxota uncuame yawa wanaē nejainchina xote’, jei pinaē Nacom Abrahamtha. <sup>8</sup> Nacom pinaē Abraham itorobatsi xua peexanaenexa po coyene xua pexui pebin wātixi pewi thabiwatsi xua ichaxota nareixacaena. Barapo coyene exana Abraham penanta xeinaenexa irū piamonaē tatsi xua po coyene bayatha Nacom pinaē yabara tsiwānaē muxu duta, xua bepa pinaē yaweneibina xua barapomonaē pinaē bepa yaweneibinchi. Daxota pinaē poxonaē Abraham pexanto tanaexanatsi pexanto wi thaba, pinaē pewān Isaac. Isaac irū pinaē barichi pexanto wi thaba, pinaē pewān Jacob. Jacob irū pinaē barichi wi thaba pexanto jiwī, pomonaē bayatha Israel nacuamon-aeipiwi pia pentacaponae wi tanaexanatsi barapo doce poyobe.

<sup>9</sup> “Jacob pia pexanto jiwī tatsi, barapo doce poyobe, wamo susatomonaē. Barapo doce poyobe jiwana caein pewān José. José pentapin jiwī uwatsi. Daxota José pentapin jiwī caenaetatsi. Pomonaē bapon José comotatsi barapomonaē José Egipto nacua becayiyatsi. Pon be jiwī pebusi cui tataibinchi be bapocotsin petsicotaenexa tsainchi. Ichitha Nacom José yawenatsi pebarū poponaexaetsi. <sup>10</sup> Poxonaē José abe jume baraunchaibichi ichamonaē, yawa poxonaē muxu atene peexaneibichi awiya José capanepeibatsi Nacom. Poxonaē faraón peitabaratha taponatsi José, Nacom exana xua José faraón tsita juntu coyene xanapanatsi. Matautano Nacom peyaputaēin exanano. Bapon faraón Egipto nacuamonaē pia pepa peewatsinchi tatsi. Faraón cana exana xua José Egipto nacuapiwi yanacua ewatatsi faraón nexa. Matautano faraón cana exana xua José canamataxeina daxita xua xuan faraón xeina.

<sup>11</sup> “Barapoxonaē Egipto nacuatha jainbo nacua tsurucuaeno, Canaán nacuathano irū. Pata amo susato jiwī jopa pexaewa taeyo. Yawa piyain pewerapae nacua tsurucuae poxoru pexaewa ajibi. <sup>12</sup> Poxonaē Jacob jume tane xua trigo xu xeina Egipto nacuatha, pia pexui bara beitorobiya. Barapon Jacob pia pexui tatsi, pata amo susato jiwī. Baraxua poxonaē xua copiya aena pona Egipto nacuatha. <sup>13</sup> Poxonaē equeicha pona José pentapin jiwī tsita naitapeinya xeina xua bapon bara peweicho jiwī tatsi. Bapoxonaē faraón yaputane xua barapomonaē apara bara José piamonaē tatsi. <sup>14</sup> Pirapae José pentapin jiwī itoroba xua petabarū dendenaenexatsi paxa tatsi, pon pewān Jacob, matautano piamonaē tatsi petabarū dendenaenexatsi po jiwimonaexae xua setenta y cinco poyobe. <sup>15</sup> Daxota Jacob irū pijimonaeno Egipto nacua beya warapa. Baxota pirapae bapon tūpa. Irū pirapae pata amo susato jiwino weraparū baxota. <sup>16</sup> Pirapaeno Jacob piwan capoinchi Siquem tomara beya. Baxota piwan mūthūtha xotsi, po ira bayatha Abraham comota, po ira Hamor pexantixi tatsi caenaeta.

<sup>17</sup> “Ainya wei tsuxubi. Poxonaē barapomonaē Egipto nacua wewara-

piyaenaba, be pocotsi coyeneya bayatha Nacom yabara tsiwuna nae muxu duta, bapoxonae Israel nacuapiwi pinmonae naexana. <sup>18</sup> Nexata Egipto nacuatha ichan nacia peewatsin naexana, pon José jopa yaputaetsi. <sup>19</sup> Barapo Egipto nacuapiwi itorobiya pia pepa peewatsinchi tatsi pata amo susato jiwi muxuitorobeibatsi. Yawa cuainteibatsino. Yawa cobe itorobeibatsino xua pexui saya pebebainexa tsaiibi tsane aisowatha xua pewerapeibinexa. <sup>20</sup> Barapoxonae iru Moisés naexanaru. Moisés paxa pia botha wichatatsi acoibi po xometiyobe. Barapon Moisés pexinyan nawita Nacom tsita juntu coyene xanepanecatsi barapo pexuyo. <sup>21</sup> Poxonae Moisés pena xotsi yawa paxa xotsi namicha jeriyotha yana botetatsi mentha xua musuripawa cuba, barapoxonae faraón pexantiyo tatsi Moisés pitatsi. Be pexanto tsicotane, pia botha wichata. <sup>22</sup> Bapon Moisés nacuiduba nawita pocotsiwa Egipto nacuamonae yaputane. Daxota peyaputaein tsecaeno, wuna peexanaein tsecaeno.

<sup>23</sup> “Pirapae poxonae Moisés yacuarenta po weibe jopa, bapon nanta xeina xua piamonae pesiwa ponaewa pomonae Israel nacuamonaexae. <sup>24</sup> Poxonae Moisés piamonae siwa pona, bapon tane xua piamonae jiwana tatsi tabatsi, Egipto nacupin. Daxota Moisés yawena pon piamonae jiwanaexae tatsi yawa bexuba Egipto nacupin. <sup>25</sup> Moisés nanta xeina, pia coutha nabarai: ‘Tamona, Israel nacuamonaepiwi neyaputaena xua Nacom neitoroba. Mata cawarapaein barapomonae Egipto nacua weya, penacapanenebiyaenexa tsane’, najei. Ichitha daumetha barapomonae jopa tsaqueinaeyo. <sup>26</sup> Icha matabitha Moisés tane xua caepinbe iru nababeru Israel nacuamonaepinbe. Moisés barai baponbe: ‘Ja, zeta xua metha caepinbe pana nabamebe?’ jei. <sup>27</sup> Pon piamonae ba, Moisés napuna torobabapoinchi. Moisés baraichi: ‘Jintam caitoroba pata xantha xua pon be jiwi neyabara paebin penatsicuentsiwa xua abe peexanaexae, xuano xua jiwi Necanamataxeinaem naexaname? <sup>28</sup> Jinya nebexuichi icha mexuae ichim Egipto nacupin?’ jeichichi Moisés. <sup>29</sup> Poxonae Moisés jume taebiriwa baxua, Moisés naetsiricua Madián nacia benaetsiricuiya. Baxota Moisés tanaexanatsi pexuyobe, pebin wutobe”, jei Esteban.

<sup>30</sup> Equeicha came Esteban barapomonae baru cueicueije. Namchi, jeye: “Caentacabi pirapae poxonae cuarenta po weibe pu caewa, xua poxonae equeicha icha cuarenta po weibe xeina, Moisés popona ichaxota ira xuepana susato tsurucuae nacuatha. Imoxoyo demxuwan, po demxuwan pewun Sinaí baraxota Moisés tsita naitatatsi matatsunpin xua poxonae isototha uncua xua taxuncua tsica naeyo. <sup>31</sup> Moisés yabara najuntu coyene cabenaeca. Bapon itatapoinya tsipei ichipa yaitane. Bapoxonae baxota Moisés jume tane xua Nacom namchi: <sup>32</sup> ‘Apara jinya amo susato jiwi pia Nacom tatsin. Iru apara, Abraham pia Nacom tatsin. Iru apara Isaac pia Nacom tatsin. Apara iru Jacob pia Nacom tatsin’, jei Nacom. Moisés pijunuwi bichocono jiyijiyei daxota aichaxaibi xua tane. <sup>33</sup> Nacom pinae Moisés baraichi: ‘Xua nataxu xatatame nataxu wejonde, poxoru po iratha poname apara tairiyo. <sup>34</sup> Tamona, pomonae Egipto nacuatha jinompa bichocono atene exaneibatsi yawa jume tanno xua nanenaba. Daxota barapomonae capanepan. Antha, caitorobatsi equeicha necoyo beya, Egipto nacua beya’, jei pinae Nacom”, jei Esteban.

<sup>35</sup> Equeicha Esteban namchi, jeye: “Pomonae Egipto nacuatha jinompa, barapomonae Moisés aichaxaibichi. Barapomonae Moisés



baraichi: ‘¿Jintam caitoroba pata xantha xua naexaname pon be jiwi neyabara paebin xua penatsicuentsiwa xua abe peexanaexae xuano xua naexaname pon be necanamataxeinaein?’ jei barapomoneae. Bequein barapomoneae baxua paeba ichitha Nacom cana exana xua bapon Moisés naexana be pon jiwi peyabara paebin xua penatsicuentsiwa xua abe peexanaexae. Matautano Moisés cana exanatsi pon pecapanepaein piamoneae. Baxua Moisés naexana poxona matatsunpin itoroba po matatsunpin Moisés tsita naitutatsi poxonae isototha uncua xua taxuncua tsica naeyo. <sup>36</sup> Bapon Moisés pon wamo susato jiwi capanepatsi Egipto nacua weya. Moisés petsita itutsi coyenewan exana Nacom pia peayapusuwatha. Baxua exana Egipto nacuatha, Mar Rojo menthano. Matautano exanano ichaxota ira xuepana susato tsurucuae nacuatha cuarenta po weibetha. <sup>37</sup> Moisés Israel nacuamonae jiwitha namchi: ‘Nacom paca jiwana cana exanaena pon pia peitorobi jume petapaebinchi icha neichi barichi tsane. Bapon xua pon Nacom itorobina, apara pon painyamoneae jiwana tsane’, jei Moisés. <sup>38</sup> Matautano apara bapon Moisés pon nanacaetuta poxonae Israel nacuamonae nacaetuta ichaxota ira xuepana susato tsurucuae nacuatha. Matautano bapon Moisés diwesi tsipaeba jiwitha xua petsipaebixaetsi matatsunpin poxona tsipaebatsi demxuwatha po demxuwa pewan Sinaí. Barapo diwesi po diwesi Moisés wamo susato jiwi tsipaebatsi barapo diwesi jiwi cana exanatsi xua peajuntayapusuwa pexeinaewa. Barapo diwesi iru waxainchi nexaru.

<sup>39</sup> ‘Ichitha barapomoneae wamo susato jiwi jopa bejume jejeyo xua peexanaewa pocotsiwa Moisés itorobatsi Nacom. Moisés jume matawentatsi. Saya barapomoneae ichipa xua equeicha caibeya penawibiwa Egipto nacua beya. <sup>40</sup> Poxonae cataunxuae Moisés demxuwatha pona, barapoxonae barapomoneae Moisés peweicho tatsi pon pewan Aarón, bapon baraichi: ‘Painta exande ainya ibo nain nacomun. Barapo ibo nain nacomun naca tsiwana copiya cajijincaena namtotha. Jopa payaputaeyinyo xua Moisés aichawiya pon pana matabapona Egipto nacua weya’, jeichichi Aarón. <sup>41</sup> Barapoxonae barapomoneae penain nacom exana be vacayo pebtiyo canaxobeta. Bapoxonae barapomoneae tabexuba oveja, penain nacom vacayo nexa. Tsipei barapomoneae nanta xeina xua metha penain nacom ichichipa baxua. Barapomoneae bichocono juntu coyene weiweina penain nacom pia coya peexanaexae, xua pin penabanaewa xua pebaru itura jinaenexatsi barapo ibo nacom. <sup>42</sup> Barapomoneae Nacom wepu tsatajopa tsipei barapomoneae pia penain nacom exana. Nacom bara copata barapomoneae xua bara barapomoneae bara exanaena be pocotsi coyeneya xua ichichipa peexanaewa. Daxota barapomoneae opitei be nacom cana exana, po opitei barapomoneae wanae jainta. Barapomoneae pomoneae wamo susatomoneae, exana pocotsiwa caena bayatha Nacom pia peitorobi jume pepaebin yabara cui tsiwanae muxu dutsiya tina. Bapon diwesi tina xua Nacom jume yabara tinatsi xua Nacom namchi barapo diwesi, jeye:

‘Israel nacuamonae, paxam oveja pabexubame  
painya penain nacomun nexa,  
ichitha xan nexa jopa paraichim.

Baraxua paexaname poxonae pajinompame ichaxota

ira xuepana susato tsurucuae nacuatha  
xua cuarenta po weibetha.

<sup>43</sup> Yawa pacaponame penain boutiyo nacom  
po penein boutiyo nacom pewan Moloc.  
Yawa pacaponame icha penain opitei nacom  
po opitei penain nacom pewan Refán.  
Barapo penain nacombe paexaname  
painya wanae jaintichi.

Daxota xan itorobin ichan xua paca mata  
cawarapaena Babilonia nacua beya.  
Bequein jopa bepawarapaem ichitha awiya  
paca itorobinchi', jei Nacom.

<sup>44</sup> "Wamo susato jiwi exana xua be bo xua anseraboco, xua ichaxota  
tututha jeba ibo xua po iboton Moisés mata tina xua Nacom pejume  
caitorobiwan. Barapomonaе cuita acaba be pocotsi boyo Moisés tsita  
itútsi Nacom. <sup>45</sup> Wamo susato jiwi poxonaе tawerapatsi paxa tatsi,  
itorein pita barapo boyo xua anseraboco boyo. Pata tamo jiwi Nacom  
pia boyo capona poxonaе Josué napona. Poxonaе pata tamo jiwi ainya  
nacuan nonota tsiniya barapoxonaе equeicha barapo anseraboco boyo  
capona beya yacobe cui matabi othopa poxonaе David popona pon  
Israel nacuapiwi itorobiya pia pepa peewatsinchi. <sup>46</sup> Bapon David pon  
Israel nacuapiwi itorobiya pia pepa peewatsinchi tatsi, Nacom tsita  
pejuntú coyene xanepanaeinchi. Bapon David ichichipa xua acaba pin  
bo Nacom nexa po Nacom Jacob pia Nacom tatsi. <sup>47</sup> Ichitha Salomón  
bapon apara pon Nacom pin pia bo exana. <sup>48</sup> Bequein Nacom pon pepa  
Nacom jopa poponaeyo botha pocotsi bo jiwi acaba Nacom nexa. Nacom  
peitorobi jume pepaеbin baxua yabara paeba xua Nacom tapaebatsi,  
jeye:

<sup>49</sup> 'Peitaboco apara ichaxota taequeibithopeibiwa.

Ira apara ichaxota nataxu yatabotan.

¿Eta pocotsi bo netsiexanaename?'

jei pon Wanacanamataxeinaein.

Matautano jeino: 'Ichacuitha ¿eta po irara  
xua ichaxota nafinacaecaеin?'

<sup>50</sup> Apara xan tacoutha exanan daxita ira yawa  
peitaboco daxota jopa nantawenonaеinyo xua  
ichawa tana netsiexanaewam', jei Nacom",  
jei Esteban.

<sup>51</sup> Equeicha Esteban barai, jeye: "Maisa bichocono pajuntú coyene  
daunwam xua jopa bepayaputaem. Matautano pamuxu tutu daunwam,  
yawano pajuntú coyene daunwam icha be pocotsimonaе ichi pomonaе  
jopa peyaputaewi Nacom. Barichi paaichaxaibim Nacom pia Pejumope  
tunaxú tatsi. Paxam bara paichim icha painya amo susato jiwi ichi.

<sup>52</sup> Apara painya amo susato jiwi bayatha Nacom pia peitorobi jume  
pepaеbiwi catsa jume barú paebatsi, yawa cueintatsino. Matautano  
bayatha jutebatsi barapomonaе pomonaе Nacom pia peitorobi jume  
pepaеbiwi, pomonaе namchi: 'Bexa patopaena pon pepa pejuntú  
xanepanaein pon Mesías baraichi', jei. Cain paxam, barapon poxonaе  
patopa, pacaenaetame, pabexubameno. <sup>53</sup> Nacom pia peitorobi diwesi  
pajume taneme xua matatsunpiwi paca tsipaeba Nacom nexa. Ichitha

jopa paexanaem pocotsiwa Nacom paca itoroba barapo pia peitorobi diwesitha”, jei Esteban pentacaitorobi bicheitotha.

*Meje yabara poxonae Esteban tupa*

<sup>54</sup> Poxonae pentacaitorobi bicheito jume tane pocotsiwa Esteban paeba, bapoxonae bichocono Esteban yabara cui anaepanarucupatsi. <sup>55</sup> Ichitha Esteban bichocono juntu coyene yuca cana exainchi Nacom pia Pejumope tñaxu tatsi pia peayapuswatha. Esteban athabeicha necoicha. Bapon necota Nacom pia peitupanae coicha tatsi iru Jesucristo xua uncuia Nacom pecoxatha tatsi. <sup>56</sup> Nexata Esteban namchi, jeye:

—Incane pataema. Necotan xua peitaboco naitaboco coibo yausaranaxuba. Tan Jesús xua uncuia Nacom pecoxa weya tatsi ponxae Nacom pia Peitapetsin tatsi, jei Esteban.

<sup>57</sup> Barapomonaе jume itapataya namuxu acaba pocotsiwa Esteban paeba. Yawa anaepanaya wawai. Barapomonaе be cae bicheito naexana pomonaе Esteban betacuinaeyiyatsi. <sup>58</sup> Barapomonaе Esteban aisowa bexoyatsi tomara weya. Yawa baraxota ibotontha cuinbabatsi. Pomonaе abe peexanaewichi Esteban, barapomonaе Saulo juma camisa jeba xua pocotsiwan nainya werubiya. Bapon Saulo pon pewowin xua bayatha pinyo.

<sup>59</sup> Poxonaе barapomonaе Esteban cuinbabompatsi ibotontha bapoxonaе Esteban tsipaeba Nacomtha, jeye: “Jesús, pon Tanecanamataxeinaem, nejumope tñaxu pire”, jei Esteban. <sup>60</sup> Bapoxonaе pentabocototha uncuia. Namtsebiya wawaino, jeye: “¡Jesús, Tanecanamataxeinaem! ¡Necana cui jantemainare, yawa jopa neyantomatsinde xua barapomonaе inta abe exana!” jei Esteban.

Poxonaе najume wetaba, tupanaicha Esteban.

## 8

<sup>1</sup> Saulo iru baru ita cui wñnaetsi poxonaе ichamonaе Esteban bexotsi.

*Meje yabara poxonae Saulo abe exana pomonaetha pomonaе Jesús pejume cowantsiwi*

Po matabitha Esteban bexotsi, barapo matabitha judiomonaе tamropata notarucupa xua Jesús pejume cowantsi jiwi tatsi bichocono abe exanatsi Jerusalén tomaratha. Daxita Jesús pejume cowantsi jiwi tatsi yotabatsi. Ichamonaе Judea nacua berucupiya, ichamonaе Samaria nacua berucupiya. Meisa Jesús pia peitorobi jiwi tatsi pomonaе xua doce poyobe ena Jerusalén tomaratha. Jopa ducupaeyo. <sup>2</sup> Ichamonaе, pomonaе Nacom pejume cowantsiwichi, Esteban muthatha xotsi. Barapomonaе Esteban bichocono siwa wecoyeichi. <sup>3</sup> Saulo jeita ducuaanaeta Jesucristo pia pejume cowantsi jiwi tatsi. Daxita bomuxun jepaya Saulo jiwi teteica tsiniya yabuxino pebiwino. Jiwi pecabi bo beya capona.

*Meje yabara poxonae Jesús pejume cowantsi jiwi tatsi paeba dubenanaebiya Jesús pia pexeinya jume diwesi tatsi Samaria nacuatha*

<sup>4</sup> Pomonaе bewa Jerusalén tomara werucupiyaena barapomonaе Jesucristo pia pecapanepae jume diwesi paeba dubenanaebiya daxita po tomarantha xua pateiba. <sup>5</sup> Barapomonaе jiwana tatsi pon Felipe baraichi bapon pona pepa tomaratha Samaria nacuatha. Barapo tomaratha tamropata pitaba xua pecueicueijejewa Cristo yabara. <sup>6</sup> Jiwi

nacaetuta dubenanaebiya. Matautano jume naitomatsiya jume taerubenaebiya pocotsiwa Felipe cueicueijeji Cristo yabara. Matautano barapomona taerubenaebiya pexeinya petsita itatsi coyenewan xua Felipe exana Nacom pia peayapusu itorobi coyenewatha. <sup>7</sup> Pomona xua cauri pexeinaewi, barapomona equeicha axaibi exanatsi poxona Felipe taitaweta cauri. Matautano caurimona barapomona wawaya wepu ducupeibatsi. Ichamona pomona pecuenobichi jiwi, pejayujayujeimonaeno, daxita barapomona axaibi exanatsi. <sup>8</sup> Felipe baxua peexanaexae daxota barapo tomarapiwi bichocono juntu coyene weinaya jinompa.

<sup>9</sup> Barapo Samaria tomaratha popona pon pentawun Simón. Bapon Simón mara pexeinaein. Matautano bapon barapo Samaria tomarapiwi muxujainyabeibatsi poxona bapon pia coya pentacaponaein naexana. <sup>10</sup> Daxita tomarapiwi pomona peacopeibiwi iru pomona nawita pexeinaewino, barapomona beta jume naitaewata pocotsiwa Simón paeba. Barapomona namchi, jeye: “Barapon Simón apara pon yabara jeichichi: ‘Pon bichocono Nacom pia peayapusuwa tatsi xeina’, yabara jeichi”, jei barapomona.

<sup>11</sup> Daxita barapo tomarapiwi itapeta jume naitaewata pocotsiwa Simón paeba, tsipei saya caena bayatha barapomona muxujainyabatsi mara peexanaewi pia coyeneyatha tatsi. <sup>12</sup> Barapomona jume cowanta po pexeinya jume diwesi Felipe cueicueijeji xua Nacom yawa Jesucristo yabara, po diwesi xua Nacom waba jiwi petanaexanaenexatsi pijimona tatsi jiwana pomona Nacom itorobiya ewata. Bapoxona barapomona bautisabatsi pebiwi yawa yabuxino. <sup>13</sup> Bapoxona bapon Simón iru jume cowanta. Iruno bapon bautisabatsi. Matautano bapon tamropata pitaba xua Felipe peyantsiwatsi. Bapon Simón yabara najuntu coyene cabenaeca bichocono poxona Felipe pexeinya petsita itatsi coyenewan exana Nacom pia peayapusuwa.

<sup>14</sup> Jesucristo pia peitorobi jiwi tatsi, pomona peenaexae Jerusalén tomaratha, jume tane xua Samaria nacuamona jume cowanta Nacom Pejume Diwesi. Daxota barapomona Pedro itorobatsi iru Juan itorobatsi, Samaria nacuamona beya. <sup>15</sup> Poxona Juan Pedrobe patopabe barapomonaetha, bapoxona Nacomtha tawucabe Samaria nacuapiwi nexa, pomona pejume cowantsixae Nacom. Baponbe ichichipabe xua barapomona peyanaba jinompaenexatsi Nacom pia Pejumope tunaxu tatsi. <sup>16</sup> Pedro iru Juan tawucabe barapomona Nacomtha. Tsipei barapomona awiye cataunxuae jopa tapatichi pia juntu coyeneintha Nacom pia Pejumope tunaxu tatsi. Saya meisa poxoru bautisabatsi Jesús pon Pecanamataxeinaein jiwi bapon pewantha tatsi. <sup>17</sup> Pedro iru Juan, pecobetha mata jayababe barapomona. Barapoxona barapomona tapatatsi pia juntu coyeneintha tatsi Nacom pia Pejumope tunaxu tatsi.

<sup>18</sup> Poxona Simón cui tane xua Pedro Juanno pecobetha mata jayababe xua daxota Nacom pia Pejumope tunaxu tatsi tapatatsi barapomona, Simón ichichipa xua pecatsiwa paratixi baponbetha. <sup>19</sup> Simón namchi, jeye:

—Dapo peayapusuwa necare. Tha iru poxona mata jayabeiban ichamona tapateibinchi Nacom pia Pejumope tunaxu tatsi, jei Simón.

<sup>20</sup> Nexata Pedro Simón baraichi, jeye:

—Barabũ xam yawa jinya paratixino cayawa muxuna weraweraca exanaena, tsipei saya nanta xeiname xua necaitacũpaewa xua Nacom pia peayapusũwa tatsi necomotsiwa paratixitha, po peayapusũwa bequein Nacom amanaya pecatsiwa jiwitha. <sup>21</sup> Jopa caitacũpaeyo xua nexainaewa Nacom pia peayapusũwa tatsi, tsipei apara Nacom cajũntũ coyene yaputane xua neajũntũcoyenebewa. <sup>22</sup> Nacui baraxore jinya abe neexanae cuiru coyenein. Nacom wũcare, xain Nacom cayabara jũntemaina xua nanta xeiname baxua. <sup>23</sup> Catainchi xua pejume uwiwa nenthũtotha xeiname. Xam neabewa canthũthũ yancababa daxota beta jopa xapain poponaem, abe nanta xeiname jincoutha, jei Pedro.

<sup>24</sup> Nexata Simón jume nota. Pedro irũ Juan jume notatsibe, jeye:

—Painta yabara wũcarebe Nacomtha baxua xuaunxuae pana netsipaebamebe, xain bapoxonae xeinaein barapo coyene xua jopa abe tana necana exanaenexa, jei Simón.

<sup>25</sup> Bapoxonae Pedro Juanno ichamonaetha nacui yopitabe po coyene xua bayatha jume cowũntabe Nacom. Yawa xua penthũtotha taecatsibe Nacom pia Pejumope tũnaxũ tatsi. Baponbe Nacom pia pexeinya jume diwesi tsipaebabe barapomonaetha. Jerusalén tomara bewarapiyabe. Poxonae warapabe, Jesús pia pexeinya jume diwesi papaeba tsiniyabe Samaria nacuatha. Ainya tomarantha cueicueijeibe.

*Meje yabara xua poxonae Felipe irũ Etioþía nacuapin nantenta ponabe namtotha*

<sup>26</sup> Barapoxonae pirapae, Jesucristo pon Pecanamataxeinaein jiwi, bapon pia matatsunpin tatsi, Felipe tsita naitũtsiya tsipaebatsi, jeichichi: “Nontaponde, yawa ponde pocotsiwa parowa bereca. Jerusalén namto iyande xua po namto Gaza tomara betaerucuiya”, jei matatsunpin. Barapo namto ducuiya ichaxoyo ira xuepana susato tsurucuae nacua iya. <sup>27</sup> Felipe nantacotaxuba, bapoxonae bara ponataba. Poxonae Felipe namtotha ecapona, bapoxonae caxina pebin Etioþía nacuapin. Barapon pon pentacaponaein pon peainya cui jiton. Mataũtano bapon paratixi tayapu eena xua yabũyo nexa powa Etioþía nacua pepa peewatsiwayo. Bapon Etioþía nacuapin bayatha pona Jerusalén tomara beya xua wũnae pejainchinexa Nacom. <sup>28</sup> Bapon caewa pia nacua siwa ecapona Etioþía nacua. Cawayu pecaponae naeyoþa ecapona yawa yorobecapona po diwesi bayatha Isaías tina, pon Nacom peitorobi jume pepaebin.

<sup>29</sup> Nacom pia Pejumope tũnaxũ tatsi Felipe baraichi, jeye: “Imoxoyo ponde cawayu pecaponae naeyo beya yawa imoxoyo caquita naecaponde”, jeichichi Felipe. <sup>30</sup> Felipe cuinaepona cawayu pecaponae naeyo beya, ichaxota jume tane xua yoroba Etioþía nacuapin. Bapon yoroba Nacom Pejume Diwesi, xua po diwesi bayatha Isaías tina. Felipe barai bapontha jeye:

—¿Bara yaputaneme xuaunxuae yorobame? jei.

<sup>31</sup> Bapon Felipe jume notatsi, jeye:

—¿Eta bichin xua tayaputaewa icha dapon aibi pon yabara neyaputane exana barapo diwesi? jeichi Felipe.

Felipe wabatsi xua penontabinaenexa xuano xua peecaenexa ichaxota bapon eca. <sup>32</sup> Po diwesi ichaxota bapon yoroba xua baxue meje:

“Be poxonae jiwi oveja yamũ capona pebexubinexa tsane, barichi tsane jiwi caponaena jiton pebexubinexa tsane.

Be cordero moya, jopa papayo poxonaē na thabatsi  
barichi tsane jiton moya tsane, jopa papai  
tsane poxonaē caitacueintinchi poxonaē  
yawa aperutane tsaneno.

<sup>33</sup> Jiton ura exanaeinchi.

Jiwi ura exanaena.

Jopa beta yabara exanaē tsainchi  
poxonaē jiton atene tsane poxonaē  
jopa bequein abe exanaeyo.

Jiwi jopa yabara paebi tsane xua pia  
pexui tatsi, poxoru jopa nantaṭsi  
tsane pexui, pemomoxino.

Jiwi barapo jiton bexubinchi”, jei Nacom  
Pejume Diwesi, po diwesi Isaías tina xua  
ichaxota yoroba Etiopía nacuapin.

<sup>34</sup> Nexata Felipe yainyabatsi Etiopía nacuapin, jeichichi:

—Incane netsipaebare, ¿jintam Isaías yabara jei? ¿Pia coutha nayabara  
jei jampa? ¿Bara metha ichan yabara jeichi? jeichichi Felipe Etiopía  
nacuapin.

<sup>35</sup> Felipe yaputane exana Etiopía nacuapin po diwesi xua Isaías tina  
Jesús jume yabara. Bapoxonaē nama paeba po coyene Jesús pia pexeinya  
jume diwesi tatsi. <sup>36</sup> Poxonaē Felipe Etiopía nacuapinno namtotha  
ecaponabe, bapoxonaē Etiopía nacuapin namchi, jeye:

—Taema meniyo eque jeba. ¿Jopa nebautisabim tsane? jeichichi  
Felipe.

<sup>37</sup> Felipe barai, jeye:

—Icha daxita carepaya jume cowantame nejantṭa coyenetha,  
methaunxuae bara cabautisabinchi, jei Felipe.

Etiopía nacuapin Felipe jume notatsi, jeye:

—Bara yabara jume cowantan xua Jesucristo, bara Nacom pexanto  
tatsi, jei bapon.

<sup>38</sup> Nexata Etiopía nacuapin cobe itoroba xua duntabina pon xua  
cawayu pecamaeaein. Nexata duneicabe Felipe Etiopía nacua-  
pinno. Meniyo bejonecabe. Nexata Felipe meniyotha bautisaba Etiopía  
nacuapin. <sup>39</sup> Poxonaē meniyo wejuinabe, Nacom pia Pejumope tanaxṭ  
tatsi Felipe puxanatsi. Felipe equeicha jopa taetsi Etiopía nacuapin.  
Saya equeicha Etiopía nacuapin jantema pona pia nacua beya. <sup>40</sup> Felipe  
taerucupatsi ichamonae Azoto tomaratha. Felipe daxita tomaran tam-  
ropatecapona xua pecueicueijejwa Jesucristo pia pexeinya jume diwesi  
tatsi, beya yacui jopa Cesarea tomaratha.

## 9

*Meje yabara poxonaē Saulo jume cowanta Jesús  
(Hch 22.6-16; 26.12-18)*

<sup>1</sup> Awiya came Saulo ichipa daxita pejutebiwa pomonaē Jesucristo  
pejume cowantsi jiwi tatsi, pon Jesús Pecanamataxeinaein jiwi. Dax-  
ota Saulo siwa pona sacerdotemonaē pia pepa pentacaponaein tatsi.  
<sup>2</sup> Saulo wṁca: “Necare cartan judiomonaē pia penacaeuttsi bon pia  
pentacaponaei nexa. Tha tacaponaetsi Damasco tomara beya. Icha  
caxinaein pomonaē Jesús pejume cowantsiwi tha jiwi pecabi botha

caponaetsi Jerusalén tomaratha, pebiwino, yabaxino”, jei Saulo. <sup>3</sup> Saulo Damasco tomara beya pona. Poxonae bara muxu pepatopae, bapoxonae pin coicha yacaincha matawacaicha matatsun uncuatabicatsi. Barapo coicha peitaboco wejopeica. <sup>4</sup> Nexata iratha jopa Saulo. Yawa jume taneno xua pejume xua baraichichi, jeichichi: “Saulo, Saulo, zeta xua metha tamonae inta abe exaname?” jei pejume.

<sup>5</sup> Saulo jume nota, jeye: “Pon jiwi Pecanamataxeinaem, zjintammda?” jei Saulo. Saulo u pejume jume notatsi, jeye: “Apara bara xan Jesús, ponxaein inta abe cana exaname tamonae. <sup>6</sup> Nontaponde, tomara be-iyande. Baraxotiya catsipaebina pocotsiwa bewa exanaename”, jeichichi Saulo.

<sup>7</sup> Pebiwi, pomonae Saulo puna poinchi bichocono pijunuwi moya umena tsipei saya u pejume jume tane ichitha pepon jopa xapain taeyo. <sup>8</sup> Saulo nantacotaxuba asiya uncua. Poxonae necotaxuba jopa xapain taeyo. Daxota pomonae Saulo puna poinchi cobe capoinchi Damasco tomara beya. <sup>9</sup> Baraxota Damasco tomaratha Saulo eca acoibi po mat-acabibe. Jopa xapain necotsiyo. Barapo acoibi po matakabibetha jopa nabanaeyo, jopa apaeyono.

<sup>10</sup> Baxota Damasco tomaratha popona pon pejume cowantsin Jesucristo. Bapon pewan Ananías. Ananías tsita naitapeinya xeinatsi Jesús poxonae camaita. Ananías tsipaebatsi Jesús jeichichi: “¡Ananías!” jeichi. Ananías jume nota, jeye: “Jai, apara xote ecanje, pon jiwi Pecanamataxeinaem”, jei.

<sup>11</sup> Nexata Jesús Ananías baraichi: “Nontaponde. Namto beya ponde, po namto pewan Bopiya perucuiyae namto. Poxonae Judas pia botha patopame, yainyabare barapo botha. ‘¿Incane Saulo, Tarso tomaramonaepin?’ jande. Iraunxuaera Saulo Nacom tsipaebauya. <sup>12</sup> Saulo amachinae xua cacamaita, xua Ananíam xua itacuere wanaetsiname Saulo necobetha”, jei Jesús.

<sup>13</sup> Nexata Ananías jume nota, jeye: “Pon jiwi Pecanamataxeinaem, pinmonae netsipaeba xua pinae bapon cata abe exanatsi jinya jiwimonae, pomonae Jerusalén tomaratha jinompa. <sup>14</sup> Bapon carta capatopa xote, po carta bayatha sacerdotemonae pia pentacaponae wi caitoroba. Saulo carta capatopa poxoru sacerdotemonae jume jejei xua Saulo pinae bara caponaena jiwi pecabi bo beya pomonae cawan ununeiba poxonae Nacom tsipaebeibatsi”, jei Ananías.

<sup>15</sup> Jesús Ananías baraichi, jeichichi: “Ponde tsipei yaitama bapon bayatha Saulo itapetan. Bapon Saulo tsipaebina tajume diwesi icha nacuantha, po nacuantha jinompa pomonae jopa judiomonae naexanaeyo. Matautano tsipaebina pomonaetha pomonae jiwi itorobiya pia pepa peewatsiwichi. Matautano tsipaebina barapo tajume diwesi israelmonaetha. <sup>16</sup> Tha bexa Saulo tsita itutichi po coyene xua bewa atene tsane tajume diwesi penatsipei cueicueijeixae tsane”, jei Jesús.

<sup>17</sup> Nexata Ananías pona ichaxota Saulo eca. Poxonae joniya botha, Saulo pecobetha ainya cobethabe mata jayabatsi. Ananías namchi, jeye:

—Saulom, pon be tayapin catsicotainchi, nejume cowantsixae Jesús. Bapon Jesús pon jiwi Pecanamataxeinaein neitoroba, pon namtotha catsita naitata xuano xua catsipaebano. Jesús neitoroba nenecotsinexa tsane yawa Nacom necajuntu coyene yuca exanaenexa pia Pejumope tunaxutha, jei Ananías xua Saulo tsipaebatsi.

18 Barapoxonae caena nainya peitacueretotha be petsebocoton taothopeinatsi. Bapoxonae equeicha caewa wunaeya daxita carepaya tane. Saulo asiya uncua bapoxonae caena bautisabatsi. 19 Poxonae nabane bapoxonae cui thunei tsanaya. Be caentacabiyobe Saulo eca Damasco tomaratha ichaxota ena pomonae pejume cowantsiwi Jesucristo.

*Meje yabara poxonae Saulo Jesús pejume diwesi paeba Damasco tomaratha*

20 Caena nainya Saulo pona judiomonae pia penacatutsi bontha tatsi. Tsipaeba barapomonaetha, jeye: “Barapon Jesús, apara Nacom Pexanto tatsi”, jei. 21 Daxita pomonae jume tayena barapomonaе yabara najantu coyene cabenaeca, nabarai, najei:

—Bara baraponda, pon cain matha Jerusalén tomaratha patopa xua abe peexanaponaenexatsi pomonae Jesucristo pewan ununaewichi poxonae Nacom wunqueibatsi. Apra bapon pon bayatha xote patope xua peteicaenexatsi pomonae pejume cowantsiwi xuano xua pecapon-aenexatsi pomonaetha pomonae sacerdotemonae pia pentacaponawewi xua Jerusalén tomara beya, najei.

22 Ichitha bapon Saulo awiya jume tsacatsacapiya cueicueijei. Bapon tsita itapeinya xeina xua Jesús apara Mesías. Daxota barapomonaе judiomonae moya umenaracapa tsipei yabara najantu coyene cabenaeca pocotsiwa xua Saulo paeba.

*Meje yabara poxonae Saulo panepa judiomonae pecuiyainwa*

23 Poxonae ainya maticabin yapucaewa judiomonae caemonae peburaya nanta xeina xua bepa bexubichei Saulo. 24 Saulo ichan muxu baraichi: “Bepa cabexubei ichamonae”, jei. Saulo ewatumeinchi tomara coibotontha po coiboton xua tomara peyacaincha toxoroto dutsiwa coiboton. Barapo coibotontha Saulo ewatumeinchi daxita maticabi, yawa merawino. 25 Ichitha Saulo merawi panepa poxonae pijimonae pitatsi yawa yacote yorecatsi pepa tomara juma deca xua tomara peyacaincha toxoroto dutsiwa juma deca.

*Meje yabara poxonae Saulo Jerusalén tomaratha popona*

26 Poxonae Saulo Jerusalén tomaratha patopa bepa bequein baru nacaetutei Jesús pejume cowantsiwichi tatsi, ichitha barapomonaе Saulo cunuwatsi tsipei nanta xeina xua Saulo jopa xapain Jesús pejume cowantsiwichi jiwana tatsi. 27 Ichitha Bernabé Saulo cuaranotatsi Jesús pia peitorobi jiwu tatsi peitabaratha tatsi. Bernabé barapomonaetha namchi, jeye: “Pinae bayatha Saulo namtotha tsita naitatatsi Jesús pon jiwu Pecanamataxeinaein. Matautano pinae Saulo muxu tsipaebatsi. Matautano pinae tsipaeba Jesús pejume diwesi Damasco tomaratha xua pinae cui tsacatsacapiya cueicueijei”, jei Bernabé. 28 Daxota Saulo napopona ducuaeta Jerusalén tomaratha ichaxota Jesús pia peitorobi jiwu tatsi. Saulo Jerusalén tomaratha jume tsacatsacapiya cueicueijei ducuaeta Jesús pejume diwesi tatsi pon jiwu Pecanamataxeinaein. 29 Saulo yabara baru natsipaeba Jesús pejume diwesi, yawa baru najume matsontsonobatsi judiomonae, pomonae xua griego jume penatsipae-biwi. Barapomonaе judiomonae, ichichipa xua Saulo pebexubiwatsi. 30 Pomonae iru Jesús pejume cowantsiwi tatsi jume tane, xua bepa Saulo imoxoyo hexubichei judiomonae. Daxota Saulo Cesarea tomara



becayiyatsi. Baxota punaxubathopatsi. Equeicha Saulo dabe pu itorobiyatsi Tarso tomara beya.

<sup>31</sup> Daxita Jesús pejume cowantsi jiwi tatsi juntema jinompa Judea nacuatha, Galilea nacuatharu, Samaria nacuatharu, tsipei jopa ichamonae abe exanaeyo barapomonaetha. Matautano barapomonaemataropeichiya nacuidubapona xua pejume cowantaponaewa Nacom. Matautano exanapona pocotsiwa Nacom ichichipa. Nacom pia Pejumope tuxuxu tatsi barapomonaeyaweinchi pejuntu coyeneintha tatsi. Pinmonae Jesús jume cocowantapona.

*Meje yabara poxonaey Eneas axaibi exanatsi*

<sup>32</sup> Poxonaey Pedro siwa pona ducuaetaeiba daxita tomaran Jesús pejume cowantsi jiwi tatsi, bapoxonaey yawa siwa ponano pomonaey Jesús pejume cowantsi jiwi pomonaey ena Lida tomaratha. <sup>33</sup> Baxota Pedro caxina pon pecuenobinchi xua saya camatha boca. Bayatha caena xeina baxua ocho po weibe. Bapon pewan Eneas. <sup>34</sup> Pedro, Eneas baraichi:

—Eneas, Jesucristo caaxaibi exana. Asiya uncuatabare. Jinya cama xaxainta xore, jei Pedro.

Barapoxonaey caena yacuina y nantacotaxuba Eneas. <sup>35</sup> Nexata Lida tomarapiwi, iru Sarón tomarapiwino, barapomonaey Eneas tainchi xua equeicha beta pona. Bapoxonaey barapomonaey nacui barapenta xua copiayume cowanta pejume cowantsinexa Jesucristo, pon jiwi Pecanamataxeinaein.

*Meje yabara poxonaey Dorcas equeicha caewa asu exanatsi poxonaey tupa*

<sup>36</sup> Iru jame caena bayatha Jope tomaratha popona powa pejume cowantsiwayo Jesús. Bapowa pewan Tabita. Barapo wan seicaya griego jume wan “Dorcas” baraichi. Barapowa pocotsiwa wunaey itapeta exaneiba nawita. Matautano barapowa yaweneiba pomonaetha pomonaey peacopeibiwi. <sup>37</sup> Barapowa caena nainya atene tsanaya. Caena nainya tapanaya. Daxita petupaeyin matapaeta peru iquicatsi. Bapoxonaey potutu athabeicha baxota boichatsi. <sup>38</sup> Jope tomara Lida tomara imoxoyo nacaquita ecabe. Baxota Pedro popona Lida tomaratha. Baxota Jope tomaratha pomonaey Jesús pejume cowantsiwichi tatsi jume tane xua juinya Pedro Lida tomaratha popona. Bapoxonaey itoroba pebinbe nacueyatabe xua bepa pinaey tawabathopiyaetsi xua Pedro pewabathopiyaenexatsi Lida tomara beya. Baponbe namchibe. Pedro baraichi: “Cawaba pomonaey Jesús pejume cowantsiwichi tatsi. Bepa pinaey anetha iyaem”, jeibe baponbe.

<sup>39</sup> Bara Pedro puna pona baponbetha. Poxonaey Pedro patopa Jope tomaratha, baru jonyiyatsi Pedro, ichaxota potututha boca petupaewa Dorcas. Daxita pecuenta werapaewaxichi piseurixi caquita wecoyey tsumenaetsi Pedro. Yawa barapowaxi Pedro tsita itabatsi dorobaru, camisanno xua bayatha Dorcas taxuxuca poxonaey cataunxuaey abu popona. <sup>40</sup> Pedro pesato beitaweya daxita barapomonaey. Pedro imoxoyo caquita eca pentabocototha. Nacomtha tsipaeba. Bapoxonaey potupuncua Pedro pexainya benecoya, Pedro barai bapowa, jeye:

—Tabita, asiya uncuatabare, jei Pedro.

Bapoxonae powa tɔpuncua necotaxuba. Poxonae Pedro tainchi, bapoxonae nantacotecataba. <sup>41</sup> Pedro Dorcas cobe pitatsi. Asiya cuaranotatsi. Bapoxonae Pedro waba pomonae Jesús pia pejume cowantsi jiwí tatsi, írɔɔ powaxi pecuenta werapaewaxichi piseurixi. Barapomonae Pedro tsita itata xua equeicha Dorcas asɔ. <sup>42</sup> Jope tomarapiwi jume taerɔɔpa xua equeicha Dorcas petɔpaewa nacosata. Bapowa equeicha asɔ popona. Daxota pinmonae jume cowanta Jesús pon jiwí Pecanamataxeinaeinchi. <sup>43</sup> Jope tomaratha Pedro baxota popona ainya matababin. Pedro popona Simón pia botha tatsi pon xua duwei peboco wɔnaeteibin.

## 10

### *Meje yabara Pedro írɔ Cornelio*

<sup>1</sup> Írɔɔ jame Cesarea tomaratha pebin warapaeya popona. Bapon pewɔn Cornelio. Cornelio, jame yatsicaya pia nacua tatsi Italia nacua. Bapon soldadomonae pia pentacaponaein tatsi. Írɔɔ soldadomonae pia nacua tatsi Italia nacua. <sup>2</sup> Cornelio piamonae barɔ jume cowanta Nacomtha. Matautano Nacom wɔnae jaintatsi. Barapon Cornelio matowa yaweneiba judiomonae, pomonae peacopeibiwi. Bapon paratixi catsibeiba barapomonaetha. Bapon Cornelio tsipaebeya Nacomtha. <sup>3</sup> Icha mataqueitha, Cornelio mataqueitha quiripitha amachinae.

Cornelio tane Nacom pia matatsunpin tatsi be poxonae camaita. Matatsunpin patopaeya namchi, jeye: “¡Cornelio!” jei. <sup>4</sup> Cornelio junuwiya camaitiya tane matatsunpin. Cornelio jume epa pita, jeye: “Pon jiwí Pecanamataxeinaem, ¿eta xua jinyatsi?” jei Cornelio. Cornelio jume notatsi matatsunpin jeye: “Bayatha Nacom cajume tane poxonae tsipaebame pexainya beya. Cacuí taneno xua yaweneibame peacopeibiwi. Nacom cayabara nanta xeina. <sup>5</sup> Cornelio, ichamonae Jope tomara beitorobiyama pewabinexa tsainchi pon ainya wɔnbe pexinaein. Bapon Simón baraichi yawa Pedro baraichi. <sup>6</sup> Barapon Simón Pedro eca icha Simón pia botha tatsi pon Simón seicaya pon duwein peboco wɔnaeteibin. Barapon Simón mar mene itapatha yabo uncua”, jeichichi Cornelio matatsunpin.

<sup>7</sup> Poxonae matatsunpin napitaba, barapoxonae Cornelio ichamonae waba, pomonae xua pia botha petanacuichiwichi. Írɔ soldadomonaepin waba, pon xua pia botha tanacuitatsi. Barapon soldadomonaepin pejuɔntɔ coyene xanepanaein Nacomtha. <sup>8</sup> Barapomonaetha tsipaebatsi pocotsiwa bayatha Cornelio tsipaebatsi matatsunpin. Cotacaya Cornelio itoroba barapomonae Jope tomara beya.

<sup>9</sup> Icha mataqueitha barapomonae warapa Jope tomara beya. Poxonae cataunxuae itiya pona poxonae mateinyaxae, poxonae bara imoxoyo patichaba, bapoxonae írɔ Pedro bo matatupa beecoinyarɔ, po bo matatupa pereca. Nacom tsipaebawiya poxonae bayatha mataeinyaxae tsuxubi. <sup>10</sup> Pedro bichocono jainpeca, bepa bequein xaei. Ichitha poxonae awiya cataunxuae tasetatsi, Pedro tsita naitutatsi be poxonae camaita. <sup>11</sup> Pedro athabe necoicha xua peitaboco nayausanaxuba. Yawa taneno xua pin pararuwa pexainya betaruneicatsi, be xua jiton nantiya caruneicabe. <sup>12</sup> Bapoxonae barapo pararuwatha Pedro tane daxita xua xuan saya pecobetha pona be cawayun. Yawa tane daxita xua xuan saya petaxutha bobenapona be maquibɔn. Yawa tane daxita xua

xuan saya petompacuetontha bobenapona be jomon. Matautano tane daxita xua xuan saya yapupuna be peyapupunaewi. <sup>13</sup> Nexata Pedro peitabocotha jume tane xua namchi, jeye: “Pedro asiya uncuatabare. Pon xua ichichipame, pire. Moya bexore. Yawa xaema”, jei barapo jume.

<sup>14</sup> Nexata Pedro jume nota, jeye: “Bara, bayatha apara jopa bapana camatsawan xaeinyo, xua tamonaе jopa copatsiyo xua pexaewa”, jei Pedro. <sup>15</sup> Equeicha Pedro jume tane pejume xua tsipaebatsi, xua jeichichi: “Xua Nacom catsijainya exana, baraxua jopa camatsawa jaintocuaetsi”, jeichichi.

<sup>16</sup> Pedro matha acoibi po jumeyobe tsipaebatsi baxua. Bapoxonae paparuwa caibe juinya peitaboco beicha. <sup>17</sup> Xua Pedro baraichi Nacom, baxua Pedro yabara nanta xeina nawita: “¿Eta xua metha Nacom yabara nejumichira?” najei. Pomonaе Cornelio itoroba, barapomonaе i dapo bon yainyainyaba tsiniya: “¿Incane Simón pia bo?” jei. Bapoxonae bapomonaе pata Simón pia curara coibototha tatsi. Poxonae barapomonaе pata, Pedro cataunxuae yabara nanta xeina xua tsipaebatsi xua Nacom tsipaeba. <sup>18</sup> Poxonae Cornelio pijimonaе tatsi pata baxota, pin jumetha namchi, jeye: “¿Incane Simón pon icha wн ‘Pedro’ baraichi? ¿Baxota bara ecara?” jei.

<sup>19</sup> Awiya came Pedro baxua yabara nanta xeinequiya xua pocotsiwa bapon tane. Nexata bapoxonae Nacom pia Pejumope тnaxu tatsi Pedro baraichi, jeye: “Pedro, nejume taema. Acoibi poyobe pebiwi cawenawenei tsompae. <sup>20</sup> Nontaponde nainya ira bedunatabareinca. Barapomonaе naponde, beitatema napontabare, yaitama barapomonaе itoroban”, jeichichi Pedro.

<sup>21</sup> Bara nexata Pedro ira bedunatabareca. Pedro barai barapomonaе, jeye:

—Apara bara xan, po jiton xua pana newenawenei tsompaem. ¿Eta xua metha papatame? jei.

<sup>22</sup> Barapomonaе Pedro jume notatsi, jeye:

—Papatan yaitama Cornelio, pon soldadomonaе pia pentacaponaein tatsi, bapon pana itoroba. Barapon pejuntu coyene xanepanaein. Barapon Nacom jume cowantatsi. Iру daxita judiomonaе barapon baru cui itura jineibatsi yawa antobetsi. Pinae Nacom pia matsunpin tatsi Cornelio itorobatsi Simón Pedro wabare nejume taenexa tsane jei pinae, jei barapomonaе, xua Pedro tsipaebatsi.

<sup>23</sup> Nexata Pedro waba barapomonaе xua petamaitenaewa tsainchi barapo botha. Icha matabitha piawa xaxainta xua caponaena. Bapoxonae Pedro napona barapomonaе. Iру ichamonaе naponano, pomonaе iру Jesús pejume cowantsiwi tatsi, pomonaе xua ena Jope tomaratha.

<sup>24</sup> Icha matabitha pata Cesarea tomaratha. Baraxota Simón Pedro ewatatsi. Cornelio pia matabuxuyomonaе pewabixae baru ewateca, yawa pia jiwi tatsino. <sup>25</sup> Poxonae Pedro Cornelio pia botha tapatopatsi, Cornelio Pedro jacobatsi. Bapoxonae Cornelio Pedro peitabaratha pentabocototha tauncuatsi, pewnae jainchinexa tsainchi Pedro. <sup>26</sup> Ichitha Pedro, Cornelio asiya cuaranotsiya baraichichi, jeye:

—Cornelio, nontaponde. Saya apara xan pebin naexanan icha xam ichim barichin apara, jei Pedro.

<sup>27</sup> Poxonae Pedro natsipaebiya jonyabe, baxota Pedro pin bicheito tane xua nacaetuta. <sup>28</sup> Nexata Pedro barai barapomonaе, jeye:

—Bara bayatha payaputaneme xua waxainchi judiomonae jiwichi wacui coyenewa xeinatsi xua jopa nacui yabara copatichi xua wabarũ nacaetuteibiwa pomonae jopa judiomonae naexanaeyo. Mataũtano jopa nacui yabara copatichi xua pia bonthano waponeibiwa. Ichitha Nacom aunxuae necuiduba xua pinae jopa bewa ichamonae catsapiwi jaintin tsane. <sup>29</sup> Daxota bichoina patopan yaitama pinae pana wabame. ‘Bara’, jopa janyo. Methaunxuae paca yainyabinchi: ¿Eta xua metha pana tsiwabame? jei Pedro.

<sup>30</sup> Nexata Cornelio, Pedro jume notatsi, jeye:

—Petain cuatro po matabibe tsuxubi, quiripitha xote taboŧha poxonae yabara nainbotan xua Nacom tsipaeban barapoxonae matatsunpin jemeicha taboŧha patopa. Barapo matatsunpin paparũwa nama xatata po paparũwa bichocono daedaena. <sup>31</sup> Matatsunpin nebarai: ‘Cornelio, bayatha Nacom cajume tane poxonae tsipaebame pexainya beya. Cacui taneno xua yaweneibame peacopeibiwi daxota Nacom cayabara nanta xeina’, jei. <sup>32</sup> Nebaraino: ‘Ichamonae Jope tomara be itorobiyama, pewabinexa tsainchi pon ainya wũbe pexeinaein. Bapon Simón baraichi, yawa Pedro baraichi. Pedro eca ichũn Simón pia botha tatsi, pon Simón pon seicaya duwein peboco wũnaeteibin. Barapon Simón mar mene itapatha yabo uncua’, nejei. <sup>33</sup> Daxota nainya itoroban ichũnbe acoibi poyobe yaitama apara cawabatsi. Barabũ patopame. Daxita paxan xote Nacom peitabaratha pajinompan. Mataũtano paca ewatatsino tsipei yaitama tha paca jume taetsi xua Nacom, pon Pecanamataxeinaein, cana cajume itoroba, jei Cornelio.

*Meje yabara poxonae Pedro pin diwesi paeba Cornelio pia botha tatsi*

<sup>34</sup> Pedro barapomonaetha namchi, jeye:

—Anoxuae yaputan xua Nacom jopa cana exanaeyo jiwi xua ichũn ainya cui xua beyacaincha ichũn. Nacom daxita jiwi tsita najũpatsi. <sup>35</sup> Daxita nacuantha pomonae xua Nacom wũnae jaintatsi xuano xanepanaya exanano, Nacom antobe barapomona. <sup>36</sup> Bayatha payaputaneme xua Nacom Pejume Diwesi nacariwesi itoroba paxantha pomonae Israel pia pemomoxi susato jiwi tatsi panxaein. Barapo pexeinya diwesi jume jũntema jinompa pana exana poxonae Jesucristo pajume cowũntan. Nacom Jesús Pecanamataxeinaein exanatsi daxita carepaya jiwi nexa. <sup>37</sup> Paxam bara payaputaneme xua Juan Jesús yabara cueicueijeichi yawa bautisaba jiwi Galilea nacuaŧha. Bapoxonae irũrũ Jesucristo tamropata pitaba xua cueicueije Galilea nacuaŧha yawa daxita Judea nacuaŧha. <sup>38</sup> Mataũtano bara payaputanemeno xua Nacom cata pia peayapusũ itorobi coyenewa, Jesucristo Nazaret tomarapin catatsi. Yawano Jesucristo nacana jumope tũnaxũ catatsi. Bapoxonae Jesús daxita carepaya tomarantha popona ducuaeta. Yawa axaibi exana ducuaetano peatene jiwi. Yawa taitaweta ducuaetano pomonae xua cauri pexeinaewi. Daxota bapon baxua beta exana Nacom pebarũ poponaexae. <sup>39</sup> Bayatha pacui tan daxita carepaya xua Jesús exana Judea nacuaŧha, Jerusalén tomarathano ichaxota jinompa judiomonae. Bapoxonae nama Jesús naetotha cobe matatabarutatsi, xua poxonae tũpa exanadutatsi naetotha. <sup>40</sup> Poxonae acoibi po matabibe tsuxubi Nacom petũpaein equeicha asũ exana. Mataũtano bapon pana netsita naitũta exana. <sup>41</sup> Ichitha daxita jiwi jopa tsita naitũta exanaetsi. Saya paxan pana netsita naitũta exana. Nacom pana itapeta

pia patayopichinexa ichamonaetha pocotsiwa Jesús exana xua paebano. Paxan Jesús pabarũ nabanana, mataũtano pabarũ apanno poxonaẽ equeicha asũ popona. <sup>42</sup> Jesús pana itoroba daxita nacuantha pata paebinexa tsane Nacom Pejume Diwesi, xuaano bapon pejume diwesino. Nacom cana exana, Jesucristo cana exanatsi be pon jiwi peyabara paebin penatsicuentsiwa xua abe peexanaexae. Bexa tsane Jesús daxita jiwi nanantaũtsiya jiwana torotsiya itawetsina, pomonae cataunxuae jinompa yawa pomonae bayatha werapano. <sup>43</sup> Bayatha pomonae Nacom pia peitorobi jume pepaebiwi Jesús pejume diwesi paeba. Barapomonae namchi: ‘Daxita pomonae Jesús pejume cowũntsiwichi barapomonae Nacom yabara jũntemainaena abe pia peexanae cuiru coyenein tatsi Nacom pia peayapusũwathaxae’, jei barapomonae, jei Pedro.

*Meje yabara poxonaẽ pomonae jopa judiomonae naexanaeyo pejũntũ coyeneintha tapatatsi Nacom pia Pejumope tũnaxũ tatsi*

<sup>44</sup> Poxonaẽ cataunxuae Pedro cueicueijei, bapoxonaẽ Nacom pia Pejumope tũnaxũ tatsi tapatatsi pomonae jume tane xua Pedro paeba. <sup>45</sup> Judiomonae, Jope tomarapiwi, pomonae pejume cowũntsiwaxe Jesucristo, barapomonae Pedro puna poinchi. Barapomonae daxita yabara najũntũ coyene cabenaeca xua irũ barapomonae pomonae jopa judiomonae naexanaeyo irũ pejũntũ coyeneintha taenatsi Nacom pia Pejumope tũnaxũ tatsi. <sup>46</sup> Judiomonae yaputane xua bara xaniwaicha Nacom pia Pejumope tũnaxũ tatsi tapatatsi pomonae jopa judiomonae naexanaeyo. Yaputane tsipei barapomonae barompaya tsanaya icha jumeintha cueicueijei. Ichitha barapomonae jopa xapain najume copi yaputaeyo. Judiomonae jume taneno xua pomonae jopa judiomonae naexanaeyo Nacom wũnae jaintatsi. <sup>47</sup> Pedro namchi, jeye:

—Barapomonae apara Nacom pia Pejumope tũnaxũ tatsi xeina icha waxainchi ichichi. Jiton dapon aibi pon jeye: ‘Jopa bewa bautisabi, apara pomonae jopa judiomonae naexanaeyo’, xua pon pejeiwa, jei Pedro.

<sup>48</sup> Pedro cui itoroba judiomonae. Pedro namchi, jeye: “Pabautisabare barapomonae pomonae jopa judiomonae naexanaeyo. Jesucristo pewũn pawũn taibare poxonaẽ pabautisabame”, jei Pedro. Bapoxonaẽ pirapae barapomonae, pomonae xua aena taenatsi Nacom pia Pejumope tũnaxũ tatsi, Pedro apusiwatsi xua jopa warapae tsane yawa xua caeto abũ ecaenano.

## 11

*Meje yabara poxonaẽ Pedro diwesi tsipaeba pomonaetha pomonae Jesús pejume cowũntsi jiwi Jerusalén tomaratha*

<sup>1</sup> Jesús pia peitorobi jiwi tatsi irũrũ pomonae pejume cowũntsiwi Jesús, pomonae ena Judea nacuantha, barapomonae daxita jume tane xua irũrũ pinaẽ pomonae jopa judiomonae naexanaeyo bayatha jume cowũnta Nacom Pejume Diwesi. <sup>2</sup> Poxonaẽ Pedro Jerusalén tomara bewarapiya, judiomonae pomonae xua jume cowũnta xua ainya cui Jesús pejume cowũntsi jiwi tatsi pewi thabiwa tsainchi, barapomonae Pedro jume daunweya tsipaebatsi. <sup>3</sup> Pedro baraichi, jeye:

—¿Eta xua metha barapomonae siwa poname pomonae jopa judiomonae naexanaeyo? ¿Eta xua metha naxaneme barapomonaetha? jei judiomonae.

<sup>4</sup> Nexata Pedro diwesi eetapona xua cueicueijei barapomonaetha. Po diwesi eetapona, barapo diwesi xua poxona siwa pona pomonae jopa judiomonae naexanaeyo. Pedro namchi:

<sup>5</sup> —Poxonae Jope tomaratha Nacom tsipaeban, pin paparuwa tan be poxonae camaitan. Barapo paparuwa peitaboco weruneica be pem̄tontha nantiya yacaincha opi queraba. Taxainya duneica. <sup>6</sup> Barapo paparuwatha tan xua bobena. Baraxuan tan xua saya pecobetha pona be cawayun. Baraxuanno tan xua saya petaxutha bobenapona be maquibun. Baraxuanno tan xua saya petompacuetontha bobenapona be jomon. Baraxuanno tan xua saya yapupuna be peyapupunaewi. <sup>7</sup> Peitabocotha jume tan xua nebarai: ‘Pedro asiya uncutabare. Pon xua ichichipame, pire. Moya bexore. Yawa xaema’, nejei. <sup>8</sup> Jume notan nexata: ‘Bara, bayatha apara jopa bapana camatsawan xaeinyo xua tamonae jopa copatsiyo xua pexaewa’, jan. <sup>9</sup> Equeicha peitaboco wenebaraichica: ‘Xua Nacom catsijainya exana, baxua jopa camatsawa jaintocuaetsi’, nejei. <sup>10</sup> Acoibi po jumeyobe nebarai. Saya u barapo jumethabe nebarai. Bapoxonae paparuwa equeicha peitaboco beicha caibe caicha. <sup>11</sup> Paparuwa caibe juinya, iruru pebiwi acoibi poyobe pataru. Bapoyobe Cesarea tomarapiwi, taxantha pata. Barapo acoibi poyobe, pomonae Cornelio itoroba. <sup>12</sup> Nacom pia Pejumope t̄naxu tatsi nebarai: ‘Napuna ponde. Beitatema pontabare’, nejei. Iru nebaru pona seis poyobe Cesarea tomara beya pomonae pejume cowantsiwi Jesús. Pajojonian Cornelio pia botha tatsi. <sup>13</sup> Cornelio pana netsipaeba xua pinae pia botha tapatopatsi matatsunpin. Matatsunpin namchei: ‘Pebiwi Jope tomara beitorobiyama, pewabinexa tsainchi pon xua ainya wunbe xeina, Simón yawa Pedro. <sup>14</sup> Barapon Simón Pedro paca tsipaebina Jesús pejume diwesi, paca necayawa capanenebiyaenexa tsane Nacom’, jei pinae matatsunpin poxonae pinae Cornelio tsipaebatsi, jei Pedro barapomonaetha. <sup>15</sup> Pedro equeicha namchi:

—Poxonae Jesucristo pejume diwesi paebaxoyan Corneliobarutha, barapoxonae Nacom pia Pejumope t̄naxu tatsi tapatatsi barapomonae. Icha cain painta ichi, barichi pomonaetha Nacom nacana jumope catsiba. <sup>16</sup> Bapoxonae nantana pitaban Jesús pejume, poxonae pana barai: ‘Juan saya u meratha bautisaba. Ichitha Nacom seicaya barompaya pia cuitha paca bautisaba. Ichitha Nacom seicaya barompaya pia cuitha paca bautisabina. Bapoxonae painya juntu coyeneintha pacata patsina Nacom pia Pejumope t̄naxu tatsi’, jei Jesús. <sup>17</sup> Xaniwaicha beta yaputan xua Nacom nacana jumope t̄naxu cata barapomonaetha pomonae jopa judiomonae naexanaeyo, icha cain ichi poxonae Nacom nacana jumope t̄naxu cata pata xantha poxonae Jesucristo pajume cowantan. Daxota Nacom jopa cui yancatabinyo poxonae ichichipa exana barapomonaetha, jei Pedro.

<sup>18</sup> Poxonae Jesucristo pejume cowantsi jiwi, pomonae ena Jerusalén tomaratha, poxonae baxua jume taerucupa moya umenarucupa. Matautano Nacom wunae jaintatsino. Barapomonae namchi, jeye:

—¡Maisa wunae, iru Nacom nacana cui cata pomonaetha pomonae jopa judiomonae naexanaeyo xua barapomonae pejume cowantsiwa tsaneru Jesús, yawa xua juntea pejinompaewa tsaneru! Baraxua Nacom ichichipa xua barapomonae najuntu cui coyene barapenta xua

abe, petaxeinaenexa tsainchi peajuntayapuswa, po peajuntayapuswa xua jopa weraweracaeyo, jei barapomonaе.

*Meje yabara poxonaе Jesús pejume cowantsi jiwi tatsi jinompa Antioquía tomaratha*

<sup>19</sup> Jesucristo pia pejume cowantsi jiwi tatsi ducupa, tsipei peanaepanaewi yotaba, poxonaе po matacabitha Esteban bexotsi. Barapomonaе tsanarucupa, ichun Fenicia nacua beya, ichun Chipre nacua tunaeto beya, ichun Antioquía tomara beya. Barapomonaе saya judiomonaetha cueicueijeі Jesucristo pejume diwesi. <sup>20</sup> Ichamonaе, pomonaе pejume cowantsiwi Jesús, Chipre nacua tunaetopiwi, Cirene tomarapiwino, barapomonaе Antioquía tomaratha pata. Daxita barapomonaе tsipaeba pomonaetha pomonaе jopa judiomonaе naexanaeyo Jesús pejume diwesi tatsi pon jiwi pia Pecanamataxeinaeinchi. <sup>21</sup> Barapomonaе yawenatsi nawita Nacom pia peayapuswa tatsi. Daxota pin bicheito pomonaе jopa judiomonaе naexanaeyo, barapomonaе jume cowantatsi Jesús, pon jiwi Pecanamataxeinaeinchi.

<sup>22</sup> Jerusalén tomaratha, Jesucristo pejume cowantsi jiwi tatsi, barapomonaе, jume tane xua Antioquía tomarapiwi jume cowanta Jesucristo pomonaе jopa judiomonaе naexanaeyo. Daxota Bernabé Antioquía tomara beitorobiyatsi. <sup>23</sup> Poxonaе Bernabé Antioquía tomaratha patopa be ita cui wnaetsi xua Nacom yawena barapomonaetha. Bapoxonaе Bernabé juntu coyene weiweina. Bernabé barapomonaе barai, jeye: “Paajuntacoyeneyapuswa jinompare Nacomtha. Matautano Nacom ajuntayapuswa pajume cowantaponde”, jei Bernabé. <sup>24</sup> Bernabé pejuntu coyene xanepanaein. Bapon juntu coyene yacatsi Nacom pia Pejumope tunaxu tatsi tsipei daxita i daxuan exana pocotsiwa Nacom itoroba. Matautano bichocono Nacom jume cowantatsi. Daxota pin bicheito jume cowanta Jesús, pon jiwi Pecanamataxeinaeinchi.

<sup>25</sup> Nexata Bernabé Tarso tomara bewarapiya, pewenaweneinexatsi Saulo. <sup>26</sup> Poxonaе Saulo caxinatsi baxota, Antioquía tomara bebaru warapiyatsi Saulo. Baraponbe cae wei naecabe baxota, cuidubabe pin bicheito xua Jesús pejume diwesi. Baraxota jiwi matha Jesús pijimonaе tatsi wan dutatsi xua Antioquía tomarapiwi wan duta xua jeye: “Cristo-baramonae”, jeichichi barapomonaе pomonaе Jesús pijimonaе tatsi.

<sup>27</sup> Poxonaе Bernabé iru Saulo cataunxuae cuidubapoponabe Antioquía tomaratha, Nacom pia peitorobi jume pepaebiwi baxota pata, Jerusalén tomara werendena. <sup>28</sup> Bara caein jiwana pewun Agabo. Agabo asiya uncua barapomonaetha. Bapon wnae tsiwanaya paeba. Agabo yaputane exanatsi Nacom pia Pejumope tunaxu tatsi. Agabo namchi, jeye: “Bexa tsane daxita carepaya nacuantha jainbo tsane”, jei Agabo. Baraxua xainyei poxonaе jumba matha Claudio romanomonaе itorobiya pia pepa peewatsinchi tatsi naexana, bapoxonaе pin jainbo tsurucuae. <sup>29</sup> Daxota Jesús pejume cowantsiwi tatsi, pomonaе ena Antioquía tomaratha, ichipa yawena pomonaе iru pejume cowantsiwixae Jesús pomonaе peenaexae Judea nacuatha. Daxota barapomonaе pomonaе Jesús pejume cowantsiwixae peburaya nanta xeina xua paratixi taitorobina. Daxita barapomonaе carepaya paratixi cata be xua po coyene cobe itacupatsi xua pecatsiwa. <sup>30</sup> Barapomonaе baxua exana.

Barapo paratixi Bernabé iru Saulo caitorobatsibe pitiri jiwi nexa xua Judea nacua beya.

## 12

*Meje yabara poxonae Santiago bexotsi iru xua poxonae Pedro jiwi pecubi botha capoinchi*

<sup>1</sup> Barapoxonae Herodes pon Judea nacuapiwi peyanacua ewatsinchi, bapon tamropata pitaba xua pomonae Jesús pejume cowantsiwi tatsi peraxa exanatsi. <sup>2</sup> Herodes itoroba pia jiwi, xua pin cusitha Santiago pebexubiwatsi, pon Juan peweicho tatsi. <sup>3</sup> Herodes jume tane xua judiomonae tsita xanapanatsi xua Santiago bexotsi. Daxota Herodes cui itoroba piamonae xua Pedro pewaetabiwatsi xua pecaponaenexatsi jiwi pecubi botha. Baxua exana poxonae Pascua wan matababintha poxonae jiwi pan xane po pan xua jopa xeinaeyo levadura xua pocotsiwa cotowa exana. <sup>4</sup> Poxonae Pedro jiwi pecubi botha eca, soldadomonae yapucaumena, Pedro yapucaumeinchi. Soldadomonae, cuatro po bicheito matabuxuyobe. Cae matabuxuyo xeina be cuatro poyobe. Be cae matabuxuyo tamroropatapona poxonae yacaincha umeneibatsi Pedro. Herodes yabara nanta xeina xua peexanaewa tsane xua Pedro pin bicheito peitabaratha cuaranotinchi pepa tomaratha poxonae Pascua wan matababin yapu caewina. <sup>5</sup> Awiya came Pedro jiwi pecubi botha eca. Ichitha Jesús pejume cowantsiwichi jume daunweya waca Nacom, Pedro tawacatsi.

*Meje yabara poxonae Nacom, Pedro capanepatsi jiwi pecubi bo weya*

<sup>6</sup> Herodes merawi nanta xeina xua baya tsane Pedro cuaranotinchi pepa bicheitha peitabaratha. Barapo merawitha, abu cataunxuae Pedro nantiya cobe nain camaituncuatsibe soldadomonaepinbe. Iru soldadomonaepinbe yacaincha uncuabe jiwi pecubi bo boupa. <sup>7</sup> Caena nainya Jesús pia matatsunpin tatsi Pedro tsita naitutatsi. Jiwi pecubi botha pin coicha pentha tsuxubi bichocono. Matatsunpin Pedro yaubaxotsi. Nexata Pedro nacosataxuba. Matatsunpin namchi, jeye: “Pedro, nanainya nonta ponde”, jei matatsunpin. Bapoxonae Pedro nantiya cobe nain jopeicabe iratha. <sup>8</sup> Bapoxonae matatsunpin Pedro baraichi, jeye: “Coreinya bocoto bichocono nacoto epa catatabare. Nainya nataxu xatare jinya nenataxu xatatsiwa”, jei. Baraxua Pedro exana. Equeicha matatsunpin namchi, jeye: “Pire jinya camisa po paparuwa xua nainya weruyame. Antha nepuna ponde”, jei matatsunpin.

<sup>9</sup> Nexata matatsunpin Pedro pecoboto bepuna joniya, pesato beya. Ichitha Pedro xapain jopa naita cui coyene taeyo xua jiwi pecubi bo wepuna joniya matatsunpin. Saya nanta xeina be amachinae. <sup>10</sup> Pedro iru matatsunpin xenta jonyabe soldadomonaepin pon yacaincha uncua ichaxota Pedro etatsi. Bapoxonae equeicha icha soldadomonaepin xenta jonyabe pon ewatuncua pepa boupa xua pesatotha. Pedro iru matatsunpin peboupa penainwa xua peyacaincha dutsiwa bara wejonyabe tomara beya. Barapo boupa jemeicha nacoibo yausaranaxuba. Pedro matatsunpinno namtotha ponabe. Poxonae icha namtotha patopabe bapoxonae jemeicha matatsunpin Pedro cuenta aichurcuauetsi tomara namtotha.

<sup>11</sup> Barapoxonae Pedro xaniwaicha naita cui coyene tane. Bapon nabarai, jeye: “Bara yatsicaya xainyei Jesús pia matatsunpin inta itoroba



tsipei metha bepa necapanepae Herodes pia xainya weya watsi xuano xua judiomonae pia xainya weya watsi, pomonae ichichipa abe inta peexanaewa”, najei.

<sup>12</sup> Poxonae baxua nacui cananta xeina, Pedro pona María pia bo watsi beya. Bapowa Juan pena watsi. Juan icha wun xeina, Marcos. María pia botha watsi pin bicheito nacaetuta pewaqueibinexa Nacomtha. Baxota Pedro patopa. <sup>13</sup> Pedro curara coiboto dadacata. Yabuyo powa pewun Rode muxu naya pia yaputaetsi pon patopa. <sup>14</sup> Poxonae barapowa Pedro jume copi tainchi xua wawai abun jopa saranaxubiyo peboupa. Bapowa bichocono juntun coyene weiweina daxota caibe cuinaya piamonae tsiwun caya. Namchi:

—Pedro curara coibototha uncua, jei Rode.

<sup>15</sup> Barapomonae namchi, jeye:

—¡Apara camatayaiba! jei.

Equeicha bapowa jume nota, jeye:

—¡Babara xainyan, Pedro bapon yatsicaya! jei.

Equeicha barapomonae jume nota, jeye:

—Metha apara Pedro pia matatsunpin watsi, pon yantatsi, jei.

<sup>16</sup> Awiya came Pedro peboupa dacadacatuncua. Poxonae barapomonae peboupa saranaxoya, Pedro yabara najuntun coyene benae-caeya tainchi. <sup>17</sup> Pedro pecobetha moya jume matawenta. Cotacaya Pedro diwesi tsipaeba barapomonae xua bayatha capanepatsi jiwu pecubi bo weya, xua Jesús capanepa pon jiwu Pecanamataxeinaeinxae watsi. Pedro namchi, jeye:

—Barapo diwesi Santiago patsipaebare irun ichamonae patsipaebare pomonae Jesús pejume cowuntsiwi watsi, jei Pedro.

Barapoxonae Pedro icha namto be-ya.

<sup>18</sup> Poxonae baya pentha tsina soldadomonae nabenaenompa tsipei jopa yabara yaputaeyo po coyene xua Pedro aichurucuae. <sup>19</sup> Herodes soldadomonae itorobatsi xua jeitatsi Pedro. Ichitha jopa Pedro taebichi. Daxota Herodes cana exana xua barapo soldadomonae natsiaenae cuenta pepanepaexae Pedro. Barapoxonae Herodes icha soldadomonae cui itorobatsi xua barapo soldadomonae jutebinchi. Barapoxonae Herodes Judea nacua wewarapiya, Cesarea tomaratha pepoponaenexa.

### *Meje yabara poxonae Herodes tupa*

<sup>20</sup> Herodes pon Judea nacuapiwi peyanacua ewatsinchi, bapon Tiro tomarapiwi casebatsi irun Sidón tomarapiwino casebatsi. Bequein bayatha copiya Herodes itoroba pexaewa barapo tomarabe nexa ichitha anoxuae jopa daichiyo poxoru Herodes caseba barapo tomarapiwibe. Daxota Sidón tomarapiwi irun Tiro tomarapiwino itoroba pebiwi pesiwa ponaenexa tsainchi Blasto pon peainya cui jiton xua Herodes pon tanacuitatsi. Barapomonae ichichipa xua Herodes xaniwaicha caewa be piamonae exana, daxota barapomonae Blasto tsipaebatsi xua barapomonae peyabara jume yawenaenexatsi xua poxonae petsipaebinexatsi Herodes. <sup>21</sup> Daxota Herodes wun duta, barapo matabi, po matabitha xua Herodes siwa ponaeinchi barapomonae. Poxonae matabi tsuxubiba barapo matabitha Herodes pia paparuwa nama xatataba po paparuwa tsofia, pocotsi paparuwan nama xataba pentacaponae. Bapoxonae pia pecaewatha eca. Herodes piamonaetha

tsipaeba. <sup>22</sup> Nexata barapomonaē wawai Herodes baraichi, jeye: “¡Apara xua bapon paeba, jopa be pebinyo, apara bara nacom tsecae!” jei barapomonaē. <sup>23</sup> Bara caena bapoxonaē Nacom pia matatsunpin tatsi Herodes iratha xotsi. Iratha xotsi yaitama bapon jopa Nacom baru cui itura jinaetsi poxonaē pia coya Nacom naexana. Oro unu caewita poinchi. Jana caewita poinchino. Tsapita poinchino. Herodes tapanaiča.

<sup>24</sup> Pomonaē xua jume cowanta Jesús, barapomonaē taju tsipaebapona Nacom Pejume Diwesi daxita nacuantha. Daxota daxita pinmonaē jume cowantatsi Jesús.

<sup>25</sup> Poxonaē Bernabé Saulono nacui wetabe baxua, Jerusalén tomara wewarapiyabe. Antioquia tomara bewarapiyabe. Juan Marcos baru warapatsi.

## 13

*Meje yabara poxonaē Bernabé Saulono Nacom Pejume Diwesi caponabe*

<sup>1</sup> Baraxota Antioquia tomaratha jiwana jinompa pomonaē pejume cowantsiwi Nacom pomonaē Nacom pia peitorobi jume pepaebiwi iru pomonaē jiwi pecuidubiwi Moisés pia peitorobi coyene. Barapomonaē meje: Bernabé iru Simón pon icha wanno, Negro baraichi, iru Lucio Cirene tomarapin ecaru. Iru Saulo ecaru. Iru Manaén ecaru, pon Herodes bayatha caepinbe naexanabe xua nacuara wichaba ponabe. Herodes Galilea nacuapiwi peyanacua ewatsinchi naexana. <sup>2</sup> Caentacabi, poxonaē barapomonaē Nacom pejume coyene canatsipaeba exana, yawa yabara nainbota, barapoxonaē Nacom pia Pejumope tanaxu tatsi barapomonaē tsipaebatsi, jeye: “Paitorobare Bernabé, Saulono, petsipaebinexa tsanebe Nacom pia pexeinya jume diwesi tatsi po penacuichiwa baponbe bayatha tsiwabanbe”, jei Nacom pia Pejumope tanaxu tatsi.

<sup>3</sup> Nexata poxonaē xua Nacom waca najume weta, xuano poxonaē weta xua yabara nainbota, barapoxonaē Bernabé Saulono pecobetha mataboco jayabatsibe. Bapoxonaē napeyabatsibe.

*Meje yabara poxonaē Nacom pia peitorobi jiwi tatsi, Nacom pia diwesi tatsi cueicueijeji Chipre tunaetotha*

<sup>4</sup> Bapoxonaē Bernabé Saulonuru itorobatsibe Nacom pia Pejumope tanaxu tatsi. Seleucia tomara bewarapiyabe. Bapoxonaē ponabe jeratha po naetha po nae pin nae, petunaeto beya. Barapo tunaeto pewan Chipre. <sup>5</sup> Poxonaē patopa Salamina tomaratha, Nacom pia pexeinya diwesi tatsi cueicueijeji judiomonaē pia penacaetutsi bontha tatsi. Juan Marcos bichi napona Bernabé Saulono peyawenaenexatsi.

<sup>6</sup> Barapoyobe daxita barapo tunaeto matawacaicha enapona petsipaebinxaxa Nacom pia pexeinya jume diwesi tatsi. Bapoxonaē Pafos tomaratha pata. Barapo tomaratha bapoyobe caxinabe judiomonaepin pon pewan Barjesús. Bapon Barjesús mara pexeinaein, pon saya naeraba paeba. Bapon Barjesús namchi, jeye: “Xan tacueicueijein Nacom nexa”, jei. <sup>7</sup> Barapon napuna poneiba pontha pon Chipre tunaetopiwi peyatunaeto ewatsinchi ponxae pewan Sergio Paulo. Bapon Sergio Paulo peyaputaein. Bernabé Saulono wabatsibe pia jume taetsibe xua Nacom Pejume Diwesi tatsi pepaebiwa. <sup>8</sup> Barapon pon mara pexeinaein icha wan xeina, griego jume, “Elimas”, baraichi. Bapon Bernabé

Saulono jume yancatabatsibe, tsipei jopa ichipaeyo xua Sergio Paulo jume cowantsina Nacom Pejume Diwesi. <sup>9</sup> Nexata Saulo, pon icha wɔnɔxae Pablo, Nacom pia Pejumope tɔnɔxɔ tatsi jɔntɔ coyene yɔcatsi. Pablo bichocono pexainya beya tane. <sup>10</sup> Pablo barai, jeye:

—¡Barjesús, xam pon jiwi nemuxitorobeibin, abe neexanaein, cauri pexantom, daxita xua pewɔnaewwan neaichaxaibim! ¿Eta xua daichim jiwi cui yancababeibame xua pejume cowanteibiwa Jesús, pon jiwi Pecanamataxeinaeinchi? <sup>11</sup> Bara anoxuae Nacomtha natsiaenae cuentsiname. Daxota caitacuere piontababa. Jopa caeto pesato taem tsane, beya poxonae matapainya Nacom copatsina xua netaewa tsane, jei Pablo.

Bapoxonae Elimas nainya itata quirei. Bapon ichawa beya ichɔn nacobena jayaba, pecobe caponaenexatsi peitata nacɔtsinxae. <sup>12</sup> Poxonae Sergio Paulo baxua tane bapoxonae bapon Nacom jume cowantatsi tsipei tsita wɔnaetsi pocotsiwa Pablo Bernabeno yabara cuidubabe Nacom pon jiwi Pecanamataxeinaeinchi.

*Mejeyabara poxonae Bernabé Pablono Antioquía tomaratha ecabe xua Pisidia nacuatha*

<sup>13</sup> Pablo irɔ pijimonae tatsino Pafos tomara wewarapiya. Perge tomara be-iyiya jeratha, po nae pin nae. Perge tomaratha pata, Panfilia nacuatha. Barapo nacuatha daxita barapomonae Juan Marcos wɔ pona. Barapoxonae Jerusalén tomara bewarapiya. <sup>14</sup> Nexata Pablo irɔ pijimonae tatsi Antioquía tomara be-iyiya. Barapo tomara Pisidia nacua nacacuita ecabe. Barapo matababitha, po matababitha pentaquei seicae matababitha, judiomonae pia penacaetutsi botha tatsi pata, yawa enoundeca. <sup>15</sup> Baraxota ichɔn yoroba Moisés pia peitorobi coyene diwesi tatsi. Yawa yoroba xua Nacom peitorobi jume pepaebiwi paeaba. Bapoxonae poxonae najume weta pentacaponae wi, pomonae peyabara umenaewi penacaetutsi bo, barapomonae Pablo wabatsi irɔ piamonae tatsi wabatsi. Barapomonae jeye:

—Pata tajiwimonam, icha paxename diwesi, po diwesi xua barapomonae pejɔntɔ coyene tsacabiwatsi xua jɔntema pejinompaewa nexa barapomonae pomonae xote ene, bara moya papaebare barapo diwesi, jei barapomonae.

<sup>16</sup> Nexata Pablo asiya uncua. Pecobetha jume matawenta xua moya peenaenexa. Pablo barai, jeye:

—Incane pajume taema, israelmonae pam, irɔ paxamno pomonae Nacom abe paca necaexanaeyainwa pam xua icha abe paexaname, pomonae judiomonae jopa naexanaeyo pam. <sup>17</sup> Wamo susato jiwi, pomonae Israel piamonae, barapomonae Nacom cana exana xua barapomonae nayoyotapona beya xua pin bicheito naexanapona, poxonae cataunxuae Egipto nacuatha jinompa. Nacom itapeta waba barapomonae, xua petanaexanaenexatsi pijimonae jiwana tatsi. Daxota Nacom pia peayapusɔwatha wamo jiwi capanepatsi Egipto nacua weya. <sup>18</sup> Wamo jiwi ira xuepana susato tsurucuae nacua beya warapa cuarenta po weibe. Nacom yaweneiba barapomonae bequein barapomonae abe exaneiba cuarenta po weibe. <sup>19</sup> Wamo susato jiwi tsiɔxɔ dubatsi Nacom poxonae jutebatsi Canaán nacuamonae. Nacom caewitaxuba Canaán nacuamonae siete po bicheito matabɔxɔyobe. Wamo susato jiwi

barapo ira xuya catatsi, Nacom cata. <sup>20</sup> Daxita baraxua Nacom exana barapomonaetha cuatrocientos cincuenta po weibetha.

“Bapoxonae Nacom jiwana cana exana pomonae jiwī peyabara pae-biwīchi xua penatsicuentisiwa xua abe peexanaexae pentacainom-paenexa tsane barapomonae. Nacom baxua exana beya poxonae pon pewan Samuel popona pon Nacom pia peitorobi jume pepaebin. <sup>21</sup> Nexata israelmonae Nacomtha wuca pon be yatsicaya barapomonae barompaya itorobiya pia pepa peewatsinchi tatsi tsane. Daxota Nacom taexana barapomonaetha pon pewan Saúl, Cis pexanto tatsi, pon Ben-jamín pia pemomoxi susato jiwana tatsi. Bapon Saúl, pon jiwī itorobiya pia pepa peewatsin naexana cuarenta po weiyobe. <sup>22</sup> Bapoxonae Saúl cui matawentatsi Nacom abe peexanaexae. Equeicha exana ichan pon jiwī itorobiya pia pepa peewatsinchi, pon pewan David. Nacom yabara jume jei David: ‘David tan, pon Isaí pexanto. David netsita juntu coyene xanepana yawa wuna exanano. David itapeta exanaena daxita pocotsiwa ichichipan’, jei Nacom. <sup>23</sup> David pia pemomo susato jiwana tatsi, bapon pewan Jesús. Jopa cain bayatha Nacom Pejume Diwesi paebi penamchixae Jesús capanepa Israel nacuamona. Baraxua caena bayatha Nacom yabara tsiwuna muxu duta. <sup>24</sup> Pewunaeya poxonae Jesús tamropata pitabina xua pecuidubiwa Nacom nexa copiya matha Juan daxita Israel nacuapiwi tsipaeba xua pinae bewa nacui barapentsina abe peexanae cuiru coyenein xua Nacom petsita xeinaenexatsi icha juntu coyenein, xuano xua bewa pinae nabautisabina. <sup>25</sup> Poxonae Juan bara imoxoyo tupa, jeye: ‘Jopa daponyo xan, pon xua payabara nanta xeiname, pon Mesías baraichi. Cotacaya ichan patopaena xua pon nepuna patopaena. Pocotsiwa bapon exana bichocono ainya cui beyacaincha pocotsiwa exanan. Bichocono pin ura tsita xeinan xua daxota bewa jopa tataxu mu isanaxubiwa tsane pia penataxu xatatsiwa tatsi’, jei Juan”, jei Pablo.

<sup>26</sup> Equeicha Pablo jeye: “Tamonae pam, Abraham pia pemomoxi susato jiwī tatsi pamxaem, iru pomonae Nacom abe paca necaexanaeyainwa pam xua icha abe paexaname. Nacom pacata itoroba barapo pecapanenebiyae diwesi jume po diwesi Juan yabara paeba. <sup>27</sup> Barapomona. pomonae Jerusalén tomaratha jinompa iru pia pentacaponaewi tatsi jopa Jesús yaitaetsi po coyene xua bapon अपरा Mesías. Mataatano barapomona. jopa yaputaeyo xua bayatha Nacom peitorobi jume pepaebiwī yabara wuna tsiwanaya paeba xua hexa Jesús cana exanaeinchi. Pentaquei seicae matabitha poxonae ichamonae yoroba po diwesi xua Nacom pia peitorobi jume pepaebiwī tina, judiomona. pia penacuetutsi botha tatsi barapomona. jopa yabara yaputaeyo barapo diwesi. Poxonae Jesús naetha tparucua exanatsi, barapomona. nanta jupiya exana Jestha icha be pocotsi coyeneya bayatha Nacom pia peitorobi jume pepaebiwī paeba. <sup>28</sup> Barapo judiomona. jopa xeinaeyo po coyeneya xua Jesús pebexubiwa tsainchi. Bequein Jesús jopa abe exanaeyo ichitha barapomona. Pilato wacatsi xua Pilato itorobina soldadomona. xua Jesús pebexubiwa tsainchi. <sup>29</sup> Barapomona. exana daxita po coyene bayatha xua Jesús yabara wuna tsiwanaya paebatsi Nacom Pejume Diwesiha. Barapoxonae Jesús pijimona. petupa. in naeto wepichicatsi. Pijimona. matha xotsi petupa. in pitapatororo matha. <sup>30</sup> Ichitha Nacom, Jesús equeicha

caewa asu exanatsi petupaе cuiru coyene weya. <sup>31</sup> Matha cain Jesús puna jinompeibatsi ichamonae poxonae Galilea nacuatha popona, Jerusalén tomarathano. Barapomonaetha equeicha Jesús tsita naitata ducuanae-biya ainya matabi dapaеin. Pomonae Jesús bayatha tsita naitata, barapomonaе ара pomonae xua anoxuae daxita tomaran tsipaeba dubenanaebiya Jesús yabara.

<sup>32</sup> “Daxota paca tsipaebatsi Jesucristo pia pexeinya diwesi jume xua bayatha Nacom yabara tsiwunaе muxu duta wamo susato jiwitha. <sup>33</sup> Baxua Nacom exana poxonae Jesús equeicha asu exanatsi. Nacata exana poxoru waxainchi wamo susatopiwi pijimonaetsi. Icha be pocotsi coyeneya bayatha tina Nacom Pejume Diwesitha xua salmos penaxunaе weixi diwesintha, po wei xua ichaxota ‘dos’, jei xua jeye: ‘Xam, taxantom, itawan caexanatsi bara’, jei. <sup>34</sup> Nacom, Jesús asu exanatsi, xua equeicha jopa petupaenexa tsane, xua equeicha jopa tsabanuncuae tsane. Daxota jei pejume diwesitha: ‘Paca catinchi xua bayatha David tayabara tsiwunaе muxu dutan’, jei. <sup>35</sup> Daxota pon xua tina salmos penaxunaе weixi diwesintha, barapo diwesintha Nacom baraichi: ‘Jopa copatsim xua nexanto petsabanuncuaewa tsane pon bichocono pejuntu coyene xanepanaein’, jei. <sup>36</sup> Xainyei, David exana xua Nacom ichipa poxonae baru popona Israel nacuapiwi. David bayatha tupa. Muthutha xotsi ichaxota pamo jiwi tatsi yamuthu umena. Yawa bayatha tsabanuncua. <sup>37</sup> Ichitha barapo pepon po pepon Nacom asu exana, barapo pepon jopa tsabanaeyo. <sup>38</sup> Tamonae pam, maisa bepayabara yaputaename Jesús po coyene xua bapon Jesús pacata cayawa tupa abe painya neexanaе cuiru coyenein xua daxota Nacom juntemaina barapo abe painya neexanaе cuiru coyenein. <sup>39</sup> Tsipei Jesús tupa daxota daxita pomonae jume cowanta bapontha, Nacom juntu coyene wunaetsina. Bequein jiwi exana daxita pocotsiwa Moisés pia peitorobi coyenewatha itoroba, ichitha barapo coyenewa bapana jopa jiwi juntu coyene xanepana exanaetsi abe pia peexanaе cuiru coyenein tatsi weya. <sup>40</sup> Dota, icha metha jopa Nacom pajume cowantsipaem, bara paichim tsipae icha be pocotsi coyeneya bayatha pomonae Nacom peitorobi jume pepaеbiwi yabara tina. Namchiya tina, jeye:

<sup>41</sup> ‘Ja, jiwi pecui caponaemonaе pam, bara pana nabenaecare, pawerapare. Xan, Nacom, anoxuae exanaein bichocono pepa rewunaewa poxonae cataunxuae pajinompame. Baxua xua exanan, jopa pajume cowantsim, bara bequein ichamonae paca tsipaeba’, jei Nacom”, jei Pablo.

<sup>42</sup> Pablo, iru pia pepuna ponaewichi daxita barapoyobe judiomonaе pia penacaetutsi bo tatsi wejojoniya. Pomonae baxota umena pomonae jopa yacuiya naexanaeyo xua judiomonaе penaexanaewa, barapomonaе Pablo wacatsi xua bepa pinaе Pablo equeicha cuidubina po diwesi anoxuae paeba xua equeicha icha diwesi mataropeichiya cuidubina xua icha mataqueitha tsane xua pentaquei seicaе matabitha. <sup>43</sup> Poxonae najume weta Pablo iru Bernabé, puna poinchibe judiomonaе iru pomonae jopa judiomonaе naexanaeyo. Barapomonaе Nacom jume cowanta nawita icha judiomonaе ichi. Pablo Bernabeno tsipaebabe barapomonaе: “Nacom pajume cowanta

dubenaebiyama xua Nacom wanae pia pacata exanaenexa painya jũntũ coyeneintha pia paca necaantobexae”, jeibe.

<sup>44</sup> Icha matabi, po matabitha pentaquei seicae matabitha, pin bicheito pomonae tomaratha ena, nacaetuta xua pejume taenexa Nacom pia pexeinya jume diwesi tatsi, pon Pecanamataxeinaeinchi jiwi.

<sup>45</sup> Ichitha poxonae judiomonae pinmonae necota, jume uwa tsipei pinmonae nacaetuta pejume taenexatsi Pablo. Pablo jume matawentatsi xua paeba yawa tũmũ jume baru paebatsino. <sup>46</sup> Nexata Pablo Bernabeno tsipaebabe barapomonae. Jopa auriya paebiyobe. Jeibe:

—Bara xanepana xua copiya Nacom Pejume Diwesi paca tsipaebatsi pomonae judiomonae pamxaem. Daichitha, jopa bepajume taem barapo diwesi tsipei jopa paichichipaem xua painya nexainaewa peajũntũyapusuwa po peajũntũyapusuwa ataya tsiteca. Daxota anoxuae ichamonaetha pata tha ponaetsi pomonaetha pomonae jopa judiomonae naexanaeyo. <sup>47</sup> Pata Tanecanamataxeinaein Nacom pana itoroba. Pana baraino, jeye:

‘Paca exanatsi xua painya neyawenaewa daxita pomonae jopa judiomonae naexanaeyo xua xanepanaeya pejinompaenexa tsane.

Mataũtano paca exanatsi xua beta painya netsipaebinexa Nacom Pejume Diwesi daxita nacuantha, xua jiwi pecapanenebiyaenexa tsainchi Nacom abe pia peexanae cuiru coyenein weya tatsi’,  
jei Nacom, jei Pablo.

<sup>48</sup> Poxonae baxua jume taerũcũpa, pomonae jopa judiomonae naexanaeyo, barapomonae bichocono jũntũ coyene weiweinarũcũpa, jũntema jinompano. Pablo tsipaebatsi: “Nacom Pejume Diwesi jume xeica. Bichocono jume wanae”, jei. Daxita barapomonae jume cowũnta pomonae Nacom cuita itapeta petaxeinaenexa tsainchi peajũntũyapusuwa, po peajũntũyapusuwa ataya tsiteca. <sup>49</sup> Barapomonae pomonae Jesús pejume cowũntsiwichi daxita nacuantha tsipaeba Jesús pia pexeinya jume diwesi tatsi, pon jiwi Pecanamataxeinaein. <sup>50</sup> Ichitha judiomonae anaepana exana yabũxi powaxi Nacom cananta xeinatsi bichocono. Yawa pebiwi pomonae peainya cui jiwi, barapo pebiwi anaepana exanatsirũ. Irũ judiomonae Pablo Bernabeno abe yabara cueicueijeichibe, daxota daxita jiwi Pablo irũ Bernabé casebatsibe. Barapo jiwi Pablo Bernabeno itawetaxotsibe pia nacua beya. <sup>51</sup> Nexata Pablo Bernabeno nataxu nũntababe tsorobo. Baxua exanabe petsita itapeinya xeinaenexa po coyene bapomonae abe exana poxonae jume itaweta Nacom Pejume Diwesi. Barapoxonae warapabe Iconio tomara beya. <sup>52</sup> Ichitha pomonae Jesús jume cowũnta, barapomonae bichocono jũntũ coyene weiweina. Mataũtano barapomonae jũntũ coyene yũcatsi Nacom pia Pejumo po tũnaxũ tatsi.

## 14

*Meje yabara poxonae Pablo Bernabeno Iconio tomaratha poponabe*

<sup>1</sup> Iconio tomaratha Pablo Bernabeno judiomonae pia penacetutsi botha tatsi jonyabe. Beta paebabe daxota pinmonae Jesús jume cowũnta. Judiomonae jume cowũnta, irũnũ pomonae jopa judiomonae

naexanaeyo jume cowanta Jesús. <sup>2</sup> Ichitha po judiomonae jopa Jesús pejume cowantsiwichi barapomonae cui tsacaba pomonae jopa judiomonae naexanaeyo cui tsacabatsi. Daxota barapomonae pomonae jopa judiomonae naexanaeyo abe yabara nanta xeina xua pomonae Jesús pejume cowantsiwi tatsi abe yabara nanta xeinatsi. <sup>3</sup> Pablo Bernabeno barapo tomaratha ecabe. Ainya matababi dapaein baraponbe ecabe baraxota. Nacom Pejume Diwesi jume daunweya cueicueijeibe Pecanamataxeinaein nexa. Baponbe Nacom cata pia peayapusawa peexanaenexabe pexeinya petsita itatsi coyenewan. Poxonae jiwi cui tane xua baponbe exanabe, barapo jiwi yaputane xua Nacom yawena baponbe, peantobexaetsibe. <sup>4</sup> Daxita jiwi tomaratha be ainya jiwibe natsababe. Ichamonae judiomonae ichichipa. Ichamonae Jesús pia peitorobi jiwi tatsi ichichipa. Daxota ainya bicheitobe nacana exanabe. <sup>5</sup> Nexata bapoxonae judiomonae iru pomonae jopa judiomonae naexanaeyo peburuya yabara jume baru nanta xeinarucupa xua pentacaponae wi paeba po coyene xua Pablo yawa Bernabé abe peexanaewa tsainchibe xvano xua ibotontha pecuinbabinexatsibe. <sup>6</sup> Poxonae Bernabé Pablo jume taebabe nainya naetsirucuaabe Lистра tomara beya, Derbe tomara beyano. Barapo tomarabe Licaonia nacuatha ecabe. Matautano icha tomaran beya ponabe Pablo Bernabeno xua po tomaran ena barapo Licaonia nacuatha. <sup>7</sup> Barapo tomarantha cuiduba ducuanae-biyabe Jesús pia pexeinya jume diwesi tatsi.

*Meje yabara poxonae Pablo Lистра tomaratha ibotontha cuinbabatsi*

<sup>8</sup> Lистра tomaratha pebin popona pon pemabinchi, pon xua jopa peponaein. Bapon pexuyotha caena yawa naexaneca, xvano bapana jopa ponae. <sup>9</sup> Bapon pon pemabinchi Pablo jume tainchi xua pocotsiwa cueicueije. Pablo pemabinchi tane. Pablo nanta xeina, xua pon pemabinchi bara Nacom jume cowantatsi. Pablo nanta xeinataba xua axaibi peexanaewa tsainchi pon pemabinchi. Daxota bichocono Pablo naita cui duya bapontha beya. <sup>10</sup> Nexata Pablo jume daunweya barai, jeje:

—Asiya uncuare, jei.

Pon pemabinchi asiya uncuatabiya jirawana yawa nainya ponano. <sup>11</sup> Poxonae Pablo cui tainchi barapomonae, jume daunweya wawai pin jumetha, Licaonia pijumetha tatsi:

—iNacombe be pebin juta tsecae waxainya berena patopabe! jei.

<sup>12</sup> Barapomonae namchi: “Maisa Bernabé bara mexeya nacom tsecae, po nacom pewan Zeus. Iru Pablo bara mexeya icha nacom tsecae, po nacom pewan Hermes”, jei. Barapomonae bapo wan duta poxoru tsipei Pablo penantacapaebin tsecae. <sup>13</sup> Iru barapo nacom Zeus pia sacerdotemonaepin xeinaru, pon Zeus wanae jainteibatsi pia penacaetutsi bo tatsitha. Barapo penacaetutsi bo uncuata tomara coiboto juma weya. Barapo sacerdotepin vaca pebton wiyaba pentonon pecaponaenexa Zeus pia penacaetutsi botha tatsi. Barapo tomarapiwi iru Zeus pia sacerdotepin ichichipa juteba vaca pebton petautsinexa xua petuxusi exanaenexa Pablo iru Bernabé nexabe pia Pablo iru Bernabé yabara nanta xeinaebe barapomonae xua barapomonae bara pejuntá coyene xanaxanaewi. <sup>14</sup> Bernabé Pablo jume tanebe xua taexanaeinchibe

baxua barapomonae. Bapoxonae anaya nama paparuwa tsitsinaxubabe. Cuinaeponaya wawaibe poxoru aichaxaibibe xua baxua barapomonae exanaena. Jeibe:

<sup>15</sup> —¿Eta xua daxua pana canaıtame? Apra saya jiwi panbe. Be paxam paichim bara paichinbe. Papatopanbe tsipei apra pata paca catsipaebinea tsainchi xua painya nenacui barapentsiwa tsane barapo coyenexi xua jopa pecui xanepanaewiyo. Maisa Nacomtha panantana pende. Barapo Nacom pon peantıcuıyapusan, exana peitaboco, iranno, pin meneinno. Daxita xua xuanno yawa muxuna dubena tsiniya Nacom bayatha exana. <sup>16</sup> Wawınaeya Nacom cui copata daxita nacuapiwi xua bara pejinompaenexa icha be pocotsi coyeneya ichichipa xua pejinompaewa. Daxita jiwi pia cui nata exana saya. <sup>17</sup> Nacom xua pewınaewan nacopiniwa tsita itıba daxota jiwi naita cui coyene tane xua Nacom exana. Barapon Nacom apra pon ema pacata itorobica, pexuwiwannopaca tsijain exaneica catsicano. Pexaewa paca cata. Paca jıntı coyene weiweına exana, jei.

<sup>18</sup> Bequein Bernabé Pablobe jume daunweya yabara paebabe baraxua, awiya barapomonae ichichipa jutebina vaca pepton xuano xua wınae pejainchinexatsibe Pablo irı Bernabé. Barapomonae muxu pejutebi vaca daichitha jopa jutebiyo.

<sup>19</sup> Bapoxonae judiomonae pomonae jopa pejume cowıntsiwi, Antioquía tomara weparena, irıı Iconio tomara weparena. Daxita barapo judiomonae Listra tomarapiwi barı cueicueıjeichi pebarı anaepanaenexatsibe Pablo irı Bernabeno. Nexata barapomonae Listra tomarapiwi ibotontha cuınbabatsi Pablo. Barapomonae najıntı coyene xeına xua bayatha tıpa Pablo. Pablo tomara coiboto juma bejojontapoinyatsi. <sup>20</sup> Jesús pejume cowıntsiwichi Pablo cacuita mata wacaıcha umeınarıcupatsı. Bapoxonae Pablo asiya uncuataba. Equeıcha tomara bepoinya. Icha mataqueıtha Bernabé Pablobe Derbe tomara beya ponabe.

<sup>21</sup> Bapoxonae Bernabé Pablobe muxu tsıpaebabe Jesús pia pexeyına jume diwesi tatsi. Pinmonae jume cowınta Jesús. Equeıcha bapoxonae Listra tomara beya, caıbeya ponabe. Iconio tomarano, Antioquía tomara beyano bara bewarapiyabe. <sup>22</sup> Bernabé irı Pablo barapo tomarantha jıntı coyene tsacababe pomonaetha pomonae pejume cowıntsiwi xua xanepanaya pejinompaewa tsane. Mataıtano cui itorobabe barapomonaetha xua bewa barapomonae beta xanepanaya jume cowınta dubenanaebıyaena. Barichino mataıtano tsıpaebabe xua pinae poxonae ichamonae pepatsıwa tsane Nacom pia peitorobi nacua beıcha bewa matha ajıntıcoyenetane exaneıbinchi xua ichamonae taexanaena. <sup>23</sup> Bernabé Pablobe tamroropata itapeta tsiniyabe pitiri jiwi daxita Jesús pejume cowıntsiwi pia penacıetıtsı bontha. Barapo pitiri jiwi itapetatsı peyawenaenexa xua peyawenaenexatsı pomonae Jesús pejume cowıntsiwi. Poxonae daxita najume weta xua Nacomtha petsıpaebiwa, xuano xua yabara nainbota pitiri jiwi nexa, bapoxonae Pablo irı Bernabé, Nacom pon Pecanamataxeınaein jiwi, jeıchichi: “Nacom, barapo pitiri jiwi beta eenare jinya necajume cowıntsixae”, jeibe.

*Meje yabara poxonae Bernabé irı Pablo Antioquía tomaratha equeıcha caıbe patopiyaıbe xua po tomara peıcaıxae Siria nacuatha*

<sup>24</sup> Copıya matha Pisidia nacua bewarapiyabe. Bapoxonae Panfilia nacuatha patopabe. <sup>25</sup> Jesús pia pexeyına jume diwesi tsıpaebabe



Perge tomaratha. Barapoxonae equeicha Atalia tomara bewarapiyabe. <sup>26</sup> Baraxotiya Atalia tomaratha Antioquía bewarapiyabe jeratha, po naetha po nae pin nae. Antioquía tomara barapo tomara ichaxota bayatha matha barapomonae Bernabé iru Pablo tawucatsibe Nacomtha poxonae juntucuru warapabe. Bayatha cain barapo Antioquía tomarapiwi tawuca Nacomtha, xua Nacom beta eenaena peantobexae xua Pablo iru Bernabeno beta eenaechibe poxonae nacuitabe Nacom pia penacuichiwa. Baxota equeicha Pablo Bernabeno pecoutha patopabe tsipei barapo pia penacuichiwabe bayatha wetabe. <sup>27</sup> Bernabé iru Pablo poxonae patopabe Antioquía tomaratha caetutabe pomonae pejume cowantsiwi Jesús. Baponbe barapomonaetha tsipaebabe po coyene bayatha Nacom Pablo iru Bernabé taexanatsibe. Matautano tsipaebabe xua Nacom pon Pecanamataxeinaein jiwi, pomonae jopa judiomonae naexanaeyo tacopatatsi xua iru barapomonae peitacupaewatsi xua pejume cowantsinexatsi Jesús. <sup>28</sup> Bernabé iru Pablo baraxotiya ainya dapaen naecabe barapomonae pia xantha tatsi pomonae Jesús pejume cowantsi jiwichi.

## 15

*Meje yabara poxonae nacaetuta Jerusalén tomaratha Jesús pia peitorobi jiwi tatsi iru penapatae jiwi*

<sup>1</sup> Barapoxonae iru pebiwi, pomonae Judea nacuatha jinompa, pata Antioquía tomaratha. Barapomonae tamropata notarucupa xua pecuidubiwa pomonaetha pomonae iru pejume cowantsiwixae Jesús. Jeye: “Icha paichichipame xua painya nepaca capanenebiwa matha pana nawi thabare pebiwi pam ichaxota pana nareixacaename icha be ichi pocotsi coyeneya bayatha Moisés paca itoroba”, jei. <sup>2</sup> Pablo iru Bernabeno jume daunweya tsipaebabe xua baxua jopa xainyeyo. Ichitha jume matsontsonobatsibe barapomonae. Daxota Pablo iru Bernabé wan dutatsibe, iru ichamonae wan dubatsi xua daxita barapomonae peponaenexa Jerusalén tomara beya. Matautano barapomonae itorobatsi xua barapo penawi thabi coyene yabara petsipaebinxatsi Jesús pia peitorobi jiwi tatsi, iruru pitiri jiwi petsipaebinxatsi pomonae penacaetutsi jiwi jiwana xua Jerusalén tomaratha.

<sup>3</sup> Barapo Antioquía tomarapiwi pomonae Jesús pejume cowantsiwi pu taeumena. Pablo iru Bernabé iru icha pebiwi pu taeumeinchi. Barapoxonae Pablo Bernabeno iru icha pebiwino warapa. Barapomonae siwa pona Fenicia nacua beya, Samaria nacua beyano. Barapomonae Pablo Bernabeno tsipaebabe, jeibe: “Pomonae xua jopa judiomonae naexanaeyo, barapomonae pia cui coyenein nacui barapenta po coyenein xua jume cowanta bayatha pia jume cowantichi Nacomtha”, jeibe Pablo, Bernabeno. Daxita pomonae iru pejume cowantsiwixae Jesús bichocono juntu coyene weiweina poxonae jume tane baxua.

<sup>4</sup> Bernabé iru Pablo poxonae patopabe Jerusalén tomaratha, pomonae pejume cowantsi jiwi baponbe matenta weiweinaya wabatsibe. Iruru Jesús pia peitorobi jiwi tatsi matenta weiweinaya waba. Barichiru pitiri jiwi matenta weiweinaya waba. Bernabé iru Pablo tsipaebabe barapomonaetha po coyene bayatha Nacom taexana baponbetha. <sup>5</sup> Ichitha ichamonae fariseomonae, pomonae bayatha jume cowanta Jesús, asiya umena. Barapomonae namchi, jeye:

—Pomonae jopa judiomonaе naexanaeyo pomonaе pejume cowantsiwi Jesús bewa exanaetsi xua penawi thabiwa tsane xua ichaxota nareixacaena xua ichaxota pebiwixae xeina. Matautano bewa cui itorobichi xua bewa exanaponaena pocotsiwa bayatha Moisés itoroba pia peitorobi coyenewatha, jei.

<sup>6</sup> Bapoxonaе Jesús pia peitorobi jiwi tatsi iru pitiri jiwimonaeno nacaetuta peyabara paebinexa barapo penawi thabi coyene. <sup>7</sup> Caena bayatha bapomonaе najume matsontsonobompa. Bapoxonaе Pedro asiya uncuataba. Barai barapomonaetha, jeye:

—Tamonae pam, pomonaе iru painya nejume cowantsiwixae Jesús, paxam payaputaneme, xua caena bayatha Nacom neitapeta painya xantha. Newaba tacueicueijeinexa tsane Jesús pia pexeinya pecapanenebiyae diwesi jume pomonaetha pomonaе jopa judiomonaе naexanaeyo, xua iruru barapomonaе pejume cowantsinexa barapo diwesi. <sup>8</sup> Nacom pejuntu coyene yaputaein jiwi daxota naca yaputane exana xua bapon tsitatsi xua barapomonaе pejuntu coyene xanepanaewi bequein jopa judiomonaе naexanaeyo. Nacom bara nanajumope tñaxu cata barapomonaetha icha matha naca cana ichi. <sup>9</sup> Nacom bichocono antobe barapomonaе icha ichi xua bichocono naca antobe. Nacom juntu coyene puxana exana barapomonaе xua abe pia peexanae cuiru coyenein tatsi pejume cowantsixaetsi icha naca ichi. <sup>10</sup> Maisa anoxuae jopa bepayabara yaputaem pocotsiwa Nacom exana. Matautano barapo pejume cowantsiwi pomonaе jopa judiomonaе naexanaeyo pacui itorobame xua penawi thabiwa xua ichaxota nareixacaena xua ichaxota pebiwichi xeinatsi. Matautano be paca ita cui jicha xua barapomonaе bewa exanaena pocotsiwa Moisés itoroba. Aparaxua jopa naca itacupaeyo xua waexanaewa. Iruru wamo susato jiwi jopa itacupaetsi xua peexanaewa baxua. <sup>11</sup> Nama apara waxainchi wanaca capanenebiyae jiwichi xua saya amanaya xua Jesús pon jiwi Pecana-mataxeinaein peichichipaexae baxua. Barapo pejume cowantsiwi iru bara cana ichichi, jei Pedro barapomonaetha.

<sup>12</sup> Bapoxonaе barapomonaе moya umena. Barapomonaе Bernabé iru Pablo jume taeumenatsibe. Tsipaebabe: “Paponeibanbe pomonaetha pomonaе jopa judiomonaе naexanaeyo. Paexaneibanbe barapomonaetha pexeinya petsita itatsi coyenewan Nacom pia peayapusuwiyatha tatsi”, jeibe. <sup>13</sup> Poxonaе Bernabé iru Pablo najume wetabe xua paebabe, bapoxonaе Santiago namchi, jeye:

—Tamonae pam, pomonaе iru painya nejume cowantsiwixae Jesús, pana nejume taema: <sup>14</sup> Simón Pedro aunxuae naca tsipaeba. Pedro namchi: ‘Poxonaе Nacom copiya tamropata pitaba xua yawena pomonaе jopa judiomonaе naexanaeyo, Nacom jiwana itapeta pomonaе xua peantobenexa tsainchi bapon’, jei Pedro. <sup>15</sup> Xuaunxuae Pedro paeba caena bayatha Nacom pia peitorobi jume pepaebiwi yabara tsiwunae muxu dutsiya tina Nacom Pejume Diwesitha xua Nacom nexa, jeye:

<sup>16</sup> Poxonaе daxita baraxua wetsina, xan Nacom equeicha patoparecaein.

Exanaein xua caein, pon David pia pemomo jiwi tatsi jiwana matacapoponaena piamonaе, icha matha David ichi poxonaе piamonaе matacapopona.

17 Poxonae baraxua exanaein, barapoxonae ichamonae pomonae jopa judiomonae naexanaeyo newenawenei tsane pia tanejume cowantsinexa tsane. Barapomonae pia Pecanamataxeinaein tatsi naexanaein taitapetsixae barapomonae.

18 Nacom pon jiwi yaputaeya exanatsi barapo coyenein caena bayatha pepaebixae baxua daxota xaniwaicha Nacom exanaena', jei Nacom pia peitorobi jume pepaebiwi, Nacom Pejume Diwesitha xua Nacom nexa, jei Santiago.

19 Santiago cataunxuae awiya cueicueijei, jeye: "Daxota nanta xeinan, equeicha waxainchi jopa bewa itorobi tsainchi pomonae jopa judiomonae naexanaeyo xua peexanaewa po coyenein xua taayapubetsi. Barapomonae nacui barapenta pia cui coyenein po coyenein xua jume cowanta bayatha pia jume cowantichi Nacomtha. 20 Betatinaetsipatsi carta pomonae jopa judiomonae naexanaeyo. Barapo cartatha jechipaetsi: 'Jopa equeicha pewi paxaeinde po wi jiwi tajeba ibo nacom nexa. Painya xoba yabuxi panotame po yabuxi jopa painya seurixi. Painya xoba duwei paw xaneme pon saya pipato tupa xuanu pon saya bunopa. Matautano jopa paxaeinde pejanan', bejei tsipaetsi. 21 Baraxua bewa exanaetsi poxoru caena cain bayatha pomonae Nacom Pejume Diwesi pecanatsipaebi jiwi yorobeiba barapo diwesi judiomonae pia penacaeuttsi bontha tatsi. Daxita tomarantha xua po matakabintha pentaquei seicae matakabintha barapomonae yorobeiba Nacom Pejume Diwesi, po diwesi xua Moisés tina bayatha pocotsiwa yabara tsiwanae muxu duta Nacom", jei Santiago.

*Meje yabara poxonae barapo bicheito carta tatina pomonaetha pomonae jopa judiomonae naexanaeyo*

22 Jesús pia peitorobi jiwi tatsi iru pitiri jiwi, iru daxita pomonae pejume cowantsiwi juntucuru najiwana itapeta. Bapoxonae xua Antioquia tomara beya penajiwana itorobinexa Pablo iru Bernabé. Judas wan dutatsi pon icha wan Barsabás. Iru Silas wan dutatsi, baponbe ponbe bichocono peainya cui jitonbe xua pomonae iru pejume cowantsiwi pia xantha tatsi. 23 Jesús pia peitorobi jiwi tatsi iru pitiri jiwi, iru pomonae Jesús pejume cowantsiwi, barapomonae carta tina xua pecaitorobinexa xua Pablo iru Bernabé iru Judas iru Silas barapoyobe pecaitorobinexatsi. Barapo carta namchi, jeye:

"Paxan Nacom pia peitorobi jiwi tatsi pan, iru pitiri jiwi panno xua nacaemonae jiwichi xua wajume cowantsiwichi Jesús. Paxan pajacoban patamonae pomonae jopa judiomonae naexanaeyo pomonae iru Jesús pejume cowantsiwichi, pomonae pejinompaexae Antioquia tomaratha, xuanu xua pejinompaexae Siria nacuatha, Cilicia nacuathano. 24 Payaputan ichamonae xua patamonae pata tomara weya pipato paca siwa pona painya tomara beya. Paca cajume acaura. Barapomonae namchi: 'Pana nawi thabare. Matautano paexande pocotsiwa Moisés pia coyenewatha itoroba', jei. Jopa paitorobinyo barapo jume. 25 Daxota be juntucuru pawanaein xua cuita pananta jupaya nanta xeinan. Paitoroban ichamonae pata xainya weya pia paca necataenexa tsane. Napuna ponabe Bernabé Pablono ponbe

bichocono paantobein. <sup>26</sup> Baponbe Pablo iru Bernabé muxu pebocaebe xua pebexubiwatsibe pecueicueije tsurucuaenaebiyaexaebe Jesucristo nexa, pon Wanacanamataxeinaein. <sup>27</sup> Paitorobanbe Judas Silasno. Baraponbe saya pia coutha paca tsipaebinabe daxita xua barapo cartatha papaeban painya neyaputaenexa. <sup>28</sup> Paxan iru Nacom pia Pejumope tunaxu tatsi pananta jupaya nanta xeinan xua jopa bepaca itorobichi icha cui coyene po cui coyene bichocono pacata ayapube xua painya neexanaewa tsane. Meisa saya u baxua xua pacata tinatsi po cartathe baxua panantawenoname xua painya neexanaewa tsane. <sup>29</sup> Painya xoba paxaneme pewi po wi jiwi tajeba ibo nacom nexa poxona tauta barapo duwei xua tuxusi exana barapo ibo nacom nexa. Barichi painya xoba duwei pawu xaneme pejanano po duwei pipato tupumena. Matautano ichamonae painyamonae jiwana pia xoba nota yabaxi powaxi jopa piseurixi tatsi. Icha baraxua panacui barapentsiname xanepanaya pajinompaename. Baja”, jei barapo cartatha.

<sup>30</sup> Bernabé iru Pablo, iru Judas Silasno barapomonaeyobe peitorobixaetsi bara Antioquia tomara be-iyiya. Barapo tomarathiya barapomonaeyobe caetuteta pomonae pejume cowantsiwi. Matautano barapomonaeyobe barapo carta cata barapomonaetha. <sup>31</sup> Pomonae iru pejume cowantsiwixae Jesús bara yoroba barapo carta. Barapomona bichocono juntu coyene weiweina tsipei barapo cartatha cui matateicaeya yabara paebatsi. <sup>32</sup> Judas iru Silas peitacupaexaetsibe xua beta petsipaebiwabe Nacom Pejume Diwesi xua Nacom yaputane exana, daxota juntu coyene tsacababe barapomonaetha pomonae iru Jesús pejume cowantsiwi tatsi xua beta pejinompaewa tsane. Matautano baponbe cui matateicabe. <sup>33</sup> Barapoyobe barapo pejume cowantsiwitha naecabe caena bayiyo. Barapoxona barapomona pomonae pejume cowantsiwixae Jesús barapoyobe juntu coyene xanepanaya pu napayabatsi xua penawibiyaexae caibeya ichaxota werena bayatha pomonae peitorobirenaexaetsi. <sup>34</sup> Ichitha Silas juntucuru narunta. <sup>35</sup> Pablo iru Bernabé Antioquia tomaratha ecabe. Baponbe iru ichamonaeno pomonae pinmonae, daxita barapomona cuiduba dubenanaebiya yawa tsipaeba dubenanaebiya Jesús pon Pecanamataxeinaein jiwi pia pexeinya jume diwesi tatsi.

*Meje yabara poxona Pablo equeicha warapa nacueyatabe po cuiyobetha xua Jesús pia pexeinya jume diwesi tatsi pecueicueije iwa nexa*

<sup>36</sup> Pirapaeyo icha mataqueitha, Pablo barai, Bernabé baraichi, jeye:

—Antha equeicha Jesús pejume cowantsiwi siwa ponaeinchi daxita jupaya tomarantha ichaxota matha cain Jesús pon jiwi Pecanamataxeinaein pia jume diwesi tatsi tsipaebatsibe. Wayaputaenexabe icha metha bara beta jinompa bapomona, jei Pablo.

<sup>37</sup> Bernabé ichichipa xua puna poinchibe pon Juan, pon icha wanno Marcos. <sup>38</sup> Ichitha Pablo jopa ichipaeyo xua pebaru ponaewatsi Juan Marcos tsipei bayatha Panfilia tomaratha Bernabé iru Pablo cuenta ponatsibe. Bayatha Juan Marcos juntucuru jopa benapuna nanacuichiyo Jesús pia pexeinya jume diwesi tatsi. <sup>39</sup> Najume matsontabe. Bernabé iru Pablo nawu tsatajopabe. Bernabé tsana baru jopa Marcos. Weratha ponabe Chipre tunaeto beya. <sup>40</sup> Barapoxona Pablo cuita waba Silas. Antioquia tomaratha pomonae pejume cowantsiwixae

Jesús, Pablo Silasno tatsipaebatsibe Nacomtha xua Nacom peenaenexa peantobexae xua Pablo iru Silas peenaenexatsibe poxonae cueicueijeibe Nacom Pejume Diwesi. <sup>41</sup> Pablo iru Silas warapabe Siria nacua beya, Cilicia nacua beyano. Baponbe juntu coyene tsacababe pomonaetha pomonae pejume cowantsiwi Jesús xua beta pejinompaewa nexa.

## 16

*Meje yabara poxonae Timoteo cueyata, Pablo iru Silas cueyatatsibe*

<sup>1</sup> Pablo iru Silas Derbe tomaratha patopabe. Equeicha bapoxonae Lистра tomaratha patopabe. Baraxota Lистра tomaratha caxinabe pebin pon pejume cowantsin Jesús. Bapon pewun Timoteo. Pena tatsi saya judiomonaewayo. Barapowa iru pejume cowantsiwayo Jesús. Timoteo paxa tatsi griegomonaepin. <sup>2</sup> Jesús pejume cowantsiwi, pomonae jinompa Lистра tomaratha, iru pomonae Iconio tomaratha jinompano, barapomonae Timoteo beta yabara paebatsi xua pinae pejuntu coyene xanepanaein. <sup>3</sup> Pablo ichichipa xua bepuna ponaichatsi Timoteo xua peyawenaenexatsi. Ichitha matha copiya cui itorobatsi Timoteo xua pewi thabinexatsi xua ichaxota nareixacaeca xua ichaxota pebinxae xeina. Pablo baxua exana tsipei jopa ichipaeyo xua judiomonae anaepana peexanaewa tsainchi xua jopa pewi thabixae tsiptaetsi Timoteo. Tsipei Pablo yaputane xua judiomonae nawita ichaxota poneibinabe. Barapomonae judiomonae nawi thabeiba tsipei pia cui. Matautano barapomonae judiomonae yaputane xua Timoteo paxa tatsi griegomonaepin. Daxota Timoteo jopa caena bayatha wi thabichi tsipei canta griegomonaepin jopa daxua exaneibiyo. <sup>4</sup> Daxita jupaya tomarantha pateiba, Pablono, Silasno, Timoteono. Barapomonaeyobe tsipaebabe pomonaetha pomonae Jesús pejume cowantsiwi pocotsiwa bayatha Jesús pia peitorobi jiwi tatsi iru pitiri jiwi tina cartatha poxonae nacaetuta Jerusalén tomaratha pomonae pejume cowantsiwi Jesús. <sup>5</sup> Daxota pomonae penacaetutsi jiwi bara xanepanaya beta jume cowanta. Daxotano pinmonae jume cowanta. Daxita matakabi mataropeicha pinmonae tsoponae xua jume cowantapona Jesús.

*Meje yabara poxonae Pablo camaita Macedonia nacuapin*

<sup>6</sup> Nacom pia Pejumope tñaxu tatsi Pablo jopa copatichi xua pecueicueijejiwa tsane Nacom pejume diwesi Asia nacuatha. Daxota Pablo-baru Frigia nacua iya pona xuano xua Galacia nacua iya pona. <sup>7</sup> Misia nacua iyiya. Baraxotiya bequein ichichipa pata Bitinia nacuatha, ichitha Jesús pia Pejumope tñaxu tatsi apusiwa. <sup>8</sup> Daxota Misia nacua iyiya. Troas tomaratha mene itapatha pata. <sup>9</sup> Baraxota merawi Pablo camaita pebin pon Macedonia nacuapin. Bapon Macedonia nacuapin nantacotuncua. Pablo jume daunweya wabatsi: “¡Anetha denande! Macedonia nacua berena. ¡Pana yawende!” jeichichi Pablo. <sup>10</sup> Pablo camaita bapon, daxota paxainxainyan xua pata warapaenexa Macedonia nacua beya. Iru xan, Lucas tsocuaein, naponan. Paxan tsipei payaputan xua bara Nacom pana itoroba barapo nacuatha xua pata cueicueijejiwa tsane Jesús pia pexeinya jume diwesi tatsi.

*Meje yabara poxonae Pablo iru Silas Filipos tomaratha ecabe*

<sup>11</sup> Jeratha pawarapan, po naetha po nae pin nae. Raponacurpan Troas tomara mene itapa weya. Weratha bopiya payiyan petunaeto

cacuitiya Samotracia tunaeto. Icha matabitha papatan Neápolis tomaratha. <sup>12</sup> Equeicha baxotiya Filipos tomara bepaiyan, po tomaratha xua romanomonea cueranta ena. Barapo Filipos tomara yatsicaya pepa tomara, pepa Macedonia nacua. Baraxota ainya matababin paenan. <sup>13</sup> Caentacabi, po matababi pentaquei seicae matabitha, tomara pepuya beya paponan mene itapa beya, ichaxota judiomonea Nacom wáqueiba. Paenan baraxotiya. Jesús pejume diwesino pacueicueijan yabuxitha powaxi xua cou bayatha nacaetuta. <sup>14</sup> Barapowaxi caewayo jiwana pana jume tane. Barapowa pewan Lidia, Tiatira tomarapiwayo. Bapowa caenaeteiba papaburu, po papaburu mu tsohia po papaburu ainya matoman. Barapowa wnae jainteiba Nacom. Barapowa beta jume tane pocotsiwa Pablo paeba. Nacom pon jiwi Pecanamataxeinaein, barapowa icha juntu coyene cana exanatsi xua peexanaenexa pocotsiwa Pablo paeba. <sup>15</sup> Barapowa bautisabatsi, yawa piamonea matabuxyo tatsi bautisabatsi. Bapoxonae bapowa pana barai, jeye:

—Icha bara metha xaniwaicha pananta xeiname xua Jesús tajume cowantsiwayo, pon jiwi Pecanamataxeinaein, nexata antha tabotha pamaire, pana nejei Lidia.

Pecono jumeyotha pana barai, bepa pinae xua pia botha pamaichin.

<sup>16</sup> Icha mataqueitha poxonae namtotha paenaponan xua poxonae paponan ichaxota jiwi wáqueiba Nacomtha, baxota yabuyo pacaxinan namtotha. Barapowayo cauri xeina. Barapowayo pebusi cui taetaewayotsi xua amanaya petanacuichiwa pia pentacaponaein nexa. Matautano barapowayo paratixi caetuba pia pentacaponaein tatsi nexa xua bapowa pecueicueijejei tsaibixae pocotsiwa cauri yaputane exana. <sup>17</sup> Barapowa, Pablo, iru paxan pana pu wabapona. Bapowa wawaya namchi, jeye:

—¡Barapomonea tanacuita Nacom nexa, po Nacom itabocotha eca! ¡Paca muxu tsipaeba Nacom pia pecapanenebiyae diwes! jei barapowayo.

<sup>18</sup> Bapowa baxua exaneiba ainya matababin. Pablo amuxufaetabi. Pablo barapowa taitaweta cauri. Pablo cauritha namchi, jeye:

—Jesucristo wantha caitawetatsi. Naetsiriware. Xubariware bapowayo, jei Pablo.

Bara caena barapowayo copatabatsi cauri.

<sup>19</sup> Barapoxonae yabuyo cui tainchi pia pentacaponaeiwichi tatsi xua equeicha jopa amanaya tacaetubi tsane paratixi barapomonea nexa. Daxota Pablo Silasno waetabatsibe. Pematacaitorobi bicheito jiwi peitabaratha capoinchibe tomara panatha. <sup>20</sup> Barapomonea Pablo iru Silas cuaranotatsibe peitabaratha tatsi pomonea jiwi peyabara paebiwi xua penatsicuentisiwa xua abe peexanaexae. Barapomonaetha jeye:

—Baponbe judiomonea jitonbe, watomaratha baponbe wamonae cui tsacabatsi xua najume matsontsonoba. <sup>21</sup> Baraponbe pia cui coyeneya naca cuiduba. Barapo coyene jopa becopatichi xua wajume taenexa xuano xua waexanaenexa, tsipei romanomonaetsi, jei barapomonea.

<sup>22</sup> Bara nexata Pablo iru Silas baru anaepanarucupatsibe jiwi. Matautano pomonea jiwi peyabara paebiwi xua penatsicuentisiwa xua abe peexanaexae, barapomonea ichamonae cui itorobatsi xua Pablo iru Silas reuma xuenaxubinexatsibe paparawa, bapoxonae xua pecuainchinexatsibe iwatontha. <sup>23</sup> Matha bichocono cuaintatsibe.

Bapoxonae caponatsibe jiwi pecubi bo beya. Pon peyabara equeibin pomonae cubebatsi jiwi pecubi botha bapon cui itorobatsi jeichichi: “Beta yapu eenare, xua jopa penaetsiriwanexabe”, jeichichi barapon. <sup>24</sup> Poxonae bapon jume tane pocotsiwa pentacaponaeui cui itoroba, bapoxonae po tutu tajua beya baxota Pablo irua Silas cuaranoyatsibe. Bichocono naepaewatha taxu cateitabetatsibe jiwi petaxu cateibabi naewatha.

<sup>25</sup> Papaetha Pablo irua Silas Nacomtha tsipaebabe yawa Nacom pijume weino naxunabe. Ichamonae baraxota cubebatsi jiwi pecubi botha. Barapomonae Pablo irua Silas jume tayenatsibe. <sup>26</sup> Barapoxonae jemeicha bichocono jijiyataxuba. Ibowano jijiyataxubano xua bomuxu peyutanotsiwa. Bapoxonae jemeicha nainya saya dubenanaya peboupan. Matautano pomonae jiwi pecubi botha jebatsi daxita taxu nain sarababatsi. <sup>27</sup> Pon peyabara equeibin pomonae cubebatsi, bapon nacosataxuba. Bapon tane xua barapo jiwi pecubi bo saya peboupa umenaruxpa. Bapoxonae pia cusi namara jonta. Muxu penabexubi, tsipei bapon nanta xeina xua bara daxita panenebiya, Pablo, Silasno irua ichamonaeno. <sup>28</sup> Ichitha Pablo waba bapon pon peyabara equeibin pomonae cubebatsi jiwi pecubi botha, jeye:

—Jopa jinya coutha nabexubinde, tsipei apara cataunxuae xote pajinonpan! jei Pablo.

<sup>29</sup> Nexata pon peyabara equeibin pomonae cubebatsi jiwi pecubi botha, wawaya namchi, jeye: “Painta itanatabare”, jei. Jijiyeya cuinaepondena. Pablo irua Silas imoxoyo petaxutha pentabocototha caquita tauncuatabatsibe. <sup>30</sup> Bapoxonae bapon pon peyabara equeibin pomonae cubebatsi jiwi pecubi botha, bapon Pablo irua Silas pesato becayatsibe. Pablo irua Silas baraichichibe, jeye:

—Ja, zeta bichocuaein tsane xua tana necapanepaewa tsane Nacom beicha? jei bapon.

<sup>31</sup> Pablo irua Silas jume notabe, jeye:

—Jume cowande Jesús pon jiwi Pecanamataxeinaein, bapoxonae necacapanepae jitom tsane irua jinyamonae matabuxuyo pecapanenebiyae jiwi sainchi, jeibe.

<sup>32</sup> Tsipaebabe bapontha, Jesús pon jiwi Pecanamataxeinaein, pia pexainya jume diwesi tatsi. Matautano tsipaebabe piamonae matabuxuyo jiwitha tatsi, pomonae pia botha petaenaexaetsi. <sup>33</sup> Caena barapoxonae, pon peyabara equeibin pomonae cubebatsi jiwi pecubi botha, Pablo, irua Silas wan quietatsibe. Bapoxonae bapon bautisabatsi irua piamonae matabuxuyo tatsi bautisabatsi. Pablo, irua Silas bautisababe. <sup>34</sup> Bapoxonae Pablo irua Silas bo beya caponatsibe. Pexaewa catatsibe. Bapon piamonae matabuxuyo tatsino bichocono juntua coyene weiweina pejume cowantsixae Nacom.

<sup>35</sup> Pomonae jiwi peyabara paebiwi penatsicuentsiwa xua abe pexanaexae, barapomonae caemumbotha itoroba, policiamonae itorobatsi ichaxota pon peyabara equeibin pomonae cubebatsi jiwi pecubi botha. Bapon copatatsi xua bara Pablo irua Silas pepu copatsinexatsibe. <sup>36</sup> Nexata pon jiwi peyabara equeibin pomonae cubebatsi jiwi pecubi botha, bapon Pablo baraichi, jeye:

—Pomonae jiwi peyabara paebiwi penatsicuentsiwa xua abe peexanaexae, barapomonae necui itoroba xua tapaca isanaxubiwa

tsainchibe. Bara paca itacupabe xua bara papu seicaenamebe, jei bapon.

<sup>37</sup> Ichitha Pablo barai policiamonaetha, jeye:

—Apara barapomonaе pana cuainta pepa bicheito peitabaratha. Dacotsiwa barapomonaе abe painta exana. Seicaya apara romanomonaе pan. Copiya matha jopa pana caponaeyobe ichaxota pon jiwi peyabara paebin xua penatsicuentsiwa xua abe peexanaexae. Saya barapomonaе pia coutha paeba xua abe paexananbe. Daxota jiwi pecubi botha pana caponabe. Deta aena poxonaе juntucuru pana isanaxubapaebabe moya namicha pana itorobabe. Pentacaponaewi patsipaebare, pomonaе pana cuainta, b<sub>u</sub> jame barapomonaе pia coutha pana nepu sotababe, jei Pablo.

<sup>38</sup> Baxua policiamonaе bayatha jume yopita pomonaetha pomonaе jiwi peyabara paebiwi xua penatsicuentsiwa xua abe peexanaexae. Barapomonaе bichocono junuwa poxonaе jume tane xua Pablo ir<sub>u</sub> Silas apara romanomonaepinbe. <sup>39</sup> Barapomonaе ponar<sub>u</sub>capa jiwi pecubi botha, Pablo, ir<sub>u</sub> Silas siwa poinchibe peauraxae xua bayatha Pablo, ir<sub>u</sub> Silas cuaintatsibe. Barapomonaе Pablo ir<sub>u</sub> Silas tsipaebatsibe, jeichichibe: “Maisa paauran tsipei abe paca exanatsibe. Moya paponarebe. Jopa po tomarathe paecaeindebe. Jopa pana neyopichinde”, jei. <sup>40</sup> Poxonaе Pablo ir<sub>u</sub> Silas jiwi pecubi bo wenaetabiyabe, Lidia pia bo tatsi be-iyabe. Siwa ponabe pomonaе pejume cowantsiwxae Jesús. Barapomonaetha baponbe j<sub>unt</sub><sub>u</sub> coyene tsacababe xua xanepanaya pejinompaewa tsane. Bapoxonaе bara wewarapiyabe.

## 17

*Meje yabara poxonaе Tesalónica tomarapiwi namtsebiya anaepanaeya wawai xua Pablo, ir<sub>u</sub> Silas pecasebixaetsibe*

<sup>1</sup> Pablo ir<sub>u</sub> Silas Anfípolis tomara iyabe. Apolonia tomara iyabeno. Barapoxonaе Tesalónica tomaratha patopabe po tomara ichaxota judiomonaе pia penacaetutsi bo tatsi uncua. <sup>2</sup> Pablo pia cui xeina xua judiomonaе pia penacaetutsi bontha tatsi pateiba. Daxota baxota eca acoibi po semanabe. Matautano daxita pentaquei seicae maticabintha barapo judiomonaе pia penacaetutsi botha Pablo ir<sub>u</sub> Silas cuidubabe. <sup>3</sup> Pocotsiwa Nacom Pejume Diwesi paeba, baxua Pablo tsipaeba po coyene xua pinae pon Mesías bewa bexubinchi ichamonaе, xuano xua pinae bapoxonaе equeicha as<sub>u</sub> tsane. Pablo jeye barapomonaetha:

—Pon xua Jesús xuaunxuae yabara paca muxu tsipaebatsi, bapon apara bara Mesías, jei Pablo.

<sup>4</sup> Ichamonaе, judiomonaе jume cowanta. Barapomonaе Pablo, ir<sub>u</sub> Silas caemonaе naexanatsibe. Barichi pin bicheiton griegomonaе jume cowantar<sub>u</sub>, pomonaе Nacom w<sub>u</sub>nae jaintatsi. Barapomonaе jume cowanta Jesús. Irar<sub>u</sub> ainya yabuxi bicheiton jume cowanta Jesús powaxi bar<sub>u</sub> cui itura jineibatsi xua jiwi bar<sub>u</sub> cui itura jineiba. <sup>5</sup> Ichitha icha judiomonaе pomonaе jopa pejume cowantsiwi, baxua yabara uwa. Daxota barapomonaе pebiwi bar<sub>u</sub> nacaetuba po pebiwi peaj<sub>unt</sub><sub>u</sub>coyenyapubewi xua po pebiwi saya pejinompaewi namtontha. Daxita barapomonaе namtsebiya wawai tomaratha. Jasón



pia botha tatsi anaepanaya jojoniya xua Pablo iru Silas pejeichinexatsibe xua pewaetabinexatsibe xuano xua pecaenaetsinexatsibe jiwitha. <sup>6</sup> Ichitha baxota Pablo iru Silas jopa taebichibe. Daxota catsaya waetabatsi Jasón, iru ichamonae pomonae pejume cowantsiwixae Jesús. Pablo iru Silas waetabatsibe. Daxita barapomonae pentacaponae jiwitha becayiyatsi. Daxita barapomonae yabara wawaichiya jeichibe:

—¡Barapo pebinbe daxita nacuantha abe paeba ducuaenaebiyabe yawa waxainya becuí joparenabe! <sup>7</sup> Jasón barapomonae matenta weiweinaya waba pia botha. Jasón pia botha maitecabe. Daxita Pablobaru jopa exanaeyo po peitorobi coyenewan xua pon romanomonae itorobiya pia pepa peewatsinchi itoroba. Matautano barapomonae paeba xua pinae ichun popona pon jiwí itorobiya pia pepa peewatsinchi, bapon pinae Jesús, xua jopa yabara cananta xeinaetsi pon romanomonae itorobiya pia pepa peewatsinchi, jei barapomonae xua namtsebiya wawai.

<sup>8</sup> Poxonae baxua jume tane, pentacaponae iru pomonae xua baxota umena, daxita barapomonae anaepanaeya namtsebiya wawai. <sup>9</sup> Barapo pentacaponae wecobe nota paratixi xua Jasón iru pomonae pejume cowantsiwi wecobe notatsi. Barapo pentacaponae namchi xua pinae equeicha caewa catsinchi Jasón barapo paratixi poxonae Pablobaru tomara weya ponaena. Bapoxonae pentacaponae Pablo baru pu sorobabatsi pewarapaenexa tsane tomara weya.

*Meje yabara poxonae Pablo iru Silas Berea tomaratha poponabe*

<sup>10</sup> Barapo merawitha pomonae iru pejume cowantsiwixae Jesús, barapomonae Pablo, iru Silas itorobatsibe xua nainya pewarapaenexabe Berea tomara beya. Poxonae barapo tomaratha patopiyabe judiomonae pia penacaetutsi botha tatsi jonyabe. <sup>11</sup> Judiomonae, pomonae Berea tomarapiwi, barapomonae pejuntu coyene xanepanaewi icha be jopa Tesalónica tomaratha ichiyo. Jame barapo Berea tomarapiwi bara xanepanaya jume tane Jesús pejume diwesi. Daxita matakabi barapomonae Nacom Pejume Diwesitha yorobeiba pia yaputaetsi barapo diwesi, po diwesi xua Pablo iru Silas paebabe icha metha baraxua bara xainyeibe. <sup>12</sup> Daxota pinmonae jume cowanta Jesús. Judiomonae jume cowanta Jesús. Iru griegomonae jume cowantano, yabaxi, iru pebiwi. Powaxi jume cowanta Jesús, barapowaxitha jiwí baru cui itura jineiba. <sup>13</sup> Judiomonae, Tesalónica tomaramonae, jume tane xua Pablo cuiduba Nacom Pejume Diwesi Berea tomaratha. Daxota bapomonae Berea tomara be-iyiya. Baxotiya barapomonae namtsebiya wawai xua Pablo iru Silas pecasebixaetsibe. <sup>14</sup> Ichitha pomonae pejume cowantsiwixae Jesús, Pablo itorobatsi xua nainya peponaenexa imoxoyo mar mene beya poxonae cataunxuae Silas iru Timoteo ecabe Berea tomaratha. <sup>15</sup> Pomonae Pablo cueyabatsi barapomonae Pablo punaxubathopatsi Atenas tomaratha. Barapomonae equeicha caibe nawibiya Berea tomara beya. Barapomonae Silas iru Timoteo tsipaebatsibe xua Pablo najume caruta xua bepa pinae Silas iru Timoteo nainya patopaenabe Atenas tomaratha.

*Meje yabara poxonae Pablo Atenas tomaratha popona*

<sup>16</sup> Pablo ewata, Silas iru Timoteo ewatatsibe Atenas tomaratha. Barapoxonae barapo tomaratha Pablo tane xua barapomonae ainya ibo nacomun xeina. Daxota bichocono yabara najuntu coyene exaba.

<sup>17</sup> Daxota Pablo tsipaeba Nacom Pejume Diwesi judiomonaetha judiomonae pia penacaetutsi botha tatsi. Matautano baxotano tsipaeba pomonae bequein jopa judiomonae naexanaeyo, barapomonae Nacom wɨnae jaintatsi. Barichi daxita mataba pomonae Pablo caxibeiba pomonae nacaetuteiba tomara pin panatha barapomonaethano Pablo cuidubeiba Nacom Pejume Diwesi. <sup>18</sup> Barichi griegomonae ichichipa xua pejume taewa pocotsiwa Pablo paeba. Ichamonae griegomonae itapeta jume cowanta pocotsiwa epicureomonae cuiduba. Iɾa ichamonae griegomonae itapeta jume cowanta pocotsiwa estoicomonae cuiduba. Barapomonaebe Pablo tsipaeba. Bapoxonae ichamonae Pablo yabara jeichichi, jeye:

—¿Eta xua bapon naca barai tsipae, pon xua jopa juniya cueicueijeit saibiyo? jei.

Ichamonae jeye:

—Mexeya maisa bapon cueicueijeit pia nacomɨn nexa, jei.

Barapomonae baraxua paeba, tsipei Pablo Jesús pia pexeinya jume diwesi paeba ducuaanaebiya, matautano poxoru paeba xua Jesús equeicha pinae asɨ. <sup>19</sup> Nexata ichamonae Pablo teicatsi pecaponaenexatsi atororotha ichaxota ba pentacaponae nacaetuteiba, poxonae ichauxi muxu peexaneibi. Barapo pentacaponae matabaɨxɨyo pewɨn Areópago, Pablo yainyabatsi, jeichichi:

—Pana netsipaebare bepaya yaputaen po diwesi xua cuidubiya paeba ducuaanaebiyame. <sup>20</sup> Xuaunxuae pana tsipaebame, barapo diwesi jopa payaputaenyo bayatha. Pata bequein yabara yaputaetsi xua po diwesi baxua yabara caunuta, jei barapomonae.

<sup>21</sup> Atenas tomaramonae iɾa pomonae penanapaincha jinompaewi xua icha nacua werena peponae, pomonae anoxuae jinompa xote, daxita barapomonae ɨ saya pepaebeibi. Yawa saya ɨ cou paebeiba poxonae pena jume jume taiba, saya baxua paebeiba.

<sup>22</sup> Nexata Pablo Areópago wɨn matabaɨxɨyo peitabaratha tatsi asiya uncuataba. Pablo namchi, jeye:

“Paxam Atenas tomaramonae pam. Bara paca cui yaputainchi xua painya nacomɨn wɨnae pajaintame. <sup>23</sup> Poxonae ponan ichaxota painya nacomɨn wɨnae pajaintathopeibame tan ainya ibo nacom matabon. Matautano tan baxota, ichaxota nacom wɨnae pajaintame, xua cou ichaxota pocotsiwatha xua be pexaethopaewa xua ichaxota duwei patautathopame baxua cou panta tinadutame. Baxua panamchim couje: ‘Barapo nacom xua pon jiwi jopa yaputaeyo’, pajam. Xuaunxuae cou asiya pawɨn dutame pon, bapon, apara pepa Nacom. Xuaunxuae po diwesi yabara paca tsipaebatsi, barapon pejume diwesi apara.

<sup>24</sup> “Barapon pon pepa Nacom, daxita barapo ira exana. Daxita carepaya jɾpaya exana. Barapon pon pia coya peewatsin barapo susato nacuano, yawa barapo itabocono. Po bon patiacabeibame Nacom xua po botha jiwi wɨnae pejaintithopeibinexa Nacom, apara ba Nacom jopa poponaeyo barapocotsi botha. <sup>25</sup> Xua pocotsiwan jiwi taexana Nacom nexa, baraxua Nacom jopa nantawenoneibiyo. Barapo Nacom saya pia coutha daxita nacata exana. Peayapusɨwano, naca cata. Daxita barapo petusato tutu joiho naca cata. Baxuan daxita amanaya saya nacata exana. Daxita ichauxino muxuna exanano.

<sup>26</sup> “Copiya meisa bapon Nacom compa exana pebin, bara caein. Barapo cae janatha daxita yanacua exana jiwi. Daxita wūnae tsiwanaeya yaputaneno poxonae naexanaena daxita jiwi. Matautano yaputane xua eta po weiyobetha jinompaena. Matautano yaputane xua pia irantha bexa naexanumenaponaena. <sup>27</sup> Icha pebin cuita cananta xeinaetsipa Nacom, bara Nacom cana exanaetsipa xua bapon bara Nacom pejume cowantsiwa tsainchi. Nacom jopa taju ecaeyo ichitha bara waxantha imoxoyo popona. <sup>28</sup> Nacom pepoponaexae daxota asu jinompatsi. Nacom naca exana, daxota beta nacuiyenabatsi, yawa daxota wacobexitha u waexanae. Ichaunxuae ichin xua paca tsipaebatsi barichi painyamonae baxua paeba pomonae diwesi petinaewi poxonae jei, ‘Nacom apara pia jiwichi waxainchi’, jei. <sup>29</sup> Waxainchi Nacom pia jiwichixaetsi, daxota jopa bewa nanta xeinaetsi xua Nacom po Nacom pepa Nacom, apara jupa po nacomun jiwi exana pecobetha. Barapo nacomun po nacomun xua jiwi cana exana xua oro nainton yawa xua plata nainton yawa xua ibowan, saya jiwi pia coyene cuirutha nanta xeina xua peexanaewa barapo nacomun. <sup>30</sup> Matha copiya bayatha Nacom saya beitatemaya tane jiwi abe pia peexanaewan tatsi, tsipei barapomonae jopa yabara yaputaeyo pocotsiwa Nacom ichichipa. Ichitha matapainya anoxuae daxita jiwi Nacom cui itoroba xua petsita xeinaenexatsi icha juntu coyene, xua jopa equeicha peexanaenexa abe peexanae coyene. Saya u penanta xeinaenexa tsane pocotsiwa Nacom ichichipa. <sup>31</sup> Nacom matabi wun duta xua po mataqueitha tsane Jesús caetucaetutetsina daxita jiwi pia peitabaratha. Barapo matabitha tsane Jesús xaniwaicha yabara paebina daxita jiwi xua penatsicuentiwa xua abe peexanaexae. Pomonae xua abe exana itawetsinchi, pomonae xua wūnae exana jopa itawetsi tsainchi. Nacom itapeta, xua Jesús tsiitapetatsi barapo penacuichiwa tsipei Jesús saya xaniwaicha pepaebin. Poxonae Nacom Jesús asu exanatsi petupaewitha, bapon naca tsita itapeinya xeina xua apara Jesús tsiitapetatsi barapo penacuichiwa”, jei Pablo.

<sup>32</sup> Poxonae barapomonae Pablo jume tainchi po coyene xua equeicha petupaewi pinae asu tsaibi tsane, ichamonae Pablo jume cui caponatsi nawita. Ichamonae namchi, jeye:

—Bexa paca jume taeinchi equeicha xuaunxuae paebame, jeichichi Pablo.

<sup>33</sup> Nexata Pablo cuenta ponataba barapomonae. <sup>34</sup> Ichitha ichamonae Pablo puna poinchi yawa bapomonae Jesús jume cowantatsi. Ichun barapomonae jiwana pewun Dionisio. Bapon Dionisio Areópago wun matabuxayo jiwana pin. Petsiriwa powa iru napona powa iru pejume cowantsixae Jesús, bapowa pewun Dámaris. Ichamonae iru napona pomonae iru Jesús pejume cowantsiwichi.

## 18

### *Meje yabara poxonae Pablo Corinto tomaratha popona*

<sup>1</sup> Pirapae equeicha Pablo Atenas tomara wewarapiya. Corinto tomara bewarapiya. <sup>2</sup> Baraxota Pablo caxina judiomonaepin, pon pewun Aquila. Bapon Ponto nacuapin. Piowa tatsi pewun Priscila. Piseuribe mexuaetha Italia nacua wewaraparenabe, tsipei pon romanomonae itorobiya pia pepa peewatsinchi pon pewun Claudio, bapon judiomonae daxita itorobatsi xua pewarapaewa tsane barapo Roma tomara weya.

Daxota Corinto tomaratha patopabe. Pablo siwa pona, Aquila petsiriwano siwa poinchibe. <sup>3</sup> Pablo naeca Aquila pia botha tsipei bapon pia penacuichiwiyo iru xeina icha Aquila piawabe ichi. Pia penacuichiwiyo xeina xua chivo boco bouton exana. Aquila piowabe nacuitabe, iru Pablo piawa nacuita. <sup>4</sup> Daxita matacabi, po matacabintha pentaquei seicae matacabintha Pablo poneiba judiomonaе pia penacaetutsi botha tatsi. Baxota Pablo jume daunweya cueicueijeі pomonaetha pepa judiomonaetha iru pomonaetha jopa judiomonaе naexanaeyo. Pablo cueicueijeі barapomonaetha tsipei ichichipa xua barapomonaе Jesús jume cowantsiwa tsainchi.

<sup>5</sup> Poxonaе Silas iru Timoteo Macedonia nacua wepatoparenabe, barapoxonaе daxita matacabintha Pablo cuidubeiba judiomonaetha. Pablo paeba xua pinae pon Jesús jeichichi xua apara pinae bapon apara bara Mesías, pon xua pinae barapomonaе pewnae ewatsixae. <sup>6</sup> Barapomonaе tamropata pitaba xua Pablo abe yabara paebatsi yawa tsuru jume baru paebatsi. Nexata Pablo pepatomeicha nama paparuwa nunutaba. Baxua exana poxoru barapomonaе anthaetabiya jume tane. Pablo barai barapomonaе, jeye:

—Bara apara painya coutha icha pana natsicuentame xua daxota poxonaе paweraweracaename. Jopa tacouthinyo xua jopa paxeinaem tsane peajuntacuiyapusuwa, tsipei bayatha yabara paca tsipaebatsi barapo peajumeyapusu diwesi. Tha anoxuae Nacom Pejume Diwesi caponaetsi pomonaetha pomonaе jopa judiomonaе naexanaeyo, jei Pablo.

<sup>7</sup> Barapoxonaе Pablo judiomonaе pia penacaetutsi bo tatsi wewarapiya. Pablo pona Justo pia bo beya tatsi. Bapon Justo, icha wan xeina, Ticio baraichi. Bapon wnae pejainteibin Nacom. Bapon yabo uncua ichaxota imoxoyo judiomonaе pia penacaetutsi bo tatsi pewa werena. <sup>8</sup> Iru Crispo, pon judiomonaе pia penacaetutsi bo peyapucauncuaein, bapon piamonaе matabuxnyo baru jume cowanta Jesús pon jiwі Pecanamataxeinaein. Barichi pinmonaе pomonaе Corinto tomaratha jinompa poxonaе jume tane Nacom Pejume Diwesi, bapomonaе iru jume cowanta Jesús. Pomonaе pejume cowantsiwi barapomonaе daxita bautisabatsi. <sup>9</sup> Barapoxonaе Pablo merawi camaituncua Nacom pon Pecanamataxeinaein jiwі. Pablo baraichichi, jeye: “Jopa junuwinde. Nacom Pejume Diwesi paeba ducuaaebiyama. Jinxoba moyam. <sup>10</sup> Tsipei apara, xan cabaru popoinchi, daxota ichamonaе jopa itacupaetsi xua abe necaexanaewa. Barapo tomarathe tamonaе, pinmonaе apara inta jinompa”, jei Jesús. <sup>11</sup> Pablo baxota popona dieciocho po xometiyobe Corinto tomaratha. Baxota Pablo cuiduba ducuaaebiya Nacom Pejume Diwesi.

<sup>12</sup> Iru pebin popona pon pewan Galión. Bapon Galión Acaya nacuariwi pia peyanacua ewatsinchi exanatsi. Barapoxonaе judiomonaе pomonaе Acaya tomarapiwi nacaetuta Pablo yabara nacaetutatsi pecasebixaetsi xua pecaponaenexatsi Galión peitabaratha tatsi. <sup>13</sup> Judiomonaе namchi, Galión baraichi, jeye:

—Poxonaе bapon Pablo paeba ducuaaebeiba pinmonaе baraxua jume jejei tsaibi. Pablo cuidubeiba jiwі, xua pinae jame bewa jiwі wnae jainteibi Nacom po coyene jopa jupaeyo Moisés pia peitorobi coyenewa tatsi, jei barapomonaе.

<sup>14</sup> Pablo bara muxu pepaebi, iru Galión paebaxoyaru. Nexata barapon namchi judiomonae baraichi, jeye:

—U judiomonae pam. Painya xoba pana tsipaebame. Jame icha bapon caiba, icha jiton bexotsi, icha ichawiyo exana xua abe, metha jame bapoxonae paca jume jejei tsipaetsi. Ichitha bapon jopa abe exanaeyo. <sup>15</sup> Saya u payabara cueicueijam tsaibi barompaya painya cui xua painya amo jiwi pia cui coyeneya tatsi. Moya baxua paxam paexande pocotsiwa Pablo payabara paebame. Tsipei jopa bepacata naexanaetsi be pon jiwi peyabara paebin xua penatsicuentsiwa xua abe peexanaexae. Moya painya coutha pacui itawere, jei Galión.

<sup>16</sup> Bapoxonae Galión pesato benapuna torobabiya barapo judiomonae. <sup>17</sup> Bara nexata daxita judiomonae Sóstenes waetabatsi pon judiomonae pia penacaetutsi bo tatsi peewatsin. Barapomonae Sóstenes butsi Galión peitabaratha tatsi. Daichitha baxua Galión saya cui tane, jopa tsita ainya cuichi.

*Meje yabara poxonae Pablo equeicha Antioquia tomara beya caibeya warapa. Baxotiya tamropata pitaba xua warapa acoibi po cuiyobetha xua pecueicueijeinexa Jesús pia pexeinya jume diwesi tatsi*

<sup>18</sup> Pablo awiya came baxota popona ainya matacabin Corinto tomaratha. Bapoxonae nama copiya napeyaba pomonae pejume cowantsiwixae Jesús. Siria nacua bewarapiya weratha, po naetha po nae pin nae. Aquilano piowabe naponabe. Barapoxonae juntucuru bara ponatabichiba copiya matha nanta catepateya sibaxuba Cencrea tomaratha xua penayabara tsita itapeinya xeinaenexa xua nayabara jume cui wetsina xua exanaena xua bayatha Nacomtha nayabara tsiwunae muxu duta. <sup>19</sup> Bara Efeso tomaratha patarucupa. Baxota Pablo Aquila piseuribe xubetatsibe pia ponaetsi ichaxota judiomonae nacaetuta barompaya pia penacaetutsi botha. Baraxota Pablo baru cueicueijejei barapo judiomonae. <sup>20</sup> Efeso tomarapiwi bequein Pablo apusiwatsi xua abu peecaewa tsane. Ichitha Pablo juntucuru jopa beecaeyo baxota ainya matacabin. <sup>21</sup> Nexata Pablo napeyaba barapomonae. Pablo namchi, jeye: “Tha nama Jerusalén tomara beequiyaetsi. Tha naewatequiyaetsi xua jiwi petsinacaetutsinexa pexaewa xua penabanaewa. Metha equeicha paca taeyoparenaeinchi icha Nacom metha newunae ichipaena”, jei Pablo.

—Bara warapataba Pablo. Efeso tomara wewarapiya jeratha po naetha po nae pin nae. <sup>22</sup> Poxonae Cesarea tomaratha patopa Jerusalén tomara be-iyá, pia jacobichi pomonae Jesús pejume cowantsiwichi. Bapoxonae equeicha Antioquia tomara bewarapiya. <sup>23</sup> Poxonae bara juntucuru yaainya merawin jopa baxotiya equeicha icha nacuabe bewarapiya. Galacia nacua bewarapiyano. Frigia nacua bewarapiyano. Baxota Jesús pejume diwesi cuiduba Pablo pomonaetha pomonae Jesús pejume cowantsiwi. Pablo juntu coyene tsacaba xua barapomonae ajuntuayapusaeya pejume cowantaponaewa tsane Jesús.

*Meje yabara poxonae Apolos Nacom Pejume Diwesi cueicueijejei Efeso tomaratha*

<sup>24</sup> Caein judiomonae jiwana pin Efeso tomaratha patopa. Bapon pewun Apolos. Bapon seicaya iru Alejandria tomarapin. Bapon Nacom Pejume Diwesi peyaputaein yawa beta cacueicueijejei barapo diwesi. <sup>25</sup> Apolos beta yabara cuidubatsi ichamonae xua Jesús, pon

Pecanamataxeinaein jiwi, pia cui. Juntũ coyene weiweinaya paeba. Xaniwaicha piamonae cuiduba Jesús yabara bequein saya yaputane xua po coyene pinae Juan pebautisabiwa jiwi xua icha juntũ coyene pexeinaenexa Nacomtha. <sup>26</sup> Apolos judiomonae pia penacaetutsi botha tatsi bichocono juntũ coyene wũnaeya cueicueije Nacom Pejume Diwesi. Priscila, Aquila piowabe jume tanebe bapon. Wababe bapon, pia bo be-cayabe. Aquila, Priscila pia pebinbe yabara muxu tsidutabe icha diwesi xua Nacom pia pepa diwesi po diwesi xua jopa yaputaeyo. <sup>27</sup> Apolos ichichipa xua peponaewa Acaya nacua beya. Bapoxonae pomonae pejume cowantsiwixae Jesús, Apolos canatsiwana tinaxotsi carta xua tatinatsi pomonae pejume cowantsiwixae Jesús. Daxota barapomonae tatina xua Apolos pententa weiweinaya wabinexatsi. Poxonae Apolos patopa Acaya nacuatha, bapon yawena pomonaetha pomonae bayatha Nacom jume cowantatsi pomonae Nacom peantobexae. <sup>28</sup> Apolos daxita jiwi peitabaratha jume amanayaba poxonae Jesús beta yabara paebatsi. Daxota barapomonae judiomonae jopa itacũpaetsi xua pejume notsi-watsi bapon po coyene xua poxonae bapon abe pepaebiwa. Poxonae Apolos yoroba Nacom Pejume Diwesi bapon tsita itapeinya xeina xua Jesús apara Mesías pon Nacom itorobica.

## 19

### *Meje yabara poxonae Pablo Efeso tomaratha popona*

<sup>1</sup> Poxonae Apolos Corinto tomaratha eca, bapoxonae irũ Pablo seicaya ducunaebiya daxita tomaran jũpaya, po tomarantha ichaxota atoron. Efeso tomaratha patopa, baxota Pablo caxina ichamonae pomonae Cristo pejume cowantsiwichi. <sup>2</sup> Pablo yainyaba barapomonae, jeye:

—¿Bayatha Nacom pia Pejumope tũnaxũ tatsi painya juntũ coyenetha pacata pata poxonae pajume cowantame Jesús? jei.

Barapomonae Pablo jume notatsi, jeye:

—Jume, jopa payaputaeyo. ¿Eta pocotsiwara xua Nacom pia Pejumope tũnaxũ tatsi? Bayatha jopa payabara jume taeinyo baxua, jei.

<sup>3</sup> Pablo yainyaba, jeye:

—¿Eta pabichim poxonae pajume cowantame poxonae paca bautisaba? jei.

Pablo jume notatsi, jeye:

—Apara saya payabara jume cowantan xua Juan cuiduba, po coyene xua Juan itorobatsi xua jiwi pebautisabiwatsi, jei.

<sup>4</sup> Pablo jume nota, jeye:

—Aja, Juan bautisaba pomonaetha pomonae abe pia peexanae cuiru coyenein nacui barapenta xua pomonae pejume cowantsiwichi Nacom. Daxota metha Juan piamonaetha barai: ‘Pajume cowande pon xua tsiwana patopan’, jei Juan piamonaetha. Xua Juan namchi: ‘Pon xua tsiwana patopan’, jei, bapon apara Jesús, pon ‘Mesías’ baraichi, jei Pablo.

<sup>5</sup> Poxonae baraxua Pablo jume taerũcũpatsi, caena barapomonae bautisabatsi Jesús pia pewantha tatsi pon Pecanamataxeinaein jiwi.

<sup>6</sup> Poxonae Pablo barapomonae pecobetha mata jayaba, barapoxonae barapon Nacom pia Pejumope tũnaxũ tatsi barapomonae tapatatsi pejuntũ coyeneintha, yawa cueicueije exanebatsi icha jumeintha xua ichamonae pia jume tatsi. Matautano barapoxonae barapomonae cueicueije Nacom Pejume Diwesi pocotsiwa Nacom yaputane exana.

<sup>7</sup> Daxita bapomonaе pomonaе baxota ena doce pomonaе matabuꝯꝯꝯyobe pomonaе xua Jesús pejume cowantsixaetsi.

<sup>8</sup> Baxota Efeso tomaratha, Pablo judiomonaе pia penacaetutsi botha tatsi poneiba acobi po xometiyobetha Nacom Pejume Diwesi pecueicueijeiwana. Bapon jopa junuwiyo poxonaе cueicueije. Matautano yabara tsipaeba po coyene Nacom waba jiwi petanaexanaenexatsi pi- amonaе tatsi pomonaе itorobiya peewatsixae. <sup>9</sup> Ichitha ichamonaе aichaxaibi jume tane. Jopa juntucuru bejume cowantsiyo. Saya barapomonaе jiwi peitatha tatsi abe yabara paeba Jesús pia pena pecuidubiwa tatsi. Nexata barapomonaе pia xainya weya tatsi Pablo napitaba. Saya meisa baru pona pomonaе Jesús pejume cowantsiwichi po bo penacuidubi bo beya. Pebin pon pewun Tirano barapo bo, bapon pia bo tatsi. Barapo botha Pablo daxita matabi Nacom Pejume Diwesi cuidubeiba. <sup>10</sup> Baraxota Pablo ainya weibe paeba ducuaaеbiya Nacom Pejume Diwesi. Daxita pomonaе Asia nacuaпиwi judiomonaе iru pomonaе jopa judiomonaе naexanaeyo barapomonaе jume cowanta Jesús pia pexeinya jume diwesi tatsi, pon Pecanamataxeinaein jiwi. <sup>11</sup> Nacom Pablo yawenatsi xua pexeinya petsita itatsi coyenewan exana Nacom pia peayapuswatha tatsi. <sup>12</sup> Ichamonaе paparuwan yawa painyaweran capona Pablo beya xua barapo paparuwantha Pablo peperu jayababinexatsi. Barapo paparuwan nata capona peatene jiwitha. Bapoxonaе barapo paparuwantha nainya axaibi tsouneibi. Iru pomonaе cauri xeina barapo paparuwantha nacapanenebiya tsaibi. Barapomonaе cauri wepu poneibatsi.

<sup>13</sup> Ichamonaе judiomonaе, pomonaе saya pejinompaewi, barapomonaе pia cui xeina xua jiwi taitaweteibatsi cauri. Barapomonaе ichichipa Jesús wun wun taibatsi poxonaе itaweta cauri. Barapomonaе caurimonaе baraichi, jeye: “iBara Jesús pewantha paca itawetatsi, pon Pecanamataxeinaein jiwi, xua pon Pablo wun yopita ducuaaеbiya!” jei barapomonaе.

<sup>14</sup> Iru barapoxonaeru judiomonaepin pon pewun Esceva, xeina siete poyobe tatsi pebiwi. Barichi barapo siete poyobe wun wun taibatsi Jesús, poxonaе itaweta cauri. Esceva sacerdotemonaе pia pentacaponae wi jiwana tatsi. <sup>15</sup> Poxonaе barapomonaе paeba barapo wantha, Jesús pewantha tatsi, barapomonaе jume notatsi cauri, jeye: “Bara tayaputaein Jesús, Pablono bara yaputanno. ¿Incane paxamda? ¿Jintam pamda?” jei bapon cauri.

<sup>16</sup> Bapoxonaе barapo siete poyobe pexainya betanaxorenatsi pon cauri xeina. Barapomonaе butsi. Matautano barapomonaе jopa nacuiyenabiyo. Barapo siete poyobe daxita tamasa jebompatsi yawa wan dubatsi. Bo bejumasa ducupa. <sup>17</sup> Pomonaе Efeso tomaratha peenaewi, judiomonaе, iru pomonaе jopa judiomonaе naexanaeyo, daxita bapomonaе jume tane xua siete poyobe jumasa ducupa. Barapomonaе junuwa bichocono. Daxota barapomonaе Jesús pon Pecanamataxeinaein jiwi wunaе jaintatsi.

<sup>18</sup> Pomonaе Jesús jume cowantatsi pinmonaе barapomonaе jiwana baxota pata. Barapomonaе jiwi peitatha tatsi paeba xua bepa pinae bayatha abe exana poxonaе mara coyeneya exana nawita. <sup>19</sup> Pomonaе Jesús pejume diwesi coyene nacuiduba, barapomonaе carendena diboron po diboron xua mara yabara penacuidubiwan. Barapo diboron tauteba.

Poxonae barapo diboron tauteba daxita nataeumena. Barapomonae yabara matoma ununa xua pinae barapo diboron matoma nawita, cincuenta mil po paratiximonaebe pinae nantomata. <sup>20</sup> Barapoxonae pin bicheito jume cowanta Jesús, pon Pecanamataxeinaein jiwi. Yawa barapomonae tsita itapeinya xeina dubenanaebiya xua bara Nacom apara xeina peayapusa itorobi coyenewa.

<sup>21</sup> Poxonae baxua weta Pablo najantu coyene weta xua pesiwa ponaewa tsane tomaran xua Macedonia nacuatha, yawa xua Acaya nacuathano xua bapoxonae Jerusalén tomara bepewarapiyaenexa. Nanta xeinano xua peponaewa tsane Roma tomara beya. <sup>22</sup> Ponbe Pablo yawenatsi, Timoteono Erastono, baponbe Pablo Macedonia nacua beitorobiyabe. Cataunxuae abũ bapon Pablo Asia nacuatha eca.

*Meje yabara poxonae jiwi namtsebiya wawai Efeso tomaratha Pablo pecasebixaetsi*

<sup>23</sup> Barapoxonae Efeso tomarapiwi anaya anaepanaeya najume cayay-ataxuba poxoru aichaxaibi xua pejume taewa xua Pablo yabara cueicueije Jesús pia pena pecuidubiwa tatsi. <sup>24</sup> Pon xua abe penajume cayayataxubin xua poxonae namtsebiya wawai bapon pewan Demetrio. Bapon pinmonae xeina pomonae petanacuichiwichi xua petaxanaewichi penainwixi. Barapomonae Demetrio taexanatsi tsiqui penain boxi xua Artemisa pia bo canaxobeba. Artemisa Efeso tomarapiwi pia nacomwa tatsi. Barapowa jopa be pepa nacomiyo. <sup>25</sup> Bapon Demetrio pia petanacuichiwichi waba. Pomonae irũ Artemisa pia penain boxi peexanaewi wabatsino. Demetrio namchi daxita barapomonaetha, jeye: “Bara metha payaputaneme xua paratixi xeinatsi poxoru Artemisa pia penain boxi exanatsi wacaenaetsinexatsi, daxota xeinatsi paratixi. <sup>26</sup> Pon pataneme yawa pajume tanemeno, barapon Pablo. Bapon paeba ducuaebiya xua pinae pomonae icha nacom canautsiya exana apara pinae xapain jopa daxua pepa nacomiyo. Pomonae Pablo cuidubeiba jume jejei tsaibichi ayei jiwi Efeso tomarathano, Asia nacuathanorũ jume jejei pinmonae. <sup>27</sup> Baxua bichocono nacata abe, tsipei icha jiwi jopa comocaetsipae barapo penain boxi xua waxainchi exaneibatsi bapoxonae jopa xeinaetsipaetsi paratixi. Jiwi namchi tsane: ‘Artemisa pia pin bo tatsi abe. Xapain jopa pepa Nacom pin pia boyo’, jei tsane. Cataunxuae anoxuae barapo jiwi Asia nacuapiwi irũ daxita nacuanpiwi Artemisa wũnae jainteibatsi. Ichitha icha jume cowantsinchi Pablo, metha equeicha jopa bewũnae jainteibichipaetsi Artemisa”, jei Demetrio.

<sup>28</sup> Poxonae baxua Demetrio jume taerũcupatsi, anaepanarũcupa barapomonae. Yawa barapomonae namtsebiya wawai, jeye: “¡Maisa Artemisa powa pata tanecanamataxeinaewa, barapowa bichocono pejũntũ coyene xanepanaewa! ¡Maisa Efesimonaen pan Artemisa wũnae pajaintan!” jei barapomonae.

<sup>29</sup> Barapoxonae daxita tomarapiwi jũpaya anaepana. Gayo irũ Aristarco, ponbe Macedonia nacuapinbe, ponbe Pablo pepuna ponaexaetsibe, baraponbe waetabatsibe. Po botha ichaxota jiwi nacaetuteiba pecueicueijeinexa tsaibi tsane bara bemaxũ cayatsibe. <sup>30</sup> Bepa bequein Pablo najoniyaei barapo botha, petsipaebinexa tsane barapomonae, ichitha Jesús pejume cowantsiwichi Pablo jopa pu copatichi. <sup>31</sup> Barichi pomonae pentacaponaewi jiwana Asia nacuatha, barapomonae Pablo



pia jiwi tatsi cou tana cajume caitorobatsi xua bepa pinae Pablo jopa naroniyae tsane baxota. <sup>32</sup> Barapoxonae barapo penacaetutswatha, ichamonae icha caununaya wawai iru ichamonae icha caununaya wawai. Daxita barapomonae najume cayayataxubiya wawai. Ichamonae jopa yaputaeyo po coyene xua barapomonae yabara nacaetuta. <sup>33</sup> Barapo penacaetutswimonae anaepana. Pablo yabara anaepanatsi iru pjiimonae tatsi tayabara anaepanatsi. Daxota judiomonae caemonae najiwana napuna totabiya pebin xua bapon peitabaratha peuncuaenexa barapo penacaetutswatha. Bapon pewun Alejandro. Bapon pecobetha jume matawenta tsipei ichichipa bequein yabara jume yawena judiomonae barompaya piamonae. <sup>34</sup> Poxonae barapomonae Alejandro yaitaerucupatsi xua Alejandro judiomonaepin, barapoxonae equeicha daxita namtsebiya wawai tsompae ainya horabe. Barapomonae namchi, jeye: “¡Maisa pata tanecanamataxeinaewa Artemisa! ¡Maisa barapowa pejuntũ coyene xanepanaewa! ¡Maisa efesiomonae pan Artemisa wũnae pajaintan!” jei barapomonae.

<sup>35</sup> Nexata, pon xua tomara peewatsin, bapon uncua barapo penacaetutsi itabaratha. Bapon jume matawenta xua equeicha jopa penamtsebiya wawainexa tsane barapomonae. Bapoxonae bapon namchi, jeye: “Pomonae Efeso tomaramonae pam. Bara daxita nacuamonae piwi naca yaputane xua waxainchi notatsi Artemisa pin pia bo tatsi. Matautano yaputane xua waxainchi botatsi po iboto xua athawe jopeica. Barapo iboto apara bara Artemisa tsipei be Artemisa pia paw. <sup>36</sup> Jiton dapocotsin aibi pon xua nejume barai xua naeraban, daxota saya iru moya pande. Painya xoba ichawa pananta xeiname poxonae jopa beta pananta xeinaem. <sup>37</sup> Ponbe, Gayo iru Aristarco, ponbe pacarendename, baponbe jopa abe paebiyobe. Baponbe jopa caibiyobe xua xoyo boca Artemisa pin pia botha tatsi. Matautano Artemisa nacomwa jopa cui aebiyobe. <sup>38</sup> Icha Demetrio iru petanacuichiwichi nanta xeina xua ichamonae Demetriobarũ abe taexainchi moya jame barapomonae bewa ponaena po ho ichaxota ena pomonae jiwi peyabara paebiwi xua penatsicuentisiwa xua abe peexanaexae. Bapoxonae barapomonae itacupatsi xua petsipaebiwa pomonaetha pomonae tomara pentacaponae wi po coyene xua ichamonae abe exana barapomonaetha. <sup>39</sup> Icha ichawa painya paebichi abũ anoxuae jopa papaebinde. Po mataqueitha poxonae pentacaponae wi ba nacaetuta pejume taenexa xua jiwi paeba bapoxonae jame papaebare. <sup>40</sup> Wanamtsebiya wawaijeixae anoxuae daxota romanomonae naca yabara anaepanaena tsipei nanta xeinaena xua waxainchi aichaxaibichi xua barapomonae naca itoroba. Jopa xeinaetsi po diwese xua yabara tsipaebinchi barapomonaetha pocotsiwa xua yabara namtsebiya wawaichi”, jei tomara peewatsin. <sup>41</sup> Poxonae najume wetaba baxua, barapomonae pesato beitorobiyatsi.

## 20

*Meje yabara poxonae Pablo siwa pona Macedonia nacua, Grecia nacuano*

<sup>1</sup> Bara najume wetarucupa daxita poxonae namtsebiya wawai tsompae. Bapoxonae Pablo waba pomonae Jesús pejume cowantsiwichi pebarũ nacaetutswinexa. Barapomonaetha Pablo yabara tsipaeba Jesús pejume diwesi xua barapomonae peajuntũ yapusũya xanepanaya pejinom-

paenexa tsane Nacomtha. Bapoxonae Pablo barapomonae napeyaba. Macedonia nacua bewarapiya. <sup>2</sup> Daxita barapo tomaran, Pablo siwa pona barapo Macedonia nacuatha, cuidubano pomonaetha pomonae Jesús pejume cowantsiwichi, xua peajuntayapusya xanepanaya taji-nompaenexa tsainchi Nacomtha. Poxonae nacui wetaba equeicha Grecia nacua bepatopiya. <sup>3</sup> Baraxota Pablo acoibi po xometiyobe yapucaewa. Bara juntucuru Siria nacua beya warapa jeratha po nae pin naetha. Bapoxonae jume tane xua pinae judiomonae anaepana xua Pablo bexubapaebatsi. Daxota Pablo najuntu cui weta xua caibeya peponaewa tsane petaxutha Macedonia nacua beya. <sup>4</sup> Pablo yanabatsi ichamonae. Iru ichun napona bapon pewun Sópater, pon Berea tomarapin, pon Pirro pexanto tatsi. Iru ichunbe naponabe baponbe pewunbe Aristarco iru Segundo, baponbe Tesalónica tomarapinbe. Iru ichun napona, bapon pewun Gayo, Derbe tomarapin. Iru ichun napona, bapon pewun Timoteo. Iru ichunbe naponabe, ponbe pewunbe Tíquico iru Trófimo, baraponbe Asia nacupinbe. <sup>5</sup> Barapomonae daxita pana net-siwana nantacapona, Troas tomaratha cou baxota pana ewata. <sup>6</sup> Ichitha Filipos tomara weya pawarapan jeratha, po naetha po nae pin nae poxonae weta Pascua wun matababin. Barapo Pascua matababintha jiwi xane pan xua pocotsiwa jopa cotowiyo. Poxonae cinco po matabibibe caewa papatan Troas tomaratha, baxota barapomonae pacaxiban. Baraxota paenan siete po matabibibe.

*Meje yabara poxonae Pablo Troas tomara siwa pona*

<sup>7</sup> Pentaquei seicae matabibitha, domingotha, pana nacaetutan, pata epanantarubi janacaenexa tsane pan. Pablo cuiduba pomonae Jesús pejume cowantsiwichi, tsipei baya warapaena Pablo. Daxota poxonae cueicueijei beya yapapae. <sup>8</sup> Po tutu athabeicha barapo tututheicha pana nacaetutan. Barapo tututha ainya coichan dubena. <sup>9</sup> Pewowindu pewun Eutico, barapoyo bomuxu tututha ventanatha pemuxuburutha eca. Pablo bayiyo tsuxubi xua Nacom Pejume Diwesi cueicueijei. Barapoxonae Eutico nantacotiya maitecataba. Tajun wejopeica. Po tututha Pablo cueicueijei tsuncuae xua ichaxota acoibi tututheicha barapo tutu wejopeica. Eutico petupaeyo pitatsi. <sup>10</sup> Bara nexata Pablo dunatabica. Pablo Eutico caquita ecatsi pentabocototha. Pablo naisa cateita waetaba. Piamonae barai Pablo, jeye:

—Jopa pajunuwinde, bara apara asu, jei.

<sup>11</sup> Nexata Pablo equeicha caibe juinya. Pan epa janaxuba, yawa xane. Barapoxonae equeicha Pablo matowa cueicueijei Nacom Pejume Diwesi, beya yajume pentha tsina. Bapoxonae weta. Bara cou nama matabibi wuna tsuxubiba Pablo warapa. <sup>12</sup> Barapo pewowin Eutico equeicha bara asu. Eutico piamonae bo becayiyatsi. Daxita saya juntu coyene tsacabatsi xua junte ma jinompa xua equeicha Eutico peasaxae.

*Meje yabara poxonae Pablo jeratha Troas tomara wewarapiya po naetha po nae pin nae xua Mileto tomara bewarapiya*

<sup>13</sup> Paxan copiya jeratha paponan weratha Aso tomara beya tsipei yaitama Pablo pana itoroba xua bepa pinae weratha paponaein. Bapon yaitama bepa petaxutha ponaei. Bara xotiya, Aso tomaratha paichichipan payapitan Pablo. <sup>14</sup> Poxonae Pablo Aso tomaratha pacaxibarucapan, bapon equeicha pana yantaba. Mitilene tomara beya

pawarapan. <sup>15</sup> Mitilene tomara wepawarapiyan. Bapoxonae icha matacabitha imoxoyo Quío tunaetotha papatan icha muxunenetha. Baraxota caentacabitha paenan. Equeicha icha matacabitha Samos tunaetotha papatan. Barapoxonae equeicha icha matacabitha Mileto tomaratha papatan. <sup>16</sup> Baxua Pablo exana tsipei bapon nanta xeina xua jopa beecaeyo ainya matacabin Asia nacuatha. Bapon aichaxaibi pona Efeso tomaratha. Ichichipa Jerusalén tomara beya bichoina peponaewa tsane, tsipei imoxoyo bara Pentecostés matacabi tsane, icha bara pecu jupaenexatsi.

*Meje yabara poxonae Pablo tsipaeba penapatae jiwi Efeso tomaratha*

<sup>17</sup> Pablo Mileto tomaratha eca. Pablo najume caitoroba ichamonae xua Efeso tomaramonae pitiri jiwi pewabinexatsi pomonae Jesús pejume cowantsiwichi, xua Mileto tomaratha pepatsinexa. <sup>18</sup> Poxonae Efeso tomarapiwi, penapatae jiwi pata baxota, Pablo barai, jeye: “Bara paxam payaputaneme xua wanae poponan poxonae copiya patopan Asia nacuatha painya xantha. Awiya cataunxuae barichin wanae poponan. <sup>19</sup> Daxita matacabi Jesús pejume diwesi cueicueijan tsaibi. Jopa bichocono atsaca tsaibinyo. Jume wanaeya natsipaeban saya. Poxonae Nacom pon jiwi Pecanamataxeinaein pejume diwesi cueicueijan, bichocono yaitawanaeya cueicueijan yawa nejume yancababeiba judiomonae yawa bepa nejutebeibei. <sup>20</sup> Paxam payaputaneme xua jopa nacui baraxubinyo xua tapaca tsipaebiwatsi Jesús pejume diwesi xua po coyene painya nepaca yawenaewa tsane. Paca cuidubatsi jiwi peitabaratha tatsi. Matautano painya boxithano paca cuidubatsi. <sup>21</sup> Judiomonae jume daunweya cuiduban. Iruru pomonae jopa judiomonae naexanaeyo jume daunweya cuiduban xua barapomonae bewa icha juntu coyene pexeinaenexa Nacomtha xuano pejume cowantsinexatsi Jesús pon Wanacanamataxeinaein. <sup>22</sup> Nacom pia Pejumope tñaxu tatsi neitoroba xua bewa ponaetsipanjei Jerusalén tomara beya. Ichitha jopa nayaputaeyo pocotsiwa xua baxotiya tsane ichamonae inta exanaena. <sup>23</sup> Jame anoxuae saya meisa yaputan xua Nacom pia Pejumope tñaxu tatsi yabara netsipaeba xua daxita tomaran ichaxota pateibin. Nebarai, jeye: ‘Jiwi pecubi bontha cajebeibina, yawa caperaxa exaneibinano’, nejei Nacom pia Pejumope tñaxu tatsi. <sup>24</sup> Juntucuru xua icha tapan, baraxua jopa netsita ainya cuiyo. Bara jemba tsane icha saya poponaein. Icha tapan, bara jemba tsane. Daxota neitacupa xua juntu coyene weiweinaya exanaein pocotsiwa Jesús neitoroba beya yacuiya tñapajopaein. Matautano daxota neitacupa xua wetsin pocotsiwa Jesús neitoroba, pon Pecanamataxeinaeinchi jiwi, xua tapaca tsipaebiwatsi barapo pexeinya jume diwesi po coyene xua bichocono jiwi peantobewatsi Nacom.

<sup>25</sup> “Bayatha paca tsipaebatsi Nacom Pejume Diwesi po diwesi yabara xua Nacom waba jiwi, petanaexanaenexa tsainchi pijimonae jiwana tatsi pomonae itorobiya peewatsixae. Anoxuae bara xaniwaicha yaputan paxam pomonae pamxaem xua paca tsipaebatsi barapo diwesi, equeicha jopa pana netaem tsane. <sup>26</sup> Daxota anoxuae paca tsipaebatsi icha jopa pajume cowantsim, baraxua apara jopa tacoyiyo. Bara apara painya coyam tsipei bayatha bequein matowa paca tsipaebibatsi pexeinya jume diwesi. <sup>27</sup> Daxita xua Nacom neitoroba barapo diwesi omeicha paca tsipaebatsi. Jopa icha diwesiyo copatsinyo. <sup>28</sup> Painya coutha

xanepanaya pana najuntũ coyene yabara nanta xeinare. Matautano xaniwaicha payapu eenare pomonae Jesús pejume cowantsiwichi. Paxam pitiri jiwi pam, baxua paexande tsipei Nacom pia Pejumo pe tũnaxũ tatsi paca itoroba painya neyapu cainompaenexa tsane Jesús pejume cowantsiwi tatsi. Matautano baxua paexande tsipei barapomonae Nacom piamonae tatsi, tsipei pexanto tatsi tsitũpa xua barapomonae jopa peweraweracaewa tsane. <sup>29</sup>Yaputan poxonae warapaein tacoutha patsina ichamonae. Barapomonae Jesús pejume cowantsiwichi abe exanaeinchi. Barapomonae Jesús pejume cowantsiwichi dũcũpa exanet-inchi icha neũthũ ichi. <sup>30</sup>Barichi painya jiwi jiwanamonaē ajumebeya cuidubina xua jopa xainyeyo. Barapomonae cuidubina penaerabi diwesi, xua pomonae Jesús pejume cowantsiwichi pejume cowantsinexa barapo penaerabi diwesi. <sup>31</sup>Dota pam, xua peabe jume, painya nejume cowantsiwa. Pana necui yabara nanta xeinare xua paca cuidubatsi acõibi po weiyobe. Paca cuidubatsi merawithano, mataqueithano. Matautano paca siwa wecoyeichi ichacuitha.

<sup>32</sup>“Tamonae pam, Nacomtha pacata tsipaebatsi xua paca necayawenaewa tsane, xuano xua Nacom Pejume Diwesi painya necayawenaenexa po diwesi xua paca cuiduba xua pinae Nacom paca antobe. Barapo Nacom Pejume Diwesi peayapusũwa xeina xua ajũntũyapusũya paca cana exanapona. Matautano paca catsina daxita pocotsiwa bayatha pepa piamonaetha yabara tsiwũnae muxu duta xua catsiba paeba. <sup>33</sup>Jopa taichichi tsalbinyo xua ichũn pia paratixi tatsi matautano xua ichũn pia paparuwan tatsi. <sup>34</sup>Jame bara payaputaneme xua tacoutha natsiyabara nacuitan. Bara tawa comotan. Matautano xua pexaewa comotan, paparuwano. Matautano yawenan pomonae xua necueyaba. <sup>35</sup>Bayatha payaputaneme xua daunweya nacuitan. Baxua exanan tsipei ichichipan xua painya neyaputaewa tsane, xua painya neyawenaenexa pomonae peacopeibi jiwi. Jopa pajũntemainaende xua Jesús pon Pecanamataxeinaein jiwi namchi, xua jeye: ‘Ba jũntũ coyene weiweina bichocono pon cata beyacaincha xua pon pecatsixaetsi’, jei Jesús”, jei Pablo.

<sup>36</sup>Poxonae Pablo najume wetsiya paeba, poxonae xua pitiri jiwi tsipaebatsi, bapoxonae pentabocototha uncua. Pablo daxita baru tsipaeba Nacomtha. <sup>37</sup>Barapoxonae daxita matowa wecoyei. Yawano matowa naisa teicatsino Pablo poxonae tsutsubatsi, peantobexaetsi. <sup>38</sup>Barapomonae bichocono wecoyei tsipei Pablo bayatha namchi, jeye: “Equeicha jopa pana netaem tsane”, jei. Barapoxonae barapomonae Pablo jera bepuna tayathopiyatsi po naetha po nae pin nae.

## 21

*Meje yabara poxonae Pablo weratha Jerusalén tomara bewarapiya po naetha po nae pin nae*

<sup>1</sup>Poxonae Jesús pejume cowantsiwichi pacuenta ponan, barapoxonae Cos tomara bepawarapiyan weratha. Barapoxonae icha matabitha Rodas tomara bepaiyan weratha. Barapoxonae equeicha icha matabitha Pátara tomara bepawarapiyan weratha. <sup>2</sup>Pátara tomaratha baxota equeicha icha nae panotarũcũpan. Fenacia tomara bepawarapiyan. <sup>3</sup>Poxonae Chipre tunaeto patan pamatawacaicha toqueban. Barapo tunaeto pata tatsõcona iya paxenta iyian. Siria nacua bepaiyan.

Barapo nae Tiro tomaratha botouna, pejotsinexa tsane xua capona. Tiro tomaratha paxubarucupan barapo nae. Baxota painompanno. <sup>4</sup> Baraxota Tiro tomaratha pacaxibarucupan pomonae Jesús pejume cowantsiwichi. Barapomonae pia xantha tatsi pajinompan siete po merawiyobe. Barapomonae Pablo tsipaebatsi, jeichichi: “Jopa Jerusalén tomara beya ponaeinde”, jeichichi. Nacom pia Pejumope tñaxu tatsi barapomonae yabara tsiwanaya tsipaebatsi po coyene xua ichamonae Pablo cana exanaeinchi barapo tomaratha. <sup>5</sup> Poxonae barapo siete merawiyobe payapucaeawan paponarucupan. Daxita pomonae Jesús pejume cowantsiwichi, tomara weya pana nepu taeumenathopiya yabaxino pexuino. Taetabo mene itapa bepaiyan. Baraxota pentabocototha paumenan. Nacom patsipaeban. <sup>6</sup> Pana napeyaban barapomonae, pana naisa teica pata taneantobexae. Bapoxonae equeicha jera panotarucupan, barapomonae equeicha pia boxi benawibiya.

<sup>7</sup> Bara papanenebiyan tsurucupae xua Tiro tomara weya paponan. Tolemaida tomara beya papanenebiyan. Baxota equeicha pajacoban pomonae Jesús pejume cowantsiwichi. Caentacabitha baxota pajinompan. <sup>8</sup> Icha matabitha, Pablono yawa xua pomonae pata tacueyabixae pan Cesarea tomaratha papatan. Barapo tomaratha Felipe pia bo tatsi bepaiyan. Bapon Nacom Pejume Diwesi pecueicueijei ducuaenaebiyae jiton. Bapon jiwana pomonae siete poyobe pomonae peyawenae jiwi. Barapo siete poyobe, matha cain itapetatsi Jerusalén tomaratha xua Jesús pia peitorobi jiwi tatsi peyawenaenexatsi. Barapon pia xantha tatsi paenan. <sup>9</sup> Felipe cuatro po pexantiyobe tatsi xeina. Barapowaxi cataunxuae jopa jitha enaeyo. Barapowaxi tsipaeba jiwi Nacom Pejume Diwesi xua Nacom yaputane exana. <sup>10</sup> Baxota caentacabiyobe paenan Cesarea tomaratha. Barapoxonae Judea nacuapin patopa, pon Nacom pia peitorobi pepaebin, pon pewan Agabo. <sup>11</sup> Agabo pana nesiwa pona. Pablo coreinya bocoto mara wejontatsi. Barapo coreinya bocototha petaxuno, remaxano Agabo pia coutha nacaecunta cubaxuba. Bapoxonae Agabo namchi, jeye:

—Bayatha Nacom pia Pejumope tñaxu tatsi netsipaeba po coyene xua judiomonae exanaena Jerusalén tomaratha. Bepa pinae barapomonae caiche tsane pon xua pia bocoto pexeinaein pocotsi bocote, ichaunxuae naichin, bara juta caichi tsane pinae. Matautano bepa pinae barapomonae cacaponae pomonaetha pomonae penanapaincha jinompaewi xua icha nacia werena peponaewi, jei Agabo.

<sup>12</sup> Poxonae baxua pajume tan, paxan ira pomonae Cesarea tomara piwi Pablo pabaran, pajanje:

—Bara, jinxoba poname Jerusalén tomara beya, pajan.

<sup>13</sup> Ichitha Pablo pana jume nota, jeye:

—¿Eta xua metha pana siwa wecoyam? ¿Eta xua metha pana itanuwe forotame? Bara bayatha nacui yabara jume wetan tanecubinexa tsane, matautano tatapaenexa tsane Jerusalén tomaratha tajume cowantsixae Jesús, pon jiwi Pecanamataxeinaein, jei Pablo.

<sup>14</sup> Bequein Pablo jume daunweya pabaran xua jopa ponae tsane ichitha Pablo dapu jumetha bepa ponaei. Matapainya saya jopa equeicha pata jumeyo. Matautano pajan:

—Basaya moyo baxua exanaena be pocotsi coyeneya xua Nacom ichichipa, pajan.

<sup>15</sup> Bapoxonae poxonae pana jume wetan baxua, bara nama paxainx-ainyan. Bapoxonae Jerusalén tomara bepawarapiyan. <sup>16</sup> Ichamonae Cesearea tomarapiwi, pomonae Jesús pejume cowantsiwichi pana nepuna pona. Pana capona bo beya pata tajinompaenexa tsane, pebin pon pewan Mnasón, bapon pia bo beya tatsi. Bapon Mnasón Chipre tunae-topin. Bapon pinae caena bayatha jume cowanta Jesús.

*Meje yabara poxonae Pablo, Santiago siwa poinchi*

<sup>17</sup> Poxonae Jerusalén tomaratha papatan, baxota pomonae Jesús pejume cowantsiwichi weiweinaya pana matenta waba bichocono. <sup>18</sup> Icha matabitha Pablo pana nebarua pona. Pasiwa ponan Santiago. Baraxota irua daxita pitiri jiwi jinomparua. <sup>19</sup> Barapomonae Pablo jacoba. Bapoxonae tsiwiyo bexa Pablo tsipaeba daxita po coyene xua Nacom exana pomonaetha pomonae jopa judiomonae naexanaeyo. Yawano paeba po coyene Pablo itorobatsi Nacom, xua petacaponae nexa Nacom Pejume Diwesi tatsi. <sup>20</sup> Poxonae jume tane baxua xua Pablo paeba, barapoxonae barapomonae Nacom wanae jaintatsi. Nexata Santiago Pablo baraichi, jeye:

—Taema, incane jume taema. Judiomonae pin bicheiton tsoponae, pomonae bayatha Jesús jume cowantatsi. Daxita barapomonae namuxutainyaba xua pinae daxita jiwi nantawenona xua Moisés pia peitorobi coyene exanapona. <sup>21</sup> Cayopita ichamonae xua pinae cuidubame judiomonae pomonae icha nacuantha pejinompaewi. Pinae cuidubame xua equeicha pinae barapomonae bewa jopa yabara jume cui exanae pocotsiwa bayatha Moisés itoroba. Matautano pinae cuidubame barapomonae xua pinae jopa bewa penawi thabi coyene exanae tsane xua pewi thabiwa pia pexui ichaxota nareixacaena xua ichaxota pebiwixae xeina. Matautano pinae cuidubame xua barapomonae bewa jopa exanae barapo peitorobi coyenewan xua pinae pocotsiwa wamo jiwi bayatha exaneiba. <sup>22</sup> ¿Eta xua waxainchi exanaeinchi? Tsipei judiomonae, pomonae pejume cowantsiwi Jesús, nacaetutsina xote barapo Jerusalén tomarathe, poxonae jume taena xua patopame. <sup>23</sup> Paxan xua paca itorobatsi baxua exande. Taema xote pata xantha cuatro poyobe poponabe pebiwi. Barapoyobe yabara nacui wanae tsijume dutabe Nacomtha pocotsiwa xua exanapaeba. Anoxuae baxua barapomonae bewa exanae pocotsiwa bayatha exanapaeba. <sup>24</sup> Barapomonae matacayande paratixi nanacui barua nantomare sacerdotemonaepintha, xam nexano irua barapomonae nexano xua jopa painya nenauntua coyene taxobinexa. Nanacui barua nantomare, barapoyobe penanta catepateya sibapentsinexa tsane. Icha baxua exanaename, daxita jiwi cacui yaputaena xua bayatha jopa exanaem xua ichamonae abe cayabara paeba. Yawa daxita jiwi cacui yaputaena xua xam xaniwaichiya exaname pocotsiwa Moisés itoroba. <sup>25</sup> Paxan pata tinan carta pomonae Jesús pejume cowantsiwichi, pomonae jopa judiomonae naexanaeyo. Pata yabara tinan baxua xua pananta xeinan xua barapomonae beexanaetsipa. Pajan barapo cartatha: ‘Painya xoba duwei pawu xaneme po duwein jiwi tsiseba ibo nacom. Matautano painya xoba paxaneme po duwein pon saya pipato tūpuncua, xuano painya xoba pajana xaneme. Painya xoba pasiwa xeiname yabaxi xua jopa painya seurixi’, ajan, jei Santiago.

*Meje yabara poxonaе soldadomonaе Pablo maxu waetabatsi judiomonaе pin pia botha tatsi, bapoxonaе jiwi pecubi bo beya caponatsi*

<sup>26</sup> Nexata Pablo baru poinya barapo cuatro poyobe. Icha matabi Pablo iru barapo cuatro poyobe exana po coyene xua jopa penajuntu coyene taxobiwa Nacomtha. Bapoxonaе Pablo iru barapo cuatro poyobe Nacom pin pia botha tatsi jojoniya. Pablo namchi, jeye: “Equeicha papatsinan siete po matabibe poxonaе pawetsin po coyene xua daxota jopa pata najuntu coyene taxobiwa Nacomtha. Pacaponaеin duwein sacerdotemonaepin pebexubinexa tsane xua pata catsinexa Nacom”, jei Pablo.

<sup>27</sup> Poxonaе barapo siete matabiyobe imoxoyo yapucaewinaba, bapoxonaе Pablo judiomonaе Nacom pin pia botha tainchi. Pomonaе Pablo tainchi, barapomonaе judiomonaе pomonaе Asia nacua weya pona. Pomonaе Pablo tainchi, barapomonaе exana xua pin bicheito namtsebiya wawai xua Pablo pecasebixaetsi. Bapoxonaе Pablo waetabatsi. <sup>28</sup> Jume daunweya wawai, jeye: “¡Pajume taema, paxam pomonaе Israel nacuapiwi pamxaem! ¡Pana yawende! Barapon cuiduba ducuaеbiya daxita jiwi. Abeya naca yabara cui cueicueije. Matautano abeya yabara cueicueije Moisés pia peitorobi coyenewan tatsi. Matautano barapo Nacom pin pia bo abeya yabara cueicueije barapon. Matautano bapon griegomonaе matabipoinchi barapo Nacom pin pia bo berena. Poxonaе Pablo matabipona griegomonaе, Nacom pin pia botha tatsi atutube exana”, jei barapomonaе.

<sup>29</sup> Baxua paeba, tsipei poxoru bayatha barapomonaе Pablo tainchi Jerusalén tomaratha. Baxota Pablo baru pona Efeso tomarapin, pon pewun Trófimo. Daxota barapomonaе catsawa nanta xeina xua metha bayatha Pablo Nacom pin pia botha baru pona Trófimo. Daumetha Trófimo baxota jopa naponaeoyo.

<sup>30</sup> Daxita tomarapiwi juraya equeicha jume daunweya wawai. Daxita cuinaerendena, barapomonaе Pablo yoroba teicatsi. Nacom pin pia bo wemaxu capoinyatsi. Bapoxonaе barapomonaе bichocono yaboupa cateitabanota Nacom pin pia bo. <sup>31</sup> Barapomonaе, pomonaе peanaepanaewi muxu Pablo pebexubichi. Bara nexata romanomonaе soldadomonaе pia pepa pentacaponaеin tatsi jume tane xua daxita Jerusalén tomaramonaе najume cayayataxuba. <sup>32</sup> Nexata soldadomonaе pia pepa pentacaponaеin tatsi, bapon pia soldadomonaе copiya piamonaе caeаetuteta. Bapoxonaе barapo soldadomonaе pin bicheito becuinaeyiya ichaxota Pablo muxu pebexubichi. Poxonaе barapo soldadomonaе taerucupatsi barapo bicheito xainya umenarucupa. Bapoxonaе barapomonaе equeicha jopa Pablo butsi. <sup>33</sup> Nexata soldadomonaе pia pepa pentacaponaеin tatsi Pablo imoxoyo caquita uncuatabatsi. Bapoxonaе Pablo maxu waetabatsi. Bapon soldadomonaе pia pepa pentacaponaеin tatsi piamonaе itoroba xua ainya naintothabe pemaxu cubaxubinexatsi Pablo. Bapoxonaе bapon soldadomonaе pia pepa pentacaponaеin tatsi yainyaba pin bicheitho, jeye: “¿Jintam baraponda? ¿Eta xua metha bapon exana?” jei. <sup>34</sup> Ichitha barapomonaе ichawan caununaya wawai. Ichamonaе ichawa wawai. Daxota bapon soldadomonaе pia pentacaponaеin tatsi jopa xapain jume taeyo. Bapoxonaе bapon soldadomonaе pia pentacaponaеin tatsi Pablo itorobatsi soldadomonaе

pia bo beya tatsi. <sup>35</sup> Poxonae patopa soldadomonaе pia bo beya, penonobabeiyaewatha xua nonababeibiya soldadomonaе Pablo yoichiya capoinchi bara beya. Pin bicheito bichocono anaepana daxota Pablo yoichiya capoinchi. <sup>36</sup> Barapo pin bicheito soldadomonaе cayabara wawaya punaenapoinchi, jeye: “¡Maisa pabexore bapon!” jei barapomonaе.

*Meje yabara poxonae Pablo paeba barapomonaе peitabaratha*

<sup>37</sup> Poxonae juntucuru Pablo soldadomonaе pia bo beya capoinchi, Pablo barai soldadomonaе pia pentacaponaeintha tatsi, jeye:

—¿Metha ichauyo catsipaebichipatsi? jei Pablo.

Poxonae baxua jume taeba, soldadomonaе pia pentacaponaein tatsi yainyaba, jeye:

—¿Xam necueicueijeinda griego jumera? <sup>38</sup> ¿Xam barapo jitomda egipcio nacuapimda, pon nacaetuteiba exaneiba pijimonaе xua ichamonaе pejutebeibinexa tsainchi? ¿Xam barapomonaе pia pentacaponaein tatsi, pon xua matacaponaponame cuatro mil jiwi ichaxota ira xuepana susato tsurucuae nacuatha? jei soldadomonaе pia pepa pentacaponaein tatsi.

<sup>39</sup> Nexata Pablo jume nota, jeye:

—Apara pepa judiomonaepiyon. Tarso tomaratha naexanan. Tatomara ainya cui tsipei pepa tomara. Tarso tomara Cilicia nacuatha eca. Nejume cui yabara copare xua barapomonaе tatsipaebiwa tsane, jei Pablo.

<sup>40</sup> Soldadomonaе pia pepa pentacaponaein tatsi bara Pablo yabara jume copatatsi xua Pablo bara pepaebiwa tsane. Pablo ichaxota nonababeibiya baxota asiya uncuа. Yawa pecobetha jume matawenta barapomonaе xua moya peenaenexa. Poxonae moya enarꝥꝥpa barapomonaе, Pablo hebreo jumetha cueicueije. Namchi, jeye:

## 22

<sup>1</sup> “Tamonae pam, irꝥ pomonaе pitiri jiwi pam, pana nejume taema xua tapaca tsipaebiwa tsainchi xua tana nabaꝥ jume yawenaewan”, jei Pablo.

<sup>2</sup> Poxonae barapomonaе jume taerꝥꝥpa, xua Pablo hebreo jumetha cueicueije, barapomonaе moya enarꝥꝥpa. Pablo barapomonaе barai, jeye:

<sup>3</sup> “Xan aparta judiomonaepin. Bayatha naexanan Tarso tomaratha, Cilicia nacuatha. Saya aparta Jerusalén tomaratha wichaban. Baxota nacuiduban po coyenein wamo susato jiwi itorobeiba. Daxita barapo coyenein pebin pewꝥn Gamaliel, necuiduba. Necui eeneiba xua Nacom tanacuiteiban xua daxita tajꝥntꝥ coyenewatha icha anoxuae daxita paichiponaem. <sup>4</sup> Bayatha jeiteiban pomonaе pejume cowꝥntsiwi Jesús pia pena pecuidubiwa tatsi. Teiqueibanno, jiwi pecꝥbi bo beya caponeiban, pebiwino yawa yabꝥxino. Tsipei ichichipan xua ichamonaе jutebeiba xua barapomonaе pejutebeibinexatsi. <sup>5</sup> Sacerdotemonaе pia pentacaponaein tatsi irꝥ pitiri jiwi paca tsipaebina xua bayatha barapomonaе necata cartan xua barompaya wajudiomonaе nexa xua Damasco tomaratha. Barapo cartanxae neitacꝥpa xua tateicaewa tsane pomonaе Jesús pejume cowꝥntsiwichi. Baxota Damasco tomaratha ponan tajeichinexa pomonaе Jesús pejume cowꝥntsiwichi, tsipei tha



Jerusalén tomara becayaetsi barapomonae, matautano tsipei tha yamaxa cubiya caponaetsi taperaxa exanaenexa tsane barapomonae”, jei Pablo.

*Meje yabara poxonaes Pablo diwesi paeba xua poxonaes po coyene pejume cowantsiwa Jesustha*

<sup>6</sup> Equeicha Pablo jeye: “Damasco tomara namtotha ecaponan, bara nama mateinyaxae tsuxubi. Poxonaes bara muxu tapatopaeba barapo tomaratha, bapoxonaes pin coicha neyancataba. Taxainya benematawacaicha jopeica. Peitaboco wejopeica. <sup>7</sup> Iratha jopan. Bapoxonaes peitaboco wenebaraichica. Jume taeuncuan, nebarai, jeye: ‘Saulo, Saulo, zeta xua metha tamonaes inta abe exaname?’ jei. <sup>8</sup> Nexata yainyaban: ‘Pon jiwi Necanamataxeinaem, zjintamymda?’ jan. Nejume epa pita, jeye: ‘Apara xan Jesús, Nazaret tomarapin ponxaein tamonaes inta abe exaname’, nejei. <sup>9</sup> Pomonaes nepuna pona iru coicha taneno. Bichocono bapomonae junuwa. Saya meisa coicha tane, saya jopa jume taeyo po jume xua nebaraichica. <sup>10</sup> Nexata yainyaban: ‘Pon jiwi Necanamataxeinaem, zeta pocotsiwa metha exanocuaein?’ jan. Bapon nebarai, jeye: ‘Nontaponde Damasco tomara be-iyande barapo tomaratha, ichan yabara catsipaebina pocotsiwa xua bewa exaname’, nejei. <sup>11</sup> Barapo coicha bichocono neitata naquitaba exana. Pomonaes nepuna pona Damasco tomara benemaxa caiyiya.

<sup>12</sup> “Barapo tomaratha, Damasco tomaratha, cou pebin popona, bapon pewan Ananiás. Bapon daxita yabara jume cuiya exaneiba Moisés pia peitorobi coyene tatsi. Barapo judiomonaes, Damasco tomaratha, barapomonaes Ananiás xanepanaya yabara paebeibatsi. <sup>13</sup> Ananiás nesiwa pona. Bapon nebarai: ‘Saulo, tamonaes jitom, equeicha caewa nepu necotsinde’, jei. Bara caena barapoxonaes equeicha caewa necotaxuban. Bapon bapoxonaes taenotan. <sup>14</sup> Ananiás nebarai, jeye: ‘Pata amo jiwi pia Nacom tatsi bayatha itapeta cawaba xua neyaputaenexa tsane xua Nacom caitoroba. Caitapeta xua netaenexa pon yatsicaewa pejuntu coyene xanepanaein, matautano nejume taenexa pocotsiwa catsipaeba. <sup>15</sup> Aunxuae Jesús yabara cueicueijam tsane daxita nacuan jupayantha. Yabara paebiname daxita xua taneme xuano xua jume tanemeno. <sup>16</sup> Anoxuae, zeta xua metha came ecame? Nontaponde. Barabu ichan cabautisabina Jesucristo pewantha, pon jiwi Pecanamataxeinaein, necayabara junteinaenexa abe jinya neexanaes cuiru coyenein’, nejei Ananiás”, jei Pablo.

*Meje yabara poxonaes Pablo nayabara paeba xua peitorobiwatsi ichaxota pomonaetha pomonaes jopa judiomonaes naexanaeyo*

<sup>17</sup> Pablo cataunxuae cueicueijei, jeye: “Poxonaes caibe nawiyán Jerusalén tomara beya, Nacom pin pia botha tatsi ponan. Barapo botha Nacom tsipaeban. Bapoxonaes camaitan xua netsita naitauta. <sup>18</sup> Jesús necotan, pon jiwi Pecanamataxeinaein. Bapon nebarai: ‘Antha yacuinaya pontabare Jerusalén tomara weya, tsipei barapomonae jopa xapain cajume cowantsi tsane xua tana neyabara paebiwam’, jei Jesús. <sup>19</sup> Nexata jume epa pitan: ‘Pon jiwi Necanamataxeinaem, barapomonae bayatha necui yaputane xua poneiban daxitan judiomonaes pia penacae-tutsi bontha tatsi. Bayatha jiwi pecubi botha caponeiban, pomonaes necajume cowantsiwi. Matautano bichocono beibanno. <sup>20</sup> Poxonaes Esteban

bichocono jana othopeica xan saya cui necotuncuan. Bapon Esteban pon cajume cowanta bayatha. Bapon jinya diwesi pecanantsipaebin. Poxonae Esteban bexotsi, saya cui mata taeuncuan. Yabara jume bara cui jejan poxonae barapomonae Esteban bexubapaebatsi. Barapomonae pipaparuwan tajejan', jan Jesustha. <sup>21</sup> Ichitha bapon pon jiwi Pecana-mataxeinaein nebarai: 'Antha ponde. Aunxuae taju caitorobinchi barapomonae beya, pomonaetha pomonae jopa judiomonae naexanaeyo beya', nejjei", jei Pablo.

*Meje yabara poxonae soldadomonae pia pentacaponaein tatsi Pablo waetabatsi*

<sup>22</sup> Pablo cataunxuae paebuncua barapo penonobabeibiyathopae-watha soldadomonae pia botha. Poxonae Pablo jume taerucupatsi xua bepa pinae ponaena pomonaetha pomonae jopa judiomonae naexanaeyo beya, bapoxonae barapo bicheito namtsebiya wawai, jeye: "¡Maisa bapon pabexore bara! ¡Dapocotsin jopa bewa poponae!" jei. <sup>23</sup> Awiya came barapomonae wawai tsonpae. Yawa pia paparuwan anaya nannababa. Yawa taetowan anaya athabe bebeicha. <sup>24</sup> Romanomonae soldadomonae pia pepa pentacaponaein tatsi, bapon pia soldadomonae itoroba xua Pablo pecaponaenexatsi soldadomonae pia bo beya tatsi xua jiwi pecabi bo. Baxota Pablo capoinchi pecuainchinexa tsainchi xua daxota Pablo peyabara paebiwa tsane baxua xua Pablo peyabara namtsebiya wawaichiwatsi judiomonae. <sup>25</sup> Poxonae bara juntucuru Pablo maxu catanotatsi xuano juntucuru muxu pebetsino, Pablo barai soldadomonae pia pentacaponaein tatsi, jeye:

—Jopa be pana necuainchipaem tsipei apara xan romanomonaepin. Matautano baxua jopa pana necanaichipaem icha jopa neyabara paebiyo pon jiwi peyabara paebin penatsicuentsiwa xua abe peexanaexae, jei Pablo.

<sup>26</sup> Poxonae baxua jume tane, soldadomonae pia pentacaponaein tatsi, bapon pona pia pepa pentacaponaein tatsi beya. Bapon namchi pia pepa pentacaponaeintha, jeye:

—Dota xua xam cana exanaename bapontha. Apra cou deta Pablo iru romanomonaepin, jei.

<sup>27</sup> Nexata soldadomonae pia pepa pentacaponaein tatsi, bapon Pablo imoxoyo caquita uncuatabatsi. Bapon Pablo yainyabatsi, jeichichi:

—¿Bara yatsicaya xainyei bara xam romanomonaepim? jeichichi Pablo.

Pablo jume nota, jeye:

—Aa, bara xan tsocuaein, jei Pablo.

<sup>28</sup> Soldadomonae pia pepa pentacaponaein tatsi Pablo jume notatsi, jeichichi:

—Xan iru barichin romanomonaepin. Nacui yabara matomatan bichocono pin paratixi matoma xua romanomonaepin tana naexanaewa tsane, jei.

Pablo namchi, jeye:

—Apra seicaya nama xan caena bayatha pexuyothan yacuiya naexanan romanomonaepin, jei.

<sup>29</sup> Poxonae Pablo baxua paeba, bapoxonae pomonae Pablo muxu pecuainchichi Pablo pexeinya wetanatsixibaracupiyatsi. Iruru bara w-natsixitabiya soldadomonae pia pepa pentacaponaein tatsi tsipei bapon yaputane xua Pablo apara romanomonaepin. Daxota junuwa xua Pablo pemaxu cubixaetsi.

*Meje yabara poxonae Pablo pentacaitorobi bicheitomonae peitabaratha uncuu pomonae judiomonae*

<sup>30</sup> Icha matababitha soldadomonae pia pepa pentacaponaein tatsi bepa yaputaei, bepa jeyei: “¿Eta xua metha Pablo yabara anaepanatsi judiomonae?” bepa jeyei. Daxota bapon, Pablo taxuenaxotsi xua maxu cutatsi. Nexata bapon itoroba xua sacerdotemonae pia pentacaponaei tatsi iru pentacaitorobi bicheito nacaetutsina. Pablo bara bebaru iyatsi. Baraxota cuaranotatsi barapomonae peitabaratha tatsi.

## 23

<sup>1</sup> Pablo pentacaitorobi bicheito beya bichocono naita cui dutsiya necoya. Pablo barapomonae beya namchi, jeye:

—Tamona, caena bayatha beya anoxuae juntu coyene xanepanaya poponan Nacom peitutha tatsi, jei Pablo.

<sup>2</sup> Nexata sacerdotemonae pia pepa pentacaponaein tatsi, Ananías, bapon itoroba xua Pablo pecoibo cuainchinexatsi pomonae Pablo imoxoyo caquita peumenaexaetsi. <sup>3</sup> Ichitha Pablo jume nota, Ananías jume notatsi, jeye:

—Xam ponxaem itara mexeya xanepanaya nepaebin ichitha jiwi nemuxuitorobin, Nacom cacuainchina. Xam ecame xote jinya tana neyabara paebinexam tana natsicuentisiwa xua abe taexanaexae icha be pocotsi coyeneya Moisés pia peitorobi coyenetha baxua yabara paeba. Ichitha xam jopa xapain exanaem poxonae ichamonae itorobame xua tana necoibo cuainchinexa poxonae Moisés pia peitorobi coyenewatha jopa baxua itorobiyo, jei Pablo.

<sup>4</sup> Pomonae Pablo imoxoyo caquita umeinchi, jeichichi:

—Apara sacerdote pia pepa pentacaponaein tatsi abe tsipaebame pon Nacom tanacuitatsi, jei barapomonae.

<sup>5</sup> Pablo jume nota, jeye:

—Tamona, jopa yaputaeinyo xua pon tsipaeban apara sacerdotemonae pia pepa pentacaponaein tatsi. Icha yaputaetsipan, jopa paebinchipae. Nacom Pejume Diwesitha namchi, jeye: ‘Jopa bewa painya pentacaponaei jiwana abe pajainchim pomonae xua painya tomaratha’, jei Nacom Pejume Diwesitha, jei Pablo.

<sup>6</sup> Nexata Pablo cui yabara nanta xeina barapomonaetha tsipei ainya bicheitobe, ichamonae saduceomonaeru, ichamonae fariseomonaeru. Daxota bapon Pablo jume daunweya wawai barapomonaetha, jeye:

—Tamona, bara xan apara fariseomonaepin, yawa fariseomonaepin pexanton. Tsipei jume cowantan xua jiwi petupaewi equeicha asu tsalibi tsane daxota pana necaponame painya tana neyabara paebinexam xua tana natsicuentisiwa xua abe taexanaexae, jei Pablo.

<sup>7</sup> Poxonae Pablo baxua paeba saduceomonae iru fariseomonae n-jume matsontsonobabe. Barapo bicheito ainya bicheitobe naexanabe, tsipei barapo bicheitobe seicaya barompaya nabaeru nanta xeina.

<sup>8</sup> Saduceomonae paeba xua pinae petupaewi jopa equeicha asu tsalibi

tsane. Matautano barapomonaē paeba xua pinae matatsunpiwi jopa jinompaeyo, matautano pinae dowatsi dapomonaē pinae ajibi. Ichitha meisa fariseomonaē jume cowanta daxita barapo diwesin, xua pinae pewerapeilbiwi equeicha asu tsaibi tsane, matautano xua pinae dowatsi jinompa, xuano xua pinae matatsunpiwi bara jinompa. Daxita barapo diwesin fariseomonaē jume cowanta. Ichitha nama saduceomonaē jopa daichiyo. <sup>9</sup> Daxita barapo bicheitobe namtsebiya wawai. Fariseomonaē jiwana ichamonaē nonobapona. Barapomonaē yaputane nawita Moisés pia peitorobi coyene tatsi. Barapomonaē namchi, jeye:

—Bapon Pablo jopa abe exanaeyoba, metha dowatsi bapon tsi-paebatsi, ichacuitha metha matatsunpin bapon tsipaebatsi, jei barapomonaē.

<sup>10</sup> Barapomonaē daxita najume matsontsonobiya biatane. Bapon romanomonaē soldadomonaē pia pepa pentacaponaein tatsi, bapon bichocono junuwa tsipei Pablo tsana peru xunaeinchi. Daxota bapon romanomonaē soldadomonaē pia pepa pentacaponaein tatsi itoroba pia soldadomonaē xua Pablo equeicha caponaeinchi soldadomonaē pia bo beya tatsi.

<sup>11</sup> Icha mataqueitha merawi pon Pecanamataxeinaein jiwi, Pablo imoxoyo caquita uncuatsi xua tsita naitautatsi. Bapon namchi, Pablo baraichi, jeye: “Pablo, najuntu coyene tsacatabare. Icha ichim xua Jerusalén tomaratha neyabara paebame barichinde equeicha Roma tomaratha neyabara paebare”, jei Jesús.

*Meje yabara poxonaē judiomonaē nanta xeina xua Pablo pebexubiwa tsainchi*

<sup>12</sup> Icha mataqueitha, ichamonaē judiomonaē peburaya nanta jepaya nanta xeina xua Pablo pebexubiwa tsainchi. Barapomonaē nayabara tsiwanae muxu duta Nacomtha xua bepa pinae jopa nabanae tsane, xuano jopa apae tsaneno xua beya pinae yajainbonaya othopaena poxonaē Pablo bexubinchi. <sup>13</sup> Barapomonaē pomonaē Pablo bexubapaebatsi xuano xua yabara nainbotapaebatsi bichocono pinmonae beyacaincha xua pocotsi cuarenta po pebiwimonaeyobe. <sup>14</sup> Barapomonaē pona sacerdote pia pentacaponaei tatsi beya, yawa judiomonaē pia pitiri jiwi tatsi beya. Barapo pebiwimonaeyobe barai barapomonaetha, jeye:

—Bayatha pana nayabara tsiwanae muxu duban Nacomtha xua jopa pata nabanaewa tsane beya tsane poxonaē cataunxuae jopa pabexubinyo tsane Pablo. <sup>15</sup> Paxam iru pomonaē pentacaitorobi bicheito, romanomonaē soldadomonaē pia pepa pentacaponaein tatsi patsipaebare xua bapon pia soldadomonaē peitorobinexa xua Pablo pecuaranotsinexa tsainchi painya itabaratha baya tsane. Romanomonaē soldadomonaē pia pepa pentacaponaein tatsi pamuxuitorobare. Naemata bapon pabarande: ‘Awiya peyainyabiwa paxeinan pata tha yainyabichi Pablo’, pajande. Paxan pata tha nama namtotha ewatumenaetsi. Pata tha bexuichi, poxonaē barapomonaē Pablo caponaeinchi, jei barapomonaē.

<sup>16</sup> Pablo perobi tatsi jume tane xua barapo cuarenta po pebiwimonaeyobe namtotha nantsiyatsiya bobenapaeba pewaetabinexa tsainchi Pablo. Daxota Pablo perobi tatsi pona soldadomonaē pia bo tatsi beya.

Baxota Pablo perobi tsipaebatsi xua barapomonae Pablo bepa bexubichei. <sup>17</sup> Nexata Pablo waba pon xua romanomonae soldadomonaein pia pentacaponaein jiwana. Pablo namchi, jeye:

—Poye pewowin wuto caponde romanomonae soldadomonae pia bepa pentacaponaein tatsi beya, tsipei bapoyo diwesiyo xeina xua pet-sipaebiwa tsane, jei Pablo.

<sup>18</sup> Romanomonae soldadomonae pia pentacaponaein tatsi Pablo perobi tatsi capoinchi xua romanomonae soldadomonae pia bepa pentacaponaein tatsi beya. Bapon namchi, jeye:

—Pablo soldadomonae pia botha pecaein, bapon neitoroba xua pinae bepa caponaeinjei poye. Tsipei pinae xeina diwesiyo xua necatsipaebinxexa, jei bapon soldadomonae pia pentacaponaein tatsi. <sup>19</sup> Pablo perobi tatsi cobe pitatsi romanomonae soldadomonae pia bepa pentacaponaein tatsi. Bara natsixitabatsi aisowa beya. Bapoyo baraichichi, jeichichi:

—¿Jinya eta xua netsipaebichi? jeichichi.

<sup>20</sup> Nexata pewowin wuto jume nota romanomonae soldadomonae pia bepa pentacaponaeintha, jeye:

—Judiomonae pebraya nanta xeina xua bepa sawacaiei xua Pablo baya necaponaenexa pentacaitorobi bicheitotha. Bepa camuxitorobei. Bepa jeyei: ‘Panantawenonan pata tha Pablo yainyabichi ichawiyoy’, bepa jeyei barapomonae. <sup>21</sup> Ichitha jopa jume cowantsinde, barapomonae namtotha natsiyatsiya bobenapaeba pewaetabinexa tsainchi taxuyo. Barapo cuarenta po pebiwimonaeyobe natsiwanae yabara muxu duba Nacomtha xua bepa pinae jopa nabanae tsane yawa jopa apae tsane beya pinae poxonae tsane poxonae Pablo bexubinchi. Anoxuae barapomonae cajume cui ewata xua jam tsane: ‘Baya tsane Pablo pentacaitorobi bicheitotha itorobinan’, jam tsane, jei Pablo perobi tatsi.

<sup>22</sup> Nexata romanomonae soldadomonae pia bepa pentacaponaein tatsi barapoyo napeyabatsi. Pewowin wuto ponataba. Pewowin wuto baraichi, jeye:

—Ichantha jopa tsipaebinde xuaunxuae po diwesiyo netsipaebame, jei soldadomonae pia bepa pentacaponaein tatsi.

*Meje yabara poxonae soldadomonae pia bepa pentacaponaein tatsi Pablo itorobatsi Félix beya pon Judea nacuamonae pia peyanacua ewatsinchi*

<sup>23</sup> Romanomonae soldadomonae pia bepa pentacaponaein tatsi waba ainya pentacaponaeinbe. Bapon baraponbetha itoroba. Barai: “Soldadomonae pacui wunaerebe doscientos po soldado matabaxube pomonae xua petaxutha ponaena, iru setenta po soldado matabaxube pomonae xua cawayutha ponaena, iru doscientos po soldado matabaxube pomonae dejonan cajjincaena. Barapo bicheito daxita peponaenexa Cesarea tomara beya merawitha poxonae a las nueve tsuxubi. <sup>24</sup> Matautano pacui wunaerebe cawayu ayunbe xua Pablo peequeicaenexa tsane. Matautano paitorobarebe xua Pablo beta pecaponaenexatsi, xua asano Félix beya”, jei. <sup>25</sup> Bapon pia soldadomonae caitoroba carta. Barapo cartatha namchi, jeye:

<sup>26</sup> “Xan Claudio Lisias. Félix, ponxaem tacabaru cui itura jinaeinchi, cjacobatsi. <sup>27</sup> Pon anoxuae cata itorobatsi nexainya beya barapo pebin

waetabatsi, judiomonae waetaba. Muxu pebexuichi. Poxonae jume tan xua bapon romanomonaepin najainta daxota nainya soldadomonaē baru ponan bapoxonae bapon capanepan. <sup>28</sup> Tsipei tha yaputaetsi xua barapomonaē Pablo yabara paebatsi, daxota Pablo cuaranotan judiomonaē pia pentacaitorobi bicheithoſa tatsi. <sup>29</sup> Jume tan xua barapomonaē Pablo yabara paebatsi xua pinae bapon jopa exanaeyo icha be pocotsiwa barapomonaē pia peitorobi coyenewan tatsi paeba. Ichitha barapomonaē jopa xeinaeyo po coyene xua daxota Pablo pebexubinexatsi, xuano xua daxota jiwi pecubi botha peetsinexatsi. <sup>30</sup> Ichitha bapoxonae jume tan xua judiomonaē namuxuweta pebexubinexa tsainchi Pablo. Daxota Pablo nexainya beya itoroban. Tsipaeban judiomonaē pia pentacaitorobi bicheito tatsi. Janje: ‘Icha awiya Pablo pacui itawetsiname xua abe bapon exana —cabaraichi— bapon pia xainya beya paponare. Papaebare Félixtha baxua, pocotsiwa Pablo exana’, jan. Baja, Claudio”, jei barapo cartatha.

<sup>31</sup> Barapo soldadomonaē exana pocotsiwa xua bayatha itoroba pon romanomonaē soldadomonaē pia pepa pentacaponaein tatsi itoroba pon pewun Claudio. Barapo soldadomonaē barapo merawitha Pablo capoinchi Antípatris tomara beya. <sup>32</sup> Icha mataqueitha barapomonaē soldadomonaē pomonaē petaxutha pona, caibe nawibiya ichaxota tauncuatsi soldadomonaē pia bo beya. Pomonaē cawayutha pona awiya Pablo baru poinchi. <sup>33</sup> Soldadomonaē Pablo capoinchi Cesarea tomara beya. Barapomonaē soldadomonaē Félix catatsi barapo carta. Pablono baxota punaxubothopatsi. <sup>34</sup> Félix matha yoroba carta. Bapoxonae Pablo yainyabatsi, jeichichi:

—Pablo, ¿eta po nacua jitomda? jei.

Pablo jume nota, jeye:

—Bara Cilicia nacua piyon, jei.

<sup>35</sup> Félix namchi, jeye:

—Poxonae judiomonaē patsina, pomonaē xua abe cayabara paeba, bapoxonae cajume taeinchi xua tana netsipaebiwam tsane, jei Félix.

Bapoxonae Félix itoroba soldadomonaē xua Pablo yapucaenaēinchi ichaxota po botha peitupanae bo, po bo Herodes cuenta naxuba.

## 24

*Meje yabara poxonae Pablo Félix peitabaratha tatsi nayabara jume paeba*

<sup>1</sup> Icha matcabitha poxonae cinco po matcabibe tsuxubi, pebiwi pata Cesarea tomaratha. Ichun pewun Ananías. Bapon Ananías sacerdotemonaē pia pepa pentacaponaein tatsi. Iru pitiri jiwimonaeno pata. Iru pon xua petapaebeibin jiwi, pon pewun Tértulo bapon napatopa. Barapomonaē nacuara pata Cesarea tomaratha. Barapomonaē Félix peitabaratha taumeinchi, xua Pablo abeya peyabara paebinexatsi. <sup>2</sup> Poxonae Pablo carendenatsi, Tértulo Pablo abe yabara paebatsi. Félix baraichi, jeye:

—Félix, xam pon pana yanacua ewatame. Daxota juntema xanepanaya pajinompan. Maisa bara beta itorobiya canamataxeiname jiwi jinya neyaputae coyenewatha. Daxota xam beta exaname barapo nacuathe. <sup>3</sup> Félix, xam pon pata paca baru itura jinaeinchim, xua exaname yatsicaya wnae nawita barapo nacue nexa. <sup>4</sup> Jopa

ichichipaeinyo xua tacayatacutsiwatsi. Daxota catsipaebatsi xua saya caeto pana nejume taema xua pata paca catsipaebiwa tsainchi. <sup>5</sup> Anoxuae payaputan xua Pablo bichocono pana cui fayacota xua abe exana. Matautano bapon judiomonae cui tsacabatsi xua naceseba exanatsi daxita nacuantha. Matautano bapon, apara pomonae nazarenomonae barapomonae pia pentacaponaein tatsi, pomonae pecuidubi jiwi icha coyeneya pocotsiwa jopa xainyeyo. <sup>6</sup> Yawa Nacom pin pia bono tatsi juntucuru abe taexanatsino, poxonae juntucuru baru jonyatsi pon jopa judiomonae naexanaeyo Nacom pin pia botha. Daxota pawaetaban. Paxan paichichipan Pablo paperaxa exanan barompaya pata peitorobi coyenewa cuitha. <sup>7</sup> Ichitha soldadomonae pia pepa pentacaponaein tatsi, Lisias, daunweya pana wecobe maxu pitatsi Pablo. <sup>8</sup> Soldadomonae pia pepa pentacaponaein tatsi, Lisias, pana barai: ‘Pomonae Pablo abe jaintatsi moya Félix peitabaratha papaebare’, pana jei Lisias, jei Tértulo.

Tértulo equeicha namchi, jeye:

—Félix icha yainyabatsipame Pablotha metha bara yaputaetsipame xuaunxuae cabaraichichi. Xuaunxuae Pablo yabara paeban baxua xaniyan yatsicaya, jei Tértulo.

<sup>9</sup> Judiomonae, pomonae Tértulo puna poinchi namchi: “Tértulo bara xaniyei paeba”, jei. <sup>10</sup> Nexata Félix Pablo moya pecobetha jume itorobatsi. Bapoxonae Pablo Félix baraichi, jeye:

—Yaputan xua caena bayatha ainya wei xam naexaname pon jiwi neyabara paebin xua penatsicuentsiwa xua abe peexanaexae xua barapo tomarathe nexa. Daxota juntu coyene weiweinan xua tana nayabara paebiwa neitabaratha. <sup>11</sup> Icha yainyabame barapomonae, Jerusalén tomarapiwi, catsipaebichipa xua bayatha Jerusalén tomara beya ponan. Baxota ponan tsipei Nacom pin pia botha wuna ta-jainchinexa Nacom. Anoxuae petain doce matacabibe yapucaewan poxonae xua bayatha ponan bara beya. <sup>12</sup> Jopa jume matsontsonobeibinyo jiwi. Yawa jiwi jopa jume cui tsacabeibinyo xua anaepanaya penajume cayatsinexa. Baxuan jopa exanaeinyo Nacom pin pia botha. Matautano judiomonae pia penacaetutsi bontha tatsi, baxuan jopa exanaeinyo. Matautano tomaran pecuariyathan jopa baxuan exanaeinyo. <sup>13</sup> Pomonae paeba xua pinae abe exanan, barapomonae jopa jume capaetsi xua tana necui yopichiwa xua abe exanan. <sup>14</sup> Xaniwaicha catsipaebatsi xua xan Nacom tanacuitan pon tamo susato jiwi pia Nacom tatsi. Baraxua exanan xua jiwi cuiduban be pocotsi coyeneya xua paeba Jesús pia pena pecuidubiwa tatsi po pecuidubiwa judiomonae yabara nanta xeina xua pinae barapo pecuidubiwa jopa xainyeyo. Xan jume cowantan daxita Moisés pia peitorobi coyenewan. Matautano po diwesin Nacom pia peitorobi jume pepaebiwi tina, barapo diwesinno jume cowantan. <sup>15</sup> Xan barichindu, Nacom yabara baru jume cowantsiya ewatan icha barapomonae ichi xua po coyene pomonae pewerapaewi equeicha asu tsane, pomonae peajuntucoyenebe jiwi iru xua asu tsane pomonae pejuntu coyene xanepanae jiwino. <sup>16</sup> Daxota jopa najuntu coyene acaurinyo tsipei nayaputan xua Nacom beta taexanan. Jiwithano jopa najuntu coyene acaurinyo.

<sup>17</sup> “Ainya wei dapaein saya icha nacuantha poponan. Bapoxonae equeicha tatomara beya poponan, Jerusalén tomara beya. Patopan

baxota Nacom pin pia botha poxoru yaitama paratixi caponan xua tamona nexa po paratixi ichamona taitoroba. Matautano bara beyan xua baxotiya Nacom tatsi exanaenexa xua pocotsiwa be tacatsiwa Nacomtha, xua duwein tatautsiwa tsane. <sup>18</sup> Barapo coyenein awiya exanawiyen, bequein bayatha nenacui yabara jume weta exana po coyene xua daxota Nacom jopa tsitanyo xua taajuntucoyenebewan be pocotsi coyeneya xua judiomona itoroba. Bapoxona judiomona pomona Asia nacua weparena netaeba Nacom pin pia botha. Barapomona baxota necaxiba bequein poxona jopa jiwi namtsebiya wawaya exanaeinyo. <sup>19</sup> Pomona netane Nacom pin pia botha pomona Asia nacua werena pepatsiwi bewa dapomona xote patsi xua necatsipaebinexa tsane xua tana neyabara paebinexa tsane xua abe taexanaewa. <sup>20</sup> Icha barapomona jopa patsiyo pomona xote ena bu paeba. Barapomona netane poxona cain matha judiomona pia pentacaitorobi bicheito peitabaratha uncu. Barapomona bu catsipaeba, icha metha bara abe exanan poxona barapo pentacaitorobi bicheito peitabaratha tatsi uncu. <sup>21</sup> Saya u baxua exanan poxona peitabaratha uncu, bapoxona bichocono wawan. Janje: ‘Anoxuae poxona paxam pana neyabara paebame xua tanatsicuentisiwa xua abe taexanaewa paxam pananta xeiname xua abe exanan yaitama jume cowuntan xua pewerapaewi equeicha asu tsaibi tsane’, jan jei”, Pablo.

<sup>22</sup> Félix caena bayatha yabara yaputane Jesús pia pena pecuidubiwa tatsi. Daxota Félix cataunxuae abu jopa baxua yabara paebiyo pocotsiwa barapomona paeba. Daxota Félix namchi, bapomonaetha, jeye:

—Abu bexa pacatsipaebinchi, poxona soldadomona pia pepa pentacaponaein tatsi patopaena pon Lisias, bapoxona yabara paebin pocotsiwa Pablo exana, jei Félix.

<sup>23</sup> Nexata Félix itoroba soldadomona pia pentacaponaein tatsi xua soldadomona Pablo cataunxuae yapu eeniya pebaru jinompaenexatsi Herodes pia botha tatsi, bequein bara copata xua Pablo bara exanaena be pocotsiwa xua bapon ichichipa exana barapo botha. Matautano copatano xua Pablo bara pesiwa ponaenexatsi piamona xua piamona peyawenaenexatsi xua pocotsiwa nantawenona bapon.

<sup>24</sup> Icha matabitha pirapaeyo Félix piowabe patopabe. Petsiriwa pewun Drusila. Barapowa judiomonaewayo. Félix najume caitoroba ichantha xua Pablo pewabinexatsi Félix berena, matautano xua Pablo Félix yabara petsipaebinexatsi xua po coyene jiwi jume cowanta Jesucristo. <sup>25</sup> Pablo Félix tsipaebatsi xua pinae ainya cui xua jiwi beta yanthathiya jinompa icha be Nacom ichi xua beta yanthathiya popona. Matautano paebano xua pinae jiwi pia xoba abe exaneiba. Matautano namchino xua pinae caentacabitha tsane Nacom wabina daxita jiwi xua peyabara paebinexa xua penatsicuentisiwa xua abe peexanaexae barapo cae pin nacuathe. Félix najuntu coyene cabenaeca poxona jume tane baxua. Pablo tsipaebatsi, jeichichi:

—Jinya tutu beya bara ponde. Bexa equeicha cawabinchi icha ichawiyo jopa neenaeyo, jei Félix.

<sup>26</sup> Félix nanta xaina xua paratixi pecatsiwa tsainchi xua Pablo pecatsiwa tsane xua daxota Pablo pepu copatsinexatsi. Daxota memecabiya wabatsi Pablo. <sup>27</sup> Baraxua exana beya yaainya weibe jopa. Barapoxona Félix weta xua pon peyanacua ewatsin jiwi naexana barapo Judea



nacuatha, xua icha nacua beya pewarapaexae. Ichun Félix pecoutha tatsi tapatopatsi pon pewun Porcio Festo pon xuya pon peyanacua ewatsin jiwi naexana Judea nacuatha. Félix ichichipa xua peweyataewatsi xua judiomonaeweyataewa daxota Pablo jopa copatichi xua bara yatsicaewa pepu copatsiwatsi xua pepanepaewa tsane.

## 25

### *Meje yabara poxonae Pablo Festo peitabaratha tatsi tauncuatsi*

<sup>1</sup> Festo bara patopa xua penaexanaenexa pon peyanacua ewatsin jiwi. Poxonae acoibi po matacabibe weta Cesarea tomara weya pona, Jerusalén tomara beya pona. <sup>2</sup> Barapo tomaratha Jerusalén tomaratha sacerdotemonae pia pentacaponae tatsi iru judiomonaeno pomonae pentacaponaeuwino, barapomonae Pablo abeya cui yabara canantsipae-batsi. <sup>3</sup> Barapomonae Festo baraichi: “Bu painta ichamona Pablo Jerusalén tomara beya capoinchi”, jei. Barapomonae baxua Festo jeichichi, tsipei Pablo namtotha ewatabobenapaebatsi pebexubinexatsi. <sup>4</sup> Festo jume nota, jeje:

—Canta Pablo Cesarea tomaratha eca xua soldadomonae baru jinompatsi. Tha nama imoxoyo bara beya equeicha caibeya pon-aetsi. <sup>5</sup> Painyamonae jiwana pomonae pentacaponae moya bu barapomonae nepuna pona Cesarea tomara beya. Icha Pablo abe exana, metha moya baraxota Pablo jame be cui yabara paebichipatsi barapomonae, jei Festo.

<sup>6</sup> Festo cataunxuae Jerusalén tomaratha ocho po merawiyobe yapucaewa xua equeicha ainya dapaeyobe. Barapoxonae Cesarea tomara bewarapiya caibeya. Icha matacabitha Festo eca peequeibithopeibiwatha po tututha ichaxota yabara paebegueiba jiwi xua penatsicuentisiwa xua abe peexanaexae. Festo barai soldadomonae: “Painta caponde Pablo taxainya berena”, jei. <sup>7</sup> Poxonae Pablo patopa, judiomonaew imoxoyo umenarucupa pomonae Jerusalén tomara weparena. Barapomonae judiomonaew Pablo yacaincha matawaqueicha umenatsi. Barapomonae Pablo cui yabara paebatsi xua abe exana nawita. Ichitha xua barapomonae paeba jopa tsita itapeinya xeinaeyo xua apara bara xainyei pocotsiwa barapomonae paeba. <sup>8</sup> Nexata Pablo pia coya nayabara paeba, jeje:

—Xan jopa abe exanaeinyo. Jopa abe yabara paebinyo Moisés pia peitorobi coyene tatsi. Matautano Nacom pin pia bo jopa abe yabara paebinyo. Matautano jopa abe yabara paebinyo romanomonae itorobiya pia pepa peewatsinchi tatsi, jei Pablo.

<sup>9</sup> Festo bepara antobetsei judiomonaew. Daxota Festo Pablo yainyabatsi, jeichichi:

—¿Jinya ponaetsi Jerusalén tomara beya xua baxotiya cayabara paebinchichi nenatsicuentisiwa xua abe neexanaexae? jei Festo.

<sup>10</sup> Pablo jume nota, Festo jume notatsi, jeje:

—Xan uncuan peitabaratha tatsi pomonae pentacaponaeuwino, pomonae romanomonae itorobiya pia pepa peewatsinchi tatsi itoroba. Barapomonae pentacaponaeuwino bara itacupatsi xua barapo tomarathe tana neyabara paebinxua xua tana natsicuentisiwa xua abe taexanaexae. Jopa nantawenonaeinyo xua taponaeewa tsane Jerusalén tomaratha.

Xam bayatha beta yaputaneme xua jopa abe exanaeinyo judiomon-aetha. <sup>11</sup> Icha xaniwaicha abe exanan barapomonaetha, metha moya benebexubina. Jopa junuwinyo xua tatupaewa tsane. Ichitha icha jopa xainyeyo xua barapomonaeyabara paeba, metha nexata barapomonaeyo xua nebexubichipae. Tha nama warapaetsi romanomonaey itorobiya pia pepa peewatsinchi beya, tacoya nayabara paebichi, jei Pablo.

<sup>12</sup> Copiya matha Festo tsipaeba pejume yaweneibiwichi. Barapoxonae Festo, Pablo baraichi, jeye:

—Yaitama aunxuae siwa ponapaebame romanomonaey itorobiya pia pepa peewatsinchi tatsi, xua necayabara paebinxaxua nenatsicuentisiwa xua abe neexanaexae daxota moya ponaename bapon beya, jei Festo.

*Meje yabara poxonae Pablo uncuwa Agripa peitabaratha tatsi pon peyanacua ewatsin jiwi*

<sup>13</sup> Icha matabaitha Agripa, pon peyanacua ewatsin jiwi, bapon pona Cesarea tomara beya. Petsiriwa puna poinchi, bapowa pewan Berenice. Festo siwa poinchi Cesarea tomaratha iya. <sup>14</sup> Baraxotiya Agripa petsiriwano ainya matababin ecabe. Festo namchi Agripa, jeye:

—Xote eque pon cain Félix xubeta Cesarea tomaratha xua bapon pebaru jinompaenexatsi soldadomonaey. <sup>15</sup> Poxonae Jerusalén tomaratha ecan, sacerdotemonaey pia pentacaponae jiwi tatsi, pitiri jiwino, barapomonaey netsipaeba xua bepa pinaey Pablo itorobin xua petupaewa tsane. <sup>16</sup> Barapomonaey baran: ‘Barapocotsi coyene romanomonaey pan pata cui coyene. Paxan jopa pacopatsinyo xua ichun amanaya bexotsi. Jame copiya pomonaey xua abe yabara paeba ichuntha, barapomonaey bewa paebina bapon peitabaratha tatsi icha bara metha bapon xaniwaicha abe exana. Bapoxonae bapon pia coutha beya nayabara paebichipa xua barapomonaey paeba’, jan. <sup>17</sup> Daxota poxonae barapomonaey pata xote, jopa be bayathinyo yaitama. Daxota baya caena nainya ecoundecan, po tututha yabara paebequeiban jiwi xua penatsicuentisiwa xua abe peexanaexae. Itoroban soldadomonaey xua Pablo pecaponaenexatsi taxainya berena. <sup>18</sup> Xan nanta xeinan xua Pablo bichocono abe exana. Ichitha poxonae barapomonaey asiya umena peyabara cueicueijeinxaxua tsainchi, Pablo jopa paebiyo po diwesi xua daxota tananta xeinaenexaxua Pablo bara abe exana cou. <sup>19</sup> Pocotsiwa xua Pablo yabara cueicueijeichi, saya xua apara pia pejume cowantsiwa tatsi yabara, matautano xua Pablo peyabara cueicueijeixae pebin pon Jesús baraichi, xua pinaey equeicha asu poxonae tupa. Seicaya nama barapomonaey paeba xua pinaey bapon apara tupa, xua equeicha jopa asuyo. <sup>20</sup> Jopa yaputaeyinyo xua baxua exanan xua Pablo abe yabara paebatsi. Daxota copiya matha Pablo yainyaban, janje: ‘¿Xam, jinya ponaetsi Jerusalén tomara beya xua baraxotiya cayabara paebinchixua nenatsicuentisiwa xua abe neexanaexae?’ jan. <sup>21</sup> Ichitha Pablo dapo jumetha netsipaeba xua bepa ponaey Augusto beya, romanomonaey itorobiya pia pepa peewatsinchi beya, pon xua bepa pinaey yabara paebinchixua penatsicuentisiwa xua abe peexanaexae. Daxota itoroban soldadomonaey xua Pablo abu pebaru jinompaenexatsi soldadomonaey, beya abu poxonae necui jupa xua itorobin pontha pon romanomonaey itorobiya pia pepa peewatsinchi, jei Festo xua Agripa tsipaebatsi.

<sup>22</sup> Nexata Agripa Festo baraichi, jeye:

—Tha bequein iru jume taetsiru Pablo, jei Agripa.

Agripa jume notatsi, Festo jume nota, jeye:

—Metha moya baya tsane jume taename, jei Festo.

<sup>23</sup> Bara icha matabitha Agripa iru Berenice patopabe. Papatuwa peitupanaewa nama xatatabe. Agripa pinmonae baru pata, soldadomona pia pepa pentacaponae wi tatsino, iru Cesarea tomara pia pentacaponae wino. Barapo bicheito Agripa baru pona. Festo itoroba soldadomona xua Pablo pecarendenaenexa tsainchi. <sup>24</sup> Festo barai, jeye:

—Agripa, xam pon neyanacua ewatsin jiwi, iru pomona pecanamataxeinae jiwi pamdu. Bapon xote uncue Pablo. Daxita judiomona iru Jerusalén tomarapiwi, iru Cesarea tomarapiwi, daxita barapomona Pablo jume yabara paebatsi xua pinae abe exana. Matautano barapomona neitoroba nawita xua bepa pinae Pablo itorobin xua petupaewa tsane. <sup>25</sup> Ichitha xan saya tacoya nanta xeinan be jopa neichichi abe exanaeyo, poxona ne jume nota, poxona tsi-paeban. Daxota jopa becaenaetaxubinyo xua pebexubiwa tsainchi. Ichitha Pablo netsipaeba xua bepa ponaei romanomona itorobiya pia pepa peewatsinchi tatsi beya, pon pewan Augusto, tsipei bepa pinae yabara paebichi xua penatsicuentiwa xua abe peexanaexae. Daxota yabara najuntu coyene wetan xua bapon Pablo taitorobiwa tsane bara beya. <sup>26</sup> Yaitama bapon jopa abe exanaeyo, jopa yaputaeyo xua eta be tajumichiwa tsane barapo cartatha poxona Pablo itorobin xuano xua cartano cayabara cui pu catsin bara beya. Daxota anoxuae Pablo painya itabaratha cuaranotan. Xam Agripa, pon neyanacua ewatsin jiwi, moya matha copiya yainyabare Pablo, tsipei tha beta cui yabara tatinaetsi bara beya pontha pon romanomona itorobiya pia pepa peewatsinchi. <sup>27</sup> Tsipei inta jopa xanepanaetsipae icha itorobichipan Pablo pon pewaetabinchi icha jopa yabara paebinchipae xua pocotsiwa bapon peexanaexae, jei Festo xua Agripa tsipaebatsi.

## 26

*Meje yabara poxona Pablo pia coutha cuita paeba, Agripa peitabaratha tatsi, pon peyanacua ewatsin jiwi*

<sup>1</sup> Bara nexata Agripa Pablo baraichi, jeye:

—Icha jinya paebichi, moya taema, jei.

Barapoxona Pablo namaxu yoicha xua Agripa jacobatsi. Bapoxona namchi, jeye: <sup>2</sup> “Agripa, pon neyanacua ewatsin jiwi, maisa bichocono juntu coyene weiweinan, xua anoxuae neitabaratha tana nayabara jume paebixae tsane pocotsiwa bayatha neyabara paeba judiomona po coyene xua pinae abe exaneiban. <sup>3</sup> Poxoru yaitama, xam Agripa, bayatha yaputaneme pata juntu coyenein pomona judiomona panxaein. Yaputanemeno baxuan xua pana najume matsontsonoban. Daxota cabaraichi xua saya beta ne jume taema xua jopa aitaconaeinde”, jei Pablo.

*Meje yabara poxona Pablo nayabara paeba, poxona pinae cataunxuae jopa jume cowantsiyo Jesús*

<sup>4</sup> Equeicha Pablo namchi, jeye: “Daxita judiomonaē barapomonaē neyaputane xua poxonaē pexuyon, poxonaē caena bayatha pia xantha tatsi poponan xua tanacuaxae. Barichino neyaputane poxonaē Jerusalén tomaratha poponan. <sup>5</sup> Icha yainyabatsipame barapomonaē, yabara catsipaebichipa pocotsiwa exaneiban xua fariseomonaē pocotsi jantū coyene cuidubeiba, pocotsiwa judiomonaē cuidubeibatsi, tsipei xan fariseomonaēpin. Daxita barapomonaē yaputane xua caena bayatha jume cowuntan daxita pocotsiwa xua barapomonaē itoroba. Fariseomonaē itapeta cuita exaneiba pocotsiwa Nacom itoroba beyacaincha ichamonaē xua exaneiba. <sup>6</sup> Judiomonaē necapona xote tsipei saya poxoru yabara wūnaē ewatan xua bexa Nacom asū exanaena pomonaē xua werapa. Baxua pinaē Nacom wamo susato jiwi yabara tsiwūnaē muxu dutatsi. <sup>7</sup> Patamonaē pomonaē Israel nacuamonaēpiwi pomonaē xua doce pomonaē bicheitobe, baxua yabara jume cui wūnaē ewata poxonaē petūpaewi equeicha asū exanaeinchi, xua poxonaē Nacom exanaena. Daxota barapomonaē Nacom wūnaē jainteibatsi. Matautano itapeta exana pocotsiwa Nacom itoroba, merawithano, mat-acabithano. Xam Agripa pon neyanacua ewatsin jiwi catsipaebatsi baxua tayabara jume cowuntsixaerū, daxota judiomonaē neyabara paeba xua pinaē abe exanan. <sup>8</sup> Painya xoba pananta xeiname xua Nacom jopa itacūpaetsi xua equeicha jiwi asū peexanaewatsi pomonaē xua werapa”, jei Pablo.

*Meje yabara poxonaē Pablo nayabara paeba xua pinaē copiya abe exana nawita pomonaetha pomonaē pejume cowuntsiwichi Jesús*

<sup>9</sup> Equeicha Pablo jeye: “Xan copiya tacoutha nanta xeinan xua bewa bichocono abe exanaein pomonaetha pomonaē Jesús pejume cowuntsiwichi pon Nazaret tomarapin. <sup>10</sup> Jerusalén tomaratha baxua exanan. Sacerdotemonaē pia pentacaponaewi pia peitorobi coyenewa necata xua daxota tana necui jūpaewa xua jiwi tacaponaewa jiwi pecūbi botha. Pinmonaēcai caponan, pomonaē Jesucristo pejume cowuntsiwi. Xan yabara jume jejan xua barapomonaē pejutewiatsi. <sup>11</sup> Anaya caenaetan, peraxa exananno poxoru ichipan xua barapomonaē pentsina xua Jesús pejume cowuntsiwatsi. Ū baxua exanan. Daxita judiomonaē pia penacaetutsi bontha tatsi exananno. Bichocono anaepanan. Daxota icha nacuantha ponan tajeichinexa pomonaē pejume cowuntsiwichi Jesús xua barapomonaē abe taexanaenexa”, jei Pablo.

*Meje yabara poxonaē equeicha Pablo nayabara paeba poxonaē pinaē jume cowunta Jesús*

<sup>12</sup> Equeicha Pablo namchi, jeye: “Barichi sacerdotemonaē pia pentacaponaewi tatsi pia peitorobi coyenewa necata xua daxota tana necui jūpaewa xua taponawa Damasco tomara beya, xua pomonaē jume cowanta Jesucristo tacaponaenexa tsane Jerusalén tomara berena. <sup>13</sup> Xam pon neyanacua ewatsin jiwi bara xaniwaicha catsipaebatsi poxonaē namtotha paenaponan poxonaē mateinyaxae tsuxubi pecoicha tan xua peitaboco wejopeica, pin coicha po coicha beyacaincha xua xometo. Barapo coicha pomonaē nepuna pona nebarū matawacaicha matatsun uncueica. <sup>14</sup> Nexata daxita iratha paothopan. Jume tan xua pon hebreo jumetha nebarai, jeye: ‘Saulo, Saulo, zeta xua tamonaē inta abe exaname? Poxonaē tamonaē peraxa exaname, apara

jinya coutha atene nacana exaname icha be buey ichi poxonaе ba pia coutha xua xota sojei nataxu matababa', nejei. <sup>15</sup> Nexata jume notan janje: 'Pon jiwi Necanamataxeinaem, ¿jintam xamda?' jan. Ne-jume nota jeye: 'Apara bara xan, Jesús ponxaein inta abe exaname tamonaе pomonaе tana nejume cowantsiwi. <sup>16</sup> Nontaponde. Xua anoxuae necotame catsita naitatatsi. Apara tha tana nejume yopichim. Matautano bexano equeicha ichawa necotsiname tana neyabara pae-binexam tsane baxuanno. <sup>17</sup> Cacui itorobatsi xua Nacom Pejume Diwesi necueicueijamnexam. Nexata cacapanepaeinchi poxonaе jun-tucuru caperaxa exana judiomonaе iru pomonaе jopa judiomonaе naexanaeyo. <sup>18</sup> Caitorobatsi judiomonaetha iru pomonaetha pomonaе jopa judiomonaе naexanaeyo xua jopa equeicha pejinompaenexa poxonaе jopa jume cowantsiyo. Matautano caitorobatsi xua barapomonaе jopa peexanaponaenexa pocotsiwa caurimonaе pia pentacaponaein tatsi itoroba, pon Satanás, jame meisa peexanaenexa pocotsiwa Nacom itoroba. Matautano caitorobatsi xua barapomonaе tana nejume cowantsinexa. Bapoxonaе yabara juntemainaein barapomonaе abe pia peexanaе cuiru coyenein tatsi, matautano xua pexeinaenexa pocotsiwa Nacom yabara tsiwanaе muxu duba', nejei Jesús", jei Pablo.

*Meje yabara poxonaе Pablo exana pocotsiwa Nacom itoroba poxonaе tsita naitatatsi namtotha*

<sup>19</sup> Equeicha Pablo namchi, jeye: "Agripa, xam pon neyanacua ewatsin jiwi, xan jopa jumefebinyo xua Jesús neitoroba poxonaе itaboco wenetsita naitatsica xua namtotha netsita naitata poxonaе pecoichatha jume tan xua Jesús netsipaeba. <sup>20</sup> Copiya matha Damasco tomarapiwi tsipaeban Nacom Pejume Diwesi. Bapoxonaе equeicha barapo diwesi tsipaeban Jerusalén tomarapiwi. Bapoxonaе equeicha daxita Judea nacua-monaepiwi barapo diwesi tsipaebanno. Iru pomonaetha pomonaе jopa judiomonaе naexanaeyo tsipaebanno. Barapo diwesi tsipaeban xua barapomonaе icha juntu coyenein pexeinaenexa, yawa Nacom pe-jume cowantsinexatsi, matautano xua barapomonaе petsita itapeinya xeinaenexa jiwitha xua bara Nacom jume cowantatsi xua beta peexanaexae. <sup>21</sup> Daxota judiomonaе newaetaba poxonaе Nacom pin pia botha patopan yawa bepa nebexubei. <sup>22</sup> Ichitha Nacom neyawena. Daxota awiya Nacom Pejume Diwesi paeban bichocono daxita i dapomonaeintha pomonaetha pomonaе pepawi jiwi iru poponaethano pomonaе peainya cui jiwi. Baraxua saya meisa paeban be pocotsi coyeneya matha juinya Moisés yabara wunaе tsiwanaya paeba iruru be pocotsi coyeneya matha juinya Nacom peitorobi jume pepaebiwi yabara wunaе tsiwanaya paeba. <sup>23</sup> Barapomonaе tsipaeban po diwesi yabara xua pinae bexa Mesías peraxa exanaeinchi ichamonaе. Matautano bapon pinae pon xua copiya pomonaе pewerapaewi asu nanta caexanaeinchi. Matautano xua pinae judiomonaе iru pomonaе jopa judiomonaе naexanaeyo yabara yaputane exanaeinchi pecapanenebiyae diwesi jume", jei Pablo xua Agripa tsipaebatsi.

*Meje yabara poxonaе Pablo paeba Jesús pejume diwesi Agripatha xua Agripa pejume cowantsinexa*

<sup>24</sup> Poxonaе baraxua Pablo najume weta xua nayabara jume paeba, Festo jume daunweya wawai, jeye:

—¡Pablo, maisa cantsiyaibecca poxoru saya ɯ necuidubi daxota cantsiyaiba! jei Festo.

<sup>25</sup> Pablo jume nota, jeye:

—Festo ponxaem tacabarɯ cui itura jinaeinchi, jopa nentsiyaibiyo apara. Xuaunxuae paeban, apara seicayarɯ xua xaniwaicha paeban xua bara apara pexainyeiwa. <sup>26</sup> Ee taema, Agripa, pon pepa peyanacua ewatsin jiwi pon xote eque. Bapon yaputane xua xaniwaicha paeban. Bapontha jopa junuwinyo xua tsipaeban. Xuaunxuae catsipae-batsi bapon baxua daxita yaputane poxoru jopa namicha exanaeinyo. <sup>27</sup> Agripa, xam pon neyanacua ewatsim jiwi. ¿Jume cowantame pocotsiwa Nacom pia peitorobi jume pepaebiwi paeba? Bara yaputan xua bara jume cowantame, jei Pablo.

<sup>28</sup> Agripa jume nota, Pablo jume notatsi, jeye:

—Saya caeto netsipaebame. Saya barapo jumetha nanta xeiname xua xan nainya jume cowantsinan Jesús, jei Agripa.

<sup>29</sup> Nexata Pablo namchi, jeye:

—Xua caeto paca tsipaebatsi yawa icha matowa paca tsipaebatsi bara ba Nacomtha pacata wɯcatsi xam nexa, irɯ pomonae nexa, pomonae nejume tane painya nejume cowantsinexam tsane Jesús. Ichichipan xua painya neexanaewa icha ichin xua tajume cowantsiwa, bara bequein jopa ichipaeinyo xua painya nemaxɯtha painya nexainaewa jiwi pecubi nainto be pocotsi nainto xuaunxuae tamaxɯtha ducua, jei Pablo.

<sup>30</sup> Poxonae Pablo najume weta baxua, Agripa pon peyanacua ewatsin jiwi irɯ Berenice asiya uncuatababe. Irɯ Festo pon peyanacua ewatsin jiwi asiya uncuataba. Pomonae irɯ ena asiya umenarɯcɯpa. <sup>31</sup> Aisowa be-iyiya barapomonae natsipaeba, najei:

—Barapon Pablo jopa apara abe exanaeyo po coyeneyatha xua daxota bapon pebexubinexatsi, mataɯtano po coyeneyatha xua daxota bapon jiwi pecubi botha peetsinexatsi, najei barapomonae.

<sup>32</sup> Agripa tsipaeba, Festo baraichi, jeye:

—Icha metha jopa naca wɯcaetsipae Pablo xua peponaewa tsane pontha pon romanomonae itorobiya pia pepa peewatsinchi xua baxotiya peyabara paebinxatsi penatsicuentisiwa xua abe peexanaexae metha pu copatsipatsi xua bara pepanepaewa tsane yatsicaewa, jei Agripa.

## 27

### *Meje yabara poxonae Pablo Roma tomara beitorobiyatsi*

<sup>1</sup> Barapomonae najuntɯ coyene weta xua pata taneitorobiwa Italia nacua beya. Pablo irɯ ichamonaerɯ pomonae peteiquebiwichi daxita barapomonae itorobatsi Roma tomara beya. Pon barapomonae matacapoinchi bapon pewɯn Julio, pon soldadomonae pia pentacaponaein tatsi. Barapo matabɯxɯyo soldadomonae bicheito wɯn dutatsi “Augusto soldado bicheito”, jei, poxoru barapo soldadomonae Augusto tanacuitatsi, pon romanomonae itorobiya pia pepa peewatsinchi. Barapo soldadomonae Pablo irɯ ichamonaerɯ caponatsi Augusto beya. <sup>2</sup> Pepa weranaetha pawarapan, po nae Adramitio tomara werena pona. Barapo nae equeicha Asia nacua beya ponaena. Po tomaraxi pitapatha ena barapo tomaraxi bepa siwa ponaei. Ichɯn pana cuyata. Bapon pewɯn Aristarco Tesalónica tomarapin. Barapo tomara Tesalónica tomara eca Macedonia nacua. <sup>3</sup> Icha matabitha Sidón

tomaratha papatan. Baraxota barapon Julio, Pablo baru jume wanaetsi. Matautano bapon Julio, Pablo copatatsi xua bara Pablo piamonae pesiwa ponaewa tsainchi, xuano xua bara Pablo peyawenaenexatsi xua xoxi nantawenona. <sup>4</sup> Bara Sidón tomara wewarapiyan weratha. Bara weratha paenaponan joibo cuiyainwa Chipre tunaeto pantawaqueban, yaitama bichocono pin joibo dena ichaxoyo copiya payiyan. <sup>5</sup> Bara mar mene iya paenaponan, Cilicia nacua, Panfilia nacuano imoxoyo pacaquita enaponan. Bapoxonae Mira tomaratha papatan, po tomara Licia nacuatha eca.

<sup>6</sup> Baraxota pon soldadomonae pia pentacaponaein tatsi bapon icha nae taeba baraxota. Barapo nae Alejandria tomara werena pona. Barapo nae iru seicaya Italia nacua beya ponaena. Barapo naetha equeicha Julio pana baru iya Italia nacua beya. <sup>7</sup> Ainya maticabin saya bewayo paenaponeiban, poxoru yaitama joibo jera caewa carena tsaiibi. Gnido tomara paxenta enaponan. Salmón tomarano paxenta enaponan. Creta tunaetono pantawaqueban. <sup>8</sup> Bewayo weratha paenaponan, pitapa pacaquita enaponan. Tomaratha papatan ichaxota pexutoroto. Baxota pajebounan, po tomara pewan Buenos Puertos. Barapo tomara imoxoyo eca ichaxota Lasea tomara.

<sup>9</sup> Baraxota came awiya ainya maticabin paenan. Bayatha yapu caewa barapo maticabin poxonae barapomonae warapapaeba barapo maticabitha xua pin mene mara mene iya. Tsipei imoxoyo awabo tsurucuae tsoponae, daxota Pablo nanta xeina xua icha metha paponatsipan, panacabetsipan. Daxota barapomonae Pablo muxuweta. <sup>10</sup> Pablo namchi, jeye:

—Pebiwī pam, pana nejume taema. Ichaunxuae warapaeinchi methaunxuae nacabetinchi. Matautano methaunxuae weranae abe exanaena. Matautano xoxino xua capoinchi methaunxuae napentsina. Matautano jiwi methaunxuae napentsina, jei Pablo.

<sup>11</sup> Ichitha soldadomonae pia pentacaponaein tatsi, bapon Julio, jopa jume naitomatsiyo xua Pablo tsipaeba. Ichitha dapo jumetha saya meisa pon jera pecanamataxeinaein iru pon jera pexeinaein, baponbe itapeta jume naitomatatsibe. <sup>12</sup> Barapomonae nanta xeina, xua baraxota jopa beenaeyo poxoru barapo tomara jopa cui wanaeyo xua jera peboacaewa poxonae awabo pin joiboxae. Pinmonae barapomonae jiwana tsita xanapanatsi xua Buenos Puertos weya pewarapaenexa jeratha Fenice tomara beya, po tomara eca Creta tunaetotha. “Methaunxuae tsiwanaya payaeinchi penacabetsi awabo, joibono”, jei. Barapo tomara cui wanae xua ichaxota jera jebouneiba. Baxota joibo yayapa poxoru tomara naita cafeteca, poxoru joibo jopa patopaeyo pocotsiwa wetsica yawa pocotsiwa wetsina. Baraxota bepa enaei poxonae awabo tsuxubi.

*Meje yabara poxonae maratsaca daunwei pepa mar mentha*

<sup>13</sup> Nexata bewayo joibo tsuncuae, be pocotsiwa parowa wejopeina. Daxota barapomonae namchi: “Bu poinchi cataunxuae saya tsiqui joibiyo”, jei. Bapoxonae totabiya jera. Barapo Creta tunaeto imoxoyo pitapa pacaquita enaponan weratha. <sup>14</sup> Poxonae saya caeto paenaponan bapoxonae pin joibo pana epa taepona, Creta nacua tunaeto wejoparena. Jera epa yutaba. <sup>15</sup> Nexata joibo jera muxunenababa. Canta joibo nawita, daxota jopa paponaeinyo joibo beya. Daxota saya pacopatan xua saya bara joibo pana yanacaputabiyaenaba. <sup>16</sup> Cauda

tunaetiyo bepana yanacaputabiya. Baraxota ichaxota joibo yayapa, tsica naeyo jeriyo po naeyo paquetoutan, pajontaxuinan pepa naetha. <sup>17</sup> Panacuitontan xua pajonta xuinan. Barapo naeyo pepa jeratha pacutabotan. Nexata jera penacuichiwi pepa bamacantha pema wemaxuburu capabina, maxuburu babataruba xua pewacatabiyainwa joibo. Nexata barapomonaе bichocono junuwa poxoru nanta xeina xua mexeya itara jera naxatabawei taetabotha, po taetabo pewun Sirte. Daxota wera jontabota jeratha. Saya jera caputabiya joibotha. <sup>18</sup> Icha matabitha came awiya maratsacan bichocono daunwei. Daxota ichawan mentha bebai xua xuan capona. <sup>19</sup> Icha matabitha daxota pabeban xua jeratha jeba tsipei ichichipa xua tafafanatsi. <sup>20</sup> Ainya matabin came awiya jopa panecotsinyo xometo. Opiteino jopa panecotsinyono. Pajunuwan. Pananta xeinan: “Metha aparaunxuae jopa nacapanenebiya tsainchi. Bunothopaeinchi aunxuae”, pajan.

<sup>21</sup> Ainya matabin pana yapu xenaca xua jopa panabanaeinyo. Pablo nontapona. Barapomonaе baraichi, jeye:

—Bara bayatha paca tsipaebatsiba: ‘Creta tunaeto beya, jopa pawara-paeinde’, paca baraichiba. Dametha equeicha pawarapame. Daxota aunxuae jera abe exana. Matautano pananta puxanameno xuaunxuae pabebam xoxi pacaponame. <sup>22</sup> Ichitha saya jopa pajunuwinde. Jopa pajiwana tupaem tsane, bequein meisa jera naxubina. <sup>23</sup> Merawi matatsunpin netsita naitata. Barapo matatsunpin Nacom itoroba pon Tanacom xuano xua taexanaexae pocotsiwa bapon neitoroba. <sup>24</sup> Barapo matatsunpin nebarai: ‘Pablo jopa junuwinde poxoru bexa tsane romanomonaе itorobiya pia pepa peewatsinchi pon Augusto, peitabaratha tatsi uncuaename. Daxota pomonaе xua napona cata capanepatsi Nacom’, nejei matatsunpin. <sup>25</sup> Daxota, paxam pana najuntu coyene tsacabare, poxoru xan nanta xeinan xua pocotsiwa matatsunpin netsipaeba bara baxua exanaena. <sup>26</sup> Ichitha petunaetotha naca mon-apentsina, jei Pablo.

<sup>27</sup> Poxonaе catorce po matabibе tsuxubi, barapoxonaе mar mene pacaxiban. Barapo pepa mar mene pewun Adriático mene. Barapo mentha joibo pana yana muxunenababa. Merawi papaetha, pomonaе petanacuichiwi barapo naetha, barapomonaе nanta xeina xua imoxoyo ira itiya pona. <sup>28</sup> Barapomonaе mene epa tutu canaumbareca. Treinta y seis po ma epatiyobe xeina xua iratha deca. Caeto equeicha mene epa tutu canaumba, baxota veinte y siete po ma epatiyobe xeina xua iratha deca. <sup>29</sup> Barapomonaе pejunuwixae xua jera tofotabina poxonaе yutabina ibowantha, daxota barapomonaе po nainto arewe, xua jera duntaba exanaduta petafe xoreca. Cuatro po naintobe xoreca peruntaba exanadutsinexa. Matautano barapomonaе Nacomtha waca xua xometo pentha tsane, penecotsinexa tsane. <sup>30</sup> Pomonaе petanacuichiwi barapo naetha barapomonaе nanta xeina xua perucpaewa. Daxota barapomonaе naemata po nainto arewe dureca pebuxureca. Ichitha tsiqui naeyo mentha durecano, poxoru pia namicha ducpaetsi barapo naeyo. <sup>31</sup> Pablo barai Julio, pon soldadomonaе pia pentacaponaein tatsi, xuano baraino soldadomonaetha, jeye:

—Icha pomonaе petanacuichiwi barapo naetha icha jopa enae tsane barapo pin naethe, jopa Nacom capanenebiyae tsane, jei Pablo.

<sup>32</sup> Daxota soldadomonaе jeriyo ma ucuiba. Jeriyo mentha jopeica.



<sup>33</sup> Poxonae caemambo, Pablo pijiwimonae jain itoroba. Pablo pijiwimonae barai, jeye:

—Bayatha dos po semanabe painya junuwi jopa bichocono panabanaem poxoru pajunuwame xua pabunothopame. <sup>34</sup> Daxota pin jumetha paca jeichichi. Moya matha paxaema tsipei baxua ainya cui xua painya nenacapanenebiyaenexam. Bara caein jopa napuxanae tsane. Matautano jopa caentanatiyo aichurucuae tsane.

<sup>35</sup> Poxonae Pablo najume weta, pecobetha pan pita, Nacomtha tsipaeba barapomonae peitabaratha tatsi. Barapoxonae pan epa janaxuba. Bapoxonae xane. <sup>36</sup> Bapoxonae barapomonae najuntu coyene tsacabarucupa. Matautano barapomonae daxita juntea nabanerucupa. <sup>37</sup> Jerapiwi doscientos setenta y seis po matabuxumonaebe pan xua daxita pan. <sup>38</sup> Poxonae barapomonae najain wetarucupa, daxita barapomonae trigo xu bebai pepa mentha poxoru bepa jera tafafanaetsei.

### *Meje yabara poxonae jera bunareca*

<sup>39</sup> Poxonae xometo baya pentha tsina, pomonae petanacuichiwi barapomonae jopa yaitaeyo ira, po iratha muxu pepatsi. Poxonae barapomonae pexutoroto tane, barapomonae nanta xeina xua juntucuru jebounaena taetabo itapatha. <sup>40</sup> Daxota barapomonae nayana mu ucuiba, xua po nainton arewe mene burpana bobendeca. Po catenano pecabobotsi catena, barapo catenano isanaxoreca. Nexata paparuwa duta wera naetotha. Barapo wera pebuxutha duta. Jera nainya cacuita caputabiya ira. <sup>41</sup> Ichitha barapoxonae barapo nae ichaxota tsewa tuwutha naxatatabarena. Buxu naxatatabuncua bichocono. Petafe fotaba maratsacatha.

<sup>42</sup> Soldadomonae bepara jutebei pomonae peteiquebi jiwichi, tsipei poxonae mentha othopaena mexeya itara ducupaenawei. <sup>43</sup> Ichitha soldadomonae pia pentacaponaein tatsi, bapon Julio, ichipa xua Pablo asu popona. Daxota Julio jopa yabara jume copatsiyo xua jutebinchi pomonae peteiquebi jiwichi. Bapoxonae Julio itoroba pomonae yaputane xueiba, copiya pepatsinexa tsane pepa iratha. <sup>44</sup> Pomonae xua jopa xueibiyo napaewan cobena xueibiya. Matautano barapo jera pepan cobena xueibiya. Daxota daxita panenebiya pepa iratha.

## 28

### *Meje yabara poxonae Pablo Malta tunaetotha patopa*

<sup>1</sup> Poxonae po tunaetotha papanenebiyan ichamonae pana tsipaeba: “Apara Malta tunaeto”, jei. <sup>2</sup> Malta tunaetopiwi beta pana matenta weiweinaya waba. Bichocono ema duna. Ema pana atsana. Aqueno. Daxota barapomonae pin isoto itutaeta. Bapoxonae barapomonae pana waba: “Antha panonopenare”, jei. <sup>3</sup> Pablo isoton nota po isoton tsewa. Poxonae barapo isoton pepa isototha bebebeya, barapo isotontha jomo athabe jopeina poxoru bichocono atou. Pablo cobe sinaducuatsi barapo jomo. <sup>4</sup> Malta tunaetomonaepiwi, Pablo cui tainchi xua jomo cobe sinaducuatsi. Barapomonae nantiya natsipaeba, najei: “Barapo pebin apara pon jiw pejutebin. Bequein panepa pepa mar mentha ichitha barapo nacom, po nacom pewan Justicia, bapon itoroba jomo pesinarucuaenexa tsainchi, xua bapon jopa pepoponaenexa tsane”, jei barapomonae.

<sup>5</sup> Ichitha Pablo nacobe nanataba jomo isototha. Saya axaibi tsuncuae Pablo. <sup>6</sup> Daxita barapomonaе Pablo cui necotumeinchi xua cobe put-sunanaya yawa icha iratha jopiyaena petupaein. Bayatha cui wenaewa-tumena. Poxonae baxota jopa daichiyo, daxota equeicha ichawa nanta xeinarucupa: “Metha moya bara Pablo nacom tsecae”, jei bapomonaе.

<sup>7</sup> Ichaxota isoto, baxota ainya iran bobena Malta tunaeto peewatsin, bapon pia iran tatsi. Bapon, acoibi po matabibibe beta pexaewa pana apata. Baxota yawa pamaitenan. Bapon pewan Publio pon iran pata tan. <sup>8</sup> Publio paxa tatsi camatha boca. Domaebatsi. Suibatsino. Pablo barapo tutu bejoniya ichaxota bapon boca. Bapoxonae Pablo cobe jayabiya tsipaeba Nacomtha. Bara bapon axaibi tsanaya. <sup>9</sup> Poxonae baraxua exana Pablo, daxita Malta tunaetomonaе, pomonaе peatenewi, baxota pata. Iru Pablo axaibi exanaru daxita barapomonaе. <sup>10</sup> Malta tunaetomonaе pana baru cui itura jina nawita. Bapoxonae poxonae equeicha pawaraparucupan jeratha, pana nepu catsiba xua xoxi pata nantawenonaenexa poxonae weratha pawarapan.

*Meje yabara poxonae Pablo Roma tomaratha patopa*

<sup>11</sup> Poxonae acoibi po xometiyobe payapucaewan barapo Malta tunaetotha, barapoxonae pawarapan. Pawarapan weratha po naetha po nae barapo Malta tunaetotha ayawabo tsuncuae. Barapo nae Alejandria tomara werena peponae nae. Barapomonaе barapo naetha petafetha cuareta naewiyo be jityonyobe. Saya canaxoba pia nacombe. Icha nacom pewan Castor. Icha nacom pewan Polux. <sup>12</sup> Siracusa tomaratha pajebounan. Barapo tomaratha acoibi po matabibibetha paenan. <sup>13</sup> Barapo tomara wewarapiyan, Siracusa tomara weya. Bapoxonae Regio tomaratha papatan. Icha matabibitha joibo wexubiye Puteoli tomara bepana yanacaicha ainya merawibe. Baxota papatan Puteoli tomaratha. <sup>14</sup> Baraxota pacaxiban pomonaе iru pejume cowantsiwichi Jesus. Barapomonaе pana waba: “Cae semanatha pana baru enare”, jei. Bapoxonae equeicha Roma tomara bewarapiyan. Pecaе payiyan. <sup>15</sup> Pomonaе iru pejume cowantsiwichi Jesus, Roma tomaramonaepiwi, cou pana yabara jume tane xua imoxoyo papatan. Daxota cou ichamonaе pana siwa dendena pecaerena. Foro de Apio tomara beparena. Ichamonaе Tres Tabernas tomara beparena pia pana taetsi. Poxonae Pablo barapomonaе tane, Nacomtha tsipaeba. Pablo juntu coyene sadujei xua jantema pepoponaewa poxonae tane pomonaе pejume cowantsiwichi Jesus. <sup>16</sup> Poxonae Roma tomaratha papatan, soldadomonaе pia pentacaponaein tatsi, copata xua Pablo bara saya pepoponaenexa icha botha, xuano xua saya caein Pablo peyapu eenaenexatsi soldadomonaepin.

*Meje yabara poxonae Pablo Nacom pexeinya jume diwesi paeba Roma tomaratha*

<sup>17</sup> Poxonae acoibi po matabibibe yapucaewa, Pablo najume caruta ichamonaetha petawabinexa tsainchi Roma tomarapiwi, pomonaе judiomonaе pia pentacaponaeawi tatsi. Poxonae barapomonaе pata, Pablo barai barapomonaе, jeye:

—Tamonaе, jopa abe exanaeinoyo wamonaetha pomonaе judiomonaе aexae. Matautano bequein jopa abe exanaeinoyo wamo susato jiji piamonaе pia coyene cuitha tatsi, ichitha barapomonaе newaetaba. Matautano jiji pecubi botha necapona Jerusalem tomaratha xua romanomonaе pia pentacaponaeawi tatsi pia xantha tatsi. <sup>18</sup> Barapomonaе,

romanomonaē, neyabara yainyaba nawita xua icha abe exanan. Ichitha barapomonaē neyaputane xua jopa abe exanaeinyo. Daxota barapomonaē ichipa xua saya tana necopatabiwa tsane. Romanomonaē aichaxaibi xua jemeicha saya nenacui cayantomata xua tana nebexubiwa tsane tsipei pinae jopa abe exanaeinyo. <sup>19</sup> Ichitha judiomonaē neapusiwa xua jopa taponaeewa tsane. Daxota bewa wūcaein xua taponaeewa tsane romanomonaē itorobiya pia pepa peewatsinchi beya, xua tana neyabara paebinexa tsane icha metha abe exanan. Baxota ponan bequein jopa xēinaeinyo xua po coyene tayabara paebiwa tamonaē xua abe exana. <sup>20</sup> Daxota paca wabatsi tha paca cataetsi xuano xua tha panejume taicham. Waxainchi israelmonaexaetsi wūnaē ewatatsi pon Nacom itorobicapaeba. Tajume cowūntsixae baxua daxota anoxuae penainto tamaxūtha ducua, jei Pablo barapo pentacaponaeewitha.

<sup>21</sup> Barapoxonaē romanomonaē Pablo baraichi, jeichichi:

—Jopa painta patopaeyo carta Judea nacua werena xua xam necayabara tinaewa. Po judiomonaē, Judea nacua werena pata pomonaē patamonaē, barapomonaē jopa abe cayabara paebiyō. <sup>22</sup> Paichichipan paca jume tainchi xua jinya coutha nanta xeiname. Poxoru daxita nacuan pajume tan, xua Jesús pia pena pecuidubi coyenewan tatsi abe yabara paeba, jei barapo judiomonaē pia pentacaponae wi tatsi xua Pablo tsipaebatsi.

<sup>23</sup> Pablo muxu tsipaebatsi po mataqueitha xua patsina. Barapo mataqueitha Pablo pia botha tapatatsi pin bicheito. Pablo baya tamropata pitaba xua tsipaeba barapomonaetha, beya yapentha. Pablo jume daunweya yabara cueicueijeī barapomonaetha po diwesi po coyene xua Nacom waba jiwi petanaexanaenexatsi piamonaē tatsi poxonaē Jesús jume cowūntatsi. Mataūtano tsipaeba barapomonaetha Jesús yabara xua Jesús apara pon Moisés yabara paeba pia peitorobi coyenewatha. Mataūtano Jesús apara pon Nacom pia peitorobi jume pepaebiwi yabara tina pia petinaē diwēsīntha. <sup>24</sup> Xua Pablo po jume diwesi paeba, ichamonaē jume cowūnta poxonaē cataunxuaerū ichamonaē jopa jume cowūntsiyo. <sup>25</sup> Barapomonaē be ainya bicheitobe natsicotane. Daxota barapomonaēbe tamropata notarūcūpa xua peponaewa. Pablo namchi, jeye:

—Po diwesi Nacom pia Pejumope tūnaxū tatsi cata xua Isaías catatsi xua bapon petsipaebinexa xua wamo susato jiwi petsipaebinexatsi, barapo diwesi po diwesi pexeinya diwesi, xua jeye:

<sup>26</sup> ‘Ponde, barapomonaethano jande:

Pajume taneme ichitha jopa xapain payabara jume yaputaem pocotsiwa pajume taneme.  
Pataneme painya itacueretontha ichitha jopa xapain payaputaem pocotsiwa panecotame.

<sup>27</sup> Barapomonaē najūntū coyene ararana exana, jopa peichichipaexae xua pejume taewa.  
Mataūtano antūfaetabiya jume tane.  
Barapomonaē baraxuan exana,  
poxoru jopa betaeyo peitacueretontha,  
poxoru jopa bejume taeyono pemuxutontha,  
yawa poxoru pejūntū coyeneīntha jopa beyaputaeyo.  
Barapomonaē jopa ichipaeyo xua tana netsita

xeinaewa icha juntu coyene xua daxota jopa  
neitacupaeyo xua tayabara junteinaewa  
abe pia peexanae cuiru coyenein tati,  
jeyei Nacom pia Pejumoŋe tanaŋ tati xua  
Isaías cueicueijeŋ exanatsi pinae, jei Pablo.

<sup>28</sup> Pablo cataunxuae cueicueijeŋ, jeye:

—Anoxuae xuano beŋa tsaneno payaputaename xua pomonae jopa  
judiomonae naexanaeyo jume taena Nacom pia pecapanenebiyae di-  
wesi. Bara barapomonae beta jume naitawatsina.

<sup>29</sup> Poxonae Pablo najume weta natsixibarupa judiomonae. Poxonae  
pona barapomonae yabara najume matsontsonoba xua Pablo paeba.

<sup>30</sup> Pablo Roma tomaratha popona ainya weibe. Pia botha eca xua saya  
tanacowaeicha eca. Barapo botha daxita matenta weiweinaya wabeiba  
pomonae pesiwa poneibixaetsi Pablo. <sup>31</sup> Pablo tayapu xanepanatsi xua  
pepoponaewa. Barapoxonae Pablo barapomonaetha yabara tsipaeba  
po diwesi po coyene Nacom waba jiwŋ petanaexanaenexatsi pijimonae  
tatsi pomonae itorobiya peewatsixae. Mataŋtano yabara cuidubano xua  
Jesucristo yabara, pon Pecanamataxeinaein jiwŋ. Romanomonae pia  
pentacaponaein tati Pablo jopa cui matawentichi.

Baja Lucas.

## Meje Po Carte Pablo Tatina, Roma Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonae Roma tomarapiwi*

<sup>1</sup> Xan, Pablon, apara pon tanacuichin amanaya Jesucristo nexa. Nacom newaba yawa tsana nenota xua necana exana Jesucristo pia peitorobi jiwu jiwana tatsin xua tacueicueijeinexa Nacom pia pecapanenebiyae diwesi jume.

<sup>2</sup> Barapo pecapanenebiyae diwesi jume caena bayatha Nacom yabara tsiwunaexa muxu duta Nacom pia peitorobi jume pepaebi jiwitha poxonae barapomonae tina Nacom Pejume Diwesi xua Nacom yaputane exana, po diwesi xua Nacom pia pexeinya jume diwesi tatsi. <sup>3</sup> Barapo diwesi yabara tinatsi Jesucristo, pon Wanacanamataxeinaein, pon Nacom Pexanto tatsi. Poxonae bapon Jesucristo be jiton coyeneya naexana, xaniwaicha bapon David pia pemomoxi susato jiwana tatsi. Barapo David pon caena bayatha Israel nacuapiwi itorobiya pia pepa peewatsinchi. <sup>4</sup> Poxonae Nacom pia peayapusu itorobi coyenewatha Jesucristo pon Wanacanamataxeinaein asu exanatsi petupae cuiru coyene weya, bapoxonae Nacom tsita itapeinya xeina jiwitha xua bapon Jesucristo bara Nacom Pexanto tatsi po pexantoxae tatsi pia jumope tunaxu tatsi juntu coyene xanepana Nacomtha.

<sup>5</sup> Jesucristo pata tana neantobexae, Nacom pana cata pocotsi coyene xua pana netsita coyene xanepana xua pata tana necana exanaewa tsane Jesucristo pia peitorobi jiwu tatsi. Nacom pana itoroba pata cueicueijeinexa daxita nacua jiwitha xua barapomonae pejume cowantsinexa yawa xua peexanaenexa pocotsiwa xua Jesucristo itoroba. <sup>6</sup> Daxita barapomonae pomonae jume cowanta, paxam barapomonae jiwana pam. Nacom iru paca waba xua paxam Jesucristo piamonae tatsi jiwana pam painya nenaexanaenexa. <sup>7</sup> Daxita pam pacata tinatsi pomonae pajinompame Roma tomaratha, pomonae pam xua Nacom paantobem. Yawano Nacom paca waba xua bapon painya tsita nenajuntu coyenein xanepana exanaenexam tsane. Barabu Nacom, pon Waxa, iru Jesucristo pon jiwu Pecanamataxeinaein baponbe paca yawanaenabe pia paca nacaantobexae. Matautano baponbe barabu juntema jinompa paca cana exanaena.

*Meje yabara poxonae Pablo ichichipa xua pesiwa ponaewa Roma tomara*

<sup>8</sup> Matha copiya Jesucristo wan caununaya tsipaeban Nacomtha, janje tsaibin: “Nacom, yabara juntu coyene weiweinan Roma tomarapiwi, tsipei daxita nacuan jiwu yabara paeba xua pinae barapo Roma tomarapiwi xaniwaicha beta cajume cowanta”, jan tsaibin Nacomtha. <sup>9</sup> Ajuntuyapusuya Nacom tanacuitan. Nacom tacueicueijan pia jume diwesi xua pocotsi jume Pexanto tatsi tayabara paeban. Barapon Nacom bara yatsicaewa neyaputane xua matowa paca yabara nanta xeinaeya tsipaebaponatsi barapo Nacomtha. <sup>10</sup> Nacomtha yainyabeiban

xua icha bapon ichichipa xua bara metha neitacupaetsipa xua mata-painya tapaca siwa ponaewatsi tsainchi. <sup>11</sup> Paca siwa ponaeinchi tsipei bichocono ichichipan xua tapaca taewatsi. Ichichipanno xua tapaca cuidubiwatsi tsainchi xua Nacom pia Pejumope tənaxu tatsi painya nepaca cayawenaenexa tsane painya juntu coyenewatha. Bapoxonae paca juntu coyene ayapusu exanaena. <sup>12</sup> Pocotsiwa xuaunxuae yabara paeban apara xua waxainchi caemonae nantiya wanajuntu coyene tsacabinexa xua juntea wajinompaenexa. Baxua nacana exanaeinchi poxonae wanatsipaebeibinexa Nacom Pejume Diwesi, po jume diwesi pajume cowantame xua iru jume cowantandu.

<sup>13</sup> Tamonae pam, pomonae iru painya nejume cowantsiwixae Jesu-cristo. Ichichipan xua payaputaneme xua matowa ichichipeiban xua tapaca siwa poneibiwa tsaibi tsainchi. Ichitha beya anoxuae jopa neitacupaeyo xua tapaca siwa ponaewatsi. Ichichipan xua tapaca cuidubiwatsi Nacom Pejume Diwesi xua pejume cowantsinexa pomonae jopa copiya jume cowantsiyo, xua iru pejuntu coyene tsacabinexatsi pomonae copiya jume cowanta. Baxua barichin tsane icha bayatha ichin ichamonaetha xua poxonae yawenan pomonae jopa judiomonae naexanaeyo xua pejume cowantsinexa. <sup>14</sup> Nacom neitoroba daxita jiwitha. Daxota bewa cueicueijan tsane Nacom Pejume Diwesi daxita jiwitha, bequein metha bara tomarapiwi tsipae, ichacuitha metha bara bequein unupiwi tsipae, bequein metha peyaputaewi tsipae, ichacuitha metha bequein jopa peyaputaewi tsipae. <sup>15</sup> Daxota bichocono ichichipan xua paxam iru tapaca cuidubiwatsi tsainchi Nacom Pejume Diwesi pomonae pamxaem xua painya nejinompaewi pam Roma tomaratha.

*Meje yabara xua Nacom Pejume Diwesi xeina peyapusu itorobi coyenewa xua jiwi pecapanenebiwatsi*

<sup>16</sup> Jopa ajumeurinyo xua tacueicueijejewa Nacom pia pexeinya jume diwesi. Poxonae jiwi jume cowanta barapo diwesi, Nacom capanenebiya exana barapomonae abe pia peexanae cuiru coyenein weya tatsi pia peyapusu itorobi coyenewatha. Nacom capanenebiya pomonae pia pejume cowantsiwichi, matha copiya judiomonae, bapoxonae iru pomonae jopa judiomonae naexanaeyo. <sup>17</sup> Barapo diwesi naca yaputane exana xua Nacom naca cana juntu coyene xanepana exana bapontha, xua jopa watsita natsicuentisixae xua abe waexanaexae bapontha. Nacom baxua naca cana juntu coyene exana saya poxoru u meisa wayabara jume cowantsixae pocotsiwa exanapaeba, bapon. Nacom Pejume Diwesiha jeye baxua yabara: “Pontha, pon Nacom juntu coyene xanepana exana pia peyabara jume cowantsinxatsi pocotsiwa exanapaeba bapon ataya tsitecaeya poponaena”, jei Nacom Pejume Diwesitha.

*Meje yabara xua jiwi penatsicuentisawa Nacomtha abe peexanaexae*

<sup>18</sup> Waxainchi yaputainchi xua Nacom anaepana pomonaetha pomonae abe peexanaewi. Daxota itorobica athawetsica po coyenetha xua barapo jiwi atene peexanaewatsi. Nacom anaepana, jiwi abe peexanaexae bapontha yawano abe peexanaexae ichamonaetha. Matautano barapomonae abe peexanaexae, jopa copatsiyo xua bara pia juntu coyeneintha peyaputaewa pexainyei jumein. <sup>19</sup> Barapomonae bewa xaniwaicha bayatha yaputaena po coyene xua Nacom pejuntu coyene tatsi. Tsipei bayatha Nacom tsita najuntu coyene ituta

barapomonaetha. <sup>20</sup> Jiwi jopa itacupaetsi xua paeba xua pinae jopa Nacom yabara yaputaetsi. Beya poxonae Nacom aena forota barapo cae pin nacue, jiwi yaputane xua Nacom xaniwaicha popona yawa pia peayapusu itorobi coyenewa bapana jopa weraweracae tsane. Jiwi yaputane baxua poxonae tane pocotsiwa Nacom forota bequein Nacom jopa taetsi. Daxota jiwi natsiaenae cuenta exana Nacomtha pia coutha poxonae abeya paeba xua pinae jopa yaputaetsi Nacom. <sup>21</sup> Bequein barapomonae yabara yaputane xua bara Nacom popona, daichitha barapomonae jopa baru cui itura jinaeyo Nacom ponxae xua yatsicaewa pia pepa Nacom tatsi. Yawano barapomonae jopa jei tsaibiyo Nacomtha: “Nacom, pajuntu coyene weiweinan xua pocotsiwa painta neexanaewamxae”, jopa jei tsaibiyo. Saya meisa barapomonae yabara nanta xeina dubenanaebiya pocotsiwa xua pepawi. Saya abeya nanta xeina dubenanaebiya xua daxota jopa yaputaeyo pexainyei jume. <sup>22</sup> Bequein barapomonae paeba xua pinae peyaputaewi daichitha be pomonae xua jopa xapain peyaputae jiwi naexanaeyo. <sup>23</sup> Barapomonae jopa wuna jainchiyo Nacom, pon ataya tsitecaeya popona. Saya u wuna pejainchi ibo nacomun, po ibo nacomun be tsita jiwichi xua saya peweraweracae coyene. Yawano icha ibo nacomun exana xua xuan be peyapupunaewi, yawano po ibo nacomun be jomon xua petompacuetontha pona, yawano po ibo nacomun be duwein xua pecobe xeina yawa pesito xeina.

<sup>24</sup> Daxota Nacom copata xua barapomonae bara moya peexanaenexa abe peexanaewa be pocotsi coyeneya xua ichichipa. Bapoxonae barapomonae nantiya nata exana pocotsiwa xua aura exanatsi pia pepontha. <sup>25</sup> Baxuan Nacom copata xua peexanaewa barapomonae, tsipei barapomonae jopa jume cowantsiyo Nacom pia pexainyei diwesi jume. Saya barapomonae itapeta u jume cowanta xua xuan penaerabi diwesi jumein. Pocotsiwan Nacom forota baxuan barapomonae be pia nacomun cana exana pejume cowantsinexa, matautano xua barapomonae pebaru cui itura jinaenexa xua wuna pejainchiwa nexa. Barapomonae jopa wuna jainchiyo pepa Nacom, pon daxita peforotsin. Barapon waxainchi bewa wuna jainteibinchi xua ataya tsaibi tsane pia peexaneibixae waxainchi nexa. Je, bara ichi tsane.

<sup>26</sup> Daxota Nacom copata xua barapomonae bara moya peexanaenexa pocotsiwan xua aura exanatsi pia pepontha pocotsiwan abe coyenewa peichichipaewan. Matautano barapomonae pia yabuxi tatsi jopa equeicha exanaeyo po coyene yabuxi ba exana poxonae peichichipaewa pia pebin. Bapoxonae barapo yabuxi exana xua cae yabuxi naichichipa. <sup>27</sup> Barichi pebiwi aichaxaibi po coyene pebiwi ba exana poxonae peichichipaewa pia petsiriwa. Saya meisa bichocono penthatontha ichichipa exana xua cae pebiwi naichichipa. Barapo pebiwi nantiya nata exana pocotsiwa xua pin ura xeina exanatsi. Barapomonae abe peexanaexae Nacomtha natsicuenta. Daxota Nacom copata xua barapomonae pia pepon atene nata exana.

<sup>28</sup> Poxoru barapomonae jopa ichipaeyo xua jopa pejume cowantsiwa Nacom, daxota Nacom copata xua barapomonae moya bara abeya penanta xeinaenexa. Matautano Nacom copata xua barapomonae bara moya exanaena pocotsiwan jopa bewa exanae pocotsiwa xua abe. <sup>29</sup> Barapomonae jopa juniya juntu coyene yucaetsi xua peabe coye-

newan. Barapomonae nasi cui weiweina exanaduta, yawano abe exana ichamonaetha. Yawano exana xua ichichipa pocotsiwa ichamonae xeina. Yawano ichichipa xua ichamonae atene exanatsi. Barapomonae uwa, ichamonae uwatsi. Yawano barapomonae juteba, ichamonae jutebatsi. Yawano penabi coyene exana. Yawano barapomonae jiwi muxujainyaba nawita. Yawano barapomonae bichocono piamonae caseba nawita. Yawano caemonae nabaru paxapaxei xua ichamonae abe yabara paebatsi. <sup>30</sup> Yawano barapomonae jume atsaquiya abeya yabara paeba xua ichamonae pocotsiwa exana. Barichi barapomonae Nacom casebatsi. Yawano barapomonae biatane ichamonae. Yawano pia coutha penayabara paebiwi xua pinae peainya cui jiwi. Yawano barapomonae peabiwi xua ichamonae aebatsi. Yawano jeita nawita pocotsiwan xua peabe coyenewa. Yawano jopa exanaeyo pocotsiwan xua paxeiwi itorobeibatsi. <sup>31</sup> Barapomonae jopa ichichipaeyo xua Nacom peyabara yapuraewatsi. Yawano barapomonae jopa jume xainyeya exanaeyo pocotsiwan xua exanapaebeiba. Yawano barapomonae jopa xapain antobeyo ichamonae. Yawano barapomonae jopa ichamonae yabara juntemainaetsi xua abe exana. Yawano barapomonae jopa ichamonae xapain yabara nanta xeinaetsi xua peyawenaenexatsi. <sup>32</sup> Barapomonae yaputane pocotsiwa xua Nacom itoroba. Yawano barapomonae yaputane xua pomonae barapo peabe coyenewan exana bewa werapaena. Bequein barapomonae yaputane baxuan ichitha awiya abe eexanapona. Yawano barapomonae juntu coyene weiweina, poxonae ichamonae iru barapo peabe coyenewan exana.

## 2

*Meje yabara xua Nacom yabara paebina penatsicuentisiwa jiwi, xua yatsicaewa pexainyei coyenewatha*

<sup>1</sup> Paca tsipaebatsi paxam judiomonae jiwana pam pomonae xua ichamonae pecayabara nanta xeinaewichi xua icha abe exana xuano xua icha jopa abe exanaeyo. Paxam jopa bewa pajam tsane ichantha: “Xam abe exaname, natsicuenta exaname Nacomtha”, jopa bewa pajam tsane. Tsipei poxonae ichan payabara paebame xua penatsicuentisiwa xua abe peexanaewaxae, apara painya coutha panatsicuentame Nacomtha xua abe painya neexanaexae. Poxoru bichocono abe painya neexanaewi icha ichi pomonae payabara paebame xua penatsicuentisiwa xua abe pia peexanaewaxae. <sup>2</sup> Waxainchi yaputainchi xua Nacom yabara paebina daxita jiwi xua penatsicuentisiwa xua abe peexanaexae xua yatsicaewa pexainyei coyenewatha xua abe peexanaexae bapontha. Poxonae Nacom yabara paebina xua penatsicuentisiwa jiwi, bapon paebina xua pomonae barapo peabe coyenewan exana bewa peraxa jubebinchi xua atene tsane. <sup>3</sup> Paxam ichan payabara paebame penatsicuentisiwa xua abe pia peexanaewaxae. Apara painya coutha panatsicuentame Nacomtha xua iru paxam painya nebarichiwatham xua abe painya neexanaexae. Paxam jopa paca itacupaeyo xua painya nepanenebiwa poxonae Nacom atene exanaena xua poxonae yabara paebina jiwi xua penatsicuentisiwa xua pomonae abe peexanaewi. <sup>4</sup> Paxam paaichaxaibim poxonae Nacom bichocono peichichipaexae xua painya nepaca yawenaewa xua painya nepaca antobexae. Yawa paxam paaichaxaibim poxonae Nacom abu saya juntema ewata xua beta pacata exanaena



xua pomonae pamxaem xua pajume cowuntsiname yawa atene paca exanaena pomonae pamxaem jopa painya nejume cowuntsiwi. Nacom baxua exana pia xua paxam painya auratsi abe painya neexanaexae. Yawano pia painya bapoxonae Nacom wnaetsi xua painya nepaca cayabara jntemainaenexa painya abe exanae coyenewan. <sup>5</sup> Paxam ainya unthuton paxeiname. Yawano jopa paichipaem xua icha jntu coyene painya tsita xeinaewa Nacom. Daxota paxam mataropeicha paexanaponame xua pocotsiwan abe. Daxota bexa Nacom paca yabara anaepanaena xuano atene paca exanaena painya tsita natsicuentisixae po mataqueitha Nacom paebina xua bewa atene exanaeinchi pomonae barapo peabe coyenewan exana. Nacom yabara paebina jiwi xua penatsicuentisiwa xua abe peexanaexae xua yatsicaewa pexainyei coyenewatha abe peexanaexae bapontha. <sup>6</sup> Nacom catsibina pentoman daxita carepaya jiwitha xua pocotsiwan pia petanacuichiwiwix- aetsi. Pomonae abeya tanacuita xuya abeya matoma catsibebinchi. Pomonae wnaeya tanacuita xuya wnaeya matoma catsibebinchi. <sup>7</sup> Ichamonae Nacom peajntuyarusu coyenewa catsibina pomonaetha pomonae jopa aitaconaeya exana dubenanaebiyayo pocotsiwa Nacom ichichipa. Barapomonae ichichipa nawita xua po coyene Nacom petsita xanepanaewa tsainchi. Matautano barapomonae ichichipa nawita pia pebaru cui itura jinaewa Nacomtha. Matautano barapomonae ichichipa nawita xua pia xeinaetsi peajntuyarusu coyenewa po peajntuyarusu coyenewa ataya tsiteca. <sup>8</sup> Ichamonaetha, Nacom anaya exanaena xua atene exanatsi barapomonae pomonae saya u piawa nata exana. Yawa Nacom atene exanaena pomonae jopa jume cowuntsiyo Nacom pia pex- ainyei jume diwesi. Barapomonae Nacom bichocono caseba itapeta pe- ichichipaewaxae xua abe coyenewa peexanaewa. <sup>9</sup> Atene exanebinchi yawa ajnturewe exanebinchi daxita pomonae abe coyenewan peex- anaewi, matha copiya pomonae judiomonae, bapoxonae iru catsibinchi pomonae jopa judiomonae naexanaeyo. <sup>10</sup> Ichitha nama Nacom seicaya catsibina pomonaetha pomonae xanepanaya betiya peexanaewi po coyenewa xua Nacom petsita xanepanaewa tsainchi. Yawano catsibina po coyenewa xua pebaru cui itura jinae coyenewa. Yawano catsibina po coyenewa xua jntema pejinompae coyenewan. Matha copiya catsib- inchi judiomonae, bapoxonae iru catsibinchi pomonae jopa judiomonae naexanaeyo.

<sup>11</sup> Barapomonaethabe Nacom catsina barapo coyenein tsipei Nacom tsita najupatsi daxita jiwi. <sup>12</sup> Pomonae jopa judiomonae naexanaeyo daxita barapomonae yaputane poxonae abe exana pia peitorobi coye- newan pexeinaexae. Icha barapomonae awiya eexanapona pocot- siwa xua abe, Nacom tsita natsicuentatsi. Barapomonae werapaena abe peexanaexae bequein jopa yaputaeyo Moisés pia peitorobi coye- newa tatsi. Pomonae judiomonae barapomonae yaputane Moisés pia peitorobi coyenewa tatsi. Daxota yaputane poxonae abe exana. Poxonae barapomonae abe eexanapona Nacom tsita natsicuenta ex- anatsi abe peexanaexae, poxoru yaputane Moisés pia peitorobi coyene tatsi. <sup>13</sup> Pomonae jume tane Moisés pia peitorobi coyenewa tatsi xu- ano exana pocotsiwa itoroba, barapomonae Nacom tsita jntu coyene xanepanatsi. Pomonae saya jume tane Moisés pia peitorobi coyene tatsi daichitha jopa exanaeyo pocotsiwa itoroba, barapomonae Nacom jopa

tsita jũntũ coyene xanepanaetsi. <sup>14</sup> Pomonae jopa judiomonae naexanaeyo barapomonae jopa xeinaeyo Moisés pia peitorobi coyenewa tatsi. Ichitha ichacuitha barapomonae exana xua be pocotsi coyene Moisés pia peitorobi coyenewatha itoroba. Baxua barapomonae exana, tsipei pejũntũ coyenewantha yaputane pocotsiwa xua abe xuano pocotsiwa xua xanepana bequein bara jopa xeinaeyo Moisés pia peitorobi coyenewa tatsi. Poxonae baxuan exana be barompaya pia peitorobi coyenewan xeina pia jũntũ coyenewantha. <sup>15</sup> Poxonae barapomonae beta exana, baxua itapeinya xeina xua barapomonae pia jũntũ coyenewantha xeina Nacom pia peitorobi coyenewa tatsi. Barapomonae yacuiya naexana. Barapomonae pia jũntũ coyenein yaputane cana exanatsi xua poxonae wũnae exana xuano xua poxonae ichacuitha abe exana. <sup>16</sup> Jemeicha jopaena matacabi po mataqueitha poxonae Nacom itorobina xua Jesucristo yabara paebina daxita jiwĩ xua pia penatsicuentisiwa xua abe peexanaexae Nacomtha. Barapo mataqueitha Jesucristo yabara paebina jiwĩ xua penatsicuentisiwa xua abe peexanaexae xua pocotsiwan namicha abeya peexanaexae matautano pocotsiwan namicha abeya penanta xeinaexae. Baraxua Jesucristo bara exanaena icha be pocotsi coyeneya paeban poxonae cueicueijan Nacom pia pexeinya pecapanenebiyae diwesi jume.

*Meje yabara xua judiomonae yawa Moisés pia peitorobi coyenewa tatsi*

<sup>17</sup> Paxam papaebame, pajam: “Paxan seicaya judiomonaepiwi pan”, pajam. Pananta xeiname xua Moisés pia peitorobi coyenewa tatsi paca capanepaena. Atsaquiya papaebame xua barompaya painya nacom, yatsicaya pepa Nacom. <sup>18</sup> Barichi paxam papaebame xua pinae payaputaneme pocotsiwa xua Nacom pia peichichipae coyenewa. Matautano papaebame xua pinae Moisés pia peitorobi coyenewa paca cuiduba xua painya neitapetsiwa po coyene xua pexainyei coyenewa. <sup>19</sup> Matautano atsaquiya papaebame, pajam: “Paxan pacuiduban pomonae jopa peyaputae jiwĩ Nacom. Yawa jume cowũnta pacana exanan pomonae jopa jume cowũntsiyo Nacom”, pajam. <sup>20</sup> Paxam pananta xeiname xua paca itacũpa xua pacuidubame pomonae Nacom jopa peyaputae jiwĩ. Barichi pananta xeiname xua paca itacũpa xua yaputane pacana exaname pomonae pena pejume cowũntsiwi. Paca itacũpa barapo ainya coyenewabe painya neyaputaexae Moisés pia peitorobi coyenewa xua xeina pexainyei yaputae coyenewan. <sup>21</sup> Poxonae ichamonae po coyenein yabara pacuidubame paxam jopa apara matha pajume yabara cowũntsiya exanaem barapo coyenein. Paxam pacuidubame pocotsi coyenewa xua jopa bewa caibi ichamonaetha xua irũ painya barichiwathamdũ. <sup>22</sup> Paxam pacuidubame xua jopa bewa ichũn piowa tatsi tapichichi xua irũ painya barichiwathamdũ. Paxam papaebame xua pinae paaichaxaibim ibo nacomũn, ichitha paxam pacaibame pocotsiwan xua jeba ibo nacomũn pia botha tatsi. <sup>23</sup> Atsaquiya papaebame xua paxeiname Moisés pia peitorobi coyenewa. Ichitha irũ apara paxam jopa paexanaem xua painya nebarũ cui itura jinaewa Nacom, poxonae jopa payabara jume cui coyeneya exanaem barapo Moisés pia peitorobi coyenewa. Daxota ichamonae jopa Nacom barũ cui itura jinaetsi. <sup>24</sup> Daxota Nacom Pejume Diwesitha jeye: “Apara paxam painya coutha pam poxonae pomonae jopa judiomonae naexanaeyo Nacom

abe yabara paebatsi tsipei copiya paxam abe paexaname”, jei Nacom Pejume Diwesitha.

<sup>25</sup> Paxam judiomonae pam, xua pebiwi pam paca wi thaba poxonae cataunxuae pexui pam. Paca jumapa perɁ muxunene caxica xua ichaxota pebiwichi xeinatsi ichaxota pana nareixacaename. Baxua paca cana exana poxoru Moisés pia peitorobi coyene paca itoroba xua painya tsita itapeinya xeinaenexa xua bara apara Nacom piamonae tatsi pam. Barapo coyenewa xua Moisés pia peitorobi coyene tatsi paca yawena xua Nacom pajume cowanta dubenanaebiyame icha paexaname daxita pocotsiwa Moisés paca itoroba. Ichitha icha jopa paexanaem pocotsiwa xua Moisés paca itoroba jopa paca yawenaeyo xua Nacom pajume cowanta dubenanaebiyame bequein paca wi thabitha tsipae. <sup>26</sup> Pon jopa wi thabichi poxonae bapon exana pocotsiwa Moisés pia peitorobi coyenewatha itoroba, Nacom tsitatsi be xua bapon bayatha apara wi thabatsi. Nacom tsitatsi xua bapon bara pijimonae jiton tatsi bequein bara jopa wi thabichi. <sup>27</sup> Ichacuitha pebiwi bequein jopa wi thabichi, daichitha exana pocotsiwa Moisés pia peitorobi coyenewatha itoroba. Barapomonae paca janta cui coyene yabara nanta xeinaena xua icha abe paexaname Nacomtha xuano xua icha wanae paexaname Nacomtha. Bequein payaputaetham Moisés pia peitorobi coyenewa xua petinae diwesi, ichitha jopa payabara jume cuiya exanaem pocotsiwa barapo Moisés pia peitorobi coyenewatha paeba. <sup>28</sup> Pon jiwi tsitatsi xua pepa judiomaepin saya poxoru pewi thabixaetsi xua pepontha, bapon Nacom jopa tsitatsi xua pia jiton tatsi. <sup>29</sup> Jame xua pepa judiomaepin penaexanaenexa tsane, saya jame poxonae Nacom janta coyene xanepana exana barapo jiton xua Nacom jopa bapon tsita natsicuentichi abe peexanaexae pia janta coyenewatha. Poxonae jiton xaniwaicha wi thabatsi, apara baxua, xua poxonae jiton xaniwaicha jume cowanta pejanta coyenewatha Nacom. Pocotsiwa xua Moisés pia petinae coyenewa, jopa exanaeyo xua jiton icha janta coyene pexeinaewa Nacomtha xua pexanepanaewa. Saya apara meisa Nacom pia Pejumope tanaxa tatsi baxua exana. Jiwi wanaeya yabara paeba pomonae xua pewi thabiwichi. Ichitha nama Nacom wanaeya yabara paeba pontha pon icha janta coyene xeina bapontha xua pexanepanaewa.

### 3

<sup>1</sup> Metha beya ichan yainyabichipa jei tsipae: “¿Eta po coyene, po coyene Nacom tsita xanepanatsi, po coyene beta wepu toxeinchiya exana pomonae judiomonae xua wepu beta toxeincha exanatsi pomonae jopa judiomonae naexanaeyo? ¿Eta po coyene, po coyene Nacom tsita xanepanatsi, po coyene beta wepu toxeinchiya exana pon pewi thabinchi xua wepu beta toxeincha exanatsi pon jopa pewi thabinchi?” jei tsipae. <sup>2</sup> Metha jume notsipan bapon, jan tsipae: “Apara bara bichocono jopa juniya xanepanaeyo xua penaexanaewa judiomonae xuano xua wi thabatsi, poxoru copiya Nacom Pejume Diwesi nacana jume diwesi cata judiomaetha”, jan tsipae. <sup>3</sup> Ichacuitha metha beya equeicha bapon yainyabichipa jei tsipae; “Daichitha ¿eta bichi tsipae icha barapomonae jiwana nacui barapentsipa xua jopa peyabara jume cowantsiwa xua Nacom bexa exanaena pocotsiwa Nacom yabara tsiwɁnae muxu duta? ¿Daxota metha Nacom xuya nacui baraxubichipa xua jopa equeicha peexanaewa pia peyabara tsiwɁnae muxu dutsiwa?”

jei tsipae. <sup>4</sup> Metha jan tsipae: “¡Jume, apara Nacom bapana jopa baxua exanae! Apara jame Nacom daxitan pexainyeiwantha exaneiba. Nacom bewa exaneibina baxuan bara bequein jiwi pemuxuitorobi jiwi. David baxua yabara paeba Nacom Pejume Diwesitha xua Nacom tapaebatsi, jeye:

‘Nacom, poxonae cueicueijam jiwi yaputaena xua xam xainyeya bara nepaebin.

Bapoxonae jiwi jume amanayabame poxonae baxua exaname poxonae bequein jiwi cayabara paeba xua abe exaname’, jei David Nacom Pejume

Diwesitha”, jan tsipae.

<sup>5</sup> Ichitha metha ichamonae jume coxonaya najume matsontsonobichipa jei tsipae: “Poxonae waxainchi abe exanatsi bapoxonae Nacom naca atene exana. Abe waexanae coyenewantha jiwi tsita itapeinya xeinatsi xua bara Nacom aichaxaibi abe peexanae coyenewa xua bara Nacom xanepanaya peexanaein. Daxota abe waexanae coyenewatha Nacom yawenatsi. ¿Eta xua metha yabara paebinchi baxua? ¿Metha Nacom jopa xaniwaicha exanaeyo icha naca atene exana abe peexanae cuiru coyene waexanaexae?” jei tsipae barapomonaе, xua saya paeba icha jiwi ichi pomonaе jopa peyaputae jiwi. <sup>6</sup> Metha barapomonaе jume notsipan, jan tsipae: “¡Jume apara, baxua jopa xainyeyo! Icha Nacom jopa xaniwaichiya exanaetsipae poxonae naca yabara paeba xua penatsicuentisiwa bapoxonaе jopa itacupaetsipaetsi xua daxita yabara paebatsi jiwi xua penatsicuentisiwa xua abe peexanae cuiru coyene peexanaexae. Ichitha Nacom apara xaniwaichiya exana daxota itacupaetsi xua daxita jiwi yabara paebatsi penatsicuentisiwa”, jan tsipae.

<sup>7</sup> Metha ichamonae jei tsipae: “Nacom jopa bewa naca yabara paebi penatsicuentisiwa tsane wanaca yabara paebinexa xua abe waexanaewan poxonaе naerabiya cueicueijeichi. Poxoru poxonaе naerabiya cueicueijeichi ichamonae tsita itapeinya xeinatsi xua Nacom seicaya exana xua Nacom bichocono xainyeya pepaebin xuan xua Nacom bara peainya cuin”, jei tsipae barapomonaе. <sup>8</sup> Ichamonae iru jei tsipae: “Daxota waxainchi bewa abe exanaeinchi, xua watsita itapeinya xeinaenexa xua Nacom bara xainyeya pepaebin”, jei tsipae barapomonaе. Barapomonaе naerabiya paeba xua pinae xan barapo coyene cuiduban ichamonae. Barapo naerabiya pepaebiwi xua neyabara jume caenaeraba, barapomonaе Nacom tsita natsicuentinchi abe taneyabara paebixae.

*Meje yabara xua daxitatsi pomonaetsi pomonaе Nacom watsita natsicuentisiwichi abe waexanaexae bapontha*

<sup>9</sup> ¿Waxainchi pomonaе judiomonaetsi Nacom tsitatsi xua jopa wanatsicuentisi jiwichi xua beyacaincha pomonaе jopa judiomonaе naexanaeyo xua naca toxeinchiya bichocono abe peexanaewi? Jume. Tsipei bayathaunxuae paeban: “Waxainchi judiomonaetsi iru pomonaе jopa judiomonaе naexanaeyo daxitatsi abe waexanae jiwichi”, jan. <sup>10</sup> Nacom Pejume Diwesitha baxua yabara jeye:

“¡Dapomonaе ajibi pomonaе xua xanepanaya peexanaewi, xua matautano bara caeinno!

<sup>11</sup> Matautano dapon ajibi pon ichichipa xua peyabara yaputaewa pexainyei coyenewa. Matautano dapon ajibi pon xua

ichichipa penaponaewa Nacomtha.

<sup>12</sup> Daxita jiwi Nacom pentatsi yawano abe peexanae jiwi bichocono.

¡Dapon ajibi pon xua xanepanaya beta exana, xua matautano bara caeinno!

<sup>13</sup> Barapomonaе caunuta nawita pocotsiwa peabe jumein, icha muthu tsina ichi xua cawenabeina xua tuxamna baxoyareca pebocarecaexae pon tsapa. Bapomonaе pepaebiwantha ichamonaе muxujainyabeibatsi.

Barapo pepaebiwantha ichamonaе ajuntucoyenetane exanatsi, icha jomo ichi xua ichan sinatsi poxonaе bichocono atene exanatsi pewano tsapa pexeinaexae.

<sup>14</sup> Barapomonaе saya u cueicueijeji xua xuan peabe jumein, po jumein xua atsaca pepaebiwa.

<sup>15</sup> Barapomonaе bichocono ichichipa nawita xua ichamonaе bichocono atene peexanaewatsi xuano xua pejutewiwatsi.

<sup>16</sup> Daxita ichaxota poneiba barapomonaе, ichamonaе abe exaneibatsi. Matautano exaneiba pocotsiwa ichamonaе ajuntucoyenetane cana exanatsi.

<sup>17</sup> Barapomonaе jopa yaputaeyo xua po coyene caemonaе nantiya juntema jinompa penaexanaе coyenewa.

<sup>18</sup> Matautano barapomonaе jopa cunuwiyo Nacom xua abe peexanaeyainwatsi”, jei Nacom Pejume Diwesitha.

<sup>19</sup> Waxainchi yaputainchi xua daxita Nacom paeba Moisés pia peitorobi coyenewatha baraxua judiomonaе nexa. Barapomonaе bewa exanaе Moisés pia peitorobi coyenewa tatsi. Ichitha judiomonaе jopa itacupaetsi xua peexanaewa barapo coyenewa. Barichi pomonaе jopa judiomonaе naexanaeyo jopa itacupaetsi xua peexanaewa baxua. Barapo coyeneya Nacom yaputane exana xua daxita jiwi jopa pepaebinxua xua pinae jopa abe peexanaewa barapo jiwi. Matautano Nacom tsita itapeinya xeina jiwitha xua Nacom yabara paebina xua penatsicuenta siwa daxita jiwi xua abe peexanaexae bapontha. <sup>20</sup> Dapon ajibi pon itacupaetsi xua pejeiwa: “Xan bichocono tajuntu coyene xanepanaein xua Nacom jopa tatsita natsicuenta siwa abe taexanaexae bapontha. Tsipei daxita yabara jume cuiya exanan pocotsiwa Moisés pia peitorobi coyenewatha itoroba”, xua pejeiwa. Tsipei jame apara barapo Moisés pia peitorobi coyenewa tatsi naca yaputane exana xua waxainchi apara abe waexanae jiwichi.

*Meje yabara xua jiwi capanenebiyatsi pejume cowantsixae Nacom*

<sup>21</sup> Ichitha anoxuae Nacom jiwi yaputane exanatsi po coyeneya bapon exana xua poxonaе jiwi juntu coyene xanepana exanatsi bapontha. Nacom jopa tsita natsicuentichi barapomonaе xua abe peexanaexae. Nacom baxua exana jopa poxoruyo xua peexanaexae pocotsiwa Moisés pia peitorobi coyenewatha itoroba. Moisés pia peitorobi coyenewa tatsi, iru Nacom pia peitorobi jume pepaebiwi paeba xua bewa jiwi Nacom

tsita juntu coyene xanepanaetsi. <sup>22</sup> Nacom juntu coyene xanepana cana exana jiwi poxonae barapo jiwi jume cowanta Jesucristo. Nacom bara daxita najuntu coyene jupiya exana pomonaetha pomonae pejume cowantsiwi Jesucristo, poxoru Nacom tsita najupatsi barapo pejume cowantsiwichi. <sup>23</sup> Tsita najupatsi yaitama daxita jiwi peabe coyenewan exana. Yawano barapo jiwi taseicatsi po coyene xua Nacom tsita xanepanatsi barapomona. <sup>24</sup> Ichitha Nacom peantobexae jopa tsita penatsicuentiwatsi barapo jiwi. Baxua Nacom amanaya taexana. Nacom pentoma exana xua jiwi pejuntu coyene xanepanaenexa poxonae Cristo Jesús naetotha tsitapa, xua jiwi tsitupatsi. <sup>25</sup> Nacom Pexanto itorobica, pon Cristo. Bapon jana pichapabarena poxonae tsitapa jiwi pia peabe coyenewan tatsi. Nacom jantemaina jiwi pia peabe coyenewan poxonae barapomona jume cowanta Cristo. Barapo coyenewatha Nacom yaputane exana xua bara juntu coyene xanepana cana exana jiwi xua jopa Nacom petsita natsicuentiwatsi xua abe peexanaexae. Bayatha bapon beitatemaya cui taetaepona jiwi abe pia peexanae cuiru coyenewan tatsi pomonae xua caena bayatha jinompa poxonae cataunxuae Jesús jopa tupaeyo. <sup>26</sup> Ichitha anoxuae Nacom yaputane exana jiwitha xua beta xanepanaya peexanaewa. Anoxuae Nacom jopa beitatemaya cui taeyo jiwi abe pia peexanae cuiru coyenewan tatsi. Apra jame Nacom juntu coyene xanepana cana exana jiwi poxonae Nacom yabara jantemaina jiwi xua pia penatsicuentiwa xua abe peexanaexae. Baxua exana daxita pomonaetha pomonae pejume cowantsiwi Jesús.

<sup>27</sup> Daxota waxainchi jopa naca itacupaeyo xua atsaquiya nayabara paebatsi xua beta waexanaewa. Waxainchi jopa najuntu coyene xanepana exanaetsi bequein ichichipatsi xua waexanaewa pocotsiwa Moisés pia peitorobi coyenewatha itoroba, daichitha jopa exanaetsi. Nama apra wajume cowantsixae Jesús, daxota bapon naca juntu coyene xanepana cana exana Nacomtha. <sup>28</sup> Nama anoxuae waxainchi yaputainchi xua Nacom juntu coyene xanepana cana exana pontha pon jume cowanta Jesús. Nacom jopa juntu coyene xanepana exanaeyo poxonae bequein ichun ichichipa xua peexanaewa pocotsiwa Moisés pia peitorobi coyenewatha itoroba xua daichitha poxonae jopa exanaeyo.

<sup>29</sup> Nacom jopa meisa apra judiomona pia Nacom tatsi. Apra iru pomonae jopa judiomona naexanaeyo barapomona iru pia Nacom tatsi. <sup>30</sup> Icha Nacom ajibi, saya meisa bapon Nacom nacata bara compa. Barapo Nacom juntu coyene xanepana cana exana jiwi, pomonaetha pomonae jume cowanta Jesucristo, bequein pomonae wi thabatsi xvano bequein pomonae jopa wi thabichi. <sup>31</sup> Waxainchi jopa nacui barapentichi Moisés pia peitorobi coyenewa tatsi yaitama jume cowantatsi Jesús. Jame poxonae xaniwaicha jume cowantatsi Jesús bapoxonae bara xaniwaicha exanatsi pocotsiwa Moisés pia peitorobi coyenewatha itoroba.

## 4

### *Meje xua Abraham yabara*

<sup>1</sup> Anoxuae paca tsipaebatsi xua pocotsiwa Nacom exana Abrahamtha. Bapon wamo susatopin, iruru daxita judiomona pia pamo susatopin tatsi pon caena bayatha tupa. <sup>2</sup> Abraham jopa pia coya najuntu coyene xanepana exanaeyo xua jopa Nacom petsita natsicuentiwatsi xua abe

peexanaexae. Daxota jopa itacupaetsi xua atsaquiya nayabara paeba xua xanepanaya peexanaewa. Bapon jopa itacupaetsi xua atsaquiya paeba Nacom peitutha tatsi. <sup>3</sup> Nacom Pejume Diwesitha Abraham yabara paebatsi, jeye: “Abraham jume cowanta Nacom. Peyabara jume cowantsixae pocotsiwa xua Nacom exanapaeba, Nacom juntu coyene xanepana cana exana bapon”, jei Nacom Pejume Diwesitha. <sup>4</sup> Poxonae jiton ba tanacuita ichun, jopa jiton pentoma becatsichi xua saya amanaya nexa poxoru ichun peyabara nanta xeinaexae bapon. Jame jiton ba bewa pentoma catsichi xua poxoru penacuichixae. <sup>5</sup> Ichitha nama Nacom seicayiya exana. Pon yabara jume cowanta pocotsiwa Nacom exanapaeba xua Nacom peyabara junteinaenexa xua bapon pia penatsicuentisiwa tatsi, bara Nacom yawena bapon. Barapo jiton Nacom tsita juntu coyene xanepanatsi, bequein bapon jopa exanaeyo pocotsiwa bewa bapon exanae xua daxota Nacom peyawenaenexa tsane. <sup>6</sup> David pon wamo susatopin, pon caena bayatha tupa, bapon caena bayatha Israel nacuapiwi itorobiya pia pepa peewatsinchi. Bapon David yabara paeba po jiton bichocono juntu coyene weiweina. Jeye: “Pon peyabara jume cowantsixae pocotsiwa Nacom exanapaeba, Nacom juntu coyene xanepana cana exana. Jopa apara Nacom juntu coyene xanepana exanaeyo xua poxoru bapon wanaeya xanepanaya peexanaexae. Apara poxoru Nacom peichichipaexae, daxota baxua exana”, jei David. <sup>7</sup> Equeicha David jei:

“Juntu coyene weiweina pomonae Nacom yabara junteina xua puxana exana abe pia peexanae cuiru coyenewan tatsi.

<sup>8</sup> Juntu coyene weiweina pon Nacom jopa tsita natsicuentisichi xua abe peexanaexae”, jei David.

<sup>9</sup> Po pejuntu coyene weiweinaewa xua David yabara paeba, meisa saya u pomonae pewi thabiwichi jopa nexiyo. Apara barapo pejuntu coyene weiweinaewa iru pomonae jopa pewi thabiwichi nexano apara. Bayathaunxuae paca tsipaebatsi xua Abraham yabara jume cowanta pocotsiwa Nacom exanapaeba, daxota Nacom juntu coyene xanepana cana exana bapon xua jopa Nacom tsitatsi xua Abraham penatsicuentisiwa xua abe peexanaexae. <sup>10</sup> Abraham jopa juntu coyene xanepana exanaetsi poxonae nacana cui wetatsi xua pewi thabiwatsi. Apara Nacom Abraham juntu coyene xanepana exanatsi poxonae cataunxuae jopa wi thabichi. <sup>11</sup> Abraham peyabara jume cowantsixae pocotsiwa Nacom exanapaeba, Nacom juntu coyene xanepana exana. Cotacaya bapoxonae Abraham wi thabatsi. Barapo pewi thabi coyene tsita itapeinya xeina xua bara Nacom juntu coyene xanepana exana Abraham, peyabara jume cowantsixae pocotsiwa Nacom exanapaeba. Abraham petsiwana exanaexae xua pewi thabiwatsi, daxota Nacom tsitatsi xua Abraham be coxiyan poxonae cana exanatsi xua canamataxeinaena xua daxita nacuanpiwi pomonae jopa pewi thabiwichi. Barapomonae be Abraham pia pexui. Baxua Nacom cana exana po jiwitha, po jiwi peyabara jume cowantsiwixaetsi pocotsiwa exanapaeba bara bequein daxita barapo jiwi jopa pewi thabiwichi copiya. Daxota Nacom iru yabara nanta xeina xua bara iru barapomonae juntu coyene xanepana bapontha. <sup>12</sup> Barichi Abraham be coxiyan cana exanatsi, xua pomonae bayatha

pewi thabiwichi barapomonaē be pia pecanamataxeinaēinchi. Jopa Abraham be coxiyꝯn cana exanaetsi xua poxoru barapomonaē pewi thabixaetsi. Jame apara be coxiyꝯn cana exanatsi poxoru irꝯ peyabara jume cowꝯntsiya jinompaexae pocotsiwa Nacom exanapaeba icha Abraham ichi, pon wamo susatopin xua beya poxonae wi thabatsi.

*Meje yabara xua poxonae Nacom cata pia peyabara tsiwꝯnae muxu dutsiwa, Abraham catatsi*

<sup>13</sup> Nacom yabara tsiwꝯnae muxu duta Abrahamtha irꝯ pia pemomoxi susato jiwitha tatsi. Nacom yabara tsiwꝯnae muxu duta xua catsina daxita barapo cae pin nacue Abrahamtha, irꝯ pia pemomoxi susato jiwitha tatsi. Daxita barapomonaetha Nacom jopa apara catsiyo barapo yabara petsiwꝯnae muxu dutsiwa xua poxoru Abraham peexanaexae pocotsiwa Moisés pia peitorobi coyenewatha itoroba tsipei Moisés jopa cataunxuae naexanaeyo poxonae bayatha Abraham tꝯpa. Apra Nacom cata barapo yabara petsiwꝯnae muxu dutsiwa poxoru Abraham peyabara jume cowꝯntsixae pocotsiwa Nacom exanapaeba. Daxota Nacom yabara tsitatsi xua bara Abraham pejꝯntꝯ coyene xanepanaein bapontha. <sup>14</sup> Icha pomonaē xeinaetsipa pocotsiwa Nacom yabara tsiwꝯnae muxu duta, icha barapomonaē apara barapomonaē tsipae pomonaē exana daxita pocotsiwa Moisés pia peitorobi coyenewatha itoroba bapoxonaē barapomonaē jopa nantawenonaetsipae xua yabara jume cowꝯnta pocotsiwa Nacom exanapaeba. Mataꝯtano pocotsiwa xua Nacom yabara tsiwꝯnae muxu duta barapomonaē jopa tsita xainyei tsiptaetsi. <sup>15</sup> Ichitha baraxua jopa xainyeyo, tsipei Moisés pia peitorobi coyenewa saya exana xua jiwi atene peexanaewatsi. Atene exanatsi poxoru jiwi beta jopa daxita yabara jume cuiya exanaeyo barapo Moisés pia peitorobi coyenewa tatsi. Ichitha pomonaē jopa xeinaeyo Moisés pia peitorobi coyenewa, barapomonaē Nacom jopa tsita penatsicuentisiwatsi xua abe peexanaexae xua poxonae jopa exanaeyo barapo peitorobi coyenewa.

<sup>16</sup> Daxota Nacom yabara tsiwꝯnae muxu duta Abrahamtha peyabara jume cowꝯntsixaetsi pocotsiwa Nacom exanapaeba. Nacom pia yabara petsiwꝯnae muxu dutsiwa, Nacom bara xaniwaicha amanaya catsina Abraham pia pemomoxi susato jiwitha tatsi. Nacom jopa meisa catsiyo pomonaetha pomonaē peexanaewi xua Moisés itoroba. Apra Nacom irꝯ cata pomonaetha pomonaē pejume cowꝯntsiwichi icha Abraham ichi poxonae jume cowꝯnta Nacom. Bapon Abraham be coxiyꝯn cana exainchi xua daxita waxainchi be xua wanacanamataxeinaein, copiya pejume cowꝯntsixae. <sup>17</sup> Nacom jeye Abrahamtha pejume diwesitha: “Xam cacana exanatsi xua ainya nacuanpiwi necayabara nanta xeinaenexa xua xam compam daxita nacuanpiwi cacanamata caexanatsi be coxiyꝯm”, jei Nacom Pejume Diwesitha. Daxota barapo yabara petsiwꝯnae muxu dutsiwa Nacom tsita coyene xanepanatsi. Barapon Nacom Abraham yabara jume cowꝯnta pocotsiwa Nacom exanapaeba. Mataꝯtano barapo Nacom equeicha asꝯ exana pomonaē bayatha werapa. Mataꝯtano barapon Nacom itoroba xua forota pocotsiwan jiwi bapana jopa tae copiya, poxoru Nacom cataunxuae abꝯ jopa forotsiyo bapocotsiwan.

<sup>18</sup> Abraham poxonae nawei wetaba xua jopa itacꝯpaetsi xua pexinaewa pexui, awiya cataunxuae yabara jume cowꝯntsiya wꝯnae



ewata pocotsiwa Nacom exanapaeba. Bapon jume cowantsiya popona xua Nacom exanaena xua bayatha paeba xua Abraham pinae bapon pexanto xeinaena. Abraham yabara jume cowanta pocotsiwa Nacom exanapaeba pocotsiwa yabara tsiwinae muxu duta. Bapon Abraham cana exanatsi xua daxita carepaya nacuan jiwi peyabara nanta xeinaenexa xua Abraham compa daxita nacuanpiwi canamata exanatsi be coxiyın. Caena bayatha Nacom tsipaeba Abraham. Nacom jeye: “Abraham, exanaein ayei jiwi jinya nemomoxi susato jiwi”, jei Nacom. <sup>19</sup> Abraham jopa juntu coyene natsepaeyo xua peyabara jume cowantsiwa pocotsiwa Nacom exanapaeba, bequein bara bapon cien po weibe xeina. Bapon Abraham yaputane, xua bapon iru piowa tatsi Sara bara imoxoyo methaunxuae tupaenabe. Abraham piseuribe bichocono perunbe. Matautano yaputaneno xua Sara jopa itacupaetsi xua pexui pexeinaewa. <sup>20</sup> Bapon Abraham jopa ainya muxu xeinaeyo. Matautano jopa nacui baraxubiyo xua peyabara jume cowantsiwa pocotsiwa Nacom exanapaeba xua pocotsiwa Nacom yabara tsiwinae muxu duta xua pinae Abraham pexanto xeinaena. Jame bapon Abraham beta xaniwaicha jume cocowantapona. Abraham winae jaintapona Nacom. <sup>21</sup> Baxua Abraham exanapona poxoru bara yatsicaewa yaputane xua Nacom itacupaetsi xua peexanaewa pocotsiwa xua bapon yabara tsiwinae muxu duta. <sup>22</sup> Abraham peyabara jume cowantsixae pocotsiwa Nacom exanapaeba, daxota bapon Nacom tsitatsi xua bapon bara peyabara juntu coyene tsita xanepanaeinchi xua jopa petsita natsicuentisixaeetsi abe peexanaexae bapontha.

<sup>23</sup> Po jumein xua bayatha Abraham yabara paebatsi xua jeye: “Nacom tsitatsi xua bapon bara pejuntu coyene xanepanaein xua jopa petsita natsicuentisixaeetsi abe peexanaexae bapontha”, jei, barapo jumein jopa meisa tinaeyo xua bapon nexa. <sup>24</sup> Barapo jumein xua po jumein tina apara iru bara waxainchi nexa xua naca yabara paebaru. Wajume cowantsixae Nacom, daxota Nacom tsitatsi xua bara waxainchi iru wajuntu coyene xanepanae jiwichi xua jopa watsita natsicuentisiwatsi xua abe waexanaexae bapontha. Waxainchi yabara jume cowantatsi pocotsiwa Nacom exanapaeba, pon Jesús asu exanatsi petupaе cuiru coyene weya, pon Wanacanamataxeinaein. <sup>25</sup> Nacom itoroba xua bapon Jesús naca tsitupa abe waexana cuiru coyenewan. Matautano Nacom asu exanano, xua Jesús asu petupaе cuiru coyene weya xua wanaca cana exanaenexa xua jopa Nacom watsita natsicuentisiwa tsane xua abe waexanaexae bapontha.

## 5

*Meje yabara xua Nacom wanaca cana exanaewa xua jopa wanatsicuentisiwa tsane bapontha, xua abe waexanaexae*

<sup>1</sup> Nacom naca cana exana xua bapon jopa watsita natsicuentisiwa tsane abe waexanaexae bapontha. Baxua Nacom naca cana exana wayabara jume cowantsixae pocotsiwa Nacom exanapaeba. Daxota waxainchi junteма dubenanaebiyatsi Nacom peitutha tatsi Jesucristo wanaca tsitupaexae, pon Wanacanamataxeinaeinxae. <sup>2</sup> Cristo wajume cowantsixae, daxota naca cana exana xua Nacom bara wanaca yawenaewa tsane wanaca antobexae. Nacom wanaca yawenaexae

ajuntucoyenesuya jinompatsi. Yawa waxainchi juntu coyene weiweinsatsi wawunaewatsixae xua bexa iru xeinainchi pebaru cui itura jinaewa po pebaru cui itura jinaewa jiwi Nacom tsita xeinatsi peainya cuinxae icha bapon ichi. <sup>3</sup> Jopa meisa baxua nexiyo, jame yawa juntu coyene weiweineibatsi poxonaechamonaenaca atene exaneiba. Tsipei waxainchi yaputainchi xua wanaca juntu coyene ayapusu exanaewa xua daxota jopa waaitaconaewa poxonaebequeinichamonaenaca atene exana. <sup>4</sup> Poxonaejuntucoyeneyapusuya jinompatsi xua daxota jopa waaitaconaewa poxonaebequeinichamonaenaca atene exana, bapoxonaenacomnaca weyatane xua bara beta waexanaewa. Poxonaenacomnaca weyatane, baxua naca cana exana xua wawunaewatsiya ewatsiwatsi xua Nacom nacata exanaena pocotsiwa yabara naca tsiwunaemuxu duta. <sup>5</sup> Barapo wawunaewatsiwa jopa naca juntu coyene cana exanaeyo xua wajuntu coyene wecoyeiwa xua jopa wataxae pocotsiwa wawunaewatsiwa. Nacom bichocono naca juntu coyene yuca cana exana pia peantobe coyenewa pia Pejumopectanaxutha. Barapo pia Pejumopectanaxutatsi naca nacana jumope cata wajuntu coyenewatha.

<sup>6</sup> Poxonaewaxainchi jopa naca itacupaeyo xua wacoutha wanapanenebiwa, bapoxonaecristo naca tsitupa abe waexanae cuiru coyenewanexa. Bapon Cristo tupa poxonaepo mataqueitha Nacom copata xua bapon petupaewa tsaneba. <sup>7</sup> Barapo cae pin nacuathe nacata ayapube xua nanta xeinatsi xua jiton wayabara nanta xainaewa xua ichun peita araranaewatsi xua peyapu cabocaewa xua daxota petupaewa bequein barapo ichun daxita yabara jume cuiya exana pocotsiwa Moisés pia peitorobi coyenewatha paeba. Tsipei jiwi ba anatsiantabe, jopa ichipaeyo xua petupaewa. Ichitha ichacuitha tsipae metha jiton yaita araranaetsipa xua peyapu cabocaewa xua daxota petupaewa pon xanepanaya petaexanaeinichamonae. <sup>8</sup> Jame Nacom xaniwaicha naca tsita itapeinya xaina pia wanaca antobexae. Baxua Nacom naca cana exana poxonaecristo naca yapu caboca xua wanaca tsitupaewa bara bequein cataunxuae abe waexanaejiwichi. <sup>9</sup> Nacom naca exana xua waxainchi rejuntu coyene xanepanajiwichi xua poxonaejopa natsicuentisichi bapontha abe waexanaexae, xua poxonaecristo naca tsitupa. Bapoxonaeyawa jana pichapabarena. Barichi icha coyenewano exanaenano. Cristo naca yaputane exana xua wanaca capanenebiwa tsane Nacom pia pewanaca casebiwa weya. Po mataqueitha Nacom yabara paebina daxita jiwi xua penatsicuentiwa xua abe peexanaexae, barapo mataqueitha Nacomtha jopa natsicuenti tsainchi xua abe waexanaexae. <sup>10</sup> Copiyatha waxainchi Nacom pia peaitaetabi jiwichi. Ichitha bapon Nacom naca cana exana xua waita coxonaewa xua daxota Nacom pia jiwi tatsi wanaexanaenexa, Pexanto tatsi pewanaca tsitupaexae. Ichitha anoxuae Nacom pia jiwi tatsixaetsi, Jesucristo naca capanenebiya pia peasu poponaecoyenewatha. <sup>11</sup> Jopa meisa baxuiyo, jame juntu coyene weiweinatsino Nacomtha xua xuan Jesucristo peexanaexae waxainchi nexa, pon Wanacanamataxeinaein. Bapon Cristo naca cana exana xua waxainchi Nacom wanaca ita coxonaewa xua daxota Nacom pia jiwi tatsi wanaca cana exanaewa.

*Meje xua Adán yabara iru Cristo yabara*

<sup>12</sup> Caein pon xua copiya abe exana barapo cae pin nacuathe, bapon Adán. Bapon caena bayatha tupa copiya abe peexanaexae. Bapoxonae daxita jiwi abe eexanapona barapo cae pin nacuathe. Jiwi abe peexanaponaexae daxota werapaena, tsipei daxita jiwi abe exana. <sup>13</sup> Barapo cae pin nacuathe jiwi abe eexanapona beya poxonae Moisés pia peitorobi coyene tatsi xeina barapo cae pin nacuathepiwi. Poxonae jiwi cataunxuae jopa yaputaeyo Moisés pia peitorobi coyenewa tatsi, jopa Nacom tsitatsi xua barapomonae pexeinaewa penatsicuentisi coyenewa bapontha bequein barapomonae abe exanaetha. <sup>14</sup> Ichitha po dapaetha poxonae Adán popona weya xua beya poxonae iru Moisés popona, jiwi abe eexanapona. Daxota jiwi xeinapona po coyenewatha xua daxota werapaena barapo jiwi. Barapomonae werapa bequein pia peabe coyenewan tatsi jopa barichiyo icha Adán ichi. Adán abe exana poxonae bequein Nacom itoroba xua jopa bewa pinae xae tsane petheito. Bapon Adán bara be bapon pon bexa patopeícapaeba, bapon Cristo. Adán pia coutha xua jiwi abe peexanaewa xua jiwi pecanamata caexanaexaetsi. Seicaya nama Cristo pia coutha xua jiwi beta peexanaewa xua jiwi pecanamata caexanaexaetsi.

<sup>15</sup> Pocotsi coyene xua Adán naca tsiexana jopa be ichiyo xua pocotsi coyene naca tsiexana Jesucristo. Jiwi nawita werapa poxoru caein abe pecanamata exanaexae bapon Adán. Ichitha Nacom amanaya naca tsiexana pecapanenebiyae coyenewa poxoru caein, pon Jesucristo, naca tsitupa abe waexanaexae. Barapo coyene xua po coyene Nacom naca tsiexana bichocono peainya cui coyene, beyacaincha po cui coyene Adán naca tsiexana. Barapo coyene Nacom naca tsiexana xua peantobexae daxita jiwi peyawenaenexa ayei jiwitha. <sup>16</sup> Po peabe coyenewa caein canamata exana bapon Adán jopa coyene jupaetsi xua nacui coyene jupa exanabe po cui coyene xua Nacom amanaya naca tsiexana. Copiya Adán canamata exana abe peexanae cuiru coyene. Bapoxonae daxita jiwi jupa exana. Nacom yabara paeba Adán xua penatsicuentisiwa abe peexanaexae. Daxota Nacom Adán yabara jeichichi xua Adán bewa pinae tupaena abe peexanaexae. Barichi Nacom tane xua daxita jiwi bewa werapaena bichocono abe peexanaexae. Daxota Nacom ichichipa xua jiwi peyawenaewatsi. Nacom amanaya juntu coyene xanepana exana jiwi xua barapo jiwi jopa natsicuentisiyo bapontha, abe peexanaexae. Baxua exana Cristo petsitupaexae jiwi. <sup>17</sup> Bara xaniwaicha caein abe pecanamata exanaexae, daxita jiwi bewa werapaena abe peexanaexae. Ichitha nama anoxuae pocotsiwa caein peexanaexae pon Jesucristo, barapocotsiwa bichocono ayapusu beyacaincha xua Adán exana. Jesucristo petsitupaexae jiwi daxota Nacom bichocono jopa juniya yawenaeyo jiwi peantobexae. Barapo jiwi Nacom amanaya juntu coyene xanepana exana. Daxota Nacom weyatane xua barapomonae jopa xeinaeyo penatsicuentisi coyenewa bapontha bequein barapomonae abe exana taetha. Barapomonae Jesucristo ayapusuya nanabarũ yawa popona penanabarũ yawa itorobinexa tsane ichamonaetha.

<sup>18</sup> Barapon Adán pia peabe coyenewaxae, daxita jiwi natsicuenta Nacomtha xuya abe peexanaexae icha Adán ichi. Po pexanepanae coyenexae xua Jesucristo exana, barapo coyene jiwi cana exanatsi xua capanenebiyatsi penatsicuentisi coyenewa weya xua abe peexanaexae. Daxota daxita jiwi pomonae pejume cowantsixae Jesucristo itacupatsi

xua ataya asu jinompaena. <sup>19</sup> Baxua caunutan xua caein jopa pejume jejeixae xua peexanaewa pocotsiwa xua Nacom itoroba, daxota jiwi ayei jiwi abe eexanapona. Barichi xua caein pejejeixae xua peexanaewa pocotsiwa Nacom itoroba, daxota ayei jiwi najuntu coyene xanepana exanapona Nacomtha. Matauta barapomona Nacom capanenebiya exana xua pia penatsicuentisi coyenewa weya, xua abe peexanaexae.

<sup>20</sup> Nacom itoroba, xua Moisés tina pia peitorobi coyenewa xua jiwi peyaputaewa tsane xua bara jiwi daxita abe peexanapona jiwi poxona jopa yabara jume cuiya exanaeyo pocotsiwa Moisés itoroba. Poxonae jiwi equeicha mataropeicha yaputane Moisés pia peitorobi coyenewa, bapoxonae equeicha bichocono mataropeicha yaputane abe peexanae coyenewan. Daichitha Nacom bichocono mataropeicha aantobe tsoxona xua peyawenaenexatsi barapomona. <sup>21</sup> Copiya daxita jiwi werapa abe peexanaexae. Ichitha anoxuae Nacom peantobexae jiwi daxota cana exana xua jopa xeinaeyo penatsicuentisi coyenewa xua abe peexanaexae. Nacom jiwi catatsi peajuntuayapusu coyenewa po peajuntuayapuswa ataya tsiteca Jesucristo pon Wanacanamataxeinaein wanaca tsitupaexae.

## 6

*Meje yabara xua waxainchi asu jinompatsi caemona wanaexanaexae Cristotha*

<sup>1</sup> Waxainchi jopa bewa abe eexanaponaeinchi xua Nacom wanaca yayawenaponaenexa xua daxota wayaputaenexa xua bara Nacom naca antobe. <sup>2</sup> Jopa bewa baxua exanaetsi. Waxainchi bayatha wetatsi xua abe waexanaewa. Equeicha jopa bewa abe exanaetsi, icha be pon petupaein ichi, xua jopa itacupaetsi xua equeicha abe peexanaewa, tsipei bayatha tupa. <sup>3</sup> Paxam payaputaneme baxue: Poxonae waxainchi ichamonae naca bautisaba, bapoxonae caemona nanaexainchi Cristo Jesustha. Waxainchi caemona wananaexanaexae Cristotha poxonae naca bautisaba, bapoxonae be cae cui coyeneya nanaexanatsi xua wawerapaewa, icha bapon ichi poxonae tupa. Baxua be icha waxainchi xua bayatha werapatsi xua daxota equeicha jopa naca itacupaeyo xua abe waexanaewa. <sup>4</sup> Wanaca bautisabi coyenewa baxua be poxonae Cristo naca cayawa muthuthu xotsi. Yawano be Cristo naca cayawa tupa poxonae bapon tupa. Icha Cristo ichichi xua equeicha asu exanatsi petupa cuiru coyene weya, Nacom bara naca ichi tsane. Nacom Cristo paxa asu cana exanatsi pia peitupanae coicha ayapusu itorobi coyenewatha. Barichi Nacom bara naca ichi tsane wayawa jinompaenexa pena juntu coyenewa. Bapoxonae xeinatsi pena juntu coyenewa, xua po juntu coyenewatha jinompatsi icha Cristo ichi. Nacom, baxua Cristo paxa cana exanatsi Nacom pia peitupanae coicha ayapusu itorobi coyenewatha.

<sup>5</sup> Tsipei waxainchi be caemona nanaexanaeinchi po petupa coyenewatha poxonae bapon tupa. Barichi tsane poxonae equeicha asu naca exanaena petupa cuiru coyene weya icha matha Cristo ichichi poxonae asu exainchi petupa cuiru coyene weya. Bapoxonae caemona nanaexanaeinchi Cristotha. Daxota icha Cristo ichichi xua poxonae asu exainchi equeicha petupa cuiru coyene weya, naca barichi tsane. Nacom equeicha asu naca exanaena petupa cuiru coyene weya caemona wananaexanaexaetsi Cristotha poxonae be naca yawa

tupa Cristo. <sup>6</sup> Waxainchi yaputainchi, xua pocotsiwan exanatsi xua xuan waperu juntu coyenein po coyenein naca cana exana xua abe waexanaewa, barapo coyenein be weraweraca poxonae Cristo tupa exanadutatsi naetotha. Baxua nacata exana xua jopa equeicha bichocono waichichipaewa tsane xua waexanaewa abe coyenewa poxonae bequein wajuntu coyene naca itoroba xua abe waexanaewa tsane. <sup>7</sup> Daxota ba pon xua bayatha tupa jopa itacupaetsi xua equeicha abe peexanaewa. Waxainchi barichichi jopa naca itacupaeyo xua equeicha abe waexanaewa tsane. <sup>8</sup> Waxainchi Cristo naca cayawa tupa, daxota jume cowuntatsi xua bexa bapon Cristo baru jinompaeinchi. <sup>9</sup> Waxainchi yaputainchi, xua poxonae Cristo equeicha asu exanatsi petupae cuiru coyene weya, bapoxonae bapana equeicha jopa tupa exanae tsainchi. <sup>10</sup> Poxonae Cristo tupa bapon saya bara cae coyenewatha tupa xua daxita jiwu nexa abe peexanaexae xua ataya tsiteca. Ichitha xua Cristo anoxuae asu popona, barapo pepoponae coyenewa xua beta peexanaenexa pocotsiwa Nacom peichichipaewa xua bara ataya tsane. <sup>11</sup> Barichi anoxuae paxam bewa pananta xeinaename be pomonae xua werapa xua equeicha jopa itacupaetsi xua abe peexanaewa. Bara paichinde paexande xua jopa paexanaeinde icha barapomonae ichi. Paexande pocotsiwa Nacom tsita xanapanatsi xua pocotsiwa Nacom ichichipa xua caemonae painya nenaexanaexae Cristo Jesustha.

<sup>12</sup> Daxota jopa pacopatsinde xua painya juntu coyenein paca itoroba xua abe painya neexanaewa. Painya pepon werapaena daxota jopa paexanaem tsane xua pocotsiwa painya pepon paca itoroba xua pocotsiwa ichichipa paexaname xua peabe coyenewan. <sup>13</sup> Painya xoba pacopatame xua bara painya juntu coyenein paca itorobina xua painya neexanaewa tsane peabe coyenewan. Jame maisa bara pacopare xua bara Nacom paca juntu coyene itorobeibina painya neexanaenexa pocotsiwa Nacom paca itoroba. Bara paichinde icha be ichi xua pomonae bayatha werapa xua equeicha asu exanatsi xua jopa equeicha abe exanaeyo. <sup>14</sup> Anoxuae barapo abe peexanae coyenewa po coyene xua copiya paexanaponame jopa itacupaetsi xua paca cana exana xua equeicha abe painya neexanaponaewa tsane. Barichi anoxuae equeicha jopa panantawenonaem xua paexanaename pocotsiwa Moisés paca itoroba pia peitorobi coyenewatha Nacom painya paca capanenebiyaenexa. Jame paexana dubenanaebiyama pocotsiwa xua Nacom ichichipa pia paca necayawenae coyenewatha, pia paca nacaantobexae.

*Meje yabara xua waxainchi bewa exanaetsi pocotsiwa pexainyei coyenewa*

<sup>15</sup> Waxainchi jopa bewa abe eexanaponaeinchi! Anoxuae jopa Moisés naca itorobiyo pia peitorobi coyenewatha xua waexanaewa. Apra Nacom naca itoroba wanaca yawenaenexa xua wanaca antobexae. <sup>16</sup> Paxam payaputaneme icha pebin nacaenaeta xua ichichipa exana pocotsiwa xua ichin itoroba, bapoxonae bapon naexana be pon xua amanaya petanacuichin pon pia pentacaponaeinchi nexa. Daxota poxonae paxam paichichipame xua itapeta painya neexanaewa peabe coyenewan, bapoxonae barapo peabe coyenewa be paca canamataxeina. Bapoxonae be pana nacana exaname be pocotsin amanaya petanacuichin pia pentacaponaein nexa. Daxota pawerapaeneme, painya neexanaexae barapo abe peexanae coyenewa. Ichacuitha icha

paichichipame xua itapeta painya neexanaewa pocotsiwa xua Nacom itoroba, bapoxonae xaniwaichiya painompame. Nacom tsitatsi xua painya juntu coyenein xanepana xua jopa painya nenatsicuentisiwa abe painya exanaexae bapontha. <sup>17</sup> Ichitha baxua yabara Nacom tsipaeban, janje: “Nacom maisa juntu coyene weiweinan, barapo Roma tomara-piwi pia peexanaexae. Tsipei copiya u saya xua abe coyenewan peexanaewi. Ichitha anoxuae barapomonae cajume cowanta. Barapomonae bichocono jume cowanta pia juntu coyenewatha pocotsiwa pexainyei jume xua barapomonae nacuiduba”, janje Nacomtha. <sup>18</sup> Daxota anoxuae Nacom paca capanenebiya exana barapo abe painya neexanae coyenewan weya. Yawano paxam amanaya painya netanacuiichi jiwi pam Nacom nexa xua beta painya neexanaewam. <sup>19</sup> Xan cueicueijan pocotsi jumeintha xua jiwi itacupatsi peyaputaenexa, tsipei yaputan xua pacata ayapube xua painya neyaputaewa. Caena bayatha paxam saya payabara copatame xua bara painya neexanaewa peabe coyenewan xua paichichipame. Jamaisa anoxuae payabara copare xua painya pepon peexanaponaenexa pocotsiwa xua pexanepanae coyenewan Nacom nexa. Bapoxonae Nacom patsita juntu coyene xanepanaya jinompame.

<sup>20</sup> Poxonae cataunxuae saya u painya neexanaewi abe peexanae coyenewan, bapoxonae jopa u painya neexanae jiwi pocotsiwa pexanepanae coyenewan. <sup>21</sup> Poxonae bayatha peabe coyenewan paexaname baraxua apara jopa paca yawenaeyo. Apara saya paca aura exana anoxuae. Ichitha barapo abe peexanae coyenewan saya paca cana exana xua painya newerapaewa tsane. <sup>22</sup> Ichitha anoxuae panenebiya painya nepaca exanaexae barapo abe painya neexanae coyenewan weya, daxota anoxuae paexaname pocotsiwa xua Nacom paca itoroba. Daxota pocotsiwa Nacom painya nepaca matomatsiwa, baxua apara poxonae Nacom paca juntu coyene xanepana cana exana bapontha. Matautano Nacom paca catsibina pocotsiwa peajuntucoyenesuwa po peajuntucoyenesuwa ataya tsiteca. <sup>23</sup> Barapo peabe coyenewaxae saya jiwi werapaena cana exanaeinchi. Ichitha pocotsiwa xua Nacom amanaya wanaca catsiwa, baxua apara po coyene xua peajuntuyapusu coyene po peajuntuyapusu coyene ataya tsiteca. Barapo peajuntuyapusu coyenewa naca cana exana xua caemonae naexainchi Cristo Jesustha, pon Wanacanamataxeinaein.

## 7

*Meje yabara xua po peitorobi coyenewa poxonae jitha peecaewa yabyo*

<sup>1</sup> Tamonae pam, pomonae pam pomonae iru painya nejume cowantsi jiwixae Jesucristotha. Paxam barapomonae pam xua payaputaneme Moisés pia peitorobi coyenewa tatsi. Yawano payaputaneme xua jiwi saya bewa exanaena pocotsiwa Moisés itoroba barapo peitorobi coyenewatha poxonae cataunxuae jinompa barapo cae pin nacuathe. Ichitha poxonae jiwi werapa barapomonae jopa equeicha bewa exanae pocotsiwa barapo peitorobi coyenewa itoroba. <sup>2</sup> Paca tsipaebatsi peyabara jata paebiwa: Petsiriwa powa xeina piseuri bewa piseuritha cuicuiniae pepaebixae barapo peitorobi coyenewa, xua poxonae pia pebin tatsi awiya asu popona. Ichitha icha barapowa pia pebin tatsi tatupatsi barapowa jopa nantawenonaeyo xua peexanaewa pocotsiwa

Moisés itoroba barapo peitorobi coyenewatha xua po coyene pebin yabara paebatsi. <sup>3</sup>Daxota icha barapowa isa maiteca icha pebin xua nasi cui exana icha pebintha poxona cataunxuae baru popona pia pebin, bapowa bapoxonae Nacom tsita natsicuentatsi xua abe peexanaexae. Ichitha icha bapowa pia pebin tatsi tatupatsi barapowa itacupatsi xua pepichiwa icha pebin. Barapowa jopa Nacom tsita natsicuentatsi xua abe peexanaexae. Poxonae baxua exana, tsipei barapo peitorobi coyenewa jopa yabara paebiyo baxua.

<sup>4</sup>Tamonae pam, paxam pomonae iru painya nejume cowantsiwixae Jesucristo. Barichi bara juta ichi poxonae Cristo tupa, paxam iru be pawerapame. Daxota jopa panantawenonaem xua paexanaename pocotsiwa Moisés itoroba pia peitorobi coyenewatha. Anoxuae paxename ichun pon paca itoroba. Baraxua barichi icha yabayu ichi xua pita icha pebin pon bapowa itorobatsi poxonae piseuri tatsi tatupatsi. Anoxuae paxam Cristo piamonae tatsi pam, pon equeicha asu exanatsi petupae cuiru coyene weya. Barapo coyenewatha Nacom naca cana exana xua wanaca itacupaewa xua waexanaewa tsane pocotsiwa xanepana Nacom nexa. <sup>5</sup>Poxonae waxainchi copiya jume cowantatsi, Moisés yabara naca itoroba pia peitorobi coyenewatha po coyenewa jopa bewa exanaetsi. Ichitha wajuntu coyenewatha ichichipatsi nawita xua waexanaewa barapo abe peexanae coyenewan poxonae jume tainchi xua jopa bewa exanaetsi barapo coyene. Barapo coyene naca cana exana xua saya wawerapaewa tsane. <sup>6</sup>Ichitha anoxuae jopa wanantawenonaewa xua waexanaewa pocotsiwa Moisés itoroba pia peitorobi coyenewatha. Waxainchi bayatha be werapatsi xua daxota barapo Moisés pia peitorobi coyene tatsi jopa itacupaetsi xua wanaca itorobiwa. Daxota anoxuae naca itacupa xua watanacuichiwa Nacom. Waxainchi xeinatsi pena juntuu coyene po pena juntuu coyene Nacom pia Pejumope tanaXu tatsi naca cata. Nama jopa equeicha exanaetsi pocotsiwa Moisés itoroba barapo pia peru itorobi coyenewatha xua bayatha tina.

*Mejeyabara xua Pablo jeye: “Meje xua po peabe exanae coyene xeinan”, jei.*

<sup>7</sup>Waxainchi jopa bewa paebichi xua Moisés pia peitorobi coyenewa tatsi abe. Tsipei barapo Moisés pia peitorobi coyenewa tatsi necuiduba xua bara abe exanan. Copiya jopa yaputaeinyo xua peabe coyenewa poxonae yabara uwiya ichichipan pocotsiwan ichamonae xeina. Ichitha barapo peitorobi coyenewa naca tsipaeba, naca jeye: “Jopa yabara uwiya paichichipaeinde pocotsiwa xua ichamonae xeina”, jei barapo peitorobi coyenewa. <sup>8</sup>Poxonae copiya jume cowantan, Moisés yabara neitoroba pia peitorobi coyenewatha po coyenewan xua jopa bewa uwiya ichichipaein tsane ichamonae piawan. Ichitha jame ichichipan nawita tajuntu coyenewatha xua taxainaewa tsane xua ichamonae piawan poxonae jume tan xua jopa bewa ichichipaein tsane xua taxainaewa tsane ichamonae piawan. Poxonae awiya jopa yaputaeinyo Moisés pia peitorobi coyenewa jopa ichipaeinyo xua taxainaewa pocotsiwa ichamonae piawan. <sup>9</sup>Caena bayatha poxonae jopa yaputaeinyo Moisés pia peitorobi coyenewa xan saya juntema poponan, tsipei jopa yabara yaputaeinyo xua abe taexanaewa. Ichitha pirapae bequein yabara yaputan barapo peitorobi coyenewa, xua ichamonae piawan peuwiwa yabara, awiya bichocono abe exanaponan. Bapoxonae bara

be tatupae coyenewaba tsipei jopa juntema tapoponaewa abe taexanaexae. <sup>10</sup> Barapo Moisés pia peitorobi coyenewa tatsi Nacom cata xua jiwi pejuntu coyene weiweinaenexa xua poxonae pejuntu coyene xanepanaewa tsane. Poxonae jiwi jume cowantsiya exana daxita xua barapo coyenewatha itoroba, barapo jiwi hexa tsane xeinaena peajuntuyapusuwa xua bara ataya tsane xeinaena. Daichitha barapo coyenewa wecoyei necana exana tsipei bewa tatupae coyenewa tsane poxoru jopa neitacupaeyo xua exanan daxita xua barapo coyenewa itoroba. <sup>11</sup> Barapo Moisés peitorobi coyenewa be netsita penaerabi coyenewa. Mexeya itara xeinacuaein jantocuae peajuntuyapusuwa poxonae exanaein pocotsiwa Moisés itoroba pia peitorobi coyenewatha. Daichitha poxonae abe exanan Moisés pia peitorobi coyenewa netsita itata xua bewa tupaen tanatsicuentiswaxae abe taexanaexae Nacomtha.

<sup>12</sup> Daxita po peitorobi coyenewan Nacom cata Moiestha daxita barawnae, yawa bara pexainyei coyenewan. <sup>13</sup> Barapo Moisés pia peitorobi coyenewa jopa necana exanaeyo xua bewa tupaen tanatsicuentiswaxae abe taexanaexae Nacomtha. Apra jame barapo abe taexanae coyene necana exana xua be tupaen tanatsicuentiswaxae abe taexanaexae Nacomtha. Bequein barapo Moisés pia peitorobi coyene tatsi wnae, daichitha barapo peitorobi coyene neyaputane exana xua abe taexanaein. Barapo peitorobi coyenewatha xua Nacom naca yaputane exana xua poxonae abe exanatsi barapo abe peexanae coyenewa bara xainyei, bara abe bichocono. Jopa bichocono juniya abeyo.

<sup>14</sup> Yaputainchi xua Moisés pia peitorobi coyenewa tatsi apra xanepana, Nacom weya pejume pichipaexae. Ichitha poxoru saya jiton juntu coyeneya taxeinaeinxae tajuntu coyene necana exana xua abe taexanaewa. <sup>15</sup> Tsipei jopa xapain yaputaeninyo pocotsiwa xua exanan, poxoru jopa exanaeninyo pocotsiwa xua xanepana xua pocotsiwa ichichipan xua taexanaewa nexa. Ichitha pocotsiwa aichaxaibin xua jopa pexanepanaexae, daichitha apra baxua exaneiban. <sup>16</sup> Ichitha icha abe exanan xua bequein aichaxaibin abe taexanaewa, bapoxonae yaputan xua Moisés pia peitorobi coyenewa tatsi xanepana. Tsipei barapo peitorobi coyenewa necuiduba xua jopa bewa exanae abe peexanae coyenewan. <sup>17</sup> Tacoutha jopa ichipaeninyo xua abe taexanaewa bequein baxua exanan. Ichitha barapo abe peexanae coyenewa xua tajuntu coyenewatha xeinan, barapo coyene necana exana xua apra abe taexanaewa. <sup>18</sup> Tsipei xan yaputan xua xeinan jiton pia coyene. Daxota jopa xeinaeninyo pexanepanae coyenewa. Bequein ichichipan xua xanepanaya taexanaewa, ichitha jopa neitacupaeyo xua baxua exanan tacoutha. <sup>19</sup> Jopa exanaeninyo po pexanepanae coyenewa bequein ichichipaethan xua taexanaewa. Ichitha exanaponan po abe peexanae coyenewan bequein aichaxaibithan xua taexanaewa. <sup>20</sup> Daxota icha abe exanan pocotsiwa bequein aichaxaibithan xua abe taexanaewa, bapoxonae jopa neitacupaeyo xua tacoutha nayawenan xua jopa abe taexanaewa. Barapo abe peexanae coyenewa xua tajuntu coyenewatha xeinan, barapo coyene necana exana xua equeicha mataropeicha abe taexanaewa.

<sup>21</sup> Daxota nayaputan pocotsiwa exaneiban tajuntu coyenewatha, xua poxonae bequein ichichipan beta taexanaewa tsane bapoxonae abe exaneiban. <sup>22</sup> Bichocono ichichipeiban tajuntu coyenetha Nacom Pe-



jume Diwesi tatsi. <sup>23</sup> Ichitha yaputan xua po peabe coyenewa tajuntũ coyenewatha xeinan neitoroba xua abe taexanaewa tsaibi, bequein nanta xeinan xua beta taexanaewa, icha Nacom ichichipa. Ichitha barapo peabe coyenewa neitoroba xua equeicha mataropeichiya abe taexanaewa, po peabe coyenewa xua tajuntũ coyenewatha xeinan. Xan be pon tanebusi cui taetaein ichamonae tsipei barapo abe taexanaewa neitorobeiba xua abe taexanaewa.

<sup>24</sup> ¡Ooo, jopa taxanepanae tsocuaeinyo! ¡jopa tajuntũ coyene wũnae tsocuaeinyo! ¿Jintam metha necapanepaena barapo tapepon weya po pepon xua bewa tũpaena? <sup>25</sup> Daxota Nacomtha janje: “Nacom juntũ coyene weiweinan xua Jesucristo, pon Tanecanamataxeinaein, itacũpatsi xua tanecapanepaewa tsane barapo tapepon weya”, jan Nacomtha. Daxota yaputan xua nanta xeinan xua bara beta taexanaewa pocotsiwa Nacom neitoroba, ichitha tajuntũ coyenewatha exanan pocotsiwa xua abe taexanaewa.

## 8

*Meje yabara xua peajuntũyapusuwa pejinompaewa po peajuntũyapusuwa Nacom pia Pejumope tũnaxũ tatsi naca cata*

<sup>1</sup> Dapon ajibi pon itacũpatsi peyabara paebiwa xua pomonae caemonaena penaexanaewi Cristo Jesustha natsicuenta abe peexanaexae Nacomtha. <sup>2</sup> Nacom pia Pejumope tũnaxũ tatsi naca cata peajuntũyapusuwa xua wajinompae coyenewanexa xua caemonaena xua wanaexanaexaetsi Cristo Jesustha. Barapo Nacom pia Pejumope tũnaxũ tatsi neyawena pia peayapusuwa itorobi coyenewatha. Necapanepa exana po peitorobi coyene weya xua neitoroba xua abe taexanaewa. Matautano necapanepa exana xua po peitorobi coyene weya tũpa necana exana. <sup>3</sup> Moisés pia peitorobi coyenewa tatsi jopa itacũpaetsi xua jiwi capanenebiya exainchi abe pia peexanae cuiru coyenein weya. Jiwi jopa itacũpaetsi xua daxita yabara jume cuiya exana barapo Moisés pia peitorobi coyenewa tatsi. Ichitha Nacom Pexanto itorobica pon yatsicaya pepa Pexanto tatsi. Barapo Pexanto tatsi naexana be bara jiton pia pepon tatsi, bara naca peru coyene jũpa, po pepontsi xua abe waexanae ji-wichi. Poxonae Cristo tsitũpa waabe exanae cuiru coyenewan, bapon amanayaba barapo waabe exanae cuiru coyenewantha. Barapo peabe coyenewan jopa peitacũpaenexa tsainchi xua wanaca cana exanaewa tsane xua equeicha abe waexanaewa tsane. <sup>4</sup> Nacom baxua exana xua waxainchi wanaca itacũpaenexa xua waexanaewanexa tsane pocotsiwa Moisés itoroba pia peitorobi coyenewatha. Waxainchi naca itacũpa xua waexanaewa pocotsiwa Moisés pia peitorobi coyenewatha itoroba, poxoru jopa apara exanaetsi xua wapepon peichichipaexae. Apara jame exainchi xua pocotsiwa Nacom pia Pejumope tũnaxũ tatsi wanaca itorobixae.

<sup>5</sup> Pomonae exana dubenanaebiya pocotsiwa pia pepon ichichipa exana, saya barapomonaena yabara nanta xeina xua abe peexanae coyenewa. Pomonae exana dubenanaebiya icha pocotsiwa Nacom pia Pejumope tũnaxũ tatsi ichichipa, barapomonaena saya yabara nanta xeina xua xanepanaya peexanae coyenewa pocotsiwa Nacom nexa. <sup>6</sup> Jiwi ba yabara nanta xeina abe peexanae cuiru coyenewan pocotsiwa pia pepon tatsi ichichipa. Bapoxonae barapo jiwi werapaena peexanaexae barapo abe peexanae coyene. Iru icha jiwi ba yabara nanta xeina

xanepanaya peexanae coyenewan xua pocotsiwan Nacom pia Pejumoꝑe t̃nax̃u tatsi ichichipa, barapomonaꝑe xeinaena peaj̃nt̃uyap̃us̃wa po peaj̃nt̃uyap̃us̃wa xua bara ataya tsane. Matautano xeinaena j̃nt̃ema pejinompaꝑe coyenewa. <sup>7</sup> Pomonaꝑe saya peyabara nanta xeinaewi xua abe peexanae coyenewa xua pocotsiwa pia pepon tatsi ichichipa exana, barapomonaꝑe apara Nacom pia peaitafaetabi jiwichi. Barapomonaꝑe jopa ichipaeyo xua peexanaewa pocotsiwa Nacom itoroba pia peitorobi coyenewatha xuano xua jopa itac̃paetsi xua peexanaewa barapo coyene. <sup>8</sup> Pomonaꝑe naitomatsiya exana pocotsiwa xua pia pepon tatsi itoroba xua abe peexanae coyenewa peexanaewa, barapomonaꝑe Nacom jopsa tsita xanepanaetsi.

<sup>9</sup> Ichitha nama paxam jopa paexanaem baxua po abe peexanae cuiru coyenewan painya pepon paca cana exana xua abe painya neexanaewa. Ichitha nama paxam pajinomꝑame icha be pocotsi coyeneya Nacom pia Pejumoꝑe t̃nax̃u tatsi ichichipa, icha barapo jumope yatsicaewa paca bar̃u jinompa. Pon jopa Nacom pia Pejumoꝑe t̃nax̃u tatsi bar̃u poponaetsi, bapon jopa Cristo pijimonaꝑe tatsi. <sup>10</sup> Ichitha icha Cristo paca bar̃u popona, Nacom pia Pejumoꝑe t̃nax̃u tatsi paca cana exana xua jopa painya nenatsicuent̃siwam xua abe painya neexanaexae Nacomtha. Baxua paca cana exana bara bequein painya pepon werapa exanatsi abe peexanae coyenewan. Baxua paca cana exana painya nej̃nt̃u coyene xanepanaexae Nacomtha. <sup>11</sup> Nacom pia Pejumoꝑe t̃nax̃u tatsi Jesús as̃u exanatsi pet̃pae cuiru coyene weya. Icha Nacom pia Pejumoꝑe t̃nax̃u tatsi paca bar̃u popona, bapoxonaꝑe Nacom as̃u exanaena painya pepon, po pepon xua werapaena. Baxua Nacom pacata exanaena, icha Nacom pia Pejumoꝑe t̃nax̃u tatsi ichi poxonaꝑe Cristo as̃u exanatsi pet̃pae cuiru coyene weya. Baxua Nacom exanaena painya nepaca bar̃u jinompaexae Nacom pia Pejumoꝑe t̃nax̃u tatsi.

<sup>12</sup> Tamonaꝑe pam, paxam pomonaꝑe ir̃u painya nejume cow̃nt̃siwixae Jesucristo. Waxainchi jopa bewa exanaetsi pocotsiwan xua wapepon naca cana exana xua abe waexanaewa tsane. <sup>13</sup> Tsipei icha paxam paexana dubenanaebiyame xua pocotsiwa painya pepon ichichipa xua abe painya neexanaewa tsane, bapoxonaꝑe pawerapaename. Ichitha jame paexana dubenanaebiyama pocotsiwa Nacom pia Pejumoꝑe t̃nax̃u tatsi paca cui itoroba xua painya neexanaewa tsane. Bapoxonaꝑe jopa paexanaem pocotsiwan xua painya pepon paca cana exana xua abe painya neexanaewa tsane. Bapoxonaꝑe bexa tsane aj̃nt̃us̃ya pajinompaename Nacom pia nacuatheicha.

<sup>14</sup> Daxita pomonaꝑe Nacom pia Pejumoꝑe t̃nax̃u tatsi itorobiya ewata, barapomonaꝑe bara Nacom pia pexui tatsi. <sup>15</sup> Nacom paca nacana jumope cata. Barapo pejumoꝑe jopa paca cana exanaeyo pomonaꝑe be painya nepaca busi cui tatayebeibi jiwi pam xua ichamonae amanaya painya netanacuichi jiwi pam, xua daxota equeicha pajunuwame. Jame barapo Nacom pia Pejumoꝑe t̃nax̃u tatsi paca cana exana xua Nacom pia pexui tatsi pam. Barapo Nacom pia Pejumoꝑe t̃nax̃u tatsi naca exana xua barompaya wajeiwa: “Axa”, wajeiwa Nacomtha. <sup>16</sup> Nacom pia Pejumoꝑe t̃nax̃u tatsi ir̃u waj̃nt̃u coyenewa natsipaebabe xua pinae bara Nacom pia pexui tatsi wanaexanaewichiba. <sup>17</sup> Waxainchi Nacom pia pexui tatsi wanaexanaexae, daxota xeinatsi pocotsiwa Nacom wanaca j̃nt̃ana jebiwa xua bexa tsane naca catsibina. Barapocotsiwa

bayatha yabara naca tsiw<sup>nae</sup> muxu duba. Poxonae Nacom baxua naca catsibina, Cristo matha catsinchi xua waxainchi wajiwana xeinaenexo. Icha waxainchi ichamonae naca atene exana, icha poxonae Cristo ichichi xua matha atene exanatsi ichamonae, bapoxonae waxainchi Cristo bar<sup>u</sup> xeinaeinchi pocotsiwa Nacom wanaca j<sup>ntana</sup> jebiw<sup>a</sup>. Nacom naca catsibebina po pexeinya peit<sup>u</sup>panae coicha xua bayatha Cristo catatsi.

*Meje yabara xua Nacom piamonaetha catsicaena pia pexeinya peit<sup>u</sup>panae coicha*

<sup>18</sup> Xan yaputan xua bequein ichamonae naca atene exana barapo cae pin nacuathe, baxua jopa ainya cuiyo. Mata<sup>utano</sup> yaputan xua Nacom cata pia pexeinya peit<sup>u</sup>panae coicha Jesustha. Barichi naca catsibina barapo pexeinya peit<sup>u</sup>panae coicha po pexeinya peit<sup>u</sup>panae coicha xua jopa juniya w<sup>naeyo</sup>. <sup>19</sup> Daxita po jiwi Nacom forota barapo cae pin nacuathe, barapo jiwi w<sup>nae</sup> weyataeya ewata po mataqueitha poxonae Nacom tsita it<sup>utsina</sup> piamonae. Nacom tsita it<sup>utsina</sup> piamonae xua daxita jiwi peyaputaenexa tsane xua xaniwaicha barapomonae apara Nacom pia pexui. <sup>20</sup> Daxita baxuan xua xuan Nacom exana po cae pin nacuathe barapo coyenein abe naexanaena. Jopa apara barapo coyenein pia couthiyo xua peweraweracaewa tsane peabexae, saya apara poxoru Nacom baxua pecopatsixae poxoru Nacom namchi xua daxita bewa weraweracaena Adán abe peexanaexae. Ichitha Nacom yabara cana j<sup>ntu</sup> coyene weta exana xua pejopaewa tsane matabi po mataqueitha xua barapo cae pin nacie pena nacia naexanaena.

<sup>21</sup> Barapo cae pin nacuathe xua pena nacia, jiwi jopa bapana equeicha werapae tsane. Mata<sup>utano</sup> daxita coyenein xua Nacom forota jopa bapana equeicha weraweracae tsane. Barapo mataqueitha daxita xua xuan Nacom forota Nacom w<sup>nae</sup> cana exanaena, icha pijimonaetha cana ichi tsane xua pijimonaetha tatsi bichocono w<sup>naeya</sup> xanepana naexanaena. <sup>22</sup> Waxainchi yaputainchi daxita baxuan xua pejinompae-wan xua Nacom peforotsiwan caena bayatha atene xua beya anoxuae. Atene icha yab<sup>yo</sup> ichi xua bichocono atene poxonae imoxoyo pexuyo tanaexanatsi. <sup>23</sup> Daxita baxuan meisa jopa ateneyo. Bara ir<sup>u</sup> waxainchi daxitatsi atenetsi bequein Nacom pia Pejumope t<sup>na<sup>xu</sup></sup> tatsi naca yawa jinompa. Barapo pejumope, apara pocotsiwa xua copiya matha Nacom naca cata xua pocotsiwa jiwana Nacom hexa naca catsibina. Bichocono aj<sup>ntu</sup>coyenerewetsi xua j<sup>nth<sup>u</sup></sup>th<sup>u</sup> wecoyeichi, poxonae waxainchi ewatatsi po mataqueitha poxonae Nacom yatsicaewa naca cana exanaena pia pexuichi, xua barichino naca catsibinano pena pepon. <sup>24</sup> Poxonae Nacom naca capanenebiya, Nacom naca tsipaeba pinae naca catsibina pena pepon. Barapo pepon cataunxuae ab<sup>u</sup> w<sup>nae</sup> ewatatsi. Icha waxainchi xeinaeinchi pocotsiwa xua w<sup>nae</sup> ewatatsi bapoxonae jopa nantawenonaetsi xua came w<sup>nae</sup> ewatatsi, tsipei bayatha xeinaeinchiba. Poxoru jiton ba jopa came w<sup>nae</sup> ewatsiyo pocotsiwa xua bayatha xeinaba. <sup>25</sup> Ichitha icha w<sup>nae</sup> ewatatsi pocotsiwa xua came jopa xeinaetsi bapoxonae bewa w<sup>nae</sup> ewatichi xua jopa bepijawa aitaconatsi.

<sup>26</sup> Barichi Nacom pia Pejumope t<sup>na<sup>xu</sup></sup> tatsi naca yawena tsipei waxainchi waj<sup>ntu</sup> coyene faefaenaewi. Waxainchi jopa yaputaetsi xua

betiya cuitiya wꞛcatsi Nacom. Ichitha poxonae jꞛntꞛ coyene boje-ichi, poxoru jopa wanaca itacꞛpaewa xua po jumetha wacaunutsiwa, baroxonae Nacom pia Pejumope tꞛnaxꞛ tatsi nacata wꞛca Nacomtha. <sup>27</sup> Nacom, bapon yaputane pocotsiwa xua jiwi pia jꞛntꞛ coyenewatha nanta xeina. Mataꞛtano barapon yaputane pocotsiwa Nacom pia Pejumope tꞛnaxꞛ tatsi ichichipa paeba jiwi nexa. Nacom pia Pejumope tꞛnaxꞛ tatsi Nacom wꞛcatsi icha be pocotsi coyeneya Nacom ichichipa pomonae xua Nacom piamonae tatsi nexa.

*Meje yabara xua waxainchi amanayabatsi po coyenein xua bequein naca atene exana*

<sup>28</sup> Waxainchi yaputainchi xua daxita po coyenein xua nacata exana bequein wꞛnae, ichacuiitha bequein abe, daichitha Nacom equeicha daxita baxuan nacata xanepana exana. Baxua Nacom taexana pomonaetha pomonae pia peantobexaetsi. Barapomonae Nacom waba petaexanaewa tsainchi pocotsiwa bapon ichichipa. <sup>29</sup> Caena bayatha poxonae aena nacua forota, Nacom tsiwana yaputane barapomonae pomonae pejume cowꞛntsiwichi tsainchi. Mataꞛtano Nacom itapeta xua pecana exanaenexa icha be pexanto tatsi ichi. Baxua Nacom exana xua Pexanto tatsi bapon Jesús, be matapin naexana xua daxita jiwi pentapin tatsi. <sup>30</sup> Pomonae xua Nacom itapeta xua caena bayatha xua copiya poxonae aena nacua forota, bara yawano Nacom waba xua peexanaenexa pia pexui tatsi. Pomonae Nacom pewabixae bara yawano exana xua barapomonae jopa penatsicuentiwa xua abe peexanaexae pecatsixae peꞛntꞛ coyene xanepanaewa bapontha. Pomonae xua Nacom peꞛntꞛ coyene xanepana exanaexae, bara yawano yabara tsiwꞛnae muxu duta xua barapomonae naexanaena icha be Nacom Pexanto tatsi ichi.

<sup>31</sup> Anoxuae waxainchi yaputainchi xua Nacom naca yawena daxota dapon ajibi pon naca jꞛntꞛ coyene amanayaba xua abe wanaca exanaenexa. <sup>32</sup> Poxoru Nacom Pexanto jopa asiwiyo daxota Nacom copata xua wanaca tsitꞛpaenexa. Daxita waxainchi yaputainchi xua daxota daxitan coyenein Nacom amanaya naca catsiba po coyenein canamatawenonatsi. <sup>33</sup> Dapon ajibi xua itacꞛpatsi yabara paeba xua pinae Nacom tsita natsicuentatsi pomonae pia peitapetsiwixae tatsi xua abe petsita exanaexaetsi. Nacom yabara paeba xua pinae apara jopa barapomonae tatsi natsicuentiwa xua abe petsita exanaexaetsi bequein abe exana taetha. <sup>34</sup> Mataꞛtano dapon ajibi xua itacꞛpatsi yabara paeba xua barapomonae bewa werapaena penatsicuentiwa xua abe peexanaexae Nacomtha. Barapomonae jopa bewa werapae tsane, tsipei Cristo Jesús tsitꞛpa barapomonae, abe peexanaexae Nacomtha. Bapon Cristo Jesús equeicha asꞛ exanatsi. Anoxuae eca Nacom pia coxa weya tatsi. Bapon Cristo Jesús Paxatha wꞛca xua nacata wꞛca. <sup>35</sup> Cristo naca antobe, daxota dapon ajibi pon itacꞛpatsi xua tsanayiwa naca cana exana Cristo weya. Ichacuiitha ichamonae atene wanaca exanaewichitha awiya Cristo naca antobe. Ichacuiitha ichamonae daunwei wanacata exanaewichitha awiya naca antobe. Ichacuiitha ichamonae abe wanacata exanaewichiwathatsi wayabara cueicueijeixae Jesús awiya bapon naca antobe. Ichacuiitha wajainpaewichiwathatsi awiya naca antobe. Ichacuiitha wanacata acoibichiwathatsi paparuwa awiya naca antobe. Ichacuiitha wanapeiwichiwathatsi poxonae ichamonae abe nacata exana awiya naca antobe. Ichacuiitha ichamonae

wanaca jutebichiwathatsi awiya naca antobe. Daxita barapo coyenein jopa canaupaetsi xua tsanayiya wanaca exanaewa Cristo weya. <sup>36</sup> Icha naca ichi daxita barapo coyenein, barichiru Nacom Pejume Diwesitha bayatha baxua yabara naca tsiwanae muxu duta, jeye:

“Nacom poxoru tapaca cajume cowantsi

jiwixaetsi daxita matakabin tsaibi  
ichamonae ichichipa pana jutebeiba.

Barapomonae pana necana exaneiba icha jiw

ichi xua poxonae daxita matakabin ovejan

capaneiba pon oveja pejutebeibin beya”,

jei Nacom Pejume Diwesitha, xua

yabara naca tsiwanae muxu duta.

<sup>37</sup> Ichitha bequein waxainchi daxita barapo coyenein naca atene exana, daichitha amanayabatsi barapo coyenein Cristo pia peayapusu itorobi coyenewatha pon wanaca antobein. <sup>38-39</sup> Daxota bara yatsicaewa yaputan, xua dapocotsi coyene ajibi po coyenetha xua tsanayiya naca exana Nacom pia peantobe coyene weya tatsi. Jopa tsanayiya naca exanaeyo bara bequein poxonae tupaethatsi, yawa bara bequein poxonae jinompaethatsi. Iru matatsunpiwi jopa canaupaetsi xua tsanayiya wanaca cana exanaewa, bequein iru caurimonaeru, bequein iru pocotsiwan xua anoxuae exanaponaru, bequein iru xua pocotsiwan bexa tsaneru, bequein iru xua pocotsiwan wetsica patopaenano, bequein iru xua pocotsiwan ira wetsinano, bequein iru ichawano xua pocotsiwa Nacom forota. Bara bequein daxita barapo coyenein, ichitha jopa canaupaetsi xua tsanayiya pewanaca exanaewa Nacom pia wanaca antobe coyene weya tatsi. Nacom naca cata barapo peantobewa xua Cristo Jesús xeina, pon Wanacanamataxeinaein.

## 9

### *Meje yabara xua Nacom itapeta judiomonae*

<sup>1</sup> Pocotsiwan paca tsipaebatsi barapocotsiwan pexainyei jumein. Tajume cowantsixae Cristo, bara jopa naerabinyo. Tajantu coyenetha Nacom pia Pejumope tanaxu tatsi neitoroba. Barapon jume daunweya netsipaeba xua pinae bara yatsicaewa xainyeya cueicueijan. <sup>2</sup> Xainyan, wecoyan. Bichocono tamonae siwa anthuthutanein tsaibi jopa pejume cowantsixae Cristo. <sup>3</sup> Bichocono antobein barapomonae pomonae tanacapiwi. Daxota nayabara paeban, janje: Bena bequein siwa tupaquaein tamonae xua bequein tsana tanaexanaewa Cristo weya, xua be poxonae Nacom tsita tanatsicuentsiwa xua barapomonae abe pia peexanae coyenewan nexa. Bapoxonae xua Nacom tamonae pia peca-panenebiyaenexatsi, daxota Nacom copata xua ichamonae nebexubina, najanje. <sup>4</sup> Pon Israel, pon caena bayatha tupa, bapon nawan cata tamonaetha. Daxota tamonae “israelmonae”, baraichi. Bapon pia pemomoxi susato jiw tatsi pomonae tamonaexae Nacom barapomonae pia pexui exana. Barapomonae bayatha Nacom yanta popona xua daxota barapomonae tane Nacom pia pexeinya peitupanae coicha poxonae xua beta exana barapomonae nexa, Nacom tsipaeba barapomonae pocotsiwa xua bapon peichichipaewa. Matautano Nacom yabara tsiwanae muxu duta pomonaetha pomonae xua ataya yaweneibina barapomonae pexanaenexa xua bapon ichichipa. Barapomonaetha Nacom cata Moisés

pia peitorobi coyenewa tatsi. Matautano Nacom cata barapomonaē po coyene xua barapomonaē xaniwaicha wūnaē pejainchinexa bapontha. Matautano Nacom yabara tsiwūnaē muxu duta barapomonaē xua Cristo pepatopeicaewa tsane. <sup>5</sup> Barapomonaē wamo susato jiwi pia pemomoxi susato jiwi tatsi. Cristo be jiton coyeneya naexana barapomonaē jiwana pomonaē pia pemomoxi susatopiwi jiwana tatsi. Bapon Cristo apara bara Nacom. Barabū Nacom bara ataya wūnaē jainteibinchi pon xua daxita coyeneintha canamataxeina.

<sup>6</sup> Ichitha barapomonaē bequein Nacom cata daxita barapo coyenein, daichitha anoxuae barapomonaē jopa Nacom xanepanaya beta tsita jinompaetsi jopa Cristo peyabara jume cowūntsixaetsi. Bequein ichamonaē nanta xeinaetsipa xua pinaē Nacom Pejume Diwesi jopa ainya cuiyo xua barapomonaē jopa peexanaexae pocotsiwa Nacom itoroba, ichitha baraxua jopa xainyeyo pocotsiwa barapomonaē nanta xeina. Baraxua jame tsita itapeinya xeina xua apara jopa daxitiyo pomonaē Israel pia pemomoxi susato jiwi tatsi xua Nacom piamonaē tatsi. <sup>7</sup> Matautano Abraham pia pemomoxi susato jiwi tatsi apara jopa daxitiyo barapomonaē xua Nacom piamonaē tatsi. Nacom caena bayatha tsipaeba Abrahamtha, jeye: “Xam xeinaename pomonaē pepa jinya nemomoxi susato jiwi xua Isaac pon nexanto xua pia pexui jiwana tatsi”, jei Nacom. <sup>8</sup> Baxua naca yaputane exana xua Nacom jopa exanaeyo daxita xua Abraham pia pemomoxi susato jiwi tatsi be Nacom pia pexui tatsi. Nacom meisa be pia pexui cana exana pomonaetha pomonaē pejume cowūntsixae xua Nacom pia peyabara tsiwūnaē muxu dutsiwa. Barapomonaē jume cowūnta Nacom pia peyabara tsiwūnaē muxu dutsiwa xua Cristo capanenebiyaena barapomonaē. <sup>9</sup> Tsipei Nacom tsi-paeba Abrahamtha poxonaē yabara tsiwūnaē muxu duta. Nacom jeye: “Barapo xometotha xua icha weitha taitorobi coyenewatha bapoxonaē Sara pexanto pabetsina pebin wūto xua nexanto tsane”, jei Nacom.

<sup>10</sup> Jopa meisa baxuiyo, ichawano Nacom exana. Sara pexanto tatsi naexana pewūn Isaac. Poxonaē Isaac pinyo, bapon nacueyoba piowa, pewūn Rebeca. Rebeca tanama ecatsibe pebin wūtobe. Barapo pexuyobe cae axa nantaūtabe bapon Isaac, pon wamo susatopin. <sup>11-13</sup> Caena bayatha pewūnaeya poxonaē barapoyobe jopa naexanaebe, xvano pewūnaeya xua poxonaē barapoyobe jopa abe exanaeyobe matautano pewūnaeya xua poxonaē jopa wūnaē exanaebe, bapoxonaē Nacom tsi-paeba Rebeca tsipaebatsi. Nacom jeye: “Pon xua copiya naexanaena bapon peyapin canamataxeinaeinchi”, jei Nacom. Barapo jume bara nayaraba jume jupabe xua icha diwesitha Nacom Pejume Diwesitha xua Rebeca pexantobe tatsi yabara paebatsi xua ichaxota, jeye: “Cuita itapetan Jacob xuyapin, ichitha nama Esaú naitematan matapin”, jei Nacom Pejume Diwesitha. Baxua naca yaputane exana xua Nacom pia coya itapeta pomonaetha pomonaē xua peichichipaewa, xua pewabiwa barapomonaē. Nacom jopa yabara itapetsiyo barapomonaē peexanaexae pocotsiwa Nacom peichichipaewa.

<sup>14</sup> Ichamonaē paeba, xua pinaē Nacom jopa xapain exanaeyo poxonaē caein jiwana itapeta, xua poxonaē ichūn naitematatsi. Apra jopa xapain wūnaeyo xua barapomonaē Nacom yabara paebatsi. <sup>15</sup> Tsipei Nacom paeba Moisestha, jeye: “Pomonaē wūnaeya yabara nanta xeinaein xua tayawenaenexa, barapomonaē beta yawenaein”, jei Na-

com. <sup>16</sup> Baxua naca cuiduba xua jopa jiton itapetichi poxoru wuna pe-exanaexae. Matautano jopa itapetichi xua poxoru peichichipaexae xua peitapetsiwatsi. Saya jame pebiwi itapetatsi poxonae Nacom wunaeya yabara nanta xeina xua peyawenaenexa tsane barapomona. <sup>17</sup> Nacom cueicueijei pejume diwesitha nacua peewatsintha pon Egipto nacuapiwi itorobiya pia pepa peewatsinchi. Nacom jeye bapontha: “Apara xan ponxaein tacoya cacana exanatsi pon Egipto nacuapiwi itorobiya pia pepa peewatsinchi. Painya xantha tapexeinya tsita itutsi coyenewa exanaein xua tsita itapeinya xeinaein xua xan xeinan bichocono peayapusu itorobi coyenewa. Matautano exanaein xua daxitan nacuan jiwi taneyabara jume taenexa”, jei Nacom. <sup>18</sup> Daxota yaputainchi xua Nacom itacupatsi xua wunaeya yabara nanta xeina xua peyawenaenexa pontha pon ichichipa xua peyawenaewa. Matautano Nacom saya yabara copata xua ichun pejuntu coyenetha pexeinaewa po coyene pejumefebi coyenewa. Baxuan Nacom cana exana pomonaetha pomona Nacom ichichipa xua xeinaena barapo coyenein.

<sup>19</sup> Metha paxam pana nebaram xua barapomona yabara xua pajam: “Poxonae Nacom atene exana pomonaetha pomona petsita natsicuentatsi xua abe peexanaexae ¿baxua Nacom jopa xaniwaicha exanaeyo jampa? Nacom copata xua barapomona xeina pejuntu coyeneintha pejumefebi coyenewan. ¿Barapomona Nacom tsita natsicuentatsi jampa, poxonae Nacom bequein copata baxua jampa?” pajam. <sup>20</sup> Ichitha paca jume notatsi, janje: “¿Paxam pebiwi tsobenae pam! ¿Eta po jiwi pam xua painya nejume matsontsonobiwi Nacom? Juruwato jopa itacupaetsi xua pejeiwa pontha pon peexanaexaetsi: ‘¿Eta xua metha bara necanauta jutsiya exaname?’ xua pejeiwa juruwato. Bapana juruwato jopa itacupaetsi xua pepaebiwa baxua”, paca jeichi. <sup>21</sup> Pon xua juruwato peexanaein bapon itacupatsi xua cae tsorobotha jiwana exana ainya juruwaton xua seicayan be pocotsi coyeneya xua ichichipa. Bapon itacupatsi xua pexeinya juruwato exana xua bichocono ainya matoma. Matautano bapon itacupatsi xua bara cana exana xua jopa wunaeyo xua saya pecasetsinexa.

<sup>22</sup> Nacom barichi itacupatsi xua jiwi pecana exanaewatsi be pocotsi coyeneya xua ichichipa. Bequein Nacom ichichipa tsita itata pia peanaepanaewa pomonaetha pomona abe peexanaewi, ichitha jopa cataunxuae baxua exanaeyo. Matautano bequein ichichipa tsita itata pia peayapusu itorobi coyenewa po coyene xua barapomona tupa peexanaewatsi, ichitha Nacom jopa cataunxuae baxua cana exanaeyo barapomonaetha. Ichitha Nacom caena bayatha beitatemaya taetaepona xua barapomona abe pia peexanae coyenewan, po abe coyenewan xua Nacom anaepana exanatsi. Barapomona muxu peweraweracae exanaetsi abe peexanaexae. <sup>23</sup> Nacom beitatemaya naca taetaepona wanaca tsita itutsinexa daxita waxainchi xua bichocono bara ichichipa xua wanaca yawenaewa tsane bayatha itapeta wanaca antobewaxae. Caena bayatha Nacom yabara naca tsiwanaeta xua iru waxeinaenexa Nacom pia pexeinya juntu coyenewa xua bichocono peantobewa. <sup>24</sup> Nacom naca waba pomonaexaetsi pomona judiomona jiwantsi. Matautano Nacom naca waba pomonaexaetsi pomona jopa judiomona naexanaeyo jiwantsi. <sup>25</sup> Baxua Nacom yabara paeba pejume diwesitha pomona yabara, pomona jopa judiomona naexanaeyo po

diwesitha ichaxota Oseas tina. Nacom jeye:  
 “Pomonaē copiya jopa tamonaeyo, barapomonaē  
 yabara jan tsane, ‘Apara tamonaē’, jan tsane.  
 Matautano pomonaē copiya jopa antobeinyo  
 barapomonaē yabara jan tsane:  
 ‘Apara taantobe jiwi’, jan tsane.

<sup>26</sup> Matautano ichaxota ba jiwi yabara jan: ‘Paxam  
 jopa tamonaē pam’, jan, baraxota barapomonaē  
 yabara jan tsane: ‘Apara paxam tapexui pam,  
 po Nacomxaein ataya tsitecaeya jiwi asu jinompa  
 taexanaein’, jan tsane”, jei Nacom, ichaxota po  
 diwesitha Oseas tina pon caena bayatha tupa.

<sup>27</sup> Barichi iru Isaías yabara jeye judiomonaē: “Bequein judiomonaē  
 bichocono jiwi ayaxa icha taetowan ichi xua bobena mar mene itapatha,  
 daichitha saya be conotha barapo judiomonaē jiwana pomonaē xua  
 Nacom capanenebiya. <sup>28</sup> Saya conotha capanenebiya tsipei Nacom  
 methaunxuae yabara paebina daxita jiwi barapo cae pin nacuathepiwi  
 pia petsita natsicuentaetsi xua abe petsita exanaexaetsi. Yawano jiwi  
 ayei weraweraca exanaeinchi xua Nacom exanaena”, jei Isaías. <sup>29</sup> Isaías  
 copiya yabara tsiwanae muxu duta, jeye:  
 “Nacom apara bapon pon xua itoroba  
 daxita coyeneintha.

Bapon wunaeya naca yabara nanta xeina xua  
 wanaca yawenaewa tsane xua awiya be  
 conotha pejinompaenexa pomonaē wamomoxi  
 susato jiwi jiwana, xua daxita  
 jopa peweraweracaewa tsane.

Icha Nacom jopa baxua exanaetsipae, bapoxonaē  
 waxainchi bara naca juta ichipae icha bayatha  
 Sodoma tomarapiwi cana ichichi, matautano icha  
 matha Gomorra tomarapiwi cana ichichi xua  
 daxita weraweraca”, jei Isaías  
 Nacom Pejume Diwesitha.

*Meje yabara xua judiomonaē jopa jume cowantsiyo Nacom pia pex-  
 einya jume diwesi tatsi*

<sup>30</sup> Barapo peyabara jutiya paebiwān naca yaputane exana xua  
 apara pomonaē jopa judiomonaē naexanaeyo Nacom jopa tsitatsi xua  
 barapomonaē penatsicuentaetsi xua abe peexanaexae. Baxua Na-  
 com cana exana barapomonaetha bequein barapomonaē jopa tsaque-  
 inaeyo xua pexeinaewa pejuntu coyene xanepanaewa Nacomtha. Bara-  
 pomonaē xeina pejuntu coyene xanepanaewa Nacomtha Cristo pejume  
 cowantsixaetsi. <sup>31</sup> Ichitha nama barapo judiomonaē paeba, jeye: “Na-  
 com naca juntu coyene xanepana exanaena xua jopa Nacom watsita  
 natsicuentaetsi xua abe waexanaexaetsi bapontha. Bapon baxua  
 naca cana exanaena icha exanaeinchi pocotsiwa Moisés pia peitorobi  
 coyenewatha itoroba”, jei barapomonaē. Daichitha barapomonaē ju-  
 diomonaē jopa itacupaetsi xua daxita peyabara jume cuiya exanaewa  
 pocotsiwa Moisés itoroba pia peitorobi coyenewatha. <sup>32</sup> ¿Eta xua metha  
 jane xua barapomonaē jopa itacupaetsi xua exana pocotsiwa Moisés  
 pia peitorobi coyenewatha itoroba? Metha poxoru barapomonaē nanta



xeina xua poxonae beta exana bapoxonae jopa pexeinaewa tsane penatsicuentisiwa Nacomtha. Barapomonae jopa jume cowantsiyo xua Nacom itorobica Cristo, daxota barapomonae Nacom tsita natsicuentatsi xua abe petsita exanaexaetsi. Barapomonae nacabeta exana, poxonae jopa jume cowantsiyo Nacom, atene peexanaexaetsi tsane icha jiton ichi poxonae xuirapopa ibototha xua pia coutha nacabeta exana xua atene naexana. <sup>33</sup> Nacom Cristo yabara paebatsi pejume diwesitha. Icha jiwi ichi poxonae nacabeta poxonae xuirabathopa ibototha, barichi jiwi nacabeta poxonae Cristo jopa jume cowantichi. Nacom jeye:

“Jerusalén tomaratha po tomara atororo  
xua po tomara pewan Sión  
barapo tomaratha notsin pon  
jiwi pecapanenebiyaenexa tsainchi.  
Jiwi nacabeta exana poxoru barapo jiwi  
jopa jume cowantsiyo bapontha,  
icha jiwi ichi xua nacabeta exana  
poxonae xuirabathopa ibototha.  
Pon jume cowantsina bapontha, jopa bapana  
juntũ natsepanayae tsane”, jei Nacom.

## 10

<sup>1</sup> Tamonae pam, paxam pomonae irũ painya nejume cowantsiwixae Jesucristo. Maisa bichocono tajuntũ coyenewatha ichichipan daxota bichocono Nacomtha tsipaeban judiomonae nexa, xua barapomonae pecapanenebiyaenexa tsainchi abe pia peexanae cuiru coyenein weya.

<sup>2</sup> Barapomonae yabara paeban xua barapomonae judiomonae bequein ichichipa nawita xua Nacom petanacuichiwatsi, daichitha jopa yaputaeyo xua pocotsiwa Nacom xaniwaicha ichichipa xua barapomonae peexanaewa. <sup>3</sup> Barapomonae jopa yabara yaputaeyo xua pocotsiwa poxonae Nacom juntũ coyene xanepana exana jiwitha xua jopa xeinaeyo penatsicuentisiwa Nacomtha xua abe peexanaexae. Barapomonae jujuta xua icha barompaya pia cui coyeneyatha exanaena xua bapoxonae pexeinaenexa tsane pejuntũ coyene xanepanaewa Nacomtha xua jopa penatsicuentisiwa xua abe peexanaexae. Barapomonae jopa exanaeyo be pocotsi coyene Nacom itoroba jiwitha xua Cristo pejume cowantsixaetsi xua bapoxonae jiwi pexeinaenexa pejuntũ coyene xanepanaewa Nacomtha. <sup>4</sup> Barapomonae jopa yabara yaputaeyo xua po coyene Cristo jopa ainya cui cana exanaeyo Moisés pia peitorobi coyenewa tatsi. Daxota anoxuae jiwi jopa cana matawenonaeyo barapo Moisés pia peitorobi coyenewa tatsi xua po peitorobi coyenewa bequein jiwi yabara nanta xeina xua pinae poxonae yabara jume cuiya exanaena pinae xeinaena pejuntũ coyene xanepanaewa.

<sup>5</sup> Caena bayatha Moisés yabara paeba xua pinae pia peitorobi coyene tatsi itacũpatsi xua jiwi juntũ coyene xanepana exanatsi Nacomtha xua jopa petsita natsicuentisiwa xua abe peexanaexae. Moisés jeye: “Pon daxita yabara jume cuiya eexanaponaena barapo taitorobi coyenewa xua tinan, bapoxonae bapon bara ataya tsitecaeya poponaena peajuntũyapusu coyenewatha”, jei Moisés. <sup>6</sup> Nacom Pejume Diwesitha yabara paeba pomonae jopa xeinaeyo penatsicuentisiwa Nacomtha pejume cowantsixae Cristotha. Nacom jeye: “Jopa pananthũthũ yainyabinde, jopa pajande: ‘¿Jintam metha itaboco beicha ponaena

xua Cristo pecatsicaenexa tsainchi barapo cae pin nacuathe tsique xua wanaca yawenaenexa?" jopa pajande. <sup>7</sup> Matautano jopa pajande: "¿Jintam metha ira bereca ponaena xua Cristo pecatsinaenexa tsainchi barapo cae pin nacuathe xua petupae cuiru coyene weya?" jopa pajande", jei Nacom. <sup>8</sup> Nacom equeicha pejume diwesitha pejuntu coyene xanepanaewa yabara jeye: "Tajume diwesi bara imoxoyo dubena xua paca itacupa painya necueicueijeinexa barapo diwesi. Matautano paca itacupa xua painya neyabara nanta xeinaewa barapo diwesi", jei Nacom xua pejume diwesitha. Barapo diwesi bara najupabe po diwesi xua yabara paca cuidubatsi xua painya nejume cowuntsiwa. <sup>9</sup> Icha paichichipame xua Nacom painya nepaca capanenebiwa bewa paexanaename barapo coyenewabe: Bewa ichamonaetha payabara paebim xua Jesús painya Nepacacanamataxeinaein. Matautano bewa pajume cowuntsim painya nejuntu coyeneintha xua Nacom Jesús equeicha asu exanatsi petupae cuiru coyene weya. Bapoxonae Nacom paca capanenebiyaena abe painya neexanae coyenewan weya. <sup>10</sup> Poxonae jiton jume cowanta pia juntu coyenewatha Jesthath bapoxonae jopa Nacom tsita natsicuentisichi xua abe petsita exanaexaetsi. Poxonae jiton yabara cueicueije xua Jesucristo apara pia Pecanamataxeinaeinchi, bapoxonae Nacom capanepa bapon abe pia peexanae cuiru coyenewan weya.

<sup>11</sup> Nacom Pejume Diwesitha jeye: "Pon jume cowanta Cristotha, Cristo yawenaena xua daxota jopa bapana juntu coyene natsepanayae tsane", jei Nacom, xua pejume diwesitha. <sup>12</sup> Nacom jopa tsita seicayatsi daxita jiwi, bara saya tsita najupatsi, bequein bara metha judiomonae tsipae irano metha bequein jopa dapomonae tsipae pomonae jopa judiomonae naexanaeyo. Bapon Cristo Pecanamataxeinaein exanatsi daxita jiwi nexa. Yawano bapon Cristo Wanacanamataxeinaein jopa juniya catsiyo daxita piawan pomonaetha pomonae pewuca jiwixaetsi. <sup>13</sup> Tsipei Nacom Pejume Diwesitha jeye: "Daxita pomonae wuca pontha pon jiwi Pecanamataxeinaein, pon Cristo, xua pecapanenebiyaenexa tsainchi, barapomonae bara capanenebiya tsainchi", jei Nacom. <sup>14</sup> Jiwi jopa itacupaetsi xua petsipaebiwa pontha pon jiwi Pecanamataxeinaein icha jopa jume cowantsiyo bapontha. Matautano jopa itacupaetsi xua pejume cowuntsiwa pontha pon jiwi Pecanamataxeinaein icha jopa bapana yabara jume yaputae bapontha. Matautano jiwi jopa itacupaetsi xua peyabara jume yaputaewa bapon icha ichamonae jopa capanaeyo barapo diwesi xua pecueicueijeinexa barapo jiwitha, xua peyabara paebiwatsi pon jiwi Pecanamataxeinaein. <sup>15</sup> Matautano jiwi jopa itacupaetsi xua pecueicueije iwa xua po diwesi pon jiwi Pecanamataxeinaein peyabara paebiwatsi icha dapomonae ajibi pomonae itoroba barapomonaetha xua barapomonae pecueicueijeinexa. Nacom Pejume Diwesitha yabara jei baxua: "Maisa bichocono daxua wanae xua poxonae jiwi pata xua pecueicueijeinexa Nacom pia pexeinya jume diwesi xua Cristo peyabara paebiwatsi", jei Nacom Pejume Diwesitha.

<sup>16</sup> Daichitha jopa daxita jiwiyo xua ichichipa pejume taewa barapo pexeinya jume diwesi. Baxua Isaías yabara jei Nacom Pejume Diwesitha: "Tanecanamataxeinaem ¿jintam jume cowanta pocotsiwa papaeban? Saya be conotha jiwi, pomonae jume cowanta xua pata tacayabara paebiwatsi", jei Isaías. <sup>17</sup> Daxota jiwi jume cowanta poxonae jume tane

barapo pexeinya jume diwesi. Po pexeinya jume diwesi jiwi jume cowanta apara po diwesi xua Cristo yabara.

<sup>18</sup> Tacoya nayainyaban. Nabaran, janje: ¿Metha bara barapomonae judiomonae barapo pexeinya jume diwesi jopa jume taeyo jampa? ¡Jume apara, apara bara jume tane barapo pexeinya jume diwesi! najan. Nacom Pejume Diwesitha baxua yabara jeye:

“Nacom piamonae tatsi capona Nacom Pejume Diwesi taju beya.

Po diwesi xua barapomonae paeba taju beya jume pichapona daxita barapo cae pin nacuathe”, jei Nacom Pejume Diwesitha.

<sup>19</sup> Equeicha nayainyaban, janje: ¿Metha bara barapomonae judiomonae jopa yaputaeyo xua barapo diwesi ichamonae jume cowantsina? najan. ¡Jume! ¡Apara bara yaputane! najan. Barapomonae yaputane tsipei Moisés baxua caena bayatha copiya yabara tsiwuna muxu duta. Moisés tatina Nacom, xua Nacom jeye:

“Ichamonae capanenebiyan pomonae jopa judiomonae naexanaeyo.

Paxam paca exanatsi xua barapomonae pauwame.

Ichamonae capanenebiyan pomonae jopa bichocono peyaputae jiwi.

Paxam paca exanatsi xua baxua paca anaepana exana, jei Nacom”, xua Moisés tatina.

<sup>20</sup> Bapoxonae iru pirapae Isaías atsaquiya yabara tsiwuna muxu duta Nacom nexa xua Nacom jeye:

“Pomonae jopa nejeichiyo bara necaxiba.

Pomonae jopa neyabara yainyabiyo bara barapomonae cana exanan xua barapomonae neyaputane”, jei Nacom, xua Isaías tatina.

<sup>21</sup> Equeicha Isaías yabara tsiwuna muxu duta judiomonae Nacom nexa, xua Nacom jeye: “Daxita matacabi wabeiban barapomonae. Ichitha barapomonae jopa exaneibiyo pocotsiwa itorobeiban tsipei barapomonae tanejume torobabeibi jiwi xua jopa, tanejume cowantsiwa”, jei Nacom, xua Isaías tatina.

## 11

*Meje yabara xua Nacom itapeta judiomonaepiwi pomonae Israel pon caena bayatha tupa bapon piamonae tatsi*

<sup>1</sup> Equeicha nayainyaban najan: ¿Metha bara Nacom torota daxita piamonae israelmonae jampa? najan. Jume apara, tsipei apara xan barapo israelmonae jiwana pin, daxota jopa netorotsiyo, Abraham pia saineiwimonae jiwana tatsin apara, matautano Benjamín pia pemomoxi susato jiwi jiwana tatsin apara. <sup>2</sup> Nacom jopa torotsiyo piamonae pomonae xua caena bayatha peitapetsixae xua cana exana be piamonae tatsi. Paxam payaputaneme xua Nacom Pejume Diwesitha paeba, po diwesitha ichaxota Elías tsipaeba Nacomtha. Elías pon Nacom pia peitorobi jume pepaebin pon caena bayatha tupa. Elías anaya yabara paeba israelmonae, jeye: <sup>3</sup> “Nacom ponxaem Tanecanamataxeinaem, barapo israelmonae juteba, jutebatsi pomonae jinya neitorobi jume

pepaebiwi. Matautano barapo israelmonae cayatsiya abe exana pocotsiwan iboton xua xuan xota duwei yubeibiya jutebathopeiba xua poxonae catsita tuxusi exana. Xan compan napaeban xua pomonae beta necajume cowantsiwi barapomonae jiwanan. Iruru barapomonae ichichipa nebexubaru”, jei Elias poxonae tsipaeba Nacomtha. <sup>4</sup> Ichitha Nacom Elias jume notatsi. Nacom jeye: “Awiya cataunxuae xeinan siete mil pebiwi xua tamonae, pomonae tanejume cowantsi jiwi. Barapomonae jopa pentabocototha umenaeyo xua poxonae wanae pejainchinexa ibo nacom, po ibo nacom pewan Baal”, jei Nacom. <sup>5</sup> Nama anoxuae awiya barichi israelmonae be conotha pomonae jume cowanta Nacomtha pomonae Nacom peitapetsiwi, pia peantobexae barapomonae. <sup>6</sup> Nacom itapeta barapomonae, pomonaetha pomonae peichichipaexae xua peyawenaewa barapomonaetha pia peantobexae. Baxua Nacom amanaya exana barapomonaetha. Nacom jopa itapetsiyo barapomonae, xua peyabara cui matomatsinexa xua peexanaexae pocotsiwa xanepana. Tsipei icha Nacom saya itapeta jiwi, xua peyabara cui matomatsinexa xua barapo jiwi peexanaexae barapoxonae Nacom be jopa bapana amanaya exanaeyo jiwi nexa.

<sup>7</sup> Daxota yaputainchi xua pinmonae xua barapo israelmonae jiwana jopa catsibichi pejuntu coyene xanepanaewa xua bequein baxua tsiexana nawita po coyenein Moisés itoroba. Jame Nacom cata barapo coyene pomonaetha pomonae peitapetsiwixae, xua pomonae israelmonae jiwana. Barapomonae, pomonae israelmonae jiwana barapomonae Nacom jopa catsibiyo barapo pejuntu coyene xanepanaewa. Nacom copata xua barapomonae pejuntu coyenewatha xeina pejume torobabi coyenewa. <sup>8</sup> Nacom Pejume Diwesitha Moisés yabara paeba barapomonae. Moisés jeye: “Nacom copata xua barapomonae xeinaena po juntu coyene jopa itacupaetsi xua peyaputaewa. Bequein barapomonae yoroba xua pejume xainyei coyenewa daichitha jopa yaputaeyo. Matauta bequein barapomonae jume tane pexainyei jume daichitha jopa jume cowantsiyo. Barapo coyenein anoxuae cataunxuae baxuan eexanapona”, jei Moisés xua Nacom Pejume Diwesitha. <sup>9</sup> Iruru David yabara paeba israelmonae poxonae Nacom tapaebatsi. David jeye:

“Barapomonae beitatemaya juntu coyene weiweinapona pin penabanaewantha. Barapomonae nanta xeina xua jopa catsita natsicuentiyo xua abe peexanaexae.

Poxonae barapomonae cataunxuae eexanapona baxua barabu xam Nacom jemeicha atene cana exanaename barapomonae, jopa pia necajume cowantsixae.

<sup>10</sup> Daxota barabu copatsiname xua barapomonae israelmonae jopa yaputaeyo po coyene xua barapomonae catsita natsicuenta abe necatsita exanaexae.

Matautano barabu copatsiname xua barapomonae xeinaena po peatene coyenewa anthathurewe cana exanatsi xua ataya, abe peexanaexae”, jei David, israelmonae yabara,

Nacom Pejume Diwesitha.

*Meje yabara xua pomonae jopa judiomonae naexanaeyo Nacom jume cowantsatsi*

<sup>11</sup> Equeicha tacoya nayainyaban, najan: Poxonae judiomonae, pomonae israelmonaexae, Nacom nawepu tsabatsi, jopa pejume cowantsixaetsi ¿metha bara Nacom itawetsina barapomonae xua ataya tsane jampa? ¡Jume apara! ¡Barapara Nacom jopa itawetsi tsane xua bara ataya tsane! Nacom capanenebiyaena icha judiomonae bexa tsane. Bequein anoxuae Nacom jopa capanenebiyaeyo barapomonae judiomonae, apara bara capanenebiya abe pia peexanae cuiru coyenein weya tatsi pomonae jopa judiomonae naexanaeyo. Nacom baxua exana xua judiomonae peuwineha, xua uwatsi pomonae jopa judiomonae naexanaeyo xua barapomonae Nacom pecapanepaexae.

<sup>12</sup> Poxoru judiomonae Nacom nawepu tsabatsi daxota Nacom xanepana exana ichamonaetha, xua daxita carepaya barapo cae pin nacuathe. Judiomonae jopa Nacom pejume cowantsixaetsi daxota Nacom xanepana exana, pomonaetha pomonae jopa judiomonae naexanaeyo xua Cristo pejume cowantsiwaxaetsi. Bexa tsane Nacom xanepana exanaena judiomonaetha pocotsiwa bichocono daxita nacuanpiwi tsita xanepanatsi, xua beyacaincha poxonae xanepana exana pomonaetha pomonae jopa judiomonae naexanaeyo. Baxua Nacom cana exanaena poxonae judiomonae iru Cristo jume cowantsinchi.

<sup>13</sup> Anoxuae paca tsipaebatsi pomonae pam pomonae jopa judiomonae naexanaeyo pam. Yaitama Nacom taneitorobixae pomonaetha pomonae jopa judiomonae naexanaeyo, pomonae icha paichim, daxota tsitsipaebaponan Nacom Pejume Diwesi. Barapo tatanacuichiwa Nacom bichocono netsita ainya cui. <sup>14</sup> Beexanaein xua tamonae judiomonae paca uwa, xua bapoxonae barapomonae pejume cowantsinexa icha paichim. Yawano barapoxonae barapo tamonae jiwana Nacom capanenebiya tsane taexanaexae Nacom nexa. <sup>15</sup> Tsipei poxonae Nacom itaweta barapomonae judiomonae bapoxonae Nacom itapeta ichamonae pomonae barapo cae pin nacuanpiwi jiwana xua pecanaexanaenexa pia jiwimonae tatsi. Poxonae judiomonae iru cana exanaeinchi Nacom pia jiwimonae tatsi Cristo pejume cowantsixaetsi baxua bichocono wnae tsane be poxonae jiwi equeicha asu exanatsi petupae cuiru coyene weya. <sup>16</sup> Ainya pecayabara jata pepaebi diwesiyo be paca tsipaebatsi. Poxonae jiwi ba pentabu tsequeta xua cae pan exana pecatsinexa Nacomtha barapo pan matabuyo bara Nacom piawa tatsi. Barichi pepa matabu barapara Nacom piawa tatsi. Barichi poxonae jiwi ba paeba xua pinae nae petabu opina catsina Nacomtha bara Nacom piawa tatsi. Barichi pepa maxuranan barapara Nacom piawa tatsi. Icha barapocotsi naxobe coyenewabe cana ichiya exana jiwi, barapocotsi jata coyeneya Nacom cana exana jiwitha. Poxoru Abraham iru pomonae Nacom peitorobi jume pepaebiwi barapomonae Nacom piamonae tatsi daxota iru pia pexui tatsi iru Nacom piamonae tatsi.

<sup>17</sup> Equeicha pecayabara jata pepaebi diwesiyo paca tsipaebatsi. Jiwi itacupatsi xua olivo nae jiwana maxuranan weucuboba po nae ubanota pabitha xua bebai. Icha olivo nae maxuranan jiwana weucuboba, po nae untha uncua. Barapo maxuranan wantha japateita cutsiya duba

po naetha po nae uncua pabitha, po nae copiya jiwana maxɁranan bebai. Barapo nae tabɁ opinan aisa cana exana xua barapo maxɁranan beta nacoita tsipei mene nota barapo nae tabɁ opina tsina. Bara jata coyeneya ichi, icha olivo naetha cana ichichi, Nacom jiwi barapocotsi coyeneya cana ichi. Nacom jiwana torota po judiomonae jopa pejume cowɁntsixaetsi xua bapoxonae Nacom paca cana exana piamonae tatsi pam. Nacom paca cana exana xua peajɁntɁyapɁsɁwa painya nex-einaewa painya nejume cowɁntsixae Jesucristo. Barapo coyene icha be poxonae pemaxɁranan cana ichichi poxonae aisa cana exainchi pemene notsixaet petabɁ opinan tsina, xua beta xu xuwa exana pena maxɁrananatha. <sup>18</sup> Daxota jopa paatsaquiya aebiya nanta xeinaeinde xua ainya cui jiwi pam xua Nacom painya nepaca wabixae beyacaincha icha judiomonae pomonae Nacom torota. Payabara nanta xeinare barapo olivo nae xua pecayabara jata paebiwa. Barapo maxɁranan jopa apara nacoita exanaeyo barapo nae tabɁ opina deca. Jame apara barapo nae tabɁ opina nacoita exaneina barapo maxɁrananatha.

<sup>19</sup> Metha papaebichipame, pajam tsipae: “Nacom torota judiomonae xua wanaca exanaenexa piamonae tatsichi, xua icha jiwi cana ichi olivo naetha”, pajam tsipae. <sup>20</sup> Metha moya bara xainyei tsipae. Bara Nacom torota barapomonae judiomonae jopa pejume cowɁntsiwixaetsi Jesucristo. Paxam Nacom piamonae tatsi paca cana exana, tsipei saya apara pajume cowɁntame Jesucristo, saya meisa baxuaxae. Jopa pana najɁntɁ coyene yabara atsacande xua painya nexeiinaexae pocotsiwa Nacom paca cata. Jame saya dota pam xua jopa xanepanaeya pajume cowɁntsim Jesucristo xua daxota Nacom painya nepaca torotsiwa tsane. Jiwi pemaxɁranan ucubobiya bebai po nae pabitha uncua. <sup>21</sup> Bara jata coyene ichi, Nacom torota judiomonae pomonae copiya piamonae aexae tatsi jopa pejume cowɁntsixae Jesucristo. Nacom bara paca ichipae paca torotsipa icha jopa pajume cowɁntsipaem. <sup>22</sup> Anoxuae waxainchi yaputainchi xua Nacom yawena jiwi, peantobexae. Yawano yaputainchi xua Nacom ayapube taexana ichamonae pomonaetha pomonae abe peexanae jiwixae. Nacom daunweya yabara paeba penatsicuentsiwa pomonae xua jopa pejume cowɁntsiwichi. Ichitha Nacom beta xanepanaya paca cana exana. Nacom baxua paca cana exanaena icha awiya pajume cowɁnta dubenanaebiyaename. Ichitha icha awiya jopa pajume cocowɁntaponaem tsane Nacom paca torotsina. <sup>23</sup> MataɁtano Nacom itacɁpatsi xua equeicha caewa cana exana piamonae judiomonae, pomonae Nacom bayatha copiya bequein petorotsixae. Nacom baxua cana exanaena icha jame barapomonae Cristo jume cowɁntsinchi. Nacom baxua cana exanaena icha jiton ichi xua equeicha caewa pecoutha japateita cutanota wantha pemaxɁrana, po maxɁrana bequein ucuibiya xuba. <sup>24</sup> Paxam pomonae jopa judiomonae naexanaeyo pam, Nacom paca cana exana piamonae tatsi pam, bequein copiya jopa piamonae tatsi pam. Nacom bara paca cana ichi, icha be pocotsi coyeneya pebin ichi xua unupi olivo nae maxɁrana ucuiba. Equeicha barapo maxɁrana icha olivo nae maxɁrana wantha japateita cutsiya duta po olivo nae pabitha ubanota. Bapoxonae barapo unupi olivo nae maxɁrananatha pexeinya thei xuwa. Ichitha icha pebin equeicha pita po maxɁrana xua ucuiba pepa olivo nae weya yawa equeicha caewa pecoutha japateita cutanota wantha, barapo maxɁrana

beta xuwa beyacaincha xua xuwa unupi olivo nae maxurana poxonae japateita cutanota wantha. Icha pebin ichi, Nacom bara itacupatsi cana exana judiomaetha. Nacom tayapu xanepanatsi xua equeicha exana piamonae tatsi pomonae copiya torota pomonae judiomaenae.

*Mejeyabara xua Nacom bexa tsane israelmonae capanenebiya tsainchi*

<sup>25</sup> Tamonae pam, paxam pomonae iru painya nejume cowantsiwixae Jesucristotha. Maisa ichichipan xua paxam yabara painya neyaputaewa tsane xua moya peyawun xeinaewa po coyene xua Nacom yabara po coyene ichamonae jopa yaputaeyo. Tsipei jopa ichipaeinyo xua painya coutha painya nenayabara nanta xeinaewam xua peyaputae jiwi pam. Meje baxue xua moya peyawun xeinaewan: Anoxuae israelmonae xeina pejuntu coyenewatha po coyene xua Nacom pejume torobabi coyenewatsi xua daxota Nacom jopa pejume cowantsiwatsi. Ichitha jame bexa poxonae abu daxita carepaya jume cowantsina Nacom pomonae jopa judiomaenae naexanaeyo pomonae Nacom itapeta, bapoxonae equeicha judiomaenae jume cowantsina. <sup>26</sup> Bapoxonae daxita israelmonaexae pomonae judiomaenae pomonae Nacom itapeta, capanenebiya tsainchi abe pia peexanae cuiru coyenewan weya tatsi. Nacom baxua yabara jeye pejume diwesitha:

“Pon jiwi Pecapanenebiyaein patopaena israelmonae jiwanaatha pomonae Sion tomara wunmonae.

Bapon juntu coyene wepichina Jacob pia pemomoxi susato jiwi tatsi abe pia peexanae cuiru coyenewan tatsi, pomonae israelmonaexae.

<sup>27</sup> Juntu coyene wepichin barapo judiomaenae abe pia peexanae cuiru coyenewan tatsi.

Barapoxonae cayabara jume weta exanaein pocotsiwa caena bayatha yabara tsiwunaenae muxu dutan barapomonae pia pamo susato jitontha tatsi pon pewun Jacob, pon Israelxae”,  
jei Nacom Pejume Diwesitha.

<sup>28</sup> Ichamonae xua israelmonae jiwana anoxuae barapomonae Nacom pia peaitafaetabi jiwichi tsipei barapomonae jopa jume cowantsiyo Nacom pia pexeinya jume diwesi tatsi po diwesi Cristo pepatopaewa yabara. Tsipei barapomonae baxua exana, daxota paxam pomonae jopa judiomaenae naexanaeyo pam, bara paca itacupa xua painya nejume cowantsiwa Cristo. Ichitha barapo israelmonae Nacom caena bayatha copiya itapeta. Barapo israelmonae awiya Nacom antobe, pia pamo susato jiwi tatsi copiya peitapetsixaetsi. <sup>29</sup> Tsipei Nacom jopa ichawa beya paebiyoy. Pocotsiwa Nacom cata equeicha jopa caewa pichiyo. Pomonae Nacom itapeta equeicha jopa itawetsiyo. <sup>30</sup> Paxam pomonae jopa judiomaenae painya nenaexanaewi pam, copiya paxam jopa painya neexanae jiwi pam pocotsiwa Nacom paca itoroba. Daichitha anoxuae judiomaenae jopa peexanaexae pocotsiwa Nacom itoroba, daxota Nacom wunaeya paca yabara nanta xeina pia nepaca cayawenaewa tsane. <sup>31</sup> Ichitha anoxuae bequein barapomonae judiomaenae jopa exanaeyo pocotsiwa xua Nacom ichichipa, bexa tsane barapomonae judiomaenae jume cowantsina. Poxonae baxua exanaena Nacom, xua wunaeya paca yabara nanta xeina pia nepaca cayawenaewa tsane

irꝥ wꝥnaeya yabara nanta xeinaena peyawenaenexa tsane xua barapomonaē peyawenaenexatsi pia peantobewixae. Nacom baxua exanaena barapomonaetha icha bayatha pacata ichi xua poxonaē Nacom pacata exana. <sup>32</sup> Nacom bara copata xua daxita jiwi bara najꝥꝥꝥ xua penatsicuentsiwa xua jopa pejume cowꝥntsixaetsi. Nacom bara baxua copata, xua penanta jꝥꝥꝥꝥ yawenaenexa daxita jiwi, peantobexae.

<sup>33</sup> ¡Maisa jopa juniya Nacom yawenaeyo jiwitha! ¡Maisa Nacom jopa juniya xeinaeyo peyabara yaputae coyenewan po coyene xua xaniwaicha pecayabara exanaewa! ¡Maisa Nacom jopa juniya yabara tsiwꝥnaē yaputaeyo peyaputae coyenein xua bexa exanaena! ¡Dapon ajibi pon itacꝥꝥꝥꝥ xua pecayabara yaputaeya paebiwa pocotsiwa Nacom cuita yabara exana! ¡Barichi dapon ajibi pon itacꝥꝥꝥꝥ xua peyaputaewa Nacom pia cui coyenewan tatsi! <sup>34</sup> Nacom Pejume Diwesitha tatsi yabara jeye baxua: “Dapon ajibi, pon yaputane pocotsiwa Nacom nanta xeina pon jiwi Pecanamataxeinaeinxae. Mataꝥꝥꝥꝥ dapon ajibi, pon xua Nacom pecuidubiwatsi. <sup>35</sup> Mataꝥꝥꝥꝥ dapon ajibi pon cata Nacomtha xua daxota xuya bewa Nacom matomatsina”, jei Nacom Pejume Diwesitha tatsi. <sup>36</sup> Apra daxita coyenein Nacom forota. Nacom canamataxeina pia peayapꝥꝥꝥ itorobi coyenewatha daxitan pocotsiwan xua xuan exana. Daxitan bara piawa tatsi. ¡Barabꝥꝥꝥ Nacom wꝥnaē jainteibatsi xua ataya tsaibi tsane! ¡je, bara ichi tsane!

## 12

### *Meje yabara xua wajinompawewa wataexanaenexa Nacom*

<sup>1</sup> Tamonaē pam, paxam pomonaē irꝥ painya nejume cowꝥntsiwixae Jesús. Paxam payaputaneme xua Nacom bichocono naca yawena pia wanaca antobexae. Daxota paca itorobatsi daxita pam. Pana najꝥꝥꝥꝥ coyene doure Nacomtha painya nenacuichinexa pocotsiwa Nacom paca itoroba. Baxua bara be poxonaē jiton ovejiyo asꝥꝥꝥ cata xua pebexubinexa Nacom nexa. Poxonaē pana najꝥꝥꝥꝥ coyene doutame Nacomtha barapo coyene Nacom tsita xanepanatsi. Barapocotsi coyenewatha bewa wꝥnaē pajaintsiname Nacom painya jꝥꝥꝥꝥ coyeneintha. <sup>2</sup> Jopa bara paichiponaeinde xua abe paexanaponame po coyenewan icha ichi xua exana dubenanaebiya pomonaē barapo cae pin nacuathe jinompa. Jame maisa bara pacopare xua Nacom paca necanaexanaenexa xua icha jꝥꝥꝥꝥꝥ coyene paxeiname xua beta painya nenanta xeinaenexam tsane. Barapoxonaē payaputaename xua bara painya neexanaewa pocotsiwa Nacom ichichipa. Pocotsiwa Nacom peichichipaewa xua apra painya neexanaponaewa tsane xua meje: pocotsiwa bara wꝥnaē, mataꝥꝥꝥꝥ pocotsiwa Nacom peꝥꝥꝥꝥ coyene weiweina exanaewatsi, mataꝥꝥꝥꝥ pocotsiwa daxita bichocono matapaēicha xanepana.

<sup>3</sup> Nacom taneantobexae necata barapo peayapꝥꝥꝥ itorobi coyenewa xua tapaca itorobiwatsi pocotsiwa yabara bewa paexanaename. Daxota baxua paca tsipaebatsi xua paxam jopa bewa pana nayabara nanta xeinaem xua peainya cui jiwi pam beyacaincha poxonaē Nacom pia coutha ainya cui paca cana exana. Nacom paca catsiba pejume cowꝥntsiwa daxita carepaya paxamtha. Daxota bewa daxita paxam xainyeya pana nayabara nanta xeinaem pocotsiwa painya neexanaexae xua icha be pocotsi coyeneya Nacom painya nepaca itorobixae pocotsiwa bewa paexanaename. <sup>4</sup> Wapepontha nawita xeinatsi xua wanaca



cueyatsiwan, bara bequein cae pepontsi. Daxita barapo wanaca cueyatsiwan wapepontha jopa nanta jupae coyeneya exanaeyo. <sup>5</sup> Waxainchi bara ichichi bara bequein pinmonaetsi ichitha waxainchi be cae pepontsi Cristotha. Ichitha apara daxitatsi bara caemonae naexainchi wajume cowantsixae Cristo. Caemonae wanaexanaexae Cristotha, daxota nantiya nayawenatsi.

<sup>6</sup> Nacom daxita carepaya barompaya naca catsiba wajuntũ coyeneya waexanae coyenewan, peichichipaexae xua naca yawenaena wanaca antobexae. Barapo juntũ coyeneyatha waxainchi barompaya bewa beta taexanaetsi Nacom wanaca catsixae barapo coyene. Ichamonaetha Nacom naca jiwana catatsi po coyene xua peyabara yaputaeya cueicueijeji coyenewa Nacom Pejume Diwesi. Bapoxonae barapomonaewawa bewa cueicueijeji barapo diwesi jiwitha. Bapomonaewawa bewa exanaewawa baxua daxita po pejume cowantsiwatha Nacom bapomonaetha cata. <sup>7</sup> Ichamonaetha Nacom naca jiwana catatsi, po coyene xua ichamonaewawa peyawenaewatsi. Barapomonaewawa bewa moya ichamonaewawa bara beta yawenaetsi. Ichamonaewawa Nacom naca jiwana catatsi po coyene xua ichamonaewawa pecuidubiwatsi. Pomonaewawa yaputane xua pecuidubiwa ichamonaetha, bewa moya bara beta cuidubina ichamonaetha. <sup>8</sup> Ichamonaetha Nacom naca jiwana catatsi peyaputae coyenewa po coyenewa xua pejuntũ cui coyene tsacabinexa pejume cowantsiwi xua jantema pejinompaenexa. Pomonaetha Nacom cata barapo peyaputae coyenewa bapomonaewawa bewa moya bara beta juntũ cui coyene tsacabina ichamonaewawa. Ichamonaetha Nacom naca jiwana catatsi peyaputae coyenewa po coyenewa xua piawan peroutsiwa ichamonaetha. Bapomonaewawa bewa jopa asiwiyo, moya bara bewa amanaya doutsina ichamonaetha. Ichamonaetha Nacom naca jiwana catatsi peyaputae coyenewa po coyenewa xua piamonaewawa canamataxeinaeyawa itoroba. Bapomonaewawa bewa moya bara saya daunweyawa beta canamataxeinaeyawa itorobaponaewawa. Ichamonaetha Nacom naca jiwana catatsi peyaputae coyenewa po coyenewa xua yawena peacopeibi jiji. Bapomonaewawa bewa moya juntũ coyene weiweinaeyawa yawenaewawa.

*Meje yabara xua pocotsiwa bewa exanaewawa pomonaewawa pejume cowantsiwi Cristo*

<sup>9</sup> Poxonae pana naantobem xaniwaicha nantiya caemonae pana naantobeinde. Panaitemare abe peexanaewawa coyenewan. Saya naitomatsiya paexanaponde pocotsiwa pexanepanaewawa coyenewan. <sup>10</sup> Bewa caemonae nantiya pana naantobem, icha caepi jiji ichi xua yatsicaewawa naantobe xua cae peweicho jiji. Bewa ichamonaewawa pabarũ cui itura jinaem xua barapomonaewawa peainya cui jiji beyacaincha paxam.

<sup>11</sup> Juntũ coyene daunweyawa patanacuire pon jiji Pecanamataxeinaein. Jopa paacoyenefaetabinde poxonae pata nacuitame. Antũcoyeneyapusayawa bapon patanacuire, bichocono painyawa neichichipaexae.

<sup>12</sup> Painyawa newunae ewatsixae pocotsiwa xua Nacom paca catsiba-paeba bexa daxota pajuntũ coyene weiweinaeyawa jinompare. Poxonae ichamonaewawa jopa xapain pacata exanaeyo, xua paca cana exanaewawa paajuntũcoyenetanem, bara saya jantema pajinompare. Jopa paaitaconaeinde. Jopa pana cui barapentsinde xua painyawa tsipaebibiwa Nacom.

13 Nacom piamonae xua iru pomonae Nacom pejume cowantsiwixaetsi payawende pocotsiwa xua barapomonae nantawenona. Pantenta weyataeya wabeibare painya bontha pomonae painya nepaca casiwa poneibiwi, pomonae pejume cowantsiwi Nacom pomonae jopa painya yaitaibi jiwi.

14 Pomonae paca atene exana painya nejume cowantsixae Jesucristo barapomonae patawucare Nacomtha xua Nacom peyawenaewa tsane barapomonae. Nacom jopa patsipaebinde xua abe pecana exanaewa tsane barapomonaetha.

15 Iruu pajuntu coyene weiweineibare poxonae ichamonae juntu coyene weiweineiba. Ichacuiha pajuntu coyene wecoyei tsabindeno poxonae ichamonae juntu coyene wecoyei tsabi.

16 Peburaya nanta cui jupaeya pajinompare xua juntea nantiya pana nabaru dubenanaebiyame. Jopa ichamonae paebinde. Pacana exande painya jiwi xua be pomonae pecui pawu jiwi. Jopa pana nayabara nanta xeinaeinde xua painya neyaputae jiwi pam.

17 Poxonae ichamonae abe pacata exana jopa xuya abe pata exanaeinde barapomonaetha. Jame maisa pananta xeinare xua daxita jiwi xaniwaicha painya netaexanaewa tsane pocotsiwa barapomonae tsita cui xanepanatsi. 18 Paexanaponde daxita pocotsiwan paca itacupa, xain bapoxonae juntea pana nabaru jinompame daxita jiwi. 19 Tamonae pam paxam pomonae tapaca caantobe jiwichi pam iru painya nejume cowantsi jiwixae Jesucristo. Paxam jopa bewa xuya panayantomateibim tsane poxonae ichamonae abe pacata exaneiba. Jame bara saya pacopare xua bara Nacom peyantomatsiwa exanaena pomonaetha pomonae abe pacata exana. Tsipei Nacom Pejume Diwesitha tatsi baxua yabara jeye: "Jame xan saya ba tacoyan xua jiwi atene exanan abe peexanaexae ichamonaetha. Xan peyantomatsiwa xuya exanaein pomonaetha pomonae paca abe exana jei pon Pecanamataxeinaein jiwi", jei Nacom Pejume Diwesitha. 20 Jopa xuya payantomateibim tsane. Jame paexande xua Nacom Pejume Diwesitha tatsi jeye: "Icha painya nepaca caaitafaetabi jiton jainpa, paapare pexaewa. Yawano icha meratsipano, paapare pocotsiwa xua peapaewa. Poxonae baxua pataexanaename, bapoxonae barapon pin ura paca tsita xeinaena xua bayatha abe pia pacata exanaexae", jei Nacom Pejume Diwesitha. 21 Jopa pacopatsinde xua ichamonae abe pia paca exanae coyenein tatsi paca juntu coyene amanayaba xua daxota abe paexaname barapomonaetha pomonae painya nepaca caaitafaetabi jiwi. Jame maisa beta exanaeya pata exande poxonae bequein ichamonae abe pacata exana. Bapoxonae pacoyene amanayabame po coyenein abe peexanae coyenewan.

## 13

1 Daxita jiwi bewa exanae pocotsiwa itorobatsi pomonae itorobiya pecanamataxeinae jiwi pomonae peayapusu itorobi coyenewa xeina. Jiwi jopa itacupaetsi xua pecanamataxeinaewa ichamonae xua peitorobinexa icha Nacom jopa yabara copatsiyo baxua. Tsipei jiwi pomonae peayapusu itorobi coyenewa xeina xua pacanamataxeinaewatsi ichamonae saya meisa Nacom bara yabara cui copaba xua barapo jiwi bara pecanamataxeinaewa tsane ichamonae. 2 Daxota icha ichun jume naitemata xua pocotsiwa itorobatsi xua itoroba pon piamonae itorobiya pecanamataxeinaein barapara bapon barichi jume naitemata

po coyene xua Nacom exana xua poxonae cana exana xua barapomonaе pecanamataxeinaewa ichamonaе. Pocotsimonaе xua baxua exana xua pejume naitematsiwa, barapocotsimonaе apara bara Nacom tsita natsicuentatsi xua barapo abe coyenewa peexanaexae. <sup>3</sup> Pomonaе beta peexanae jiwi jopa bewa cuitaya junuwі tsane xua pecuitaya junuwіwatsi pomonaе itorobiya pecanamataxeinaewi. Jame saya meisa pomonaе abe peexanae jiwi bewa cuitaya junuwina xua pecuitaya junuwіwatsi pomonaе itorobiya pecanamataxeinae jiwi. Icha jopa paichichipaem xua junuwa painya nepaca exanaewa pon itorobiya pecanamataxeinaein, moya jame beta patsita exande. Bapoxonae bapon bara patsita xanepanaename. <sup>4</sup> Tsipei apara pon itorobiya pecanamataxeinaein jiwi tanacuita Nacom xua painya nepaca cayawenaewa tsane. Ichitha icha paxam abe paexaname moya bara bewa pajunuware, tsipei bapon pon itorobiya pecanamataxeinaein jiwi, xeina po peayapusu itorobi coyenewatha peitacupaewatsi xua atene paca exana. Bapon tanacuita Nacom. Daxota bapon Nacom taexainchi xua pomonaе abe peexanaewi atene tsane xua penatsicuentisixae xua abe peexanaexae Nacomtha. <sup>5</sup> Daxota bewa paexanaename pocotsiwa paca itoroba pon itorobiya painya nepaca canamataxeinaein. Jopa apara bewa paexanaem tsane baxua xua poxoru Nacom atene painya nepaca exanaeyainwa, jame apara poxoru xua painya juntu coyenetha payabara yaputaneme xua bewa beta painya neexanaewa tsane. <sup>6</sup> Daxota xain barapomonaе pacatsibame pematomatsi paratixi pocotsi paratixi jiwi bewa catsibina pomonaetha pomonaе itorobiya pecanamataxeinae jiwi. Tsipei barapomonaе nantawenona paratixi xua beta pe-eexanaponaewa tsane poxonae Nacom tanacuitapoinchi.

<sup>7</sup> Daxita barapomonaе barompa paratixi pacatsibare po paratixi bewa pacatsibim barapomonaе. Pomonaе painya nepaca canamataxeinaewi pacatsibare daxita po coyenein peyabara matomatsiwan xua xuan paca wca. Daxita pomonaе pecanamataxeinae jiwi pabaru cui itura jinare, xua daxota betiya painya nebaru cueicueijejiwa tsane.

<sup>8</sup> Painya xoba ichamonaе pantoma amanayabeibame. Jame saya cae coyene bewa paxeinaem po coyene xua nantiya painya nenaantobewam. Tsipei pon antobe ichamonaе bapon jume cowantsiya exana daxita pocotsiwa xua Moisés itoroba pia peitorobi coyenewatha. <sup>9</sup> Moisés pia peitorobi coyenewatha jeye: “Jopa pichinde ichun piseuri tatsi. Jopa bexubinde ichamonaе. Jopa caibinde xua ichamonaе piawan. Jopa yabara uwinde pocotsiwa ichun xeina”, jei barapo itorobi coyenewatha. Barapo coyenein xuaunxuae paeban, iruno daxita icha peitorobi coyenewano be cae peitorobi coyenewa jume naexanabe ichaxota xua po jumetha jeye: “Ichamonaе antobeinde icha ichim xua jinya coutha naantobem”, jei barapo peitorobi coyenewatha. <sup>10</sup> Pon ba beta antobe tsaibi ichamonaе bapana jopa abe taexanaeyo barapomonaetha. Daxota icha antobetsi ichamonaе bapoxonae barapara jume cowantsiya exainchi daxita pocotsiwa Nacom itoroba Moisés pia peitorobi coyenewatha.

<sup>11</sup> Daxita baxuan bewa paexanaename tsipei payaputaneme xua anxuae po dapaetha pajinompame bichocono peayapube dapaе. Barapo dapaetha tsaca pajinompare, tsipei imoxoyo naca itiya pona po mataqueitha Nacom naca capanenebiyaena. Barapo matabi

imoxoyo beyacaincha xua poxonae aena jume cowantatsi Jesucristo. <sup>12</sup> Pequireiwa ba bewayo caewanaya poxoru matabi dawetsina. Bara jata coyeneya ichi poxonae pomonae ba abe peexanaewi bara apara pequireitha abe exana. Barapomonae barapenta xua abe exana poxonae matabi tsuxubi. Barichi waxainchi bewa barapentichi xua abe waexanae coyenewa icha barapomonae ichi xua saya merawi abe exana ichitha mataqueitha jopa exanaeyo. Waxainchi bewa beta exanaetsi icha pomonae ba ichi pomonae jinompa mataqueitha xua beta exana. Baxua exanatsi poxonae najuntu coyene wanaetatsi xua najuntu coyene ayapusu exanatsi abe waexanaeyainwa. Baxua icha be poxonae ba soldadopin ichi poxonae matabitha nacui wanaeta penabinexa. Bapon penaintontha nayaitata xua daxita pepontha xua pebexotsiyainwatsi. <sup>13</sup> Barabu beta xanepanaya dubenanaebiyatsi, icha jiwi ichi xua beta dubenanaebiya mataqueithaxae. Jopa bewa nacupa exanae dubenanaebiyae tsainchi xua peamenetsaxawa. Matautano jopa bewa ponaeinchi po penabanaewan xua ichaxota pinmonae penacaetutsiwa yawa abe exana. Jopa bewa nasi cui exanae tsainchi. Matautano jopa bewa tanotsichi ichamonae piseuri jiwi tatsi. Yawano jopa bewa nantiya jume daunweya najume matsontsonobi tsainchi. Matautano jopa bewa nauwi tsainchi. <sup>14</sup> Jame ichawa bewa paexanaename. Bewa Jesucristo patsipaebiname xua painya nepaca yaitatsinexa pon jiwi Pecanamataxeinaein, xua abe painya exanaeyainwa tsane. Bapoxonae jopa paexanaeinde po coyene xua abe painya exanaewam pocotsiwa painya juntu coyenein ichichipa xua peexanaewa.

## 14

*Meje yabara xua jopa bewa abeya yabara paebichi po coyene xua pejinompaewa pomonae iru pejume cowantsiwi*

<sup>1</sup> Icha ichun juntu coyene faefaena pejume cowantsiwa Cristotha, bapon pacana exande be painyamonae jiwi jiwana pomonae painya nejume cowantsi jiwixae pam. Jopa bapon yabara pajume matsontsonobinde xua pia pecayabara nanta xeinaewatsi xua po coyeneya bapon bewa exanae xuano xua ichacuitha po coyeneya xua bapon jopa bewa exanae. <sup>2</sup> Ichamonae ba nanta xeina xua itacupatsi penabanaewa xua daxita coyenein pexaewan. Ichamonae ba pomonae juntu coyene faefaena xua pejume cowantsiwa Cristotha barapomonae ira pipexaewa xane jopa pewi xaeyo. <sup>3</sup> Pon penabanaein daxita coyeneya pexaewan, bapon jopa bewa paebi tsane ichuntha pontha pon xua jopa penabanaeinxae pewi. Jopa bewa paebi tsane “Abe exaname jopa nenabanaexae pewi”, jopa bewa jei tsane. Barichi pon pewi jopa penabanaein, bapon jopa bewa paebi tsane pontha pon pewi penabanaeinxae: “Abe exaname nenabanaexae pewi”, jopa bewa jei tsane. Tsipei pon daxita coyeneya penabanaein pexaewa Nacom yabara nanta xeina xua bara iru pexanto tatsi, icha ichi pon jopa penabanaein pewi. <sup>4</sup> Xam jopa bewa daxua paebim tsane xua pon ichun tanacuitatsi xua bapon natsicuenta pontha pon pecanamataxeinaeinchi abe peexanaexae. Po pebin xua Nacom tanacuitatsi bapon nantauta pon jiwi Pecanamataxeinaein. Bapon jopa nantawenonaeyo xua iru xam canamataxeiname bapon. Saya meisa Nacom itacupatsi xua yabara paeba poxonae po coyene icha bapon wanae exana xuano xua icha jopa

xapain exanaeyo. Ichitha bapon xanepanaya exanaena tsipei Nacom itacupatsi xua cana exana, xua pia petanacuichi jiwi tatsi xanepanaya peexanaewa.

<sup>5</sup> Ichamonae nanta xeina xua caentaqueitha bichocono peainya cui matabi beyacaincha xua icha matabi tsipei barapo matabitha xua Nacom w̄nae pejainchiwatsi. Ichamonae nanta xeina xua daxita matabin bara naj̄pa xua peainya cui matabin xua Nacom w̄nae pejainchiwanexatsi barapo matabintha. Daxita barapomonaewa bewa barompaya pia j̄nt̄u coyenewatha yabara nanta xeinae xua barapara pexainyeiwa po coyenewa xua peyabara nanta xeinaexae. Jopa bewa nanta xeinae po coyenewa ich̄n yabara nanta xeina. <sup>6</sup> Pon jopa nacuichiyo po mataqueitha xua peainya cui matabi, bapon baxua exana xua Nacom w̄nae pejainchinexatsi pon jiwi Pecanamataxeinaein. Barichi pon xua penabanaein daxita coyeneya pewi, apara xua Nacom w̄nae pejainchinexatsi, pon jiwi Pecanamataxeinaein, tsipei bapon jeye: “Nacom maisa j̄nt̄u coyene weiweinan xua tanecatsiwam daxita coyeneya pexaewan”, jei. Ir̄no pon jopa pewi xaeyo, bapon barapara xua Nacom w̄nae pejainchinexatsi pon jiwi Pecanamataxeinaein, tsipei bapon jeye: “Nacom maisa j̄nt̄u coyene weiweinan xua tanecatsiwam ira pipexaewa”, jei bapon.

<sup>7</sup> Tsipei dapon ajibi pon waxainchi jiwantsi pomonaexaetsi pomonaewa wajume cow̄ntsiwichi, xua pon pepoponaewa penacanaexanaewa xua be pocotsi coyeneya bapon ichichipa. Jame apara popona icha be pocotsi coyeneya bara Cristo pon jiwi Pecanamataxeinaein ichichipa xua pepoponaewa tsane. Barichi icha bapon t̄paetsipa apara saya poxoru Jesucristo pon jiwi Pecanamataxeinaein bara copata xua bapon pet̄paewa tsane. <sup>8</sup> Icha Nacom pon jiwi Pecanamataxeinaein copata xua awiwa wajinompawatsi bewa beta jinompaetsi xua daxota jiwi Nacom w̄nae pejainchinexatsi. Icha Nacom pon jiwi Pecanamataxeinaein copata xua bara wat̄paewa tsane barapo coyene bewa cana exanaetsi xua jiwi w̄nae pejainchiwa Nacom. Daxota bequein icha waxainchi jinompaetsipatsi, yawano poxonae bequein icha t̄paetsipatsi bara barapara barapo coyeneinya waxainchi bewa cana exanaetsi xua jiwi Nacom w̄nae pejainchinexatsi pon jiwi Pecanamataxeinaein poxoru waxainchi piamonaewa tatsichi. <sup>9</sup> Daxota Cristo t̄pa, yawano equeicha asu popona xua penaexanaenexa tsane pon jiwi Pecanamataxeinaeinchi xua daxita jiwi nexa pomonaewa werapa ir̄no pomonaewa cataunxuaewa jinompano.

<sup>10</sup> Daxota dapon ajibi pon paxam jiwana pam pon bewa yabara pae-bina pomonaetha pomonaewa ir̄u pejume cow̄ntsiwi Cristo, xua pejeiwa: “Barapomonaewa Nacom tsita natsicuentatsi abe peexanaexae bapontha”, xua pejeiwa. Matautano ichamonae paxam jiwana jopa bewa yabara paebi tsane pomonaetha pomonaewa ir̄u pejume cow̄ntsiwi, xua jei: “Maisa barapomonaewa jopa peyaputaewi xua jopa peainya cui jiwi”, jopa bewa jei. Tsipei poxoru daxita waxainchi bexa tsane umenaeinchi Cristo peitabaratha. Cristo daxita naca yabara pae-bina xua wanatsicuentasiwa xua abe waexanaexae Nacomtha. <sup>11</sup> Tsipei Nacom Pejume Diwesitha jeye:

“Xan bara xaniwaicha yabara paca tsiw̄nae muxu dutatsi xua daxita jiwi patsina xua pentabocototha peumenaenexa taitabaratha

tanewunaē jainchinexa.

Daxita jiwi neyabara paebina jei tsane:

‘Apara barapon yatsicaewa pepa Nacom’, jei tsane”, jei Nacom pon jiwi

Pecanamataxeinaein xua Pejume Diwesitha.

<sup>12</sup> Bapoxonae barapo mataqueitha yabara cueicueijeji tsainchi Nacomtha pocotsiwa xua caena bayatha exanatsi xua barapo cae pin nacuathe icha bara metha wunaē exainchi yawano icha bara metha abe exainchi.

*Meje yabara xua jopa bewa exanaetsi pocotsi coyeneya pomonae pejume cowuntsiwi abe peexanaewa tsane*

<sup>13</sup> Daxota waxainchi jopa bewa yabara nantiya namuxutainyabichi pocotsiwa waexanaexae. Jame bewa paexanaem xua meje: Painya xoba pacana exaname painyamonaē pomonae iru pejume cowuntsiwi xua pocotsi coyeneya barapomonaē peexanaewa tsane xua daxota jopa pejume cowuntsiwa tsane Nacom. <sup>14</sup> Tsipei xan tajume cowuntsixae Jesús pon jiwi Pecanamataxeinaein daxota bara yatsicaya yaputan, xua dapocotsiwa ajibi po pexaewa tanejuntu coyene taxobiwa xua icha taxaewa tsane. Ichitha icha ichun yabara nanta xeina xua po pexaewa betaxobichipatsi icha xaetsipa bapoxonae bara tsita xainyeichi, betaxobichipatsi icha xaetsipa. <sup>15</sup> Ichitha icha paxaetsipame pocotsiwa xua painya jiton jopa ichichipaeyo xua pexaewa, pon iru pejume cowuntsin bapoxonae peantobe coyenewa jopa patsita xeinaem bapon. Painya xoba paexaname pocotsi coyenetha xua ichun baraxuba Nacom xua poxoru pocotsiwa painya nexaexae. Tsipei apara Cristo bayatha tsitupa bapon. <sup>16</sup> Paxam pananta xeiname xua bara wunaē paexaname po coyenein ichamonae tsita abetsi pejuntu coyenein taxobixaetsi. Bequein baxua payabara nanta xeinaetham tsipae ichitha jopa paexanaemtsipae barapo coyenein. Tsipei icha paexanaetsipame barapo coyenein, ichamonae yabara jei tsipae barapo coyenein: “Maisa po coyenein barapomonaē exana bichocono abe”, jei tsipae. <sup>17</sup> Nacom ichichipa xua waxainchi peburuya juntema wajinompawea. Daxota poxonae Nacom naca itoroba po coyene yabara po coyeneya bewa nabaru jinompaeinchi, jopa yabara paebi tsainchi xua po peitorobi coyenein xua waxaewa yawa waapaewa yabara. Jame po coyenein yabara naca itoroba xua apara jame pinae bewa Nacom tsita xeinaeinchi pejuntu coyene xanepanaewa. Matautano bewa pinae juntema nabaru jinompaeinchi Nacom nexa. Matautano bewa juntu coyene weiweinaeya jinompaeinchi. Daxita barapo coyenein xeinatsi wanaca catsibixae Nacom pia Pejumope tunaxu tatsi. <sup>18</sup> Poxonae barapo coyeneya Cristo taexainchi bapoxonae Nacom tsita xanepanatsi pocotsiwa xua exainchi. Matauta jiwi naca yabara paeba xua pinae bara beta exainchi.

<sup>19</sup> Daxota bewa waxainchi exaneibinchi pocotsi coyenein xua juntema nabaru jinompatsi exanatsi. Yawano bewa exaneibinchi pocotsi coyeneintha xua nantiya jume cocowuntaponatsi naexainchi. <sup>20</sup> Jopa bewa paxaem ichun peitabaratha pon painyamonaē jiwana pocotsiwa xua bapon yabara nanta xeina xua jopa bewa xae. Icha paxaetsipame bapon peitabaratha, bapon iru metha xaetsipa barapo pexaewa. Bapoxonae bapon nanta xeinaetsipa xua bapon pomonaē jiwana pomonaē penatsicuentsiwa Nacomtha xua abe peexanaexae. Painya xaexae bapon

pasana exaname xua jopa beta pejume cowantsiwa Nacom. <sup>21</sup> Jame pocotsiwa xua xanepanaya painya neexanaewa tsane meje baxue: Jopa bewa paxaem pewi. Matautano jopa bewa paaxanaem pocotsi coyenewatha painya jiton exanaena pon iru pejume cowantsin Cristo xua abe peexanaewa tsane. <sup>22</sup> Icha paxam pajume cowantame xua bara Nacom paca copata xua bara painya nenabanaewan daxita coyeneya pexaewan, po pexaewan jopa paca juntu coyene taxobiyo saya jame meisa Nacomtha yabara patsipaebare baxua. Painya xoba ichamonaе yabara patsipaeбame pexaewa po pexaewa barapomonaе jopa bapana xae. ¡Maisa juntu coyene weiweina pon daxita coyeneya pexaewa penabanaein pon pia juntu coyenewa jopa tsipaebichi xua pinae penatsicuentisiwa xua abe peexanaewaxae Nacomtha poxonaе barapo pexaewa xane! <sup>23</sup> Pon yabara ainya unthuton xeina xua pocotsiwa penabanaewan, bapon barapara pia coya natsicuenta Nacomtha xua abe exana xua poxonaе daichitha xane barapo pexaewa. Daxota daxita pocotsiwan waxainchi exanatsi icha jopa beta yabara jume cowantichi xua waexanaewa pocotsiwa Nacom ichichipa baroxonaе barapara abe exanatsi, poxonaе baxuan exanatsi.

## 15

*Meje yabara xua pocotsiwa bewa exanaetsi xua ichamonaе tsita xanepanatsi*

<sup>1</sup> Waxainchi pomonaetsi pomonaе ajuntucoyenesutsi xua wajume cowantsiwa Cristotha. Daxota bewa yawenaetsi pomonaе xua juntu coyene faefaena xua pejume cowantsiwa Cristotha xua barapomonaе awiya jume cowantsina. Jopa meisa bewa exanaetsi pocotsiwa xua waxainchi wacoya ichichipatsi. <sup>2</sup> Daxita waxainchi bewa exanaetsi pocotsi coyenewa tsita coyene xanepanatsi pomonaе ichamonaе pomonaе iru pejume cowantsiwi pocotsi coyenetha xua barapomonaе yawenatsi xua pejume cocowantaponaenexa. <sup>3</sup> Tsipei Cristo jopa exanaeyo xua pia coya ichichipa pocotsiwa tsita coyene xanepanatsi. Jame saya bapon yabara jume cui copatatsi xua jiwi bapon atene peexanaewatsi poxonaе abe yabara paebatsi. Jiwi Cristo bara barapo coyeneya cana exanatsi icha be pocotsi coyeneya caena bayatha Cristo yabara paebatsi Nacom Pejume Diwesitha xua Cristo jeye Nacomtha: “Poxonaе jinya necaaitafaetabi jiwi abeya cayabara paeba, barichi barapara xan berena abeya neyabara paeba”, jei Cristo Nacomtha. <sup>4</sup> Daxita xua pocotsiwan caena bayatha tina Nacom Pejume Diwesitha, baxuan yabara tina xua wanaca cuidubinexa Nacom yabara. Baxuan naca cuiduba xua Cristo wawunaе ewatsinexa. Xeinatsi baxua poxoru Nacom Pejume Diwesi naca cana exana xua jopa dapoye coyene xeinaetsi xua bepijawa aitaconaetsi xua bequein ichamonaе abe nacata exana. Yawano barapo diwese naca cana exana xua najuntu coyene tsacabatsi xua wajume cowanta dubenanaebiyawa. <sup>5</sup> Nacom bapon naca cana exana xua jopa bepijawa aitaconaetsi yawano xua naca juntu coyene tsacaba exana. Barabu barapon Nacom paca yawena xua peburuya nanta jupiya pananta xeiname xua painya nabaru exanaewa tsane, icha be pocotsi coyeneya Cristo Jesús exana. <sup>6</sup> Barabu be caemonaе pana nabaru wunaе jaintame Nacom, pon Jesucristo Paxa tatsi, pon Jesucristo Wanacana-mataxeinaein.

*Meje yabara xua po coyene pomonae jopa judiomonae naexanaeyo tsipaebatsi Nacom pia pecapanenebiyae diwesi jume*

<sup>7</sup> Daxota icha Cristo naca ichi xua naca matenta weyataeya waba, paxam bara paichinde. Nantiya pana nantenta weyataeya wabeibare xua bapoxonae jiwi wɥnae pejainteibinexa Nacom painya neexanae-wamxae baxua. <sup>8</sup> Xan paca tsipaebatsi xua Cristo patopa xua judiomonae peyawenaenexatsi. Cristo baxua exana xua tsita itapeinya xeina xua Nacom bara exana pocotsiwa bapon exanapaeba. Matautano Cristo baxua exana pia nayabara jume cui wetsinexa pocotsiwa bayatha Nacom yabara tsiwɥnae muxu duta wamo susato jiwitha. <sup>9</sup> Yawano Cristo daxota patopa xua pomonae jopa judiomonae naexanaeyo wɥnae pejainchinexa Nacom xua Nacom wɥnaeya peyabara nanta xeinaexae xua peyawenaenexa barapomonae. Nacom Pejume Diwesitha baxua yabara jeye xua Cristo paeba paxatha:

“Wɥnae cajaintatsi daxita nacuan jiwitha pomonae jopa judiomonae naexanaeyo pia xantha tatsi. Wɥnae cajaintatsi xua poxonae cata naxɥnatsi”, jei Nacom Pejume Diwesitha xua Cristo Paxatha paeba.

<sup>10</sup> Equeicha Nacom Pejume Diwesitha jeye: “Barabɥ daxita nacuan jiwi caemonae nabaɥ jɥntɥ coyene weiweinaena pomonae Nacom itapeta xua pecana exanaenexa piamonae tatsi”, jei Nacom Pejume Diwesitha.

<sup>11</sup> Equeicha Nacom Pejume Diwesitha jeye: “Barabɥ daxita pam pomonae jopa judiomonae naexanaeyo pam wɥnae pajainchiname pontha pon jiwi Pecanamataxeinaein. Matautano barabɥ daxita nacuanpiwi wɥnae jainchina bapontha”, jei Nacom Pejume Diwesitha.

<sup>12</sup> Equeicha Nacom Pejume Diwesitha xua Isaías tatina, jeye: “Pebin patopaena pon Isaí pia pemomoxi susato jiwi jiwana tatsi, pon David paxa tatsi.

Bapon Nacom cana exana xua bapon itorobiya pecanamataxeinaenexa tsane pomonae jopa judiomonae naexanaeyo. Barapomonae jume cowɥntsiya wɥnae ewatsina xua barapon barapomonae pecapanenebiwa tsainchi abe pia peexanaexae cuiru coyenein weya tatsi”, jei Isaías Nacom Pejume Diwesitha.

<sup>13</sup> Barabɥ Nacom pon naca cana exana xua wawɥnae ewatsiwa Cristo bichocono paca jɥntɥ coyene weiweina exanaena. Matautano barabɥ Nacom jɥntema jinompa paca cana exanaena. Nacom baxua pacata exana painya nejume cowɥntsixae bapon. Bapoxonae barabɥ Nacom paca cana exana xua jopa juniya painya newɥnae eewataponaewa tsane



Cristo. Nacom pia Pejumope t̄nax̄ tatsi baxua paca cana exana pia peayapus̄ itorobi coyenewatha.

<sup>14</sup> Tamonae pam, paxam pomonae ir̄ painya nejume cow̄ntsixae Jesucristo. Bara xaniwaicha beta yaputan, xua paxam beta painya neexanaewam po peantobewa xuaunxuae yabara paca tsitinatsi. Matautano paxam payaputaneme daxita xua pocotsiwa bewa paexanaename. Matautano payaputaneme xua po coyene bewa nantiya pana namuxuwetsim. <sup>15</sup> Barapo cartathe pecono jumeyotha atsaquiya pacata tinatsi. Baxuan xua pocotsiwan pacata tinatsi jopa ichipaeinyo xua painya nej̄ntemainaewa. Daxota atsaquiya pacata tinatsi baxuan Nacom tanebar̄ cui itura jinaexae poxonae necata barapo tanacuichiwa. <sup>16</sup> Nacom neitoroba xua Jesucristo tatanacuichinexa tayawenaenexa pomonae jopa judiomonae naexanaeyo. Tanacuitan Nacom poxonae cueicueijan Nacom pia pecapanenebiyae diwesi jume pomonaetha pomonae jopa judiomonae naexanaeyo. Barapomonae pejume cow̄ntsixae Cristo, Nacom pia Pejumope t̄nax̄ tatsi cana exana xua barapomonae pēj̄nt̄ coyene xanepanaewa Nacomtha. Po coyene exanan baxua be po coyene icha sacerdotemonaepin ichi. Poxonae bapon duwei jiwi tsitautatsi abe pia peexanae coyenein nexa tatsi bapoxonae barapo jiwi Nacom petsita j̄nt̄ coyene xanepanaewichi.

<sup>17</sup> Tajume cow̄ntsixae Cristo Jesús daxota bichocono netsita xanepana xua tataexanaexae barapo penacuichiwa xua Nacom nexa. <sup>18</sup> Jopa yabara paebinyo xua Cristo exana ichamonae nexa. Saya meisa bichocono netsita xanepana pocotsiwa xua Cristo exana xan nexa. Cristo neyawena xua pomonae jopa judiomonae naexanaeyo pejume cow̄ntsinexa Nacom. Barapomonae Nacom jume jejeichi poxonae jume tane pocotsiwa cueicueijan xuano xua tane pocotsiwan xua exanno. <sup>19</sup> Nacom neexana xua pia Pejumope t̄nax̄ tatsi pia peayapus̄ itorobi coyenewatha exanan pexeinya petsita it̄bi coyenewan po coyene jiwi j̄nt̄ coyene nabenaeca cana exainchi. Daxota poxonae Jerusalén tomara wewarapiyan daxita jiwitha cueicueijan tsoponae Nacom pia pecapanenebiyae diwesi jume xua Cristo yabara. Baxua exanan beya Iliria nacuatha yacui jopan. <sup>20</sup> Daxota ichichipeiban xua tacueicueijeīwa Nacom pia pecapanenebiyae diwesi jume xua Cristo yabara ichaxota cataunxuae jiwi jopa yabara jume taeyo Cristo. Jopa becueicueijanyo Nacom Pejume Diwesi ichaxota ichamonae copiya bayatha cueicueijeī barapo diwesi. <sup>21</sup> Poxonae xan baxua exanan, exanan be pocotsiwa bayatha Nacom Pejume Diwesitha pepaebixae, xua Cristo yabara jeichichi:

“Pomonae cataunxuae jopa tsipaebichi po diwesi xua bapon peyabara paebiwatsi, barapomonae jume taena, xua bapon yabara jume taeinchi. Bapoxonae barapomonae yaputaena po diwesi xua bapon peyabara paebiwatsi xua daxota bapon jume cow̄ntsinchi”, jei Nacom Pejume Diwesitha tatsi.

*Meje xua poxonae Pablo paeba xua pinae beponaena Roma tomara beya*

<sup>22</sup> Ichamonae tatsipaebaponaexae barapo diwesi jopa neitac̄paeyo xua tapaca casiwa ponaewatsi. Bequein bayatha ichichipeiban xua

tapaca casiwa poneibiwa tsainchi ichitha jopa neitacupeibiyo. <sup>23</sup> Ichitha anoxuae wetan barapo penacuichiwa daxita barapo nacuanthe. Caena bayatha ainya wei ichichipeiban xua tapaca casiwa poneibiwatsi. <sup>24</sup> Anoxuae ichichipan xua tapaca casiwa ponaewa tsainchi poxonae warapaein España nacua beya. Poxonae paxam panejuntũ coyene weiweina cana exanaenameba xua tapaca casiwa ponaexaetsi equ-e-icha warapaein España nacua beya. Ichichipan xua tapana neyawenaewam tsane pocotsiwa nantawenonan tawarapaewanexa poxonae painya tomara weya ponaein. <sup>25</sup> Ichitha anoxuaetha copiya ponaein Jerusalén tomara beya. Capanaein pocotsiwa xua barapo Jerusalén tomarathapiwi peyawenaewatsi, pomonae irũ pejume cowantsiwi Cristo. <sup>26</sup> Macedonia nacuapiwi irũ Acaya nacuapiwi pomonae pejume cowantsiwixae Cristo daxita barapomonae pia coya juntucuru exana po coyene tsita coyene xanepanatsi. Barapomonae taitoroba paratixi Jerusalén tomarapiwi nexa, pomonae peacopeibiwi pomonae irũ jume cowanta Jesús icha paxam paichim. <sup>27</sup> Barapo pejume cowantsiwi pomonae Macedonia nacuapiwi irũ Acaya nacuapiwi barapomonae juntucuru nanta xeina pia coya xua peexanaewa baxua. Barapomonae jopa itorobichi ichũn. Ichitha barapomonae bewa yawenaena pomonaetha pomonae acopeibiwi. Barapomonae pomonae jopa judiomonae naexanaeyo jume tane Nacom pia pecapanenebiyae diwesi jume poxoru bayatha judiomonae yawena pecueicueijeixae barapo diwesi barapomonaetha. Daxota anoxuae pomonae jopa judiomonae naexanaeyo bewa xuya yawenae barapomonaetha judiomonaetha pocotsiwantha xua barapomonae pexeinaexae Nacom weya. <sup>28</sup> Daxota poxonae wetsin barapo penacuichiwa xua catsin daxita barapo paratixi Jerusalén tomarapiwitha, bapoxonae ponaein España nacua beya. Paca siwa ponaeinchi copiya, bapoxonae bara beya warapaein España nacua beya. <sup>29</sup> Bara xaniwaicha yaputan xua poxonae paca siwa ponaeinchi, Cristo necatsina po diwesi paxam nexa po diwesi bichocono paca tsita juntũ coyene xanepana xua daxota painya nejuntũ coyene weiweinaewa tsane.

<sup>30</sup> Tamonae pam, paxam pomonae irũ painya nejume cowantsiwixae Jesucristo. Paca wũcatsi xua be caemonae panaexande xua ajumesũya daunweya painya pana nebarũ tsipaebinexa Nacomtha xua bapon tana neyawenaewa tsane xua tatanacuichiwa bapon. Baxua paca wũcatsi irũ painya jume cowantsixae Jesucristo pon Wanacanamataxeinaeinxae. Barichi paca wũcatsi irũ painya xeinaexae po peantobe coyenewa Nacom pia Pejumope tũnaxũ tatsi naca cata. <sup>31</sup> Nacomtha painta tsipaebare xua jopa abe tana neexanaenexa pomonae Judea nacua pejinompaewi, pomonae jopa pejume cowantsiwi. Mataũtano Nacomtha painta tsipaebare xua barapo Jerusalén tomarapiwi pomonae pejume cowantsiwi jiwĩ tanententa cobe wenotsinexa barapo paratixi. <sup>32</sup> Bapoxonae icha Nacom ichichipaena juntũ coyene weiweinaya paca siwa patopaeinchi. Mataũtano nafifina caewatsin xua tapaca casiwa ponaewatsixae tsainchi. <sup>33</sup> Barabũ Nacom pon juntema jinompa naca cana exana paca barũ poponaena daxita. Je, bara ichi tsane.

## 16

*Meje yabara poxonae Pablo jacoba Roma tomarapiwi*

<sup>1</sup> Anoxuae yabara paca tsipaebatsi powa pewun Febe, powa beta peexanaewayo. Bapowa paca siwa ponaena. Bapowa be wamcho watsicotaewa iru pejume cowantsixae Jesús. Barapowa Nacom tanacuitatsi xua yawenatsi pomonae pejume cowantsi jiwi Cencrea tomaratha. <sup>2</sup> Barapowa wanaeya pantenta weyataeya wabare Jesucristo piamonae jiwanaxae pon Wanacanamataxeinaein. Baxua bewa paexanaem icha pomonae pejume cowantsiwi ichi xua bewa nantiya nantenta weyataeya wabeibina. Barapowa payawende xua pocotsiwa barapowa nantawenona, tsipei barapowa bayatha yawena nawita pin bicheitomonae. Yawano barapowa bayatha iru neyawena.

<sup>3</sup> Painta jacobare powa pewun Prisca. Iru painta jacobare, pia pebin tatsi, Aquila, tsipei baru nacuitanbe barapo tanacuichiwa po coyenein exanan Cristo Jesús nexa. <sup>4</sup> Baraponbe bara muxu petupaebe tana necapanepaenexabe poxonae ichamonae juntucuru muxu tana nebexubi. Daxota xan baranbe: “Maisa juntu coyene weiweinan xua tapaneyawenaemxaebe”, jan. Barichiru daxita pomonae Nacom pejume cowantsiwichi pomonae jopa judiomonae naexanaeyo pomonae Nacom petsita nacaeteiwiwichi xua wunae pejainteibinexatsi, jeye: “Maisa pajuntu coyene weiweinan xua paxambe pana neyawename xua Pablo jopa petupaewa”, jei. <sup>5</sup> Iruno painta jacobare pomonae nacaetua Prisca pia pebinbe pia botha tatsibe. Matautano painta jacobare Epeneto pon tajiton, pon bichocono antobein. Bapon pon copiya jume cowanta Cristo Asia nacuatha. <sup>6</sup> Matautano painta jacobare María. Barapowa powa bichocono pacata nacuita. <sup>7</sup> Matautano painta jacobarebe Andrónico iru Junias ponbe iru judiomonaepinbe icha xan ichin. Baponbe neyawa baru muxuna etabe jiwi pecubi botha. Matautano baponbe Jesucristo pia peitorobi jiwi tatsi jiwanabe. Jiwi beta yaputaena xua baponbe bara Jesucristo pia peitorobi jiwi jiwanabe tatsi. Baponbe caena bayatha netsiwana jume cowantabe Cristo.

<sup>8</sup> Painta jacobare Ampliato pon tajiton, pon bichocono antobein, pon iru pejume cowantsixae pontha pon jiwi Pecanamataxeinaein. <sup>9</sup> Painta jacobare Urbano, pon xua naca baru muxuna tanacuita Cristo. Matautano painta jacobare Estaquis, pon tajiton, pon bichocono antobein. <sup>10</sup> Painta jacobare Apeles, pon tsita itapeinya xeineiba xua bapon bara xaniwaicha Cristo pejume cowantsiwatsi poxonae bequein abe taexaneibatsi ichamonae. Matautano painta jacobare Aristóbulo piamonae tatsi. <sup>11</sup> Matautano painta jacobare Herodión pon iru judiomonaepinbe icha xan ichin. Iru painta jacobare Narciso piamonae tatsi pomonae pejume cowantsixaeru pontha pon jiwi Pecanamataxeinaein. <sup>12</sup> Iru painta jacobare powa Trifena iruno powa Trifosa. Barapowayobe, powayobe iru tanacuitabe xua pon jiwi Pecanamataxeinaein tanacuitatsibe. Iru painta jacobare Pérsida powayo tajitowayo, powayo antobein iruru pejume cowantsixaeru. Barapowa iruru nawita daunweya tanacuitaru xua pon jiwi Pecanamataxeinaein daunweya tanacuitatsi. <sup>13</sup> Iruno painta jacobare pon Rufo. Bapon pon jiwi Pecanamataxeinaein itapeta, Rufo itapetatsi xua xanepanaya petanacuitsinexatsi. Iruno painta jacobareno bapon Rufo pena tatsi, powa iru be taena tsicotan. <sup>14</sup> Iru painta jacobare pon Asíncrito, iruno pon Flegonte, iruno pon Hermes iruno pon Patrobas, iruno pon Hermas. Iruno painta jacobare daxita pomonae iru pejume cowantsiwixae Cristo pomonae

xua barꝥ jinompatsi barapomonae. <sup>15</sup> Matautano painta jacobare pon Filólogo. Irꝥno painta jacobare powa Julia. Irꝥno painta jacobare pon Nereo, irꝥno Nereo jacobare tatsi. Irꝥno painta jacobare pon Olimpás. Matautano painta jacobare daxita pomonae irꝥ pejume cowantsiwixae Cristo, pomonae barꝥ jinompatsi barapomonae.

<sup>16</sup> Betiya painta nantiya pana nacobe najacobare painya neantobewaxae Cristo. Daxita barapomonae pomonae Cristo pejume cowantsiwichi pomonae xote jinompe, daxita barapomonae paca jacobae.

<sup>17</sup> Tamonae pam, paxam pomonae irꝥ painya nejume cowantsiwixae Jesucristo. Paxam paca muxuwetatsi xua dota pam painya necui naitaewatsinexa pomonae xua tsana paca necaexanae jiwi xua ainya bicheitobe paca cana exana. Barapomonae pacata ayapube exana xua painya nejume cowantsiwa Cristo. Barapomonae catsawa yabara jume toxechiya exana xua Jesucristo pia pecuidubi coyenewa tatsi xua bayatha pocotsiwa pana nacuidubame. Maisa barapomonae tajꝥ pajume cuitaya ponde. <sup>18</sup> Barapomonae jopa tanacuichiyo xua Jesucristo jopa tanacuichichi pon Wanacanamataxeinaein. Barapomonae saya nacuita xua saya pia coutha peexanaenexa xua pocotsiwa barapomonae ichichipa xua peexanaewa. Barapomonae muxujainyaba nawita pomonaetha pomonae be conotha peyaputae jiwi xua abe peexanae coyene yabara. Baxua exana po jumeintha xua pexeinya jumein yawa po jumeintha itara mexeya bara jume xanepana, ichitha jopa pexainyei jume. <sup>19</sup> Daxita jiwi paca yaputane xua paxam paexaname pocotsiwa Nacom paca itoroba pejume diwesitha. Daxota bichocono jantꝥ coyene weiweinan. Ichichipan xua painya nexainaewa tsane painya neyaputae coyenewan po coyenewan xua pexanepanae coyenein painya neexanaenexa. Matautano ichichipan xua jopa painya neexanaewa tsane icha be ichi xua poxonae exana pomonae jopa peyaputaewi, xua jopa abe painya neexanaewa tsane. <sup>20</sup> Nacom bapon apara pon jantema jinompa naca exana. Barapon aunxuae paca yawenaena xua painya neamanayabiwa tsane pon bichocono abe peexanaein, bapon Satanás. Barabꝥ Jesús, pon Wanacanamataxeinaein, paca yawenaena pia paca necaantobexae.

<sup>21</sup> Irꝥno Timoteo paca jacobae pon nebarꝥ nacuita Jesucristo nexa. Matautano pon Lucio, irꝥno pon Jasón, irꝥno pon Sosípater, barapoyobe paca jacobae. Barapoyobe irꝥ judiomonaepinbe, icha xan ichin.

<sup>22</sup> Xan Tercio, barapo carte saya tatinan Pablo. Xan bapon irꝥꝥ paca jacobatsi irꝥꝥ taantobexae pon jiwi Pecanamataxeinaein.

<sup>23</sup> Irꝥꝥ pon Gayo bapon paca jacobae. Xan Pablon bapon Gayo pia botha tatsi anoxuae poponan. Baxota pia botha tatsi tanacaetutatsi pomonae pejume cowantsi jiwi, Nacom wꝥnae pejainchinexatsi. Irꝥno Erasto paca jacobarꝥ pon paratixi peenaein Corinto tomaratha xua Corinto tomarapiwi pia paratixi tatsi. Irꝥno Cuarto bapon paca jacobae, pon irꝥ pejume cowantsin Cristo.

<sup>24</sup> Barabꝥ Jesucristo, pon Wanacanamataxeinaein, daxita paxam paca yawenaena pia paca necaantobexae. Je, bara ichi tsane.

*Meje xua Pablo Nacom wꝥnae jaintatsi poxonae najume opi duta exana barapo carte*

<sup>25</sup> Barabꝰ wꝰnae jaintatsi Nacom. Nacom itacꝰpatsi xua paca ajꝰntꝰyapꝰusꝰya cana exana xua beta painya nejume cowꝰntsinexa barapo pexeinya pecapanenebiyae diwesi jume coyenewathaxae. Barapo diwesi Jesucristo yabara cueicueijan. Caena bayatha poxonae Nacom aena nacula forota, barapo pexeinya pecapanenebiyae diwesi jume Nacom cataunxuae jopa tsita jume itapeinya xeinaeyo, tsipei abꝰ be namicha jume yawꝰn xeina xua jiwi jopa yaputaeyo. Ichitha anoxuae Nacom tsita jume itapeinya xeina barapo diwesi. <sup>26</sup> Barapo pexeinya pecapanenebiyae diwesi jume, anoxuae jiwi barapo diwesi yaputane, Nacom pia peitorobi jume pepaebiwi peyabara tinaexae barapo pexainyei jume diwesi. Matautano jiwi yaputane poxorū Nacom peitorobixae, pon xua ataya tsitecaeya popona. Barapo diwesi Nacom jume tane exana daxita nacuanpiwitha, xua barapo jiwi pejume cowꝰntsinexa Cristo. Matautano jume tane exana xua barapo jiwi peexanaewa tsane pocotsiwa Nacom itoroba.

<sup>27</sup> Barabꝰ Nacom wꝰnae jaintatsi, pon meisa compa yatsicaewa daxita peyaputaein. Jesucristo naca cana exana xua Nacom wꝰnae wajainchiwa xua ataya nexa. Je, bara ichi tsane.

Baja Pablo.

## Meje Po Carte Copiya Tatina Pablo Corinto Tomarapiwi Tatinatsi

*Meje poxonae Pablo tatina Corinto tomarapiwi*

<sup>1</sup> Xan, Pablon, pacata tinatsi Nacom peichichipaexae xua tana newabiwa xua tana neexanaewa Jesucristo pia peitorobi jiwi jiwana tatsin. Irano Sóstenes pon iru pejume cowantsin Jesucristo, baponbe panbe pacata tinatsi. <sup>2</sup> Paxam pomonae painya nejume cowantsi jiwi pam Corinto tomaratha. Barapomonae pam pacata tinatsi pomonae Nacom piamonae tatsi pam painya neyawa jinompaexae Cristo Jesús. Nacom paca waba painya nenajuntu coyene wuna exanaenexa Nacomtha. Pacata tinatsi daxita nacuapiwi pam, pomonae iru painya nejume cowantsiwixae pam Jesucristo, xua pomonae painya newun ununeibiwi Jesús pewun poxonae pawuqueibame Nacomtha. Bapon Jesucristo Wanacanamataxeinaein iruru daxita nacuanthapiwi pomonae pejume cowantsiwi barapomonae pia Pecanamataxeinaeinchi tatsi. <sup>3</sup> Barabu Nacom Waxa, iru Jesucristo pon jiwi Pecanamataxeinaein juntea jinompa paca exanaena. Matautano barabu baponbe paca yawenaena pia paca necaantobewaxae.

*Meje poxonae Pablo tawuca Nacomtha Corinto tomarapiwi*

<sup>4</sup> Daxita matacabi tsaibi Nacomtha pacata tsipaebibatsi, jan tsaibin: “Nacom maisa juntu coyene weiweinan xua barapomonae tana neyawenaewa xua Cristo Jesús peantobexae barapomonaetha”, jan tsaibin. <sup>5</sup> Painya neyawa muxuna jinompaexae Cristo, daxota Nacom peayapusuwa jopa juniya paca catsiyo xua xaniwaicha painya nepaebiwa pejume diwesi. Barapon Nacom paca cata po coyene beta yabara painya neyaputaewa bapon. <sup>6</sup> Po diwesi paca tsipaebatsi Cristo yabara xua bapon paca cana exana painya nejinompaewa bapon nexa baxua anoxuae xaniwaicha paexanaponame. <sup>7</sup> Paxam paxeiname pocotsiwa Nacom pia Pejumope tunaxu tatsi paca cata, daxita xua pocotsiwan panantawenoname xua betiya painya nejinompaewa tsane Nacom nexa. Daxita baxuan paxeina dubenanaebiyaename poxonae cataunxuae pawnae ewatsiname xua poxonae Jesucristo po mataqueitha equeicha patopeicaena pon Wanacanamataxeinaein. <sup>8</sup> Nacom paca yaweneibina xua paajuntusya jinompaename beya poxonae Jesucristo equeicha patopaetsica. Dapon xain aibi tsane pon paca yabara paeba xua painya nenatsicuentiwa xua abe painya neexanaexae Nacomtha xua poxonae equeicha patopaetsica pon Wanacanamataxeinaein Jesucristo. <sup>9</sup> Nacom bara ataya exaneiba pocotsiwa pia petsiwunae muxu dutsiwan. Barapon Nacom paca waba painya neyawa muxuna jinompaenexa tsane Jesucristo pon Wanacanamataxeinaein, Nacom Pexanto tatsi.

*Meje poxonae Pablo yabara paeba po coyene pomonae pejume cowantsiwi Cristo xua natsaba nacana exana*

<sup>10</sup> Tamonae pam, paxam pomonae iru painya nejume cowantsiwixae Jesucristo. Jume daunweya paca tsipaebatsi tajuntu coyenetha tsipei

daxita paxam Jesucristo piamonae tatsi pam pon Wanacanamataxeinaein. Caemonae peburaya cuita pacueicueijan tsurubenanaebiyama. Jopa pana najume matsontsonobinde xua daxota painya nenatsabiwam tsipae. Jame maisa peburaya pananta xeinare xua be bara caemonae pam. <sup>11</sup> Tamonae pam, pomonae iru painya nejume cowantsiwixae Jesucristo. Daxota baxua paca tsipaebatsi, yaitama yabayo powa pewan Cloé piamonae tatsi netsipaeba pinae paxam nantiya pana najume matsontsonoba dubenanaebiyame. <sup>12</sup> Jume tan xua paxam jiwana xua barompaya tsanaya paeba, jeye: “Pablo yabara jume cowantan pocotsiwa cuiduba”, jei. Ichamonae jeye: “Apolos yabara jume cowantan pocotsiwa cuiduba”, jei. Ichamonae jeye: “Pedro yabara jume cowantan pocotsiwa cuiduba”, jei. Ichamonae jeye: “Cristo yabara jume cowantan pocotsiwa cuiduba”, jei. <sup>13</sup> Daxita paxam jopa bewa barapo coyene paexanaem xua ainyamonaein pana naexaname. Cristo jopa pia coutha nanantarubiya exanaeyo tsipei Cristo apara bara caein. Xan, Pablon, jopa apara paca tsitupaetsi naetotha. Jopa apara paca bautisabichi tawantha xua daxota tamonae painya nenaexanaenam. <sup>14</sup> ¡Pai jaibo! ¿Incane metha barichipaein? ¿Incane metha bautisabichipan? Daxota Nacom tsipaeban janje: “Nacom maisa juntu coyene weiweinan xua barapomonae jopa tabautisabiwa”, jan. Saya meisa bautisaban Crispo iruru Gayo. <sup>15</sup> Daxota dapon aibi pon itacupatsi xua pejeiwa: “Xan nebautisaba Pablo pewantha”, xua pejeiwa. <sup>16</sup> Jaina iruru Estéfanos piamonae tatsi bautisaban. Ichitha ichamonae jopa yabara nanta xeinaeyo xua tabautisabiwa bayatha. <sup>17</sup> Cristo jopa neitorobiyo xua tabautisabinexa jiwi. Jame saya Cristo neitoroba xua yabara tacueicueijeinexa pecapanenebiyae diwesi. Ichitha jopa cueicueijanyo icha be ichi pon bichocono cueicueijeinei poxoru bichocono peyaputaexae. Ichi baxua exanaetsipan jiwi jopa yabara yaputaetsipae Jesucristo pia pecapanenebiyae diwesi xua poxonae Cristo naetotha tsitupa jiwi.

*Meje poxonae Pablo yabara paeba xua Cristo xeina Nacom pia peyapupusawa tatsi xuano Nacom pia peyaputae coyenewano tatsi*

<sup>18</sup> Ichamonae jopa beta yabara nanta xeinaeyo po diwesi xua Cristo petsitupaewa naetotha jiwi. Barapomonae yawa muxuna weraweracaena abe peexanaewan. Barapomonae jopa pejume cowantsixae Jesucristo daxota nanta xeina xua barapo diwesi be tsita penamitacueinchi diwesi jumetsi. Ichitha ichamonae beta yabara nanta xeina barapo diwesi. Barapomonae Nacom capanenebiyaena abe pia peexanae cuiru coyenein tatsi weya. Barapomonae yaputane xua barapo diwesi bichocono peyapusu diwesi xua Nacom weya. <sup>19</sup> Nacom Pejume Diwesi baxua yabara paeba. Nacom jeye:

“Weraweraca exanaein peyaputae coyenewan, po peyaputae coyenewan xeina pomonae peyaputaewi. Pecuidubi coyenewan beban tsane, po pecuidubi coyenewan xeina pomonae peyaputaewi”, jei Nacom.

<sup>20</sup> Pon xua peyaputaein iru pon xua pecuidubin, iru pon jume daunweya yabara cueicueijeinei po nacuathe, barapomonae Nacom jopa tsita ainya cuichi. Nacom cui capona peyaputae coyenewan, po peyaputae coyenewan xeina pomonae peyaputae jiwi barapo cae pin nacuathe. <sup>21</sup> Nacom xainyeya xeina peyaputae coyenewa. Nacom jopa copatsiyo

jiwi xua peyaputaewatsi bapon, peyaputae coyenewatha po peyaputae coyenewa xeina pomonae jinompa barapo cae pin nacuathe. Jame Nacom ichichipa xua capanepa jiwi abe pia peexanae cuiru coyenein weya pejume cowantsixaetsi poxonae pacueicueijan Nacom Pejume Diwesi. Barapo diwesi ichamonae tsita penamitacueinchi diwesichi. <sup>22</sup> Judiomonae ichichipa tane nawita Nacom pia pexeinya petsita itatsi coyenewan xua pejume cowantsinexa tsane Nacom Pejume Diwesi. Seicaya nama griegomonae yabara jeita nawita barapo irathe pia peyaputae coyenewan xua pejume cowantsinexa tsane Nacom Pejume Diwesi. <sup>23</sup> Ichitha paxan payabara cueicueijan Mesias pon naetotha tsitapa xua jiwi abe pia peexanae cuiru coyenein tatsi. Barapo diwesi judiomonae jopa be jume jejeyo poxoru tsita ajumbetsi. Seicaya nama pomonae jopa judiomonae naexanaeyo tsita penamitacueinchi diwesichi barapo diwesi. <sup>24</sup> Ichitha pomonae Nacom waba pomonae bara metha bequein judiomonae tsipae iruru pomonae metha bequein jopa judiomonae naexanaeyo tsipae barapomonae jame Jesucristo jume cowantatsi. Barapomonae nanta xeina xua Mesias xeina Nacom pia peayapusu coyenewa tatsi matautano xua Nacom pia peyaputae coyenewa tatsi xua jiwi pecapanenebiyaenexa tsainchi. <sup>25</sup> Pocotsiwa jiwi tsita penamitacueinchi diwesichi xua Nacom exana baxua apara bara jame Nacom bichocono tsita peyaputae coyenewatsi, beyacaincha po peyaputae coyenewa jiwi xeina barapo cae pin nacuathe. Matautano pocotsiwa jiwi jopa tsita peayapusatsi xua Nacom xeina baxua apara bara jame Nacom tsita peayapusu coyenewatsi bichocono, beyacaincha po peayapusu coyenewa jiwi xeina barapo cae pin nacuathe. <sup>26</sup> Tamonae pam, paxam pomonae iru painya nejume cowantsiwixae Jesucristo. Paxam bewa pana nacayabara nanta xeinaem xua eta po jiwi pam xua poxonae Nacom aena paca waba. Bapoxonae pananta xeiname xua saya paxam caeyobe pam pomonae peyaputae jiwi pam. Barichi paxam saya caeyobe pam pomonae peayapusuya itorobi jiwi pam. Matautano paxam saya caeyobe pam pomonae peainya cui jiwi pam. <sup>27</sup> Nacom itapeta pomonae xua ichamonae yabara jeichi: “Barapomonae apara pomonae jopa peyaputae jiwi”, jei. Ichitha barapomonae Nacom pia peitapetsiwixae barapomonae aura exana pomonaetha pomonae abe peyabara paebixaetsi, pomonae bichocono peyaputaewi. Barapomonae pomonae pia coutha peyaputaewi penaexanaewixae aura tsane, tsipei yaputaena xua pomonae Nacom pia peitapetsiwixae tatsi xaniwaicha barapomonae peyaputaewi. Matautano Nacom itapeta pomonae xua ichamonae yabara jeichi: “Apara barapomonae pomonae pejantu coyene faefaenaewi pejume cowantsiwatha”, jei. Ichitha barapomonae pomonae Nacom pia peitapetsiwixae barapomonae aura exana pomonaetha pomonae abe peyabara paebixaetsi pomonae pia coutha penayabara nanta xeinaewa xua bichocono pexeinaewa pejantucoyenesuwa. <sup>28</sup> Nacom itapeta pomonae barapo cae pin nacuathepiwi jiwana, pomonae pecui pawu jiwi xua piamonae peexanaenexa. Barapomonae pomonae ichamonae abe peyabara paebiwichi, matautano xuano pomonae ichamonae jopa petsita ainya cui jiwichi. Nacom itapeta pomonae jopa peainya cui jiwi xua penajume tsita itapeinya xeinaenexa xua Nacom jopa peitapetsiwa pomonae pia coutha penacayabara nanta xeinaewa xua peainya cui jiwi. <sup>29</sup> Daxota



dapon aibi pon peitacupaewatsi xua Nacom peitabaratha atsaquiya penayabara paebiwa xua peainya cui jitonxae. <sup>30</sup> Nacom paca exana xua painya neyawa jinompaewa Cristo Jesús pia peajuntayapuswa tatsi. Matautano Nacom naca exana xua xeinatsi Cristo Jesús pia peyaputae coyenewa tatsi wayaputaenexa Nacom. Matautano Cristo naca cana exana xua wajuntu coyene xanepanaewa xua jopa wanatsicuentisiwa xua abe waexanaexae Nacomtha. Matautano Cristo naca exana xua watanacuichinexa Nacom, bapon piamonaexae tatsichi. Nacom naca yantomata xua Jesucristo naca tsitapa naetotha wanaca capanenebiyaenexa abe waexanae cuiru coyenein weya. <sup>31</sup> Daxota Nacom Pejume Diwesitha paeba jeye: “Jiwi jopa bewa pia coutha atsaquiya nayabara paebi xua peainya cui jiwixae. Bu jame moya barapo jiwi bewa saya atsaquiya yabara paebina po coyene Nacom pia peainya cui coyenewa tatsi pon jiwi Pecanamataxeinaeinchi”, jei Nacom Pejume Diwesitha.

## 2

### *Meje xua Cristo petupaewa diwesi yabara*

<sup>1</sup> Tamonae pam, paxam pomonae iru painya nejume cowantsiwixae Jesucristo. Patopan painya xantha tapaca catsipaebinxatsi Nacom pia pexainyei diwesi jume. Bapoxonae jopa paca tsipaebichi po diwesi ayapube xua tacueicueijejiwa xua poxonae icha ichi xua paeba pon peyaputaen bichocono. <sup>2</sup> Poxonae poponan painya xantha, saya meisa Jesucristo yabara nanta xeinan xua tapaca catsipaebinxatsi. Matautano yabara tapaca catsipaebinxatsi po coyene poxonae bapon naetotha tupa. <sup>3</sup> Poxonae paxamtha naitatan nayabara nanta xeinan xua neita coxana xua beta tacueicueijejiwa. Matautano tajunuwi anthutha deideijan. <sup>4</sup> Poxonae paca tsipaebatsi Nacom Pejume Diwesi jopa paca tsipaebichi po jumein ayapube xua icha ichi poxonae cueicueijeji pon bichocono peyaputaen. Ichitha seicaya nama paca tsipaebatsi tana neitorobixae Nacom pia Pejumo pe tuxu tatsi yawano Nacom pia peayapusu itorobi coyenewathano. <sup>5</sup> Daxota poxonae pajume cowantame Jesucristo apara poxoru jopa painya nejume cowantsixae jiwi pia peyaputae coyenewa. Apra jame poxoru Nacom painya nepaca yawanaexae pia peayapusu itorobi coyenewatha daxota pajume cowantame.

### *Meje yabara xua Nacom naca yaputane exana pia Pejumo pe tuxutha tatsi*

<sup>6</sup> Paxan pacueicueijan pomonaetha pomonae bichocono pejume cowantsiwi Nacomtha xua Nacom pia peyaputae coyenewa tatsi. Nacom pia peyaputae coyenewa tatsi jopa apra barapo cae pin nacuathe weya ponaeyo. Matautano jopa apra barapo coyene xua po coyene jopa ponaeyo pomonae piamonae itorobiya pecanamataxeinaewi weya. Pomonae anoxuae piamonae itorobiya pecanamataxeinaewi wera-paena, yawano weraweracaena pia peyaputae coyenewan tatsi. <sup>7</sup> Po coyene xua paca tsipaebatsi apra Nacom pia peyaputae coyenewa tatsi. Barapo coyene caena bayatha Nacom namicha yawun xeina xua jiwi jopa yabara yaputaeyo beya anoxuae Nacom najume tsita itapeinya xeina. Caena bayatha pewnaeya poxonae Nacom nacua forotsina bapon nanta xeina xua naca capanepaena. Baxua apra Nacom pia peyaputae coyenewa tatsi xua matapainya naitata. <sup>8</sup> Barapomonae

pomonaē piamonaē itorobiya pecanamataxeinaewi jopa yabara yaputaeyo Nacom pia peyaputaē coyenewa tatsi. Icha metha barapomonaē yaputaetsipa metha jopa Jesucristo naetotha tupa exanaetsipaetsi, pon jiwi Pecanamataxeinaein, pon pexeinya peitapanae coicha pexeinaein. <sup>9</sup> Nacom Pejume Diwesitha baxua yabara jeye:

“Nacom bayatha jiwi tsiwunaeta po jiwi peantobewixaetsi pocotsiwan xua bichocono pewunaewan xua exana barapo jiwi nexa. Barapocotsiwan jiwi jopa yabara yaputaeyo, matautano jopa yabara jume taeyo. Matautano Nacom tsiwunaeta pocotsiwa xua jiwi jopa bapana yabara nanta xeinae jopa juniya pewunaexae”, jei Nacom Pejume Diwesitha.

<sup>10</sup> Nacom yabara naca yaputane exana baxuan pia Pejumope tñaxutha tatsi. Nacom pia Pejumope tñaxu tatsi daxita yaputaeya necota pocotsiwa naca yaputane exana, beya yawa muxunano naca yaputane exana pocotsiwa Nacom namicha yawun xeina.

<sup>11</sup> Jiton dapon aibi pon itacupatsi xua yaputane ichun pia pejuntū coyene tatsi. Saya jame meisa ichun itacupatsi xua pia coutha najuntū coyene yaputane. Bara jata ichi meisa Nacom pia Pejumope tñaxu tatsi yaputane xua Nacom pia pejuntū coyenewa tatsi. <sup>12</sup> Nacom jopa naca copatsiyo xua bara wacoutha wayaputaewa tsane xua be pocotsi coyene Nacom pia penanta xeinaewa tsane. Aparā jame seicaya naca cata pia Pejumope tñaxu tatsi, wanaca yaputane exanaenexa xua pocotsiwan yabara Nacom wanaca catsiwa wanaca antobexae. <sup>13</sup> Waxainchi diwesi cueicueijeichi pomonaetha pomonaē Nacom pejume cowantsiwi po coyenetha Nacom pia Pejumope tñaxu tatsi naca yaputane exana. Jopa apara barapo diwesin cueicueijeichi xua saya barapo cae pin nacuathepiwi pia coyenetha tatsi xua saya ba wacoutha wananta xeinaewa. Daxota yabara paebatsi pocotsiwan xua Nacom pia Pejumope tñaxu tatsi ichichipa paeba pomonaetha pomonaē Jesús pejume cowantsiwichixaetsi. Barapomonaē yaputane barapocotsiwan.

<sup>14</sup> Nama pon jopa pejume cowantsin Jesús jopa yaputaeyo pocotsiwan wacueicueiwiwa, pocotsiwan Nacom pia Pejumope tñaxu tatsi naca yaputane exana. Tsipei bapon tsita penamitacueinchi jumetsi. Bapon jopa yaputaeyo barapo diwesin tsipei jopa xeinaeyo Nacom pia Pejumope tñaxu tatsi xua peyawenaenexatsi xua peyaputaewanexa. <sup>15</sup> Jame pon pejume cowantsin Nacom, bapon yawenatsi Nacom pia Pejumope tñaxu tatsi xua yabara peyaputaewa daxitan. Ichamonaē jopa itacupaetsi xua bapon peyabara paebiwatsi xua penatsicuentiwa xua abe peexanaexae. <sup>16</sup> Nacom Pejume Diwesitha barapo coyene yabara jeye: “¿Jintam yaputane Nacom pia penanta xeinaewa tatsi xua pecuidubinexa tsane Nacomtha pon jiwi Pecanamataxeinaein? Jume apara, apara dapon aibi”, jei Nacom Pejume Diwesitha. Waxainchi nanta xeinatsi icha be pocotsi coyeneya Cristo ichi xua penanta xeinaewa.

### 3

*Meje xua Pablo yabara paeba pomonaē penabarū nacuichiwi Nacom nexa*

<sup>1</sup> Tamonae pam, paxam pomonae iru painya nejume cowantsiwixae Jesucristo. Jopa neitacupaeyo xua tapaca catsipaebiwa tsainchi icha bichocono pajume cowantame Nacomtha icha be pocotsi jiwimonae ichi pomonae bichocono jume cowanta Nacom. Ichitha daxota paca tsipaebatsi tsipei paxam be barapocotsi jiwimonae pam pomonae jopa bichocono Nacom yabara yaputaetsi. Paxam paca tsipaebatsi be pexui pam xua aena pajume cowantame Cristo. <sup>2</sup> Pocotsi coyene xua ayapube jopa paca cuidubichi, icha be coxiwa ichi xua poxonae apata mito pexuyo poxonae cataunxuae jopa yaputaeyo xua xane pexaewa. Cataunxuae jopa neitacupaeyo xua tapaca cuidubinexatsi po diwesi bichocono daunwei poxoru awiya jopa payaputaem. Paxam be barapocotsi pexui pam xua po pexui cataunxuae jopa itacupaetsi xua pewito pexaewa. <sup>3</sup> Paxam cataunxuae painompame icha be ichi poxonae jinompa pomonae jopa pejume cowantsiwi Nacom. Poxonae paxam nantiya pana nauwa dubenanaebiyame, yawa nantiya pana naba dubenanaebiyame, painompame icha be ichi xua jinompa xuano abe exana dubenanaebiya pomonae jopa pejume cowantsiwi Nacom. <sup>4</sup> Ichamonae pomonae paxam jiwana pam, jeye: “Pablo yabara jume cowantan pocotsiwa cuiduba”, jei. Ichun jeye: “Apolos yabara jume cowantan pocotsiwa cuiduba”, jei. Poxonae papaebame baxua bapoxonae bara pajinompame icha jiwi ichi poxonae jinompa pomonae jopa pejume cowantsiwi Nacom.

<sup>5</sup> Daxota paca tsipaebatsi: Xan Pablo jopa taainya cui jiton, barichiru Apolos. Apra paxanbe saya ponbe amanaya pata tanacuichinbe Nacom. Nacom Apolos pana neitorobabe xua pata cueicueijeinexabe Nacom Pejume Diwesi. Apolos baxua pata exanaexaebe daxota pajume cowantame Jesucristo pon jiwi Pecanamataxeinaein. <sup>6</sup> Xan Pablon paca cuidubatsi Nacom Pejume Diwesi. Apolos xuya equeicha ichawa paca cuiduba Nacom yabara. Ichitha nama Nacom apra bapon, pon paca yawena xua painya nejume cocowantaponaenexa. Barapo coyene icha be nae ichi xua peubi nae. Ichun ubanota. Ichun mera mata epababapona. Ichitha nama Nacom, apra bapon, pon exana xua xaniwaicha xuwa. <sup>7</sup> Ichun copiya uba iru ichun xuya mata epababa meratha. Pon peubixae jopa ainya cui jitonyo. Iru pon xuya pemata epababaponaexae meratha, bapon jopa ainya cui jitonyo. Jame saya meisa Nacom ainya cui, tsipei Nacom daxita xuwa exana naewan. Daxota Nacom bichocono ainya cui beyacaincha xua barapo pebinbe. Barichi Apolos iru xan Pablon jopa ainya cui jitonyo panbe. Jame Nacom bichocono ainya cui beyacaincha paxanbe. <sup>8</sup> Pomonae xua uba iru pomonae xuya meratha mata epababapona barapomonae Nacom tsita najupatsi. Nacom pentoma cata barapomonaetha be pocotsi coyeneya xua barapomonae petanacuichiwa. Pon xua abeya petanacuichixae, be conotha matoma catsinchi. Pon xua wanaeya petanacuichixae, wanaeya matoma catsinchi. <sup>9</sup> Paxan pana naba yawa tanacuitan Nacom xua pata cueicueijeiiwa Nacom Pejume Diwesi poxonae paca cuidubatsi xua painya nejume cowantsiwa tsane Nacom. Barapocotsi jata coyeneya paexanan poxonae Nacom Pejume Diwesi paca cuidubatsi icha pebin ichi poxonae uba pabitha xua petanaforotsinexatsi pexaewa. Nacom paca exana xua beta painya nejume cocowantaponaewa bapon xua beya bichocono painya nejuntu coyene xanepanaewa tsane. Baxua

Nacom paca cana exana, icha be pocotsi jata coyeneya ichi poxonae pebin  $\text{bomaxu}$  acabapona xua beya poxonae bichocono pexeinya bo. <sup>10</sup> Nacom necopata xua ponxaein copiya matha tapaca cayawenaewatsi xua painya nejume  $\text{cowantsinexa}$  bapon. Nama bapoxonae xuya ichamonae paca cuidubapona Nacom Pejume Diwesi xua painya nejume  $\text{cowantaponaenexa}$ . Barapocotsi jata coyeneya exanan poxonae tapaca cayawenaewatsi, icha pebin ichi pon peyaputaein xua bo peacabiwa poxonae bo acaba po bo ibo bo. Bapon copiya matha tsicobe nobabareca po iboton beta petabu caumenaewa xua ichamonae tsicobe nobabarecatsi. Athawetsica xuya ichamonae exanapona. Daxita pomonaе acaba barapo ibo bo bewa beta xanepanaya exanaena icha jiwi ichi xua poxonae bewa beta taexanaena xua pocotsiwa taexana Nacom nexa. <sup>11</sup> Poxonae jiton ibo bo acaba bapon copiya beta noba po iboton xua copiya nanta caumena. Bapoxonae ichan bewa icha iboton beta cuaranobi barapo iboton pecoyoreca xua bo pexeinya bo petsuncuaenexa. Barapocotsi jata coyeneya ichi, poxonae paca cuidubatsi Jesucristo pejume diwesi. Ichan bewa beta yabara paca cuidubina icha coyene xua baxua painya nejume  $\text{cowantsinexa}$ . <sup>12</sup> Po pebin ibo bo acaba barapo pebin itacupatsi xua jebabapona ichawa barapo ibotontha, po ibotontha copiya nanta caumena. Pocotsiwan bapon itacupatsi xua jebabapona bichocono ayapusu be pocotsiwa pewan oro nain, yawano pocotsiwa xua pewan plata nain yawa pocotsiwa be iboton po iboton xua bichocono ainya matoma. Ichacuitha barapo pebin itacupatsi xua barapo ibotontha jebabapona pocotsiwan xua pepawi be naepawa, yawa be naepanaewan yawa be musuriboton. Bara jata ichi, pebin itacupatsi xua yawenaena ichamonaetha. Ichacuitha beta cuidubina pomonaе xua jume  $\text{cowanta}$  Jesucristotha pocotsiwa xua bichocono ayapusu. Ichacuitha cuidubina pocotsiwa xua pepawi pomonaе xua jume  $\text{cowanta}$  Jesucristotha xua jopa ayapusayo. <sup>13</sup> Jopaena matacabi po mataqueitha Nacom yabara paebina jiwi xua penatsicuentsiwa xua abe peexanaexae. Barapo mataqueitha Nacom taena po coyene xua jiwi taexana Nacom. Nacom bichocono tsita xanepanatsi pocotsiwa xua bichocono ayapusu po coyenein jiwi taexana bapon nexa. Ichitha nama Nacom naitemata po coyene jopa tsita xanepanaetsi xua pocotsiwa bequein jiwi taexana bapon nexa. <sup>14</sup> Icha pebin exana pocotsiwa xua bichocono ayapusu xua Nacom nexa, Nacom matoma catsina bapontha. <sup>15</sup> Ichitha icha ichan taexana Nacom pocotsiwa Nacom jopa tsita xanepanaetsi, daxita barapo coyenein Nacom naitemata po coyene bequein bapon Nacom taexanatsi. Ichitha bapon capanepatsi poxonaе Nacom naitemata po coyene bapon exana, icha pebin ichichi xua capanepatsi isoto weya bequein daxita tataxotsi xua pocotsiwa xeina.

<sup>16</sup> Barapara paxam payaputaneme xua painya juntu coyene Nacom tsitatsi xua bara be Nacom pin pia bo tatsi tsipei Nacom pia Pejumope  $\text{tunaxu}$  tatsi popona painya juntu coyenetha. <sup>17</sup> Icha ichan saraboba Nacom pin pia bo, Nacom xuya weraweraca exanaena barapo jitontha. Nacom pin pia bo tatsi, bara po bo Nacom tsita xanepanatsi poxoru pia Pejumope  $\text{tunaxu}$  tatsi pepoponaexae barapo botha. Icha Nacom ichi xua weraweraca cana exana pontha pon petasarabobixaetsi pin pia bo tatsi, barichi xuya Nacom weraweraca cana exanaena pontha pon paca juntu coyene itoroba xua abe painya neexanaewa tsane. Nacom

baxua exana tsipei Nacom pia Pejumope tɛnaxɛ tatsi popona painya jɛntɛ coyenetha.

<sup>18</sup>Jopa pacopatsinde xua painya coutha pana namuxuitorobame. Icha ichɛn pia coutha nacayabara nanta xeina xua bichocono peyaputaecin icha barapo cae pin nacuathepiwi ichi, bewa bapon pia coutha equeicha caewa naexanae be pocotsin jopa peyaputaecin. Bapoxonae bapon bara Nacom tsita be pon pepa peyaputaecinchi. <sup>19</sup>Nacom tsita penamitacueinchi jumetsi po peyaputae coyenewan yaputane jiwi pomonae barapo cae pin nacuathe jinompa. Nacom Pejume Diwesitha barapo jiwi yabara jeichi: “Nacom tsitatsi xua apara xeina penatsicuentisiwa xua abe peexanaexae pocotsi jiton peyaputaecin, peexanaexae barompaya pia peyaputae coyenewatha”, jei Nacom Pejume Diwesitha. <sup>20</sup>Matautano Nacom Pejume Diwesitha baxua yabara jeino: “Nacom yaputane po coyenein nanta xeina pomonae peyaputaewi. Barapocotsi coyenein Nacom tsita penamitacueinchi jumetsi”, jei Nacom Pejume Diwesitha. <sup>21</sup>Pomonae pejume cowantsiwi Jesucristo jopa bewa atsaquiya pana neyabara paebi tsane xua pejeiwa: “Pon jume cowantan pocotsiwa cuiduba bapon bichocono peyaputaecin beyacaincha ichɛn pon peyaputaecin”, xua pata taneyabara jeiwa pomonae pejume cowantsiwi. Tsipei paxan pomonae pecuidubiwi pan saya pebiwi pan xua jopa bichocono peyaputaewi pan. Dapocotsiwa aibi xua pocotsiwa payaweraweracame xua jopa paxeinaem. Daxita pomonae painya nepaca cuidubiwi, irɛno daxita coyenein pocotsiwa Nacom forota, bara Nacom exana paxam nexa painya nepaca cayawenaewa tsane. <sup>22</sup>Xan Pablon Nacom neitoroba, irɛ Apolos itorobatsi, irɛ Pedro itorobatsi xua pata paca cayawenaenexatsi. Nacom paca cata daxita xua barapo ira piawan, xua painya nepaca yawenaenexa. Matautano yabara paca yaputane exana xua peajɛntɛyapɛsɛwɛwɛ, po coyenewano peɛɛpɛ coyenewa, matautano po coyene anoxuae piawa yabara, po coyenewano bexa piawa yabara xua painya nepaca yawenaenexa. <sup>23</sup>Baraxuan daxita paxeiname Cristo piamonae jiwi tatsi pamxaem. Barichi Cristo barapara Nacom Pexanto tatsi.

## 4

*Meje xua Jesucristo pia peitorobi jiwi tatsi taexana, Nacom taexanatsi*

<sup>1</sup>Paxam bewa pana neyabara nanta xeinaename xua paxan meisa saya barapomonae pan xua pomonae Cristo amanaya pata tanacuichi jiwi pan. Paxan yabara pacuiduban Nacom moya pia peyawɛn xeinaewa tatsi po coyene copiya bequein bayatha moya yawɛn xeina xua jiwi jopa yabara yaputaeyo. Barapo coyene xua moya peyawɛn xeinaewa, anoxuae Nacom najume yabara copata xua jiwi bara peyaputaenexa. <sup>2</sup>Pon tanacuita pia pecanamataxeinaeinchi, barapon bewa bara xaniwaicha exanaena pocotsiwa pia pecanamataxeinaeinchi tsi-paeba xua bepa exanaena pinae xua daxota pejume cowantsinexatsi pia pecanamataxeinaeinchi xua bara xaniwaicha exana. <sup>3</sup>Jopa netsita ainya cuiyo xua paxam tapaneyabara paebiwam xua tacuidubiwa yabara xua icha metha bara exanan pocotsiwa Nacom neitoroba. Matautano jopa netsita ainya cuiyo xua jiwi taneyabara paebiwa xua barapo coyene xua icha metha bara exanan. Barichi tacoutha jopa

nayabara nanta xeinaeinyo xua icha metha barapo coyene jopa exanaeinyo, xua daxota tanatsicuentisixae abe taexanaexae Nacomtha. <sup>4</sup> Tajuntũ coyene netsipaeba xua bara pinae xanepanaya taexanaewa. Bequein tajuntũ coyene baxua netsipaeba ichitha jopa nayaputaeyinyo xua metha apara abe taexanaewa xua daxota Nacom tsita natsicuantan. Nacom pon jiwi Pecanamataxeinaein bapon apara pon taneyabara paebin xua tanatsicuentisiwa xua abe taexanaexae. Bapon meisa nejuntũ coyene yaputane icha bara metha tsita xeinan xua tanatsicuentisiwa xua abe taexanaexae. <sup>5</sup> Jopa bepijawa payabara paebinde ichamonae xua abe pia peexanaewa. Abũ tsane beya poxonae patopaetsica pon jiwi Pecanamataxeinaein bapoxonae payabara paebiname abe pia peexanaewa. Barapon Nacom tsita itutsina po coyene xua jiwi pia pejuntũ coyenewatha namicha xeina po coyene xua ichamonae jopa taeyo. Bapon Nacom pon jiwi Pecanamataxeinaein itutsina po coyenein jiwi namicha xeina pejuntũ coyeneintha xua penatsicuentisiwan po coyenein xua Nacom petsita exanaewatsi. Daxita barompaya jiwitha Nacom yabara paebina po coyene pia petaexanaewichi. Pontha pon xanepanaya petanacuitsinchi Nacom wũnae jainchina bapontha. Nacom jopa wũnae jainti tsane pon jopa xanepanaya petanacuitinchi.

<sup>6</sup> Tamonae pam, paxam pomonae irũ painya nejume cowantsiwixae Jesucristo. Yabara paca tsipaebatsi barapo coyenein po coyenein paexanan, xanepanaya painya nejinompaenexa. Barichi paca tsipaebatsi Apolos yabara irũ xua xan yabara painya nenacuidubinexam pocotsiwa paexanan. Bapoxonae painya neexanaewa tsane icha paichin poxonae xua paexanan. Pajinompa dubenanaebiyama icha be pocotsi coyeneya Nacom Pejume Diwesitha paeba. Jopa painya neexana dubenanaebiyaenexa pocotsiwa jopa paebiyo Nacom Pejume Diwesitha. Painya xoba atsaquiya pacayabara nanta xeiname ponbe Nacom petanacuichinchibe, xua ichũn bichocono peainya cui jiton beyacaincha ichũn. <sup>7</sup> Nacom jopa paca exanaeyo xua peainya cui jiwi pam beyacaincha xua ichamonae pomonae irũ pejume cowantsiwi Nacom. Pocotsiwa paxeiname jopa apara pana nacatsim painya coutha barapocotsiwa. Apara jame daxita baxuan paxeiname pocotsiwa Nacom paca catsiba. Daxota jopa bewa atsaquiya pana nayabara paezim painya coutha. Poxonae baxua papaebame apara pajuntemainame pocotsiwa xua Nacom painya nepaca catsibiwa daxita.

<sup>8</sup> Itara mexeya daxita painya nexeiaen jiwi pam po coyenein xua paichichipame painya neyaputaewa Nacom yabara daichitha jopa barapomonae pam. Pananta xeiname icha pomonae copei pexeinaewi ichi irũ icha ichi pomonae jiwi itorobiya pia pepa peewatsiwichi xua xeina daxita xua ichichipa yawa daxita xua xuan pocotsiwa pecanantawenonaewa. Paxan jopa nama bara paichinyo. Maisa anoxuae bequein pana ita cui jicha xua yatsicaewa paxam pomonae painya neyaputae jiwi pam daxita xua Nacom Pejume Diwesi yabara xua bapoxonae pata tana nebarũ yaputaewam tsane daxita Nacom Pejume Diwesi. <sup>9</sup> Paxan Jesucristo pia peitorobi jiwi tatsi pan. Xan nanta xeinan xua Nacom bara be copata pata tana cana exanaewa xua jiwi pata tana necui caponaewa xua poxoru imoxoyo pata werapaewa tsane. Paxan be pocotsi jiwimonae pecui pawi jiwimonae pan xua daxota daxita nacuanpiwi irũ matatsunpiwi pana ichichi xeica. <sup>10</sup> Jiwi pana neyabara

nanta xeina xua paxan pata nemuxuxenae jiwi pan, yaitama paxan Cristo payabara cueicueijan. Jaina maisa paxam jiwi paca yabara nanta xeina xua paxam beta yabara painya neyaputae jiwi pam Cristo. Paxan nama jopa pana daichibenaeyino. Paxan jiwi pana yabara nanta xeina xua pajuntũ coyene faefaenabenan. Jaina nama pana nayabara nanta xeiname xua pajuntũ coyene daunwam Nacomtha. Jaina maisa jiwi paca bara cui itura jina, jopa pana daichibenaeyino. Nama atsaquiya abeya pana yabara paeba. <sup>11</sup> Caena bayatha beya anoxuae, paxan bichocono pajainpan. Matautano pameratsipanno bichocono. Matautano painta paparuwan bichocono jonopa. Jiwi pana neba bichocono. Yawano jopa bo paxeinaeyino. <sup>12</sup> Pana nacobe fifinatontan, patain pata nacuichixae bichocono. Bequein jiwi tsũmũ jumetha pana casebeiba daichitha barapomona Nacomtha patawũqueiban xua barapomona peyawenaenexa tsaibi tsainchi. Poxonae jiwi pana atene exaneiba bara saya pacui copatan. <sup>13</sup> Bara bequein jiwi abeya pana neyabara paebeiba ichamonaetha, daichitha baxua jopa pajume naitaewatsinyo. Saya jame xanepanaya patsipaeban barapomonaetha. Jiwi pana neyabara nanta xeina xua pinae peabe jiwi pan. Barapo jiwi pana itaweta icha be poxonae jiton ichi poxonae piawa basuratha xuba. Baxua jiwi painta exanapona beya anoxuae.

<sup>14</sup> Jopa baxua pacata tinaetsi xua paca aura exanatsi. Jame pacata tinatsi xua pata cayawenaenexatsi xua painya neexanaenexa pocotsiwa bewa paexanaename. Paxam be tapexui pam, tsipei bichocono paca antobetsi. <sup>15</sup> Bequein icha bara metha paxeinaetsipame diez mil poyobe pomona painya cacuidubi jiwi po coyene xua Cristo yabara, ichitha saya pacata compa pon be painya axa natsicotane. Saya meisa xan compan copiyon pon be painya axa tapacata natsicotaeinchi, tsipei paxam copiya Cristo Jesús pajume cowũntame poxonae paca cuidubatsi Nacom Pejume Diwesi. <sup>16</sup> Daxota bichocono paca muxu jeichi, paexanaponde icha xan ichin xua exanaponan.

<sup>17</sup> Daxota pacata itorobatsi Timoteo pon bichocono antobein. Bapon bara be taxanto, tsipei yawenan xua pejume cowũntsiwa Jesucristo pon jiwi Pecanamataxeinaein. Bapon exaneiba pocotsiwa itorobeiban. Bapon Timoteo paca tsipaebina xua tana neyabara paebiwa tsane po coyene xua xanepanaya tapoponaewa tajume cowũntsixae Cristo Jesús. Barapo coyene cuidubeiban ichaxota poneiban daxita i dapocotsi penacaetutsi bon jiwitha pomona Nacom pejume cowũntsiwichi. <sup>18</sup> Ichamona pomona paxam jiwana pam, bichocono jũntũ coyene yũcatsi xua ichamona peabiwatsi. Baxua exana tsipei barapomona nanta xeina xua xan jopa tapaca siwa ponaewa tsainchi. <sup>19</sup> Icha Nacom pon jiwi Pecanamataxeinaein copatsina xua bara taponawa tsane aunxuae paca siwa ponaeinchi. Bapoxonae taein pomona xua ichamona peabiwichi icha metha barapomona xeina Nacom pia peayapusũ itorobi coyenewa tatsi. Ichacuitha metha tsipae apara metha saya paeba. <sup>20</sup> Jiwi jopa patsi tsane Nacom pia peitorobi nacua beicha xua poxoru wũnae pepaebixae tsane pia coutha. Apra jame jiwi patsina bara beicha pexeinaexae Nacom pia peayapusũ itorobi coyenewa tatsi. <sup>21</sup> ¿Eta xua painyatsi? ¿Paca tsicapatinchi naewan xua xota paca beinchi? Jume apra. Ichacuitha metha tsipae ¿paichichipame xua tapaca casiwa ponaewatsi tapaca caantobexaetsi? ¿Matautano beta pacata exanaeinchi

xua jopa taanaepanaexae? Aa jame baxua.

## 5

*Meje xua poxonae Pablo itaweta pon penowa tsiperu nacoyoba*

<sup>1</sup> Ichun netsipaeba xua pinae caein pon paxam jiwana pam pinae bichocono abe exana. Pinae bapon penowa tsiperu nacoyoba powa paxa tatsi bayatha baru popona. Barapo peexanae coyenewa bichocono abe. Pomona bequein jopa peyabara yaputaewa Nacom barapo coyene jopa copatsiyo xua jiwi peexanaewa tsane baxua. <sup>2</sup> Paxam pomona painya nenanta xeinae jiwi pam xua peainya cui jiwi pam xua daxota jopa panantawenonaem xua painya neitawetsiwa bapon. Jame bewa baxua payabara juntu coyene wecoyam. Pon painya xantha pita penowa powa paxa tatsi xeina bewa patorotsim painya xainya weya. <sup>3</sup> Bequein jopa yatsicaewa paca baru ecaetsi ichitha paca yabara nanta xeineibatsi be poxonae paca baru ecatsi yatsicaewa. Bara bapon yabara pae-ban xua penatsicuentisiwa xua abe peexanaexae tsipei yabara pae-ban Jesucristo pia peayapusu itorobi coyenewatha tatsi, pon Wanacanamataxeinaein. Baxua exanan icha be poxonae yatsicaewa tapaca baru ecaewatsi. <sup>4</sup> Poxonae panacaetutame daxita pam, pomona painya nejume cowantsi jiwi Jesús, paca yabara nanta xeineibinchi icha be poxonae tapaca baru ecaewatsi yatsicaewa. Matautano Jesús pon jiwi Pecanamataxeinaein pia peitorobiwa tatsi xua peayapusuwa tatsi pax-eina dubenanaebiyama. <sup>5</sup> Pon xua awiya abe exanapona barapo jiton bara pacopare Satanastha pon caurimonae pia pentacaponaeintha tatsi. Bapoxonae barapo caurimonae pia pentacaponaein tatsi atene cana exanaena bapontha xua saya pia pepontha tatsi poxoru barapo jiton ichichipa xua abe peexanaewa. Bapoxonae barapo pebin equeicha jume cowantsina Nacom po pebin copiya abe peexanaexae. Pia pejumope tynaxu tatsi Nacom capanepaena po mataqueitha poxonae Jesús patope-icaena, pon jiwi Pecanamataxeinaein.

<sup>6</sup> Paxam jopa bewa atsaquiya pajinompam xua poxoru pocotsiwa painya neexana dubenanaebiyaexae. Icha caein payabara cui copatame xua bara abe exanapona painya xantha pon abe peexanaein bequein xua saya conotha exana, bapoxonae pinmonae painyamonae abe exanapona. Bara paxam payaputaneme pocotsi diwesiyo ba jiwi yabara canaata jutsiya paebe baxua yabara xua pejeiwa: “Levadura matawan xoyo bequein peyauyo baxoyo daxita pantha cotowa exana”, xua pejeiwa. <sup>7</sup> Painya xainya weya patorore pon abe peexanaein abe peexanaeyainwa daxita painyamonae xua icha bapon ichi xua abe exana. Barapo coyene icha be ichi poxonae jiwi levadura bebai, po levadura peru levadura abe peexanaeyainwa pan matabutha. Poxonae bapo pebin patorotame bapoxonae painyamonae pomona pejume cowantsiwi xanepanaya jinompaena. Caena bayatha judiomona juteba oveja xua poxonae pewanaeya tsane poxonae Egipto nacua weya pona. Bapoxonae Nacom yabara junte-maina judiomona abe pia peexanae cuiru coyenein tatsi poxonae cordero bexotsi xua oveja pebto penun. Nacom tsitatsi xua Cristo bara be cordero poxonae tupa naetotha. Cristo naca tsitupa xua abe waexanae cuiru coyenein icha cordero ichi xua tsitupa xua judiomona abe pia peexanae cuiru coyenein tatsi. <sup>8</sup> Waxainchi jopa bewa peabe coyenewa exanaetsi. Jame bewa xaniwaicha juntu



coyene xanepanaya jinompa dubenanaebiyaetsi Jesucristo pia pejume cowantsiwichixaetsi.

<sup>9</sup> Icha cartatha paca tsipaebatsi xua jopa bewa painyamonae jiwi pacana exanaem pomonae pesi cui weiweinae jiwi xua bequein jopa piseuri jiwi. <sup>10</sup> Barapomonae pomonae pesi cui weiweinae jiwi pomonae jopa pejume cowantsiwi Jesús apara jopa paca tsipaebichi barapomonae yabara. Pomonae jimán jiwi xua ichichipa copei xeinaewi naexana xua beyacaincha ichamonae pomonae jopa pejume cowantsiwi Jesús apara jopa paca tsipaebichi barapomonae yabara. Pomonae jopa pejume cowantsiwi Jesucristo pomonae pecaibi jiwi apara jopa paca tsipaebichi barapomonae yabara. Pomonae ibo nacomán wñae pejainchiwi apara jopa paca tsipaebichi barapomonae yabara. Barapomonae pexainya weya painya newarapaenexa maisa jame bewa pawarapaem barapo cae pin nacua weya, xua ichaxota po nacua jiwaibi beya xua bara beya painya newarapaenexa. <sup>11</sup> Pocotsiwa aunxuae paca tsipaebatsi baraxua icha cartatha bayatha pacata tinatsi. Jan: “Jopa bewa payawa muxuna jinompaem pomonae abe peexanae jiwi bequein paeba xua pinae jume cowanta Jesucristo. Barapomonae jopa bewa payawa muxuna jinompaem pomonae pesi cui weiweinae jiwi, iráno pomonae jimán jiwi xua ichichipa copei xeinaewi naexana beyacaincha xua ichamonae iráno pomonae ibo nacomán wñae pejainchiwi, iráno pomonae nacupa penaexanaewi, iráno pomonae jiwi pebiataewi, iráno pomonae pecaibi jiwi daxita barapomonae jopa bewa pabarú xaem bequein paca wabitha tsipaeno xua painya nenanabanaewa tsane”, jan. <sup>12</sup> Xan jopa neitacupaeyo xua jiwi tayabara paebiwa xua penatsicuentiwa Nacomtha xua abe peexanaexae pomonae jopa jume cowantsiyo. <sup>13</sup> Jame apara meisa Nacom yabara paeba xua penatsicuentiwa xua abe peexanaexae pomonae jopa Nacom pejume cowantsiwichi. Ichitha bewa payabara paebim xua penatsicuentiwa pomonae penacatutsi jiwi pomonae pejume cowantsiwixae xua abe peexaneibixae poxonae. Daxota bewa paxam patorotsim pon abe exana painya xantha pon penowa tsiperú wenacoyoba xua awiya barú jijinapona.

## 6

*Meje yabara pomonae pejume cowantsiwi Jesucristo xua peponaewa pontha pon jiwi yabara paeba xua penatsicuentiwa xua abe peexanaexae*

<sup>1</sup> Poxonae ichamonae pomonae pejume cowantsiwi jiwana pacata abe exana painya xoba paponame ichaxota eca pon jiwi yabara paeba xua penatsicuentiwa xua abe peexanaexae. Jamaisa baxua paexaname xua pawucame pon jopa pejume cowantsin pon jiwi yabara paeba xua penatsicuentiwa xua bapon peitawetsinexa pomonae abe peexanaewi. Bapoxonae painya pia bapon paca tsipaebichi xua barapomonae paca tsita natsicuenta xua abe peexanaexae. Jame bewa paponaname ichaxota nacaetuta pomonae pejume cowantsiwi Jesucristo. Bapoxonae barapomonae yabara paebina pomonae xua penatsicuentiwa xua abe peexanaexae paxamtha. <sup>2</sup> Paxam payaputaneme xua pomonae pejume cowantsiwi Jesucristo, barapomonae yabara paebina pomonae xua penatsicuentiwa xua abe peexanaexae pomonaetha pomonae barapo nacuathepiwi. Barichi hexa tsane poxonae

Cristo patopeicaena payabara paebiname pomonae barapo nacuathepiwi xua penatsicuentisiwa xua abe peexanaexae. Daxota anoxuae bewa paexanaem xua payabara paebiname xua penatsicuentisiwa xua bequein bara conotha abe peexanaexae pomonaetha pomonae pejume cowantsiwi Jesucristo po coyenein bara bequein hichocono jopa abeyo. <sup>3</sup> Waxainchi yaputainchi xua bexa tsane wayabara paebiwa matatsunpiwi penatsicuentisiwa xua abe peexanaexae Nacomtha. Baxua exanaeinchi poxonae Cristo patopeicaena. Daxota anoxuae paca itacupa xua painya neyabara paebiwa xua penatsicuentisiwa xua abe painya nepaca tsita exanaexae pomonaetha pomonae pejume cowantsiwi xua wajinompaewa yabara barapo cae pin nacuathe. <sup>4</sup> Icha paxeiname po coyenein xua abe pacata exana pomonae iruru pejume cowantsiwi, jopa bewa paponam ichaxota pon jiwi peyabara paebin jiwi xua penatsicuentisiwa xua abe peexanaexae pon jopa pejume cowantsin. <sup>5</sup> Baxua paca tsipaebatsi xua painya neauramnexa tsane. Pon ba peyaputaein bapon ba itacupatsi xua jiwi peyabara paebiwa pomonaetha pomonae xua penatsicuentisiwa xua abe peexanaexae, xua ichamonaetha abe peexanaexae pomonaetha pomonae iru pejume cowantsiwixae Jesucristo. Ichitha poxonae paponame ichantha pontha pon jiwi peyabara paebin xua penatsicuentisiwa xua abe peexanaexae, pon jopa pejume cowantsin, apara jopa xapain paexanaem. ¿Metha bara painyamonae jiwana pin dapocotsin yatsicaewa aibi jampa pon jiwi peyabara paebin xua penatsicuentisiwa xua abe peexanaexae jampa? <sup>6</sup> Ponbe paxam jiwana pam, ponbe pejume cowantsinbe Jesucristo, baponbe nababe. Ichun xua baponbe jiwana pona ichaxota pon jiwi peyabara paebin pon jopa pejume cowantsin, xua peyabara paebinexatsi pon abe peexanaexae ichantha.

<sup>7</sup> Poxonae paxeineibame po coyenein xua pana nabeibame xua daxota paponeibame pontha pon jiwi peyabara paebin baxua abe paexaname. Poxonae ichamonae abe pacata exana saya bara pacui yabara copabare. Jame baxua pacata xanepana. Bapoxonae jopa painya nenantawenonaewa xua painya neponaewa pontha pon jiwi peyabara paebin xua penatsicuentisiwa xua abe peexanaexae. Barichino poxonae ichamonae paca caiba saya bara pacopare xua jopa abe painya neexanaenexa tsane bapomonaetha. <sup>8</sup> Payopitame xua pinae painyamonae pacata abe exana, yawa xua pinae paca caiba. Ichitha apara paxam bara paichim abe paexaname, xua poxonae paponame pomonaetha pomonae jopa pejume cowantsiwi xua peyabara paebinexatsi pomonae abe pacata exana.

<sup>9-10</sup> Paxam payaputaneme xua pomonae abe peexanaewi jopa patsi tsane Nacom pia peitorobi nacua beicha. Painya xoba pana nayabara cui copatame xua painya coutha painya nenamuxuitorobiwa barapo coyene yabara xua daxota pananta xeiname xua barapomonae apara patsina Nacom pia nacua beicha. Pomonae jopa patsi tsane Nacom pia peitorobi nacua beya xua peexanaexae po coyenein xuaje: Pomonae pesi cui weiweinae jiwi, pomonae wanae pejainchiwi ibo nacomun, iru pomonae penotsiwi yabuxi powaxi bara bequein pia pebiwi xeina, iru po pebiwi cae pebiwi penaisa maichiwi, iru pomonae pecaibi jiwi, iru pomonae jimun jiwi xua ichichipa copei xeinaewi naexana beyacaincha xua ichamonae, iruru pomonae nacupa penaexanaewi, peatsaxa meran, iruno pomonae jiwi pebiataewi, iruno pomonae peyabara muxuitorobi

jiwi pecaibinexa. <sup>11</sup> Copiyatha paxam be barapocotsi jiwimonaē pam xua poxonae matha aena pajume cowantame xua abe painya neexanaē jiwi pam. Daichitha Nacom paca yabara jantemaina abe painya neexanaē cuiru coyenein. Matautano Nacom paca yabara caunuta jeye: “Tapexuimonaē jiwi”, paca yabara jei. Matautano Nacom jopa painya tsita natsicuentsiwa xua abe painya neexanaēxae. Nacom pia Pejumope t̄nax̄u tatsi ir̄u Jesucristo pacata exana baxua xua poxonae pajume cowantame Jesucristo pon jiwi Pecanamataxeinaein.

*Meje xua Pablo jei: “Wapepon Nacom piawa”, jei*

<sup>12</sup> Jiwi ba jeye: “Xan necopata xua bara taexanaewanexa pocotsiwa xua ichichipan”, jei. Bara bequein xainyei jiwi xua pepaēbiwa, ichitha ichacuitha barapo jiwi jopa xapain pia coutha nata exanaetsipae. Bequein barichin bequein necopata xua bara daxita taexanaewa, daichitha ichacuitha jopa xapain nata exanaeinchipae xua poxonae icha nanta xeinaetsipan xua jopa neitacupaeyo xua bara tana necui copatsiwa. <sup>13</sup> Bara jiwi ba xainyeya paeba poxonae jeye: “Pexaewa w̄nae xua pecotsoro nexa, ir̄u pecotsoro w̄nae xua pexaewa nexa”, jei. Ichitha hexa tsane Nacom weraweraca cana exanaena barapo naxobe jumebe. Nacom apara jopa nacata exanaeyo wapepon xua wapepon abe wanata exanaewa xua wanasi cui taetaewa. Wapepon Nacom exana xua pia coutha natsiexana, xua watanacuichinexa bapon, pon jiwi Pecanamataxeinaein. Nacom yawena xua wapepon yawenatsi xua pia wanaca capanepaenexa. <sup>14</sup> Icha Nacom ichi xua as̄u exana pet̄upae cuiru coyene weya pon jiwi Pecanamataxeinaein Jesucristo, Nacom bara naca ichi tsane, as̄u naca exanaena pet̄upae cuiru coyene weya pia peayapus̄u itorobi coyenyatha.

<sup>15</sup> Paxam Corinto tomarapiwi pam. Payaputaneme xua daxita carepaya paxam Cristo piamonaē jiwana tatsi pam, pomonaē pejunt̄u coyene xanepanaē jiwi. Xan ir̄u barapo pejunt̄u coyene xanepanaē jiwi piamonaē jiwanan tatsin. Daxota jopa benatsiper̄u jayababinyo powaxitha powaxi pesi cui weiweinaewaxi, tsipei tapepon apara Cristo tatanacuichinexa bapon. <sup>16</sup> Paxam payaputaneme icha pebin natsiper̄u jayababa powatha powa penasi cui matacaetsiwa baraponbe bara be caeinbe naexanabe. Nacom Pejume Diwesitha jeye: “Poxonae pebin piowa pita bara be caein naexanabe”, jei Nacom Pejume Diwesitha. <sup>17</sup> Poxonae ich̄n̄ cae j̄unt̄u coyene naexana Cristotha pon jiwi Pecanamataxeinaein, bapon bara apara caein naexana Cristotha pia pejunt̄u coyenewatha.

<sup>18</sup> Painya xoba paexanaename icha pocotsi coyeneya ichi xua peexanaewa pomonaē pesi cui weiweinaewi. Daxita po coyenein pebiwi exana xua abe peexanaewa apara jopa pia coutha abe nacana exanaeyo. Apara jame ich̄n̄tha abe exana. Saya jame poxonae pebiwi pesi cui weiweinaewi bapoxonae barapo pebiwi pia coutha abe nacana exana. <sup>19</sup> Paxam payaputaneme xua Nacom pia Pejumope t̄nax̄u tatsi paca bar̄u jinompa pia paca nacana jumope t̄nax̄u catsixae paxamtha. Icha barapo Nacom pia Pejumope t̄nax̄u tatsi ichi xua paca bar̄u jinompa, barichi barapo Nacom pia Pejumope t̄nax̄u tatsi popona Nacom pin pia botha tatsi. Tsipei anoxuae Nacom piamonaēxae tatsi pam, apara paxam jopa painya coutha painya nenacanamataxeinaewi jiwi pam. <sup>20</sup> Nacom bayatha pacata pematomatsiwa exana xua poxonae Jesús

naetotha painya nepaca tsitupaewa xua abe painya neexana cuiru coyenein. Daxota beta pajume cowantsiya jinompare ichamonae petitatha tatsi. Bapoxonae barapomonae Nacom baru cui itura jinatsi xua pon xanepanaya peexanaein poxonae paca cui tane xua xanepanaya pajinompage.

## 7

### *Meje xua Pablo yabara muxuweta xua jitha peenaewa yabara*

<sup>1</sup> Anoxuae paca jume notatsi po peyainyabiwa pana yainyabame cartatha. Icha pebin jopa jitha beecaeyo bu bara moya jopa jitha ecae tsane, bequein bara baxua taxanepanatsi bapon. <sup>2</sup> Ichacuitha poxonae pebin jopa jitha ecaeyo besi cui weiweinaena powatha xua bequein pia pebin xeina. Daxota pecuiyainwa barapo coyene bapon bewa jitha ecaena, xua barompaya piowa tatsi. Barichi daxita yabuxi bewa barompaya seicaya notsina pia pebiwi. <sup>3</sup> Pebin bewa bara exanaena piowatha xua poxonae peisa maitecae coyenewa. Barichiru yabuyo bewa bara exanaena pia pebintha xua poxonae petsicuara maitecae coyenewa. <sup>4</sup> Petsiriwa powa jitha eca, jopa bewa nayabara nanta xeinae xua penaperu xeinaewa xua saya pia coutha nexa. Jame bewa nanta xeinae xua apara bara pia pebin tatsi pia peruto tatsiru. Barichi pebin jopa bewa nayabara nanta xeinae xua penaperu xeinaewa xua saya pia coutha nexa. Jame bewa nanta xeinae xua apara bara piowa tatsi pia peruto tatsiru. <sup>5</sup> Petsiriwa jopa bewa aichaxaibi tsane xua isa maiteca pia pebin. Pebin iru jopa bewa aichaxaibi tsane xua piowa peisa maitecaewatsi. Poxonae pebin piowabe eenatsibe caentacabiyobetha xua Nacomtha wucauyabe bapoxonae baponbe itacupatsi xua itompa exanaenabe xua peexanaewa po coyene penaisa maitecae cui coyenewa. Saya caentacabiyobetha baxua bewa itompa exanaena po coyene xua penaisa maitecae cui coyenewa. Jame poxonae po mataqueitha najume wetsina xua Nacomtha pewucaewabe bapoxonae jame bara bewa exanaenabe equeicha penaisa maitecae cui coyenewa. Baxua bewa exanaenabe xua jopa pejuntu coyene jujutsinexa tsainchibe caurimonae pia pentacaponaein tatsi xua abe peexanaenexa tsanebe xua naitompa penaexanaexaebe.

<sup>6</sup> Saya baxua paca muxuwetatsi apara xua jitha painya neenaewa xua daxota jopa abe painya neexanaewa tsane. Jopa apara paca itorobichi daxita pam xua jitha painya neenaewa. Bara moya jitha ecaena pon ichichipa. <sup>7</sup> Ichichipan xua daxita jiwi jinompa dubenanaebiyaena icha po coyeneya ichin xua poxonae poponan xua jeinya ecan. Daichitha Nacom cata daxita jiwitha xua daxita jiwi barompaya pia cui coyenewan xexeina tsiniya. Po coyenein xua Nacom cata daxita barompaya jiwitha jopa nacui coyene jupaeyo.

<sup>8</sup> Pomonae pemisa dubenaewi pam iru powaxi painya seuriwi painya necacuenta werapaewaxichi pam, daxita barapomonae pam paca tsipaebatsi. Bara wuna tsipae icha jopa jitha paenaemtsipae icha be xan ichin xua jopa jitha taecaewa. <sup>9</sup> Ichitha icha jopa paca itacupaeyo xua painya nejeinya enaewa moya bara jitha bewa paenaem. Jame baxua pacata xanepana xua jitha paename xua daxota jopa painya nesi cui weiweinaewa.

<sup>10</sup> Ichitha pomonae xua bayatha jitha painya neenaewi pam barapomonaē pam paca itorobatsi. Jopa apara taitorobi coyeneya paca tsipaebichi. Jame apara Nacom taneitorobixae xua po coyeneya tapaca catsipaebinxatsi. Paca jeichi: “Yabũyo jopa bewa cuenta warapaena pia pebin xua pexubinexa”, paca jeichi. <sup>11</sup> Powa punaxuba pia pebin, barapowa bara misa ecaena. Jopa pitsi tsane icha pebin equeicha. Metha jame xanepanaetsipa icha bapowa caewa pichapa pia pebin. Barichi pebin jopa bewa punaxubi tsane piowa.

<sup>12</sup> Anoxuae nama icha coyene paca tsipaebatsi po coyenewa jopa Nacom neitorobiyo saya xua tacoutha tananta xeinaewa. Icha pebin pon pejume cowantsin xeina piseuri powa jopa pejume cowantsiwayo bapon jopa bewa punaxubi tsane bapowa icha bapowa ichichipa xua bapon pebaru poponaewatsi. <sup>13</sup> Barichi icha yabũyo powa jume cowanta xeina pebin pon jopa pejume cowantsin bapowa jopa bewa punaxubi tsane icha bapon ichichipa xua bapowa pebaru poponaewatsi. <sup>14</sup> Po pebin bequein jopa jume cowantsiyo, Nacom tsitatsi xua po coyene barapon penacoyobiwa bara xanepana, tsipei bapon piowa xeina powa pejume cowantsiwayo. Barichi powa jopa bequein pejume cowantsiwayo, Nacom tsitatsi xua po coyene barapowa jitha peecaewa bara xanepana, tsipei bapowa xeina pia pebin pon pejume cowantsin. Icha Nacom barapocotsi coyeneya jopa exanaetsipae nexata painya pexui be pomonae jopa Nacom pejume cowantsiwi pia pexui tatsi tsipae. Ichitha poxorū barapo coyene painya netsita xeinaexae Nacom daxota Nacom yawa muxuna tsitatsi xua barapo painya pexui barapoxi juntu coyene xanepanena. <sup>15</sup> Ichacuitha pebin pon jopa pejume cowantsin ichichipa punaxuba piowa powa pejume cowantsiwayo. Bapoxonae bapowa bara copata xua pepunaxubiwatsi pia pebin. Barichi ichacuitha yabũyo powa jopa pejume cowantsiwayo ichichipa punaxuba pia pebin pon pejume cowantsin. Bapoxonae bapon bu bara copata xua pepunaxubiwatsi pia petsiriwa. Nacom copata barapomonaē jopa pejume cowantsiwixaetsi xua piseuriwi pepunapentsiwa tsipei ichichipa xua junte miya wanabaru jinompae wa tsane saya. <sup>16</sup> Yabũyom icha ewatsiwatham tsipae xua jinya pebin pejume cowantsinexa, daichitha jopa jume cowantsipae Nacom. Barichi pebin icha ewatsiwatham tsipae xua jinseuri pejume cowantsinexa, daichitha jopa jume cowantsipae Nacom.

<sup>17</sup> Daxita paxam bewa xanepanaya pajinompae name icha pocotsi coyeneya Nacom painya nepaca catsixae tsane. Baxua bewa paexanae name xua po coyene Nacom paca yabara tsiwaba bara bequein painya seurixi paxeiname ichacuitha bara metha bequein jopa paxeinaem tsane painya seurixi. Baxuan cuiduban daxita carepaya penacaetutsi bontha pomonae Nacom pejume cowantsiwichi. <sup>18</sup> Ichacuitha Nacom waba xua pebin wabatsi pejume cowantsinexa tsane. Icha barapo pebin caena bayatha wi thabatsi bu saya barabu tsane baxua. Barichi ichacuitha Nacom waba xua pebin wabatsi pejume cowantsinexa tsane. Barichi icha barapocotsi pebin caena bayatha jopa wi thabichi bu saya barabu tsane baxua xua jopa pewi thabinexatsi. <sup>19</sup> Bapana Nacom jopa tsita ainya cuichi, metha bequein pebin bayatha wi thabatsi, ichacuitha metha bequein jopa wi thabichi. Po coyene xua peainya cui coyene xua jiwi bewa exanaena, jame maisa bewa jiwi jume cowantsipae exanaena pocotsiwa Nacom itoroba. <sup>20</sup> Daxita paxam bewa japa paexana

dubenanaebiyaname icha copiya paichim xua paexana dubenanaebiyame poxonae copiya aena Nacom paca waba. <sup>21</sup> Poxonae Nacom waba pon paxam jiwana pam xua poxonaerũ bapoxonae amanaya tanacuita pia pentacaponaein, bapon jopa bewa yabara nantũ exabi baxuan xua pia saya poponaetsi. Ichitha icha bapon itacũpatsi xua saya pepoponaewa bũ moya saya popona xua jopa penantawenonaenexa tsane xua amanaya petanacuichiwa ichũn. <sup>22</sup> Barichi ichacuitha pon bayatha exanatsi xua amanaya petanacuichinexa ichũn bapon jume cowũnta Jesús. Bapoxonae bapon naexana pon saya pepoponaein pia pentacaponaein weya, peexanaenexa pocotsiwa Cristo itoroba. Barichi ichacuitha pon saya pepoponaein xua jopa amanaya tanacuichiyo ichũn bapon jume cowũnta Jesucristo. Bapoxonae bapon naexana pon Jesús amanaya pia petanacuitinchi tatsi tsipei exana pocotsiwa Cristo itoroba. <sup>23</sup> Nacom pin matomatha pacata matomata poxonae Jesús naetotha paca tsitũpa abe painya neexanae cuiru coyenein nexa. Painya xoba pacopatame xua jiwi equeicha caewa painya nepaca itorobiwa xua abe painya neexanaewa. <sup>24</sup> Tamonae pam daxota paca itorobatsi xua painya nejume cowũnta dubenanaebiyaneixa Nacom, icha paichim xua pajume cowũnta dubenanaebiyame poxonae copiya Nacom aena paca waba.

<sup>25</sup> Jopa xeinaeinyo po jumetha xua tacueicueijejiwa po coyenewa xua Nacom pon jiwi Pecanamataxeinaein neyaputane exana xua pomonae piseuriwi penotsiwi nexa. Saya apara paca tsipaebatsi po coyeneya xua saya tacoutha tananta xeinaewa. Ichitha paxam paca itacũpa xua pata tana nejume cowũntsiwam tsipei Nacom necata barapo peyaputae coyenewa tana neantobexae. <sup>26</sup> Xan tacoya nanta xeinan xuaje: Bara bewa saya jiwi jeinya enaena. Jopa jitha peenaewa tsane, tsipei anoxuae barapo dapaetha xeinatsi nawita po coyenein bichocono nacata ayapube tsounae xua wanapapechiwatsi. <sup>27</sup> Icha jitha paename painya xoba pana napunapentame. Barichi icha pajeinya ename painya xoba pasi cui weiweiname. <sup>28</sup> Icha jitha paename jopa apara bara abe paexanaem. Irũ icha yabũyo jitha eca bapowa apara jopa abe exanaeyo. Daichitha pomonae jitha peenaewi bichocono taayapubetsi xua pejinompaewa nexa barapo cae pin nacuathe. Xan ichichipan paca yawenatsi daxota baxuan yabara paca tsipaebatsi xua pacata ayapubeyainwa xua jitha painya neenaewaxae tsipae.

<sup>29</sup> Tamonae pam, paxam pomonae irũ painya nejume cowũntsiwixae Jesucristo. Po coyenewa xua ichichipan tapaca tsipaebiwatsi tsainchi xua meje xua janje: “Waxainchi pin dapae jopa xeinae tsainchi po mataqueitha poxonae Jesús patopeicaena”, jan. Daxota pomonae jitha ena bewa jinompa dubenanaebiyae icha be poxonae ichi poxonae xua jinompa dubenanaebiya pomonae jeinya peenaewi xua xaniwaicha Nacom daunweya petanacuichiwatsi. <sup>30</sup> Daxita jiwi bewa eenaetsi xua Nacom petanacuita dubenanaebiyawatsi. Daxota pomonae anthũthũtane xua pewecoyeixae bũ barapomonae jinompa icha ichi xua jinompa pomonae jopa anthũthũtaneyo xua jopa pewecoyeixae xua daunweya penacuichixae Nacom nexa. Barichi pomonae xua bichocono jũntũ coyene weiweina bũ barapomonae jinompa icha ichi xua jinompa pomonae jopa jũntũ coyene weiweinaeyo xua daunweya penacuichixae Nacom nexa. Barichi pomonae xua pecomoca dubenanae-

biyaewi bu barapomonaē jinompa icha ichi xua jinompa pomonaē jopa pecomoca dubenanaēbiyaewi xua daunweya penacuichixae Nacom nexa. <sup>31</sup> Poxonaē cataunxuae pajinompame barapo cae pin nacuathe jopa paichichipa dubenanaēbiyaēinde pocotsiwan xua barapo cae pin nacuathe xeina. Tsipei pocotsiwa barapo cae pin nacuathe xeina daxita weraweracaena.

<sup>32</sup> Ichichipan xua bichocono jopa painya neyabara nanta xeinaewa pocotsiwa barapo cae pin nacuathe xeina xua paca juntu deideijeje exana. Po pebin jeinya eca itacupatsi xua penajuntu coyene eena exanaewa xua petaxanaewatsi Nacom pon jiwi Pecanamataxeinaein. Barapo coyene Nacom juntu coyene weiweina exanatsi. <sup>33</sup> Po pebin jitha eca bapon bichocono yabara eenatsi nawita xua yabara nanta xeina nawita xua po coyeneya piseuri peewatsiwa xua daxota bapowa piseuri peyabara baru juntu coyene weiweinaenexa. <sup>34</sup> Barapon barapo naxobe coyenewabe muxuna yawa nanta xeina. Barichi yabuxi powaxi jeinya ena iruru powaxi jitha ena barompaya tsanaya piawan yabara nanta xeina. Powa xua bapana jopa jitha ecae bapowa itacupatsi xua penajuntu coyene eena exanaewa xua petaxanaewa po coyene Nacom ichichipa pon jiwi Pecanamataxeinaein. Barapowa ichichipa exana xua Nacom pejuntu coyene weiweina exanaewatsi tsainchi pocotsiwa xua bapowa peexanaewaxae xuano bapowa pocotsiwa penanta xeinaewaxae. Ichitha nama powa jitha eca bapowa bichocono yabara eenatsi nawita xua yabara nanta xeina nawita xua po coyeneya pia piseuri peewatsinexa xua daxota bapon piseuri peyabara bara juntu coyene weiweinaenexa.

<sup>35</sup> Baxua paca tsipaebatsi tsipei ichichipan xua tapaca cayawenaewatsi. Aparā jopa paca itorobichi xua jopa painya nenotsiwa tsane painya seuriwi. Ichichipan xua beta painya nejinompaewa xua painya netanacuita dubenanaēbiyaenexa Nacom daxita painya juntu coyeneintha.

<sup>36</sup> Pebin iru yabuyo nanta xeinaēbe xua penapichinexa tsanebe. Ichitha cataunxuae ewatabe xua penapichiwa tsanebe. Bapon ichichipa nawita xua pepichiwa bapowa, iru petsiriwa bayatha wei weta. Daxota moyā bara bewa napichinabe. Baxua jopa abeyo po coyene baponbe exanabe. <sup>37</sup> Ichitha icha pebin itacupatsi xua jopa nantawenonaeyo xua pepichinexa pecotsiwa, xuano juntucuru jopa pichi tsane pecotsiwa, bara jemba tsane icha bapon pecotsiwa jopa pichi tsane. Bara saya jeinya ecaena. Bapoxonaē bapon bara saya beta exana. <sup>38</sup> Pon pecotsiwa pita beta exana bequein. Ichitha nama pon jopa jitha ecaeyo bapon jame bichocono beta exana beyacaincha pon pecotsiwa pita.

<sup>39</sup> Petsiriwa powa jitha eca powa pejume cowantsiwa bewa piseuri cuicuinaena poxonaē cataunxuae jopa tatupaetsi piseuri. Icha pia pebin tatupatsi barapowa itacupatsi xua pichina icha pebin pon saya pejume cowantsin. <sup>40</sup> Jame metha bapowa bichocono yatsicaewa juntu coyene weiweinaetsipa icha jopa equeicha pichipae icha pebin. Bapoxonaē bapowa bichocono juntu coyene weiweinaetsipa beyacaincha poxonaē pita icha pebin. Baxua nanta xeinan xua saya tananta xeinaewa. Matautano iruru barichin jume cowantan xua Nacom pia Pejumope tuxaxu tatsi tana nebaru poponaewa. Daxota neitacupa xua yabara tapaēbiwa barapo coyenein.

## 8

*Meje xua Pablo peyabara paebiwa pexaewa po pexaewa jiwi tajeba ibo nacomꞰn*

<sup>1</sup> Anoxuae ichichipan xua pexaewa yabara tapacata tinaewatsi po pexaewa jiwi tajeba ibo nacomꞰn poxonae jiwi wꞰnae jainteiba ibo nacomꞰn. Bequein xainyei xua baxuan yabara yaputainchi, daichitha barapo peyaputae coyenewan naca atsaca exana. Ichitha jame po peantobe coyenewa xeinatsi apara naca yawena xua beta wanabaru jinompaewatsi. <sup>2</sup> Pon xua nanta xeina xua pinae yaputane bichocono bapon apara taacoibichi pocotsiwa xua bapon bewa yaputaena. <sup>3</sup> Icha ichꞰn Nacom antobetsi bara Nacom jꞰntꞰ coyene yaputane bapontha.

<sup>4</sup> Daxota equeicha pexaewa yabara paca tsipaebatsi, po pexaewa jiwi tajeba ibo nacomꞰn. Barapo pexaewa xuya ichamonae xane cotacaya. Waxainchi yaputainchi xua ibo nacomꞰn jopa xaniwaicha xeinaeyo peayapusꞰwa xua apara saya jiwi pecobetha forota. Jame nama yaputainchi pepa Nacom, pon compa. <sup>5</sup> Jiwi jume cowꞰnta xua pinae pinmonae jinompa, pomonae nacomꞰn, itabocotha, barapo cae pin nacuatheno. Barichino xua pinae pentacaponae wi jinompa itabocotha barapo cae pin nacuatheno. <sup>6</sup> Nama waxainchi yaputainchi xua compa popona Nacom, pon Waxa. Daxita coyenein Nacom pia xainya wena tapichipapoinchi, bara bequein daxita baxuan Cristo forota Waxa nexa. Matautano Nacom naca cana exana pia watanacuichinexa bapon. Barichi meisa compa popona pon pepa jiwi Pecanamataxeinaein, bapon Jesucristo. Bapon Jesucristo daxita forota Nacom nexa. Waxainchi xeinatsi peajꞰntꞰcoyenesꞰwa, po peajꞰntꞰcoyenesꞰwa xua bapon naca cata.

<sup>7</sup> Ichamonae pomonae pejume cowꞰntsiwi Nacom, jopa yabara yaputaeyo xua ibo nacomꞰn. Barapomonae awiya nanta xeina xua ibo nacom peayapusꞰwa xeina bequein anoxuae barapomonae jume cowꞰnta Nacom. Barapomonae bayatha pia cui xeina xua pexaewa tajebeiba ibo nacomꞰn poxonae wꞰnae jainteiba barapo ibo nacomꞰn. Barapomonae abetha nanta xeina jeye: "Icha xaetsipan pewi po pewi ichamonae tajeba ibo nacomꞰn metha neajꞰntꞰcoyenebe cana exanaetsipa poxoru barapo pewi ibo nacomꞰn piawa", jei xua abetha nanta xeina. Bequein barapomonae jume cowꞰnta Nacom ichitha jopa yaputaeyo xua ibo nacomꞰn pia pexaewa jopa itacꞰpaetsi xua ajꞰntꞰcoyenebe cana exanatsi barapomonae icha jiwana xaetsipa barapo ibo nacomꞰn pia pexaewa. <sup>8</sup> Pexaewa jopa naca yawenaeyo xua wanajꞰntꞰ coyene xanepana exanaewatsi xua daxota Nacom wanaca weyataewa tsane. Icha waxainchi nabꞰnatsi pexaewa jopa naca yawenaeyo xua Nacom tsita jꞰntꞰ coyene xanepanatsi beyacaincha xua poxonae jopa nabanaetsi. Barichi icha najainbotatsi baxua jopa naca yawenaeyo xua Nacom tsita jꞰntꞰ coyene xanepanatsi beyacaincha xua poxonae nabꞰnatsi. <sup>9</sup> Paca itacꞰpa xua paxaneme xua pocotsiwa painya neichichipaewa. Icha pajiwana xaneme po pexaewa jiwi tajeba ibo nacomꞰn, baxua jopa paca tsita abeyo. Ichitha poxonae paexaname baxua pomonae ainya ꞰnthꞰton pexeinaewi, aena pejume cowꞰntsiwixae, barapomonae tsita ayapubetsi. Icha barapomonae xaena barapo pexaewa painya neexanaewaxae bequein barapomonae tsitatsi xua abe peexanaewi poxonae xane barapo ibo nacomꞰn pia pexaewa tatsi. Daxota painya xoba paexaname po coyene painya neichichipaewa. <sup>10</sup> Metha beya paca



taetsipa pon pejume cowantsin poxonae panabaname pexaewa po pexaewa jiwi tajebeiba ibo nacomun poxonae wynaе jainteiba barapo ibo nacomun. Iruа metha beya tsipae bapon naxaetsipa barapo pexaewa poxonaе bapon paca jain tane. Paxam pomonaе painya neyabara yaputaewi pam barapo pexaewa. Payaputaneme xua barapo pexaewa apara jopa itacupaetsi xua jiwi ajuntucoyenebe cana exanatsi. Ichitha pomonaе ainya unthuton pexeinaewi aena pejume cowantsiwixae jopa yaputaeyo baxua yabara icha paxam paichim. Barapomonaе awiya nanta xeina jeye: “Icha barapo pexaewa xaein neajuntucoyenebe exanaena”, jei. <sup>11</sup> Ichacuitha paxaneme barapo pexaewa bequein payabara yaputaetham xua jopa abe paca cana exanaeyo. Painya neexanaexae baxua xua paxaneme barapo pexaewa daxota bichocono abe paexaname pontha pon ainya unthuton xeina, pon abetha nanta xeina, jeye: “Icha barapo pexaewa xaein neajuntucoyenebe exanaena”, jei. Daxota bapon payabara nanta xeinare xua apara iruа Cristo tsitupa bapon icha ichi xua paca tsitupa. <sup>12</sup> Pacata jopa abeyo xua poxonaе paxaneme barapo pexaewa. Jame apara abe paexaname poxonaе iruа xane barapo pexaewa pomonaе ainya unthuton xeina. Poxonaе abe paexaname barapomonaetha apara bara iruа abe paexaname Cristotha, tsipei apara barapomonaе pomonaе iruа pejume cowantsiwixae Cristo. <sup>13</sup> Metha beya xaetsipan pewito pocotsi wito xua ichun, pon iruа pejume cowantsin yabara nanta xeineiba xua jopa bapana xae po pewi xua jiwi tajebeiba ibo nacomun. Poxonaе bapon nejain tane, bapon iruа xane, najuntuа coyene taxoba. Bapoxonaе abe exana cana exanan. Daxota metha xanepanaetsipa icha bapana jopa xaetsipaein equeicha barapocotsi wito xua jopa taexanaewanexa xua bapon abe peexanaewa tsane.

## 9

*Meje po coyenein yabara pomonaе Jesús pia peitorobi jiwi tatsi itacupatsi xua peexanaewa*

<sup>1</sup> Tajuntuа coyene jopa netsipaebiyo xua abe taexanaewa icha xaein barapo pexaewa xua jiwi tajebeiba ibo nacomun. Ichun jopa itacupaetsi xua yabara tana neitorobiwa barapo pexaewa tsipei xan Jesús pia peitorobi jiwi jiwana tatsin. Xan bara yatsicaewa tan Jesús, pon Wanacanamataxeinaein. Paxam pajume cowuntame Jesús daunweya tatanacuichixae pon jiwi Pecanamataxeinaein. <sup>2</sup> Ichamonae jopa neyabara tsaqueinaeyo xua xan Jesús pia peitorobi jiwi jiwana tatsin. Jame paxam pana neyabara yaputaneme xua xan Jesús pia peitorobi jiwi jiwana tatsin. Painya nejume cowantsixae pon jiwi Pecanamataxeinaein ichamonae patsita itapeinya xeiname xua xan bara ponxaein Jesús tana neitorobin.

<sup>3</sup> Baraxua jume notan pomonaetha pomonaе yabara neyainyaba xua pinae icha bara metha yatsicaewa pon Jesús tana neitorobin. <sup>4</sup> Barapomonaetha janje: Bernabé iruа xan bara pana neitacupabe xua pata wecobe notebiwabe pocotsiwa xua jiwi pata necatsibiwabe pexaewa. Matautano pana neitacupabe xua pata wecobe notebiwabe pocotsiwa paapan xua poxonaе patanacuita ducunaebiyanbe Jesús. <sup>5</sup> Matautano icha jitha ecaetsipan bara neitacupaetsipa xua tabaruа pon-aewa taseuri icha Jesús pia peitorobi jiwi tatsi ichi xua itacupatsi xua

peexanaewa baraxua xua piseuriwi baru warapa. Iruru barichi Jesu-cristo pon jiwi Pecanamataxeinaein pia peweicho jiwi tatsi baxua exana. Iru Pedro exana baxua xua piseuri baru pona. <sup>6</sup> Poxonae ichamonae paca tsipaeba Nacom Pejume Diwesi, payawenama barapomonae pocotsiwa penantawenonaewa. Paxanbe Bernabé iru xan panacuitanbe paxam nexa poxonae Nacom Pejume Diwesi paca tsipaebatsi. Ichitha jopa pana neyawenaem pocotsiwa panantawenonanbe. Paxanbe bewa panacuichinbe icha penacuitsiwa yawa pata comocaenexa pocotsiwa panantawenonanbe. Meisa paxanbe baxua paexananbe, ichamonae jopa daichiyo. <sup>7</sup> Soldadomonaepin poxonae ba naba pia pentacaponaein nexa jopa ba natamatomatsiyo pia pexaewa. Pon ba jame itoroba apata pexaewa pia soldadomona. Barichi pon ba uva pabi nacuita itacupatsi xua yawa uva cuei xaexaepona. Barichiru pon ba vaca yapu eena bapon ba itacupatsi mipi yuyucapona vaca xua peapaponaenexa. <sup>8</sup> Saya jopa meisa jiwi yabara nanta xeinaeyo baxua xua pon tanacuita itacupatsi yawa xane. Apra iru Moisés pia peitorobi coyenewatha baxua yabara paebaru. <sup>9</sup> Moisés tina po diwesi pia peitorobi coyenewathaxae, xua jeye: “Poxonae po duwein pon pewan buey nanacuitapona xua pexu xu taxunaunabapona, bapoxonae pebin jopa copatsiyo xua pecoibo acatsiwa xua jopa pexaenexa. Saya bara copatsina xua yawa xaexaeponaena poxonae nacuitapona”, jei. Nacom jopa yabara paebiyo baxua xua saya meisa poxoru peyabara nanta xeinaexae buey. Jame saya apra poxoru peyabara nanta xeinaexae jiwi. <sup>10</sup> Nacom pana necayabara juta paeba poxonae buey yabara paeba. Baxua painta exana xua pata taneyawenaenexa. Pon ba nacobe weta xua uba pabitha, iruru pon xuya nota poxonae naweta, baponbe xeinaenabe pexaewa xua penawetsiwa. <sup>11</sup> Paxan paca cuidubatsi Nacom Pejume Diwesi. Tsipei paca yawenatsi daxota bewa xuya pana necatsibim pocotsiwa xua panantawenonan xua pata jinompaewanexa. <sup>12</sup> Paxam pacatsibame pocotsiwa xua nantawenona ichamonae pomonae Nacom Pejume Diwesi paca cuiduba, ichitha paxan paca yawenatsi beyacaincha xua barapomonae paca yawena. Daxota bewa pana necatsibeibim icha paca wuqueibichipatsi beyacaincha xua pacatsibeibame ichamonae.

Ichitha baxua jopa paexanaeinyo xua pata cawucaewatsi. Paxan bichocono paatanein xua jopa pata xeinaexae pocotsiwa xua pata nantawenonaewa pata jinompeibiwana bequein jopa paca wuqueibichi. Jopa paca wucaetsi tsipei jopa paichipaeyo xua jopa painya nejume cowantsiwa Cristo pia pexeinya jume diwesi. Jopa paca wucaetsi poxoru metha pananta xeinaetsipame xua paxan apra pata paratixichi paca tsipaebatsi Nacom Pejume Diwesi. <sup>13</sup> Paxam payaputaneme xua pomonae ba nacuita Nacom pin pia botha barapomonae ba apatatsi pexaewa Nacom pin pia botha. Barichiru pomonae ba nacuita ichaxota iboto uncu po ibototha duwein bexuba xua tauta xua petuxusi exanaenexa Nacom nexa barapomonae ba itacupatsi xua xuya penabanaewa barapo duwein xua saya jiwana xane. <sup>14</sup> Barichi Nacom pon jiwi Pecanamataxeinaein jeye: “Pomonae inta nacuita xua paeba dubenanaebiya tacapanenebiyae diwesi jume, barapomonae apatatsi pexaewa xua poxonae ichamonae apateiba be pematomaqueibiwatsi tsipei barapomonae cueicueijej tsurubenanaebiya tajume diwesi”, jei Nacom. <sup>15</sup> Ichitha jopa bapana

w̄caeiño jiwí xua tana apatsinexa pexaewa xua be tanamatomatsiwa. Pacata tinatsi xua jopa tapaca w̄caewatsi. Ichichipan xua tat̄paewa tsane pew̄naeya xua poxona tapaca w̄caewatsi tsainchi. Bichocono j̄nt̄u coyene weiweinan poxona tapaca tsipaebiatsi Nacom Pejume Diwesi. Yaitama jopa pana necatsibeibim xua be pata tanematomaqueibiwam, daxota atsaquiya paca tsipaebatsi.

<sup>16</sup> Jopa neitac̄paeyo xua atsacan xua tacueicueijeixae Nacom pia pecapanenebiyae diwesi jume. Nacom neitoroba xua bewa tacueicueijeíwa tsane barapo diwesi. ¡Ichitha xan tsocuaein tsipae icha jopa cueicueijan tsipae barapo diwesi! <sup>17</sup> Bequein icha Nacom jopa neitorobichipae xua saya xan tacoutha tsipaebaponaetsipan Jesucristo pia pexinya diwesi nexata ewatsipan xua jiwí tanematomatsinexa tacueicueijeixae barapo diwesi. Ichitha jame tsipaebaponan pexeyna jume diwesi Nacom tana neitorobixae. Jume cow̄ntaponan be pocotsi coyeneya Nacom neitorobapona. <sup>18</sup> Daxota xua be tanematomatsiwa apara xua poxona j̄nt̄u coyene weiweinan tapaca tsipaebixaetsi barapo Nacom Pejume Diwesi bequein metha jopa pana catsibeibichipaem xua patanematomatsiwam, matautano metha poxona bara tapanecat̄sibeibichipaem pocotsiwa tapanematomatsiwam. Paxam jopa pana necatsim pocotsiwa be pata nematomatsiwam. Jopa paca w̄caetsi bequein bara neitac̄pa xua tapaca w̄caewatsi pocotsi matoma bewa panecat̄sibeibim. Bara pocotsi matoma jiwí bewa catsina pomonaetha pomona Nacom Pejume Diwesi tsipaebatsi xua pejinompeibiwa tsane.

<sup>19</sup> Bequein jopa bewa amanaya tanacuichin tsane ich̄an, ichitha tacoutha nacana exanan be pon amanaya tanacuichin daxita jiwí nexa. Barapo coyene exanan xua pinmonae pejume cow̄ntsineha Cristo. <sup>20</sup> Poxona poponan judiomona pia xantha tatsi, exana ducuaenaebiyā icha be barapo judiomona ichi xua exana dubenanaebiya pocotsiwa Moisés itoroba pia peitorobi coyenewatha. Bara pocotsi coyenein exanan xua Moisés itoroba, bara bequein jopa bewa exanaein tsane. Saya exanan tsipei ichichipan xua tayawenaewa xua barapomonaē pejume cow̄ntsineha Cristo Jesús. <sup>21</sup> Poxona poponan pexantha tatsi pomonaē jopa exanaeyo pocotsiwa Moisés pia peitorobi coyenewatha itoroba, bapoxonaē popona ducuaenaebiyā icha barapomonaē ichi xua jinompa dubenanaebiya. Bapoxonaē jopa exanaeyo pocotsiwa Moisés pia peitorobi coyenewatha itoroba, xua barapomonaē tayawenaenexa, xua pejume cow̄ntsiwanexa Jesús. Jopa paca tsipaebichi xua tajume naitematsiwa Nacom xua tana neitorobiwa. Jame bara exanan pocotsiwa Cristo neitoroba. <sup>22</sup> Poxonaē poponan pexantha tatsi pomonaē j̄nt̄u coyene faefaena Nacomtha xua pejume cow̄ntsiwa xua aena pejume cow̄ntsixae bapoxonaē exana ducuaenaebiyā icha barapomonaē ichi xua exana dubenanaebiya tayawenaenexa xua equeicha bichocono mataropeicha pejume cow̄ntsiwanexa Jesucristo. Daxita carepaya jiwitha peit̄tha poponeiban, poxonaē be pocotsi coyeneya jinompeiba barapo jiwí tayawenaenexa xua equeicha bichocono mataropeicha pejume cow̄nteibineha Jesucristo. <sup>23</sup> Daxita baxuan exana ducuaenaebiban tacueicueijeí tsaibineha Nacom pia pecapanenebiyae diwesi jume, matautano tsipei ichichipan xua taj̄nt̄u coyene weiweinaewa tsane poxonaē barapomonaē jume cow̄ntsina Jesucristo.

<sup>24</sup> Paxam payaputaneme poxonaē jiwí ba namtotha cuinaepona saya

caein meisa copiya patopa. Bapon ba catatsi pocotsiwa pematomat-siwatsi copiya pepatopaexae xua beta cuinaepona. Bara pocotsi jata coyeneya ichi, beta pata exanaponde Jesucristo pia petanacuichiwa tatsi xua painya nepaca catsibinexa xua painya nepaca matomacaewan. <sup>25</sup> Pomonae ba xua nacui wunaeta xua penaxenacaenexa ichawa jopa exanaeyo pocotsiwa taayapubetsi poxonae pecuinaeponaenexa. Barapomonae ba baxua exana pia xeinaetsi pocotsiwa pecui yabara matomacaewatsi. Barapo pentoma noxu tepa pocotsiwa xua saya caena naxuba xua weraweraca. Nama waxainchi beta exanapoinchi Nacom pia petanacuichiwa tatsi, xua Nacom wanaca catsibiwa tsane pocotsiwa wanaca yabara cui matomacaewa, pocotsiwa xua ataya ayapusu xua jopa weraweracaeyo. <sup>26</sup> Daunweya exanaponeiban Nacom pia petanacuichiwa tatsi be poxonae xua bichoina cuinaeponan xua tatoxeincha patopaewa. Jopa exanaeinyo icha ichi xua pon naitacueinchiya jiraba. <sup>27</sup> Ichitha nama seicayiya exanan xua tapepon daunweya tacoya naitoroban xua daxota jopa abe exanaeinyo. Tapepon itoroban xua tana nejume cowantsiwa xua peexanaewa pocotsiwa itoroban. Antayapusuya tanacuitan Nacom tajunuwixae xua jopa beta taexanaewa xua bequein bara ichamonae cuidubithan barapo coyenein. Icha jopa beta exanaeinchipae Nacom jopa tsita xanepanaeinchipae xua daxota taneitawetsiwa tsipae.

## 10

*Meje xua Pablo muxuweta pomonae wuna jainta ibo nacomun*

<sup>1</sup> Tamonae pam, paxam pomonae iru painya nejume cowantsiwixae Jesucristo. Ichichipan xua painya neyaputaewa tsane po coyene xua poxonae wamo susato jiwitha pecana exanaewatsi. Barapomonae Egipto nacua weya pona. Bapoxonae tsaquinaebowa matatsun dubenapoinchi. Barapo tsaquinaebowa barapomonae matacapoinchi xua ichaxota ichichipa peponaewa barapomonae. Daxita barapomonae icha muxunene beera uncababiya po pin pucua pewun Mar Rojo wan pucua. Barapo pin bicheito epatauta iyapona xua poxonae Nacom tsewa taexaniya xua be namto taexaniya. <sup>2</sup> Barapomonae tsaquinaebowa be caemonae matatsun dubenapoinchi. Matauta barapomonae be caemonae naexana Moiestha xua Moisés pematacapanaenexa barapomonae. Barapomonae barapocotsi jata coyeneya exana icha be poxonae jiton ichi xua poxonae bautisabatsi mentha caemonae penaexanaenexa Cristotha, xua Cristo pecanamataxeinaenexa bapontha. <sup>3</sup> Daxita barapomonae xane po pexaewa Nacom taitorobica itaboco wetsica. <sup>4</sup> Yawano barapomonae apa po mera xua Cristo itoroba ira xuepana susato tsurucuae nacuatha. Barapo mera iboton weya mene pichapa. Cristo barapo mera apatapona poxonae yanta xua barapomonae yantatsi. <sup>5</sup> Daichitha pin bicheitomonae xua barapomonae jiwana jopa exanaeyo pocotsiwa Nacom ichichipa. Daxota Nacom copata xua barapomonae bara pejiwana werapaponaewa tsane barapo ira xuepana susato tsurucuae nacuatha.

<sup>6</sup> Baxua exana xua nacata yabara canauta jutsiya exana. Jopa bewa waichichipaewa tsainchi pocotsiwa jopa nacata wunaeyo xua icha barapomonae ichi poxonae pia coutha abe nata exana. <sup>7</sup> Daxota jopa bewa

wɛnae pajainchim ibo nacomɛn icha be barapomonaе jiwana ichi. Barapomonaе wɛnae jainta ibo nacomɛn. Nacom Pejume Diwesitha barapomonaе yabara jeichi: “Barapomonaе ena xua pexaenexa yawa xua peapaenexa. Bapoxonaе yatsicaewa barapomonaе nawiraba ibo nacom tsita nawirabatsi”, jei Nacom Pejume Diwesitha. <sup>8</sup> Waxainchi jopa bewa exanaetsi xua nasi cui weiweina exanatsi icha be barapomonaе jiwana ichi. Barapomonaе jiwana nasi cui exana yabɔxitha xua jopa piseurixi. Daxota caentaqueitha veintitrés mil pebiwi werapa abe peexanaexae. <sup>9</sup> Matautano jopa bewa najuntɔ coyene jujuta exanaetsi Nacomtha xua wanaca barɔ anaepanaenexa, icha barapomonaе jiwana ichi. Barapomonaе najuntɔ coyene jujuta exana Nacomtha. Daxota Nacom copata xua barapomonaе werapa poxonaе jomon sinebatsi barapomonaе. <sup>10</sup> Jopa bewa Nacom anaepanaya barɔ paebichi, icha be barapomonaе jiwana ichi. Barapomonaе Nacom anaepanaya barɔ paebatsi, daxota Nacom copata xua barapomonaе weraweraca poxonaе matatsunpin juteba po matatsunpin jwi pejutebin.

<sup>11</sup> Nacom exana daxita baxuan barapomonaetha, xua wanaca muxuweta exanaenexa xua jopa waraichiwanexa icha barapomonaе ichi. Moisés yabara tina barapomonaе xua yaputane wanaca exanaewa xua bara nama imoxoyo barapo nacue weraweracaena. <sup>12</sup> Daxota tsipaeban pon paxam jiwana pam pon xua nayabara nanta xeina xua pinae bichocono pejume cowuntsixae peajuntɔcoyenesɔwa xeina Nacomtha. Janje: “Dota jinya xoba abe exaname. Poxoru icha metha nanta xeinaetsipame xua jopa abe exanaem, bapoxonaе metha abe exanaetsipame”, jan. <sup>13</sup> Jopa meisa paxam caurimonaе pia pentacaponaein tatsi paca juntɔ coyene jujutsiyo. Barapara irɔ ichamonaе pomonaе pejume cowuntsiwi barichichi juntɔ coyene jujutatsi abe peexanaenexa. Paxam paca itacɔpa xua pajuntɔ coyene amanayabame barapo caurimonaе pia pentacaponaein tatsi. Baraxua paexaname icha barapomonaе ichi xua juntɔ coyene amanayaba barapo caurimonaе pia pentacaponaeinthatsi. Daichitha paca itacɔpa xua payabara jume cowuntame Nacom xua bara bapon paca yawenaena. Nacom jopa copatsiyo xua caurimonaе pia pentacaponaein tatsi bichocono paca juntɔ coyene jujutsina xua pocotsiwa bichocono pacata ayapube xua daxota abe painya neexanaewa tsane. Ichitha poxonaе caurimonaе pia pentacaponaein tatsi paca juntɔ coyene jujuta, Nacom paca yawenaena xua painya nerɔcɔpaewa bapon weya xua daxota jopa abe painya neexanaenexa.

<sup>14</sup> Tamonaе pam paxam pomonaе irɔ painya nejume cowuntsiwixae Jesucristo. Paxam pomonaе tapaca caantobe jiwichi pam. Painya xoba wɛnae pajaintame ibo nacomɛn. <sup>15</sup> Paca tsipaebatsi paxam pomonaе painya neyaputae jwi pam. Paxam payaputaneme xua painya neyabara nanta xeinaewa pocotsiwa paca tsipaebatsi icha metha bara xaniwaicha paeban. <sup>16</sup> Waxainchi nacaetutatsi wayabara juntanainaenexa xua Cristo wanaca tsitɔpaewa naetotha. Bapoxonaе apatsi vino mera yawa xainchi pan. Barapo vino mera Cristo pia pejana tatsi yabara caunutatsi. Matautano barapo pan Cristo pia pepon tatsi yabara caunutatsi. Poxonaе apatsi barapo vino mera Nacom tsipaebatsi barapo vino mera nexa po vino mera tsijunta eca corotiyotha. Jeichichi: “Maisa Nacom painta pexeinya coyene exaname”, jeichichi. Bapoxonaе be caemonaе naexainchi Cristotha waapaexae barapo vino

mera. Barichi poxonaē pan janacatsi be caemonaē naexainchi Cristotha waxaexaē barapo pan. <sup>17</sup> Bequein waxainchi pinmonaetsi xua cae pan nabarū xainchi, ichitha waxainchi be caemonaetsi bapon Cristotha tsipei bara cae pan nabarū xainchi.

<sup>18</sup> Payabara nanta xeinare xua judiomonaē pomonaē Israel nacua-monaepiwi. Barapomonaē judiomonaē xane po duwein ichamonaē tauta xua petuxusi exanaewa Nacom nexa. Bapoxonaē barapomonaē be caemonaē naexana Nacomtha. <sup>19</sup> Jopa apara paca tsipaebichi xua ibo nacom xeina peajuntuyapusuwa. Matautano jopa paca tsipaebichi xua po wi jiwi tajeba ibo nacomun ainya cui barapo wi beyacaincha xua icha pewi. <sup>20</sup> Paca tsipaebatsi xua jiwi tajeba pewi ibo nacomun pomonaē jopa yaputaeyo Nacom. Barapomonaē tajeba barapo pewi caurimonaē. Jopa apara tajebiyo Nacom. Jopa ichichipaeinyo xua caemonaē pana naexaname caurimonaē pijimonaetha. Metha baraxua paexanaetsi-pame poxonaē panabarū xaneme pomonaē nacaetuta pexaenexa po wi jiwi tajeba ibo nacomun. <sup>21</sup> Paxam panabaname pon jiwi Pecanamataxeinaein pia penabanaethopaewatha tatsi yawa xua paapameno. Jopa paca itacupaeyo xua panabaname yawa xua paapameno ichaxota exanompa cauri pia cui coyene pomonaē jopa pejume cowantsiwi.

<sup>22</sup> Icha waxainchi wūnaē jaintatsi caurimonaē poxonaē xainchi po pewi jiwi tajeba ibo nacom bapoxonaē waxainchi exanatsi xua pon jiwi Pecanamataxeinaein naca caseba pia wanaca asiwixae. Waxainchi jopa xeinaetsi po peayapusuwa xua bichocono daunwei xua beyacaincha Nacom.

*Meje xua Pablo yabara paeba xua bewa jiwi yabara nanta xeinaē pewi poxonaē xane*

<sup>23</sup> Baraxua bequein xainyei poxonaē jiton jeye: “Neitacupa xua taexanaewa pocotsiwa ichichipan”, jei bapon. Daichitha jopa daxita nacata wūnaeyo xua pocotsiwa exanatsi. Bequein waxainchi naca itacupa xua waexana dubenanaebiyaewa pocotsiwa xua waichichipaewatsi. Daichitha daxita baxuan jopa naca yawenaeyo xua wajume cowanta dubenanaebiyaewa Jesús. <sup>24</sup> Jopa bewa payabara nanta xeinaem xua saya painya coutha nexa xua painya nenayawenaenexam. Jame bewa payabara nanta xeinaem xua apara irū ichamonaē painya neyawenaenexarū.

<sup>25</sup> Po pewi pacomoqueibame po wi jiwi caenaeta pecaenaetsi bontha, painya xoba matha payabara yainyabeibame barapo pewi. Jopa payainyabinde icha metha xua apara po wi bayatha jiwi tajeba ibo nacom. Jame bara saya itatemaya paxaibare. Xain bapoxonaē painya juntu coyene jopa paca tsipaebiyo xua apara abe paexaname. <sup>26</sup> Nacom Pejume Diwesitha jeye: “Barapo cae pin nacue yawa xua xuan xeina barapo cae pin nacuathe Nacom pon Pecanamataxeinaein bapon pi-awan”, jei Nacom Pejume Diwesitha. <sup>27</sup> Poxonaē jiton pon jopa pejume cowantsin Jesús, paca tsiwaba pexaewa xua pia paca barū xaetsi, icha paichichipame moya pana napuna xaema. Paxaema pocotsiwa xua pexaethopaewatha bobena. Jopa payabara yainyabinde barapo pexaewa icha metha barapo pewi ibo nacom werena capona. Xain bapoxonaē painya juntu coyene jopa paca tsipaebiyo xua apara abe paexaname. <sup>28</sup> Ichacuitha metha ichun paca tsipaebichipa, xua jeye: “Apara barapo pewi jiwi tajeba ibo nacom poxonaē wūnaē jainta barapo ibo nacomtha”, jei bapon. Bapoxonaē painya xoba paxaneme barapo

pewito. Tsipei icha barapo pewi pajiwana xaename abe exana pacana exaname pontha pon xua yabara paca tsipaeba barapo pewi. Poxoru ichamonaе pomonaе pejume cowantsiwi Nacom, yabara nanta xeina xua apara jiwі abe exana icha barapo wi xane. Daxota bapon junuwa xua abe exana icha pexaewa tsane barapo pewito. Icha jopa baxua peitutha paexanaem tsane bapoxonaе bapon juntu coyene xanepanaya poponaena Nacomtha. <sup>29</sup> Yabara paca tsipaebatsi po coyene xua ichan yabara nanta xeina barapo pewi pejuntu coyenewatha. Jopa apara yabara paca tsipaebichi po coyene paxam xua payabara nanta xeiname barapo pewi painya juntu coyenewatha.

Ichitha metha ichan neyainyabichipa, jei tsipae: “¿Eta pocotsiwa metha nantawenonan xua taexanaewa pocotsiwa ichan yabara nanta xeina barapo pewi?” jei tsipae. <sup>30</sup> Equeicha metha bapon jei tsipae: “Poxonaе pexaewa nabanан Nacomtha tsipaeban barapo pexaewa nexa, janje: Nacom, maisa juntu coyene weiweinan xua barapo pexaewa tanecatsiwam, jan. Icha baxua exanan ¿eta pocotsiwa metha nexata ichamonaе abe neyabara paeba poxonaе xan barapo pexaewe?” jei tsipae. <sup>31</sup> Yabara paca tsipaebatsi baraxuan daxita xua xuan painya neapaewan yawa daxita xua xuan painya nenabanaewan yawa daxita icha coyeneinno xua xuan painya neexanaewan daxita bara pocotsi coyenein beta paexaneibare xua daxota poxonaе jiwі paca cui taibina bapoxonaе jiwі wnae jainteibina Nacom. <sup>32</sup> Jopa paexanaeinde pocotsiwa xua abe paexaname xua pocotsiwa daxota ichamonaе jupa exanaena. Baraxua jopa paexanaeinde judiomonaetha, iru pomonaetha pomonaе jopa judiomonaе naexanaeyo, iru pomonaetha pomonaе Nacom pejume cowantsiwichi jiwanamonaе. <sup>33</sup> Xan ichichipan beta taexanaewa po coyene xua ichamonaе tsita xanepanatsi. Jopa exanaeinyo pocotsiwa xua tacoutha taichichipaewa. Saya meisа beta exanan po coyene ichamonaе tsita xanepanatsi xua po coyenewatha barapomonaе peyawenaenexatsi xua pecapanenebiyaenexatsi abe pia peexanae cuiru coyenein weya.

## 11

<sup>1</sup> Paexanaponde icha be pocotsi coyeneya ichin poxonaе exanaponan, tsipei exanan pocotsiwa Cristo exanapona.

*Meje xua Pablo yabuxi yabara paeba powaxi poxonaе ena penacaetutsi botha xua poxonaе wnae jainta Nacom*

<sup>2</sup> Tamonaе pam paca weyatainchi tsipei paneyabara nanta xeinaponame xua daxita coyeneyatha. Paxam paexana dubenanaebiyame pocotsiwa xua paca cuidubatsi. <sup>3</sup> Ichitha ichichipan xua painya neyaputaewa xua Cristo canamataxeina daxita pebiwitha. Barichiru daxita pebiwi barompaya piseuriwi canamataxeina. Barichi Nacom Cristo canamataxeinatsi. <sup>4</sup> Icha pebin nantasipa acata poxonaе Nacomtha tsipaeba xuano poxonaе cueicueijeі Nacom Pejume Diwesi, barapon Cristo jopa baru cui itura jinaetsi. Saya pia coutha ainya cui nacana exana. <sup>5</sup> Jame icha yabuyo jopa nantasipa acatsiyo xua poxonaе cueicueijeі Nacom Pejume Diwesi, xuano poxonaе Nacomtha tsipaeba, bapowa pia pebin jopa baru cui itura jinaeyo poxonaе jopa nantasipa acatsiyo paparuwatha. Bapowa tsita itapeinya xeina xua jopa exanaeyo pocotsiwa pia pebin itorobatsi. Baraxua jupa icha be poxonaе ichi xua daxita matana sibatsi

abe peexanaexae. <sup>6</sup> Icha jopa yabũyo nantasipa acatsiyo bewa barapowa daxita nanta sibina. Ichitha icha barapowa aura xua penanta sibiwa daxota bewa nanta acatsina. <sup>7</sup> Poxonae Nacom exana pebin barapo pebin Nacom cui jũpatsi. Daxota barapo pebiwi xeinarũ barapo pecanamataxeinae coyenewa po coyenewa Nacom xeina. Pebin jopa bewa nantasipa acatsina poxonae Nacomtha tsipaeba, xuano poxonae Nacom Pejume Diwesi cueicueijeji xua daxota pebarũ cui itura jinaenexa xua Nacom pebarũ cui itura jinaenexatsi. Ichitha yabũyo bewa barũ cui itura jinae pia pebin, tsipei pia pebin canamataxeinatsi. <sup>8</sup> Poxonae Nacom forota jopa Nacom exanaeyo pebin yabũyo weya. Saya jame Nacom exana yabũyo pebin pexainya weya tatsi. <sup>9</sup> Nacom jopa forotsiyo xua pebin yabũyo tsiexanatsi. Jame Nacom forota xua yabũyo pebin tsiexanatsi. <sup>10</sup> Daxota yabũyo bewa nanta acatsina penacaetutsi botha. Bapoxonae bapowa tsita itapeinya xeina matatsunpiwimonaetha xua bapowa barũ cui itura jinae pia pebin pecanamataxeinaexaetsi. <sup>11</sup> Daichitha pomonae Nacom pejume cowantsiwixae, pebin nantawenona yabũyo, irũ yabũyo nantawenona pebin. <sup>12</sup> Bequein Nacom exana yabũyo pebin peyene weya tatsi, ichitha pebiwi ba nowaumenapona yabũxi weya. Barapo naxobe coyenewabe Nacom forota, pebin yawa yabũyo.

<sup>13</sup> Pananta xeinare xua icha bara xaniwaicha xua yabũyo jopa nanta acatsiyo poxonae Nacomtha tsipaeba penacaetutsi botha xua poxonae wũnae pejainchinexa Nacom. <sup>14</sup> Wacui coyenewa ba naca yaputane exana xua pebiwichi jopa bewa antanapiya naexanaetsi. Baxota ba aura naca exana. <sup>15</sup> Barichirũ wacui coyenewa ba naca yaputane exana xua yabũxi wũnae exana poxonae nantana copaba xua antanapiyiya. Bapoxonae yabũyo pia pentanantha nantasipa acata. <sup>16</sup> Pon ichichipa xua yabara pana nejume matsontsonoba baxuan, pajanje bapontha: “Barapo coyene pacuiduban. Matauta daxita penacaetutsi bonmonae jiwĩ pomonae Nacom pejume cowantsiwi peburũya pana nabarũ jũpaya nanta xeinan tsipei icha coyene jopa payaputaeyo”, pajan.

*Meje xua Pablo yabara paeba xua abe exana pomonae pejume cowantsiwi Nacom poxonae nainya xane po penabanaewa cayabara nanta xeina xua Jesús pia petsitũpaewa jiwĩ*

<sup>17</sup> Pacata tinatsi anoxuae xua po coyenein yabara xua jopa tana neitacũpaewa xua tapaca tsipaebiwatsi xua beta painya neexanaewa. Bequein pana nabarũ nacaetutame ichitha painya jũntũ coyene jopa paca cana exanaeyo xua paayapusa tsoponaem. Maisa apara abe paexaname. <sup>18</sup> Copiya matha paca tsipaebatsi janje: “Ichũn netsipaeba xua pinae poxonae pana nabarũ nacaetutame, wũnae painya nejainchinexa Nacom, pinae ainyamonaein tsanaya pana natsabame. Bapoxonae pinae pana najume matsontsonobame”, jan. Nanta xeinan xua apara xainyei po coyene ichamonae netsipaeba xua paca yabara paeba. <sup>19</sup> jMoya ainya bicheiton pana naexande xain bapoxonae pana najume matsontsonobame! jXain bapoxonae ichamonae tane xua ichamonae petanexatsi pomonae jopa irũ najume matsontsonobiyo pomonae xua beta peexanaewi! <sup>20</sup> Bequein pana nabarũ nacaetuteibame xua painya xaenexa pexaewa poxonae pacayabara nanta xeiname xua pon jiwĩ Pecanamataxeinaein paca tsitũpa, daichitha saya paxaneme. Apara jopa pacayabara nanta xeinaem barapo coyene. <sup>21</sup> Daxita paxam carepaya barompaya pia pexaewa nainya xane. Jopa rawũnae ewateibim



ichamonae xua painya nenabarũ xæenexa. Daxota ichamonae jainpa pomonae cotacaya pata. Ichamonae bichocono tonsana beya poxonae nacũpa exana peatsaxa meran xua apa poxonae muxuna xane pexæewa. <sup>22</sup> Apara paxename painya bon ichaxota paca itacũpa xua pana napena jubame. Baraxua be paaichaxaibim pomonae Nacom pejume cowũntsiwichi pomonae penacaetutsi bomonae jiwi poxonae baxua paexaname. Aura paexaname pomonaetha pomonae peacopebiwi pomonae jopa itacũpaetsi xua capana pexæewa, pomonae cotacaya pepatsixæe. ¿Eta paca yabara jumichicuae tsainchi? Paca yabara jei tsainchi: ¿Bara beta xanepanaya paexaname jan tsane? ¡Jume! Baxua jopa neitacũpaeyo xua tapaca yabara paebiwatsi.

*Meje xua Pablo yabara cuiduba pexæewa po pexæewa poxonae jiwi cayabara nanta xeina Jesús*

(Mt 26.26-29; Mr 14.22-25; Lc 22.14-20)

<sup>23</sup> Po coyene xua paca cuidubatsi baxua copiya Nacom necuiduba. Paca jeichi: Po merawitha Jesús caenaetatsi pon jiwi Pecanamataxeinaein, barapo merawitha Jesús pan pita pecobetha. <sup>24</sup> Poxonae najume weta xua paxa tsipaeba xua jei: “Axa maisa jũntũ coyene weinwan xua tanecatsiwam pan”, jei, bapoxonae pan epa janaca. Bapon barai pijimonae jeye: “Panore pan yawa paxaemano. Barapo pan neyabara caunuta xua tapepon. Tapepon inta atene exanaeinchi painya nepaca cayawenaenexa tsane xua painya tanejume cowũntsiwaxaem tsane. Poxonae baxua paexaneibame xua paxaibame panecayabara jũntanaineibare painya jũntũ coyenewatha”, jei Jesús xua pijimonae tsipaeba. <sup>25</sup> Barichiya exana poxonae najain weta. Bapoxonae corotiyo pita pecobetha yawa jeye: “Pena petsiwũnae muxu dutsi coyenewa paca tsipaebatsi. Barapo uva mera po mera xua corotiyotha tsijunta eca, barapo uva mera yabara caunuta tajana xua jana othoparenaein poxonae tũpaein. Barapo jana tsita itapeinya xeinaena xua jiwi pinmonae yabara jũntemainein abe pia peexanae cuiru coyenein tatsi. Daxita coyeneintha poxonae baxua paexaneibame xua paapeibame barapo uva mera, bapoxonae panecayabara jũntanaineibare painya jũntũ coyenewatha xua tapaca catsitũpaewaxaetsi”, jei Jesús, xua pijimonae tsipaeba. <sup>26</sup> Daxita tsaiibi poxonae paxaibame pan yawa paapeibameno barapocotsi uva mera xua tsijunta eca corotiyotha, jiwi patsita itapeinya xeiname xua Cristo pacui yabara jũntanainame xua painya nepaca tsitũpaewa. Baxua paexaneibare beya poxonae equeicha Jesús patopaetsica, pon jiwi Pecanamataxeinaein.

*Meje yabara xua poxonae jiwi bewa beta exanae xua poxonae xane po pexæewa poxonae cayabara nanta xeinatsi Jesús*

<sup>27</sup> Pon xane barapo pan xuano apa barapo uva mera xua tsijunta eca corotiyotha xua Jesucristo cayabara nanta xeinatsi icha bapon jopa jũntũ coyene xanepanaeyo Nacomtha, apra abe exana Cristotha. Bapoxonae bapon Nacom tsita xeinatsi xua penatsicuentsiwa xua abe peexanaexæe Cristo pepontha tatsi xuano xua pia pejanathano tatsi tsipei bapon jopa barũ cui itura jinaeyo barapo coyene. <sup>28</sup> Daxota daxita jiwi bewa barompaya matha pewũnaeya najũntũ coyene cayabara nanta xeinaena. Barapo jiwi bewa nanta xeinaena icha metha bara xanepanaya exana beya poxonae xaena barapo pan xuano poxonae apa barapo uva mera xua tsijunta eca corotiyotha. <sup>29</sup> Pon xane barapo pan xuano xua apa

barapo uva mera xua tsijunta eca corotiyotha xua Jesucristo peyabara xaenexa ichacuitha bapon natsicuenta Nacomtha abe peexanaexae. Bapon natsicuenta Nacomtha tsipei matha jopa yabara nanta xeinaeyo barapo pexaewa xua apara bichocono ainya cui coyenewa xeina bey-acaincha icha pexaewa. <sup>30</sup> Daxota pinmonae pajiwana atenem xuano jopa xeinaeyo peajuntuyapusuwa. Daxota ichamonae bayatha pajiwana werapame. <sup>31</sup> Poxonae apatsi uva mera xuano poxonae xainchi pan po pexaewa poxonae Cristo cayabara nanta xeinatsi, matha bewa najuntu coyene cayabara nanta xeinaetsi, xua icha metha bara wuna waexanaewa. Bapoxonae xain Nacom jopa naca atene exanaeyo xua wanatsicuentiswaxae xua abe waexanaexae. <sup>32</sup> Bequein baxua Nacom nacata exana wanaca cuidubinexa xua equeicha xanepanaya waexanaenexa tsane. Nacom baxua nacata exanaena xua jopa wanaca yabara jeinexa: “Paxam abe paexaname icha ichi pomonae jinompa barapo cae pin nacuathe pomonae bichocono abe peexanaewi, pomonae jopa pejume cowantsiwi”, xua jopa pewanaca yabara jeinexa.

<sup>33</sup> Daxota tamonae pam poxonae pana nacacetutame xua painya nabaru xaenexa po pexaewa xua poxonae Jesucristo cayabara nanta xeinatsi, matha abu ichamonae paewateibare. <sup>34</sup> Icha ichun jainpa bu bapon matha pia botha xane pewunaeya xua poxonae napatopaena penacacetutsi botha xua poxonae wuna jainta Nacom. Bapoxonae itacupatsi xua bapon penaxaewa po pexaewa poxonae Jesucristo cayabara nanta xeinatsi. Bapoxonae Nacom jopa peraxa jubi tsane bapon xua abe peexanaexae poxonae nanacacetuta pomonaetha pomonae Nacom pejume cowantsiwichi. Poxonae paca siwa ponaeinchi xua tapaca taenexa tsainchi, bapoxonae paca cuidubinchi pocotsiwan xua yabara pana neyainyabame.

## 12

*Meje xua pejuntu cui coyenein yabara po pejuntu coyenein Nacom pia Pejumope tunaxu tatsi amanaya cata daxita carepaya pomonaetha pomonae Nacom pejume cowantsiwichi*

<sup>1</sup> Tamonae pam, paxam pomonae iru painya nejume cowantsiwixae Jesucristo. Yabara paca tsipaebatsi po coyene ichichipan xua painya neyaputaewa. Nacom pia Pejumope tunaxu tatsi cata pejuntu cui coyenein daxita barompaya carepaya pomonaetha pomonae Nacom pejume cowantsiwichi. <sup>2</sup> Paxam payarutaneme xua abe paexaname pewunaeya poxonae pajume cowantame. Pacopatame xua bara ichamonae ichawa beya paca matabarona xua wuna painya nejainchinexa ibo nacomun, po ibo nacomun jopa cueicueijeiyu. <sup>3</sup> Daxota ichichipan xua painya neyaputaewa tsane xua poxonae jeye: Dapocotsin aibi, pon itacupatsi xua jeye: “Jesús apara jopa Nacom Pexanto tatsi”, xua poxonae jei, icha bapon xeina Nacom pia Pejumope tunaxu tatsi pia peayapusu itorobi coyenewa tatsi. Barichi dapocotsin aibi pon itacupatsi xua poxonae jeye: “Bapon Jesús apara pon jiwi Pecanamataxeinaein”, xua poxonae jei, icha bapon jopa xeinaeyo Nacom pia Pejumope tunaxu tatsi pia peayapusu itorobi coyenewa tatsi.

<sup>4</sup> Jiwi itacupatsi xua daxita carepaya barompaya pexeinaewa ainya juntu cui coyenein pomonae pejume cowantsiwixae Nacom. Barapo juntu cui coyenein jopa nacuì coyene jurpaeyo. Bequein daxita jiwi

xeina barapo coyenein daichitha bara saya compa pon pecatsixae apara bapon Nacom pia Pejumope t̃nax̃ tatsi. <sup>5</sup> Jiwi pomonae pejume cow̃ntsiwixae Nacom, itac̃patsi xua daxita carepaya barompaya pexeinaewa ainya petanacuichi coyenewan Nacom nexa. Ichitha meisa saya bapon Nacom compa pon jiwi Pecanamataxeinaein daxitatsi waxainchi tanacuitatsi bapon. <sup>6</sup> Jiwi pomonae Nacom pejume cow̃ntsiwixaeitsi itac̃patsi xua pexeinaewa ainya cui coyenein po coyeneinya xua Nacom petanacuichiwatsi. Ichitha daxita barapo coyenein jopa nacui coyene j̃paeyo. Saya compa Nacom pon daxita barapo jiwi cana exanatsi xua peexanaewa daxitan barapo coyeneinyatha. <sup>7</sup> Nacom pia Pejumope t̃nax̃ tatsi tsita itapeinya xeina Nacom pia peayapus̃ itorobiwa tatsi. Baxua exana poxonae Nacom barompaya naca cana exana xua beta waexanaewa wayawenaenexa tsane daxita jiwitha. <sup>8</sup> Ichamonae jiwanaatha, Nacom pia Pejumope t̃nax̃ tatsi cata pej̃nt̃ cui coyenewa xua po coyene barapomonae pej̃nt̃ uoyenetha beta yaputane xua peexanaenexa pocotsiwa pecueicueiweiwa ichamonae. Barichi ichamonae jiwanaatha Nacom pia Pejumope t̃nax̃ tatsi cata pej̃nt̃ cui coyenewa po coyene xua beta pecuidubiwa po coyene peyaputaewa xua daunwei yabara yaputane pecana exanaenexa xua ichamonae yabara yaputane pecana exanaenexatsi. <sup>9</sup> Ichamonae jiwanaatha Nacom pia Pejumope t̃nax̃ tatsi cata peyabara jume cow̃ntsi coyenewa xua daxota bapomonae nanta xeina xua bara itac̃patsi xua peexanaewa daxita coyenein xua Nacom itoroba xua bapomonae peyawenaexaetsi Nacom. Barichi ichamonae jiwanaatha Nacom pia Pejumope t̃nax̃ tatsi cata xua po coyenewatha peatenewi axaibi peexanaewatsi. <sup>10</sup> Ichamonae jiwanaatha, Nacom pia Pejumope t̃nax̃ tatsi cata po coyenewatha pexeinya petsita it̃tsi coyene peexanaewa. Ichamonae jiwanaatha, Nacom pia Pejumope t̃nax̃ tatsi cata po coyeneya xua pecueicueiweiwa Nacom Pejume Diwesi. Ichamonae jiwanaatha Nacom pia Pejumope t̃nax̃ tatsi cata po coyeneya beta peyaputaewa xua po coyene poxonae Nacom pia Pejumope t̃nax̃ tatsi jiwi cueicueiwei exanatsi yawa po coyene poxonae jiwi cueicueiwei exanatsi caurimonae. Ichamonae jiwanaatha Nacom pia Pejumope t̃nax̃ tatsi cata po coyeneya xua ichamonae pecueicueiweiwa icha jumeintha, po jumein bequein jopa nacuidubiyo. Ichamonae jiwanaatha Nacom pia Pejumope t̃nax̃ tatsi cata po coyeneya xua barapomonae xuya jume yaputane exana po jumein xua ichamonae paeba po jumein xua ichamonae bequein jopa nacuidubiyo. <sup>11</sup> Daxita barapo j̃nt̃ coyenein exana ducuaenaebiya pon Nacom pia Pejumope t̃nax̃ tatsi. Barapo jumope daxita coyenein meisa compa exana, po jumope Nacom pia Pejumope t̃nax̃ tatsi. Barapo pejumope daxita carepaya jiwitha cata icha be pocotsi coyeneya barapo jumope peichichipaexae xua pecatsiwa.

*Meje yabara xua daxitatsi be caemonaetsi Jesustha*

<sup>12</sup> Pepon bequein caein ichitha nawita xeina xua pia pecueyabiwatsi, petaxube, pesitobeno, pemax̃beno yawa ichawanno. Barapo pepon pecueyabiwatsi bequein ainyawan daichitha daxita bara caewa ompin naexana pepontha. Barapocotsi j̃ta coyeneya ichi, Cristo pinmonae xeina pia pejume cow̃ntsiwichi bequein bara barapon Jesús caein. <sup>13</sup> Barapocotsi j̃ta coyeneya ichi, waxainchi seicaya jiwichi. Daichitha daxita waxainchi be caemonae jiwichi wajume cow̃ntsixae

Jesús. Ichamonaе waxainchi jiwanaṭsi judiomonaetsi. Ichamon-aetsi pomonaе jopa judiomonaе naexanaeyo. Ichamonaetsi pomonaе amanaya tanacuitatsi ichamonaе nexa. Ichamonaetsi pomonaе saya wajinompaewi xua saya wawan wanata exanaе jiwi. Daichitha daxita waxainchichi naca bautisaba. Waxainchi be caemonaetsi naexanatsi Nacom pia Pejumope ṭṭaxṭṭ tatsi wanaca barṭṭ jinompaexae. Nacom daxita waxainchi barompaya carepayatsi naca cata barapo pejumope ṭṭaxṭṭ, pon bara saya meisa caein.

<sup>14</sup> Pepon jopa xeinaeyo bara caewa xua pecueyatsiwatsi. Apra nawita xeina xuan pecueyabiwatsi. <sup>15</sup> Metha petaxu jei tsipae: “Xan apra jopa pecobeinyo, daxota xan pepon nexa aibi”, jei tsipae. Bequein baxua paebichipa daichitha apra bara pepon cueyatatsi icha itacṭṭpatsi xua paeba. <sup>16</sup> Metha pemuxuyoroto jei tsipae: “Xan apra jopa peitamaiqueitṭnyo daxota xan pepon nexa aibi”, jei tsipae. Bequein baxua paebichipa daichitha apra bara pepon cueyatatsi icha itacṭṭpatsi xua paeba. <sup>17</sup> Icha daxita wapepon ṭṭ peitacuereto tsipae, jopa naca itacṭṭpaeyo xua wajume taewa tsipae. Barichi icha wapepon daxita ṭṭ pemuxuyoroto tsipae, jopa naca itacṭṭpaeyo xua watuxubiwa tsipae. <sup>18</sup> Ichitha Nacom pitacuiya duba xua ichaxota ichichipa duba daxita baxuan xua pocotsiwan pepon pecueyabiwatsi. <sup>19</sup> Icha daxita baxuan saya ṭṭ najṭṭpaetsipa, bapoxonaе jopa xapain xeinaetsipaetsi pepon. <sup>20</sup> Bequein anoxuae nawita xeinatsi xuan wanaca cueyabiwan wapepontha, daichitha awiya bara cae pepontsi.

<sup>21</sup> Peitacuereto jopa itacṭṭpaetsi xua pejeiwa pecobetha: “Xam jopa canamatawenaetsi”, jopa pejeiwa. Barichi pentasipa jopa itacṭṭpaetsi xua pejeiwa petaxubetha: “Paxambe jopa paca canamatawenaetsi-sibe”, jopa pejeiwa. <sup>22</sup> Po wanaca cueyatsiwa wapepontha xua jopa naca tsita ainya cuiyo, apra bara baxua ainya cui wacanamatawena-aenexa. <sup>23</sup> Wapepon xua wanaca cueyatsiwa xua jopa naca tsita ainya cuiyo, paparuwatha nama acatatsi xua wabarṭṭ itura jinaenexatsi. Pocotsiwa wanaca cueyatsiwa xua wapepontha xua pocotsiwa jiwi jopa benaca taeyo, naacabatsi paparuwantha wapin uraxae. <sup>24</sup> Po wanaca cueyatsiwa wapepontha pocotsiwa jiwi nacata tane baxuan jopa ainya cuiyo xua waacabinexa paparuwatha xua jopa waauraxaetsi. Nacom nacata exana pepon xua waxainchi beta nayaawatatsi paparuwatha, po wanaca cueyatsiwa wapepontha xua bichocono pecanantawena-aewa baxua. <sup>25</sup> Nacom baxuan exana xua jopa baxuan penawepu tsabinexa pepon weya. Daxita baxuan xua wanaca cueyabiwan eenatsi xua nantiya penayawenaewa tsane icha pomonaе Nacom pejume cowṭṭsiwichi ichi xua nantiya bewa nayawenaе. <sup>26</sup> Icha barapo wanaca cueyabiwan caewa jiwana wepu atene, bara barichi pepon daxita atenerṭṭ. Mataṭṭa icha baxuan caewa jiwana ainya cui cana exanatsi bara daxita nabarṭṭ weiweinaya dubena pepontha.

<sup>27</sup> Paxam Jesucristo piamonaе tatsi jiwana pamxaem, caemonaе pananaexaname, icha Jesucristo ichi xua xeina pia pecueyabiwatsi pia pepontha. Bequein bara caemonaе pananaexaname ichitha carepaya barompaya patanacuitame Cristo. <sup>28</sup> Nacom itapeta xua pomonaе pejume cowṭṭsiwichi xua pomonaе pia petanacuichinexa tsainchi. Copiya itapetatsi pomonaе Jesucristo pia peitorobi jiwi tatsi. Bapoxonaе irarṭṭ itapetatsi pomonaе Nacom pia peitorobi jume pepaebiwi.

Equeicha bapoxonae iruru itapetatsi pomonae jiwi pecuidubiwi Nacom Pejume Diwesi. Bapoxonae iruru itapetatsi pomonae pexeinya petsita itatsi coyenewan. Bapoxonae iru itapetatsi pomonae axaibi peexanaewi peatenewa. Irano bapoxonae itapetatsi pomonae jiwi peyawenaewi. Bapoxonae iruru itapetatsi pomonae peitorobiwi pomonaetha pomonae pejume cowantsiwi. Iruru bapoxonae itapetatsi pomonae cueicueijeji icha jumeintha, po jumein bequein jopa nacuidubiyo. <sup>29-30</sup> Nacom jopa apara daxita piamonae exanaeyo pomonae Jesús pia peitorobi jiwi tatsi. Matautano Nacom jopa apara daxita piamonae exanaeyo pomonae Nacom pia peitorobi jume pepaebiwi. Barichi Nacom jopa apara daxita piamonae exanaeyo pomonae jiwi pecuidubiwi Nacom Pejume Diwesi. Barichi jopa apara daxita jiwiyoy pomonae exana pexeinya petsita itatsi coyenewan. Matautano jopa apara daxita jiwiyoy pomonae axaibi peexanaewi peatenewi. Barichi jopa apara daxita jiwiyoy pomonae cueicueijeji icha jumeintha po jumein bequein jopa nacuidubiyo. Barichi jopa apara daxita jiwiyoy pomonae xuya piamonae yabara yaputane exana po jumein ichamonae cueicueijeji po jumein bequein jopa nacuidubiyo. <sup>31</sup> Ichitha paxam bewa paichichipaename po juntu cui coyenein xua bichocono wnae po coyenein xua Nacom amanaya cata piamonaetha.

*Meje xua Pablo yabara paeba peantobe coyenewa*

Ichitha anoxuae yabara paca cuidubinchi icha juntu cui coyenewa po juntu cui coyenewa bichocono toxeinchiya wnae beyacaincha xua po juntu cui coyenein aunxuae yabara paeban.

## 13

<sup>1</sup> Metha icha bequein neitacupaetsipa xua tacueicueijejwa ainya jumein po jumein ichamonae cueicueijeji, xuano po jumein matatsunpiwi cueicueijeji. Bequein metha neitacupaetsipa daichitha icha jopa ichamonae tsita xeinaeinyo peantobe coyenewa, bapoxonae saya apara pin busi jumein exanan poxonae saya cueicueijan. <sup>2</sup> Metha xan Nacom pia peitorobi jume tacueicueijan tsipae, matautano metha yaputaetsipan daxita po coyenein Nacom moya yawan xeina xua bexa Nacom exanaena, matautano metha yaputaetsipan daxita peyaputae coyenewan, matautano metha beta jume cowantsipan xua taneitacupaewa xua tsi-paeban demxuwatha xua peponaenexa. Bequein metha xeinaetsipan daxita barapo coyenein ichitha came jopa xeinaeinchipae peantobe coyenewa barapoxonae jopa ainya cui jitonyo. <sup>3</sup> Icha peacopeibi jiwitha catan daxita pocotsiwa xeinan, yawano icha caenaetan tapepon xua tanetautsinexa tatupaen tajume cowantsixae, ichitha awiya came jopa xeinaeinchipae peantobe coyenewa daxita jiwi nexa, Nacom jopa tsita ainya cuiyanyo.

<sup>4</sup> Jame pon xua peantobe coyenewa xeina daxita jiwi nexa bapon jame jantema popona poxonae bequein ichamonae abe taexanaetha xua bapon bequein abe taexanaethatsi. Barichi pon peantobe coyenewa xeina, bapon jame amanaya yabara nanta xeinaeya yawena ichamonae. Bapon jame jopa peyabara uwin pocotsiwa ichamonae xeina. Matautano bapon jame jopa pia coutha penayabara nanta xeinaein xua peainya cui jiton. Matautano jame bapon jopa paeban jiwi. <sup>5</sup> Barichi bapon jame jopa atsaquiya pepaebin. Matautano bapon jame jopa

peyabara nanta xeinaein xua saya u piawa nexa. Bapon jame jopa peanaepanaein ichamonaetha. Bapon jame xuya jopa peyantomateibin xua xuya peexanaenaxa abe bapontha. <sup>6</sup> Barichi bapon jame jopa juntu coyene weiweinaeyo poxonae ichamonae abe exana. Saya bapon jame juntu coyene weiweina poxonae ichamonae bara xainyeya exana. <sup>7</sup> Pon ba jame peantobe coyenewa xeina ichamonae nexa, bapon jame exanapona beta bequein ichamonae daunweya ayapubeya taexanaetha xua bapon daunweya ayapubeya taexanaethatsi. Bapon ba jame yabara jume cowantapona ichamonae xua barapomonae pomonae ichamonaexae itacupatsi xua xanepanaya peexanaewa. Matautano bapon jame yabara jume cowantsiya ewatapona xua ichamonae bexa beta peexanaewa tsane bequein abe peexanaewi. Matautano bapon ba saya juntea popona bequein bapon abe taexanaethatsi ichamonae.

<sup>8</sup> Po coyene xua jiwi antobe ichamonae barapo coyenewa bapana jopa weraweracae tsane. Jopaena matacabi po matacabitha jopa nantawenonae tsane xua pomonae pecueicueijeji jiwi Nacom nexa pocotsiwa Nacom yaputane exana. Barichino jopa cueicueijeji tsane icha jumeintha po jumein barapomonae jopa bequein nacuidubiyo. Matautano jopa nantawenonae tsainchi po coyene peyaputae coyenewa. <sup>9</sup> Anoxuae wayaputae coyenewa nacata seica daxota be conotha yaputainchi. Matautano Nacom yabara wacueicueijejiwa nacata seica daxota be conotha yabara cueicueijeichi Nacom. <sup>10</sup> Ichitha poxonae Cristo patopaetsica pon daxita coyenein peyaputaein bapoxonae bapon naca yaputane exanaena po coyene xua nacata seica xua wayabara cueicueijejiwa bapon, xuano xua bapon yabara yaputainchi. Barapo ainya coyenebe weraweracaena bapoxonae.

<sup>11</sup> Poxonae xan awiya pexuyon cueicueijan xua najume pexuinan. Yawano nanta xeinan icha pexuyo ichi. Matautano yaputan xua pexuyoxaein. Ichitha poxonae pinyonba nacui baraxuban pocotsiwa exanaponan poxonae pexuyon. <sup>12</sup> Bara jata coyeneya ichi anoxuae. Saya be conotha Nacom yabara yaputainchi. Baraxua be icha be pocotsi jata coyeneya ichi poxonae tsabocototha nayatainchi xua duduana xua daichitha jopa nataetsi. Ichitha bexa tsane yatsicaewa Nacom pentha tainchi peitabara. Anoxuae be conotha Nacom yabara yaputan. Ichitha bexa tsane xaniwaicha daxita beta yaputaein icha anoxuae Nacom neichi xua tanejuntu coyene yaputaewa. <sup>13</sup> Acoibi po coyenewabe ataya ayapusu tsane. Meje barapo acoibi po jume coyenewabe xuaje: Pejume cowantsi coyenewaru Nacomtha, barichi peyabara jume cowantsiya ewatsi coyenewaru Nacomtha, matautano peantobe coyenewaru. Jame po jume coyenewa bichocono toxeinchiya ainya cui beyacaincha xua icha coyenewa barapo coyenewa jame apara xua peantobe coyenewa, xua ichamonae waantobe coyenewatsi. Barapo jume coyenewa bichocono toxeinchiya ainya cui.

## 14

*Meje xua Pablo yabara paeba xua ainya jumein pepaebiwa yabara po jumein bequein jopa nacuidubiyo*

<sup>1</sup> Bewa paichichipaename xua painya nexainaewa peantobe coyenewa. Barapoxonae bewano paichichipaename icha juntu coyenein pocotsi juntu cui coyenein Nacom amanaya paca cata. Po juntu cui

coyene xua bichocono wunaey beyacaincha xua icha juntu cui coyenewa, apara barapo juntu cui coyenetha pacueicueijam Nacom pia peitorobi diwesi. Baxua jame bewa paichichipaename. <sup>2</sup> Pon ba icha jumetha cueicueijei po jumeintha xua bapon bequein jopa nacuidubiyo bapon apara tsipaeba Nacomtha. Bapon apara jopa tsipaebiyo jiwitha tsipei jiji jopa yaputaeyo pocotsiwa paeba bapon. Pocotsiwa bapon paeba apara Nacom pia Pejumope tanaxu tatsi cueicueijei exana. Bapon apara paeba pocotsiwa Nacom moya yawun xeina, pocotsiwa xua bequein jiji jopa yaputaeyo. <sup>3</sup> Ichitha nama seicaya pon jame Nacom Pejume Diwesi cueicueijei jiwitha, jiji yaputane exanaeinchi Nacom yabara. Matautano bapon poxonaey Nacom Pejume Diwesi cueicueijei yawena ichamonaetha xua barapomonaey juntu cui coyene tsacabatsi xua Nacom pejume cowantsiwatsi. Barichi poxonaey cueicueijei Nacom Pejume Diwesi juntu coyene sadujei exana pomonaey anthatharewe xua anthathutane. <sup>4</sup> Pon ba cueicueijei ainya jumeintha po jumeintha bequein bapon jopa nacuidubiyo, bapon ba saya pia coutha nayawena xua peyabara yaputaewa Nacom. Ichitha pon ba cueicueijei jiwitha Nacom nexa po coyene Nacom yaputane exana, bapon jiji yaputane exainchi Nacom yabara pomonaey xua Nacom pejume cowantsiwichi.

<sup>5</sup> Ichichipan xua daxita paxam painya necueicueijeiwa icha jumeintha, po jumein bequein jopa panacuidubim. Jame yatsicaewa bichocono ichichipan xua painya necueicueijeiwa Nacom Pejume Diwesi ichamonaetha. Pon ba xua Nacom Pejume Diwesi cueicueijei ichamonaetha, bapon ba jame wunaey exana beyacaincha pon icha jumeintha cueicueijei. Ichacuitha bapon pon icha jumeintha paeba itacupatsi xua yabara jume yaputane exana jiwitha po jumein xua pipato pepaebi jumein. Icha bapon barapo coyene exana bapoxonaey bapon yawena pomonaey pejume cowantsiwi Nacom xua beta mataropeicha pejume cocowantaponaenexa Cristo. <sup>6</sup> Tamonaey pam, icha poxonaey paca siwa ponaetsipatsi paca tsipaebichipatsi po jumeintha jopa nacuidubinyo tacoutha, bapoxonaey apara jopa paca yawenaetsipaey. Ichitha icha paca tsipaebichipatsi po diwesi Nacom neyaputane exana, baxua jame paca yawenaetsipa xua beta painya nejume cowantsiwa Nacom. Ichitha icha ichacuitha paca tsipaebichipatsi pocotsiwa xua nacuiduban baxua jame paca yawenaetsipa. Matautano icha ichacuitha paca tsipaebichipatsi pocotsiwa xua Nacom Pejume Diwesi paeba pocotsiwa bexa Nacom exanaena, baxua jame paca yawenaetsipa. Ichacuitha icha paca cuidubichipatsi Nacom Pejume Diwesi baxua paca yawenaetsipa.

<sup>7</sup> Jiwi ba tanbaba po petanbabiwa arpa matawun, xuano ba oba po peobiwa pewun flauta. Ichitha icha barapo ainya pecajume exanaewan jopa xapain busi pichapaetsipae bapoxonaey jiwi jopa xapain yaputaetsipae po wei xua icha jiwi wei tanbaba. <sup>8</sup> Barichi poxonaey ba jiwi naba ichamonaetha bapoxonaey ba oba xua penajunutsiwa. Ichitha icha barapo busi, busi caewa, jiwi jopa xapain busi taeyo. Bapoxonaey jiwi jopa itacupaetsi xua penacui wunaetsiwa xua penabinexa. <sup>9</sup> Barichi paxamtha. Icha icha jumeintha papaebichipame jiwitha, po jumeintha bequein jopa panacuidubim, xuano iru barapo jiwi jopa nacuidubiyo bapoxonaey jiwi jopa xapain paca yaputaetsipae. Baraxua apara be saya poxonaey sito patsipaebame. <sup>10</sup> Metha beya tsipae xua

barapo nacuathe ainya jumein xeinaetsipa xua jiwi barompaya tsanaya pijumeintha paeba. Daxita barompaya pia matabaxumonaein tsiniya xeina po jumein xua yaputane barapomona. <sup>11</sup> Ichitha icha xan jopa yaputaeyno po jumetha xua ichan netsipaeba bapoxona xan be tsita tana nanapaincha poponaein xua be icha nacua werena taponaein iru baponda be netsita penanapaincha poponaein xua be icha nacua werena peponaein. <sup>12</sup> Paxam paichichipame po juntu cui coyenein Nacom pia Pejumope tana xu tatsi amanaya cata piamaeatha. Yaitama baxuan paichichipame daxota bichocono pawncare barapo Nacom pia Pejumope tana xu tatsi xua painya nepaca catsibinexa po juntu cui bichocono wnae. Baxua pawncare xua painya neyawenaenexa pomona pejume cowantsiwi Nacom, xua beta pejume cocowantaponaenexa Nacom.

<sup>13</sup> Daxota pon icha cueicueijeie icha jumetha po jumetha bequein bapon jopa nacuidubiyo, bapon bewa wcaena Nacomtha xua Nacom bapontha yabara jume yaputane pecana exanaenexa barapo jume. Bapoxona bapon itacupatsi xua yabara yaputane exana barapo jume xua ichamona yaputane exanatsi. <sup>14</sup> Icha icha jumetha tsipaeban Nacomtha po jume bequein jopa yaputaeyno saya apara tajumope tana xu tsipaeba Nacomtha. Tajuntu coyene jopa yaputaeyno xua tatsipaebiwa Nacom. Barichi ichamona jopa yaputaeyno xua tatsipaebiwa Nacom. <sup>15</sup> ¿Eta xua bewa exanocuaein? Jame, bewa wcaein Nacom tajumope tana xutha po jumein jopa yaputaeyno. Matautano bewa wcaein Nacom tajuntu coyenewatha po jumein yaputan. Barichi bewa naxnaein Nacomtha tajumope tana xutha po jumein jopa yaputaeyno. Matautano bewa naxnaein tajuntu coyenewatha po jumein yaputan. <sup>16</sup> Ichacuiitha metha icha jumetha wnae jainchipame Nacom xua nejumope tana xu cueicueijeie cacana exana. Pomona xua cajume taetsipa jopa cajume yaputaetsipae. Daxota jopa itacupaetsipaetsi xua peburaya necajume notsiwa Nacom nexa, xua pejeinexa: “Bara ichi tsane”, xua pejeiwa. <sup>17</sup> Poxona bequein Nacomtha wcaetsipame icha jumetha bara bequein wnae pocotsiwa xua paebame, daichitha ichan jopa yawenaetsipaetsi xua beta pejume cowantsiwa Nacom. <sup>18</sup> Nacomtha tsipaeban paxam yabara, janje: “Nacom maisa juntu coyene weiwein, xua icha jumeintha tacatsipaebiwatsi, beyacaincha daxita barapomona xua icha jumeintha catsipaeba”, jan. <sup>19</sup> Ichitha poxona pomona Nacom pejume cowantsiwichi nacaetuta penacaetutsi botha bara saya wnae tsipae xua icha saya cinco po jumebe tacuidubiwa tsipae xua jiwi peyaputaewa tsane. Baxua beyacaincha xua poxona icha metha cueicueijan tsipae diez mil po jumebe, po jume xua jopa nacuidubinyo. Bequein barapo diez mil po jumebe paebichipan daichitha jiwi jopa yaputaetsipae xua tacueicueijeiwa.

<sup>20</sup> Tamona pam, paxam pomona iru painya nejume cowantsiwixae Jesucristo. Painya xoba pananta xeiname icha pexui ichi poxona nanta xeina. Jame pajinompa dubenanaebiyama icha pexui ichi poxi pencuetixi xua jopa abe exanaeyo. Maisa jame pananta xeina dubenanaebiyama icha pomona pinyon ichi xua nanta xeina dubenanaebiwa. <sup>21</sup> Nacom jeye pia peitorobi jume diwesitha: “Paebin barapo judiomonaetha poxona cueicueijeie cana exanaein pomona penanapaincha jinompawwi xua icha nacupawwi po jumein xua jopa yaputaeyno pomona xua petsipaebixaetsi. Bequein baxua exanaein ichitha cataunxuae



barapo judiomonae jopa nejume tae tsane”, jei pon jiwi Pecanamataxeinaein pia peitorobi jume diwesitha. <sup>22</sup> Daxota xua pecueicueijejiwa icha jumeintha tsita itapeinya xeina xua pomonaetha pomonae jopa pejume cowantsiwi xua apara Nacom atene exanaena barapomonae jopa pejume cowantsiwi, poxoru Nacom jopa atene exanae tsane barapomonae. Ichitha xua cueicueijeji Nacom Pejume Diwesi, baxua tsita itapeinya xeina pomonaetha pomonae pejume cowantsiwi xua apara Nacom yawenaena barapomonae peantobexae tsipei barapomonae Nacom jume cowantsi. Barapo Nacom Pejume Diwesi pecueicueijejiwa jopa apara nexiyo pomonae jopa pejume cowantsiwi poxoru Nacom jopa yawenae tsane barapomonae jopa pejume cowantsixae Nacom. <sup>23</sup> Ichacuitha metha patsipa painya nenacaetutswatha xua poxonae Nacom wnae pajaintame pomonae jopa yabara yaputaeyo poxonae ichamonae pecueicueijejiwa icha jumeintha, iru pomonae jopa pejume cowantsiwi Nacom. Icha metha daxita paxam barompaya papaebichipame icha jumeintha barapomonae jopa paca yaputaetsipae. Bapoxonae barapomonae paca yabara nanta xeinaetsipa xua apara painya nepacamatajemabi jiwi pam. <sup>24</sup> Ichitha metha pebiwi patsipa painya nenacaetutswatha xua poxonae Nacom wnae pajaintame pomonae jopa yabara yaputaeyo poxonae ichamonae pecueicueijejiwa icha jumeintha, iru pomonae jopa pejume cowantsiwi Nacom. Poxonae daxita paxam Nacom Pejume Diwesi papaebichipame barapomonae paca yaputaetsipa xua papaebame. Bapoxonae barapomonae najuntu coyene cayabara nanta xeinaetsipa xua abe peexanaewa. Matautano barapomonae yaputaetsipa xua Nacom petsita natsicuentswatsi xua abe peexanaexae xua poxonae painya necajume taexae poxonae papaeabame Nacom Pejume Diwesi. <sup>25</sup> Nacom exana xua barapomonae peyaputaewa po coyene xua Nacom daxita beta yabara yaputane po coyene xua barapomonae nanta xeina pejuntu coyenewatha. Bapoxonae barapomonae yaputaena xua bara Nacom junteina barapomonae abe pia peexanae cuiru coyenein tatsi. Bapoxonae pentabocototha umenaena xua Nacom wnae pejainchinexa tsainchi. Barapomonae jei tsane paxamtha: “Jaina, maisa deta Nacom paca baru jinompa!” paca jei tsane barapomonae.

*Meje xua Pablo jeye: “Beta xanepanaya paexanaponde penacaetutswi bontha poxonae wnae pajainteibame Nacom”, jei*

<sup>26</sup> Tamonae pam, paxam pomonae iru painya nejume cowantsiwixae Jesucristo. Paca tsipaebatsi xuaje: Poxonae pana nacaetutame, ichamonae painyamonae jiwana barabu naxunaena peweixi xua wnae pejainchinexa Nacom. Ichamonae iru barabu cuidubina ichamonaetha. Ichamonae iru barabu cuidubina po coyenein Nacom yaputane exana. Ichamonae iru barabu icha jumeintha cueicueijeji tsane po jumein bequein jopa nacuidubiyo. Ichamonae iru barabu xuya barapo jumein yabara jume yaputane exanaena daxita jiwitha po jumein ichamonae paeba. Daxita po coyenein xua paexaname bara wnae paexande poxonae panacaetutame wnae painya jaintsinexa Nacom xua daxota xanepanaya mataropeicha painya nejume cocowanta dubenanaebiyaenexa Nacom. <sup>27</sup> Poxonae icha jumeintha pacueicueijam bewa

saya cueicueijeji nacueyatabe poyobe ichacuitha poxonae acoibi poyobe. Ichitha ichamonaе ajibi tsane. Barapo acoibi poyobe bewa xuya cotacaya barompaya tsana cueicueijeji tsoponae tsane. Bewa bapoxonaе xuya ichan cotacaya yabara jume yaputane exanae pocotsiwan xua barapo acoibi poyobe barompaya seicaya paeba. <sup>28</sup> Ichun dapocotsin aibi pon itacupatsi xua xuya cotacaya peyabara jume yaputane exanaewa, jopa bewa barapo acoibi poyobe icha jumeintha paebi tsane penacaetutsi jiwitha xua poxonae Nacom wanae pejainchinexa. Saya bewa moya pia coutha cueicueijeji Nacomtha. <sup>29</sup> Bara wanae tsipae icha saya pacopatsipame nacueyatabe poyobe xua pecueicueijejwa Nacom Pejume Diwesi xua ichacuitha poxonae saya acoibi poyobe. Ichamonaе bewa jume taena icha metha bara xaniwaicha paeba barapo acoibi poyobe. <sup>30</sup> Icha ichun eca baxota pon Nacom yaputane exana po jumein bewa cueicueijeji tsane bapoxonaе pon xua copiya asiya uncua bewa moya ecaena xua daxota barapon pon ichun itacupatsi xua cueicueijeji po jumein Nacom yaputane exana. <sup>31</sup> Daxita paxam paca itacupa xua painya necueicueijejwa Nacom Pejume Diwesi, painya necana exanaenexa xua daxita barapomonaе penacuidubinexa. Matautano paca itacupa painya necueicueijejwa painya nejuntu cui tsacabinexa daxita jiwi pejume cowantsinexa Nacom. Ichitha jame paxam barompaya tsanaya xuya patamropatsiya cueicueijam tso-poniebim tsane. <sup>32</sup> Pomonaе Nacom Pejume Diwesi pecueicueijejwi barapomonaе itacupatsi xua penajuntu coyene itorobiwa. Daxota barapomonaе ewata xua ichun matha pecueicueijejinexa, xua bapoxonaе bara pecueicueijejinexa tsane ichamonaetha. <sup>33</sup> Tsipei Nacom jopa ichipaeyo xua jiwi ajumeyaexa poxonae daxita jiwi pebaruya cueicueijeji Nacom Pejume Diwesi. Jame Nacom ichichipa xua pomonaе pejume cowantsiwi junteма penabarun jinompaewa poxonae nacaetuteiba xua wanae pejainchinexa Nacom.

Daxita pomonaе xua nacaetuta pejume cowantsixae Jesucristotha, exana xuaje: <sup>34</sup> Yabuxi bewa saya moya poxonae nacaetuta pomonaе Nacom pejume cowantsiwi xua Nacom Pejume Diwesi pecueicueijejinexa. Nacom baxua jopa copatsiyo xua yabuxi pecueicueijejwa baxota. Barapo yabuxi bewa jume cowantsina pia seuriwi pocotsiwa itorobeibatsi icha be pocotsi coyeneya bayatha Moisés pia peitorobi coyenewatha paeba. <sup>35</sup> Icha barapo yabuxi ichichipa xua peyaputaewa pocotsiwa ichamonaе paeba, bewa barapowaxi pia boxitha yainyabi pia seuriwi. Tsipei jopa wanae tsipae icha yabuyo cueicueijeji penacaetutsimonaetha pomonaе Nacom pejume cowantsiwichi xua poxonae yainyaba pia pebiwi.

<sup>36</sup> Paxam bewa payaputaename xua Nacom Pejume Diwesi jopa copiya matha tamropata pitabiyo painya xantha. Matautano jopa paxam compa pam pomonaе meisa paxeiname Nacom Pejume Diwesi. <sup>37</sup> Ichamonaе pomonaе paxam jiwana pam nanta xeina xua xeina po juntu coyenewatha pecueicueijejwa Nacom Pejume Diwesi. Barapo juntu coyene xua Nacom pia Pejumope tunaxu tatsi amanaya cata. Matautano ichamonaе pomonaе paxam jiwana pam nanta xeina xua xeina icha juntu coyenewa po juntu coyene Nacom cata. Daxita paxam bewa payaputaename xua po coyenein yabara pacata tinatsi xua apara Nacom wanaca itorobiwa. <sup>38</sup> Icha pebin jopa bejume cowantsiyo pocot-

siwa paeban, bapoxonae painya xoba pajume cowantame pocotsiwa bapon paeba.

<sup>39</sup> Tamonae pam, paxam pomonae iru painya nejume cowantsiwixae Jesucristo. Bewa jame paichichipaename xua painya necueicueijeixa Nacom Pejume Diwesi. Painya xoba pajume itawetame poxonae ichamonae cueicueijeixa jumein po jumein bequein jopa nacuidubiyo.

<sup>40</sup> Daxita beta xanepanaya paexanaponde poxonae pana nacaetutame penacaetutsi botha xua poxonae wanae painya nejainchinexa Nacom, xua barompaya tsanaya patamropatsiya exanaponde.

## 15

*Meje xua Pablo yabara paeba poxonae Cristo equeicha asu exainchi*

<sup>1</sup> Tamonae pam, paxam pomonae iru painya nejume cowantsiwixae Jesucristo. Ichichipan xua pacayabara nanta xeiname po diwesi pecapanenebiyae diwesi jume, po diwesi paca tsipaebatsi. Barapo pecapanenebiyae diwesi pajume cowantame, xua daxota beta pajume cowantsiya jinompame Nacomtha. <sup>2</sup> Painya nejume cowanta dubenanaebiyaexae barapo pecapanenebiyae diwesi, anoxuae painya nepaca capanenebiyae jiwi pam abe painya neexanae cuiru coyenein weya. Barapo coyene paxeina dubenanaebiyaename icha beta payabara jantanainame pocotsiwa paca cuidubatsi xuanu icha xaniwaicha pajume cowantame baxuan. Icha copiya jopa pajume cowantsim tsane painya juntu coyenetha barapo pecapanenebiyae diwesi bapoxonae Nacom jopa paca capanenebiyae tsane.

<sup>3</sup> Copiya paca cuidubatsi pocotsiwa xua ichu necuiduba xua Cristo yabara. Paca cuidubatsi xua Cristo naca tsitupa abe waexanae cuiru coyenein nexa icha be pocotsi coyeneya bayatha Nacom Pejume Diwesitha yabara paeba baxua. <sup>4</sup> Poxonae Jesucristo tupa bapoxonae muthutha xotsi. Ichitha poxonae acoibi po matabibibe jopa, barapo matabibitha equeicha asu exanatsi, icha be pocotsi coyeneya bayatha Nacom Pejume Diwesitha yabara paeba baxua. <sup>5</sup> Bapoxonae Pedro tsita naitutatsi Jesucristo. Bapoxonae equeicha Jesucristo tsita naituta pia peitorobi jiwi tatsitha pomonae doce poyobe. <sup>6</sup> Bapoxonae caena equeicha Jesucristo tsita naituta pomonaetha pomonae pia pejume cowantsi jiwixaetsi, pomonae beyacaincha quinientos poyobe jiwi. Awiya pinmonae barapo bicheito jiwana monae jinompa anoxuae pomonae xua Jesús tainchi bequein ichamonae werapa bayatha, pomonae barapomonae jiwana. <sup>7</sup> Bapoxonae equeicha Santiago tsita naitutatsi Jesucristo. Bapoxonae equeicha Jesús tsita naituta daxita pomonaetha pomonae pia peitorobi jiwi tatsi.

<sup>8</sup> Bapoxonae nama matapainya xan Pablon netsita naituta Jesucristo. Nacom necana exana pon pia peitorobi jiwi jiwana tatsin, xua pon tabu ducuan. Xan be pon xua nainya jemeicha jume cowantan icha be pocotsi coyeneya ichi poxonae pexuyo pena nainya jemeicha tsiperu wenaexana. <sup>9</sup> Xan wepu be conotha ainya cuin pomonae Jesucristo pia peitorobi jiwi tatsi. Ichamonae pomonae Jesucristo pia peitorobi jiwi tatsi bichocono ainya cui beyacaincha xua xan. Bequein Nacom neyabara caunuta xua xan Jesucristo pia peitorobi jiwi tatsi jiwana ichitha auran tsipei bichocono abeya exanan pomonaetha pomonae

penacaetsimonae jiwitha pomonae pejume cowantsiwi Nacom. Pebaraxuaxae jopa bewa neyabara caunutsi baxua. <sup>10</sup> Ichitha xan nama anoxuae seicayiya exanan Nacom taneyawenaexae. Bapon tana neantobexae jopa abeya taexanaeinyo. Jame nama seicaya bichocono ayapusa nacuitan Jesucristo nexa beyacaincha ichamonae pomonaexae Jesucristo pia peitorobi jiwi tatsi. Ichitha xan jopa tacouthinyo xua tanacuichiwa, apara jame Nacom neyawena tana neantobexae. <sup>11</sup> Jopa ainya cuiyiyo pomonae bayatha paca cuiduba Nacom Pejume Diwesi. Jopa ainya cuiyiyo icha ichamonae pomonae Jesús pia peitorobi jume pepaebi jiwi bayatha paca cuiduba. Matautano jopa ainya cuiyiyo icha xan bayatha paca cuidubatsi. Saya jame ainya cui xua daxita paxan nanta japaya tapaca cuidubiwatsi barapo Nacom pia pecapanenebiyae diwesi jume xuano xua painya nejume cowantsiwa baxua.

*Meje xua Pablo yabara paeba pomonae xua equeicha asu exanatsi petupae cuiru coyene weya*

<sup>12</sup> Paca cuidubatsi xua Cristo equeicha asu exanatsi petupae cuiru coyene weya. Daichitha pomonae paxam jiwana pam paeba xua pinae Nacom jopa equeicha asu exanaeyo jiwi petupae cuiru coyene weya. ¿Eta xua nexata metha baxua paeba painyamonae jiwana? Bara bayatha payabara yaputanemebe. <sup>13</sup> Icha jiwi jopa equeicha asu exanaetsipaetsi petupae cuiru coyene weya, bara nexata Cristo barichipaetsi, jopa equeicha asu exanaetsipaetsi petupae cuiru coyene weya. <sup>14</sup> Icha Cristo jopa equeicha asu exanaetsipaetsi petupae cuiru coyene weya, bapoxonae jopa ainya cui tsipae pocotsiwan paca cuidubatsi. Bapoxonae baxua be xua pejumexaei tsipae tsipei jopa paca yawenaetsipae. Matautano barichi painya nejume cowantsiwa jopa ainya cui tsipae jopa painya nepaca yawenaexae tsipae. <sup>15</sup> Icha baxua xaniyei paxan be pomonae pemuxitorobi jiwi pan tsipaein pocotsiwa Nacom payabara paeban, tsipei paxan apara papaeban xua Cristo equeicha asu exanatsi petupae cuiru coyene weya. Papaeban xua Nacom equeicha Cristo asu exanatsi petupae cuiru coyene weya ichitha baxua jopa xainyeyo icha jiwi jopa equeicha asu exanaetsi petupae cuiru coyene weya. <sup>16</sup> Icha petupae jiwi jopa equeicha asu exanaetsipaetsi petupae cuiru coyene weya, barichi Cristo bayatha jopa equeicha asu exanaetsipaetsi petupae cuiru coyene weya. <sup>17</sup> Icha Cristo jopa equeicha asu exanaetsipaetsi petupae cuiru coyene weya bapoxonae jopa paca yawenaetsipae xua painya nejume cowantsiwa. Daxota awiya paexana dubenanaebiyaetsipame abe painya neexanae cuiru coyenein. <sup>18</sup> Icha baxua xaniyei tsipae xua Cristo jopa asu exanaetsipaetsi petupae cuiru coyene weya bapoxonae pomonae xua bayatha werapa bequein jume cowantsitha tsipae Jesús, ichitha weraweracaetsipa xua abe peexanaexae. <sup>19</sup> Waxainchi jume cowantsiya wuna ewafatsi xua bexa tsane Cristo naca asu exanaena poxonae werapaeinchi. Ichitha icha saya jume cowanta dubenanaebiyaetsipatsi xua Nacom wanaca yawenaewa tsane barapo cae pin nacuathe, bapoxonae wajume cowantsiwa jopa naca yawenaetsipae xua po coyene Nacom bexa asu wanaca exanaewa tsane poxonae werapaeinchi. Bapoxonae jiwi pomonae jopa pejume cowantsiwi naca yabara jei tsipae: “¡Pai barapomonae tsobenae beyacaincha ichamonae bequein jume cowantsitha tsobenae!” xua wanaca yabara jeichiwa tsipae.

<sup>20</sup> Ichitha pocotsiwa xua yatsicaya jame xainyei, apara jame xua Cristo bara yatsicaya asu exanatsi petupae cuiru coyene weya. Bapon Cristo copiya jiwi asu canamata exanatsi xua petupae cuiru coyene weya pomonae xua ataya tsitecaeya peasunexa xua jopa weraweracaeyo. <sup>21</sup> Jiwi abe peexanae cuiru coyenein peexanaexae daxota werapa, tsipei jiton copiya abe canamata exana, bapon Adán. Nama jiwi equeicha asu exanatsi, tsipei jiton copiya asu canamata exanatsi, bapon Jesucristo. <sup>22</sup> Jiwi werapaena icha Adán ichi abe peexanaexae. Daxita pomonae Cristo piamonae tatsi equeicha asu exanaeinchi petupae cuiru coyene weya icha Cristo cana ichichi xua asu exanatsi xua petsitecaenexa. <sup>23</sup> Nacom iche tsane xua poxonae exanaena xuaje: Copiya matha Cristo asu exanatsi. Bexa tsane pomonae Cristo piamonae tatsi asu exanaeinchi petupae cuiru coyene weya poxonae Cristo equeicha patopaetsica barapo irathe tsique. <sup>24</sup> Cristo weraweraca exanaena daxita, xua peitorobi coyenewan. Matautano muxuna weraweraca exanaena xua nacuan peewatsi coyenewan. Matautano muxuna weraweraca exanaena peayapusya itorobi coyenewa po peayapusu itorobi coyenewa xua jopa Nacom pia coyenewa tatsi. Bapoxonae poxonae wetsina daxita, Cristo pia peayapusu itorobi coyenewa Paxa caewa catsina, pon Nacom. <sup>25</sup> Tsipei Cristo bewa tsiwanaya exanaponaena daxita jiwitha be pon jiwi itorobiya pia pepa peewatsinchi. Baxua bewa exanaena beya poxonae Nacom weraweraca exanaena pomonae Cristo pia peitafaetabi jiwichi. <sup>26</sup> Po coyene Nacom cotacaya exanaena xua apara piamonae asu cana exanaena xua bapana jopa peweraweracaewa tsane. <sup>27</sup> Tsipei Nacom Pejume Diwesitha paeba xua pinae Nacom itorobina Pexanto pon Jesucristo xua itorobiya pecanamataxeinaenexa daxitantha. Bequein bara Jesucristo daxitantha itorobiya canamataxeinaena saya Paxatha meisa jopa itorobiyo tsane. <sup>28</sup> Copiya Nacom exanaena xua Cristo itorobiya canamataxeinaena daxitantha. Bapoxonae Cristo Nacom Pexanto tatsi pia coutha nacana exanaena xua Paxa itorobiya pecanamataxeinaenexa tsainchi. Bapoxonae Nacom xaniwaicha itorobiya canamataxeinaena daxitantha.

<sup>29</sup> Ichacuitha ichamonae bautisabatsi pomonae pewerapaewi tsi-bautisabatsi xua barapomonae equeicha peasunexa pepatsinexa Nacom pia nacuatha. Icha pewerapaewi jopa equeicha asu exanaetsi petupae cuiru coyene weya bapoxonae barapomonae pomonae pewerapaewi jopa yawenaetsi bequein petsibautisabithatsi xua ichamonae bautisabatsi xua peasunexa pomonae werapa. <sup>30</sup> Daxita matabi jinompeibatsi xua naca peipeita ichamonae xua naca abe exana wajume cowantsixae. Icha jopa equeicha asu naca exanaetsipae jopa ainya cui tsipae xua wacueicueije tsurubenanaebiwa Nacom Pejume Diwesi. <sup>31</sup> Tamonae pam, paxam pomonae iru painya nejume cowantsiwixae Jesucristo. Daxita matabi muxu tatupeibi xua ichamonae tanepipeita exaneibixae. Baraxua xaniyei icha ichi xua xaniyei xua juntu coyene weiweinan xua Jesucristo pon Wanacanamataxeinaein xanapanaya peexanaexae painya xantha. <sup>32</sup> Xan bara imoxoyo tatupae poxonae Efeso tomarapiwi inta abe exana. Barapomonae baraxua necana exana icha neuthu ichi poxonae ichun waetabatsi. Bequein barapomonae baxua necana exana xua muxu tatupae ichitha jopa asu neexanaetsipae petupae cuiru coyene weya icha jiwi equeicha jopa asu exanaetsipae.

Icha jopa equeicha caewa asu naca exanaetsipae bara saya exana dubenanaebiyaetsipatsi pocotsiwa ichichipatsi. Poxonae baraxua exanatsi jupa exanatsi icha ichamonae ichi pomonae jopa peyabara jume cowantsiwa xua bara asu peexanaewatsi. Barapomonae jeye: “Anoxuae nabanaeinchi yawa apaeinchi, tsipei baya werapaeinchi jopa naca tsita ainya cuiyo”, jei barapomonae, pomonae jopa pejume cowantsiwi.

<sup>33</sup> Painya xoba pacopatame xua bara ichamonae painya nepaca muxitorobeiwiwa. Jiwi ba pia pecayabara jata pepaebi diwesiyo ba jei: “Pomonae abe peexanaewi cuiduba ichamonaetha pomonaetha pomonae ichipa beta exana, xua barapomonae abe peexanaenexa”, ba jei barapo diwesiyo. <sup>34</sup> Equeicha caewa paexande po juntu coyene xua bichocono Nacom tsita xanepanatsi. Painya xoba equeicha abe paexaname. Ichamonae paxam jiwana pam jopa Nacom yaputaetsi. Baxua paca tsipaebatsi xua painya neuranexa.

*Meje po coyeneya xua Nacom exanaena poxonae jiwi equeicha asu exanaeinchi petupae cuiru coyene weya*

<sup>35</sup> Metha ichan yainyabina, jei tsane: “¿Eta po coyeneya Nacom exanaena poxonae pewerapaewi equeicha asu exanaeinchi? ¿Eta pocotsi pepon barapomonae xeinaena?” jei tsane. <sup>36</sup> Barapo peyainyabiwa saya pejumexaei. Poxonae paubame peubi xuto, barapo xuto burpana bocareca iratha xua pexu nantafobabinexa poxonae xua nae pexuwinexa. <sup>37</sup> Poxonae paubame jopa apara pepaboto paubim xua pepa nae pexuwinexa. Jame apara ba pexu paubame, metha beya xua trigo xuto tsipae, ichacuitha metha icha pexuton tsipaeno. <sup>38</sup> Cotacaya Nacom exana xua barapo pexu xuwa icha be pocotsi coyeneya Nacom ichichipa. Daxita peubi xuton tsanaya seicaya pia cui barompa poxonae xuwa. <sup>39</sup> Barichi jiwi pepon daxita jopa najupaeyo. Jiwi pia pepon seicaya tsanaya barompa. Duwei unupiwi pia pepon seicaya tsanaya barompa. Duwei menepiwi seicaya pia pepon tsanaya barompa. Pepupunaewi seicaya pia pepon tsanaya barompa. <sup>40</sup> Peitabocotha xeina ainya pepon po ainya pepon peitabocotha pejinompaewi nexa. Barichi barapo irathe xeina ainya pepon pomonae barapo irathe pejinompaewi nexa. Po pepon pexeinya peitapanae coicha xeina xua peitabocotha jinompa barapo pepon bichocono pexeinya pepon. Barichi wapepon pexeinya pepon po pepon xeinatsi po cae pin nacuathe. <sup>41</sup> Xomoto poto atsato pia pexeinya peitapanae coicha barompa. Barichi jomocoichato pia peitapanae coicha barompa. Opiteino pia peitapanae coicha barompa. Icha opitei pia peitapanae coicha jopa nacoicha jupaeyo icha opiteitontha po opiteiton pia peitapanae coicha xeina. <sup>42</sup> Barapocotsi jata coyeneya ichi pomonae xua equeicha asu exanatsi petupae cuiru coyene weya. Poxonae pomonae pewerapaewi iratha muthacatsi equeicha caewa tsorobo naexana petsabanaexae. Bapoxonae equeicha Nacom asu exanaena pena pepon xua petsitecaenexa. Barapo pena pepon bapana jopa tupa tsane equeicha, jopa petsabanaexae tsane. <sup>43</sup> Barapo peru pepon jopa xeinaeyo peitapanae coicha poxonae muthatha xotsi. Ichitha jame barapo pena pepon xeina pexeinya peitapanae coicha. Barapo peru pepon jopa xeinaeyo peasuwa poxonae muthatha boca. Ichitha jame barapo pena pepon xeina peasuwa. <sup>44</sup> Barapo peru pepon saya barapo cae pin nacuathe nexa. Daxota poxonae tupa, tsabana naexana, tsorobo equeicha caewa penaexanaenexa. Ichitha poxonae

barapo pepon asu exanaeinchi, bapoxonae pena pepon naexanaena pejumope tynaxu nexa xua Nacom pia nacuatha peponaenexa. Icha jiwi xeina peru pepon xua barapo cae pin nacuathe nexa, barichi pena pepon xeinaena xua Nacom pia nacuatheicha nexa.

<sup>45</sup> Nacom Pejume Diwesitha jeye: “Po jiton copiya Nacom forota, bapon Adán. Bapon peasawa xeina xua pepoponaenexa barapo cae pin nacuathe”, jei Nacom. Ichitha Cristo Adán bichocono tox-eincha ainya cuichi equeicha caewa asu peexanaexaetsi. Daxota bapon Cristo itacypatsi xua ichamonaetha cana exana xua pexeinaewa peajuntuyapusawa xua po peajuntuyapusawa ataya tsiteca. <sup>46</sup> Copiya jopa xeinaetsi po pepon Nacom pia nacuatha nexa. Saya copiya xeinatsi po pepon barapo cae pin nacuathe nexa. Ichitha cotacaya bexa tsane xeinaeinchi po pepon pena pepon Nacom pia nacuatha nexa. <sup>47</sup> Po jiton copiya exanatsi, pon tsorobo weya exanatsi, bara bapon apara saya barapo cae pin nacuathe nexa. Po jiton xua cotacaya patopa bapon apara Cristo pon itaboco wepatopeica. <sup>48</sup> Po jiwi xua barapo nacuathe jinompe pia pepon exanatsi icha Adán ichichi xua pia pepon tsorobo weya exanatsi. Ichitha pomonae Jesucristo piamonae tatsixae barapomonae xeinaena pepon icha ichi xua pocotsi pepon xeina Cristo, pon xua itaboco wetsica pona. <sup>49</sup> Anoxuae wapepon werapaena icha Adán pia pepon tatsi ichi xua bayatha tupa. Ichitha poxonae Nacom pia nacuatha patinchi wapepon xeinaeinchi pocotsi pepon icha Cristo pia pepon tatsi ichi xua pexeinya peitupanae coicha xeina.

<sup>50</sup> Tamonae pam paxam pomonae iru painya nejume cowantsiwixae Jesucristo, yabara paca tsipaebatsi po pepon yawa jinompatsi. Barapo pepon jopa naca itacypaeyo xua wayawa patsiwa Nacom pia peitorobi nacuatheicha xua ataya tsitecaeya wajinompaenexa tsane, tsipei barapo pepon tupa. <sup>51</sup> Paca tsipaebatsi pocotsiwa xua namicha xua jiwi jopa yabara yaputaeyo xua Nacom moya yawun xeina. Daxita pomonae waxainchi jiwanatsi jopa weraweracae tsainchi xua ataya tsane. Ichitha daxita waxainchi xeinaeinchi icha pepon. <sup>52</sup> Poxonae trompeta matawun asiya obina xua poxonae Nacom daxita wetsina, bapoxonae Nacom jemeicha nainya asu exanaena pomonae pewerapaewi pomonae pejume cowantsiwixae Cristo. Baxua nainya exanaena icha be pocotsi jata coyeneya ichi poxonae jiton nainya naichaquetabiya necotaba. Pewerapaewi asu exanaeinchi xua equeicha bapana jopa peweraweracaenexa tsane. Bapoxonae waxainchi pomonaetsi cataunxuae jinompatsi nainya icha pena pepon xeinaeinchi. <sup>53</sup> Wapepon po pepon tsorobo weya naexana bewa naexanaena icha pepon xua jopa weraweraca exanaetsi. Wapepon xua itacypatsi xua pewerapaewa, bewa pepon naexanaena po pepon xua jopa werapaeyo. <sup>54-55</sup> Wapepon xua weraweracaena Nacom equeicha asu exanaena pena pepon po pepon jopa weraweracae tsane. Poxonae baxua exanaena jopa weraweracaeyo. Yawa barapo pepon itacypatsi xua werapa ichitha barapo pepon naexanaena po pepon xua jopa werapaeyo. Bapoxonae baxua nayabara jume cui weta xua exana pocotsiwa bayatha Nacom Pejume Diwesitha tsiwunae yabara muxu duta. Nacom Pejume Diwesitha jeye: “Poxonae Nacom pena pepon cana exanaena piamonae, bapoxonae Nacom amanayabina pontha pon jiwi tupa peexanaein”, jei Nacom Pejume Diwesitha. <sup>56</sup> Pocotsiwa xua naca amanayaba, apara xua waw-

erapaewa abeya waexanaexae. Pomonae exanaetha pocotsiwa Moisés pia peitorobi coyenewatha itoroba, barapomonae awiya werapa poxorū barapomonae awiya abe peexanaexae. <sup>57</sup> Paxan pajan Nacomtha: “Nacom, maisa pajantū coyene weiweinan xua pata tanecatsiwan jinya neayapusū itorobī coyenewa pata amanayabinexa abe peexanae cuiru coyenein. Barapo coyene pana catame xua poxonae Jesucristo pon pata Necanamataxeinaein naetotha pata tana tsitūpaexae”, pajan.

<sup>58</sup> Tamonae pam, paxam pomonae tapaca caantobe jiwichi pam. Painya neamanayabixae abe painya neexanae cuiru coyenein, pana najantū ayapusū exande Nacomtha. Painya xoba payabara cui copatame xua bara ichamonae paca cana exanaena xua icha coyeneya painya neexanaewa tsane. Ataya beta panacuita dubenanaebiyama Nacom nexa. Tsipei paxam payaputaneme po penacuichiwa Nacom pata tanacuita dubenanaebiyame, bara Nacom tsita xanepanatsi.

## 16

*Meje xua Pablo paratixi yabara paeba po paratixi jiwi catsiba ichamon-  
aetha pomonaetha pomonae pejume cowantsiwi Nacom*

<sup>1</sup> Yabara paca tsipaebatsi paratixi po paratixi penacaetutsimonae jehebapona ichamonae nexa pomonae pejume cowantsiwi Nacom. Paexande icha pomonae penacaetutsi jiwimonae ichi xua exana pocotsiwa itoroban pomonae Galacia nacuamonaepiwi. <sup>2</sup> Daxita domingo wun maticabintha paxam daxita barompaya painya paratixi pajiwana wetsabiya pajehebaponaename pocotsi matoma pana busi matoma xeineibame. Pomonae pin matoman nabusi matoma xeineiba bewa ainya paratixi jehebaponaena. Pomonae tsiqui matomaxi nabusi matoma xeineiba bewa cae paratixi jehebaponaena. Abu paratixi pajebare xua jopa painya neexanaewa tsane baraxua xua poxonae equeicha patopaein. <sup>3</sup> Poxonae patopaein bapoxonae paitapetsiname pebiwi po pebiwi pecaponaenexa carta. Barapo pebiwi Jerusalén tomara beya caitorobin carta. Barapomonae carta caponaena yawa muxuna caponaena paratixi po paratixi pajehebaponaename Jerusalén tomarapiwi nexa pomonae pejume cowantsiwi Nacom. <sup>4</sup> Icha nanta xeinaein xua yapu wunaein paratixi penawichixae metha moya bara ponaetsipan Jerusalén tomara beya. Bapoxonae barapomonae nepuna ponaena.

*Meje xua Pablo yabara nanta xeina, xua pewarapaewa tsane*

<sup>5</sup> Poxonae ponaein, bewa Macedonia nacua iyan tsane. Bapoxonae cotacaya paca siwa ponaeinchi Corinto tomaratha. <sup>6</sup> Metha beya paca barū ecaetsipatsi be caentacabiyobetha. Ichacuitha metha poxonae awūbo paca barū ecaetsipatsi. Bapoxonae poxonae weta xua awūbo, paca itacūpa xua pata neyawenaewam pocotsiwa nantawenonan poxonae warapaein icha tomara beya. <sup>7</sup> Jopa ichipaeinyo xua saya bara caetotha tapaca siwa ponaewatsi. Jame ichichipan xua be pecono daepayobe tapaca barū ecaewatsi tsainchi poxonae patopaein. Baxua exanaein icha Nacom baxua inta copatsina. <sup>8</sup> Ecan xote Efeso tomaratha beya poxonae maticabi jopaena po maticabi pewun Pentecostés. Barapo maticabi po maticabi jiwi yabara jūntanaina xua poxonae matha Nacom pia Pejumope tūnaxū tatsi patopa penacaetutsi jiwitha pomonaetha pomonae pejume cowantsiwi. <sup>9</sup> Anoxuae neitacūpa xua bichocono tatanacuichiwa Nacom xua jiwi pinmonae



pejume cowantsinexa barapo tomaratha. Ichitha ayei jiwi ichichipa abe necana exana xua jopa taexanaenexa tsane.

<sup>10</sup> Icha Timoteo patopaena painya xantha, pantenta weyataema xua bapon juntea pepoponaenexa painya xantha. Baxua pata exande poxoru bapon exana pocotsiwa Nacom ichichipa, icha xan ichin xua exanan pocotsiwa Nacom ichichipa. <sup>11</sup> Daxita paxam jopa payabara jande: “Apara bapon Timoteo pewowin, jopa apara peyaputaein”, jopa payabara jande. Jame maisa bapon payawende xua equeicha juntea caewa peponaenexa taxainya berena. Baxua paexande tsipei xan iru ichamonae pomonae iru pejume cowantsiwixae Jesucristo, panabaru wuna ewatan bapon xua Timoteo paewatan.

<sup>12</sup> Apolos pon iru pejume cowantsin matowa tsipaeban xua painya nepaca cataenexa xua bapon pecueyabinexa tsainchi ichamonae pomonae iru pejume cowantsiwixae Jesucristo. Ichitha bapon nanta xeina xua anoxuae jopa yapu jupaetsi xua peponaewa tsane xua painya nepaca siwa ponaewa. Bapon ponaena ichitha poxonae tayapu jupaeinchi.

*Meje poxonae Pablo najume wetsiya paeba*

<sup>13</sup> Dota pam, pomonae xua abe pacata exana. Beta paajuntusuya pajume cowanta dubenanaebiyama. Paexana dubenanaebiyama icha pebiwi ichi xua jopa cunuwiya exana dubenanaebiyaeyo xua beta peexanaewa. <sup>14</sup> Daxita pocotsiwan xua paexaneibame, peantobe coyeneaytha paexaneibare ichamonaetha.

<sup>15</sup> Tamonae pam, paxam pomonae iru painya nejume cowantsiwixae Jesucristo. Paxam payaputaneme xua Estefanas piamonae tatsi copiya jume cowanta Jesucristo Acaya nacuatha. Barapomonae bichocono yawena ichamonaetha pomonaetha pomonae iru pejume cowantsi jiwi Nacom. <sup>16</sup> Paca tsipaebatsi xua paxam xuya paexana dubenanaebiyama pocotsiwan barapomonae paca itoroba. Pabaru nacuire barapomonae xuano ichamonae iru pabaru nacuitame pomonae jupaeya exana icha barapomonae ichi. <sup>17</sup> Maisa bichocono juntu coyene weiweinan xua Estefanas iru Fortunato iru Acaico xote pate. Barapomonae inta exana pocotsiwa jopa paca itacupaeyo xua painta exaname xua jopa xote tapaca baru ecaexaetsi. <sup>18</sup> Barapomonae nejuntu cui coyene tsacaba exana xua xaniwaicha tapoponaenexa Nacom nexa. Barichi iru baxua pacata exana. Beta paweyataename barapocotsi jiwimonae.

<sup>19</sup> Pomonae penacaetutsimonaepiwi, pomonae pejume cowantsiwi Nacom, pomonae Asia nacuatha jinompa, barapomonae paca jacoba. Aquila iru piowa tatsi Prisca, iru pomonae petanacaetutsi dubenanaebiyae jiwichi pia botha tatsi, barapomonae bichocono paca jacoba peantobe jiwixae xua peantobexaetsi pon jiwi Pecanamataxeinaein. <sup>20</sup> Daxita pomonae pejume cowantsiwixae Cristo pomonae xote jinompe daxita paca jacoba. Betiya painta nantiya pana najacobare painya neantobewaxae Cristo.

<sup>21</sup> Xan Pablon pacata tinatsi po diwesiyo xua cotacaya opi ducua. Yatsicaya tacoutha tacobe couya pacata tinatsi tapaca jacobinexatsi.

<sup>22</sup> Icha ichan jopa Jesucristo antobetsi pon jiwi Pecanamataxeinaein bararu Nacom itawetsina pexainya weya, xua bapon be pon abe peexanae jiton tsane. ¡Xam ponxaem Pata Necanamataxeinaem nainya antha patopare!

<sup>23</sup> BarabꞰ Jesucristo pon jiwi Pecanamataxeinaein paca yawenaena pia paca nepaca caantobewaxae xua xanepanaya painya nejinom-paenexa. <sup>24</sup> Daxita paxam pacata itorobatsi po coyene xua tapaca caantobe coyenewatsi taantobewaxae Cristo Jesús.

Baja Pablo.

## Meje Po Carte Cotacaya Pablo Tatina, Corinto Tomarapiwi Tatinatsi

*Meje poxonae Pablo tamropata pitaba xua tatina pomonaetha pomonae Corinto tomarapiwi*

<sup>1</sup> Xan Pablón pacata tinatzi. Nacom peichichipaexae bapon necana exana xua Jesucristo pia peitorobi jiwí jiwana tatsin. Xan iru Timoteo pon pejume cowantsin baponbe panbe pacata tinatzi. Paxam pomonae iru painya nejume cowantsixae Jesucristo pana nacaetutame penacaetutsi botha Corinto tomaratha xua wanae painya nejainchinexa Nacom. Matautano pata tinanbe pomonae iru Nacom piamonae tatsi xua Acaya nacuatha jinompa. <sup>2</sup> Barabu Nacom pon Waxa iru Jesucristo pon jiwí Pecanamataxeinaein baponbe paca yawenaena pia paca necaantobexae. Matautano barabu baponbe paca cana exanaena xua juntema painya nejinompaewa tsane.

*Meje yabara xua poxonae Pablo atene exanatsi*

<sup>3</sup> Bara Nacom wanae jaintatsi pon Wanacanamataxeinaein Paxa tatsi xua Jesucristo Paxa tatsi. Bapon Nacom Waxa naca yabara nanta xeina xua wanaca yawenaewa tsane. Bapon Nacom naca itanuwe matateica wanaca antobexae. <sup>4</sup> Daxita xua xuan ichamonae pana atene exana, xuan Nacom pana cui matateiqueiba, baxua Nacom painta exana xua xuya iru ichamonae pata cui matateicaenexa tsaibi tsane pomonae poxonae atene exaneibatsi ichamonae. Paxan ichamonae pacui matateican icha Nacom pana ichi xua pana cui matateica. <sup>5</sup> Icha Cristo ichichi poxonae atene exanatsi ichamonae, barichi ichamonae pana atene exana pata jume cowantsixae Jesucristo. Nacom, Cristo cui matateicatsi poxonae atene exanatsi ichamonae. Bara pana ichi Nacom pana cui matateiqueiba poxonae ichamonae pana atene exaneiba. <sup>6</sup> Ichamonae pana anthutane exana. Bequein baxua painta exana, daichitha awiya pana itacupa xua tapaca cayawenaewatsi poxonae paca cui matateicatsi. Matautano pana atene exana pata paca cuidubixaetsi painya nepaca capanenebiyaenexa abe painya neexanae cuiru coyenein weya. Nacom pana cui matateica xua paxan xuya pata paca cui matateicaenexatsi. Baxua paca cana exanatsi poxonae awiya juntema pajinompa dubenanaebiyame bequein poxonae ichamonae paca atene exana icha barapomonae pana ichi xua pana atene exana. <sup>7</sup> Paxan ajuntasya paca cui yabara jume cowantsiya ewatatsi xua paxam bara beta pajinompa dubenanaebiyaename poxonae bequein ichamonae paca atene exana. Paxan payaputan xua paxam iruru paajuntacoyenetanem poxonae ichamonae pana atene exana. Barichi Nacom paca cui matateica icha pana ichi xua pana necui matateica.

<sup>8</sup> Tamonae pam, paxam pomonae iru painya nejume cowantsiwixae Jesucristo. Paichichipan xua painya neyaputaewa xua ichamonae bichocono painta ayapube exana Asia nacuatha. Baxua bichocono ayarusya pana juntu coyene jujata, beya poxonae awatha muxu jopa juntema pata dubenanaebiyaewa. Ichacuiha pananta xeineiban xua jopa pana itacupaeyo xua pata panenebiwa xua pata asuwa

tsane. <sup>9</sup> Ichacuitha pananta xeinan xua bara metha pata werapaewa tsane. Ichitha baxua Nacom saya bara copata xua pata yabara jume cowuntsiwa tsane xua meisa Nacom bara compa pia coutha pata taneyawenaewa tsane xua jopa pata tana nayawenaewa tsane pata coutha. Nacom apara pon equeicha asu exana pewerapaewi petupaecuiru coyene weya. <sup>10-11</sup> Nacom pana necapanenebiya ichamonae weya poxonae barapomonae bichocono abe painta exana poxonae awatha muxu pata werapae. Matautano awiya Nacom baxua painta exanapona. Yatsicaewa Nacom payabara jume cowuntan xua bexa tsane pana necapanenebiyaenano icha awiya painta wncaponame Nacomtha. Nacom pana neyawena poxonae pinmonae painta tsipaebina Nacomtha. Bexa poxonae Nacom pana necapanenebiyaena barapoxonae pin bicheitomonae jei tsane: “Nacom maisa pajuntu coyene weiweinan xua neyawenaewa Pablobaru xua jopa pewerapaewa neantobexae poxonae jiji pin bicheito sawuca barapomonae nexa”, jei tsane barapo pin bicheitomonae.

*Meje poxonae Pablo jopa yapu jupaetsi xua peponaewa Corinto tomara beya*

<sup>12</sup> Pajuntu coyene weiweinan, daxota atsaquiya pata jeiwa pocotsiwe: Daxita pocotsiwa paexanan po cae pin nacuathe, xuano poxonae pata paca baru jinompaewatsi, pata juntu coyene bara pana tsi-paeba xua pinae bara beta paexanan. Pajuntu coyene xanepanan Nacomtha. Matautano bara xainyeya paexanan daxita coyenein. Nacom pana neyawena xua beta pata jinompaewa tsane pata antobexae Nacom. Apara baxua jopa paexanaeinyo barompaya pata tayaputae coyenewatha. <sup>13</sup> Daxita xua pacata tinatsi jopa icha diwesi pacata yawa muxuna tinaetsi. Pocotsiwa pacata tinatsi saya pocotsiwa painya nepaca itacupaewa xua painya neyorobiwa tsane xuano xua painya nejume copi yaputaewa tsane. Ichichipan xua betiya painya neyaputaewa tsane daxita pocotsiwa xua pacata tinatsi. <sup>14</sup> Anoxuae daxita pam be conotha pana neyaputaneme. Poxonae Jesús pon Wanacanamataxeinaein equeicha patopaetsica, pana neyabara juntu coyene weiweinaename icha paichin tsane xua paca yabara juntu coyene weiweinaeinchi.

<sup>15</sup> Poxoru pana neyabara juntu coyene weiweiname daxota nanta xeinan xua tapaca siwa ponaewatsi tsainchi. Bapoxonae icha neitacupa equeicha bexa paca siwa ponaeinchi xua daxota ainya cuiyobetha paca siwa ponaeinchi tapaca cayawenaewa tsainchi. <sup>16</sup> Bayatha paca tsi-paebatsi janje xuaje: “Poxonae ponaein Macedonia nacua beya copiya ichichipan xua matha tsiwanaeya tapaca siwa ponaewatsi tsainchi. Equeicha paca tainchi poxonae caewa denan tsane Macedonia nacua werena. Bapoxonae paca itacupa xua tapana neyawenaewam poxonae warapaein Judea nacua beya”, paca jeichi. <sup>17</sup> Bequein baxua paeban, daichitha baxua jopa neitacupaeyo xua taexanaewa baxua. Poxonae baraxua paeban pana nejume cayabara cananta xeiname xua xan apara pon ichawa beya tapaebin xua be pocotsi jiton pon saya exana pocotsiwa bapon ichichipa xua ichawa beya ba paeba. Xan baxua jopa exanaeinyo. Jopa ba paca jeichi “Aja”, jopa paca jeichi. Ichacuitha jopa ba paca jeichi “Jume”, jopa paca jeichi xua poxonae cae coyene yabara paca tsi-paebatsi. <sup>18</sup> Nacom bapon bara xaniwaicha tana neyabara paebin pocotsiwa taexanaewa. Bapon Nacom netane xua jopa ichawa beya

tapaebiwa. Saya poxonae, ba “aja”, pejeinexa, ba “aja”, jan. Matautano saya poxonae ba “jume” pejeinexa, ba “jume”, jan. <sup>19</sup> Timoteo iru Silvano iru xan paca cuidubatsi Nacom Pejume Diwesi po coyene xua Cristo Jesús yabara, pon Nacom Pexanto tatsi. Bapon Cristo jopa bapana jei tsaibiyo bara caetotha: “Jume”, yawa “Aja”, jopa bapana jei tsaibiyo. Saya jame ba jei: “Aja”, ba jei tsaibi. <sup>20</sup> Cristo bara daxita exana pocotsiwa Nacom Pexanto yabara tsiwuna muxu duta. Bara Cristo “Je” jei xua peexanaenexa pocotsiwa Paxa itorobatsi. Daxota waxainchi barichichi jei tsaibichi: “Je, barichi tsane bara Cristo Jesús exanaena baxua”, jei tsaibichi waxainchi poxonae Nacom wuna jainteibatsi. <sup>21</sup> Bapon Nacom pana ajuntu coyenesu exana xua beta pata jume cowantsinexa Cristo. Matautano iru bara paca ichi Nacom, paca yawena. Bapon Nacom naca itapeta watanacuichinexa bapon. <sup>22</sup> Barapon Nacom naca cana exana xua wanaca baru jinompawea pia Pejumo pe tanaxu tatsi wanaca yaputaenexa xua piamonae jiwichi. Baraxua Nacom naca tsita itapeinya xaina xua bexa tsane naca catsina ichawan.

<sup>23</sup> Nacom neyabara juntu coyene yaputane xua xainyeya paeban. Bequein juntucuru nanta xeinan xua paca siwa ponaeinchi ichitha jopa ponaeyino. Jopa paca siwa ponaetsi Corinto tomaratha tsipei jopa daunweya bepaca tsipaebichi xua paca juntu coyene wecoyeyi exanaetsipatsi. <sup>24</sup> Jopa bepaca yabara itorobichi xua pocotsiwa bewa painya nejume cowantsiwa tsane. Tsipei barapara ayapusa pajume cowanta dubenanaebiyame. Pocotsiwa jame paichichipan apara xua pata paca baru nacuichiwatsi jame, painya nejuntu coyene weiweinaenexa.

## 2

<sup>1</sup> Daxota juntucuru nanta xeinan xua jopa equeicha tapaca siwa ponaewa tsainchi, tsipei jopa bepaca wecoyeyi exanaetsi. <sup>2</sup> Icha paca juntu wecoyeyi exanaetsipatsi, dapomonae aibi tsipae pomonae nejuntu coyene weiweina exana. Jame meisa paxam paca itacupa xua tapana nejuntu coyene weiweina exanaewam. Ichitha icha paxam saya pajuntu coyene wecoyam tsipae jopa pana nejuntu coyene weiweina exanaemtsipae. <sup>3</sup> Daxota bayatha pacata tinatsi icha carta tsipei jopa bepaca siwa ponaetsi icha saya paca juntu coyene wecoyeyi exanatsi poxonae yabara paca muxuwetatsi pocotsiwa paexaname xua abe paexaname. Apra jame paxam pomonae bewa pana nejuntu coyene weiweina exanaem. Xan nanta xeinan icha juntu coyene weiweinan paxam bara paichim tsane pajuntu coyene weiweinaename. <sup>4</sup> Poxonae bayatha po carta pacata tinatsi bichocono unthathu wecoyan, tsipei bichocono paca yabara najuntu coyene eena exanatsi pocotsiwa painya neexanaexae beya poxonae yatsicaewa wecoyan xua yatsicaewa taitacuerene mene jujuincaewa. Jopa ichipaeinyo xua tapaca wecoyeyi exanaewatsi. Jame ichichipan xua painya neyaputaewa xua tapaca caantobewichi bichocono.

*Meje poxonae Pablo itoroba xua Corinto tomarapiwi peyabara jantemainaewa tsane pocotsiwa exana pon penowa pita*

<sup>5</sup> Caein pon paxam jiwana pam abe exana ichamonaetha. Bapon juntu coyene wecoyeyi exana ichamonaetha. Bapon jopa meisa apra compa nejuntu coyene wecoyeyi exanaeyo. Barichi bapon bara iru paca juntu coyene wecoyeyi exana daxita paxam bequein saya bapon abe exana pon

painyamonae jiwana jiton. <sup>6</sup> Pon yabara icha cartatha pacata tinatsi pon abe peexanaein, peberuaya nanta jupaya paitawetame bapon xua pepatopaeyainwa painya nenacaetutsiwatha poxonae wanae pajain-tame Nacom. Anoxuae bapon nacui baraxuba xua abe peexanaewa. Baraxua bara wanae. Painya xoba equeicha paitawetame bapon. <sup>7</sup> Anoxuae paxam bewa pacui yabara jantemainaem abe pia peexanae cuiru coyene tatsi. Matautano bewa pacui matateicaename xua peaurayainwa. Icha jopa baxua paexanaemtsipae, bapoxonae bapon metha jopa juniya bichocono jantu coyene wecoyei tsipae, xua daxota anaya pia coutha penacabetsiwa xua pebaraxubixae xua pejume cowantsiwa. <sup>8</sup> Daxota paca tsipaebatsi, bapon patsita itapeinya xeinare xua peantobe coyenewa painya netsita xeinaewa bapon. <sup>9</sup> Bayatha yabara pacata tinatsi xua bewa pamuxuwetsim bapon. Paca jantu coyene jujutatsi xua tayaputaenexa icha metha bara xaniwaicha pana nejume cowantame daxita pocotsiwa paca itorobatsi, bara bayatha pamuxuwetame bapon. <sup>10</sup> Icha paxam ichan pacui yabara jantemainaem abe pia peexanae cuiru coyenein tatsi, barichin tsane iru bapon cui yabara jantemainaem abe pia peexanae cuiru coyenein tatsi. Tsipei icha ichan cui yabara jantemainan abe pia peexanae cuiru coyenein apara poxoru copiya painya necui yabara jantemainaexae abe pia peexanae cuiru coyenein tatsi. Baxua exanan Cristo tana neitorobixae. Baxua Cristo necui tane xua exanan. <sup>11</sup> Waxainchi ichamonae abe pia peexanae cuiru coyenein tatsi yabara jantemainatsi xua caurimonae pia pentacaponaein tatsi jopa wanaca cui amanayabinexa. Cui yaputainchi xua bapon bichocono daunweya jiwi jantu coyene jujutatsi xua abe peexanaenexa.

*Meje poxonae Pablo Tito bichocono yabara najantu coyene exabatsi Troas tomaratha*

<sup>12</sup> Poxonae Troas tomaratha patopan xua tacueicueijeinexa Cristo pejume diwesi bara inta yapu wanae xua tanacuichinexa Nacom nexa, pon jiwi Pecanamataxeinaein poxoru barapo tomarapiwi bara beta nejume tane. <sup>13</sup> Ichitha bichocono jopa jantema poponaeyinyo poxoru bichocono yabara najantu exaban Tito pon iru pejume cowantsin Jesucristo, yaitama jopa caxinaeyinyo bapon. Daxota Troas tomarapiwi napeyaban. Bapoxonae ponan Macedonia nacua beya.

*Meje yabara po coyeneya xua Cristo naca yawena xua waamanayabinexa caurimonae pia pentacaponaein tatsi*

<sup>14</sup> Nacom patsipaeban, pajan: "Nacom maisa pajantu coyene weiweinan xua painta exaname", pajan. Nacom pana cana exana xua Cristo betiya pana canamataxeina poxonae Nacom Pejume Diwesi pacueicueijan. Matautano Nacom pana cana exana xua pata amanayabiwa caurimonae pia pentacaponaein tatsi poxonae jiwi yaputane pacana exanan xua peyabara yaputaewatsi Cristo. Daxita nacuantha ichaxota paponeiban, bapon payabara paebeiban. Barapo pexeinya jume diwesi xua papaebeiban tajm beya pajume pichipaponan, icha be poxonae petuxuei tuxusi ichi xua tajm tuxusi pona. <sup>15</sup> Nacom ichipa nawita poxonae beta patacueicueijan xua Cristo payabara cueicueijan icha be poxonae ichi poxonae bichocono tuxusi ichichipa incienso tuxusi matawan. Barichi po diwesi xua Cristo payabara cueicueijan, tajm pajume pichipaponan pomonaetha pomonae Cristo capanenebiya ducuaenaebiya xuanano pomonaetha pomonae weraweracapona jopa pejume cowantsixae

Cristo. <sup>16</sup> Poxonae jiwi jopa jume cowantsiyo barapo diwesi po diwesi pacueicueijan be tsita tuxusichi xua po tuxusi tuxusi barapomonae tupa peexanaewatsi. Ichitha poxonae jiwi jume cowanta, bapoxonae barapo diwesi tsita muxu wanaetsi icha xua jiwi ichi poxonae po tuxusi tuxune bichocono ponxo tuxusi wanaetsi. Barapomonae pejunta coyenetha yaputane xua barapo jume diwesixae Nacom cata barapomonaetha peajuntayapuswa po peajuntayapuswa ataya tsiteca. ¿Jintam metha itacupatsi xua barapo Nacom pia petanacuichiwa tatsi peexanaewa xua pia coutha compa exana? Apra dapon ajibi. <sup>17</sup> Paxan jopa paexanaeinyo icha be jopa ichamonae ichiyo xua poxonae barapomonae pia paratixichi paeba dubenanaebiya Nacom Pejume Diwesi. Paxan po pebiwi pan xua xaniwaicha pata tsipaebi jiwi pan ichamonaetha, Nacom pata taneitorobixae. Daxota Nacom Pejume Diwesi papaeban caemonae wanaexanaexaetsi Cristotha.

### 3

*Meje poxonae Pablo yabara paeba Nacom pia pena petsiwanae muxu dutsiwa tatsi*

<sup>1</sup> Poxonae baxua pacata tinatsi, metha pana neyabara nanta xeinaetsipame xua paxan pomonae ainya cui jiwi pata naexanae jiwi pan. Nama ichamonae cartan capona po cartantha piamonae beta yabara tina barapomonae, xua painya necopatsiwa tsane xua bara pia paca tsipaebeibichi Nacom Pejume Diwesi poxonae barapomonae pateibina painya tomaratha. Metha paxam pana neyabara nanta xeinaetsipame xua xan iru barichindu icha ichamonae ichi xua poxonae barapo carta capona pia xua painya necopatsiwa tsane xua bara pia paca tsipaebeibichi Nacom Pejume Diwesi. Bequein metha pana neyabara nanta xeinaetsipame xua xuya painta tinaetsipame xua paxan yabara ichitha jopa apra paca wnaetsi baxua. <sup>2</sup> Poxonae daxita jiwi paca cui tane xua beta painya jinompaewa Nacom nexa, bapoxonae jiwi pana neyabara nanta xeina xua bara beta pata exanaewa xua pata paca yawenaexaetsi xua painya nejume cowantsiwa. Pata juntu coyewan pana tsipaeba xua bara pinae pajume cowantame Cristo. Poxonae jiwi paca cui tane xua beta painya nejinompaewa Nacom nexa, barapo jiwi pana nejuntanaina xua beta pata paca cayawenaexaetsi. Baxua be poxonae jiwi yoroba pexeinya carta xua paxan yabara xua daxota jopa nantawenonaeyo xua xuya painta petinaenexa carta. <sup>3</sup> Cristo ichichipa xua jiwi tane xua bapon bichocono wanae exana paxam nexa po jumein weya xua paxan paca tsipaebatsi. Ichitha bapon Cristo jopa tinaeyo carta peanaincuitontha xua jiwi petaenexa pejumein itaneton. Matautano jopa tinaeyo peitaneton xua ibo panawatha ichi Moisés ichi. Jame Nacom pia Pejumope tuxaxu tatsi icha juntu coyene paca cata xua daxota jiwi tsita itapeinya xeinatsi xua Cristo beta exana paxam nexa.

<sup>4</sup> Paxan pana itacupa xua baxua papaeban Cristo pata neyawenaexae xua pata jume cowantsiwa Nacom. <sup>5</sup> Ichitha jopa pana neitacupaeyo xua pata coutha pata exanaewa baxua. Daxita pocotsiwan pana itacupa xua pata exanaewa apra Nacom pata taneyawenaexae. <sup>6</sup> Nacom pana necana exana xua pomonae yatsicaewa pata yabara cueicueijeji jiwi pan Nacom pia pena petsiwanae muxu dutsiwa coyenewa. Nacom pia pena petsiwanae muxu dutsi coyenewa jiwitha jopa xeinaeyo xua tina ainya coyenein xua jiwi peitorobi coyenewatsi xua jiwi bewa exanaena.

Barapo Nacom pia pena petsiwanae muxu dutsi coyenewa paeba xua saya meisa xua beta pejinompraenexa. Nacom pia Pejumope tñaxu tatsi itacupatsi xua naca cata pena pejuntũ coyenein. Nama Moisés pia peitorobi coyenewa seicaya paeba xua bequein jiwi exana xua Moisés itoroba, barapomonaē awiya werapaena abe peexanaexae. Nama seicaya Nacom pia Pejumope tñaxu tatsi peajuntũyapusuwa naca cata.

<sup>7</sup> Moisés pia peitorobi coyenewa ibo panawantha tina. Barapo coyene jiwi cana exanatsi xua pewerapaewa abe peexanaexae. Poxonae barapo coyenewa Moisés cata israelmonaetha barapomonaē israelmonae jopa itacupaetsi xua Moisés peitabara taewatsi tsipei Nacom pia pexeinya peitũpanae coicha tatsi bichocono pentha Moisés peitabaratha. Ichitha barapo Nacom pia pexeinya peitũpanae coicha tatsi Moisés pia xainya weya tatsi bewayo caewanaya. <sup>8</sup> Po pena jũntũ coyene Nacom pia Pejumope tñaxu tatsi naca cata bichocono wanae tsipei jiwi cana exanatsi xua pexeinaewa peajuntũyapusuwa po peajuntũyapusuwa ataya tsiteca. Barapo pena jũntũ coyene bichocono wanae beyacaincha po peitorobi coyene Moisés itoroba. <sup>9</sup> Bequein Moisés pia peitorobi coyenewa wanae, barapo coyenewaxae Nacom tsitatsi xua jiwi penatsicuentisiwa xeina xua abe peexanaexae. Nama bichocono wanae Nacom pia pena jũntũ coyenewa po jũntũ coyenewa jiwi catatsi beyacaincha Moisés pia peitorobi coyenewa. Barapo Nacom pia jũntũ coyenewaxae, jopa tsitatsi xua piamonae tatsi pexeinaewa xua penatsicuentisiwa xua abe peexanaexae. <sup>10</sup> Moisés pia peitorobi coyenewa tatsi copiya bichocono wanae, nama anoxuae jopa peraichiwa, tsipei jopa naca yawenaeyo. Nama Nacom pia pena petsiwanae muxu dutsi coyenewa tatsi jame barapo coyene jiwi bichocono yawenatsi. Daxota barapo coyene yatsicaewa wanae beyacaincha Moisés pia peitorobi coyenewa tatsi. <sup>11</sup> Poxonae Moisés cata pia peitorobi coyenewa israelmonaetha bapoxonae barapomonaē tane Moisés peitabaratha tatsi Nacom pia pexeinya peitũpanae coicha tatsi. Barapo pexeinya peitũpanae coicha caewanaya. Nama Nacom pia pena petsiwanae muxu dutsi coyenewa jopa caewanayiyo. Nama ataya ayapusuwa tsiteca barapo coyene.

<sup>12</sup> Tsipei pajume cowantsiya ewatan xua Nacom exanaena daxita pocotsiwa bayatha yabara pana netsiwanae muxu duta, daxota jopa paauringo xua pata yabara paebiwa daxitan. <sup>13</sup> Paxon jopa paexanaeinyo icha Moisés ichi. Bapon Moisés naitabara acata paparuwatha xua israelmonae jopa peyaputaenexa xua poxonae barapo pexeinya peitũpanae coicha caewanaya. <sup>14</sup> Barapo israelmonae jopa yaputaeyo Moisés pia peitorobi coyenewa tatsi. Nacom copata xua barapomonaē jopa peyaputaewa pia jũntũ coyeneintha barapo coyenewa. Barichi anoxuae poxonae barapo israelmonae yoroba Moisés pia peitorobi coyenewa tatsi, cataunxuae came jopa yabara yaputaeyo baxua. Baraxua icha poxonae Moisés ichi poxonae naitabara acata paparuwatha poxonae barapomonaē jopa yaputaeyo xua barapo coicha caewanaya. Mataũta anoxuae barapomonaē jopa yaputaeyo xua icha jiwi jume cowantsina Cristo saya meisa bapoxonae barapo jiwi itacupatsi xua peyaputaewa Moisés pia peitorobi coyenewa. <sup>15</sup> Israelmonae beya nama anoxuae, came jopa yaputaeyo Moisés pia peitorobi coyenewa tatsi poxonae yoroba. Barapomonaē jopa peyaputaewa Moisés pia peitorobi coyenewa tsipei najũntũ coyene ararana jopa be peyaputa-



waxae. <sup>16</sup> Ichitha poxonae jiwi jume cowanta Jesucristo pon jiwi Pecanamataxeinaein, bapoxonae Nacom cana exana xua pejuntu coyeneintha peyaputaewa Moisés pia peitorobi coyenewa tatsi. <sup>17</sup> Jesucristo pon jiwi Pecanamataxeinaein iru Nacom pia Pejumope tñaxu tatsi najuntu coyene jupabe. Pomona ba Nacom pia Pejumope tñaxu tatsi xeina jopa nantawenonaeyo xua peexanaewa pocotsiwa Moisés pia peitorobi coyenewatha itoroba xua daxota Nacom jopa atene peexanaewa tsane barapomonaetha. <sup>18</sup> Daxita waxainchi wajume cowantsixae Jesucristo pon jiwi Pecanamataxeinaein, jiwi tsita itutatsi xua bara Nacom pia Pejumope tñaxu tatsi jopa juniya naca yawenaeyo. Jopa daichichi icha Moisés ichi poxonae paparuwatha naitabara acata xua jopa peichichipaexae xua peitabara taewatsi ichamonae, tsipei bichocono itabara daedaena xua Nacom pia peitupanae coicha tatsi. Jame waxainchi jinompatsi xua ichamonae naca juntu coyene tane, xua jiwi beta peyaputaenexa xua bara Nacom pon bichocono pexeinaein pejuntu coyene xanepanaewa. Nacom pia Pejumope tñaxu tatsi naca yawena ducuaeabiyaena bexa tsane xua waxeinaepanaewa tsane pena juntu coyenewan. Icha Jesucristo ichi pia juntu coyenewatha, barichi tsainchi xua wajuntu coyenewantha xua poxonae jinompatsi.

#### 4

<sup>1</sup> Nacom pata tanaantobexae pana cata barapo penacuichiwa. Daxota paxan jopa bapana paajuntucoyenefaetabiya cueicueijanyo Nacom Pejume Diwesi. <sup>2</sup> Jopa paexanaeinyo xua pata yabara cueicueijeiwa po coyene ba jiwi aura exanatsi po coyene jiwi moya yawun xeina. Matautano jopa paexanaeinyo po coyene xua pata muxujainyabiya paebiwa. Barichi jopa payabara jume toxeinchiya exanaeinyo Nacom Pejume Diwesi xua poxonae ichamonae pata cana exanaenexa xua Jesús pejume cowantsiwatsi. Nama apara seicaya papaeban pexainyei jume diwesi. Daxota poxonae daxita jiwi pana nejume tane pia juntu coyenein tsipaebatsi xua bara xainyeya papaeban. Nacom pana jume tane daxita pocotsiwa papaeban. <sup>3</sup> Poxonae Nacom pia pecapanenebiyae diwesi jume pacueicueijan, icha jiwi jopa yaputaeyo baxua, apara poxoru barapomonae weraweracaena, jopa pejume cowantsixae. <sup>4</sup> Jiton ba pon peitata quirein jopa itacupaetsi xua petaewa. Bara pocotsi jata coyeneya ichi pomona weraweracaena jopa itacupaetsi xua pejume cowantsiwa Nacom. Caurimona ba pia pentacaponaein tatsi jiwi juntu coyene itorobatsi barapo cae pin nacuathe. Bapon barapomona cana exanatsi xua jopa peyaputaewa. Daxota jopa Cristo jume cowantsichi. Matautano bapon jopa copatsiyo xua barapomona peyabara jume cowantsiwa Nacom pia pecapanenebiyae diwesi tatsi. Barapo diwesi bichocono wnae xua yabara caunuta xua Cristo pexeinya peitupanae coicha xeina. Bapon Cristo bara Nacom cui jupatsi. <sup>5</sup> Poxonae pacueicueijan, apara jopa pata coutha pana nayabara cueicueijanyo. Apara Jesucristo payabara cueicueijan xua bapon yatsicaya pepa Wanacanamataxeinaein. Paxan amanaya panacuitan paxam nexa pata tanaantobexae Jesús. <sup>6</sup> Nacom pon xua jeye: “Barabu pecoicha ba pentha pequireiwatha”, jei. Bapon Nacom exana xua pepatopaewa pata juntu coyeneintha pia pexeinya jume diwesi tatsi, po diwesi copiya jopa pata yaputaewa. Pata juntu coyeneintha pata xeinaexae barapo diwesi pana

itacupa xua pata yabara yaputaewa Nacom pia pexeinya peitupanae coicha xua paxan patan, xua Jesucristo pata itabara taewa.

*Meje xua Pablo yabara paeba xua pejinompaeya coyenewa xua pejume cowantsi coyenyatha*

<sup>7</sup> Paxeinan pata juntu coyeneintha peyaputae coyenewa po peyaputae coyenewa pana cana exana xua pata yabara yaputaewa Nacom pia pexeinya peitupanae coicha. Pata pepon saya bichoina weraweraca icha juruwato ichi xua bichoina weraweraca. Pata xeinaexae Nacom pia peyaputae coyenewa, daxota ichamonae patsita itapeinya xeinan xua peyayapusa itorobi coyenewa paxeinan xua Nacom pana cata. Daxota apara Nacom piawa, jopa apara patawiyo. <sup>8</sup> Bequein jiwi ichawa beya pana juntu coyene jujuta xua abe pata exanaenexa poxonae abe painta exana, ichitha awiya pana itacupa xua pata panenebiwa bara weya. Bequein bichocono yabara pana najuntu coyene exaban pocotsiwa jiwi painta exana, ichitha awiya jopa paajuntucoyenefaetabinyo. <sup>9</sup> Bequein jiwi pana nepu baraina pia abe pata neexanaetsi ichitha Nacom jopa pana copabiyo xua compa pan xua pata necuenta ponaewa. Bequein barapomonaе iratha pana bebai xua pata tanejutebiwa tsane, ichitha Nacom jopa pana copabiyo xua barapomonaе pata tanejutebiwa. <sup>10</sup> Daxita nacuantha ichaxota paponeiban jiwi abe pana exaneiba. Barapomonaе pana wan dubeiba pata tanejutebeibiwa tsane icha Jesús ichichi xua bexotsi. Poxonae jopa pabobenaeyino xua ichamonae jopa pata tanejutebiwa, baxua patsita itapeinya xeinan jiwi xua apara Jesús asu pon pata taneyawenaexae pia peyayapusa coyenewatha. <sup>11</sup> Poxonae cataunxuae pajinompan barapo cae pin nacuathe jiwi ichichipa pata tanejutebeibiwa pata yabara paebi dubenanaebiyaexae Jesús. Daxota baxua jiwitha patsita itapeinya xeinan xua xaniwaicha bara Jesús pana yantsiya popona poxonae jiwi pana wan tane xua poxonae bequein muxu pata bobeneibi. <sup>12</sup> Pata yabara paebixae Jesucristo jiwi muxu pata tanejutebeibi. Ichitha pata yabara paebixae Jesucristo daxota peajuntuayapusa paxeiname po peajuntuayapusa ataya tsiteca.

<sup>13</sup> Nacom Pejume Diwesitha jeye: “Jume cowantan daxota cueicueijan”, jei. Paxan pajume cowantan icha David ichi xua poxonae baxua paeba. Iruru paxandu pajume cowantan daxota pacueicueijan. <sup>14</sup> Payaputan xua Nacom Jesús asu exanatsi xua petupaе cuiru coyene weya pon jiwi Pecanamataxeinaein. Barichi tsane Nacom asu naca exanaena petupaе cuiru coyene weya, caemonae waexanaexaetsi Jestutha. Paxan iru paxamdu Nacom naca caponaena pia xainya beicha. <sup>15</sup> Daxita pocotsiwan xua ichamonae pana necana exana xua paatanein baxuan paca yawena xua painya nejume cowantsinexa. Poxonae jiwi equeicha mataropeicha jume cocowantaponaena Cristo, baroxonae ayei jiwi Nacom wunaе jainchinchí, jei tsane: “Nacom maisa pajuntu coyene weiweinan xua pata taneyawenaewam pata tanean-tobexaemxae”, jei tsane. Baroxonae jiwi bichocono wunaе jainchina Nacom xua bapon bara beta peexanaexae.

<sup>16</sup> Daxota jopa bapana paajuntucoyenefaetabiya jinompaein. Pata pepon fininapona. Ichitha pata juntu coyene equeicha mataropeichiya asuya ayapusa tsoponeibi daxita matababin. <sup>17</sup> Po coyenein xua barapo cae pin nacuathe ichamonae atene pata tana neexanaewa jopa pana netsita ainya cuiyo tsipei saya bara caeto pana atene exana. Barapo

atenewa pata tana neexanaewa pana neyabara nacui wunaeta xua bexa tsane Nacom pata tana necatsibiwa tsane po coyenein xua bichocono wunaeta xua po coyene ataya pata xeinaewa tsane po coyene xua pexeinya peitupanae coichaxae. <sup>18</sup> Jopa bichocono pacayabara nanta xeineibinyo po coyenein painta daunwei xua jiwi atene pata tana neexaneibixae barapo cae pin nacuathe. Jame maisa bichocono pacayabara nanta xeinan po coyenein xua Nacom pana juntu coyene weiweina exanaena. Pocotsiwan xua jiwi pana necana exana barapo cae pin nacuathe weraweracaena. Nama xua pocotsiwan Nacom painta exanaena baxua ataya ayapusu tsoponae.

## 5

<sup>1</sup> Pata pepon xua saya pata yawa jinompaenexa barapo cae pin nacuathe nexa icha bouto ichi xua saya pecuenta werapaenexa barapo cae pin nacuathe. Poxonae pawerapaein pata pepon weraweracaena icha bouto ichi. Bapoxonae payaputan xua Nacom icha pepon painta xeina xua pena pepon pia nacuatheicha. Barapo pepon ataya payawa jinompaen. Barapo pena pepon Nacom exana, jiwi jopa exanaeyo. <sup>2</sup> Anoxuae bichocono pana najuntu coyene exaban tsipei bichocono bepaxeinaein icha pena pepon po pena pepon Nacom xeina pia nacuatheicha. <sup>3</sup> Barapo pena pepon Nacom pana cata xua jopa pata jinompaenexa athabeicha poxonae jopa paxeinaeinyo pepon. <sup>4</sup> Poxonae cataunxuae barapo pepon payawa jinompan barapo cae pin nacuathe bichocono pana najuntu coyene exaban tsipei jiwi painta ayapube exana pata pepontha. Ichitha jopa paichichipaeinyo xua pata jinompaewa be poxonae jopa paxeinaeinyo barapo peru pepon xua pata bebeixae. Jame paichichipan xua pata yawa jinompaewa pena pepon. Po pepon anoxuae payawa jinompan saya werapaena. Paichichipan xua equeicha pata xeinaewa pena pepon po pena pepon xua ataya asuya pata yawa jinompaewa tsane. <sup>5</sup> Nacom pana necui yabara wunaeta xua barapo pena pepon pana catsina. Nacom pana cata pia Pejumope tunaxu tatsi xua pana netsita itapeinya xeina xua bexa tsane Nacom pena pepon xaniwaicha pana catsina.

<sup>6</sup> Daxita matababin ajuntusuya pajume cowanteiban Nacom pon jiwi Pecanamataxeinaein. Payaputan xua poxonae cataunxuae barapo cae pin nacuathe payawa jinompan barapo peru pepon. Cataunxuae yaticaya Jesucristo taju tsana pana cuenta eca, jopa cataunxuae pata xeinaexae barapo pena pepon. <sup>7</sup> Pajinompan pata jume cowantsiya coyenyatha Jesús, xua bapon exanaena pocotsiwan bapon paeba, bequein cataunxuae jopa pana nebaru jinompaeyo itabocotheicha. Apara jopa pajinompaeyo xua pata tataewaxae ichawa. <sup>8</sup> Ajuntusuya pajume cowanteiban Nacom. Paichichipan pata bebeiwa barapo peru pepon xua po pepon anoxuae payawa jinompan pata jinompaenexa ichaxota Jesús popona pon jiwi Pecanamataxeinaein. <sup>9</sup> Bichocono paichichipan xua pata exanaewa pocotsiwa bapon Jesús pon jiwi Pecanamataxeinaein ichichipa bequein barapo pepon payawa jinompan barapo cae pin nacuathe, matautano ichacuiha metha bequein poxonae painompan Nacom pia nacuathe. <sup>10</sup> Bexa tsane daxita waxainchi bewa umenaechi Cristo peitabaratha. Bapoxonae barapo mataqueitha bapon yabara paebina jiwi xua penatsicuentsiwa xua abe

peexanaexae Nacomtha. Daxita barompaya matoma xeinaena pocotsiwa pia peexanaexae poxonaе cataunxuae jinompa barapo cae pin nacuathe. Pomonaе wаnаеуа tanacuita xuya wаnаеуа matoma catsibinchi. Pomonaе jopa xapain tanacuichiyo xuya antomabeуа catsibinchi.

*Meje xua Pablo yabara paeba xua juntema pejinompaе coyenewa yabara*

<sup>11</sup> Yaitama payaputan xua bewa pacunuwin Nacom pon jiwi Pecanamataxeinaein pata baru cui itura jinaenexa bapon. Daxota pamuxuwetan jiwi xua bewa jume cowantsina Jesús. Nacom pana juntu coyene yaputane xua xainyeya bepataexanaein. Barichi paichichipan xua paxam pana juntu coyene yaputaneme beta. <sup>12</sup> Paxan jopa paichichipaeinyo xua pata coutha pata nayabara paebiwa xua pata paca catsipaebiwa tsainchi xua pata ainya cui jiwixae xua daxota pata tanebaru cui itura jinaewam tsane. Jame nama paca tsipaebatsi po coyene xua pana nayabara paeban xua painya pata taneweyataenexa. Matautano paca tsipaebatsi xua ichamonaе painya nejume noteibinexa poxonaе ichamonaе abeya pana neyabara paеbeiba. Barapomonaе pia coutha atsaquiya nayabara paeba xua daxita xanepanaya peexanaexae po coyenein xua jiwi cui tane. Ichitha barapomonaе jopa najuntu coyene yabara tsaqueinaeyo xua po juntu coyenein xeina pia juntu coyeneintha po juntu coyene jopa wаnаеуо. <sup>13</sup> Barapomonaе pana neyabara nanta xeina xua paxan pomonaе pata tanentsiyabi jiwi pan xua poxonaе pata cueicueijeixae Nacom Pejume Diwesi. Icha barapomonaе baxua pana neyabara nanta xeina apara poxoru Nacom pata taantobexae. Icha barapomonaе jopa pana yabara nanta xeinaeyo xua paxan pomonaе pata tanentsiyabi jiwi pan, apara poxoru saya pata paca yawenaexaetsi. <sup>14</sup> Cristo pata tana neantobexae paichichipan xua pata tatanacuichiwanexa bapon. Bara xaniwaicha payaputan xua Cristo tsitupa daxita jiwi pomonaе pia pejume cowantsiwichixaetsi. Daxota Nacom patsitan xua paxan be pomonaе pata werapaewi pan abe pata exanaexae. <sup>15</sup> Cristo tsitupa daxita jiwi, xua daxita jiwi pejinompaenexa Cristo nexa peexanaexae pocotsiwa bapon tsita xanepanatsi. Barapoxonaе jopa jinompaе tsane po coyeneya poxonaе tsita xanepanatsi barapomonaе. Jame barapomonaе bewa jinompaе Cristo nexa pon naetotha tupa xуano xua equeicha asu exanatsi. <sup>16</sup> Anoxuae jopa payabara nanta xeinaeinyo xua pata yaputaewa jiwi pia pejuntu coyenein tatsi xua saya poxonaе pacui tan poxonaе po coyenein exana icha pomonaе jopa pejume cowantsiwi ichi. Barapomonaе nanta xeineiba xua jiwi pejuntu coyene yaputaenexatsi xua saya poxonaе cui tainchi xua exaneiba. Bequein copiya bayatha Cristo jopa wаnаеуа payabara nanta xeinaeinyo, ichitha anoxuae jopa baxua paraichinyo poxoru anoxuae bara xaniwaicha payaputan bapon. <sup>17</sup> Pon caein naexana Cristotha pejume cowantsixae bapon pena juntu coyene xeina. Po coyenein xua bayatha exana xua peru juntu coyenein weraweracaena. Anoxuae equeicha icha pena juntu coyenein exanaena.

<sup>18</sup> Daxita barapo pena juntu coyenein Nacom werena pona. Nacom naca cana exana xua piamonaе jiwi tatsichi pomonaexaetsi bequein copiya Nacom pia peaitafaetabi jiwi tatsichi. Baxua Nacom naca cana exana Cristo wanaca tsitupaexae. Matautano Nacom pana itoroba xua paxan xuya ichamonaetha pata cana exanaenexa Nacom piamonaе tatsi pomonaexae bequein copiya Nacom pia peaitafaetabi

jiwichi. <sup>19</sup> Pocotsiwa xuaunxuae paca tsipaebatsi xua apara meje: Nacom jantema jinompa cana exana barapo cae pin nacuathe pomonae copiya pia peaitafaetabi jiwichi poxonae barapomonae yabara jume cowanta xua Cristo tsitupa barapo jiwi. Bapoxonae Nacom jopa tsitatsi xua barapo jiwi penatsicuentisiwa xua abe peexanaexae. Matautano Nacom pana cata penacuichiwa po penacuichiwa xua pata cueicueijeinexa jiwitha. Po diwesi yabara xua Nacom piamonae cana exana jiwi, pomonae bequein copiya pia peaitafaetabi jiwichi, barapo diwesi pacueicueijan. <sup>20</sup> Paxan pomonae Cristo pata taneitorobi jiwi pan pata cueicueijeinexa bapon nexa. Bequein bara paxan paca tsipaebatsi, apara jame yatsicaewa Nacom paca tsipaeba poxonae paca tsipaebatsi. Cristo patacueicueijan poxonae jume daunweya paca jeichi: “Pana nacui barapende abe painya neexanae cuiru coyenein. Pajume cowunde Cristo caemonae painya nenaexanaenexa Nacomtha”, paca jeichi. <sup>21</sup> Cristo bapana jopa abe exanae. Ichitha Nacom tsitatsi xua Cristo penatsicuentisiwa xua poxoru abe waexanaexae. Bapoxonae Nacom naca cana exana xua caemonae wanaexanaewa bapontha xua wajantu coyenein xanepanaenexa Cristo pia peexanaexae poxonae naca tsitupa. Bapoxonae Nacom tsitatsi xua jopa watsita natsicuentisiwa bequein abe waexanaethatsi.

## 6

<sup>1</sup> Nacom pata tana nebaru nacuita dubenanaebiyaexae, jume daunweya paca muxu tsipaebiya jeichi: “Painya xoba panaitematame po diwesi xua Nacom paca cata paca nacaantobexae. Barapo diwesi apara xua Nacom jantu coyene xanepana exana jiwi pomonae pejume cowantsixae”, paca jeichi. <sup>2</sup> Tsipei Nacom, pewanaeya poxonae xua jiwi yabara cui cananta xeinaeinchi peyawenaenexa tsainchi, Nacom Pejume Diwesitha namchi, jeye:

“Po matacabi jiwi yabara cui cananta xeinaein tayawenaenexa tsane, barapo mataqueitha paca jume taeinchi.

Po matacabitha jiwi capanenebiyaein paxam yawa paca yawenaeinchi”,

jei Nacom Pejume Diwesitha.

Anoxuae apara barapo matacabi jopa, po mataqueitha Nacom naca yabara cui cananta xeina wanaca yawenaenexa.

<sup>3</sup> Poxonae Nacom patanacuita dubenanaebiyan paichichipan xua daxita jiwi xaniwaicha pata tatsita jinompaewa, xua daxota daxita jiwi pejume cowantsiwanexa. Jopa abe paexanaeinyo bequein xua tsiwiyo xua abe pata exanaewa xua jiwi pata nejume aebiyainwa Nacom Pejume Diwesi poxonae patsipaeban. <sup>4</sup> Jame apara daxita beta paexana dubenanaebiyan jiwi pata tsita itapeinya xeinaewa xua apara jiwi pata taneyaputaenexa xua Nacom patanacuitan. Baxua paexanan poxonae awiya saya jantema pajinompan poxonae bequein ichamonae atene pana exana, xuano bequein painta seica pocotsiwa panantawenonan, xuano bequein poxonae bichocono painta yapu daunwei tsalbi poxonae paexaneiban. <sup>5</sup> Ichacuitha jiwi pana beiba bichocono. Matautano ichacuitha jiwi pana cuaranobeiba jiwi pecabi

bontha. Matautano ichacuitha jiwi ayei jiwi anaepanaya pana net-saquibabeiba poxonae jiwi ayei асусу. Poxonae panacuiteiban, bichocono ayapusya panacuiteiban. Ichacuitha merawitha jopa pamaituibinyo tsipei saya paexaneiban Nacom pia penacuichiwa tatsi. Ichacuitha tsaiibi bichocono pajainpeiban. <sup>6</sup> Jiwi patsita itapeinya xeinan xua paxan pomonae Nacom pia petanacuichi jiwi tatsi pan xua Nacom pata tsita juntu coyene xanepanaexae, matautano tsipei poxoru payaputan pocotsiwa pexainyei jume, matautano jopa pata casebixae pomonae bequein painta abe exana, xuano xua xanepanaya pata taexanaexae ichamonae, matautano Nacom pia Pejumope tñaxñ tatsi pata tanebarñ jinompaexae, xuano xua ichamonae xaniwaicha pata taantobexae. <sup>7</sup> Bara xaniwaicha payabara paeiban po coyene pexainyeiwa. Paxan paxeinan Nacom pia peayapusñ itorobi coyenewa tatsi. Pata Nacom pata tsita juntu coyene xanepanaexae, paxeinan pocotsi coyenewa xua panantawenonan xua pata tacueicueijeinexa Nacom. Paxan panacui wetan xua Nacom patanacuitan. <sup>8</sup> Ichacuitha jiwi pana nebarñ cui itura jineiba, ichamonae jopa pana tsita daicheibiyo. Ichacuitha ichamonae wñnaeya pana neyabara paebeiba. Ichacuitha ichamonae abeya pana neyabara paebeiba. Ichamonae pana neyabara paebeiba xua paxan pomonae jiwi pata muxuitorobi jiwi pan. Ichamonae pana neyabara paebeiba xua paxan pomonae apara xaniwaicha pata paeibi jiwi pan. <sup>9</sup> Ichacuitha ichamonae jopa ichipaeyo xua pata taneyabara yaputaewa xua paxan Jesús pia peitorobi jiwi tatsi pan. Pana yabara nanta xeina xua saya jiwi pan bequein daxita jiwi bara xaniwaicha pana neyaputane xua paxan Jesús pia peitorobi jiwi tatsi pan. Ichacuitha ichamonae pana neyabara nanta xeineiba xua paxan bara imoxoyo muxu pata bobeneibi, ichitha awiya asya pajinompeiban. Jiwi pana neatene exaneiba, ichitha jopa pana nejutebeibiyo. <sup>10</sup> Bequein ichacuitha bara pajuntu coyene wecoyan pata painta exanaexae ichamonae, daichitha awiya pajuntu coyene weiweinaya jinompeiban. Metha bequein paxan be pomonae peacopeibiwi pan tsipae ichitha paxeinan nawita Nacom weya pocotsiwan xua payawenan ichamonae. Bapoxonae barapo ichamonae be pomonae copei pexeinaewi naexana tsipei jume cowanta Nacom Pejume Diwesi xua papaeban. Bequein bara be pomonae jopa pata xeinae jiwi pan pocotsiwa xeina po cae pin nacuathe, daichitha apara bara paxeinan daxita po coyenein Nacom pana cata po coyenein xua jopa peweraweracaewa.

<sup>11</sup> Tamonae pam, paxam pomonae Corinto tomarapiwi pam. Daxita xua po coyenein tajuntu coyenewatha nanta xeinan baxuan paca tsipae-batsi. ¡Bichocono tajuntu coyenewatha paca antobetsi! <sup>12</sup> Amanaya bichocono jopa juniya paca antobetsi. Ichitha nama paxam barapomonae pam, pomonae pam jopa paichichipaem xua painyamonaе jiwi tapana neexanaewam. <sup>13</sup> Xan paca tsipaeбatsi xua be poxonae icha coxiyan ichi xua tsipaeба pia pexuyotha. Paca jeichi: “Xuya daxita painya nejuntu coyenewatha paneantobeinde icha paca ichichi xua tapaca antobewatsi bichocono”, paca jeichi.

*Meje poxonaе Pablo jeye: “Icha Nacom ichi xua popona pia pin botha barichi Nacom pana nebarñ jinompa”, jei*

<sup>14</sup> Jopa caemonae pana naexanaeinde pomonaetha pomonae jopa pejume cowantsi jiwi. Tsipei pon pejuntu coyene xanepanaein jopa

itacupaetsi xua pecueyatsiwa pontha pon peajuntucoyenebein. Barichi xua pequireiwatha peyonoyoneiwa jopa itacupaetsi xua quirei tsanaya baxota, awiya peyonoyoneixae. <sup>15</sup> Barichi Cristo pon xanepanaya pe-exaneibin jopa itacupaetsi xua pecueyatsiwa caurimonae pia pentacaponaeintha tatsi, pon abe peexaneibin. Barichi pon pejume cowantsin jopa itacupaetsi xua pecueyatsiwa pontha pon jopa pejume cowantsin, poxoru jopa jupaeyo xua nanta xeinabe. <sup>16</sup> Barichi Nacom pin pia botha jiwi jopa bewa wuna jainchina ibo nacomun. Saya meisa bewa wuna jainchina Nacom barapo botha. Nacom patsitan xua paxan bara be Nacom pin pia bo tatsi. Icha Nacom ichi xua popona pia pin pia botha, barichi Nacom naca baru jinompa, pon ataya asuya popona. Nacom caena bayatha baxua yabara jeye:

“Barapomonae baru poponaein yawa cueyata ducuaanaebiyaein.

Matautano barapomonae pia Nacomun tatsin tsane.

Barapomonae tamonae naexanaena”, jei Nacom.

<sup>17</sup> Daxota Nacom pon Pecanamataxeinaein jiwi, equeicha yabara paeba pomonae jopa pejume cowantsiwi. Nacom piamonaetha jeye:

“Barapomonae pia xainya weya paponare.

Jopa caemonae pana nayawa exanaeinde barapomonae.

Jopa paexanaeinde peabe coyene po coyene barapomonae exana.

Nexata xan paca matenta weyataeya wabinchi.

<sup>18</sup> Xan naexanan xua xan painya Axan.

Matautano paxam taxanton jiwi pam tsane, xuano iru taxantixi jiwi pamdu”,

jei Nacom piamonaetha pon daxita peayapusu itorobi coyenewan pexeinaein.

## 7

<sup>1</sup> Tamonae pam, paxam pomonae tapaca caantobe jiwichi pam. Xu-aunxuae po diwesi paca tsipaebatsi baraxuan apara Nacom yabara naca tsiwuna muxu duta xua pocotsiwa wanaca cana exanaewa. Daxota waxainchi bewa daxita abe waexanae cuiru coyenewan pentichi po coyenewan xua wapepon exana, xuano xua wajuntu coyene nanta xeinano. Matautano bewa xua Nacom junuwiya wabarua cui itura jinaewatsi tsainchi. Matautano bewa xanepanaya exanaponaetsi beya poxonae bichocono Nacom watsita juntu coyene xanepanaewa tsane xua jopa wanatsicuentisiwa xua abe waexanaexae bapontha.

*Meje xua poxonae Corinto tomarapiwi icha juntu coyene xeina xua Jesús pejume cowantsixaetsi*

<sup>2</sup> Equeicha caewa pana neantobeinde tsipei paxan jopa abe pacata exanaetsi. Paxan jopa abeya pamatacaponaeyino ichamonae xua xuya abe peexanaenexa. Matautano ichamonae jopa pamuxujainyabeibinyo.

<sup>3</sup> Jopa baraxua paca tsipaebichi xua paca yabara paebatsi xua abe painya neexanaewam. Bayatha copiya paca tsipaebatsi, paca jeichi: “Tajuntu coyenewatha bichocono paca antobetsi, bequein metha poxonae paca

baru werapaetsipatsi, xuanu metha bequein poxonae paca baru jinompaetsipatsino”, paca jeichi. <sup>4</sup> Bara bichocono paca yabara jume cowantsiwi xua po coyene tapaca catsipaebiwatsi tsainchi pocotsiwa tajuntu coyenewatha nanta xeinan xua pocotsiwa painya neexanaenexa tsane. Matautano paca yabara wuna jaintatsi poxonae ichamonae tsipaeban poxoru tapaca cui yabara paebixaetsi. Bequein ichamonae atene neexana, daichitha poxonae jume tan pocotsiwa paexaname pana nejuntu coyene tsacaba exaname xua junte ma tapoponaewa. Matautano barichi bichocono panejuntu coyene weiweina exaname.

<sup>5</sup> Poxonae po mataqueitha weya papatan Macedonia nacua weya jopa cuinaya junte ma painompaeyino xua jiwi abe pata tana necana exanaewa daxita coyeneintha. Pomonae jopa pejume cowantsiwi bichocono pana casebeiba pata natsipei cueicueijeixae Jesus pejume diwesi. Barichi pomonae pejume cowantsiwi junuwiya payabara najuntu coyene exabeiban nawita xua jopa xanepanaya pejinompaewa tsipae. <sup>6</sup> Daichitha Nacom pana juntu cui coyene tsacaba xua junte ma pata jinompaewa poxonae bequein paatanein tsaibi. Barapon Nacom apara pon jiwi cana exanatsi xua junte ma pejinompaewa poxonae bequein juntu coyene wecoyei. Baxua Nacom pana necana exana poxonae Tito patopa pata xantha. <sup>7</sup> Pajuntu coyene weiweinan xua bapon perapatopaxae. Ichitha jame yatsicaewa pana nejuntu coyene tsacabame xua poxonae bapon pana netsipaeba xua pinae xanepanaya pata exaname bapon. Bapon pana netsipaeba paxam yabara xua pinae pajam: “Maisa Pablobaru bepataebenaen. Bichocono pawecoyan yaitama Pablobaru abe exanatsi ichamonae. Daxota payabara najuntu coyene exaban bapon”, pinae pajam. Poxonae baxua jume tan bichocono juntu coyene weiweinan.

<sup>8</sup> Bequein xan paca juntu coyene wecoyei exanatsi xua po cartatha copiya pacata tinatsi, daichitha anoxuae baxua jopa yabara auranyo bequein copiyatha yabara auran baxua. Barapo carta saya bara caeto paca juntu coyene wecoyei exana. <sup>9</sup> Ichitha anoxuae juntu coyene weiweinan xua jopa apara poxoru painya nejuntu coyene wecoyeixae poxonae payorobame barapo carta, saya apara jame poxoru Nacom icha juntu coyene painya netsita xeinaexae. Paxam pajuntu coyene wecoyam icha be pocotsi coyeneya Nacom peichichipaewa xua abe painya neexanaexae. Daxota paxan jopa abe pacata exanaetsi. <sup>10</sup> Poxonae jiwi juntu coyene wecoyei icha be pocotsi coyeneya Nacom ichichipa, barapo peitanuwetha jiwi cana exanatsi xua peurawa abe peexanaexae bapoxonae barapo jiwi Nacom jume cowantsiwi. Bapoxonae Nacom jopa tsita natsicuentichi xua abe peexanaexae. Barapomonae icha juntu coyenein xeina poxonae barapomonae capanenebiyatsi abe pia peexanae cuiru coyenein weya tatsi. Bapoxonae barapomonae jopa bewa aura tsane xua copiya juntu coyene wecoyei. Ichamonae pomonae jopa pejume cowantsiwi Nacom, poxonae barapomonae wecoyei xua jopa peuraxae poxonae abe exana, ichitha barapo itanuwetha barapomonae jopa yawenaetsi. Apara saya barapomonae werapaena Nacom petsita abe exanaexaetsi. <sup>11</sup> Po itanuwe Nacom pacata copata bayatha jame barapo itanuwe paca yawena. Barapo itanuwe paca exana xua paca juntu coyene tsacaba xua beta painya neexanaenexa. Matautano paca exana xua pacui yabara nanta xeiname pon abe peexanaen. Bapox-



onae nainya paitawetame bapon, abe peexanaexae. Barichi be patsita itapeinya xeiname Nacom xua paxam jopa panatsicuentisim xua jopa be barapocotsi coyenewiyo pocotsi coyenewa xua bapon exana. Matautano paauram xua painya necopatsiwa bapon xua bara abe peexanaewa. Matautano pajunuwame xua Nacom atene paca exana poxoru bapon abe peexanaexae. Bapoxonae be pabebam painya xainya weya po coyene xua bichocono abe. Daxota paitawetame bapon. Daxita beta paexaname. Painya netsita itapeinya xeinaewa Nacomtha xua apara daxita paxam jopa abe paexanaem. Saya meisa bapon abe peexanaexae. <sup>12</sup> Bayatha pacata tinatsi po carta xua paca itanuwe exana xua Nacom painya tsita itapeinya xeinaenexa xua xaniwaicha bara pana neantobem painya neexanaexae pocotsiwa paca itorobatsi. Apra jopa pacata tinaetsi xua saya poxoru tayabara nanta xeinaexae pon abe exana, xuano iru pon coseuri pitatsi, xua tayawenaewa tsane. <sup>13</sup> Pata taneantobemxaem pana nejuntu coyene tsacabame xua tajuntu coyene weiweinaewa.

Barichiru daxita paxam Tito pajuntu coyene cui tsacabame daxita pocotsiwantha xua beta painya paebixaem bapontha. Jame yatsicaewa bapoxonae bichocono pajuntu coyene weiweinan xua poxonae Tito pacana exaname, beyacaincha poxonae pana necana exaname xua poxonae pajuntu coyene weiweinan. <sup>14</sup> Poxonae Tito taxainya weya bara muxu peponaeba matha beta paca yabara paebatsi bapontha, janje: “Maisa Corinto tomarapiwi pomonae pejume cowuntsiwi weyatan xua bichocono pejuntu coyene xanepanaexae Nacomtha”, jan. Paxam jopa panejuntu coyene aura exanaem. Xua ba paca tsipaebeibatsi baraxua bara pexainyeiwa tsaibi. Matautano pocotsiwa paca yabara paebatsi Titotha baxua apra bara pexainyeiwano iru. <sup>15</sup> Bapon Tito bichocono paca antobe anoxuae beyacaincha poxonae cataunxuae jopa paca siwa ponaeyo. Bapon paca yabara juntanaina xua paxam pabaruru jume jejam tsaibi pocotsiwa paca itorobeiba. Matautano bapon pantenta weyataeya wabame painya baru itura jinaexae bapon. Matautano pajunuweibame xua abe painya neexanaeyainwa bapon. <sup>16</sup> Maisa bichocono juntu coyene weiweinan xua tapaca yabara jume cowuntsiwatsi xua daxita coyenewan painya neexanaewaxae po coyene xua wuna.

## 8

*Meje xua poxonae Pablo yabara paeba xua Cristo piamonae tatsi paratixi pecacomocae paratixi jejebapona pomonae peacopeibiwi nexa*

<sup>1</sup> Tamonae pam, paichichipan xua painya neyabara yapuraewa xua Nacom pia peyawenaewa jiwi, pia peantobexae. Ichichipan xua tapaca tsipaebiwatsi po coyene Nacom tsita itapeinya xeina barapo pia peantobe coyenewa pomonaetha pomonae pejume cowuntsiwichi, pomonae penacaetutsi bonmonae jiwi xua pomonae wuna pejainteibiwi Nacom pomonae xua Macedonia nacuatha jinompa. <sup>2</sup> Bequein barapomonae bichocono daunweya juntu coyene jujutatsi poxonae ichamonae abe taexana barapomonaetha, daichitha awiya cataunxuae barapomonae juntu coyene weiweina. Bequein barapomonae peacopeibi jiwi, daichitha barapomonae catsibeiba nawita paratixi pecacomocae paratixi petaitorobinexa pomonaetha pomonae peacopeibi

jiwi Jerusalén tomarapiwi be poxonae yatsicaewa pepa copei pex-einaewi. <sup>3</sup> Xan tan xua barapomonaе cata nawita be po coyeneya xua daxita itacꝑatsi xua pecatsibiwa. Matautano ichawano catsiba beyacaincha xua poxonae itacꝑatsi xua pecatsibiwa. <sup>4</sup> Barapomonaе bichocono pana muxu fayacotsiya jeye: “Bara pana copare xua bara Jerusalén tomarapiwi patacatsibinexa paratixi pecacomocae paratixi pomonaе iru pejume cowantsiwi, pomonaе peacopeibi jiwi”, pana jei. <sup>5</sup> Barapomonaе baxua exana beyacaincha xua pocotsiwa pananta xeinan xua barapomonaе itacꝑatsi xua pocotsi coyeneya pecatsibiwa tsane. Matautano barapomonaе juntucuru nanta xeina xua bara petanacuichinexa tsane Nacom nexa daxita pejuntꝑ coyeneiny-atha. Bapoxonaе juntucuru nanta xeina xua barapomonaе bara pata taneyawenaenexa tsane be pocotsi coyeneya Nacom ichichipa. <sup>6</sup> Daxota Tito paitoroban xua nacui wetsina xua penonotaponaewa tsane paratixi pecacomocae paratixi, tsipei bapon bayatha caena tamropata pitaba xua penonotaponaewa paratixi painya xantha. Poxonaе barapo paratixi pacatsibaponame bara pexeinya coyene paexanaponaе peacopeibiwitha painya neantobewaxae. <sup>7</sup> Paxam bichocono jopa juniya paxeinaem po coyenein xua painya neexanaewa. Bichocono pajume cowantame Nacom. Matautano betiya pacueicueijam Nacom Pejume Diwesi, xuano bichocono payabara yaputaneme Nacom Pejume Diwesi. Matautano bichocono painya juntꝑ coyenewatha paichichipame xua ichamonaе painya neyawenaewa. Matautano bichocono pana neantobem. Daxota bichocono jopa juniya toxechiya paexanaeinde xua painya neyawenaewa xua poxonaе paratixi pacatsibame pomonaetha pomonaе iru pejume cowantsiwixae. Baraxua paexande painya neantobexae barapomonaе.

<sup>8</sup> Poxonaе baxua paca tsipaebatsi jopa paca itorobichi xua painya neexanaewanexa. Saya apara jame paca tsipaebatsi baxua xua taya-putaenexa icha bara metha paxam bichocono paantobem ichamonaе icha Macedonia nacuamonaepiwi ichi. Barapomonaе bichocono antobe ichamonaе daxota yawena nawita. <sup>9</sup> Paxam payaputaneme xua Jesucristo naca antobe pon Wanacanamataxeinaein. Jesucristo poxonaе Paxatha popona copiya daxita xeina be poxonaе yatsicaewa copei pexeinaein. Daichitha bapon pia coutha nacana exana be pocotsin jopa copei pexeinaein poxonaе paxa cuenta pona. Poxonaе jiton pia coyeneya nacana exana bapoxonaе acopeibi nacana exana pia paca necaantobewaxae. Daxota xuya nawita painya nexeiaе jiwi pam tsane xua po coyenewa Jesucristo xeina.

<sup>10</sup> Paca tsipaebatsi baxua painya tapaca cayawenonaexaetsi. Nanta xeinan xua paxam bewa panacui yabara wetsiname pocotsiwa xua bayatha icha weitha patamropata notaracꝑame xua paratixi painya nejejbaponaewa Jerusalén tomarapiwi nexa. Baxua bayatha paexaname painya juntꝑ coyeneintha bichocono painya neichichipaexae xua painya neexanaewa baxua. <sup>11</sup> Icha copiya paichim xua paichichipame nawita xua painya neexanaewa baxua, paexanaponde beya poxonaе panacui yabara wetsiname. Padodoutaponde xua be pocotsi coyene paca cui jꝑra xua pocotsi matoma paxeineibame xua pajiwana tsabeibiname paratixi. <sup>12</sup> Icha pebin ichichipa xua pecatsiwa paratixi Nacomtha bapon bara nata jiwana wetsatsina paratixi xua catsina be pocotsi

coyene xua cui jupatsi xua pecatsiwa. Pocotsiwa bapon cata bara Nacom wecobe pita. Saya poxoru Nacom jopa pewucaexae poxonae pebin bequein jopa xeinaeyo taethatsi. Saya jame icha jiwi cui jupatsi xua pecatsiwa poxonae xeina, bapoxonae jame Nacom wecobe pita.

<sup>13</sup> Jopa paca tsipaebichi xua ichamonae bewa payawenaename xua painya necatsibiwa daxita xua paxeiname xua beya poxonae daxota painya neacopeibiwa tsane. <sup>14</sup> Saya jame paca tsipaebatsi xua paxam copei pexeinaewi pam iru peacopeibiwi Jerusalén tomarapiwi bewa peburu ya jupaeya paxeinaename. Metha anoxuae paxeiname nawita, ichitha barapomonaе jopa xeinaeyo. Daxota paxam pomonaе nawita painya nexinae jiwi pam bewa pacatsibiname pomonaetha pomonaе jopa xeinaeyo pocotsiwa barapomonaе nantawenona. Metha bexa tsane barapomonaе xeinaena nawita ichitha paxam jopa paxeinaem tsane. Bapoxonaе bewa barapomonaе xuya paca catsibina pocotsiwa panantawenoname. Bapoxonaе daxita pam nanta jupaeya paxeinaename. <sup>15</sup> Nacom Pejume Diwesitha baxua yabara jeye: “Pon nawita pexeinaein copiya, beyacaincha xua pocotsiwa nantawenona, bapon jiwana wecata ichuntha pocotsiwa xua jopa pecanantawenonaexae. Pon xua tsiwiyo xeina copiya xua daxota taseicatsi pocotsiwa nantawenona, pirapae xeina pocotsiwa pecanantawenonaewa poxoru pon nawita xeina piawa jiwana wecata bapontha”, jei Nacom Pejume Diwesitha.

*Meje xua Tito yabara iru pomonaе pia peyanabiwatsiru*

<sup>16</sup> Tsipaeban Nacom, janje: “Nacom maisa juntu coyene weiweinan xua Tito pejuntu coyenewatha yabara nanta xeina ducuaenaеbiya Corinto tomarapiwi xua peyawenaenexa barapomonaе icha xan ichin”, janje. <sup>17</sup> Bapon Tito juntu coyene weiweina poxonaе patsipaeban xua pia paca necayawenonaewa tsane. Daxota anoxuae bapon pia coutha paca siwa ponaena peichichipaexae xua pia paca yawenaetsi.

<sup>18</sup> Ichundu paitoroban pon pejume cowantsindu xua Tito pepuna ponaenexatsi. Daxita pomonaе pejume cowantsiwi pomonaе penacae-tuteibi jiwi xua wanae pejainteibiwi Nacom barapomonaе bapon beta yabara nanta xeinatsi, tsipei pinae bapon beta xanepanaya cuiduba Nacom pia pecapanenebiyaе diwesi jume. <sup>19</sup> Jopa meisa pebaxuaxae. Jame yawa matautano barapomonaе pomonaе pejume cowantsiwi peitapetsixae barapo pebin xua bapon pata tanebaru ponaenexa poxonaе pacapanan paratixi peacopeibiwitha pata antobexae barapomonaе. Barapo penacuichiwa pata exanaexae pabaru cui itura jinan Nacom pata exanaexae pocotsiwa bapon pana itoroba. Matautano poxonaе baxua paexanan patsita itapeinya xeinan xua paichichipan xua nantiya pata tanayawenaewa. <sup>20</sup> Paichichipan xua xaniwaicha beta paexanan poxonaе pin paratixi cun pacaponan xua jiwi abe pata neyabara pae-biyainwa. <sup>21</sup> Paichichipan nawita xua xainyeya pata exanaewa Nacom peitabaratha tatsi xuano xua jiwi peitatha tatsino.

<sup>22</sup> Barichino ichunno paitoroban pon pejume cowantsindu xua baponbe Tito pepuna ponaenexa tsainchibe. Bapon pon cotacaya paitoroban, pajuntu coyene jujatan pata yaputaenexa icha bara metha beta nacuita Nacom nexa. Bara bapon beta jume cowanta ducuaenaеbiya. Daxota bapon iru paitoroban. Bapon ichichipan nawita xua pia paca yawenaewa tsane pia paca yabara jume cowantsixae xua bara beta paexaname. <sup>23</sup> Icha ichun paca yabara yainyaba Tito

pana nejume cayabara jume bapontha xua janje: “Bapon taneyantsin. Bapon neyanta xua penacuichiwa po penacuichiwa xua tapaca yawenaewatsi. Ponbe Tito puna poinchibe baponbe itorobatsibe pomonae pejume cowantsiwi. Baponbe tsita itapeinya xeinabe barapomonaetha xua bara xaniwaicha pejume cowantsinbe Cristo, xua daxota barapomonaewanae pejainchinexa Nacom”, pana nejume cayabara jande. <sup>24</sup> Barapo acoibi poyobe xaniwaicha pantenta weyataeya wabare poxonae patsina painya xantha. Bapoxonae poxonae baxua paexaname patsita itapeinya xeinaename pomonae pejume cowantsiwi xua xaniwaicha bara paantobem barapo acoibi poyobe. Bapoxonae barapomonaewanae paca yabara cui yaputaena, xua paxan xaniwaicha papaeban xua poxonae jantũ coyene weiweinaya atsaquiya tapaca yabara paebiwatsi xua painya nejume cowantsixae.

## 9

*Meje xua paratixi pejehebaponaewa yabara pomonae pejume cowantsiwi jiwu nexa, pomonae peacopeibi jiwu xua pomonae Jerusalén tomarapiwi*

<sup>1</sup> Jopa nantawenonaeyino xua equeicha tayabara tinaewa xua painya neyawenaenexa ichamonae pomonae irũ jume cowanta xua painya necatsibinexarũ paratixi pomonae Jerusalén tomarapiwi. <sup>2</sup> Bara yaputanba bayatha xua bichocono painya neichichipaewa xua painya necatsibiwa paratixi. Paca yabara paebeibatsi Macedonia nacuamonae piwita, janje: “Bayatha icha weitha Acaya nacuapiwi najantũ cui coyene wanaeta xua jehebaponaena paratixi peacopeibiwi nexa”, jan. Barapo Macedonia nacuapiwi, najantũ cui coyene tsacaba xua irũ pebarichinexarũ pejume taexae xua pinae paxam paichichipame nawita po coyene painya neyawenaewa. <sup>3</sup> Barapo acoibi poyobe itoroban xua ichamonae jopa taneyabara paebinexa tsane xua tanaerabiwa xua bayatha tapaca yabara paebixae. Daxota bewa pana nacui wanaetsiname xua painya nejehebaponaewa paratixi xua painya necatsibinexa ichamonaetha. <sup>4</sup> Metha barapo Macedonia nacuamonae piwi jiwana nebarũ ponaena poxonae paca siwa ponaeinchi. Metha barapomonaewanae paca taetsipa xua jopa pana nacui yabara wanaetsim xua painya nejehebaponaewa paratixi xua painya necatsibiwa ichamonae. Bapoxonae bichocono paauran tsipae tsipei bayatha paca yabara paeabatsi xua paxam pacatame nawita. Irũ paxam paauram tsipae. <sup>5</sup> Nanta xeinan xua bewa copiya itorobin barapo acoibi poyobe xua bara poyobe copiya paca siwa ponaena beya poxonae xua paca siwa ponaeinchi. Barapoxonae barapoyobe painya nepaca yawenaenexa xua penotaponaewa paratixi. Bayatha pana nemuxu tsipaebame xua pinae paichichipame painya necatsibiwa ichamonae barapo paratixi. Po paratixi panotaponame panacui yabara wetsiname, baxua patsita itapeinya xeiname xua saya jopa apara poxoru bewa pacatsibim. Saya poxoru painya coutha painya neichichipaexae xua painya necatsibiwa.

<sup>6</sup> Payabara nanta xeinare po diwesi ba xua jeye: Pon ba conotha uba ba conotha jota pocotsiwan xua penawetsiwan. Pon ba jopa juniya ubiyo ba jopa juniya jotsiyo pocotsiwan xua penawetsiwan. <sup>7</sup> Daxita pomonae pejume cowantsiwi bewa catsibeibina be pocotsi coyeneya nanta xaina pejantũ coyenewatha. Jopa bewa asiwiya catsibeibi icha aichaxaibi xua pecatsibiwa. Matautano jopa bewa catsibeibi poxoru

ichan pecu itorobixae xua pecatsibeibiwa tsane. Nacom tsita juntu coyene xanepanatsi nawita pon juntu coyene weiweinaya douteiba ichamonaetha. <sup>8</sup> Nacom bara itacupatsi xua daxita painya nepaca catsibiwa pocotsiwan panantawenoname, matautano ichawano xua bichocono nawita beyacaincha pocotsiwa xua panantawenoname. Bapoxonae paxeinaename pocotsi coyeneya xua paca cui jupa xua pajuntu coyene weiweinaya catsibiname ichamonaetha. <sup>9</sup> Nacom Pejume Diwesitha pon nawita pecatsibin jiwi bapon yabara jeichichi, jeye:

“Pon catsibeiba poneiba nawita pomonaetha pomonae peacopeibi jiwi Nacom jopa juniya xuya catsibeibi tsane bapontha, xanepanaya peexanaexae”, jei Nacom Pejume Diwesitha.

<sup>10</sup> Apra Nacom pon catsibeiba jiwi po pexu xua jiwi peubinexa. Matautano apra Nacom pon catsibeiba pexaewa xua jiwi pexaenexa. Barichi Nacom paca catsibeibina beyacaincha xua pocotsiwa panantawenoname. Bapoxonae paca cui jupaena xua ichamonae painya necatsiba dubenanaebiyaewa tsane nawita, pocotsiwa jopa panantawenonaem. <sup>11</sup> Nacom nawita paca catsibina xua daxota paca itacupaena xua ichamonae pacatsiname nawita. Poxonae pacaponaen barapo paratixi xua pata itorobame peacopeibi jiwi nexa, Jerusalén tomaratha, bapoxonae barapomonae Nacomtha jeye tsane: “Nacom maisa pajuntu coyene weiweinan xua painta exaname xua daxota barapo Corinto tomarapiwi painta itoroba paratixi”, jei tsane. <sup>12</sup> Poxonae barapo paratixi pacatame barapo pejume cowantsi jiwitha, bara barapomonae pacatame pocotsiwa barapomonae penantawenonaewa. Matautano painya neexanaexae baxua barapomonae wnae jainteiba Nacom. <sup>13</sup> Barapomonae wnae jainta Nacom painya nejejeixae xua paexaname po coyene Cristo pia pecapanenebiyae diwesitha paca itoroba. Matautano barapomonae Nacom wnae jainchinci, painya neyawenaexae poxonae pacatame paratixi nawita barapomonaetha xuano xua daxita ichamonaethan. <sup>14</sup> Barapomonae Nacomtha pacata wnaena pia paca necaantobewaxae poxoru barapomonae patsita itapeinya xeiname xua Nacom bichocono paca yawena pia paca necaantobewaxae. <sup>15</sup> Nacomtha patsipaeaban, pajanje: “Nacom maisa pajuntu coyene weiweinan xua nexanto painta amanaya itorobicame pata xantha. Baxua pocotsiwa xua painta exaname bichocono jopa juniya xanepanaeyo xua jopa pana itacupaeyo xua po jumetha pata yabara paebiwa”, pajan.

## 10

*Meje xua Pablo yabara paeba pia peitorobi coyenewa*

<sup>1</sup> Xan Pablon paca jume fayacotatsi. Paca tsipaebatsi icha be pocotsi coyeneya Cristo ichi poxonae paeba. Bapon tsipaeba jiwitha pebaru cui itura jinae coyenetha xuano peantobe coyeneyatha. Paxam pinae pana neyabara paebame pinae pajam: “Poxonae Pablo popona pata xantha saya jopa jume daunweyo poxonae pana netsipaeba. Ichitha poxonae taju wepainta tineibarena jume daunweya painta tineibarena”, pinae pana neyabara jam. <sup>2</sup> Poxonae paca siwa ponaeinchi jopa paexanaeinde pocotsiwa xua daxota bewa paca tsipaebinchi pocotsi jumeintha xua daxota jume daunweya tapaca catsipaebiwa tsainchi. Ichamonae

paxam jiwana pana neyabara paeba xua pinae abe paexanan poxonae paexanan pocotsiwa Nacom pana itoroba icha pocotsi jiwimonae ichi pomonae jopa pejume cowantsiwi. Bewa jume daunweya tsipaebin barapomonaetha xua baxua yabara xua taneyabara paebiwa. <sup>3</sup> Bara xaniwaicha xua paxan apra saya jiwani pan. Bequein paxan pajinompan barapo cae pin nacuathe, ichitha poxonae pacuiduban Nacom Pejume Diwesi jopa paexanaeinyo icha barapo cae pin nacuathepiwi ichi poxonaeba yabara naba peexanaenexa pocotsiwa ichichipa. <sup>4</sup> Jopa paxeinaeinyo xua pesojeiwan xua pata nabinexa xua pocotsiwa barapo cae pin nacuathepiwi xeina. Daichitha paxeinan Nacom pia peayapusu itorobi coyenewa tatsi xua baraxota pata nayaewatsinexa. Barapon Nacom pia peayapusu itorobi coyenewa tatsi pana necana exana xua paamanayaban po peayapusuwa barapo cae pin nacuathepiwi xeina xua saya caurimonae pia pentacaponaein tatsi pia peayapusuwa tatsi. <sup>5</sup> Ichamonae najume matsontsonoba poxonae pacueicueijan Nacom Pejume Diwesi jopa peichichipaexae xua Nacom peyaputaewa tsainchi. Barapomonaebajume amanayaban poxonae najume matsontsonoba. Barichi pomonae atsaquiya penayabara paebiwi pia coutha poxoru jopa ichipaeyo xua Nacom peyaputaewa tsainchi, barapomonaebacui amanayabandu. Paxan pacopatan xua bara Cristo pata tanecanamataxeinaewa daxita pata tananta xeinaewatha, xua daxota pata exanaewa pocotsiwa Cristo pana itoroba. <sup>6</sup> Paxan panacui wanaetan xua pata muxuwetsiwa pomonae jumefeba Nacom pomonae painyamonaebajiwana pamxaem. Baxua paexanaein barapomonaetha poxonae paxam matha tsiwanaya xaniwaicha pajume jejam tsurubenanaebiyam tsane xua paexana dubenanaebiyame pocotsiwa Cristo ichichipa.

<sup>7</sup> Paxam paca tsitatsi xua paxan be pomonae jopa peainya cui jiwani pan poxonae saya pana taneme. Jopa pana nejuntu cui coyene yaputaem po coyene xua paxeinan pata juntu coyeneintha. Icha ichun xaniwaicha pia coutha nayabara nanta xeina xua bapon Cristo piamonae jiwana tatsi, bapon bewa barichi xua bewa pana yabara jantanainae xua paxan bara Cristo piamonae jiwana tatsi pan icha bapon ichi. <sup>8</sup> Jopa auranyo xua pata coutha pata nayabara paebiwa baxua bequein pata coutha atsaquiya pana nayabara paeban xua janje baxue: "Apra Nacom pana cata pia peayapusu itorobi coyenewa xua pata paca cayawenaenexa tsainchi xua painya nejuntu coyene xanapanaponaenexa. Apra jopa pana catsiyo barapo peayapusu itorobi coyenewa xua pata paca abe exanaewatsi tsainchi", xua jan. <sup>9</sup> Jopa ichipaeinyo xua pata taneyabara nanta xeinaewam xua pana pata tanejume cunuwiwam xua pacata tinatsi cartan. <sup>10</sup> Ichamonae neyabara paeba, jeye: "Pablo pia cartantha xua taju wenacata tineibarena bichocono ayapube xua wayabara jume cowantsiya exanaewa yawa bichocono jume daunwei tsaibi. Ichitha poxonae bapon patopa waxantha pia pepon saya pecui pawu xuan poxonae cueicueije jopa naca tsita ainya cuiyiyo", jei barapomonaebajiwana. <sup>11</sup> Barapomonaebapara bara bewa pana neyaputaena xua paexanaein pocotsiwa xua cartantha papaeban poxonae papatsin barapomonaebapia tomaratha tatsi.

<sup>12</sup> Pata coutha jopa pana nayabara nanta xeinaeinyo xua paxan bacui jupan xua pomonae pia coutha penayabara nanta xeinaewi xua peainya cui jiwani naexana. Saya barapomonaebapia coutha nayabara nanta xeina

xua bara betiya exana daxita, beyacaincha ichamonae pomonae piamonae tatsi. Barapomonae apara jopa peyaputae jiwi, poxoru saya jeita nawita xua po coyene beyacaincha piamonae tatsi exana. <sup>13</sup> Paxan saya tsiwiyo atsaquiya yabara papaeban po coyene xua Nacom pata tanecui copatsiwa xua bara pata tanacuichiwa Nacom. Jopa toxeinchiya atsaquiya papaebinyo xua beyacaincha xua poxonae Nacom pana copata xua pata exanaewa tsane. Saya paexanan po penacuichiwa xua Nacom pana cata. Nacom pana copata xua papatan ichaxota paxam Corinto tomaratha xua pata paca cayawenaenexatsi Nacom Pejume Diwesi. <sup>14</sup> Jopa patoxeinchiya exanaeinyo po coyene Nacom pana itoroba poxonae paca siwa poinchi. Paxan pomonae pan pomonae copiya papatan painya xantha xua pata paca catsipaebinexatsi Cristo pia pexeinya jume diwesi. <sup>15</sup> Ichamonae pomonae paxam jiwana pam jume cowanta Cristo pejume diwesi pecuidubixaetsi ichamonae. Barapomonae pomonae pejume cowantsiwi Cristo pejume diwesi, jopa atsaquiya bepayaabara janyo: “Barapomonae jume cowanta apara poxoru barapomonae pata cuidubixae”, jopa bepajanyo. Jame xua paichichipan xua paxam bewa mataropeichiya pajume cowanta dubenanaebiyaename. Bapoxonae pana itacupa xua mataropeichiya pata nacuichiwa painya xantha. Saya meisa bewa paexanaein pocotsiwa Nacom pana itoroba. <sup>16</sup> Paichichipan pata cuidubiwa ichamonae Nacom Pejume Diwesi xua taju beya xua painya tomara weya poxonae pawetan xua pata paca cuidubiwatsi Nacom Pejume Diwesi. Ichitha jopa paichipaeinyo xua pata cuidubiwa Nacom Pejume Diwesi ichaxota ira ichamonae cuidubarabarako Nacom Pejume Diwesi yawano xua jiwi jume cowanta barapo diwesi. Tsipei barapo pejume cowantsiwi jopa paichichipaeinyo xua pata yabara jeinexa: “Barapomonae taju weya jume cowanta barapo Nacom Pejume Diwesi pata cueicueijeixae barapo diwesi”, jopa bepayaabara janyo.

<sup>17</sup> Icha ichan ichichipa atsaquiya penayaabara paebiwa xua pinae beta exana, jame bara bewa moya bara atsaquiya yabara paebi po coyene Nacom pia peyaputae coyenewan tatsi yabara xua petsita itapeinya xeinaenexa xua apara Nacom beta peexanaein. <sup>18</sup> Pocotsiwa xua pebin pia coutha nayabara wuna jainta xua beta peexanaexae baxua Nacom jopa tsita ainya cuichi. Pocotsiwa xua Nacom yabara nanta xeina xua barapo pebin yabara nanta xeinatsi baxua jame Nacom tsita ainya cuichi.

## 11

*Meje xua Pablo yabara paeba pomonae xua muxuitorobiya pejeiwa: “Paxan Jesús pia peitorobi jiwi tatsi pan”, pomonae pejeiwa*

<sup>1</sup> Ichichipan xua jopa painya neaitaconaewa xua tapana nejume yabara ewatsiwam xua tapaebiwa pocotsi jume xua po diwesiyo xan yabara. <sup>2</sup> Tsipei yaitama bichocono paca asiwatsi icha Nacom pana ichi xua pana asiwa. Paxan paca doutatsi Nacomtha xua painya nejume cowantsinexa Cristo. Barapocotsi coyeneya paca cana exanatsi icha be pocotsi coyeneya pebin ichi poxonae ba pexantiyo douta xua ichan pepichinexa powa bayatha ichan jopa pichiyo. Bapowa antobe pia pebin. Paxam bewa bara paichim, bewa Cristo pantobem. <sup>3</sup> Caurimonae pia pentacaponaein tatsi pon pia coutha naexana be jomo, bapon Eva muxuitorobatsi peajuntacoyenebewatha. Pajunuwan xua bapon paca

muxuitorobina barapo juntu coyenewatha. Bapon paca cana exanaena xua painya nenanta xeinaewa Cristo jopa beta peyabara nanta xeinaewatsi, xua equeicha jopa xanepanaya painya neantobewa tsane Cristo, meisa xua bapontha painya neantobenexa. <sup>4</sup> Paca yabara junuwatsi poxoru pajume naitaewatame pocotsi diwesin xua daxita jiwi paeba. Paxam itapeta pajume naitaewatame ichuntha pontha pon peyabara paebin Jesús xua ichun xua pon pepa Jesús aibi. Paxam payabara jume naitaewatame icha jumope xua po jumope jopa xapain Nacom pia Pejumope tñaxu tatsi. Matautano yabara pajume naitaewatame icha diwesi po diwesi xua jopa xapain Nacom pia pecapanenebiyae diwesi jume xua po diwesi jume copiya pajume taneme. <sup>5</sup> Pomonae baxuan paca tsipaeba, barapomonae pia coutha nayabara nanta xeina, jeye: “Paxan Jesús pia peitorobi jiwi tatsi pan, xua pata peainya cui jiwi pan”, jei. Ichitha jopa yabara nanta xeinaeinyo xua barapomonae netoxeincha peainya cui jiwi beyacaincha xua xan. <sup>6</sup> Xan saya taepato cueicueijan Nacom Pejume Diwesi tatsi. Jopa bichocono wñae tacueicueijiwa jopa be bapocotsinyo be pocotsin xua beta pecueicueijiwa. Daichitha bara yaputan xua yabara tacueicueijiwa. Paca tsita itapeinya xeineibatsi xua bara tayaputaewa, xua poxonae daxita pocotsiwantha paca tsipaebibatsi.

<sup>7</sup> ¿Metha bara abe exanan jampa poxonae jopa paca wñcaetsi pocotsiwa nantawenonan xua tacueicueijeixae Nacom pia pecapanenebiyae diwesi? Jume apara, apara jopa abe exanaeinyo. Tacoutha acopeibi naexanan xua tacui pawí naexanan xua saya meisa ainya cui paca cana exanatsi poxonae paca cuidubatsi Nacom Pejume Diwesi. <sup>8</sup> Ichamonae pomonae pejume cowantsiwi pomonae penacaetuteibi jiwi, xua pomonae wñae pejainteibiwi Nacom barapomonae wecobe pitan paratixi tanecatsixae. Barapo paratixitha comocan pocotsiwa xua nantawenonan poxonae tapaca baru ecaewatsi xua amanaya tapaca cayawenonaenexatsi. <sup>9</sup> Poxonae cataunxuae paca baru ecatsi bapoxonae inta acoibi pocotsiwa tacanantawenonaewa. Jopa wñcaeinyo painyamonae jiton xua pocotsiwa daunweya pacata exainchi xua saya painya tana necatsibiwaxaem. Pomonae Macedonia nacuamonaepiwi pomonae pejume cowantsiwi barapomonae inta carendena pocotsiwa xua tacanantawenonaewa. Bayatha jopa paca wñcaetsi xuano xua equeicha bexa jopa paca wñcae tsainchi xua daxota jopa pacata daunwei exanae tsainchi xua daxita coyenewantha. <sup>10</sup> Tajuntu coyenewatha xeinan Cristo pia pexainyei coyenewa tatsi. Dapon aibi xua neexana xua taitompa exanaewa xua yabara tacueicueijiwa baxua xua jopa paratixi paca wñcaetsi. Baxua cueicueijan daxita Acaya nacuatha. <sup>11</sup> ¿Eta xua metha baxua paca tsipaebatsi? ¿Metha poxoru jopa tapaca antobewatsi? Ajibi apara, Nacom yaputane xua bichocono tapaca antobewatsi.

<sup>12</sup> Ichitha awiwa exanaponaein pocotsiwa xua anoxuae exanaponan xua jopa tapaca wñcaponaewatsi paratixi. Baxua exanan xua tajume cui matawentsinexa, pomonae xua naerabiya atsaquiya paeba, xua jeye: “Paxan jupa paexanan icha Pablobaru ichi xua paratixi nonotaponae be pentoma xua pecueicueijeixae Cristo pejume diwesi”, jei. <sup>13</sup> Barapomonae pemuxuitorobi jiwi xua pinae barapomonae Jesús pia peitorobi jiwi tatsi. Barapomonae jiwi muxujainyaba pia penacuichiwa



coyewetha. Barapomonaē be natsicotane Jesús pia peitorobi jume pepaebi jiwi tatsi. <sup>14</sup> Pocotsi coyeneya xua barapomonaē nacana exana jopa yabara najuntũ coyene cabenaecaeinyo. Payaputan xua barapomonaē apara Satanás piamonaē tatsi tsipei barapomonaē pia coutha nacana exana xua itara mexeya beta peexanaewi icha bapon ichi. Satanás pon caurimonaē pia pentacaponaein tatsi pia coutha nacana exana xua itara mexeya pon xanepanaya peexanaein icha matatsunpin ichi xua pexeinya peitupanae coicha xeina Nacom weya. <sup>15</sup> Daxota jopa bewa najuntũ coyene cabenaecaetsi xua poxonaē Satanás pia petanacuichi jiwimonaē tatsi exana icha Satanás ichi poxonaē exana. Barapomonaē natsicotane be pocotsimonaē xua beta peexanaewi. Daxota poxonaē Nacom yabara paebina barapomonaē xua penatsicuentsiwa xua abe peexanaexae, barapomonaē bichocono atene exanebinchi xua be pocotsi coyeneya bichocono abe peexanaexae.

*Meje xua poxonaē Pablo pia coya nayabara paeba xua atene exanatsi Jesús pia peitorobi jiwi jiwana tatsixae*

<sup>16</sup> Equeicha paca tsipaebatsi: Jopa paneyabara nanta xeinaeinde xua xan be pon tanentajemabin bequein cueicueijeithan barapo coyeneya. Ichitha icha panecayabara nanta xeiname baxua bara saya beitatemaya amuxuya pana nejume taema pocotsiwa xua cueicueijan icha be pocotsin pon pematajemabinchi ichi. Bapoxonaē xan tacoutha atsaquiya conotha nayabara paebin icha ichamonaē ichi xua pia coutha atsaquiya nayabara paeba. <sup>17</sup> Apra jopa paebinyo xua tana itorobixae Jesús pon jiwi Pecanamataxeinaein. Apra saya tacoutha atsaquiya nayabara paeban icha pon matajemabatsi ichi xua pia coutha natsipaeba. <sup>18</sup> Tsipei ayei jiwi atsaquiya yabara paeba pocotsiwa barapo cae pin nacuathe xeina. Daxota xan barichin tacoutha atsaquiya nayabara paeban. <sup>19</sup> Pananta xeiname xua daxita pam painya neyaputae jiwi pam. Ichitha jopa peyaputaewi pam. Bara saya pacui yabara copatame xua pajume naitomatame pomonaetha pomonaē be pematajemabi jiwi pomonaē naerabiya paeba xua poxonaē jeye: “Paxan Jesús pia peitorobi jiwi pan”, jei. <sup>20</sup> Matautano bara saya pacui yabara copatame xua bara amanaya painya netanacuichinexa tsane ichamonaē. Matautano saya pacui yabara copatame xua bara ichamonaē amanaya paratixi painya nepaca cobe wenoteibiwa xua saya barapomonaē nexa. Matautano saya pacui yabara copatame xua bara ichamonaē paca yabara muxuitoroba painyawan xua painya nepacata notsiwa. Barichi bara saya pacui yabara copatame xua bara ichamonaē painya nepaca aebiwa xua barapomonaē ainya cui jiwi beyacaincha paxam. Matautano saya pacui yabara copatame xua bara painya nepaca itabara cuainchiwa. <sup>21</sup> ¡Bequein auran xua paca tsipaebatsi baxua, ichitha jopa padaunwan tsobenaeyo icha paichim poxonaē ichamonaē pacata abe exana!

Icha daxita jiwi ichi xua atsaquiya nayabara paeba, xan barichin irũ atsaquiya nayabara papaeban tacoutha icha pon pematajemabinchi ichi xua poxonaē nayabara paeba. <sup>22</sup> Barapomonaē atsaquiya nayabara paeba xua barapomonaē pinae judiomonaepiwi. Xan irũũ apara barichin judiomonaepin. Matautano pinae barapomonaē Israel pon bayatha tũpa pia pemomoxi susato jiwi tatsi. Xan apara irũũ barichin barapon Israel pia pemomoxi susato jiwi jiwana tatsin. Matautano

barapomonaē atsaquiya nayabara paeba xua pinae Abraham pia pemomoxi susato jiwi tatsi. Xan apara iruru barichin Abraham pia pemomoxi susato jiwi jiwana tatsin. <sup>23</sup> Matautano barapomonaē atsaquiya nayabara paeba xua pinae Cristo pia petanacuichi jiwichi tatsi. Nama apara xan iruru barichin Cristo pia petanacuichin tatsin beyacaincha barapomonaē. Poxonaē baxua paeban apara icha pocotsin ichi pon pematajemabinchi xua pia coutha nayabara paeba. Xan bichocono daunweya ayapusuya nacuitan Cristo nexa beyacaincha barapomonaē. Jiwi matowa nejebeiba jiwi pecabi bontha beyacaincha barapomonaē. Ichamonaē bichocono nebeiba beyacaincha barapomonaē. Matowa muxu tatapeibi xua ichamonaē inta exana. <sup>24</sup> Daxota cinco po coyenewathabe judiomonaē newaetaba pia tanecuainchinexa. Daxita coyenewatha necuainta barapomonaē treinta y nueve po cuiyobetha copabeiba xua nejuma cuainta xua xota cuainta xua duwein peru muto. <sup>25</sup> Ichacuitha tsaibi acoibi po cuiyobetha necuainteiba iwatontha. Cae coyenewatha ibotontha necuinbabeiba. Acoibi po coyenewathabe jeratha ponaetha pin naetha payothopan poxonaē pawarapan xua jera bunareca. Cae merawitha yawa cae mataqueithano xoyopan pin mar mentha. <sup>26</sup> Matowa warapeiban tacaponaenexa Cristo pejume diwesi xua jiwi tatsipaebinxexa. Ichacuitha inta daunwei xua icha muxunene beya mene iya tapateibiwa tsane poxoru metha awabo tsi-pae. Ichacuitha inta daunwei poxonaē poneiban namtontha xua metha pomonaē pecabi jiwi tawanaetha jinompeiba xua tanecaibiwa tsane pocotsiwa xeinan. Ichacuithano inta daunwei poxonaē tanacuamon-aepiwi metha inta abe exaneibichipa. Ichacuitha inta daunwei poxonaē pomonaē jopa pejume cowantsiwi metha abe tana neexanaewa tsipae. Ichacuitha inta daunwei poxonaē jiwi tomarantha metha abe tana neexanaewa tsipae. Ichacuitha inta daunwei poxonaē ira xuepana susato tsurucuae nacuaetha taponeibiwa xua metha abe tana neexanaewa tsipae. Ichacuitha inta daunwei poxonaē pin mene mar mentha metha abe tana neexanaewa tsipae poxonaē jeratha ponan po nae pin naetha. Ichacuitha inta daunwei poxonaē metha abe tana neexanaewa tsipae pomonaē naerabiya pepaebiwi xua pinae pejume cowantsiwi. <sup>27</sup> Xeinan penacuichiwa po penacuichiwa inta bichocono daunwei xua neatene exana. Matautano ainya merawin tsaibi xua jopa maiteibinyo. Matautano tain atenein tsaibi. Matautano bichocono tameratsi tsaibi. Matautano ainya maticabin inta pexaewa ajibi tsaibi. Matautano bichocono aquein tsaibi poxonaē inta seiqueeiba paparuwa.

<sup>28</sup> Matautano iru icha coyeneinno xua seica xua tapaca tsipaebiwatsi. Matautano xeinan icha coyene po coyene xua neajuntucoyenerewe exana xua poxonaē yabara nanta xeineiban pomonaē Nacom pejume cowantsiwichi pomonaē penacaetutsi bonmonaepiwi poxonaē ne-eena xua tayawenaenexa barapomonaē. <sup>29</sup> Icha ichan pon barapo penacaetutsi bonmonaē jiwana pin, icha bapon juntu cui coyene faefaena xua pejume cowantsiwa Nacom, nantanuweya yabara nanta xeinan bapon. Icha ichan juntu coyene jujutatsi xua abe peexanaenexa auran bapon nexa, yawano caseban pontha pon pejuntu coyene jujutsixae. <sup>30</sup> Icha bewa atsaquiya nayabara paebin, bapoxonaē atsaquiya yabara paebin pocotsiwa xua jiwi tsita itapeinya xeinan xua xan faefaenan xua jopa neitacupaeyo xua tacoutha tana nayawenaewa. <sup>31</sup> Nacom neya-

putane xua xaniwaicha bara yabara paeban po coyenein xua inta daunwei. Nacom Jesucristo Paxa tatsi, pon Wanacanamataxeinaein. Barapon jiwi bewa w̄nae jainteibina ataya. <sup>32</sup> Caena bayatha Damasco tomaratha poponan. Bapoxonae pon canamataxeina barapo tomaratha, bapon itoroba soldadomonae xua tomara peyacaincha toxorotsi dutsiwa coibototha peumenaenexa. Barapo soldadomonae tomara coibotontha umena xua pia tanewaetabichi poxonae tomara wewarapiyan xua tanecaponaenexa jiwi pecubi botha. Barapon pon canamataxeina barapo tomaratha bapon tanacuitatsi pon yatsicaewa nacua peewatsin bapon tanacuitatsi, pon pew̄n Aretas. <sup>33</sup> Bequein barapo soldadomonae bepa newaetabei, ichitha jopa ponaeinyo tomara coiboto iya. Ichamonae neyacote yoreca ventana wereca xua pepa tomara juma deca. Bara panepataban.

## 12

*Meje xua Pablo yabara paeba xua petsita itubiwatsi xua abe poxonae camaita pocotsiwan Nacom tsita itateiba bapontha*

<sup>1</sup> Bewa tacoutha atsaquiya paca tsita nayabara paebichi, xua painya neyaputaenexa xua bara beta taexanaewa. Daichitha jopa xapain neyawenaeyo baxua. Jame apara awiya paca tsipaebatsi xua pocotsiwan Nacom netsita itata xua be poxonae camaitan. Matautano paca tsipaebatsi pocotsiwan xua Nacom neyaputane exana xua bapon pia peyabaraxae. <sup>2-3</sup> Caena bayatha ainya wei xua poxonae copiya tajume cowantsiwa Cristo. Caena bayatha catorce po weibe yapucaewa xua poxonae necapona jemeicha peitaboco beicha po itaboco bichocono taju beicha ichaxota Nacom popona. Jopa taeinyo icha metha pepon daxita necaicha ichacuitha saya metha moya nejumope caicha. Xan jopa baxua yaputaeneyo saya meisa compa Nacom yaputane. <sup>4</sup> Xan yaputan xua necaicha paraiso mataw̄n nacua beicha. Poxonae patopan barapo nacuatheicha jume tan baxoteicha po jume xua nameicha moya yaw̄n xeina xua jiwi jopa yabara yaputaeyo. Nacom jopa yabara necopatsiyo xua bara barapo jume tatsipaebiwa tsane ichamonaetha. <sup>5</sup> Bequein neitacupa xua atsaquiya tayabara paebiwa xua pocotsiwan w̄nae xua xuan tataexae, daichitha jopa barapo coyeneya exanaeneyo. Saya meisa atsaquiya yabara paeban pocotsiwan xua inta ayapube xua po coyene tatsita itapeinya xeinaewa xua apara nefaefaena exana xua daichitha Nacom neyawena. <sup>6</sup> Bara neyabara cui copata xua bara atsaquiya tanayabara paebiw̄an tsane pocotsiwan xua beta taexanaewan. Poxonae baxua exanan jopa paebinyo icha be pocotsin pematajemabinchi ichi, xua nayabara paeba tsipei paeban pocotsiwan xua pexainyeiwan. Ichitha xan jopa baxua atsaquiya nayabara cui paebinyo, tsipei jopa ichipaeinyo xua ichamonae taneyabara nanta xeinaewa xua xan bichocono taainya cuin, beyacaincha xua pocotsiwa barapomonae necui tane xua exanan, xuano xua beyacaincha nejume tane xua cueicueijan. <sup>7</sup> Pocotsiwa xua Nacom neyaputane exana bichocono w̄nae nawita. Nacom copata xua bara saya atenein tsaibi tsane xua atsaquiya tapaebiyainwa pocotsiwan xua Nacom yabara neyaputane exana. Barapo peatene coyenewa caurimonae pia pentacaponaein tatsi, pon Satanás, itoroba xantha xua atene tana necana exanaenexa. Barapo peatenewa bichocono atenein tsaibi be poxonae xua xane eto

nexatempa. <sup>8</sup> Acoibi po jumeyotheba tsaibi Nacom jume fayacotsiya w<sub>h</sub>aqueiban xua taneperaxa capanepaenexa barapo peatene coyenewa weya. <sup>9</sup> Ichitha Nacom netsipaeba, jeye: “Jume, jopa caaxaibi exanaetsi. Jame cata itorobatsi Tajumope t<sub>n</sub>ax<sub>n</sub> jinya necayawenaenexa daxita tacaantobetsixaetsi. Saya meisa baxua nantawenoname. Po jiton ba axaibiya popona bara itac<sub>u</sub>patsi xua daxita pia coutha peexanaewa. Jopa ba canantawenonaeyo taayapus<sub>u</sub> coyenewa. Ichitha nama pon ba taayapubetsi xua pia coutha beta peexanaewa bapon jame canantawenona taayapus<sub>u</sub> coyenewa. Bara bapon yawenan”, jei Nacom. Daxota ichichipan poxonae inta ayapube tsaibi xua jopa tana neitac<sub>u</sub>paewa xua daxita beta taexanaewa tacoutha. Bapoxonae jiwi tanetaenexa xua bara Cristo neyawena pia peayapus<sub>u</sub> coyenewatha. <sup>10</sup> Daxota j<sub>u</sub>nt<sub>u</sub> coyene weiweinan poxonae inta ayapube tsaibi xua beta taexanaewa. Matautano j<sub>u</sub>nt<sub>u</sub> coyene weiweinan poxonae jiwi abe neyabara paebeiba. Matautano j<sub>u</sub>nt<sub>u</sub> coyene weiweinan bequein jopa xeinaeyo pocotsiwa xua tanantawenonaewa. Barichino j<sub>u</sub>nt<sub>u</sub> coyene weiweinan poxonae bequein jiwi neatene exaneiba tajume cow<sub>u</sub>ntsixaec Cristo. Matautano j<sub>u</sub>nt<sub>u</sub> coyene weiweinan poxonae bequein jiwi inta ayapube exaneiba. Daxita baxuan nej<sub>u</sub>nt<sub>u</sub> coyene weiweina exana, poxonae inta ayapube tsaibi xua beta taexanaewa xua ichamonae inta daunwei peexanaexae. Bapoxonae bara xaniwaicha as<sub>u</sub>n tsipei Cristo tana neyawenaexae.

*Meje poxonae Pablo yabara naj<sub>u</sub>nt<sub>u</sub> coyene eena exana nawita Corinto tomarapiwi*

<sup>11</sup> Cueicueijan icha ichi poxonae cueicueijeji pon pematajemabinchi xua atsaquiya nayabara paeba. Ichitha paxam pana necana exaname xua atsaquiya tanayabara cueicueijejewa. Jame apara paxam barapomonae pam pomonae bequein bewa xanepanaya pana neyabara paebim. Bequein xan jopa peainya cuiyinyo, ichitha barapomonae jopa peainya cui jiwi beyacaincha xua xan pomonae pajume naitawatame. Barapomonae naerabiya paeba xua pinae barapomonae bichocono peainya cui jiwi pomonae Cristo pia peitorobi jiwi jiwana tatsi. Ichitha barapomonae xainwaicha bichocono jopa peainya cui jiwi. <sup>12</sup> Poxonae cataunxuae paca bar<sub>u</sub> popoinchi paca tsita itapeinya xeinatsi xua xan yatsicaya Jesucristo pia peitorobi jiwi jiwana tatsin. Matautano jopa aitaconaeyiya exanaeyo poxonae bequein ichamonae inta daunwei exana poxonae abe neyabara paeba. Jame saya j<sub>u</sub>ntema exana ducuaenaebiyon petsita it<sub>u</sub>tsi coyenewan painya xantha bequein ichamonae abe neyabara paeba. Matautano exana ducuaenaebiyon pocotsiwan jiwi nabenaeca exainchi. Daxita baxuan exanan Nacom pia peayapus<sub>u</sub> itorobi coyenewatha tatsi. <sup>13</sup> Paca yabara nanta xeinatsi xua paxam metha pananta xeiname xua paxam jopa peainya cui jiwi pam. Matautano metha pananta xeiname xua meisa icha penacaetutsi bonmonae jiwi pomonae w<sub>h</sub>anae pejume cow<sub>u</sub>ntsiwi Nacom bichocono peainya cui jiwi beyacaincha paxam. Metha pananta xeiname baxua poxoru jopa paca w<sub>h</sub>caetsi xua tapana neyawenaenexam tsane pocotsiwatha tanantawenonaewa pocotsiwatha xua ayapube pacata exainchi.

<sup>14</sup> Anoxuae nacui yabara w<sub>h</sub>naetan xua tapaca siwa ponaewatsi tsainchi equeicha xua nama acoibi po cuiyobetha tsane. Caena bayatha copiya nacueyatabe po cuiyobetha paca siwa poinchi. Ichitha

jopa paca wucaetsi xua pocotsiwatha tapana neyawenaenexam tsane xua pacata ayapube exainchi. Ichitha jopa paca yabara siwa ponaetsi taichichipaexae pocotsiwa xua paxename. Apra saya paxam cuita paca siwa poinchi. Pexui ba jopa nantawenonaeyo xua paxeiwi juntana jeba paratixi, jame saya ba coxiyeiwi bewa pia pexui juntana jebi paratixi. Barapocotsi jata coyeneya ichin bewa paca yawenaenchi. Jopa panantawenonaem xua tapana neyawenonaewam. <sup>15</sup> Juntũ coyene weiweinan xua paca catsinchi daxita xua xeinan. Barichi copatan xua bara ichamonae atene tana neexanaewa tapaca cayawenaenexatsi. Poxonae bequein matowa toxeinchiya paca antobe tsozonaetsi daichitha be conotha xuya pana neantobem.

<sup>16</sup> Ichamonae pomonae painyamonae jiwana pam naerabiya neyabara jei: “Bara xaniwaicha Pablo jopa painta ayapube exanaeyo xua pana newuca paratixi bapon nexa. Daichitha ichacuihã tsipae metha apra bapon naca muxuitorobiya wecobe notsipa paratixi”, jei. <sup>17</sup> ¿Metha paratixi paca yabara muxuitorobiya wecobe notsinchi poxonae pebiwi itorobin painya xantha? ¡Jume apra! ¡Jopa baxua exanaeyo! <sup>18</sup> Tito itoroban xua painya nepaca siwa ponaewa tsane, irũno ichũno itoroban pon irũ pejume cowantsin xua Tito pecueiyatsiwa tsainchi. ¿Metha Tito bara paca yabara muxuitorobiya wecobe notsina paratixi? ¡Jume apra! Paxam bara payaputaneme bara Tito betiya xaniwaicha pananta jupaya paexanabe, xuano pana najuntũ coyene jupanbe.

<sup>19</sup> Jopa payabara nanta xeinaeinde barapo jumein xua pata paca catsipaebiatsi xua saya poxoru pata ichichipaexae xua paxam paca tsita xanepanatsi. Jopa baxua paexanaeyo. Jame po jume xua Cristo ichichipa xua patapaebiwa, apra barapo jume cui coyeneya papaeban. Daxita baxuan pacueicueijan Nacom peitũtha xua xanepanaya mataropeicha beta Nacom painya nejume cocowantaponaewa tsane. Baxua paexanan tsipei paxam tamonae pam, pomonae pata paca caantobe jiwichi pam. <sup>20</sup> Junuwan xua poxonae tapaca siwa ponaewa tsainchi xua metha pajinompasipame be pocotsimonae aichaxaibin tataewa poxoru metha aichaxaibin tsipae pocotsiwa xua paexaname. Mataũtano metha paneyabara nanta xeinaetsipame xua xan jopa paca cui jupaetsi xua poxonae pocotsiwa exanan. Barichi junuwanno xua poxonae tapaca siwa ponaewa tsainchi xua metha nantiya pana nãjume matsontsonobame. Mataũtano junuwan xua nantiya pana yabara uwame pocotsiwan paxename, xuano xua nantiya pana nacasebame. Mataũtano junuwan xua nantiya pana naasiwam xua ichamonae jopa bepawenaem. Mataũtano junuwan xua nantiya pana nabiatasipame xuano xua nantiya tsũmũ jumeya pana nacui yopitsipame pocotsiwan xua paexaname. Junuwanno xua nantiya pana naebichipame painya neyaputaexae pocotsiwan xua paexaname, xuano xua nantiya pana natsaquibabame poxoru painya neanaepanaexae. <sup>21</sup> Mataũtano junuwan xua poxonae equeicha tapaca siwa ponaewatsi tsainchi, Tana-com neexana xua paca yabara auratsi. Bichocono unthũthũ wecoyan tsane pomonae nexa pomonae xua caena bayatha abe peexanaexae. Barapomonae cataunxuae jopa acuiuriyo pocotsiwan xua abe eexanapona xua poxonae barapomonae yabũxi nata nota xua bequein jopa piseurixi xuano poxonae yabũxi nota pebiwi poxonae jopa piseuriyo.

Matautano barapomonaē atsaquiya abe eexanapona.

## 13

*Meje poxonaē Pablo napeyabiya najume weta*

<sup>1</sup> Anoxuae equeicha paca siwa ponaeinchi xua nama acoibi po cuiyobetha tsane xua taponaeua tsane bara beya. Icha ichan ichichipa cui yopita xua ichan abe peexanaexae Nacom pia peitorobi coyenewa baxua yabara naca tsipaeba, naca jeye: “Poxonaē jiwi cui yopita xua ichan abe peexanaexae bewa acoibi poyobe yabara paebina bapontha, xua abe peexanaexae bapon. Ichacuitha saya nacueyatabe poyobebe yabara paebichipa bapontha bapoxonaē jiwi tsita itapeinya xeinatsi xua bara bapon abe peexanaein”, jei Nacom pia peitorobi coyenewatha tatsi.

<sup>2</sup> Bayatha poxonaē paca siwa poinchi yabara paca tsipaebatsi pomonaē xua abe peexanaewi pomonaē painyamonaē jiwana pam xua iru ichamonaē. Anoxuae bequein cataunxuae taju paca cuenta poponatsi, equeicha paca tsipaebatsi xua bayatha pocotsiwa paca muxuwetatsi, janje: “Poxonaē equeicha paca siwa ponaeinchi ayapube taexanaein pomonaetha pomonaē xua awiya abe peexanaponaewi”, jan. <sup>3</sup> Baxua paca cana exanaeinchi yaitama paichichipame xua paca tsita itapeinya xinaeinchi xua pocotsiwa Cristo neitoroba tacueicueijeinexa bapon nexa. Paca muxuwetsinchi Cristo nexa tapaebixae bapon nexa. Cristo jopa jume faefaenaē poxonaē yabara paca muxuwetatsi painya abe exanaē cuiru coyenein. Jame apara bapon jume daunweya paca tsipaeba. <sup>4</sup> Poxonaē Jesucristo tupa naetotha jiwi yabara nanta xaina xua bapon Cristo saya juntu coyene faefaena, tsipei jopa pia coutha nayawenaeyo. Ichitha anoxuae Jesucristo asu popona Nacom pia peayapusu itorobi coyenewatha tatsi. Bequein pajuntu coyene faefaenan anoxuae, daichitha poxonaē paca itawetinchi bapoxonaē jopa pajuntu coyene faefaenaēin tsane. Jame asu pajinompaein. Bapoxonaē Nacom pia peayapusu itorobi coyenewatha ayapusaya paca itawetsina.

<sup>5</sup> Incane painya coutha pana najuntu coyenein jujure icha bara xaniwaicha metha beta pajume cowuntsiya jinompame. Icha bara xaniwaicha pana nayaputaneme xua bara yatsicaewa Jesucristo piamonaē tatsi pam, barapoxonaē pana nayaputaename xua bara apara Jesucristo paca baru jinompa. Icha jopa Jesucristo piamonaē tatsi pam, bapoxonaē Jesucristo jopa paca baru jinompaeyo. <sup>6</sup> Ichichipan xua paxam payaputaneme xua paxan Cristo pana baru popona. Paxan jopa pemuxuitorobi jiwi pan xua poxonaē pata jeiwa: “Paxan Jesucristo pia peitorobi jiwi tatsi pan”, poxonaē pata jeiwa. <sup>7</sup> Pawacan Nacomtha xua jopa abe painya neexanaewa tsane. Jopa Nacomtha baxua payabara wucaeyo xua paca tsita itapeinya xinaeinchi xua paxan Jesucristo pia peitorobi jiwi tatsi pan xua daxota beta painya neexanaewa tsane. Ichitha pacata wucatsi Nacom xua awiya u meisa pexeinya coyene painya neexanaponaewa tsane bequein metha pana neyabara nanta xiname xua paxan jopa pomonaē Jesucristo pia peitorobi jiwi tatsi panyo. Bequein paxan jopa paca tsita itapeinya xinaetsi xua bara Cristo pia peitorobi jiwi tatsi pan. <sup>8</sup> Paxan jopa paichichipaeinyo xua pata yabara jume toxeinchiya exanaewa pocotsiwa itoroba barapo Nacom pia pexainyei diwesi jume. Jame apara itapeta paexanan pocotsiwa itoroba barapo pexainyei jume diwesitha. <sup>9</sup> Daxota pajuntu coyene

weiweinan poxonae ichamonaе pana neyabara paeba xua pinae jopa daunweya papaebinyo. Saya paichichipan xua beta painya nejume cowantsiwa tsane. Awiya Nacomtha pacata wucatsi xua paxam xaniwaicha painya nejuntꞫ coyene xanepanaponaewa tsane Nacomtha xua jopa patsita natsicuentisim tsane abe painya neexanaexae bapontha. <sup>10</sup>Pewanaeya xua poxonae tapaca siwa ponaewa tsainchi, matha barapo carte pacata tinatsi. Daxota tinan xua jopa bewa paca tsipaebi tsainchi pocotsiwa pacata ayapube exanatsi poxonae paca siwa ponaeinchi. Bapoxonae jopa nantawenonaein tsane xua tapaca itorobiwa tsainchi xua taxainaexae Nacom pia peitorobi coyenewa tatsi po peitorobi coyenewa Nacom necata. Nacom necata barapo peitorobi coyenewa xua painya nejuntꞫ coyene xanepana ponaenexa Nacomtha. Apara jopa baxua necatsiyo xua abe tapaca exanaenexatsi.

<sup>11</sup> Tamonaе pam, bara wetan anoxuae barapo carte. Ichichipan xua painya nejuntꞫ coyene weiweinaya jinompaewam tsane. Itapeta pajume jejande pocotsiwa xua paca muxuwetatsi xua daxota beta mataropeicha painya neexanaponaewa tsane. Pana najuntꞫ coyene tsacabare xua daxota peburꞫya caemonaе pana nabarꞫ nanta xeinaeya jinompare. Juntema panabarꞫ jinompare. Bapoxonae Nacom pon juntema pepoponaein, xuano xua peantobe tsurucuaenaebiyaein, barapon paca barꞫ poponeibina. <sup>12</sup> Betiya painta nantiya najacobare painya neantobewaxae Cristo. <sup>13</sup> Daxita pomonaе xote jinompe pomonaе pejume cowantsiwi Jesucristo barapomonaе paca jacoba.

<sup>14</sup> BarabꞫ Jesucristo pon jiwi Pecanamataxeinaein paca yawenaena pia paca necaantobexae. BarabꞫ Nacom pia peantobe coyenewatha tatsi pajinompaename. Matautano barabꞫ Nacom pia Pejumope tunaxꞫ tatsi daxita pam paca barꞫ jinompaena.

Baja Pablo.

## Meje Po Carte Pablo Tatina, Galacia Nacuapiwi Tatinatsi

*Meje yabara poxonae Pablo tamropata pitaba xua tatina pomonaetha pomona Galacia nacuapiwi*

<sup>1</sup> Xan, Pablon, Jesucristo pia peitorobi jiwi jiwana tatsin. Apra ichan jopa neitapetsiyo yawa pebiwi jopa neitorobiyo. Apra jame Jesucristo bapon neitoroba, yawa Nacom, Waxa, neitoroba, pon Pexanto asu exana petupae coyene weya. <sup>2</sup> Xan, iruru ichamonae pomona pejume cowantsiwi daxita barapomona pan paca jacobatsi. Barapo carte pacata tinatsi pomona Nacom piamona tatsi pam, painya ne-jume cowantsixae Jesucristo pomona Galacia nacuatha painya nejinompaewa. <sup>3</sup> Barabu Nacom, pon Waxa, iru Jesucristo, pon jiwi Pecanamataxeinaein, baponbe amanaya paca yawenaena pia paca necaantobexae. Yawano barabu Nacom juntea jinompa paca exanaena. <sup>4</sup> Bapon Jesucristo naca tsitupa xua wanaca capanenebiya exanaenexa barapo abe waexanae coyene weya xua po abe exanae coyene exana pomona jinompa po cae pin nacuathe. Nacom pon Waxa ichichipa naca capanepa daxita barapo coyenein weya. <sup>5</sup> Barabu Nacom wuna jaintatsi jiwi xua ataya tsane!

*Meje yabara xua ajibi icha pecapanenebiyae coyenewa*

<sup>6</sup> Najuntu coyene benaegan xua nainya papentame Nacom, pon paca waba. Tsipei apra bapon paca yawena po peantobe coyenewatha Cristo iruru xeina waxainchi nexa. Yawa najuntu coyene benaegan xua pajume cowantame icha jume diwesi xua be pecapanenebiyae diwesi jume xua saya jiwi paeba. <sup>7</sup> Bara xaniwaicha, xua icha pecapanenebiyae diwesi aibi. Pocotsiwa xua ichamonae paca cana exana baxua paca juntu coyene tsacaba xua painya nejume cowantsinexa icha diwesi, xua toxinchiya painya nejume cowantsinexa Cristo pia pecapanenebiyae diwesi jume tatsi. <sup>8</sup> Icha ichan toxinchiya ichawiya yabara paca tsipaeba xua pocotsiwa bayatha paca tsipaebatsi pecapanenebiyae diwesi coyene barabu Nacom bapontha cabeta exanaena abe peexanaexae. Metha bara bequein xan tsipaein, ichitha Nacom necabetsipa. Ichacuitha metha bara bequein matatsunpin tsipae pon itaboco wetsica pona, ichitha Nacom cabetsipa bapontha. <sup>9</sup> Baxua bayatha paca tsipaebatsi ichitha equeicha baxua paca tsipaebatsi. Paca jeichi: Icha ichan toxinchiya ichawiya yabara paca tsipaeba xua pocotsiwa bayatha paca tsipaebatsi pecapanenebiyae diwesi coyene barabu Nacom bapontha cabeta exanaena abe peexanaexae, paca jeichi.

<sup>10</sup> Poxonae paeban baxua jopa cueicueijanyo pocotsiwa jiwi beta tana neyabara nanta xeinaewa. Apra jame cueicueijan Nacom wuna tana neyabara nanta xeinaexae. Icha saya nanta xeineibichipan xua exanan po coyeneyatha xua jiwi beta tana neyabara nanta xeineibiwa tsane bapoxonae xan jopa Cristo pia peitorobi jiwi jiwana tatsin tsipae.

*Meje yabara xua poxonae Pablo Jesucristo pia peitorobi jiwi jiwana pin tati cana exainchi*



<sup>11</sup> Tamonae pam, pomonae iru painya nejume cowantsiwixae Jesucristo. Ichichipan xua painya neyaputaewa xua po diwesi pecapanenebiyae diwesi xua po diwesi cueicueijan, barapo diwesi apara jopa jiwi pia diwesiyo tatsi. <sup>12</sup> Matautano barapo diwesi apara xua jopa jiton netsipaebiyo. Yawa matautano dapon aibi xua pon necuiduba barapo diwesi. Aparasaya Jesucristo neyaputane exana poxonae netsita itata pia coutha.

<sup>13</sup> Paxam pajume taneme xua pocotsiwa bayatha exanan, xua poxonae cataunxuae eexanaponan xua po coyene judiomonae exana pia pejume cowantsiwa xua abe yabara, yawa pejinompae coyene yabara. Bayatha payaputaneme xua bichocono abe cana exanan pomonaetha pomonae Nacom piamonae tatsi daxita pomonae pejume cowantsiwixaetsi Cristo. Ichichipan xua daxita weraweraca taexanaewa.

<sup>14</sup> Xan bichocono yabara nacuidubaponan po coyene judiomonae pia pejume cowantsiwa tatsi. Yawa yabara nacuidubaponan po coyene pia pejinompae coyene tatsi. Bichocono nacuidubaponan beyacaincha xua ichamonae nacuidubapona pomonae tanacupiwi pomonae tana newei jupaewi. Bichocono ichichipan xua taexanaewa po coyene tamo susato jiwi exana, beyacaincha xua ichamonae exana.

<sup>15</sup> Ichitha caena bayatha Nacom neitapeta xua tajume cowantsiwa tsane bapon pewanaeya poxonae beya tanaexanaewa tsane. Daxota Nacom newaba, bichocono petana neantobexae. <sup>16</sup> Bapon Nacom yabara neyaputane exana Pexanto tatsi, pon Jesucristo. Baxua Nacom inta exana Pexanto tatsi tayabara cueicueijeinexa tsane pomonaetha pomonae jopa judiomonae naexanaeyo. Poxonae barapo coyeneya necana exana jopa baxua yabara paebinyo ichamonaetha. <sup>17</sup> Matautano jopa ponaeyo Jerusalén tomara beya xua baxua tayabara paebinexa Jesucristo pia peitorobi jiwitha tatsi pomonae bayatha netsiwana cana exainchi Jesucristo pia peitorobi jiwi tatsi. Seicaya nama xan nainya ponan Arabia nacua beya. Bapoxonae pirapaeyo Damasco tomara beya ponan.

<sup>18</sup> Jopa nainya ponaeyo Jerusalén tomara beya. Saya bara beya ponan poxonae acoibi po weiyobe yapucaewa. Bapoxonae Pedro tan, yawa baxota naecan quince po matabibe. <sup>19</sup> Jopa taeinyo daxita pomonae Jesucristo pia peitorobi jiwi tatsi. Saya meisa Santiago tan pon Jesús pia peitorobi jiwi jiwanaepin tatsi, pon jiwi Pecanamataxeinaein bapon peweicho tatsi. <sup>20</sup> Bara xaniwaicha tinan. Nacom yaputane xua jopa naerabinyo pocotsiwa pacata tinatsi.

<sup>21</sup> Nexata bapoxonae Siria nacua beya ponan, yawano Cilicia nacua beya ponan. <sup>22</sup> Nama pomonae jinompa Judea nacuaetha, pomonae Cristo pejume cowantsiwi, cataunxuae barapomonae jopa xaniwaicha neyaitaeyo. <sup>23</sup> Saya barapomonae jume tane xua ichamonae neyabara jeye: “Apara bapon, pon caena bayatha abe naca cana exana wajume cowantsixae Cristo. Anoxuae bapon yabara cueicueijeji tsurucuaebiye Jesucristo pia pejume cowantsi diwesi, bequein copiya ichichipa weraweraca cana exana ichamonae pejume cowantsiwi Jesucristo”, neyabara jei. <sup>24</sup> Barapomonae wanae jainteiba Nacom poxoruanoxuae wanae exanan Nacom nexa.

## 2

*Meje yabara poxonae Jesús pia peitorobi jiwi tatsi Pablo caemonae*

*nabarꝯ naexanatsi*

<sup>1</sup> Jerusalén tomara weya ponan xua jiwi tatsipaebinexa Nacom Pejume Diwesi icha nacuantha. Poxonae catorce po weibe yapucaewa bapoxonae Bernabé equeicha paponanbe Jerusalén tomara beya. Yawa irꝯ Tito barꝯ ponan. <sup>2</sup> Bara beya ponan tsipei Nacom netsita itꝯta xua bewa ponaein. Baraxota Jerusalén tomaratha pomonae pecanamataxeinaewi Nacom piamonae tatsi daxita pomonae pejume cowꝯntsixaetsi Cristo barapomonae compa nebarꝯ nacaetuta. Barapomonaetha yabara tsipaeban po diwesi pecapanenebiyae diwesi jume, xua po diwesi tsipaeban pomonaetha pomonae jopa judiomonae naexanaeyo. Baraxua exanan tsipei jopa ichipaeinyo xua barapo diwesi pejumexaei tsane po diwesi bayatha tsipaeba ducuaetaeiban yawa xua anoxuae tsipaeban pomonaetha jopa judiomonae naexanaeyo. <sup>3</sup> Tito baxota narꝯ ecan. Bequein bara bapon griego nacuamonaepin ichitha jopa itorobichi xua pewi thabiwatsi xua ichaxota pebiwi nareixacaena. Bequein ichamonae baxua ichichipa xua baxua Tito pecana exanaewatsi, ichitha jopa baxua cana exanaetsi. <sup>4</sup> Ichamonae pomonae Cristo Jesús jopa xapain jume cowꝯntsichi, barapomonae namicha pata poxonae pana nacaetutan. Barapomonae ichichipa xua Tito pewi thabiwatsi xua ichaxota pebiwi nareixacaena. Barapomonae namicha pata poxoru ichichipa yaputane xua icha paxan jopa paexanaeinyo pocotsiwa Moisés pia peitorobi coyenewatha itoroba xua anoxuae pata jume cowꝯntsixae Cristo Jesús. Barapomonae ichichipa xua equeicha bewa paexanaein pocotsiwa Moisés pia peitorobi coyenewatha yabara itoroba xua penawi thabi coyene. <sup>5</sup> Mataꝯtano bara caetono barapomonae jopa pajume cowꝯntsiya taeinyo. Yawano jopa paexanaeinyo pocotsiwa xua barapomonae pana neitoroba xua jame saya poxoru apara painya neyaputaewa tsane pexainyeiwa xua po coyene Nacom pia pecapanenebiyae diwesi jume xeina.

<sup>6</sup> Jerusalén tomaratha tsipaeban pomonae pecanamataxeinaewi Nacom piamonae tatsi daxita pomonae pejume cowꝯntsixaetsi Cristo. Nayabara paeban barapomonaetha pomonae Nacom piamonae tatsi pecanamataxeinaewichi po coyene Nacom Pejume Diwesi tsipaeban pomonaetha pomonae jopa judiomonae naexanaeyo. Ichitha barapo matabitha barapomonae pomonae Nacom piamonae tatsi pecanamataxeinaewichi jopa neitorobiyo xua tamuxuna cueicueijejiwa xua icha diwesi xua Jesucristo yabara poxonae cueicueijeji ducuaenebiyan po diwesi xua yabara paeban pomonaetha pomonae jopa judiomonae naexanaeyo. Jopa inta ainya cuiyo xua barapomonae bichocono peainya cui jiwi xua pecanamataxeinaewi xua nama xan jopa daichinyo, tsipei Nacom daxita tsitatsi xua xan irꝯ barapomonae penajꝯpae jiwi pan. <sup>7</sup> Barapomonae jopa necatsiyo pena pecuidubiwa xua tacueicueijeinexa. Barapomonae yaputane xua Nacom neitoroba tacueicueijeinexa pia pecapanenebiyae diwesi pomonaetha pomonae jopa judiomonae naexanaeyo pomonae jopa pewi thabiwichi. Icha Nacom ichi xua Pedro itorobatsi xua pecueicueijejiwa tsane barapo pecapanenebiyae diwesi judiomonaetha, barichi Nacom neitoroba xua tacueicueijejiwa tsane barapo diwesi pomonaetha pomonae jopa judiomonae naexanaeyo. <sup>8</sup> Nacom Pedro exainchi Jesucristo pia peitorobi jiwi jiwanapin tatsi xua pomonae judiomonae nexa. Barichi Nacom

neexana xua Jesucristo pia peitorobi jiwi jiwana pin tatsin xua pomonae jopa judiomonae naexanaeyo nexa.

<sup>9</sup> Santiago, iru Pedro iru Juan barapo acoibi poyobe jiwi yabara nanta xeina xua barapo acoibi poyobe pepa pecanamataxeinaewi xua canamataxeinatsi pomonae Nacom piamonae tatsi daxita pomonae pejume cowantsixaetsi Cristo. Barapo acoibi poyobe yaputane xua Nacom necata barapo penacuichiwa. Bapoxonae barapo acoibi poyobe necobe jayaba xua patsita itapeinya xeinan xua peburaya cuita pata nanta xeinaewa xua xan barapoyobe jiwanan poyobe xua Nacom Pejume Diwesi cueicueijeji jiwitha. Barapo acoibi poyobe iru Bernabé cobe jayabatsi. Barapomonae baxua exana poxoru pata jiwimonae pana naexanan, yawano poxoru barapomonae peburaya nanta xeina, xua paxanbe Bernabé panbe paponaeinbe ichaxota pomonae jopa judiomonae naexanaeyo xua iruru poxonae barapomonae nabaru nacuichina pomonae judiomonaetha. <sup>10</sup> Barapo acoibi poyobe pana itoroba, pana nejei: “Pananta xeinare xua painya neyawenaewa tsane peacopeibi jiwi Jerusalén tomaratha”, pana jei. Baxua bichocono ichichipan xua taexanaewa tsane.

*Meje yabara poxonae Pablo muxutainyaba, Pedro muxutainyabatsi Antioquia tomaratha*

<sup>11</sup> Nexata poxonae Pedro Antioquia tomaratha patopa, bapon itabara taeya muxutainyaban tsipei bapon bayatha abe exana. <sup>12</sup> Pocotsiwa bapon exana baxue: Copiya bapon Pedro naxane pomonaetha pomonae jopa judiomonae naexanaeyo, pomonae xua jopa ba wi thabichi xua ichaxota pebiwi pia penareixacaenaewa bequein bapon judiomonaepin. Ichitha poxonae pata pebiwi, po pebiwi Santiago baru popona, bapoxonae Pedro tsana xane xue equeicha naxaeyo pomonaetha pomonae jopa judiomonae naexanaeyo. Baxua Pedro exana poxoru Santiagobaru cunuwatsi xua poxoru Santiagobaru paeba xua pinae bewa daxita pebiwi wi thabichi, metha bequein tsipae pomonae pepa judiomonae, matautano metha bequein tsipae pomonae jopa judiomonae naexanaeyo. <sup>13</sup> Bapoxonae ichamonae icha judiomonae pomonae pejume cowantsiwi Jesucristo, barichi jupa exana icha Pedro ichi xua tsana xane. Bequein barapo ichamonae yaputane xua jopa bewa itorobi xua pewi thabiwatsi pomonae pejume cowantsiwi, ichitha awiya barapomonae paeba xua bewa pinae wi thabichi pomonae pejume cowantsiwi. Barichi Bernabé bara jutiya ichi iru exana xua tsana wepu xane pomonae jopa judiomonae naexanaeyo. <sup>14</sup> Ichitha poxonae tan xua barapomonae jopa xapain exanaeyo pocotsiwa xua Nacom pia pecapanenebiyae jume diwesitha paeba bapoxonae Pedro tsipaeban peitabaratha tatsi daxita pomonae Nacom piamonae tatsi pejume cowantsixaetsi Cristo pomonae nacaetuta. Janje: “Xam bequein judiomonaepim ichitha poponame icha ichi poxonae popona pon jopa judiomonae naexanaeyo. Jopa exanaem icha ichi poxonae exana pon judiomonaepin. Xam jopa bewa itorobim pomonae jopa judiomonae naexanaeyo xua bewa exanaena icha judiomonae ichi xua poxonae exana”, jan.

*Meje yabara xua judiomonae xuano pomonae jopa judiomonae naexanaeyo xua iru capanenebiya tsainchi xua Jesucristo pejume*

*cowantsiwixaetsi*

<sup>15</sup> Waxainchi judiomonae naexanatsi. Ichitha waxainchi jopa abe waexanae jiwichi xua jopa icha ichamonae ichiyo pomonae jopa judiomonae naexanaeyo, tsipei barapomonae abe peexanaewi. <sup>16</sup> Waxainchi yaputainchi xua bequein exanatsi pocotsiwa Moisés pia peitorobi coyenewatha itoroba, ichitha jopa juntu coyene xeicaetsi Nacomtha xua jopa Nacom watsita natsicuentsiwa tsane abe waexanaexae bapontha. Jiwi ba juntu coyene xeica poxonae Jesucristo jume cowantatsi. Waxainchi juntu coyene xeicatsi poxoru jume cowantatsi Jesucristo xua poxoru jopa wajume cowantsiya exanaexae pocotsiwa Moisés pia peitorobi coyenewatha itoroba. Dapon aibi pon pejuntu coyene xeicaein xua pejume cowantsiya exanaexae pocotsiwa Moisés pia peitorobi coyenewatha itoroba.

<sup>17</sup> Waxainchi ichichipatsi xua wajuntu coyene xeicae jiwichi wanaca yawenaexae Cristo. Ichitha icha waxainchi nacuidubaponatsi xua xeinatsi peajuntucoyenebewa xua bequein Cristo naca yawena, bapoxonae jopa naca yawenaeyo Cristo. Matautano bapoxonae bapon abe naca cana exana. ¡Jume, baxua apara Cristo jopa bapana nacata exanae! <sup>18</sup> Nacom tsitan xua tatsita natsicuentsiwa abe taexanaexae bapontha icha equeicha jiwi caewa itoroban xua bewa exanaena pocotsiwa Moisés naca itoroba pia peitorobi coyenewatha wanaca capanenebiyaenexa abe waexanae coyenewa weya. <sup>19</sup> Barapo Moisés pia peitorobi coyene jopa neyawenaeyo xua necana exana xua tajuntu coyene xanepanaewa Nacomtha. Saya necana exana xua tatupaewa tsane, poxoru awiya tanatsicuentsiwa xeinan. Ichitha anoxuae Cristo tana netsitupaexae neitacupa xua tapoponaewa Nacom nexa. Matauta anoxuae jopa neitorobiyo Moisés pia peitorobi coyenewa tatsi poxoru jopa xainaeyo peayapusu itorobi coyenewa xua tana necapanepaewa tsane abe taexanae coyenewa weya. <sup>20</sup> Poxonae Cristo tupa naetotha inta yawa muxuna tupa abe taexanae coyenewan. Daxota anoxuae xan be ichun, tsipei Cristo neyawa popona. Po peajuntuayapusuwatha poponan, barapo peajuntuayapusuwa Nacom necata tajume cowantsixae Cristo. Bapon Cristo, pon Nacom Pexanto, bichocono neantobe, daxota inta tsitupa abe taexanae coyenewan. <sup>21</sup> Jopa benaitematsinyo Nacom pia peantobewa tatsi. Icha nanta xeinan xua jiwi najuntu coyene xeica exana Nacomtha peexanaexae pocotsiwa Moisés pia peitorobi coyenewa itoroba, xua daxota bapoxonae Cristo jopa nantawenonaeyo xua jiwi petsitupaewatsi bara be poxonae xuban Nacom pia peantobewa tatsi.

### 3

*Meje yabara xua Moisés pia peitorobi coyenewa tatsi*

<sup>1</sup> ¡Eta bichi tsobenae Galacia nacuapiwi! ¿Jintam pon mara pexinaein paca baru xuajei xua jopa painya nejume cowantsiwa Nacom pia pejume xainyeiwa tatsi? Poxonae paca tsipaebatsi paca yaputane exainchi xua Jesucristo tsitupa jiwi naetotha xua jiwi tsitupatsi. <sup>2</sup> Baraxua pana nejume nore: ¿Nacom paca cata pia Pejumope tunaxu tatsi painya neexanaexae pocotsiwa Moisés pia peitorobi coyenewatha itoroba? Jume. Nacom paca cata pia Pejumope tunaxu tatsi painya nejume cowantsixae po coyene xua yabara paca tsipaebatsi xua pejume cowantsiwa Jesucristotha. <sup>3</sup> ¡Maisa bichoconocai! ¿Eta pomonae pam

tsobenaem? Poxonae copiya pajume cowuntame Nacom pia Pejumoŕe tñaxñ tatsi paca yawena xua Nacom painya netsita xeinaewa pejuñtu coyene xeicaewa. ¿Anoxuae pananta xeiname xua bichocono pejuñtu coyene xeicaewa paxeiname beyacaincha xua copiyatha paxeiname, xua Moisés pia peitorobi coyenewa painya exanaexae? Ajibi, jopa bewa baxua pananta xeinaem. <sup>4</sup> Ichamonae bichocono paca atene exana Jesucristo pexeinya jume diwesi painya nejume cowuntsixae. Jopa bewa pana nacui barapentsim xua painya nejume cowuntsiwa Jesucristo pejume diwesi, pò diwesi yabara xua ichamonae atene paca exaneiba. Tsipei icha pana nacui barapentsipame xua painya nejume cowuntsiwa Jesucristo pejume diwesi jopa pexainyei jume tsipae pocotsiwa xua papaebame. <sup>5</sup> Nacom paca cata pia Pejumoŕe tñaxñ tatsi. Matañtano Nacom pexeinya petsita itubi coyenewa exana painya xantha. ¿Eta pocotsiwa metha Nacom baxua exana? Baxua Nacom jopa pacata exanaeyo xua poxoru painya neexanaexae pocotsiwa Moisés pia peitorobi coyenewatha itoroba. Apra jame baxua pacata exana poxoru painya nejume cowuntsixae po diwesi xua pajume taneme.

<sup>6</sup> Abraham pon caena bayatha popona yabara jume cowunta xua Nacom exanaena pocotsiwa Abraham yabara tsiwñnae muxu dutatsi. Daxota Nacom tsitatsi xua bapon Abraham bara pejuñtu coyene xanepanaein xua jopa Nacom tsita xeinaetsi penatsicuentisiwa xua abe peexanaexae. <sup>7</sup> Daxota paxam bewa payaputaename xua pomonae xaniwaicha Jesucristo pejume cowuntsiwichi, Nacom tsitatsi xua barapomonae bara be yatsicaewa Abraham pia pemomoxi susato jiwí tatsi bequein bara jopa yatsicaewa Abraham pia pemomoxi susato jiwíyo tatsi. <sup>8</sup> Caena bayatha Nacom Pejume Diwesi paeba, xua Nacom capanenebiya tsane pomonae jopa judiomonae naexanaeyo xua jopa peatenenexa tsane xua abe peexanaexae. Baxua Nacom exana, icha ichichi pomonae judiomonae xua capanenebiya tsainchi. Daxita pewñnaeya baxua Nacom paeba pia pexeinya jume diwesitha xua Abrahamtha jeye Nacom: “Daxita nacuanpiwi juñtu coyene weiweina exanaein tana nejume cowuntsixaemxae”, jei Nacom. <sup>9</sup> Daxota daxita pomonae jume cowunta, juñtu coyene weiweina, xua Abraham muxuna, xua irñ Abraham pejume cowuntsixae.

<sup>10</sup> Pomonae bequein jume cowuntsiya eexanapona pocotsiwa Moisés pia peitorobi coyenewatha itoroba xua pecapanenebiyaewa tsainchi, barapomonae bexa atene tsane xua Nacom exanaena abe peexanaexae. Tsipei Nacom Pejume Diwesitha jeye: “Pomonae jopa exanaeyo daxita po coyene itoroba Moisés pia peitorobi coyenewatha, daxita barapomonae atene tsane xua Nacom exanaena abe peexanaexae”, jei. <sup>11</sup> Yaputainchi beta, dapon ajibi pon pexeinaein xua po coyene pejuñtu coyene xanepanaewa, xua daxota Nacom tsitatsi xua jopa penatsicuentisiwa abe peexanaexae. Tsipei bequein ichichipa xua peexanaewa xua po coyene Moisés pia peitorobi coyenewatha itoroba, dai-chitha jopa itacupaetsi xua exana daxita xua Moisés itoroba. Ichitha Nacom Pejume Diwesitha jeye: “Pon xua Nacom juñtu coyene xanepana exana pon pejume cowuntsixaetsi, barapon bara ataya asñ poponaena”, jei. <sup>12</sup> Jiton jopa nantawenonaeyo xua Jesucristo jume cowuntatsi peexanaewa tsane daxita pocotsiwa Moisés pia peitorobi coyenewatha itoroba. Barapo peitorobi coyenetha jeye: “Bewa exanaename daxita

pocotsiwa xua barapo peitorobi coyenewatha paeba ayapusuya nepoponaewa tsane”, jei.

<sup>13</sup> Cristo naca capanepa poxona naetotha naca tsitupa wanaca yantomatsixae xua abe peexanae coyene waexanaexae po peabe exanae coyene Moisés pia peitorobi coyenewatha yabara paeba. Cristo baxua exanatsi xua tupa be pon xua bichocono abe peexanaein xua abe waexanae cuiru coyene peyawa tupaexae. Baxua yabara Nacom Pejume Diwesitha jeye: “Pon petupaein naetotha ducua bapon Nacom tsita abetsi xua bapon abe peexanaexae”, jei. <sup>14</sup> Cristo Jesús naetotha petupaexae daxota Nacom catsina pomonaetha pomonae jopa judiomonae naexanaeyo po coyene xua bayatha Nacom Abraham tsiwinae yabara muxu dutatsi. Nacom Abraham tsiwinae yabara muxu dutatsi xua pecatsinexatsi peantayapusawa. Matautano Nacom Abraham tsiwinae yabara muxu dutatsi xua Nacom pia Pejumope tanaexi tatsi naca yawa jinompaena poxonae jume cowantatsi Jesucristo.

*Meje yabara xua Nacom pia petsiwinae yabara muxu dutsiwa tatsi*

<sup>15</sup> Tamonae pam, pomonae iru painya nejume cowantsiwixae Jesucristo. Paca tsipaebatsi tsica diwesiyo jata coyeneyatha xua pocotsiwa jiwi ba exana. Poxonae ba nacueyatabe pebinbe peburaya nanta xeinabe xua nantiya penata exanaenexabe yawa daxota nawun dutabe papperatha, bara baponbe bewa exanaenabe po coyene baponbe tsiwinae yabara muxu dutabe. Ichun jopa itacupaetsi xua ichawa equeicha mataropata tina icha bayatha nawun tinabe. <sup>16</sup> Nacom exana pia petsiwinae yabara muxu dutsiwa Abrahamtha yawa iru Abraham pia pemomoxi susato jiwi jiwana pintha tatsi. Nacom Pejume Diwesitha jopa jeyo: “Pia pemomoxi susato jiwitha”, jopa jeyo. Jame meisa caeintha yabara jei: “Pia pemomoxi susato jiwi jiwana pintha”, jei. Baxua yabara paeba xua Cristo yabara caunutatsi. <sup>17</sup> Baxua paca tsipaebatsi meje: Poxonae Nacom yabara tsiwinae muxu duta Abrahamtha, bapoxonae poxona cuatrocientos po weibe yapucaewa bapoxonae Moisés pia peitorobi coyenewa tatsi patopa. Moisés pia peitorobi coyenewa tatsi jopa ainya cuiyiyo beyacaincha Nacom pia peyabara tsiwinae muxu dutsiwa tatsi xua daxota jiwi jopa nantawenonaeyo barapo Nacom pia peyabara tsiwinae muxu dutsiwa tatsi. <sup>18</sup> Icha jiwi itacupaetsi xua panenebiya abe pia peexanae cuiru coyene weya xua peexanaexae pocotsiwa Moisés pia peitorobi coyenewatha itoroba, bapoxonae ainya cui aibi po peyabara tsiwinae muxu dutsiwa Nacom yabara tsiwinae muxu duta Abrahamtha. Ichitha poxoru jiwi jopa itacupaetsi xua pepanenebiwa abe pia peexanae cuiru coyene weya poxonae bequein exanaetha pocotsiwa Moisés pia peitorobi coyenewatha itoroba, daxota bichocono ainya cui po peyabara tsiwinae muxu dutsiwa, Nacom amanayiya yabara tsiwinae muxu duta Abrahamtha.

<sup>19</sup> ¿Eta xua metha canamatawenonatsi Moisés pia peitorobi coyenewa? Nacom naca cata baxua abe waexanaexae beya poxonae Cristo patopa, pon Abraham pia pemomoxi susato jiwi jiwana pintha tatsi pon yabara tsiwinae muxu duta Nacom. Nacom cata pia peitorobi coyenewa matatsunpiwitha xua barapomonae xuya Moisés catatsi jiwi nexa. <sup>20</sup> Ichitha poxonae Nacom yabara tsiwinae muxu duta Abrahamtha, bapoxonae

dapon aibi pon capona barapo peyabara tsiw̃nae muxu dutsiwa Abrahamtha Nacom weya. Jame saya meisa Nacom compa yabara tsiw̃nae muxu duta Abrahamtha.

*Meje yabara xua daxota Nacom itoroba Moisés pia peitorobi coyenewa tatsi*

<sup>21</sup> Paca yainyabatsi: ¿Moisés pia peitorobi coyenewa abe cana exana Nacom pia peyabara tsiw̃nae muxu dutsiwa tatsi? Jume, apara tsipei Nacom jopa capanenebiyae tsane jiwi peexanaexae Moisés pia peitorobi coyenewa tatsi. Icha jiwi itac̃paetsipatsi xua capanenebiyatsi abe pia peexanae coyenein weya peexanaexae po coyene Moisés pia peitorobi coyenewatha itoroba, bapoxonae jiwi j̃nt̃u coyene xanepanaetsipa Nacomtha peexanaexae po coyene Moisés pia peitorobi coyenewatha itoroba. <sup>22</sup> Nacom Pejume Diwesitha jeye: “Daxita jiwi bewa atene tsane abe peexanae coyenein peexanaponaexae xua jopa itac̃paetsi xua penacui barapentsiwa. Daxota daxita pomonae Jesucristo pejume cow̃ntsiwichi Nacom cana exanaena jiwi po coyene xua bayatha yabara tsiw̃nae muxu duta xua bepa pinae jiwi capanenebiya tsainchi Jesucristo pejume cow̃ntsixaetsi”, jei.

<sup>23</sup> Pew̃naeya xua poxonae Cristo pepatopeicaewa tsane po peitorobi coyenewa Nacom Moisés catatsi naca yaputane exana xua poxonae Cristo patopeicaena bapoxonae waxainchi bara bewa jume cow̃ntichi Cristo. Barapo peitorobi coyenewa yabara naca yaputane exanano xua po coyenewa waxainchi wacoutha nata exainchi. Jopa naca exanaeyo xua Nacom wanaca capanenebiwa. Daxota po diwesi Nacom Moisés catatsi barapo diwesi naca j̃nt̃u coyene yawenapona beya poxonae Cristo patopaetsica. <sup>24</sup> Moisés pia peitorobi coyenewa naca yawena xua wayaputaewa Cristo. Barapo Moisés pia peitorobi coyenewa tatsi naca yawena xua naj̃nt̃u coyene xanepana exainchi Nacomtha wajume cow̃ntsixae Cristo. <sup>25</sup> Anoxuae jume cow̃ntatsi Cristo, daxota jopa nantawenonaetsi Moisés pia peitorobi coyenewa tatsi. <sup>26</sup> Paxam painya nejume cow̃ntsixae Cristo Jesús, daxota daxita paxam Nacom pia pexui tatsi pam. <sup>27</sup> Daxita paxam poxonae bayatha ichamonae paca bautisaba caemonae pana naexaname Cristo Jesustha, Cristo pijimonae tatsi pamxaem. Daxota paxam pacoyene j̃pame Cristo. <sup>28</sup> Nacom daxita jiwi tsita naj̃patsi. Daxota Nacom jopa tsita ainya cuichi metha bequein judiomonae pam tsipaem, ir̃u metha bara bequein griegomonae pam tsipaem pomonae jopa judiomonae naexanaeyo. Matautano jopa tsita ainya cuichi metha bequein pomonae amanaya painya nepaca busi cui tatayebeibiwi pam tsipaem, ir̃u bara bequein pomonae jopa amanaya painya netanacuichi jiwi pam tsipaem. Matautano jopa tsita ainya cuichi metha bequein bara pebiwi pam tsipaem, ir̃u metha bequein yab̃xi pam tsipaem. Nacom tsitatsi xua paxam be caemonae jiwi pam xua caemonae pana nabar̃u exaname Cristo Jesustha. <sup>29</sup> Icha paxam Cristo pijimonae pam, bara nexata paxam Abraham pia pemomoxi susato jiwi pam. Po coyene Nacom Abraham yabara tsiw̃nae muxu dutatsi bara baxua paxam nexa.

#### 4

<sup>1</sup> Xua ichichipan xua tapaebiwa baxua meje: Icha pexuyo paxa cuenta t̃patsi poxonae cataunxuae pexuyo tsecae barapoyo jopa bepi-

jawa catichi ichamonae pocotsiwa xua coxiyɨn pecopaniwa tatsi tsipei cataunxuae pexuyo tsecae. Barapo pexuyo bewa exaneibina pocotsiwa peitorobeibixaetsi pomonae wichitiya pebaru jinompaewichi icha ichi xua poxonae exana pomonae amanaya petanacuichiwi ichamonae nexa. <sup>2</sup> Barapo pexuyo nantaata pomonae peyawenaewichi, pomonae bapon wichitiya pebaru jinompaewichi. Matautano pexuyo itorobatsi pocotsiwa barapo pexuyo bewa exanaena. Barapomonae ewata xua barapo pexuyo catsinchi poxonae pinyo tsane be po coyeneya bayatha coxiyɨn paeba. <sup>3</sup> Waxainchi bara pocotsi jɨta coyeneya ichichi beya poxonae Cristo patopeica. Waxainchi be pexui natsicotainchi tsipei pemayainwa exanatsi pocotsiwa Moisés pia peitorobi coyenewatha naca itoroba. <sup>4</sup> Poxonae barapo matabi patopa, po mataqueitha xua Nacom ichichipa xua Pexanto itorobica, bapoxonae barapo mataqueitha Nacom Pexanto itorobica xua yabɨyo petsiperɨ wenaexanaenexatsi barapo cae pin nacuathe. Bapon yacuiya naexana judiomonaepin. Matautano bewa exanae pocotsiwa judiomonae ba itoroba xua pocotsiwa pepaebixae Moisés pia peitorobi coyenewa tatsi. <sup>5</sup> Bapon patopa xua jopa wanantawenonaenexa xua waexanaewa tsane pocotsiwa Moisés pia peitorobi coyenewatha naca itoroba, xua bapoxonae Nacom wanaca cana exanaewa tsane xua Nacom pia pexuichi. <sup>6</sup> Nacom pia pexui tatsi painya nenaexanaexae, daxota pacata itorobica pia Pejumoŋe tɨnaxɨ tatsi pia painya nepaca cayawenaewa tsane poxonae paca jɨntɨ coyene tsipaeba. Barapo Nacom pia Pejumoŋe tɨnaxɨ tatsi naca cana exana xua wajeiwa: “Axa”, xua wajeiwa Nacomtha. <sup>7</sup> Anoxuae paxam jopa barapocotsimonae pam pocotsimonae xua amanaya tanacuita caurimonae pia pentacaponaein tatsi nexa icha be pocotsimonae ichi xua pocotsimonae pebusi cui tatayebeibiwichi. Nacom paca exana pia pexui tatsi. Tsipei paxam Nacom pia pexui tatsi pam, daxota Nacom paca catsibina daxita po coyenein Nacom xeina pia pexui tatsi nexa.

*Meje yabara poxonae Pablo yabara nanta xeineiba pomonae pejume cowɨntsiwi Jesucristo*

<sup>8</sup> Pewɨnaeya xua poxonae payaputaename Nacom, copiya paxam be barapocotsimonae pam be pocotsimonae bewa exanae xua pia nacomɨn itorobeibatsi, po nacomɨn xua saya jiwi pia coya cana exana xua jopa pera nacomɨno. <sup>9</sup> Ichitha anoxuae Nacom payaputaneme, yawa paca tsipaebatsi xua Nacom paca yaputane. Jopa bewa equeicha caewa pana naexanaem xua paexaname pocotsiwa Moisés pia peitorobi coyenewatha paca itoroba xua pocotsiwa caena bayatha copiya paexaname poxonae cataunxuae jopa pajume cowɨntsim Nacom. Barapo Moisés pia peitorobi coyenewa jopa paca yawenaeyo xua painya nepatsiwa Nacom beya. Bewa paexanaename po coyene barapo peitorobi coyene itoroba. Poxonae saya ɨ painya neexaneibi barapo coyene barapoxonae be barapocotsimonae pam be pocotsimonae xua bewa amanaya exaneibina pocotsiwa itorobeibatsi pia pecanamataxeinaeinchi tatsi. <sup>10</sup> Paxam awiya cataunxuae paxename pocotsi coyenewan xua judiomonae itorobatsi Moisés pia peitorobi coyenewatha. Barapo coyenewa itoroba xua matabin yabara yawa xua xometon yabara yawa xua wei yabara, po coyene jiwi bewa exanaena penajainbotsi yabara,



yawa xua pin penabanaewa peexanaewa matakabin yabara. Barapocotsi coyenein paexaname painya nenanta xeinaexae xua painya nenajuntũ coyene xanepana exanaenexa Nacomtha. <sup>11</sup> Tsipei cataunxuae baxua paexaname, daxota juntũ coyene wecoyan, poxoru pocotsiwa xua paca cuidubatsi jopa paca yawenaeyo, tsipei paexanaponame pocotsiwa xua caena bayatha paexanaponame xua abe paexanaponame.

<sup>12</sup> Tamonae pam, pomonae irũ painya nejume cowantsiwixae Cristo. Paca itorobatsi xua painya coutha pana naexande xua jopa paexanaeinde pocotsiwa Moisés pia peitorobi coyenewatha paca itoroba, icha xan ichin xua tacoutha naexanan xua jopa exanaeinyo pocotsiwa Moisés pia peitorobi coyenewatha itoroba. Bara bequein xan judiomonaepin, ichitha Nacom necapanepa xua jopa tanantawenonaewa tsane xua jopa taexanaewa tsane pocotsiwa Moisés pia peitorobi coyenewatha itoroba, icha paxam paichim xua jopa panantawenonaem xua jopa paexanaem pocotsiwa Moisés pia peitorobi coyenewatha itoroba. Paxam pomonae jopa judiomonae panaexanaem. Bayatha paxam jopa panta abe exanaem, daxota nanta xeinan xua bara pana nejume taneme pocotsiwa paca itorobatsi. <sup>13</sup> Payaputaneme poxonae copiya paca tsipaebatsi Nacom pia pecapanenebiyae diwesi, tsipei atenein daxota jopa warapaeinyo. <sup>14</sup> Bequein pacata ayapube xua poxonae pana netaneme xua atenein, ichitha jopa pana necui capanaeya itawetsim. Seicaya paexaname, bara beta pana nententa weyataeya wabame icha be poxonae matatsunpintha paichipaem poxonae patopa po matatsunpin Nacom pia matatsunpin tatsi, pon peainya cuin, yawano xua icha be poxonae pacana ichipaem Jesucristo poxonae patopaetsipa. <sup>15</sup> Copiya bayatha bichocono pajuntũ coyene weiweiname, anoxxuae jopa paraichim. Bequein baxua paexaname daichitha awiya wũnae paca yabara paebatsi ichamonaetha xua paxam bichocono pana neantobem. Mataũtano bichocono jopa juniya pana neantobem pata tana neyawenaexaem tsane xua beya poxonaeno pana naitacuere jucame xua pata tana neantobexaem. <sup>16</sup> Anoxuae pana neexaname be pata tana neaitafaetabi jiwim, tsipei yabara paca tsipaebatsi pexainyei jume diwesi.

<sup>17</sup> Po judiomonae jiwi pecuidubiwi barapomonae naemata wũnaeya paca tsipaeba, ichitha peajuntũcoyenebe jiwi. Daxota barapomonae baxua pacata exana pia painya tana nepenticham pia bapoxonae xuya painya ichichipaetsi barapomonae. <sup>18</sup> Baraxua bara bequein wũnae xua ichamonae paca ichichipa, daichitha saya jame poxonae juntũ coyene wũnae. Barapomonae bewa daxita matakabi paca yaweneibina jopa meisa metha poxoru ecaeinchipae. Mataũtano bara bewa paca yawenaena poxonae jopa ecaeinyo. <sup>19</sup> Tamonae pam, paxam be pomonae tapexui pam. Paxam nexa bichocono ajuntũcoyenerewein xua anthũthũtanein, icha be poxonae yabũyo ichi poxonae bichocono atene poxonae beya pexuyo pabeta. Baraxua cataunxuae exanaponaein beya poxonae pajuntũ coyene wũnaem tsane icha Cristo ichi xua juntũ coyene wũnae. <sup>20</sup> ¡Maisa ichichipan bichocono xua tapaca barũ ecaewatsi anoxxuae xua tapaca tsipaebinxatsi icha jumetha, xua jume wũnaeya tapaca tsipaebinxatsi! Tajũ taecaexae xan jopa yaputaeyo xua eta bichin xua tapaca yabara nanta xeinaewatsi xua tapaca yawenaenexatsi.

*Meje yabara xua yabũyobe Agar irũ Sara*

<sup>21</sup> Paxam pomonae pam pomonae painya neichichipaewa xua painya neexanaewa pocotsiwa Moisés pia peitorobi coyenewatha itoroba. Pana nejume nore. ¿Paxam jopa pajume taem xua barapo peitorobi coyenewatha paeba? <sup>22</sup> Barapo peitorobi coyenewatha paeba jeye: Abraham xeina ainya pexantobe. Abraham icha pexanto exana powatha xua powa Abraham pia botha tanacuitatsi amanaya, powa pebusi cui taetaexae. Icha pexanto exana powatha powa yatsicaya Abraham piowa tatsi powa xua jopa amanaya petanacuichiwatsi. <sup>23</sup> Powa Abraham tanacuitatsi amanaya, bapowa pexanto tanaexanatsi bara jupa icha be ichi xua poxonae ichamonae tanaexanatsi pexui. Powa Abraham pepa piowa tatsi, powa xua jopa pebusi cui taetaewatsi, Nacom cana exana xua bapowa pexanto tanaexanatsi tsipei bayatha Nacom Abraham yabara tsiwuna nae muxu dutatsi. <sup>24</sup> Baraxua be pacata exanatsi xua peyabara caunutsiwa. Barapo ainya petsiriwabe baraxua yabara caunuta xua Nacom pia ainya petsiwan nae muxu dutsiwabe tatsi. Agar pexanto tatsi bapon pia pemomoxi susato jiwi tatsi bewa exanae xua Moisés itoroba pia peitorobi coyenewatha tatsi. Barapo peitorobi coyenewa Nacom Moisés catatsi ichaxota demxuwa, po demxuwa pewun Sinaí. Barapon, Agar pexanto tatsi yacuiya naexana xua pon pebusi cui taetaeinchi. Barichi barapon pia pemomoxi susato jiwi tatsi barapo coyeneya yacuiya naexanumenapona. Daxota barapomonae bewa exanapona po peitorobi coyene Moisés itoroba. <sup>25</sup> Barapowa Agar caunuta po demxuwa pewun Sinaí xua Arabia nacuatha, po demxuwa Arabia nacuamonae pijumetha: “Agar”, jei. Barapowa Agar xaniwaicha yabara caunutatsi anoxuae po tomara Jerusalén tomara, poxoru barapo tomarapiwi nanta xeina xua bewa exanaena Moisés pia peitorobi coyenewa tatsi icha Agar ichi xua bewa exanae pocotsiwa Abraham itoroba xua powa pebusi cui taetaewatsi pecana exanaeatsi. <sup>26</sup> Icha Jerusalén tomara, po tomara seicaya Nacom pia nacuatheicha eca xua Nacom pia tomara, barapo tomara yabara caunuta pocotsiwa xua bichocono xanepana. Barapo Jerusalén tomarapiwi jopa bewa exanae tsane Moisés pia peitorobi coyenewa tatsi. Waxainchi apara barapo tomarapiwichi. <sup>27</sup> Nacom Pejume Diwesitha Sara tsipaebatsi, jeichichi:

“Petsiriwa powa mawecowam, xam powa jopa xeinaem pexui, juntu coyene weiweinare. Juntu coyene weiweinaya najume tsebare, tsipei xam jopa xeinaem pocotsiwa peatenewa. Po petsiriwa jopa pexui xeinaeyo, barapo petsiriwa bichocono ayei jiwi xeinaena pexui beyacaincha po petsiriwa piseuri baru popona”, jei Nacom Pejume Diwesitha.

<sup>28</sup> Tamonae pam, paxam pomonae iru painya nejume cowuntsiwixae Jesucristo. Waxainchi Nacom naca cana exana icha Isaac ichichi pon Abraham pexanto tatsi, pon bayatha Nacom Abraham yabara tsiwuna nae muxu dutatsi. Waxainchi barapo pexuichi, po pexui Nacom yabara tsiwuna nae muxu duta wajume cowuntsixae. <sup>29</sup> Po pexanto Agar tanaexanatsi xua pon naexana bara jupa icha be ichi xua poxonae ichamonae pexui tanaexanatsi be pon pewun Ismael. Bapon Isaac taayapube exainchi, pon naexana poxoru Nacom pia Pejumope tanaexu tatsi peitorobixae. Bara jutiya ichi anoxuae pomonae xua Nacom pia

Pejumope t̃nax̃ tatsi pexeinaewi taayapube exainchi xua ichamonae exana, pomonae peexanaponaewi po coyene Moisés pia peitorobi coyenewatha itoroba. <sup>30</sup> Ichitha pajume taema xua Nacom Pejume Diwesitha paeba, jeye: “Powa amanaya jinya necatanacuichiwa powa nebusi cui taetaexae jinya botha itawere yawa muxuna itawere pia pexanto tatsi. Tsipei barapo pexanto tatsi jopa itac̃paetsi xua pexeinaewa pocotsiwa coxiỹn pecopaniwa tatsi xua saya cuita pepa pexanto tatsi nexa powa jopa pebusi cui taetaewatsi amanaya”, jei Nacom Pejume Diwesitha. <sup>31</sup> Tamonae pam, paxam pomonae ir̃u painya nejume cow̃ntsiwixae Jesucristo. Jopa dapomonaetsi icha be ichi po pexui powa pebusi cui taetaewatsi amanaya pia pexui tatsi pomonae bewa exanaena pocotsiwa Moisés itoroba. Waxainchi jame barapomonaetsi icha be ichi po pexui powa jopa pebusi cui taetaewatsi amanaya pia pexuichi. Daxota waxainchi jopa nanta wenonaetsi xua waexanaewa po coyene Moisés itoroba.

## 5

*Meje xua Pablo yabara paeba xua jopa bewa equeicha exanae Moisés pia peitorobi coyenewa*

<sup>1</sup> Cristo naca yawena xua equeicha jopa wanantawenonaewa tsane xua waexanaewa pocotsi coyenewan Moisés pia peitorobi coyenewatha itoroba xua Nacom jopa watsita xeinaewa tsane xua watsita natsicuentsiwa xua abe waexanaexae. Beta aj̃nt̃ỹap̃us̃ỹa pajume cow̃ntap̃onde Nacom, xua bapoxonae jopa painya necopatsiwa tsane xua ichamonae paca itorobina xua painya neexanaewa pocotsiwa Moisés itoroba.

<sup>2</sup> Xan, Pablon, pana nejume taema. Jopa equeicha pacopatsinde xua bara judiomonae paca wi thabina, pomonae pebiwi pam, ichaxota panareixacaename. Tsipei icha baxua paexanaetsipame bapoxonae Cristo jopa paca yawenaetsipae po coyene bapon nepaca j̃nt̃u coyene xanepana exanaewa tsane Nacomtha. <sup>3</sup> Equeicha ichichipan xua tapaca tsipaebiwatsi. Po pebin xua wi thabatsi xua judiomonae exana, barapo pebin bara be judiomonaepin naexana. Bapoxonae bapon bewa daxita matapaecha coyenein exanaena pocotsiwa Moisés pia peitorobi coyenewatha itoroba. <sup>4</sup> Paxam pomonae pananta xeiname xua paca j̃nt̃u coyene xanepana exanaena Nacomtha painya neexanaexae pocotsiwa Moisés pia peitorobi coyenewatha itoroba, apara paxam Cristo papentame. Yawa panaitematame Nacom pia peantobewa tatsi. <sup>5</sup> Nama jume cow̃ntsiya ewatatsi xua Nacom naca j̃nt̃u coyene xanepana exanaena xua jopa watsita xeinaewa tsane wanatsicuentsiwa xua abe waexanaexae. Nacom pia Pejumope t̃nax̃ tatsi baxua nacata exana wajume cow̃ntsixae Nacom. <sup>6</sup> Waxainchi caemonae peb̃r̃ỹa Cristo Jesús piamonae wanaexanaexaetsi jopa naca yawenaeyo icha ichamonae naca wi thaba xua judiomonae wanaexanaewa tsane. Ichacuitha icha jopa naca wi thabiyo baxua ir̃r̃u jopa naca yawenaeyo. Jame pocotsiwa xua wanaca yawenaewa bewa jame jume cow̃ntichi Cristo Jesús. Barapo pejume cow̃ntsiwa naca exana xua antobeya wajinompawa.

<sup>7</sup> Bayatha copiya beta pajinompame painya nejume cow̃ntsiwatha. ¿Jintam metha pacata ayapube exana xua daxota jopa painya neexanaewa pocotsiwa Nacom pia pejume xainyeiwatha paeba? <sup>8</sup> Apra

Nacom jopa pacata exanaeyo baxua xua pacata ayapube exana pon paca waba. <sup>9</sup> Payabara nanta xeinare po diwesiyo xua jeye: “Levadura ba peyauyo xoyo atsaxa tsecae daxita carepaya matapaeicha atsaxa exana pantha”, jei. Barapo coyene icha be ichi poxonae abe peexanae coyene po coyene bewayo painya xainya bejojopa tsiniya. <sup>10</sup> Jume cowantán Nacomtha pon jiwi Pecanamataxeinaein xua jopa painya neitapetsiwa tsane icha painya barompaya nenanta xainaewa xua icha be jopa ichiyo pocotsiwa nanta xeinan. Icha ichun paca juntu coyene tsacaba xua paca itoroba xua abe painya neexanaewa tsane Nacom atene exanaena bapontha. Jopa Nacom tsita ainya cuiyotsi metha bequein pon jopa peainya cuiyo, matautano metha bequein pon peainya cuin jiton, ichitha awiya atene cana exanaena.

<sup>11</sup> Tamonae pam, paxam pomonae iru painya nejume cowantsiwixae Jesucristo. Icha cueicueijan tsipae xua bewa jiwi wi thabichi metha judiomonae jopa inta abe exanaetsipae. Yawa bapoxonae barapo judiomonae jopa aichaxaibi tsipae Nacom Pejume Diwesi, po diwesi xua Cristo yabara paebatsi po coyene xua naetotha tupa. <sup>12</sup> Pomonae xua paca juntu coyene cui tsacaba xua paca itoroba xua paca wi thaba barapomonae pin jumetha yabara janje: “Jame maisa bu moya bara pia coutha natobu jucaena xua daxota jopa ichamonae peitorobiwa tsainchi xua penawi thabiwa tsane”, jan.

<sup>13</sup> Tamonae pam, paxam pomonae iru painya nejume cowantsiwixae Jesucristo. Nacom paca itapeta xua jopa painya nenantawenonaenexa tsane xua jopa equeicha painya neexanaewa tsane pocotsiwa Moisés pia peitorobi coyenetha itoroba xua Nacom jopa painya netsita xainaewa tsane painya tsita natsicuentisiwa xua abe painya neexanaexae. Poxoru jopa painya nenantawenonaemxae xua painya exanaewa barapo Moisés pia peitorobi coyenewa tatsi painya nepaca capanenebiyaenexa tsane daxota jopa paexanaeinde pocotsiwa xua abe, pocotsiwa xua jiwi pia coutha ichichipa exana. Jame paexande pocotsi coyene xua ichamonae payawende xua nantiya caemonae painya nenaantobexae. <sup>14</sup> Paxam paexaname daxita pocotsiwa Moisés pia peitorobi coyenewatha itoroba poxonae paexaname barapo cae coyenewa xua jeye: “Antobeinde jinya necatsicuarabu enaewi, icha ichim xua naantobem jinya coutha”, jei. <sup>15</sup> Icha paxam bichocono nantiya atene pana naexaname, yawa icha bichocono nantiya daunwei pana nata exaname, dota pam pepu painya nenaaitafaetabi jiwi pam tsipae xua jopa beta painya nejume cowantsiwa Nacom.

*Meje xua Pablo yabara paeba pomonae yawa jinompa Nacom pia Pejumope tñaxu tatsi*

<sup>16</sup> Xua pocotsiwa paca tsipaebatsi meje baxue: Nacom pia Pejumope tñaxu tatsi payawa jinompare. Bapoxonae jopa paexanaem tsane xua abe paexaname pocotsiwa xua saya jiwi ichichipa pia coutha exana. <sup>17</sup> Po coyene xua wacoutha wajuntu coyenetha najuntu coyene xeinatsi xua abe waexanae coyenewa baraxua Nacom pia Pejumope tñaxu tatsi jopa ichichipaeyo. Po coyene Nacom pia Pejumope tñaxu tatsi naca itorobeiba xua pexeinya coyene waexaneibinexa baraxua, barapo abe wananta xainaewa jopa ichipaeyo barapo coyene, po coyene Nacom pia Pejumope tñaxu tatsi naca itoroba. Bapoxonae wajuntu coyene iru Nacom pia Pejumope tñaxu tatsi pia pejuntu coyene tatsi

jopa pebɔ́ɔɔya jɔ́pɔ́aeya nanta xeinaeabe. Daxota bequein paichichipame xua painya neexanaewa xua pexeinya peexanaewan ichitha jopa paexaneibim po coyenein pexeinya coyenein. <sup>18</sup> Ichitha icha Nacom pia Pejumope tɔ́naxɔ́ tatsi itorobiya paca mata cainompa baroxonaɔ́e jopa bewa pananta xeinaem xua Nacom paca capanenebiyaena abe painya neexanae coyenein weya painya neexanaexae po coyene Moisés paca itoroba pia peitorobi coyenewatha tatsi.

<sup>19</sup> Pocotsiwan jiwí ichichipa pia coutha exana xua abe meje baxue: Ichamonae nata siwa xeina xua bequein jopa piseuri jiwí. Ichamonae bichocono nanta xeineiba pocotsiwa bichocono xua abe, yawa xua pecuí tsacatsacapaɔ́e coyenewa xua weiweina. <sup>20</sup> Ichamonae wɔ́naɔ́e jainta ibo nacomɔ́n. Barichi ichamonae maratha cataerubenaabiya xua icha jiwí maratha cataerubenaabiyatsi. Ichamonae caemonae nantiya naita aenae-aeni. Ichamonae nantiya naba. Ichamonae nantiya nauwa. Ichamonae nantiya nacaseba. Ichamonae asiwa piawan. Ichamonae natsatabe exana. Ichamonae pia matabɔ́xɔ́monae nacana exana be pomonae seicaya barompaya penanta xeinaewí. <sup>21</sup> Ichamonae yabara uwa pocotsiwa xua ichamonae xeina. Ichamonae juteba xua icha jiwí pejutebiwatsi. Ichamonae cɔ́patsi. Ichamonae penajainjɔ́bí jiwí bichocono. Ichamonae ichawan exana xua peabe coyenewan. Yabara paca tsiwɔ́naɔ́e muxu dutatsi xua jɔ́pɔ́a be po coyeneya bayatha paca tsiɔ́paebatsi, po jiwí bapocotsiwan exana barapomonae jopa patsi tsane Nacom pia peitorobi nacua beicha tatsi.

<sup>22-23</sup> Ichitha nama pocotsi coyenewan Nacom pia Pejumope tɔ́naxɔ́ tatsi cana exanaena jiwí pejɔ́ntɔ́ coyenetha tatsi baxuanje: Peantobewa ichamonaetha, yawa pejɔ́ntɔ́ coyene weiweinaewa pejume cowɔ́ntsixaɔ́e Nacom, yawa xua jɔ́ntɔ́ema pejinompaewa, yawa xua jɔ́ntɔ́ema pejinompaewa xua berijawa jopa aitaconaeyo poxonaɔ́e bequein ichamonaɔ́e abe exana, yawa xua beta peexanaewa ichamonaetha, yawano xua peyawenaewa ichamonae pejɔ́ntɔ́ coyene xeicaewaxae, yawano xeina xua bichocono pejume cowɔ́ntsiwa Nacom, yawa bichocono pia coutha jopa penayabara nanta xeinaewa, xua saya yabara nanta xeina ichamonaetha, yawa po coyene xua penaitorobiwa pia coutha. Icha peitorobi coyenewa aibi po peitorobi coyenewa xua yabara paeba xua daxita barapo coyenewan pinaɔ́e abe. <sup>24</sup> Waxainchi pomonaetsi xua Jesucristo piamonae tatsichi, jeichichi: “Poxonaɔ́e Jesucristo naetotha cobe matatabarutatsi, wajɔ́ntɔ́ coyene, po jɔ́ntɔ́ coyene jopa wɔ́naeyo, nacata yawa muxuna tɔ́pɔ́a. Baroxonaɔ́e nacata aichurubenaɔ́e exana po coyene xua abe waexanaewa”, jeichichi waxainchi. <sup>25</sup> Waxainchi jinompatsi wanaca yawenaexae Nacom pia Pejumope tɔ́naxɔ́ tatsi. Daxota bewa bara copatichi xua Nacom pia Pejumope tɔ́naxɔ́ tatsi bara naca maticarucua ducuaabiyaena xua ichaxota daxita pocotsiwantha xua exaneibatsi.

<sup>26</sup> Jopa bewa waxainchi ichamonaetha aebichi. Mataɔ́tano jopa bewa nantiya naanaepana exanaetsi. Mataɔ́tano jopa bewa nantiya nauwichi.

## 6

*Meje yabara poxonaɔ́e Pablo jeye: “Nantiya pana nayawende”, jei*

<sup>1</sup> Tamonae pam, paxam pomonae irɔ́ painya nejume cowɔ́ntsiwixae Jesucristo. Icha ichɔ́n pacuí taneme xua abe exana, pon pejume

cowantsin Jesucristo, bapon payawende xua equeicha beta peponaewa tsane Nacomtha. Payawende bapon paxam jiwana pomonae pam Nacom pia Pejumope tñaxñ tatsi pajume cowantsiya jinompame. Jopa anaya bichocono pamuxuconaeinde xua abe peexanaexae. Ichitha dota pam, xua irũñ paca jũntũ coyene cana exana xua abe painya neexanaewa tsane. <sup>2</sup> Nantiya caemonae pana nayawende xua poxonae ichamonaе ajũntũcoyenerewe tsaibi pocotsiwa xua ajũntũcoyenetane exanatsi. Poxonae nantiya caemonae pana nayawenname bapoxonae bara paexanaename pocotsiwa Cristo itoroba xua poxonae jeye: “Nantiya caemonae pana naantobeinde”, jei.

<sup>3</sup> Pon pia coutha nayabara nanta xeina xua jopa abe exanaeyo xua daxota jopa nantawenonaeyo xua peyawenaewatsi tsainchi, bapon pia coutha namuxuitoroba. <sup>4</sup> Jiton bewa pia coutha nacui yabara nanta xeinae xua exana, bapoxonae barapon jũntũ coyene weiweina icha piawa beta exana. Bapon jopa bewa yabara nanta xeinae pocotsiwa xua ichũn exana xua bichocono wũnae xua beyacaincha bapon exana. Daxita jiwi carepaya bewa barichi bewa pia coutha nacui yabara nanta xeinae icha metha bara wũnae xua pocotsiwan exana. <sup>5</sup> Daxita jiwi carepaya barompaya bewa exanaena pia penacuichiwan Nacom nexa be pocotsi coyeneya xua Nacom itoroba.

<sup>6</sup> Pon xua nacuiduba Nacom Pejume Diwesi, bapon bewa xuya catsina ichawa pocotsiwa xua penantawenonaewa pontha pon xua pecuidubinchixaetsi xua be pematomatsi coyenewa exana.

<sup>7</sup> Jopa painya coutha pana namuxuitorobinde. Dapon ajibi pon itacũpatsi xua Nacom muxuitorobatsi. Pocotsiwa xua pebin exana bara barapocotsi coyenetha cuita yabara cana exanatsi. Icha bapon abeya exana barichi bara abeya cuita yabara cana cui matomatatsi. Mataũtano icha bapon xanepanaya exana bara xanepanaya cuita yabara cana cui matomatatsi. <sup>8</sup> Icha ichũn exana pocotsiwa xua pia coutha ichichipa exana pocotsiwa xua jopa xanepanaeyo, bapoxonae bapon xuya cuita xeinaena pocotsiwa xua abe xua jiwi tũpa exanatsi. Ichitha icha bapon exana pocotsiwa xua Nacom pia Pejumope tñaxñ tatsi ichichipa, bapoxonae barapo Nacom pia Pejumope tñaxñ tatsi bapon catinchi peajũntũyapusũwa xua ataya tsiteca. <sup>9</sup> Jopa bewa ajũntũcoyenefaetabi tsainchi po coyenewa xua beta waexanaewa Nacom nexa. Icha jopa ajũntũcoyenefaetabiya jinompae tsainchi xua beta waexanaewa Nacom nexa, bapoxonae po mataqueitha Nacom daxita wetsina Nacom naca catsina pentoma pocotsiwa wũnae xua xanepanaya waexanaexae. <sup>10</sup> Daxota poxonae daxita coyeneintha naca itacũpa xua exanaeinchi pocotsiwa xanepana bara bewa exaneibinchi ichamonaetha pocotsiwan xanepana. Baraxua bewa exaneibinchi daxita jiwitha. Nacom tsitatsi xua bichocono ainya cui xua yawenatsi pomonae Jesucristo pejume cowantsiwichi, beyacaincha poxonae yawenatsi pomonae jopa pejume cowantsiwi.

*Meje yabara xua Pablo najume wetsiya paeba*

<sup>11</sup> Pataema xua matapainya tacoutha tinan, daxota pin itaneton tsica. <sup>12</sup> Pomonae judiomonaе xua paca itoroba xua painya nepaca wi thabiwa tsane, barapomonaе saya baxua exana pia icha judiomonaе wũnae yabara nanta xeinaetsi barapomonaetha. Yawa barapomonaе pomonae xua paca itoroba pomonaе judiomonaexae naerabiya nanta

xeinaeya jeye: “Poxonae Cristo Pejume Diwesi cueicueijeichi pomonaetha pomonae jopa judiomonae naexanaeyo, bara muxuna itorobatsi xua barapomonae bara bewa pebiwi wi thabinchi ichaxota nareixacaena. Bapo coyenewa icha waxainchi exanatsi baxua wamonae pomonae judiomonae juntu coyene weiweinaena. Bapoxonae barapomonae jopa nacata abe exanae tsane, bequein tsipaebatsi pomonaetha, pomonae jopa judiomonae naexanaeyo xua Cristo naca tsitupa naetotha”, jei xua naerabiya nanta xeina. <sup>13</sup> Bequein barapomonae paca itoroba xua paca wi thaba ichitha jopa exanaeyo pocotsiwa Moisés pia peitorobi coyenewa itoroba. Barapomonae ichichipa xua paca wi thaba ichamonae, pia barapomonae paca yabara paebichi ichamonaetha xua barapomonae paca itoroba. Barapo judiomonae ichichipa xua icha judiomonae yabara nanta xeina xua pomonae paca itoroba bara beta exana pia paca cui itorobixae barapo penawi thabi coyenewa. <sup>14</sup> Ichitha xan aichaxaibin xua tacoutha atsaquiya nayabara paeban ichamonaetha. Saya meisa bichocono atsaquiya yabara paeban xua Jesucristo petupaewa naetotha pon Wanacacanamateinaein. Cristo naetotha netsitupa daxota pocotsi coyenein xua xeina po irathe jopa netsita ainya cuiyiyo, xua taxeinaenexa yawa xan jopa tsita ainya cuiyinyo barapo cae pin nacuathepiwitha. <sup>15</sup> Jopa naca yawenaeyo icha naca wi thaba. Barichino jopa naca yawenaeyo icha jopa naca wi thabiyo. Jame pocotsiwa ainya cui xua bewa Jesucristo tsita xeinaetsi pena juntu coyene. <sup>16</sup> Barabu Nacom paca cata juntea painya nejinompaewa. Matautano barabu Nacom nantanuweya paca yabara nanta xeinaena pia painya nepaca yawenaenexa. Barabu Nacom daxita paxamtha barapo coyenebe paca cana exanaena pomonae pam paexaname po coyenewa barapo peitorobi coyenewa paeba, po peitorobi coyenewa xua yabara paeba pena juntu coyenewa, yawano barabu Nacom paca cana exanaena daxita paxamtha pomonae pam xaniwaicha painya nejume cowantsiwi pam Nacom.

<sup>17</sup> Anoxuae yawano xua bexa tsaneno jopa ichichipaeinyo xua ichan inta ayapube exanaena xua poxonae neyabara paeba xua po coyene pinae Nacom jopa neitorobiyo xua tacueicueijeiwa tsane bapon nexa. Tsita itapeinya xeinan xua Nacom xaniwaicha bara neitoroba tsipei ichamonae newan duba taperutotha tajume cowantsixae Jesús.

<sup>18</sup> Tamonae pam, paxam pomonae iru painya nejume cowantsiwixae Jesucristo. Barabu bapon pon Wanacacanamateinaein, paca juntu coyene weiweina exanaena pia painya nepaca antobexae. Je bara ichi tsane.

Baja Pablo.

## Meje Po Carte Pablo Tatina, Efeso Tomarapiwi Tatinatsi

*Meje yabara poxonaē Pablo tamropata pitaba xua tatina pomonaetha pomonaē Efeso tomarapiwi*

<sup>1</sup> Xan, Pablon, pacata tinatsi. Nacom necana exana xua Cristo Jesús pia peitorobi jiwi jiwana tatsin xua bapon peichichipaexae. Pacata tinatsi pomonaē pam pomonaē Nacom piamonae pamxaem, pomonaē pajinompame Efeso tomaratha. Paxam beta xanepanaya pajume cowanteibame Cristo Jesús xua Nacom caemonae painya nepaca exanaexae Cristo Jesustha. <sup>2</sup> Barabū Nacom, pon Waxa irū Jesucristo, pon jiwi Pecanamataxeinaein, baponbe paca yawenaena pia paca necantobexae. Matautano barabū baponbe peburūya jūntema jinompa paca cana exanaena.

*Meje yabara xua poxonaē Nacom wanaca yawenaewa, wanaca antobexae*

<sup>3</sup> Barabū waxainchi tsipaebatsi Nacomtha, Jesucristo Wanacanamataxeinaein, pia Nacom tatsi xuano xua Paxa tatsi. Jeichichi: “Nacom maisa pajūntū coyene weiweinan jinya pata taneyawenaewaxaem”, jeichichi. Daxita waxainchi Nacom caemonae wanaca cana exanaexae Cristotha, daxota Nacom naca yawena. Nacom bara tsitecaeya naca cata daxita carepayā pejūntū coyenein po pejūntū coyenein xeina pia nacuatheicha. Baro jūntū coyenein naca catsiba xua wanantawenonae watsi xua wanaca ajūntūcoyenesū exanaenexa beta xua Nacom watsita jinompaenexatsi. <sup>4</sup> Caena bayatha pewūnaeya xua poxonaē nacua forotsina, Nacom naca wūn duba xua piamonae tatsi wanaca exanaenexa tsane poxoru Cristo caemonae wanaca exanaewa tsane bapontha. Matautano Nacom naca wūn duba xua bichocono watsita jūntū coyene xanepanaenexa tsane bapon xua matauta jopa watsita natsicuentsiwatsi tsane xua abe waexanaexae bapontha. <sup>5</sup> Nacom pia wanaca antobewaxae caena bayatha naca yabara nanta cui yapu weta xua pia pexui tatsi wanaca cana exanaewa tsane. Baxua Nacom naca cana exana xua pocotsiwa Jesucristo pia wanacata exanaexae. Nacom ichichipa exana baxua petsita xanepanaexaetsi. <sup>6</sup> Daxota barabū Nacom wūnae janteibatsi pon bichocono pexeinya coyenewa exana poxonaē naca yawena wanaca antobexae. Matautano Nacom bichocono wanaca antobexae amanaya daxitatsi caemonae naca cayawa exana Pexantotha, po Pexanto bichocono antobe. <sup>7</sup> Nacom pia pin wanaca antobexae naca capanenebiya exana abe waexanae cuiru coyenein weya. Nacom tsitatsi xua jopa watsita natsicuentsiwatsi xua abe waexanaexae, yawa naca cayabara cui jūntemaina barapo cui. Baxua exana poxoru Nacom Pexanto tatsi jana pichapabarena poxonaē bexotsi, poxonaē abe waexanae cuiru coyene naca yabara tsitūpa naetotha. <sup>8</sup> Nacom naca tsita itapeinya xeina xua bichocono jopa juniya naca antobeyo. Matautano naca cana exana xua wayabara yaputaewatsi bapon. <sup>9</sup> Nacom bayatha exana pocotsiwa xua caena bayatha juntuuru exana. Nacom naca yaputane exana xua wayaputaewa pocotsiwa bapon moya yawūn xeina xua jiwi jopa yabara yaputaeyo po coyene xua bapon ichichipa



peexanaewa. Baxua xua pocotsiwa moya yawun xeina caena bayatha Nacom juntucuru nanta xeina xua Pexanto peitorobiwa tsane po cae pin nacuathe tsique pon pewun Jesucristo. <sup>10</sup> Caena bayatha Nacom cayabara nanta xeina pocotsiwa xua exanaena. Barapo coyene exanaena po coyene xua daxita caetutsina pocotsiwan Cristo pecanamataxeinaewa tsane picoya xua xuan peitabocotha piawan xuano xua xuan po irathe piawan. Baxuan exanaena poxonae jopaena barapo matababi xua poxonae po mataqueitha Nacom ichichipa beexanaena baraxua.

<sup>11</sup> Daxita po coyenein Nacom exana, bapon exana po coyeneya xua ichichipa. Daxota caena bayatha Nacom pana wun duba pata tanaexanaewa tsane piamonae tatsi poxoru Cristo caemonae wanaca exanaewa tsane bapontha. Daxita pocotsiwan xua Nacom pana cana exana caena bayatha bapon tsiwanaya juntucuru nanta xeina xua exanaena baxuan tsipei Nacom exana daxita xua pocotsiwan tsita wunaetsi. <sup>12</sup> Paxon, judiomonae pan, pomonae pan xua copiya pawanae ewatan xua Cristo pepatopaewa tsane. Barabu daxota Nacom bichocono wunaepajainchin pexeinya peitapanaewa peexanaeinxae. <sup>13</sup> Pocotsiwa xua pexainyei jume diwesi, barapo diwesi apara Nacom pia pecapanenebiyae diwesi tatsi. Poxonae barapo pexainyei jume diwesi pajume taneme Nacom paca cana exana piamonae tatsi painya nejume cowantsixaem Cristo painya nepaca capanenebiyaenexa. Baroxonae Nacom tsita itapeinya xeina xua paxam piamonae tatsi pam poxonae paca cata pia Pejumope tunaxu tatsi. Bayatha Nacom yabara paca tsiwunaem muxu duta xua pinae paca catsina barapo pia Pejumope tunaxu tatsi. <sup>14</sup> Nacom pia Pejumope tunaxu tatsi naca cata wanaca baru poponaenexa. Baxua naca tsita itapeinya xeina xua daxota xaniwaicha yaputainchi xua hexa ichawan xua Nacom naca catsina pocotsiwan yabara naca tsiwunaem muxu duta xua naca catsina. Nacom baxua exanaena poxonae daxita cana exanaena piamonae tatsi, pomonae daxita bewa jume cowantsina Jesucristo. Baroxonae jiwi wunaepajainchina Nacom bichocono pexeinya peitapanaewa peexanaeinxae.

*Meje yabara poxonae Pablo Nacomtha tawuca pomonae pejume cowantsi jiwi xua Nacom yaputane pecana exanaewa tsane barapomonae pomonae pejume cowantsiwi*

<sup>15</sup> Paca yabara jume tainchi xua paxam pinae beta pajume cowantame Jesús, pon jiwi Pecanamataxeinaein. Matautano paca yabara jume tainchi xua pinae beta paantobem pomonae iru pejume cowantsiwi. <sup>16</sup> Daxota ataya pacata wunqueibatsi Nacom, janje: “Nacom maisa juntu coyene weiweinan xua Efeso tomarapiwi neyawenaewa, pomonae necajume cowantsiwi”, jan. <sup>17</sup> Wucan Nacom, Jesucristo Wanacanamataxeinaein, pia Nacom tatsi, pon Waxa pon bichocono pexeinya peitapanaewa peexanaein. Wucan xua painya nepaca cacatsinexa pia Pejumope tunaxu tatsi painya neyaputaewa tsane pocotsiwan xua xainyei xua Nacom yabara. Matautano wucan xua painya beta neyaputaeponaenexa Nacom. <sup>18</sup> Nacom wucan xua painya neyaputaenexa painya juntu coyeneintha. Baroxonae paca itacupaena xua payaputaename pocotsiwa Nacom yabara paca tsiwun duba xua painya nexainaenexa pocotsiwa yabara paca tsiwunaem muxu duba. ¡Maisa bichocono jopa juniyiyo xua pocotsiwa Nacom catsina pomonaetha

pomonaē pia pejume cowantsi jiwithaxaetsi pocotsiwa bapon jantana jeba barapomonaē! <sup>19</sup> Matautano wñcan xua painya neyabara ya-putaewa tsane Nacom pia peayapusu itorobi coyenewa, po peayapusu coyenewa bichocono wñnae xua jopa wetsiyo. Barapo peayapusya itorobi coyeneyatha Nacom naca yawena wajume cowantsiwixae. <sup>20</sup> Barapo peayapusu itorobi coyenewa jupa po peayapusu itorobi coyenewatha Cristo asu exainchi petupaē cuiru coyene weya xua Nacom exana. Barapo pia peayapusu itorobi coyenewatha Nacom Pexanto cuareta pia pecoxa weya xua peitabocothēicha xua Pexanto ainya cui cana exana. <sup>21</sup> Nacom Pexanto cana exana xua Jesucristo toxēincha canamataxeina pomonaētha daxita pomonaē ichamonaē canamataxeinatsi itabocotha, matautano xua barapo cae pin nacuathe. Matautano bapon canamataxeina daxita pomonaētha pomonaē nacuan peewatsiwi, barichino pomonaētha pomonaē piamonaē pematacaponaewichi. Cristo canamataxeina pia peayapusu itorobi coyenewatha, po peayapusu itorobi coyenewatha bichocono ayapusu beyacaincha ichamonaē pia peitorobi coyenewan tatsi. Po wñn xua Jesucristo xeina xua “Cristo”, jeichichi barapo wñn yabara matawñn dutatsi pia peexanaewa. Barapo wñn bichocono peainya cui wñn, beyacaincha ichamonaē pewñnxi, po wñnxi xua yabara matawñn dubatsi xua peexanaewa pomonaē anoxuae jinompa iru pomonaē bexa jinompaenano. <sup>22</sup> Nacom exana xua daxita coyenewantha Cristo itoroba pia peayapusu itorobi coyenewatha. Matautano Nacom exana xua Cristo daxita pepa pecanamataxeinaein piamonaē daxita pomonaē pejume cowantsiwixae. <sup>23</sup> Pomonaē pejume cowantsiwi Cristo barapomonaē be bara Cristo pia pepon tatsi tsipei Cristo cana exana xua barapomonaē caemonaē naexana bapontha. Dapocotsiwa ajibi pocotsiwa Cristo petaseicaewatsi tsipei nantaūta pomonaē pejume cowantsiwichi. Barichi dapocotsiwa ajibi pocotsiwa petaseicaewatsi pomonaē Cristo pejume cowantsiwichi tsipei Cristo ataya tsitecaeya baru popona barapomonaē daxita nacuantha.

## 2

*Meje yabara poxonaē xua Nacom naca capanenebiya, wanaca antobexae*

<sup>1</sup> Copiya bayatha poxonaē jopa pajume cowantsim Nacom bichocono abe paexana dubenanaebiyame. Mataūta pajumefebame Nacom poxorū paexam be pomonaē pewerapaewi pam jopa painya yawa jinompaexae Nacom pia Pejumope tñaxu tatsi. <sup>2</sup> Bayatha jopa xapain painompaem. Painompame icha barapo cae pin nacuathepiwi ichi xua bichocono abe exana dubenanaebiya. Paexaname bayatha xua caurimonaē pia pentacaponaein tatsi painya nepaca cui itorobixae. Bapon canamataxeina caurimonaē po caurimonaē jinompa itabocotha barapo nacue matatsuntha xua beyano Nacom pia nacua beicha tatsino. Barapo caurimonaē pia pentacaponaein tatsi, pomonaē Nacom jumefebatsi, barapomonaē juntu coyene itorobatsi xua abe peexanaewa tsane. <sup>3</sup> Caena bayatha waxainchi barichichi exana dubenanaebiyatsi barapocotsi coyenein xua abe. Exainchi pocotsiwa xua ichichipatsi xua wajantu coyenewa naca cui itoroba xuano xua wapepon naca cui itoroba. Tsipei waxainchi jiwichi xua yacuiya naexanatsi xua abe waexanaewa, daxota bayatha Nacom anaya nanta xeina xua naca atene

exana icha ichamonae ichichi xua atene exanatsi abe peexanaexae. <sup>4</sup> Daichitha Nacom jopa juniya naca matateicaeyo xua wanaca yawenaewa bichocono wanaca antobexae. <sup>5</sup> Bequein poxonae cataunxuae bichocono abe exana dubenanaebiyatsi waxainchi, xua daxota be petupaewi jinompatsi abe waexanaexae, bapoxonae Nacom naca yawena. Baraxua be bapon naca baru ajuntucoyenesu xua Cristo wanaca cana exanaexae xua caemonae naexainchi bapontha. Nacom naca capanenebiya saya apara poxoru wanaca antobexae. <sup>6</sup> Wajume cowantsixae Jesucristo, waxainchi Nacom tsitatsi xua apara be bara bayatha bapon naca asu exana petupae coyene weya icha Cristo Jesús ichichi xua asu exanatsi petupae coyene weya. Matautano waxainchi tsitatsi xua apara be bara bayatha naca exana xua waenaewa ichaxota Cristo Jesús eca pia nacuatheicha. <sup>7</sup> Nacom juntucuru baxua exana petsita itapeinya xeinaenexa xua xeina pia pin peantobe coyenewa xua waxainchi nexa xua daxita maticabintha tsoponae tsane. Nacom naca tsita itapeinya xeina xua bichocono naca antobe poxonae naca exana xua caemonae naexanaeinchi Cristo Jesucristo. <sup>8</sup> Tsipei Nacom paca antobe daxota paca capanenebiya poxonae pajume cowantame bapon. Apara jopa baxua painya coutha paexanaem, apara Nacom jame baxua amanaya paca cana exana. <sup>9</sup> Nacom apara jopa baxua paca cana exanaeyo xua painya nenacuichixae. Icha paca itacupa xua poxonae payabara nacuichipame xua painya nepaca capanenebiyaenexa bapoxonae be painya neatsacae jiwi pam tsipae xua poxonae ichantha pajam: “Beta paexanan daxota Nacom pana capanenebiya”, pajam. <sup>10</sup> Nacom naca exana xua pena juntu coyenewatha jinompatsi Cristo Jesús nexa xua beta xanepanaya waexaneibinexano bapon nexa poxonae jinompatsi. Caena bayatha baxuan Nacom yabara nanta xeina xua naca juntu coyene cana cui weta exana xua po coyeneya waxainchi beta wataexanaewa tsane ichamonae.

*Meje yabara po juntu coyenetha Nacom naca cana exana xua juntema wajinompawea caemonae wanaexanaexae Cristotha*

<sup>11</sup> Poxonae panaexaname jopa panaexanaem judiomonae. Paxam pomonae jopa judiomonae painya nenaexanae jiwixaem pana nacui yabara jantanainare xua eta po jiwi pamda caena bayatha poxonae jopa pajume cowantsim. Judiomonae paca yabara jei: “Barapomonae jopa pewi thabiwichi xua ichaxota pia penareixacaenaewa xua petsita itapeinya xeinaewa tsane xua barapomonae Nacom piamonae”, paca yabara jei. Judiomonae pia coutha nayabara jei: “Waxainchi pomonaetsi, pomonae naca wi thaba xua ichaxota wanareixacaenaewa watsita itapeinya xeinaewa tsane xua Nacom piamonaetsi”, nayabara jei. Barapo pewi thabi coyene xua ichaxota pebiwi penareixacaenaewa saya jiwi pia coya nacanautsiya exana. <sup>12</sup> Bayatha barapo dapaetha poxonae cataunxuae jopa pajume cowantsim jopa Cristo payabara yaputaem. Matautano paxam be painya nenanapaincha jinompaewi pam xua icha nacia werena painya neponaewi xua jopa Israel nacuapiwi jiwana pam. Po petsiwanae yabara muxu dutsi coyenewan xua Nacom juntucuru nanta xeina xua caemonae naexana piamonaetha, xua judiomonaetha, barapo coyenein apara jopa paxam nexa. Matautano pajinompame barapo cae pin nacuathe ichitha jopa pawanae ewatsim xua pocotsiwa xua wanae xua Nacom exanaena paxam nexa cataunxuae jopa painya

nejume cowantsixae. Tsipei jopa painya neyabara yaputae jiwi pam Nacom. <sup>13</sup> Ichitha anoxuae Cristo Jesús paca exana xua caemonae pana naexaname bapontha. Paxam pomonae bayatha jopa Nacom painya nejume cowantsi jiwi pam xua jopa painya yabara yaputaexaem bapon. Ichitha anoxuae pajume cowantame painya neyabara yaputaexae Cristo Jesús, pon naetotha painya abewan paca yabara tsitupa, poxonae jana pichapabarena poxonae bexotsi. <sup>14</sup> Cristo meisa bapon naca cata po juntu coyewatha xua ichamonaetha xuya juntea jinompa exanatsi. Cristo exana xua caemonae naexana pomonae xua judiomonae iru pomonae jopa judiomonae naexanaeyo. Cristo cui weraweraca exana po juntu coyenein xua judiomonae iru pomonae jopa judiomonae naexanaeyo penaitafaetabi jiwi naexana xua saya be caemonae penaexanaewa tsane. Baxua exana poxonae naetotha tsitupa jiwi. <sup>15</sup> Poxonae Cristo naetotha tupa bapoxonae bapon cana exana xua Moisés pia peitorobi coyewatha tatsi jopa equeicha xeinaeyo peayapusu itorobi coyewatha xua jiwi peitorobiwatsi pocotsi coyenein jiwi bewa exanae. Bapon Cristo cana exana xua barapomonae Cristo caemonae pebaru naexanaewa tsainchi pomonae xua copiya pia peaitafaetabi jiwixaetsi. Poxonae Cristo baxuan cana exana bapoxonae barapo bicheitomonaebe juntea nabaru jinompa cana exana. <sup>16</sup> Petupaexae naetotha Cristo exana xua equeicha barapomonaebe jopa nabiyo. Matautano bapoxonae Cristo naita coxone exana xua barapomonaebe juntea pejinompaewa Nacomtha xua icha be jopa ichiyo xua poxonae copiya jinompa xua Nacom pia peaitafaetabi jiwichi. Cristo exana xua barapomonaebe Nacom caemonae exainchi.

<sup>17</sup> Cristo patopa po cae pin nacuathe tsique. Bapon daxita paxam paca tsipaeba Nacom pia pexeinya jume diwesi tatsi. Barapo juntu coyewatha jiwi equeicha caewa Nacom ita coxonatsi xua Nacom juntea petsita jinompaewa tsainchi. Daxita paxamtha paca tsipaeba barapo diwesi pomonaetha iru pam pomonae copiya jopa Nacom payabara yaputaem, xua pomonae jopa judiomonae pam. Iru tsipaebatsi pomonae yatsicaya judiomonae pomonae Nacom yaputainchi pejume cowantsixae. <sup>18</sup> Cristo jiwi petsitupaexaetsi abe pia peexanae coyewathan tatsi daxota Nacom pia Pejumo pe tunaxu tatsi yawena xua pomonae judiomonae iru pomonae jopa judiomonae naexanaeyo be caemonae naexanabe xua cae axa xeina, bapon Nacom. <sup>19</sup> Daxota anoxuae jopa be painya nenanapaincha jinompaewi pam xua be icha nacua werena painya neponaewi. Paxam iru ichamonae pomonae Nacom pejume cowantsiwiru be pomonae cae nacuapiwi pam. Paxam Nacom piamonae jiwana tatsi pam. <sup>20</sup> Poxonae ba jiwi Nacom pin pia bo acaba copiya matha beta noba po iboton xua iratha tabu caumena. Nexata beta nota po iboto xua ainya cui xua po iboto bo daunweya babatanota po iboto xua epatauta botabiya. Bapoxonae nanta cajejebabapona icha iboton, xua pepa bo exana. Icha pebiwi ichi poxonae bo acaba, Nacom piamonae bara cana jutsiya cana ichi. Pomonae Cristo pia peitorobi jiwi tatsi iru pomonae Nacom pia peitorobi jume pepaebiwu barapomonae be bara pocotsi iboton xua tabu caumena tsipei barapomonae copiya paca cuiduba Nacom Pejume Diwesi tatsi. Iru Jesucristo be barapocotsi ainya cui iboto po iboto daunweya babatanota po iboto epatauta botabiya, tsipei Cristo paca yawena xua painya

nejume cowantsiwa bapon. Iru paxam be po iboton xua jiwi nanta cajejebabapona, pomonae penanta carubenaē jiwi pam, tsipei cotacaya painya nejume cowantsixae. <sup>21</sup> Cristo piamonae bara cana jutsiya ichiya cana exana, icha po iboto ichi xua ainya cui xua bo daunweya babatanota exana. Cristo pon jiwi Pecanamataxeinaein, exana xua piamonae tatsi pinmonae tsoponae xua xanepanaya caemonae nabaru jijinapona, pomonae Nacom tsita juntu coyene xanepanatsi. <sup>22</sup> Poxonae jiwi weta barapo pin bo, bapoxonae cana exana xua barapo bo apara Nacom pia bo tatsi ichaxota Nacom popona. Nacom paca cana exana xua paxam iru daxita ichamonae pomonae iru pejume cowantsiwi Nacom, caemonae pana naexaname xua Nacom pia Pejumope tñaxu tatsi pia paca baru jinompaenexa icha Nacom ichi xua pia pin botha popona.

### 3

*Meje yabara poxonae Nacom Pablo itorobatsi xua pecueicueijejwa Nacom Pejume Diwesi pomonaetha pomonae jopa judiomonae naexanaeyo*

<sup>1</sup> Xan, Pablon, jiwi pecabi botha ecan yabara tanatsipei cueicueijeixae Cristo Jesús poxonae bapon yabara tapaca cuidubiwatsi pomonae pam jopa judiomonae panaexanaem. <sup>2</sup> ¡Bara pajume taneme xua Nacom necata barapo tatanacuichiwa xua inta bichocono wñae! ¡Nacom neitoroba tana neantobexae xua tapaca cuidubinexatsi tapaca yawenaenexatsi! <sup>3</sup> Nacom ituta xua po coyene xua moya yawun xeina po coyene xua Nacom capanenebiyaena jiwi xua jiwi copiya jopa yabara yaputaeyo. Nacom neyaputane exana barapo coyene xua moya peyabara cui yawun xeinaewa po coyene bexa exanaena xua jiwi jopa yabara yaputaeyo. Baxua bayatha yabara pacata tinatsi xua imoxoyo diwesi tsecae. <sup>4</sup> Poxonae barapo carte payorobiname payaputaename xua bara xan yaputan po coyene xua Cristo moya yabara cui yawun xeinatsi po coyene xua bexa Nacom exanaena xua jiwi jopa yabara yaputaeyo. <sup>5</sup> Bayatha jiwi jopa yaputaeyo po coyene xua Nacom Cristo moya yabara cui yawun xeinatsi po coyene xua Nacom exanaena. Ichitha anoxuae Nacom pia Pejumope tñaxu tatsi baxuan yaputane cana exana pomonaetha pomonae pia coya Nacomtha nacana exana xua Nacom petanacuichiwa tsainchi pomonae Cristo Jesús pia peitorobi jiwixae tatsi, matautano Nacom pia peitorobi jume pepaebi jiwitha tatsi. <sup>6</sup> Meje baxue xua pocotsiwa moya peyawun xeinaewa: Pomonae jopa judiomonae naexanaeyo barapomonae iru xeinaena po coyene xua Nacom cata judiomonaetha po coyene bichocono wñae xua bayatha Nacom juntana jeba. Barapomonae pomonae jopa judiomonae naexanaeyo Jesucristo pejume cowantsixaetsi caemonae nanaexana pepa judiomonaetha pomonae iruru Cristo Jesús pejume cowantsiwixaetsi. Barapomonae iru xeinaena po coyene Nacom yabara tsiwñae muxu duta judiomonaetha xua Cristo Jesús yabara. Barapomonae pomonae jopa judiomonae naexanaeyo daxita baxuan iru xeinaena poxoru jume cowantaruru Nacom pia pecapanenebiyae diwesi jume.

<sup>7</sup> Nacom neitoroba xua tacueicueijejwa barapo pexeinya jume diwesi amanaya tatanacuichixae Cristo. Nacom necata barapo tatanacuichiwa pia tana neantobexae xua tayawenaewa tsane ichamonae. Matautano Nacom necata pia peyayarusu itorobi coyenewa xua tacueicueijejwa tsane barapo pexeinya jume diwesi. <sup>8</sup> Pomonae xua be conotha ainya cui

xua Cristo piamonae tatsi barapomonae ainya cui beyacaincha xua xan. Daichitha Nacom necata barapo tatanacuichiwa xua inta bichocono wɔnae. Nacom neitoroba xua tacueicueijiwa tsane pia pexeinya jume diwesi pomonaetha pomonae jopa judiomonae naexanaeyo. Cueicueijan po pexeinya jume diwesi xua Cristo bichocono peantobexae jopa juniya yawenaeyo barapomonae pomonae jopa judiomonae naexanaeyo. <sup>9</sup> Matautano Nacom neitoroba xua daxita jiwitha yabara yaputane taexanaewa tsane po coyene xua Nacom exanaena bexa tsane, po coyene Nacom moya yawɔn xeina. Barapo coyene Nacom pon daxita peforotsin, caena bayatha moya nayawɔn xeina xua jiwi jopa peyaputaewa tsane xua pocotsiwa bapon exanaena. <sup>10</sup> Anoxuae Nacom yaputane exana matatsunpiwi, pomonae itoroba itabocotha, matautano pomonae pecanamataxeinaewa itabocotha. Barapomonae Nacom yaputane exana pocotsiwa bapon moya yawɔn xeina caena bayatha xua jiwi jopa yabara yaputaeyo. Barapo itabocopiwi nacuiduba xua bara Nacom bichocono yaputane daxita carepaya coyenewan. Baraxua yaputane poxonae tane xua pomonae judiomonae matautano pomonae jopa judiomonae naexanaeyo daxita barapomonae caemonae naexana pejume cowɔntsiwichixaetsi Cristo Jesús. <sup>11</sup> Nacom exana baxua icha be pocotsi coyeneya caena bayatha yabara nanta xeineibapona. Bapon baxua exana Jesucristo pon Wanacanamataxeinaein petɔpaexae naetotha. <sup>12</sup> Naca itacɔpa xua watsipaebiwatsi Nacom wajume cowɔntsixae Cristo. Waxainchi yaputainchi xua bapon bara naca jume tane caemonae wanaexanaexae Cristotha, daxota cui tsacatsacapiya watsipaebiwa Nacom. <sup>13</sup> Daxota jopa ichichipaeinyo xua paaɔntɔcoyenerewiya jinompame xua ichamonae atene tana neexanaexae paxam nexa. Ichitha jame bewa baxua paichichipaem tsipei baxua jame paca yawena.

### *Meje yabara xua Cristo jiwi peantobewatsi*

<sup>14</sup> Poxonae yabara nanta xeinan xua po coyenewa xua Nacom exana baroxonae tantabocototha uncuan xua tatsita itapeinya xeinaewa tsane xua barɔ cui itura jinan Waxa pon itabocotha pepoponaein. <sup>15</sup> Daxita Nacom piamonae pomonae pejume cowɔntsiwichi, pomonae itabocopiwi irɔ pomonae po irathepiwi, daxita barapomonae Nacom tsitatsi xua barapomonae be caemonae naexana. Bapon daxita barapomonae paxa tatsi. <sup>16</sup> Nacomtha pacata wɔcatsi. Tsipei Nacom pexeinaexae peitaboco beicha pocotsiwa jopa juniyiyo xua bichocono wɔnae daxota jan: “Nacom care Efeso tomarapiwi xua bichocono jinya neayapusa itorobi coyenewa. Barapomonae nejumopetha ɔntɔ coyene daunweya jinompa exande. <sup>17</sup> Barabɔ Cristo barɔ poponeibina barapomonae pejume cowɔntsixaetsi. Barabɔ barapomonae bichocono antobe jiwi bichocono peɔntɔ coyene yɔcaewaxaetsi peantobe coyenewa. <sup>18</sup> Barabɔ barapomonae beta yabara yaputaena Cristo pia peantobe coyenewa tatsi xua irɔɔ daxita ichamonaerɔ yaputaena pomonae pejume cowɔntsiwi. Barapon Cristo pia peantobe coyenewa tatsi bichocono ayei xainto ɔntɔ coyenewa. <sup>19</sup> Cawɔcatsi Nacom xua barapomonae barabɔ yaputaena barapo coyene po coyene Cristo pia peantobe coyenewa tatsi, xua po peantobe coyenewa ayei xainto ɔntɔ coyenewa xua jiwi jopa itacɔpaetsi xua peyabara yaputaewa. Cawɔcatsi xua barapomonae neɔntɔ coyene yɔca exanaenexa daxita jinya neɔntɔ coyenewatha.

<sup>20</sup> “Wunae cajaintatsi poxoru caitacupa xua bichocono pata tana neyawenaewam beyacaincha xua pata tacawucaewatsi, xuno beyacaincha pata nanta xainaewa. Baxua paintha exaname poxonae jinya neyapusu itorobi coyenewa nacuita pata juntu coyenewatha. <sup>21</sup> Barabu daxita pomonae pejume cowantsiwi pomonae caemonae naexana Cristo Jesustha wunae cajainchina xua ataya petsitecaerponaewa tsane. Je bara ichi tsane”, jan xua pacata wucatsi Nacomtha.

## 4

*Meje yabara xua Nacom pia Pejumope tunaxu tatsi cana exana xua caemonae naexana Nacom piamonae tatsi*

<sup>1</sup> Tatanacuichixae Jesucristo pon jiwi Pecanamataxeinaein daxota jiwi neeta jiwi pecubi botha. Pecono jumetha paca muxuwetatsi xua beta xanepanaya painya nejinompaewa xua Nacom itapeta painya nepaca wun dubixae painya nejume cowantsixae bapon icha be pocotsi coyeneya xua Nacom tsita xanepanatsi. <sup>2</sup> Ita ururanaya pajinompeibare xua jopa painya neatsacaewa tsane. Matautano jume xanepanaya nantiya pana natsipaebeibare xua jopa paantutsaxande. Matautano saya jopa paaitaconaeinde xua daxota juntema painompaename poxonae bequein ichamonae abe pacata exana. Matautano patsita itapeinya xeinare xua nantiya pana nacui yabara antobem pocotsiwa bequein jopa pana nacui coyene juraem. <sup>3</sup> Nacom pia Pejumope tunaxu tatsi paca cana exana xua caemonae painya nenaexanaewa tsane. Daxota peajuntucoyenesuwatha paexande daxita coyeneya xua caemonae juntema painya nenabaru jinompaewam tsane. <sup>4</sup> Paxam pomonae painya nejume cowantsi jiwixae Cristo Jesús daxota caemonae paca exana. Bequein daxita carepaya paxam barompaya paxename Nacom pia Pejumope tunaxu tatsi, ichitha barapo pejumope saya bara caein. Nacom yabara paca wun duba xua daxita paxam painya nexainaewa tsane cae coyenewa xua po coyene peburuya pana nabaru wunae ewatame pocotsiwa xua bexa Nacom exanaena. <sup>5</sup> Matautano bara caein pon jiwi Pecanamataxeinaein. Matautano cae coyenewa xeinatsi po coyenewa xua wajume cowantsiwa Cristo. Matautano saya cae wuntha nabautisabatsi xua Cristo pewuntha tatsi. <sup>6</sup> Matautano bara caein Nacom pon Waxa xua daxitatsi waxainchi. Bapon daxita jiwi canamataxeinatsi, matautano daxita carepaya nacuantha popona. Matautano daxita waxainchi carepaya naca baru popona.

<sup>7</sup> Daxita waxainchitha seicaya cabarompaya naca cana juntu cui coyene duba exana pocotsi coyeneintha xua watsita exanaewa tsane bapon. Barapo coyenein Cristo naca catsiba po coyenein jiwana xua bapon nawita xeina icha bapon ichichipa. <sup>8</sup> Daxota Nacom Pejume Diwesitha jeye Cristo yabara:

“Bapon athabe juinya tajū beicha.  
Poxonae athabe juinya baru juinya pomonae  
pia peaitafaetabi jiwichi petsita  
itapeinya xeinaenexa xua amanayaba  
barapo peaitafaetabi jiwichi.  
Matautano bapon pia pejume cowantsiwichi  
catsiba po juntu cui coyenewantha xua  
barapomonae Nacom petsita exanaenexatsi”,

jei Nacom Pejume Diwesitha.

<sup>9</sup> ¿Eta xua metha baxua caunuta poxonae paeba xua “athabe juinya tajũ beicha”? jei. Baxua caunuta xua copiya matha Cristo po irathe patopeica xua bapoxonae equeicha caibe juinya athabeicha itaboco beicha. <sup>10</sup> Pon xua po irathe patopeica, barichi bapon athabe juinya tajũ beicha xua bapon pepoponaewa tsane daxita nacuantha xuano daxita itabocotha. <sup>11</sup> Cristo catsiba jiwitha xua seicaya barompaya pejuñtũ cui coyenein. Ichamonaetha cana exana pomonae pia peitorobi jiwixae tatsi. Ichamonaetha cana exana pomonae pecueicueijeji jiwĩ pia peitorobi jume diwesi tatsi. Ichamonaetha cana exana pomonae xua pecueicueijeji dubenanoutsivi Nacom pia pexeinya jume diwesi tatsi xua pecapanenebiyae diwesi jume. Ichamonaetha cana exana pomonae eena jiwĩ pomonaetha pomonae pejume cowantsi jiwĩ. Ichamonaetha cana exana pomonae xua pecuidubi jiwĩ pomonaetha pomonae pejume cowantsiwi. <sup>12</sup> Poxonae barapo coyene Cristo exana, piamonae cana juñtũ coyene wetsiya cana exana xua beta petaxanaewa tsainchi pia petanacuichiwa tatsi. Bapoxonae daxita piamonae tatsi mataropeichiya ajũntũyapũsũya jume cocowantapona pomonae piamonaexae tatsi pomonae bara be Cristo pia pepon tatsi. <sup>13</sup> Baxua Cristo exana xua beya waxainchi caemonae wanaexanaewa tsainchi xua caemonae wanabarũ jume cowantsixaetsi Cristotha. Bapoxonae naexanatsi xua pebũrũya caemonae wanabarũ yabara yaputaewa tsainchi Nacom Pexanto tatsi. Matautano bapoxonae yatsicaya beta jume cowantatsi, bapoxonae jinompatsi be pomonae bayatha pinyontsi xua pocotsimonae itacũpatsi xua Nacom beta petsita jinompaewatsi. Bapoxonae wajũntũ coyene naca cayabara cui wetsiya exana xua wajũntũ coyene xanepanaewa icha Cristo ichi xua bichocono pejuñtũ coyene xanepanaewa. <sup>14</sup> Bapoxonae jopa be pexui natsicotae tsainchi equeicha. Pexui ba ainya muxu xeina ichawa beya ba jume cowanta xua pocotsi coyenein xua poxonae nacuidubeiba xua poxonae cuiduba pomonae jiwĩ pemuxuitorobiwi. Barapo pemuxuitorobi jiwĩ yaputane nawita po juñtũ coyeneintha xua jiwĩ pemuxujainyabiwatsi. <sup>15</sup> Jame bewa pexainyei jume tsipaebichi ichamonaetha po coyeneya xua barapomonae yaputane xua waxainchi antobetsi barapomonae. Bapoxonae beta xanepanaya exanaeinchi wanajuñtũ coyene xanepana exanaponaenexatsi daxita coyenewantha xua icha be Cristo ichi. Bapon canamataxeina pomonae pia pejume cowantsiwichi. Bapon bara be pentasipa pomonae pejume cowantsiwichi be bapon pepon tatsi. <sup>16</sup> Cristo canamataxeina pia pejume cowantsiwichi. Matautano cana exana xua barapomonae barompaya xeina pia petanacuichiwantsi. Bequein barapomonae piawan barompaya xeina ichitha Cristo cana exana xua caemonae nantiya nayawena be caemonae naexana. Poxonae barapomonae barompaya piawa beta exanapona pia penacuichiwan, bapoxonae be caemonae beta naajuñtũcoyenesũ xanepana eexanapona, nantiya penaantobexae.

*Meje yabara po pena juñtũ coyenewatha wajinompaewa wajume cowantsixae Cristo*

<sup>17</sup> Anoxuae paca tsipaebatsi xua painya tapaca muxuwetsinexatsi, Cristo pon jiwĩ Pecanamataxeinaein taneitorobixae: Jopa bewa pajinompaem icha barapo cae pin nacuathepiwi ichi xua poxonae jinompa poxonae jopa Nacom yaputaetsi. Pocotsiwa xua barapomonae



pia penanta xeinae coyenewan tatsi, jopa ainya cuiyo. Jopa pejũntũ coyene yawenaexaetsi barapo penanta xeinae coyenewantha. <sup>18</sup> Barapomonaē pia peyaputae coyenewan tatsi jopa xapain pepa peyaputae coyenewiyo. Barapomonaē jopa xeinaeyo peajũntũcoyenesũwa pocotsi peajũntũcoyenesũwa Nacom cata piamonaē. Barapo coyene barapomonaē jopa xeinaeyo poxoru aichaxaibi xua Nacom peyabara peyaputaewatsi, xuano poxoru barapomonaē najũntũ coyene ararana xua jopa peichichipaexae xua Nacom peyabara jume taewatsi. <sup>19</sup> Barapomonaē jopa ajũntũcoyeneuriyo poxonaē abe exana. Mataũtano barapomonaē atsaquiya abe eexanapona, xua pecũpaewatsi atsaxa mera yawa weiweina ichamonaē piseurixitha tatsi. Barapomonaē cui xeica xua daxita coyenewan abe peexanaponaewa. <sup>20</sup> Ichitha poxonaē ichamonaē yabara paca cuiduba Cristo, jopa apara paca cuidubiyo barapo coyene xua abe painya neexanaewa tsane. <sup>21</sup> Xaniwaicha yabara pajume taneme Cristo, xuano piamonaē tatsi painya nenaexanaewa poxonaē ichamonaē paca cuiduba po pexainyei jumein xua pexeinya jume diwesi xua Jesucristo yabara. <sup>22</sup> Pana naci barapende po jũntũ coyene xua bayatha paexaname poxonaē jopa cataunxuae pajume cowũntsim. Barapo jũntũ cui coyene bichocono abe, tsipei paca cana exana xua paexaname pocotsiwan xua painya coya paichichipame poxonaē paca muxuitoroba exana xua daxota abe painya neexanaewam. <sup>23</sup> Pacopare xua bara Nacom paca jũntũ coyene xanepana exanaponaena, xua daxota pena coyene painya nenanta xeinaponaewa tsane. <sup>24</sup> Painompare pena jũntũ coyenetha, po jũntũ coyene Nacom exana xua painya paca catsibinexa. Bapoxonaē paxeinaename be pocotsi jũntũ coyene Nacom xeina. Poxonaē paxeiname barapo jũntũ coyene po jũntũ coyene xua pexainyeiwa, bapoxonaē beta nantiya pana nabaũ jinompame yawa xua bichocono paca tsita xanepana Nacomtha.

<sup>25</sup> Daxota anoxuae jopa nantiya bewa pana namuxuitorobim. Bewa daxita pam xanepanaya patsipaebim pomonaetha pomonaē irũ pejume cowũntsiwi, tsipei waxainchi daxitatsi caemonaē naexanatsi Cristotha.

<sup>26</sup> Icha paanaepaname jopa pacopatsinde xua painya jũntũ coyene paca itoroba xua anaya anaepanaya abe painya neexanaewa ichũnthã. Icha paanaepaname jopa abe paexanaeinde. Came jopa paanaepana dubenanaebiyaeinde xua beya quirei tsanaicha, saya jame bara caetha pande. <sup>27</sup> Jopa pacopatsinde xua bara caurimonaē pia pentacaponaein tatsi paca jũntũ coyene jũjũta abe painya neexanaewa tsane.

<sup>28</sup> Pon xua pecaibin, bũ jopa equeicha caibeibiyo. Bewa jame bapon tsinacuichina pocotsiwa xua xainyeya yabara nacuita xua jopa naerabiyo. Bapoxonaē bapon itacũpatsi xua ichamonaetha xuya catsina pomonaetha xua acopeibiwi pomonaē jopa xeinaeyo xua pocotsiwa nantawenona.

<sup>29</sup> Jopa ajumebeya pacueicueijam tsurubenaebiyaeinde. Jame maisa jume xanepanaya pacueicueijam tsurubenaebiyama. Papaebare pocotsi jumeintha xua ichamonaē jume cocowũntapona exanatsi po jumeintha xua jiwi muxu xeica exanatsi xuano xua yawenatsi po jumein xua paca jume tane. <sup>30</sup> Nacom pia Pejumope tũnaxũ tatsi jopa pajũntũ coyene wecoyei exanaeinde xua painya nepaca cui taexae xua paexaname. Tsipei paca barũ popona Nacom pia Pejumope tũnaxũ tatsi, baraxua tsita itapeinya xeina xua bara xaniwaicha Nacom piamonaē

tatsi pam. Nacom pia Pejumope tɨnaxɨ tatsi naca jɨntɨ coyene ararana wanaca yawenaenexa beya poxonae po mataqueitha Jesucristo naca capanenebiya exanaena.

<sup>31</sup> Jopa paxeinaeinde painya jɨntɨ coyenein weya po coyenein xua ichamonaе payabara jɨntɨ ajom xua came bichocono painya neyabara nanta xeinaexae xua ichamonaе abe pia pacata exanaexae. Matautano jopa paxeinaeinde po coyene xua jemeicha anaya paexaname. Matautano jopa paxeinaeinde po coyene xua saya bichocono panthɨthɨ anaepaneibame. Matautano jopa paxeinaeinde po coyene xua tsɨmɨ jume pabarɨ paebame ichamonaе. Barichi jopa paxeinaeinde po coyene xua ichamonaе pabiataneme. Matautano daxita jopa paxeinaeinde po coyenein xua bichocono paaitafaetabim ichamonaе. <sup>32</sup> Jame seicaya maisa nantiya caemonaе xanepanaya pana nata exande. Matautano nantiya pana naweyataema xua nantiya painya nenayawenaewam tsane. Matautano nantiya pana nacui yabara jɨntemainare xua abe nantiya pana nata exaname, icha Nacom paca yabara ichi xua paca cayabara jɨntemaina abe painya neexanaе cuiru coyenein Cristo painya nepaca tsitɨpaexae poxonae naetotha tɨpa exanadutatsi poxonae bexotsi.

## 5

*Meje yabara xua po jɨntɨ coyeneyatha bewa jinompaena Nacom pia pexui tatsi*

<sup>1</sup> Tsipei paxam Nacom pia pexui tatsi pam xua bapon bichocono painya nepaca caantobe jiwi pam, daxota bewa pacui jontsiya jinompaename icha bapon ichi poxonae popona. <sup>2</sup> Nantiya pana naantobeya jinompare icha Cristo ichi xua naca antobe. Bapon Cristo pia pepon nacaenaeta xua naca tsitɨpa xua abe waexanae cuiru coyenein poxonae bexotsi. Baxua be poxonae icha duwei ichichi xua poxonae jiwi tsibexotsi xua daxota barapo jiwi jopa penatsicuentsiwa xua abe peexanaexae Nacomtha. Bapoxonae Nacom tsita xanepanatsi barapo jiwi. Barichi xua Cristo exana Nacom tsita xanepanatsi icha be pocotsi duwei tuxusi xeicaewa ichi xua poxonae jiwi duwei tauta xua Nacom pecatsinexatsi.

<sup>3</sup> Tsipei paxam Nacom pia pexui tatsi pam, daxota jopa bewa paexanaem po coyenein xua daxota ichamonaе pomonaе painyamonae paca yabara paeba xua abe paexaname. Matautano jopa bewa pana nasi cui matacaetsim xua paweiweiname xua jopa bequein painya seuri jiwi. Jopa bewa payabara paebim po jume xua jiwi aura exanatsi. Matautano jopa bewa bichocono painya ita copeichi xua payabara uwame xua ichamonaе xeina. <sup>4</sup> Jopa nantiya pana nayabara yɨyɨjande. Matautano jopa nantiya pana najume cui caponaеinde po jumein xua jopa wɨnaeyo. Matautano jopa nantiya tsɨmɨ jume pana nayabara paebinde. Daxita barapo coyenein bichocono abe. Jame maisa bewa itapeta Nacom wɨnae pajainchim painya nepaca capanenebiyaexae barapo coyenein weya.

<sup>5</sup> Tsipei paxam bayatha payaputaneme xua Nacom cana exanaena pomonaetha pomonaе meje: Pomonaе xua penasi cui matacaetsiwa xua jopa poxonae piseuri jiwi, yawano pomonaе xua yabara paeba po jume xua jiwi aura exanatsi, yawano pomonaе bichocono pitacopeichi xua yabara uwa xua ichamonaе xeina. Nacom tsita abetsi barapo coyenein icha tsita ichichi xua poxonae jiton bichocono beita cui jichatsi xua

wɯnae jainta ibo nacom. Pomonae barapo coyenein exana bapomonae barana jopa itacɯpaetsi xua jiwi itorobiya peewatsiwatsi xua ichaxota Cristo itorobiya pecanamataxeinaewa jiwi xua irɯ ichaxota barichi Nacom. <sup>6</sup> Jopa pacopatsinde xua ichamonae paca necamuxitorobiwa peyabara paebixae barapo coyenein, po jumeintha xua jopa xainyeyo. Poxoru jiwi peexanaexae barapo abe peexanae coyenein daxota Nacom anaya peraxa exanaena barapomonaetha. Nacom anaya peraxa exanaena barapomonaetha tsipei jopa jume jejeyo pocotsiwa xua Nacom itoroba. <sup>7</sup> Barapomonaetha jopa imoxoyo pacuicuinaeinde, pomonae Nacom jopa jume jejeichi.

<sup>8</sup> Paxam copitha abe paexaname jopa painya yabara yaputaexaem Nacom. Baxua be poxonae pomonae pona pequireiwatha jopa beta ponaeyo jopa beta penecotsixae. Ichitha anoxuae beta paexaname painya yabara yaputaexaem Nacom pon jiwi Pecanamataxeinaein. Baxua be poxonae pomonae pona, poxonae pentha, beta pona beta pia petaexae. Pajinompare beta painya nejinompaenexa Nacom nexa icha pomonae ichi poxonae pona poxonae pentha. <sup>9</sup> Pomonae yawa jinompa Nacom barapomonae beta jinompa icha pomonae ichi xua poxonae beta jinompa poxonae pentha. Barapomonae peyawa jinompaexae Nacom exaneiba pocotsiwa xua wɯnaeya peexanaewa yawa xua pocotsiwa tsita xanepanatsi Nacom, yawa xua pocotsiwa pexainyeiwa. <sup>10</sup> Incane pana nacuidubare pocotsiwa xua Nacom pon jiwi Pecanamataxeinaein ichichipa pocotsiwa Nacom tsita xanepanatsi. <sup>11</sup> Jopa paexanaeinde pocotsiwa jopa ainya cuiyo pocotsiwa ichamonae exana pomonae xua be poxonae pequireiwatha jinompa poxoru Nacom jopa peyabara yaputaexaetsi. Jame maisa barapomonae patsita itapeinya xeinare pocotsiwan xua barapomonae abe peexanaewanxae. <sup>12</sup> Icha payabara paebichipan po coyenein barapomonae abe peexanaewa, bichocono aura pana exanaetsipa pocotsiwa namicha peexanaewa barapomonae tsipei bichocono abe. <sup>13</sup> Poxonae pecoicha pentha exana poxonae quirei bapoxonae daxita pichiwan beta pataneme pentha perubenaexae. Barichi poxonae barapomonae jume tane po jumein xua yaputane exainchi, bapoxonae tsita itapeinya xeinaeinchi xua pocotsiwa namicha exana, apara deta cou abe. Bapoxonae barapomonae itacɯpatsi xua naexanaena Nacom piamonae tatsi. <sup>14</sup> Daxota Nacom piamonae tatsi ichɯn yabara jeichi:

“Nacui cayabara cananta xeinatabare,

tsipei xam be pon abe neexanaein.

Natsixire pia xainya weya tatsi pomonae

be petɯpaewi pejinompaewi jopa

tana nejume cowɯntsi jiwixae.

Cristo cacana exanaena xua yabara

neyaputaewa bapon pocotsiwa xua

pia pexainyei coyenewa tatsi”,

jei xua ichɯn yabara paebatsi.

<sup>15</sup> Dota pam, xua abe painya neexanaewa. Jame maisa xanepanaya pajinompare. Jopa pajinompaende icha be ichi poxonae jinompa pomonae Nacom jopa jume cowɯntsiya yaputaetsi. Barapomonae jopa peyaputaewi. Jame maisa pajinompare icha be ichi poxonae jinompa

pomonaē jume cowantsiya peyaputaewi Nacom. Barapomonaē peyaputaewi. <sup>16</sup> Beta pa-eexanaponde daxita coyeneya xua paca itacupa poxonaē cataunxuae anoxuae pajinompage, tsipei barapo matacab-intha jiwi abe bichocono peexanaewi. <sup>17</sup> Jopa pajinompaēinde icha be ichi poxonaē jinompa pomonaē amameibatsi jopa Nacom peyabara yaputaexaetsi. Jame maisa payaputaeya exanaponde pocotsiwa xua Cristo ichichipa, pon jiwi Pecanamataxeinaein. <sup>18</sup> Jopa pana nacupa exanaēinde peatsaxa meran xua jiton acoyenebeya exanaeya exainchi. Jame maisa Nacom pia Pejumope tūnaxū tatsi pacopabeibare xua daxita bara paca jūntū coyene itorobeiba xua beta painya neexaneibiwa tsane. <sup>19</sup> Nantiya pana natsipaebare pocotsiwa xua Nacom paca jūntū coyene weiweina exana. Nantiya pana nabarū naxūnare David pia weixi, po weixi pewūn salmos. Matautano panaxūnare po wei pomonaē pejume cowantsiwi pia weixi tatsi xua pewūnaē jainchi weixi Jesucristo, pon jiwi Pecanamataxeinaein. Panaxūnare painya jūntū coyene weya po weixi xua Nacom wūnaē pejainchiwatsi. <sup>20</sup> Nacom pon Waxa bapontha pajacobeibare, pajan tsaibinde: “Nacom maisa pajūntū coyene weiweinan xua pocotsiwa daxita pata tana necatsixaemxae. Paca wūcatsi Jesucristo pata Tanecanamataxeinaein pabūxūna bobenounan”, pajan tsaibinde.

*Meje yabara po coyene xua pebin piseuribe bewa nabarū poponaenabe ponbe pejume cowantsinbe*

<sup>21</sup> Daxita pam bewa bara pacopatsim xua nantiya pana nacamataxeinaē name xua painya neexaneibinexa pocotsiwa xua nantiya pana nacui itorobeibame. Bapoxonaē xua painya itapeinya xeinaenexa xua painya nebarū itura cui jinaewa pocotsiwa Cristo paca cui itoroba.

<sup>22</sup> Yabūxi pam, bewa bara pacopatsim xua painya seuriwi paca canamataxeina xua painya neexaneibiwa pocotsiwa painya seuriwi paca cui itorobeiba. Baraxua paexande icha paichim poxonaē Cristo pon jiwi Pecanamataxeinaein paca cui itoroba. <sup>23</sup> Tsipei pebin canamataxeina piowa, icha Cristo ichi xua canamataxeina piamonaē pomonaē pia pejume cowantsiwichixaetsi. Bapon Cristo barapomonaē pia Pecapanenebiyaēinchi tatsi. Barapomonaē pomonaē pejume cowantsiwi bara be Cristo pia pepon tatsi. Cristo bara be pentasipa pecanamataxeinaexae barapomonaē. <sup>24</sup> Icha barapomonaē ichi pomonaē Cristo pejume cowantsiwichi xua pichichi xua peexanaewa pocotsiwa Cristo itoroba, yabūxi bewa barichi. Bewa exanaē daxita pocotsiwa piseuriwi itorobatsi.

<sup>25</sup> Pebiwi pam paantobeinde painya seuri jiwi, icha Cristo ichi xua antobe daxita xua i dapomonaē pomonaē pejume cowantsiwichixaetsi. Cristo pia peantobexae barapomonaē tsitūpa poxonaē naetha tūpa exanadutatsi poxonaē bexotsi. <sup>26</sup> Cristo tsitūpa barapomonaē xua daxita i dapomonaē pomonaē peyabara jume cowantsiwixaetsi po coyene xua Cristo jūntū coyene xanepana pecana exanaenexa Nacom nexa. Baxua exana xua barapomonaē jopa pexeinaewa tsane xua penatsicuentiwa xua abe peexanaexae. Baxua Cristo cana exana poxonaē barapomonaē tabautisabatsi meratha, xuano xua poxonaē paeba xua pinaē jume cowanta Nacom Pejume Diwesi. <sup>27</sup> Cristo baxua exana daxita pomonaē pomonaē pia pejume cowantsiwichi xua pecuaranobinexa tsane pia itabaratha, xua yawa pemuxuna cuaranobinexa pia

pexeinya peitapanae coicha. Poxonae barapomonae umenaena Cristo peitabaratha jopa yawa umenae tsane peabe coyenewan. Matautano jopa yawa umenae tsane pocotsiwa xua barapomonae abe exanatsi. Barapomonae pejuntũ coyene xanepanaewi tsane Nacomtha xua jopa xeinaeyo xua penatsicuentisiwa xua abe peexanaexae. <sup>28</sup> Pebiwi bewa antobe pia seuriwi, pecui untabexae icha barapo pebiwi ichi xua pia pepon natsiuntabe. Pon pia coutha natsiuntabe bapon piowa antobe xua be caein penaexanaewa tsanebe. <sup>29</sup> Dapon ba ajibi pon pia coutha naaitafaetabi. Saya jame naapatsina pexaewa yawano naewatsina beta. Cristo bara jata ichiya cana ichi pomonae Nacom piamonae tatsi daxita xua i dapomonae pomonae Cristo pejume cowantsiwichixaetsi. <sup>30</sup> Cristo beta eena barapomonae tsipei barapomonae be pia pepon tatsi. Waxainchi yaputainchi baxua tsipei barapomonae jiwantsi. Waxainchi pomonaetsi xua caemonae wanaexanae jiwichi Cristotha. <sup>31</sup> Xua pebin yawa piseuri caein naexanabe Nacom Pejume Diwesitha baxua yabara jeye: “Daxota pebin paxa wepu natsata, yawa pena wepu natsata xua piseuribe penaperũ cuicuinaenexabe. Bapoxonae baponbe piseuribe be caein naexanabe”, jei Nacom Pejume Diwesitha. <sup>32</sup> Barapo Nacom Pejume Diwesi xua pebin piseuribe yabara baraxua bara be Nacom moya yawan xeina xua po coyene bichocono ainya cui xua jiwjopa yabara yaputaeyo. Barapo diwesi yabara caunuta xua Cristo irũ Nacom piamonae tatsi pomonae pejume cowantsiwichi, daxita be caemonae naexana icha pebin piseuribe ichi xua be caeinbe naexanabe. <sup>33</sup> Barichi barapo diwesi paca yabara caunuta. Daxita pebiwi pam bewa paantobem painya seuriwi, icha paichim xua painya coutha pana natsiuntabem. Barichi daxita yabũxi pam painya seuriwi bewa paca yabara barũ cui itura jinaena.

## 6

<sup>1</sup> Pexui pam, paxam pomonae painya nejume cowantsi jiwjopa pam Cristo. Painya neantobemxæe pon jiwjopa Pecanamataxeinaein daxota paxam bewa pajume barũ jejam pocotsiwa painya axeiji paca itoroba, tsipei baxua pexeinya cui coyene. <sup>2-3</sup> Moisés pia peitorobi coyenewa ainya coyenewan xeina. Po peitorobi coyenewa copiya po peitorobi coyene xua ichaxota muxuna xeina xua peyabara tsiwunaee muxu dutsiwa, barapo coyenewatha baxua jeye: “Axa cui barũ itura jinare, yawa ena cui barũ itura jinare, xua painya jũntũ coyene xanepanaya jinompaenexa, matautano xua painya nejinompaenexa ainya wei dapaen barapo cae pin nacuathe”, jei Moisés pia peitorobi coyenewatha.

<sup>4</sup> Paxam pomonae coxiyei jiwjopa pam, jopa anaepanaya paitorobeibinde xua daxota painya pexui paca caseba. Jame maisa bewa antobeya pawichitim pocotsi coyeneya Jesucristo, pon jiwjopa Pecanamataxeinaein, tsita xanepanatsi. Pacuidubare painya pexui xua beta pejinompaenexa. Matautano pamuxuwere xua peexanaenexa pocotsiwa bewa exanae.

<sup>5</sup> Pomonae amanaya painya nepaca cabusi tatayebeibi jiwjopa pam xua poxonae ichamonae pata nacuitame pajume barũ jejanee pocotsiwa xua painya nepaca canamataxeinaewi paca itoroba barapo cae pin nacuathe. Barapomonae pabarũ cui itura jinare, yawano pacui cunuware barapo painya nepaca canamataxeinaewi xua abe painya nepaca exanaeyainwa. Matautano yatsicaya jume xainyeya pata exande. Barapomonae beta patanacuire icha poxonae paichim

poxonae Cristo patanacuitame. <sup>6</sup> Daunweya patanacuire bequein painya nepaca canamataxeinaewi jopa paca taeyo. Jopa saya daunweya patanacuichinde xua barapomonae painya nepaca taexae. Poxonae baxua paexaname apara saya poxoru painya pia nepaca canamataxeinaewi xanepanaya paca yabara nanta xeinaetsi. Jame maisa patanacuire icha paichim poxonae painya ichichi xua amanaya painya netanacuichiwa painya nepaca canamataxeinaein nexa Cristo. Bichocono daunweya panacuire pocotsiwa xua Nacom tsita xanepanatsi pocotsiwa xua bapon ichichipa. <sup>7</sup> Poxonae pata nacuitame pomonae painya nepaca canamataxeinaewi weiweinaya panacuire icha be poxonae paichim xua poxonae pata nacuitame pon jiwi Pecanamataxeinaein, pon Cristo Jesús. Jopa bara paichinde xua poxonae jopa xapain patanacuichim pomonae xua poxoru saya jiwixae. <sup>8</sup> Paxam payaputaneme pocotsiwa xua daxita beta paexaname bara Nacom paca busi cui matomata. Baraxua Nacom pon jiwi Pecanamataxeinaein jupa barapocotsi matoma paca cata, poxonae bequein amanaya painya nepaca busi cui tatayebeibi jiwi pam xua poxonae ichun pata nacuitame, xuano xua saya poxonae bequein paratixi patsinacuitame.

<sup>9</sup> Paxam pomonae pecanamataxeinae jiwi pam, bewa beta pata exanaem xuya barapo amanaya painya nebusi cui tatayebeibi jiwi. Jopa yabara pamuxuwetsinde xua painya necuainchiwa tsane icha jopa xapain exanaeyo barapomonae. Pananta xeinare xua barapomonae bewa exanae pocotsiwa itoroba pon jiwi Pecanamataxeinaein icha paichim xua iru bewa paexanaename pocotsiwa bapon paca itoroba, pon eca itabocotha. Bapon daxita tsita najupatsi jiwi poxonae yabara paeba peyaputaenexa icha barapomonae natsicuenta xua abe peexanaexae.

*Meje yabara xua pomonae pejume cowantsiwi Cristo po coyeneintha bewa amanayabi caurimonaetha*

<sup>10</sup> Tamonae pam, anoxuae wetan pocotsiwa xua tapaca tsipaebiwatsi. Ajuntusya rajinompare pon Pecanamataxeinaein jiwi pia peayapusu itorobi coyenewatha tatsi caemonae painya nenaexanaexae bapontha. <sup>11</sup> Painya juntu coyene pana naewatsiya yawenare daxita po coyenewantha xua Nacom paca cata xua xota pana nayaewatame painya juntu coyenewa. Bapoxonae paca itacupa xua caurimonae pia pentacaponaein tatsi paamanayabame poxonae paca juntu coyene jujata xua abe painya neexanaenexa. <sup>12</sup> Tsipei anoxuae jopa nabetsi xua pepa jiwitha. Jame apara anoxuae penabi coyene exanatsi pomonaetha pomonae peinya pejinompaewi xua caurimonaetha. Barapo caurimonae xeina pia peayapusawa yawa peitorobi coyene xua jiwi canamataxeinatsi barapo cae pin nacuathe tsique, pomonae abe peexanae jiwi. Matautano jinompa barapo cae pin nacia matatsunthe. <sup>13</sup> Daxota paxeinare daxita pocotsi juntu coyenein xua Nacom paca cata pocotsi coyeneintha xua pana nayaewatame. Anoxuae pana najuntu coyene wanaere xua painya juntu coyene amanayabi dubenanaebiyaenexa tsane barapo peinya pejinompaewi. Baxua paexande xain awiwa bichocono pajuntu coyene daunwam poxonae po mataqueitha paca juntu coyene jujutsina xua abe painya neexanaewa tsane. Bequein paca jujutsina, awiya ajuntucoyenesya rajinompaename.

<sup>14</sup> Pana nacui wunare icha soldadomonae ichi xua yabara nacui wunaeta penabinexa ichamonaetha. Painya juntu coyenewatha

paxeinare Nacom pia pexainyei coyenewa painya tsita itapeinya xeinaenexa baraxua xua bara xainyeya pata exaname Nacom. Barapocotsi jata coyeneya paichinde icha be soldadomonaе ichi xua poxonaе yabara nacui w̄naeta penabinexa ichamonaetha bapoxonaе naepa catar̄ba paparuwan xua tsita itapeinya xeina xua bapomonaе nacui w̄naeta xua bara xainyeya penabinexa xua pon pentacaponaein peitorobixae. Matautano pej̄nt̄u coyene xanepanaewa Nacom patsita xeinare painya j̄nt̄u coyenetha, painya nenayaewatsinexa icha be poxonaе soldadomonaе ichi xua xeina po penaintotha xua nantacari acaba poxonaе nacui w̄naeta xua penabinexa. <sup>15</sup> Pana naj̄nt̄u coyene w̄naere xua painya necueicueijeі tsurubenanaebiyaenexa Nacom pia pexeinya jume diwesi xua po diwesi yabara xua jiwi j̄ntema pejinompraewa. Barapocotsi jata coyeneya bara paichinde icha be poxonaе soldadomonaе ichi, xua poxonaе nataxu w̄naetaduba sapaton xua penacui w̄naetsinexa xua naba. <sup>16</sup> Matautano pamuxuna xeinare xua bichocono painya nejume cow̄ntsiwa Nacom, xua pana naj̄nt̄u coyene yawename poxonaе caurimonaе pia pentacaponaein tatsi paca j̄nt̄u coyene j̄j̄ta. Barapocotsi jata coyeneya bara paichinde icha be soldadomonaе ichi xua pemax̄ntha duba peperacae nain xua naita arababa. Poxonaе pia peaitafaetabi jiwi cawababatsi pocotsiwantha xua peopi sojeiwantha xua iso itere xeina, bapoxonaе barapo peperacae naintontha naita arababa barapomonaе, yawano baxota itaxubaba iso itere. <sup>17</sup> Pacopare xua bara Nacom paca capanenebiyaena painya paca j̄nt̄u coyene araranaenexa caurimonaе pecuiyainwa. Barapocotsi jata coyeneya bara paichinde icha be soldadomonaе ichi xua penain yoreitha nanta acaba. Nacom Pejume Diwesi painya j̄nt̄u coyenetha paxeinare xua po jume Nacom pia Pejumope t̄nax̄ tatsi paca cata xua po jumetha painya nenayaewatsinexa painya nepaca caaitafaetabi jiwi pecuiyainwa. Barapocotsi jata coyeneya bara paichinde icha be soldadomonaе ichi xua capona cusi penayaewatsinexa pia peaitafaetabi jiwichi pecuiyainwa. <sup>18</sup> Nacomtha matowa patsipaebeibare daxita maticabintha be pocotsi coyeneya paca yawena Nacom pia Pejumope t̄nax̄ tatsi. Nacomtha paw̄queibare daxita painya new̄cae coyenewatha tsaibi pocotsiwan xua panantawenoname. Xain daxita maticabintha tsaibi tsaca painompeibame, matauta bapana jopa p̄aj̄nt̄ucoyenefaetabinde xua paw̄came Nacom. Bichocono matowa pataw̄care daxita pomonaе Nacom piamonaе tatsi. <sup>19</sup> Barichi painta w̄ncare Nacomtha xua bapon tanecatsinexa po jume diwesitha xua tacueicueijeinexa. Matautano painta w̄ncare xua tana neitac̄paewa xua cui tsacatsacapiya tacueicueijeinexa, xua jiwi yabara yaputane taexanaenexa pocotsiwa xua Nacom moya yaw̄n xeina po coyene yabara xua Nacom capanepa exana pomonaе jopa judiomonaе naexanaeyo. <sup>20</sup> Nacom neitoroba icha nacuantha xua tacueicueijeinexa Nacom Pejume Diwesi bapon nexa. Daxota anoxuae ichamonaе neeta jiwi pec̄abi botha tacueicueijeixae Nacom nexa. Painta Nacomtha w̄ncare xua cui tsacatsacapiya tacueicueijeinexa tsane poxonaе icha bewa cueicueijan tsane.

*Meje yabara poxonaе Pablo najume wetsiya paeba barapo cartathe*

<sup>21</sup> Tiquico pon paxan paantobein, pon ir̄a pejume cow̄ntsin Jesucristo bapon pacata itorobatsi. Bapon Tiquico bara xainyeya exana poxonaе

pana neyawena Nacom pia petanacuichiwa tatsi pon jiwi Pecanamataxeinaein. Bapon daxita paca tsipaebina xua neyabara paebina, yawano pocotsiwa xua exanan baxua yabara paca tsipaebina. <sup>22</sup> Bapon Tiquico pacata itorobatsi yaitama ichichipan xua bapon yabara paca tsipaebina xua pata jinompaewa. Bapoxonae bapon paca juntu coyene tsacabina, juntu coyene weiweinaya sadujei painya nejinompaewa tsane xua bara beta tapoponaexae.

<sup>23</sup> Barabu Nacom, pon Waxa, iruru Jesucristo, pon jiwi Pecanamataxeinaein, baponbe juntea jinompa cana exanaenabe pomonaetha daxita pomonae pia pejume cowantsiwixaetsi. Matautano barabu exanaenabe xua barapomonae nantiya naantobe tsane. Matautano barabu exanaenabe xua barapomonae ajuntucoyenesuya jume cowanta dubenanaebiyaena. <sup>24</sup> Matautano barabu Nacom peantobexae yawenaena daxita pomonaetha pomonae peantobewi Jesucristo pon Wanacanamataxeinaein. Bapoxonae barapomonae pexeinaenexa tsane po coyene antobe ichamonaetha po coyenewa xua ataya tsiteca.

Baja Pablo.



## Meje Po Carte Pablo Tatina, Filipos Tomarapiwi Tatinatsi

*Meje poxonae Pablo tamropata pitaba xua tatina, Filipos tomarapiwi tatinatsi*

<sup>1</sup> Xan, Pablon, iru Timoteo, paxanbe ponbe amanaya pata tanacuichinbe Jesús pata taichichipaexaebe. Barapo carte patatinanbe pomonae jinompa Filipos tomaratha. Patatinanbe daxita pomonae Cristo Jesús pejume cowantsiwichi, pomonae yatsicaewa Nacom piamonae tatsi. Matautano iru patatinanbe pomonae pecanamataxeinaewi pejume cowantsi jiwí. Matautano iru patatinanbe pomonae peyawenaewi pejume cowantsi jiwí, poxonae yawena peatenewitha, xuano xua poxonae apata pexaewa peacopeibiwí. Barapomonae Nacom piamonae tatsi, yawa barapomonae caemonae naexana Cristo Jesth. <sup>2</sup> Barabu Nacom, pon Waxa, amanaya paca yawenaena painya pia paca necaantobexae, yawa xua juntema jinompa paca exanaena. Iru barabu Jesucristo pon jiwí Pecanamataxeinaein baxua pacata exanaena.

*Meje yabara poxonae Pablo tawuca Nacomtha pomonae Nacom pejume cowantsiwi*

<sup>3</sup> Poxonae paca yabara nanta xeineibatsi Tanacom tsipaebeiban paxam yabara. Jan tsaibinje: “Nacom junte coyene weiweinan xua barapomonae betiya necatsita dubenanaebiyaexae”, jan tsaibin. <sup>4</sup> Poxonae Nacom pacata waqueibatsi bichocono junte coyene weiweinaeya pacata waqueibatsi xua daxita paxam. <sup>5</sup> Nacomtha yabara tsipaeiban xua paxam tapana nebaru nacuichiwam Nacom Pejume Diwesi xua poxonae aena pajume cowantame xua beya anoxuae. <sup>6</sup> Bara xaniwaicha yaputan xua Nacom tamropata pitaba xua xanepanaya beta paca cana junte coyene exana. Baxua Nacom paca cana junte coyene exana ducua-naebiyaena beya poxonae Nacom xanepanaya paca cana junte coyene wetsina poxonae po mataqueitha Jesucristo patopaetsica. <sup>7</sup> Baxua jame inta xanepana xua tapaca yabara nanta xeinaewatsi, tsipei bichocono paca antobetsi. Poxonae bequein anoxuae jiwí pecabi botha neeta, yawano poxonae bequein caena bayatha pecapanenebiyae diwesi jume yabara jume yawenaeya cueicueijan jiwí, yawano xua jiwí, tsita itapeinya xeinan xua barapo diwesi bara pexainyei diwesi jume, barapoxonae bara pana nebaru atenem. Daxota poxonae Nacom amanaya neyawena poxonae atene neexana ichamonae pia taneantobexae Nacom, iruru Nacom amanaya paca yawena pia paca necaantobexae poxonae paca atene exana ichamonae. <sup>8</sup> Nacom yaputane xua bichocono bara paca antobetsi daxita paxam, icha Jesucristo ichi xua daxita paca antobe. <sup>9</sup> Yawano Nacom paca tsiwucatsi xua equeicha matowa mataropeicha painya nepaca catsinexa peantobewa. Yawa muxuna wucan xua Nacom paca cana exanaena xua painya neyabara yaputaewa daxita coyenewan. Matautano muxuna wucan xua Nacom paca cana exanaena xua painya neitapetsiwa pocotsi coyene xua betiya paca cana exanaena. <sup>10</sup> Barapoxonae payaputaename xua itapetsiya paexanaename pocotsi coyene bichocono xanepana. Barapoxonae bichocono

pajuntũ coyene xanepanaya jinompaename. Yawano poxonae Cristo patopaetsica bapon jopa paca yabara paebi tsane xua panatsicuentame abe painya neexanaewan. <sup>11</sup> Paca tsiwucatsino xua Jesucristo paca necajuntũ coyene yuca exanaenexa, xua po juntũ coyene bichocono xanepana, xua daxota painya neexanaenexa pocotsiwa xua bichocono Nacom tsita xanepanatsi. Poxonae jiwi baxua paca cui taena bapoxonae jiwi Nacom wũnae jaintsinchi jei tsane: “Maisa Nacom paca baru cui itura jinatsi, xua jinya neexanaexae barapo jiwi pia juntũ coyenetha tatsi”, jei tsane barapo jiwi.

*Meje poxonae Pablo namchi: “Xua tapoponae coyenewa bara apara Cristo nexa”, jei*

<sup>12</sup> Tamonae pam, pomonae irũ painya nejume cowũntsixae Jesús, ichichipan xua painya neyaputaewa tsane xua po coyene poxonae necana exana ichamonae xua jiwi pecũbi botha neeta tayabara cueicueijeixae Jesucristo. Baxua tana necana exanaexae ichamonae jiwi taju jume tane Nacom pia pecapanenebiyae diwesi jume tatsi. <sup>13</sup> Daxota daxita soldadomonae pomonae xote umene pomonae peyapu eenaewi pepa pentacaponaein pia bo tatsi irũ seicayano ichamonaerũ, daxita barapomonae yaputane xua xan jiwi pecũbi botha neeta tapaebi ducua-naebiyaxae Cristo nexa. <sup>14</sup> Pin bicheito, pomonae pejume cowũntsiwi Nacom, barapomonae netane xua jiwi pecũbi botha ecan. Daxota barapomonae bichocono ichichipa xua pecueicueijejiwa Nacom Pejume Diwesi. Barapomonae jopa junuwiyo xua cui tsacatsacapiya pecueicueijejiwa Nacom Pejume Diwesi, tsipei bichocono jume cowũntatsi pon jiwi Pecanamataxeinaein.

<sup>15</sup> Ichamonae Cristo yabara cueicueijeichi apara poxoru saya tana neuwixae, tsipei ichichipa xua jiwi baru cui itura jinaena barapomonaetha, beyacaincha xua tana nebaru cui itura jinaewa tsane barapo jiwi. Ichitha jame, ichamonae beta xaniwaicha yabara paebatsi Cristo, pejuntũ coyene xanepanaexae. <sup>16</sup> Barapomonae baxua exana taneantobexae peyaputaexae xua jiwi pecũbi botha ecan tayabara jume yawenaeya cueicueijeixae Cristo pia pexeinya jume diwesi tatsi poxonae ichamonae abe yabara paeba barapo diwesi. <sup>17</sup> Pomonae Cristo yabara paebatsi tana neuwixae, saya apara poxoru peasiwixae xua ichamonae tana nepuna ponaewa tsane. Baxua exana poxoru ichichipa inta bichocono ayapube exana tsipei anoxuae ecan jiwi pecũbi botha. <sup>18</sup> Bequein jiwi Cristo xainyeya yabara paebatsi poxoru tana neantobexae, ichacũitha metha tsipae poxoru tana neuwixae baxuan bapana jopa netsita ainya cuiyiyo. Saya jame poxonae ba jiwi Cristo yabara paebatsi, baxua ba jame bichocono nejuntũ coyene weiweina exana.

<sup>19</sup> Yawa equeicha bichocono nejuntũ coyene weiweina exanapon-aena, tsipei yaputan xua painta wũcame nawita Nacomtha. Yawa yaputan xua Jesucristo pia Pejumope tũnaxũ tatsi neyawena, pebaxu-axaebe bara Nacom necapanepaena pomonae tana neaitafaetabi jiwi weya. <sup>20</sup> Pocotsiwa xua taichichipaewa yawano pocotsiwa xua tawũnae ewatsiwa, xua bapana jopa tacoutha naacauran tsane tajunuwixae xua tayabara cueicueijejiwa Cristo. Jame bewa yabara cui tsacatsacapiya cueicueijan tsane Cristo, anoxuae, yawa xua bexa tsaneno. Ichichipan xua jiwi beta jume cowũntsiwa xua poxonae netane xua beta tapoponaewa Cristo nexa. Bapoxonae jiwi Cristo baru cui itura

jinaeinchi poxonae necui taena xua beta xanepanaya poponan Cristo nexa. Baxua jiwi exanaena poxonae bequein asu poponaethan tsane, xua Cristo tatsita poponaewa yawa poxonae bequein tupaethan tsane xanepana apara xua jiwi Cristo baru cui itura jinatsi, xua Cristo tatsita poponaewaxae. Ichitha icha tupaen Cristo taein, baxua netsita xanepana bichocono, beyacaincha xua poxonae abu cataunxuae poponan, tsipei Cristo taein. <sup>22</sup> Awiya cataunxuae poponan daxota neitacupa xua awiya tanacuichiwa pocotsiwa pexanepanae coyenewa pon jiwi Pecanamataxeinaein nexa. Jopa yaputaeinyo xua barapo naxobe coyenewabe jiwana itapetocuaein. <sup>23</sup> Inta bichocono ayapube xua barapo naxobe coyenewabe jiwana itapetan. Ichacuitha saya betupaen xua tapoponaenexa tsane ichaxota Cristo popona, tsipei baxua jame inta bichocono xanepana. <sup>24</sup> Daichitha ichacuitha jame bichocono inta ainya cui xua awiya tapoponaewa tapaca cayawenaenexatsi. <sup>25</sup> Ichitha yaputan bara, xua awiya poponan xua tapaca yawenaenexatsi xua awiya painya nejume cowanta dubenanaebiyaein Cristo. Matautano yaputan xua bichocono equeicha matowa painya nejuntu coyene weiweina tsozonaenexa tsane. <sup>26</sup> Daxota poxonae paca siwa ponaeinchi Cristo Jesus wanae pajainchiname xua equeicha tapaca casiwa ponaexaetsi tsainchi.

<sup>27</sup> Saya beta xanepanaya painompare wanaca itorobixae Cristo pejume diwesi tatsitha. Daxota icha bequein paca siwa ponaeinchi, ichacuitha icha taju ecan, maisa ichichipan xua ichan yabara benetsipaebina xua beta painya nejinompaewa. Bejume taein xua xanepanaya beta ajuntu yapusuya pajume cowanta dubenanaebiyame Nacom. Matautano bejume taein xua caemonae peburaya jume daunweya pana nabaru cueicueijam painya nejume cowantsiwa Cristo. <sup>28</sup> Jopa pajunuwinde poxonae imoxoyo abe paca exaneiba painya nepaca caaitafaetabi jiwi. Baxuan barapomonae exana be tsita itapeinya xeina xua barapomonae weraweracaena xua poxonae po mataqueitha poxonae Nacom yabara paebina jiwi xua penatsicuentiwa abe peexanaexae xua iru Nacom paca capanenebiyaena barapo mataqueitha. <sup>29</sup> Nacom pexeinya coyene paca cata painya netanacuichinexa Cristo xua poxonae pajume cowantame bapon, matautano xua poxonae ichamonae paca atene exana poxonae ichamonae abe paca yabara paeba painya nejume cowantsixae bapon. <sup>30</sup> Waxainchi bara nanta juraya jume cowantsiya daunweya paebatsi Nacom Pejume Diwesi. Baxua exanatsi icha be pocotsi coyeneya ichi poxonae bayatha pana netaneme xua poxonae jume daunweya paeban Nacom Pejume Diwesi, matauta xua poxonae bara pana neyabara jume taneme xua awiya cataunxuae exanaponan barapo coyeneya.

## 2

*Meje yabara xua Cristo peacopeibin pia coutha naexana, xua jopa peainya cui jitonoy*

<sup>1</sup> Payaputaneme xua Cristo paca juntu coyene tsacaba xua beta painya nejinompaenexa. Matautano payaputaneme xua Cristo paca matateica pia painya nepaca caantobexae poxonae ichamonae abe pacata exana. Matautano payaputaneme xua Nacom pia Pejumo pe tanaaxu

tatsi paca baru jinompa. Matautano payaputaneme xua bapon paca antobe. Matautano payaputaneme xua Cristo nantanuweya paca yabara nanta xeina pia paca necayawenaenexa. <sup>2</sup>Icha daxita barapo pexainyei coyenein payaputaneme, bichocono pana nejantu coyene weiweina exande. Baxua painta exanaename poxona caemonae jantema pajinompame, xua caemonae nantiya pana naantobem. Matautano baxua painta exanaename poxona xua caemonae nanta jupaya pana nabaru nanta xeiname yawano poxona nanta jupaya ichipaeya paexaname. <sup>3</sup>Jopa paexanaeinde xua pocotsiwa be paasiwam xua saya meisa painya coutha nexa. Jopa paxeinaeinde po cui coyene xua jiwi peabi coyene. Jame maisa painya coutha pana nayabara nanta xeinare xua pomonae pecui pawu jiwi pam. Jame maisa sayano ichamonae pacui yabara nanta xeinare xua pepa peainya cuimonae xua beyacaincha paxam. <sup>4</sup>Jopa bewa panantausim painyamonae jiton pon saya ichichipa nawita xua saya meisa penata exanaewa pexanepanae coyene. Jame bewa muxuna bapon taexanae ichamonae pocotsiwa xua ichamonae tsita pexeinya coyenetsi. <sup>5</sup>Paxam beta peburaya pananta jupaya nanta xeinare icha Cristo Jesús ichi xua poxona beta ba nanta xeina. Bapon bara iche:

<sup>6</sup>Bapon Cristo peyacuiya jinaein Nacom.  
Bapon bequein barapara Nacom, daichitha  
bapon jopa pia coutha ichichipaeya  
daunweya botsiyo barapo coyenewa xua  
peyacuiya jupae jinaein icha Nacom  
ichi poxona patopeica po cae  
pin nacuathe tsique.

<sup>7</sup>Daichitha barapo coyene naitematsiya cuenta pona.  
Bapon Cristo be jiton yacuiya naexana po  
cae pin nacuathe tsique xua Nacom amanaya  
petanacuichinexatsi xua pia coya peichichipaexae.

<sup>8</sup>Poxona bapon naexana po cae pin nacuathe  
tsique bara yatsicaya be jiton coyene.  
Bapoxonae pia coutha nacana exana be pon  
peacopeibin xua jopa peainya cui jitonyo.  
Bapon exana pocotsiwa Nacom itoroba poxona  
jejei xua tupa pecana exanaewatsi ichamonae,  
bequein barapo petupaewa bichocono  
pin ura exanatsi xua tupa naetotha.

<sup>9</sup>Daxota Nacom, Cristo bichocono baru cui itura  
jinatsi poxona Nacom athabe juinya exana xua  
Cristo athabe juinya exanatsi.

Matautano Nacom baru cui itura jina,  
Cristo baru cui itura jinatsi poxona  
Nacom bapontha wun duta, po wun xua jei:  
“Pepa Pecanamataxeinaein”, jei.  
Barapo wuntha Jesús copatatsi xua bara  
pecanamataxeinaenexa pia peayapusu itorobi  
coyenewatha daxita carepaya jiwi, matatsunpiwithano.

<sup>10</sup>Nacom barapo wun cata xua daxota daxita jiwi  
poxonae jume taena barapo wun pentabocotontha  
umenaena, xua Jesús wuna pejainchinexa tsainchi,

pepa Pecanamataxeinaeinxae itabocopiwi,  
iruru po irathepiwi, iruru pomonae  
jinompa ira burupana wetsina.

<sup>11</sup> Daxita barapomonae Nacom wanae  
jainchinchinchi pon Nacom, Waxa, jei tsane:  
“Maisa, Nacom paca baru cui itura jinatsi,  
tsipei bapon Jesucristo bara yatsicaya  
pon pepa Pecanamataxeinaein jiwu”,  
jei tsane daxita barapomonae.

*Meje yabara xua ichamonae, Nacom pejume cowantsiwi beta cui yauptainchi*

<sup>12</sup> Tamonae pam paxam pomonae bichocono tapaca caantobewichi pam. Tsipei bayatha pana nejume cowanteibame pocotsiwa paca itorobeibatsi poxonae paca baru ecatsi, daxota anoxuae nama bichocono pana nejume cowunde beyacaincha xua poxonae imoxoyo paca baru ecatsi bequein tajua ecan. Awiya cataunxuae carepaya daxita paxam barompaya paexana dubenanaebiyama pocotsiwa xanepana xua pocotsiwa Nacom ichichipa xua Nacom painya nepaca capanepaexae. Pana najuntu coyene aura exande xua jopa paatsacande. Yawano pana najuntu coyene junuwa exande Nacomtha, abe painya neexanaeyainwa. <sup>13</sup> Bapon Nacom paca cana juntu coyene yawena xua painya juntu coyene, jume baru jejei pocotsiwa Nacom paca itoroba. Matautano Nacom paca yawena xua painya neexanaewam pocotsiwa Nacom ichichipa.

<sup>14</sup> Daxita coyenewan poxonae paexaneibame jopa paexanaeinde pocotsiwa anaya painya juntu coyenewatha payabara paebame ichamonae. Matautano jopa payabara najume matsontsonobinde baxua poxonae Nacom pata exaneibame. <sup>15</sup> Bapoxonae poxonae jiwu paca cui taena, barapo jiwu jopa abeya paca cui yabara paebi tsane xua painya nenatsicuentiwa xua abe painya neexanaexae. Matautano paca cui taena xua jopa ajuntucoyenebeya pajinompaem. Jame maisa painompare be Nacom piamonae tatsi coyeneya. Matauta jopa abe paexanaeinde xua icha pomonae anoxuae paca baru jinompa pomonae pemuxuitorobiwi xua pomonae peantucuiruyapubewi xua poxonae abe exana dubenanaebiya. Icha paxam beta pajinompaeme barapomonae peitatha tatsi, bara paca tane xua bara beta pajinompaeme bequein abe peexanae jiwu nataetha, icha be pocotsi jata coyeneya ichi xua opitei ba poton pentha tsurubena poxonae quirei tsuncuae, bara ba jiwu tane barapo opiteiton bequein quirei tsuncuae taetha. <sup>16</sup> Daunweya pajume cowanta dubenanaebiyama po diwesi jiwu ajuntuyapusu exanatsi. Daxota poxonae Cristo patopaetsica bichocono paca weyataeinchi tajuntu coyenewatha beta xaniwaichiya painya nejinompaexae Nacom nexa. Bapoxonae yaputaein xua xaniwaicha bara beta paca yawenatsi xua painya nejume cowantsiwam. <sup>17</sup> Bequein metha jiwu nebexubina xua tapaca cayawenaexaetsi, xua painya nejume cowantsinexa, daichitha awiya juntu coyene weiweinan, iruru paxam paca cayawa juntu coyene weiweinaeinchi. <sup>18</sup> Daxota paxam bewa pana nebaru juntu coyene weiweinaename, bequein tupaen xua tapaca cayawenaexaetsi xua painya nejume cowantsinexa.

*Meje Timoteo yabara iru xua Epafrodito yabara*

<sup>19</sup> Icha Jesús pon jiwi Pecanamataxeinaein ichichipaena, methaunxuae itorobin Timoteo painya nepaca cataenexa tsane. Bapoxonae juntu coyene weiweinaein xua poxonae paca yabara jume taeinchi xua netsipaebina Timoteo. <sup>20</sup> Tsipei ichun ajibi pon paca siwa yabara nanta xeina icha xan ichin. Saya meisa bapon Timoteo bichocono paca siwa yabara nanta xeina xua beta painya nejinompae coyenewa icha xan ichin xua bichocono paca siwa yabara nanta xeinatsi. <sup>21</sup> Ichamonae saya itapetsiya yabara nanta xeineiba barompaya pia peexanae coyenewan. Barapomonae jopa nanta xeinaeyo xua pocotsiwa Jesucristo pia petaexanaewatsi coyenewan tatsi. <sup>22</sup> Paxam pataneme xua Timoteo neyawena xua pecueicueijiwa Nacom Pejume Diwesi, icha be coxiyan ichichi xua poxonae pexanto yawenatsi. <sup>23</sup> Xua poxonae yaputaein xua ichamonae necana exanaena, bapoxonae beitorobin Timoteo xua pia paca necataenexa. <sup>24</sup> Jume cowantan pon jiwi Pecanamataxeinaein xua necopata xua iru methaunxuae paca siwa ponaeinchi.

<sup>25</sup> Matautano nanta xeinan xua bewa pacata itorobinchi Epafrodito, pon be taewecho tatsicotaein, iru pejume cowantsixae Jesús, pon taneyawenaein xua cueicueijan Nacom Pejume Diwesi. Bapon jume daunweya pacuidubanbe poxonae bequein ichamonae abe yabara paeba Nacom Pejume Diwesi. Bapon Epafrodito, pon bayatha painta itorobame xua taneyawenaewa tsane pocotsiwa nantawenonan. <sup>26</sup> Maisa bichocono bapon bepaca taena daxita paxam. Bapon bichocono juntu coyene wecoyei tsipei pinae paxam payabara nanta xeiname, pinae pajam: “Maisa bichocono Epafrodito nacata atene tsocuae”, pinae pajam. <sup>27</sup> Bara xainyei, bapon bayatha bichocono atene bara muxu petupae. Daichitha Nacom nantanuweya yabara nanta xeina xua Epafrodito axaibi peexanaewa tsainchi. Matautano Nacom iru nantanuweya neyabara nanta xeina xua jopa bichocono tajuntu coyene wecoyeiwa tsane icha bapon petupaexae tsipae, xua beyacaincha juntu coyene wecoyan poxonae xua copiya, xua poxonae saya atene. <sup>28</sup> Daxota bichocono ichichipan xua bapon nainya pacata itorobinchi. Bapoxonae pajuntu coyene weiweinaename xua equeicha painya netaexae tsane bapon. Matautano bapon itorobin xua jopa tapaca yabara juntu coyene wecoyeinexatsi. <sup>29</sup> Moya bara bichocono pantenta juntu coyene weiweinaeya jacobare Epafrodito xua pepatopaexae, pon jiwi Pecanamataxeinaein peitorobixae. Epafrodito beta pabarui cui itura jinare. Bara paichinde ichamonaetha, pabarui cui itura jinare pocotsimonae icha bapon ichi. <sup>30</sup> Bapon bara muxu pebexubichi xua Cristo petanacuichixaetsi. Bapon penapepeichiwatha naexana, inta pewetsinexa pocotsiwa xua jopa paca itacupaeyo xua painta exaname.

### 3

*Meje yabara xua po coyene pepa pejuntu coyene xanepanaewa*

<sup>1</sup> Tamonae pam, pomonae iru painya nejume cowantsixae Jesús, pajuntu coyene weiweinare pon jiwi Pecanamataxeinaein pia pacata exanaexae. Jopa afaetabinyo xua equeicha jupa matowa tapacata tinaewatsi pocotsiwa bayatha pacata tinatsi. Bara apara baxua paca yawena xua beta painya netsita jinompaenexa Nacom. <sup>2</sup> Dota pam pomonae peantucoyenebe jiwi yawano xua abe peexanaewi. Matauta

dota pam pomonae judiomonae pia cui coyeneyatha tatsi paca itoroba xua painya nenawi thabiwam po coyene xua pawí thabame pebiwi xua ichaxota nareixacaena. Barapomonae nanta xeina xua icha baxua exanaena Nacom capanenebiya exanaena. <sup>3</sup> Waxainchi xaniwaicha barapomonaetsi pomonae yatsicaewa Nacom watsita jũntũ coyene xanepanaewichi, tsipei Nacom pia Pejumope tũnaxũ tatsi naca yawena xua jume cowũntatsi watanacuichinexa Nacom. Mataũtano wajume cowũntsixae Cristo Jesús, daxota bapontha wũnae jaintatsi pia wanacata exanaexae. Waxainchi jopa nanta xeinaetsi xua poxonae ichamonae naca wi thaba, barapo coyene naca jũntũ coyene xanepana exana Nacomtha. <sup>4</sup> Icha pebiwi itacũpaetsipatsi xua jume cowũnta xua pia coutha nacapanenebiya, barapoxonae irũ xan neitacũpaetsipa xua jume cowũntan xua tacoutha tanacapanepaewa beyacaincha xua barapo pebiwi. Ichitha pebiwi irũ xan, jopa pana neitacũpaeyo xua pana nacapanenebiyan pata coutha. <sup>5</sup> Caena bayatha tacoutha nanta xeinan xua tacoutha tana nacapanepaewa pocotsiwe taexanaexae. Poxonae naexanan ocho po matabitha newi thaba. Mataũtano xan bara israelmonae pia saineiwi jiwanan. Mataũtano Benjamín piamonae tatsi jiwanan tsipei pia pemomoxi susato jiwi jiwana-pin tatsin. Mataũtano yacuiya naexanan xua hebreo jume tacueicueijeíwa, taxa irũ taena hebreo jume pepaebiwixae. Mataũtano bayatha fariseomonaepin naexanan, xua daxota daxita coyeneya beta xanepanaya exanan be pocotsi coyeneya Moisés pia peitorobi coyenewatha itoroba. <sup>6</sup> Bichocono jume cowũntan pocotsiwan fariseomonae pia pecuidubi coyenewan tatsi. Daxota abe exanan pomonaetha pomonae Jesús pejume cowũntsiwichi. Tsipei daxita coyenein exanan pocotsiwa Moisés pia peitorobi coyenewa itoroba, daxota nanta xeinan xua yatsicaewa jũntũ coyene xanepanan Nacomtha xua jopa xeinaein y tanatsicuentisiwa xua abe taexanae coyenewa. <sup>7</sup> Daxita po coyenein xua bayatha inta netsita ainya cui, porucae jopa daichiyo. Anoxuae netsita acoyenebe barapo coyenein, tajume cowũntsinexa Cristo. <sup>8</sup> Mataũtano daxita inta newepu napuxana pocotsiwa xua bayatha nanta xeinan. Xua yaputan Cristo Jesús Tanecanamataxeinaein, baxua jame inta wũnae bichocono beyacaincha xua daxita pocotsi coyenewan copiya bayatha xeinan. Cristo Pejume Diwesi tacueicueijeixae daxita newepu napuxana pocotsi coyenewan bayatha xeinan. Barapo coyenein yabara nanta xeinan, xua barapo coyenein abe, be pocotsiwa jiwi xuba pocotsiwa abe. Po coyenein xua copitha xeinan barapo coyenein pentan tanantaũtsinexa Cristo pon Tanecanamataxeinaein. <sup>9</sup> Ichichipan xua be caein naexanan Cristotha xua tajũntũ coyene Nacom petsita xanepanaenexatsi bapon pia tana necana exanaexae barapo coyene. Barapo coyene necana exana Nacom, jopa poxoruyó xua tajume cowũntsixae Moisés pia peitorobi coyenewa xua daxota tajũntũ coyene xanepana Nacomtha. Jame barapo coyene necana exana Nacom xua be caein naexanan Cristotha, poxonae jume cowũntan, poxoru Nacom tanecatsixae pejũntũ coyene xanepanaewa. Barapocotsi coyenewa ba Nacom cata jiwitha pomonaetha pomonae pejume cowũntsiwixae. <sup>10</sup> Pocotsiwa taichichipaewa baraxua xua apara jame tayaputaewa Cristo. Mataũtano be yaputaein peayapusũ itorobiwa, po peayapusũ itorobi coyenewatha Jesús asũ exainchi barapo petũpae cuiru coyene weya. Bequein ichamonae atene neexanaena,

icha Cristo ichichi xua poxonae atene exanatsi ichamonaе, daichitha awiya cataunxuae ichichipan xua taexanaewa pocotsiwa xua Nacom ichichipa. Poxonae Jesús tsitupa jiwi, barapara exana pocotsiwa Nacom ichichipa, jopa exanaeyo xua pocotsiwa bapon pia coutha ichichipa. Xan bara juta ichiya ichichipa exanan xua pocotsiwa Nacom ichichipa. <sup>11</sup> Yawano ichichipan xua baxuan exanaein beya poxonae Nacom asu neexanaena po mataqueitha Nacom asu exanaena petupae cuiru coyene weya pomonae iru pejume cowantsiwixaetsi.

*Meje yabara xua po pentoma Nacom pia wanaca catsiwa, junteма beta waexanaexae*

<sup>12</sup> Jopa paebinyo xua xeinan barapo coyene, po coyeneyatha xua Nacom asu neexana petupae cuiru coyene weya. Matautano jopa paebinyo xua Nacom bayatha xaniwaicha juntu coyene xanepana neexana xua jopa daxota abe taexanaewa. Daichitha awiya yabara nacuichiya exana ducunaebiyān xua taxeinaenexa barapo coyenewa tsipei Cristo Jesús copiya neexana be piamonae jiton tatsin. <sup>13</sup> Tamonae pam, pomonae iru painya nejume cowantsixae Jesús, paca tsipaebatsi xua jopa cataunxuae baxua wetsinyo xua tajuntu coyene bara xaniwaicha bayatha nejuntu coyene xanepana exana xua jopa xeinaeyo peabe coyenewiyo. Ichitha bara saya cae coyene exanan. Juntemainan xua pocotsiwan bayatha exanan, saya meisa bichocono yabara nacuitan pocotsiwa bexa tsane xeinaein. <sup>14</sup> Bichocono ajuntuyarusya exana ducunaebiyān xua pocotsiwa Nacom ichichipa, beya taxeinaenexa po pentoma pocotsiwa Nacom naca catsina poxonae naca wabina pia nacua beicha caemonae wayawa jinompaexae Cristo Jesús.

<sup>15</sup> Daxita waxainchi, pomonaetsi xua bayatha beta yabara yaputae-taepoinchi wajume cowantsiwa Nacom, waxainchi bewa yabara nanta xeinaetsi po coyene xua waxainchi cataunxuae abu jopa xeinaetsi po juntu coyene xua yatsicaya xanepana xua daxota jopa abe exanaetsi. Daichitha icha paxam, icha coyeneya payabara nanta xeiname pocotsiwa xuaunxuae paca tsipaebatsi, bapoxonae Nacom yabara paca yaputane exanaena baxua. <sup>16</sup> Daichitha waxainchi bewa awiya jume cowanta dubenanaebiyaetsi pocotsiwa bayatha Nacom naca yaputane exana.

<sup>17</sup> Tamonae pam, pomonae iru painya nejume cowantsixae Cristo Jesús, paexanaponde icha ichin pocotsiwa xua exanaponan. Beta pacui taema poxonae pomonae xua jinompa xua poxonae exanapona, icha pocotsi coyeneya paichin poxonae paca cuidubatsi. <sup>18</sup> Bayatha matowa paca tsipaebatsi. Anoxuae equeicha paca tsipaebatsi, beya nama we-coyeya paca tsipaebatsi. Paca jeichi: "Pinmonae jinompa pomonae aichaxaibi po diwesi po coyene xua Cristo naetotha tsitupa jiwi", paca jeichi. <sup>19</sup> Nacom barapomonae weraweraca exanaena. Barapomonae saya yabara nanta xeineiba penabanaewa xua matautano pocotsiwa Moisés pia peitorobi coyenewatha itoroba xua barapo pexaewa yabara. Barapomonae yabara atsaca pocotsi coyene bequein barapomonae bewa ita aura tsane baxua. Daichitha barapomonae jopa yabara ita auriyo baxua. Saya barapomonae yabara nanta xeina nawita pocotsiwan xua xeina po irathe. Jopa yabara nanta xeinaeyo pocotsiwan xua Nacom nexa. <sup>20</sup> Ichitha nama waxainchi Nacom pia nacua tatsipiwichi. Anoxuae waxainchi ewatatsi xua patopaetsica itaboco wetsica pon jiwi Pecapanenebiyaеin, pon jiwi Pecanamataxeinaein, bapon Jesucristo.



<sup>21</sup> Wapepon, po pepon jopa wɔnaetsi, po pepon atene yawa xua tɔpaena bapon equeicha icha pepon naca exanaena, pocotsi pepon icha Cristo ichi xua po pia pepon tatsi bichocono xeina pexeinya peitɔpanae coicha, xua po pia pepon tatsi jopa ateneyo, yawa xua jopa tɔpaeyo. Baxuan Cristo nacata exanaena pia peayapusɔ itorobi coyenewatha, po peayapusɔ itorobi coyenewatha itacɔpatsi xua daxita pecanamataxeinaewa.

#### 4

*Meje yabara xua Pablo jei: “Ataya pajɔntɔ coyene weiweineibare pon jiwi Pecanamataxeinaeintha”, jei*

<sup>1</sup> Tamonae pam, pomonae irɔ painya nejume cowɔntsixa Cristo Jesús, paxam pomonae bichocono tapaca caantobewichi pam. Bichocono ichichipan xua tapaca cataewa tsainchi. Paxam pomonae bichocono pana nejɔntɔ coyene weiweina exaname. Matautano paxam pomonae Nacom necata painya nejume cowɔntsinexa Jesustha xua be tana nematomatsiwa, xua neyaputane exana xua bara exanan pocotsiwa xanepana poxonae tanacuitan bapon. Tamonae pam, paxam pomonae tapaca caantobewichi pam. Awiya beta pajume cowɔnta dubenanaebiyama pon jiwi Pecanamataxeinaein.

<sup>2</sup> Itoroban powa pewɔn Evodia, ichawayono xua powa pewɔn Síntique xua barapowayobe equeicha penaita coxonaenexabe xua be yatsicaewa caemonae jitowayo penaexanaenexabe pon jiwi Pecanamataxeinaein piamonae jitowayobexae tatsi. <sup>3</sup> Xam ponxaem yatsicaewa tanebaru nacuichim Nacom Pejume Diwesi, caitorobatsi xua barapowayobe neyawenaenexa tsane. Barapowayobe bayatha neyawenabe poxonae cueicueijan Nacom pia pecapanenebiyae diwesi. Barapoxonae barapowayobe, irɔ Clemente irɔ ichamonaeno daxita barapomonae daunweya nebaru nacuita. Daxita barapomonae wɔn dubatsi diborotha po diborotha xua Nacom capanenebiya tsaibi jiwi xua jiwi pecatsibeibinexatsi peajɔntɔyapusɔwɔ poxonae wɔn dubeiba barapo diborotha, xua Nacom pia diboro tatsi.

<sup>4</sup> Paca jeichi: “Ataya patsita jɔntɔ coyene weiweineibare pon jiwi Pecanamataxeinaein”, paca jeichi. Equeicha paca jeichi: “Ataya patsita jɔntɔ coyene weiweineibare”, paca jeichi. <sup>5</sup> Barabɔ beta pajinompae-name xua daxita jiwi painya pia paca yabara yaputaenexa xua bara paxam pomonae pejɔntɔ coyene xanepanaewi pam, tsipei imoxoyo patopaetsica pon jiwi Pecanamataxeinaein.

<sup>6</sup> Jopa payabara nanta xeinaeinde nawita pocotsiwa ba paca jɔntɔ deideijeji exana. Jame maisa Nacom patsipaebereibare daxita coyenein yabara. Nacom yabara pawɔqueibare daxita coyenein. Matautano payabara jacobebare Nacom poxonae pocotsiwan paca catsibeiba pocotsiwan xua panantawenoname. <sup>7</sup> Barapoxonae Nacom paca jɔntɔ coyene jɔntemiya jinompa exanaena. Barapo jɔntemiya jinompae coyenewa jiwi ba jopa yabara yaputaeyo, tsipei bichocono pexeinya coyenewa. Barapo jɔntemiya jinompae coyenewa paca jɔntɔ coyene eenaena. Matautano paca eenaena xua daxota beta painya nenanta xeinaewa tsane. Baxua paca cana exana paca necayawa jinompaxae Cristo Jesús.

*Meje yabara poxonae Pablo jei: “Payabara nanta xeinare daxitan pocotsiwan xua wɔnae”, jei*

<sup>8</sup> Tamonae pam, pomonae iru painya nejume cowantsixae Jesús, paca tsipaebatsi nama anoxuae pocotsiwa xua tabu ducua paca tsipaebatsi pocotsiwa xua nama wetan. Payabara nanta xeinare daxitan meje xuae po coyenein: po coyenein xua pexainyeiwan, matautano po coyenein xua jiwi yabara nanta xeina xua pexanepanaewan, matautano po coyenein xua xaniwaichiya pecana exanaewan, matautano po coyenein xua Nacom petsita exanaewatsi pexeinya juntu coyenein, matautano xua po coyenein pexeinya peitupanae coyenewan, matautano po coyenein xua jiwi peyabara baru cui itura jinaewan. Matapainya payabara nanta xeinare daxita coyenein po coyenein Nacom tsita coyene xanepanatsi, matautano daxita po coyenein jiwi bewa wuna jainchina xua barapo coyenein pexanepanaexae.

<sup>9</sup> Paexanaponde po coyene xua paca cuidubatsi xua daxota panejume jejam. Paexanaponde po coyene xua panejume taneme xua cueicueijan. Matautano paexanaponde po coyene xua pana necui taneme xua exanan. Bara baxuan paexanaponde bapoxonae Nacom pon peyawa jinaein juntema pepoponae juntu coyenewa, bara bapon paca yawa poponaena.

*Meje yabara paratixi po paratixi jiwi cata Pablo nexa*

<sup>10</sup> Tsita juntu coyene weiweinan pon jiwi Pecanamataxeinaein xua matapainya equeicha tapana neyabara nanta xeinaewam. Bayatha bequein pana neyabara nanta xeiname, daichitha jopa paca itacupaeyo xua tapana neyawenaexam. <sup>11</sup> Jopa paca tsipaebichi xua ichawa yabara pocotsiwa tanantawenonaewa, tsipei bayatha tacoutha yabara nacuiduban xua juntema tapoponaewa pocotsiwa xua xeinan bequein inta acoibi ichawa. <sup>12</sup> Yaputan xua beta poponan poxonae bequein be pon taacopeibin. Matautano yaputan xua beta poponan poxonae nawita taxeiaein. Bayatha nacuiduban xua juntema tapoponae coyenewanexa tsane bequein tonsanan, yawano bequein ichacuitha jainpeiban. Nacuiduban xua juntema tapoponae coyenewanexa tsane bara bequein xeineiban beyacaincha pocotsiwa tanantawenonaewa, yawano ichacuitha bequein inta aibi pocotsiwa xua tanantawenonaewa. <sup>13</sup> Neitacupa xua daxita taexanaewa tsipei Cristo necata pia peantuyaruswa. <sup>14</sup> Daichitha paxam bichocono wuna painta exaname poxonae pana neyawename tapana nesiwamxae poxonae ichamonae jopa xanepanaya necana exanaeyo.

<sup>15</sup> Paxam Filipos tomarapiwi pam, payaputaneme poxonae copiya tamropata pitaban xua cueicueijan Nacom Pejume Diwesi, barapoxonae meisa paxam paratixi pana necataponame poxonae Macedonia nacua weya ponan. Icha tomarapiwi pomonae pejume cowantsiwi jopa necatsiyo paratixi. Barapo paratixi pana necataponame be pentoma painta exaname yabara tapana netsipaebineexam po coyene xua tapaca cayawenaewatsi painya nejume cowantsiwanexa Nacom. <sup>16</sup> Poxonae cataunxae Tesalónica tomaratha poponan, paxam painta itorobame paratixi. Bapoxonae equeicha cotacaya painta itorobame icha paratixi xua tacana nantawenonaenexa. <sup>17</sup> Paca tsipaebatsi baxua jopa pororuyo xua saya taichichipaexae equeicha xua tapanecatsiwan tsane icha paratixi. Jame apara pororu ichichipan xua paxam bexa paxinaename po pentoma xua Nacom paca catsina tapana neyawenaexam. <sup>18</sup> Bayatha matowa pana necatame beyacaincha pocotsiwa xua

nantawenonan. Pocotsi paratixi painta itorobame xua inta capona Epafrodito, baxua inta bichocono nawita beyacaincha xua pocotsiwa nantawenonan. Barapocotsiwa pocotsiwa painta itorobame, Nacom bichocono ichichipa. Nacom baxua ichichipa icha ichi poxonae bichocono ichichipa po petuxusi tuxueiwa jiwi tuxusi exana Nacom nexa, yawa xua poxonae po duwei petautsiwa xua tuxusi exana Nacom nexa. Barapo pecana exanae coyenewabe Nacom tsita coyene xanepanatsi, yawa jũntũ coyene weiweina exanatsi. <sup>19</sup> Tanacom daxita paca catsina pocotsiwa xua panantawenoname, tsipei bapon bichocono copei pexinaein pocotsiwa xua bichocono peitũpanaewa. Paca catsina baxua painya neyawa jinompaexae Cristo Jesús. <sup>20</sup> ¡Barabũ jiwi, Nacom pon Waxa, ataya wũnae jainchinchí! Je, bara ichi tsane.

*Meje yabara xua Pablo najume weta barapo carte*

<sup>21</sup> Painta jacobare pomonae baxotiya jinompa pomonae Jesucristo pejume cowũntsiwichi pomonae yatsicaewa Nacom piamonae tatsi. Irũ pomonae nebarũ jinompa xote pomonae xua irũ pejume cowũntsiwichi Cristo Jesús, barapomonae paca jacoba. <sup>22</sup> Irũrũ daxita pomonae Jesús pejume cowũntsiwichi pomonae yatsicaewa Nacom piamonae tatsi, pomonae po tomarathepiwi, barapomonae paca jacobarũ. Irũrũ paca jacoba pomonae romanomonae itorobiya pia pepa peewatsinchí pia botha tatsi tanacuitatsi. Barapomonae bichocono paca jacoba, beyacaincha ichamonae poxonae paca jacoba.

<sup>23</sup> Barabũ Jesucristo, pon Wanacanamataxeinaein, daxita paxam paca jũntũ coyene yawenaena pia paca necaantobexae.

Baja Pablo.

## Meje Po Carte Pablo Tatina, Colosas Tomarapiwi Tatinatsi

*Meje yabara poxonaē Pablo tamropata pitaba xua tatina pomonaē Colosas tomarapiwi tatinatsi*

<sup>1</sup> Xan, Pablon, iru Timoteono, pon be painya neyapin jiton patsicotaneme xua xanno iru pon be tayapin tsicotan. Baponbe, panbe, paca jacobatsi. Xan, Pablon, Cristo Jesús pia peitorobiwi tatsi jiwanan xua Nacom peichichipaewaxae. <sup>2</sup> Barapo carte pacata tinatsi pomonaē painya neenaewi Colosas tomaratha, pomonaē Cristo pajume cowantame, iru pomonaeno yatsicaewa xanepanaya Cristo peitabaratha painya nejinompaewino. Barabu Nacom pon Waxa, paca yawenaena pia paca necaantobexae, yawano juntea jinompa paca exanaena.

*Meje yabara poxonaē Pablo Nacomtha tawuca pomonaē Jesús pejume cowantsiwi*

<sup>3</sup> Poxonaē Timoteo panbe pacata wunqueibatsi Nacomtha, pon Jesucristo Paxa tatsi, pon Wanacanamataxeinaein, pajan tsaibinbe: “Nacom maisa pajantu coyene weiweinanbe xua barapomonaē necajume cowantsixae”, pajan tsaibinbe. <sup>4</sup> Baxua papaebeibanbe tsipei bayatha Timoteo panbe Epafras pana netsipaeba. Epafras namchi: “Colosas tomaramonaē Cristo Jesús jume cowanta, —jei— yawa antobe ichamonaeeno pomonaē pejume cowantsiwi Jesucristo”, jei Epafras. <sup>5</sup> Paantobem ichamonaē, pomonaē pejume cowantsiwi Jesús, yawa xua pajume cowanta dubenanaebiyame. Baxua paexaname tsipei payaputaneme xua bexa tsane Nacom paca catsina xua pia nacuatheicha xeina, xua peantayaruswa po peantayaruswa jopa weraweracaeyo. Caena bayatha yabara paca tsiwanaeya muxu duta poxonaē Nacom Pejume Diwesi pajume taneme. Baxua anoxuae cataunxuae paewatame. <sup>6</sup> Po diwesi xua pajume taneme Nacom pia pecapanenebiyae diwesi, barapo diwesi pejume xainyeiwa. Matautano barapo diwesi jiwi foforotapoinchi xua jume cocowantapona, daxita carepaya tomarantha barapo cae pin nacuathe. Icha paxam paichim bayatha, barapo diwesi paca foforotapona xua pajume cocowantapona poxonaē aena pajume taneme barapo diwesi. Barichi payaputanemeno xua Nacom paca necaantobewa xua awiya cataunxuae paexanaponame. <sup>7</sup> Barapo Nacom pia pecapanenebiyae diwesi xaniwaicha caena bayatha Epafras paca tsipaeba. Bapon Epafras paantobein. Bapon Epafras xaniwaicha Cristo yabara cueicueijeichi. Bapon baxua painta exanapona xua pana yawenapona xua Timoteo panbe pata ecaexaēbe jiwi pecabi botha. <sup>8</sup> Epafras xote patopa. Bapon Epafras Timoteobe, pana netsipaebabe xua pinae paxam paantobem daxita pomonaē Jesús pejume cowantsiwi Nacom pia Pejumo tanaaxu tatsi painya nepaca yawenaexae.

<sup>9</sup> Bara caena poxonaē aena, poxonaē pajume tanbe xua pinae Jesucristo pajume cowantame, pomonaē Colosas tomarapiwi pam, Nacomtha pacata wunqueibatsi. Jopa seica paexaneibinyobe xua pacata wunqueibatsi Nacomtha, pajan tsaibinbe: “Nacom, yawende Colosas tomarapiwi yabara neyaputae exanaenexa xua peexanaewa tsane

pocotsiwa ichichipame. Yawa care barapomonae daxita peyaputae coyenewan po coyenewan nejumope t̄nax̄u cata jiwitha”, pajan tsaibinbe Nacomtha. <sup>10</sup> Icha paxam payaputaneme po coyene xua pocotsiwa Nacom ichichipa pon jiwi Pecanamataxeinaein xua pocotsiwa painya neexanaewa, bapoxonae beta pajjinaponaename Nacom pia paca necayawenaenexa. Bara be Nacom pia pexui pana natsicotaneme tsipei baxua Nacom unth̄u jopa xua unth̄u weiweina. Jiwi paforotaponame xua Jesucristo jume cocow̄antapoinchi. Daxota baxua Nacom unth̄u jopa xua unth̄u weiweina. Paca anth̄uyapus̄ exana. Matautano yabara paca yaputane exana xua painya neexanaewa tsane pocotsiwa Nacom ichichipa. <sup>11</sup> Timoteo ir̄u xanno Nacomtha patsipaebeibanbe xua Nacom pia paca catsinexa tsane pia peit̄panaewa xua peayapus̄wa, icha Nacom ichi xua xeina barapo peit̄panaewa xua peayapus̄wa. Barapo peayapus̄wa paca yawena xua pajumefebame xua poxonae ichamonae paca itoroba xua abe painya neexanaewa. Yawa paca yawena xua j̄nt̄u coyene weiweinaya paexaname xua jopa paaitaconaem, xua poxonae bequein ichamonae abe pacata exana. <sup>12</sup> Poxonae Nacom patsipaebame, j̄nt̄u coyene weiweinaya pajacobare tsipei bapon Nacom paca yabara j̄nt̄emaina abe painya neexanae cuiru coyenein. Bapoxonae Nacom tsita xanepanatsi painya j̄nt̄u coyenein barompaya painyawan painya nexainaenexa pocotsiwa Nacom paca j̄nt̄ana jeba pia nacuatheicha xua painya nejume cow̄antsixae bapon. Paca catsibina poxonae paxam bara xoteicha papatsiname. <sup>13</sup> Waxa, Nacom, wanaca capanepaexae Satanás pia peayapus̄u itorobi coyene weya tatsi, daxota anoxuae cauri pia pentacaponaein tatsi jopa equeicha cana exanaetsi xua wanaca canamataxeinaewa tsane. Aparajame Nacom yatsicaewa naca cana exana xua bapon piamonae tatsi naexainchi pomonaxaetsi xua Pexanto tatsi pon Jesús itorobiya naca ewata, po Pexantoxae bichocono antobe. <sup>14</sup> Nacom Pexanto tatsi naca capanepa, naetho wanaca tsit̄paexae. Daxota daxita abe waexanae cuiru coyenein Nacom naca cayabara j̄nt̄emaina.

*Meje yabara xua waxainchi pomonaetsi j̄nt̄ema jinompatsi Cristo wanaca tsit̄paexae naetho*

<sup>15</sup> Nacom bapon peinya pepoponaein, pon jopa pataeinyo. Ichitha Jesucristo bapon paxa yatsi itapeinya xeina, pon yatsicaewa patan. Caena bayatha poxonae aena bapon Jesucristo popona xua pew̄naeya poxonae Nacom daxita forota barapo cae pin nacuathe. <sup>16</sup> Nacom daxita forota barapo cae pin nacuathe poxonae Jesucristo saya paxa taexana. Yawa daxita forota itabocotha. Matautano forotano xua jopa penatsita itapeinya xeinaewa, xuano xua penatsita itapeinya xeinaewa. Nacom exana daxita peitorobi coyenewan xua pomonae pentacaponae wi nexa. Ichamonae jiwi itoroba nawita, ichamonae be conotha itoroba jiwi, daichitha daxita barapo coyenein Nacom exana xua barapo peitorobi coyenein. Jesucristo penacui yaputaexae xua ichichipa daxota daxita forota yawa bapon nata exana. <sup>17</sup> Caena bayatha bapon Cristo ataya popona poxonae cataunxuae jopa bapon forotaponae yo daxita. Cristo canamataxeina daxita daxota nacua xanepanaya w̄naeya ducua. <sup>18</sup> Daxita pomonae Cristo jume cow̄anta be caein naexana. Bapon Cristo barapomonae pia Pecanamataxeinaeinchi tatsi. Baxua caunuta xua Cristo canamataxeina barapomonaetha pomonae

pia pejume cowantsiwixaetsi. Bapon Cristo antujumopeyapusu exana pomonae pejume cowantsiwichi. Bapon Jesucristo copiya asu nanta canaexanatsi petupaewatha. Daxota bapon canamata exanatsi xua canamataxeina daxita coyenein. <sup>19</sup> Nacom, Waxa, unthuthu weiweina bichocono poxonae Pexanto cui tane xua cui jupatsi Pexanto tsipei daxita xeina icha bapon ichi xua daxita xeina. <sup>20</sup> Daxita pomonae jinompa po cae pin nacuathe ita coxanatsi Nacomtha. Iruu pomonae jinompa athabeicha ita coxanatsi Nacomtha. Daxota Nacom Pexanto itoroba xua petsitupaenexa naetotha pomonae po cae pin nacuathepiwi, iruu pomonae athabeicha jinompa nexa, xua bapoxonae Nacom peita coxonaewa tsainchi yawa petsita najuntu coyene xanepana exanaewa tsainchi.

<sup>21</sup> Paxam copiya Nacom jopa paita coxonaem, be pomonae penana-paincha jinompaewi patsita naexaname Nacomtha. Yawa Nacom pia peaitafaetabi jiwichi pam, abe painya neexanae dubenanaebiyaexae painya juntu coyenewatha. <sup>22</sup> Ichitha nama anoxuae payaputaneme xua Cristo bayatha tupa naetotha xua poxonae bara jiton cuiru coyeneya. Daxota anoxuae Cristo paca cana exana xua Nacom paita coxoname pomonae pam pomonae copiya Nacom pia peaitafaetabi jiwichi pam. Poxonae Cristo tupa pia paca exanaenexa pomonae pam pomonae Nacom peitutha tatsi penthuthu cui xanepanae jiwi pam. Matauta paca cana exana xua ichamonae painya jopa nepaca yabara paebiwa xua abe painya neexanaewa. <sup>23</sup> Cristo paca exana xua xanepanaya painya nejinompaewa tsane Nacom peitabaratha. Baxua paca cana exana icha beta pajume cowanta dubenanaebiyaename Nacom pia pexeinya pecapanenebiyae diwesi jume. Yawa jopa papentsinde xua paewatame xua pinae Nacom paca catsibapaeba, xua bayatha pajume taneme. Nacom paca catsina pocotsiwa pia nacua beicha xeina xua peantuyapusawa xua jopa weraweracaeyo xua caena bayatha yabara paca tsiwuna muxu duta Nacom. Barapo pexeinya pecapanenebiyae diwesi bayatha Jesucristo pia pejume cowantsiwi tatsi cueicueijeji xua daxita nacuan yajupaya. Iru xan, Pablon, paebaponandu barapo diwesi.

*Meje yabara poxonae Pablo Nacom Pejume Diwesi tsipaeba pomonaetha pomonae Jesucristo pejume cowantsiwichi*

<sup>24</sup> Xan, Pablon, anoxuae juntema weiweinaya poponan bequein neperaxa exana paxam nexa. Icha Cristo ichi poxonae peraxa exanatsi jiwi nexa, barichin xan neperaxa eexanaponaena paxam nexa pomonae Cristo pijimonae pamxaem. Atenein beya poxonae wetsin pocotsi coyene cuiru Cristo bewa ajuntacoyenetane tsoponae tsane pomonae pia pejume cowantsiwichinexa. Bapoxonae Cristo pia coutha paebina xua xan equeicha jopa atenein tsane. <sup>25</sup> Xan, Pablon, Nacom Pejume Diwesi tacueicueijeji jiton tana neitorobixae Nacom tapaca cayawenaenexatsi xua iru daxita carepaya jiwi pejume taetaeponaewa tsane barapo Nacom Pejume Diwesi. <sup>26</sup> Barapo diwesi caena bayatha Nacom moya yawun xeina xua jiwi jopa yabara yaputaeyo. Ichitha anoxuae barapo diwesi matapainya Nacom yabara yaputane exana pomonaetha pomonae pejume cowantsi jiwixaetsi. <sup>27</sup> Barapo pexeinya jume diwesi Nacom caena bayatha moya yawun xeina xua jiwi jopa yabara yaputaeyo, ichitha anoxuae ichichipa iru yabara yaputane exana barapo pexeinya jume diwesi pomonaetha pomonae jopa judiomonae

naexanaeyo. Barapo Nacom moya peyawun xeinaewa xua apara Cristo paca yanaba. Daxota paewatame xua bexa Cristo paca catsina, xua caena bayatha yabara paca tsiwanae muxu duta Nacom.

<sup>28</sup> Daxota pacueicueijan barapo diwesi po diwesi xua Cristo yabara. Daxita jiwi pamuxu jan. Daxita jiwi pacuiduban Nacom pia peyaputae coyenetha tatsi, tsipei paichichipan xua Nacomtha xaniwaicha yajuntu coyene xanepanaya patsina xua be caemonae penaexanaewa tsane Cristotha. <sup>29</sup> Daxota daunweya nacuitan Cristo tana necatsixae pia peyapusawa xua bichocono ayapusu tacueicueijeinexa tsane Nacom Pejume Diwesi poxonae barapomonae tsipaeban. Barapo peyapusawa jiwi tsita itutan poxonae daunweya nacuitan.

## 2

<sup>1</sup> Baxua paca tsipaebatsi pomonae painya nejume cowantsiwa Jesucristo tsipei ichichipan xua painya neyaputaewa xua bichocono tapaca antobewatsi. Daxota bichocono pacata wuwucaponeibatsi Nacomtha. Irano pomonae Jesucristo jume cowanta, pomonae jinompa Laodicea tomaratha, barapomonae iru tawacan. Iruru daxita ichamonae pomonae jopa netaeyo, tawacan. <sup>2</sup> Antuyapusuya Nacomtha pacata wucatsi, xua painya nepaca cajuntu coyene tsacarabi exanaenexa xua jantema painya nejinompaenexa xua caemonae nantiya painya nenantobenexa. Matautano pacata wucatsi xua painya neyaputaenexa xua daxita peyaputae coyene xua daxota painya neyaputaewa tsane po coyene xua copiya Nacom moya yawun xeina po coyene xua Cristo yabara. <sup>3</sup> Cristo pon peyaputaen, pon daxita coyenein yaputane. Icha caein jiwana paxam, icha bapon ichichipa xua pexeinaewa barapo peyaputae coyene, bu jame wuca. <sup>4</sup> Baxua paca muxu jeichi, tsipei jopa ichipaeinyo xua ichamonae paca cui caranababa xua naerabiya paca muxujainyaba po jumeintha xua naemata beta paeba. <sup>5</sup> Paca yabara cananta xeineibatsi, be natsicotan xua be paca baru popoinchi bequein taju ecan. Juntu coyene weiweinan xanepanaya jume cowantsiya painya nejinompaexae Cristo, yawa juntu coyene weiweinanno xua painya nenacui xainwaetsiya jinompaexae Cristotha.

*Meje yabara xua jiwi pena juntu coyene xeina Cristotha*

<sup>6</sup> Mexeya poxoru painya neyabara jume cowantsixae xua pinae Jesucristo pon painya Nepacacanamataxeinaein, daxota bewa bara paraichim bewa caemonae pana naexanaem Cristotha xua xaniwaicha painya nejinompaenexa bapontha. <sup>7</sup> Paitacoxonaya yaputaeponde Cristo painya pewanaein jiton. Matowa yabara pana nacuidudubaponde Cristo pocotsiwa bayatha exana. Matowa paexande xua pocotsiwa bapon paca itoroba. Mataropeicha payaputaeponde xua pexainyeiwa jume, icha matha ichi xua ichun paca cuiduba poxonae pajume cowantame Jesucristo. Yawa matowa pajande: “Nacom, maisa pajuntu coyene weiweinan xua painta exaname”, pajan tsaiinde.

<sup>8</sup> Dota pam tsipei jopa ichipaeinyo xua ichamonae paca cui caranababa xua naerabiya paca muxujainyaba xua painya neexanaewa tsane xua naemata beta paeba. Pomonae xua paca cuiduba pia peitorobi coyenein, baraxua apara jopa Cristo pia peitorobi coyenewa tatsi. Apara saya pon pepawi, bapon pia peitorobi coyenein tatsi, apara saya nacua pia peitorobi coyenein tatsi.

<sup>9</sup> Nacom Pexanto cana nayawa exana xua Cristo xeina daxita i dapo coyenein, po coyenein Nacom xeina. Barapo coyenein bapon Cristo xeina pon pepa pebin naexana Nacom Pexanto tatsi. <sup>10</sup> Aparo Cristo piamonae tatsi pam. Cristo, bapon compa yatsicaya Pecanamataxeinaein cana exanatsi xua daxita canamataxeinatsi pomonae itabocotha peitorobiwi pia peayapuswatha. Poxonae Cristo panantatame, jopa ichauyo pacata seicaeyo xua paxeiname xua pocotsiwa Cristo jantema popona paca exana. <sup>11</sup> Paxam anoxuae icha jantuyoyene paxeiname Cristo painya nejume cowantsixaemxae, yawano poxoru painya nenantuyoye cui barapentsixaemxae xua abe paexaname. Icha judiomonae ichi xua nawi thaba ichaxota pebiwi nareixacaena bapana baxua jopa paca jantuyoyene capanepae abe painya neexanae cuiru coyenein weya. Jame xua Jesucristo naetotha tupa, baxua jame paca anthuthuyoyene capanepa abe painya neexanae cuiru coyenein weya. <sup>12</sup> Poxonae ichun paca bautisaba, be paca muthutha penta, icha Cristo ichichi poxonae muthutha xotsi. Bara paca juta ichi. Yawa poxonae xua pamatawunname be equeicha asuyoye pajinompame, icha Cristo ichichi poxonae Nacom asuyoye exana Pexanto poxonae equeicha itowan popona. Bara paca juta ichi painya nejume cowantsixae Nacom. <sup>13</sup> Caena bayatha paxam jopa paichichipaem xua painya neexanaewa pocotsiwa Nacom paca itoroba poxoru saya abe painya neexanae jiwi pam. Daxota Nacom be pomonae pewerapae jiwi patsita jinompame. Saya uyoye abe peexanae cuiru coyenein painya nenanta xeina dubenanaebiyaxaemxae, poxoru saya abe painya neexanaewi. Baxua paexaname poxoru barapo peabewa paca itata cadopiteiba xua abe painya neexanaewa tsalibi tsane. Jopa Nacom pajeichim poxoru paxam barapocotsimonae pam, pomonae jopa judiomonae naexanaeyo pam po judiomonae nawi thaba ichaxota pebiwi nareixacaena, Nacom paca exana xua anthuthuyoyene painya nejinompaewa xua Cristo painya neyawa jinompaewa. Bapon Nacom nacata jantemaina xua daxita abe waexanae cuiru coyenein. <sup>14</sup> Nacom jopa naca yabara paebiyo xua abe exainchi poxonae bara bequein jopa exanaetsi po peitorobi coyenein judiomonae exana xuanano xua naca cui itoroba xua po peitorobi coyenein bequein Nacom itoroba. Daxota Nacom jopa naca yabara paebiyo xua abe exainchi tsipei Cristo naetotha cobe matatabarutatsi xua pentoma nacata exana xua wanaca capanenebiya exanaenexa abe waexanae cuiru coyenein weya. <sup>15</sup> Poxonae Cristo naetotha tupa, Cristo pecui pawi cana exana po pentacaponawewi xua abe peexanaewi xua barapomonae peamanayabixaetsi. Daxota barapomonae jopa xeinaeyo peitorobi coyene xua peayapusuyoye coyene. Pin bicheito itabaratha Cristo aura exana pentacaponawewi. Anoxuae Cristo pentacaponaein exanatsi xua daxita barapo jiwi pecanamataxeinaenexatsi.

*Meje yabara xua jei: "Itapeta payabara nanta xeinare xua pocotsiwa Nacom jantana jeba jiwi, pia nacuatheicha", jei*

<sup>16</sup> Daxota dapon ajibi pon itacupaetsi xua painya nepaca yabara paebiwa xua abe painya neexanaewa xua pocotsiwa painya nexaexae, xuanano xua pocotsiwa painya neapaexae. Matautano bapon jopa itacupaetsi xua painya nepaca yabara paebiwa xua abe painya neexanaewa po matabarutha poxonae jiwi tsinacaetuta pin pexaewa xua penabanaewa



tsane, matautano xua paexaname po mataqueitha poxonaе jomo-coichato aena equeica, matautano po matacabintha poxonaе pentaquei seicaе matacabin poxonaе jiwi jopa nacuichiyo. <sup>17</sup> Caena bayatha barapo peitorobi coyenein judiomonaе cuidubatsi Nacom, xua saya u pejume. Barapo jumeintha judiomonaе cuidubatsi Nacom, xua yabara yaputane peexanaenexa tsainchi pocotsiwa bexa Cristo exanaena. Aparа bayatha Cristo patopeica. Icha paxam paichichipame xua painya nenaexanaewa tsane Nacom piamonaе tatsi bewa paexanaem pocotsiwa Cristo paca itoroba. <sup>18</sup> Jopa pacopatsinde xua ichamonaе paca yabara paeba xua pana natsiaenaе cuentame xua jopa painya neexanaexae icha barapomonaе ichi. Barapomonaе paca aeba poxoru tane pet-sita itubi coyenewan po coyenewan xua ichamonaе jopa taeyo. Barapomonaе paca itoroba xua pepawi jiwi painya nenaexanaewa tsane painya coutha icha barapomonaе ichi xua bequein jumexaeya paeba xua pinae pecui pawi jiwi. Matautano barapomonaе paca itoroba xua matatsunpiwi wanae painya nejainchiwa tsane icha bapomonaе ichi. <sup>19</sup> Barapomonaе jopa Cristo peyawa jinompaewichi, pon Wanacanamataxeinaein xuano xua pon asu jinompa naca exana. Matautano bapon caemonaе naca cana exana bapontha wajume cowantsixae. Nacom naca cana exana xua beta wajume cocowantaponaewa, icha be pocotsi coyeneya xua pejume diwesitha paeba, icha poxonaе jiwi ichi xua poxonaе pia pexui wihatapona pexaewa peapatsixae.

<sup>20</sup> Tsipei Cristo bayatha paca cayawa tupa. ¿Eta xua came awiya payabara nanta xeiname? Poxonaе Cristo tupa bapon paca cana exana xua pana nacapanenebiyam abe painya neexanaе cuiru coyenein weya. Matautano paca capanenebiya exana po peitorobi coyene weya xua jiwi exana pia nacapanenebiyaetsi. Poxonaе baxua paca cana exana, Nacom tsitatsi xua bara be Cristo payawa werapame. Daichitha awiya paichichipame xua paexaname barapo peitorobi coyene, bequein barapo peitorobi coyenein jopa paca capanepaeyo abe painya neexanaе cuiru coyenein weya. Aparа saya jame Cristo paca capanepa, naetha petupaexae. <sup>21</sup> Judiomonaе ainya peitorobi coyenewan xeina xua pia peitorobi coyenewanxae pocotsiwa be iche: “Jopa jayabinde baxua. Jinya ebato opitha jopa panaeinde baxua. Jopa baxua necobetha pichinde”, jei.

<sup>22</sup> Barapocotsi coyenein po coyenein xua jopa bewa pinae paexanaem tsane barapo coyenein, bapana jopa paca yawenaе xua beta painya neexanaewa pocotsiwa Cristo paca itoroba. Barapocotsiwa jopa pajume naitaewatsinde, poxoru barapo pecuidubi coyenein apara pia peitorobi coyenein tatsi pomonaе saya jiwi. Aparа barapo peitorobi coyenewan saya nainya weraweraca icha pexaewa ichi xua nainya weraweraca poxonaе jiwi xane. <sup>23</sup> Paxam pananta xeiname xua barapo peitorobi coyenewa xeina peantuyparusawa poxoru be paca exana xua xanapanaya pajinompame, yawa be paca exana xua Nacom wanae pajaintame. Barapomonaе judiomonaе pia abe exaneibi pia coutha naperaxa exaneiba pia jantemainaetsi xua abe exana. Ichitha awiya yabara nanta xeina pocotsiwa abe exana poxoru barapo peabewa ita cui dopitatsi xua baxua peexanaewa tsane. Barapomonaе saya u pepaebeibi, ichitha cataunxuae jopa xanapanaya jinompaeyo.

## 3

<sup>1</sup> Tsipei Cristo bayatha paca cayawa asu, daxota panaitomare xua painya neexanaewa xua Cristo pocotsiwa ichichipa. Bapon Cristo eca Nacom pia nacuatheicha tatsi. Paxa pecoxa weya eca bapon. <sup>2</sup> Saya panaitomtsiya nanta xeinare Jesucristo pia peitorobi coyewewan tatsi. Jopa payabara nanta xeinaeinde xua copei pexeinae coyenein pocotsiwa barapo cae pin nacuathe xeina. <sup>3</sup> Tsipei bayatha paxam paca cayawa tupa Cristo, daxota jopa paexanaeinde pocotsiwa barapo cae pin nacuathe xeina. Painya neantujumopeyapuswan jiwu jopa taeyo tsipei Nacom Cristo paca cayawa itacafetsiya xeina pia nacuatheicha. Mexeya poxoru Cristo peyawa poponaexae Nacom, daxota waxainchi poxonae yawa jinompatsi Cristo barapara iru yawa jinompatsi Nacom. Baxua jiwu jopa paca cui yaputaeyo. <sup>4</sup> Bapon Cristo naca jumope antujumopeyapus exana. Poxonae Cristo equeicha patopaetsica paca cayawa baru naitutsina jiwuitha pexeinya peitupanae coichatha.

*Meje yabara xua peru juntu coyene, xuano xua pena juntu coyene*

<sup>5</sup> Po coyenein xua jiwu exana pia pepontha bara pana cui barapende. Painya xoba pana nasi cui matacaetame xua paweiweiname. Painya xoba paexaname po coyene abe po coyene ba aura exana poxonae paexaname. Painya xoba pacui yabara nanta xeiname xua abe painya neexanaewa tsane. Painya xoba paichicha xeicame xua ichamonae xeina. Bu bichocono pacui yabara nanta xeiname beyacaincha xua poxonae pacui yabara nanta xeiname Nacom. Baxua icha be poxonae paichim poxonae ibo nacom paantobem beyacaincha xua Nacom paantobem. <sup>6</sup> Pomonae xua barapocotsiwa exana, Nacom casebina barapomonaetha. Bexa tsane Nacom itawetsina xua jopa petapatsiwa tsainchi pia nacuatheicha, poxoru barapomonae saya jumefeba nawita pocotsiwa Nacom itoroba. <sup>7</sup> Icha barapomonae ichi, xua abe exana, paxam bara paichim caena bayatha barapocotsiwa paexaname poxonae jopa cataunxuae Jesucristo pajume cowantsim. <sup>8</sup> Ichitha anoxuae daxita pana cui barapende xua daxita peabe coyenein: xua peanaepanae coyewewan, xua juniya pejei coyewewan, xua jopa xanepanaya peexanae coyenein, xua saya abeya peyabara cueicueijejiwa coyewewan, xua peyuyjejiwa coyewewan. <sup>9</sup> Jopa caemonae nantiya pana namuxuitorobeibinde, anoxuae pena juntu coyenein painya nexainaexae tsipei peru juntu coyenein bayatha parapentame. Tsipei barapo peru juntu coyenein jiwu ba ajumebeya cui itorobatsi xua abe exana. <sup>10</sup> Tsipei anoxuae pena juntu coyenein paxeiname tsipei Nacom exana barapo pena juntu coyenein. Barapo pena juntu coyenein paca ita coxone exanapona Nacomtha. <sup>11</sup> Poxonae jiwu pena juntu coyenein xeina pejume cowantsixae, baroxonae Nacom tsita najupatsi, metha bara bequein griegomonaepin tsipae, iru metha bequein judiomonaepin tsipae, iru metha bequein pon xua pewi thabinchi tsipae xua ichaxota pebiwi nareixacaena, iru metha bequein pon jopa pewi thabinchi tsipae xua ichaxota pebiwi nareixacaena, iru metha bequein pon penanapaincha poponaein tsipae, iru metha bequein pon unupin tsipae, iru metha bequein pon pebusi cui taetaeinchi tsipae, iru metha bequein pon pepu copatinchi tsipae xua bara piawa penata exanaewa tsane. Apra jame meisa bapon Cristo ainya cui peexanaeinchi. Matautano Cristo baru popona pomonae peantobewixaetsi.

<sup>12</sup> Nacom paca itapeta xua piamonae tatsi pia paca necaexanaenexa pia paca necaantobexae. Daxota nantanuweya pacui yabara cananta xeinare ichamonae xua painya neyawenaewa tsane. Yawa betiya payawende ichamonae. Yawa jopa ichamonae patsita atsacande xua icha coyene painya neexanaenexa. Yawa jopa paaebinde ichamonae. Yawa jopa paaitaconae tsaibinde poxonae bequein ichamonae abe pacata exaneiba. <sup>13</sup> Nantiya pana natsita xeinare po juntu coyene xua jopa painya neaitaconaewa xua poxonae bequein ichamonae abe pacata exana. Pacui yabara juntemainare poxonae ichamonae pacata abe exana, icha Cristo ichi pon jiwi Pecanamataxeinaein exanatsi xua daxita paca cui yabara juntemaina xua abe paexaname. Bara paichinde pana nacui yabara juntemainare daxita pocotsiwa abe pana nata exaname. <sup>14</sup> Barapo coyenein paexande, yawa mataropeichiya paexandeno xua bichocono nantiya pana naantobeinde. Poxonae baxua paexanaename xua painya nenaantobewam, bapoxonae xaniwaicha paexaname pocotsiwa bayatha paca itorobatsi xua bewa paexanaem icha paxename pexanepanae cui unthuthun. Ichitha poxoru painya nenaantobexae daxota bapo coyenein paexaname. <sup>15</sup> Saya pacopare xua bara Cristo painya juntu coyeneintha pacata itorobina juntema pia pepoponaewa tatsi xua daxota juntema painya nejinompaewa tsane. Tsipei Nacom paca necajainchixae: “Caemonae painya nenaexanaewi pam”, paca necajainchixae. Paxeinare po coyene xua pajam tsaibi: “Nacom, maisa pajuntu coyene weiweinan xua painta exaname”, xua po coyene pajam tsaibi.

<sup>16</sup> Po diwesi Cristo paca tsipaeba xua yawa paca itoroba, moya paexaneibare. Icha Cristo ichi xua paca cuiduba pejume diwesitha, barichi xua ichamonae pacuidudubaponde. Matautano nantiya pana nacui tsacarabare xua xanepanaya painya nejinompaewa tsane xua poxonae pajume taneme Cristo pejume diwesi. Nacom patanaxunare daxita weixi. Juntu coyene weiweinaya patsita naxunare Nacom. <sup>17</sup> Pocotsiwa paichichipame xua painya nepaebiwa tsane, moya papaebare pocotsi pepaebiwa ichichipa Jesús. Yawano pocotsiwa paichichipame xua painya neexanaewa tsane, moya paexande xua pocotsi peexanaewa ichichipa Jesús pon jiwi Pecanamataxeinainxae. Bapontha pajande: “Jesús inta Axatha jande: ‘Maisa juntu coyene weiweinan xua bapon yawename’, inta, jande”, pajande Jesustha.

*Meje yabara xua pocotsiwa bewa exanae pomonae Jesucristo pejume cowantsiwi*

<sup>18</sup> Yabuxi pamxaem paca tsipaebatsi. Pajume taema. Painya seuriwi pajume jejan tsaibinde xua paca itorobeiba. Baxua paexaneibare tsipei pejume cowantsiwi pam Jesús pon jiwi Pecanamataxeinaein. <sup>19</sup> Pebiwi pamxaem paca tsipaebatsi. Pajume taema. Painya seuriwi paantobe tsaibinde. Baxua paexaneibare. Poxonae paitorobeibame, bichocono jopa papan tsaibinde.

<sup>20</sup> Pexui pamxaem paca tsipaebatsi. Painya axa jiwi xua iru painya ena jiwi beta pajume naitawateibiya exaneibare pocotsiwa paca itorobeiba tsipei baxua Jesús pon jiwi Pecanamataxeinaein tsita ita cui xanepanatsi. <sup>21</sup> Coxiyei jiwi pam, xua saya pebiwi jiwi pam paca tsipaebatsi. Painya xoba painya pexui pamuxutainyabame xua jopa beta exanaeyo. Icha baxua paexaname pexui jopa beta jinompaetsipae.

22 Pomonae amanaya pebusi cui taetaewichi pam, beta pajume naitaeware painya nepacacanamataxeinaewi, pomonae paca itoroba, pomonae xua po cae pin nacuathe jinompa. Jopa metha bepa meisa beta pajume naitaewatsipaem poxonae paca tane pomonae painya nepacacanamataxeinaewi. Apra jame beta painya nejume naitaewatsinexa poxonae pomonae painya nepacacanamataxeinaewi jopa imoxoyo paca taeyo. Jopa metha bepa meisa painya wɩnae taexanaetsi pomonae painya nepacacanamataxeinaewi. Apra jame painya wɩnae taexanaetsi irɩ Jesús pon jiwi Pecanamataxeinaein, tsipei paxam pomonae Jesucristo painya nejume cowantsi jiwi pam. 23 Daxita i daxuan xua paexaname xanepanaya paexanare. Saya ɩ pacananta xeinaeya exaneibare xua Cristo nexa, pon jiwi Pecanamataxeinaein. Jopa meisa saya pananta xeinaeya taexaneibinde xua pon painya nepacacanamataxeinaein, pon saya pepawi, xua saya jiton. 24 Bayatha payaputaneme xua bexa Cristo pon jiwi Pecanamataxeinaein paca catsibina xua paca jɩntana jeba pia nacuatheicha xua painya newetsixae pocotsiwa bapon paca itoroba. Paxam Cristo pia petanacuichi jiwichi pam pon yatsicaya jiwi pepa Pecanamataxeinaein. 25 Ichitha pon jopa xanepanaya exanaeyo, bapon xeinaena pentoma xua jopa pexanepanae matoma. Nacom jiwi jopa natoxeincha necotsiyo. Pomonae pebusi cui taetaewichi, barapomonae Nacom nanta jɩpaya tane, icha pomonae pentacaponae ichi xua poxonae Nacom nanta jɩpaya tane. Daxota pon jopa xanepanaya exanaeyo, bapon xeinaena pentoma xua jopa pexanepanae matoma.

## 4

1 Pomonae pentacaponae pam, xanepanaya pacana exande pomonae painya nebusi cui taetaeibi jiwi, tsipei paxam paxename painya pepa Nepacacanamataxeinaein itabocothicha.

2 Nacomtha cuitiya pana cui babatsiya wɩca dubenanaebiyama. Poxonae Nacomtha pawɩqueibame, pajan tsaibinde: “Nacom, maisa pajɩntɩ coyene weiweinan xua pata tanecatsiwaxaem yawa xua painta exaname beta”, pajan tsaibinde. 3 Yawano painta wɩcare Nacom xua Jesús pon jiwi Pecanamataxeinaein pata tana neyawenaewa tsane xua pata cueicueijeinexa bapon pejume diwesi tatsi daxita coyeneintha xua ichaxota pata ichipaewa xua pata paebeibiwa tsane. Barapo diwesi caena bayatha jiwi jopa yaputaeyo tsipei Nacom moya yawɩn xeina xua jiwi jopa yabara yaputaeyo. Ichitha anoxuae Nacom ichichipa xua jiwi yaputaena barapo diwesi. Barapo diwesi xua anoxuae apra xua Cristo naca yanaba. Jiwi pecɩbi botha neeta tana natsipei cueicueijeixae barapo diwesi. 4 Painta wɩcare Nacom, xua xanepanaya tacaununaya cueicueijeinexa tsane Cristo pijume diwesi xua jiwi beta tana nejume taewa tsane pocotsiwa xua bewa cueicueijan tsane, pocotsiwa Nacom ichichipa.

5 Dota pam, xanepanaya beta jume wɩnaeya pajinompare, tsipei paca tane pomonae jopa jume cowantsiyo Jesucristo. Barapomonae patsipaebibare xua pocotsiwa Nacom ichichipa xua poxonae po mataqueitha cataunxuae paca itacɩpa xua painya netsipaebiwa. 6 Poxonae ichamonae patsipaebame, beta xanepanaya patsipaebare. Yawano bewa xanepanaya pajume notsim daxita jiwi.

*Meje yabara poxonae Pablo najume weta po carte*

<sup>7</sup> Daxita Tíquico neyabara diwesi paebina xua paca tsipaebina. Bapon be wayapin watsicotaein tsipei Jesucristo pejume cowantsin. Bapon paantobein. Iru bapon Tíquico Jesús pon jiwi Pecanamataxeinaein pia petanacuichin tatsi. Bapon Tíquico neyaweneiba xua Jesucristo pijume diwesi cueicueije tsaibi. <sup>8</sup> Daxota Tíquico painya xainya beya itoroban painya neyaputaenexa xua paxan xanepanaya bara juntea pajinompan. Yawa bapon paca necacui tsacarabinexa xua juntea painya nejinompaewa tsane. <sup>9</sup> Tíquico bara beya pona iru ichun napon, pon pewun Onésimo, pon be pata tayapin patsicotan pejume cowantsixaeru Jesucristo, yawano bapon paantobein. Barapon beta xanepanaya pepoponaein Nacomtha. Tíquico iruno Onésimo, baponbe daxita yabara paca tsipaebina xua pocotsiwa xote exananje.

<sup>10</sup> Iru Aristarco tajiton, pon jiwi pecubi botha paecanbe, bapon paca jacobae. Iru Marcos paca jacobae, pon Bernabé pamoyo tatsi. Tsipei bayatha payaputaneme xua Marcos pepatopaewa tsane. Paca itorobatsi bapon yabara. Icha patopaena bara beya, bapon pantenta weyataeya wabare. <sup>11</sup> Iru Jesús paca jacobae, pon icha wunno, Justo. Po acoibi poyobe, poyobe xuaunxuae paca jacobae meisa saya barapoyobe neyawena xote poyobe xua jiwana judiomonae, po judiomonae Jesucristo pejume cowantsiwichi jiwana. Barapo acoibi poyobe neyawenabe xua yabara cueicueijeibe Nacom Pejume Diwesi po diwesi xua Nacom waba jiwi xua petanaexanaenexatsi piamonae tatsi petajume cowantsixaetsi Pexantotha. Barapoyobe nejuntu cui tsacarababe xua juntea tapoponaewa tsane. <sup>12</sup> Iru Epafras paca jacobae, pon painyamonae jiwana. Bapon Epafras Cristo Jesús pia petanacuichin tatsi. Bapon jume daunweya pacata waqueiba Nacomtha, xua Nacom xanepanaya paca necaantuyarusaya daunweya exanaenexa tsane. Xaniwaicha painya neyaputaenexa pocotsiwa painya neexanaenexa, pocotsiwa Nacom ichichipa. <sup>13</sup> Xan bara yatsicaewa tacui taewa xua Epafras pacata jume daunweya waqueiba Nacomtha. Po coyene xua bapon baxua exana xaniwaicha, apara paxam nexa, iru Laodicea tomaramonaepiwi nexa, iru Hierápolis tomaramonaepiwi nexa. <sup>14</sup> Iru Lucas paca jacobae, pon jiwi peyawabin, pon bichocono antobetsi xua jiwi antobe. Iru Demas paca jacobae.

<sup>15</sup> Painta jacobare Jesucristo pejume cowantsiwichi, pomonae Laodicea tomaratha ena. Iru painta jacobare powa pewun Ninfa. Iru painta jacobareno pomonae pejume cowantsiwi, pomonae nacaetuteiba Ninfa pia botha tatsi. <sup>16</sup> Poxonae barapo carte payorobame equeicha ichun pacare xua pecaponaenexa Laodicea tomara beya, xua xuya peyorobinexa barapo carte pomonaetha pomonae pejume cowantsiwi poxonae nacaetuta. Yawa poxonae Laodicea tomaramonae pia carta tatsi papitame painya xainya berena barapo carta xuya payorobare painya penacaetutsi botha xua Colosas tomaratha. <sup>17</sup> Paxam Arquipo pabarande: “Taema Arquipo, xaniwaicha baxua exande xua bayatha Jesucristo pon jiwi Pecanamataxeinaein pocotsiwa caitoroba xua wunaeya xanepanaya nacui yabara jume wetsiname xua exaname”, pajande.

<sup>18</sup> Xan, Pablon, paca jacobatsi. Baxoyo tacobe couyeje, xoyo tinaxuban. Jopa pajuntemainaeinde xua jiwi pecubi botha taecaewa. Na-

comtha paimta wuqueibare. Baraba Nacom junte ma jinompa paca exana  
pia paca nacaantobexae.

Baja Pablo.

## Meje Po Carte Copiya Pablo Tatina, Tesalonica Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonaes Tesalónica tomarapiwi*

<sup>1</sup> Xan, Pablon, iru Silvano, iru Timoteo, barapoyobe pan, barapo carte pacata tinatsi. Pacata tinatsi paxam pomonaes Tesalónica tomarapiwi pamxaem pomonaes painya nejume cowantsiwixae Jesucristo. Paxam pomonaes pam pomonaes painya neyawa jinompaewi Nacom, pon Waxa, xua matautano Jesucristo, pon jiwi Pecanamataxeinaein. Barabu Nacom, Waxa, iru Jesucristo, pon jiwi Pecanamataxeinaein, paca yawena xua juntu coyene weiweinaya painya nejinompaewa tsane xuano beta xanepanaya juntema painya nejinompaenexa.

*Meje yabara xua Pablo yabara paeba xua Tesalónica tomarapiwi pinae beta jume cowanta*

<sup>2</sup> Pacata tsipaebibatsi Nacomtha, pajan tsaibi Nacomtha: “Nacom maisa pajuntu coyene weiweinan xua daxita Tesalónica tomarapiwi beta jinompa, pomonaes pecajume cowantsiwi”, pajan tsaibi Nacomtha. <sup>3</sup> Pajan tsaibi Nacomtha: “Pata Taxam, Nacom, maisa barapo Tesalónica tomarapiwi bichocono cajume cowantsiya cata exana dubenanaebiya. Matautano, bichocono necaantobexae daxota ayapusya cata nacuita dubenanaebiya. Maisa bichocono barapomonaes wunaes ewateiba xua Jesucristo pia pepatopeicaewanexa tsane, pon Pata Tanecanamataxeinaein”, pajan tsaibi Nacomtha. <sup>4</sup> Paxam pomonaes painya nejume cowantsiwi pam Nacom. Bara payaputan xua Nacom bichocono paca antobe, yawa caena bayatha paca itapeta pia piamonaes paca exanaetsi. <sup>5</sup> Poxonaes Nacom pia pecapanenebiyae diwesi jume paca tsipaebatsi jopa saya meisa u pata jume. Jame apara Nacom pia Pejumope tanaxu tatsi pia peayapusu itorobi coyenewatha tatsi pana yawena, xua pata cueicueijeiba. Barapo diwesi bara xaniwaicha jume cowantatsi xua barapo diwesi bara pexainyei jume. Bara beta payaputaneme xua bara beta pajinompan painya itutha xua pata paca ajuntucoyenesu exanaenexatsi xua iru juntu coyene xanepanaya painya nejinompaenexa.

<sup>6</sup> Paxam paexanaponame icha paichin xua pocotsiwa paexanaponan. Matautano beta paexanaponame icha ichi poxonaes beta exanapona pon jiwi Pecanamataxeinaein. Bequein ichamonaes atene paca exana painya nejume cowantsixae Jesucristo, ichitha barapo diwesi awiya juntu coyene weiweinaya pajume cowantame. Barapo pejuntu weiweinaes coyene Nacom pia Pejumope tanaxu tatsi paca cata. <sup>7</sup> Baxuan painya nexanaexae daxota ichamonaes pomonaes pejume cowantsiwi Jesucristo, pomonaes Macedonia nacuapiwi, barapomonaes exana pocotsiwa paexaname. Iru baxuan exana pomonaes Acaya nacuanpiwi. <sup>8</sup> Jesucristo, pon jiwi Pecanamataxeinaein, pia pecapanenebiyae diwesi jume pacueicueijam ichamonaetha. Barapo diwesi Macedonia nacuapiwi iru Acaya nacuapiwi jume tane. Jopa meisa barapo nacuabepiwi bara apara daxita nacuanpiwi iru jume taneru. Daxita barapo jiwi paca yabara yaputane xua painya nejume cowantsiwa Nacom. Daxota jopa

panantawenonaeinyo xua paca yabara paebatsi ichamonaetha. <sup>9</sup> Nama barapomonae pana neyabara paeba xua paxam panententa weyataeya wabame. Matautano barapomonae paca yabara paeba xua pinae paxam ibo nacomn po ibo nacomn copiya wnae pajainteibame pabebam painya nejume cowntsixa Nacom. Matautano paca yabara paeba xua baroxonae patamropatarncypame xua pata taexaname Nacom pia petanacuichiwa tatsi, pon yatsicaewa pepa Nacom, pon ataya tsitecaeya asu pepoponaein. <sup>10</sup> Matautano barapomonae pana netsipaeba xua pinae paxam Jesús pawnae ewatame xua pepatopeicaewa peitaboco wetsica. Barapon Jesús Nacom Pexanto tatsi, po Pexantoxae Nacom asu exana petpae coyene cuiru weya. Barapon Jesús naca napaeba exanaena Nacom beya, poxonae Nacom copatsina xua jiwi bichocono peraxa jubebinchí abe peexanaexae.

## 2

### *Meje yabara po coyeneya Pablo tanacuita Tesalónica tomarapiwi*

<sup>1</sup> Patamonae paxam pomonae pam pomonae iru painya nejume cowntsiwi Jesucristo icha paxan paichin. Payaputaneme xua tapaca siwa ponaewatsi baxua wnae pata cayawenaexaetsi. <sup>2</sup> Poxonae Filipos tomaratha paponan, barapomonae abe pana exana. Yawa tsumu jumeya pana tsipaeba. Bequein barapomonae baxua pana cana exana ichitha payaputaneme xua Nacom pana yawena tapata catsipaebinexatsi barapo Nacom pia pecapanenebiyae diwesi jume. Baxua paexanan xua jopa juntu deideijeya paca tsipaebichi barapo diwesi bequein barapomonae pana jume matawenta. <sup>3</sup> Poxonae paca tsipaebatsi Nacom Pejume Diwesi jopa apara paca tsipaebichi po jume xua jopa xainyeyo xua po jume pejumexaei. Matautano jopa paca tsipaebichi po juntu coyene wajuntu coyene abeya naca tsipaeba. Matautano jopa paca muxujainyabichi xua daxota abe painya neexanaenexa. <sup>4</sup> Nama Nacom patsita juntu coyene xanepanan xua xainyeya pata tacueicueijeixae. Daxota Nacom pana neitoroba xua pata tapaebinxia pia pecapanenebiyae diwesi jume. Apra jopa baxua paexanaeinyo xua daxota jiwi pata taneweyataenexa. Jame apra baxua paexanan xua Nacom pata taneweyataenexa. Barapon pana nejuntu coyene yaputane xua poxonae paexaneiban. <sup>5</sup> Paxam bayatha payaputaneme xua jopa paca tsipaebichi po jume ba jiwi piraichi jume wnaeya paeba xua bepa pia weyataetsi. Matautano payaputaneme xua jopa pacueicueijanyo pata paratixichi. Nacom bara pana tane xua jopa baxua bara paexanaeinyo. <sup>6</sup> Jopa bapana paichichipaeinyo xua jiwi wnae pata tanejainchiwa, xua poxonae metha bequein bara barapomonae pam, ichacuitha xua poxonae bequein ichamonaetha. <sup>7</sup> Bequein paxan pana itacupa xua pata caitorobiwatsi, bequein bara Cristo pia peitorobi jiwi tatsi pan, daichitha jopa paexanaeinyo barapo coyene. Nama apra saya bewayo paca yayawenaponatsi, icha be pocotsi coyeneya petsiriwa ichi poxonae pia pexui bewayo wichtiya yayawenapona. <sup>8</sup> Bichocono paca antobetsi, daxota paichichipan xua pata paca catsiwatsi Nacom Pejume Diwesi. Jopa meisa xua poxonae daxota barapo coyenewa, bara yawa daxita muxuna paca yawenatsi daxita pata juntu coyeneintha. ¡Bara jopa juniya pata paca antobewatsi! <sup>9</sup> Patamonae pam, paxam pomonae iru painya nejume cowntsixa Jesucristo. Paxam payaputaneme xua



bichocono panacuitan pata xeinaenexa pocotsiwa panantawenonan xua pata nabanaewanexa. Jopa juniya panacuiteibinyo matacabintha, yawa merawinthano. Daxota jopa panantawenonaem xua pana catame xua pocotsiwa pata nantawenonaewa pata jinompaewanexa. Jopa paichipaeinyo xua paca nacui matowa xeina exanatsi poxonae paca cuidubatsi Nacom Pejume Diwesi.

<sup>10</sup> Paxam pomonae painya nejume cowantsixaemxae Jesucristo pana yaputaneme iru Nacom pana yaputane xua juntu coyene xanepanaya pata jinompaewa painya xantha daxita carepaya paxamtha. Matautano Nacom patsita juntu coyene xanepanan, xua penatsicuentisiwa jopa bapon patsita xeinaeinyo. Daxota ichamonae jopa pana neyabara pae-biyo xua abe pata pacata exanaewatsi. <sup>11</sup> Matautano payaputaneme xua paca itorobatsi xua beta pajinompame. Matautano yawa payaputaneme xua paca juntu tsacabatsi xua xanepanaya painya nejinompaenexa. Matautano bara payaputaneme xua daxita paxam paca cui matate-icatsi xua poxonae bichocono paanthathutanem tsaibi xua abe painya nepacata exanaexae ichamonae. Daxita barapo coyenein bara paex-anan icha be pocotsi coyeneya coxian cana ichiya exana pia pexuitha. <sup>12</sup> Paca itorobatsi xua bewa beta pajinompae, icha pomonae Nacom pejume cowantsiwi ichi xua bewa beta jinompa. Baraxua paexande poxoru Nacom paca wun duba piamonae painya paca exanaenexa xua painya nebaru itorobinexa tsane jiwi Nacom pia peitorobi nacua beicha tatsi. Nacom pia peitorobi coyenewa xua jiwi peitorobi coyenewatsi bichocono peitupanae coyenewa.

<sup>13</sup> Matautano paxan Nacomtha patsipaeban pajanje: “Nacom maisa pajuntu coyene weiweinan xua Tesalónica tomarapiwi cajume cowanta poxonae patsipaeban jinya jume diwesi. Barapomonae nanta xeina xua po diwesi patsipaeban barapara jinya jume diwesi. Jopa nanta xeinaeyo xua barapo diwesi apara saya jiwi pia diwesi”, pajan Nacomtha. Xaniwaicha barapo diwesi apara Nacom Pejume Diwesi painya paca cana exanaexae xua icha juntu coyene painya nexeiawa pomonae painya nejume cowantsixae Jesucristo. <sup>14</sup> Patamonae pam. Ichamonae atene paca exana pomonae painyamonaxae. Baxua paca cana exana, icha Judea nacuapiwi ichichi pomonae pejume cowantsiwi Cristo Jesús. Daxita barapomonae ajuntucoyenetane exainchi pomonae piamonaxae pomonae judiomonaxae. <sup>15</sup> Caena bayatha judiomonae pia pamo susato jiwi tatsi juteba, pomonae Nacom pia peitorobi jume pepaebiwi tatsi jutebatsi. Cotacaya icha judiomonae Jesús pon jiwi Pecanamataxeinaein tupa exanadutatsi naetotha. Matapainya anox-uae icha judiomonae pana yotaba pata penacaetutsi bo weya. Pocot-siwan barapomonae exana Nacom baxuan jopa tsita xanepanaetsi. Barapomonae nacana exana pomonae daxita jiwi pia peitaetaebi jiwichi. <sup>16</sup> Paichichipan xua patsipaeban Nacom Pejume Diwesi pomon-aetha pomonae jopa judiomonae naexanaeyo xua iru Nacom peca-panenebiyaenexa tsane bequein judiomonae pata tanejume itawetsi-watha tsane poxonae patsipaeban Nacom Pejume Diwesi. Poxonae judiomonae barapo abe peexanae coyene pana tsiexana bapoxonae opi duta wetsiya exana daxita po peabe coyenewan xua bayatha itacupatsi xua eexanapona. Daxota anoxuae nama matapainya Nacom bichocono anaepana barapomonaetha. Nacom juntucuru peraxa juba exanaena

barapomonaē, penatsicuentisixae abe peexanaexae bapontha.

*Meje yabara xua equeicha Pablo besiwa ponaena Tesalónica tomara-piwi*

<sup>17</sup> Paxam pomonaē patamonaē pam, poxonaē bequein paxan taju paca cuenta enatsi, xua saya bara caethotha jopa imoxoyo paca taetsi, ichitha paca yabara nanta xeineibatsi pata paca itaxaneibixaetsi. Bichocono paichichipan xua pata paca cataewatsi. <sup>18</sup> Paxan matowa paichichipan xua caewa pata paca siwa ponaewatsi. Xan, Pablon, ichacuitha matowa nanta xeineiban xua paca siwa poneibinchi. Ichitha caurimonaē pia pentacaponaein tatsi, Satanás, pana necui yancababeiba. <sup>19</sup> Ichichipan paca siwa ponatsi poxoru paxam pana necana exaname xua pajantu coyene weiweinan. Barichi paxam pomonaē pana necana exaname xua pawanaē ewatan. Barichi paxam pomonaē pana necana exaname xua matowa payabara paeban pocotsiwa xua paexanan poxonaē paca cuidubatsi. Poxonaē Jesucristo pon jiwi Pecanamataxeinaēin equeicha caewa patopeicaena bapontha paca yabara paebinchi po coyene xua paxam pana necana exaname. <sup>20</sup> Xaniwaicha paxam pomonaē pam pana nejantu coyene weiweina cana exaname. Matautano paxan pomonaē pana necana exaname xua paca yabara wanaē jainchinchi Jesucristo peitabaratha poxonaē bapon peitabaratha tatsi paca baru umenaēinchi beta painya neexanaexae.

### 3

<sup>1-2</sup> Jopa pana itacupaeyo xua awiya equeicha pata ewatsiwa xua pata paca yabara yaputaewa tsainchi. Daxota juntucuru pananta xeinan xua paitoroban Timoteo pon jume cowanta Nacom painya pia paca necataenexa tsanebe. Matautano juntucuru pananta xeinan xua Silvano compa paecaeinbe Atenas tomaratha. Timoteo paitoroban, tsipei bapon beta tanacuita Nacom nexa. Barapon Timoteo pana yawena poxonaē pacueicueijan Cristo pia pexeinya jume diwesi tatsi. Bapon Timoteo itacupatsi xua ajantucoyeneypusa paca cana exana. Matautano itacupatsi xua paca juntu cui tsacaba exana xua awiya mataropeichiya painya nejume cowantaponaenexam Nacom. <sup>3</sup> Bapoxonaē dapon aibi tsane paxam jiwana pon ajantucoyenefaetabiya jume cowanta xua ichamonaē abe peexanaexae bapontha. Paxam bayatha payaputaneme xua daxota bewa ichamonaē atene naca exanaena wajume cowantsixae Jesucristo. <sup>4</sup> Matautano poxonaē cataunxuae paca baru enatsi, paca tsipaebatsi xua daxota bewa ichamonaē naca atene exanaena poxonaē nacata abe exana. Bara baxua bayatha exana barapomonaē icha be pocotsi coyeneya bayatha paca tsipaebatsi, xuano payaputanemeno. <sup>5</sup> Tsipei xan jopa neitacupaeyo xua equeicha taewatsiwa xua tapaca yabara yaputaewa tsainchi, daxota Timoteo itoroban. Bapon inta paca yainyabiya jei: “¿Bara awiya pajume cowanta dubenanaebiyame Jesucristo?” jei. Baxua beyaputaēin tajunuwixae xua caurimonaē pia pentacaponaein tatsi pon jiwi nejantu coyene jujtsin paca cui jujtsipa xua abe painya neexanaewa tsane. Bapoxonaē pocotsiwa xua pata tapacata nacuichiwatsi jopa paca yawenaetsipae xua jopa xapain painya nejume cowantsixaein tsipae.

<sup>6</sup> Ichitha bayatha bapon Timoteo caewa patopa xua bara werena xua painya tomara werena. Bapon yabara pana tsipaeba, bichocono

jume xanepana xua pinae awiya pajume cowanta dubenanaebiyame Jesucristo. Matautano yabara pana tsipaeba xua pinae nantiya pana naantobe tsurubenanaebiyam. Matautano yabara pana tsipaeba xua pinae pana neyabara antobeya nanta xeiname matauta xua pinae bepana netaename, icha paichin xua bena tapaca taewatsi tsainchi. <sup>7</sup> Patamonae pam, paca tsipaebatsi bequein ichamonae painta ayapube exana yawa pana atene exana, ichitha pajuntu coyene sadujan poxonae pajume tan xua pinae beta pajume cowanta dubenanaebiyame Jesucristo. <sup>8</sup> Poxonae paxam awiya beta pajume cowanta dubenanaebiyame Jesucristo, pon jiwi Pecanamataxeinaein, baxua pajuntu coyene sadujan pata jinompaewatha Nacom nexa. <sup>9</sup> Anoxuae pana itacupa xua pata jeiwa: “Nacom maisa pajuntu coyene weiweinan Tesalónica tomara-piwi beta necajume cowantsixae”, pata jeiwa. Paxam pomonae pana nejuntu coyene weiweina cana exaname poxonae Nacom patsipaeban. <sup>10</sup> Matacabintha, merawinthano Nacomtha pacata wunqueibatsi. Nacom pawunqueiban xua bara pata necopatsinexa xua pata tapaca casiwa ponaenexa tsainchi. Paichichipan xua pata paca yawenaewatsi xua beta painya nejume cowantsiwa Jesucristo pocotsiwa yabara pacata seica xua painya yabara neyaputaewa Jesucristo.

<sup>11</sup> Paichichipan xua Nacom pon Waxa iru Jesús pon jiwi Pecanamataxeinaein pana yawenaena xua pata paca casiwa ponaenexatsi. <sup>12</sup> Matautano paichichipan xua Jesús, pon jiwi Pecanamataxeinaein, paca cana exanaena xua equeicha bichocono toxeinchiya paxinaponaename peantobe coyenewa xua nantiya painya nenaantobexaem tsane. Matautano paichichipan xua barapo peantobe coyenewa daxita jiwi painya tsita xeinaenexa icha paca ichichi xua bichocono paca antobetsi. <sup>13</sup> Matautano paichichipan xua Nacom pon Waxa, painya nepaca cana exanaenexa xua bichocono painya nejuntu coyene xanepanaewa. Matautano paichichipan xua Nacom pon Waxa bichocono ajuntayarusuya paca cana exanaena. Vapoxonae paxam bichocono Nacom tsita juntu coyene xanepanaeinchi. Vapoxonaeno jopa patsita natsicuentisim tsane abe painya neexanaexae bapontha. Barapocotsi juta coyene awiya paexanaponaename beya poxonae Jesús pon Wanacanamataxeinaein, piamonae baru patopeicaena daxita.

## 4

*Meje yabara po juntu coyeneya bewa jiwi tajinompae Nacom po coyene xua Nacom tsita xanepanatsi*

<sup>1</sup> Patamonae pam anoxuae jume daunweya paca jeichi, yawa paca itorobiya jeichi: “Tsipei Jesús pon jiwi Pecanamataxeinaein, pana necayawa popona daxota paca itorobatsi. Pocotsiwa paca cuidubatsi paxam bara paichinde. Bayatha paca cuidubatsi xua bewa equeicha mataropeichiya payajuntu coyene jinompaem po juntu coyene xua Nacom tsita xanepanatsi. Matautano anoxuae equeicha matowa paexanaponde barapo coyenein, po coyenein xua anoxuae paexanaponaename”, paca jeichi.

<sup>2</sup> Paxam payaputaneme po pecuidubiwan paca cuidubatsi apara barapo pecuidubiwan Jesús pana itoroba, pon jiwi Pecanamataxeinaein. <sup>3</sup> Xua jame Nacom pocotsiwa ichichipa xua paxam bewa bichocono juntu

coyene xanepanaya pajinompaem Nacom peitabaratha xua daxota ichamonaepatsita itapeinya xeiname xua bara Nacom painya neantobe jiwi pam. Jopa panasi cui exana dubenanaebiyaeinde ichamonaepia seurixitha tatsi. <sup>4</sup> Pebin bewa yaputaena xua beta cuicuinaena piseuritha po coyeneya xua Nacom tsita xanepanatsi xuano xua jiwi tsita xanepanatsi. Matautano bapon bewa baru cui itura jinaena piowa pia peantobexae. Daxita barompaya pebiwi pam bewa iru bara paichim tsane. <sup>5</sup> Barichi barapo pebin jopa bewa exanae tsane barapowatha po coyene xua saya pia penaquenta exanaetsi. Tsipei ichamonaepomonaepia jopa Nacom yaputaeyo, barapomonaepia abe nanta xeina nawita xua yabuxi yabara xua penaquentsiwa yabara. Barapo coyene painya xoba paexaname. <sup>6</sup> Jopa paexanaeinde barapo abe peexanae coyenewatha pontha pon iruru pejume cowantsin Nacom. Jopa bewa papichim barapon piowa tatsi. Icha baxua paexanaetsipame pon jiwi Pecanamataxeinaein bichocono atene paca cana exanaetsipa abe painya neexanaexae. Bayatha barapocotsiwa paca muxuwetatsi. <sup>7</sup> Nacom jopa naca wan dubiyo piamonaewanaca exanaenexa xua abe waexanaponaewa tsane. Jame apara Nacom naca wan duba xua juntu coyene wanaeya wajinompaenexa Nacom peitabaratha tatsi xua daxota ichamonaetsita itapeinya xeinatsi xua bara Nacom pijimonaetsi wanaexanaenexatsi. <sup>8</sup> Pon jume itaweta po coyene xua ichun pepichiwa yabara xua ichun piowa tatsi, apara bara bapon jume itaweta Nacom pia pecuidubi coyenewa tatsi. Jopa apara jume itawetsiyo pebin pia pecuidubi coyenewa tatsi. Barapon Nacom paca cata pia Pejumope tuxaxu tatsi xua painya yawa jinompaenexa.

<sup>9</sup> Po peantobewa xeina pomonaepiejume cowantsiwi Nacom, xua nantiya caemonaepenaantobewa, xan jopa nantawenonaeyino xua yabara tapacata tinaewatsi barapo coyene. Tsipei Nacom pia coya paca cuidwa po coyene xua nantiya painya nenaantobewam tsane. <sup>10</sup> Bara baxua paexaneibame xua paantobe tsurubenanaebiyam daxita pomonaepia jinompa Macedonia nacuatha, pomonaepiejume cowantsiwi Nacom. Ichitha paxam patamonaepia painya nejume cowantsiwixae Nacom, paca itorobatsi xua awiya mataropeicha paantobe tsurubenanaebiyama equeicha matowa. <sup>11</sup> Bichocono paichichipare xua painya neexanaewa xua po coyene meje: Juntema parubenanaebiyama, xua jopa pana najume matsontsonoba dubenanaebiyam. Matautano painya xoba patsipaebibame ichamonaetha po coyenein barapomonaepia bewa exanae. Matautano barompaya painya penacuichiwan pana natsiexana dubenanaebiyama icha be pocotsi coyeneya bayatha paca tsipaebatsi. <sup>12</sup> Icha barapocotsiwa paexanaename ichamonaepomonaepia jopa Nacom pejume cowantsiwi paca baru cui itura jinaena xua bara beta painya neexanaexaem. Matautano jopa panantawenonaem xua ichamonaepawacame pocotsiwa xua panantawenoname.

*Meje yabara poxonaepia Jesucristo pon jiwi Pecanamataxeinaein equeicha caewa patopaetsica*

<sup>13</sup> Patamonaepia pam, paichichipan xua painya neyaputaewa po coyene pexainyei coyene, xua petupaewi yabara. Matautano jopa paichichipaeinyo xua be wecoyeya pajinompaem icha be ichamonaepia pomonaepia jopa pejume cowantsiwi Nacom. Barapomonaepia be wecoyeya jinompa jopa xanepanaya pewunaewatsixae po coyene xua poxonaepia petupaewi equeicha asu tsane. <sup>14</sup> Waxainchi jume cowantatsi

xua Jesús tupa naetotha xuano equeicha Nacom asu juina exana. Icha Nacom pexanto cana ichi, waxainchi jume cowantatsi xua Nacom bara cana ichi tsane pomonaetha pomonae bayatha werapa. Barapomonae pejume cowantsixae Jesús, poxonae werapa asu jujuina exanaeinchi xua Nacom exanaena. Nacom barapomonae baru jujuinya exanaeinchi Jesús, xua Jesús pemuxuna caponaenexatsi Nacom pexainya beicha.

<sup>15</sup> Daxota paca tsipaebatsi pocotsiwa xua Jesús pana netsipaeba pon jiwi Pecanamataxeinaein. Yabara paca tsipaebatsi xua pomonae cataunxuae asu jinompa poxonae patopaena pon jiwi Pecanamataxeinaein barapomonae copiya jopa jujuinya exanae tsainchi xua Jesús pecaxibinexa tsainchi athabeicha. Jame copiya matha asu jujuina exanaeinchi pomonae bayatha werapa. <sup>16</sup> Jesús pon jiwi Pecanamataxeinaein patopaetsica peitaboco wetsica. Barapo mataqueitha jiwi jume taena peajumeyapusu itorobi wawaiwa, xuano xua cueicueije matatsunpiwi pia pentacaponaein tatsi, xuano xua trompeta jume busi xubina Nacom pia trompeta tatsi. Bapoxonae pomonae Cristo jume cowantatsi xua pomonae bayatha yacui werapaeya othopa hapomonae copiya asu jujuina exanaeinchi. <sup>17</sup> Bapoxonae cotacaya waxainchi pomonae cataunxuae asu jinompatsi, pomonae wajume cowantsiwi Jesús naca cayawa muxuna caetucaetutsiya caponaena pomonae copiya pewerapaewi. Daxita barapomonaetsi Nacom naca caponaena xua naca caponaena tsaquinaebowatha xua Jesús pon jiwi Pecanamataxeinaein waxaxibiyaenexa tsainchi athabeicha. Baxoteicha ataya tsitecaeya daxita waxainchi Jesús pon jiwi Pecanamataxeinaein, naca baru jinompeibina. <sup>18</sup> Daxota barapo jumetha caemonae nantiya pana najuntu coyene tsacabare xua painya neyaputaewa tsane, po coyene xua pewerapaewi yabara.

## 5

<sup>1</sup> Patamonae pam, jopa nantawenonaeinoyo xua yabara pacata tinatsi matabi, yawa dapae yabara xua poxonae Jesucristo pepatopeicaewa tsane. <sup>2</sup> Bayatha payaputaneme xua equeicha patopeicaena pon jiwi Pecanamataxeinaein. Matautano payaputaneme xua bapon patopaetsica poxonae xapain jopa nanta xeinae tsainchi, icha pon pecaibin ichi xua jemeicha patopa merawitha. <sup>3</sup> Poxonae jiwi jei tsane: “Maisa juntea jinompatsi tsipei daxita wanae tsurucuae”, jei tsane, bapoxonae patopaena jemeicha po dapaetha poxonae jiwi bichocono atene exanaeinchi. Jiwi jopa itacupae tsainchi xua panenebiyaena barapo peateneewa weya. Jiwi atene exanaeinchi icha yabuyo ichi xua bichocono bewa atene tsane xua pexuyo poxonae naexanaena. <sup>4</sup> Patamonae pam, paxam jopa dapocotsimonae pam, pocotsimonae jopa jume cowantsiyo Nacom. Poxonae equeicha patopaetsica, pon jiwi Pecanamataxeinaein jopa pana nabenaecaem tsane, icha jopa be ichiyo poxonae jiwi nabenaeca xua pecaibin jemeicha patopa. <sup>5</sup> Paxam pomonae Nacom payabara yaputaneme. Daxota beta painompame icha be ichamonae ichi, xua mataqueitha beta taeya jinompa xua pentha petsuncuaexae. Waxainchi jopa dapomonaetsi xua icha be ichi pomonae abeya jinompa jopa pejume cowantsi jiwixae Nacom. Barapocotsimonae be pomonae poxonae jinompa pequireiwatha, jopa beta jinompaeyo pequirei tsuncuaexae. <sup>6</sup> Pomonae jopa pejume cowantsiwichi Jesucristo barapomonae jopa tsaca jinompaeyo xua pewanae ewatsinexa Jesucristo pia

pepatopeicaewa tsica tsane. Barapomonaē be pocotsimonaē xua maita, xua jopa itacupaetsi xua penacosabiwa. Ichitha jame bewa waxainchi wacoutha barompaya juntu coyene coxonaetsi xua tsaca wajinompawewa poxonaē wūnaē ewatatsi Jesucristo pia pepatopeicaewa tsica tsane. <sup>7</sup> Pomonaē ba xua maita, bara merawi maita. Iruū pomonaē ba cupatsi peatsaxa mera, bara merawi cupatsi. Daxita barapomonaē jopa xapain Jesucristo wūnaē ewatichi. <sup>8</sup> Ichitha waxainchi wajume cowantsixaetsi Jesucristo, daxota bewa juntu coyene coxonaetsi xua tsaca jinompatsi xua wawūnaē ewatsiwa Jesucristo. Waxainchi xanepanaya bewa beta jume cowantichi Nacom. Matautano bewa beta nantiya naantobetsi. Barapo coyenebe naca juntu coyene yaitata xua jopa abe exanaetsi, icha soldadomonaepin ichi xua nayaitata penaintotha xua nantacari xatata xua pecawatsiyainwatsi dejonatha. Barichi waxainchi bewa jume cowantsiya wūnaē ewatichi xua Nacom naca capanenebiya tsane. Barapo coyeneya naca yaitata xua abe waexanaeyainwa icha soldadomonaepin ichi xua nantasipa yaitata penain yoreitha xua peantaspabe exanaeyainwatsi. <sup>9</sup> Nacom jopa naca itapetsiyo xua wanaca atene exanaenexa wanatsicuentiswaxae abe waexanaexae bapontha. Saya apara naca itapeta wanaca capanenebiyaenexa xua Jesucristo wanaca tsitupaexae naetotha pon Wanacanamataxeinaein. <sup>10</sup> Jesucristo naca tsitupa naetotha wanaca baru jinompawewa tsane pia nacuatheicha, bequein waxainchi bayatha werapatsi, yawano ichacuiha bequein waxainchi awiya asu jinompatsi, poxonaē bapon patopaetsica. <sup>11</sup> Daxota paxam bewa awiya daxita nantiya pana najuntu coyene tsacabim. Matauta bewa nantiya pana najuntucoyenesu exanaem beta painya ne-jume cowantsinexa icha paichiponaem xua anoxuae paexanaponame.

*Meje yabara xua Pablo muxuweta pomonaē Jesucristo pejume cowantsiwichi*

<sup>12</sup> Patamonaē pam, paca muxuwetatsi xua pabarū cui itura jinare pomonaē painya xantha Nacom tanacuitatsi xua pomonaē paca mat-acapona. Barapomonaē paca muxuweta xua Jesucristo pon jiwi Pecanamataxeinaein pecui itorobixae abe painya neexanaeyainwa. <sup>13</sup> Bewa barapomonaē beta pabarū cui itura jinaem peainya cui jiwixae. Matautano bewa bichocono paantobem xua barapomonaē betiya painya nepaca mataxeinaexae. Daxita pam nantiya jantema jinompa pana naexande.

<sup>14</sup> Patamonaē pam, paca itorobatsi xua jume daunweya pamuxuwere pomonaē afaetabi xua penacuichiwa. Pajuntu coyene cui tsacabare pomonaē juntu coyene junuwiya jinompa ichamonaē atene peexanaexae barapomonaetha. Matautano payawende pomonaē jopa ajuntucoyenesuya jinompaweyo Nacomtha. Bewayo payawende barapomonaē xua jopa painya neaitaconawam.

<sup>15</sup> Painya xoba ichamonaetha abe pata exaname, xua copiya abe pia pacata exanaexae. Seicaya jame incane beta xanepanaya daunweya pajunteibare xua nantiya painya nenata exaneibinexa, xuano irū daxita jiwino.

<sup>16</sup> Barabū tsitecaeya pajuntu coyene weiweina dubenanaebiyama. <sup>17</sup> Daxita matacabi Nacomtha patsipaebeibare matowa. <sup>18</sup> Daxita pocotsiwa pacata exana bequein jopa pacata wūnaeyo, ichitha awiya barapocotsiwan yabara Nacomtha patsipaebeibare, pajam tsaibinde: “Nacom

maisa pajantꝫ coyene weiweinan xua pata tana neyawenaewam poxonaē bequein painta daunwei tsaibi”, pajam tsaibinde. Poxonaē baxuan papaebame bichocono Nacom tsita xanepanatsi painya neexanaexae pocotsiwa Nacom ichichipa Cristo Jesús pia paca barꝫ jinompaexae.

<sup>19</sup> Jopa paitawetsinde Nacom pia Pejumope tꝫnaxꝫ tatsi poxonaē paca itoroba pocotsiwa bewa paexanaem. <sup>20</sup> Jopa pajume itawetsinde po diwesi xua ichamonaē paeba pomonaē Nacom Pejume Diwesi pepaebiwi. <sup>21</sup> Incane pajume taema daxita po diwesi xua barapomonaē paeba icha bara metha xaniwaicha po diwesi pona Nacom weya. Saya paitapere po coyene xua pexainyeiwa. <sup>22</sup> Daxita po coyenein peabe coyenein panaitemare xua jopa painya neexanaewam abe peexanaē coyenein.

<sup>23</sup> Bara Nacom, pon jꝫntema jinompa naca exana, barabꝫ barapon paca jꝫntꝫ coyene ayapusꝫ exanaena xua jꝫpa paca cana exanaena icha bapon ichi xua jꝫntꝫ coyene xanepana. Matautano barabꝫ Nacom paca jꝫntꝫ coyene xanepana exanaena painya nejinompaewa tsane bapon nexa xua jopa painya nexainaewam penatsicuentsiwa xua abe painya neexanaexae bapontha. Barabꝫ Nacom beta paca jumope eenaena, yawano xua painya jꝫntꝫ coyenewa, matautano xua painya pepon xua Jesucristo nexa pon Wanacanamataxeinaein xua beya poxonaē bapon patopaetsica. <sup>24</sup> Nacom ponxae xua paca wꝫn duba pia paca exanaenexa piamonaē tatsi, bapon xainyeya pepaebin. Matautano bapon exanaena pocotsiwa xua bayatha yabara paca tsiwꝫnaē muxu duta.

*Meje yabara xua Pablo najume wetsiya paeba*

<sup>25</sup> Patamonaē pam, painta Nacomtha wꝫqueibare.

<sup>26</sup> Antobeya painta jacobare daxita pomonaē patamonaē pomonaē Jesucristo pejume cowꝫntsiwichi.

<sup>27</sup> Xan paca itorobatsi tsipei Jesucristo, pon jiwi Pecanamataxeinaein neitoroba. Paca jeichi: “Barapo carte painta yorobare daxita pomonaē aetha pomonaē Jesucristo pejume cowꝫntsiwichi”, paca jeichi.

<sup>28</sup> Jesucristo, pon Wanacanamataxeinaein, barabꝫ paca yawena pia paca necaantobewaxae.

Baja Pablo, irꝫ Silvano, irꝫ Timoteono ponbe necueyatabe.

## Meje Po Carte Cotacaya Pablo Tatina, Tesalonica Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonaes Tesalónica tomarapiwi*

<sup>1</sup> Xan Pablon, iru Silvano, iru Timoteo, bara poyobe pan, barapo carte pacata tinatsi. Pacata tinatsi pomonaes Tesalónica tomarapiwi pam, pomonaes panacaetutame xua wanae painya nejainchinexa Nacom. Paxam iru pomonaes pejume cowantsi jiwi pam, pomonaes painya neyawa jinompaewi Nacom, pon Waxa. Matauta paxam pomonaes xua painya neyawa jinompaewi Jesucristo, pon jiwi Pecanamataxeinaein. <sup>2</sup> Barabu Nacom, Waxa, iru Jesucristo, pon jiwi Pecanamataxeinaein, paca yawenaena pia paca necaantobewaxae xua juntu coyene weiweinaya painya nejnompaewa tsane. Matautano barabu betiya xanepanaya jantemiya jinompa paca cana exanaena.

*Meje yabara xua poxonaes Nacom yabara paebina jiwi xua penatsicuentisiwa xua abe peexanaexaes poxonaes Cristo equeicha patopaetsica*

<sup>3</sup> Patamonae pam paxam pomonaes iru painya nejume cowantsi jiwixae Jesucristo. Bewa pacata wuaponeibinchi Nacom, xua pata jei tsaibiwa: “Nacom maisa pajuntu weiweinan xua Tesalónica tomarapiwi beta xanepanaya cajume cowanta”, xua pata jei tsaibiwa tsane Nacomtha. Baxua painta wanae xua paexanan, tsipei equeicha matowa mataropeichiya pajume cocowantaponame. Matautano equeicha matowa nantiya pana naantobem tsoponaem xua daxita paxam. <sup>4</sup> Daxota juntu coyene weiweinaya paca yabara paebatsi Nacom piamonaetha xua ichamonae matabuxu. Paca yabara jeichi: “Maisa Tesalónica tomarapiwi jume cowanta beta, yawa saya beta dubenanaebiya poxonaes bequein atene exanatsi abeya peyabara paebeibixaetsi ichamonae. Matautano barapomonaes beta exana dubenanaebiya xua bequein atene exanatsi xua poxonaes ichamonae abe peexaneibixaetsi”, paca yabara jeichi barapomonaetha. <sup>5</sup> Baxuan tsita itapeinya xeina xua poxonaes bequein Nacom yabara paeba jiwi xua penatsicuentisiwa yawa peraxa jubitha barapo jiwi, barapara xanepanaya exana. Tsipei barapo jiwi natsicuenta Nacomtha abe peexanaexaes. Daxota Nacom bara paca yabara cui copata xua painya patsinexa pia peitorobi nacua beicha tatsi, tsipei bichocono paatenem painya nejume cowantsixaem bapon.

<sup>6</sup> Pomonaes xua paca atene exana, bexa tsane Nacom xuya cana exanaena xua barapomonaes peraxa jubinchi. Barapara Nacom baxua beta exana pia abe pacata exanaexaes barapomonaes. <sup>7</sup> Nacom paca naffina capanenebiya exanaena xua paca yabara cui opi ducua exanaena xua ichamonae atene paca exana. Iru paxantha barichi tsane Nacom, xua poxonaes Jesús patopaetsica, pon jiwi Pecanamataxeinaein. Bapon Jesús baru patopeicaena pia matatsunpiwi, xua matatsunpiwi peayapuswatha patsicaena. Matautano Jesús muxuna patopeicaena pexeinya peitapanae coicha xua be isoto. <sup>8</sup> Jesús patopaetsica xua atene peexanaenexa jiwitha abe peexanaexaes pomonaes jopa yaputaeyo Nacom, penaitematsixaetsi. Matautano atene exanaeinchi



pomonae jopa jume cowantsiyo Jesús pia pecapanenebiyae jume diwesi tatsi, pon Wanacanamataxeinaein. <sup>9</sup> Barapo jiwi ataya tsitecaeya ajantucoyenetane tsane tsana penobixae tsainchi tajū beya xua bapon pon jiwi Pecanamataxeinaein pia xainya weya tatsi. Matautano barapo jiwi jopa tae tsane pon jiwi Pecanamataxeinaein pia pexeinya peitapanae coicha tatsi, xuano xua pia peayapusū itorobiwa tatsi xua bichocono pexeinya coyene. <sup>10</sup> Baxuan Nacom exanaena po matacabitha abū poxonae patopeicaena pon jiwi Pecanamataxeinaein, xua daxita piamonae pebarū cui itura jinaenexa tsainchi. Matautano bapon daxita piamonae nabenaecaeya wūnae jainchinchī pomonaē pejume cowantsiwichixaetsi. Paxam bara paichim tsane barapo matabitha painya nejume cowantsixaemxae po diwesi jume bayatha paca tsipaebatsi.

<sup>11</sup> Daxota ataya paca yabara wūqueibatsi Nacomtha. Pajan: “Nacom yawende barapomonaē xua jinompaena po coyeneya icha xua xam ichichipame poxonae wūn dubame barapomonaē xua penaexanaenexa jinyamonae. Matautano yawende barapomonaē pewetsinexa tsane jinya neayapusū itorobi coyenewatha po coyene xua wūnae, po coyene barapomonaē ichichipa xua peexanaewa. Matautano yawende barapomonaē pewetsinexa po penacuichiwa exana necajume cowantsixae”, pajan Nacomtha. <sup>12</sup> Icha beta pajinompame, jiwi wūnae jainchina Jesús, pon Wanacanamataxeinaein, painya nejume cowantsixae tsane bapontha. Matautano Jesús cana exana xua barapo jiwi wūnae paca jainchina painya paca cataexae tsane xua Nacom paca yawena, pia paca necaantobewaxae, xuano xua Jesucristo paca yawenarū pia paca necaantobewaxae pon jiwi Pecanamataxeinaein.

## 2

*Meje yabara xua equeicha patopaetsica pon jiwi Pecanamataxeinaein*

<sup>1</sup> Patamonae pam, anoxuae nama yabara bepaca tsipaebinchī xua Jesucristo, pon Wanacanamataxeinaein, equeicha pepatopaewa tsica. Matautano ichichipan yabara xua tapaca tsipaebiwatsi xua wanaca barū nacaetutsiwa bapon. Daxota jume daunweya paca tsipaebatsi baxua. <sup>2</sup> Icha ichamonae paca tsipaeba xua pinae anoxuae matabi jopa, po mataqueitha xua Jesucristo, pon jiwi Pecanamataxeinaein bayatha patopa, painya xoba bepijawa payabara najantū coyene cabenaecae-name xua daxota jopa beta pananta xeinaem. Jopa bichoina payabara jume cowantsinde bequein paebitha tsane xua pinae baxua barapomonaē tsipaebatsi Nacom pia Pejumope tūnaxū tatsi. Matautano painya xoba payabara jume cowantame bequein paebitha tsane xua pinae baraxua yabara paebandū. Matautano painya xoba payabara jume cowantame bequein paebitha tsane xua pinae barapomonaetha baraxua payabara tinandū. <sup>3</sup> Jopa pacopatsinde xua ichamonae yabara paca muxitoroba baxua bequein pinmonae paca tsipaebitha tsane baxua. Tsipei baxua pewūnaeya tsane xua poxonae barapo matabi jopaena, bewa matha patopaena xua po coyene jiwi Nacom naitematinchī. Bapoxonae pebin patopaena pon bichocono jopa juniya abe exanaeyo. Bapon apara pon Nacom weraweraca exana isototha po isototha bapana cuinaya jopa ataya tsitecaeya itacounayiyo. <sup>4</sup> Bapon Nacom abe yabara paebinchī. Bapon jopa tsita ainya cuiyo tsainchi

daxita pocotsiwa jiwi wunaē jainta. Matautano bapon jopa tsita ainya cuiyo tsainchi bequein po nacomun jiwi exana. Bapon pia coutha penacanataxeinaein naexana xua peewatsiwa daxita pocotsiwan Nacom piawa, xua pia wunaē jaintichi, xua jiwi wunaē jainchina. Matauta bapon ecaena Nacom pin pia botha xua pia coya Nacom najainta.

<sup>5</sup> ¡Bara baxuan yabara caena bayatha paca tsipaebatsiba poxonae cataunxuae paca baru popoinchi! ¿Bara pajuntemainame jampa? <sup>6</sup> Anoxuae paxam payabara yaputaneme po coyene xua peayapusu itorobi coyenewa bapon cui matawentatsi xua pepatopaewa. Saya beya jame patopaetsica poxonae barapo matabi tsane xua bapon copat-inchi xua pepatopaewa tsica tsane. <sup>7</sup> Pinmonae anoxuae bichocono abe exanapona. Saya waxainchi yabara yaputaeinchi baxua Nacom pia wanaca yaputane exanaexae wajume cowantsixae. Nama pomonae jopa jume cowantsiyo jopa yabara yaputaeyo baxua. Saya meisa acoibi xua pitinchi pon xeina barapo peayapusu itorobi coyenewa xua pecui matawentsiwatsi pontha pon bichocono abe peexanaein. <sup>8</sup> Saya bapoxonae naitatsina bapon pon bichocono abe peexanaein. Ichitha poxonae Jesús, pon jiwi Pecanamataxeinaein patopaetsica, bapon bexubina pon bichocono abe peexanaein bexubinchi poxonae ofutara-bina, xua ataya weraweraca pecana exanaenexa pexeinya peitupanae coicha peyawa naitatsiya patopeicaexae tsane. <sup>9</sup> Pewunaeya tsane xua poxonae Jesús bexubina pontha pon bichocono abe peexanaein, Satanás pon caurimonae pia pentacaponaein tatsi, bapontha catsina pia peayapusu itorobi coyenewa xua catinchi pon abe peexanaein. Bapon pon bichocono abe peexanaein bichocono peayapusuwa yawa patopaena. Matautano bapon daxita coyeneintha pexeinya petsita itubiwana exanaena peayapusuwatha xua jopa xaineyo xua jiwi pemuxujainyabinexatsi. <sup>10</sup> Bapon exanaena daxita peabe coyenewan xua daxita jiwi pemuxujainyabinexa tsainchi. Nacom exanaena xua barapo jiwi weraweracaena jopa peichichipaexae xua pejume cowantsiwa pexainyei jume diwesi po diwesi xua barapomonae pecapanenebiyaenexa tsainchi. <sup>11</sup> Daxita barapo coyeneinxae daxota Nacom bara saya yabara cui copata xua barapo jiwi bara muxujainyabinchi xua daxota jume cowantsina barapo penaerabi diwesi jume. <sup>12</sup> Pomonae jopa bejume cowantsiyo pexainyei diwesi jume barapomonae saya ichichipa nawita xua peabe coyenewan exana. Barapomonae Nacom caununaya itawetsina poxonae yabara paebina xua barapomonae Nacom tsita natsicuentatsi xua abe peexanaexae.

*Meje yabara pomonae Nacom itapeta pecapanenebiyaewa tsane*

<sup>13</sup> Patamonae pam, paxam pomonae pam pomonae paca antobe pon jiwi Pecanamataxeinaein. Paxan bewa daxita matabi pacata wunqueibinchi Nacomtha. Bewa pajan tsaibin tsane: “Nacom maisa pajuntu coyene weiweinan beta necajume cowantsixae Tesalónica tomarapiwi”, bewa pajan tsaibin tsane. Daxota baxua papaeban Nacomtha tsipei bayatha caena paca itapeta painya nepaca capanenebiyaenexa xua tsiwanaya poxonae aena Nacom forota barapo cae pin nacuathe. Nacom baxua exana pia peayapusuwatha po peayapusuwa pia Pejumope tana xua tatsi xeina ponxae paca juntu coyene xanepana exana Nacom nexa. Matautano baxua exana poxoruru painya nejume cowantsixae pexainyei diwesi jume. <sup>14</sup> Daxota Nacom

bayatha paca waba bapon painya nejume cowantsinexa poxonae paca cuidubatsi Nacom pia pecapanenebiyae diwesi jume. Daxotano paca waba xua Jesucristo pon Wanacanamataxeinaein painya nenabaru xeinaenexa pia pexeinya peitapanae coyenewan.

<sup>15</sup> Patamonae, daxota pajume cowanta dubenanaebiyama equeicha matowa. Painya xoba pajantemainame po pecuidubiwan xua ichamonae pana cuiduba xua xuya anoxuae yatsicaewa paca cuidubatsi, xua yawa cartano pacata tinatsi. <sup>16-17</sup> Nacom Waxa, pia wanaca antobexae naca yawena. Bapon ataya tsitecaeya naca matateica pia pexeinya juntu coyenewatha. Matautano Nacom naca cata xua wawanae ewatsiwa pocotsiwa xua bapon naca catapaeba, pocotsiwa xua wuna. Paca yabara paebatsi bapontha. Matautano paca yabara paebatsi Jesucristo pon Wanacanamataxeinaein. Pajan baponbetha: “Barabu payawenaenamebe Tesalónica tomarapiwi. Barabu pajuntu coyene cui tsacabinamebe barapomona. Matautano barabu juntu coyene jume cowantsiya ayapusya pacana exanaenamebe barapomonaetha, xua pia pepaebibinexa pocotsiwa wuna xuano pia peexaneibinexa pocotsiwa xanepana”, pajan baponbetha.

### 3

*Meje yabara poxonae Pablo namchi: “Painta Nacomtha wncare”, jei*

<sup>1</sup> Patamonae, paxam pomona pam pomonae iru painya nejume cowantsixae Nacom. Anoxuae paca tsipaebatsi pocotsiwa xua pawetan xua pata paca tsipaebiwatsi. Paca jeichi xua painta Nacomtha wncare xua xain pon jiwi Pecanamataxeinaein pejume diwesi tatsi awiya nainya tajw patsipaebaponaein daxita nacuantha. Matautano painta wncare xua xain ichaxota patsipaeban barapo diwesi daxita jiwi beta jume baru jejei peainya cui diwesixae, icha paichim poxonae pajume taneme barapo diwesi. <sup>2</sup> Matautano Nacom painta wncare xua xain Nacom jopa copatsiyo xua painta abe exana pomona bichocono ajuntucoyenebe. Tsipei jopa daxita jiwiyo pomona beta jume cowanta po diwesi patsipaeban. <sup>3</sup> Ichitha jame bara ita coxoinchi xua wajume cowantsiwa pon jiwi Pecanamataxeinaein tsipei bara bapon xainyeya naca yawena. Matautano bapon paca juntu ayapusya exanaena. Matautano bapon paca ita ararana xua abe paca exanaeyainwa pon bichocono abe peexaneibin. Paca yawenaena xua jopa painya neexanaenexa abe peexanae cuiru coyenewan. <sup>4</sup> Bara paca yabara jume cowantatsi xua bara bapon pon jiwi Pecanamataxeinaein paca yawena. Bapon paca yawenaena xua paexaname, xuano xua paexana dubenanaebiyaename pocotsiwan xua paca itorobatsi. <sup>5</sup> Barabu bapon pon jiwi Pecanamataxeinaein, paca yawenaena xua bichocono painya neyabara yaputaenexa Nacom pia paca antobe coyenewa tatsi. Matautano barabu paca yawenaena xua awiya antucoyenesya painya nejume cowanta dubenanaebiyaenexa tsane. Bapoxonae bequein ichamonae abe pacata exanaetha tsane jopa paaitaconaem tsane. Bara paichim tsane icha Cristo ichi xua poxonae jiwi barapocotsi coyene exana jopa aitaconaeyo.

*Meje yabara poxonae Pablo yabara paeba xua jiwi bewa nacuichina*

<sup>6</sup> Patamonae pam, paca itorobatsi tsipei Jesucristo Wanacanamataxeinaein pana cata pia peitorobi coyenewa. Painya xoba imoxoyo

pabarũ jinompame peafaetabi jiwĩ pomonae aichaxaibi nacuita, xua pomonae irũ pejume cowantsiwixae. Barapomonae jopa yabara jume cuiya exanaeyo po pecuidubi coyenein xua Jesucristo weya bayatha, xuano xua barapomonaetha pacuiduban. <sup>7</sup> Paxam payaputaneme, xua bewa xanepanaya betiya pajinompaem, icha bayatha paichin. Poxonae paca barũ jinompatsi jopa paacoyenefaetabinyo, apara panacuitan nawita. <sup>8</sup> Poxonae paxaiban painya xantha bara pentoma paexaneiban pexaewa nexa. Jopa amanaya panabaneibinyo. Jame apara daunweya panacuiteiban merawintha matakabinthano xua jopa daunweya pata pacata exanaewatsi tsainchi. Jopa panantawenonaem xua painta comocame pexaewa. <sup>9</sup> Bequein pana yabara cui copata xua pata paca wũcaewatsi pata neyawenaenexam tsane, ichitha bara pana netaneme xua pexaewa pana natsiũpain nacuitan, xua irũ bara painya neichinexarũ. <sup>10</sup> Tsipei poxonae paca barũ enatsi baxua yabara paca tsipaebatsi xua barapo peitorobiwe paca jeiche: “Pon jopa benacuichiyo bũ jopa xae tsane”, paca jeiche. <sup>11</sup> Ichamonae pana tsipaeba xua painyamonae jiwana yabara, xua pinae painyamonae jiwana jopa natsiũpain nacuichiyo pexaewa. Saya pinae dubenanaebiya. Barapomonae saya pinae ichamonae yabara yũyũjeichi. Barapomonae jopa pinae exanaeyo piawa. Saya pinae penabarũ yũyũjei poxonae ichamonae eneibatsi poxonae nacuiteiba. <sup>12</sup> Barapomonae pomonae saya dubenanaebiya, paitoroban pajanje: “Tsipei Jesucristo pana cata pia peitorobi coyenewa pon jiwĩ Pecanamataxeinaein, daxota pecono jumeyotha paca tsipaebatsi. Bara panacuire painya nenacuichiwa xua pexaewa painya natsiũpain nacuichinexa. Jopa ichamonae payabara nabarũ yũyũjande”, pajanje.

<sup>13</sup> Ichitha paxam patamonae pam, pomonae pam irũ pajume cowantame jopa paajũntũcoyenefaetabinde xua xanepanaya painya neexanaewam. Awiya xanepanaya paexanaponde. <sup>14</sup> Icha ichũn painyamonae jiwana jiton jopa exanaeyo pocotsiwa paca tsipaebiya tinatsi barapo cartathe barapo pebin pacui naitaeware painya necui yaputaenexa. Barapo pebin jopa pabarũ jinompaeinde, xain bapoxonae aura xua jopa peexanaexae xua barapo cartathe papaeban. <sup>15</sup> Ichitha jopa bapon pacana exanaeinde be pon painya nepaca caaitafaetabi jiton. Saya jame maisa pamuxuwere xua bapon maisa penacuichinexa. Mataũta maisa bapon patsipaebare icha paichim poxonae patsipaebame pontha pon pejume cowantsin.

*Meje yabara xua Pablo najume wetsiya paeba*

<sup>16</sup> Jesucristo pon jiwĩ Pecanamataxeinaein xua jũntema popona peyacuia jinaein, bũ bara barapo jũntema pejinompae coyene paca catsina daxita matakabin tsaibi poxonae bequein ichamonae abe pacata exaneiba. Barabũ bapon pon jiwĩ Pecanamataxeinaeinxae daxita paxam paca barũ jinompaena.

<sup>17</sup> Xan Pablon saya meisa barapo couye tacoutha bara tinan, po jumeyo xua paca jacobatsi. Baxua tsita itapeinya xeinan xua barapo carte apara bara tacarta. Daxita tacartantha barapo jume couxi wetsiya tineiban icha barapo carte ichi. <sup>18</sup> Pon Wanacanamataxeinaein, Jesucristo, barabũ daxita paxam bichocono paca yawenaena pia paca antobexae.

Baja Pablo, irũ Silvano, irũ Timoteono ponbe necueyatabe.

## Meje Po Carte Copiya Pablo Tatina, Timoteo Tatinatsi

*Meje yabara poxonae Pablo tamropata pitaba xua tatina, Timoteo tatinatsi*

<sup>1</sup>Jaco Timoteo. Xan, Pablon, Jesucristo pia peitorobi jiwi jiwana tatsin. Nacom pon Wanacacapanenebiyaein neitoroba. Matautano Jesucristo, pon Pecanamataxeinaein jiwi, pon wanae ewatatsi iruru neitoroba. <sup>2</sup>Timoteo, xam cata tinatsi barapo carte, xam bara xaniwaicha be taxantom canatsicotainchi, tsipei cayawenatsi xua nejume cowantsiwa Nacom. Ichichipan xua Nacom pon Waxa, iru Cristo Jesús, pon Wanacanamataxeinaein, baponbe bara amanaya cayawenaena pia necaantobexaebe. Matautano ichichipan xua baponbe nantanuweya cayabara nanta xeinaenabe pia necayawenaenexabe. Matautano ichichipan xua jantema popona jinya necaxanaenexabe.

*Meje yabara xua Pablo yabara muxuweta pomona abeya pecuidubiwi pia pecuidubi coyenewa tatsi pecuiyainwa*

<sup>3</sup>Poxonae matha cain muxu taponae Macedonia nacua beya, bapoxonae jume daunweya cajeichi, janje: “Ecare Efeso tomaratha jinya necui itorobinexa tsane pomona abeya pecuidubiwi pia pecuidubi coyenewatha. Barapomona seicayiia cuiduba ichi be jopa paxan ichiyo pomona Jesucristo pia peitorobi jiwi tatsi panxaein. Itorobare xua barapomona jopa cuidubi tsane ichamonaetha barapo coyene po coyene xua jopa xainyeyo. <sup>4</sup>Matautano barapomona jopa bewa juntu coyene enae tsainchi po diwesin xua pia pamo susato jiwi tatsi paeba po diwesin xua pejemai diwesin, matautano po ayei diwesinno, xua pia pamo susato jiwi tatsi yabara”, cajeichi. Barapo diwesin saya jiwi najume matsontsonoba exana. Barapo diwesin jopa naca yawenaeyo xua beta wacanamataxeinaewa Nacom piamona wajume cowantsixae Nacom.

<sup>5</sup>Xua tapaebixae xua barapo peitorobi coyenewatha paeba apara xua daxita jiwi nantiya caemona penaantobenexa tsane. Barapo peantobe coyenewa jiwi pia juntu coyene wetsina pona poxonae pia juntu coyenein xanepana xua jopa xeinaeyo peabe coyenewa yawa poxonae barapo jiwi pia coutha najuntu coyene tsipaeba xua jopa peexanaenexa peabe coyenewa Nacomtha. Yawa barapo peantobewa jiwi pia juntu coyene wetsina pona poxonae barapo jiwi xaniwaicha jume cowanta Nacomtha. <sup>6</sup>Ichamona jopa xeinaeyo barapo peantobe coyenewa poxoru jume itaweta, matautano poxoru najuntu coyene eena exana penajume matsontsonobi diwesin. <sup>7</sup>Barapomona ichichipa becuibina Nacom pia peitorobi diwesi jume. Bequein barapomona baxua exana, ichitha jopa beta exanaeyo tsipei jopa yabara yaputaeyo Nacom pia peitorobi diwesi jume. Matautano barapomona jopa yabara yaputaeyo po coyeneya xua atsaquiya yabara cuiduba ichamona Moisés pia peitorobi diwesi jume.

<sup>8</sup>Bara yaputainchi xua Moisés pia peitorobi diwesi wanae jiwi nexa, icha po jiwi cuiduba barapo diwesi, bara xaniwaicha cuiduba icha be pocotsi coyeneya xua Nacom ichichipa. <sup>9-10</sup>Waxainchi matautano

yaputainchi xua Nacom pia peitorobi diwesi jume jopa barapomonaе nexiyo pomonaе bayatha pejuntũ coyene xeicaewi tsipei daxita coyenein ba beta peexanaewi. Jame barapo Nacom pia peitorobi jume, barapomonaе nexa pomonaе meje: pomonaе jopa exanaeyo pocotsiwa Nacom pia peitorobi diwesi jumetha itoroba; pomonaе jopa jume cowantsiyo Nacom; pomonaе jopa ichipaeyo Nacom; pomonaе abe peexanaewi; pomonaе jopa juntũ coyene xanepanaeyo Nacomtha; pomonaе aichaxaibi Nacom pia peitorobi diwesi jume; pomonaе pia paxeiwi pebewi; pomonaе pia pena jiwi pebewi; pomonaе jiwi pejutebiwi; pomonaе penata siwa xeinaewi yabaxitha xua jopa piseuri jiwi; pomonaе cae pebiwi penaisamaichi jiwi xua be yabaxi penatsicotae jiwi; pomonaе paratixi xeineiba xua ichamonaе pejiwana noteibixaetsi poxonaе equeicha caewa pejiwana canawibeibixaetsi; pomonaе jiwi pemuxitorobiwi; pomonaе naerabiya jume daunweya paeba xua ichamonaе naerabiya peyabara paebiwatsi. Barapo peitorobi jume irũũ barapomonaе nexa daxita pomonaе seicayiya yabara jume toxeinchiya exana po coyene xua Jesucristo pia pexeinya pecuidubi coyenewa. <sup>11</sup> Barapo pexeinya pecuidubi coyenewa, bara najume jupabe Nacom pia pexeinya jume diwesi tatsi, po diwesi yabara po coyene xua Nacom bara bichocono pexanepanaein, xuano bichocono pejuntũ coyene weiweinaein. Barapo diwesibe Nacom itoroba xua tacueicueijejewa tsane.

*Meje yabara poxonaе Pablo juntũ coyene weiweina Jesucristotha*

<sup>12</sup> “Juntũ coyene weiweinan tanecatsixaemxae peantũyapusũwa”, jan Jesucristotha, pon Wanacanamataxeinaein. Bapon necata peantũyapusũwa tacueicueijejewa tsane jiwitha Nacom pia Pexeinya jume diwesi tatsi. Bapon neyabara nanta xeina xua bara beta jume cowantan, daxota necana exana xua xan pia petanacuichin tatsin. <sup>13</sup> Bapon baxua inta exana bequein bara bayatha bapon abeya yabara paeban. Mataũtano bapon piamonaetha tatsi abeya tacana exanan. Mataũtano abeya tayabara paeban barapo pijimonae tatsitha pomonaetha pomonaе pia pejume cowantsi jiwixaetsi. Ichitha Nacom nantanuweya neyabara nanta xeina pia tana neyawenaenexa, tsipei bapoxonaе jopa jume cowantsinyo Jesucristo poxonaе abe exanan. Mataũtano jopa yaputaeyo pocotsiwa xua bayatha exanan. <sup>14</sup> Daxota Nacom pon Wanacanamataxeinaein bichocono amanaya neyawena taneantobexae. Nacom nejuntũ coyene yũca exana po pejume cowantsiwa xuano xua po peantobewa tsita xeinatsi Cristo Jesús.

<sup>15</sup> Cristo Jesús patopeica po cae pin nacuathe tsique pecapanenebiyaenexa tsainchi pomonaе abe peexanaе jiwi, xua capanenebiyatsi abe pia peexanaе cuiru coyenein weya. Pomonaе abe peexanaе jiwi barapomonaе jiwanan xua bichocono abe taexanaein beyacaincha barapomonaе poxonaе abe exana. Baxuan apara xainyei pocotsiwa xua yabara paeban. Jiwi bewa jume cowantsina baxuan. <sup>16</sup> Bequein bichocono abe taexanaein, daichitha Nacom nantanuweya neyabara nanta xeina pia tana neyawenaewa tsane. Tsipei xan pon Jesucristo nenaitata exana jiwitha, xua bayatha tana necui yabara ewatsixae xua tajume cowantsiwa tsane Jesucristotha xua poxonaе jopa aitaconaeyo. Daxota ichamonaе poxonaе netaena Nacom exanaena xua barapomonaе Jesucristo pejume cowantsiwa tsainchi, pexeinaenexa peantũyapusũwa po peantũyapusũwa xua ataya tsiteca. <sup>17</sup> Nacom,

wɔnae paca jaintatsi: “¡Xam Nacom pon ataya jiwi itorobiya pepa Neewatsin! ¡Xam Nacom pon bapana jopa tɔpaem tsane! ¡Xam pon xua jiwi jopa itacɔpaetsi xua necataewa! ¡Xam yatsicaewa compam pepa Nacomɔm! ¡Ataya paca tsita barɔ cui itura jinatsi! ¡Barabɔ ataya jiwi wɔnae cajainchina! Je bara ichi tsane”, paca jeichi Nacom.

<sup>18-19</sup> Xam, Timoteom, bara xaniwaicha be taxantom canatsicotainchi. Caitorobatsi ichi be pocotsi coyeneya bayatha Nacom pia peitorobi jume pepaebiwi caitoroba poxonae cayabara tsiwɔnae muxu duta xua bexa cuidubiname jiwitha Nacom pia pexeinya jume diwesi. Xan caitorobatsi icha be pocotsi coyeneya bayatha barapomonaе caitoroba. Cajeichi: Jume daunweya antɔyapɔsɔya beta exande Nacom pia petanacuichiwa tatsi. Poxonaе baxua exaname, beta jume cowɔntsiya exande, yawa pexeyina jɔntɔ coyene xeinare po jɔntɔ coyene xua xainyeya natsipaebame, xua jopa abe exanaem Nacomtha, cajeichi. Ichamonaе bequein beta natsipaeba pijɔntɔ coyeneintha, ichitha barapomonaе najɔntɔ coyene barapenta po coyene Jesucristo pejume cowɔntsiwatsi tsipei jopa jume cowɔntsiyo pocotsiwa pia jɔntɔ coyene tsiapaebatsi. <sup>20</sup> Barapocotsi coyene Himeneo exana irurɔ Alejandro exanarɔ. Baponbe caenaetanbe pon caurimonaе pia pentacaponaeintha tatsi pon Satanás beya poxonaе baraponbe nacuidubinabe xua jopa bewa abe yabara paebi tsanebe Nacomtha.

## 2

*Meje yabara xua Pablo yabara cuiduba po coyene xua Nacomtha petsipaebiwa*

<sup>1</sup> Copiya caitorobatsi baxuanje xua exanaename: Nacomtha tsiapaebare daxita jiwi nexa; Nacomtha wɔcare xua Nacom peyawenaenexa daxita jiwi; yawa jande Nacomtha: “Nacom, maisa jɔntɔ coyene weiweinana xua daxita xanepanaya jinya netaexanaewam jiwi”, jande. <sup>2</sup> Bewa Nacomtha tawɔcaename daxita nacua peewatsiwimonaе. Mataɔtano bewa Nacomtha tawɔcaename daxita pentacaponaeuwimonaе. Baxua bewa exanaename xua jɔntema beta wajume cowɔnta dubenanaebiyaenexa Nacomtha, yawa jɔntema wajinompaenexa jiwi peitatha. Barapo jɔntema wajinompaewa bara bewa Nacom tsita xeinaeinchi barapo coyene, yawa bara jiwi xaniwaicha naca cui tane xua bara beta xaniwaicha jinompatsi daxita carepaya coyene cuintha. <sup>3</sup> Barapo coyenein jame Nacom tsita wɔnaetsi pon Wanacapanenebiyaеin. <sup>4</sup> Nacom bichocono ichipa xua daxita jiwi pecapanenebiwa tsainchi abe pia peexanae cuiru coyenein weya. Mataɔtano Nacom ichichipa xua jiwi yaputaena pocotsiwa xua pexainyei coyenewa. <sup>5</sup> Meisa compa Nacom pon pepa Nacom, bapon meisa popona. Barichi saya meisa caein pon itacɔpatsi xua jiwi yabara jume yawenatsi Nacomtha, apara barapon Jesucristo. <sup>6</sup> Jesucristo copata xua bara naetotha tsitapa xua daxita jiwi yantomatatsi xua jiwi pecapanenebiyaenexa tsainchi abe pia peexanae cuiru coyenein weya tatsi. Poxonaе Jesús tɔpa naetotha, baxua tsita itapeinya xeina xua Nacom Pexanto itoroba po mataqueitha Nacom peichichipaexae xua daxita jiwi pecapanenebiwa tsainchi. <sup>7</sup> Daxota Nacom newan duta, jeye: “Bapon apara pon tajume diwesi pecaponaеin yawa bapon taitorobi jiwi jiwanapin”, jei Nacom. Bara xaniyeya paeban, jopa naerabinyo.

Daxota Nacom neitoroba tacuidubinexa pomonaetha pomonae jopa judiomonae naexanaeyo xua Nacomtha bewa namaxu yoichaena xua yatsicaewa pexeinaexae tsane pejuntu coyene xanepanaewa. Matautano jopa bewa yajuntu coyeneya paebi tsane xua peita aenae-aeneiwa ichantha. Matautano jopa bewa yajuntu coyeneya paebi tsane xua penajume matsontsonobi coyenewa. <sup>9</sup> Ichichipan xua yabuxi nama xatabina pocotsi paparuwa be conotha wnae. Saya uuranaya jinompaena xua bichocono jopa atsaqui tsane xua pebaru yuyjeiwa pebiwitha. Jopa bichocono wnaeya nantana fabi tsane. Jopa bichocono nantana pepena exanae tsane pocotsiwatha xua bichocono ainya matoman, pocotsiwa pewan oro, matautano pocotsiwa pewan perlan. Matautano jopa namaxatabi tsane pocotsi paparuwa bichocono ainya matoma. <sup>10</sup> Jame yabuxi bewa exanaena pocotsiwa jiwi tsita coyene xanepanatsi, xua pocotsi coyene jiwi yawenatsi. Baxuan jame bichocono wnae xua yabuxi exana, po yabuxi xaniwaicha jume cowantsiya jinompa xua Nacom pejume cowantsiwatsi. <sup>11</sup> Yabuxi bewa saya moya jume nitaewatsiya jume taena pocotsiwa xua nacuiduba. Saya bewa moya jume jejei tsane. <sup>12</sup> Tsipei yabuxi jopa copatsinyo xua cuidubina Nacom Pejume Diwesi pin bicheito itabaratha. Matautano jopa copatsinyo xua yabuxi pentacaponaei penaexanaewa tsane pebiwi nexa. Jame bewa yabuxi saya moya enaena poxonae pejume cowantsiwi nacaetuta xua Nacom wnae pejainchinexatsi. <sup>13</sup> Tsipei Nacom copiya exana pebin pon pewan Adán, baroxonae yabuyo exainchi powa pewan Eva. <sup>14</sup> Caena bayatha Adán jopa muxujainyabichi pon caurimonae pia pentacaponaein tatsi xua abe peexanaewa tsane. Apará jame barowa Eva muxujainyabatsi, daxota barowa abe exana. <sup>15</sup> Bequein yabuyo atene poxonae tanaexanatsi pexuyo, ichitha Nacom capanepaena barowa icha barowa jume cowantsiya poponaena Nacomtha, yawa icha antobeya poponaena, yawa icha betiya poponaena xua yatsicaewa Nacom nexa, yawa icha ita uuranaya poponaena Nacomtha.

### 3

*Meje yabara xua bewa exanaena pomonae pecanamataxeinaewi pejume cowantsiwi*

<sup>1</sup> Baraxua bara xainyei xua paca tsipaebatsi. Icha pebin ichichipa naexanaena xua pomonae Nacom pejume cowantsiwichi pecanamataxeinaewatsi, bara baxua bara xanepana. <sup>2</sup> Daxota pon pomonae Nacom pejume cowantsiwi canamataxeinatsi, bapon bewa xanepanaya beta poponaena xua bapon jopa abe peyabara paebinexa tsainchi ichamonae. Bapon bewa saya cae piseuri baru jijinaena. Matautano bapon jopa bewa bichocono apae tsane xua vino mera pia beta penanta xeinaenexa. Bapon bewa beta nayaputane exanaena, xua daxota xanepanaya peexanaewa tsane, xua baroxonae ichamonae bapon xanepanaya peyabara nanta xeinaewa tsainchi. Bapon bewa matenta weiweinaya wabeibina pomonae petapateibeibixaetsi pia botha. Bapon ba pia cui xeina xua beta cuidubina ichamonaetha. <sup>3</sup> Bapon jopa bewa nacupa exanae tsane peatsaxae mera. Yawano jopa bewa bapon



naba exanae tsane, saya jame bewa jantema poponaena. Bapon jopa bewa najume matsontsonoba exanae tsane. Yawano bapon jopa bewa pitaparaxixichi xua paraxixi peasiwiwa. <sup>4</sup> Bapon bewa beta itorobiya canamataxeinaena pia bomonae matabuxnyo. Matautano bapon bewa pia pexui jume naitawatchi poxonae itorobeiba pia pexui. Yawa pia pexui bewa tsita xeinaetsi pebaru itura jinae coyenewa. <sup>5</sup> Icha barapocotsi jiton ita coxanatsi xua beta itorobiya canamataxeina pia bomonae matabuxnyo, bapon nexata jopa itacupaetsi xua canamataxeina Nacom nexa pomonae Nacom pejume cowantsiwixaetsi. <sup>6</sup> Pebin jopa bewa naexanae tsane xua pomonae Nacom pejume cowantsiwichi pecanamataxeinaewatsi poxonae cataunxuae abu pena pejume cowantsin Jesucristo. Icha bapon pena pejume cowantsin tsipae Jesucristo, metha bapon aebichipa nawita jiwitha, bapoxona Nacom cana exanaetsipa bapontha, icha be pocotsi coyeneya ichi poxona caurimonae pia pentacaponaein tatsi itawetatsi, xua Nacom itaweta pia nacua weya, xua Nacom peabixaetsi. <sup>7</sup> Matautano bapon bewa beta poponaena, xua pomonae jopa pejume cowantsiwi Nacom bapon beta peyabara nanta xeinaenexa tsainchi. Icha bapon jopa beta poponae tsane, bapoxona jiji abeya yabara paebina, bapon abeya yabara paebinchi. Yawano metha bapon exanaetsipa pocotsiwa caurimonae pia pentacaponaein tatsi cui jujata xua po cui coyeneyatha bapon peexanaenexa.

*Meje yabara pomonae jiji peyawenaewi pomonaetha pomonae pejume cowantsiwi*

<sup>8</sup> Barichiru pomonae jiji peyawenaewi pomonaetha pomonae pejume cowantsiwi, xua peyawenaewi peatenewitha, xua muxunano peapatsiwano peacopeibiwitha, barapomonae bewa beta jinompae, xua jiji pebaru cui itura jinaenexa barapomonaetha. Matautano barapomonae jopa bewa icha caununaya paebi tsane. Jopa barapomonae nacupa exanae tsane peatsaxae meran. Matautano jopa bewa pitaparaxixichi tsane xua paraxixi peasiwiwa. <sup>9</sup> Barapomonae bewa beta jume cowantsi Jesucristo po coyene xua Nacom yabara tsita itata xua wajume cowantsiwa, yawano barapomonae bewa muxuna xeinae po jantu coyenetha beta xaniwaicha natsipaebatsi xua jopa abe exanaetsi Nacomtha. <sup>10</sup> Bara matha bu ichamonae cui jujatsina barapomonaetha icha beta xaniwaicha jinompa yawa icha ichamonae jopa abeya yabara paebiyu barapomonaetha. Bapoxona barapomonae cana exanaeinchi pomonae jiji peyawenaewi pomonaetha pomonae pejume cowantsiwi, xua peyawenaewi peatenewitha, xua muxunano peapatsiwano peacopeibiwitha. <sup>11</sup> Barichi yabuxi bewa beta jinompaena xua barapowaxi pebaru cui itura jinaewa tsainchi jiji. Jopa bewa bapowaxi abe yabara paebi tsane ichamonaetha, xua ichamonae abe peexanaexae. Matautano bapowaxi jopa bewa bichocono apae tsane vino meran. Matautano bapowaxi bewa beta jinompae, xua ichamonae peyabara jume cowantsiya nanta xeinaenexa xua pocotsiwa bapowaxi daxitan exana pocotsiwan bayatha exanapaebeiba. <sup>12</sup> Barapocotsi jiji jiwana jiton pomonae peyawenaewi pomonaetha pomonae pejume cowantsiwi, bapon bewa saya cae piseuri baru jijinaena. Matautano bapon bewa beta itorobiya canamataxeinaena pomonae pia bomonae matabuxnyo xua daxota bewa beta itorobiya canamataxeinaena pia pexui. <sup>13</sup> Tsipei barapocotsi jiji pomonae peyawenaewi pomonaetha

pomonaē pejume cowantsiwi poxonaē barapomonaē beta exana pia petanacuichiwa, bapoxonaē ichamonaē barapomonaē w̄naē jaintatsi beta pia petanacuichiwaxae. Matautano barapomonaē ichamonaetha cui tsacatsacapiya yabara paeba xua pia pejume cowantsiwa xua Cristo Jesúś pejume cowantsiwatsi.

*Meje yabara po coyene xua naituta xua po coyene copiya moya peyaw̄n xeinaewa po coyene xua wajume cowantsiwa*

<sup>14-15</sup> Bequein ichichipan xua methaunxuae cataeinchi, daichitha daxota cata tinatsi xua icha pirapaeyo tapatopaewa tsane, bapoxonaē yaputaename po coyene xua jiwi bewa exanaena. Barapo coyene beta xanepanaya penabar̄u jinompae coyenewa Nacom peitabaratha tatsi, pomonaē Nacom piamonaē tatsi. Aparā yabara paeban pomonaē Nacom piamonaē tatsi, pomonaē Jesucristo pejume cowantsiwichi, pomonaē nacaetuta xua Nacom w̄naē pejainchiwa tsainchi, po Nacom ataya as̄u pepoponaēin. Barapomonaē jajunt̄u coyeneya jinompa Nacom pia pexainyei coyenewa tatsi. Matautano barapomonaē yabara jume yawena Nacom pia pexainyei jume diwesi poxonaē ichamonaē abeya yabara paeba barapo pexainyei jume diwesi. <sup>16</sup> Waxainchi pae-batsi jeichichi: “Pocotsiwa jume cowantatsi Jesucristo, maisa bichocono xanepana bara be po coyenewa xua moya peyaw̄n xeinaewa, po coyenewa jiwi jopa yaputaeyo”, jeichichi. Wayabara jume cowantsiwa baxua meje:

Nacom naexana be jiton pia junt̄u coyeneya tatsi, xua barapara bapon Cristo.

Nacom pia Pejumope t̄nax̄u tatsi yabara paeba, xua bapon yabara pae-batsi, xua bara bapon yatsicaewa bara Nacom.

Ir̄u matatsunpiwi tane, xua bapon tainchi.

Bapon yabara cueicueijeichi jiwi yabara cueicueijeiji daxita nacuanpiwitha.

Daxita nacuanpiwi jiwanamonaē, bapon yabara jume cowantatsi.

Yawano equeicha bapon peitaboco becaichatsi.

## 4

*Meje yabara xua pomonaē naerabiya pecuidubi jiwi pomonaē seicayiya cuiduba xua ichi be jopa paxan ichiyo*

<sup>1</sup> Nacom pia Pejumope t̄nax̄u tatsi beta xaniwaichiya jeye xua poxonaē po dapaē tab̄u ducuaena xua poxonaē po dapaetha Nacom daxita wetsina, bapoxonaē pomonaē pejume cowantsi jiwi jiwana Nacom pentinchi xua Nacom pejume cowantsiwatsi. Yawa barapomonaē napuna ponaena caurimonaē po caurimonaē jiwi muxuitorobiya muxujainyabatsi. Matautano barapomonaē exanaponaena po pecuidubiwa caurimonaē pia pecuidubiwa tatsi. <sup>2</sup> Matautano barapomonaē jume naitaewatsiya jume taena pocotsiwa paeba pomonaē jiwi pemuxuitorobi jiwi. Barapo pemuxuitorobi jiwi cui nacopata xua bara abe exana nawita, po pejunt̄u coyenetha xanepanaya natsipaeba poxonaē abe exana. Daxota barapomonaē jopa yaputaeyo po junt̄u coyene xanepana. <sup>3</sup> Barapomonaē pomonaē pemuxuitorobi jiwi, jiwi cui matawentatsi xua jitha peenaewa. Matautano jiwi jain matawentatsi xua jopa xae

tsane icha penabanaewan, bequein taetha xua barapo penabanaewan Nacom tsijain exana jiwi. Pomonae pejume cowantsiwi xuan pomonae peyaputaewi Nacom pia pexainyei coyenewa tatsi, poxonae barapomonae najume weteiba xua natsijain jacobeiba Nacomtha, jei tsaibi: “Nacom maisa juntu coyene weiweinan xua tana necatsiwaxaem pexaewa”, jei tsaibi, bapoxonae barapomonae bara xane barapo penabanaewan. <sup>4</sup> Daxita xua pocotsiwan Nacom forota baxuan wanae. Jopa bewa naitematsi tsainchi pocotsiwa xua Nacom naca cata. Saya jame bewa noteibichi, yawano bewa Nacom natsijain jacobeibichi xua jei tsaibichi: “Maisa Nacom juntu coyene weiweinan xua tana necatsiwaxaem pexaewa”, xua jei tsaibi tsainchi. <sup>5</sup> Nacom naca tsijain betsina barapo penabanaewan, matha wayorobixae Nacom Pejume Diwesi, yawa wanatsijain jacobeibixae Nacomtha xua jei tsaibichi: “Nacom maisa juntu coyene weiweinan xua tana necatsiwaxaem pexaewa”, wajei tsaibixaetsi.

*Meje yabara xua pon Jesucristo beta tanacuitatsi*

<sup>6</sup> Daxita barapo coyenein xuaunxuae catsipaebatsi, icha barapo coyenein tsipaebiya cuidubame ichamonaetha pomonae iru pejume cowantsi jiwi Cristo, bapoxonae xam pon beta netanacuichim tsane Jesucristo. Bapoxonae ichamonae cacui taena xua xam bara bichocono jinya coutha jume cowanta na-eexanaponame, yawano xua neexanaexaeno pocotsiwan cacuidubatsi po pecuidubiwa bichocono pexeinya coyene. <sup>7</sup> Jume naitemare po diwesi xua saya jiwi cueicueijei xua jopa Nacom pia diwesiyo tatsi, po diwesi xua pejemai diwesi xua jopa xapain wanaeyo. Jinya coutha nacuidubare, xua nenajuntu coyene cana exanaenexam tsane icha be Nacom pia juntu coyene ichi. <sup>8</sup> Bequein penacui jujutsiwa xanepana xua pepon daunwei penaexanaenexa, ichitha jame xua penajuntu coyene xanepana exanaewa Nacomtha, baxua jame bichocono xanepana beyacaincha xua penacui jujutsiwa. Tsipei barapo penajuntu coyene xanepana exanaewa Nacomtha naca yawena anoxuae poxonae cataunxuae awiya jinompatsi po cae pin nacuathe, yawa xua bexa tsaneno naca yawenaena Nacom pia nacuatheicha. <sup>9</sup> Baraxua yatsicaya apara xainyei. Daxota daxita jiwi bewa yabara jume cowantsina po coyene xua penajuntu coyene xanepana exanaewa Nacomtha. <sup>10</sup> Barapocotsi coyene waxainchi ajuntayapusya daunweya exanatsi. Ichamonae naca atene exaneiba xua poxonae abe naca yabara paebeiba, tsipei waxainchi jume cowantsiya wanae ewatatsi Nacom, pon ataya pepoponaein. Barapon Nacom ichichipa xua daxita jiwi pecapanenebiwa tsainchi abe pia peexanae cuiru coyenein weya tatsi. Bapon jiwi Pecapanenebiyaein abe pia peexanae cuiru coyene weya tatsi xua pomonae pia pejume cowantsi jiwixaetsi.

<sup>11</sup> Barapo coyenein bewa ichamonae cui itorobiname, xua necuidubiwam pocotsiwa barapomonae peexanaewa tsane. <sup>12</sup> Jopa jume naitaewatsinde xua ichamonae cayabara paeba xua poxonae jopa cabaru cui itura jinaeyo xua poxoru nepewowixaem. Jame bewa beta exanaponae xua necacui taeponaenexa pomonae pejume cowantsiwi Jesucristo. Xua barapomonae tsita exaname, xua iru barapocotsi coyeneya peexanaenexaru. Beta cueicueijande, matautano beta poponde, yawa matautano antobe tsurucuaebiyama jiwi xua ichamonae necacui taenexa. Yawa matauta beta poponde xua bichocono jume cowantame

Jesucristo xua ichamonae necacui taenexa. Yawa beta poponde xua nejũntũ coyene bichocono xanepana Nacomtha xua ichamonae necacui taenexa. <sup>13</sup> Poxonae cataunxuae jopa patopaein tsane, jiwi peitabaratha yorobeibare Nacom pia pexeinya jume diwesi tatsi. Barapo diwesi yabara cueicueijande, mataũtano cuidubareno pomonae pejume cowũntsiwi Jesucristo. <sup>14</sup> Caena bayatha pitiri jiwi, po pitiri jiwi pejume cowũntsiwi jiwanamonae, canta jayabiya caitoroba xua necueicueijeiba tsane Nacom pia pexeinya jume diwesi tatsi. Barapo pitiri jiwi canta jayaba Nacom peitorobixae. Barompaya jinya neexanae coyenewatha jopa yabara toxeinchiya exanaeinde po cui coyenewa Nacom bayatha cacata poxonae barapo pitiri jiwi canta jayaba, po cui coyeneyatha neexanaewa tsane pocotsiwa Nacom ichichipa.

<sup>15</sup> Daxita barapo coyenein naitematsiya eexanaponde xua ichamonae necacui taenexa xua bara xanepanaya jume cocowũntaponame. <sup>16</sup> Dotam xua nejũntũ coyenewa cananta xeiname. Mataũtano dotam xua pocotsiwa necuidubiwam. Awiya beta ajũntũyapũsũya jume cowũnta ducuanabiyama. Icha baxua exanaename jinya coutha nacapanepa exanaename xua Nacom cacapanepaena petũpae cuiru coyene weya. Iru barichim tsane capanenebiya exanaename xua Nacom capanenebiyaena pomonae necajume naitaewatsiwi.

## 5

*Meje yabara xua pocotsiwa Timoteo bewa cuidubina pomonae Jesucristo pejume cowũntsiwichi*

<sup>1</sup> Jopa jume itawetsinde pon pitirin. Jame saya bewayo muxuwere icha be ichim xua poxonae axa bewayo muxuwetame. Barichinde pewowi saya bewayo muxuwere icha be ichim xua poxonae eweicho jiwi saya bewayo muxuwetame. <sup>2</sup> Pitiriwaxi saya bewayo cuidubare icha be ichim xua poxonae ena saya bewayo cuidubame. Mataũtano saya bewayo cuidubare penawaxi icha be ichim xua poxonae amcho jiwi saya bewayo cuidubame xua tsita auram. Jũntũ coyene xanepanaya yabara nanta xeinare barapowaxi, xua jopa abe neexanaewam.

<sup>3</sup> Nacom piamonae, pomonae pejume cowũntsiwi, barapomonae bewa yawenaena powaxi pecuenta werapaewaxichi piseuriwi, saya jame poxonae barapowaxi jopa xeinaeyo piamonae tatsi, pomonae peyawenaewichi. <sup>4</sup> Icha ichawayo powayo pecuenta tũpaewayotsi piseuri, icha bapowa pipexui xeina yawa ichacuitha icha xeina pia pemomo jiwi, barapomonae bewa yawenaena barapowatha. Barapomonae copiya bewa nacuidubina xua Nacom cui itoroba xua bewa ba tsita baru cui itura jinaena bapowatha. Barapo coyene tsita exaneibina xua poxonae yaweneibina bapowatha. Barapomonae bewa yawenaena bapowatha xua bapowa piamonaexae tatsi. Bapoxonae bapowa jopa nantawenonae tsane xua ichamonae bapowa peyawenaewatsi. Barapomonae bewa antobeya apatsina xua bapowa antobeya apatsinchi be pentoma xua caena bayatha copiya pia peantobeya apatsixaetsi poxonae pexui. Jame barapo coyene Nacom tsita coyene xanepanatsi, mataũtano barapo coyene Nacom jũntũ coyene weiweina exanatsi. <sup>5</sup> Powa bara xaniwaicha pecuenta tũpaewayotsi piseuri, powa xaniwaicha compa, powa jopa xeinaeyo piamonae matabũxũ pomonae peyawenaewichi, bapowa jume cowũntsiya wũnae ewata xua Nacom

yawenaena xua bapowa yawenaeinchi. Pebaxuanexa tsane bapowa w<sub>h</sub>queiba Nacomtha merawintha, yawa maticabintha. <sup>6</sup> Ichitha nama powa pecuenta t<sub>h</sub>paewayotsi piseuri, powa saya pia coutha nayabara nanta xeina nawita xua penasiwaimeinchiwa pebiwitha, bapowa saya jopa nanta xeinaeyo xua jume cow<sub>h</sub>ntsiya w<sub>h</sub>nae ewatsina Nacomtha, xua peyawenaewa tsainchi. Daxota bapowa pia j<sub>h</sub>nt<sub>h</sub> coyene tatsi be t<sub>h</sub>pa, xua Nacom be tsita t<sub>h</sub>patsi bara bequein bapowa popona. <sup>7</sup> Daxota xua ichamona jopa abeya peyabara paebinexa pomonaetha pomona pejume cow<sub>h</sub>ntsiwi, cuidubare barapo peyawenaeyo coyenewa barapomonaetha pomona pejume cow<sub>h</sub>ntsiwi. <sup>8</sup> Meje xua pocotsiwe baxue: Icha pon jopa yabara nanta xeinaeyo xua piamona peyawenaewa tsane, bapon apara bara exana be poxonae jopa jume cow<sub>h</sub>ntsiyo. Bapon apara bichocono aj<sub>h</sub>nt<sub>h</sub>coyenyapubeya exana, beyacaincha pon jopa jume cow<sub>h</sub>ntsiyo, pon daichitha piamonaeyawena.

<sup>9-10</sup> Barapo paperatha, po paperatha ichaxota saya w<sub>h</sub>n dubatsi powaxi pecuenta werapaewaxichi piseuriwi, barapo paperatha w<sub>h</sub>n tinadubare. Saya w<sub>h</sub>n tinadubare powaxi xua beyacaincha sesenta po weibe xeina, powaxi xua caena bayatha cae pebintha cuicuina, matautano w<sub>h</sub>n tinare powaxi xua ichamonaeyabara paeba xua pinae bapowaxi xanapanaya exana. Pocotsi coyenein xua poxonae barapowaxi xua xanapanaya exana baxue meje: Bapowaxi beta wichita pia pexui; yawa bapowaxi beta matenta weiweinaya apateiba pomona peapateibiwichi pia bontha; yawa bapowaxi taxu quiateiba pomona pejume cow<sub>h</sub>ntsiwi Cristo pomona peapateibiwichi pia bontha; yawa bapowaxi yaweneiba pomona peacopeibi jiji; yawa bapowaxi daxita carepaya coyeneintha exaneiba po coyenein bichocono jiji tsita xanapanatsi.

<sup>11</sup> Ichitha jopa w<sub>h</sub>n tinaeinde powaxi cataunxuae taacoibichi xua xeina sesenta po weibe. Tsipei ichacuitha bapowaxi j<sub>h</sub>ntemainaetsipa pocotsiwa bayatha Cristo yabara tsiw<sub>h</sub>nae muxu duta xua jopa equeicha penotsiwa icha pebiwi. Bexa barapowaxi equeicha icha pebiwi benotsipa. <sup>12</sup> Barapowaxi Nacom yabara paeba xua pinae barapowaxi barapara natsicuenta xua abe peexanaexae, poxoru jopa exanaeyo pocotsiwa bayatha yabara tsiw<sub>h</sub>nae muxu duba Cristotha pocotsiwa xua exanapaebi. <sup>13</sup> Matautano barapowaxi fifina, jopa ichichipaeyo xua penacuichiwa daxota saya daxita bontha siwa poneiba, matauta saya cueicueijeji tsurubenanaebi xua ichamona peyabara paebiwatsi pocotsiwa xua jopa xapain pexeinya diwesiyo. Matautano barapowaxi fayacota dubenanaebi ichamonaetha. <sup>14</sup> Daxota powaxi piseuriwi pecuenta werapaewaxichi, powaxi xua penawaxi, xan saya nanta xeinan xua barapowaxi barab<sub>h</sub> moya jitha enaena equeicha. Barab<sub>h</sub> moya equeicha xexeinaponaena pexui, yawa moya barab<sub>h</sub> xua pia boxi bara beta ewatsina. Matautano barapowaxi jopa bewa abe exanae xua daxota ichamona pomona jiji peaitafaetabi jiji abe yabara paebina xua abe yabara paebinchi pomona pejume cow<sub>h</sub>ntsiwi. <sup>15</sup> Barapowaxi jiwana powaxi penawaxi powaxi pecuenta werapaewaxichi piseuriwi, barapowaxi bayatha bara apara exana dubenanaebi pocotsiwa xua caurimona pia pentacoponaein tatsi cui itoroba, pon Satanás.

<sup>16</sup> Icha petsiriwa, powa pejume cow<sub>h</sub>ntsiwayo Jesucristo, icha bapowa tapopoinchi pia botha pijimona jiwanaawayo tatsi powayo

pecuenta t̄paewayotsi piseuri, barapo pejume cow̄antsiwayo bewa yawenaena bapowatha. Barapo pejume cow̄antsiwayo jopa bewa copatsi tsane xua pomonae pejume cow̄antsiwi apatsina pexaewa bapowatha, powa pecuenta t̄paewayotsi piseuri. Bapoxonae pejume cow̄antsiwi itac̄patsi xua yawenaena powaxi xua xaniwaicha pecuenta werapaewaxichi piseuriwi xua powaxi jopa pexenaexae piamonae matab̄x̄u jiw̄i tatsi pomonae peyawenae jiw̄ichi.

17 Pomonae pejume cow̄antsiwi bewa bichocono xanepanaya bar̄u cui itura jinaena xua pitiri jiw̄i bar̄u cui itura jinaeinchi, po pitiri jiw̄i betiya xanepanaya canamataxeinatsi pomonae pejume cow̄antsiwi. Po pitiri jiw̄i cueicueijejei Nacom Pejume Diwesi, matautano xua cuiduba barapo diwesi, barapo pitiri jiw̄i bewa bichocono xanepanaya bar̄u cui itura jinaetsi yawa bewa pentoma catsibichi beyacaincha icha pitiri jiw̄i. 18 Nacom Pejume Diwesiha jeye: “Duwein pon pew̄n buey, pon pexu xu tanacaponā xua poxonae nacuitaponā jopa wano atsinde pocotsiwa bapon taayapubetsi poxonae nabusi matoma xaexaepona pentaconā”, jei. Equeicha Nacom jeye: “Ponba tanacuita ich̄n bapon nantawenona xua xeina pia petanacuichiwa matoma”, jei Nacom.

19 Jopa cui yopichinde pitirin xua abe exana pon pomonae pejume cow̄antsiwi canamataxeinatsi icha jopa xeinaem dos poyobe xua ir̄u cui taner̄u xua ichacuitha tres poyobe xua ir̄u cui taner̄u pocotsiwa barapo pitirin xua baxua bara exana.

20 Ichitha pitirin pon cataunxuae abe exanapona, bewa cui yopichiya itawetsim bapon xua daxita pomonae pejume cow̄antsiwi peitabaratha tatsi, xua bapoxonae ir̄u ichamonae pejunuwinexa xua abe peexanaewa, icha be poxonae xua bapon ichi.

21 Caitorobatsi Nacom peitabaratha tatsi yawa Jesucristo peitabaratha tatsi. Matautano caitorobatsi matatsunpiwi peitabaratha tatsi, po matatsunpiwi Nacom itapeta. Exanaponde barapo tacaitorobi coyenewantsi ichitha jopa xeinaeinde po j̄nt̄u coyenewatha xua nanta xeiname xua caein pebin bichocono peainya cuin beyacaincha ich̄n. Icha barapocotsi j̄nt̄u coyenewatha cayabara nanta xeinaeya exanaetsipame jopa xainyeya exanaetsipaem. 22 Ab̄u bepijawa jopa mata jayabinde pitirin, xua pecanamataxeinaenexatsi pomonae pejume cow̄antsiwi, tsipei icha bapon abe exanaetsipa apara baxua be ir̄u xam yawename xua bapon abe peexanaewa. Dotam jinya coutha beta xanepanaya naj̄nt̄u coyene eenare xua abe neexanaeyainwa.

23 Bichocono necotsoroxaewa, yawa bichocono neparaxaewa, jopa saya u meisa apaeinde mera. Jame moya tsiwiyo yawa muxuna apare vino merayo.

24 Ichamonae cui taneme abe pia peexanae cuiru coyenewan tatsi, pew̄naeya xua po mataqueitha poxonae Nacom yabara paebina xua jiw̄i penatsicuentiwa xua abe peexanaexae. Ichitha nama anoxuae jopa ichamonae cui taem abe pia peexanae cuiru coyenewan tatsi, apara jame bexa yaputaeneme po mataqueitha poxonae Nacom yabara paebina jiw̄i xua penatsicuentiwa xua abe peexanaexae. 25 Barichi pocotsiwa jiw̄i xanepanaya exana ichamonae nexa, baxua ba jiw̄i anoxuae cui tane. Bequein ichacuitha barapocotsi xanepanaya peexanae coyenewan jiw̄i jopa cui taeyo anoxuae, ichitha bexa tsane jiw̄i taena

barapo coyenewan, tsipei poxoru barapo coyenein jopa bapana ataya tsitecaeya moya peyawun xeinaewa.

## 6

<sup>1</sup> Pomonae ba pebusi cui tatayebeibiwichi, pomonae pejume cowantsiwi Jesucristo, xua pomonae amanaya tanacuita pia pecanamataxeinaewichi, po pecanamataxeinaewichi jopa jume cowantsiyo Jesucristo, barapomonae ba bewa baru cui itura jinae pia pecanamataxeinaewichi. Bewa baxua exanaena xua barapomonae pomonae pecanamataxeinaewi jopa abe peyabara paebinexa Nacom pia cui coyenewa tatsi, matautano xain jopa abe peyabara paebinexa pata pecuidubiwa xua pocotsiwa pacuiduban Jesús yabara. <sup>2</sup> Ichamonae pomonae pebusi cui tatayebeibiwichi, pomonae pejume cowantsiwi Jesús, barapomonae xeina pia pecanamataxeinaewichi, pomonae iru jume cowanta Jesucristo. Barapo pebusi cui tatayebeibiwichi jopa bewa exanae po coyene xua poxona jopa xeinaeyo pebaru cui itura jinae coyenewa pia pecanamataxeinaewitha, xua be cae peweicho penatsicotae jiwixae xua pejume cowantsixae Cristo. Jame barapo pebusi cui tatayebeibiwichi bewa baru cui itura jinae pia pecanamataxeinaewichi. Matautano bewa beta tanacuichi barapocotsimonae, beyacaincha ichamonae pomonae jopa jume cowantsiyo Jesucristo pomonae pebusi cui tatayebeibiwichiru pia pecanamataxeinaewichi. Barapo pebusi cui tatayebeibiwichi bewa beta tanacuichina pia pecanamataxeinaewichi, peyawenaenexa barapomonae pomonae iru jume cowantarú Jesucristo. Matautano bewa beta tanacuichina tsipei Nacom antobe barapomonae, xua antobetsi barapomonae pomonae pia pecanamataxeinaewichixaetsi.

*Meje yabara xua waxeinaewa pepa pexainyei coyenewa xua apara wajume cowantsiwa*

Barapo cui coyene cuidubare jiwitha xua jiwi beta peexanaewa tsane: <sup>3</sup> Ichacuitha ichun cuiduba pocotsi coyenewa xua penaerabiwa. Matautano jopa yabara baru jume jejeyo po pexeinya pecuidubi coyenewa Jesucristo pia pecuidubi coyenewa tatsi, pon Wanacanamataxeinaein. Matautano bapon pon ichun jopa yabara baru jume jejeyo po pecuidubi coyenewa xua Nacom juntu coyene xanepana exana jiwitha. <sup>4</sup> Pon ba bara pocotsi coyeneya exana bara apara pon jiwi peaebin xua peyaputaainxae. Bapon apara ichitha jopa peyaputaein. Bapon naemata yainyaba nawita ichamonaetha pia xua jiwi penajume matsontsonobinexa bapontha. Daxota barapomonae nantiya nauwa. Matautano barapo jiwi nantiya naba. Matautano barapo jiwi nantiya abeya nayabara paeba. Matautano nantiya abeya nayabara nanta xeina. <sup>5</sup> Po pebiwi jopa xanepanaya nanta xeinaeyo, barapo pebiwi najume matsontsonoba nawita. Barapomonae jopa yaputaeyo pocotsiwa pexainyei coyenewa. Bapomonae najei pia coutha: "Icha jan tsane: 'Jume cowantan Jesucristo', jan tsane bapoxona xain copei nawita xeinaein", najei barapomonae pia coutha. <sup>6</sup> Bara xaniyei, poxonae Jesucristo jume cowantatsi baxua bara bichocono naca yawena. Ichitha saya naca yawena icha waxainchi muxuna xeinatsi wajuntu coyeneintha xua beta juntea wajinompawea bequein xua naacopeibi taethatsi. <sup>7</sup> Tsipei poxona naexanatsi jopa cayawa naexanaetsi barapo copei po cae pin

nacuathe. Matautano tsipei poxonaе werapaeinchi jopa barapo copei cawerapae tsainchi. <sup>8</sup> Ichitha icha xeinatsi pexaewa, yawa paparuwan bara bapoxonaе bewa junteма jinompaeinchi. <sup>9</sup> Seicaya nama pomonaе bichocono ichichipa xua copei pexeinaewa, barapomonaе exana pocotsiwa caurimonaе pia pentacaponaein tatsi junteм coyene jujuta. Daxota barapomonaе exana pocotsiwa xua ichichipa, xua jopa wynaeyo, xua pocotsi coyenewatha abeya pia coutha nacana exana. Baxuan exana pocotsi coyenewatha xua barapomonaе peweraweracaewa tsane. <sup>10</sup> Poxonaе jiwi bichocono ichichipa paratixi, bapoxonaе tamropata notarycypa xua bichocono abe peexanaponaewa. Barapo peichichipae coyenewa paratixi, jiwi cana exanatsi xua pepentsiwa po coyene xua Jesucristo pejume cowantsiwatsi. Daxota barapomonaе be pia coutha najunteм coyene jopojopei exana xua saya peyabara nanta xeinaexae paratixi, xua peichichipaexae paratixi.

*Meje yabara xua bewa Timoteo beta ajunteмyapusuяa jume cowanta ducuaenaebiyana*

<sup>11</sup> Tsipei xam Timoteom Nacom piamonaе tatsi jiwanam, baxuan cuitaya naetsiriware, pocotsiwa po coyenewatha weraweraca necaexanaewa. Beta poponde Nacom nexa xua nejunteм coyene xanepanaewa tsane Nacomtha. Eexanaponde pocotsiwa Nacom ichichipa. Jume cowanta ducuaenaebiyama Nacom, yawano antobe tsurucuanaebiyama Nacom, yawa jiwithano. Matautano saya junteма poponaeya exana ducuaenaebiyama pocotsiwa Nacom caitoroba poxonaе ichamonaе bequein cata abe exana. <sup>12</sup> Xanepanaya antyapusuяa jume cowantsiya exana ducuaenaebiyama pocotsiwa Nacom ichipa. Peantыapusuяa po peantыapusuяa ataya tsiteca, barapo peantыapusuяa jopa copatsinde xua necajunteм coyene weaichurucuaewa. Barapo peantыapusuяa Nacom cacata. Xam baxua xanepanaya yabara paebame pin bicheittha. <sup>13</sup> Catsipaebatsi Nacom peitabaratha, pon pia peantыapusuяa cata daxitan coyeneintha. Matautano catsipaebatsi Jesucristo peitabaratha, pon beta jume nota, xua pon Poncio Pilato beta jume notatsi. <sup>14</sup> Caitorobatsi xua neexanaewa tsane pocotsiwa catsipaebatsi. Beta xeinare Nacom pia peitorobi coyenewa xua jopa icha coyeneya yabara cuiya exanaem tsane. Exande barapo peitorobiwa xua jopa Nacom abeya necayabara paebiwa tsane xua abe neexanaewam. Baxua eexanaponde, beya poxonaе Jesucristo equeicha patopeicaena pon Wanacanamataxeinaein. <sup>15</sup> Poxonaе po mataqueitha Nacom ichichipaena bapoxonaе barapo mataqueitha Jesucristo naitutsina jiwitha. Jiwi yaputaena xua bapon Nacom meisa compa xeina daxita peayapusu иtorobi coyenewan. Bapon meisa compa peyawa jinaein pejunteм coyene weiweinae coyenewa. Bapon pon jiwi itorobiya pia pepa Peewatsinchi tatsi pia peayapusu иtorobi coyenewa xeina beyacaincha xua ichamonaе xeina pomonaе jiwi itorobiya pia pepa peewatsiwichi xua iru xeina pia peayapusu иtorobi coyenewa. Matautano bapon pon jiwi pia pepa Pecanamataxeinaeinchi pia peayapusu иtorobi coyenewa xeina beyacaincha xua ichamonaе xeina pomonaе jiwi pecanamataxeinaewichi. <sup>16</sup> Barapon Nacom meisa compa peyacuiya jinaein peantыapusuяa po peantыapusuяa xua ataya jopa peweraweracaewa. Barapo Nacom pecoicha yawa popona po pecoicha bichocono daunweya pentha. Baxota jiwi jopa



itacupaetsi xua imoxoyo peponaewa xua bichocono peoicha pex-einaexae. Dapon aibi, pon bayatha tainchi Nacom. Matautano dapon aibi pon itacupatsi xua Nacom petaewatsi tsainchi. Barabũ jiwĩ Nacom barũ cui itura jinaeinchi, xua ataya tsane. Matautano barabũ Nacom itorobina jiwitha pia peayapusũ itorobiwatha xua bara ataya tsane. Je bara ichi tsane.

<sup>17</sup> Pomonaẽ xua bichocono copei pexeinaẽ jiwĩ itorobare xua jopa ichamonae aebi tsainchi. Matautano itorobare xua jiwĩ jopa pecayabara nanta xeinaewa tsane paratixi xua barapo paratixitha peyawenaenexa tsainchi xua daxota barapomonaẽ jopa Nacom canantawenonaẽ tsainchi. Tsipei paratixi saya bichoina nacaewita daxota barapomonaẽ bewa jume cowantsina Nacom, pon jopa juniya naca cataponaeyo daxita pocotsiwa xua po coyenein nantawenonatsi xua wanaca jũntũ coyene weiweina exanaenexa. <sup>18</sup> Cui itorobare barapomonaẽ pomonaẽ copei pexeinaewi xua xanepanaya peexanaewa tsane. Matautano barapomonaẽ itorobare xua nawita pexeinaewa tsane pocotsiwan xua xanepanaya peexanaẽ coyenewan, icha be jũta coyeneya ichi poxonae copei nawita xeina. Barapomonaẽ bewa piawa jiwana wecaenaetsina xua ichamonae pecatsibiwa tsainchi pomonaetha pomonaẽ xua jopa xeinaeyo xua pocotsiwan nantawenona. Matautano barapomonaẽ bewa yawenaena piamonaẽ. <sup>19</sup> Icha barapomonaẽ barapo coyenein exana, bapoxonaẽ barapomonaẽ pia coutha nayawena xua nacui wũnaeta pocotsi coyenewa xua bexa tsane, xua daxota bapoxonaẽ pexeinaewa tsane peajũntũyapusũwa, po peantũyapusũwa xua ataya tsiteca.

*Meje yabara xua Pablo najume wetsiya paeba*

<sup>20</sup> Xam Timoteom, xaniwaicha xeinaeya capoponde po pecuidubiwa Nacom cacata. Jopa jume naitaewatsinde po jumein xua bapana jiwĩ jopa yawenaetsi. Matautano jopa jume matsontsonoba exanaeinde ichamonaetha pomonaẽ yabara cueicueijei pocotsiwa xua peyaputae coyenewa, po peyaputae coyenewa jopa xaniwaicha peyaputae coyenewiyo. <sup>21</sup> Pomonaẽ jume cowanta pocotsiwa poxonae yabara cueicueijei peyaputae coyenewa, barapomonaẽ jiwana nacui barapenta po coyene xua Jesucristo pejume cowantsiwatsi.

Barabũ Nacom pon jiwĩ Pecanamataxeinaein, bichocono cayawenaena pia necaantobexae.

Baja Pablo.

## Meje Po Carte Cotacaya Pablo Tatina, Timoteo Tatinatsi

*Meje yabara poxonae Pablo tamropata pitaba xua tatina, Timoteo tatinatsi*

<sup>1</sup>Jaco Timoteo, xan Pablon, Cristo Jesús pia peitorobi jiwi jiwana tatsin. Nacom neitoroba poxoru bapon baxua peichichipaewa. Xan Cristo Jesús pia peitorobi jiwi jiwana tatsin, tsipei Nacom bayatha peexanaexae pocotsiwa bayatha tsiyabara wunaé muxu duta jiwitha. Po peyabara tsiwunaé muxu dutsiwa, xua Nacom catsina jiwitha peajuntayapusawa, po peajuntayapusawa ataya tsiteca. Barapo peajuntayapusawa jiwi catsibeibinchi poxonaé jiwi jume cowanteibina Cristo Jesús. <sup>2</sup>Xam, Timoteom, barapo carte cata tinatsi, xam be taxantom catsicotainchi. Xam bichocono caantobetsi. Ichichipan xua Nacom pon Waxa, iru Jesucristo, pon Wanacanamataxeinaein, baraponbe barabu amanayiya cayawenaenabe pia necaantobexaébe. Matautano baponbe nantanuweya cayabara nanta xeinaenabe pia necayawenaenexa tsanebe. Matautano ichichipan xua baponbe jantema popona caexanaena.

*Meje yabara xua Pablo yabara paeba xua Timoteo bewa jume cowanta ducuaenaebiyaena*

<sup>3</sup>Poxonaé Nacom tsipaebeiban jan tsaibinje: “Nacom, maisa juntu coyene weiweinan xua Timoteo neyawenaewam”, jan tsaibin. Barapon Nacom tanacuitan, tsipei tajuntu coyene netsipaeba xua pinae bara beta exanan. Barichi tamo susato jiwi tanacuita barapon Nacom. <sup>4</sup>Xam cayabara nanta xeineibatsi xua poxonaé matha cain bichocono nesiwa wecoyam poxonaé cacuenta warapatsi. Maisa be cataeinchi merawintha, yawa maticabintha xua bichocono tajuntu coyene weiweinaewa tsane. <sup>5</sup>Xan nanta xeineiban xua xam bara xaniwaicha beta jume cowantsiya poponame Nacom. Po pejume cowantsiwa xam Nacom tsita xeiname, barapo pejume cowantsiwa copiya matha acue Loida, iru ena Eunice Nacomtha tsita xeinabe, beya poxonaé xam iru jume cowantame. Bara beta yaputan xua xam iru barapo pejume cowantsi coyenewa Nacom tsita xeiname anoxuae.

<sup>6</sup>Daxota catsipaebatsi, beta najuntu coyene tsacabare, xua yabara nanta xeiname po cui coyenewa Nacom cacata xua po cui coyeneyatha xua xanepanaya neexanaé ducuaenaebiyaenexa pocotsiwa Nacom caitoroba. Barapo cui coyene bayatha Nacom cacata poxonaé canta jayabatsi. <sup>7</sup>Tsipei Nacom poxonaé naca cata pia Pejumope tñaxu tatsi, barapo pejumope tñaxu tatsi jopa jiwi junuwa cana exanaetsi. Jame Nacom naca cata barapo pejumope tñaxu tatsi, xua waxeinaewa tsane peayapusu itorobi coyenewa. Matautano Nacom naca cata barapo pejumope xua waxeinaewa tsane po cui coyene peantobe coyenewa xua watsita xeinaewa tsane Nacom matautano xuano jiwithano. Matautano Nacom naca cata barapo jumope xua waxeinaewa tsane po cui coyene beta penayabara nanta xeinaé coyenewa xua beta peexanaewa tsane. <sup>8</sup>Jopa aurande poxonaé yabara cueicueijam Jesucristo, pon Wanacanamataxeinaein, xua poxonaé bequein ichamonae cacui capona. Matautano jopa neyabara aurande xua jiwi pecubi botha taecaewa. Baxua necana

exana tayabara cueicueijeixae Jesucristo, xua jiwi catsawiya taneyabara nanta xeinaexae xua pinae abe exanan. Cui baru jejande xua ichamonaē bara canthuthu jopojopeya atene exana, icha xan ichin xua yabara cui copatan xua bara ichamonaē atene tana neexanaewa tsane. Baxua cacana exana neyabara cueicueijeixae Nacom pia pexeinya diwesi jume. Nacom cacata peayapuswa baxua nexa, xua jopa nejunuwiwa tsane poxonaē caatene exana. <sup>9</sup> Nacom naca capanepa abe waexanaē cuiru coyenein weya. Matautano Nacom naca waba xua Nacom watsita najantu coyene xanepana exanaewa tsainchi. Apra jopa naca wabiyo poxoru xanepanaya waexanaexaetsi. Apra jame naca waba, tsipei caena bayatha yabara nanta xeina baxua, beya poxonaē forota barapo cae pin nacie xua amanayiya pia wanaca yawenaetsi pia wanaca antobexae. Nacom naca yawena caemonaē peburaya wanabaru jinompaexae Cristo Jesustha. <sup>10</sup> Nacom naca tsita ituta pia peantobewa poxonaē itorobicatsi Jesucristo, pon Wanacacapanenebiyaēin. Bapon weraweraca cana exana po peayapuswa xua xota jiwi tupa exanatsi. Matautano naca tsita ituta po coyenewatha xeinatsi peantayapuswa, po peantayapuswa ataya tsiteca wajume cowantsixae Nacom pia pexeinya jume diwesi tatsi, po diwesi xua Jesucristo yabara.

<sup>11</sup> Nacom newaba xua tacueicueijeinexa barapo pia pexeinya diwesi jume tatsi. Matautano neitorobano xua tana necana exanaenexa Jesucristo pia peitorobi jiwi jiwana tatsin xua tacuidubinexa pomonaē jopa judiomonaē naexanaeyo. <sup>12</sup> Taexanaexae baxua, daxota atene neexana ichamonaē. Daichitha jopa aurinyo xua tayabara cueicueijeiya Cristo, poxonaē bequein ichamonaē atene neexana, tsipei yaputan pontha pon tajume cowantsixae xua peitacupaewatsi xua tana neyawenaewa. Bara beta yaputan xua bapon xeina peayapuswa xua tana neyawenaewa. Bapon neyawena xua tacueicueijeji tsurucuaenaēbiyaenexa tsane pocotsiwa bayatha bapon neitoroba, beya poxonaē barapo matabi tsane, po matabitha poxonaē patopeicaena Jesucristo.

<sup>13</sup> Necui coyene jupaeya exana ducuaenaēbiyama, po pecuidubiwa bichocono xanepana xua bayatha catsipaebatsi. Jume cowantsiya poponare, matautano antobeya poponde Nacom, iru jiwithano, caemonaēya peburaya wanabaru jinompaexae Cristo Jesustha. <sup>14</sup> Cateiteichiya yawa muxuna poponde pexainyei coyenewa, po pexainyei coyenewa Nacom pia Pejumope tuxaxu tatsi cacata, po pejumope tuxaxu tatsi naca baru jinompa.

<sup>15</sup> Bayatha yaputaneme pomonaē Asia nacuatha jinompa daxita barapomonaē nepunapenta. Pomonaē nepunapenta, barapomonaē jiwana ichun pewun Figelo, ichun pewun Hermógenes. <sup>16</sup> Barabu Nacom pon jiwi Pecanamataxeinaēin yabara nantanuweya nanta xeinaena pomonaē Onesíforo piamonaē tatsi, xua Nacom peyawenaewa tsane barapomonaē. Bapon Onesíforo nejantu tsacaba poxonaē beta xanepanaya neyaweneiba. Bapon jopa neacauriyo xua jiwi pecabi botha taecaewa. <sup>17</sup> Poxonaē bapon patopa Roma tomaratha bapon matowa newenawenei tsurucuaenaēbiya beya poxonaē matapainya necaxina. <sup>18</sup> Barabu Nacom pon jiwi Pecanamataxeinaēin, bapontha nantanuweya yabara nanta xeinaena peyawenaenexa tsane, poxonaē po mataqueitha Nacom yabara paebina jiwi xua penatsicuentsiwa xua abe

peexanaexae. Xam yaputaneme bara, xua bapon neyawena nawita Efeso tomaratha.

## 2

*Meje yabara xua Pablo yabara paeba xua ponba beta tanacuita pia pecanamataxeinaeinchi*

<sup>1</sup> Xam Timoteom, be taxantom catsicotainchi. Najuntꝯ coyene cui tsacabare xua nenanta xeinaenexa xua Nacom amanayiya jinya necayawenaewa tsane pia necaantobexae. Nacom baxua cata exana caemonaē peberꝯya jinya nenaexanaexae Cristo Jesustha. <sup>2</sup> Pocotsiwa xua bayatha nejume taneme xua cueicueijan pin bicheito itabaratha, bapocotsiwa xuya cuidubare pebiwitha, po pebiwi xua xuya jume cowꝯntsiya xaniwaicha cuidubina ichamonaetha pocotsiwa xua cueicueijan.

<sup>3-4</sup> Yabara barꝯ cui copare xua bara ichamonaē atene necaexanaewa tsane, nejume cowꝯntsixae Jesucristo icha xan ichin xua yabara cui copatan xua bara ichamonaē atene tana neexanaewa tsane. Poxonaē baxua exaname, xam bara jꝯta coyene ichim icha be soldadomonaēpin ichi. Bapon ba atene exanatsi poxonaē naba, xua peexanaexae pocotsiwa itorobatsi pia pentacaponaein. Soldadomonaēpin ba dapocotsin aibi pon natsixana piawa poxonaē cataunxuae awiya naba exana ichamonaetha, tsipei bapon bewa baxua exanaena xua pon pentacaponaein peitorobixae. <sup>5</sup> Barapocotsi jꝯta coyeneya ichi, pon ba xua penaxenacaewa. Bapon jopa itacꝯpaetsi xua xeinaena pocotsiwa pematomatsiwatsi xua poxonaē bichoina cuinaepona icha jopa beta yabara exanaeyo pocotsi coyene xua peitorobi coyenewa barapo penaxenacaewa. <sup>6</sup> Pon ba bichocono nacuita pabitha bapon ba copiya bewa xeinaena xua pocotsiwa copiya penawetsiwa. <sup>7</sup> Beta yabara nanta xeinare xuaunxuae catsipaebatsi. Pon jiwi Pecanamataxeinaein cayawenaena xua yaputae-name daxita.

<sup>8</sup> Jesucristo yabara nanta xeinare. Bapon Jesucristo pon naexana xua David pia pemomoxi susato jiwi jiwana tatsi, po David Israel nacuapiwi itorobiya pia pepa peewatsinchi. Bapon Jesucristo equeicha Nacom Pexanto asꝯ exana petꝯpae cuiru coyene weya. Nacom pia pexeinya jume diwesi tatsi, po diwesi xua Cristo yabara, barapo diwesi cueicueijan jiwitha. <sup>9</sup> Barapo diwesi tacueicueijeixae daxota ichamonaē atene neexana, beya poxonaē penaintohta necaba. Xan be pocotsin xua abe bichocono taexanaein nenatsicotane. Ichitha jopa itacꝯpaetsi xua jume yancataba Nacom Pejume Diwesi xua ajumetsurucuae pecana exanaewa tsane xua poxonaē jiwi pecabi botha tana neetsixae. Tsipei awiya cataunxuae jiwi jume tane barapo diwesi. <sup>10</sup> Daxota jopa junuwinyo xua ichamonaē atene tana neexanaewa, matautano bara copatan xua bara moya necana exanaena baxua. Daxota baxua bara copatan pomonaē Nacom pia peitapetsi jiwi tatsi barapomonaē nexa, xua barapomonaē irꝯ pecapanenebiyaenexa tsainchi xua Cristo Jesús capanenebiyaena. Poxonaē barapomonaē barapo diwesi xeinaena, po diwesi pecapanenebiyaē coyenewa, bapoxonaē muxuna xeinaena pexeinya peajꝯntꝯyapꝯsꝯwa, po peajꝯntꝯyapꝯsꝯwa ataya tsiteca xua Nacom pia nacuatheicha tatsi.

<sup>11</sup> Baraxue bara xainyei xua jei:

Icha copatatsi xua bara ichamonaē naca atene exana wajume cowantsixae Cristo beya poxonaē naca tupa exana, icha poxonaē Cristo cana ichichi, bapoxonaē yawa muxuna jinompaeinchi Cristo xua pia nacuatheicha.

<sup>12</sup> Icha waxainchi awiya jume cowanta dubenanaebiyatsi xua poxonaē bequein ichamonaē naca atene exana, icha Cristo cana ichichi, bapoxonaē barapo coyenewa yawa muxuna waxainchi Cristo, baru canamataxeinaeinchi jiwitha, waitorobiya ewatsinexa tsane barapo jiwi.

Icha waxainchi itawetsiya yabara jeichichi Cristo: “Bapon jopa yaputaeinyo”, jeichichi, bapon xuya itawetsiya naca yabara jei tsane: “Bapomonaē jopa yaputaeinyo”, naca yabara jei tsane Cristo.

<sup>13</sup> Icha jopa beta xaniwaicha jume cowantsiya jinompaetsi, daichitha bapon cataunxuae exana ducuanabiyana pocotsiwa xua bayatha jiwi yabara paebatsi.

Baxua exana, tsipei Nacom jopa itacupaetsi xua exana pocotsiwa jopa be pia cuiyiyo tatsi.

*Meje yabara xua pon beta petanacuichin xua ichan beta petanacuichi-watsi*

<sup>14</sup> Xuaunxuae catsipaebatsi baraxua paebare ichamonaetha yawano cui itorobare baraxua barapomonaē Nacom peitabaratha tatsi. Jande barapomonaetha: “Jopa yabara pana najume matsontsonoba exanaeinde xua po diwesin ichamonaē pepaebixae”, jande. Barapo penajume matsontsonobiwa barapo coyenewatha bapana jopa naca yawenaē. Barapo coyenewa saya abe cana exana pomonaetha pomonaē jume tane. <sup>15</sup> Exande daxita pocotsiwan pexanepanaē coyenewa xua Nacom nexa, xua Nacom jinya necacui taenexa xua bara beta tanacuitame Nacom. Bapoxonaē xam jopa nayabara acauram tsane pocotsiwa xua beta xaniwaicha necaunutsiya paebixaem Nacom Pejume Diwesi, po diwesi pejume xainyei jume. <sup>16</sup> Jopa yabara najume matsontsonoba exanaeinde po jumein xua pejumexaei, po jumein xua saya yabara cueicueijej pocotsiwa xeina barapo cae pin nacuathe, po jumein xua bapana jiwi jopa yawenaetsi. Tsipei pomonaē bapocotsiwan paeba, eexanapona pocotsiwan abe peexanaē cuiru coyenewan. <sup>17</sup> Barapomonaē abeya pia pecuidubi coyenewan tatsi tajū nayoyotapona, icha be ichi xua tsuweto xua bapana putsuna xua beya tajū putsuna pona. Barapocotsi coyene xua tajū nayoyotapona, exanabe pon pewan Himeneo irū pon pewan Fileto. <sup>18</sup> Baraponbe jume naitematabe pocotsiwa pexainyei coyenewa. Baponbe naerabiya jeibe: “Bayatha Nacom nacui weta xua asū exana, xua jiwi equeicha jopa asū peexanaewa tsainchi pomonaē bayatha werapa”, jei baponbe xua naeraba paebabe. Baponbe ainya muxu cana exanabe ichamonaetha xua barapomonaē jopa xapain pejume cowantsiwa tsane Nacomtha. <sup>19</sup> Nacom pia pexainyei coyenewa, peayapusawa, xua icha cui coyeneya jopa naexanaeyo. Barapon Nacom pia

pexainyei coyenewa tatsi jeye: “Nacom pon jiwi Pecanamataxeinaein yaputane pomonae piamonaexae tatsi”, jei. Matautano equeicha jeye: “Daxita pomonae xua nawan duba xua jei: ‘Paxan Cristobar pan, pon jiwi Pecanamataxeinaein’, jei, bewa barapomonae naitematsina abe peexanae cuiru coyenewan”, jei Nacom pia pexainyei coyenewatha.

<sup>20</sup> Botha ba ichaxota pin bo, barapo bo xeina penain coroton pocotsiwa pewan oro nain, yawano icha penainwan pocotsiwa pewan plata nain. Matautano ba muxuna xeina napae coroton. Matautano ba xeina tsorobo coroton pocotsiwan be juruwaton. Po coroton xua pexeinya coroton, barapo coroton pecanamatawenonaenexa penabar pan itata weiweinae matacabintha. Po coroton xua saya pexeinya coroton aibi, barapo coroton pecanamatawenonaenexa daxita matacabintha. <sup>21</sup> Bara jatiya ichi, icha pebin ichichipa exana xua pocotsiwa pexanepanae coyenewa pon jiwi Pecanamataxeinaein nexa, bapon bewa naitematsina abe peexanae cuiru coyenewa xua Nacom pejant coyene xanepana exanaenexa bapontha. Bapoxonae bapon itacupatsi xua peexanaewa daxita carepaya coyenein pocotsi coyenein Nacom tsita xanepanatsi.

<sup>22</sup> Xam naitemare pocotsi coyenewan pewowi exana xua poxonae abe exana. Exana ducuaenaebiyama pocotsiwa pexeinya jant coyenewa. Matautano beta jume cowanta ducuaenaebiyama. Matautano antobe tsurucuaenaebiyama Nacom, matautano jiwithano. Matautano jantema popona ducuaenaebiyama. Xam itapeta napuna ponde pomonae pejant coyene xanepanaewi poxonae Nacomtha tsipaeba pon jiwi Pecanamataxeinaein. <sup>23</sup> Naitemare po peyabara najume matsontsonobiwa jopa xapain wnaeyo xua jopa xapain peyaputae coyenewiyo, tsipei xam yaputaneme xua jiwi barapocotsi jumetha ba yabara naba. <sup>24</sup> Pon nama Nacom pon jiwi Pecanamataxeinaein, amanaya tanacuitatsi jopa bewa bapon jume matsontsonobi tsane. Jame bewa bapon xanepanaya wnaeya exanaena xua daxita carepaya coyene cuintha daxita jiwitha. Matautano bewa bapon beta cuidubina ichamona. Matautano bapon bewa saya jantema poponaena poxonae bequein abe taexanatsi ichamona. <sup>25</sup> Matautano bapon bewa saya bewayo jant coyene wnaeya muxuwetsina pomonaetha pomonae peacuiitafaetabiwichi xua bapon xainyeya pia pecuidubiwa ichamonaetha. Matautano bapon bewa ab ewatsina xua icha metha Nacom copatsina xua barapomonae icha jant coyene pexeinaenexa xua peuraxae xua abe exana. Matautano barapon bewa ab ewatsina xua barapomonae peyaputaewa tsane pocotsiwa xua Nacom pia pexainyei coyenewa tatsi. <sup>26</sup> Poxonae baxua yaputaena, bapoxonae barapomonae, pomonae copiya pemuxufebiwi itacupaeinchi xua beta nanta xeinaena pejant coyenewatha. Barapomonae yaputaena xua deta cou eexanapona pocotsiwa caurimonae pia pentacaponaein tatsi janta, xua pocotsiwa abe peexanaewa, pocotsiwa bapon peitorobixae. Bapoxonae barapomonae itacupaeinchi xua panenebiyaena bapon weya, matautano xua tamropata notarupaena xua exana pocotsiwa Nacom ichichipa.

### 3

*Meje yabara xua po coyeneya jiwi exanaena poxonae po matacabitha opi ducuaena*

<sup>1</sup> Ichichipan xua neyaputaewa tsane xua poxonae po matacabintha opi dubenaena barapo matacabin jiwi taayapube tsainchi. <sup>2</sup> Jiwi barapo matacabintha bichocono pia coutha naantobe tsane. Barapo jiwi bichocono u pitaparatixichi tsane. Yawano matautano aebina ichamonaetha. Matautano bichocono atsaca tsaneno. Matautano biataenano ichamonaetha, matautano Nacom biataeinchi. Matautano barapomonaе jopa jume jejei tsaibi tsane paxeiwi. Matautano barapomonaе jopa wecobe jacobiya noteibiyo tsane poxonaе ichamonaе catsibeiba. Matautano abe yabara nanta xeineibina pocotsiwa Nacom piawa tatsi. <sup>3</sup> Matautano piamonaе jopa tsita xeinae tsane peantobe coyenewa. Matautano ita aenaе-aenei tsurubenanaebiyae tsane ichamonaetha. Matautano yopita dubenanaebiyaena xua ichamonaе pocotsiwa abe peexanaewa. Matautano jopa itacupaе tsainchi xua najuntu coyene itorobina xua xanepanaya peexanaewa tsane. Matauta barapomonaе bichocono anaepanaena xua ichamonaе beinchi. Matautano barapomonaе bichocono aichaxaibi tsane pocotsiwan xanepana. <sup>4</sup> Barapomonaе pomonaе jiwi pecaenaetsi jiwi tsane. Jopa matha copiya yabara nanta xeineibi tsane pocotsiwan xua exana. Barapomonaе pia coya nacayabara nanta xeinaena xua peainya cui jiwi tsane. Saya barapomonaе itapetsiya naitomatsina xua pocotsiwa cui xeica penaexanaewa. Barapomonaе naitematsina pocotsiwa Nacom pia pexainyei coyene tatsi. <sup>5</sup> Bequein barapomonaе xanepanaya exana dubenanaebiyaena icha be ichi xua poxonaе pomonaе xaniwaicha pejume cowantsiwi, daichitha barapomonaе jopa xaniwaicha jume cowantsiyo xua icha juntu coyene pexeinaewa tsane.

Jopa bewa bara pocotsimonaе imoxoyo napuna ponaem xua barapomonaе necuiyainwam. <sup>6</sup> Barapomonaе jiwana pomonaе bomuxantha pateibina muxujainyabeibinchi yabuxi, po yabuxi jinompa barapo bomuxantha, po yabuxi xua anacaura xua penacui yaputaexae xua abe exana bayatha. Barapowaxi awiya came jopa xanepanaya exanaeyo, poxoru saya exana pocotsiwa pia coutha ichichipa exana. <sup>7</sup> Barapo yabuxi jume naitaewata nawita, daxita carepaya po coyenein xua jiwi paeba, bara bequein jopa xanepanaya paebiyo. Daxota barapo yabuxi jopa itacupaetsi xua peyaputaewa pocotsiwa xua Nacom pia pexainyei coyenewa tatsi. <sup>8</sup> Caena bayatha pon pewan Janes, iru ichun pewan Jambres, baponbe mara pexeinaeinbe, baponbe cui matawentabe Moises-tha, xua Moisés pia peexanae coyenewatha. Icha baponbe ichi, barichi barapomonaе yabara jume matawenta Nacom pia pexainyei coyenewa tatsi. Barapomonaе saya yabara nanta xeina nawita pocotsiwa peabe coyenewa. Barapomonaе taseicatsi pejume cowantsiwa, po pejume cowantsiwa pexainyei jume. <sup>9</sup> Barapomonaе jopa beta dubenanaebiyae tsane, tsipei daxita nacuanpiwi cui yaputaena xua barapomonaе apara pomonaе jopa xanepanaya peexanaewi, icha be ichi poxonaе caena bayatha jiwi cui tane xua Janes iru Jambres jopa beta exanaeyobe.

*Meje yabara po diwesi xua Pablo najume wetsiya paeba poxonaе Timoteo itorobatsi*

<sup>10</sup> Ichitha xam bara beta exanaponaе pocotsiwa tacuidubiwa. Matautano necui taneme xua bara beta poponan. Matautano necui taneme xua tacoutha yaputan pocotsiwa taexanaewa tsane Nacom

nexa. Matautano necui taneme xua bara beta jume cowantsiya poponan Nacomtha. Matautano necui taneme xua saya awiya beta juntema poponan poxona bequein ichamona jopa xapain necana exanaeyo. Matautano necui taneme xua bara antobeya poponan jiwi, matautano Nacomtha. Matautano necui taneme xua bara awiya Nacom tanacuitan. <sup>11</sup> Xam yaputaneme xua jiwi bichocono abe necana exana tajume cowantsixae Cristo. Matautano neyaputaneme xua jiwi bichocono atene neexana Antioquia tomaratha, Iconio tomarathano, Lистра tomarathano. Ichitha pon jiwi Pia Pecanamataxeinaeinchi neyawena xua necapanepa barapomona pia xainya weya. <sup>12</sup> Bara xaniwaicha, daxita pomona ichichipa xua najuntu coyene xanepana exana dubenanaebiya Cristo Jesustha, barapomona iru atene exanaeinchi ichamona. <sup>13</sup> Ichitha pomona peajuntucoyenebe jiwi, iruru pomona pemuxujainyabi jiwi, daxita barapomona bichocono abe eexanaponaena beyacaincha xua copiya. Barapomona muxujainyabiya canamataxeina ichamona, xua abe peexanaenexaru, matautano xua barapo ichamona iru xuya pemuxujainyabiya canamataxeinaenexa ichamona, xua abe peexanaenexaru.

<sup>14</sup> Ichitha xam awiya beta exana ducunaebiyama pocotsiwa xua nacuidubame, xuano xua bichocono nejume cowantsiwa. Xam bayatha yaputaneme pomona xua cacuiduba barapo coyenein, pomona pejuntu coyene xanepanaewi. <sup>15</sup> Poxona pexuyotham yaputaneme Nacom Pejume Diwesi. Barapo diwesi itacupatsi xua necacuidubiwa xua necapanepaewanexa abe jinya neexanae cuiru coyene weya nejume cowantsixae Cristo Jesús. <sup>16</sup> Daxita carepaya Nacom Pejume Diwesiin tati, barapo diwesiin Nacom ayapusu diwesiin exana. Daxita barapo diwesiin xanepana xua jiwi pecuidubiwa tsainchi. Matautano daxita barapo diwesiin xanepana xua jiwi yaputane peexanaenexatsi poxona abe exana. Matautano daxita barapo diwesiin xanepana xua jiwi pemuxuwetsinexatsi xua xanepanaya peexanaewa tsane. Matautano daxita barapo diwesiin xanepana xua jiwi peyawenaenexatsi xua pejuntu coyene xanepana dubenanaebiyaenexa Nacomtha. <sup>17</sup> Barapo diwesiin jiton xanepanaya canacui weta exanatsi xua beta peexanaewa tsane pon Nacom piamona jiwana jiton tati. Barapo diwesiintha daxita coyenein xeina xua barapon nantawenona, pocotsi coyeneintha xua bapon Nacom petanacuitsinexatsi, daxita carepaya po penacuichiwan xanepana.

## 4

<sup>1</sup> Nacom peitabaratha tati yawa Cristo Jesús peitabaratha tati, baponbe peitabaratha tati caitorobatsi. Bapon Cristo Jesús patopaetsica be pon jiwi itorobiya pia pepa Peewatsinchi. Matautano bapon yabara paebina jiwi xua penatsicuentsiwa xua abe peexanaexae, pomona xua anoxuae cataunxae asu jinompa, iruno pomona xua bayatha werapa. <sup>2</sup> Caitorobatsi xua cueicueijande Nacom Pejume Diwesi. Beta jume daunweya cueicueijam tsainde Nacom Pejume Diwesi poxona jiwi ichichipa cajume taibina, matautano poxona bequein jiwi jopa ichichipaeyo xua necajume taewa. Barapomona juntu coyene yaputane exande xua barapomona petaseicaewatsi pejuntu coyene xanepanaewa Nacomtha. Matautano barapomona yabara muxuwere abe pia peexanae cuiru coyenein tati. Matautano barapomona



juntũ coyene cui tsacabare xua Jesucristo pejume cowantsiwa tsainchi. Matautano bapana barapomonaе jopa tsita xeinaeinde peaitaconaewa. Matautano bapana jopa nacui copatsim tsane xua necuidubapon- aewa barapomonaе, xua bequein barapomonaе jopa Jesucristo pejume cowantsiwichi taetham tsane. <sup>3</sup> Tsipei jopaena matabi poxonaе po matabitha jiwi jopa jume cowantsi tsane barapo pexainyei cuidubi jume. Barapomonaе saya ѱ jeichina po pecuidubiwi saya cuiduba pocotsiwa xua jiwi ichichipa jume tane. <sup>4</sup> Barapomonaе saya naitemapenta xua aichaxaibi pejume taewa pocotsiwa pexainyei jume. Saya barapomonaе ѱ jume naitaewatsina ainya diwesin, po diwesin xua saya pejemai diwesin. <sup>5</sup> Ichitha xam dotam. Najuntũ coyene babare xua neexanaeyainwa pocotsiwa barapomonaе exana. Jopa junuwinde xua ichamonaе poxonaе caatene exanaena nejume cowantsixae Jesucristo. Ichitha xam exana ducuaenaе jinya nenacuichiwa xua Nacom pia pexeinya jume diwesi necueicueijeі ducuaenaetsiwa. Daxita wetsiya exanare pocotsiwa jinya netanacuichiwa Nacom.

<sup>6</sup> Bara nama imoxoyo nebeubina tajume cowantsixae Cristo. Matautano bara nama imoxoyo xua po mataqueitha tsane ponaein Nacom pia nacuatheicha. <sup>7</sup> Ajuntũcuiyapusa amanayaban caurimonaetha Jesucristo nexa, icha soldadomonaе ichi xua poxonaе amanayaba pia peaitafaetabiwichi. Bayatha nacui wetan pocotsiwa xua bayatha Nacom neitoroba, icha jiton ichi xua patopa poxonaе penaxenaewa. Matautano jume cowantsiya poponan Jesús, icha be pocotsi coyeneya ichi poxonaе jiton beta yapu eena pocotsiwa itorobatsi pia pecanamataxeinaeinchi. <sup>8</sup> Anoxuae ewatan po pentoma Nacom necatsina xua tajuntũ coyene xanepanaexae bapontha. Pon jiwi Pecanamataxeinaein, pon xua yatsicaewa xainyeya jiwi yabara paebatsi xua penatsicueitsiwa xua abe peexanaexae, bapon pentoma necatsina po mataqueitha poxonaе bapon patopeicaena. Saya meisa jopa compa necatsi tsane, irũ barichi tsainchi baxua catsibinchi pomonaе wanae ewatsiya ichichipa xua pia pepatopaewa tsane bapon.

*Meje yabara xua Pablo waba xua Timoteo wabatsi*

<sup>9</sup> Nainya nesiwa ponde poxonaе caitacupa. <sup>10</sup> Pon Demas, bapon nepunaxuba, tsipei bapon saya copei yabara cananta xeina nawita pocotsiwa po cae pin nacuathe xeina. Bapon Tesalónica tomara beya pona. Pon Crescente, bapon Galacia nacua beya pona. Pon Tito, bapon Dalmacia nacua beya pona. <sup>11</sup> Meisa pon Lucas, bapon xote barũ ecan. Wenawenande Marcos, cabarũ dena tsane, tsipei bapon itacupatsi xua tana neyawenaewa tsane. <sup>12</sup> Pon Tíquico bapon Efeso tomara beitorobian. <sup>13</sup> Poxonaе nesiwa denam, inta carenande po paparuwa aitiyũ, po paparuwa cuentan pon Carpo, bapon pia botha tatsi Troas tomaratha. Diboronno inta carenande, yawa paperanno inta carenande xua inta ainya cui pocotsiwa.

<sup>14</sup> Pon Alejandro, pon penain penacuichin, bapon inta abe exana. Pon jiwi Pecanamataxeinaein, bapon Alejandro pentoma catsinchi po pentoma po pecayabara matomatsiwatsi xua abe peexanaexae. <sup>15</sup> Dotam xua bapon, tsipei bapon aichaxaibi pocotsiwa po diwesin cueicueijeichi.

<sup>16</sup> Poxonaе tacoutha nayabara jume yawenaeya cueicueijan pentacaponae wi peitabaratha, dapon aibi pon tana neyabara jume yawenaewa tsane. Daxita nepunapenta. Ichichipan xua Nacom bũ jopa

cabetsi tsane barapomonaetha xua tana nepunapentsixae. <sup>17</sup> Daichitha Nacom pon jiwi Pecanamataxeinaein, neyawena poxonaе bequein icha-monaе nepunapenta. Bapon peantayarusawa necata xua beta tacue-icueijeinexa pijume diwesi xua pejume taewa tsane daxita pomonaе jopa judiomonaе naexanaeyo. Bapoxonaе Nacom neyawena xua jiwi jopa necabetsiyo xua tatupaewa. <sup>18</sup> Bapon pon jiwi Pecanamataxeinaein, bapon necana exana xua tapanepaewa daxita carepaya abe peexanae cuiru coyenein weya, xua daxota patopaein pia peitorobi nacua beicha. Barabu jiwi ataya wanae jainchina Nacomtha. Je bara ichi tsane.

*Meje yabara xua Pablo najume wetsiya paeba*

<sup>19</sup> Inta jacobare powa Prisca, iru pia pebin tatsi, bapon Aquila. Iru inta jacobare pon Onesiforo piamonaе matabuxayo tatsi. <sup>20</sup> Pon Erasto bapon eca Corinto tomaratha. Pon Trófito, bapon cuenta ponan Mileto tomaratha yaitama atene. <sup>21</sup> Jure xua patopare xua pewanaeya poxonaе beya awabo tsane. Pon Eubulo, iru pon Pudente, iru pon Lino, iru powa Claudia, iruru daxita pomonaе pejume cowantsiwi, daxita barapomonaе cajacoba.

<sup>22</sup> Barabu Jesucristo, pon jiwi Pecanamataxeinaein cabaru poponaena. Barabu Nacom amanayiya cayawenaena jinya necaantobexae.

Baja Pablo.

## Meje Po Carte Pablo Tatina, Tito Tatinatsi

*Meje yabara poxonae Pablo tamropata pitaba xua tatina, Tito tatinatsi*

<sup>1</sup> Xan, Pablon, pon Nacom tatanacuichin matautano Jesucristo pia peitorobi jiton tatsin. Jesucristo neitoroba xua tayawenaewa tsane jiwi xua barapomonaе pejume cowantsinexa Nacom. Pewanaeya copiya Nacom itapeta barapomonaе, xua pejume cowantsiwa tsainchi. Matautano neitoroba xua barapomonaе yaputane taexanaenexa Nacom pia pexainyei jume diwesi xua daxota barapomonaе Nacom peitabaratha xanepanaya pejinompaewa tsane. <sup>2</sup> Poxonaе barapomonaе jume cowanta Nacom, barapomonaе ewata xua Nacom catsina pia peajuntayapusawa po peajuntayapusawa ataya tsiteca. Bapon Nacom bapana jopa penaerabin. Barapo peajuntayapusawa po peajuntayapusawa ataya tsiteca, caena bayatha Nacom yabara tsiwanae muxu duta jiwi poxonaе cataunxuae jopa nacua forotsiyo. <sup>3</sup> Ichitha anoxuae nama Nacom peichichipaexae barapo matabitha daxota jiwi yabara yaputane exainchi xua pia pexeinya jume diwesi tatsi. Nacom necopata xua bara tacueicueiweiwa tsane barapo diwesi daxita jiwitha. Nacom pon xua jiwi Pecapanenebiyaein neitoroba xua tacueicueiweiwa barapo diwesi poxonaе necata barapo pia penacuichiwa tatsi xua tatanacuichinexa bapon. <sup>4</sup> Barapo carte cata tinatsi Titom, ponxaem be yatsicaewa taxantom catsicotainchi iru nejume cowantsixae Jesucristo. Barabu Nacom pon Waxa, iru Jesucristo pon Wanacapanenebiyaein petapae cuiru coyene weya, cayawenaenabe pia necaantobewaxaеbe. Matautano junteма popona caexanaenabe.

*Meje yabara xua Tito Creta tunaeto nacuatha nacuita*

<sup>5</sup> Caena bayatha Creta nacua tunaetha cacuentapoinchi xua neyawenaenexa Jesucristo pejume cowantsiwi pocotsiwa xua nacata seicabe. Daxota cacuentapoinchi xua neitapetsinexa pitiri jiwi xua barapomonaе pecanamataxeinaenexa pomonaе pejume cowantsi jiwi Nacom. Baxua eexanaponde daxita i dapo tomarantha icha be pocotsi coyeneya bayatha caitorobatsi. <sup>6</sup> Bayatha catsipaebatsi xua pon barapocotsi pitiri jiwi jiwanapin bewa poxonaе poponaena bewa iche: Bapon bewa xanepanaya poponaе xua ichamonae jopa petsita natsicuentinexa tsainchi xua abe peexanaexae bapon. Matautano bapon saya bewa cae petsiriwa xeinae. Matautano pia pexui tatsi bewa jume cowantsi Nacom. Matautano pia pexui tatsi xanepanaya bewa jinompae xua daxota ichamonae jopa peyabara paеbiwa tsane xua abe exana barapo pexui. Barichi matautano xua ichamonae jopa peyabara paеbiwa tsane xua barapo pexui jopa jume jejeyo pocotsiwa coxiyan itoroba. <sup>7</sup> Po pitiri jiwi canamataxeina pomonaе pejume cowantsiwi Nacom, barapomonaе tanacuita Nacom piawa. Daxota ainya cui xua barapomonaе xanepanaya bewa jinompae. Barapomonaе jopa bewa jumefebi pocotsiwa xua Nacom itoroba. Matautano jopa bewa exanae pocotsiwa jiwi nainya bichoina anaepanaya jume nota. Yawano jopa bewa nacupa exanae, yawano jopa bewa nacayatsi. Yawano jopa bewa pitaparaticixi poxonaе jopa xapain exanaeyo penacuichiwa. <sup>8</sup> Jame bewa barapomonaе matenta weiweinaya wabeibi pomonaе

pesiwa poneibiwichi pia bontha. Yawa bewa ichichipae pocotsiwa xua wuna. Yawa bewa xanepanaya cayabara nanta xeinae. Yawa bewa beta exanae ichamonaetha. Yawa bewa exanae pocotsiwa Nacom itoroba. Yawa bewa yaputae xua pia coutha najunta coyene itoroba xua beta peexanaewa. <sup>9</sup> Bewa ajuntacoyenesaya jume cowantsina Nacom pia pexainyei jume diwesi tatsi po diwesi barapomonaе cuidubatsi. Bapoxonae barapomonaе itacupatsi xua xuya ichamonaе junta coyene tsacaba xua pejume cowantsiwa tsainchi poxonae cuiduba barapo pexainyei jume diwesi. Matautano barapomonaе itacupatsi xua jume jejei cana exana pomonaetha pomonaе bequein copiya pejume itawetsixaetsi pocotsiwa xua barapomonaе cuiduba.

<sup>10</sup> Tsipei judiomonaе jiwanapiwi bichocono pinmonaе pomonaе pejume febiwi xua Nacom itoroba. Bichocono pinmonaе pomonaе jiwi peitorobiwi xua pebiwi bewa wi thabinchi ichaxota penareixacae-naewa. Pocotsiwa barapomonaе cuiduba ichamonaetha saya pejumexaei. Yawano jiwi muxuitorobatsi nawitano. <sup>11</sup> Barapomonaе bewa pajume matawentsim xua jopa pepaebiwa tsane barapo jumein, yaitama barapomonaе cana exana xua jopa jume cowantsiyo pomonaе xua daxita matabuxumonaein tsiniya. Baxua exana poxonae cuiduba pejema diwesi po diwesi jopa bewa cuidubi, jiwi peyamuxujainyabiya wucaenexatsi paratixi.

<sup>12</sup> Caena bayatha popona pon Creta tunaetopiwi jiwanapin, pon piamonaе yabara jeichi: “Wanacom pia peitorobi jume pepaebin tatsi”, jei. Barapon yabara cueicueije Creta tunaetopiwi pomonaе piamonaexae. Bapon yabara jeye piamonaе: “Maisa Creta tunaetomonaе, barapomonaе jiwi muxuitorobeiba, yawa be unupiwi pomonaе peaitoisa jiwi yawa napenajuba nawita yawa fifina nawita”, jei bapon. <sup>13</sup> Poxonae bapon baxua paeba barapara jume xainyeya paeba. Daxota xam Titom barapomonaе bichocono jume matawende xua barapomonaе xaniwaicha junta pejinompaewa tsane xua Jesucristo pejume cowantsiwatsi. <sup>14</sup> Matautano cui matawende barapomonaе xua jopa equeicha pejume naitawatsinexa judiomonaе pia pejema diwesi tatsi. Matautano cui matawende xua jopa pejume naitawatsinexa pomonaetha pomonaе xua jiwi peitorobiwatsi xua jiwi pejume itawetsiwa tsane Nacom pia pexainyei jume diwesi tatsi.

<sup>15</sup> Pomonaе yabara jume cowanta xua Cristo tsitapa barapomonaе, barapomonaе jame pejunta coyene xanepanaewi. Barapomonaе daxita po coyenein xua tane tsita xanepanatsi. Seicaya nama pomonaе jopa yabara jume cowantsiyo xua Cristo tsitapa xua barapomonaе tsitapatsi, barapomonaе apara peajuntacoyenebewi. Barapomonaе daxita po coyenein xua tane tsita abetsi. Barapomonaе pia penanta xeinaewan jopa xaexaenaecaeyo, yawa pia junta coyenein tatsi po junta coyenein itorobeibatsi xua poxonae peexaneibinexa, bichocono jopa xaexaenaecaeyo. <sup>16</sup> Barapomonaе jei: “Nacom pajume cowantan”, jei. Daichitha poxonae exaneiba, icha coyene exaneiba icha ichi pomonaе jopa pejume cowantsiwi Nacom. Bara barapomonaе Nacom tsita abetsi pejume febixaetsi pocotsiwa itoroba. Matautano jopa itacupaetsi xua exana pocotsiwa xua pexeinya penacuichiwa.

*Meje yabara pocotsiwa Nacom pia pexainyei jume diwesi tatsi*

<sup>1</sup> Ichitha xam Titom pocotsiwa cuidubame bewa cayabara cuita cananta xeineibim xua ꞑ pocotsiwa Nacom pia pexainyei jume diwesi tatsi. <sup>2</sup> Pitiri jiwi muxuwere xua jopa bewa nacꞑpa naexanae peatsaxa meran. Matautano muxuwere xua xaniwaichiya pejinompaewa tsane xua daxota ichamonaе pebaraꞑ cui itura jinaewa tsane, xua barapo pitiri jiwi pebaraꞑ cui itura jinaewa tsainchi. Matautano muxuwere xua penajuntꞑ coyene itorobeibinexa xua peexaneibinexa po coyenein xua wꞑnae. Matautano muxuwere xua xaniwaichiya pejume cowꞑnta dubenanaebiyaewa tsane xua Nacom xaniwaicha pejume cowꞑnta dubenanaebiyaewa tsainchi. Yawano muxuwere xua piamonaе peantobe tsurubenanaebiyaenexa. Yawano muxuwere xua ayapusꞑya jume cowꞑntsina poxonaе bequein ichamonaе abe taexanatsi. <sup>3-4</sup> Barichi pitiriwaxi muxuwere xua xanepanaya pejinompaewa tsane, icha be ichi poxonaе jinompa powaxi jume cowꞑnta Nacom. Matautano barapowaxi jopa bewa cueicueijej tsane po jumein xua abe xua ichamonaе yabara paebatsi. Yawa jopa bewa nacꞑpa naexanae peatsaxa meran. Matautano barapo pitiriwaxi muxuwere xua piseuriwi peantobe nexa tsaibi tsane, xua daxota irꞑ xuya penawaxi pebarichinexa xua peexanaenexa po coyene wꞑnae xua peantobe nexa tsaibi tsane piseuriwi yawa pia pexuithano. <sup>5</sup> Matautano muxuwere barapo pitiriwaxi xua penajuntꞑ coyene itorobeibinexa xua peexaneibinexa po coyenein xua wꞑnae. Matautano muxuwere xua penajuntꞑ coyene xanepana exanaenexa. Matautano muxuwere xua xanepanaya peewatsinexa pia boxi. Matautano muxuwere xua peyabara cui cananta xeinaenexa xua peyawenaenexa pomonaetha pomonaе pia botha petajinompaewichi. Yawa muxuwere barapo pitiriwaxi xua jume jejei tsaibi tsane poxonaе itorobeibatsi piseurixi xua ichamonaе jopa abe peyabara paebinexa Nacom Pejume Diwesi.

<sup>6</sup> Matautano barichi pewowi muxuwere xua penajuntꞑ coyene itorobeibinexa xua peexaneibinexa po coyenein xua wꞑnae. <sup>7</sup> Xam Titom barapo pewowi peitꞑtha tatsi xanepanaya eexanaponde daxita coyenein poxonaе exaneibame. Barapoxonaе barapo pewowi xua pebarichinexa xanepanaya peexanaenexa po coyenein wꞑnae. Poxonaе pewowi cuidubame xainyeya cuidubare nejuntꞑ coyene wetsina. Matautano xanepanaya beta cuidubare. <sup>8</sup> Xanepanaya betiya cueicueijande xua ichamonaе jopa abe necayabara paebiwa tsane. Daxota barapomonaе aura tsaibi tsane xua abe necayabara paebeibiwa beta neexanaexae. Bapoxonaе barapomonaе jopa itacꞑpaе tsainchi xua abe wanaca yabara paebiwa.

<sup>9</sup> Tsipaebare pomonaetha pomonaе pebusi cui tatayebeibiwichi xua amanaya tanacuita xua poxonaе ichamonaе tanacuitatsi, jande: “Paexande daxita xua painya nepaca canamataxeinaewi paca itoroba. Matautano xanepanaya patsita exande painya nepaca canamataxeinaewi. Jopa pin jumetha pajume noteibinde poxonaе paca itorobeiba painya nepaca canamataxeinaewi”, jande. <sup>10</sup> Yawa jande: “Jopa pacaibinde, jame saya beta pata exande painya nepaca canamataxeinaewi, xua daxita jiwi painya nepaca cui yaputaenexa xua bara paexaname pocotsiwa Nacom paca cuiduba pia pexeinya jume diwesi tatsi, pon Wanacacapanenebiyaеin abe waexanaе cuiru coyene weya”, jande.

<sup>11</sup> Nacom bayatha naca yaputane exana xua bara naca yawena pia wanaca antobexae. Naca yawena poxonae naca capanenebiya. Barapo pecapanenebiyae coyene daxita nacuanpiwi nexa. <sup>12</sup> Barapo coyene xua Nacom pia peyawenae coyene jiwitha pia peantobewaxae, naca cuiduba xua wanacui barapentsiwa tsane abe waexanae cuiru coyenein. Yawano naca cuiduba xua wapentsinexa xua po coyenein cayabara cananta xeinatsi po coyenein exana pomonae jopa pejume cowantsiwi, xua pomonae jinompa po cae pin nacuathe. Matautano naca cuiduba xua najuntu coyene itorobeibinchi xua waexaneibinexa po coyenein xua wanae barapo cae pin nacuathe yawa xanepanaya wajinompa dubenanaebiyaenexa xuano xua xainyeya waexana dubenanaebiyaenexa pocotsiwa Nacom itoroba. <sup>13</sup> Yawa naca cuiduba xua wawanae ewatsiya jinompaewa xua equeicha caewa patopaetsica pon xua bayatha Nacom yabara naca tsiwanae muxu duta. Waxainchi ewatatsi xua Jesucristo pia pepatopaewa pexeinya peitapanae coichatha. Bapon barapara wapepa Nacom xuano xua Wanacapanenebiyaein. <sup>14</sup> Jesucristo nacaenaeta xua naca tsitupa wanaca capanenebiyaenexa daxita coyenein weya xua abe waexanae cuiru coyenein. Matautano nacaenaeta wanaca juntu coyene xanepana exanaenexa poxonae naca yabara junteina abe waexanae cuiru coyenein. Baxua Jesucristo exana xua piamonae tatsi pia wanaca exanaenexa, xua pomonaetsi xua waichichipaewatsi xua waexanaewa pocotsiwa wanae.

<sup>15</sup> Xam Titom barapo coyenein bewa cuidubim. Juntu cui coyene tsacabare xua barapomonae junteina pejinompaewa tsane. Matautano muxuwere daxita barapo Creta tunaetopiwi xua bara xanepanaya peexanaewa tsane daxita peitorobi coyenyatha po peitorobi coyene xua Nacom cacata. Jinxoba barapomonae peitatha exaname po coyenewa xua daxota barapomonae tsita pecui pawu nenaexanaewa.

### 3

*Meje yabara po coyene bewa exanae pomonae Nacom pejume cowantsiwichi*

<sup>1</sup> Xam Titom barapo Creta tunaeto nacupapiwi equeicha caewa yabara nanta xeina exanare xua bewa barapomonae jume jejei xua peexanaewa tsane pocotsiwa barapomonae itorobeibatsi pomonae barapomonae pia peyanacua ewatsiwichi xuano pocotsiwa barapomonae itorobeibatsi pomonae pia pentacaponawichi. Matautano muxuwere xua bewa barapomonae najuntu cui wanaetsiya exaneibina xua peexanaenexa tsaibi tsane pocotsiwa xua wanae. <sup>2</sup> Matautano muxuwere xua bewa barapomonae jopa abe paebi tsane xua ichamonae abe peyabara paebiwatsi. Matautano muxuwere xua barapomonae jopa bewa jume matsontsonobi ichamonaetha. Matautano muxuwere xua barapomonae bewa juntu coyene xanepanaya cueicueijejei ichamonaetha. Matautano muxuwere xua bewa barapomonae baru cui itura jina dubenanaebiyaena daxita jiji.

<sup>3</sup> Caena bayatha copiya waxainchi jopa wajume cowantsiwi, jopa Nacom wayaputaexae. Yawa jopa wajume jejei jiji pocotsiwa Nacom naca itoroba. Yawa waxainchi naca itaxanumena. Waxainchi wajuntu coyene naca itoroba xua waexanaewa pocotsiwa waichichipaewa pocotsiwa

xua abe. Matautano naca itoroba xua bewa exanaetsi po peabe coyene naca weiweina exana ichi pomonae jinompa po nacuathepiwi. Matautano abe peexanae cuiru coyenein exana dubenanaebiyatsi, xuano xua peuwi jñntñ coyeneya jinompa dubenanaebiyatsi. Matautano ichamonae naca ita aenae-aenei tsurubenanaebiya, yawano xua waxainchi nantiya naita aenae-aenei tsurubenanaebiyatsi. <sup>4</sup> Ichitha Nacom pon Wanacacapanenebiyaein yabara naca yaputane exana xua po coyene bapon naca jñntñ coyene xanepana exana, xuano xua wanaca antobewa poxonae naca capanenebiya abe waexanae cuiru coyenein weya. <sup>5</sup> Naca capanenebiya, apara jopa poxoruyo xua xanepanaya waexanaexae bapon nexa, apara poxoru nantanuweya naca yabara nanthñ coyene xeina pia wanaca yawenaenexa. Poxonae naca bautisaba meratha baraxua saya yabara caunuta xua Nacom pia Pejumope tñaxñ tatsi naca jñntñ coyene xanepana exana. Poxonae baxua naca cana exana bapoxonae pena jñntñ coyene xeinatsi, xua poxonae Nacom pia Pejumope tñaxñ tatsi naca jñntñ cui coyene yabara cajñntemaina abe waexanaewan. <sup>6</sup> Jesucristo pon Wanacacapanenebiyaein nacata itorobica Nacom pia Pejumope tñaxñ tatsi pia jopa juniya wanaca yawenaenexa. <sup>7</sup> Poxonae Nacom naca jñntñ coyene xanepana exana, bapoxonae naca cana exana xua jopa wanatsiaenae cuentsinexatsi bapontha. Bapon naca yawena pia wanaca antobexae. Daxota waxainchi ewatatsi xua Nacom wanaca catsibiwa tsane peajñntñyapusñwa, po peajñntñyapusñwa ataya tsiteca, tsipei bapon pia pexuichi.

<sup>8</sup> Baxua jame xainyeya pepaebiwa. Ichichipan xua xam jume daunweya tsipaebiname barapomonae xua bewa barapomonae barapo coyene exanaena pomonae xua pejume cowñntsiwixae Nacom. Bapoxonae barapomonae cui enatsi xua peyabara nanta xeinaewa po penacuichi coyenein xua ichamonae tsita xanepanatsi. Barapo petanacuichi coyenein jame xanepana, yawa barapo coyenein jiwi yawenatsi. <sup>9</sup> Dotande xua necuiyainwande xua ichamonae yabara necabarñ najume matsontsonobiwa tsane po diwesin xua pejemai diwesin. Matautano cuiyainwande xua yabara necabarñ cueicueijejiwa judiomonae pia pamo susatopiwi tatsi pia wññxi tatsi. Matautano cuiyainwande xua penajume matsontsonobiwa xuano xua anaya peyabara pepaebiwa Moisés pia peitorobi coyene tatsi. Tsipei ba poxonae barapo coyene exana jiwi, jopa yawenaetsi xua xaniwaichiya pejinompaewa xua jiwi jopa pexainyeiwanxae.

<sup>10</sup> Icha ichññ cana exana xua pomonae Nacom pejume cowñntsiwichi, cana exanatsi xua barapomonae pomonae Nacom pejume cowñntsiwi be pomonae jopa penayaitae jiwi penaexanaewa tsane xua penaita aenae-aeneiwa, bara bapon muxuwere. Icha equeicha jopa xapain exanaeyo equeicha muxuwere. Icha equeicha jopa beta exanaeyo bapoxonae bapon itawere painya xainya weya. <sup>11</sup> Yaputaneme xua barapon pia coutha najñntñ coyene matanonoxuba xua abe peexanae cuiru coyene peexanaewa. Daxota abe peexanaexae pia coutha nat-sicuenta exana Nacomtha.

*Meje yabara xua Pablo muxu tsipaeba pocotsiwa bewa Tito exanaena*

<sup>12</sup> Poxonae nexainya beya cata itorobatsi Artemas, ichacuitha tsipae icha cata itorobatsi Tíquico, nexata bapoxonae yacuina ya ponare Nicópolis tomara beya. Nexata barapo tomarathiya netaename, tsipei

bayatha nanta xeinan xua baxotiya taecaewa tsane awu<sup>u</sup>botha. <sup>13</sup>Zenas pon jiwi yaweneibatsi peyabara yaputaainxae peitorobi coyenein, i<sup>u</sup>ru<sup>u</sup> pon pew<sup>u</sup>n Apolos pon xua casiwa ponabe baponbe yawendebe. Bara exande be pocotsi coyeneya xua caitac<sup>u</sup>pa xua yawename. Baponbe carebe pocotsiwa xua canantawenonabe poxonae pewara-paenexabe xua jopa petaseicaenexa tsainchibe. <sup>14</sup>Barabu wajiwimonae xanepanaya exanaponaena xua daxota peyawenaenexa xua peyawenaenexatsi pomonae peacopeibiwi pocotsiwa xua canantawenona. Bapoxonae pia j<sup>u</sup>nt<sup>u</sup> coyenein tatsi Nacom tsita xanepanatsi.

*Meje yabara xua Pablo najume wetsiya paeba*

<sup>15</sup>Pomonae taxantha ena barapomonae cajacoba. Painta jacobare pomonae Jesucristo pejume cow<sup>u</sup>ntsiwichi, pomonae bichocono paantobein pejume cow<sup>u</sup>ntsixae. Barabu Nacom paca yawenaena daxita paxam pia paca necaantobexae.

Baja Pablo.



## Meje Po Carte Pablo Tatina, Filemon Tatinatsi

*Meje poxonae Pablo tamropata pitaba xua tatina, Filemón tatinatsi*

<sup>1</sup> Xan Pablon, ponxaein jiwi pecabi botha taneetsin xua tanatsipei cueicueijeixae Cristo Jesús yabara. Iru Timoteo, pon iru pejume cowantsin Jesús, baponbe panbe barapo carte pacata tatinatsi. Xam Filemón ponxae bichocono paca antobetsi tsipei pana yantame xua cueicueijam Nacom Pejume Diwesi. <sup>2</sup> Iru pata tinanbe pomonaetha pomona pejume cowantsiwi Jesús pomona jinya botha nacaetuteiba. Iru barapo carte yabayo nexa powa pewan Apia, powa be wamcho watsicotaewa pejume cowantsixaeru Jesús. Iru barapo carte pebin nexa pon pewan Arquipo, pon daunweya pana nebaru nacuita xua poxonae pata cueicueijejwa Nacom Pejume Diwesi. <sup>3</sup> Barabu Nacom Waxa iru Jesucristo pon jiwi Pecanamataxeinaein paca yawenaena pia paca necaantobexae, xvano xua jantema jinompa paca exanaena.

*Meje yabara xua Filemón Cristo antobetsi xvano xua jume cowantano*

<sup>4</sup> Poxonae Nacomtha tsipaebeiban cayabara nanta xeineibatsi jan tsaibin: “Axa, Nacom cawanae jointatsi tsipei Filemón nejuntu coyene weiweina exana”, jan tsaibin. <sup>5</sup> Daxota baxua caunuteiban, yaitama jume tan xua pinae jume cowantame Jesús pon jiwi Pecanamataxeinaein. Matautano jume tan xua pinae antobem Jesús xua irano pinae antobem daxita pomona pejume cowantsiwi. <sup>6</sup> Nacomtha tawacan xua pomona Jesús pejume cowantsiwi xua barapomona taena xua waxainchi be nacaemonaetsi wajume cowantsixae. Matautano Nacomtha tawacan xua barapomona xanepanaya peyaputaenexa xua Nacom naca cana exana pocotsiwa bichocono nacata xanepana poxoru be nacaemonaetsi wajume cowantsixae Cristo Jesús. <sup>7</sup> Taneantobemxae nejuntu coyene tsacarabame yawa nejuntu coyene weiweina exaname xua xaniwaicha jantema tapoponaewa tsane. Xam ponxae be tayapin canatsicotainchi iru nejume cowantsixae Jesús. Beta nepoponaexae daxota beta jinompa daxita pomona pejume cowantsiwi Cristo Jesús.

*Meje xua Pablo Filemón wacatsi xua Onésimo tawacatsi, pon Filemón pia pebusi cui taetaeinchi*

<sup>8-9</sup> Bequein bara taitorobi coyene xeinan xua po coyeneya bewa exanaename xua xan Cristo pia peitorobi jiwi jiwana tatsixaein, ichitha ichichipan xua xam neexanaewa tsane xua tacaantobexaetsi. Xan Pablon bara nama bichocono perun tsecaein matautano anoxuae jiwi pecabi botha neeta tanatsipei cueicueijeixae Cristo Jesús yabara. <sup>10</sup> Cacui itorobatsi xua neyawenaenexa Onésimo. Bapon taxanto be tatsicotaein taneyawenaexae xua cueicueijej Jesús yabara poxonae cataunxuae xote ecanje jiwi pecabi botha. Bapon bayatha nexainya weya nametaba, pon bayatha amanaya necata nacuichin.

<sup>11</sup> Bequein caena bayatha Onésimo amanaya jinya nebusi cui taetaeinchi, daichitha jopa xanepanaya cata nacuichiyo. Ichitha anoxuae bara xanepanaya penacuichin xam nexa yawa xan nexano Jesucristo pejume cowantsixaetsi. <sup>12</sup> Caewa cata itorobatsi bapon. Poxonae bapon

Onésimo patopiya, weyataeya jacobare tsipei bapon bichocono antobein. <sup>13</sup> Xan ichichipan xua bapon taxantha eca xua barapon tana neyawenaenexa po penacuichiwa inta exaname xua iru poxonae cataunxuae jiwí pecubi botha neeta tanatsipei cueicueijeixae Jesucristo pejume diwesi. <sup>14</sup> Ichitha jopa ichipaeinyo xua Onésimo tana neyawenaewa tsane icha jopa becopatsim. Saya ichichipan xua xam exanaename pocotsiwa jinya coutha ichichipame xua jopa neexanaenexa pocotsiwa tacaitorobiwatsi. <sup>15</sup> Metha bayatha Onésimo nametaba nexainya werena saya be caetha nexa xua anoxuae bara tsitecaeya nebaru poponaenexa tsane. <sup>16</sup> Anoxuae nama bapon jopa bewa yabara nanta xeinaem xua bapon be pon pebusi cui taetaeinchi jitontsi. Anoxuae nama bewa catsita tsane xua bapon peainya cui jiton, beyacaincha be pon pebusi cui taetaeinchi. Baxua jei pon bichocono peantobe jitontsi pejume cowantsixae Cristo Jesús. Xan bapon Onésimo bichocono antobein. Ichitha xam nama bapon bewa bichocono antobem jinya necata nacuichixae jame yawano be neyapin tsicotaema iru pejume cowantsixae Jesucristo, pon jiwí Pecanamataxeinaein.

<sup>17</sup> Jinya eweicho tana necana exanaemxaem iru tajume cowantsixae Jesús, daxota moya beta weyataeya matenta wabare Onésimo, icha be neichim poxonae nententa weiweinaya wabame. <sup>18</sup> Icha bapon cata abe exana, icha ichauyo cantoma amanayaba moya newuicare xua barapo matoma tacacatsinexatsi. <sup>19</sup> Xan Pablon cata tinatsi xua barompaya tacobetha yawano xua tacobe cou itaneto, xuaje: Bexa tsane pentoma cacatsinchi. Bequein jopa cawucaetsi pentoma po matoma xua tane-matoma amanayabiwam xua bayatha tacayawenaexaetsi xua nejume cowantsiwa Jesús. <sup>20</sup> Bara barichinde, be pon taeweicho tacanatsico-taeinchi nejume cowantsixaeru Cristo. Inta exande xua caitorobatsi Jesús, pon jiwí Pecanamataxeinaein, pia pejume cowantsiwi pia pejuntu cui coyeneya. Nejuntu coyene tsacarabare xua junte-ma xaniwaicha tapoponaewa tsane.

<sup>21</sup> Daxota cata tinatsi tsipei yaputan xua jume jejam pocotsiwa caitorobatsi xuano xua equeicha nawita exanaename beyacaincha xua tacacui itorobiwatsi. <sup>22</sup> Bapoxonae inta bo tutu netsiwnaere. Tsipei bexa tsane paca taeyopiyaeinchi xua bayatha Nacom painya newucaexae xua tapaca taeyopiyaewatsi tsainchi.

*Meje yabara xua ichamonae Filemón jacobatsi*

<sup>23</sup> Epafra cajacoba pon iru xota eque jiwí pecubi botha penatsipei cueicueijeixae Cristo Jesús yabara. <sup>24</sup> Matautano iru Marcos, iruno Aristarco, iruno Demas, iruno Lucas, daxita barapomonae matabuxuwo neyawena xua tacueicueijeiwa Jesucristo yabara.

<sup>25</sup> Barabu Jesucristo pon jiwí Pecanamataxeinaein, paca yawenaena daxita paxam pia paca necaantobexae.

Baja Pablo.

## Meje Po Carte Po Carta Nacom Pia Jiton Tatsi Tatina, Hebreomona Tatinatsi

*Meje yabara xua Nacom Pexanto itoroba jiwitha petacueicueijeinex-  
atsi*

<sup>1</sup> Caena bayatha Nacom itoroba pia peitorobi jume diwesi petacueicueijeji jiwichi. Barapomona Nacom tacueicueijeichi xua poxona tsipaebatsi wamo susato jiw. Barapomona matowa tacueicueijeji tsaibi xua Nacom tacueicueijeji tsaibichi matautano ainya coyeneintha tsipaeba xua Nacom tatsipaebatsi. <sup>2</sup> Ichitha nama anoxuae mata-painya barapo matabinthe po matabin opi dubena Nacom itorobica Pexanto wanacata cueicueijeinexa, yawa wayabara yaputaenexa Nacom. Barapon Nacom Pexantoxae tatsi caena bayatha barapo nacue forota. Matautano Nacom Pexanto caena barapoxona cana exana xua Pexanto tatsi pecanamataxeinaenexa daxita coyeneintha. <sup>3</sup> Nacom Pexanto tatsi pexeinya peitupanae juntu coyenein xeina po juntu coyenein Nacom xeina. Bapon Nacom Pexanto cui coyene jon-tatsi. Matautano bapon Nacom Pexanto tatsi pia pejume ayapusu itorobiwatha babatiya exana daxita carepaya nacuan. Nacom Pexanto tatsi nacui yabara jume weta xua Nacom Pexanto peyabara paebixae pejume diwesitha. Baxua exana poxona naca tsitupa xua wanaca juntu coyene xanepana exanaenexa. Bapon naca capanepa abe waexanae cuiru coyenein weya. Bapoxona bapon itaboco beicha pona penacuaretsinexa pexeinya peecaethopebiwatha Nacom pia coxa weya tatsi xua itaboco beicha xua Nacom pia peecaethopebiwatha tatsi be-icha.

*Mejeyabara xua Nacom Pexanto tatsi peainya cuin beyacaincha matatsunpiwi*

<sup>4</sup> Nacom Pexanto ainya cui cana exana beyacaincha matatsunpiwi. Nacom baxua tsita itapeinya xeina xua poxonae wun duta Pexanto xua po wun jei: “Nacom Pexanto”, jei, po wun bichocono ainya cui beyacaincha matatsunpiwi pewun. <sup>5</sup> Tsipei Nacom bapana jopa jeiyo matatsunpintha:

“Xam Taxantom, anoxuae jiwit tsita itapeinya  
xeinan xua xan jinya axan”,

jopa bapana jei Nacom matatsunpintha.

Matautano bapana jopa jei matatsunpin yabara:

“Xan bapon pia paxa tatsin tsane,

bapon bara taxanto tsane”, jopa

bapana jei Nacom xua matatsunpin

peyabara paebiwatsi.

Saya ba meisa Nacom Pexantotha

yabara paeba barapo jume.

<sup>6</sup> Matautano poxona Nacom itorobica po cae pin nacuamonaepi-witha tsique, pon yatsicaya compa tatsi, Pexanto yabara jei:

“Barabu daxita tamatatsunpiwimona

Taxanto wuna jaintinchi”, jei Nacom.

<sup>7</sup> Nacom yabara jei matatsunpiwi:

“Tamatsunpiwi itoroban xua nainya inta nacuita icha joibo ichi xua nainya pona poxonaē itoroban barapo joibo. Barichi barapomonaē itoroban xua inta daunweya nacuita icha nawa coicha ichi xua daunweya taxua poxonaē itoroban barapo nawa”, jei Nacom.

<sup>8</sup> Ichitha nama Nacom Pexantotha jei: “Jaina, xam ponxaem Nacom, ataya tsitecaeya itorobiya ewatsiname xua itorobathopequeibame jiwi.

Jinya neitorobiya ewatsi coyenewa bara ataya pexainyei coyenewa.

<sup>9</sup> Xam ichichipame pocotsiwa exana pomonaē xanepanaya peexanaewi. Matautano bichocono aitaftabim pocotsiwa exana pomonaē abe peexaneibiwi. Daxota xan Nacom ponxaein, jinya Nacom bichocono cajuntu coyene weiweina exanatsi, beyacaincha xua jinya jiwimonae juntu coyene weiweina exanan”, jei Nacom Pexantotha.

<sup>10</sup> Equeicha Nacom Pexantotha jei: “Xam pon pepa Necanamataxeinaem jiwi, caena bayatha forotame barapo cae pin nacua poxonaē aena.

Jinya coya exaname peitaboco.

<sup>11</sup> Daxita baxuan pocotsiwan xua jinya neexanaewam weraweracaena. Tsipei daxita baxuan saya peruwan tsane, icha be poxonaē paparuwa ichi xua peruwa tsane xua tsapatsapaca.

Ichitha xam nama ataya tsitecaeya poponaename.

<sup>12</sup> Barapo cae pin nacua iru barapo itaboco poxoru peruwa tsane pichiname xua nexubinexa, xua pena ira equeicha neexanaenexa yawa xua itaboco.

Barapocotsi juta coyeneya exanaename icha be poxonaē pebin ichi xua peruwa nama xuena xua xuba, xua penawa penamaxatatsinexa.

Ichitha xam nama ataya tsitecaeya poponame.

Matautano jinya nepoponaē coyenewa ataya jopa weraweracae tsane”,

jei Nacom Pexantotha.

<sup>13</sup> Nacom bapana jopa jeiyo matatsunpintha:

“Xam tacoxa weya ecare, beya poxonaē abu caexanaeinchi xua itorobiname jinya necaaitaetabi jiwi”, bapana jopa jeiyo Nacom matatsunpintha.

Saya meisa Pexantotha baxua paeba.

<sup>14</sup>Daxita matatsunpiwi peinya pejinompaewi jiwitha. Barapo matatsunpiwi exana dubenanaebiya pocotsiwa Nacom itoroba. Nacom itoroba barapomonae xua petayawenaenexa tsainchi pomonaetha pomonae bexa Nacom capanenebiyaena pomonae pejume cowantsi jiwixaetsi.

## 2

*Meje yabara xua poxonae naca muxuweta xua jopa bewa pepawi cana exanaetsi Nacom pia pecapanenebiyae coyenewa tatsi*

<sup>1</sup> Nacom Pexanto ainya cui cana exana beyacaincha matatsunpiwi. Daxota bewa matowa itapeta jume naitaewatichi pocotsiwa bapon yabara xua jume tainchi. Bapoxonae jopa wayabara junte mainaponae tsainchi po coyene xua Nacom pia pecapanenebiyae coyenewa tatsi. <sup>2</sup> Po peitorobi coyenein caena bayatha matatsunpiwi Nacom tacueicueijeichi, barapo coyenein bara xainyei. Pomonae jopa jume cowantsiyo barapo peitorobi coyenein xuano xua abe exanaponano, barapomonae atene exanaeinchi xua canacui matajupiya cana exanatsi. <sup>3</sup> Cristo naca cana exana xua panenebiyatsi abe waexanae cuiru coyenein weya. Cristo pia pecapanenebiyae coyenewa bichocono ainya cui coyenewa. Icha Cristo pia pecapanenebiyae coyenewa cayabara nanta xeinatsi xua pepawi xua jopa ainya cuiyiyo, waxainchi bapana jopa naca capanenebiyae tsane xua poxonae jiwi atene exanaeinchi abe peexanaexae. Barapon Cristo pon jiwi Pecanamataxeinaein barapo pecapanenebiyae coyenewa yabara tsipaeba copiya. Bapoxonae xuya barapo pecapanenebiyae coyenewa naca tsipaeba pomonae jume tane pocotsiwa xua bapon paeba pon jiwi Pecanamataxeinaein. <sup>4</sup> Nacom tsita itapeinya xeina xua barapomonae bara xaniwaicha yabara paeba Nacom pia pecapanenebiyae coyenewa. Baxua exana poxonae Nacom cana exana xua barapomonae pexeinya petsita itabi coyenewan muxuna exana poxonae cueicueijeji. Matautano baxua exana poxonae cana exana xua barapomonae muxuna exana pocotsiwa bichocono wnae xua jiwi nabenaeca cana exanatsi. Matautano baxua exana poxonae cana exana xua barapomonae pexeinya peayapusu itorobi coyenewan muxuna cueicueijeji. Matautano Nacom tsita itapeinya xeina xua bara barapomonae xaniwaicha cueicueijeji poxonae Nacom pia Pejumope tñaxu tatsi itoroba barapomonae pia juntu coyeneintha tatsi xua pecatsibinexa po cui coyeneya peexanaenexa daxita barompaya tsiniya. Baxua exana barapo Nacom pia Pejumope tñaxu tatsi icha be pocotsi coyenewa Nacom ichichipa xua barapomonae barapo cui coyeneya exanaena.

*Meje yabara xua Jesucristo be jiton coyeneya naexana*

<sup>5</sup> Nacom jopa copatsi tsane xua matatsunpiwi canamataxeinaena barapo pena nacuatha po nacua yabara xuaunxuae pacata tinatsi. <sup>6</sup> Jame nama Nacom Pejume Diwesitha ichun yabara jeye xua pomonae barapo pena nacua pecanamataxeinaewa tsane, jeye:

“Nacom xam jiwi toxeincha bichocono pin juntu coyene xeiname.

¿Eta xua metha yabara nanta xeiname jiwi xua ainya cui exaname xua pecanamataxeinaenexa tsane ichamonae?

7 Nacom copiya saya caetotha exaname xua  
jiwi be conotha ainya cui.  
Baxua exaname poxonae matatsunpiwi toxeinchiya  
ainya cui exaname beyacaincha jiwi.  
Ichitha cotacaya exaname xua jiwi  
ainya cui naexana.

Jiwi cana exaname xua pexeinya  
peitupanae coicha xeina  
yawa catame barapomonaе peayapusu  
itorobi coyenewa xua icha jiwi  
pecanamataxeinaewa tsainchi.  
8 Po jiwi cajume cowanta barapo  
jiwitha catame peayapusu itorobi  
coyenewa daxita xua pecanamataxeinaenexa  
xuantha xua forotame”,  
jei xua ichun tsipaeba Nacomtha.

Poxonae Nacom cana exana jiwi xua canamataxeinaena daxita xua  
xuan forota, dapocotsi coyenewa aibi xua jiwi jopa itacupaetsi xua  
pecanamataxeinaewa. Daichitha awiya cataunxuae jopa jiwi cui taetsi  
xua daxita pecanamataxeinaewa. 9 Ichitha waxainchi Jesús yaputainchi  
pontha pon Nacom saya caetotha cana exana xua jopa ainya cuiyo.  
Matatsunpiwi conotha ainya cui beyacaincha xua Jesús xua poxonae  
caetotha cana exanatsi xua jopa ainya cuiyo xua poxonae popona be  
jiton. Nacom bichocono peantobexae daxita jiwi daxota bapon copata  
xua Cristo tsitupaena daxita jiwi abe pia peexanaexae. Anoxuae eque-  
icha Nacom ainya cui cana exana xua Jesús ainya cui cana exanatsi.  
Matautano Nacom cana exana xua Jesús jopa juniya ainya cuiyiyo xua  
jiwi itorobiya peewatsiwatsi. Matautano Nacom Jesús catatsi pexeinya  
peitupanae coicha. Nacom baxua exana xua Jesús pia petsitupaexae jiwi.

10 Nacom forota daxita coyenein. Matautano daxita baxuan Nacom  
nata exana. Matautano Nacom ichichipa xua daxita piamonaе tatsi pex-  
einaewa tsane pia pexeinya peitupanae coicha tatsi peponaenexa tsane  
pia nacuatheicha tatsi. Daxota Nacom tsita xanepanatsi xua poxonae Je-  
sucristo atene exanatsi beta yatsicaewa pejuntu coyene wunaetsinexatsi  
xua jiwi pecanamataxeinaenexatsi Nacom pia nacuatheicha. Baxua  
Nacom exana poxonae Jesucristo atene exanatsi poxonae tsitupa xua  
jiwi pecapanenebiyaenexatsi abe pia peexanae cuiru coyenein weya  
tatsi. 11 Tsipei daxita pomonaе juntu coyene xanepana exanatsi Na-  
comtha, iruru Jesús pon cana exana baxua barapomonaetha, daxita  
barapomonaе nantauta caein Paxa pon Nacom. Daxota Nacom Pexanto  
tatsi jopa auriyo poxonae naca yabara jei: “Tayapin jiwi pam”, poxonae  
jei. 12 Nacom Pexanto tatsi pon Jesucristo, caena bayatha Nacom Pejume  
Diwesitha xua salmos penaxunaе weixi diwesintha jeye Nacomtha:  
“Cayabara paebinchi tayapinmonaе jiwitha.

Cata naxunaeinchi pewei xua wunaе  
tacajainchinexa poxonae nanabaruru  
nanacaetutsin jinya botha pomonaе cajume  
cowanta”, jei Jesucristo Nacomtha.

13 Ichacuitha caena bayatha Jesucristo jeye xua Isaiás pia diborotha:  
“Xan jume cowantsiya wunaе ewatsin

Nacom xua tana neyawenaewa”, jei.  
 Equeicha Jesucristo jeye:  
 “Xote ecan, baru ecan tapexui pomonae tana  
 nejume cowantsiwi pomonae Nacom  
 necata”, jei Jesucristo.

<sup>14</sup> Pexui ba bara xeina pejana yawa pewito icha be coxiyeiwi ichi tsipei jiwixae. Barichi Jesús xeina jiton pia pepon tatsi pexeinaexae jiwi pia pewito tatsi xuano xua jiwi pia pejana tatsi. Jesús baxua xeina xua petsitupaenexa jiwi. Daxota itacupatsi xua peamanayabiwa pontha pon xua peayapusu itorobi coyenewa xeina xua jiwi pejutebiwatsi. Bapon apara pon caurimonae pia pentacaponaein tatsi. <sup>15</sup> Jesús baxua nacata exana wanaca capanenebiyaenexa wajunuwi coyene weya xua poxonae yabara junuwatsi xua wawerapaewa tsane. Jiwi daxita matacabin junuwiya jinompeiba xua pewerapaewayainwa. <sup>16</sup> Bara xaniyei Jesús jopa tsipatopeicaeyo xua peyawenaenexa tsane matatsunpiwi. Apara jame Jesús tsipatopeica peyawenaenexa tsane Abraham pia pemomoxi susato jiwi tatsi xua yatsicaewa jiwi. <sup>17</sup> Daxota Jesús poxonae naexana bewa yawa naexanaena daxita coyeneya icha jiwi pia pepon tatsi ichi. Bapon bewa baxua yawa naexanaena pia penaexanaenexa pepa wasacerdotepin pocotsin nacata paebeiba Nacom beicha. Matautano bapon Jesús pon pepa wasacerdotepin xainyeya taexana po coyene xua ba sacerdotemonae pia petaexanae coyenewa xua Nacom tsita exanatsi. Bapon Jesús naca weyatane xua wanaca yawenaenexa, xua jiwi petsitupaenexatsi xua Nacom jiwi pejuntu coyene yabara jantemainaenexa tsaibi tsainchi abe pia peexanae cuiru coyenein tatsi. <sup>18</sup> Jesús atene exanatsi poxonae caurimonae pia pentacaponaein tatsi juntu coyene jujutatsi petaenexa tsainchi icha abe exana. Daxota anoxuae bapon Jesús itacupatsi xua peyawenaewa pomonaetha pomonae iruru juntu coyene jujutatsi caurimonae xua abe peexanaewa tsane.

### 3

#### *Meje yabara xua Jesús peainya cuin beyacaincha Moisés*

<sup>1</sup> Nacom iru paca wun duba poxonae itapeta pomonae pepatsinexa tsane pia nacuatheicha tatsi. Tamonae pam, paxam jiwana pam pomonae pejume cowantsiwi Jesucristo, pomonae pam Nacom paca juntu coyene xanepana exana xua piamonae tatsi painya paca cana exanaenexa. Daxota Cristo Jesús pacayabara nanta xeinare. Bapon Jesús Nacom pia peitorobin tatsi pon naca tsipaeba Nacom nexa. Matautano bapon wapepa sacerdotepin pon wanacata paebeibin Nacom beicha. Bapon payabara cueicueijan ichamonaetha wajume cowantsixae bapon. <sup>2</sup> Jesús bara xainyeya exana Nacom pia petanacuichiwa tatsi Nacom peyabara tsiwuna muxu dutsixae bapon barapo penacuichiwane xua Nacom pia peitorobin tatsi tsane yawa wapepa sacerdotepin tsane. Jesús beta xainyeya taexana, icha matha Moisés ichi xua poxonae daxita coyene beta xainyeya taexana Nacom piamonaetha xua Nacom nexa. <sup>3</sup> Jesús pecapanepaexae jiwi bewa bichocono toxeincha baru cui itara jinaetsi bapon beyacaincha xua baru cui itara jinatsi Moisés. Barapocotsi jata coyeneya ichi, bewa Jesús cana exanaetsi icha be poxonae jiton ichi xua bewa baru cui itura jinaeinchi xua ainya cui exanatsi peacabixae bo beyacaincha xua bo xua ainya cui tsuncuae.

<sup>4</sup> Daxita ba bon tsoponae poxoru apara jiton peexanaexae. Ichitha jame pon yatsicaewa nama daxita coyenewan exana apara bapon Nacom. <sup>5</sup> Bayatha Moisés apara pon petanacuichinchi Nacom. Bapon xainyeya daxita exana Nacom pia botha pocotsiwa Nacom itoroba. Bapon Moisés pia penacuichiwa tatsi saya xua yabara tsiwuna caunuta pocotsiwan xua bexa Nacom exanaena. <sup>6</sup> Ichitha nama Cristo Nacom Pexantoxae tatsi xainyeya daxita exana Nacom nexa tsipei cana exana xua bapon canamataxeina daxita pomonae Nacom piamonae tatsi. Waxainchi Nacom piamonaetsi icha ajuntuyapusaya jume cowntapoinchi Cristo beya xua poxonae tpaieinchi. Matautano waxainchi Nacom piamonaetsi icha juntu coyene weiweinaya wuna ewatatsi pocotsiwa bexa Nacom wanaca tsixanaewa tsane.

*Meje yabara xua nafkina caewata Nacom piamonae tatsi*

<sup>7</sup> Cristo ainya cui peexanaexaetsi beyacaincha xua Moisés ainya cui exanatsi daxota Nacom pia Pejumope tñaxu tatsi naca itoroba xua bewa jume taetsi Cristo. Baxua paeba Nacom pia Pejumope tñaxu tatsi. Nacom Pejume Diwesitha, jeye:

“Anoxuae pana nejume taema pocotsiwa paca tsipaebatsi ponxaein Nacomxaein.

<sup>8</sup> Painya xoba pana nejumefebame painya juntu coyenewatha xua daxota jopa painya tana nejume cowntsiwam.

Jopa bara paichinde icha pomonae ichi xua poxonae bayatha nejume matawenta xua exanan poxonae jinompa ichaxota ira xuepana susato tsurucuae nacuatha.

Barapomonae nefayacoteiba poxonae nejuntu coyene jajuteiba beya poxonae anaepanan barapomonaetha poxonae jopa xapain exaneibiyo.

<sup>9</sup> Barapomonae pomonae nejuntu coyene jajuta, apara painya amo susato jiji.

Barapomonae baxua inta exana poxonae jopa nejume cowntsiyo.

Baxua exaneiba beya poxonae cuarenta po weibe tsuxubi bequein taiba pocotsiwa xua taexaneiban barapomonae xua beya cuarenta po weibetha.

<sup>10</sup> Daxota barapomonae caseban yawa yabara jan barapomonae: ‘Barapomonae jopa benejume cowntsiyo pejuntu coyeneintha yawa jopa beyaputaeyo pocotsiwa ichichipan taexanan barapomonae’, jan.

<sup>11</sup> Barapomonae caseban.

Tacoutha jume daunweya najan: ‘Barapomonae bapana jopa patsi tsane tanacuatha ichaxota po nacuatheicha nafinacaewatsina pomonae tana nejume cowntsiwi’, najan”, jei Nacom pia Pejumope tñaxu tatsi,



Nacom Pejume Diwesitha.

<sup>12</sup> Tamonae pam, pomonae iru painya nejume cowantsi jiwixae Jesucristo. Painya xoba paxeiname po juntu coyene bichocono abe, po juntu coyene jopa ichipaeyo xua pejume cowantsiwa Nacom, pon xua asu popona. <sup>13</sup> Jame maisa daxita matababin nantiya pana najuntu coyene tsacabare xua ajuntayapusaya painya nejinompaewa tsane. Daxita pam baxua paexande anoxuae poxonae cataunxuae po dapaetha anoxuae petain paca itacupa xua paexaname baxua. Matautano baxua paexande xua jopa pata tana nejumefebiwam painya juntu coyenewatha. Icha pana nejumefebame painya coutha pana namuxujainyabichipame xua daxota abe painya neexanaewa tsane. <sup>14</sup> Bewa xanepanaya ayapusaya jume cowanta dubenanaebiyaeinchi Nacom xua beya poxonae tpaecinchi. Icha baxua betiya ayapusaya jume cowanta dubenanaebiyaeinchi icha ichichi poxonae aena jume cowantatsi, bapoxonae nayawa muxuna xeinaeinchi Nacom pia nacuatheicha pocotsiwa Cristo xeina.

<sup>15</sup> Daxota equeicha paca tsipaebatsi xuaunxuae po diwesi paca tsipaebatsi xua Nacom Pia Pejumope tanaxu tatsi cueicueijei, jeye:

“Anoxuae pana nejume taema pocotsiwa paca tsipaebatsi, ponxaein Nacomxaein.

Icha pana nejume taneme bapoxonae painya xoba pana nejumefebame painya juntu coyenewatha xua daxota jopa pata tana nejume cowantsiwam tsane.

Jopa bara paichinde icha pomonae ichi xua poxonae nejume matawenta poxonae jinompa ichaxota ira xuepana susato tsurucuae nacuatha”, jei Nacom pia Pejumope tanaxu tatsi.

<sup>16</sup> Payabara nanta xeinare pomonae jume tane xua Nacom pejume tatsi xua bapoxonae Nacom jume matawentatsi. Daxita bapomonae apara pomonae Moisés mata cawarapa Egipto nacua weya. <sup>17</sup> Payabara nanta xeinare Nacom xua caseba xua beya cuarenta po weibetha tsuxubi. Bapomonae apara israelmonae pomonae xua abe exana poxonae jinompa ichaxota ira xuepana susato tsurucuae nacua beya, xuano xua baxota werapano. <sup>18</sup> Payabara nanta xeinare pomonae Nacom daunweya yabara paeba, xua jei: “Barapomonae bapana jopa patsi tsane tanacuatha ichaxota po nacuatheicha naffinacaewatsina pomonae tana nejume cowantsiwi”, jei. Bapomonae apara israelmonae pomonae xua jopa exanaeyo pocotsiwa Nacom itoroba. <sup>19</sup> Bara yauptainchi xua barapomonae jopa itacupaetsi xua pepatsiwa Nacom pia nacuatheicha tsipei jopa Nacom jume cowantsichi.

#### 4

<sup>1</sup> Waxainchi yabara jume cowanta dubenanaebiyatsi xua Nacom naca tsiwunae muxu duta. Nacom naca tsiwunae muxu duta xua bara wanaca itacupaewa tsane xua wapatsiwa pia nacuatheicha po nacua xua Nacom pia penaffinacaewatsi nacua. Daxota poxonae cataunxuae naca itacupa xua wapatsiwa tsane barapo nacuatha bewa yabara najuntu coyene exabichi xua paxam jiwana jopa itacupaetsiwa xua pepatopaewa Nacom pia nacuatha. <sup>2</sup> Waxainchi barichichi jume tainchi barapo Nacom pia pecapanenebiyae diwesi, icha bayatha barapomonae

ichi xua jume tane barapo diwesi. Ichitha barapo diwesi jopa yawe-naetsi barapomonaе xua pejume cowantsinexa Nacom, tsipei jopa jume cowantsiyo barapo diwesi. <sup>3</sup> Waxainchi nama barapomonaetsi xua wajume cowantsiwi barapo pecapanenebiyae diwesi. Daxota naca itacupa xua wapatsiwa Nacom pia nacuatheicha ichaxota bapon naca baru nafinacaewatsina baxoteicha. Nacom wamo susato jiwі yabara paebatsi xuaunxuae paca tsipaebatsi. Jeye:

“Barapomonaе caseban.

Tacoutha jume daunweya najan:

‘Barapomonaе bapana jopa patsi tsane tanacuatha ichaxota po nacuatheicha nafinacaewatsina pomonaе tana nejume cowantsiwi’, najan”,

jei Nacom Pia Pejumope tanaxu tatsi.

Bequein baxua Nacom paeba ichitha caena bayatha weta barapo nacua ichaxota jiwі nafinacaewatsina poxonaе nacobe weta xua daxita forota barapo cae pin nacuathe. <sup>4</sup> Po matacabi pewun “siete matacabi”, jei, barapo matacabi Nacom Pejume Diwesitha yabara paeba. Bapon jeye:

“Nacom nacuita seis po matacabibe.

Bapoxonaе nafinacaeca po mataqueitha pewun ‘siete matacabi’, jei”,

jei Nacom Pejume Diwesitha.

<sup>5</sup> Equeicha Nacom Pejume Diwesitha jeye:

“Barapomonaе bapana jopa patsi tsane tanacuatha ichaxota po nacuatheicha nafinacaewatsina pomonaе tana nejume cowantsiwi”, jei Nacom.

<sup>6</sup> Ichitha cataunxuae acoibi ichamonaе pomonaе xua bexa tsane Nacom copatsina xua nafinacaewatsina ichaxota bapon nafinacaewata. Barapomonaе jume cowantsina xua Nacom paeba. Pomonaе copiya bequein jume taetha Nacom pia pecapanenebiyae jume barapomonaе Nacom caena bayatha jopa copatsiyo xua barapomonaе nafinacaewata tsipei jopa jume cowantsiyo pocotsiwa Nacom paeba. <sup>7</sup> Daxota Nacom nanta xeina xua equeicha pena matacabi exana. Barapo matacabi xua wun duta “anoxuae” jei xua pena coyene. Barapo matacabitha xua piamonaе tatsi petaitacupaewatsi tsainchi xua nafinacaewatsina. Baxua Nacom exana caena bayatha poxonaе David popona xua ainya wei pirapae poxonaе jinompa pomonaе jopa copatsichi xua nafinacaewata. Anoxuae Nacom bapocotsiwa naca tsipaeba pocotsiwa bayatha tsipaeba piamonaе jiwitha, poxonaе David popona, pon jeye:

“Icha anoxuae pajume naitaewatame

pocotsiwa Nacom paca tsipaeba jopa

pajumefebinde painya jantu coyenewatha

xua daxota jopa Nacom painya nejume

cowantsiwam”, jei David caena

bayatha Nacom nexa.

<sup>8</sup> Josué caena bayatha wamo susato jiwі matacapoinchi Canaán nacua berena pomonaе Israel piamonaexae tatsi. Apra jopa matacaponaeyo ichaxota po nacua Nacom yabara paeba xua barapomonaе nafinacaewatsina. Icha Josué bayatha matacaponaetsipa barapomonaе barapo

nacuatha bapoxonae Nacom jopa nantawenonaetsipae xua exanaena icha matabitha po matabitha poxonae barapomonae itacupatsi xua pepatsiwa tsane barapo nacuatha, po nacua ichaxota Nacom yabara paeba. <sup>9</sup> Daxota cataunxuae awiya barapo matabitha tsoxonae po matabitha poxonae Nacom piamonae tatsi nafifinacaewatsina Nacom pia nacuatheicha. <sup>10</sup> Tsipei pon weta pia penacuichiwa pocotsiwa Nacom itoroba bara itacupatsi xua nafifinacaewata ichaxota Nacom nafifinacaewata. Bapon baxua exanaena icha Nacom ichi poxonae nafifinacaeca, poxonae nacobe weta pia penacuichiwa xua poxonae forota daxitan. <sup>11</sup> Daxota bewa ajuntayapusa jume cowanta dubenanaebiyaeinchi xua wanafifinacaewatsinexa tsane ichaxota Nacom nafifinacaewata. Baxua exanaeinchi xua ichamonae waxainchi jiwantsi jopa peyaseicaewa tsane xua nafifinacaewata. Waxainchi jopa ichipaetsi xua icha ichamonae ichi xua jopa nafifinacaewatsiyo jopa pejume cowantsixae pocotsiwa Nacom paeba.

<sup>12</sup> Nacom Pejume Diwesi peajuntayapusa diwesi xuano peayapusa itorobi coyene xeina. Barapo Nacom Pejume Diwesi barapocotsi juta coyeneya ichi xua icha ba cusi ichi xua po wato nantiya baru ducuaebe. Barapo cusi taju uncuiya pebarawa xua pepontha. Barapoxonae barapo cusi itapeinya xeina daxita pocotsiwan xeina wan iya xua matha iya dubeinya bupaniya. Ichitha Nacom Pejume Diwesi ayapusa beyacaincha cusi tsipei barapo Nacom Pejume Diwesi itacupatsi taju bereca pona wajuntu coyenewatha ichaxota nanta xeinatsi. Barapo diwesi naca yaputane exana po coyenein xua wajuntu coyenewatha xeinatsi. Naca yaputane exanano po coyenein yabara nanta xeinatsi wajuntu coyeneintha. <sup>13</sup> Dapocotsiwan aibi barapo cae pin nacuathe xua Nacom forota pocotsiwan xua xuan nantiyatarubena Nacom peitabaratha pocotsiwan xua bapon jopa taeyo. Daxitan naitatarubena xuano xua Nacom itacupatsi xua beta petaewa daxita coyenein. Nacomtha bexa yabara tsipaebinchi xua pocotsiwan bayatha exainchi.

### *Meje yabara xua Jesús pepa sacerdotepin*

<sup>14</sup> Jesús apara Nacom Pexanto tatsi. Bapon wasacerdotepin, pon pepa sacerdotepin, pon bichocono yatsicaya peainya cuin. Bapon bayatha patopa Nacom peitabaratheicha tatsi. Daxota bewa ajuntayapusa jume cowanta dubenanaebiyaetsi bapon, pon yabara cueicueijeichi ichamonaetha. <sup>15</sup> Barapo wasacerdotepin pon pepa sacerdotepin, naca weyatané xua wanaca yawenaenexa poxonae juntu coyene faefae-nouneibatsi abe waexanaexae. Bapon baxua nacata exana, tsipei bapon barichichi juntu coyene jujutatsi xua abe peexanaenexa. Caurimonae pia pentacaponaein tatsi juntu coyene jujuta icha naca ichi. Daichitha nama bapon Jesús bapana jopa abe exanae. <sup>16</sup> Daxota bewa ajuntayapusa wacaetsi Nacom pon bichocono naca antobe. Jopa bewa junuwi tsainchi xua wacueicueijiwa Nacomtha. Bapoxonae Nacom naca weyataena wanaca yabara junteinaenexa xua abe waexanae cuiru coyenein. Matautano bapon wanaca antobexae naca yawenaena poxonae po matabitha canantawenoneibatsi, poxonae naca juntu coyene jujuta.

## 5

<sup>1</sup> Jiwi ba barompaya pia xantha tatsi jiwana taitapetsi pomonae xua daxita cana exanatsi pepa sacerdotepiwi. Barapo sacerdotepiwi

itorobatsi xua barapo sacerdotepiwi caunuta jiwi yabara poxonae cue-icueijei Nacom peitabaratha xua jiwi nexa. Matautano barapo sacerdotepiwi yabara tsiwɔn dubatsi po coyene jiwi petaexaneibiwa tsainchi Nacomtha pocotsiwan xua jiwi amanaya pecatsiwa Nacomtha abe peexanaexae. Matautano barapo sacerdotepiwi yabara tsiwɔn dubatsi po coyene xua jiwi petaexaneibiwa tsaibi tsainchi xua poxonae duwei pejutebiwa pocotsi duwein xua jiwi amanaya pecatsiwa Nacomtha abe peexanaexae. <sup>2</sup> Barapo sacerdotepiwi ichacuiitha juntu coyene faefaenouneiba, poxonae juntu coyene jujuteibatsi caurimonae pia pentacaponaein tatsi xua abe peexanaenexa. Tsipei barapomonae nacui yaputane xua poxonae juntu coyene jujuteibatsi, daxota bara itacupatsi xua peyawenaewa ichamonaetha. Itacupatsi xua peyawenaewa pomonaetha pomonae abe peexanaewi xua bequein jopa yaputaeyo xua abe exana, iruru pomonae yatsicaewa nacui yaputane xua abe exana. <sup>3</sup> Barapo sacerdotepiwi iruru abe exaneiba xua pejuntu coyene faefaenae poxonae juntu coyene jujuteibatsi caurimonae pia pentacaponaein tatsi. Daxota bewa iruru pia coutha nata exanae po coyene xua duwei penata tautsinexa Nacom nexa icha poxonae jiwi tacana ichichi poxonae abe peexanaexae. <sup>4</sup> Dapon ajibi xua pia coutha naexana pon pepa sacerdotepin. Jame ba Nacom bapocotsin yabara tsiwɔn duta xua penaexanaenexa pepa sacerdotepin. Matautano bapontha Nacom cata barapo peainya cui yabara matawɔn dutsiwa icha bayatha Nacom cana ichi pon pewɔn Aarón pon copiya pepa sacerdotepin naexana. <sup>5</sup> Cristo bara cana ichichi. Bapon Cristo pia coutha jopa naexanaeyo pon pepa sacerdotepin xua peainya cuin penaexanaenexa. Apra jame Nacom cata barapo peainya cui yabara matawɔn dutsiwa xua pepa sacerdotepin penaexanaenexa. Bayatha Nacom yabara paeba Pexanto pejume diwesitha, barapo peainya cui yabara matawɔn dutsiwa xua penaexanaenexa pepa sacerdotepin, xua jeye:

“Xam apra taxantom.

Anoxuae xan jinya axaxaein.

Yabara catsiwan dutatsi barapo jinya

nenacuichiwanexa”, jei Nacom.

<sup>6</sup> Equeicha Nacom Pejume Diwesitha xua Pexanto yabara paeba, jeye:

“Xam pon sacerdotepim, xua bara ataya

tsitecaeya tsane, icha Melquisedec matha

ichi pon caena bayatha popona.

Bapon pepa sacerdotepin naexana xua

ataya tsitecaeya pepoponaein”,

jei Nacom.

<sup>7</sup> Poxonae cataunxuae Cristo popona po cae pin nacuathe bichocono jume daunweya tsipaebeiba Nacomtha xuano jume daunweya wɔnqueibano beya poxonae bichocono wecoyei. Cristo wɔnqueiba Nacomtha, pon bequein itacupatsi xua Cristo peyawenaewatsi xua jopa petupaewa. Mexeya poxoru bapon itapetsiya peexanaexae pocotsiwa Nacom ichichipa daxota bara Nacom jume tane pocotsiwa Cristo wɔca.

<sup>8</sup> Bequein Cristo Nacom Pexanto tatsi, ichitha nacuiduba xua Paxa jume jejei xua exana pocotsiwa Paxa itorobatsi xua poxonae atene exanatsi xua ichamonaexana. <sup>9</sup> Bapon pia coutha daxita najuntu cui yabara wɔnaeta poxonae atene xua penaexanaenexa pepa sacerdotepin.

Daxota bapon Cristo exana xua jiwi capanenebiyatsi abe pia peexanae cuiru coyenein weya xua ataya tsitecaeya tsane daxita pomonae pia pejume cowantsiwichixaetsi. <sup>10</sup> Nacom yabara tsiwun duta xua Cristo pepa sacerdotepin naexana, icha matha Melquisedec ichichi xua yabara tsiwun dutatsi xua pepa sacerdotepin naexana, pon caena bayatha popona.

*Meje yabara xua poxonae muxuwetatsi pomonae Nacom pejume cowantsiwi xua pebarapentsiyainwa po coyene xua pejume cowantsiwa Nacom*

<sup>11</sup> Waxainchi xeinatsi nawita xua po coyene wayabara natsipaebinexa Cristo xuaunxuae anoxuae paca tsipaebatsi. Daichitha bichocono ayapube xua paca yaputane exainchi tsipei painya coutha jopa pana nayabara copatsim xua bara painya neyabara yaputaewa tsane baxuan. <sup>12</sup> Caena bayatha bewa pana naexanaem pomonae jiwi painya necuidubi jiwi pam. Daichitha cataunxuae panantawenoname xua ichamonae equeicha caewa yabara paca cuiduba Nacom Pejume Diwesi pocotsiwan xua jiwi nantawenona copiya nacuiduba poxonae aena jume cowanta. Paxam pomonae equeicha caewa pajuntu coyene faefaename, xua painya nejume cowantsiwa. Barapo coyene icha be poxonae pexui ichi xua nantawenona mito, jopa peitacupaexaetsi xua pexaewa pewito. <sup>13</sup> Pexui poxi isainatsi ba nantawenona mito poxoru pewito jopa xaeyo. Barapocotsi juta coyeneya paichim. Paxam jopa paca itacupaeyo xua painya neyabara yaputaewa Cristo pia pecuidubiwa xua po coyene xanepanaya painya nejinompaewa. <sup>14</sup> Nama pewi jopa apara pexui nexiyo poxi isainatsi, jame apara ba pomonae pinyon nexa. Barapocotsi juta coyeneya ichi pomonae ba xaniwaicha jume cowanta pia juntu coyeneintha barapomonae jopa abe exanaeyo. Barapomonae nacuiduba xua yabara yaputane po coyene abe yawano po coyene wnae.

## 6

<sup>1</sup> Barabun nacui barapentatsi xua nayabara cueicueijeichi pocotsi coyenein xua copiya naca cuiduba xua Cristo yabara poxonae aena jume cowantatsi. Jame barabun nanta xeinatsi, po coyene pepa pena coyene icha pomonae pinyon ichi xua pocotsiwan nanta xaina pomonae beta jume cowanta. Po coyenein xua bayatha copiya naca cuiduba xua Cristo yabara, jopa nantawenonaetsi xua equeicha wanacuidubiwatsi po coyenein xua abe waexanaexae bewa aura tsainchi xua daxota nacui barapentatsi po coyenein abe, po coyenein xua ba naca wepu tsana exana Nacom weya. Matautano jopa nantawenonaetsi xua jume cowantsinchi Nacom. <sup>2</sup> Barapocotsiwanje jopa nantawenonaetsi xua equeicha caewa nayabara cueicueijeichi tsainchi tsipei bayatha payaputaneme. Matautano jopa equeicha nantawenonaetsi xua caewa nayabara cueicueijeji tsainchi xua bewa bautisabinchi. Matautano jopa nantawenonaetsi xua equeicha caewa nayabara cueicueijeji tsainchi xua poxonae Nacom pejume cowantsiwi pecobetha pemataboco jayabiwatsi xua pexeinaenexa pejuntu cui coyenein po pejuntu coyene Nacom pia Pejumope tunaxun tatsi cata. Matautano jopa nantawenonaetsi xua equeicha caewa nayabara cueicueijeji tsainchi xua equeicha jiwi asu peexanaewatsi petupae cuiru coyene weya. Barichi jopa nantawenonaetsi xua equeicha caewa nayabara cueicueijeji tsainchi xua poxonae

Nacom yabara paebina jiwi xua penatsicuentisiwa xua abe peexanaexae Nacomtha. Barapoxonae Nacom itawetsina xua bara ataya tsitecaeya tsane abe peexanaexae. <sup>3</sup> Jame barabũ nayabara cueicueijeji tsoponae tsainchi icha coyenein xua pena coyene icha Nacom bara naca cui yabara copatsina.

<sup>4</sup> Ichamonae penta xua Cristo pejume cowũntsiwatsi. Daxota jopa neyapucapaeyo xua equeicha tacuidubiwa Nacom Pejume Diwesi barapomonaetha. Barapomona Nacom pia pejume xainyeiwa nacuiduba, xuano yaputane Cristo pon Nacom itoroba po cae pin nacuathe tsique. Matautano barapomona xaina po pejũntũ coyenein Nacom pia Pejumope tũnaxũ tatsi cata. <sup>5</sup> Matautano barapomona yabara jume cui jũjũta Nacom Pejume Diwesi xua daxota yaputane xua barapo diwesi bara xanepana. Matautano barapomona tane po peayapusũ itorobi coyenewa Nacom pia Pejumope tũnaxũ tatsi cata jiwitha xua barapo jiwi barapo coyenewatha exana pexeinya petsita itabi coyenewan beya poxonae Cristo equeicha patopaena. <sup>6</sup> Icha daxita barapo coyenein barapomona equeicha nacui barapenta xua jopa Nacom pejume cowũntsiwaetsi, bapoxonae nama jopa itacũpaetsi xua equeicha caewa pejume cowũntsiwa Nacom. Poxonae Nacom equeicha pentatsi baxua be barapomona equeicha Jesús caewa bexotsi naetotha. Barapomona exana xua jiwi Nacom Pexanto tatsi yabara jume cui caponatsi tsipei jopa Nacom jume cowũntsiwi. Baxua icha be poxonae ichamonae ichi poxonae matha Jesús naetotha bexotsi xua daxota daxita jiwi Jesús cui caponatsi. <sup>7</sup> Pabi ba po iratha ema mũ jojoneca poxonae ema duneiba barapo iratha, barapo pabitha jiwi pexaewa ũba. Nacom exana barapo iratha xua pexaewa xaniwaicha taxainwaetsina xua pomona peũbimona taxainwaetatsi. <sup>8</sup> Ichitha icha icha pabi saya mũ pesoiwan kuwa, barapo pabi jopa wũnaeyo poxoru jiwi jopa yawenaetsi poxonae ũba barapo pabitha. Daxota Nacom exana xua barapo pabi jiwi tautsina xua pesoiwan daxita tũpa peexanaenexa. Icha Nacom cana ichi pabintha bara jũta cana ichiya exana jiwitha. Icha jiwi Nacom jume cowũnta dubenanaebiya, bara Nacom beta exanaena barapo jiwi. Ichitha icha barapo jiwi Nacom pentatsi, Nacom jopa yawenae tsane barapo jiwi. Saya jame Nacom itoroba xua barapo jiwi petautsiwa tsainchi po isototha xua bapana jopa itacounaiyo.

*Meje yabara xua wawũnae ewatsiwa xua pocotsiwa Nacom yabara wanaca tsiwũnae muxu dutsiwa*

<sup>9</sup> Tamona pam, paxam pomona tapaca caantobe jiwichi pam. Bequein baxuan yabara paca tsipaebatsi, xua jiwi petautsiwatsi ichitha paca yabara yaputainchi xua jopa papentsim Nacom. Yaputan xua bara beta paexaname Nacom painya nepaca capanenebiyaexae. <sup>10</sup> Tsipei Nacom bara xainyeya exana. Nacom jopa paca yabara jũnteminae tsane pocotsiwan xua bayatha paexaname. Matautano jopa paca yabara jũnteminae tsane xua ichamonae painya neyawenaewa pomonae irũ pejume cowũntsiwi Nacom. Baxua patsita itapeinya xeiname xua painya neantobexae Nacom. Baxuan caena bayatha paexanaponame, awiya cataunxuae baxuan paexanaponame. <sup>11</sup> Bequein baxua paexaname daichitha paichichipan xua daxita paxam awiya payawenaponaname ichamonae. A jũntũyapusũya pawũnae ewataponare pocotsiwa Nacom yabara paca tsiwũnae muxu duta xua beya payacuiya

werapaeya othopaename. <sup>12</sup> Jopa paichichipaeinyo xua payabara ajuntucoyenefaetabim xua rawnae ewatame baxua tsipei jopa pana nayabara copatsim xua painya neyabara yaputaewa tsane baxua. Jame maisa bara jutiya paichiponaeinde, icha ichamonaie ichi xua poxonae bichocono jume cowanta Nacom. Matautano barapomonaie jopa bepijawa aitaconaeyo xua wnae ewata pocotsiwa Nacom yabara tsiwanae muxu duta.

<sup>13</sup> Poxonae Nacom yabara tsiwanae muxu duta Abrahamtha, Nacom pia wantha yabara tsiwanae muxu duta Abrahamtha. Baxua Nacom pia wantha paeba tsipei dapon aibi pon bichocono ainya cui xua beyacaincha Nacom. Nacom ataya jume xainyei paeba daxota Nacom jopa icha wantha paebiyoy. <sup>14</sup> Nacom jeye Abrahamtha: “Bara xaniwaicha bichocono cayawenaeinchi. Jinya nemomoxi jiwi pia pemomoxi susato jiwi tatsi pinmonae exanaein”, jei Nacom. <sup>15</sup> Abraham abu saya beitatemaya wnae ewatapona pocotsiwa Nacom yabara tsiwanae muxu duta, jopa aitaconaeyo. Bapoxonae pirapae Abraham catatsi pocotsiwa Nacom bayatha yabara tsiwanae muxu duta bapontha. <sup>16</sup> Poxonae jiwi ba yabara natsiwanae muxu duta xua pocotsiwa bepa pinae exaneibina, pewantha paeba, po wan xua ichan pewan tatsi pon xua bichocono ainya cui beyacaincha xua barapomonaie. Barapomonaie baxua exana xua ichamonaie peyaputaenexa xua bara xaniwaicha xainyeya peexaneibinexa pocotsiwa xua penayabara tsiwanae muxu dubeibixae. Bapoxonae ichamonaie jopa itacupaetsi xua baxua yabara jume matsontsonoba barapomonaetha. <sup>17</sup> Nacom ichichipa xua tsita itapeinya xeina piamonaetha, pomonaetha pomonaie pecatsixae tsane pia petsiwanae muxu dutsiwa xua jopa equeicha ichawa nanta xeinae tsane xua pocotsiwa exanaena. Nacom ichichipa xua barapomonaie peyaputaewa tsane xua bapon xaniwaicha exanaena pocotsiwa bayatha yabara tsiwanae muxu duta Abrahamtha. Daxota Nacom yabara tsiwanae muxu duta pia wantha. <sup>18</sup> Ainya coyenewabe Nacom exana po coyenewabe xua jopa itacupaetsi xua ichawa yabara jume toxechiya exana. Meje baxue: Icha coyenewa Nacom yabara tsiwanae muxu duta; icha coyenewano xua Nacom pia wantha yabara paeba xua pocotsiwa exanaena. Nacom jopa itacupaetsi xua peyabara naerabiwa barapo naxobe coyenebe. Waxainchi pomonaetsi xua pentatsi po coyenein barapo nacie pia coyenein, po coyenein xua abe exanatsi naca cana exana. Matautano jume cowantsiya wnae ewatatsi xua Nacom wanaca yawenaewa tsane xua naca capanenebiya abe waexanae coyenewa weya. Barapocotsiwa bayatha naca yabara tsiwanae muxu duta. <sup>19</sup> Waxainchi wnae ewatatsi xua Nacom bexa naca capanenebiya tsane. Wajume cowantsixae baxua daxota naca juntu coyene ayapusu exana. Naca itacupa xua wayabara jume cowantsiwa. Wawnae ewatsixae baxua naca yawena xua beta jinompatsi Nacom nexa. Baraxua icha be poxonae jera ichi xua tuwatha babatabaruta pocotsiwa xua xota bichocono arewe xua jera beta perucuaenexa. Tsipei xaniwaicha wnae ewatatsi pocotsiwa Nacom exanapaeba, baxua naca cana exana xua nacaewabatsi Nacomtha xua caemonaie nanaexanatsi bapontha. Nacom itaboco beequiya, paparuwa peuma werena pia botha eca xua tututhiya xua pin botha ichaxota wapatsiwa tsane. <sup>20</sup> Jesus itaboco beicha naca tsiwanae patopiya Nacom pexainya beicha tatsi. Bapon

copiya bewa bara bepatopiyaena xua wanaca matacaponaenexa xua iru wanaca itacupaewa tsane xua wapatsiwa tsane bara beicha Nacomtha. Daxota poxonae baxua exana Jesús naexana pepa sacerdotepin icha matha Melquisedec ichi pon caena bayatha popona.

## 7

*Meje yabara xua Jesús pepa sacerdotepin naexana, icha matha Melquisedec ichi*

<sup>1</sup> Bapon Melquisedec caena bayatha Salem tomarapiwi itorobiya pia pepa peewatsinchi. Matautano bapon sacerdotepin pon petsipaebin Nacomtha jiwi nexa, pon Nacom xua itaboco beequiya. Abraham caibe nawirena xua poxonae nawabchata xua poxonae yotaba ainya nacuanpiwi pomonae jiwi itorobiya pia pepa peewatsiwichi xuano xua poxonae Abraham juteba barapomonae. Bapoxonae Melquisedec matenta iya, Abraham matenta iyatsi. Melquisedec Abraham jeichichi: “Barabu Nacom beta cayawenaena”, jei Melquisedec. <sup>2</sup> Abraham nota pocotsiwan xeina pomonae jiwi itorobiya pia pepa peewatsiwichi xua peamanayabixae poxonae juteba. Abraham ainyawan capana, xua diez xuanbe. Jiwana wetsatsaba tsiniya xua Melquisedec pecatsinexatsi sacerdotepinxae. Bapon Melquisedec hebreomonae pijumetha yabara wun caunuta xua jei: “Bapon jiwi itorobiya pia pepa peewatsinchi pon xua beta peexanaein”, jei. Bapon Melquisedec Salem tomarapiwi itorobiya pia pepa peewatsinchi. Barichi barapo Salem wun hebreomonae pijumetha yabara wun caunuta xua jei: “Juntema popona”, jei. Daxota barapo naxobe wunbe yabara wun caunutatsi xua jeye: “Pon jiwi itorobiya pia pepa peewatsinchi xua beta peexanaein xuano xua juntema popona”, jei xua hebreo jumetha. <sup>3</sup> Nacom Pejume Diwesitha Melquisedec paxa tatsi pewun jopa yabara yopitichi. Matautano pena tatsi jopa yabara yopitichi. Barichi jopa yabara yopitichi pia pamo susato jiwi tatsi. Matautano bapon jopa yabara paebichi ichaxota naexana. Matautano jopa yabara yopitichi ichaxota bapon naxuba. Bapon apara sacerdotepin xua ataya tsitecaeya pon petsipaebin Nacomtha jiwi nexa. Bapon sacerdotepin xua ataya tsitecaeya icha ichi pon Nacom Pexanto tatsi pon pepa sacerdotepin.

<sup>4</sup> Payabara nanta xeinare xua bapon Melquisedec bichocono Abraham tsita ainya cuichi. Abraham pon wamo susatopin bapontha cata xua bayatha diez xuanbetha caewan jiwana wetsatsaba tsiniya. Baxua xua xuan Abraham cata apara xua bayatha yabara amanayaba pomonaetha pomonae jiwi itorobiya pia pepa peewatsiwichi xua poxonae Abraham juteba. <sup>5</sup> Moisés pia peitorobi coyenewatha jeye: “Sacerdotepiwi pomonae Levi pia pemomoxi susato jiwi tatsi, itacupatsi xua bara nota caewan pocotsiwa xua jiwi catsiba xua poxonae jiwi diez xuanbe caewan jiwana wetsaba pocotsiwan xua xuan xeina”, jei Moisés pia peitorobi coyenewatha. Barapo sacerdotepiwi baxuan exana barapo jiwitha yaitama piamonae tatsi. Matautano exaneiba yaitama barapo jiwi Abraham pia pemomo susato jiwi tatsi icha barapo sacerdotepiwi ichi. <sup>6</sup> Ichitha Melquisedec jopa Levi pia pemomoxi susato jiwi tatsi. Bequein bapon jopa dapomonaeyo daichitha Abraham catsiba bapontha poxonae caewan jiwana wetsaba tsitsiniya daxita xua diez xuanbetha jiwanan. Abraham xeina peyabara tsiwunae muxu dutsiwan, po



peyabara tsiwunaē muxu dutsiwan bayatha Nacom yabara tsiwunaē muxu duta. Bequein Abraham xeina po peitorobi coyenewa xua itac̄patsi xua jeye ichamonaetha: “Barab̄ Nacom beta cayawenaena”, xua jei, ichitha Melquisedec baxua Abraham tsipaebatsi. <sup>7</sup> Jiwi ba yaputane xua ba bichocono ainya cui pon xua jeye: “Barab̄ Nacom beta cayawenaena”, pon jei. Bapon bichocono ainya cui beyacaincha pon xua pebaraunchixaetsi. Daxota yaputainchi xua Melquisedec bichocono ainya cui beyacaincha xua Abraham tsipei Melquisedec tsipaeba Abraham xua Abraham tsipaebatsi. <sup>8</sup> Anoxuae po dapaethe sacerdotepiwi pomonae pomonaetha xua jiwi catsibeiba xua poxonae diez jiwana wetsabeiba, barapo sacerdotepiwi saya jiwi xua saya pewerapaewa tsane. Ichitha nama Nacom Pejume Diwesitha Melquisedec yabara paebatsi pon xua ataya tsitecaeya pepoponaēin xua jopa pet̄paewa. <sup>9-10</sup> Metha jame be icha iche: Poxonae Abraham cata Melquisedec̄tha poxonae caewan jiwana wetsaba diez xuanbe jiwana, bapoxonae cataunxuae ab̄ Leví jopa naexanaeyo. Matañtano Leví pia pemoxi tatsi cataunxuae jopa naexanaeyo. Barichi cataunxuae pia pemoxi susato jiwi tatsi cataunxuae jopa naexanaeyo. Bapon Leví pon matapainya pepa sacerdotepin canamata canaexana poxonae cotacaya ichamonae ir̄a sacerdotemonae naexana. Bapoxonae sacerdotepiwi naexanumeñapona. Bapon tsipaēbeiba Nacomtha jiwi nexa. Poxonae Abraham catsiba Melquisedec̄tha xua poxonae caewan jiwana wetsaba diez xuanbe Nacom be tsitatsi xua apara be Leví ir̄a cata xua ir̄ur̄a be bara Leví pia pemomoxi susato jiwi tatsi catsiba. Poxonae Abraham cata Melquisedec̄tha xua diez xuanbe caewan jiwana wetsaba, bapoxonae yawa muxuna cata pia pemomoxi susato jiwi tatsi nexa bequein barapomonaē jopa cataunxuae naexanaeyo.

<sup>11</sup> Sacerdotepiwi po sacerdotepiwi Leví canamata canaexana sacerdotepin, barapo sacerdotepiwi israelmonae catatsi Moisés pia peitorobi coyenewa tatsi. Daxita barapo sacerdotepiwi Aarón pia pemomoxi susato jiwi tatsi. Barapo sacerdotepiwi jopa itac̄paetsi xua jiwi cana exanatsi xua penajant̄a coyene xanepana exanaewa Nacomtha xua penatsicuent̄siwa yabara xua abe peexanaexae Nacomtha. Bequein sacerdotepiwi exanapona pocotsiwa itoroba barapo Moisés pia peitorobi coyenewatha ichitha awiwa jopa itac̄paetsi xua jiwi yawenatsi. Daxota jiwi equeicha canamatawenona icha sacerdotepin. Barapo sacerdotepin jopa bewa exanae icha Aarón pia pemomoxi susato jiwi tatsi jiwana ichi. Jame barapo sacerdotepin bewa exanaena icha Melquisedec̄ ichi. <sup>12</sup> Poxonae Nacom icha sacerdotepin cana exana be pocotsin icha Melquisedec̄ ichi bapoxonae yawa muxuna bewa exanaena pena peitorobi coyenewa. <sup>13</sup> Barapo pena sacerdotepin pon Wanacanamataxeinaēin, bapon baxua yabara paebatsi Nacom Pejume Diwesitha. Bapon apara Israel pemomoxi susato jiwi jiwanaēin pomonae jiwana xua doce po bicheitobe. Ichitha bapon naexana icha bicheito dena xua Judas pia bicheito dena po bicheito dena bayatha bapana jopa jiwana naexanaeyo sacerdotepin. <sup>14</sup> Daxita jiwi yaputane xua barapon pon Wanacanamataxeinaēin naexana Judá barompaya pia pemomoxi susato jiwi dena tatsi. Poxonae Moisés yabara paēba sacerdotepiwi Moisés jopa yabara paēbiyo xua Judá pia pemomoxi susato jiwi jiwana tatsi naexanaena sacerdotepin.

<sup>15</sup> Daxota waxainchi xaniwaicha bara yaputainchi xua barapo pena sacerdotepin naexana icha sacerdotepiwi yaiwi, icha Melquisedec ichi pon pepa sacerdotepin. <sup>16</sup> Bapon Cristo jopa naexanaeyo sacerdotepin xua poxoru Moisés pia peitorobi coyenewatha pepaebixae xua Leví pia pemomoxi susato jiwi jiwana tatsi bewa naexanaena sacerdotepin. Jame apara Cristo sacerdotepin naexana Nacom pia peayapusu itorobi coyenewatha xua pexeinaexae peajuntucoyenesuwa po peajuntucoyenesuwa ataya tsiteca xua jopa itacupaetsi xua pewatereracaewa. <sup>17</sup> Nacom Pejume Diwesitha Cristo baxua yabara jeichichi:

“Xam sacerdotepim naexaname ataya xua petsitecaenexa, barapo sacerdote yajiwim icha Melquisedec ichi xua sacerdotepin”,  
 jei Nacom Pejume Diwesitha,  
 xua Cristo yabara paebatsi.

<sup>18</sup> Nacom cana exana xua Moisés pia peitorobi coyenewa tatsi jiwi jopa canantawenonaeyo tsipei barapo coyenewa jopa xeinaeyo peayapusuwa xua jiwi cana exanatsi xua jopa pexeinaewa penatsicuentisiwa xua abe peexanaexae Nacomtha. Matautano jopa itacupaetsi xua jiwi pecanaexanaewatsi xua pecapanenebiwatsi abe pia peexanae cuiru coyene weya. <sup>19</sup> Barapo Moisés pia peitorobi coyenewa tatsi bapana jopa itacupaetsi xua jiwi juntu coyene xanepana exanatsi Nacomtha. Daxota anoxuae pena coyenewa xeinatsi xua ainya cui beyacaincha po coyene xua copiya. Barapo pena coyenewa naca cana exana xua wunaewatatsi pocotsiwa Nacom exanapaeba xua barapo pena coyenewaxae daxota anoxuae Nacom naca yaputane xua piamonaexae tatsichi.

<sup>20</sup> Nacom xainyeya yabara tsiwunaee muxu duta pia pewantha xua Cristo naexanaena sacerdotepin xua ataya tsitecaeya. Jopa nama Nacom pia pewantha yabara tsiwunaee muxu dutsiyo xua sacerdotepiwi penaexanaenexa pomonae Leví pia pemomoxi susatopiwi tatsi. <sup>21</sup> Ichitha poxonae Cristo pon jiwi Pecanamataxeinaein sacerdotepin naexana, bapoxonae ichan, Cristo yabara paebatsi Nacom Pejume Diwesitha, jeye: “Nacom pia pewantha yabara tsiwunaee muxu duta, ichawa jopa toxeincha yabara exanae tsane.

Poxonae Nacom yabara tsiwunaee muxu duta,  
 bapon jeye Pexantotha: ‘Xam sacerdotepim  
 xua ataya petsitecaenexa’, jei Nacom”,  
 jei ichan xua Nacom tapaebatsi  
 Nacom Pejume Diwesi.

<sup>22</sup> Poxoru Nacom tsiwunaee muxu duta xua Jesús naexanapaeba sacerdotepin daxota Nacom tsita itapeinya xaina xua exanaena xua bayatha paeba barapo pena coyenewatha. <sup>23</sup> Bayatha sacerdotepiwi pinmonae tsoponae. Ichitha barapo sacerdotepiwi naitapataya werapouneiba, yawa ichamonae naexana sacerdotepiwi. Dapon aibi barapo sacerdotepiwi jiwana pon itacupatsi xua pewetsiwa pia peexanae coyenewan tsipei daxita werapouneiba. <sup>24</sup> Ichitha poxoru Jesús ataya asu pepoponaexae daxota ataya tsitecaeya exanaena pia peexanae coyenewa icha pepa sacerdotepin ichi. Jopa nantawenonaeyo xua ichan Jesús pecoutha tanacuitatsi pon xuya sacerdotepin naexana. <sup>25</sup> Daxota bapon ataya tsitecaeya itacupatsi xua jiwi ataya pecapanenebiwatsi pomonae xua

pepatsiwa tsane Nacomtha pomonae xua Nacom peyaputaewi pejume cowantsi jiwixae Jesús. Jesús baxua exana ataya tsitecaeya asu pepopon-  
aexae xua pewacaenexa Nacomtha xua barapo jiwi peyawenaenexatsi.

<sup>26</sup> Nacom tsita xanepanatsi xua Jesús pepa sacerdotepin naexana xani-  
waicha, po sicerdotepin wacanamatawenonaexae. Yatsicaewa bapon  
bichocono pejantu coyene xanepanaein Nacomtha. Bapon Jesús jopa abe  
exanaeyo ichamonaetha. Nacom tsitatsi xua Jesús jopa natsicuentysiyo  
poxoru abe jopa exanaeyo Nacomtha. Bapon Jesús seicaya exana ducua-  
naebiya. Jopa exanaeyo icha be ichi pomonae abe peexana dubenanae-  
biyaewi. Bapon Jesús Paxa capoinchi po itaboco tajū beicha po itaboco  
beyacaincha xua necoichatsi xua Jesús barapo itaboco beicha Paxa ainya  
cui exanatsi. <sup>27</sup> Pepa sacerdotepiwi ba bewa exaneibina po coyene  
xua duwei jutebeiba iboto matatsuntha xua tuxusi exaneiba Nacom  
nexa, daxita matababintha tsaibi. Baxuan nata exaneiba copiya abe  
pia peexanae coyenewan nexa. Bapoxonae cotacaya jiwi taexaneibatsi  
abe pia peexanae coyenewan nexa. Nama Jesús jopa barichiyo. Nama  
seicayiya icha coyeneya exana. Bapon Jesús pia pepon nata caenaeta  
xua tupa exanatsi saya bara cae cui coyenetha daxita carepaya jiwi nexa  
xua jiwi abe pia peexanae cuiru coyenewan tatsi nexa. <sup>28</sup> Moisés pia  
peitorobi coyenewa tatsi canacui coyene exanatsi xua bara saya jiwi  
naexana pepa sacerdotepiwi. Barapo pepa sacerdotepiwi abe exana  
xua saya pecui pawī. Barapomonae jopa pejantu cui coyene xanepanae  
jiwi Nacomtha. Ichitha Nacom yabara tsiwānae muxu duta pia wantha  
xua Pexanto cana exana pepa sacerdotepin, po sacerdotepin yatsicaewa  
ataya tsitecaeya bichocono pejantu coyene xanepanaeinxae Nacomtha.  
Baxua Nacom exana xua yabara tsiwānae muxu duta xua pepuya weya  
tatsi poxonae Moisés catatsi peitorobi coyenewa.

## 8

### *Meje yabara xua Jesús pon pejume yawenaein jiwi Nacomtha*

<sup>1</sup> Anoxuae xua pocotsiwa xua bichocono peainya cui coyenewa meje  
baxue: Waxainchi xeinatsi yatsicaya pepa wasacerdotepin, pon yatsi-  
caewa bichocono pejantu coyene xanepanaein Nacomtha xuaunxuae  
yabara paca tsipaebatsi. Bapon eca pia peitapanae ecaethopaewatha  
Nacom pia pexa weya tatsi, peitabocotha. <sup>2</sup> Anoxuae Jesús nacuita  
Nacom pia xantheicha tatsi po penacuichi coyeneya sacerdotepiwi ex-  
ana Nacom pia botha tatsi xua itabocotha. Barapo bo yatsicaewa  
Nacom pia pexainyei bo tatsi ichaxota popona xua itabocotha. Na-  
com pon jiwi Pecanamataxeinaein exana barapo bo. Jiwi jopa exanaeyo  
barapo bo.

<sup>3</sup> Nacom daxita carepaya pepa sacerdotepiwi yabara tsiwān dubatsi  
xua jiwi petaexanaenexa tsaibi tsainchi po coyene pocotsiwa xua jiwi  
amanaya pecatsiwa Nacomtha. Matautano barapo pepa sacerdotepiwi  
yabara tsiwān dubatsi xua jiwi petaexanaenexa tsaibi tsainchi po  
coyene xua duwei pejutebiwa pocotsi duwein xua jiwi amanaya pecat-  
siwa Nacomtha xua abe peexanaexae. Daxota Jesús irū bewa bara  
ichiya exanae xua Nacom taexanatsi ichi sacerdotepiwi ichi poxonae  
Nacom taexanatsi. <sup>4</sup> Icha metha barapo dapaetha Jesús poponaet-  
sipa barapo irathe poxonae irarū jinompa barapo sacerdotepiwi po  
sacerdote Aarón yaiwi jopa itacupaetsipaetsi xua cana exainchi pepa

sacerdotepin. Tsipei cataunxuae barapo irathe sacerdotepiwi yaiwi exanapona pocotsiwa Nacom nexa xua Moisés pia peitorobi coyenewatha pecui itorobixae. <sup>5</sup> Ichitha barapo sacerdotepiwi tanacuita be pocotsiwa xua saya penajupae coyenewa xua jopa pexainyei coyenewa. Pocotsiwa jame xua pexainyei coyenewa, baxua jame Jesús exana peitabocotha. Pocotsiwa xua barapo sacerdotepiwi tanacuita saya be penajupae coyenewa ichitha xaniwaicha jopa najupaeyo xua be pocotsiwa Jesús exana peitabocotha. Baxua yaputainchi poxonae Nacom Moisés tsipaebatsi. Poxonae Moisés muxu pecuaranotsi anseraboco xua ichaxota jiwi w<sub>nae</sub> jainteibina Nacomtha bapoxonae Nacom Moisés tsipaebatsi. Nacom jeye: “Yabara nanta xeinare xaniwaicha xua daxita beta neexanaenexa anseraboco xua bayatha pocotsiwa yabara catsita itapeinya xeinatsi demxuwatha. Barapocotsi anserabocontha seicaya jiwi new<sub>nae</sub> jainchina”, jei Nacom. <sup>6</sup> Nama Cristo, yatsicaya pon wasacerdotepin, bapon exana itaboco beicha pocotsiwa xua yatsicaewa bichocono peainya cui coyenewa. Barapo coyene bichocono ainya cui beyacaincha po coyenewa xua peru coyenewa xua po coyeneya icha sacerdotepiwi exaneiba barapo irathe. Cristo jiwi yabara jume yawenatsi Nacom beicha xua jiwi pepatsinexa Nacomtha. Barapo pena coyenewa Nacom yabara tsiw<sub>nae</sub> muxu duta xua bichocono w<sub>nae</sub> beyacaincha barapo peru coyenewa po coyenewa pocotsiwa sacerdotepiwi exaneiba. Barapo pena coyenewa jiwi j<sub>ntu</sub> coyene xanepana exanatsi Nacomtha. Ichitha barapo peru coyenewa jopa daichiyu.

<sup>7</sup> Bayatha peru petsiw<sub>nae</sub> yabara muxu dutsiwa Nacom Moisés yabara tsiw<sub>nae</sub> muxu dutatsi. Icha barapo coyenewa xeinaetsipa peayapus<sub>wa</sub> xua daxota jiwi beta j<sub>ntu</sub> coyene xanepana exanatsi Nacomtha, metha jopa nantawenonaetsipae icha pena petsiw<sub>nae</sub> muxu dutsiwa. <sup>8</sup> Ichitha Nacom tane xua barapo jiwi jopa pej<sub>ntu</sub> coyene xanepanae jiwi bapontha poxonae barapo peru peyabara tsiw<sub>nae</sub> muxu dutsiwa xeina. Daxota ich<sub>u</sub> Nacom Pejume Diwesitha jeye: “Nacom jeye: Matacabin othopaena, po matacabintha pena petsiw<sub>nae</sub> muxu dutsiwa exanaein Israel nacuapiwi pia pemomoxi susato jiwitha tatsi ir<sub>u</sub> Judea nacuapiwi pia pemomoxi susato jiwitha tatsir<sub>u</sub>.

<sup>9</sup> Jopa bara j<sub>ta</sub> coyeneya ichin tsane poxonae matha icha ichin painya amo susato jiwitha. Barapo coyene barapomonaetha catan poxonae matacaponan Egipto nacua weya. Daichitha barapomonae jopa nacui yabara w<sub>nae</sub>tsiyo xua peexanaenexa pocotsiwa itoroban poxonae catan barapo peyabara tsiw<sub>nae</sub> muxu dutsiwa barapomonaetha. Daxota barapomonae punapentan, xua jopa tayawenaewa tsane, jei Nacom”, jei ich<sub>u</sub>.

<sup>10</sup> Equeicha ich<sub>u</sub> jeye:

“Nacom jeye: Barapo peyabara tsiw<sub>nae</sub> muxu dutsiwa Israel nacuamonaetha, poxonae barapo matacabin wetsina bara baxua exanaein. Janje: Jiwi pej<sub>ntu</sub> coyenewatha ichaxota nanta xeina taitorobi coyenewa baxota dubin.

Bapoxonae barapomonae neyaputaena yawa  
nejume cowantsiya jejei tsane.

Tacoutha barapomonae pia Nacom  
tatsi naexanaein.

Barapomonae tamonaenae naexanaena.

<sup>11</sup> Dapon aibi pon bewa cuidubina ichantha xua  
xan yabara, xuano xua cuidubina pia jitontha  
xua xan yabara, matautano xua cuidubina  
peweicho xua xan yabara  
petana neyaputaewanexa tsane.

Jopa bewa cuidubi tsane barapomonae tsipei  
daxita jiwi neyaputaena pomonaenae pecui paw  
jiwi, irano pomonaenae peainya cui jiwi.

<sup>12</sup> Xan barapomonae cui yabara janteminaein  
abe pia peexanaenae cuiru coyenein tatsi, xua  
jopa pexeinaewa tsane xua tana netsita  
natsicuentaenae xua abe peexanaewaxae.

Bapana ataya equeicha jopa yabara nanta  
xeinaein tsane barapo abe peexanaenae  
cuiru coyenein, jei Nacom”, jei ichan  
Nacom Pejume Diwesitha xua saya  
Nacom tapaebatsi.

<sup>13</sup> Nacom yabara paeba pena peyabara tsiwinaenae muxu dutsiwa tsipei  
po peyabara tsiwinaenae muxu dutsiwa copiya Moisés yabara tsiwinaenae  
muxu dutatsi saya peru jume. Pocotsiwa ba peru coyenewa ba saya  
weraweraca. Daxota barapo peru peyabara tsiwinaenae muxu dutsiwa  
saya iru weraweraca.

## 9

*Mejeyabara xua Nacom pin pia bo tatsi po bo xua itabocotha uncua  
xuano iru po bo xua po irathe tsique uncua*

<sup>1</sup> Nacom copiya Moisés yabara tsiwinaenae muxu dutatsi. Barapo  
peyabara tsiwinaenae muxu dutsiwa peitorobi coyenein xeina xua pocotsi  
coyeneia israelmonaenae bewa exanaena poxonae nacaetuta xua winaenae  
pejainchinexatsi Nacom. Matautano barapo peyabara tsiwinaenae muxu  
dutsiwa itoroba xua jiwi xeina po bo xua Nacom pia bo tatsi xua po  
irathe. <sup>2</sup> Barapo Nacom pia bo jiwi exana duwein pebocoton xua be  
anseraboco. Barapo anseraboco ainya tutube xeina. Po tutu copiya  
dena pewan: “Nacom pia tutu po tutu ainya cui tutu xua jopa pex-  
einaewa peabe cuiru”, jei. Barapo tututha uncua penainto po penain-  
totha itanatanota penasiwa. Matautano barapo tututha uncua xua  
pexaethopaewa po pexaethopaewatha xua baxota jeba pan, po pan  
xua Nacom catatsi. <sup>3</sup> Paparuwa xua dutsica barapo paparuwa pewan  
werena icha tutu xeina po tutu pewan: “Yatsicaewa Nacom pia tutu po  
tutu bichocono pepa peainya cui tutu xua jopa xeinaeyo peabe cuiru”,  
jei. <sup>4</sup> Barapo tututha uncua xua be pexaethopaewa xua u penainto  
xua oro wan nainto. Baraxota ubeibiya tauteibathopa petuxueiwa po  
petuxueiwa tuxusi tuxuei benata poxonae tauta. Matautano barapo tu-  
tutha uncua xua be caja po caja pewan: “Nacom pia peyabara tsiwinaenae  
muxu dutsi caja”, jei. Barapo caja pewan weya daxita matapaieicha  
caxueba oro naintontha. Barapo caja juntututha eca coroto xua oro

nainto. Barapo corototha tsijuntutu boca po pexaewa pewan maná matawan xua itaboco pia pexaewa. Matautano barapo caja juntututha boca penacobenababi naewa po penacobenababi naewa bayatha Aarón xeina. Barapo naewa bayatha Nacom xuwa exana xua tsiwixi pirururajei poxonae pexeinya petsita itutsi coyene exana pia peayapusu itorobi coyeneyatha. Matautano barapo caja juntututha bobena iboton po ibotontha mata tinaduba Moisés pia peitorobi coyenewa. <sup>5</sup> Barapo caja pemata xatatsiwa jumatha nacueyatabe ecabe ainya querubinbe matawanbe xua jumope canaxobiya exana oro nainto, ponbe be matatsunpinbe. Barapo ainya querubinbe matawanbe yabara caunuta xua Nacom baxota eca. Barapo ainya querubinbe matawanbe naitama taecabe yawa nacuarafe yeyetecabe xua itata barapo caja pemata xatatsiwa. Matautano irabe tayecarecabe ichaxoya pejana nunubabareca po jana duwein jana. Barapo duwein sacerdotepin bexuba jivi abe pia peexanae cuiru coyenein tatsi nexa. Anoxuae baxua yabara equeicha jopa bepaca tsipaebichi.

<sup>6</sup> Daxita nacui wnaeta pocotsiwa xua barapo tutubetha nexa. Bapoxonae sacerdotepiwi joneibeibiya daxita matacabi po tututha xua copiya dena. Barapo sacerdotepiwi barapo tututha exaneiba pia penacuichiwa. <sup>7</sup> Ichitha nama po tutu dabeya saya meisa joniyeiba pon pepa sacerdotepin xua saya caeotha tsaibi xua daxita weithan tsaibi. Poxonae barapo pepa sacerdotepin barapo tutu iya joniya bewa nata cajoniyaena duwein jana. Barapo jana nunubaba ichaxota querubinbe matawanbe itabarayo deca xua bapon abe pia peexanae cuiru coyenewan tatsi nexa xuano xua iru jivi abe pia peexanae cuiru coyenewan tatsi nexa xua poxonae jivi jopa nacui yabara yaputaeyo. <sup>8</sup> Peyabara exanaewa daxita baxuan Nacom pia Pejumope tñaxu tatsi naca cuiduba xuaje: Poxonae cataunxae sacerdotepiwi taexana dubenanaebiya Nacom po tututha xua copiya dena, jivi jopa copatsichi xua pata po tutu dabeya ichaxota Nacom popona. <sup>9</sup> Daxita pocotsiwan barapo anserabocototha caena bayatha exana yabara caunuta xua anoxuae wayabara yaputaenexa baxua xua pocotsiwa anoxuae exana. Jivi Nacom wnae jainteibatsi poxonae sacerdotepin exaneiba pocotsiwa xua jivi pecatsiwa Nacomtha xuano xua poxonae exaneibano xua duwei pejutebiwa xua tuxusi exana Nacom nexa. Bara bequein jivi baxua exaneiba ichitha cataunxae pia juntu coyenein tatsi cana exanatsi xua awiya yabara nanta xeina dubenanaebiya abe pia peexanae cuiru coyenein tatsi. Barapo coyene po coyene jivi exana jopa beta juntu coyene xanepana exanaetsi xua jopa penatsicuentisiwa tsane Nacomtha xua abe peexanaexae. <sup>10</sup> Barapo peru peitorobi coyenewa xua Moisés pia peitorobi coyenewa tatsi jivi jopa yawenaetsi xua penajuntu coyene xanepana exanaewa Nacomtha. Saya apara yabara paeba xua jivi bewa pocotsiwa xaibina poxonae nabaneiba, matautano xua xuan pocotsiwa bewa apeibina. Matautano jivi itorobatsi xua po coyenein yabara xua jivi beta penaperu xainwaetsiya nowaewa yabara pia wnae jainteibichi Nacom. Barapo coyenein xua saya jivi bewa cana exanae pia pepontha beya xua anoxuae Nacom pena coyenewa equeicha exana.

<sup>11</sup> Nama Cristo patopa pon pepa sacerdotepin. Bichocono yatsicaewa pexeinya coyenewa xua pena coyenewa nacata capatopa po coyenewa xua anoxuae waxainchi xeinatsi. Po tutu ichaxota bapon

nacuiteiba icha pepa sacerdotepin ichi xua itabocotha bichocono wanae tsipei Nacom daxita matapaeicha wetsiya exana. Barapo tutu bichocono wanae beyacaincha po tutu ichaxota sacerdotepiwi tanacuita Nacom xua barapo cae pin nacuathe. Jiwi jopa acabiyo barapo tutu xua itabocotha tsipei barapo tutu jopa apara po cae pin nacuathe tsique nexiyo. <sup>12</sup> Cristo joniya ichaxota yatsicaewa Nacom pia xantha. Bara xoteicha Cristo jopa caponaeyo duwein jana po duwein pewan chivo, xuano xua vaca jana jopa caponaeyo xua penun jana, xua pebto jana. Saya jame Cristo Nacom tsita itatatsi xua bapon jiwi tsitapatsi xua abe pia peexanae coyenewan tatsi. Bapon Cristo saya bara cae coyenewatha joniya baxoteicha xua daxita carepaya jiwi nexa. Daxota bapon Cristo bara ataya tsitecaeya naca capanepa. <sup>13</sup> Sacerdotepiwi ba nota vaca pebton pia pejanan, yawa chivo pia pejana xuano ipuna xua poxonae tautatsi vaca pesowatiyo peweinyo. Sacerdotepiwi mata wenunababa jiwi daxita baxuantha pomonaetha pomonae xua abe peexanae cuiru coyenein peexanaewixae. Bara bapoxonae barapo coyene jiwi itacupatsi xua cana exanatsi xua jopa penataxobiwa pia pepontha bequein awiya xeina penatsicuentisiwa. <sup>14</sup> Bequein bara baxuan barapo jiwi tsiwiyo yawenatsi xua jopa petaxobiwatsi pia pepontha ichitha nama Cristo pia pejana tatsi barapomonae bichocono yawenatsi. Cristo pejana bichocono peayapusu coyenewa xeina beyacaincha xua duwein pejana. Nacom pia Pejumo pe tana xu tatsi po jumope ataya tsitecaeya popona barapo pejumo pe tana xu tatsi Cristo yawenatsi poxonae saya Cristo nayabara cui copata xua bara pebexubinexatsi poxonae pejana pichapabarena pewan weya petupaewatha. Bapon Cristo jopa bapana exanaeyo peacoyenebewa. Cristo wanaca tsitupaexae Nacom naca juntu coyene xanepana exana. Daxota Nacom jopa tsita natsicuentichi abe waexanaexae. Wajuntu coyene equeicha jopa yabara wanaca tsipaebinexa abe waexanae coyene. Daxota jopa bewa ponae tsainchi ichaxota ataya atene tsailbi pomonae jopa pejume cowantsiwi. Anoxuae jame naca itacupa xua ajuntu suya taexana dubenanaebiyatsi Nacom pon xua ataya tsitecaeya asu peponaein.

<sup>15</sup> Daxota bapon Cristo naexana pon nacata paeba Nacomtha yawa pon naca tsipaeba Nacom nexa. Bapon Cristo nacata catsica Nacom pia pena peyabara tsiwuna mu xu dutsiwa tatsi. Bapon naca cana exana xua daxitatsi caemonae naexanatsi Nacomtha. Poxonae naca tsitupa Nacom yabara junte maina abe peexanae cuiru coyene po peabe exanae cuiru coyenein xua jiwi caena bayatha exana poxonae cataunxuae exanapona po coyene bayatha Nacom Moisés yabara tsiwuna mu xu dutatsi xua peru peyabara tsiwuna mu xu dutsiwa. Daxita pomonae Nacom pewabixae barapomonae catsibinchi peajuntu yapusawa po peajuntu yapusawa xua ataya tsitecaeya tsane xua bayatha Nacom peyabara tsiwuna mu xu dutsixae barapomonaetha. <sup>16</sup> Poxonae pebin ba ichichipa cata pia pecopiniwa ichamonaetha xua poxonae tupaena, copiya matha yabara caununaya wan tinaduba paperatha pomonae xua pecopiniwa xeinaewa tsainchi. Pomonae xua pecopiniwa xeinaewa tsainchi barapomonae bewa tsita itapeinya xeinaena xua barapo pebin xaniwaicha bara tupa xua poxonae beya pewunaeya tsane xua pecopiniwa notsinexatsi pon xua tupa. Bapoxonae barapomonae bara itacupatsi xua pexeinaewa pocotsiwa xua bapon xeina pon tupa. <sup>17</sup> Barapo papera, po paperatha bayatha pe-

bin nacopiniwa yabara jume tinaduba cataunxuae jopa ainya cuiyiyo poxonae ab̄ cataunxuae bapon popona tsipei jopa copiniwa notichi barapomonaē. Saya jame poxonae bapon yatsicaewa t̄paba bapoxonaē jame ainya cui barapo papera, tsipei barapomonaē itac̄patsi xua pexeinaewa tsane pocotsiwa bapon xeina. <sup>18</sup> Barichi barapo copiya peyabara tsiw̄naē muxu dutsiwa. Pew̄naeya tsane xua poxonae jiwi xeinaena pocotsiwa bayatha Nacom Moisés yabara tsiw̄naē muxu dutatsi sacerdotepin bewa matha duwein bexubina xua bapoxonaē barapo coyene jiwi pexeinaewa tsane. <sup>19</sup> Moisés daxita pia peitorobi coyenewan yabara paeba daxita jiwitha. Nexata bapon pena xua oveja na xua tsofia naewiyotha opi yarabaxuba, po naewiyotha pew̄n hisopo naeyo. Bapon mene muxunaxuba vaca jana poyo peweinyo pebtiyo xuano xua muxunaxuba chivo jana. Bapoxonaē baxuan bapon Moisés n̄n̄baba Nacom Pejume Diwesitha. Matautano daxita jiwitha mata wen̄n̄baba. <sup>20</sup> Bapoxonaē Moisés daxita jiwitha jeye: “Barapo jana po janatha paca mata wen̄n̄babatsi apara Nacom itoroba xua tapacata exanaewatsi tsainchi. Baxua paca tsita itapeinya xeina xua Nacom xaniwaicha bara pacata exanaena pocotsiwa pia peyabara tsiw̄naē muxu dutsiwa”, jei Moisés. <sup>21</sup> Barichino Moisés exana xua anseraboco mata wen̄n̄baba pejanatha. Matautano muxuna mata wen̄n̄baba xua xuan barapo anserabocototha tututha umena pocotsiwan sacerdotepiwi canacuiteiba poxonae jiwi nacaetuteiba xua Nacom w̄naē pejainchinexatsi. <sup>22</sup> Moisés pia peitorobi coyenewantha tatsi itoroba xua bara imoxoyo daxita coyeneintha bewa pejanantha mata wen̄n̄babatsi xua daxita baxuan Nacom jopa petsita nataxobinexatsi. Nacom jopa yabara j̄ntemainaeyo jiwi abe pia peexanaē cuiru coyenein tatsi icha jopa pejana epa-epacaeyo xua barapo jiwi nexa.

*Meje yabara xua Cristo tsit̄pa jiwi abe pia peexanaē cuiru coyenewan tatsi*

<sup>23</sup> Sacerdotepiwi bewa jutebina duwei pemata wen̄n̄babinexa pejanatha anseraboco. Bapoxonaē Nacom petsita xanepanaenexatsi xua jopa nataxobiyo barapo anseraboco xuano xua xuan tututha umena. Barapo coyene saya yabara caunuta xua yatsicaewa pepa coyenewa Cristo exana peitabocotha. Ichitha nama barapo yatsicaewa pepa coyenewatha peexanaenexa peitabocotha jame bewa pejana epa-epacae pejana pon pej̄nt̄ coyene xanepanaein pon peainya cuin pia pejana tatsi xua Nacom tsita jiwi xanepanatsi xua jopa penatsicuentisiwa xua abe peexanaexae Nacomtha. Barapo jana bichocono ainya cui beyacaincha duwein jana po jana xua sacerdotepiwi n̄n̄baba po cae pin nacuathe. <sup>24</sup> Poxonaē Cristo joniya Nacom pin pia botha tatsi xua itabocotha jopa joniyaeyo po bo saya jiwi exana po cae pin nacuathe xua Nacom pin pia bo tatsi. Barapo bo xua Nacom pin pia bo saya yabara caunuta xua yatsicaewa peitabocotha xeina pepa Nacom pin pia bo tatsi. Jame Cristo joniya Nacom pin pia botha tatsi, xua Nacom pia nacuatheicha tatsi xua itabocotha. Baxoteicha anoxuae Cristo nait̄ta Nacomtha xua wanacata tsipaebinx̄a Nacom peitabaratha. <sup>25</sup> Pon pepa sacerdotepin bewa joniyaena bara saya caetha tsaibi xua daxitan weithan tsaibi ichaxota po tutu yatsicaewa Nacom pia tutu xua po tutu bichocono yatsicaewa peainya cui tutu xua barapo anserabocototha. Barapon pejana capaneiba barapo tututha



xua duwein jana xua jopa barompaya pia pejana tatsi. Nama Cristo jopa nantawenonaeyo xua nayabara cui copata xua matowa tupa pecana exanaewatsi xua jiwi abe peexanae cuiru coyenein tatsi nexa. <sup>26</sup> Icha baxua tsipae bapoxonae bapon matowa tupa exaneibichipatsi xua bexubeibatsi xua poxonae Nacom aena barapo cae pin nacue forota xua beya anoxuae. Ichitha nama anoxuae weta xua peru dapae tsipei bapon Cristo patopeica barapo cae pin nacuathe petupaenexa xua saya bara cae coyenewatha ataya petsitecaenexa tsane. Bapon Cristo naetotha tsitupa jiwi xua Nacom jiwi peyabara cui jantemainaenexatsi abe pia peexanae cuiru coyenein tatsi. <sup>27</sup> Daxita jiwi ba werapouneibina saya caetotha. Bapoxonae pirapae Nacom yabara paebina daxita jiwi xua penatsicuentsiwa xua abe peexanaexae. <sup>28</sup> Barichiru, icha jiwi ichi Cristo saya caetotha tsitupa jiwi pinmonae, xua Nacom jiwi abe pia peexanae cuiru coyenein tatsi pecayabara jantemainaenexa tsainchi. Equeicha bexa tsane patopeicaena po cae pin nacuathe. Jopa tsipatopeicae tsane xua equeicha petsitupaewa tsane jiwi abe pia peexanae cuiru coyenein tatsi. Jame tsipatopeicaena xua pecapanenebiyaenexa pomonaetha pomonae pia pewanae ewatsi jiwixaetsi xua bapon pepatopaewa po cae pin nacuathe tsique.

## 10

<sup>1</sup> Moisés pia peitorobi coyene tatsi, baxua saya yabara caunuta xua yaputane wanaca exanaenexa po coyene xua wanae po coyene xua bexa Nacom exanaena itabocotha. Barapo coyene, jopa pepa coyenewiyo poroxu jopa jupaeyo po coyene xua Nacom yatsicaewa xeina itabocotha. Moisés pia peitorobi coyenewa tatsi jopa itacupaetsi xua jiwi pejantua coyene xanepana exanaewatsi Nacomtha pomonae wanae jainteiba Nacom. Bequein pepa sacerdotepiwi daxita weitha exaneiba xua duwei jutebeiba jiwi abe pia peexanae cuiru coyenein tatsi nexa daichitha cataunxuae jopa itacupaetsi xua jiwi juntu coyene xanepana exanatsi xua jopa pexeinaenexa xua penatsicuentsiwa xua abe peexanaexae Nacomtha. <sup>2</sup> Icha Moisés pia peitorobi coyene tatsi jiwi juntu coyene xanepana exanaetsipatsi Nacomtha bapoxonae sacerdotepiwi jopa equeicha nantawenonaetsipae xua equeicha pejutebeibiwa duwei jiwi abe pia peexanae cuiru coyenein tatsi nexa. Icha jiwi caetotha juntu coyene xanepanaetsipa Nacomtha, bapoxonae jiwi jopa natsicuentsiwae xua abe peexanaexae Nacomtha. <sup>3</sup> Ichitha poxonae barapo sacerdotepiwi jutebeiba duwei jiwi abe pia peexanae cuiru coyenein tatsi nexa bequein baxua exana cataunxuae jiwi cana exanatsi xua yabara jantanaina barapo abe pia peexanae cuiru coyenein tatsi. Jiwi yabara jantanaineiba baxuan daxita weitha poxonae duwein jutebeibatsi barapo jiwi nexa. <sup>4</sup> Vaca pebto pia pejana tatsi yawa chivo pia pejana tatsi jopa bapana jiwi juntu coyene wenotichi abe pia peexanae cuiru coyenein tatsi xua jopa penatsicuentsiwa nexa Nacomtha xua abe peexanaexae.

<sup>5</sup> Daxota poxonae Cristo patopa po cae pin nacuathe tsique, Cristo jeye Nacomtha:

“Xam jopa ichichipaem po coyene xua duwein pebexubiwa jiwi abe pia peexanae cuiru coyenein tatsi nexa.

Matautano jopa ichichipaem xua po coyenein

xua jiwi amanaya necacatsiwa.  
 Jame pebaxuanexa yatsicaewa pepa  
 jiton necana exaname xua naexanan,  
 tatsitupaenexa jiwi abe pia peexanae  
 cuiru coyenein tatsi nexa.

<sup>6</sup> Xam jopa cajuntu coyene weiweina exanaeyo  
 poxonae duwein ompin tautatsi xuano xua  
 pexaewa tauta petuxusi exanaenexano xua xam  
 neyabara jantemainaenexa jiwi abe pia  
 peexanae cuiru coyenein tatsi.

<sup>7</sup> Bapoxonae xan Cristo, janje:  
 ‘Xam Tanacom.  
 Xan xote po nacuathe patopeicanje taexanaenexa  
 xua pocotsiwa ichichipame be pocotsi  
 coyeneya necui yabara tina jinya diwesitha’,  
 jan”, jei Cristo.

<sup>8</sup> Copiya Cristo paeba xua jeye: “Xam jopa ichichipaem yawa jopa cajuntu  
 coyene weiweina exanaeyo po coyene xua poxonae jiwi bexuba duwein  
 xuano poxonae exaneiba po coyene poxonae jiwi amanaya cacatsibeiba.  
 Matautano jopa ichichipaem poxonae duwein ompin tautatsi xua jiwi  
 abe pia peexanae cuiru coyenein tatsi nexa”, jei Cristo. Baxua Cristo  
 paeba tsipei Moisés pia peitorobi coyenewatha itoroba xua jiwi bewa ex-  
 anaena barapo coyenein Nacom nexa. <sup>9</sup> Equeicha bapoxonae Cristo co-  
 tacaya jeye: “Xan xote po cae pin nacuathe patopeicanje taexanaenexa  
 pocotsiwa ichichipame”, jei. Poxonae Cristo baxua caunutsiya paeba  
 copiducua cana exana po coyene peru coyene. Cristo anoxuae equeicha  
 pecoutha pena coyene exana poxonae naetotha tsitupa jiwi abe pia  
 peexanae cuiru coyenein tatsi. <sup>10</sup> Nacom naca juntu coyene xanepana  
 exana wanaca cana exanaenexa piamonae tatsi poxoru Jesucristo exana  
 pocotsiwa Nacom peichichipaexae. Jesucristo pia pepon nacaenaeta  
 Nacomtha xua naetotha petsitupaenexa daxita jiwi abe pia peexanae  
 cuiru coyenein tatsi xua bara cae coyenewatha xua ataya petsitecaenexa  
 tsane.

<sup>11</sup> Daxita sacerdotepiwi pomonae judiomonae daxita matabi ex-  
 aneiba xua duwein pebexubiwa, bequein barapo coyenewa jopa  
 itacupaetsi xua jiwi juntu coyene wenotatsi abe pia peexanae cuiru  
 coyenein tatsi. <sup>12</sup> Nama Jesucristo bara cae coyenewatha exana poxonae  
 naetotha tsitupa jiwi abe pia peexanae cuiru coyenein tatsi, xua bara  
 ataya tsane. Poxonae Cristo baxua nacui weta Nacom pia pecoxathe-  
 icha tatsi equiya xua itabocotha. <sup>13</sup> Baxoteicha Cristo abu ewata  
 beya poxonae abu tsane poxonae Nacom cana exanaena xua Cristo  
 cana exanaeinchi xua pecanamataxeinaenexa pia peaitafaetabi jiwichi.  
<sup>14</sup> Cristo piamonae juntu coyene xanepana exana xua ataya tsane pox-  
 onae naetotha tsitupa cae coyenewatha. Barapomonae pomonae xua  
 Nacom tsitatsi xua jopa xeinaeyo penatsicuentsiwa pomonae piamon-  
 aexae tatsi. <sup>15</sup> Nacom Pia Pejumope tunaxu tatsi baxua yabara iru naca  
 tsipaeba bayatha Nacom Pejume Diwesitha, jeye:

<sup>16</sup> “Matabin othopaena po matabintha xan  
 tayabara tsiwuna muxu dutsiwa xua pena  
 coyenewa exanaein barapomonaetha.  
 Jiwi pia juntu coyenewantha xua ichaxota

nanta xeina taitorobi coyenewa baxota dubin”,  
 jei Nacom pia Pejumope t̃nax̃u tatsi.

<sup>17</sup> Bapoxonae equeicha Nacom pia Pejumope t̃nax̃u tatsi jeye:  
 “Bapana ataya equeicha jopa yabara  
 j̃ntanainaein tsane jiwi abe pia  
 peexanae cuiru coyenein tatsi”, jei  
 Nacom pia Pejumope t̃nax̃u tatsi,  
 Nacom Pejume Diwesitha.

<sup>18</sup> Daxota poxonae Nacom yabara j̃ntemaina jiwi abe pia peexanae  
 cuiru coyenein tatsi, equeicha jopa nantawenonaeyo xua jiwi duwein  
 pebexubiwa xua tuxusi exana Nacom nexa xuano xua po coyene ex-  
 aneiba xua po coyene Nacom amanaya pecatsibeibiwatsi.

*Meje yabara xua waxainchi bewa waj̃nt̃u coyeneyatha nanta xeinaetsi  
 xua bara apara imoxoyo itiya jinompatsi Nacom*

<sup>19</sup> Tamonae pam, daxota anoxuae naca itac̃pa xua jopa junuwiya  
 patsi tsainchi itabocothaicha ichaxota yatsicaewa Nacom pia tutu, po  
 tutu bichocono peainya cui tutu. Daxota baxua naca itac̃pa tsipei  
 Nacom yabara copata xua bara Jesucristo naca tsiwanaya patopa barapo  
 tututha pejana pichapabarenaexae poxonae naetotha naca tsit̃pa.  
<sup>20</sup> Anoxuae naca itac̃pa xua wapatsiwa Nacomtheicha pena j̃nt̃u  
 coyene waxeinaexae po pena j̃nt̃u coyene ataya ayapus̃u xua poxonae  
 Cristo wanaca tsit̃paexae. Baraxua be poxonae metha Cristo nacata  
 pataxubichipa paparuwa po paparuwa yacaincha ducua Nacom pia  
 tutu po tutu yatsicaewa peainya cui tutu. Daxota j̃joniyaeinchi wa-  
 jinompaenexa Nacomtha. <sup>21</sup> Bapon Jesús, yatsicaewa wasacerdotepin,  
 pon canamataxeina Nacom pia bo tatsi xua itabocothaicha. <sup>22</sup> Daxota  
 bewa waj̃nt̃u coyeneyatha nanta xeinaetsi xua bara apara imoxo-  
 yoyo itiya jinompatsi Nacom, xua yatsicaewa xainyeya waj̃nt̃u coyene  
 xanepanaexae bapontha. Matautano bewa waj̃nt̃u coyeneyatha nanta  
 xeinaetsi xua bara apara imoxoyo itiya jinompatsi Nacom xanepanaya  
 wajume cow̃ntsiya jinompaexae. Matautano bewa waj̃nt̃u coyeney-  
 atha nanta xeinaetsi xua bara apara imoxoyo itiya jinompatsi Nacom  
 tsipei jopa j̃nt̃u coyene auratsi xua jopa watsita natsicuentisixae xua abe  
 waexanaexae. Matautano bewa waj̃nt̃u coyeneyatha nanta xeinaetsi  
 xua bara apara imoxoyo itiya jinompatsi Nacom tsipei poxonae icha-  
 monae naca bautisaba meratha tsita itapeinya xeinatsi xua Nacom  
 bayatha naca j̃nt̃u coyene xanepana exana. <sup>23</sup> Barab̃u naaj̃nt̃u coyenes̃u  
 exainchi xua jopa junuwiya wayabara paebiwa tsainchi waw̃nae ewat-  
 siwa. Baxua exanaponaeinchi tsipei bara yaputainchi xua Nacom bara  
 exanaena pocotsiwa bayatha yabara naca tsiw̃nae muxu duta xua  
 jopa yabara ainya ̃nth̃utontsi. <sup>24</sup> Barab̃u yabara nanta xeinaeinchi  
 po coyenewa xua nantiya nacui tsacabinchi xua wanayawenaewatsi.  
 Bapoxonae nantiya naantobe tsainchi, matautano xua xanepanaya beta  
 nantiya nata exanaeinchi. <sup>25</sup> Jopa bewa bara j̃nt̃a coyeneya ichiya ex-  
 anaetsi be pocotsimonae waxainchi jiwanatsi pomonae jopa pateibiyo  
 poxonae nacaetuteibatsi xua poxonae Nacom waw̃nae jainchinexa.  
 Ichitha jame bewa nantiya naj̃nt̃u coyene tsacabichi xua j̃ntema waji-  
 nompaewatsi. Barapo coyene bewa exanaponaetsi beyacaincha xua po  
 cui coyene copiya bayatha. Baxua exanatsi tsipei anoxuae yaputainchi

xua matakabi jopaena, po mataqueitha pon jiwi Pecanamataxeinaein patopaetsica.

<sup>26</sup> Tsipei icha ichamonae waxainchi jiwantsi icha barapomonae awiya abe exanapona xua pocotsiwa peichichipaexae xua abe exana xua poxonae bequein peyaputaewatha po coyene pexainyei jume, nama icha coyenewa ajibi, xua ichan equeicha petsitupaenexa barapo peabe coyenewa. <sup>27</sup> Saya jame meisa tanacopatatsi pomonae awiya abe exanapona xua matakabi cunuwa po mataqueitha poxonae Nacom yabara paebina jiwi xua penatsicuentisiwa xua abe peexanaexae. Matautano tanacopatatsi xua isoto yabara cunuwa, po isoto bichocono atou, po isototha Nacom weraweraca cana exanaena daxita pomonae pia peaitafaetabi jiwichi. <sup>28</sup> Po pebin jumefeba po coyene Moisés itoroba pia peitorobi coyenewatha, xua poxonae nacueyatabe pebinbe ichacuiha poxonae acoibi poyobe baponbe yabara paebabe: “Bapon pajume tan poxonae jumefeba”, jei, bapoxonae bapon bewa tupaena. Tsipei pomonae bapon yabara paebatsi xua penatsicuentisiwa xua abe peexanaexae, barapomonae tsita itapeinya xeinatsi xua bara bapon xainyeya abe exana. Daxota bapon bewa tupaena tsipei barapomonae jopa yabara nanta xeinaeyo xua bapon peyawenaewatsi. <sup>29</sup> Xuaje payabara nanta xeinare: Nacom bichocono atene exana pomonaetha pomonae Pexanto tatsi itaweta. Matautano atene exana pomonaetha pomonae abe yabara paeba xua pinae Jesús pejana jopa ainya cuiyo bequein Jesús tsitupa jiwi. Jesús petsitupaexae daxota Nacom yabara tsiwanae muxu duta xua jiwi pejuntu coyene xanepana exanaenexatsi Nacom. Matautano barapomonae jopa natsicuenti tsane xua abe peexanaexae. Matautano Nacom atene exana pomonaetha pomonae Nacom pia Pejumope tnanaxu tatsi tsumu jumeya baru paebatsi po pejumope jiwi yawenatsi pia peantobexaetsi. Barapomonae nama bichocono atene exanaeinchi beyacaincha xua ichamonae atene exanaeinchi pomonae jopa exanaeyo pocotsiwa Moisés itoroba. <sup>30</sup> Waxainchi yaputainchi xua Nacom bayatha jeye: “Xan tacoya exanaein pentoma xua jiwi atene tsane abe peexanaexae”, jei Nacom. Equeicha Nacom Pejume Diwesitha jeye: “Nacom yabara paebina piamonae xua penatsicuentisiwa xua abe peexanaexae”, jei. <sup>31</sup> Po pebin abe exana bichocono junuwa cana exanatsi poxonae Nacom yabara paebina bapon tsipei barapo pebin Nacom tsitatsi xua bapon bara penatsicuentisiwa xua abe peexanaexae. Bapoxonae Nacom, pon ataya asu pepoponaein, bichocono jopa juniya atene cana exanae tsane bapontha.

<sup>32</sup> Bara ataya payabara juntanainare po dapaetha poxonae bequein aena pajume cowuntame Nacom, xua ichitha beta paexaname. Bapoxonae awiya ichitha juntea parubenanaebiyame poxonae bequein ichamonae pacata abe exana. <sup>33</sup> Ichamonae xua paxam jiwana pam barapomonae tsumu jumeya biatainchi xuano jiwi itatha atene exaneibatsi. Iruru ichamonaeru pomonae paxam jiwana pam barapomonae nacayabara nanta xeina xua barapara iruru atene exaneibatsi poxonae ichamonae atene exaneibatsi. <sup>34</sup> Paxam painya antobexae pacayabara nanta xeiname pomonae jiwi pecubi botha jebatsi xua painya neyawenaenexa. Bequein bara ichamonae daunweya pacata nota xua xuan daxita paxeiname, daichitha awiya cataunxae pajuntu coyene weiweiname. Bara payaputaneme xua paxeiname itabocothe-

icha pocotsiwa bichocono yatsicaewa w̄nae beyacaincha pocotsiwa po cae pin nacuathe paxeiname. Baxua xua pocotsiwa paxeiname itabocotheicha ataya tsitecaeya paxeinaename baxua. <sup>35</sup> Jopa pana nacui barapentsinde xua payabara jume cow̄nta dubenanaebiyame xua painya nepaca catsinexa pocotsiwa bayatha Nacom yabara paca tsiw̄nae muxu duta. Tsipei wajume cow̄nta dubenanaebiyaexae tsane Nacom, baxua nexa Nacom pentoma naca catsibina xua bichocono nawita xua pia nacuatheicha. <sup>36</sup> Paxam panantawenoname xua aj̄nt̄yap̄us̄ya parubenanaebiyama awiya xua jopa paaitaconaem bequein ichamonae pacata abe exana xua painya neexanaenexa pocotsiwa Nacom ichichipa. Baroxonae Nacom paca catsibina pocotsiwa xua bayatha yabara paca tsiw̄nae muxu duta. <sup>37</sup> Nacom Pejume Diwesitha jeye:

“Methaunxuae patopaetsica, pon bewa patopeicaena.

Jopa bayathiyo tsane.

<sup>38</sup> Pon bara netsita pej̄nt̄y coyene

xanepanaein, bapon bara ataya poponaena

tana nejume cow̄nta ducuaanaebiyaexae.

Ichitha icha bapon equeicha caewa jopa

nejume cow̄ntsiyo jopa xanepanaya beyabara

j̄nt̄y coyene weiweinaein̄yo, pocotsiwa

bapon peexanaexae”, jei Nacom.

<sup>39</sup> Ichitha nama waxainchi jopa be barapomonaetsi, pocotsimonae equeicha caewa jopa jume cow̄ntsiyo Nacom. Barapomona Nacom weraweraca exanaena. Nama waxainchi pomonaetsi awiya jume cow̄nta dubenanaebiyatsi Nacom beya poxonae waj̄nt̄y coyenewa nacata capanepa exanaeinchi.

## 11

*Meje yabara xua Nacom pejume cow̄ntsiwatsi*

<sup>1</sup> Pon jume cow̄nta ducuaanaebiya Nacom, bapon bara xaniwaicha yaputane xua xeinaena pocotsiwa w̄nae ewata. Matautano pej̄nt̄y coyene tsita najume itapeinya xeinatsi xua barapara xainyei po coyene xua barapon yabara jume cow̄nta bequein cataunxuae yatsicaewa jopa taeyo. <sup>2</sup> Wamo susato jiwi xanepanaya beta yabara paebatsi xua Nacom beta yabara paeba ayap̄us̄ya pejume cow̄ntsiwaxaetsi.

<sup>3</sup> Waxainchi wayabara jume cow̄ntsixae xua Nacom naca yawenapaeba daxota yaputainchi xua barapo cae pin nacue ir̄a barapo itaboco susato forotatsi, Nacom peitorobixae. Pocotsiwan xua anoxuae tainchi, Nacom forota pocotsiwan weya xua bapana jopa taetsi, pocotsiwan xua peinyaxae.

<sup>4</sup> Abel pon caena bayatha popona yabara jume cow̄nta xua Nacom yawenapaeba. Daxota bapon duwein bexuba xua tuxusi exana Nacom nexa. Nacom tsita xanepanatsi pocotsiwa Abel exana. Daxota Nacom yabara paeba xua bara bapon pon pej̄nt̄y coyene w̄naein. Ir̄a Caín Abel pentapin tatsi, bapon ir̄a bequein pexaewa exana po coyene xua Nacom pecatsiwatsi. Daichitha barapo coyene Nacom jopa tsita xanepanaetsi. Nacom bichocono beita cui jichatsi pocotsiwa Abel exana, beyacaincha xua pocotsiwa Caín exana. Nacom baxua beita cui jichatsi

tsipei Abel peyabara jume cowantsixae pocotsiwa Nacom exanapaeba. Bequein Abel bayatha tupa ichitha naca itacupa xua awiya wayabara nacuidubaponaewatsi pocotsiwa Nacom exanapaeba poxonae yabara yorobatsi Abel pia pejume cowantsiwa tatsi.

<sup>5</sup> Enoc pon caena bayatha popona yabara jume cowanta xua Nacom yawenapaeba. Daxota bapon Enoc pichicatsi. Nacom pichica xua bapon pecapanaenexatsi itabocothaicha, xua bapon Enoc jopa petupaenexa bara po cae pin nacuathe. Enoc piamonae jopa caxinaetsi, poxoru Nacom pichica. Nacom Pejume Diwesitha paeba xua poxonae pewnaeya tsane xua pichicaeinchi Enoc, Nacom tsita xanepanatsi pocotsiwa Enoc peexanaexae. <sup>6</sup> Jopa itacupaetsi xua jiwi Nacom tsita xanepanatsi icha barapo jiwi jopa beta jume cowantsiyo Nacom. Pon xua ichichipa imoxoyo itiya popona Nacomtha jame bewa matha yabara jume cowantsina xua Nacom bara xaniwaicha popona. Matautano jame bewa yabara jume cowantsina xua Nacom bara cata pocotsiwa bayatha yabara tsiwinae muxu duta pomonaetha pomonae pia pejeichiwichi xua pejume cowantsinexatsi. Barapomonae Nacom yaputainchi.

<sup>7</sup> Noé pon caena bayatha popona yabara jume cowanta xua Nacom yawenapaeba. Daxota Noé piamonae tsixana pin jera nae xua piamonae matabuxuho pebaru nacapanepaenexa. Nacom Noé pewnaeya yabara muxuwetatsi xua pocotsiwa bexa exanaena pocotsiwa Noé bapana bayatha jopa taeyo, xua pin awabo tsane xua Nacom itorobina. Noé bara jume cowantsiya exana pocotsiwa Nacom itoroba poxonae pin jera nae exana xua piamonae matabuxuho pebaru nacapanepaenexa. Noé pejume cowantsixae Nacom, bapon tsita itapeinya xeina xua pomonae barapo cae pin nacuepiwi apara abe exana poxonae jopa yabara jume cowantsiyo xua Nacom itorobapaeba pin awabo. Nacom tsitatsi xua barapo jiwi atene tsane penatsicuentiwaxae jopa pejume cowantsixaetsi. Jame Noé Nacom jantu tsita coyene xanepanatsi pejume cowantsixaetsi bapon. Daxota Nacom Noé piamonae matabuxuho baru capanepatsi.

<sup>8</sup> Abraham pon caena bayatha popona yabara jume cowanta xua Nacom yawenapaeba. Daxota poxonae Nacom pewabixae, bapon bara exana pocotsiwa Nacom itoroba. Bapon Abraham pia nacia weya pona xua peponaenexa icha nacuatha, po nacia bayatha Nacom yabara tsiwinae muxu duta, xua bapon catapaebatsi. Bapon Abraham pia ira weya pona xua icha nacia beya pona po nacia bequein jopa yaputaeyo ichaxota pona. <sup>9</sup> Abraham peyabara jume cowantsixae Nacom, bapon popona po iratha xua bayatha Nacom yabara tsiwinae muxu duta. Bapon Abraham be pon penanapaincha poponaein xua icha nacia wena poponaexae xua poxonae icha nacuatha popona. Bapon Abraham poponeiba anserabocon bomuxuxitha icha Isaac ichi iru icha Jacob ichi poxonae poponeibabe anserabocon bomuxuxitha. Abraham, iru Isaac, iru Jacob barapoyobe Nacom tsiwinae yabara muxu duta barapo ira xua Nacom pecatsinexa. <sup>10</sup> Abraham nacui yabara winae ewata xua patopaena po tomaratha ichaxota xua pepu umenae bon xua Nacom pia nacuatheicha. Apara Nacom bapon pon yabara nanta xeina xua forotsina barapo tomara po tomara xua Nacom pia coya bara exana.

<sup>11</sup> Barichi Sara Abraham piseuri tatsi yabara jume cowanta xua Nacom yawenapaeba. Bequein bapowa acue xua jopa peitacupaewatsi xua pex-

einaewa pexui awiya jume cowanta Nacom. Sara pejume cowantsixae, Nacom cata barapowa catatsi peajuntuyaruswa, xua barapowa pepabetsinexa pexuyo. Baxua barapowa taexanatsi tsipei barapowa jume cowanta pocotsiwa Nacom taexanaena bapowatha xua bayatha Nacom yabara tsiwanae muxu duta. <sup>12</sup>Bara barichi Abraham. Bapon bichocono amo tsecae xua bara imoxoyo petupaewaba tsane xua jopa itacupaetsi xua peexanaewa pexui. Daichitha Nacom copata xua bapon pexanto xeina xua daxota bapoxonae bapon pia pemomoxi jiwi tatsi bichocono pinmonae naenaexanapona. Barapo bicheito bichocono pinmonae icha opiteimonae ichi xua bichocono nawita. Matautano barapomonae icha taetowa beno ichi xua bichocono beno cacujei xua mar mene itapatha. Jopa itacupaetsi xua barapo jiwi peununaewatsi icha taetowa beno ichi.

<sup>13</sup> Daxita pomonae jume cowanta Nacom barapomonae yajume cowantsiya werapa. Aba cataunxuae jopa catsibichi pocotsiwa bayatha Nacom yabara tsiwanae muxu duta xua pocotsiwa bapomonae catsibapaebatsi. Daichitha barapomonae yabara jume cowanta xua pocotsiwan bexa xeinaena xua Nacom bexa catsibina. Barapomonae baxuan yabara jume cowantsiya tsita xanepanatsi. Barapomonae nantia nayabara nanta xeina, jeye: “Waxainchi pomonae be wanana-paincha jinompaewichi barapo pena nacuathe xua be icha nacua werena waponaeawi, pomonaetsi xua awiya jeita dubenanaebiyatsi po nacua yatsicaewa pepa wanacua”, jei daxita barapomonae. <sup>14</sup> Tsipei barapomonae baxua paeba, naca yaputane exana xua awiya jeitapona po nacua yatsicaewa pia nacua tatsi. <sup>15</sup> Barapomonae jopa apara yabara caunutsiyo ichaxota copiya po nacua weya Abraham pona. Icha metha baxua yabara paebichipa metha bara itacupaetsipatsi xua caewa pewarapaewa pia nacua ichaxota copiya bayatha jinompa. <sup>16</sup> Ichitha barapomonae ichichipa po nacua xua bichocono wanae beyacaincha xua icha nacuan. Baraxua xua po nacua ichichipa, apara Nacom pia nacua tatsi. Daxota Nacom jopa auriyo xua barapomonae yabara paebatsi xua pinae Nacom barapomonae pia Nacom tatsi. Daxota Nacom barapomonae tsiwanaetatsi tomara.

<sup>17</sup> Nacom Abraham juntu coyene jujutatsi peyaputaenexa icha bara metha yatsicaya jume cowantatsi. Daxota Nacom Abraham itorobatsi xua pexanto pebexubiwa tsane icha be pocotsi coyeneya ichi xua poxonae duwein bexuba Nacom nexa. Abraham pejume cowantsixae Nacom daxota pexanto capana atororo beya pon yatsicaewa compa tatsi pon pewun Isaac. Abraham muxu pexanto pebexubi icha be pocotsi coyeneya ichi xua poxonae duwein bexuba Nacom nexa. Bapon baxua exana bequein Nacom yabara tsiwanae muxu duta barapo Abraham pexanto tatsi, jeye: <sup>18</sup> “Barapo nexanto Isaacxae nantauntsiname nemomoxi susato jiwi”, jei Nacom. <sup>19</sup> Abraham jume cowanta xua icha Isaac tupaetsipa Nacom itacupatsi xua equeicha Isaac caewa asu exanatsi poxonae bequein pexanto bexubichipa. Poxonae Abraham muxu pexanto pebexubi, apara bara be xua bayatha tupa, matautano apara be xua Abraham pexanto equeicha caewa asu taexainchi.

<sup>20</sup> Barichi Isaac yabara jume cowanta xua Nacom yawenapaeba. Daxota bapon Isaac pexantobe tsipaeba, jeye: “Barabu Nacom paca yawenaena pia paca necaantobexaebe”, jei Isaac pexantobetha, Jacob iru Esaú.

<sup>21</sup> Barichi Jacob yabara jume cowanta xua Nacom yawenapaeba. Daxota poxonaе bapon juntucuru imoxoyo tupaenaba barompaya tsi-paebabe José pia pexantobetha tatsi xua pia pemomobexae tatsi. Bapon jeye: “Barab<sub>u</sub> Nacom paca yawenaenabe pia paca necaantobexaеbe”, jei Jacob José pia pexantobetha tatsi. Bapoxonaе bapon Nacom w<sub>u</sub>nae jaintatsi poxonaе naewatha nab<sub>u</sub>x<sub>u</sub> babatanotsiya y<sub>u</sub>y<sub>u</sub>tanota tsipei bichocono amo tsecae.

<sup>22</sup> Ir<sub>u</sub> José yabara jume cowanta xua Nacom yawenapaeba. Daxota poxonaе bara imoxoyo tupaenaba yabara paeba israelmonae. José yabara paeba xua bexa tsane Israel pia pemomoxi susato jiwi tatsi warapaena Egipto nacua weya, xua po nacuatha beya po nacua bayatha Nacom yabara tsiw<sub>u</sub>nae muxu duta xua Nacom catapaeba. Matautano José pia pexui cui itoroba, xua José pia pexui piwa capanaeinchi Egipto nacua weya po nacua beya ichaxota israelmonae warapaena po nacua xua Nacom yabara tsiw<sub>u</sub>nae muxu duta xua Nacom catapaeba.

<sup>23</sup> Moisés pena tatsi ir<sub>u</sub> paxa tatsi yabara jume cowanta xua Nacom yawenapaeba. Daxota Moisés matsiyatatsi botha acoibi po xometobe poxonaе aena naexana. Moisés pena yabara nanta xeinatsi yawa paxa yabara nanta xeinatsi xua Moisés it<sub>u</sub>b<sub>u</sub>n tsecae. Baponbe jopa yabara jume cuitaya junuwiyo be xua po coyene cui itoroba Faraón pon Egipto nacuapiwi itorobiya pia pepa peewatsinchi xua pinae daxita pexui pebin w<sub>u</sub>tixi bewa jutebinchi.

<sup>24</sup> Ir<sub>u</sub> Moisés yabara jume cowanta xua Nacom yawenapaeba. Daxota poxonaе bayatha pinyoba Moisés jume aichaxaibiya naitemata, jeye: “Xan barapowa jopa pexanton tatsin powa Faraón pexantiyo tatsi”, jei Moisés. <sup>25</sup> Saya jame bapon Moisés itapetatsi xua ir<sub>u</sub> yawa muxuna atene exanaeinchi Nacom piamonaе tatsi xua poxonaе barapomonaе atene exanaeinchi xua ichamonae atene exanaena pomonaе Egipto nacuamonaexae. Moisés ichichipa xua pecana exanaewa tsainchi icha piamonaе tatsi tacana ichichi. Moisés jopa benaexanaeyo xua daxitan pexeinaewa tsane pecoutha pocotsiwan xua Faraón xeina. Icha baxuan xeinaetsipa Moisés j<sub>u</sub>n<sub>t</sub><sub>u</sub> coyene weiweina exanaetsipatsi barapo nacuatha xua saya caepatiyo nexa tsipae po coyene xua jiwi weiweina exanatsi xua abe peexanaponaewa. Moisés piamonaе jopa benaitematsiyo daxota jopa benotsiyo Faraón pecopiniwa tatsi. <sup>26</sup> Ichamonae Moisés ts<sub>u</sub>m<sub>u</sub> jumetha biatainchi xua aj<sub>u</sub>n<sub>t</sub><sub>u</sub>coyenetane exanatsi icha Mesías ichichi pon Nacom itoroba. Poxonaе Moisés nayabara jume tane baxua tsita coyene xanepanatsi, beyacaincha xua poxonaе barapo copei pexeinaewa tsane Egipto nacuatha. Baxua Moisés itapeta tsipei ichichipa xua pexeinaewa po pentoma bexa tsane Nacom catsina bapontha peatenexae po pentoma bayatha Nacom yabara tsiw<sub>u</sub>nae muxu duta.

<sup>27</sup> Moisés yabara jume cowanta xua Nacom Moisés yawenapaebatsi. Daxota naj<sub>u</sub>n<sub>t</sub><sub>u</sub> coyene weta xua pewarapaewa tsane Egipto nacua weya. Moisés jopa junuwiyo bequein yaputane xua Faraón bara casebina. Bapon Moisés bara saya amsiya pona bara be xaniwaicha tane Nacom xua be yatsicaewa bar<sub>u</sub> poinchi pon peinya peponaein xua jiwi jopa itac<sub>u</sub>paetsi xua petaewa. <sup>28</sup> Moisés pejume cowantsixaе Nacom, piamonaе cui itoroba xua peexanaenexa penabanaewa xua Pascua w<sub>u</sub>n matakabi nexa. Matautano bapon cui itoroba piamonaе xua pejanantha pecapibinexa daxita bom<sub>u</sub>x<sub>u</sub> pecoibotontha. Barapo Moisés piamonaе



tatsi pomonae Israel pia pemomoxi susato jiwixae tatsi baxuan exana xua daxota matatsunpin jopa tupa exanaeyo piamonae. Barapo matatsunpin merawi patopaena xua pejutebiwa tsane matapin jiwi pomonae pia bontha jopa xeinaeyo po jana xua Moisés cui itoroba xua jiwi bomuxu pecoibotonha pecapibiwa tsane.

<sup>29</sup> Barapo Israel pia pemomoxi susato jiwi tatsi yabara jume cowanta xua Nacom yawenapaeba. Daxota Mar Rojo mene mentha icha muxunene beya panenebiya xua epatauta iya pona be poxonae xua ira tsewa iya peponaewa. Ichitha poxonae Egipto nacuamonae baraxoya iyiya daxita bunothopa.

<sup>30</sup> Israel pia pemomoxi susatopiwi tatsi yabara jume cowanta xua Nacom yawenapaeba. Daxota matawacaicha tocuecueniya enaponeiba pemuxuburu iya siete po matabibibe xua barapo Jericó tomara peyacaincha toxorotsi dutsiwa xua be iboton. Barapoxonae barapo Jericó tomara peyatoxorotsiya yacaincha dutsiwa baxua iratha jopiya. <sup>31</sup> Bayatha yabayo powa Jericó tomarapiwayo Rahab yabara jume cowanta Nacom pon Israel pia pemomoxi susato jiwi tatsi pia Nacom tatsi. Daxota barowa jopa baru tupaeyo piamonae xua pia tomarapiwixae poxonae tomarapiwi werapa jopa pejume cowantsixae Nacom pon Israel pia pemomoxi susato jiwi tatsi pia Nacom tatsi. Barowa Rahab powa copiya bayatha pesi cui weiweinaewa pebiwitha. Poxonae Israel pia pemomoxi jiwanamonae namicha pata xua pecui amanayabiya taenexa Jericó tomaratha, barapoxonae barapowa Rahab matenta weyataeya waba, xua barapo israelmonae jiwanamonae wabatsi pia botha tatsi.

<sup>32</sup> Jopa equeicha paebyo xua equeicha pinmonae tayabara paebiwa pomonae pejume cowantsiwi Nacom. Jopa neyapu jupaeyo xua jopa taxeiawa matabibi xua tacueicueijeinexa Gedeón yabara, irano Barac yabara, irano Sansón yabara, irano Jefe yabara, irano David yabara, irano xua Samuel yabara, irano pomonae Nacom pia peitorobi jume petapaebiwi tatsi yabara. <sup>33</sup> Daxita barapomonae jume cowanta Nacom. Ichamonae barapomonae jiwana, amanayaba ainya nacuanpiwitha, pejume cowantsixae xua Nacom yawenaena. Ichamonae pejume cowantsixae Nacom daxota jiwitha beta xaniwaicha canamata itoroba. Ichamonae pejume cowantsixae Nacom barapomonae catsibatsi pocotsiwan xua bayatha Nacom yabara tsiwinae muxu duta. Ichamonae pejume cowantsixae Nacom, Nacom exana xua coibo acaba neuthan, xua barapomonae jopa atene peexanaenexatsi barapo neuthan. <sup>34</sup> Matautano ichamonae pejume cowantsixae, daxota Nacom yawena barapomonae poxonae Nacom itaxutaba exana po isoto bichocono pin isoto xua barapomonae po isototha tautatsi. Barichi ichamonae pejume cowantsixae daxota Nacom capanenebiya tsaibi barapomonae poxonae muxu pejutebeibichi peopi sojeiwantha xua be cusi. Matautano pomonae faefaena, equeicha Nacom daunwei exana. Daxota barapomonae daunwei poxonae naba. Ichamonae Nacom peyawenaexae amanayaba pia peaitafaetabi jiwichi xua ainya soldadomonaein bicheitontha. <sup>35</sup> Barichi ichamonae yabuxi pejume cowantsixae equeicha caewa piamonae xeina, pomonae equeicha caewa taasutsi petupaewa weya.

Ichamonae itacupatsi xua panenebiya xua jopa werapae tsane xua icha poxonae Nacom itawetatsina. Nama barapomonae jopa bepaebiyo

baxua daxota barapomonaē werapa poxonaē bichocono caitacueintatsi ichamonaē. Barapomonaē, pomonaē pewerapaewi yapatane xua pejume cowantsixae Nacom, daxota Nacom equeicha asu exanaena xua barapomonaē pepatsiwa tsane Nacom pia nacuatheicha. <sup>36</sup> Ichamonaē pejume cowantsixae Nacom, bichocono ajuntacucoyenetane tsipei bichocono cui capanebatsi ichamonaē. Matautano ichamonaeru cuaintebatsi. Ichamonaeru penain mutontha cubebatsi. Ichamonaeru jiwipecubi bontha cuaranobatsi. <sup>37</sup> Ichamonaē pejume cowantsixae Nacom, ibotontha tupa exanatsi poxonaē cuinbabatsi. Matautano ichamonaē werapa poxonaē epa nantarabobiya thabebatsi seruchotha. Iru ichamonaē pejume cowantsixae jutebatsi peopi sojeiwantha xua cusin. Ichamonaeru pejume cowantsixae Nacom, taseicatsi pexaewa, yawa taseicatsi bon, xua daxota saya dubenanaebiya, yawa naxataba oveja bocoton xuano xua cabra bocoton. Barapomonaē acopeibiwi tsobenaē, barainebatsino abe taexanebatsino. <sup>38</sup> Pomonaē barapo cae pin nacuathepiwi Nacom pejume cowantsiwi yabara paebatsi, yabara jeichiche: “Jopa be cui copatichi xua barapomonaē pejinompaewa tsane watomaratha”, yabara jeichichi. Ichitha barapomonaē Nacom tsita ainya cuichi beyacaincha barapomonaē pomonaē barapo cae pin nacuathepiwixae. Barapo Nacom pejume cowantsiwi dubenanaebiya ichaxota ira xuepana susato tsurucuae nacuatha. Matautano barapomonaē demxuwantha dubenanaebiya, muthanthano jinompa, xuano xua duwei pia muthantha jinompano.

<sup>39</sup> Bequein Nacom yabara paeba barapomonaē xua beta peexanaexae pejume cowantsixaetsi, daichitha cataunxuae abu barapomonaē jopacatsibichi pocotsiwa Nacom bayatha yabara tsiwunaē muxu duta barapomonaē, matautano xua caeinthano. <sup>40</sup> Barapomonaē cataunxuae abu jopacatsibichi baxua tsipei Nacom naca yabara nanta xeina xua bexa tsane iru naca catsibina pocotsiwa bapon tsita xanepanatsi. Pocotsiwa bapon catsibina xua apara barapomonaē Nacom naca cayawa muxuna juntu coyene xanepana exanaena.

## 12

*Meje yabara xua waxainchi bewa exanaponaetsi icha Jesús ichi poxonaē exanapona*

<sup>1</sup> Pomonaē xuaunxuae yabara pacata tinatsi barapomonaē bichocono pin bicheitomonaē, pomonaē pejume cowantsiwi po coyene xua Nacom yawenapaeba. Barapomonaē naca tsita itapeinya xeina xua awiya xanepanaya jume cowanta dubenanaebiya bequein atene exanatsi ichamonaē. Baxua naca cuiduba xua iru bewa xanepanaya jume cowanta dubenanaebiyaeinchi bequein naca atene exana ichamonaē. Barabu waxainchi daxita nacui barapentinchu abe waexanaē cuiru coyenein pocotsi coyenein xua jopa naca yawenaeyo xua Nacom beta wataexanaewatsi. Barabu waxainchi beitatemaya ajuntusuya awiya exanapoinchi pocotsiwa Nacom naca cui itoroba. <sup>2</sup> Saya meisa Jesús jantanainaeya jinompatsi wanaca yawenaenexa. Bapon copiya bichocono pejume cowantsixae Nacom daxota bapon wanaca canamataxeinaein xua wajume cowantsinexa. Matautano bapon betiya naca exana xua beta wajume cowantsiwa poxonaē cataunxuae awiya wajinompawa barapo cae pin nacuathe. Jesús bara saya copata xua atene

exanadutatsi naetotha ichamonae poxonae tupa exanatsi. Bapon jopa auriyo bequein naetotha tupa exanatsi jiwi peitutha tatsi. Ichamonae ba bichocono aura xua poxonae petupae exanaewatsi naetotha. Nama bapon Jesús jopa auriyo poxoru nayabara yaputane xua pirapae poxonae nacana cui wetinchi xua atene exanatsi, xuano xua poxonae tupa exanatsi naetotha, bapoxonae bichocono juntu coyene weiweinaena. Anoxuae bapon Jesús eca pia pexeinya peecaethopeibiwatha xua Nacom pia pecoxa weya tatsi xua itabocotha ichaxota Nacom eca pia pexeinya peecaethopeibiwatha.

<sup>3</sup> Jesús pacayabara jantanainaponde xua bayatha po coyene Jesús abeya exanatsi pomonae abe peexanae jiwi. Jesús awiya beitemaya saya popona poxonae bequein bichocono atene exanatsi barapomonae pomonae abe peexanaewi. Daxota jopa paraichinde xua poxonae jopa pana najuntu coyene tsacabim. Matautano jopa paajuntucoyenefaetabinde xua poxonae daxota jopa beta painya taexanaewa Nacom. <sup>4</sup> Painya juntu coyenewatha pajume torobabame abe peexanae ciru coyenein xua painya neexanaeyainwa barapo coyenein. Bapoxonae jopa panaitematsim xua painya nejume cowuntsiwa Nacom. Bequein bara baxua daunwei paexaname ichitha awiya cataunxuae jopa pawerapaem xua barapo coyene painya neexanaexae icha bayatha Cristo ichi xua tupa xua bichocono daunweya peexanaexae barapo coyene. <sup>5</sup> Paxam pajuntemainame xua bayatha Nacom paca muxuweta xua paxam bara Nacom pia pexui tatsi pam. Baxua yabara Nacom Pejume Diwesitha paca jeye:

“Tapexui pam, jopa amsiya payabara nanta xeinaeinde pocotsiwa yabara paca muxuwetatsi tapaca cuidubinexatsi.

Poxonae atene paca exanatsi jopa ajuntucoyenefaetabiya pajinompaeinde xua yabara tapana nejume cowuntsiwam.

<sup>6</sup> Tsipei muxuwetsiya cuiduban pomonaetha pomonae antobein.

Matautano atene exananno pomonaetha pomonae tapexui tsicotan”, jei Nacom Pejume Diwesitha.

<sup>7</sup> Awiya juntepa pajinompae poxonae bequein Nacom paca atene exana xua paca necacuidubixae. Baxua Nacom pacata exana tsipei paca nacana exana pia pexui tatsi pam. Dapo pexuyo ajibi, po pexuyo jopa paxa muxuwetsiya cuidubichi xua poxonae icha bichocono antobetsi paxa. <sup>8</sup> Nacom pia pexui muxuwetsiya cuiduba. Icha Nacom jopa paca muxuwetsiya cuidubichipae, bapoxonae paxam jopa Nacom pia pexui tatsi pam tsipae. Saya be catsa pexui pam tsipae icha be pocotsi pexui ichi po pexui seicaya icha paxa barompa. <sup>9</sup> Matautano caena bayatha poxonae cataunxuae pexuichi waxeiwi naca atene exana wanaca muxuwetsiya cuidubixae. Daichitha waxeiwi baru cui itura jinatsi. Waxainchi bewa ichichipaetsi xua waexanaewatsi pocotsiwa naca cui itoroba pon Waxa Nacom, pon itabocotha popona. Barapocotsiwa bewa exanaeinchi beyacaincha pocotsiwa exanatsi xua poxonae waxeiwi naca cui itoroba poxonae jinompatsi barapo cae pin nacuathe. Baxua bewa exanaeinchi Waxa Nacom pon itabocotha popona wanaca catsinexa peajuntayapusa coyenewa. <sup>10</sup> Waxeiwi poxonae pexuichi barapo cae

pin nacuathe saya caepatiyo naca muxuwetsiya cuiduba. Baxua nacata exana icha be pocotsi coyeneya xua ichichipa xua tsita xanepanatsi. Ichitha nama Nacom naca muxuwetsiya cuiduba wanaca yawenaewa tsane. Matautano baxua nacata exana xua wanaca cana exanaewa tsane xua bichocono wajuntꞫ coyene xanepanaewichi, icha Nacom ichi xua bichocono pejuntꞫ coyene xanepanaein. <sup>11</sup> Poxonae naca atene exana bara baroxonae nanta xeinatsi xua jopa nacata xaexaenaecaeyo, tsipei bara xaniwaicha naca atene exana. Ichamonae yabara cui copaba xua bara nacuiduba xua poxonae bequein Nacom atene exana, pemuxuwetsiya cuidubixae. Barapomonae jame jopa natsicuentisi tsane xua abe peexanaexae bapontha. Barapomonae xeinaena pejuntꞫ coyene xanepanaewa Nacomtha xuano juntema dubenanaebiyaena.

*Meje yabara xua poxonae Nacom naca muxuweta xua jopa bewa Nacom itawetichi*

<sup>12</sup> Yaitama pajuntꞫ coyene faefaename, xua painya nejume cowantsiwa daxota painya coutha pana najuntꞫ coyene tsacabare xua beta painya nejume cowantsiwa tsane Nacom. Matautano xua payabara ajuntꞫcoyenerewem tsalibi ichawan. Pana najuntꞫ coyene itorobare xua awiya ayapusꞫya painya neexanaponaewa tsane. <sup>13</sup> Painya xoba icha diwesi pajume cowantame po diwesi xua jopa Nacom Pejume Diwesi tatsi. Ɪ meisa paexanare pocotsiwa Nacom Pejume Diwesitha yabara paebe xua beta painya nejume cowantsiwa. Icha baxua paexanaetsipame irꞫ ichamonae barichipae. Bequein barapomonae copiya juntꞫ coyene faefaenaetsipa pejume cowantsiwatha ichitha baroxonae beta exanaponaetsipa xua pejume cowantsiwa pia paca cui taexae.

<sup>14</sup> Nantiya daxita jiwi ajuntꞫyapusꞫya betiya pana nabaꞫ juntemiya jinompare. Bichocono pana najuntꞫ coyene xanepana exande Nacomtha xua jopa painya nenatsicuentisinexa xua abe painya neexanaexae bapontha, xua painya netaenexa bapon. Tsipei pomonae jopa xeinaeyo barapo coyene jopa itacꞫpaetsi xua Nacom petaewatsi tsainchi. <sup>15</sup> Dota pam xua ichamonae pomonae paxam jiwana pam pia xoba jopa ichipaeyo po coyenewa Nacom yawena barapomonaetha pia peantobewaxae. Matautano barapo ichamonae pomonae painyamonae jiwanaxae pia xoba abe exana ichamonae peitꞫtha tatsi xua daxota irꞫ ichamonae pebarichinexa xua abe peexanaewa. <sup>16</sup> Ichamonae pomonae paxam jiwana pam, pia xoba nota icha yabꞫxitha, powaxi jopa xapain barompaya pia seurixi. Matautano dota pam xua ichamonae paxam jiwana pam jopa tsita pecui pawi tsainchi po coyenewan xua Nacom piawan tatsi. Barapo coyene Esaú exana pon caena bayatha tꞫpa. Bapon Esaú jopa tsita ainya jume cuiyotsi pocotsiwa bayatha Nacom yabara tsiwꞫnae muxu duta xua bepa pinae Nacom Esaú yaweneibichi. Barapon Esaú piyainxae peyapintha Jacobtha cata po coyene xua pia coya pecanamataxeinae coyenewa po coyene matapin ba xeina. Tsipei Esaú jopa jume cowantsiyo Nacom daxota nata caenaeta barapo coyenewa xua nata matomata pexaewa xua saya cae penabanaewiyo. <sup>17</sup> Paxam payaputaneme xua bapon Esaú pirapaeyo ichichipa xua eque-icha caewa pexeinaewa tsane xua po coyene peainya cui coyene po coyene matapin ba xeinaena xua paxa catatsi. Barapo coyene po coyene xua coxiyꞫn tawꞫca pexanto pon matapin xua Nacom peyawenaewa tsane. Ichitha bapon Esaú peyapin cata barapo coyene xua matomata

pupara. Bequein bara bapon auranaya caunutsiya wecoyeya paeba, ichitha jopa itacupaetsi xua caewa xeinaena barapo coyene po coyene xua ba matapin xeina.

<sup>18</sup> Caena bayatha pia Nacom caquita ponaetsi Israel pia pemomoxi susato jiwi tatsi demxuwa itabaratha umena poxonae Nacom Moisés catatsi pia peitorobi coyenewa. Barapomonaе jume tane pocotsiwa Nacom paeba yawa tane demxuwa. Ichitha nama paxam jopa beparaichim. Jopa panantawenonaem xua paumenaename demxuwa itabaratha xua painya necaquita ponaenexa Nacom. Poxonae Israel pia pemomoxi susato jiwi tatsi umena barapo demxuwa itabaratha, baxoyo pin isoto uncueica barapo demxuwatha. Matautano bapoxonae bichocono quirei, yawano nobonno. Matautano pin joibo baxoyo uncueica. Ichitha jopa bara paichim, jopa pataem baxuan. <sup>19</sup> Paxam jopa pajume taem peobiwa jume po peobiwa pewan trompeta nain matawan, icha poxonae barapo Israel pia pemomoxi susato jiwi tatsi ichi xua jume tane barapo trompeta jume. Paxam jopa pajume taem Nacom pejume poxonae Nacom cueicueijei barapo Israel pia pemomoxi susato jiwitha tatsi barapo demxuwatha. Pomonaе jume tane barapo jume, barapo israelmonaexae Moisés jume itorobatsi xua bepa pinae Nacom equeicha jopa pepaebiwa tsane. <sup>20</sup> Barapomonaе baxua Nacom jume matawentatsi tsipei bichocono pijunuwi xua pocotsiwa Nacom itorobina. Poxonae itoroba Nacom jeye: “Pon nataxuna jayata barapo demxuwa bewa bapon pabexubim ibotontha. Jopa ainya cuiyo bequein icha metha duwein tsipae, xuano icha metha bequein jiton tsipae”, jei Nacom. <sup>21</sup> Barapomonaе bichocono junuwa pocotsiwa xua tane barapo demxuwatha iru Moisés bichocono junuwa. Daxota paeba, jeye: “Bichocono tajunuwi jijiyán”, jei Moisés.

<sup>22</sup> Jame anoxuae painya nejume cowantsixae Nacom, bapon paca yabara cui copata xua painya nepatsiwa tsane bapon pia tomaratha tatsi, po tomara pewan Jerusalén tomara. Barapo tomara eca ichaxota po demxuwa pewan Sión. Barapo tomara Nacom pia tomara tatsi pon ataya tsitecaeya asaya pepoponaein. Barapo tomara xua pepa Jerusalén tomara Nacom pia nacuatheicha tatsi eca. Matautano papatsiname baxoteicha ichaxota jinompa ayeimonae matatsunpiwi, xua weiweinaeya nanacaetutsina xua pia nanabarun wunaе jainchinexa Nacom. <sup>23</sup> Matautano pajume cowantame Jesús xua painya nepatsinexa ichaxota Nacom piamonaе tatsi nacaetuta pomonaе Nacom pia diborotha wan dubena xua itabocotheicha. Barichi papatsiname Nacomtha, pon yabara paebina daxita jiwi xua penatsicuentisiwa xua abe peexanaexae. Matautano papatsiname ichaxota jiwi pia jumopein tnanaxu tatsi jinompa pomonaе xua beta exana xuano xua Nacom beta cana juntu coyene wetsiya xanepanaya exana. <sup>24</sup> Matauta papatsiname ichaxota Jesús popona pon jiwi peyabara jume yawenaein Nacomtha xua jiwi pepatsiwa tsane Nacomtheicha. Matautano bapon nacata catsica Nacom pia pena peyabara tsiwanae muxu dutsiwa tatsi. Bapon pia pejana tatsi xua barapo jana pepichapabarenaexae Nacom naca yabara juntu coyene jantemaina abe waexanae cuiru coyenein. Barapon pia pejana tatsi jiwi beta cana exanatsi beyacaincha Abel pia pejana tatsi. Tsipei poxonae bapon bexotsi, jopa nantawenonaeyo xua bapon peyantomatsiwatsi. Ichitha poxonae Abel bexotsi, nantawenona xua peyantomatsiwatsi.

<sup>25</sup> Dota pam. Jopa bewa pajume itawetsim Cristo pon wanaca tsi-paebixae Nacom yabara. Pomonae bayatha Nacom jume itawetatsi poxonae bequein Moisés muxuweta jiwi barapo irathe Nacom nexa, barapomonae jopa Nacom capanenebiyaeyo xua atene abe pia pe-exanaexae. Waxainchi jopa naca itacupaeyo xua panenebiyatsi xua atenetsi abe waexanae coyenewantha icha jopa Nacom jume naitae-watichi xua itaboco wetsica wanaca tsipaebiwa. Waxainchi bichocono nama atenetsi, beyacaincha barapomonae xua atene abe pia peexanae coyenewantha pomonae Moisés baru popona. <sup>26</sup> Caena bayatha Nacom tsipaeba barapo irathepiwi tsique poxonae Moisés popona, Nacom pia jumetha ira jijiyata exana. Ichitha anoxuae Nacom tsiwanaya jeye: “Abu equeicha bara caeto tsane ira jijitsin yawano itabocothoichano jijitsin”, jei Nacom. <sup>27</sup> Poxonae Nacom jei: “Abu equeicha bara caeto tsane”, jei, naca yaputane exana xua Nacom aichurucuae exanaena pocotsiwan xua barapo cae pin nacuathe xeina pocotsiwan itacupatsi xua pejjijiyat-siwatsi. Saya meisa jopa aichurucuae exanae tsainchi pocotsiwan xua jopa itacupaetsi xua pejjijiyatsiwatsi xua pocotsiwan Nacom piamon-aetha peyabara tsiwanae muxu dutsi coyenewa. <sup>28</sup> Nacom pia nacua, ichaxota Nacom itoroba, yawano xua waxainchi baxota itorobatsi, barapo nacua jopa itacupaetsi xua jijiyatatsi xua aichurucuae peex-anaenexatsi. Daxota bewa jeichichi Nacomtha: “Nacom, maisa pajantu coyene weiweinan pebaxuaxae”, bewa jeichichi. Poxonae Nacom wanae jaintinchi waxainchi bewa yabara nanta xeinaetsi pia pejantu coyene xanepanae coyenewa tatsi. Matautano bewa bapon cunuwiya wanae jaintichi pia peayapuswa pexeinaexae. <sup>29</sup> Wanacom werawer-aca cana exana jiwi, pomonaetha pomonae jopa pejume cowantsiwichi. Nacom baxua exanaena icha be poxonae nawa ichi xua poxonae daxita topowa poxonae taxua.

## 13

*Meje yabara xua pocotsiwa bewa exanaetsi xua pocotsiwa Nacom tsita xanepanatsi*

<sup>1</sup> Jopa pana nacui barapentsinde xua caemonae nantiya painya nenaantobewam pomonae be painya eweicho jiwi painya nenat-sicotae jiwi pam painya nejume cowantsixae Jesucristo. <sup>2</sup> Jopa pajantemainaeinde xua beta painya netaexaneibiwa tsane pomonae pateiba painya bontha pomonae iru pejume cowantsiwi Nacom tsipei metha beya jemeicha barapomonae tsipae pomonae Nacom itoroba xua beta painya nepacata exanaenexa. Caena bayatha ichamonae pexaewa apata poxonae matha jemeicha pia botha tapatatsi, xua poxonae jopa xapain yaputaeyo xua deta cou apara matatsunpiwi.

<sup>3</sup> Payabara nantu coyene xeinare pomonae jiwi pecubi botha cuara-nobebatsi painya neyawenaenexa barapomonae icha be poxonae paichim xua iru jiwi pecubi botha paca cuaranobaru. Payabara nantu coyene xeinare pomonae peraxa jubebatsi xua ichamonae exana painya neyawenaenexa barapomonae. Tsipei paxam iru jiwi pam, paca yabara itacupatsi xua ichamonae paca necaperaxa jubawi.

<sup>4</sup> Paxam bewa beta pananta xeinaem poxonae jitha paename xua barapo coyene paca tsita ainya cui. Daxota jopa bewa ichawa beya

panasi cui weiweina exanaem poxoru painya seurixi bayatha pax-einame. Tsipei Nacom yabara paebina jiwi xua penatsicuentisiwa xua abe peexanaexae pomonaetha pomonae jopa xapain exanaeyo xua be poxonae yabuxi jeita xua po coyene jiwi jopa yabara copatsiyo. Matautano barichi Nacom yabara paebina jiwi xua penatsicuentisiwa xua abe peexanaexae pomonaetha pomonae nasi cui weiweina exana poxonae bequein pia seurixi xeina.

<sup>5</sup> Jopa bichocono paichichipaeinde paratixi. Jame maisa pajuntu coyene weiweinare painya nexeiaexae pocotsiwa Nacom paca catsiba. Baxua paexande tsipei Nacom jeye: “Bapana jopa compa capopona exanae tsainchi. Bapana jopa cacuenta ponae tsainchi”, jei Nacom.

<sup>6</sup> Daxota naca itacupa xua jume cowantsiya jeichichi:

“Nacom, pon jiwi Pecanamataxeinaein,

bapon pon xua tana neyawenaein.

Jopa junuwinyo poxonae jiton xua

abe tana exanaewa”, jeichichi.

<sup>7</sup> Payabara cui jantanainare painya nepaca canamataxeinaewi pomonae bayatha paca cuiduba Nacom Pejume Diwesi. Barapomonae pacui taema, tsipei barapomonae beta jume cowantsiya jinompa beya poxonae barapomonae yacuiya werapa. Paxam beta pajume cowantsiya jinompare icha barapomonae ichi xua beta jume cowantsiya jinompa.

<sup>8</sup> Jesucristo saya tsitecaeya pepu jupa exanapona. Baxua exana caena bayatha, anoxuaeno, xvano xua bara ataya tsitecaenano xua jiwi beta peyawenaewatsi. <sup>9</sup> Daxota jopa pacopatsinde xua ichamonae painya nepaca cuidubiwa icha pecuidubi diwesi po diwesi pia diwesi barompa, po diwesi jopa Cristo pia diwesi tatsi. Jame ainya cui xua naajuntuyapusu exainchi Nacom pia peantobe coyenewatha. Po coyenein xua itoroba xua penabanaewa yabara barapo coyenein jopa naca ajuntuyapusu exanaeyo Nacomtha. Barapo peitorobi coyenewan bapana jopa yawenaetsi pomonae bequein xua exanapona barapo coyenewan.

<sup>10</sup> Waxainchi xeinatsi barompaya wacoyene po coyene be poxonae xua tuxusi exanatsi Nacom nexa poxonae caein naetotha naca tsitupa xua daxota Nacom jopa tsitatsi xua penatsicuentisiwa xeinatsi xua abe waexanaexae. Baxua apara xua poxonae Cristo tupa naetotha abe waexanae cuiru coyenein nexa. Po sacerdotepiwi xua nacuita Nacom pia tututha anserabocototha xua caena bayatha barapocotsi coyene jopa itacupaetsi xua pexeinaewa barapo coyene tsipei barapo sacerdotemona. cataunxuae jutebeiba duwei jiwi abe pia peexanae cuiru coyenein tatsi nexa. <sup>11</sup> Caena bayatha pon pepa sacerdotepin, duwein jana capaneiba ichaxota po tutu yatsicaewa Nacom pia tutu tatsi po tutu bichocono peainya cui tutu. Bapon baxua exana xua Nacom peyabara jantemainaenexa jiwi abe pia peexanae coyenewan tatsi. Bapoxonae barapo duwein ompin tautatsi tomara cuariya beya.

<sup>12</sup> Cristo barichichi. Tomara cuariya beya tupa exanadutatsi naetotha, xua daxita jiwi pejuntu coyene xanepana exanaenexa tsainchi Nacom. Cristo pejana pichapabarenaexae poxonae tupa, Nacom jopa tsitatsi xua jiwi penatsicuentisiwa xua abe peexanaexae. <sup>13</sup> Ichamonae Jesus aura exanatsi poxonae tomara cuariyatha tupa exanadutatsi naetotha. Barabu copatatsi xua ichamonae iru naca aura exana wajume

cowantsixae Jesús xua daxota naca atene exana icha Jesús ichichi. <sup>14</sup> Barapo cae pin nacuathe jopa xeinaetsi tomara, po tomara ataya tsitecaeya ayapusu tsuncuae. Jame wunaeya ewatatsi, po tomara xua bexa patopaetsica Nacom pia nacia wetsica tatsi. <sup>15</sup> Daxota waxainchi bewa wnae jaintebichi Nacom tsipei Jesucristo naca tsitupa. Poxonae Nacom wnae jaintatsi wajumetha baxua icha be poxonae ichi poxonae duwein tautatsi poxonae tuxusi exanatsi Nacom nexa. Nacom wnae jaintatsi jeichichi: “Nacom maisa bichocono nejuntu coyene xanepanaein”, jeichichi. <sup>16</sup> Jopa pajuntemainaeinde po coyene xua beta painya taexanaewa ichamonae. Painyawan panata jiwana wetsabare pocotsiwan xua paxeiname xua painya necatsibinexa pomonae xua jopa xeinaeyo. Tsipei poxonae baxua paexaname, bichocono xanepana icha be ichi poxonae paexaname poxonae duwein patautame xua patuxusi exaname Nacom nexa pocotsiwa Nacom tsita xanepanatsi.

<sup>17</sup> Paexande pocotsiwa paca cui itoroba pomonae painya nepacacanamataxeinaewi. Matautano saya barapomonaetha pajume naitaeware. Pabarui cui itura jinare barapomona tsipei barapomona paca juntu coyene eeniya ewata. Barapomona yaputane xua bexa tsane Nacom barapomona yabara paebina xua penatsicuentisiwa xua abe peexanaexae icha barapomona jopa beta paca juntu coyene eeniya ewatsiyo. Bara pacopare xua barapomona juntu coyene weiweina exanatsi poxonae paca juntu coyene eeniya ewata xua jopa pejuntu coyene wecoyeyinexa xua abe painya neexanaexae. Tsipei icha barapomona juntu coyene wecoyei baxua xapain jopa paca yawenaeyo.

<sup>18</sup> Nacomtha painta wncare. Bara payaputan xua pata juntu coyene pana netsipaeba xua pinae bara beta paexanan. Paxan paichichipan xua awiya beta pata exanaewa daxita coyenewan. <sup>19</sup> Paca wncatsi xua painya inta wncanexam tsane Nacomtha xua Nacom bara inta pecopsinexa xua methaunxuae tapaca siwa ponaewa tsainchi equeicha.

### *Meje yabara xua najume wetsiya paeba pon tina*

<sup>20</sup> Nacom, barapon peyajuntu coyene jinaein xua juntema pepoponaewa. Barapon Nacom Jesús caewa asu exanatsi petupaewa weya pon Wanacanamataxeinaein. Bapon Jesucristo pon pepa Peewatsin xua daxita carepaya jiwu peewatsinchi icha be pocotsin oveja beta peewatsin ichi. Bapon Jesucristo pejana pichapabarenaexae poxonae tupa, canacui wetsiya exana po coyene xua ataya tsitecaeya tsane. <sup>21</sup> Barabui barapon Nacom paca juntu coyene xanepana exanaena xua jopa painya nenatsicuentisinexa xua abe painya neexanaexae. Matautano bu bara paca catsina xua daxita pocotsiwan panantawenoname xua xuan xanepanaya painya exanaenexa po coyenein Nacom ichichipa. Barichi barabui Jesucristo pia peayapusuwa naca cana exanaena xua exanaeinchi po coyene Nacom tsita xanepanatsi. ¡Barabui jiwu Cristo ataya wnae jaintinchi pexeinaexae peayapusu coyenewan! Je, bara ichi tsane.

<sup>22</sup> Tamona pam, pomona pam iru painya nejume cowantsixae paca itorobatsi xua bepijawa jopa payabara jume cui aitaconaeinde po jumein paca muxuwetatsi, barapo tsica cartiyo po cartiyo imoxoyo jume tsecae. <sup>23</sup> Maisa ichichipan xua painya neyaputaewa tsane xua Timoteo



bayatha copatatsi jiwi pecabi bo weya. Barapon be wayapin watsicotaein pejume cowantsixaeru Jesucristo. Ichaunxuae bapon taxantha patopaena bapon methaunxuae nebaru iya tsane painya xainya beya xua equeicha tapaca siwa ponaewa tsainchi.

<sup>24</sup>Painta jacobare daxita pomonae painya nepaca canamataxeinaewi. Irano painta daxita jacobare pomonae pejume cowantsiwiru Jesucristo. Italia nacuamonaepiwi barapomonae paca jacobae, pomonae iru pejume cowantsiwi.

<sup>25</sup>Barabu Nacom daxita pam bichocono paca yawenaena pia painya nepaca caantobewaxae.

## Meje Po Carte Santiago Tatina, Pomonae Jesucristo Pejume Cowantsiwi Tatinatsi

*Meje yabara poxonae Santiago tamropata pitaba xua tatina pomonae aetha pomonae pejume cowantsiwi pomonae xua tajũ jinompa*

<sup>1</sup> Xan, Santiago ponxaein Nacom amanaya pia petanacuichin tatsin irũ Jesucristo pon jiwi Pecanamataxeinaein amanaya pia petanacuichin tatsinno. Paca jacobatsi pomonae Israel pia saineiwi tatsi pam, pon caena bayatha tũpa. Israel doce po pexantobe xeina, pomonae caena bayatha werapa.

Paxam barapo doce po bicheito matabũxũmonaebe pia sainei jiwi tatsi pam, pomonae pam xua anoxuae tajũ nacayayatsiya pajinompame daxita nacuantha xua painya pepa nacua weya.

*Meje yabara xua po peyaputae coyene Nacom pia peyaputae coyenewa tatsi*

<sup>2</sup> Tamonae pam pomonae irũ painya nejume cowantsi jiwi pam Cristo, bewa jũntũ coyene weiweinaya pajinompam poxonae bequein pacata ayapube tsaibi tsane ichauxi. <sup>3</sup> Poxonae pacata ayapube tsounaibi ichauxi ichitha beitatemaya awiya ayapusũya pajume cocowantaponame, bapoxonae payaputaneme xua paantũyapusũya amanayabame pocotsiwa xua paca atene exana. <sup>4</sup> Bara saya beitatemaya payabara cui copare barapo coyene xua ayapusũya jume cocowantapona paca necana exanaenexa beya poxonae painya jũntũ coyene Nacom petsita xanepanaenexatsi. Bapoxonae painya jũntũ coyeneintha jopa paxeinaem tsane pocotsiwa pacata seica. <sup>5</sup> Icha caein paxam jiwana pam taseicatsi peyaputae coyene xua jopa yaputaeyo pocotsiwa Nacom ichichipa bapon bewa Nacomtha tsipaebina xua pecatsinexatsi peyaputae coyene pocotsiwa bapon ichichipa. Nacom amanaya catsina nawita barapo peyaputae coyene. Mataũtano Nacom jopa aenae-aeneya itawetsiyo poxonae cata. <sup>6</sup> Daichitha jame bewa jume cowantsiya pawũcaename. Mataũta jopa bubũjeya pawũcaeinde Nacomtha. Tsipei pon bubũjeya wũca Nacomtha, bapon ichawa beya tamropata nanta xeinapenteiba icha be pocotsi coyene jũta ichi poxonae ba maratsaca joibo ichawa beya caya tsaibi icha muxunene beya. <sup>7</sup> Pon barapocotsi coyeneya exana, Nacom ba jopa catsiyo bapocotsi jitontha, tsipei jopa jume cowantsiya wũcaeyo Nacom pon jiwi Pecanamataxeinaein. <sup>8</sup> Bapon jopa xeinaeyo pocotsiwa Nacom cata tsipei bapon anoxuae caewa yabara nanta xeina. Baya equeicha ichawa yabara nanta xeina. Jopa itacũpaetsi xua xanepanaya pepoponaewa.

<sup>9</sup> Pon xua Jesucristo pejume cowantsin, bapon bequein saya tsiwiyo copei xeina, bapon bewa jũntemiya jũntũ coyene weiweinaeya poponaena tsipei bapon Nacom peitabaratha ainya cui penaexanaein. <sup>10-11</sup> Mataũtano pon copiya copei pexeinaein pontha pon bequein Nacom cui yabara copata xua bapon peacopeibin naexana, bewa jũntema poponaena pejume cowantsixae Nacom. Poxonae bapon tũpaena, bapana jopa cuenta tũpae po coyene xua bapon pejume cowantsiwa. Ichitha icha bapon jopa jume cowantsiyo copei pexeinaexae, bapon saya caeto

nacuita ducuaenaebiya bapoxonae cuenta tupa copei poxonae nacuita ducuaenaebiya. Barapo coyene icha be pocotsi juta coyeneya ichi xua pentono. Bara caeto matono weiweinaeya umena. Cotacaya xometo eocina yawano atsa bichocono, naepanaewan tsaquiwa, pentononno othopeica. Weraweraca xua matono itapana. Pon copei pexeinaein bapon tupaena, saya weraweracaena icha pentono ichi xua weraweraca.

*Meje yabara poxonae jiwi pemuxujainyabiwatsi xua abe peexanaewa tsane*

<sup>12</sup> Nacom jujuta pomonaetha pomonae pejume cowantsiwichi pia yaputaetsi icha barapomonae xaniwaicha antobetsi. Pon xua acuiyapusaya jume cowantsiya popona poxonae bara bequein Nacom juntu coyene jujuta, jame bapon juntu coyene weiweinaeya popona. Poxonae yapucaewa xua bapon juntu coyene jujutatsi bapoxonae Nacom yabara wanae muxu dutsina xua bexa bapon Nacom pia nacua beicha peajuntucoyeneyapusawatha ponaena. Barapo peyabara tsiwanae muxu dutsiwa Nacom cata pomonaetha pomonae peantobewixaetsi.

<sup>13</sup> Poxonae ichun matowa juntu coyene jujutatsi xua abe peexanaenexa, bapon jopa bewa nanta xeinae xua metha baxua Nacom cana exana bapontha. Tsipei Nacom bapana jopa jichipae xua abe peexanaewa tsane. Matauta Nacom ichamonaetha jopa bapana cana exanaeyo xua pejuntu coyene jujutsiwa xua barapomonae abe peexanaewa tsane.

<sup>14</sup> Aparajame nama pon juntu coyene jujutatsi abe peexanaenexa, bapon copiya pejuntu coyenetha nanta xeinaeya popona xua abe peexanaenexa. Bapoxonae poxonae xaniwaicha juntu coyene jujutatsi xua abe peexanaenexa bara bapon exana xua abe exana. <sup>15</sup> Pon xua abe exana bapon exana po peabe exanae cuiru coyene copiya yabara nanta xeina. Icha bapon awiya abe exana ducuaenaebiya matapainya tupa abe peexanae cuiru coyene peexanaexae bichocono.

<sup>16</sup> Tamonae pam paxam pomonae tapaca caantobewichi pam. Jopa painya coutha pananta xeinaeinde xua pajam: "Nacom nemuxujainyaba xua abe taexanaewa tsane", jopa pajande. <sup>17</sup> Daxita xua wanae, saya meisa baxuan Nacom nacata itorobica peitaboco wetsica. Bapon Nacom exanaduba daxitan xua pocotsiwa yonoyonojei tsurubenae peitabocotha. Nacom jopa bapana ichawa beya pepaebiya exanaein. Bapon peyapenthiya jinaein mataqueitha yawa merawithano. Jopa exanaeyo icha barapo pecoichan ichi xua pentha tsaibi yawa quirei tsaibi. Dapon aibi pon itacupatsi xua itorobatsi Nacom xua icha coyeneya peexanaewa xua pocotsiwa bapon pia coya ichichipa exana. <sup>18</sup> Poxoru saya Nacom pia coutha ichichipa daxota naca cata peantuyapusawa po peantuyapusawa ataya tsiteca. Baxua naca cata poxonae jume cowantsiya jume tainchi Nacom pia pexainyei jume diwesi tatsi. Poxonae Nacom baxua naca cana exana bara waxainchi piamonae jiwi tatsichi xua waxainchi ichamonae toxeinchiya jume cowantatsi. Xua copiya wajume cowantsixae, Nacom naca cana exana xua pomonaetsi pomonae wajuntu coyene xanepanae jiwichi Nacom nexa. Daxota Nacom tsita be painya cui jiwichi beyacaincha ichamonae.

*Meje yabara pomonae xaniyeya pepa pejume cowantsiwi Nacom*

<sup>19</sup> Tamonae pam pomonae bichocono tapaca caantobe jiwichi pam pacayabara nanta xeinare barapo diwesi xua jeje: Daxita paxam bewa

pew<sub>na</sub>eya pana naj<sub>ntu</sub> coyene w<sub>na</sub>eteibim painya nemamnaewa-teibinexa Nacom Pejume Diwesi. Jopa bewa paxainxainyam xua painya cueicueijeinexa barapo diwese ichamonaetha poxonae cataunxuae jopa paexanaem pocotsiwa barapo diwesi itoroba. Yawa jopa bichocono anaepanaya pacueicueijande. <sup>20</sup> Tsipei pon anaepana, Nacom jopa taexanaetsi pexeinya coyene po coyene xua Nacom tsita xanepanatsi. <sup>21</sup> Bara pabarapende po coyene abe peexanae cuiru coyene pocotsiwa pananta xeiname, xuano xua pocotsiwa ichamonaetha pata exaname. Matautano pana cui barapende po peabe exanae cuiru coyene bichocono nawita pocotsiwa ichamonaetha pata exaname. Matautano painya j<sub>ntu</sub> coyeneintha ita ururaquiya pajume cow<sub>nde</sub> Nacom pia pexainyei jume diwesi tatsi. Tsipei barapo pexainyei jume diwesi xeina peayapus<sub>wa</sub> xua paca cana exana xua paj<sub>ntu</sub> coyene panenebiyam abe painya neexanae cuiru coyenein weya.

<sup>22</sup> Itapeta paexande, pocotsiwa Nacom Pejume Diwesitha paeba. Jopa metha bepa saya pajume taemtsipae. Tsipei paxam painya coutha pana namuxuitorobeibichipame icha jopa paexaneibim pocotsiwa xua pajume taibame. <sup>23</sup> Pon xua saya jume tane Nacom Pejume Diwesi yawa jopa exanaeyo pocotsiwa Nacom paeba, bapon be pocotsi jiton tsabocototha nayaitane. <sup>24</sup> Bara nayaitane. Poxonae bapon pona caena bapon yacuinaya naitabara itaxananaya. <sup>25</sup> Nacom Pejume Diwesi bichocono xanepana. Barapo peitorobi diwesi naca j<sub>ntu</sub> coyene capanepa exana abe waexanae cuiru coyene weya. Ichitha pon jopa j<sub>ntem</sub>ainaeayo xua pocotsiwa Nacom Pejume Diwesitha paeba, xuano xanepanaya exana ducuaenaebiya pocotsiwa barapo diwesi itoroba, bapon j<sub>ntu</sub> coyene weiweina xua pocotsiwa peexanaexae.

<sup>26</sup> Icha pebin nanta xeina xua daxita jume cow<sub>ntsiya</sub> exana Nacom nexa, xua daichitha jopa naebato yatacutsiyo poxonae ichamonaecat-sawiya yabara paebatsi, bapon pia coutha namuxuitoroba. Matautano pocotsiwa jume cow<sub>ntsiya</sub> exanapona Nacom nexa saya pejumexaei. <sup>27</sup> Pomonae xainyeya pepa pejume cow<sub>ntsiwi</sub> Nacom, barapomonae jopa abe exanaeyo Nacom peitabaratha, pon Waxa. Pomonae xanepanaya exana bewa iche: Bewa yawenaenae pomonae peacoibi jiwi, yawa bewa yawenaeno powaxi pecuenta werapaewaxichi piseurixi. Matauta jopa bewa exanae pocotsi coyene exana pomonae jopa pejume cow<sub>ntsiwi</sub> Nacom.

## 2

### *Meje yabara xua poxonae jiwi bewa daxita tsita naj<sub>paetsi</sub>*

<sup>1</sup> Tamonae pam, pomonae ir<sub>u</sub> painya nejume cow<sub>ntsixae</sub> Jesucristo pon Wanacanamataxeinaein. Bapon Jesucristo pon bichocono pej<sub>ntu</sub> coyene xanepanaein. Jopa bewa paexanaem painya xantha painya nejume cow<sub>ntsixae</sub> xua ich<sub>n</sub> bichocono peainya cuin w<sub>nae</sub> penaexanaeinxae beyacaincha ich<sub>n</sub> xua jopa w<sub>nae</sub> penaexanaeinxae xua daxota bapon catsapin pacana exaname. <sup>2</sup> Ichacuitha metha be pocotsi coyeneya tsipae, xua meje: Metha poxonae paxam panacaetutsipame, baropoxonae ir<sub>u</sub> pebinbe patopaetsipabe. Metha baponbe joniyaetsipabe baxota. Ich<sub>n</sub> nacobesi xataba aniyon pocotsiwan daedaena. Matautano paparuwa nama xatata xua m<sub>u</sub> daedaena. Nama ir<sub>u</sub> ich<sub>n</sub> acopeibi, nama dapon saya pia penama xatatsiwa taabetsi. <sup>3</sup> Metha

pon copei pexeinaein pantenta weyataeya wabichipame. Metha pajam tsipaem bapontha: “Xote ecare ichaxota pexeinya peecaewatha”, pajam tsipaem. Ichitha nama pontha acopeibi, jopa pantenta weyataeya wabichipaem. Bapontha pajam tsipae: “Bara beuncuiyama, ichacuitha bara saya iratha ecare”, pajam tsipaem. <sup>4</sup> Icha metha baxua paexanaetsipame bapoxonae abeya pananta xeinaetsipame xua jiwi jopa najupaeyo. Bapoxonae paxam pana nacana exaname be pomonae jiwi painya neyabara paebi jiwi pam xua penatsicuentisiwa yabara xua abe peexanaexae.

<sup>5</sup> Tamonae pam pomonae iru painya nejume cowuntsixae Jesucristo, bichocono paca antobetsi. Incane pajume taema, xuaje: Nacom itapeta pomonae peacopeibiwi xua barapomonae bichocono pejume cowuntsinexa. Matautano Nacom catsibina barapomonaetha pocotsiwa bayatha jantana jeba jopa peitorobi nacuatheicha pia peantobewixaetsi. <sup>6</sup> Ichitha nama jopa paweyataem pon barapo peacopeibin. ¿Eta xua metha baxua paraichim? Pomonae ba copei pexeinaewi pomonae paweyataneme barapomonae ba daunweya paca itoroba nama. Matautano barapomonae ba pentacaponawei peitabaratha paca capona xua abeya pia paca necayabara paebinexa. <sup>7</sup> Barapomonae pomonae copei pexeinaewi apara Jesucristo abe yabara paebatsi, pontha pon waxainchi wajume cowanta dubenanaebiyaxaetsi, naca jei, “Cristobarumonae”, naca jei.

<sup>8</sup> Icha ichichipa paexaname Nacom peitorobi jume coyenewa, moya pejume coya paexande xua Nacom Pejume Diwesitha jeye: “Paantobeinde ichamonae, pomonae painya nepaca tsicuarabu enaewi icha paichim xua painya coutha pana naantobem”, jei xua barapo diwesitha. Moya bara beta paexanaename. <sup>9</sup> Poxonae ichamonae ainya cui pacana exaname xua beyacaincha ichamonae, bapoxonae paxam apara abe paexaname. Matautano apara paxam pomonae abe painya neexanaewi, tsipei jopa paexanaem pocotsiwa Nacom penajume caitorobi coyenewatha paeba. <sup>10</sup> Icha ichun jume jejei xua peexanaewa tsane pocotsiwa Nacom penajume caitorobi coyenewatha paeba, daichitha bara caewiyo seicanaya xua peexanaewa tsane, bapon Nacom tsita natsicuentatsi xua abe peexanaexae. Bara bequein saya caewiyo seicanaya, barapara Nacom tane xua daxita tsita abetsi. <sup>11</sup> Nacom namchi: “Jopa panasi cui wainmeinchiinde poxonae jitha painya neenaewatha”, jei Nacom. Yawa namchino: “Jopa bexubinde ichun”, jei Nacom. Ichitha icha bequein jopa panasi cui wainmeinchim, daichitha pabexubame ichun baraxua be poxonae daxita abe pacayabara exaname Nacom penajume caitorobi coyenewa. <sup>12</sup> Paxam bewa beta xanepanaya pa-paebim. Matautano bewa beta pajinompam. Tsipei bexa tsane Nacom paca yabara paebina painya nenatsicuentisiwa abe painya neexanaexae bapontha. Paxam jopa payabara jume cuiya exanaem pocotsiwa Nacom itoroba penajume caitorobi coyenewatha. Icha barapo coyene exanatsi naca cana exana xua wapanenebiwatsi Nacom beya. <sup>13</sup> Pomonae jopa yabara nantanuweya nanta xeinaeyo xua ichamonae peyawenaenexa tsainchi xuya Nacom bara jutiya ichane barapomonaetha. Ichitha pomonae xua yabara nantanuweya nanta xeina xua ichamonae peyawenaenexa tsainchi, xuya Nacom bara jutiya ichane po matacabitha jiwi yabara paebinchin xua penatsicuentisiwa xua abe peexanaexae.

*Meje yabara xua Nacom pejume cowantsiwichi pia pexeynya peexanae coyenewan tatsi*

<sup>14</sup> Tamonaē pam, iru pomonaē painya nejume cowantsixae Jesucristo. ¿Eta xua metha tsipae? Metha ichun jei: Xan Nacom Pejume Diwesi jume cowantan, jei, ichitha jopa betiya xanepanaya exanaeyo. ¿Bara metha bapon najuntu coyene capanepaetsipa Nacom beya? Apra jume tsipae, jopa najuntu coyene capanepaetsipae. <sup>15-16</sup> Ichacuiha metha tsipae, metha panantauntsipame pomonaē pejume cowantsiwi Jesucristo painya xantha. Barapomonaē metha taaibichipaetsi paparuwan xua pocotsiwa aque nexa, yawa xua taseicatsi pexaewa penabanaewanexa. Metha ichun pon painyamonae jiwana jiton bapomonaetha jeye: “Bara junte ma panawibiyama, paparuwa panama xatabareno, bara beta panabanareno”, jei. Daichitha bapon jopa catsiyo barapomonaetha pocotsiwa barapomonaē nantawenona xua pejinompaewa nexa. Baxua bapana ba ichamonae jopa yawenaetsi icha saya ba u xua paebatsi. <sup>17</sup> Barichi xua pon pejume cowantsin Nacom Pejume Diwesi. Icha bapon jopa yawenaeyo ichantha pontha pon nantawenona ichawa xua pia peponaewa nexa, bapoxonae bapon pia pejume cowantsiwa Nacomtha be cayabara junte maina.

<sup>18</sup> Ichacuiha jiton jeye: “Ichamonae bichocono jume cowanta pocotsiwa Nacom itoroba bequein jopa yawenaeyo ichamonae. Seicaya ichamonae bichocono beta yawena ichamonae bequein jopa beta jume cowantsiyo pocotsiwa Nacom itoroba”, jei. Xan ponxaein Santiago jume notsin bapontha: “Pon beta jume cowanta jopa itacupaetsi xua netsita exana xua bapon xaniwaicha jume cowanta pocotsiwa Nacom itoroba poxonae bequein jopa beta yawenaeyo ichamonae. Bapoxonae xan tsita exanan bapontha xua xaniwaicha jume cowantan pocotsiwan Nacom itoroba poxonae exanan pocotsiwa Nacom neitoroba xua poxonae yawenan ichamonae”, jan tsane. <sup>19</sup> Xam jume cowantame xua bara compa pepa Nacom popona, xua ichun bapocotsin aibi. Baraxua bara beta nanta xeiname. Ichitha baxua iru caurimonae jume cowanta yawa bichocono pijunuwi jijiyei. <sup>20</sup> Xam bapocotsim pocotsin ba jopa peyaputaēin, incane jume taema. Pon paeba xua pinae jume cowanta pocotsiwa xua Nacom itoroba, xua daichitha jopa beta exanaeyo ichamonae nexa, bapon pia pejume cowantsiwa bara be cayabara junte maina. <sup>21</sup> Nacom tsita juntu coyene xanepanatsi Abraham, pon wamo susatopin, pon caena bayatha tupa. Bapon Abraham Nacom jopa tsita natsicuentisichi xua abe peexanaexae, ichitha yabara jume cowantsiya peexanaexae pocotsiwa Nacom itoroba. Bapon pexanto isoto beya capona, petautsinexa xua petuxusi exanaenexa Nacomtha, po pexanto tatsi pewan Isaac. <sup>22</sup> Anoxuae payaputaneme xua Abraham jume cowantsiya exana pocotsiwa Nacom itoroba. Daxota bapon tsita itapeinya xeina xua poxonae exana baxua xua yatsicaewa bara xeina pepa pejume cowantsi coyenewa. <sup>23</sup> Nacom exana xua caena bayatha Pejume Diwesitha jeye: “Abraham jume cowantsiya exana pocotsiwa Nacom itoroba. Daxota Nacom tsita juntu coyene xanepanatsi jopa penatsicuentisixae xua abe peexanaexae bapontha”, jei Nacom Pejume Diwesi. Barapo Nacom Pejume Diwesi tatsi xainyei, tsipei Nacom exana baxua. Daxota caena bayatha Abraham yabara jeichichi: “Apra Abraham Nacom pia jiton tatsi”, jeichichi.

<sup>24</sup> Anoxuae bara payaputaneme pocotsiwa Nacom tsita juntu coyene xanepanatsi xua jopa tsita natsicuentisichi xua abe peexanaexae pon exana pocotsiwa Nacom itoroba, jopa meisa metha poxoru pejume cowantsixae. <sup>25</sup> Bara cana ichiru Nacom petsiriwatha powa nasi cui matacaeta pebiwitha, pia paratixichi, powa pewan Rahab, powa caena bayatha popona. Nacom tsita juntu coyene xanepanatsi barapowatha xua poxonae peyawenaexae icha pebinbetha ponbe peitorobinchibe xua poxonae peyantabinexabe tomara. Barapowa barapo pebinbe bupana etatsibe pia botha poxonae baponbe jeitompatsibe ichamona. Baroxonae pirapaeyo bapowa baponbe capanepatsibe icha namto iya xua tomara weya. <sup>26</sup> Daxota anoxuae paca tsipaebatsi, icha pepon ba jopa xeinaeyo pejumo, ba pepon tupa. Barichi icha pebin jume cowanta Nacom daichitha jopa exanaeyo pocotsiwa Nacom itoroba baroxonae pia pejume cowantsiwa bara be cayabara jantemaina.

### 3

#### *Meje yabara pocotsiwa xua peebatotha pepaebiwa*

<sup>1</sup> Tamona pam pomonae iru painya nejume cowantsixae Jesucristo. Paxan pajume tan xua pinmonae painyamonae jiwana ichichipa xua penaexanaewa pomonae jiwu pecuidubiwi Nacom Pejume Diwesi. Daichitha pinmonae jopa bewa naexanae pomonae jiwu pecuidubiwi. Bayatha daxita paxam payaputaneme xua paxan pacueicueijan tsurubenanaebiyon Nacom Pejume Diwesi xua jiwu jopa bewa abe exanaena. Daxota poxonae baxua pacueicueijan xua daichitha abe paexanan baroxonae Nacom bichocono pana peraxa jubina beyacaincha xua poxonae bapon cana exanaena ichamonaetha. <sup>2</sup> Daxita waxainchi ichichipatsi nawita xua abe waexanaewa. Anoxuae payaputaema, icha ichun jopa abe exanaeyo xua poxonae paeba bapon jame penthuthu yapu xanepanaein. Matautano bapon itacupatsi xua najuntu coyene itoroba daxita pia pepontha xua xanepanaya peexanaewa abe peexanaeyainwa. <sup>3</sup> Poxonae waxainchi cawayu wano atatsi penainto xua wanaca cui jejeinexa baraxua apara xua wacafebabinexa daxita pepon ichaxota waponaewa. <sup>4</sup> Barichi payabara nanta xeinare jera po nae pin nae. Bara bequein bichocono pin nae yawano bara bequein po joibo pin joibo capubabiya tsaibi, daichitha pon tafecaeca bapon cafebabecapona ichawa beya xua ichaxota ichichipa peponaewa xua xoyotha tsiwiyo tsecae xoyo ira werucueina. <sup>5</sup> Icha jera ichi po nae pin nae xua dapocotsiwiyotha cafebabecapona, barichi peebato xua dapocotsi ebatyio tsecae pepon nexa. Daichitha barapo ebatyiotha itacupatsi xua yabara eetaponaeya paeba pia peexanaewa poxonae ichamonae aebatsi. Barichi unu itacupatsi xua petaxuiwa dacotsi iteretiyotha. <sup>6</sup> Icha nawa iteretiyio cana ichi unu, peebato bara ichiya exana daxita coyeneintha. Bequein waebato peyauyo tsecae xua wapepon jiwana xua pin xaintotsi, ichitha bara itacupatsi xua bichocono abe exanatsi naca cana exana. Waebato naca cana exana xua waexanaewa daxita abe waexanae cuiru coyenein xua poxonae wacueicueijeixae waebatotha xua caurimonae pia pentacaponaein tatsi wanaca cui itorobixae. <sup>7</sup> Jiton ba itacupatsi xua ita coxone exana daxita duweimonae, pepupunaewi, jomon yawa menepipichiwanno. Daxita baxua i daxua jiton ba ita coxone exana. <sup>8</sup> Nama peebato jopa be baraichichi. Jopa wanaca yapu

xanepanaewa xua waebato cuidubatsi xua jopa abe jume pepaebiwa tsane. Waebato bichocono abe tsecae. Itacupatsi xua jiwi cana exanatsi xua ichamonaе pejumetaya anthathatanewa, icha jomo ichi xua jiwi ba atene exanatsi pewanotha xua ichacuitha ba jiwi tupa exanatsi xua pewano tsapa pexeinaexae. <sup>9</sup> Barapo ebatotha wunaе jaintatsi Nacom pon Waxa. Matautano abe yabara paebatsi pebiwi barapo ebatotha. Ichitha barapo pebiwitha Nacom caena bayatha forota daxota barapo jiwi pia juntu coyene tatsi jupa icha Nacom pia juntu coyene tatsi ichi. <sup>10</sup> Matautano barapo coibototha jume pichapa xua wunaе pejainchiwa Nacomtha, xuano xua abeya pepaebiwa. Tamonaе pam pomonaе iru painya nejume cowantsixae Jesucristo. Jopa bewa barapocotsi coyenewa paexanaem xua poxonaе Nacom wunaе pajaintame xuano xua jiwi abe payabara paebame. <sup>11</sup> Po mera natsibotarucua ira buxupana wetsina, poxonaе mene jujuina barapoxonaе caena yawa jopa muxuna jujuinaeyo po mera xeica yawa po mera atsaxa. <sup>12</sup> Tamonaе pam bara pocotsi jata coyeneya ichi poxonaе waxainchi abatsi. Higuera nae jopa ba nacoichiyo olivo nae thei, po pethei aceituna thei matawun. Yawano uva unbototha jopa ba nacoichiyo higuera nae thei. Barichi barapo mene po mera mene natsibotarucua poxonaе mene jujuina barapoxonaе caena yawa jopa muxuna jujunaeyo po mera xeica yawa po mera atae. Barichi waebatotha jopa bewa xeinaetsi ainya jume coyenewabe po jume wunaе yawa po jume abe.

*Meje yabara xua pepa pexainyeiwa xua peyaputae coyenewa*

<sup>13</sup> Icha painya xantha popona pon bichocono peyaputaein xua yawa pecoxonaein bapon bara bewa moya xanepanaya beta poponaе yawa bara bewa moya ita ururaquiya poponaе. Beta peexanaexae jiwi peitutha, bapoxonaе jiwi tane xua bara bapon pon bichocono pepa peyaputaein. <sup>14</sup> Metha painya juntu coyenetha paxeiname peuwiwa xua paca juntu coyene atsaca exana ichamonaetha. Yawa metha painya coutha pana nata exaname painyawan pia jiwi wunaе paca yabara paebichi xua pia ainya cui paca exanaetsi xua beyacaincha ichamonaе. Icha paxeiname barapo peyaputae coyenebe bapoxonaе painya xoba paaebame ichamonaе painya pepa neyaputae jiwi pamxaem. Poxonaе baxua papaebame apara saya panaerabame xua jopa paxainyam. <sup>15</sup> Apra barapo peyaputae coyene xuaunxuae po peyaputae coyene yabara paca tsipaebatsi barapo coyene apara jiwi nanta xeina barapo cae pin nacuathe pomonaе jopa pejume cowantsiwi Nacom. Barichi barapo peyaputae coyene cauri nanta xeina. Apra barapo peyaputae coyene Nacom werena jopa ponaeyo. <sup>16</sup> Daxota poxonaе ba jiwi pejume uwiwa xeina ichamonaetha yawa u penata exanaе coyene piawan bapoxonaе ba jiwi jopa xanepanaya penanta xeinaewa yawa exana daxita abe peexanaе cuiru coyenein. <sup>17</sup> Nama pomonaе xua peyaputae coyene xeina xua po peyaputae coyene Nacom werena pona, barapomonaе copiya juntu coyene xanepanaya jinompa yawano barapomonaе jopa naita aenaе-aeneyo saya junteма pejinompaexae. Yawa barapomonaе yabara jume baru cui itura jina pocotsiwa ichamonaе paeba. Yawa jume jejei xua peexanaewa pocotsiwa ichamonaе itoroba. Matautano nantanuweya yabara najuntu coyene xeina peyawenaenexa tsaibi tsane ichamonaе. Matautano barapomonaе wunaeya xanepanaya exaneiba ichamonaе nexa xua jopa ichawa beya nanta xeinaeyo xua



saya xaniwaichiya exana. <sup>18</sup> Pomonae xua bichocono ichichipa xua jantema pejinompaewa barapomonae cana exana ichamonaetha, xua ichamonae jantema jinompa xua daxota barapo ichamonae bichocono xanepanaya betiye exana dubenanaebiya.

## 4

*Meje yabara pomonae ichichipa naexana pomonae jopa pejume cowantsiwi piamonae tatsi*

<sup>1</sup> ¿Eta werena pona barapo coyene xua pana najume mat-sontsonobame? ¿Yawano eta werena pona barapo coyene xua pana nabame? Apra barapo coyenebe natoroba painya jantu coyeneintha ichaxota paichichipame xua abe painya nenanta xeinaewa. <sup>2</sup> Ichawa paichichipame ichitha jopa paxeinaem daxota ichun anaya pabexubame. Ichawa payabara cui uwame, ichitha jopa paca itacupaeyo xua paxeiname daxota anaya pana nayabara bame. Jopa paxeinaem pocotsiwa paichichipame tsipei Nacomtha jopa pawucaem. <sup>3</sup> Poxonae Nacomtha payabara wucame pocotsiwa paichichipame, jopa Nacom paca catsiyo tsipei jopa xanepanaya pawucaem, saya painya nata wucaexae pocotsiwa xua abe painya neexanaewa tsane. <sup>4</sup> ¡Maisa paxam caurimonae pia pepuna jinompaewichi pam! Payaputaneme xua pomonae ichichipa naexana pomonae jopa pejume cowantsiwi Nacom piamonae tatsi, barapomonae apra ba Nacom peaitafaetabiwichi. Daxota poxonae paichichipame xua panaexaname barapo cae pin nacuamonaepiwi piamonae tatsi, apra panaexaname Nacom pia peaitafaetabiwichi tatsi pam. <sup>5</sup> Daxota Nacom Pejume Diwesi jeye: “Nacom asiwiya antobe po jumope tanaxu naca cayawa exanaeya jinompa exana”, jei. <sup>6</sup> Ichitha Nacom pia peantayapusuwatha naca yawena xua jopa abe waexanaewa tsainchi. Nacom Pejume Diwesi jeye: “Nacom jopa yawenaeyo pomonaetha pomonae jiwi peaebiwi. Ichitha pia peajantuayapusuwatha yawena pomonaetha pomonae ita uranaya jinompa xua jopa atsaquiyo”, jei. <sup>7</sup> Pajume jejande xua Nacom paca itoroba yawa paexande. Jopa pamuxu jejande cauri pia pentacaponaein tatsi xua paca tsipaeba. Bapoxonae bapon naetsircuaena painya xainya weya. <sup>8</sup> Nacomtha patsipaebare, bapoxonae Nacom paca yawenaena. Paxam pomonae abe peexanae jiwi pam, tsipei Nacom paantobem yawa pamuxuna antobem po peabe exanae coyenewa barapo cae pin nacuathepiwi exana. Bara panacui barapende barapo abe painya exanae coyene. Yawano Nacom patsita najantu coyene xanepana exande. <sup>9</sup> Abe painya neexanaexae, pana najantu coyene acaurande, pawecoyande, yawa panantu exabare. Poxonae pajantu coyene weiweiname xua painya neexanaexae pocotsiwa barapo cae pin nacuathepiwi exana, bara equeicha caewa pajantu coyene wecoyande xua painya neauraxae. <sup>10</sup> Nacom pon jiwi Pecanamataxeinaein pabarau cui itura jinare xua jopa ainya cui pana nacana exanaem. Bapoxonae Nacom ainya cui paca cana exanaena.

*Meje yabara xua jopa bewa ichamonae yabara paebichi tsainchi xua penatsicuentisiwa xua abe peexanaexae*

<sup>11</sup> Pomonae painya nejume cowantsi jiwi pam Jesucristo, jopa bewa ichamonae yabara paebichi tsainchi xua penatsicuentisiwa xua abe peexanaexae. Pon abe yabara paeba pontha pon Cristo pejume

cowantsindu, bapon muxuna abe yabara paeba Nacom pia peitorobi diwesi. Bapon jopa jume cowantsiyo pocotsiwa xua barapo diwesi itoroba xua pinae jopa bewa abe yabara paebichi ichun xua xeina penatsicuentisiwa xua abe peexanaexae. Bapoxonae bapon natsicuenta Nacomtha barapo coyenetha tsipei abe paeba nawita. Poxonae bapon abe yabara paeba Nacom pia peitorobi diwesi bapoxonae bapon be jopa exanaeyo po coyene Nacom pia peitorobi coyenewatha itoroba.<sup>12</sup> Aparameisa bapon Nacom pon naca cata pia peitorobi coyenewa. Matautano bapon compa pon jiwi peyabara paebin xua penatsicuentisiwa xua abe peexanaexae. Meisa saya bapon itacupatsi xua jiwi capanepatsi pia nacuatheicha, xua ichacuitha ba jiwi itawetatsi pia nacua weya xua abe peexanaexae. Nama paxam apara jopa paca itacupaeyo xua payabara paebame xua ichamonae pia peexanae coyenewa tatsi. Matautano jopa paca itacupaeyo xua jiwi pacapanepame Nacom pia nacua beicha tatsi, xuano xua jiwi ba ichacuitha paitawetame Nacom pia nacua weya tatsi abe peexanaexae.

*Meje yabara xua cataunxuae jopa nayaputaeyo pocotsiwa xua baya nexa tsane*

<sup>13</sup> Anoxuae pajume taema xuaje, xua paxam ba pajam: “Anoxuae, ichacuitha icha jopa anoxuae tsipae, baya tsane paponaein icha tomaratha. Ichacuitha icha jopa barapo tomaratha tsipae, paponaein icha tomaratha. Baxota pata tha cae wei yapu othopaetsi, pata caenaeta dubenanaebiyaetsi, yawa pata paratixi caetuba dubenanaebiyaetsi”, xua pajam. <sup>14</sup> Jopa baxua pananta xeinaeinde tsipei jopa payabara yaputaem pocotsiwa baya painya nejinompaewa tsane. Barapocotsi jata coyeneya pana natsicotaneme, icha nobo ichi, xua ba caeto nobo tsuncuae equeicha caewanaya. Barichi jiwi bara caeto jinompa, equeicha werapa. <sup>15</sup> Jame bewa pocotsiwa papaebim xua jeye: “Icha Nacom pon jiwi Pecanamataxeinaein ichichipa xua wajinompaewa, moya jinompaeinchi, yawa exanaeinchi pocotsiwa xuaje, ichacuitha xua ichawano”, xua bewa jei. <sup>16</sup> Ichitha nama paxam, jopa baxua papaebim pocotsiwa icha Nacom ichichipa. Saya paaebame poxoru paichichipame xua painya neexanaewa pocotsiwa painya coutha paichichipame. Icha poxonae paichimje xua poxonae paaebame bapoxonae bara apara abe peexanae cuiru coyene paexaname. <sup>17</sup> Pon xua yaputane xua beta peexanaewa, xua daichitha jopa baxua exanaeyo, apara bapon bara abe peexanae cuiru coyene exana.

## 5

*Meje yabara xua pemuxuwetsi coyene pomonaetha pomonae copei pexeinaewi*

<sup>1</sup> Pomonae copei pexeinaewi pam, pajume taema xuaje: Payabara siwa wecoyande yawa pana nantanuweya namtsebare xua painya nepaca tsita jopaexae pocotsiwa xua jopa xaexaenacaeyo, pocotsiwa xua paca atene exana. <sup>2</sup> Daxita xua xuan paxeiname baxuan daxita tsabana, yawa painya pexeinya pabubun xua pemu itane wunaewan baxuan daxita ofon xane. <sup>3</sup> Painyawan xua pocotsiwa pewun oro nain yawa xuano pocotsiwa pewun plata nain, daxita baxuan tasibounatsi. Baxua paca tsita naitapeinya xeina xua paxam jopa pacatsim ichamonae saya asiwiya pantaropeicha xexeinaponame barapo copei. Barapo

copei pajebame anoxuae. Ichitha po mataqueitha poxonae Nacom yabara paebina jiwi xua penatsicuentisiwa xua abe peexanaexae bapontha, barapo matacabi imoxoyo tsane. Nacom weraweraca exana barapo copei xua painya copei, icha isoto ichi xua tauta exana xua topowa. Bichocono copei pacatubame bequein jopa baxua paca yawenaeyo painya nepanenebiyaewa po mataqueitha nexa po mataqueitha Nacom yabara paebina pocotsiwa jiwi pia peexanae coyenewan ichacuitha xua metha wuna, ichacuitha xua metha abe. <sup>4</sup> Jopa pantomatsim pomonaetha pomonae pacata nacuita poxonae pacata naweta pexaewa. Painya caibixae barapo pentoma barapomonae paca yabara namtsebiya wawai. Yawa Nacom pon jiwi Pecanamataxeinaein, pon daxita pia peitorobi coyene pexeinaein bapon daxita baxua jume tane xua barapomonae namtsebiya wawai. <sup>5</sup> Barapo irathe bichocono copei paxeina dubenanaebiyame, matautano paexana dubenanaebiyame pocotsiwa xua paca juntu coyene weiweina exana. Bichocono copei paacabem po mataqueitha poxonae Nacom paca jutebina, icha jiwi ichi xua natsixuruwei naxinyaba exana vaca xua bexa pebexubinexa tsane. <sup>6</sup> Paxam pomonae copei pexeinae jiwi pam abe payabara paebame pomonae pejuntu coyene xeicae jiwi. Yawano pajutebame barapomonae, bequein jopa itacupaetsi xua pia coutha penayawenaewa.

*Meje yabara poxonae Santiago jei: "Jopa paaitaconaeinde poxonae bequein ichamonae abe pacata exana", jei*

<sup>7</sup> Tamonae pam pomonae iru Jesucristo painya nejume cowantsixae. Beitatemaya pawnae aware pon jiwi Pecanamataxeinaein, pon Cristo. Jopa paaitaconaeinde poxonae pawnae ewatame xua poxonae bequein ichamonae abe pacata exana. Barapo coyene baxua bara paichinde, icha pon pabi pexeinaein ichi poxonae beitatemaya ewata xua naweta xua naxainwaeta. Bapon jopa aitaconaeyo poxonae beitatemaya ewata xua ema taatsanaeinchi pia pabi. <sup>8</sup> Paxam iru bara paichinde. Jopa paaitaconaeinde poxonae pawnae ewatame pon jiwi Pecanamataxeinaein. Pana najuntu coyene tsacabare xua juntema painya nejinompaewa tsane, tsipei pon jiwi Pecanamataxeinaein bara nama imoxoyo pewnaeyo tatsoponaetsi xua pepatopaewa.

<sup>9</sup> Tamonae pam pomonae iru Jesús painya nejume cowantsixae. Jopa caemonae nantiya aitaconaeya pana nayabara paebinde xua abe painya nenata exana dubenanaebiyaexae. Icha baxua paexaname paxam panatsicuentame Nacomtha tsipei Nacom pon jiwi peyabara paebin xua penatsicuentisiwa xua abe peexanaexae. Nama imoxoyo tsoponae poxonae Nacom itorobina xua jiwi peraxa jubebinchi pomonae abe peexanaewi. <sup>10</sup> Tamonae pam matha pataema po diwesi yabare: Pomonae Nacom peitorobi jume pepaebiwi pomonae caena bayatha jinompa, barapomonae bichocono atene exanatsi ichamonae. Bequein bara barapomonae atene, daichitha awiya jopa aitaconaeyo poxonae abe taexanatsi ichamonae. Awiya barapomonae pomonae Nacom peitorobi jume pepaebi jiwi ba cueicueijejei tsaibi Nacom nexa, pon jiwi Pecanamataxeinaein. <sup>11</sup> Waxainchi ba yabara nanta xeinatsi barapomonae, xua bichocono juntu coyene weiweina poxonae beitatemaya awiya jume cowantsiya exana dubenanaebiya poxonae bequein abe taexanatsi ichamonae. Bayatha caena pajume taneme xua pinae pon pewan Job jopa aitaconaeyo Nacomtha poxonae bequein Nacom yaperaxaeya jume

cowanta ducuaenaebiyatsi. Matautano payaputaneme xua Job equeicha matarpainya beta taexainchi Nacom, pon jiwi Pecanamataxeinaein tsipei Nacom jiwi nantanuweya peyabara nanta coyene xeinaeinchi xua jiwi peyawenaenexatsi.

<sup>12</sup> Jame xuaje ainya cui: Jopa Nacom pawan caunutsinde xua bapon painya nepaca taewa tsane xua xaniwaicha painya nepaebiwa poxonae yabara pana natsiwana wanae paebame ichamonaetha pocotsiwa bexa painya exanaetsi. Poxonae pajam: “Je”, pam, bara bara paichinde. Poxonae pajam: “Bara”, pam, bara moya bara jopa paexanaeinde. Baroxonae jopa Nacomtha panatsicuentisim tsane abe painya neexanaexae. Barichi jopa itaboco pawan caunutsinde, yawa irano jopa pawan caunutsinde, matautano jopa icha wanno pawan caunutsinde.

<sup>13</sup> Icha ichan pon painyamonae jiwana jiton ajuntucoyenetane xua abe petaexanaexaetsi ichamona, barabu bewa bapon Nacomtha wacaena xua peyawenaewa tsainchi. Icha ichan juntu coyene weiweina, barabu bewa bapon peweixi naxanae xua Nacom wanae jainchiya peyabara naxanaewatsi. <sup>14</sup> Icha ichan atene, bewa pawabim penapatae jiwi, pomonae pecanamataxeinaewi xua canamataxeinatsi pomonae Nacom pejume cowantsiwi. Baroxonae barapomonae bewa tawacaena xua pon peatenein petawacaewatsi xua Nacom axaibi peexanaenexa. Baroxonae barapomonae bewa junya penasiwatha mata caxuebina Cristo pewantha pon jiwi Pecanamataxeinaein. <sup>15</sup> Poxonae barapomonae Nacomtha waca bewa yabara jume cowantsiya wacaena xua bara Nacom pon jiwi Pecanamataxeinaein axaibi exana bapontha. Baroxonae pon atene jume tsane. Matautano pon Wanacanamataxeinaein, bapon pon atene axaibi exanaeinchi. Icha pon atene abe peexanae cuiru coyene exana baxua Nacom cayabara junteinaena. <sup>16</sup> Daxota paxam, caemonae nantiya pana natsipaebeibare xua poxonae abe nantiya pana nata exaneibame, pajam tsaibinde: “Pin uran, yaitama jopa xapain cata exanaetsi necayabara junteinane”, pajam tsaibinde. Pon Nacom peitabaratha tatsi juntu coyene xanepanaya popona, poxonae bapon Nacomtha waca bichocono peayapusawa xeina xua daxota Nacom beta cana exana bapontha. <sup>17</sup> Nacom peitorobi jume pepaebin Elias, bapon bara jiton bara wanaca cui juraein, pon caena bayatha popona. Poxonae bapon Nacomtha matowa waca xua jopa peruneicaewa tsane, baroxonae jopa duneicaeyo tres po weibe yawa equeicha bara caeto nama. Baroxonae barapo nacuatha pin jainbo nacua tsurucuae. <sup>18</sup> Baroxonae, poxonae equeicha Nacomtha waca, baroxonae equeicha duneica yawa pexuwiwan xanepanaya nawetsiya xuwa.

<sup>19</sup> Tamonae pam metha ichan pon paxam jiwana abe exanapona bequein yaputane xua bewa exanaena pocotsiwa pexainyeiwan. Icha ichan yawena bapontha xua equeicha caewa beta peexanaewa tsane bapon, pon yawena, bara beta exana. <sup>20</sup> Pon yawena bewa yaputaena xuaje: Po jiton xua cana exana ichamona xua penacui barapentsiwa abe peexanae cuiru coyenein, xua equeicha pejume cowantsinexa Nacom, barapon juntu coyene capanepa exana barapomonae petupae cuiru coyene weya. Matautano bapon juntu coyene yawena xua Nacom peyabara junteinaewa xua barapomonae abe pia peexanae cuiru coyenein tatsi xua bequein bichocono nawita.

Baja Santiago.

## **Meje Po Carte Copiya Pedro Tatina, Pomonaes Jesucristo Pejume Cowantsiwi Tatinatsi**

*Meje yabara poxonaes Pedro tamropata pitaba xua tatina pomonaetha pomonaes Jesucristo pejume cowantsiwichi*

<sup>1</sup> Xan, Pedron, Jesucristo pia peitorobi jiwu jiwana tatsin. Daxita barapomonaes pam pacata tinatsi pomonaes painya nacua nacayayatsiya pawu jinompame xua ichamonaes painya nepaca yotabixae. Pomonaes painya nejinompaewi pam Ponto nacuatha, iruru pomonaes painya nejinompaewi pam Galacia nacuatha, iruru Capadocia nacuatha painya nejinompaemdu, iruru Asia nacuatha painya nejinompaewi pamdu, iruru Bitinia nacuatha painya nejinompaewi pamdu. <sup>2</sup> Caena bayatha poxonaes aena, bapoxonaes Nacom paca itapeta. Barapon Nacom, pon Waxa, paca yaputane xua pia pexui tatsi pana naexaname. Nacom pia Pejumope tunaxu tatsi paca exana xua bichocono pajuntu coyene xanepaname Nacomtha painya neexanaenexa pocotsiwa Nacom paca itoroba. Poxonaes Jesucristo paca tsitupa naetotha jana pichapabarena painya nejume cowantsinexa Jesucristo pocotsiwa bapon paca itoroba. Bapoxonaes pajuntu coyene xanepaname Nacomtha. Barabu Nacom bichocono paca yawenaena pia paca necaantobewaxae. Matautano barabu barapon juntema jinompa paca exana.

*Meje yabara xua po coyeneya bewa beta jinompaetsi Jesucristo nexa*

<sup>3</sup> Nacom wunaes jaintatsi pon Jesucristo Paxa tatsi. Jesucristo bapon pon Wanacanamataxeinaein. Nacom jeichichi: “Nacom maisa pajuntu coyene weiweinan xua pena juntu coyenein patanecatsibiwam xua poxoru bichocono nantanuweya pana yabara nanta xeiname. Baxua painta exaname poxonaes Jesucristo equeicha asu exaname petupae cuiru coyene weya”, jeichichi. Jesucristo naca cana exana xua wunaeya jume cowantsiya ewatatsi xua Nacom naca catsina peajuntu yapusawa. <sup>4</sup> Bara Nacom paca catsibina pocotsiwa paca juntana jeba pia nacuatheicha pocotsiwa xua jopa itacupaetsi xua peweraweracaewa xua matauta jopa abe caquiyo. Matauta jopa abe tsoponaeyo xua jopa daichiyo icha pentono ichi. <sup>5</sup> Nacom paca yapu eena pia peayapusawatha painya neyabara jume cowantsixae bapon. Barapon Nacom paca capanepa xua jopa painya neatenenexa xua abe painya neexanaexae xua poxonaes daxita barapo nacue weraweracaena.

<sup>6</sup> Daxota pajuntu coyene weiweiname, bara bequein saya cae dapaeyobetha paca ajuntu coyenerewe exana xua ichamonaes abe painya nepacata exanaexae matowa. <sup>7</sup> Barapo painya nepaca caajuntu coyenerewe exanaewan piraichi pacata exana baxua xua pia yaputaetsi icha xaniwaicha bara metha pajume cowantame Jesucristo. Po penainto pewun oro nainto, jiwu ba piraichi isototha tauta peyaputaenexa icha bara metha pepa oro nainto. Po pejume cowantsiwa jiwu xeina bichocono daunwei beyacaincha oro nainto bequein ichamonaes juntu coyene jujuta xua abe peexanaenexa. Barapo oro nainto weraweraca. Barapoxonaes poxonaes Jesucristo patopaetsica

xua awiya beta painya nejume cowanta dubenanaebiyaxae daxota Nacom wnae paca jainchina. Matautano paca cana exanaena xua peainya cui jiwí pam. Matautano paca cana exanaena xua jiwí paca baru cui itura jinaena painya nejume cowantsiwixae.

<sup>8</sup> Paxam paantobem Jesucristo bara bequein jopa bapon pataem. Matautano anoxuae pajume cowantame bequein jopa bapon anoxuae pataem. Paxam bichocono pajantu coyene weiweiname. Bara bequein barapo pexeinya pejantu coyene weiweinae coyenewa bayatha payabara paebame daichitha awiya pacata seica xua po jumetha beta payabara paebame barapo peajantucoyenesuwa. Daxota bichocono pajantu coyene weiweiname tsipei pananta xeiname xua painya nexeinaewa tsane pebaru cui itura jinaewa Nacom pia nacuatheicha. <sup>9</sup> Painya nejume cowantsixae Jesucristo, Nacom paca jantu coyene capanepaena xua jopa painya neatenenexa xua abe painya neexanaexae.

<sup>10</sup> Caena bayatha pomonae Nacom pia peitorobi jume pepaebiwi yabara jejeitaponeiba nawita barapo pecapanenebiyae diwesi, xuanano yabara yainyabeiba nawita. Barapomonae yabara paeba pecapanenebiyae diwesi, xua Nacom paca catsibina barapo diwesi pia paca necaantobexae. <sup>11</sup> Nacom pia Pejumope tñaxu tatsi, po jumope Cristo weya pona, barapo jumope cueicueijeí barapomonae pejantu coyenewatha tatsi. Nacom pia Pejumope tñaxu tatsi cueicueijeí barapomonaetha, jeye: “Payabara tinare xua bexa tsane Cristo, pon Nacom itorobina, atene tsane. Matautano bapon Cristo xeinaena pexeinya peitupanae coicha”, jei. Barapomonae nayainyaba, jeye: “¿Eta bichi tsane jiwitha poxonae baxua exanaena? ¿Yawa eta poxonae metha baxua exanaena?” najei barapomonaetha. <sup>12</sup> Ichitha Nacom, barapomonae yabara yaputane exainchi xua po diwesi barapomonae xua Jesucristo yabara tsiwnae paebatsi apara jopa barapomonae nexa. Apara jame barapo diwesi paxam nexa. Po diwesi xua caena bayatha barapomonae yabara paeba barapo diwesi jupa po diwesi xua anoxuae ichamonae yabara paca tsipaeba. Barapo diwesi xua pecapanenebiyae diwesi barapomonae paca tsipaeba Nacom pia Pejumope tñaxu tatsi pia peayapusu itorobi coyenyatha tatsi po jumope itorobatsi itaboco wetsica. Barapomonae yabara paeba barapo pecapanenebiyae diwesi po diwesi matatsunpiwi bequein iru ichichipa yabara yaputane.

*Meje yabara xua Nacom naca itoroba xua bewa xeinaetsi pepa pejantu coyene xanepanaewa*

<sup>13</sup> Daxota pana najantu coyene wnaere Nacom nexa xua pana najantu coyene itorobare xua barompaya painya nenanta xeinaewatha. Ajantuayapusuwa payabara jume cowantsiya eware pocotsiwa Nacom paca catsibina pia paca necaantobewaxae xua poxonae Jesucristo patopaetsica. <sup>14</sup> Paexande icha pexui ichi xua ba exana pocotsiwa coxiyñ itoroba. Jopa paichichipaeinde xua abe paexaname po coyenewa icha be paichim copiya xua abe paexaname poxonae cataunxuae jopa payabara yaputaem Nacom. <sup>15</sup> Seicaya pajinompare pepa painya nejantu coyene xanepanaewatha, tsipei Nacom pon paca waba bichocono pepa pejantu coyene xanepanaein. <sup>16</sup> Baxua paexande poxororor Nacom Pejume Diwesitha jeye: “Paxam daxita bichocono pajantu coyene xanepande, tsipei bichocono tajantu coyene xanepanaein”, jei.

17 Nacom Waxa, pon jiwi peyabara paebin xua penatsicuentisiwa xua abe peexanaexae, barapon Nacom jopa nanta xeinaeyo xua ichun bichocono peainya cuin beyacaincha ichun. Icha paxam barapo Nacomtha pajam: “Axa”, pajam, xua pia painya nepaca yawenaenexa bapoxonae pajunuware xua abe painya neexanaeyainwa Nacomtha. Matautano barapon Nacom bichocono paantobeinde daxita matababin poxonae pajinompame po irathe. 18 Jesucristo paca capanepa painya abeya nejinompaewa weya. Poxonae Jesucristo paca yantomata xua paca capanenebiya, jopa catsiyo po penainto pewun oro nainto. Matautano jopa catsiyo po penainto pewun plata nainto. Barapo naxobe penaintobe saya weraweraca. Barichino payaputaneme xua Jesucristo jopa paca capanepaeyo tsipei bara paichim xua paexaname icha painya amo susato jiwi ichi xua barapo abeya juntu coyenewatha jinompa. Baxua paca yawena aibi. 19 Saya meisa Cristo naca yantomata abe waexanae cuiru coyenein weya. Baxua apara xua poxonae Jesucristo naca tsitapa naetotha, icha caena bayatha oveja ichichi xua poxonae bexotsi xua tupa exanatsi xua Nacom peyabara jantemainaenexa jiwi abe pia peexanae cuiru coyenein tatsi. Barapo oveja pexeinya oveja xua jopa matauta xeinaeyo wanyo, icha Cristo ichi xua jopa xeinaeyo peabe coyenewa tsipei pejuntu coyene xanepanaein. 20 Nacom itapeta xua Cristo itapetatsi petupaenexa tsane naetotha caena bayatha poxonae cataunxae jopa forotsiyo po cae pin nacue. Nacom paca tsita itata bapon Cristo barapo petabu ducuae matababitha. 21 Cristo painya nepaca tsitupaexae naetotha xua abe painya neexanae cuiru coyenein daxota Nacom pajume cowantame. Nacom equeicha Cristo asu exanatsi petupae cuiru coyene weya. Matautano Nacom pia nacuatheicha cana exana bapontha xua xeina pepa peainya cui coyenewa. Daxota anoxuae pajume cowantame Nacom. Matautano pajume cowantsiya ewatame Nacomtha xua bexa Nacom paca catsina pocotsiwa xua bayatha yabara paca tsiwinae muxu duta.

22 Anoxuae pajume cowantame Nacom pia pexainyei diwesi jume xua Nacom pia Pejumope tunaxu tatsi paca tsipaeba. Daxota paca itacupa xua pana najuntu coyene winae exaname Nacomtha xua xaniwaicha painya neantobenexa ichamonae pomonae iru pejume cowantsiwi Nacom. Daxota bewa bichocono nantiya pana naantobem daxita painya nejuntu coyene daunweyatha. 23 Paxam icha juntu coyene paxename tsipei be pena jiwi pana naexaname, xua pajuntu coyene xanepaname. Jopa panaexanaem xua pocotsiwa peweraweracaewa werena. Anoxuae nama panaexaname pocotsiwa xua jopa peweraweracaewiyo werena. Ichitha pena jiwi pana naexaname painya nejume cowantsixae Nacom Pejume Diwesi, po jume diwesi jopa weraweracaeyo, xua ataya tsitecapona. 24 Nacom Pejume Diwesi jeye: “Naepanaewa ba tsewa tsoponae yawa pentono ba othopeica. Icha naepanaewa ichi jiwi ba barichi, ba werapa.

Matautano pocotsiwa jiwi exana xua bequein tsita ainya cuichi ichitha weraweracaena.

25 Ichitha nama Nacom Pejume Diwesi ataya ayapusu tsoponae”, jei Nacom Pejume Diwesitha.

Barapo diwesi apara pecapanenebiyae diwesi xua po diwesi paca tsipae-batsi.

## 2

<sup>1</sup> Daxota daxita pana nacui barapende daxita abe peexanae cuiru coyenein, yawano xua pemuxitorobi coyenewan, yawano xua naerabiya peexanae coyenewan xua naemata wuna pepaebiwa, yawano xua peyabara uwi coyenewan xua ichun xeina, yawano xua abe peyabara paebiwa ichamonaetha xua ichun peyabara paebiwatsi. <sup>2</sup> Pexui ba poxi anoxuaetha naexana ba jeita mito pia apaetsi xua pewichibinexa peapaexae mito. Icha pexui ichi, barapocotsi jata coyeneya paichinde. Saya u meisa Nacom Pejume Diwesi payorobare nawita xua painya nejume cowanta dubenanaebiyaenexa tsane, matautano xua painya nepaca capanenebiyaenexa tsane Nacom. <sup>3</sup> Icha paita coxoneme Nacom, painya juntu coyenetha bara payaputaneme xua pon jiwi Pecanamataxeinaein bichocono bara pewunaein.

*Meje yabara iboto, po iboto peainya cui iboto*

<sup>4</sup> Jesucristo pajume cocowntaponde, pon jiwi Pecanamataxeinaeinchi, pon xua ataya tsitecaeya ajuntayapusuya pepoponaein. Barapon Jesucristo yabara caunutatsi be pocotsi iboto xua copiya boca xua poxonae bomuxu exana. Icha jiwi ichi xua barapo iboto xuba jiwi barichi Jesucristo pentatsi. Ichitha Nacom itapeta xua Jesucristo itapetatsi, tsipei bapon Jesucristo Nacom tsita ainya cuichi. <sup>5</sup> Poxonae jiton ibo bo exana xua Nacom pin pia bo nexa, itapeta po iboton wuna. Bara jatiya ichi Nacom itapeta jiwi, xua pomonae piamonae tatsi cana exana pomonae pejume cowantsi jiwichixaetsi. Painya coutha pana najuntu coyene doure Nacomtha beta painya netanacuichinexa icha sacerdotemonae ichi xua najuntu coyene douta Nacomtha poxonae beta tanacuita. Poxonae baxua paexaname bara baxua Nacom tsita xanepanatsi xua Jesucristo painya nejume cowantsixae. <sup>6</sup> Nacom Pejume Diwesitha jeye:

“Pajume taema, itorobarecan Jesucristo

Si6n tomaratha tana nejume

cowantsiwi taitorobarecan.

Bapon itapetan xua bichocono peainya

cuixae, icha iboto ichi, po iboto

babatanota bomuxu.

Pon Jesucristo jume cowantatsi bapon jopa

aura tsane xua bapon Jesucristo pejume

cowantsixae”, jei Nacom Pejume Diwesitha.

<sup>7</sup> Painya nejume cowantsixae bapontha, daxota payaputaneme xua bapon bichocono asiwiya paantobem. Ichitha pomonae jopa bapon jume cowantsichi barapomonae canacui yabara jume wetatsi be pocotsi coyeneya bayatha Nacom Pejume Diwesi paeba, xua Jesucristo yabara caunutatsi, jeye:

“Po iboto xua jiwi naitemata xua pomonae

ibo bon peacabiwi, barapo iboto

pecanamatawenonae ibotatsi naexana”,

jei Nacom Pejume Diwesi, xua Jesucristo

yabara caunutatsi.

<sup>8</sup> Nacom Pejume Diwesitha equeicha jeye:



“Barapo ibotiyotha jiton taxu aʉtabatsi.

Mataʉtano barapo iboto, ichacuitha

jiton xuirapopa exainchi”,

jei Nacom Pejume Diwesi.

Jiton ba xuirapopa poxoru jopa taeyo barapo iboto. Po iboto Nacom yabara paeba barapo iboto Jesucristo yabara jʉtsiya canaʉtapaebatsi. Jiwi jopa beta exanaeyo poxoru jopa jume cowantsiyo xua Nacom Pejume diwesitha Jesucristo yabara paebatsi. Caena bayatha Nacom rewʉnaeya yabara cui yaputane xua barapomonaе peexanaewa tsane baxua.

<sup>9</sup> Paxam Nacom painya nepaca itapetsi jiwi pam. Paxam po sacerdotemonaе pam xua pata nacuitame Nacom pon jiwi itorobiya pia pepa Peewatsinchi. Mataʉtano paxam pomonaе Nacom patsita jʉntʉ coyene xanepaname jopa painya tsita natsicuentisixae bapon. Mataʉtano Nacom pia pepa piamonaе tatsi pam. Nacom baxuan pacata exana pia painya yabara netacueicueijeinexa xua pia pexeinya petsita itabi coyenewan tatsi. Barapon Nacom paca waba abe painya neexanaе cuiru coyenein weya. Paca waba pia painya yabara neyaputaenexa Nacom xua xeina pexeinya peitʉpanae coicha. <sup>10</sup> Copiya paxam jopa Nacom piamonaе tatsi pam, ichitha anoxuae nama Nacom piamonaе tatsi pam. Mataʉtano copiyatha jiwi jopa paca yabara nantanuweya nanta xeinaeyo xua pia paca necayawenaewa tsane. Ichitha anoxuae Nacom paca yabara nantanuweya nanta xeina xua pia paca necayawenaewa tsane.

*Meje yabara xua jiwi bewa beta jinompae xua Nacom petanacuita dubenanaebiyaenexatsi*

<sup>11</sup> Tamonaе pam, pomonaе tapaca caantobe jiwichi pam. Paxam pomonaе be penanapaincha jinompaewi pam xua icha nacua werena painya neponaewi. Daxota paca itorobatsi xua jopa painya neexanaewa tsane pocotsiwa abe pocotsiwa xua painya jʉntʉ coyenewatha ichichipa xua peexanaewa. Barapo abe peexanaе cuiru coyenein paca jʉntʉ coyene itoroba bichocono xua painya neexanaenexa po coyenein abe peexanaе cuiru coyenein. <sup>12</sup> Beta pajinompare Nacom nexa xua peitʉtha tatsi pomonaе Nacom jopa jume cowantsichi. Icha barapomonaе abe paca yabara paebichipa be pomonaе abe painya neexanaе jiwi pam tsipae bichocono daichitha barapomonaе taena xua beta painya neexanaewa. Bapoxonaе barapomonaе Nacom wʉnae jaintinchi wʉnae painya neexanaexae xua po mataqueitha Nacom yabara paebina jiwi xua penatsicuentisiwa xua abe peexanaexae.

<sup>13</sup> Painya nejume cowantsixae pon jiwi pepa Pecanamataxeinaeinchi bara paexande pocotsiwa paca itoroba daxita pomonaе pecanamataxeinaewi painya nacua. Mataʉta paexande pocotsiwa paca itoroba pon romanomonaе itorobiya pepa peewatsinchi. Jame Nacom ichichipa xua waexanaewa baxua. <sup>14</sup> Paexande pocotsiwa paca itoroba pomonaе nacuan peewatsiwi pomonaе xua tanacuitatsi pon romanomonaе itorobiya pepa peewatsinchi. Nacom itoroba barapomonaetha pomonaе nacua peewatsiwi xua barapomonaе cuainchina pomonaetha pomonaе abe peexanaewi. Mataʉtano Nacom itoroba barapomonaetha xua wʉnae jainchina pomonaetha pomonaе beta peexanaewi. <sup>15</sup> Nacom ichichipa xua beta painya neexanaewa tsane pomonaetha pomonaе xua

jopa Nacom yabara yaputaetsi xua barapomonaе pemoyanexa xua jopa abe painya nepaca yabara paebinxа.

<sup>16</sup> Pajinompаre, ichа be ichi pomonaе jopa nantawenonaeyo xua ichamonae amanaya petanacuichiwatsi. Ichithа jopa abe paexanaeinde xua poxoru saya painya nejinompaexae. Beta pajinompаre, ichа be ichi pomonaе Nacom amanaya tanacuitа dubenanaebiyatsi. <sup>17</sup> Beta payabara nanta xeinare daxita jiwі. Matautano paantobeinde ichamonae pomonaе iru pejume cowantsiwi Jesucristo. Nacom pacunuware xua abe painya nepaca exanaeyainwa, xua abe painya neexanaexae. Pabaru cui itura jinareno pon romanomonaе itorobiya pepa peewatsinchi.

*Meje yabara po coyene xua Cristo atene peexanaewatsi*

<sup>18</sup> Paxam pomonaе amanaya painya netanacuichi jiwі pam ichamonae barapomonaе pam paca tsipaebatsi. Bewa pajume baru cui jejam tsaibim tsane pomonaе xua paca itorobeiba pomonaе painya nepaca canamataxeinaewi. Baxua paexande poxonaе bequein ichamonae wunaе peexaneibiwi, matautano xua poxonaе ichamonae bequein abe peexaneibiwi poxonaе paca itoroba. <sup>19</sup> Baxua Nacom tsita wunaetsi xua pabarа cui itura jiname barapomonaе pomonaе painya nepaca canamataxeinaewi xua poxonaе bequein paca cuainta barapomonaе xua xaniwaicha painya neexanaexae painya nejume cowantsixae Nacom. <sup>20</sup> Icha abe paexaname xua daxota paca cuainta, baxua Nacom jopa tsita coyene xanepanaetsi xua bequein saya beitatemaya moya paumename poxonaе paca cuainta. Ichithа ichа jame paca cuainta xua wunaе painya neexanaexae xuano xua ichа beitatemaya moya paumename baxuan jame Nacom tsita coyene xanepanatsi. <sup>21</sup> Xua ichamonae atene painya nepaca caexanaexae daxota Nacom itapeta paca waba. Ichamonae Jesucristo atene exainchi waxainchi nexа. Jesucristo canа caunutsiya exanatsi xua waxainchi bewа exanaetsi ichа bapon ichi xua pocotsiwa exana. <sup>22</sup> Bapon Jesucristo bapana jopa abe exanae. Matautano bapana jopa muxuitorobi ichamonaethа. <sup>23</sup> Poxonaе ichamonae Jesucristo biatainchi jopa xuya jume barabotsiyo Jesucristo. Poxonaе Jesucristo butsi, jopa Jesucristo jeyo, “Aunxuae xuya paca cuaintinchi”, jopa jeyo. Ichithа Jesucristo jume cowanta Nacom xua pocotsiwa poxonaе Nacom exanaena barapomonaethа pocotsiwa xua be Jesucristo peyantomatsiwatsi. Tsipei Nacom xaniwaicha beta yabara paeba jiwі, xua penatsiuentisiwa xua abe peexanaexae. <sup>24</sup> Cristo pia peponthа yawа muxuna tupa abe waexanae cuiru coyenein poxonaе tupa naetothа. Poxonaе bapon Jesucristo nacata exana barapo coyene, waxainchi abe waexanae cuiru coyenein weya panenebiyatsi xua jopa equeicha waexanaewa tsane abe waexanae cuiru coyenein, yawano xua beta juntu coyene xanepanaya jinompaeinchi Nacomthа. Daxota Cristo wan exanatsi xua equeicha jopa abe painya neexanaenexа tsane. <sup>25</sup> Ichacuithа oveja itaxanuncuatsi, pipato pepoponaexae jopa penantauntsixae pon peanaein ovejan. Icha oveja ichi paxam bara pocotsi jata coyeneya paichim. Copiya jopa xanepanaya painompaem, jopa painya nenantauntsixae Jesucristo. Ichithа anoxuae xanepanaya pajinompame, tsipei anoxuae Jesucristo panantautame pon paca yawena. Bapon nepaca eenaеin, ichа be ichi pon oveja peanaein. Yawano bapon Cristo paca juntu coyene canamataxeina.

## 3

*Meje yabara xua po coyeneya bewa jinompae pomonae jitha peenaewi*

<sup>1</sup> Paxam powaxi jitha painya neenaewaxi pam, paexande pocotsiwa painya seuriwi paca itoroba. Painya pebiwi ichacuiha jopa jume cowantsiyo Nacom. Painya neexanaexae pocotsiwa painya seuriwi paca itoroba barapo painya seuriwi jume cowantsina Nacom painya nepaca cui taexae bara bequein Jesucristo jopa payabara paebim. <sup>2</sup> Barapo painya seuriwi paca taena xua Nacom paantobem. Yawano xua paca taena xua jantꞏ coyene xanepanaya painompame. <sup>3</sup> Jopa metha meisa painya pepon pexeinyowa pana naexanaemtsipaem, xua daxota jiwi painya nepaca yabara paebeibiwa, xua pexeinyowaxi pam. Jopa matowa pana mata cachetsinde xua bichocono pexeinyowa pana naexaname. Jopa pana napepenaeinde po penaintohta pewꞏn oro nainto. Matautano jopa pana nama xatabinde po paparuwan bichocono ainya matoman xua bichocono pexeinyowaxi pana naexaname. <sup>4</sup> Icha pexeinyowaxi ichichipa pana naexaname moya maisa pana najantꞏ coyene wꞏnae exande. Barapo pexeinyowa coyenewa bꞏpana xeina jiwi pejantꞏ coyenewatha. Barapo pexeinyowa coyenewa jopa itacꞏpaetsi xua peweraweracaewa. Painya pexeinyowa coyenewa bewa payabara ita ururanya pajinompae, yawano jantꞏma pajinompreno. Baxuan jame bichocono tsita coyene xanepanatsi Nacom. <sup>5</sup> Barapo pexeinyowa coyenewa caena bayatha xeina po yabꞏxi xua bichocono pepa pejantꞏ coyene xanepanaewaxi. Barapo yabꞏxi jume cowantsiya ewata Nacomtha, xua Nacom exanaena pocotsiwa yabara tsiwꞏnae muxu duta. Matautano barapo yabꞏxi exana pocotsiwa piseuriwi itorobatsi. <sup>6</sup> Petsiriwa powa pewꞏn Sara bara jꞏtiya ichiya exana. Barapowa exaneiba pocotsiwa piseuri itorobeibatsi pon pewꞏn Abraham. Barapowa piseuritha jeye: “Tanecanamataxeinaem”, jei bapowa. Paxam bara paichim tsane icha barapowa Sara ichi icha beta paexanaename, yawano xua jopa pajunuwim, bequein painya seurixi jopa xanepanaya paca itorobeibiyo.

<sup>7</sup> Barichi pam pebiwi pam, po pebiwi painya seuriwi painya nexeinæe jiwi pam. Beta payabara cui yaputaema painya seuriwi. Yawano painya seuriwi pabarꞏ cui itura jinare tsipei yabꞏxi jopa acui coyenesꞏyo icha jopa be pebiwi ichiyo. Pananta xeinare xua pebin piseuribe xeinabe po peajantꞏyapusꞏwa jopa bapana weraweracae, po peajantꞏyapusꞏwa Nacom cata piamonaetha pomonae pia peantobewixaetsi. Baxua paexande painya seuriwitha xua wꞏnae painya neexanaewa xua Nacom bara beta painya nepaca jume taenexa poxonæe pawꞏcæme.

*Meje yabara xua jiwi atene pomonae xua beta peexanaewixæe*

<sup>8</sup> Matapainya paca tsipaebatsi nantiya beta jinompa pana naexande. Yawano nantiya beta pana nayabara nanta xeinare xua painya nenayawenaexaem tsane. Nantiya pana naantobeinde painya nejume cowantsixæe Nacom, icha be ichi poxonæe barompaya painya eweicho jiwi nantiya pana naantobem. Pomonæe jiwi peyawenæe jiwi pana naexande xua painya neantobexæe barapo jiwi. Matautano jopa bichocono painya coutha pana nayabara nanta xeinæeinde. Jame maisa ichamonæe itapeta bichocono payabara nanta xeinare. <sup>9</sup> Poxonæe ichamonæe abe pacata exana xuya jopa paexanæeinde. Yawano poxonæe ichamonæe paca biatane jopa xuya pabiataeinde. Seicaya nama paexande. Jame Nacomtha patawꞏcare barapomonæe xua Nacom

pecana exanaenexa xua barapomonaē peǰuntũ coyene weiweinaenexa. Daxota Nacom paca waba xua xuya pacata exana tsipei barapomonaē beta pacana exaname. <sup>10</sup> Tsipei Nacom Pejume Diwesitha jeye:

“Pon xua antobe xua po coyene cataunxuae  
pepoponaewa, xuano xua daxita matababi  
ǰuntũ coyene weiweina poneiba, bapon bewa  
peebatotha jopa paebi tsane peabe jumeyo.  
Matautano peopiratotha jopa bewa paebi tsane  
xua ichamonaē naerabiya peyabara paebiwatsi.

<sup>11</sup> Bewa taju beya paponae xua peabe  
coyewan weya.

Yawano saya bewa beta paexanaem.

Itapeta paexande pocotsiwa xua jiwi

ǰantema jinompa exainchi.

Bara ajantũyapusa paexanaponde baxua.

<sup>12</sup> Tsipei Nacom, pon jiwi Pecanamataxeinaein,

yawena pomonaetha pomonaē peǰuntũ

coyene xanepanaewi.

Yawano Nacom jume tane xua pewũcaewatsi.

Ichitha Nacom jopa yawenaeyo pomonaē abe

peexanaewi”, jei Nacom Pejume Diwesitha.

<sup>13</sup> Dapon aibi pon itacũpatsi xua abe pacata exana icha saya paex-  
aneibame pocotsiwa xua wũnae. <sup>14</sup> Bequein icha ichamonaē pacata abe  
exanaena ǰuntũ coyene xanepanaya painya nejinompaexae, daichitha  
Nacom paca cana exana xua pajuntũ coyene weiweinaya jinompame.  
Jopa ichamonaē pacunuwinde, yawano jopa pacuitaya ǰuntũ deidei-  
jande. <sup>15</sup> Jame maisa Cristo bichocono payabara nanta xeinare painya  
ǰuntũ coyenetha xua bapon bichocono ainya cui. Pajande: “Pon jiwi  
Necanamataxeinaem”, pajande. Pana najuntũ coyene wũnaeteibare  
xua painya nejume noteibinexa pomonaē paca yainyabiya jeye: “¿Eta  
pocotsiwa pajume cowantsiya ewatame xua Jesucristo bexa paca ca-  
panepaena?” paca jei. <sup>16</sup> Ichitha saya ita ururaquiya pajume noteibare,  
jopa paaebeibinde. Yawano pajunuware Nacomtha xua abe painya  
nepaca exanaeyainwa Nacom, abe painya neexanaexae. Pajinompare  
xua painya ǰuntũ coyenewa paca tsipaeba xua wũnae bara paexaname.  
Bapoxonaē icha ichamonaē abe paca yabara paeba, barapomonaē aura  
tsane xanepanaya painya nejume cowantsiya jinompaexae Cristo.

<sup>17</sup> Icha Nacom ichichipa xua ichamonaē atene paca exana, beta painya  
neexanaexae, baxua jame wũnae, beyacaincha xua poxonaē atene paca  
exana poxoru abe paexaname. <sup>18</sup> Tsipei Cristo atene exanatsi poxonaē  
tsitũpa abe waexanaē cuiru coyenein daxita xua poxonaē cae coyenetha  
tũpa. Cristo bapana jopa abe exanaē. Ichitha bapon Cristo naca tsitũpa  
pomonaē abe waexanaē jiwichi. Baxua Cristo nacata exana, xua wanaca  
exanaenexa xua wapatsiwa tsane Nacom beicha. Bapon Cristo bequein  
tũpa pepon ichitha equeicha asũ exanatsi pia pejumope tũnaxũ tatsi.

<sup>19</sup> Bapoxonaē Jesucristo pia pejumope tũnaxũ tatsi pona ichaxota jiwi  
pia pejumopein tatsi be cubathopeibatsi pomonaē xua caena bayatha  
werapa. Barapon Jesucristo pia jumope tũnaxũ tatsi yabara cueicuei-  
jei barapo jumopeintha xua Nacom pia pecapanenebiyae diwesi tatsi.

<sup>20</sup> Caena bayatha barapomonaē jopa jume cowantsiyo Nacom poxonaē

po mataqueitha Noé popona po irathe. Nacom beitatemaya ewateiba barapomonaē, ainya dapaēin xua pejume cowantsinexatsi poxonae xua cataunxuae Noé cobe naemata xua pin jera nae exana. Ichitha saya ocho poyobe jiwi panenebiya poxonae bichocono awabo xua butuxuba po cae pin nacue. <sup>21</sup> Barapo awabo caunuta xua be naca bautisaba. Poxonae naca bautisaba apara jopa wanaca perū iquicaenexa tsane xua tsoreichi, apara jame daxota naca bautisaba Nacom, wanaca capanepaexae abe waexanae cuiru coyenein weya. Yawano Nacom wucatsi xua wanaca jūntū coyene xanepana exanaewa tsane. Baropoxonae wajūntū coyene naca tsipaeba xua bara beta exanatsi. Waxainchi naca itacupa xua wanaca bautisabiwa tsipei Jesucristo equeicha asū exanatsi petūpae cuiru coyene weya. <sup>22</sup> Jesucristo peitaboco beicha pona. Bapon Jesucristo eca Nacomtha, xua Nacom pia pecoxa weya tatsi. Matatsunpiwi, irūru pomonaē itoroba itabocotha barapomonaē exana pocotsiwa Jesucristo itoroba.

## 4

*Meje yabara xua jiwi bewa beta tanacuichi Nacom icha be po coyeneya Nacom cata jiwi barompaya pia peexanae coyenewan tatsi*

<sup>1</sup> Yaitama copiya Cristo atene exanatsi ichamonae, waxainchi daxota bewa nanta xeinaetsi xua irū naca atene exanaēna ichamonae. Pon atene exanatsi ichamonae bapon abe pia peexanae cuiru coyenein wepu pona xua bichocono pejume cowantsixae Jesucristo. <sup>2</sup> Paxam jopa bewa paexanaem pocotsiwa xua paichichipame xua abe painya neexanaewa poxonae cataunxuae pajinompame. Ichitha cataunxuae paexanaponde pocotsiwa Nacom ichichipa poxonae cataunxuae pajinompame barapo cae pin nacuathe. <sup>3</sup> Caena bayatha paexaname pocotsiwa xua ichamonae exana pomonaē jopa yaputaeyo Nacom. Barapomonaē abe exaneiba xua nasi cui exana icha yabaxitha xua jopa piseuriwi. Yawano exaneiba xua pocotsiwa abe yabara nanta xeina pejūntū coyeneintha. Yawano nacupa exaneiba peatsaxae meran. Yawano pin penabanaewan exaneiba po penabanaewantha jiwi weiweinaya abe exana xua napenajūba yawa bichocono cupatsi. Yawano ibo nacomūn wūnae jainteibatsi. <sup>4</sup> Pomonaē jopa yaputaeyo Nacom, barapomonaē paca cui yabara nanta xeina, jeye: “¿Eta xua metha jopa naca barū exanaeyo xua waxainchi abe exanatsi?” najei barapomonaē. Barapomonaē paca cui capana yawa daxota abe paca yabara paeba. <sup>5</sup> Payabara nanta xeinare pomonaē abe exana. Barapomonaē bewa yabara caununaya jume notsina Nacomtha pocotsiwa xua abe exana. Nacom yabara paebina pomonaētha pomonaē xua cataunxuae jinompa yawa pomonaētha pomonaē bayatha werapa xua penatsicuentiwa xua abe peexanaexae. <sup>6</sup> Daxota Nacom Pejume Diwesi bayatha cueicueijeji pomonaētha pomonaē bequein bayatha werapa xua barapo pewerapae jiwi pejumope tanaxūn pejinompaenexa tsane icha Nacom ichi xua popona. Bayatha Nacom yabara paeba barapomonaē xua penatsicuentiwa xua abe peexanaexae barapo cae pin nacuathe xua daxota pia pepon tatsi werapa icha daxita jiwi ichouneibi.

<sup>7</sup> Bara nama imoxoyo po dapaētha poxonae Nacom daxita weraweraca exanaēna barapo cae pin nacue. Daxota painya coutha pana najūntū coyene itorobare xua xanepanaya paexaname Nacomtha

beta painya wu̇caenexa tsane. <sup>8</sup> Pocotsiwa xua ainya cui xua jame bewa bichocono nantiya pana naantobeinde. Poxonae ichun paantobem, pajuntemainame poxonae bequein xua bapon abe pacata exana. <sup>9</sup> Paxam nantiya pana nantenta weyataeya wabeibare painya boxitha xua painya nenaapateibinexa tsane, xua jopa pana naita aenae-aenande. <sup>10</sup> Daxita barompaya paxam Nacom paca cana exana xua painya nexeiaewa barompaya painya neexanae coyenewan. Paxam nantiya pana nayawende barapo cui coyenetha, bapoxonae paxam pomonae beta painya neexanae jiwi pam tsane pocotsi coyenewatha xua Nacom paca cana exana. <sup>11</sup> Icha ichun cueicueije, bu̇ bara cueicueije pocotsiwa Nacom cueicueije exana bapon. Icha pebin yawena xua ichun yawenatsi bu̇ bara barapo pebin yawena ichuntha po peyayapuwatha xua Nacom cata. Daxita pocotsiwan xua paexaname bara beta paexande xua jiwi wunae pejainchinexa Nacom xua beta painya neexanaexae xua Jesucristo peyabaraxae. Bu̇ bara Jesucristo ataya xeinaena peainya cui coyenewa, yawano xeinaena xua peayapusu itorobi coyenewa. Je bara ichi tsane.

*Meje yabara po coyeneya xua bewa exanaetsi wajume cowuntsixae Cristo xua poxonae bequein ichamonae atene naca exana*

<sup>12</sup> Tamonae pam painya tapaca caantobetsi jiwichi pam iru painya nejume cowuntsixae Jesucristo. Jopa yabara pana nabenaecaeinde poxonae bichocono atene paca cana exana ichamonae painya nejume cowuntsixae Jesucristo. Jopa pananta xeinaeinde xua baxua pocotsiwa jopa bewa pacata exanae tsane. <sup>13</sup> Jame seicaya pajuntu coyene weiweinare xua painya nepaca itacupaewa xua ichamonae atene paca exana icha Cristo ichichi xua atene exanatsi. Yawano bexa pajuntu coyene weiweinaename poxonae Jesucristo yawa patopaetsica pia peainya cui coyenewa. <sup>14</sup> Icha ichamonae paca muxucona painya nejume cowuntsixae Cristo saya pajuntu coyene weiweinare, tsipei Nacom pia Pejumope t̄naxu tatsi, po jumope pexeinya peit̄panae coicha yawa popona, barapo pejumope paca yawa popona. <sup>15</sup> Jopa bewa paexanaem tsane xua ichamonae pajutebame xua daxota ichamonae paca atene exana. Matautano jopa bewa paexanaem tsane xua ichamonae piawan tatsi pacaibame xua daxota ichamonae paca atene exana. Matautano jopa bewa paexanaem tsane xua ichamonae pajuntu coyene anaepana exaname xua daxota ichamonae paca atene exana. Matautano jopa bewa paexanaem tsane xua ichun pajuntu coyene itorobame xua abe peexanaewa tsane xua daxota ichamonae atene paca exana. <sup>16</sup> Icha ichun atene exanatsi ichamonae, pejume cowuntsixae Jesucristo jopa bewa bapon aura tsane. Ichitha jame bapon bewa wunae jainchina Nacom tsipei atene exanatsi pejume cowuntsixae Jesucristo.

<sup>17</sup> Po matabitha aena Nacom tamropata pitaba xua Nacom yabara paebina daxita jiwi xua penatsicuentisiwa xua abe peexanaexae, apara barapo matabi bayatha patopa. Barapo matabitha Jesucristo piamonae tatsi umenaena Nacom peitabaratha xua Nacom peyabara paebinexa tsane xua penatsicuentisiwa xua barapomonae abe peexanaexae. Yaitama Nacom baxua nacata exana nama yatsicaya jopa Nacom juniya exanaeyo pomonaetha pomonae jopa pejume cowuntsiwi Nacom pia pecapanenebiyae diwesi tatsi. <sup>18</sup> Daunwei nawita pon capanepatsi abe pia peexanae cuiru coyenein weya pon wunae peexanaein. Ichitha

nama bichocono tadaunweichi xua pon capanepatsi abe pia peexanae cuiru coyene weya pon bichocono abe peexanaein. <sup>19</sup> Poxonae icha monae paca atene exana, bara awiya beta paexande icha bara baraxua xua pocotsiwa Nacom cuita jichipa. Bewa pajume baru jejam tsane Nacom xua paexaname bara bequein paayapube taetham. Nacom paca necaforotsixae yawa peexanaexae xua pocotsiwa yabara paca tsiwunae muxu dubeiba xua exana paebeiba, daxota Nacom pia coya canamataxeina painya juntu coyene.

## 5

*Meje yabara xua Pedro muxuweta pomonaetha pomonae pejume cowuntsi jiwi*

<sup>1</sup> Ichichipan xua tamuxu wetsiwa penapatae jiwi pomonae paxam jiwana pam pomonae painya nejume cowuntsi jiwi pam. Xan iru bichocono penapataein icha barapomonae ichi. Xan natan poxonae Cristo naetotha tuparucua exanatsi. Xan iru yawa xeinaein po peainya cui coyenewa Cristo xeina poxonae patopaetsica. <sup>2</sup> Beta pa-eeenare pomonaetha xua Nacom paca cana exana xua pamatacaponame, icha pon oveja peyapu eenaein ichi xua beta yapu eena ovejamonae. Jopa meisa baxua paexanaeinde xua poxoru Nacom pia paca necaitorobixae. Jame maisa baxua paexande xua poxoru painya coutha painya neichichipaexae. Baxua jame Nacom ichichipa. Matautano jopa baxua paexanaeinde xua poxoru paratixi painya neichichipaexae, ichitha poxoru Nacom painya neantobexae bichocono. <sup>3</sup> Jopa atsaquiya pamatacaponaeinde pomonae xua pamatacaponame. Jame saya maisa beta pamatacaponde xua painya necacui taenexa xua bara juta ichiya peexanaenexa. <sup>4</sup> Nexata poxonae patopaetsica pon jiwi itorobiya pepa Peewatsin, bapon Jesucristo paca catsina po pematomatsiwa peainya cui coyenewa, po peainya cui coyenewa xua bapana jopa weraweraceayo.

<sup>5</sup> Barichi pomonae pewowi jiwi pam, bewa paexanaem pocotsiwa xua penapatae jiwi paca itoroba. Daxita paxam bewa nantiya pana naantobem, yawa bewa nantiya pana nayabara ita ururanaya jinompaem. Baxua paexande tsipei Nacom Pejume Diwesitha jeye:

“Nacom aichaxaibi pomonae peaebiwi ichamonaetha.

Ichitha Nacom yawena xua peantobexae pomonae baru ita ururanaya jina ichamonaetha”, jei.

<sup>6</sup> Daxota papende po coyene xua paeabame ichamonaetha. Paexande pocotsiwa xua Nacom pecobetha paca ita cowai pia peayapusu itorobiwatha xua Nacom ainya cui paca necaexanaenexa tsane poxonae Jesucristo equeicha patopaetsica. <sup>7</sup> Bara pacopare xua Nacom bara daxita paca wepichina daxitan po coyenein xua juntu coyene natsepa paca cana exana tsipei Nacom paca yabara nanta xeina nawita xua painya nepaca cayawenaewa tsane.

<sup>8</sup> Painya coutha pana najuntu coyene itorobare xua beta pajinompapare. Tsaca pajinompapare poxoru caurimonae pia pentacaponaein tatsi ichichipa paca abe exana. Bapon pacata exana icha neuthu ichi xua ba piyain fiba poxonae jeita ducuaeta pon ichichipa bexaena. <sup>9</sup> Dota pam panaitemare bapon xua beta painya nejume cowuntsiwatha. Pananta xeinare xua daxita nacuanpiwi jiwana pomonae pejume cowuntsiwi Jesucristo barapomonae atene exanatsi icha paca ichi. <sup>10</sup> Ichitha bexa

tsane xua caeto poxonaē paca atene exanaena ichamonaē, bapoxonaē Nacom paca jũntũ coyene xanepana exanaena. Yawano Nacom paca exanaena xua beta painya nejume cowũntsiwa tsane. Yawano paca exanaenano xua bichocono painya neajũntũcoyenesũwam tsane. Barapon Nacom painya nepaca antobexae paca waba pia paca catichi po peainya cui coyenewa xua ataya tsiteca xua Jesucristo xeina. <sup>11</sup>Bũ bara Jesucristo ataya xeinaena peainya cui coyenewa, yawano xua peayapusũ itorobi coyenewa. Je bara ichi tsane.

*Meje yabara poxonaē Pedro najume wetsiya paeba*

<sup>12</sup> Pon pewũn Silvano, pon be tayapin tatsicotaein irũrũ pejume cowũntsixae Jesucristo, bapon cobe itoroban xua inta tina barapo peya cartiyo xua bapoxonaē tapacata itorobinexatsi xua tapaca muxuwetsinexatsi. Barapo cartatha paca jũntũ coyene tsacaba exanatsi xua Nacom xaniwaicha painya nepaca cayawenaewa tsane painya nepaca caantobexae. Daxota baxua awiya pajume cowũntsiya jinompare.

<sup>13</sup> Pomonaē Babilonia tomaratha jinompa pomonaē Nacom pejume cowũntsiwichi, barapomonaē paca jacoba. Barapomonaē pomonaē Babilonia tomarapiwi Nacom itapeta icha paca ichi xua paca itapeta. Irũ Marcos paca jacoba be pon taxanto tatsicotaein tsipei yawenan xua pejume cowũntsiwa Jesucristo. <sup>14</sup>Paxam nantiya pana najacobare painya nenaantobexae.

Paxam pomonaē Cristo piamonaē tatsi pam barapomonaē pam bara Nacom jũntema jinompa paca exana. Je bara ichi tsane.

Baja Pedro.



## Meje Po Carte Cotacaya Pedro Tatina, Pomonaē Jesucristo Pejume Cowantsiwi Tatinatsi

*Meje yabara poxonaē Pedro tamropata pitaba xua tatina pomonaētha pomonaē Jesucristo pejume cowantsiwichi*

<sup>1</sup> Xan, Simón Pedro, pon Jesucristo amanaya tanacuitan. Xan ponxaein Jesucristo pia peitorobi jiwi jiwana tatsin. Pacata tinatsi barapo carte painya nexeiñae xua pejume cowantsiwa Jesucristo xua bichocono wñnae icha paxan paichin. Barapo pejume cowantsi coyenewa Nacom werena pichapa, pon bichocono peñantñ coyene xanepanaewa pexeiñaein. Yawano barapo pejume cowantsi coyenewa Jesucristo werena pichapa pon irñ bichocono peñantñ coyene xanepanaewa pexeiñaein. Bapon jiwi Pecapanenebiyaein abe pia peexanae cuiru coyenein weya. <sup>2</sup> Barabñ Nacom paca yawenaena pia paca necantobexae. Yawano barabñ Nacom paca catsina jñntema pejinompae coyenewa. Barabñ barapo naxobe coyenewabe bichocono paxeiñaponaename xua poxonaē payabara yaputaeponaename Nacom xuano xua payabara yaputaeponaename Jesucristo pon Wanacanamataxein.

*Mejeyabara pocotsi coyenewano bewa exanaena Cristo piamonaē tatsi*

<sup>3</sup> Nacom naca cata daxita pocotsiwa nantawenonatsi xua jñntema wajinompaewanexa yawa xua xanepanaya wajinompaenexa Nacom nexa. Daxita baxuan Nacom naca cata pia peayapusñ itorobi coyenewatha. Poxonaē yabara yaputaeponaeinchi Nacom, nacuidubatsi xua bapon naca waba xua irñ waxeiñaeñexa peainya cui coyenewa, xuano xua irñ waxeiñaeñexa Nacom pia pexeiñya peexanae coyenewa. <sup>4</sup> Poxonaē Nacom naca cata pia peainya cui coyenewa, yawano pia pexeiñya peexanae coyenewa baroxonaē nama naca cata pia peyabara naca tsiwñnae muxu dutsiwan. Nacom pia peyabara naca tsiwñnae muxu dutsiwan bichocono ainya cui xua jiwi jopa itacñpaetsi xua pecomotsiwa. Barapo peyabara naca tsiwñnae muxu dutsiwan painya necacatsixae anoxuae paxeiñame xua Nacom pia peajñntñyapusñwa xua jopa weraweracaeyo. Yawano barapo peyabara naca tsiwñnae muxu dutsiwan painya nexeiñaeñexa paca itacñpa xua parapanenebiyam abe painya neexanae cuiru coyenewa weya xua barapo cae pin nacuathepiwi po coyene ichichipa abe exana. <sup>5-7</sup> Bequein pajume cowñntame ichitha panantawenoname xua muxuna paexaname xua beta painya nejinompae coyenewan. Poxonaē beta pajinompame, baroxonaē panantawenoname xua muxuna paexaname xua Nacom payabara yaputaneme. Poxonaē Nacom payabara yaputaneme, baroxonaē panantawenoname xua muxuna paexaname xua painya coutha pana nenajñntñ coyene itorobiwam. Poxonaē painya coutha pana najñntñ coyene itorobame, baroxonaē panantawenoname xua muxuna paexaname xua jñntema pajinompame bequein ichamonae abe pacata exana. Poxonaē jñntema pajinompame xua bequein ichamonae abe pacata exana, baroxonaē panantawenoname xua muxuna paexaname xua paantobeya jinompame Nacom. Poxonaē paantobeya jinompame Nacom baroxonaē

panantawenoname xua muxuna paexaname xua paantobem pomonae pejume cowantsiwi Jesucristo. Poxonae paantobem pomonae pejume cowantsiwi Jesucristo, bapoxonae panantawenoname xua muxuna paexaname xua paantobem daxita jiwi.

<sup>8</sup> Icha paxeiname daxita barapo coyenewan yawa xua paexanaponame daxita baxuan bapoxonae beta painya neexanae jiwi pam tsane Nacom nexa. Yawano beta payabara yaputaneme Jesucristo pon Wanacanamataxeinaein. <sup>9</sup> Ichitha icha pebin jopa yabara exanaeyo barapo coyenein, bapon be pon naita tsaqueta poxoru jopa ichipaeyo xua peyabara yaputaewa barapo coyene. Daxota bapon juntemaina xua bayatha wejuntemaina exanatsi abe pia peexanae cuiru coyenewan tatsi xua Nacom wejuntemaina exana. <sup>10</sup> Tamonae pam paxam pomonae be tayapin jiwi tapaca canatsicotae jiwichi pam iraru painya nejume cowantsixae Jesucristo. Daxota paca tsipaebatsi xua xaniwaicha pana naexande xua daxota patsita itutsiname xua paxam pomonae Nacom pia pewabiwi tatsi jiwana pam. Yawano paxam pomonae Nacom pia peitapetsiwi tatsi jiwana pam. Poxonae baxuan paexanaponaename jopa equeicha abe paexanaem tsane po coyene xua daxota paitawetame Nacom. <sup>11</sup> Bapoxonae Nacom bara paca matenta weiweinaya copata xua painya nepatsinexa tsane Nacom pia peitorobi nacua beicha tatsi. Nacom pia peitorobi nacua ataya ayapusu tsoponae ichaxota Jesucristo jiwi itorobiya ewatatsi, pon Wanacanamataxeinaein, xua pon Pecapanenebiyaein jiwi.

<sup>12</sup> Bequein baxua bayatha payaputaneme, ichitha equeicha paca tsipaebatsi xua jopa painya juntemainaenexa. Anoxuae paxam ajantayapusaya pajume cowantame pexainyei jume Jesucristo yabara. <sup>13</sup> Poxonae cataunxuae poponan yabara nanta xeinan xua ainya cui xua baxuan yabara tapata catsipaebiwa tsainchi. <sup>14</sup> Yaputan tsipei Jesucristo, pon Wanacanamataxeinaein, netsipaeba xua bara nama imoxoyo tupaen. <sup>15</sup> Daxota xaniwaicha pacata tinatsi xua baxuan jopa yabara painya nejuntemainaewa tsane poxonae tupaen. Bapoxonae bexa tsane pana necui yabara jantanainaename pocotsiwan yabara paca tsiwunae muxu dutatsi.

*Meje yabara xua pomonae tane Cristo pia peainya cui coyenewa tatsi*

<sup>16</sup> Poxonae paxan paca tsipaebatsi Jesucristo pia peayapusu itorobi coyenewatha yawano xua pepatopeicaewa yabara pon Wanacanamataxeinaein, apara jopa paca tsipaebichi po diwesi pejemai diwesi po diwesi xua saya jiwi paeba. Bara pana natan Jesucristo pia pexeinya peitupanae coicha tatsi pon jiwi Pecanamataxeinaein. <sup>17</sup> Pana natan poxonae Jesucristo ainya cui exanatsi xua Nacom Pexanto ainya cui exana, pon Jesucristo Paxa tatsi. Yawa pana natan xua Nacom Pexanto cata pexeinya peitupanae coicha. Bapoxonae Nacom pejume pajume tan pexeinya peayapusu jume, jeye: “Bapon apara Taxanto, pon bichocono antobein, pon itapetan. Bapon bichocono nejantu coyene weiweina exana”, jei Nacom. <sup>18</sup> Paxan baxua pajume tan xua Nacom cueicueije peitaboco wetsica poxonae Jesucristo pon jiwi Pecanamataxeinaein demxuwatha pana nebaru pona po demxuwa ichaxota Nacom cueicueije itaboco wetsica.

<sup>19</sup> Daxita baxuan naca yawena po diwesin xua Nacom pia peitorobi jume pepaebiwi tina xua barapo diwesin pexainyei jume diwesin. Pa-jume naitaeware pocotsiwan xua barapomona paeba, beya poxonae yatsicaewa payaputaename pocotsiwa barapomona paeba. Barapo pejumein jume xanepana. Bichocono naca yawena icha pecoicha ichi xua pentha exana poxona quirei xua ba naca yawena. Barapo pecoicha waxainchi jopa nantawenonaetsi poxona jarawato ecoina xuano poxonae matabi pentha tsina. Barichi poxonae Jesucristo patopaetsica jopa cana matawenona tsainchi barapo diwesin tsipei bayatha patopeicaena Jesucristo. <sup>20</sup> Matha copiya bewa payaputaem xua meje: Nacom pia peitorobi jume diwesitha dapu jumein aibi pocotsiwa pia coya ichichipa paeba barapo Nacom pia peitorobi jume pepaebiwi. <sup>21</sup> Tsipei Nacom pia peitorobi jume pepaebiwi jopa cueicueijeio pocotsiwa ichichipa pia coutha paeba xua poxonae tina Nacom Pejume Diwesi. Ichitha barapomona tatina pocotsiwa Nacom ichichipa, xua Nacom pia Pejumope t̃nax̃ tatsi peitorobixae.

## 2

### *Meje yabara xua pomona naerabiya pecuidubi jiwi*

<sup>1</sup> Caena bayatha israelmonae jiwana jinompa pomona naerabiya peitorobi jume diwesi pepaebiwi. Barichi painya xantha patsina pomona naerabiya pecuidubi jiwi. Barapomona cuidubina po diwesin xua paca weraweraca exanaena. Barapomona nameicha nacuita xua naerabiya paca cuiduba. Pon jiwi pia Pecanamataxeinaeinchi pon Jesucristo, barapomona itawetsinchi xua Jesucristo itawetsina, pon xua bayatha barapomona tsit̃patsi. Nacom nainya weraweraca exanaena barapomona, abe peexanaexae. <sup>2</sup> Pin bicheitomonae exanaena xua abe exana pocotsiwa xua barapomona cuiduba pomona naerabiya pecuidubi jiwi. Barapomona pomona naerabiya pecuidubi jiwi naerabiya pecuidubixae tsane pin bicheito abe yabara paebiya exanaena pocotsiwa Nacom pia pexainyei jume diwesi tatsi. <sup>3</sup> Barapomona paca muxutorobina nawita, yawano paca itorobina xua painyamonae amanaya paitorobiname pedoutsinexa paratixi barapomonaetha pomona naerabiya pecuidubi jiwi. Ichitha caena bayatha Nacom yabara paeba barapomona, jeye: “Barapomona bichocono abe peexanae jiwi, daxota bewa werapaena tsipei bichocono abe peexanae”, jei Nacom.

<sup>4</sup> Nacom bayatha jopa yabara j̃ntemainaeyo po peabe coyenewan matatsunpiwi exana. Ichitha Nacom bebai ichaxota be pucua xua isoto xua jopa itacounayio. Yawano Nacom napenta exana peita quirei nacuatha beya poxonae barapo matatsunpiwi umenaena Nacom peitabaratha poxonae po mataqueitha Nacom yabara paebina daxita jiwi xua penatsicuentisiwa xua abe peexanaexae. <sup>5</sup> Barichi Nacom jopa bayatha yabara j̃ntemainaeyo po peabe coyenewa jiwi exana pomona caena bayatha jinompa. Barapo matabintha Nacom itoroba pin aw̃bo xua bunothopa peexanaenexa pomona abe peexanae jiwi. Meisa saya Noé ir̃no piamona tatsi xua siete poyobe tatsi daxita barapoyobe capanenebiyatsi barapo aw̃botha. Barapon Noé cuiduba jiwitha xua jiwi bewa j̃nt̃ coyene xanepanaya jinompaena Nacomtha.

<sup>6</sup> Pomonae Sodoma tomarapiwi irano Gomorra tomarapiwino, barapomonae abe peexanaewi. Barapo tomarabemonae yawa tomarabe Nacom yabara paeba xua pinae abe exana daxota Nacom weraweraca exana isototha beya poxonae daxita saya u ipunan naexana. Barapo coyenein Nacom tsita itata xua bapon bexa japa exanaena pomonaeintha pomonae abe exana dubenanaebiya. <sup>7</sup> Ichitha meisa saya Nacom capanepa barapo pin isoto weya pon pewan Lot. Bapon Lot pejantu coyene xanepanaein Nacomtha. Lot cuitaya anthuthu deideijeji pocotsiwa jiwi abe exana.

<sup>8</sup> Bapon Lot, pon pejantu coyene xanepanaein Nacomtha, baru pona pomonae peajantucoyenebe jiwi. Daxita matabi bapon bichocono anthuthutane xua pejantu coyene xanepanaexae Nacomtha xua poxonae bapon taiba yawano xua poxonae jume taiba xua jiwi abe exaneiba. <sup>9</sup> Ichitha Nacom pon jiwi Pecanamataxeinaein yaputane xua peyawenaewa pomonae peantobewixaetsi poxonae barapomonae bichocono jantu coyene juteibatsi caurimonae pia pentacaponaein tati. Yawano Nacom yaputane xua atene peexanaewa pomonaetha pomonae jopa pejume cowantsiwichi. Nacom baxua exanaena beya abu poxonae barapomonae umenaena Nacom peitabaratha poxonae Nacom yabara paebina daxita jiwi xua penatsicuentsiwa xua abe peexanaexae. <sup>10</sup> Pomonae xua abe exana pocotsiwa xua saya jiwi ichichipa exana yawano aichaxaibi exana pocotsiwa pon jiwi Pecanamataxeinaein itoroba daxita barapomonae Nacom atene exanaena. Barapomonae bichocono atsaca yawa ichamonae aebatsino. Jopa junuwiyo xua abe peyabara paebiwa xua matatsunpiwi abe peyabara paewiatsi. <sup>11</sup> Matatsunpiwi xeina peayapusawa yawano xeina peitorobi coyenewa xua beyacaincha pomonae naerabiya pecuidubi jiwi. Ichitha barapo matatsunpiwi jopa abe yabara paebiyo xua barapomonae pomonae naerabiya pecuidubi jiwi poxonae barapo matatsunpiwi cueicueijeji tsumenae Nacom peitabara tati, pon jiwi Pecanamataxeinaein.

<sup>12</sup> Barapomonae pomonae abe peyabara paebi jiwi, barapomonae exana xua icha duwei ichi, xua duwei ba jopa beta nanta xeinaeyo, xua ba saya jiwi tsicobe naexanatsi xua jiwi peteicaenexa yawa pebexubinexa pexaenexa. Barapo pebiwi abe yabara paeba pocotsiwa jopa yaputaeyo. Barapomonae werapaena pia abewantha icha duwei icha xua werapa. <sup>13</sup> Barapomonae xuya atene tsane abe peexanaexae ichamonaetha. Barapomonae jopa auriyo xua abe peexanaewa mataqueitha. Barapomonae paca muxutoroba abe peexanaexae bequein naxaiba poxonae pin penabanaewan paexaneibame. Ichamonae paca abe yabara paeba abe peexanaexae barapomonae yawa aura paca necaexanaexae.

<sup>14</sup> Barapomonae ichichipa nawita xua peyacaibiwa yabuxi daxita xua powaxi taiba. Jopa juniya abe eexanaponaeyo xua abe exana. Barapomonae nanta pia pepuna ponaewichi pomonae pejantu coyene faefaenaewi Nacomtha. Barapomonae ichichi xeica nawita pocotsiwan xua tane daxita. Barapomonae yacuiya naexana xua abe peexanaewa. Daxota barapomonae Nacom bichocono atene cana exanaena. <sup>15</sup> Barapomonae jopa Nacom yabara yaputaetsi pejume naitematsixae po coyene xua Nacom pejantu coyene xanepana exanaewa barapomonae. Barapomonae barapo canata jutsiya eexanapona icha Balaam ichi xua pocotsiwa exana. Bapon caena bayatha popona. Bapon

Balaam, Beor pexanto tatsi. Bapon Balaam abe exana pexeinaenexa paratixi. <sup>16</sup> Balaam pon naerabiya peitorobi jume diwesi pepaebin, poxonae ichichipa abe peexanaewa, cui matawentatsi xua abe exana. Po duwein pewan burra, bapon cui matawenta, Balaam cui matawentatsi. Burra cueicueijeji icha jiton ichi, xua saya jiton cueicueijeji. Barapo duwein jopa copatsiyo xua Balaam abe peexanaponaewa xua exanapona icha be ichi xua exanapona pon pematajemabinchi. Daxota Balaam cui matawentatsi poxonae ichichipa abe peexanaponaewa.

<sup>17</sup> Barapo pebiwi po pebiwi naerabiya pecuidubi jiwi, jopa yawenaeyo ichamonaetha, icha be fetto mene ichi xua weitha bichocono ameneibi xua ba jiwi jopa yawenaetsi. Yawano barapomonaе icha be tsaquinaebowa ichi xua ba saya dubenapona xua joibo capana, xua ba cuinaya jopa duneicaeyo, yawano xua ba jiwi jopa yawenaetsi xua perunicaenexa. Nacom itaweta barapomonaе xua barapomonaе itawetatsi ichaxota ataya pejinompaenexa peita quirei nacuatha. <sup>18</sup> Barapomonaе bichocono atsaca poxonae cueicueijeji. Yawano barapomonaе pia jume, barapo jume jopa jiwi yawenaetsi. Yawano barapomonaе naemata jume wanaeya tsipaeba pomonaetha pomonaе aena pejume cowantsi jiwi Jesucristo xua barapomonaе iru abe peexanaenexa pocotsiwa bequein barapomonaе aichaxaibi exana xua jiwi pia cui coyenewa tatsi xua pocotsiwa bayatha copiya exana xua abe. <sup>19</sup> Barapomonaе wanae tsimuxu duta ichamonaetha xua ichamonaе beta pejinompaenexa. Ichitha barapomonaе pia coutha exana be pomonaе xua caurimonaе pia pentacaponaein tatsi amanaya petanacuitsiwatsi. Tsipei daxita jiwi pia cui xeina xua barompaya amanaya tanacuita pontha xua bara copata xua bara juntu coyene itorobatsi. <sup>20</sup> Barapo cae pin nacuathe ichamonaе jinompa pomonaе capanenebiyatsi abe pia peexanae cuiru coyenein weya xua po abe peexanae cuiru coyene po cae pin nacuathepiwi exana. Barapomonaе baxua exana poxonae jume cowanta Jesucristo, pon jiwi Pecanamataxeinaein, xuano xua pon jiwi Pecapanenebiyaein. Ichitha icha barapomonaе equeicha abe exana xuano xua icha awiya exana dubenanaebiya baxuan, bapoxonaе barapomonaе bichocono abe beyacaincha xua poxonae copiya exana xua pewanaeya poxonae jume cowanta Jesucristo. <sup>21</sup> Icha barapomonaе jume cowanta yawano icha penta Nacom peitorobi coyenewa, bapoxonaе barapomonaе bichocono abe exana Nacomtha. Ichitha icha barapomonaе copiyatha jopa jume taetsipae barapo peitorobi coyenewa, bapoxonaе barapomonaе saya be conotha abe exanaetsipa Nacomtha. Ichitha poxoru barapomonaе pejume taexae barapo peitorobi jume yawa pejume cowantsixae, daxota barapomonaе Nacom bichocono atene cana exana, beyacaincha xua poxonae jopa jume taeyo barapo diwesi. <sup>22</sup> Barapomonaе equeicha caewa yabara jume cuiya exana xua abe exana po coyenein bequein copitha nacui barapenta. Bara barapomonaе nacui yabara jume weta xua po tsica diwesiyotha jeye: “Auri ba xua nacabeta iratha equeicha caewa xane. Bequein marrano ba matawainchi pemene itaranae meratha ichitha equeicha caewa nairainyaba xota tsorei”, jei tsica diwesiyo xua Nacom Pejume Diwesitha paeba.

### 3

*Meje yabara xua Jesucristo equeicha pia pepatopeicaewa tsica tsane*

<sup>1</sup> Tamonaē pam, pomonaē tapaca caantobewichi pam, iru painya nejume cowantsixae Jesucristo. Ainya cartabe pacata tinatsi. Barapo carte, po carte cotacaya tinan xua barapo ainya cartabe. Barapo ainya cartabetha ichipan xua beta painya neyabara nanta xeinaewa tsane pocotsiwan xua paca tsipaebatsi. <sup>2</sup> Pananta xeinare pocotsiwa xua Nacom pia peitorobi jume pepaebiwi paeba poxonaē caena bayatha. Yawano jopa pajantemainaeinde po peitorobi coyenewa naca cuiduba Jesucristo pia peitorobi jiwi tatsi. Barapo peitorobi coyenewa Cristo pon jiwi Pecanamataxeinaein xuano xua pon jiwi Pecapanenebiyaein pia peitorobi coyenewa tatsi.

<sup>3</sup> Copiya matha pananta xeinare xua meje: Pewunaeya poxonaē po matabitha Nacom ira weraweraca exanaena, barapo matabitha patsina jiwi xua po jiwi cui capanaena pocotsiwa Nacom pia pejume xainyeiwa tatsi. Barapomonaē exanaena pocotsiwa saya ichichipa xua abe exana. <sup>4</sup> Barapomonaē yainyabiya jei tsane xua Cristo yabara: “Bapon bayatha paca tsiwanae muxu duta xua equeicha patopaetsica. ¿Eta xua metha awiya bapon pawunaē ewatame bara jopa patopeicaeyoba? ¿Incane bapon? Bequein wamo susato jiwi jume cowanta xua pinae bapon patopaetsica ichitha jopa daichiyo beya nama poxonaē barapomonaē werapa cataunxuae bapon jopa patopaeyo. Bara saya juparapona wanacuatha xua bapon jopa patopeicaeyo xua poxonaē Nacom nacua forota beya anoxuae”, jei tsane barapomonaē. <sup>5</sup> Ichitha barapomonaē jopa ichipaeyo xua yabara jume jantanaina xua caena bayatha Nacom pepaebixae daxota itaboco ducua xua caena bayatha yawa xua ira exana poxonaē mene baxupana weyotsina. Barapo ira Nacom mentha exana. <sup>6</sup> Yawano barapomonaē jopa ichipaeyo xua jantanaina xua caena bayatha xua poxonaē Noé popona Nacom itoroba pin awabo xua equeicha ira mene baxupana boca yawa xua daxita pocotsiwa barapo iratha weraweraca. <sup>7</sup> Ichitha barapo itaboco xua anoxuae tainchi yawa ira xua ichaxota anoxuae jinompatsi Nacom dubena exana daxita baxuan poxonaē Nacom cueicueijeī pia peayapusu itorobi coyenewatha. Nacom baxuan duba beya abu poxonaē weraweraca exanaena daxita baxuan pin isototha barapo pia peayapusu itorobi coyenewatha. Baraxuan Nacom weraweraca exanaena daxita poxonaē po mataqueitha Nacom yabara paebina daxita jiwi xua penatsicuentisiwa xua abe peexanaexae.

<sup>8</sup> Tamonaē pam pomonaē tapaca caantobewichi pam, iru painya nejume cowantsi jiwixae Jesucristo. Jopa pajantemainaeinde po coyene xua daxita bara Nacom tsita najupatsi pon jiwi Pecanamataxeinaein. Caentacabi tsita najupatsi xua mil po weibe. Matautano mil po weibe Nacom tsita najupatsi xua caentacabi. Bequein mil po weibe bichocono ainya wei ichitha Nacom saya be tsita caetotsi. <sup>9</sup> Nacom jopa apara bewayo exanaeyo pocotsiwa yabara naca tsiwanae muxu duta bequein ichamonaē nanta xeina xua Nacom jopa nainya exaneibiyo. Ichitha Nacom jopa aitaconaeyo daxota paca ewata painya nejume cowantsinexa. Bapon ichichipa xua dapon aibi tsane pon weraweracaena. Jame Nacom ichichipa xua maisa daxita jiwi peauranexa tsane abe peexanaexae xua icha juntu coyene pexeinaenexa tsane po juntu coyenein xua Nacom tsita xanepanatsi.

<sup>10</sup> Ichitha po mataqueitha pon jiwi Pecanamataxeinaein patopaet-

sica barapo matacabitha jiwī jopa wūnae ewatsi tsane. Bapon pon Wanacanamataxeinaein jemeicha patopeicaena icha be ichi pon pecaibin xua poxonae namicha patopa. Peitaboco weraweracaena poxonae pin busi tsurucuae tsane. Jomocoichato, xometono, opiteino, daxita baxuan tautinchi isototha. Yawa barapo ira tautinchi, yawano muxuna tautinchi xua barapo iratha xeina.

<sup>11</sup> Tsipei daxita baxuan tautinchi daxota bewa pajinompae be pomonae pejuṅtu coyene xanepanaewi Nacomtha pomonae jopa Nacom tsita xeinaetsi penatsicuentsiwa xua abe peexanaexae. Beta pajinompae icha Nacom ichi xua beta popona. <sup>12</sup> Paeware xua po mataqueitha daxita Nacom wetsina. Yawano paexande pocotsiwa xua yawenatsi xua pepatopeicaewa tsane bichoina barapo matacabi. Barapo mataqueitha itaboco tautsina isototha. Jomocoichato, xometono, opiteino, daxita baxuan tautsina pin isototha. <sup>13</sup> Ichitha waxainchi ewatatsi xua Nacom nacata exanaena pena ira yawa pena itaboco xua bayatha Nacom yabara naca tsiwūnae muxu duta. Barapo pena ira yawa barapo pena itaboco daxita wūnae exanaena pocotsiwa pexainyeiwanexa tsane.

<sup>14</sup> Tamonae pam, pomonae tapaca caantobewichi pam, irū painya nejume cowūntsixae Jesucristo. Paca tsipaebatsi baxua xua daxota poxonae cataunxuae paewatame baxuan, xua pocotsiwa Nacom exanaena bara beta paexande. Bapoxonae Nacom paca caxinaena xua juṅtema pajinompame, mataṅtano xua jopa paxeinaem peabe coyenewa painya juṅtu coyenewatha, yawano xua ichamonae jopa paca yabara paebi tsane xua abe painya neexanaewa. <sup>15</sup> Yawano payaputaneme xua caena bayatha Nacom pon Wanacanamataxeinaein beitatemaya naca ewata xua wajume cowūntsinexa xua pia wanaca capanenebiyaewa tsane. Yawano irū Pablo baxua yabara pacata tina. Bapon Pablo, pon waantobein, pon irū jume cowūntarū Jesucristo. Pablo yaputane exainchi baxuan yabara xua Nacom yaputane exana. <sup>16</sup> Bapon Pablo daxita pia cartantha baxuan yabara paca tsipaeba. Ichitha ichawan daunwei xua painya neyaputaewa. Ichitha pomonae jopa beta peyaputae jiwī irū pomonae pejuṅtu coyene faefaenaewi Nacomtha, barapomonae seicaya toxeinchiya exana pocotsiwan xua Pablo paeba. Barichi yabara jume toxeinchiya exana ichawa pocotsiwa Nacom Pejume Diwesitha paeba. Barapomonae pia coutha nanatsiexana xua abe exana xua peweraweracaewa tsane, xua Nacom exanaena.

<sup>17</sup> Tamonae pam, pomonae tapaca caantobewichi pam, irū painya nejume cowūntsixae Jesucristo. Painya neyaputaexae baxuan pewūnaeya xua Nacom exanaena baxuan, daxota dota pam pomonae abe pacata necaxanae jiwī xua jopa paca necantacapanawa tsane. Jopa pacopatsinde xua barapomonae baxua pacata exana xua jopa painya nepentsiwa tsane Nacom. <sup>18</sup> Bichocono pana najūntū wūnae exanaponde Wanacanamataxeinaein pia peantobewathaxae. Jesucristo beta payabara yaputaeponde, pon Wanacacapanenebiyaein. ¡Barabu bapon ataya xeinaena peainya cui coyenewa anoxuae yawa xua bexa tsaneno! Je bara ichi tsane.

Baja Pedro

## Meje Po Carte Juan Copiya Tatina, Pomonae Jesucristo Pejume Cowantsiwi Tatinatsi. Barapo Carte Peopi Carucuae Carta.

*Meje yabara po diwesi xua pon naca ajuntuyarusuya exana*

<sup>1</sup> Pacata yabara tinatsi pon pewun “Pejume”, baraichi, pon jiwi ajuntuyarusuya exainchi. Bapon asu caena bayatha poxonae Nacom abu cataunxuae jopa exanaeyo wanacua. Poxonae bapon naexana wanacuatha, bapoxonae bexa poxonae bapon cueicueije diwesi bara bapoxonae barapon pajume tan. Barapon bara yatsicaya patan. Yawa bapon bara pacobe jayabeiban. <sup>2</sup> Barapo peajuntuyarusuwa Nacom exana, po peajuntuyarusuwa xua ataya tsiteca, xua pata yabara yaputaewa baxua. Barapon Nacom Pexanto tatsi xeina barapo peajuntuyarusuwa, matautano patan barapon. Daxota yabara paca tsipaebatsi bapon. Yawano daxota yabara paca tsipaebatsi barapo peajuntuyarusuwa xua bapon xeina, pon Paxatha peecaexae. <sup>3</sup> Paca tsipaebatsi xua bayatha patan yawa xua pajume tanno, caemonae painya naexanaenexa paxantha, peburuya wajume cowantsixae Jesucristo. Icha paxan paichin xua Nacomtha Waxatha caemonae panaexanan yawa Pexantotha pon Jesucristo, bara paichinderu. <sup>4</sup> Daxota bara po coyenein pacata tinatsi xua bichocono pata tajuntu coyene weiweinaewa tsane.

*Meje yabara xua Nacom pexainyei juntu coyene peyacuiya jinaein*

<sup>5</sup> Po diwesi Jesucristo pana cuiduba barapo diwesi xuya paca tsipaebatsi xua Nacom pexainyei juntu coyene peyacuiya jinaein. Bapon jopa xeinaeyo peacuirube coyenewa pejuntu coyenewatha, tsipei bapon bichocono pejuntu coyene xeicaein. <sup>6</sup> Icha jeichichi: “Waxainchi Nacom yawa jinompatsi, be caemonae peburuya nacayawa jinompatsi Nacomtha”, jeichichi, daichitha caena poxonae saya abe exanatsi, bapoxonae saya apara naerabatsi xua pocotsiwa wapaebiwa baxua, yawa naerabatsi xua exanatsi. Matautano jopa yawa muxuna jinompaetsi Nacom pia pexainyei coyenewa tatsi. <sup>7</sup> Ichitha icha cajinompaetsipatsi Nacom Pejume Diwesi wajuntu coyeneintha yawa xua exanaetsipatsi pocotsiwa xua Nacom ichichipa bara nexata peburuya caemonae naexanatsi. Jesucristo jana pichapabarena poxonae tupa, pon Nacom Pexanto tatsi. Barapon pon Nacom Pexanto tatsi petupaexae naetotha, daxota Nacom naca juntu coyene wejuntemaina exana daxita abe waexanae cuiru coyenein.

<sup>8</sup> Icha jeichichi: “Jopa abe taexanaewa”, jeichichi, apara bara wacoutha namuxujainyabatsi pocotsiwa wapaebixae. Matautano wajuntu coyeneintha jopa xeinaetsi pexainyei coyenewa. <sup>9</sup> Ichitha icha Nacomtha yabara tsipaebatsi xua abe waexanaewa, xua jeichichi: “Nacom auran yaitama abe exanan”, jeichichi, bapoxonae Nacom naca juntu coyene wejuntemaina exana abe waexanae cuiru coyenein xua daxita naca wexuba. Baxua Nacom exana, tsipei bapon yabara baru jume cui cowuntatsi xua peexanaewa tsane pocotsiwa pepaebiwa. Matautano tsipei bapon bara xaniwaichiya peexanaein. <sup>10</sup> Icha jeichichi: “Jopa abe exanaetsi”, jeichichi, apara bara yabara jume cuiya exanatsi xua Nacom



pon jiwi pemuxitorobin, tsipei Nacom naca yabara jei: “Barapomonaē abe peexanaewi”, naca yabara jei. Yawano Nacom Pejume Diwesi jopa xeinaetsi wajuntā coyeneintha.

## 2

*Mejeyabara xua Cristo pon wanacayabara jume yawenaēin Nacomtha*

<sup>1</sup> Pomonaē be tamonaē tapaca canatsicotaewichi pam, irū painya nejume cowantsixae Jesucristo, yabara pacata tinatsi barapo coyene xua abe painya neexanaeyainwa. Daichitha icha waxainchi abe exanatsi barapara waxainchi nantaūtsi Jesucristo pon wanaca yabara jume yawenaēin Nacomtha xua Paxathaxae. Bapon mataūta juntā coyene xanepanaya peexanaēin. <sup>2</sup> Barapon Jesucristo petūpaexae naca yantomata daxota Nacom naca capanepa abe waexanaē cuiru coyenein weya. Jopa meisa waxainchi nexa apara bara irū daxita barapo cae pin nacuanthapiwi tatsitūpatsi abe pia peexanaē cuiru coyenein tatsi.

<sup>3</sup> Icha jume cowantsiya exanatsi pocotsiwa Nacom pia peitorobi jume diwesitha paeba, nexata bara yaputainchi, xua bara xaniwaicha wayaputaewaba Nacom. <sup>4</sup> Icha ichūn jei: “Xan Nacom yaputan”, jei, xua daichitha jopa exanaeyo pocotsiwa Nacom pia peitorobi jume diwesi paeba, apara bapon pon jiwi pemuxitorobin, yawa pejuntā coyenewatha jopa xeinaeyo pexainyei coyenewa. <sup>5</sup> Seicaya nama pon exana pocotsiwa xua Nacom itoroba pon waxainchi jiwanatsi, nexata bara yaputainchi xua bapon xanepanaya antobe Nacom. Daxota waxainchi nayaputainchi xua bara pebrūya caemonaē nacayawa jinompatsi Nacomtha. <sup>6</sup> Pon xua jei: “Nacom yawa poponan, caemonaē pebrūya nacayawa poponan Nacom”, jei, bapon bewa yajuntā coyene wūnaeya poponae, icha bayatha Jesucristo ichi xua bapon beta xanepanaya yajuntā coyeneya popona.

*Mejeyabara xua Nacom pia pena peitorobi diwesi jume*

<sup>7</sup> Tamonaē pam pomonaē bichocono tapaca caantobewichi pam, irū painya nejume cowantsixae Jesucristo, anoxuae pacata tinatsi barapo peitorobi diwesi xua jopa pena diwesiyo, tsipei caena bayatha barapo diwesi paxei name poxonaē aena pajume cowantame. Barapo peru itorobi diwesi jume caena bayatha pajume taneme. <sup>8</sup> Ichitha po diwesi xua anoxuae pacata tinatsi, barapo diwesi be pena diwesi naexana. Barapo peitorobi diwesi Cristo bara tsita pexainyei diwesichi, irū paxam paca tsita pexainyei diwesi jume. Tsipei jiwi, copitha jopa yaputaeyo barapo Nacom pia pena peitorobi coyenewa tatsi ichaxota xua jei: “Nantiya pana naantobeinde”, jei. Icha be pocotsi coyeneya jūta ichi poxonaē jiwi jopa beta taeyo poxonaē quirei. Ichitha anoxuae jiwi yaputane barapo Nacom pia pena peitorobi coyenewa tatsi daxota bara itacūpatsi xua xanepanaya pejinompaewa, icha be pocotsi coyeneya jūta ichi poxonaē jiwi beta jinompa mataqueitha.

<sup>9</sup> Icha ichūn jei: “Xan Nacom yaputan”, jei, xua daichitha ita aenaē aeneya caseba nawita pontha xua irū jume cowantarū Cristo, bapon apara cataunxuae jopa yaputaeyo Nacom. <sup>10</sup> Pon antobe pontha xua irū jume cowantarū Cristo, bapon apara jame yaputane Nacom. Daxota bapon jopa exanaeyo po coyenein xua abe peexanaewa xua irū ichamonaē peexanaewa tsane. <sup>11</sup> Ichitha pon ita aenaē aenei pontha xua irū jume cowanta Cristo, bapon acucoyenebeya popona be pocotsin jopa

yaputaeyo Nacom. Bapon jopa xanepanaya poponaeyo, icha be pocotsi coyene jata ichi poxonae pon peitata nacutsin catsawa pona poxoru jopa xayain taeyo.

<sup>12</sup> Pomonae pexui pam, pacata tinatsi tsipei Nacom paca juntu wejuntemaina exana abe painya neexanae cuiru coyenewan xua Jesucristo painya nejume cowantsixae. <sup>13</sup> Pomonae pinyon pam, pacata tinatsi tsipei payaputaneme Nacom, pon Waxa, pon ataya pepoponaein, pon copiya popona poxonae aena daxita forota. Pomonae pewowi jiwi pam, pacata tinatsi, tsipei caurimonae pia pentacaponaein tatsi paamanayabame poxonae paca juntu coyene jujata xua abe painya neexanaewam tsane.

<sup>14</sup> Pomonae pexui pam, pacata tinatsi, tsipei payaputaneme Nacom, pon Waxa. Pomonae pinyon pam, pacata tinatsi tsipei payaputaneme Nacom, pon ataya popona, pon copiya popona poxonae aena daxita forota. Matautano pewowi jiwi pam, pacata tinatsi tsipei bichocono paaajuntucoyenesum, yawano xanepanaya pajume cowantame Nacom Pejume Diwesi, matautano tsipei pajuntu coyene amanayabame caurimonae pia pentacaponaein tatsi.

<sup>15</sup> Jopa bichocono paichichipaeinde pocotsiwa xua abe po cae pin nacuathe. Matautano jopa bichocono pacayabara nanta xeinaeya ichichipaeinde xuan pocotsiwan xeina pomonae jopa pejume cowantsiwi pomonae jinompa po cae pin nacuathe. Icha ichan saya ichichipa bichocono xua xuan xeina pomonae jopa pejume cowantsiwi bapon jopa apara antobeyo Nacom, pon Waxa. <sup>16</sup> Penasi cui tatae coyene Nacom jopa itorobiyo xua barapo cae pin nacuathe tsique nexa. Apara pomonae jopa pejume cowantsiwi pia coutha exana barapo penasi cui tatae coyene. Matautano Nacom jopa itorobiyo xua abeya peichichipae coyene xua peuwiya tae coyene. Matautano Nacom jopa itorobiyo po coyenein xua peaeibi coyenein ichamonaetha, xua pexeinaexae copei. Barapocotsi coyenein Waxa Nacom werena jopa pichipaeyo. Saya apara pomonae jopa pejume cowantsiwi pia coyene tatsi. <sup>17</sup> Barapo cae pin nacue weraweracaena, yawano muxuna weraweracaena xua xuan abe peexanae cuiru coyenein. Ichitha pon exana pocotsiwa Nacom ichichipa bapon jame ataya poponaena Nacomtha.

*Meje xua pexainyeiwa yabara, yawa xua penaerabiwa yabara*

<sup>18</sup> Pomonae pexui pam, bara nama imoxoyo tsane po matababi Nacom daxita weraweraca exanaena barapo cae pin nacua. Bayatha pajume taneme xua jei: “Imoxoyo patopaena pon Cristo pia peaitafaetabinchi”, jei. Ichitha bayatha pata pinmonae, pomonae Cristo pia peaitafaetabiwichi. Daxota yaputainchi xua bara nama imoxoyo tsane po mataqueitha Nacom weraweraca exanaena barapo cae pin nacue. <sup>19</sup> Barapomonae pomonae Cristo pia peaitafaetabiwichi copiya naca baru nacaetuta poxonae nacaetuteibatsi, ichitha anoxuae bara weya naca wepu pona. Icha xaniwaicha barapomonae waxainchi jiwana tsipaetsi metha awiya cataunxuae naca baru nacaetuta dubenanaebiyaetsipa. Barapomonae waxainya weya pona, xua daxota jiwi taena xua barapomonae bara jopa wamonae jiwiyoy xua jopa pejume cowantsi jiwixae Cristo.

<sup>20</sup> Ichitha paxam Cristo paca cata Nacom pia Pejumope tənaxu tatsi pia painya nepaca baru jinompaenexa. Daxota paxam daxita yabara

paca yaputane exana pexainyei coyenewa. <sup>21</sup> Paxam pacata tinatsi tsipei payaputaneme xua pexainyeiwa. Icha jopa payaputaetsipaem baxua, jopa pacata tinaetsipaetsi. Paxam payaputaneme pon ba xua xaniwaicha pepaebin jopa ba naerabiya paebiyo. <sup>22</sup> ¿Jintam pon pemuxitorobinda? Pon xua jei: “Jesús apara Mesías aibi, pon Nacom itoroba”, jei, bapon apara pon pemuxitorobin. Bapon Cristo pia peaitafaetabi jitontsi tsipei jume matawenta poxonae jiwi paeba xua pinae Cristo Nacom Pexanto tatsi xuano xua Nacom Cristo Paxa tatsi. <sup>23</sup> Pomonae xua Nacom Pexanto tatsi jume itawetatsi xua pejume cowantsiwa, barapomonae jopa nantaatsiyo Nacomtha xua be Paxa tatsi. Ichitha pon Nacom Pexanto tatsi xanepanaya yabara paebatsi, xua jei: “Jesús apara Mesías pon Nacom itoroba”, jei, jame bapon nantaata Nacom be Paxa tatsi.

<sup>24</sup> Daxota painya juntu coyeneintha pajume xeinare Nacom Pejume Diwesi xua bayatha pajume taneme poxonae aena pajume cowantame. Icha painya juntu coyeneintha pajume xiname xua pajume taneme bayatha, nexata baroxonae peburaya caemonae pana naexanaename Pexanto tatsitha yawa coxiyantha, xua Nacomtha. <sup>25</sup> Matautano Jesucristo yabara naca tsiwanae muxu duta, naca jei: “Peajuntayapuswa paca catinchi po peajuntayapuswa xua ataya tsiteca”, naca jei.

<sup>26</sup> Yabara pacata tinatsi barapo coyenein pomonae xua painya nepaca muxujainyabiwa. <sup>27</sup> Ichitha paxam Nacom pia Pejumope tñaxu tatsi paxeiname, po pejumope tñaxu tatsi paca cata Jesucristo. Baroxonae jopa nantawenonaeyo xua ichamonae paca cuiduba poroxu barapo Nacom pia Pejumope tñaxu tatsi paca cuiduba daxita coyenein. Po coyenein Nacom pia Pejumope tñaxu tatsi paca cuiduba baraxua pexainyeiwa, matautano jopa pemuxitorobiwa. Bara paichinde caemonae peburaya pana naexande Cristotha, icha Nacom pia Pejumope tñaxu tatsi ichi xua yabara paca cuiduba xua po coyene painya neexanaewa tsane.

<sup>28</sup> Pomonae pexui pam, antabusaya caemonae peburaya pana naexande Cristotha xua jopa wajunuwinexa xua poxonae bapon patopaetsica barapo cae pin nacuathe. Yawa caemonae pana naexande Cristotha xua jopa waaura tsane barapon peitabaratha xua abe waexanaexae poxonae patopaetsica. <sup>29</sup> Bayatha payaputaneme xua Jesucristo pon juntu coyene xanepanaya peexanaein. Barichi bewa payaputaename pomonae juntu coyene xanepanaya peexanaewi, barapomonae barapara Nacom pia pexui tatsi.

### 3

#### *Meje yabara xua Nacom pia pexuimonaes tatsi*

<sup>1</sup> Maisa Nacom Waxa jopa juniya naca antobeyo. Daxota Nacom copata xua naca yabara jei: “Nacom pia pexui tatsi”, naca yabara jei. Jopa jume, bara barapomonaetsi. Daxota barapo cae pin nacuepiwi jopa naca yaputaeyo xua Nacom pia pexuimonaetsi, tsipei barapomonae jopa bayatha yaputaeyo Nacom. <sup>2</sup> Pomonae tapaca caantobewichi pam xua iru painya nejume cowantsixae Nacom, waxainchi bara Nacom pia pexuimonaetsi. Anoxuae cataunxuae jopa nayaputaetsi xua bexa tsane eta po coyeneya naca cana exanaena. Ichitha yaputainchi xua poxonae Jesucristo patopaetsica, waxainchi naexanaeinchi icha barapon jata coyeneya ichi. Tsipei bapon bara yatsicaewa taeinchi. <sup>3</sup> Pomonae

Jesucristo wanae ewatatsi xua pepatopae wanae, barapomonaе najuntu coyene xanepana exana, xua jopa xeinaeyo peabe coyenewa, icha Jesucristo ichi xua bichocono pejuntu coyene xanepanaein xua jopa xeinaeyo peabe coyenewa.

<sup>4</sup> Daxita pomonaе abe peexanaewi, barapomonaе Nacom yabara paebina xua penatsicuentsiwa abe peexanaexae bapontha. Tsipei poxonaе abe exana taacoibichi xua exana pocotsiwa Nacom pia peitorobi diwesi jume paeba. <sup>5</sup> Paxam payaputaneme xua Jesucristo patopeica barapo cae pin nacuathe, wanaca juntu coyene junteina exanaenexa abe waexanae cuiru coyenein. Matautano payaputaneme xua bapon jopa abe exanaeyo. <sup>6</sup> Daxita pomonaе peburaya caemonaе naexana Cristotha, barapomonaе jopa abe exana dubenanaebiyaeyo. Ichitha nama pomonaе abe exana dubenanaebiya, barapomonaе jopa Jesucristo yaputaetsi, matautano jopa pijimonaе tatsichi. <sup>7</sup> Pomonaе pexui pam, jopa pacopatsinde xua bara ichamonaе paca muxujainyabina. Pon ba xanepana exana bapon ba bichocono pejuntu coyene xanepanaein, icha Jesucristo ichi xua bichocono pejuntu coyene xanepanaya exanaein. <sup>8</sup> Ichitha pon ba xua abe exana ducuaenaebiya, apara bapon ba caurimonaе pia pentacaponaein tatsi pijimonaе jiwanaein tatsi. Tsipei caena bayatha, poxonaе aena Nacom daxita forota, caurimonaе pia pentacaponaein tatsi bapon abe peexanaein. Nacom Pexanto tatsi patopeica xua cana coyene weraweraca peexanaenexa caurimonaе pia pentacaponaein tatsi pia coyenewan tatsi.

<sup>9</sup> Pomonaе Nacom pia pexui tatsi barapomonaе jiwana dapon ba aibi pon ba abe exana ducuaenaebiya, tsipei bapon yajuntu cui coyeneya popona Nacom pia cui coyenewa tatsi. Bapon jopa itacupaetsi xua abe exana ducuaenaebiya tsipei Nacom pia pexui tatsi jiwanaein tatsi. <sup>10</sup> Daxota yaputainchi pomonaе Nacom pia pexui tatsi, matautano yaputainchi pomonaе caurimonaе pia pentacaponaein tatsi pia pexui tatsi. Yabara yaputainchi pomonaе jopa xanepanaya exanaeyo, barapomonaе jopa Nacom pia pexui tatsi. Matautano yabara yaputainchi pomonaе jopa antobeyo ichamonaе pomonaetha pomonaе iru pejume cowantsiwi, barapomonaе jopa Nacom pia pexui tatsi.

*Meje yabara xua poxonaе jei: “Caemonaе peburaya bara nantiya naantobe tsainchi”, jei*

<sup>11</sup> Poxonaе aena pajume cowantame, xua beya anoxuae, pajume taneme Nacom Pejume Diwesi. Barapo diwesitha jeye: “Caemonaе peburaya bara nantiya naantobe tsainchi”, jei barapo diwesitha. <sup>12</sup> Waxainchi jopa bewa naexanaetsi icha ichi pon pewun Caín, pon caena bayatha tupa. Bapon Caín caurimonaе pia pentacaponaein tatsi pia jiton tatsi. Bapon peweicho bexuba. ¿Eta xua metha Caín peweicho bexuba? Caín peweicho uwiya bexuba, tsipei pocotsiwa Caín exana Nacom nexa, Nacom tsita abetsi. Ichitha nama pocotsiwa Caín peweicho tatsi exana Nacom nexa baxua jame Nacom tsita xanepanatsi.

<sup>13</sup> Tamonaе pam, pomonaе iru painya nejume cowantsixae Jesucristo. Painya xoba panantu exabame icha ichamonaе paca ita aenaenaei pomonaе jinompa po cae pin nacuathe, pomonaе jopa pejume cowantsiwi. <sup>14</sup> Waxainchi yaputainchi xua bewa werapaeinchi abe waexanaexae. Ichitha anoxuae peajuntayapusa xeinatsi, po peajuntayapusa ataya tsiteca waantobexae pomonaetha pomonaе

irꝯ pejume cowꝯntsixaē. Pon xua jopa antobeyo piamonae jiwānapin tatsi, pon irꝯ pejume cowꝯntsin Nacom, bapon bequein popona ichitha jopa xeinae tsane peajꝯntꝯyapꝯsꝯwꝯa. <sup>15</sup> Pon ita aenae-aeneya caseba ichamonae pomonaetha pomonae irꝯ pejume cowꝯntsiwirꝯ Nacom, bapon Nacom tsitatsi be pon jiwꝯ pejutēbin. Payaputaneme xua pon jiwꝯ pejutēbin barana jopa xeinae peajꝯntꝯyapꝯsꝯwꝯa peꝯntꝯ coyenewatha, po peajꝯntꝯyapꝯsꝯwꝯa ataya tsiteca. <sup>16</sup> Waxainchi yabara yaputainchi xua Nacom wanaca antobewa, tsipei Jesucristo naca tsitꝯpa naetotha wanaca antobexae. Daxota bewa copatinchi xua bara ichamonae naca atene exanaena, xua bequein beya poxonae tꝯpa naca exanaena ichamonae nexa pomonae irꝯ pejume cowꝯntsiwirꝯ. <sup>17</sup> Pebin ba xeina nawita xuan pocotsiwa ba nantawenona xua jꝯntema popona penaexanaewa tsane. Bapon cui tane pia jiton pon irꝯ pejume cowꝯntsiwꝯ Nacom xua pon jopa xeinaeyo pocotsiwa nantawenona. Icha bapo pebin jopa pia jiton yabara nantanuweya nanta xeinaeyo xua peyawenaenexa, barapo pebin apara jopa Nacomtha tsita xeinaeyo peantobewa, po peantobewa Nacom xeina jiwꝯ nexa. <sup>18</sup> Tamonae pam, pomonae irꝯ painya nejume cowꝯntsixaē Jesucristo. Jopa bewa saya ichamonaetha jeichi: “Paca antobetsi”, jopa bewa saya jeichi, poxonae jopa yawenaetsi barapomonae. Jame bewa xaniwaicha yawenaetsi barapomonae, bapoxonae jame yatsicaewa antobe tsainchi barapomonae.

*Meje yabara xua wajume cowꝯntsiya jinompaewa Nacomtha*

<sup>19-20</sup> Poxonae yawenatsi ichamonae bapoxonae yaputainchi xua bara xeinatsi po coyene pexainyei coyenewa. Xaniwaicha yaputainchi xua Nacom ichichipa pocotsiwa waxainchi exanatsi, bara bequein wajꝯntꝯ coyene naca jei: “Jamaisa jopa beta exanaem”, bequein naca yabara jei. Waxainchi yaputainchi xua Nacom bichocono ainya cui, beyacaincha wajꝯntꝯ coyene poxonae abe naca yabara paeba, tsipei Nacom daxita yaputane. <sup>21</sup> Tamonae pam, paxam pomonae tapaca caantobe jiwichi pam, painya nejume cowꝯntsixaē Jesucristo. Bequein wajꝯntꝯ coyene jopa abeya naca yabara jeiyo: “Jamaisa jopa beta exanaem”, jopa jeiyo, daxota awiya Nacom jume cowꝯntatsi xua waexanaewa pocotsiwa Nacom ichichipa. <sup>22</sup> Yawa Nacom naca cata pocotsiwa wꝯcꝯtsi wajume cowꝯntsixaetsi pia peitorobi diwesi jumein tatsi, yawano poxoru waexanaexae pocotsiwa Nacom ichichipa. <sup>23</sup> Yawa Nacom pia peitorobi diwesi jume naca itorobiya jeye: “Taxanto Jesucristo pajume cowꝯnde, yawa nantiya pana naantobeinde”, naca jei. <sup>24</sup> Daxita pomonae ba exana pocotsiwa Nacom pia peitorobi diwesitha paeba, barapomonae Jesucristo yawa jinompa, barichi barapomonae Jesucristo barꝯ jinompatsi. Waxainchi yaputainchi xua bapon naca yawena ducuaenabiya, tsipei nanajumope cata waxantha wanaca cuidubinexa barapo coyene.

## 4

*Meje yabara xua Nacom pia Pejumope tꝯnaxꝯ tatsi, irꝯ pomonae Jesucristo abe peyabara paebiwichi*

<sup>1</sup> Tamonae pam, pomonae tapaca caantobe jiwichi pam, irꝯ painya nejume cowꝯntsixaē Jesucristo. Jopa pajume cowꝯntsiwꝯ xua daxita pomonae paca jei: “Paxan Nacom peitorobi jume pata paebiwꝯ pan”, paca jei. Jame maisa pajꝯjꝯre saya barapomonae painya neyaputaenexa

barapomonaē icha metha bara Nacom itoroba barapomonaē. Tsipei barapo cae pin nacuathepiwi jiwi ayei pomonaē penaerabiwi, pomonaē jei: “Paxan Nacom peitorobi jume pata paebiwi pan”, jei. <sup>2</sup> Ichitha paca itacupa xua payaputaneme pomonaē xeina Nacom pia Pejumope t̃nax̃u tatsi. Icha barapomonaē paca jei: “Nacom Pexanto tatsi, pon Jesucristo, pepa jiton naexana barapo cae pin nacuathe”, jei, bapoxonaē payaputaneme xua barapomonaē apara Nacom pia Pejumope t̃nax̃u tatsi yawa jinompa. <sup>3</sup> Icha ichamonaē paca jei: “Nacom jopa itorobiyo Pexanto barapo cae pin nacuathe xua penaexanaenexa pepa jiton pew̃n Jesús”, paca jei, bapoxonaē paxam payaputaneme xua barapomonaē ba jopa yawa jinompaeyo Nacom pia Pejumope t̃nax̃u tatsi. Barapomonaē ba seicaya xeina icha pejumope t̃nax̃u po jumope t̃nax̃u Cristo ita aenae-aeneichi. Paxam bayatha pajume taneme xua barapo pejumope t̃nax̃u bewa patopaetsica po cae pin nacuathe tsique. Bara xainyei bara bayatha barapo jumope t̃nax̃u patopa po cae pin nacuathe tsique.

<sup>4</sup> Tamonaē pam, paxam Nacom pijimonaē tatsi pam. Paxam pacui coyene amanayabame barapo penaerabi jiwitha. Tsipei po pejumope t̃nax̃u paca yawa popona xua Nacom pia Pejumope t̃nax̃u tatsi, barapo pejumope t̃nax̃u bichocono peayapus̃u itorobiya coyenewa pexeinaein, beyacaincha po pejumope t̃nax̃u po cae pin nacuathepiwi j̃nt̃u coyene itoroba dubenanaebiyatsi xua abe peexanaenexa. <sup>5</sup> Barapo jiwi apara barapo cae pin nacuathepiwi, daxota barapomonaē yabara cueicueijej̃i pocotsiwan barapo cae pin nacuathe xeina. Ichamonaē ir̃u pomonaē po cae pin nacuathepiwixae barapo coyene baxuan jume naitaewatsiya exana. <sup>6</sup> Ichitha waxainchi Nacom piamonaetsi. Pomonaē Nacom yaputainchi, barapomonaē bara naca jume naitaewata. Ichitha nama pomonaē jopa Nacom yaputaetsi, barapomonaē jopa naca jume naitaewatsiyo. Daxota naca itacupa xua wayaputaewa pomonaē cueicueijej̃i pexainyei jume. Matautano naca itacupa xua wayaputaewa pomonaē cueicueijej̃i pemuxuitorobi jume.

*Meje yabara xua Nacom peyawa cui jinaein xua bichocono peantobe coyenewa*

<sup>7</sup> Tamonaē pomonaē tapaca caantobewichi pam, ir̃u painya nejume cow̃ntsixaē Nacom. Bewa waxainchi nantiya naantobe tsainchi. Tsipei barapo peantobe coyenewatha Nacom naca cana exana xua waxeinaewa waantobe coyenewa. Daxita pomonaē xua antobe ichamonaē apara barapomonaē bara Nacom pia pexui tatsi naexana. Matautano barapomonaē bara Nacom yaputainchi. <sup>8</sup> Nacom ba peyacuiya jinaein peantobe coyenewa. Daxota pon jopa tsita xeinaeyo ichamonaē peantobe coyenewa apara poxoru jopa yaputaeyo Nacom, tsipei Nacom peyacuiya jinaein peantobe coyenewa. <sup>9</sup> Poxonaē Nacom Pexanto itoroba Nacom naca tsita it̃ata pia peantobe coyenewa. Nacom Pexanto itoroba pon yatsicaya compa tatsi, barapo cae pin nacuathe tsique waxeinaenexa tsane peant̃uyapus̃uwa, po peant̃uyapus̃uwa ataya tsiteca. <sup>10</sup> Barapo yatsicaewa pepa peantobe coyenewa meje baxue: Poxonaē ba Nacom antobetsi, baraxua ba jopa pepa peantobe coyenewiyo. Jame ba Nacom naca antobe baraxua ba jame yatsicaewa pepa peantobe coyenewa. Poxoru Nacom itorobica Pexanto wanaca wej̃nt̃emaina

exanaenexa abe waexanae cuiru coyenein. Barapo coyene jame yatsicaewa pepa peantobe coyenewa.

<sup>11</sup> Tamonae, pomonae tapaca caantobe jiwichi pam, iru painya nejume cowantsixae Nacom. Tsipei Nacom bichocono naca antobe, daxota xuya waxainchi bewa nantiya naantobe tsainchi. <sup>12</sup> Dapon ba aibi pon bayatha Nacom tainchi. Ichitha icha waxainchi nantiya naantobe tsainchi, bapoxonae Nacom naca yawa poponaena. Nacom beta xaniwaichiya cana exana pia peantobe coyene wajuntu coyene berena. <sup>13</sup> Waxainchi natsita itapeinya xeinatsi, xua bara Nacom yawa jinompatsi, yawa xua Nacom naca yawa popona, tsipei Nacom nanajumope tuxaxu cata waxantha. <sup>14</sup> Paxan patan Jesucristo poxonae Nacom Pexanto itorobica. Daxota pajan: “Bara xainyei xua Nacom Pexanto itorobica, xua barapon pecapanenebiyaenexa po cae pin nacuathepiwi xua abe pia peexanae cuiru coyenein weya tatsi”, pajan. <sup>15</sup> Pon ba xua jeye: “Bapon Jesús Nacom Pexanto tatsi”, jei, bapon apara bara yawa popona Nacom, iru Nacom yawa popona bapon.

<sup>16</sup> Daxota waxainchi Nacom yaputainchi, yawa jume cowantatsi xua xaniwaicha bara Nacom naca antobe. Nacom apara pon peyanthathuya jinaein xua pocotsiwa bichocono peantobe coyenewa. Pon xua bichocono antobe ichamonae, bapon apara bara yawa popona Nacom, iru Nacom yawa popona bapon. <sup>17</sup> Daxota waxainchi yabara nacuiduba dubenanaebiyatsi xua bichocono peantobe coyenewa. Poxonae matacabi tsuxubi tsane po mataqueitha Nacom jiwi yabara paebina xua penatsicuentiwa Nacomtha, barapo matacabitha jopa junuwi tsainchi. Jume cowantinchi xua Nacom jopa wanaca yabara paebiwa tsane xua abe waexanaexae. Icha Jesucristo ichi xua jopa abe exana ducuanabiyayo poxonae popona po cae pin nacuathe, waxainchi barapocotsi coyeneya ichichi poxonae jinompatsi po cae pin nacuathe. <sup>18</sup> Poxonae antobetsi ichamonae barapo juntu coyenewatha ba jopa cunuwichi barapomonae. Tsipei barapo peantobe coyenewatha torotatsi pocotsiwa xua pejunuwiwa xua wajuntu coyene weya. Tsipei pon junuwa nayaputane xua atene tsaneba, penayaputaexae xua abe exana. Pon ba junuwa jopa xeinaeyo peantobe coyenewa, po peantobe coyenewa Nacom weya.

<sup>19</sup> Waxainchi daxota Nacom antobetsi tsipei bapon copiya pewunaeya naca antobe. <sup>20</sup> Icha pebin jei: “Xan Nacom antobein”, jei, xua daichitha caena ita aenae-aeneya caseba pia jiton pontha xua iru jume cowantaru Nacom, apara barapo pebin pon jiwi pemuxitorobin. Icha jopa antobeyo pia jiton pon peyaitaexae, barichi bapon jopa antobeyo Nacom pontha xua jopa yaitaeyo. <sup>21</sup> Nacom nacata itoroba pia peitorobi diwesi jume. Barapo diwesitha naca jeye: “Pon ba xua Nacom antobetsi, bapon ba bewa muxuna antobe tsane pia jiton pontha xua iru jume cowantaru Nacom”, naca jei barapo diwesitha.

## 5

*Meje yabara poxonae xua waxainchi juntu coyene amanayabatsi pomonae jopa pejume cowantsiwi*

<sup>1</sup> Pon ba bichocono tsita xeina pejume cowantsiwa Jesús pon xua jei: “Jesús apara bara bapon pon Nacom itorobica, pon Mesías jeichichi”, jei, bapon jame Nacom Pexanto tatsi naexana. Daxita pomonae antobe

Nacom xua paxatha, barichi barapomonae muxuna antobe Nacom pia pexui tatsi pomonae iruru pejume cowuntsixae. <sup>2</sup> Poxonae waxainchi Nacom antobetsi xuano exainchi pocotsiwa Nacom pia peitorobi coyenewantha itoroba, bapoxonae yaputainchi xua bara antobetsiru Nacom pia pexui tatsi. <sup>3</sup> Poxonae Nacom antobetsi, bapoxonae jume cowuntsiya exanatsi pocotsiwa paeba Nacom pia peitorobi diwesi jumeintha. Nacom pia peitorobi diwesi jumein jopa ayapubeyo xua yabara jume cui cana exana. <sup>4</sup> Daxita pomonae Nacom piamonae tatsi, barapomonae juntu coyene amanayaba pontha pon jiwi juntu coyene itorobatsi po cae pin nacuathepiwi xua abe peexanaewa tsane. Wajume cowuntsi coyenewa Nacomtha, barapo coyenewatha naca yawena xua wajuntu coyene amanayabiwa pontha pon jiwi juntu coyene itorobeibatsi po cae pin nacuathepiwi xua abe peexanaewa tsane. <sup>5</sup> Saya pomonae jame jume cowanta, xua pejeiwa: “Jesús apara Nacom Pexanto tatsi”, jei, jame barapomonae juntu coyene amanayaba bapontha pontha pon jiwi juntu coyene itorobeibatsi po cae pin nacuathepiwi xua abe peexanaewa tsane.

*Meje yabara xua po diwesi Nacom Pexanto tatsi yabara*

<sup>6</sup> Bapon Jesucristo patopeica po cae pin nacuathe tsique. Poxonae bapon bautisabatsi, yawa poxonae naetha tupa exanatsi, xua poxonae jana pichapabarena, barapo naxobe cui coyenebe naca yaputane exana xua bapon Jesucristo, apara bara Nacom Pexanto tatsi. Saya meisa jopa naca yaputane exanaeyo xua poxonae bautisabatsi, bara yawa iru naca yaputane exana xua poxonae naetha tupa exanatsi, yawa xua poxonae jana pichapabarena. Nacom pia Pejumope tunaxu tatsi yabara paeba daxita baxua. Barapo Nacom pia Pejumope tunaxu tatsi bara xaniyeya pepaebin. <sup>7</sup> Nacom naca yaputane exana xua Jesucristo bara Nacom Pexanto tatsi poxonae cueicueijeji acoibi po jumeyobe peitaboco wet-sica. <sup>8</sup> Barapo jume apara poxonae Nacom naca tsipaeba wajuntu coyenewatha. Yawano barapo jume po jume xua cueicueijeji poxonae Jesús bautisabatsi. Yawano barapo jume po jume xua cueicueijeji poxonae bara nama imoxoyo tupaena Jesús. Barapo acoibi jumeyobe peburaya cuita caunuta xua jei: “Bapon Jesús apara Nacom Pexanto tatsi”, jei. <sup>9</sup> Ba jume cowantatsi po jumein jiwi paeba. Ichitha po jume nama Nacom Pexanto yabara paeba, barapo jume jame bichocono peainya cui jume, beyacaincha po jumein xua jiwi paeba. Daxota bewa jume cowantichi po coyene xua Nacom Pexanto yabara paeba. <sup>10</sup> Pon ba Nacom Pexanto tatsi jume cowantatsi, bapon ba pia juntu coyenewa tsipaebatsi xua bara bapon ba Jesucristo yatsicaewa Nacom Pexanto tatsi. Pon jopa Nacom jume cowantichi, bapon nanta xeina xua Nacom naeraba xua pon jiwi pemuxuitorobin, tsipei bapon jopa jume cowantsiyo po coyene Nacom Pexanto yabara paeba. <sup>11</sup> Barapo jume, po jume Nacom Pexanto yabara paeba, barapo jume wajuntu coyenewatha jume tainchi, naca jeye: “Nacom peajuntu yapusawa naca cata po peajuntu yapusawa ataya tsiteca, po peajuntu yapusawa Nacom Pexanto tatsi pia xainya werena tapichapatsi”, jei barapo jume. <sup>12</sup> Pon ba Nacom Pexanto tatsi yawa popoinchi, bapon xeina barapo peajuntu yapusawa. Ichitha pon Nacom Pexanto tatsi, jopa yawa poponaetsi, bapon jopa xeinaeyo barapo peajuntu yapusawa, po peajuntu yapusawa ataya tsiteca.



*Meje yabara poxonae Juan muxu tsipaeba, poxonae imoxoyo nacobe weta xua tina*

<sup>13</sup> Pacata tinatsi paxam, pomonae pajume cowantame, Nacom Pexanto tatsi. Po coyenein xua pacata tinatsi, apara xua painya neyaputaenexa xua bara paxeiname peantuyarusawa, po peantuyarusawa xua ataya tsiteca.

<sup>14</sup> Waxainchi bichocono yabara jume cowantatsi Nacom xua wanaca yawenaewa tsane. Tsipei yaputainchi poxonae wacatsi pocotsiwa Nacom ichichipa, bapoxonae Nacom bara naca jume tane pocotsiwa yabara xua wawucaexae. <sup>15</sup> Tsipei yaputainchi xua Nacom naca jume tane poxonae wacatsi, daxota yaputainchi xua bara xeinatsi pocotsiwa wacatsi Nacom.

<sup>16</sup> Icha taneme xua ichan abe exana pon iru jume cowanta, xua ichitha pocotsiwa bapon exana jopa tupa naexanaeyo, bapoxonae Nacomtha tawucare bapon. Bapoxonae Nacom cana exana xua bapon xaina peantuyarusawa. Ichitha icha jiton abe exana pocotsiwa xua tupa naexana jopa catsipaebichi xua Nacomtha tawucame bapon. <sup>17</sup> Daxita pocotsiwan jiwi abe exana daxita baxuan Nacom tsita abetsi. Daichitha barapo abe peexanae coyene jiwana xua icha abe peexanae coyenewa barapo abe peexanae coyene jopa tupa naca cana exanaeyo.

<sup>18</sup> Yaputainchi pon yawa popona Nacom xua pia Paxaxae, bapon jopa exanae ducanaebiyaeayo abe peexanae cuiru coyenein, tsipei Nacom Pexanto tatsi yawena xua bapon yawenatsi. Matautano caurimonae pia pentacaponaein tatsi jopa itacupaetsi xua bapon peitorobiwatsi xua abe peexanaewa tsane. <sup>19</sup> Yaputainchi xua bara Nacom piamonae tatsichi, yawa yaputainchi xua caurimonae pia pentacaponaein tatsi itoroba daxita po cae pin nacuathepiwi xua abe peexanaewa tsane. <sup>20</sup> Yaputainchino xua Nacom Pexanto tatsi bayatha patopeica barapo cae pin nacuathe, yawa naca tsipaeba Nacom Pejume Diwesi wayaputaenexa Nacom, pon pexainyein. Matautano yawa jinompatsi Nacom Pexanto tatsi, pon pexainyein, pon Jesucristo. Barapo Nacom pexainyein pon naca cata peantuyarusawa, po peantuyarusawa xua ataya tsiteca. <sup>21</sup> Tamonae pam, jopa pajume cowantsinde ibo nacomun.

Baja Juan.

## **Meje Po Carte Juan Epatoha Tatina, Pomonaē Jesucristo Pejume Cowantsiwi Tatinatsi. Barapo Carte Epatowa Carta.**

*Meje xua pexainyei diwesi yabara, yawano peantobe diwesi yabara*

<sup>1</sup> Xan Juan, pon bayatha pitirin naexanan, pacata tinatsi barapo carte pomonaē pam pomonaē panacaetutame Nacom painya nejume cowantsixaem. Nacom paca itapeta painya paca exanaenexa piamonaē. Irū tatinan pomonaē paca barū nacaetuta pomonaē be painya pexui natsicotane. Xaniwaicha betiya paca antobetsi painya neyaputaexae pexainyeiwa. Matautano ichamonaē paca antobe pomonaē yaputane pexainyei jumein. <sup>2</sup> Xan bichocono paca antobetsi poxoru painya nejume cowantsixae Nacom pia pexainyei diwesi tatsi. Barapo pexainyei diwesi wajūntū coyenewantha cajinompeibatsi anoxuae, matautano xua ataya tsane. <sup>3</sup> Cajinompatsi Nacom pia pexainyei coyenewa tatsi pia peantobe coyenewa tatsino. Daxota Nacom Waxa irū Jesucristo Wanacanamataxeinaein pon Nacom Pexanto tatsi baponbe naca yawenabe. Baponbe naca yawenaena, matautano amanayiya baponbe naca yabara nantanuweya nanta xeinaena pia wanaca yawenaenexa. Matautano baponbe jūntema jinompa naca exanaena.

<sup>4</sup> Jūntū coyene weiweinan tsipei painyamonaē jiwana cui tan, xua beta pejinompaewa. Barapo painyamonaē exana po coyenewa xua pexainyei coyenewa, icha be pocotsi coyeneya xua Nacom Waxa naca cui itoroba. <sup>5</sup> Paxam, irū painya nejume cowantsixae Nacom, paca tsi-paebatsi bewa waxainchi nantiya naantobe tsainchi. Po peitorobi coyenewa pacata tinatsi jopa pena peitorobi coyenewiyo. Barapo peitorobi coyenewa copiya xeinatsi poxonaē aena jume cowantatsi. <sup>6</sup> Icha waxainchi Nacom antobetsi, barapoxonaē bewa jume cowantsiya jinompaeinchi icha be pocotsi coyeneya Nacom naca itoroba pia peitorobi diwesi jumetha. Barapo peitorobi diwesi jume pajume taneme poxonaē aena pajume cowantame. Barapo peitorobi diwesi jume naca jeye: “Nantiya pana naantobeinde”, jei.

*Meje yabara pomonaē jiwi pemuxujainyabi jiwi*

<sup>7</sup> Po cae pin nacuathe jiwi ayei jinompa, pomonaē jiwi pemuxujainyabi jiwi. Barapomonaē jeye: “Nacom jopa itorobiyo Pexanto barapo cae pin nacuathe, pon pewūn Jesucristo xua pepa jiton naexana”, jei barapomonaē. Pomonaē xua bapocotsiwa paeba, bapomonaē apara pomonaē jiwi pemuxujainyabi jiwi yawa bapomonaē Cristo abe peyabara paebiwichi. <sup>8</sup> Dota pam bū caurimonaē paca jūntū coyene jūjūta, abe painya neexanaewa tsane, xua daxota Nacom painya nepaca catsinexa pentoma xua abe painya neexanaexae. Maisa jame beta xanepanaya paexande, xua Nacom painya nepaca catsinexa daxita barapo pentoma xua beta painya neexanaexae.

<sup>9</sup> Pon xua equeicha ichichipa icha coyenewa xua pecuidubiwa beyacaincha xua Cristo pia pecuidubi coyenewa tatsi, bapon jopa nantaatsiyo Nacom xua be Paxa. Ichitha jame pon exana ducuanabiya pocotsiwa xua Jesucristo pia pecuidubi coyenewatha paeba, bapon jame nantaata

Nacom be Paxa, matautano nantaata Jesucristo pon Nacom Pexanto tatsi. <sup>10</sup> Icha ichun paca siwa pona pia nepaca cuidubinexa icha coyenewa xua pecuidubiwa xua Nacom yabara, po pecuidubi coyenewa xua jopa Jesús pia pecuidubi coyenewa tatsi bapoxonae bapon jopa matenta weiweinaya pajacobinde painya bo berena. <sup>11</sup> Tsipei pon matenta weiweinaya waba pontha pon pecuidubinexatsi icha pecuidubi coyenewatha, bapon apara iruru abe exanaru icha be bapon ichi pon ichun pon pia botha petapatopaexaetsi.

*Meje yabara poxonae xua Juan opi wetaba po carte*

<sup>12</sup> Ainya diwesin bequein cataunxuae xeinan xua tapaca camuxu tsi-paebiwa tsainchi, ichitha jopa beyabara tinaeinyo paperatha barapo diwesin. Daichitha ewatan xua tapaca cataewa tsainchi bexa, matautano xua tapaca catsipaebiwa tsainchi. Bapoxonae wajuntu coyene weiweinaenexa tsainchi bichocono.

<sup>13</sup> Pomonae iru Nacom pejume cowantsiwi icha paxam paichim, pomonae iru Nacom itapeta, barapomonae paca jacobae.

Baja Juan.

## **Meje Po Carte Juan Cotacaya Tatina, Pomonaē Jesucristo Pejume Cowantsiwi Tatinatsi. Barapo Carte Petabū Carucuae Carta.**

*Meje yabara poxonaē Juan jūntū weiweinaya tatina, Gayo tatinatsi*

<sup>1</sup> Jaco Gayo, pon tacaantobetsi jitom. Xan, pon bayatha pitirin naexanan. Barapo carte cata tinatsi, yaitama bichocono xaniwaicha caantobetsi, jinya nejume cowantsixae Nacom pia pexainyei diwesi jume tatsi.

<sup>2</sup> Pon tacaantobetsim, pon be tayapin tacanatsicotaeinchi irū nejume cowantsixae Nacom. Nacomtha cata wūcatsi xua jūntema nepoponaewa tsane xuano xua axaibiya nepoponaewa tsane, icha be ichim xua beta xaniwaicha poponame Nacom peitabaratha tatsi. <sup>3</sup> Bichocono jūntū coyene weiweinan poxonaē ichamonae pomonaē pejume cowantsiwi jiwana taxantha pata yawa netsipaeba. Barapomonaē cayabara paeba xua pinae yajūntū coyeneya popona ducuaēbiyame Nacom pia pexainyei coyenewa tatsi. Bara xainyei bara barapo coyenewa exaname. <sup>4</sup> Dapocotsiwa aibi pocotsiwa jume tan pocotsiwa xua nejūntū coyene weiweina exana beyacaincha xua poxonaē jume tan xua tajiwiwimonaē xaniwaicha beta jinompa Nacom peitabaratha tatsi pejume cowantsixae Jesucristo.

<sup>5</sup> Pon tacaantobetsim, pon be tayapin tacanatsicotaeinchi irū nejume cowantsixae Jesucristo. Bichocono xanepanaya exaname xua Nacom nexa xua poxonaē yawename pomonaē Jesucristo pejume cowantsiwichi, matautano poxonaē yawename pomonaē icha nacuan werena pepatsiwi, pomonaē bequein jopa neyitae jiwi. <sup>6</sup> Barapomonaē pomonaē icha nacuan werena pepatsiwi pomonaē Jesucristo pejume cowantsiwichi jeichichi: “Maisa bichocono pana antobe Gayo tsipei pana yawena”, jei barapomonaē. Cawūcatsi xua barapomonaē equeicha neyawenaenexa xua pocotsiwa barapomonaē nantawenona xua poxonaē warapaena jinya neexanaenexa po coyenewa Nacom ichichipa bichocono. <sup>7</sup> Barapomonaē ponarūcūpa xua Jesucristo petanacuichiwa tsainchi. Barapomonaē jopa wūcaeyo pomonaētha pomonaē jopa pejume cowantsiwi Nacom xua peyawenaenexatsi pocotsiwa penantawenonaewa. <sup>8</sup> Daxota bewa barapomonaē yawenaetsi xua bapoxonaē barapara irū barapomonaē nanabarū cueicueijeichi pexainyei jume diwesi.

*Meje yabara po diwesi xua Diótréfes abe exana xuano irū Demetrio beta exana*

<sup>9</sup> Xan caena bayatha icha coyenewiyo tatinan Jesucristo pejume cowantsiwichi. Daichitha Diótréfes jopa jume cowantsiyo taitorobi coyenewa, tsipei barapomonaē pomonaē Jesucristo pejume cowantsiwichi pia xantha tatsi Diótréfes ichichipa naexana be pon pecanamataxeinaein. <sup>10</sup> Daxota icha ponaein nexainya beya, yabara catsipaebinchichi bapon tsipei bapon catsawa neyabara paeba, peabe jumetha. Barapon jopa beta exanaeyo tsipei jopa wūnae weyataeya wabeibiyo pomonaētha pomonaē Jesucristo pejume cowantsiwichi.

Iꞗꞗꞗ pomonae jiwi pententa weyataibiya wabeibiwi, baxuan cui matawentatsi, yawa bapon barapomonae itaweta pomonae Jesucristo pejume cowantsiwichi itawetatsi.

<sup>11</sup> Pon tacaantobetsim, pon be tayapin tacanatsicotaeinchi irꞗ ne-  
jume cowantsixae Jesucristo jopa acuicoyenebeya poponaeinde icha  
poxonae ichꞗꞗ ichi xua acuicoyenebeya popona. Saya jame maisa beta  
exanaponde icha poxonae ichꞗꞗ ichi xua beta exanapona. Pon ba  
beta exana pocotsiwa Nacom itoroba apara bara Nacom piamonae jiwi  
jiwana tatsi. Ichitha pon ba abeya popona, apara jopa poxoru yapuraeyo  
Nacom.

<sup>12</sup> Daxita jiwi Demetrio xanepanaya yabara paebatsi. Pocotsiwa xua  
bapon exana, naca yaputane exana xua bara bapon xainyeya peex-  
anaein. Iꞗꞗꞗ xꞗꞗ xanepanaya yabara paeban Demetrio. Mataꞗꞗꞗꞗ  
yaputaneme xua pocotsiwa paeban bara xainyei.

*Meje yabara xua Juan opi wetaba po carte*

<sup>13</sup> Xam Gayo ainya diwesin bequein cataunxuae xeinan xua taca-  
muru tsipaebiwa tsainchi, daichitha jopa beyabara tinaeinyo paperatha  
barapo diwesin. <sup>14</sup> Bara nama methaunxuae catayopiyaeinchi nexata  
baroxonae wanatsipaebiwa tsanebe.

<sup>15</sup> Bara Nacom jꞗꞗꞗntema popona caexanaena. Pomonae xote jinompa  
pomonae be jinya jiwimonae, barapomonae cajacoba. Inta jacobare  
daxita wajiwiwimonae.

Baja Juan.

## Meje Po Carte Judas Tatina Pomonaetha Pomonaes Jesus Pia Pejume Cowantsiwichi

*Meje poxonaes Judas tamropata pitaba xua tatina pomonaetha pomonaes bayatha Nacom waba xua pia pejume cowantsinexatsi*

<sup>1</sup> Xan, Judas, ponxaein tanacuitan amanaya Jesucristo tacoya taichichipaexae. Xan Santiago peweicho tatsin. Barapo carte pacata tinatsi pomonaes pam, pomonaes bayatha Nacom Waxa itapetsiya paca waba, xua painya nejume cowantsinexa. Nacom bichocono paca antobe. Nacom Pexanto tatsi pon Jesucristo beta paca yapu eena xua beta painya nejume cowantsinexa Nacom. <sup>2</sup> Barabu Nacom jopa juniya paca yabara nanta xeinaes tsane xua nantanuweya paca yabara nanta xeineibina pia paca cayawenaenexa. Mataatano barabu Nacom bichocono jantema jinompa paca exanaena. Mataatano barabu Nacom paca catsibina pia peantobe coyenewa painya neyawa muxuna jinompaenexa.

*Meje yabara xua pomonaes pemuxujainyabiya cuidubi jiwi*

<sup>3</sup> Paxam pomonaes bichocono tapaca caantobewichi pam. Maisa bichocono ichichipan xua yabara tapacata tinaewatsi pecapanenebiyae coyenewa xua po coyenewatha Nacom paca capanepa abe painya neexanaes cuiru coyenein weya. Barapo coyenewatha Nacom necapaneparu barapo coyene weya. Bequein ichichipan yabara pacata tinatsi baxua, daichitha anoxuae jopa neitacapaeyo. Jame bewa copiya yabara pacata tinaeinchi xua painya nejume cowantsiwa. Paca itorobatsi xua naitomatsiya jume daunweya yabara painya paebinexa painya nejume cowantsiwa, bequein ichamonaes paca atene exana painya nejume cowantsixae Jesús. Barapo pejume cowantsiwa Nacom caena bayatha caetotha nacui coyene cata pijimonaes, xua barapomonaes xuya penacui coyene cacataponaeenexa ichamonaetha. <sup>4</sup> Bara barapocotsiwa paca tsipaebatsi, tsipei jiwi namichiya jinompa painya xantha pomonaes pemuxujainyabiya cuidubi jiwi xua jopa pacui yaputaem pocotsiwa barapomonaes exana. Caena bayatha barapomonaes Nacom Pejume Diwesitha yabara tinatsi xua barapomonaes pinaes bewa atene tsane abe peexanaexae. Barapomonaes peajantcoyenebe jiwi. Mataatano barapomonaes jiwi muxujainyabiya cuidubatsi xua pinaes Nacom amanayiya capanepa jiwi pia peantobexae. Nacom peantobexae jiwi, daxota pinaes Nacom copata xua jiwi bara abe peexanaenexa. Barapomonaes yabara jume itaweta, poxonaes po jumetha ba jiwi jeye: “Jesucristo, bapon yatsicaya compa pon Wanacaitorobin xuano Wanacanamataxeinaein”, jei.

<sup>5</sup> Bequein payaputaneme xua bayatha Nacom, pon jiwi Pecanamataxeinaein exana, daichitha ichichipan xua equeicha yabara tapaca tsipaebiwatsi baxuan. Nacom exana xua piamonaes tatsi Egipto nacua wepanenebiya xua Israel nacua bepanenebiya. Bequein Nacom baxua cana exana daichitha pirapaeyo Nacom cana exana xua barapo israelmonaes jiwanaemonaes jutebatsi pomonaes jopa pejume cowantsiwixatsi.

<sup>6</sup> Mataatano payaputaneme xua Nacom cana exana matatsunpiwitha.

Barapo matatsunpiwi nacui barapenta pia peitorobi coyenewan bequein Nacom cata. Matautano barapomonaе Nacom pia nacua weya tatsi pona xua nacou tomara cuenta warapa xua itaboco weyaxae. Daxota Nacom itoroba xua barapo matatsunpiwi peyamaxu cubiya jebinxatsi pequirei nacuatha beya, beya abu poxonaе po matacabi tsane poxonaе atene tsane poxonaе Nacom yabara paebina daxita jiwi xua penatsicuentsiwa xua abe peexanaexae. Barapo matatsunpiwi penaintontha maxu cubebatsi, po penainton jopa weraweracaeyo. <sup>7</sup> Pacayabara nanta xeinare xua poxonaе po tomarabetha Nacom cana exana, po tomara pewun Sodoma yawa xua Gomorra, yawano xua poxonaе ichaxota po tomarantha xua cuariyatha ena. Barapo tomaranpiwi abe exana xua poxonaе cana siwainyameinta exana pebiwitha xua jopa be ichiyo xua pocotsi coyenewatha ba pebiwi cana exana yabuxitha. Nacom caunutsiya yabara paeba barapomonaе xua barapomonaе ataya tsitecaeya peraxa exainchi abe peexanaexae. Barapomonaе naca tsita itapeinya xeina xua Nacom bara cana ichi tsane daxita jiwitha icha barapo tomarabepiwi cana ichichi.

<sup>8</sup> Ichitha pomonaе anoxuae yabara paca tsipaebatsi, pomonaе pemuxajainyabiya cuidubi jiwi, barapomonaе abeya nanta xeina dubenanaebiya, xua poxonaе baxua yabara amachinaе tsurubenanaebiya. Daxota barapomonaе pia pepon abeya taxoba exana dubenanaebiya. Barapomonaе itaweta Nacom pia peitorobi coyenewa pon jiwi Pecanamataxeinaein. Matautano barapomonaе abe yabara paeba Nacom pia matatsunpiwi. <sup>9</sup> Nacom pia matatsunpin, po matatsunpin matacapana icha matatsunpiwi, bapon pewun Miguel. Bapon Miguel najume matsontsonobabe caurimonaе pia pentacaponaein tatsi. Yabara najume matsontsonobabe xua Moisés pia pepon xua jintam metha pinaе xeinaena. Miguel jopa nanta xeinaeyo xua xuya anaepanaya jume nota xua pejeiwa: “Maisa abe exaname daxota Nacom pon jiwi Pecanamataxeinaein atene cacana exanaena”, jopa jeyo, bara bequein itacupatsi xua pepaebiwa baxua. Saya jame Miguel jei: “Barabu Nacom caitawetsina”, jei Miguel. <sup>10</sup> Ichitha barapomonaе pomonaе pemuxajainyabiya cuidubi jiwi abe yabara paeba pocotsiwa barapomonaе jopa yaputaeyo. Matautano barapomonaе exana icha be pocotsi coyeneya ichichipa xua abe peexanaewa. Barapomonaе baxua exana bequein jopa pexanepanaeyo taetha, icha duweimonaе ichi xua poxonaе exana be pocotsi coyeneya ichichipa. Daxota barapomonaе pia coutha naajuntucoyenebe cana exana.

<sup>11</sup> Jaibo, barapomonaе tsobenaе! Tsipei barapomonaе Nacom jopa bejume cowantichi icha be ichi pon pewun Caín, pon caena bayatha peweicho bexuba, peweicho peuwixae. Matautano barapomonaе catsibatsi paratixi xua ichamonaе catsiba xua barapomonaе abeya coyeneya pecuidubixae. Tsipei barapomonaе bichocono pitaparatixichi icha be poxonaе ichi pon pewun Balaam poxonaе paratixi catsibatsi xua ichamonaе catsiba xua Balaam abeya coyeneya pecuidubixae. Matautano barapomonaе jiwi juntuа coyene tsacabatsi xua jiwi naba peexanaenexa Nacomtha daxota barapomonaе werapaena. Baxua exana icha be poxonaе pon pewun Coré ichi poxonaе jiwi juntuа coyene tsacabatsi xua jiwi naba peexanaenexa Moiseshta, xua bapoxonaе Coré tupa xua hexotsi. <sup>12</sup> Poxonaе paxam paexaname xua jiwi nacaetuta painya

nenabanaenexa painya nenaantobexaem, barapomonaе pomonaе pemuxujainyabiya cuidubi jiwi paca caxinta pia peexanae coyeneintha. Barapomonaе atsaquiya nabane, yawa atsaquiya apa. Saya jopa yabara nanta xeinaeyo ichamonaе. Saya meisa barapomonaе nayabara nanta xeina nawita. Poxonaе barapo coyene exana, barapomonaе abe paca cana exana. Po tsaquinaebowan ba xua jopa jiwi catichi mera, xua equeicha pin joibo tabu torota peira tsewi weya xua jopa peruneicaenexa tsane, barapo tsaquinaebowan ba jiwi jopa catichi mera, jiwi jopa yawenaetsi. Bara juta ichi barapomonaе pomonaе pemuxujainyabiya cuidubi jiwi. Bequein barapomonaе pia coutha beta nayabara paeba, daichitha jiwi jopa yawenaetsi. Po naein ba xua jopa nacoichiyo pia mat-acabintha xua poxonaе nacoiteiba barapo naein jiwi ba yatabaca jona tsipei jopa naein penacoichixae. Bara juta ichi barapomonaе pomonaе pemuxujainyabiya cuidubi jiwi, jiwi jopa beta xapain jinompa cana exanaetsi. Daxota jiwi itaweta barapomonaе.<sup>13</sup> Ichamonaе aura exanatsi poxonaе barapomonaе abeya cuiduba xua jopa jiwi peyawenaexaetsi. Barapomonaе bichocono abe exana icha pin maratsaca doriton ichi xua pitapa beya bebeya xua thamthamei xua bichocono petsoreixae. Bara juta ichi barapomonaе saya jiwi aura exanatsi abe peexanaexae daxota jiwi cuenta pona barapomonaе. Poxonaе opiteiton ba poton pia namton weya itaxanumeinyatsi saya pipato dubenanaebiya ataya ichaxota pequireiwatha. Bara juta ichi barapo pemuxujainyabiya cuidubi jiwi, jopa xapain jinompaeyo po cae pin nacuathe. Daxota Nacom bebai tsane barapomonaе pia xainya weya ichaxota pequireiwatha xua bara ataya sitecaeya tsane abe peexanaexae.

<sup>14</sup> Barapomonaе pomonaе pemuxujainyabiya cuidubi jiwi yabara paebatsi, xua ichun yabara paeba pon pewun Enoc. Adan xeina seis poyobe pia pemomo susatopiwi xua napuna naexanapona beya poxonaе bapon naexana pon Enoc. Bapon Enoc pon caena bayatha Nacom pia nacia beicha caichatsi. Bapon Enoc yabara paeba barapomonaе pomonaе pemuxujainyabiya cuidubi jiwi, poxonaе cueicueijei pocotsiwa Nacom yaputane exana. Bapon Enoc jeye: “Tan pon jiwi Pecanamataxeinaein. Bapon tan xua pia matatsunpiwi baru patopeica, bichocono pin bicheito matatsunpiwi.”<sup>15</sup> Bapon baru patopeica matatsunpiwi xua jiwi atene peexanaewa tsainchi. Bapon yabara paebina daxita jiwi xua penatsicuentisiwa xua abe peexanaexae. Matautano bapon yabara paebina xua pocotsiwa bapomonaе abe exana Nacomtha. Matautano bapon yabara paebina pocotsiwa barapomonaе Nacom abe peyabara paebiwatsi”, jei Enoc.<sup>16</sup> Barapomonaе pomonaе pemuxujainyabiya cuidubi jiwi ichawa beya daxita coyeneintha abeya yabara paeba. Xua daxita coyenein petsita aitaoyenebexaetsi daxota barapomonaе jopa juntu coyene weiweinaya jinompaeyo. Matautano meisa yabara nanta xeina xua piawan meisa penata exanaewan. Barapomonaе peatsacae jiwi bichocono. Bara bequein barapomonaе beta paeba ichamonaetha, saya poxoru xua peyabara muxujainyabinexa xua ichamonaе peyabara muxujainyabinexatsi pocotsiwa xeina.

*Meje yabara xua Judas muxuweta pomonaetha pomonaе pejume cowantsiwi xua pejume cowantsiyainwa pemuxuitorobi diwesi*

<sup>17</sup> Equeicha paca tsipaebatsi pomonaе bichocono tapaca caantobewichi pam. Paxam bewa payabara jantanainaem pocotsiwa



bayatha paeba pomonae Jesucristo pon jiwi Pecanamataxeinaein pia peitorobi jiwi tatsi. <sup>18</sup> Barapomonae paca jeye: “Pewunaeya tsane poxonae po dapaetha Nacom yabara paebina jiwi xua penatsicuentisiwa xua abe peexanaexae copiya patsina pomonae cui caponaena, pocotsiwa Nacom piawa tatsi baxua cui caponaeinchi. Matautano barapomonae ichichipaeya exana dubenanaebiyaena icha be pocotsi coyeneya ichichipa xua abe peexanaewa”, jei barapomonae pomonae Jesús pia peitorobi jiwi tatsi. <sup>19</sup> Pocotsimonae baxua exana xua abe exana, bapocotsimonae tsaba exana piamonaetha xua barapo bicheitobe nacasebabe. Barapomonae pomonae abe peexanaewi exana xua pocotsiwan ichichipa peexanaewa. Barapomonae jopa exanaeyo pocotsiwa Nacom ichichipa, tsipei jopa yawa jinompaeyo Nacom pia Pejumope t̃nax̃u tatsi.

<sup>20</sup> Ichitha nama paxam pomonae bichocono tapaca caantobewichi pam. Bayatha painya nejume cow̃ntsixaem Nacom, daxota awiya pana naj̃nt̃u coyene tsacabare. Awiya mataropeichiya painya nejume cocow̃ntaponaenexa po pejume cow̃ntsi coyeneya Nacom weya pona. Nacom pia Pejumope t̃nax̃u tatsi pia peayapus̃watha tatsi raw̃ncare Nacom. <sup>21</sup> Beta payaj̃nt̃u coyeneya jinompare Nacom pia peantobe coyenewa tatsi. Raw̃nae eware po matacabitha poxonae Jesucristo Wanacanamataxeinaein naca catsina peaj̃nt̃uyapus̃wa, po peaj̃nt̃uyapus̃wa ataya tsiteca. Baxua naca catsina tsipei Nacom nantanuweya naca yabara nanta xeina pia wanaca yawenaenexa tsane.

<sup>22</sup> Ichamonae pomonae yabara ainya muxu pexeinaewi pemuxujainyabi diwesi barapomonae payabara nantanuweya yawende painya neantobexae xua jopa pejume cow̃ntsinexa barapo pemuxujainyabi diwesi. <sup>23</sup> Ichamonae muxu pejume cow̃ntsi barapo pemuxujainyabi diwesi. Nainya payawende barapomonae painya neantobexae xua Nacom pecapanenebiyaenexa bapo abe peexanae cuiru coyene weya pejume cow̃ntsixae tsane Nacomtha. Panantanuweya yabara nanta xeinde ichamonae, painya neyawenaenexa tsane painya neantobexae xua ir̃u pejume cow̃ntsinexa tsane Nacom. Ichitha dota pam xua abe painya neexanaeyainwa icha poxonae xua barapomonae ichi xua poxonae abe exana.

*Meje yabara xua Judas najume wetsiya w̃nae jainta Nacom*

<sup>24-25</sup> Anoxuae nama yabara paca tsipaebatsi Nacom pon pepa Nacom pon nacata compa. Bapon bichocono peyaputaein. Barapon Nacom Wanacacapanenebiyaein. Barapon pia peayapus̃u itorobiya coyenewatha paca yapu eenaena xua jopa abe painya neexanaewa tsane. Matauta Nacom paca cana exanaena xua j̃nt̃u coyene xanepanaeya painya neumenaenexa tsane bapon peitabaratha tatsi. Matautano bapon paca cana exanaena xua bichocono painya nej̃nt̃u coyene weiweinyaya neumenaenexa tsane bapon pia pexeinya peit̃panae coicha itabaratha tatsi. Barapon Nacom waxainchi w̃nae jaintatsi Jesucristo pon Wanacanamataxeinaein pet̃paexae. Waxainchi jeichichi Nacomtha: “Barab̃u ataya tsitecaeya xeinaeya poponaename jinya pexeyina it̃panae coicha yawa jinya neainya cui coyenewa. Matautano barab̃u ataya xeinaeya poponaename jinya neayapus̃u itorobi coyenewa, xuano xua jinya neayapus̃u exanae coyenewa. Daxita baxuan caena bayatha xeiname poxonae aena, xuano xua anoxuaeno xeiname

yawano xua bexa tsane bara ataya xeinaename”, jeichichi Nacomtha. Je,  
bara ichi tsane.  
Baja Judas.

## Meje Po Diboro Juan Tina Xua Yabara Tsiwanaya Tsita Itutatsi Pocotsiwa Exanaena Po Cae Pin Nacuathe

*Meje yabara po diwesi pocotsiwan xua Jesucristo Paxa tsita itutatsi xua pocotsiwan xuya Juan tsita itutatsi*

<sup>1</sup> Barapo diboroje xan Juan tinan. Pocotsiwan yabara tinan xua Nacom Jesucristo tsita itutatsi. Bara pocotsiwan Jesucristo xuya pijimonaetha tsiwanaeya tsita ituta pocotsiwan xua imoxoyo bara exanaenaba. Jesucristo pia matatsunpin inta itoroba xua xan Juan xuya tatsita itutatsinexa daxita baxuan xua imoxoyo bara exanaenaba. <sup>2</sup> Daxota xan xuya xainwaichiya yabara tinan daxita xua pocotsiwa tan. Matautano tinanno xua jume tan xua Nacom paeba irano xua Jesucristo paeba.

<sup>3</sup> Pon xua yorobina jiwitha po diwese pomonaetha pomona Nacom pejume cowantsiwichi tatsi, bapon juntu coyene weiweina exanaeinchi xua Nacom juntu coyene weiweina exanaena. Irano pomona jume tane barapo diwese yawano xua exanano xua pepaebixae barapo diwese, barapomona juntu coyene weiweina exanaeinchiru. Daxota barapomona juntu coyene weiweina tsipei baxuan imoxoyo exanaenaba.

*Meje yabara xua Juan tatina pomona Nacom pejume cowantsiwi, pomona siete po matabuxumonaebe, pomona nacaetuta xua Nacom wuna pe-jainchinexatsi*

<sup>4</sup> Xan, Juan, pacata tinatsi pomona painya nejume cowantsiwi pam pomona siete po matabuxumonaebe pam xua painya nenacaetutsi jiwipam, xua wuna painya nejainchinexa Nacom. Paxam pomona Asia nacuatha pajinompame. Paca tsipaebatsi xua Nacom anoxuae popona yawa caena bayatha popona yawa bexa ataya poponaena. Pacata wucatsi Nacomtha xua painya nepaca juntu coyene weiweina exanaenexa tsane. Yawa pacata wucatsi xua Nacom paca yawenaena pia painya nepaca caantobexae. Yawa pacata wucatsi Nacom pia Pejumope tuxaxu tatsi beya xua bapon baxuan pacata exanaena tsipei Nacom pia Pejumope tuxaxu tatsi siete po pexeinya juntu coyenebe pexeinaein. Barapo Pejumope tuxaxu Nacom peitabaratha tauncuatsi ichaxota Nacom eca pia pexeinya peecaethopaewatha. <sup>5</sup> Yawano pacata wucatsi Jesucristotha xua bapon baxuan pacata exanaena. Barapon Jesucristo ataya xaniwaicha pepaebin. Bapon copiya equeicha asu naexana. Bapon asu canamata canaexana jiwipetupa coyene weya. Yawa bapon itoroba pomonaetha pomona itorobiya pepa peewatsiwi ichamona po cae pin nacuathe. Cristo naca antobe daxota naca tsitupa naetha wanaca juntu coyene junte mainaenexa abe waexanae cuiru coyenewan. <sup>6</sup> Matautano Jesucristo naca exana xua piamona tatsichi. Yawano sacerdotemona naca cana exana watanacuichinexa tsainchi Nacom, pon Jesucristo Paxa tatsi. ¡Barabu Nacom ataya xeinaena xua pexeinya juntu coyene xua peainya cui coyenewa! ¡Yawano barabu Nacom ataya xeinaena xua pia peayapusu itorobi coyenewa! Je, bara ichi tsane.

<sup>7</sup> ¡Matha pataema!

Cristo patopeicaena tsaquinaebowatha.

Daxita jiwi taena bapon  
xua bapon taeinchi.

Iru pomonae bapon cobe matatabarutatsi  
naetotha bapon taeinchi.

Daxita nacuanpiwi, pomonae bapon jopa jume  
cowantichi, daxita barapomonae jant coyene  
wecoyei tsane poxonae bapon taeinchi.

Je bara ichi tsane.

<sup>8</sup> Nacom jeye: “Xan ponxaein apara ataya tsitecaeya tapoponaein  
xua poxonae aena daxita tamropata pitaban. Matautano bexano daxita  
coyenein wetsin tsipei ataya tsitecaeya bara tapoponaewa tsane”, jei  
Nacom pon jiwi Pecanamataxeinaein, pon itoroba pia peayapusu itorobi  
coyewatha daxita nacuanmonae jiwitha. Bapon Nacom anoxuae  
popona, caena bayatha popona, yawa bexa tsane ataya poponaena.

*Meje yabara poxonae Cristo pia peitupanae tsita itatsi coyewatha  
tatsi Juan tsita itatsi*

<sup>9</sup> Xan Juan ponxaein be pon painya eweicho nanatsicotan Jesús pi-  
jimonaexaetsi. Icha jiwi paca ichi xua paca anthurewe exana xua  
poxonae jopa xapain pacata exanaeyo, anoxuae bara neichi. Jiwi  
anthurewe neexana tsipei waxainchi Nacom piamonaetsi jiwantsi  
pomonae Nacom itorobiya ewata. Tsipei Jesucristo paca yawena  
daxota cataunxuae pajume cowanta dubenanaebiyame Nacom, iru  
xandu barichin. Jiwi pecubi botha Patmos tunaetotha neeta tapae-  
bixae Nacom Pejume Diwesi yawano Jesús pejume diwesino tapaebixae.

<sup>10</sup> Caentaqueitha, po mataqueitha peseica mataqueitha bichocono Na-  
com pia Pejumope tana tatsi nejant coyene yca exana. Tama  
werena jume tan pejume xua bichocono jume daunweya ajumetsaca  
be poxonae icha xua oba po peobiwa pewan trompeta. <sup>11</sup> Nejei xua  
netsipaeba: “Xam yabara tinare diborotha daxita xua taneme. Barapo  
diboro bapoxonae caitorobare pomonaetha pomonae tana nejume  
cowantsiwitha pomonae siete po matabuxumonaebe pomonae naca-  
tuta xua Nacom wanae pejainchinexatsi. Barapomonae jinompa Asia  
nacuatha. Barapo siete po matabuxumonaebe nacaetuta barompaya pia  
tomarantha tsiniya. Barapomonae meje: Efeso tomarapiwi, iru Esmirna  
tomarapiwi, iru Pergamo tomarapiwi, iru Tiatira tomarapiwi, iru Sardis  
tomarapiwi, iru Filadelfia tomarapiwi, iru Laodicea tomarapiwi”, nejei  
Jesucristo.

<sup>12</sup> Bapoxonae napatomeicha necotaban tayaputaenexa pon xua netsi-  
paeba. Poxonae necoyan bapoxonae tan siete xoyobe penainwan xua  
po nain pewan oro nain xua pentatutuntha itanacanoba. <sup>13</sup> Barapo  
siete xoyobe xua ichaxota pentatutuntha itanacanoba baxoyo pia xainya  
deca pon be pebin taenotan. Pon uncua apara ponxae itaboco wetsica  
pona, pon Nacom itapeta. Bapon naxatata paparuwa, po paparuwa  
apiya deca bichocono yawa taxu jayarecatsi. Yawa naepa cata paparuwa  
po paparuwa bichocono pereca yawa jantacari jayatsinatsi yawa bi-  
chocono daedaena icha be oro nain ichi. <sup>14</sup> Pentanan tatsi bichocono  
inyapana icha be papa ichi, yawa icha be main axuto ichi. Yawano peita-  
maiqueitobe be isoto itareto. <sup>15</sup> Petaxu bichocono taxu daedaena icha be  
bronce nainto ichi xua bichocono nain daedaena poxonae cataunxuae  
isototha nain boquiya. Pejume bichocono ajumetsa be poxonae xua

ainya menein busin. <sup>16</sup> Pemaхн coxa iya xeina siete po opiteitobe. Yawa pecoiboto tsina pichapeina cusi xua nantiya barн ducuabe. Peitabara bichocono daedaena icha be poxonae xometo ichi poxonae xua pentha xua poxonae atsa.

<sup>17</sup> Poxonae bapon Jesucristo tan, imoxoyo iratha nabotaban bapon peitabaratha. Bara be tatυpaeyo nabotaban. Bapoxonae bapon pecobetha nejayaba po cobe pecoxa weya. Yawa Jesucristo nejei: “Jopa junuwinde. Xan ponxaein xua daxita taforotsin xua poxonae aena. Yawano xan ponxaein xua tawetsin tsane daxita xua bexa tsane. <sup>18</sup> Xan ponxaein xua copiya bayatha tapoponaein. Bequein bayatha tυpan ichitha equeicha anoxuae asн poponan xua ataya petsitecaenexa. Nacom necata taitorobi coyenewa xua petυpaewi taitorobeibinexa petυpae coyene nacua beya. <sup>19</sup> Daxota yabara tinare xuaunxuae pocotsiwa taneme. Yawano yabara tinare xua aunxuae taeponaename. <sup>20</sup> Barapo siete opiteitobe xua taneme tacobe coxa weya yabara caunutatsi xua pomonae Nacom Pejume Diwesi pepaebiwi, pomonae Nacom pejume cowantsiwichi pecanamataxeinaewichi. Yawa barapo siete xoyobe xua pentatutuntha itanacanoba xua baxoyo pia xainya deca uncuan baxua yabara caunutatsi pomonae siete po tomarabe matabнхн jiwi, pomonae Nacom pejume cowantsiwichi”, jei Jesucristo pon xua uncua.

## 2

### *Meje yabara xua po diwesi Juan tatina Efeso tomarapiwi*

<sup>1</sup> Jesucristo, pon xua uncua nejei: “Tatinare pon Nacom Pejume Diwesi pepaebin pomonaetha tana nejume cowantsiwi pomonae Efeso tomaramonae xua bapon petayorobinexa xua barapomonae petayorobinexatsi. Jande: ‘Meje xua paeba pon pecobe coxa weya tatsi siete po opiteitobe tauncuatsi xuano xua uncua siete xoyobe pia xainya deca xua ichaxota pentatutuntha itanacanoba. <sup>2</sup> Bapon jeye: Yaputan xua painta exaname po penacuichiwa xua daunwei xua jopa pabara-pentsim. Yawano paca cui yaputainchi xua paaichaxaibim xua exana pomonae peajuntυcoyenebewi. Yawano bara yaputan xua jopa paca itata cui xainyei tsabiyo poxonae xua ichamonae atsaquiya paca jei: Paxan Jesús pia peitorobiwi tatsi pan, jei. Bara paxam payaputaneme xua barapomonae pemuxuitorobiwi. <sup>3</sup> Beta pana najuntυ wнаaetame. Mataanta jopa paacoyenefaetabim, bequein ichamonae bichocono abe paca exana painya inta nacuichixaem. <sup>4</sup> Ichitha paca cui yaputainchi xua cae coyene paexaname xua po coyene aichaxaibin. Anoxuae be conotha pana neantobem. Jopa be ichiyo poxonae copiya matha pana neantobem nawita. <sup>5</sup> Payabara nanta xeinare xua poxonae copiya pana nejume cowantame xua poxonae bichocono pana neantobem. Icha juntυ coyene paxeinare. Painta exanare icha paichim xua poxonae matha copiya beta painta exaname. Icha jopa pana neantobem tsane, nainya patopaein, yawa pichin painyawa xua pocotsiwa ichaxota pentatutuntha paitanacanobame, xua pichin painya tomara weya. Aparaxua jan, daxita painya nenacaetutsi jiwi pam pana nenepentaponaename xua pata tana nejume cowantsiwam xua daxota jopa pana nejume cowantsim tsane jan. <sup>6</sup> Daichitha cae coyenewa ichichipan xua paexaname. Juntυ coyene weiweinan tsipei pananta xeiname

icha ichin xua pocotsiwa nanta xeinan. Paxam paaichaxaibim pocotsiwa nicolaitamonae xua exana, pomonae bichocono abe peexanaewi. Xan iruru aichaxaibin xua pocotsiwa exana barapomonae. <sup>7</sup> Paxam pomonae painya nejume cowantsi jiwi pam. Icha pamuxu dubename, pajume naitaeware xua pocotsiwa Nacom pia Pejumoŋe t̄nax̄u tatsi paca tsipaeba. Bapon jeye: Pomonae xua Jesucristo jume cowanta dubenanaebiyaeinchi beya xua yacuiya werapaeya othopaena barapomonae catsin Nacom pia peitorobi nacua beicha peajunt̄yapusuwa, po peajunt̄yapusuwa xua jopa weraweracaeyo, jei Nacom pia Pejumoŋe t̄nax̄u tatsi, jei Nacom Pexanto', jande", nejei Jesucristo pon xua uncuā barapo siete xoyobe xua pentatutuntha itanacanoba xua baxoyo pia xainya deca tatsi.

*Meje yabara po diwesi Juan tatina Esmirna tomarapiwi*

<sup>8</sup> Pon Jesucristo xua uncuā equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Esmirna tomaramonae, xua bapon petayorobinexa xua barapomonae petayorobinexatsi. Jande: 'Meje xua paeba pon xua daxita forota poxonaē aena. Yawano bapon daxita wetsina xua bexa tsane. Bequein bapon bayatha t̄pa ichitha equeicha as̄u popona xua ataya tsitecaeya tsane. <sup>9</sup> Bapon jeye: Yaputan daxita xua pocotsiwan paexaname. Bara paca tainchi xua paanth̄th̄tanem poxonaē xua ichamonae pacata abe exana. Bequein paca tainchi xua paacopeibim ichitha apara barapaxeinaename pocotsiwa bexa Nacom paca catsibina. Daxota paxam be copei pexeinaē jiwi pam. Yaputan pomonae atsaquiya najei: Paxan judiomonae pan, jei. Barapomonae abe paca yabara paeba. Daichitha barapomonae ̄ caurimonae pia pentacaponaein tatsi bapon piamonae tatsi. <sup>10</sup> Jopa pajunuwinde xua pocotsiwa ichamonae paca anth̄th̄tane exanaena xua tsipei pacata abe exanaena. Caurimonae pia pentacaponaein tatsi itorobina ichuntha xua piraichi paca jiwana capanaena jiwi pecubi bo beya xua daxota daxita paxam painya nenacui barapentsiwa tsane xua painya nejume cowantsiwa Nacom. Paxam paanth̄th̄tanem tsane diez po matabibe. Daichitha pana najunt̄u coyene daunweya w̄naere beya poxonaē payacuiya werapaeya othopaename. Bapoxonaē paxam paca catsibinchi xua be pentoma xua peant̄yapusuwa po peant̄yapusuwa xua jopa weraweracaeyo. <sup>11</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumoŋe t̄nax̄u tatsi paca tsipaeba. Bapon jeye: Pomonae xua Jesucristo jume cowanta dubenanaebiyaeinchi beya xua yacui werapaeya othopaena, Nacom jopa copatsi tsane xua barapomonae equeicha jopa ateneya werapae tsane, jei Nacom pia Pejumoŋe t̄nax̄u tatsi, jei Nacom Pexanto', jande", nejei Jesucristo pon xua uncuā.

*Meje yabara xua po diwesi Juan tatina Pégamo tomarapiwi*

<sup>12</sup> Pon Jesucristo xua uncuā equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Pégamo tomaramonae xua barapon petayorobinexa xua barapomonae peyorobinexatsi. Jande: 'Meje xua paeba pon pecoiboto tsina tapichapeinatsi cus̄i po wato nantiya bar̄u ducuabe. <sup>13</sup> Bapon jeye: Bara yaputan xua daxita paexaname. Yawano yaputan xua

painompame ichaxota caurimonae pia pentacaponaein tatsi itorobeiba xua barapo tomarapiwi itorobeibatsi. Daichitha awiya pana nejume cowanta dubenanaebiyame. Jopa pabarapentsinde xua pata tana nejume cowantsiwam. Antipas bichocono nejume cowanta. Bequein bapon bexotsi painya xantha, daichitha awiya pana nejume cowanta dubenanaebiyame. Pomonae barapo tomaratha jinompa pomonae xua caurimonae pia pentacaponaein tatsi itorobeiba barapomonae Antipas bexotsi. <sup>14</sup> Daichitha paca cui yaputainchi xua icha coyenein paexaname, po coyenein xua jopa ichichipaeinyo. Paxeiname Pérgamo tomaratha pomonae xua painyamonae jiwana, pomonae barichi xua abe exana xua daxota jopa ichichipaeayo xua pepentsiwa xua pecuidubiwa pocotsiwa Balaam pia pecuidubi coyenewa tatsi. Bapon Balaam cuiduba, Balac cuidubatsi xua xuya Balac pecuidubinexa xua israelmonae pecuidubinexatsi xua israelmonae abe peexanaenexa. Po peabe coyene Balac cuiduba xua pinae israelmonae itacypatsi xua xane duwein po duwein poxonae bexuba ibo nacom nexa. Yawano Balac cuiduba xua pinae barapo israelmonae jopa abe exanaeyo poxonae nata siwa xeina dubenanaebiya yabuxi. <sup>15</sup> Barichi pomonae painyamonae jiwana pomonae abe exana, barapomonae ichichipa po pecuidubiwa pocotsiwa nicolaitamonae pia pecuidubi coyenewa tatsi. Barapo nicolaitamonae pia pecuidubi coyenewa tatsi bichocono aichaxaibin. <sup>16</sup> Daxota icha juntu coyene paxeinare. Icha jopa icha juntu coyene paxeinaem, nainya jemeicha baxota patopaein yawa paca beinchi cusitha, po watotha xua tacoiboto pichapeina. <sup>17</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tñaxu tatsi paca tsi-paeba. Bapon jeye: Pomonae xua Jesucristo jume cowanta dubenanaebiyaeinchi beya xua yacui werapaeya othopaena, barapomonae catsin po pexaewa pewñ maná, po pexaewa namicha boca xua ichamonae jopa yabara yaputaeyo. Yawa barapomonae catsin iboto, po iboto inyapana, barapo ibototha tinaena pena wñ xua ichamonae jopa wñ taeyo. Saya meisa wñ yaputaena pon xua catsin barapo iboto, jei Nacom pia Pejumope tñaxu tatsi, jei Nacom Pexanto', jande", nejei Jesús pon xua uncua.

*Meje yabara po diwesi Juan tatina Tiatira tomarapiwi*

<sup>18</sup> Jesucristo pon uncua equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Tiatira tomaramonae xua bapon petayorobinexa xua barapomonae petayorobinexatsi. Jande: 'Meje xua paeba Nacom Pexanto tatsi, pon peitamaiqueitobetha be isoto itareto tarucuatsi. Yawano bapon bichocono taxu daedaena be penainto, pocotsi nainto pewñ bronce. <sup>19</sup> Bapon jeye: Yaputan daxita xua po coyene paexaname, yawano yaputan xua paxam pana neantobem. Yawano yaputan pocotsiwa painya tana nejume cowantsiwam. Yawano yaputan xua pocotsiwa payawenename ichamonae. Yawano yaputan xua saya beitatemaya junte ma painompame poxonae bequein ichamonae pacata abe exana. Yawano yaputan xua anoxuae nawita paexanaponame beyacaincha xua poxonae copiya paexaname. <sup>20</sup> Daichitha paca cui yaputainchi xua pocotsiwa paexaname xua pocotsiwa aichaxaibin, xua jopa paitawetsim powa pewñ Jezabel. Powa jei: Nacom nexa tapaebiwayon, jei.

Daichitha tana nejume cowantsi jiwi muxuitorobatsi. Barapowa Jezabel tamonaе cuidubatsi xua bara nata siwa xeineibina yabuxi. Yawa bapowa cuidubano po coyene aichaxaibin xua tamonaе jain itorobatsi xua tamonaе xaena duwein, po duwein poxonaе bexuba ibo nacom nexa. Barapo duwein jiwi cata ibo nacomtha poxonaе wunaе jainta pia ibo nacom. <sup>21</sup> Caena bayatha ewatan xua bapowa icha juntu coyene pex-einaenexa, ichitha bapowa baxua jopa beexanaeyo. Bapowa jopa juniya exanaeyo xua abe exanaponeiba. <sup>22</sup> Xan exanaein xua nainya bapowa atene tsanaya tsane, xua camatha pebocaenexa, abe peexanaexae. Irgu pomonaе xua bapowa abe nanabar exainchi barapomonaе atene tsane exanaein xua icha barapomonaе jopa nacui barapentsi tsane pocotsiwa bapowa cuiduba. <sup>23</sup> Yawano bapowa pia pexui tatsi tajutebin. Bapoxonaе daxita pomonaе Nacom pejume cowantsiwichi neyaputaena po coyene xua xan deta cou jiwi tanthuthu yaputaein daxita xua poxonaе exaneiba yawa daxita poxonaе xua nanta xeineiba. Bapoxonaе daxita paxam barompaya paca catsibinchi be xua pentoma. Pomonaе xua xanepanaya paexaname, xua wunaе paca catsibinchi. Pomonaе xua abe paexaname, xua peatenewa paca catsibinchi. <sup>24</sup> Paca tsipaebatsi daxita pam pomonaе Tiatira tomarapiwi jiwana pam, xua pomonaе jopa paexanaem pocotsiwa xua Jezabel paca cuiduba, saya ichamonaе paxam jiwana pam, baxua exana. Paca tsipaebatsi pomonaе pam pomonaе jopa pananabar nacuidubim pocotsiwa caurimonaе pia pentacaponaein tatsi pia coyenewan tatsi. Tsipei jopa paexanaem barapo coyenewa daxota jopa paca itorobi tsainchi icha coyene xua painya neexanaewa tsane, po coyene bichocono ayapube. <sup>25</sup> Daichitha awiya pana nejume cowanta dubenanaebiyama beya poxonaе equeicha patopeicaein. <sup>26</sup> Awiya pajume cowanta dubenanaebiyama Nacom painya amanayabinexa tsane caurimonaе. Yawa awiya paexana dubenanaebiyama pocotsiwa xua xan ichichipan xua beya payacui werapaeya othopaename. Pomonaе baxua exanaena, barapomonaе catsin taayapusa itorobi coyenewa xua peitorobeibinexa tsane po cae pin nacuathepiwi. <sup>27</sup> Paca catsibinchi taitorobi coyenewa icha Taxa neichi xua necata pia peitorobi coyenewa. Icha pebin ichi xua poxonaе barapon daunweya wacataxuba juruwato penaintotha xua peexanaenexa pepurawixi, bara jata ichi tsane pomonaе nejume cowanta. Barapomonaе daunweya itorobina barapo cae pin nacuathepiwi beya poxonaе daxita weraweracaena abe peexanaexae. <sup>28</sup> Bapoxonaе yawa paca catsibinchi po coyene xua tapaca baru poponaewatsi. Barapo coyene bichocono wunaе tsane, icha jarawato ichi xua jiwi bichocono tsita wunaetsi poto mataquei pewunaeya ecoina. <sup>29</sup> Paxam pomonaе painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tuxaxu tatsi paca tsipaeba, jei Nacom Pexanto', jande", nejei Jesús, pon xua uncua.

### 3

*Meje yabara po diwesi Juan tatina Sardis tomarapiwi*

<sup>1</sup> Jesucristo, pon xua uncua siete xoyobe pia xainya deca xua ichaxota pentatutuntha itanacanoba, equeicha nejei: “Barichinde tatinare pon Nacom Pejume Diwesi pepaebin pomonaetha tana nejume cowantsiwi



pomonaē Sardis tomaramonaē xua bapon petayorobinexa xua barapomonaē petayorobinexa. Jande: ‘Meje xua paeba Jesucristo pon xua xeina siete po pexeinya jũntũ coyenebe, po coyenebe xua Nacom pia Pejumope tũnaxũ tatsi Jesucristo catatsi. Yawa bapon xeina siete po opiteitobe pecobe weya, po cobe pecoxa weya. Bapon jeye: Yaputan daxita xua paxam paexaname. Bequein jiwi paca yabara nanta xeina xua paxam painta beta exaname, daichitha apara jopa painta beta exanaem. Daxota paxam netsita be pomonaē pewerapae jiwi pam. <sup>2</sup> Pana najũntũ coyene tsacabare. Payawende pomonaē tana nejume cowũntsiwi xua pejũntũ coyene wũnaē nexa, tsipei barapomonaē be pewerapaewi pejũntũ coyene natsepaexae. Paca tainchi xua pocotsiwa paexaname. Baxua jopa Nacom tsita wũnaetsi. <sup>3</sup> Daxota pananta xeinare xua pocotsiwa bayatha paca cuiduba. Bapoxonaē bapocotsiwa paexande yawano bapoxonaē icha jũntũ coyene paxeinare Nacomtha xua equeicha caewa painya nejume cowũntsiwa tsane. Icha jopa baxua poxonaem tsane, bapoxonaē nainya jemeicha patopaēin paxamtha poxonaē jopa payaputaem xua patopaēin. Exanaēin icha be pocotsin pon pecaibin ichi xua jemeicha patopa. <sup>4</sup> Daichitha paxeiname barapo tomaratha, Sardis tomaratha, pomonaē tana nejume cowũntsiwi. Barapomonaē penthũthũ xeicaē jiwi. Jopa xeinaeyo po coyene xua peajũntũcoyenebewa tsipei jopa abe exanaeyo. Barapomonaē nebarũ jinompaena. Yawa nama xatabina paparuwan, po paparuwan inyapana tsipei barapomonaē exana dubenanaēbiya pocotsiwa xua itoroban. <sup>5</sup> Pomonaē xua nejume cowũnta dubenanaēbiyaena xua beya yacui werapaeya othopaena barapomonaē nama xatabina po paparuwan inyapana. Yawa pomonaē wũn dubena Nacom pia diborotha xua pomonaē ataya pejinompaenexa tsane xua jopa weraweracaeyo, barapomonaē jopa wũn iquicaēin tsane. Yawano wũn yaputane exanaēin Taxa Nacomtha yawano Nacom pia matatsunpiwi tatsi peitabarathano. <sup>6</sup> Paxam pomonaē painya nejume cowũntsiwi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tũnaxũ tatsi paca tsipaeba, jei Nacom Pexanto’, jande”, nejei Jesús pon xua uncua.

*Meje yabara po diwesi Juan tatina Filadelfia tomarapiwi*

<sup>7</sup> Equeicha Jesucristo pon xua uncua nejei: “Barichinde tatinare pon Nacom Pejume Diwesi pepaēbin pomonaētha tana nejume cowũntsiwi pomonaē Filadelfia tomarapiwi xua bapon petayorobinexa xua barapomonaē petayorobinexatsi. Jande: ‘Nacom Pexanto tatsi, bapon bichocono pejũntũ coyene xanepanaēin Nacomtha xua jopa penatsicuentisiwa Nacomtha xua abe peexanaexae. Yawa bapon bara xaniwaicha pepaēbin. Yawa bapon pon naca yawena xua patinchi Nacom pia peitorobi nacua beicha. Bapon naca yawenaena icha matha pon peboupa peewatsin ichi xua poxonaē David yawenatsi. Bapon pon peboupa peewatsin David taewatatsi pia pexeinya peecaethopeibi bo tatsi. Bapon David pon caena bayatha Israel nacuamonaē itorobiya pia pepa peewatsinchi. Bapon pon peboupa peewatsin pia peitorobi coyenewa xeina xua poxonaē bapon peboupa saranaxuba ichũn jopa itacũpaetsi xua peboupa xatataba. Yawa poxonaē bapon peboupa xatataba ichũn jopa itacũpaetsi xua saranaxuba. Icha bapon ichi, barichi Nacom Pexanto tatsi pia peitorobi coyenewa xeina. Bapon copata xua

pijimonae tatsi patsina Nacom pia nacua beicha. Yawano jopa copatsiyo xua ichamonae patsina Nacom pia nacua tatsi beicha. Ichun jopa itacupaetsi xua ichawa paeba Nacom Pexanto tatsi beya. Anoxuae nama Nacom Pexanto paca tsipaeba, jeye: <sup>8</sup> Yaputan xua daxita paexaname. Xan copatan xua tajume diwesi pacaponame ichamonaetha. Ichun jopa itacupaetsi xua paca jume itaweta xua daxota jopa painya necapon-aewa barapo diwesi. Bequein saya tsiwiyo paajuntacuicoyenesum, daichitha awiya tajume diwesi pacueicueijam yawa jopa pana nepentsim xua painya tana nejume cowantsiwam. <sup>9</sup> Ichitha pomonae naerabiya jei: Paxan, judiomonae pan, jei, barapomonae, Satanás, caurimonae pia pentacaponaein tatsi bapon piamonae tatsi tsipei jopa benejume cowantsiyo. Xan exanaein xua barapomonae patsina paxamtha pentabocotha peumenaenexa tsane painya itabaratha wnae painya nepaca jainchinexa tsane. Bapoxonae barapomonae yaputaena xua xan tapaca caantobewichi pam. <sup>10</sup> Pajume cowantsiya exana dubenanaebiyama po coyene xua paca itorobatsi xua beitatemaya painompame xua jopa painya neaitaconaewa poxonae bequein ichamona paca yabara abe exana. Daxota barapo matacabi, po mataqueitha poxonae caurimonae pia pentacaponaein tatsi daxita barapo cae pin nacuathe jiwi juntu coyene jujutinchi, poxonae jiwi bichocono atene exanaeinchi bara paca capanenebiya exanaeinchi. Caurimonae pia pentacaponaein tatsi juntu coyene jujutsina pomonaetha pomonae Nacom pejume cowantsiwichi poxonae bichocono atene exanaeinchi xua daxota Nacom jopa pejume cowantsiwa tsainchi. <sup>11</sup> Imoxoyo patopeicaein. Xaniwaicha beta paxeinare pocotsiwa xua tapana nejume cowantsiwam xua bexa Nacom paca catsina pocotsiwa paca juntana jeba pia nacuatheicha beta painya tana nejume cowanta dubenanaebiyaexaemxae. Jopa pacopatsinde xua ichun paca exanaena xua abe painya neexanaewa tsane xua daxota jopa painya nexenaewa tsane pocotsiwa paca juntana jeba pia nacuatheicha. <sup>12</sup> Pomonae xua nejume cowanta dubenanaebiyaena barapomonae bichocono juntu coyene ayapusuya daunweya exanaein xua pepatsinexa tsane Nacom pia nacua beicha. Bapoxonae bapana jopa ponae tsane Nacom pia nacua weya. Bapoxonae barapomonaetha catsin po wun Taxa Nacom pewun, xua jiwi peyaputaenexa xua barapomonae apara Nacom piamonae tatsi. Yawa catsin po wun pena Jerusalén tomara pewun, po tomara Nacom pia tomara tatsi ichaxota jinompa pomonae peantobewichi Nacom. Barapo Jerusalén tomara itaboco wetsica pona ichaxoteicha xua Tanacom popona. Yawano catsin barapomonaetha tawun, po wun pena wun. <sup>13</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumo pe tanaxu tatsi paca tsipaeba, jei Nacom Pexanto', jande", nejéi Jesús pon xua uncuá.

*Meje yabara po diwesi Juan tatina Laodicea tomarapiwi*

<sup>14</sup> Jesucristo, pon xua uncuá siete xoyobe pia xainya deca xua ichaxota pentatutuntha itanacanoba, equeicha nejéi: “Barichinde tatinare pon Nacom Pejume Diwesi pepaebin pomonaetha tana nejume cowantsiwi, pomonae Laodicea tomarapiwi xua bapon petayorobinexa xua barapomonae petayorobinexa. Jande: ‘Meje xua paeba pon xaniwaicha pepaebin pon xua xaniwaicha beta naca yabara caunutsiya paeba Nacomtha. Pon xua caena bayatha daxita forota. <sup>15-16</sup> Yaputan

daxita pocotsiwa paxam paexaname. Paxam paca tsipaebatsi xua be paichimje: Ichamonae ba aichaxaibi xua apa poxonae po mera mene tana xuanu xua poxonae aque aibi yawa poxonae atou aibi. Bapoxonae mene sutabina. Paxam be barapocotsi mera pana nacayabara tscotaneme. Paxam conotha pana nejume cowantame. Jopa panepentsim xua pata tana nejume cowantsiwam. Matautano jopa bichocono paichichipaem xua painya neexanaewa pocotsiwa paca itorobatsi. Daxota anaya paca xubinchi tsipei conotha pana nejume cowantame icha xua pebin ichi xua anaya mene sutabina tsipei mene tana. <sup>17</sup> Payabara paebame po coyene xua copei painya nexeiaweim pam. Yawa payabara paebame po coyene xua painya coutha pana nayaweneibame xua jopa pacata acoibi tsabiyo xua pocotsiwan panantawenoname. Ichitha jopa payaputaebenaem xua pocotsiwa paca yabara nanta xeinatsi xua pebiwi tsobenae, paca yabara jeichi. Matautano jopa payaputaem xua paxam be pomonae peacopeibiwi pana natsicotaneme. Yawano be pomonae peitata nacutsi jiwi pana natsicotaneme. Yawano be pomonae tamasaina pana natsicotaneme. Apara xua jan: Paxam be barapomonae pam tsipei jopa beta painya juntu coyenewatha pana nejume cowantsim. Yawa jopa beta painta nacuichim, jan. <sup>18</sup> Daxota paca tsipaebatsi. Pana necomocare po penainwan pewun oro nain po nain xua daunwei xua poxoru isototha pesetsixae xua pexubinexa pocotsiwa abe. Bapoxonae xaniwaicha bara copei painya nexeiaweim pam tsane. Yawano pana necomocare po paparuwan inyapana tha tapaca cajuma xatabinexa tsane, tha tapaca cajuma acabinexatsi xua pajumasainame xua painya neuraxae. Matautano pana necomocare pewuwa tabotsinexa painya itamaiqueitha bapoxonae beta pataename. Apara xua jan: Pana newuare xua poxonae po coyene xua beta paca juntu coyene exanaeinchi xua jopa painya nexeiawem tsane painya juntu coyeneintha, pocotsiwa xua abe, jan. <sup>19</sup> Pomonae xua antobein cui itawetan xua abe exana. Equeicha cuiduban xua jopa peexanaenexa baxuan. Yawano bichocono pana nejume cowande yawano icha juntu coyene paxeinare. <sup>20</sup> Pataema bo coibototha uncuan yawa wawan. Icha pebin nejume tane yawa inta coibo sarana xorena bara joniyan yawa bara pana naba xanbe pia bothaxae. <sup>21</sup> Taxa jume cowanta ducuaenebiyon xua neitoroba beya xua poxonae bayatha tapan. Daxota Taxa necopata xua taecaenexa imoxoyo ichaxota Taxa pia pexeinya pecaethopeibiwa tatsi tauncuatsi. Icha Taxa neichi baxua, barichin tsane pomonaetha pomonae tana nejume cowantsiwi. Pomonae nejume cowanta dubenanaebiyaena xua itoroban, xua beya yacui werapoeiya othopaena, barapomonae copatsin xua peenaenexa ichaxota imoxoyo pexeinya taequeibithopeibiwa inta uncua. <sup>22</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumo pe tanaxu tatsi paca tsipaeba, jei Nacom Pexanto', jande", nejei Jesús pon xua uncua.

#### 4

*Meje yabara po diwesi xua xuan Juan tsita naitutatsi peitabocotha*

<sup>1</sup> Poxonae baxua weta, tan peitabocotha be bo boupa xua boupa yeyetanota. Yawano jume tan pejume, po jume xua copiya jume tan, po jume xua bichocono jume daunweya ajumetsaca be poxonae xua oba po

peobiwa pewın trompeta. Bapon Jesús nejei: “Anetha tsinande taxainya betsina. Catsita itatsinchi xua pocotsiwa bexa tsane exanaena”, nejei Jesús.

<sup>2</sup> Baroxonae nama bichocono Nacom pia Pejumope tınaxı tatsi nejıntı yca exana. Peitabocotha tan xua ducua pocotsiwa pexeinya peenaethopeibiwa, yawano tan pon xua equiya baxota. <sup>3</sup> Pon xua equiya baxoteicha bichocono itabara daedaena icha iboto ichi pocotsi iboto xua bichocono daedaena pocotsi iboto xua bichocono ainya matoma, po iboto pewın jaspe, yawa be pocotsi iboto pewın cornalina. Yawano matawacaicha matatsun uncueicatsi coinwawa. Barapo coinwawa bichocono sıjeya pentha exana icha iboto ichi pocotsi iboto pewın esmeralda. <sup>4</sup> Barapo pexeinya peecaethopeibiwa pia matawacaicha tatsi, tan icha peenaethopeibiwan veinticuatro po peenaethopeibiwan xoyobe. Barapo peenaethopeibiwantha ena pitiri jiwi xua matauta veinticuatro poyobe. Yawano barapo pitiri jiwi nama xataba paparuwan, po paparuwan inyapana yawano nanta xataba pocotsiwa be tepa xua penainwan, po penainwan pewın oro nain. <sup>5</sup> Barapo pexeinya peecaethopeibiwa weya be yamıxı busi xua jurujurei. Yawano jerajerei. Yawano barapo peecaethopeibiwa peitabaratha tatsi umena pecoicha be xua pocotsiwa banaxu. Barapo siete banaxutobe coichabe yabara caunuta xua Nacom pia Pejumope tınaxı tatsi xeina siete po pexeinya jıntı coyenebe. <sup>6</sup> Barapo peecaethopeibiwa peitabaratha ducua xua pocotsiwa pentha pocotsiwa icha pin mene mar ichi xua mene itarana yawa icha bosıbı muxupawa ichi xua penthiya.

Barapo peecaethopeibiwa baxota imoxoyo umena cuatro poyobe pocotsiwa xua ası. Barapo cuatro poyobe nantiyan itamaiquei dubena peitabara weyano yawa peıma werenano. <sup>7</sup> Barapo cuatro poyobe jiwana xua xuan ası, pon copiya be neuthı itabara, irı ichın be vaca pebto itabara, irı ichın be jiton itabara, irı ichın be cotsara itabara, pon pepupunaein. <sup>8</sup> Barapo cuatro poyobe daxita barompaya xeina seis po cuarafeinbe. Matautano barompaya ainya itamaiquei xeina daxita matapaieicha pepontha yawano matha iya itamaiquei dubeinya. Mataqueitha, merawithano jopa cuinaya najume copababiyo xua cueicueijeı Nacomtha pon xua eca barapo pia peecaethopeiwatha, jeye:

“ıXam pon bichocono nejıntı coyene xanepanaem,

xua bapana jopa nexeiaewa abe peexanaewa!

ıXam pon jiwi Necanamataxeinaem!

ıXam Nacom, pon neayapısbı itorobi

coyenewa xeiname!

ıXam pon caena bayatha poponeibame xuano

xua anoxuae poponeibame xuano xua bexa

ataya tsitecaeya poponaename!”

jeı barapo cuatro poyobe poxonae

cueicueijeı Nacomtha.

<sup>9</sup> Pon xua pexeinya pia peecaethopeiwatha eca, pon xua ataya popona, bapon wınae jaintatsi, barapo cuatro poyobe wınae jainta. Baxua exana tsipeı bapon pexeinya jıntı coyene pexeinaein, matautano tsipeı bapon ainya cui coyenewın peexanaein. Matautano bapon jeıchichi: “Maisa pajıntı coyene weiweinın pocotsiwan pata tana necat-sixaemxae”, jeıchichi bapon. <sup>10</sup> Poxonae barapo cuatro poyobe wınae

jainta, bapoxonaeru pitiri jiwi xua veinticuatro poyobe xua barompaya pia peenaethopeibiwatha ena, barapomonaer iru pentabocototha umena xua wunaer pejainchinexatsi pon ataya pepoponeibin. Yawa barapo veinticuatro poyobe nanta tepa wejonapenta. Bapoxonaer jeba pon ataya pepoponaer peitabaratha tatsi. Bapoxonaer jeye:

<sup>11</sup> “Pata Tanecanamataxeinaer,  
yawano xam pata Nacom.

Maisa wunaer xua paexana dubenanaebiyar  
ichamonaertha pata yabara cueicueijeinexa  
jinya pexeinya juntu coyene yawa jinya  
pexeinya ainya cui coyenewar, yawano  
jinya neayapuser itorobi coyenewa.

Baxuan paexanan tsiper xam daxita forotame.  
Tsiper xam neichichipaexer daxota baxuan  
forotame”, jei barapo pitiri jiwi.

## 5

*Meje yabara po diwesi xua poxonaer Juan tane Nacom pia diboro*

<sup>1</sup> Bapoxonaer tan diboro pecobe weya, po cobe pecoxa weya xua pon xua eca peecaethopeibiwatha. Barapo diboro quiyontsiya matuba yawano barapo diboro nantiyabe muxunene tina yawa catsababa siete xoyobe xua pocotsiwa pecatsababiwa. <sup>2</sup> Yawano tan matatsunpin pon peitorobi coyenewa xeina. Yawano jume daunweya yainyaba jeye: “¿Jintam Nacom tsitatsi pon pejuntu coyene xanepanaer pontha pon xua Nacom daxota copatsina xua barapo pecatsatabiwa petsitsinaxubiwa tsane xua pepataxubiwa tsane barapo diboro?” jei bapon. <sup>3</sup> Ichitha dapocotsin aibi pon itabocototha popona, iru pon xua popona po irathe, iruru pon popona po ire peuma bereca. Tsiper dapon aibi pon bichocono pejuntu coyene xanepanaer xua pontha pon Nacom copata xua peitacupaewatsi xua pepataxubiwa tsane yawa xua peyorobiwa tsane barapo diboro. <sup>4</sup> Bapoxonaer bichocono wecoyar tsiper dapon aibi pon xua bichocono pejuntu coyene xeicaer xua pon itacupatsi pepataxubiwa tsane yawa xua peyorobiwa tsane barapo diboro. <sup>5</sup> Bapoxonaer caer barapo pitiri jiwi, nejer: “Jopa equeicha wecoyander. Tsiper pon uncuar pon wun dutatsi: ‘León’, jei xua po wun jer: ‘neuthu’, jei bapontha Nacom copata xua exana baxua tsiper pia peayapuser itorobiwa canamataxeina. Apra bapon Judá piamonaer jiwu jiwana tatsi, pon Judá caena bayatha tupa. Barichi bapon apra David pia pemomoxi susato jiwana tatsi, pon David Judea nacuapiwi itorobiya pia pepa peewatsinchi caena bayatha. Saya meisa bapontha Nacom copata xua itacupatsi xua tsitacutsina barapo siete xoyobe xua catsataba barapo diboro peamanayabixer xua poxonaer equeicha caewa asu poxonaer tupa naetotha”, jei pitirin.

<sup>6</sup> Bapoxonaer tan Cordero xua oveja pebto penun, pon uncuar Nacom pia pexeinya peecaethopeibiwatha peitabaratha tatsi yawa xua barapo cuatro poyobe peitabaratha tatsi xua xuan asu, yawano pitiri jiwi pia xainya deca tatsi. Barapo Cordero uncuar bequein wan xeina xua poxonaer bayatha tsibexotsi jiwi abe pia peexanaer cuiru coyenein tatsi. Barapo Cordero siete po itamaiqueitobe xeina matautano siete pontetobe xeina. Barapo siete itamaiqueitobe yabara caunuta siete po

pexeinya jũntũ coyenebe xua Nacom pia Pejumope tũnaxũ tatsi xeina. Nacom najumope itoroba daxita irantha. <sup>7</sup> Barapo Cordero wecobe pita barapo diboro pecobe weya, po cobe pecoxa weya tatsi pon xua eca pia pexeinya peecaethopeibiwatha. <sup>8</sup> Poxonae Cordero pita barapo diboro, bapoxonae barapo veinticuatro pitiri jiwi, irũ cuatro poyobe xua xuan asũ daxita barapomonae pentabocototha umena barapo Cordero peitabaratha tatsi. Daxita barapo pitiri jiwi barompaya xeina xua pocotsiwan pexeinya petañbabiwan pocotsiwan pewũn arpa. Yawano barompaya xeina pocotsiwan pecaapaewan xua pocotsiwan pewũn oro nain. Yawa barapo pecaapaewixitha wũnba xua pocotsiwan petuxueiwan pocotsiwa tuxusi benata poxonae tauta. Barapo petuxueiwa yabara caunuta xua pocotsiwa poxonae pewũcaewa Nacomtha pomonae xua Nacom piamonae, pomonae pia peantobewichi tatsi. <sup>9</sup> Barapomonae pena wei naxũna, jeye:

“Xam maisa pon bichocono nejũntũ coyene xanepanaein xua netsitsinaxubiwa barapo siete xoyobe xua catsataba barapo diboro.

Tsipei bayatha pana netsitũpame poxonae paita pentoma exaname pata naexanaenexa tsane Nacom piamonae tatsi.

Yawano jiwana itapetame, pomonae tsicamonaexi xua daxita carepaya tsicamonaexitha xua necajume cowũntsiwa tsane.

Mataũtano jiwana itapetame daxita i dapomonae, pomonae barompaya icha jume penatsipaebiwa.

Mataũtano daxita carepaya tomaranpiwi jiwana itapetame.

Mataũtano daxita carepaya nacuanpiwi jiwana itapetame.

<sup>10</sup> Pana necana exaname be pomonae jiwi itorobiya pia pepa peewatsiwichi tatsi pan.

Yawa pana exanameno be pomonae sacerdotemonaepiwi pan xua Nacom pata tanacuichinexa.

Yawano pana exaname pata itorobiya ewatsinexa po cae pin nacuathepiwi”, jei barapomonae poxonae naxũna.

<sup>11</sup> Bapoxonae necotan, yawan jume tan xua bichocono pinmonae juinya pomonae Nacom pia matatsunpiwi, xua juinya barapo pexeinya peecaethopeibiwatha matawacaicha umena, yawa xua juinya barapo pitiri jiwi matawacaicha umeinchi, yawa xua juinya matawacaicha umeinchi barapo cuatro poyobe xua xuan asũ. Pomonae jume tan bichocono ayei jiwi cũcũjei. <sup>12</sup> Bapoxonae barapomonae bichocono jume daunweya paeba, jeye:

“¡Cordero, po Cordero bayatha jiwi tsibexotsi abe pia peexanae coyenewan tatsi, maisa barapo Cordero Nacom tsita jũntũ coyene xanepanatsi!

Daxota Nacom copata xua bapon xeina pia peayapusũ itorobi coyenewa.

Matautano Nacom copata xua bapon xeina  
daxita pocotsiwan xua Nacom xeina.  
Yawano xeina pia peyaputae coyenewan.  
Yawano xeina pia peayapusawa xua  
daunweya peexanaewa.

Matautano jiwi bewa baru cui  
itura jinaena barapon pon Cordero.

Matautano jiwi bewa wunaenae jainchina  
barapon pon Cordero.

Matautano jiwi bewa beta exanaenae juntu  
coyene weiweina peexanaenexatsi bapon xua  
petsitupaexae jiwi abe pia peexanaenae cuiru  
coyenein tatsi”, jei barapo matatsunpiwi.

<sup>13</sup> Yawano equeicha jume tan daxita pomonae caena bayatha Nacom  
forota: pomonae peitabocotha forotatsi, irano pomonae po cae pin  
nacuathe forotatsi, irano pomonae po ire peuma wetsina forotatsi.  
Yawano jume tan xua pocotsiwan pin mene mar mentha jinompa.  
Daxita baxuan carepaya Nacom forota. Jume tan xua jeye:

“Xam Nacom, pon ecame jinya pexeinya  
neecaethopeibiwatha irano xam Corderom,  
barabu ataya juntu coyene weiweina  
paca exanaenabe xua jiwi juntu coyene  
weiweina paca exanaenabe xua  
pocotsiwa painya neexanaexaebe.  
Barabu daxita jiwi paca baru cui  
itura jineibinabe.

Yawano barabu daxita jiwi wunaenae  
paca jainteibinabe.

Yawano barabu paxeineibinamebe peayapusawa  
xua daunweya painya neexaneibiwabe.  
Daxita barapo coyenein ataya tsitecaeya  
paxeineibinamebe”, jei daxita  
barapomonae, pomonae Nacom forota.

<sup>14</sup> Barapo cuatro poyobe xua xuan asu, jeye: “¡Bara bara, bara baxua  
exanaena!” jei. Pitiri jiwi, pomonae veinticuatro poyobe, pentaboco-  
totha umena, xua Nacom wunaenae pejainchinexatsi, pon ataya tsitecaeya  
popona.

## 6

*Meje yabara po diwesi xua siete xoyobe xua xuan pecatsababiwan*

<sup>1</sup> Bapoxonae tan poxonae Cordero tsitsinaxuba caewa xua catsataba.  
Bapoxonae caein jiwana pomonae cuatro poyobe xua xuan asu jume tan  
xua daunweya paeba xua be yamuxu busi, nejjei: “¡Anetha, taema!” jei.  
<sup>2</sup> Bapoxonae tan cawayu pemaianan. Pon cawayutha equeica, bapon  
bicheibi caequeica. Bapon pexeinya tepa catatsi penamata xatatsinexa.  
Bapon cawayutha ponataba xua beta penabinexa. Bapon amanayaba  
pia peaitafaetabiwichi.

<sup>3</sup> Poxonae Cordero equeicha tsitsinaxuba icha pecatsatabiwa, bapox-  
onae barapo cuatro poyobe jiwana xua xuan asu jume tan, nejjei:  
“¡Anetha, taema!” jei. <sup>4</sup> Equeicha patopa ichan cawayu petsobian.

Pon tsijuma equeica, bapon catatsi peayapusu itorobi coyenewa xua jiwi pejuntu coyene wepuxana exanaenexatsi po coyene xua juntema pejinompaewa. Yawano peexanaenexa xua pebiwi penajutebinexa. Matautano bapon pin dejona catatsi.

<sup>5</sup> Poxonae Cordero equeicha tsitsinaxuba icha pecatsatabiwa, bapoxonae equeicha barapo cuatro poyobe jiwana xua xuan asu jume tan, nejei: “¡Anetha, taema!” jei. Equeicha cawayu tan petsaebian. Pon tsijuma equeica, bapon comaequeica pocotsiwa pepesabiwa. <sup>6</sup> Bapoxonae barapo cuatro poyobe pia xantha jume tan xua nejei: “Saya cae kilo trigo xu cae denario nantomatsina, pocotsi paratixi xua nantomata caentaqueitha poxonae nacuita. Yawano tres po kilobe cebada beno cae denario nantomatsina pocotsi paratixi xua nantomata caentaqueitha poxonae nacuita. Ichitha jopa copatsin tsane xua abe exanaena aceite mera yawano vino mera”, jei pon jume tan.

<sup>7</sup> Barapoxonae barapo cuatro poyobe xua opi ducuanaya jume tan yawa nejei: “¡Anetha, taema!” jei. <sup>8</sup> Bapoxonae cawayu ichan tan pon na daena. Pon tsijuma equeica wan dutatsi: “Pon Petupaen”, jei. Barapo cawayu peputha tapoinchi ichan cawayu. Pon tsijuma equeica wan dutatsi: “Petupaewa Nacua”, jei. Pon tsijuma equeicabe baponbe catatsibe Cordero pia peayapusu itorobi coyenewa tatsi xua baponbe pejiwana bexubinxabe poxonae cuatro poyobe necotabe pomonae po cae pin nacuathe jinompe, yawano xua pejutebinexabe poxonae jiwi naba, yawano pejutebinexabe poxonae jiwi piyain poxoru pexaewa aibi tsane, yawano pejutebinexabe poxonae jiwi atene, yawano pejutebinexabe unupiwi xua xuan bichocono anaepana.

<sup>9</sup> Poxonae Cordero tsitsinaxuba ichaxota xua cinco po cuiyobe xua pecatsatabiwa, bapoxonae tan xua be pexaethopaewa ichaxota tauteiba duwei xua tuxusi exaneiba Nacom nexa. Baraxua xua be pexaethopaewa juma bereca tan pomonae bayatha jutebatsi ichamonae, pecaponaexae Nacom Pejume Diwesi xua amsiya awiya pecueicueijeixae. <sup>10</sup> Pomonae xua bayatha jutebatsi ichamonae, barapomonae jume daunweya paeba, jeye: “Nacom ponxaem pepa Necanamataxeinaem daxita jiwi, Nacom ponxaem bichocono nejuntu coyene xecaem. Xam ponxaem pocotsiwan yabara tsiwana muxu dubame baxuan xaniwaicha exaname. ¿Eta poxonae exanaename xua poxonae jiwi yabara paebiname xua penatsicuentisiwa xua abe peexanaexae, xuano xua pana yantomatsiname xua nejutebinexa pomonae jinompa po cae pin nacuathe copiya pata tana nejutebixae?” jei barapomonae. <sup>11</sup> Bapoxonae barapomonae juma xatabatsi paparuwan, po paparuwan inyapana. Yawano barapomonae baraichichi: “Abu cataunxuae paware beya poxonae yacui opi ducuiya weraweracaena xua cataunxuae jutebaponaeinchi pomonae iru Cristo pejume cowantsiwi. Barapomonae jutebaponaeinchi pecueicueijeixae Cristo pejume diwesi, icha xua poxonae paichim”, jei Nacom.

<sup>12</sup> Poxonae Cordero tsitsinaxuba pecatsatabiwa xua seis po cuiyobetha, bapoxonae tan xua bichocono ira jijiyata. Xometo bichocono tsaebia tsanaya icha paparuwa ichi, pocotsi paparuwa bichocono tsaebia. Jomocoichato bichocono tsofia tsanaya icha pejana ichi. <sup>13</sup> Opitei xua peitabocotha dubena othopeica po irathe tsique, icha be joibo ichi



xua jubaba higuera nae xua pethei othothepeica. <sup>14</sup> Peitaboco aichurucuae icha be poxonae ichun ichi xua poxonae mata quiyontaba papera. Mataatano demxuan, petunaetonno equeicha ichawa bepoinya poxonae ira jijiyata. <sup>15</sup> Bapoxonae daxita pomonae jiwi itorobiya pia pepa peewatsiwichi tatsi xua barapo cae pin nacuathe, barapomonae nantsiyaba. Iru pomonae pentacaponae i ru pomonae copei pexeinaewi, i ru pomonae soldadomonae pia pentacaponae xua pomonae jiwi peamanayabeibi jiwi daxita barapomonae nantsiyaba. Daxitaru pomonae pebusi cui tatayebeibiwichi i ru pomonae xua saya penata exanaewi piawan nantsiyabarun. Ichamonae barapomonae jiwana ibo muthantha nantsiyaba. Ichamonae barapomonae jiwana nantsiyaba po ibotontha xua saya bobena xua demxuan itapatororon tsica. <sup>16</sup> Barapomonae demxuan beya yawa iboton beya jeye: “Pana mataperababare xua pata werapaewa tsane xua daxota pon xua eca pia pexeinya peecaethopei iwatha jopa pata tana netaewa tsane, yawa xua barapo Cordero pecuiyainwa xua pata neperaxa jubiya exanaeyainwa xua abe pata exanaexae. <sup>17</sup> Tsipei barapo matabi patopa po mataqueitha daxita jiwi peraxa jubebinchi. Dapon aibi pon panepa barapo mataqueitha”, jei pomonae nantsiyaba.

## 7

*Meje yabara po diwesi xua Nacom itapa tina Israel pia pexui tatsi pia pemomoxi susato jiwani piwi tatsi xua peyaitaenexa*

<sup>1</sup> Bapoxonae cuatro poyobe tan matatsunpiwi xua iratha umena. Ichun uncu ichaxota pocotsiwa xometo weecoina, ichun uncu ichaxota pocotsiwa xometo bejopiya, ichunbe epatautiya uncuabe. Barapo matatsunpiwi jopa copatsiyo xua joibo pejojondenaewa barapo iratha dena, yawa xua pin mar menein dena, yawano naeintha denano. <sup>2</sup> Barichi ichun tan ichun matatsunpin pon pocotsiwa wetsina pona ichaxota pocotsiwa xometo weecoina. Barapo matatsunpin capona Nacom piawa xua pocotsiwa peyaputaewa piawaxae, pocotsiwa pecatinaewa pon Nacom peayapusu itorobi coyenewa pexeinaein. Barapo matatsunpin jume daunweya wawai icha matatsunpiwi beya xua cuatro poyobe, po cuatro poyobe pia peayapusu itorobi coyenewa xeina xua itacupatsi xua abe exanaena pin mene mar mentha yawa iratha. <sup>3</sup> Barapo matatsunpin jeye: “Jopa abe paexanaeinde iratha yawa pin mene mar mentha, paeware abun beya poxonae jiwi paitapa tinaein Nacom pia pejume cowantsiwichi, pon pata Nacom”, jei barapo matatsunpin.

<sup>4</sup> Jume tan barapomonae yabara, xua ichun jeye: “Ciento cuarenta y cuatro po jiwimonaebe paitapa tinan xua Israel pia pemomoxi susatomonae jiwana tatsi”, jei. <sup>5</sup> Barapo Israel pon icha wun Jacob. Bapon xeina doce po pexantobe tatsi pomonae caena bayatha werapa. Israel pia pexanton tatsi pia pemomoxi susato jiwi tatsi xeina. Pon Judá, barapon pia pemomoxi susato jiwani piwi tatsi Nacom itapa tina saya doce mil pomonae matabuxumonaebe. Pon Rubén, barapon pia pemomoxi susato jiwani piwi tatsi Nacom itapa tina saya doce mil pomonae matabuxumonaebe. Pon Gad, barapon pia pemomoxi susato jiwani piwi tatsi Nacom itapa tina saya doce mil pomonae matabuxumonaebe. <sup>6</sup> Pon Aser, barapon

pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. Pon Neftalí, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. Pon Manasés, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. <sup>7</sup> Pon Simeón, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. Pon Leví, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. Pon Isacar, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. <sup>8</sup> Pon Zabulón, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. Pon José, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. Pon Benjamín, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe.

*Meje yabara po diwesi xua pomonae juma xatabatsi pmainya paparuwan*

<sup>9</sup> Bapoxonae equeicha tan ichamonae pomonae bichocono jiwi ayei. Daxita nacuanpiwi jiwanamonae, yawano daxita carepaya tsicamonae aexi jiwanamonae, yawano daxita carepaya icha jumexitha pepae-biwi jiwanamonae, yawano daxita carepaya tomaran jiwanamonae. Daxita barapomonae umena ichaxota imoxoyo Nacom pia pexeinya peecaethopeibiwa, yawa xua Cordero peitabaratha tatsi. Barapomonae bichocono pin bicheito xua ichamonae jopa itacupaetsi peununaewa. Daxita barapomonae juma xatabatsi pmainya paparuwan. Yawano barapomonae pecobetha cajjinca xua be coichaxu axu. <sup>10</sup> Daxita barapomonae jume daunweya jeye:

“¡Wanacom pon xua eca pia pexeinya peecaethopeiwatha yawano Cordero pon uncuca, naca capanepa xua jopa waatenewa tsane xua abe waexanaexae!” jei barapomonae.

<sup>11</sup> Barapo matatsunpiwi matawacaicha yatoxoroto umena xua pitiri jiwi matawacaicha yatoxoroto umeinchi. Yawa pitiri jiwi matawacaicha yatoxoroto umena xua xuan cuatro poyobe xua xuan asu matawacaicha yatoxoroto umeinchi. Yawano cuatro poyobe xua xuan asu matawacaicha yatoxoroto umena xua Nacom pia pexeinya peecaethopeibiwa matawacaicha yatoxoyoroto umeinchi. Bapoxonae barapo matatsunpiwi irabe taeumendeca barapo pexeinya peecaethopeibiwa peitabaratha. Yawano Nacom wuna jaintatsi.

<sup>12</sup> Barapo matatsunpiwi jeye:

“¡Barabu Nacom juntu coyene weiweina exaneibatsi pocotsiwa xua beta waexanaewa!

¡Bara ichi tsane!

¡Barabu daxita jiwi wuna jainteibina Nacom!

¡Matautano barabu Nacom xeineibina

pia peyaputae coyenewa!

¡Matautano barabu jiwi jei tsaibi:

‘Nacom maisa pajuntu coyene weiweinan

xua amanaya pata tana neyawenaemxae',  
jei tsaibi jiwi!

¡Barab<sub>u</sub> daxita jiwi cayabara  
bar<sub>u</sub> cui itura jineibina!

¡Mata<sub>u</sub>tano barab<sub>u</sub> xeineibiname jinya neayapus<sub>u</sub>  
itorobi coyenewa, xuano xua xeinaename jinya  
neayapus<sub>u</sub>wa xua daunweya neexanae coyene!

¡Baxuan barab<sub>u</sub> ataya xeinaename!

¡Je bara ichi tsane!” jei barapo matatsunpiwi.

<sup>13</sup> Barapo pitiri jiwi jiwana caein neyainyaba, nejei: “¿Jintam barure pomonae pemainya paparuwa nama xataba? ¿Eta werena pona?” nejei pitirin. <sup>14</sup> Jume notan, janje: “¡Pon pentacoponaem, apra xam yaputaneme jame!” jan. Barapoxonae nejei: “Barapomonae apra pomonae werena pona ichaxota poxonae po mataqueitha jiwi bichocono atene exaneibatsi. Barapomonae abe pia peexanae coyenewan tatsi Nacom tajantemaina, tsipei barapomonae jume cowantatsi xua pon tsit<sub>u</sub>pa barapomonae, pon ‘Cordero’ baraichichi. Barapomonae j<sub>u</sub>nt<sub>u</sub> coyene w<sub>u</sub>nae exanatsi Nacom. Yawa pemainya paparuwa jume xatabatsi”, nejei pitirin.

<sup>15</sup> Equeicha nejei pitirin:

“Daxota barapomonae umena ichaxota imoxoyo  
Nacom pia pexeinya peecaethopeibiwa.

Barapomonae tanacuita dubenanaebiya Nacom  
mataqueitha, yawa merawithano Nacom pia  
pin botha tatsi xua pia nacuatheicha tatsi.

Pon xua eca pia pexeinya  
peecaethopeiwatha bapon eenequeibina  
barapomonae, tsipei bar<sub>u</sub> popona.

<sup>16</sup> Bapoxonae barapomonae jopa piyainyo,  
yawa jopa pia meratsino,  
yawa jopa tsaquiwichi xometotha  
xua bichocono jainchi.

<sup>17</sup> Barapo coyene jopa abe exanaeyo  
barapomonaetha, tsipei Cordero Nacom

Pexanto tatsi, pon uncua ichaxota  
imoxoyo Nacom pia pexeinya  
peecaethopeiwatha, bapon yawena  
xua barapomonae yawenatsi.

Barapon Cordero barapomonae beta yapu  
eenaeinchi, icha be poxonae  
pon ovejan peewatsin ichi  
poxonae pia ovejan matacapona beta  
ichaxota penaton mene, po meran  
mene xeica, xua peas<sub>u</sub>wa tsane.  
Bapoxonae barapomonae Nacom itacuere  
mene tsewa exanaena xua pewecoyeixae”,  
nejei pitirin.

## 8

*Meje yabara po diwesi xua siete po pecatsatabiwa xua tab<sub>u</sub> ducua*

<sup>1</sup> Poxonae Cordero tsitsinaxuba siete po cuiyobetha xua barapo diboro catsataba, bapoxonae peitaboco moya ducua saya be ainya dapaeyobe. <sup>2</sup> Bapoxonae tan siete poyobe matatsunpiwi, pomonae xua umena Nacom peitabaratha tatsi. Barapo matatsunpiwi daxita barompaya catsibatsi siete xoyobe xua pocotsiwan pecaobiwan, po pecaobiwan pewan trompeta. <sup>3</sup> Bapoxonae pirapaeyo patopa ichan matatsunpin. Barapo matatsunpin capatopa xua be coroto xua pocotsiwa oro nain coroto. Barapo oro nain corototha boca petuxuei tsapato xua petautsinexa Nacom nexa. Barapoxonae barapo matatsunpin yutabotsiya tautabota xua ichaxota pocotsiwa be pexaethopaewa, bichocono tuxuei tsurucuae. Barapo matatsunpin uncuwa ichaxota pocotsiwa be pexaethopaewa ichaxota tauteiba petuxueiwan, po petuxueiwan xua tuxusi exaneiba Nacom nexa. Bapoxonae barapo matatsunpin catatsi nawita xua petuxueiwan. Pomonae Nacom peantobewixaetsi poxonae tsipaebeiba Nacom, barapo jumein yawa muxuna jujuinya Nacom beicha barapo petuxueiwa xua poxonae tauta. Baraxua xua be pexaethopaewa ichaxota xua tauteiba petuxueiwan, baxua Nacom pia pexeinya peecaethopaewa itabaratha tatsi uncuwa. <sup>4</sup> Barapo petuxuei tuxusi mureiwa matatsunpin pia maxu wetajujuinyatsi Nacom peitabara beya yawa athabe muxuna jujuinya pejume, po jume xua jiwi poxonae tsipaeba Nacom. <sup>5</sup> Bapoxonae barapo matatsunpin barapo oro nain coroto pita, yawa barapo corototha bichocono wanca exana iso itere, po itereton xua taxua barapo petuxusi exanathopeibiwatha. Bapoxonae daxita baxua po irathe xuba, bapoxonae yamaxu busi, yawa jerajerei, yawa ira jijiyatano po cae pin nacuatha tsique.

*Meje yabara po diwesi xua trompeta xua pecaobiwan*

<sup>6</sup> Barapo siete poyobe matatsunpiwi daxita barompaya nacui wanaeta pia trompetan xua peobinexa.

<sup>7</sup> Pon xua copiya, bapon oba pia trompeta. Bapoxonae othopeica be ibotixi, pocotsiwa xua benata ichaxota po eman bichocono aque. Yawano muxuna iso itere othopeica. Yawa muxuna othopeica pocotsiwa be pejanan. Daxita baxuan matatsunpin iratha bebaichica. Bapoxonae ichaxota acoibi po iranbe tsitsiniya, cae iran jiwana wetataxua tsiniya ainya irabe jopa daichiyo. Matautano taxua ichaxota acoibi po unube tsitsiniya, cae unun jiwana wetataxua tsiniya ainya unube jopa daichiyo. Matautano naepanaewan ichaxota acoibi po wexuabe tsitsiniya, cae wexua jiwana wetataxua tsiniya ainya wexuabe jopa daichiyo.

<sup>8</sup> Bapoxonae equeicha ichan matatsunpin oba pia trompeta. Bapoxonae pocotsiwa be demxuwa taxuapona. Barapo demxuwa xubatsi pin mar mentha, yawano pin mene mar pejana mene tsanaya. Dos po pin mar menebe jopa daichiyo. <sup>9</sup> Po pin mar mentha pejana tsanaya baxota duwei werapa, po duwei jinompa baxota. Matautano jeran fobaba pocotsi naein bichocono pin naein.

<sup>10</sup> Bapoxonae equeicha icha matatsunpin xua tres poyobetha, bapon pia trompeta oba. Bapoxonae opiteito, poto pinto jopeica itaboco wet-sica po irathe tsique, yawa taxuayecapona icha banaxuto ichi. Barapo pin opiteito jopeica mentha xua yawa jopeica ichaxota ira baxupana mene mene natsibotarucua. Saya xua daxita mentha aibi. Saya poxonae tres po menebe bara cae mentha jopeica, yawa jopeica xua cae ira

бухурана mentha. Icha ira бухурана menthabe jopa daichiyo. <sup>11</sup> Barapo pin opiteito wаn dutatsi “Amargura”, jei, po jume xua “Atsu”, jei. Daxota poxonae jopeica barapo mentha mene atsu tsanaya. Pinmonae jiwi werapa poxorou apa barapo peatsu mera.

<sup>12</sup> Bapoxonae equeicha icha matatsunpin xua cuatro poyobetha pia trompeta oba. Bapoxonae jiwana muxunene weabe exana xometo. Ainya muxunenepabe jopa daichiyo. Yawa jiwana muxunene weabe exana jomocoichato. Ainya muxunenepabe jopa daichiyo. Yawa jiwana weabe exana opitei. Icha opitei nacopaba. Poxonae acoibi po opiteibe dudubena tsiniya, bapoxonae cae opiteito jiwana weabe eexana tsiniya. Yawa ainya opiteitobe jopa abe eexana tsiniyaeyo. Po opitei abe exanatsi jopa xanepanaya pentha tsurubenaeyo. Yawano jomocoichato muxunenepa, po muxunenepa abe exanatsi, jopa pentha tsurucuaeyo. Yawa xometo muxunenepa, po muxunenepa abe exanatsi, barapo muxunenepa jopa xanepanaya pentha tsurucuaeyo. Daxota mataqueitha tsiwiyo quiriquirica, yawa merawi bichocono nama.

<sup>13</sup> Bapoxonae pirapaeyo tan matatsunpin pon be cuiyausi xua juinya pupuna ducuaebiya itabocotha. Bapon jume daunweya jeye: “iPai jiwi tsobernae xua barapo jiwi abe exanaeinchi pomonae jinompa po iratha deque xua poxonae jume taena xua poxonae matatsunpiwi obina trompetan, tsipei acoibi poyobe matatsunpiwi cataunxuae jopa obiyobe anoxuae!” jei bapon, pon be cuiyausi.

## 9

<sup>1</sup> Bapoxonae equeicha icha matatsunpin xua cinco poyobetha oba pia trompeta. Bapoxonae tan pon xua be opiteito jopeica iratha bayatha, xua peitaboco wejopeica. Bapon catatsi po coyenetha itacъpatsi xua pecoibo saranaxubiwa tsane barapo pin mаthа deca xua ira bereca. <sup>2</sup> Bapoxonae bapon coibo saranaxuba. Barapo mаthа coiboto tsina be pin tsахu juiuina, po tsахu icha pabi coicha tsахu ichi poxonae pin pabi. Barapo tsахu po irathe naquitaba exana yawa xometo naquitaba exanano. <sup>3</sup> Barapo tsахu weya pupuna sure, xua daxita irantha pupuna. Barapo sure catatsi, pocotsi coyene icha puto ichi xua poxonae naca cawata. <sup>4</sup> Barapo sure itorobatsi xua jopa abe peexanaewa tsane naepanaewatha xua wexotha xuwa yawa xua tsica naexi. Yawano xua jopa abe peexanaewa tsane naeintha. Saya jame itorobatsi xua abe peexanaewa tsane jiwitha pomonae Nacom jopa itapa tinaeyo. <sup>5</sup> Ichitha jopa copatsiyo xua jiwi pejutebiwatsi tsainchi. Saya jame copata xua saya jiwi atene exanaeinchi beya poxonae cinco po kometiyobe tsane. Barapo peatenewa bichocono atene icha be poxonae ichi xua poxonae ichаn cawatatsi puto.

<sup>6</sup> Barapo mataqueitha, po mataqueitha jiwi bichocono atene tsane, cuinaya bewerapabenaena ichitha jopa cuinaya werapabenaе tsane.

<sup>7</sup> Sure be cawayumonaein nacui wаnаeta xua penabinexa. Barapo suremonaein mataina pocotsiwan be tepan be pocotsiwan penainton xuan pewаn oro nain. Matauta peitabaran be jiwi itabaran. <sup>8</sup> Pentanan bichocono antanapipiya be yabаxi, pewanon awanoyei be neuthа wanon. <sup>9</sup> Pia pepon tsebocon dubena be penain xuan baxota penayaewatsinexa, po penain pewаn hierro nain matawаn. Pecuarafein busin be cawayu busin poxonae cawayu cacuinaejjinca ainya naein xua

cawayu pecaponae naexi xua penabiwa tsane. <sup>10</sup> Pebosoton be puton bosoton xua e dubena. Pia pebosotontha itacupatsi xua abe peexanaewa jiwitha xua beya poxonae cinco po xometobe. <sup>11</sup> Barapo suremonaein xeina pia pentacaponaein, po pentacaponaein peewatsin barapo pia pin muthu, po muthu ira bemuthu taerucuaeca. Barapo matatsunpin pon suremonaein pia pentacaponaein tatsi hebreo jume wantha “Abadón”, jei. Seicaya griego jume wantha “Apolión”, jei. Barapo jume wantha jeye: “Pon Pecaewitaxubin daxita”, jei.

<sup>12</sup> Baxua weta xua copiya abe peexanaewan, ichitha awiya seica ainya peabe coyenewabe.

<sup>13</sup> Bapoxonae equeicha icha matatsunpin xua seis poyobetha oba pia trompeta. Bapoxonae jume tan xua cueicueijeji cuatro po pentetobe weya. Barapo cuatro po pentetobe umena pemuxuburutha xua be pexaethopaewa xua ichaxota tauteiba petuxueiwa xua tuxusi exaneiba Nacom nexa. Baraxua xua be pexaethopaewa daxita matapaeicha juma catsababa oro nain. Baraxua Nacom pia pexeinya peecaethopeibiwa itabaratha tatsi uncua. <sup>14</sup> Barapo matatsunpin xua pon seis poyobetha xua pon pia trompeta xeina barapo jumetha tsipaebatsi barapon. Barapo matatsunpin jeichichi: “Barapo cuatro poyobe matatsunpiwi pomonae maxu cubebatsi maxu isacapende xua pomonae umena ichaxota po mene pin mene, po mene pewan Eufrates”, jei. <sup>15</sup> Bapoxonae barapo cuatro poyobe sorobabatsi, xua jiwi pejutebiwa tsainchi. Icha bicheito jutebatsi. Dos po bicheitobe jopa jutebichi. Barapo cuatro poyobe bayatha cui wunaetatsi xua po horathe nexa, yawa xua po matacabithe nexa yawa xua po xometothe nexa yawa po weithe nexa xua poxonae pesorobabiwatsi tsainchi. <sup>16</sup> Jume tan xua pia soldadomonae yabara paeba xua pomonae bichocono ayei xainto bicheiton, jeye: “Bapon doscientos millones xeina po soldadomonae cawayutha pona”, jei.

<sup>17</sup> Xua xuan tan cawayumonaein iche: Pomonae cawayutha eneica pentacaritha cajjinca penain bocoton, petsobiwanno, yawa pesujeiwanno, yawa pedaedaenaewanno. Barapo cawayumonaein peitabaran be neuthu itabaran. Barapo cawayumonaein pecoiboton tsina iso itereton tajujinatsi xua tsuxu tsobia, yawano icha tsuxano xua coicha sujei. Yawano icha coicha po tsuxu coicha daena. <sup>18</sup> Pin bicheitomonae werapa tsipei barapo cawayumonaein pecoiboton tsina tajujinatsi iso itere, petsuxano xua sujei, yawa icha tsuxu po coicha bichocono coicha daena. Dos po bicheito cuntiyobe jopa daichiyo. <sup>19</sup> Barapo cawayumonaein pecoiboton tajujinatsi pia peayapusawan tatsi yawano pebosoton tsinano. Barapo cawayumonaein bosoton be jomon matanaein. Barapo jomo matanaeintha jiwi abe exainchi.

<sup>20</sup> Ichitha ichamonae pomonae jopa werapaeyo barapo pewerapae-wantha, barapomonae jopa pentsiyo abe pia peexanae coyenewan. Matautano jopa barapentsiyo xua antobeya wanae pejainchiwa caurimonaetha. Matautano jopa barapentsiyo po nacom oro nainto nacom, yawa plata nainto nacom, yawa bronce nainto nacom. Yawano wanae jainta ibo nacom. Yawano wanae jainta nae nacom. Barapo nacomnmonae jopa itacupaetsi xua penecotsiwa. Yawa jopa itacupaetsi xua pejume taewa. Yawa jopa itacupaetsi xua peponaewa. <sup>21</sup> Matautano jopa barapentsiyo xua ichamonae pejutebiwatsi. Yawano matauta

jopa barapentsiyo po coyene xua mara peexanaewa pia coyenewan tatsi. Yawano jopa barapentsiyo xua penata siwa xeinaewa yabuxitha. Matautano jopa barapentsiyo pecaibi coyenewan.

## 10

### *Meje yabara po diwesi xua matatsunpin capona tsica dibiriyo*

<sup>1</sup> Xan ponxaein Juan, bapoxonae equeicha tan icha matatsunpin pon bichocono peayapusun xua peitaboco wetsica pona po irathe tsique. Barapo matatsunpin tsaquinaebowa muxuna dederaquiya duneica. Yawano matatsun uncuicatsi coinwawa. Peitabara bichocono itabara pentha icha xometo ichi poxonae pentha. Yawa pesitobe be isoto coicha xua bichocono coicha tsofia. <sup>2</sup> Tsica dibiriyo pecobetha capona xua itutaduta. Po sito xua pecoxa weya pin mar mentha uncuu, yawa po sito petsocona werena iratha uncuu. <sup>3</sup> Bapoxonae bapon jume daunweya wawai be poxonae neuthu jume daunweya fiba. Poxonae bapon wawai, bapoxonae jume tan xua be jurujurei yamuxu siete po jumeyobe xua paeba. <sup>4</sup> Poxonae baxua najume weta xua be jurujurei yamuxu siete po jumeyobe xua paeba, pontaban xua tatinaenexa xua baxua paeba. Ichitha jume tan pon peitaboco wenetsipaebica. Nejei: “Moya yawun xeinare yawa jopa tinaeinde xua barapo siete jumeyobe xua be jurujurei yamuxu”, nejei.

<sup>5</sup> Bapoxonae barapo matatsunpin pon xua po sito pecoxa weya uncuu pin mar mentha yawa xua po sito petsocona weya uncuu iratha, bapon namaxu yoicha peitaboco beicha po maxu xua pecoxa weya. <sup>6</sup> Matatsunpin pon namaxu yoicha peitaboco beicha po maxu pecoxa weya, bapon jeye: “Nacom, pon ataya popona, bapon itaboco forota. Bapon irano forota, pin mar meneno forota. Daxita ichawan muxuna forotano, pocotsiwa itabocotha dubena yawa pocotsiwa irathano xeina yawa pocotsiwa pin mar menthano jinompa. Barapon peitabaratha tatsi uncuan. Bara xaniwaicha paeban bapon peitabaratha tatsi. Yabara tsiwunae muxu dutan: ‘Equeicha daxua aibi xua peewatsiwa’, jan”, jei matatsunpin. <sup>7</sup> Equeicha barapo matatsunpin jeye: “Poxonae maticabi patopaena po mataqueitha icha matatsunpin obina pia trompeta xua sietepoyobetha, bapoxonae Nacom nacui jutsina xua daxita wetsina. Nacom wetsina xuan pocotsiwan caena bayatha Nacom yabara tsiwunae muxu duta piamonae tatsitha, pomonae Nacom peitorobi jume pepaebiwi. Barapocotsiwan xua Nacom yabara tsiwunae muxu duta, baxuan jiwi jopa yaputaeyo poxoru jopa Nacom yatsicaewa tsita itutsiyo jiwitha”, jei barapo matatsunpin.

<sup>8</sup> Barapo jume pon xua itaboco wenetsipaebica, bapon equeicha netsipaeba, nejei: “Ponare yawa pire barapo dibiriyo xua po dibiriyo naitatarucua. Barapo dibiriyo pire, po dibiriyo barapo matatsunpin comauncua. Barapo matatsunpin pon po sito pecoxa weya uncuu pin mar mentha, yawa uncuu iratha po sito petsocona weya”, nejei. <sup>9</sup> Bapoxonae matatsunpin beya ponan yawa wucan barapo dibiriyo, janje: “Necare barapo dibiriyo”, jan. Nejume nota, jeye: “Moya pire, moya yawa xaema barapo dibiriyo. Poxonae barapo dibiriyo xaename necoibotha catsijain xeicaena be banto tsane. Ichitha necotsorotha atsu tsane”, nejei matatsunpin.

<sup>10</sup> Bapoxonae barapo matatsunpin wecobe pitan barapo dibiriyo yawa xan. Poxonae xan netsicoibo xeica be banto ichitha tacotsorotha bi-chocono atsu tsanaya. <sup>11</sup> Bapoxonae netsipaeba, nejei: “Xam bewa equeicha yabara tsiwɔnae muxu dutsiya paebiname po coyene bay-atha Nacom yabara paeba jiwi, xua ainya nacuanpiwi, yawa pomonae barompaya pijume pepaebiwi, yawano pomonae jiwi itorobiya pia pepa peewatsiwichi”, jei xua pon netsipaeba.

## 11

*Meje yabara po diwesi xua dos ponbe, ponbe yatsicaewa Nacom pia petapaebinchibe xua petaexaebe pocotsiwa Nacom exana*

<sup>1</sup> Bapoxonae necata naeto pocotsiwa xua peepa canaɔbiwa. Yawano matatsunpin nejei xua Nacom tapaebatsi: “Asiya uncuare yawano pire barapo naetiyo. Bapoxonae Nacom pin pia bo beya ponare, yawa bara po bo epa canaɔbare. Yawano epa canaɔbare xua be pexaethopaewa ichaxota tauteiba xua petuxueiwa xua tuxusi exaneiba Nacom nexa. Yawano ununare pomonae baxota Nacom wɔnae jaintatsi, pomonae yatsicaewa Nacom peantobewichi. <sup>2</sup> Ichitha jopa pana epa canaɔbinde, po pana pesato beya boca ichaxota Nacom pia pepa pin pia bo tatsi uncua. Tsipei barapo pana ichamonae catatsi pomonae penanapaincha jinompaewi xua icha nacuan werena peponaewi, pomonae Nacom jopa pejume cowantsiwichi. Barapomonae abe exanaena Nacom pia pexeinya tomara tatsi po tomara xua barapo cae pin nacuathe xua beya cuarenta y dos po xometobe yacui nacui wetsiya jopaena. <sup>3</sup> Xan itorobin dos poyobe, ponbe xua inta yatsicaewa paebinabe xua petaexaebe xua pocotsiwa exanan. Baponbe inta yabara tsiwɔnae muxu dutsiya paebinabe jiwitha xua beya un mil doscientos sesenta po matacabin-betha tsane. Baponbe jume xatatsinbe pocotsi paparawa xua axɔn, xua jiwi nama xatabeiba poxorū wecoyei”, nejei matatsunpin xua Nacom tapaebatsi.

<sup>4</sup> Barapo pebinbe ponbe xua inta paebabe, baponbe ichawa yabara caunutatsibe. Caena bayatha Nacom pia peitorobi jume pepaebin, pon pewɔn Zacarías yabara tina olivo naebe, yawa yabara tina ainyawabe pocotsiwa petabɔyabeibiwa pecoichan. Barapocotsiwanbe caunuta xua ponbe inta paebabe. Barapo ainya olivo naebe yawa barapo ainyawabe xua pecoichan petabɔyabeibiwa umena pentacaponaein peitabaratha tatsi, pon po cae pin nacuepiwi pia Pecanamataxeinaeinchi tatsi. <sup>5</sup> Icha ichamonae ichichipa xua baponbe abe peexanaewatsibe baponbe itacɔpatsibe xua weraweraca peexanaewabe barapomonae pecoiboto tsina icha be pocotsi coyeneya metha ichipabe xua poxonae daxita weraweraca exanabe poxonae be isoto tajuinatsibe. Barapo isototha baponbe omeicha tautabe pia peitafaetabiwichi jiwitha. Barichi werapaena pomonae ichichipa xua baponbe abe peexanaewatsibe. <sup>6</sup> Baraponbe xeinabe pia peitorobi coyenewa xua itacɔpatsibe peitaboco acatsiwa tsanebe xua jopa ema peruneicaewa tsane. Baxua itacɔpatsibe xua exanabe poxonae baponbe po matacabitha cataunxuae Nacom tapaebi ducuaebiyatsibe. Matauta baponbe pia peitorobi coyene xeinabe xua meratha equeicha pejana tsanaya exanabe. Matautano baponbe itacɔpatsibe xua exanabe poxi xua abe exana iratha. Ainya



coyenein baponbe exanabe xua xuan be pocotsi coyeneya ichichipabe xua peexanaewabe.

<sup>7</sup> Poxonae baponbe nacui wetsinabe xua tapaeba ducuaenaebiyabe xua Nacom tapaeba ducuaenaebiyatsibe, bapoxonae juinaena po m̄th̄n pin m̄th̄n tsina pon ayei pon bichocono abe peexanaein. Baraponbe be xua b̄tsibe natsicotainchi yawa amanayabinchibe xua t̄pa peexanaenexatsibe. <sup>8</sup> Pet̄paeinbe saya pesatotha bocaenabe tomara namtotha, po pepa tomaratha ichaxota matha naetotha t̄pa exanadutatsi pon jiw̄i Pecanamataxeinaein xua baponbe pia Pecanamataxeinaeinchibe tatsi. Jiwi barapo pepa tomara yabara jeichiya jeye: “Barapo Jerusalén tomarapiwi apara be ‘Sodoma tomarapiwi’, jei, yawa barichi be ‘Egipto nacuapiwi’, jei”, jei jiwi. Jiwi barapo Jerusalén tomarapiwi yabara caunutsiya paeba tsipei caena bayatha Sodoma tomarapiwi abe peexanaewimonae. Yawa ir̄u Egipto nacuamonaepiwi abe peexanaewimonae, icha barapo pepa tomaramonae ichi xua Jerusalén tomara xua abe exana. <sup>9</sup> Daxita pomonae tomarapiwi jiwana, ir̄no tsicamonaeoyo jiwana, ir̄no pomonae barompaya icha jumexitha pecueicueijeji jiw̄i jiwana, ir̄no daxita pomonae nacuanpiwi jiwana, daxita barapo jiwimonae taeumenaena barapo pet̄paeinbe. Baponbe pet̄paeinbe bocaenabe acoibi po matababibe yawa xua equeicha bara caetono. Daxita barapomonae pomonae taeumena, jopa copatsi tsane xua ichamonae bara pet̄paeinbe pem̄th̄th̄n xubiwa tsainchibe. <sup>10</sup> Pomonae xua jinompaena po irathe j̄ntemiya jinompaena xua pet̄paexaebe baponbe. Daxota daxita barapomonae j̄nt̄n coyene weiweinaena, yawano daxota barapomonae nantiya nacatsibina pocotsiwan amanaya penacatsibiwan. Barapomonae baxua exanaena tsipei ajumeitafaetabi tsane pocotsiwa paebabe Nacom nexa, ponbe Nacom peitorobi jume pepaebinbe.

<sup>11</sup> Ichitha poxonae yapu caewinaba acoibi po matababibe yawa xua equeicha bara caeto bocaenabe, bapoxonae equeicha Nacom as̄u exanaenabe. Bapoxonae asiya uncuaenabe. Daxita pomonae xua poxonae baponbe taeinchibe, bichocono junuwina. <sup>12</sup> Bapoxonae baponbe jume taenabe xua pon itaboco wetsica jume daunweya baraunchi tsainchibe, jei tsainchibe: “¡Bara wepajuinamebe!” jei tsainchibe. Bapoxonae baponbe itaboco beicha juinyaenabe tsaquinaebowatha yawa pu taeumenaeinchibe pia peaitafaetabi jiwichi. <sup>13</sup> Barapoxonae caena ira j̄jiyatsina bichocono. Ichaxota diez po bonbe uumena tsiniya cae bon jiwana othopa jujuincaena, nueve po bonbe tsiniya jopa daichi tsane. Siete mil po pebiwi matabax̄monaebe werapaena ira pej̄jiyatsixae tsane. Pomonae jopa werapae tsane bichocono junuwina daxota Nacom w̄nae jainchinch̄i, po Nacom itaboco beequiya.

<sup>14</sup> Bayatha nacui weta xua dos xoyobe xua daxita jiwi atene tsane bichocono. Ichitha imoxoyo equeicha methaunxuae tsane ichawa pocotsiwa acoibi po cuiyobe nexa pocotsiwa xua jiwi bichocono atene tsane.

*Meje yabara po diwesi poxonae xua matatsunpin xua pon siete poyobetha oba pia trompeta*

<sup>15</sup> Barapo matatsunpin xua pon siete poyobetha pia trompeta oba. Bapoxonae pejume itaboco wetsica jume daunweya jeye: “Po coyene xua jiwi itorobiya peewatsiwatsi

barapo cae pin nacuathe, anoxuae barapo peitorobi  
 coyenewa Nacom pon Wanacanamataxeinaein  
 piawa irano Mesías pon Nacom pia  
 peitorobarecaein, bapon piawa tatsi.  
 Baponbe daxita jiwi itorobiya ewatsinchi  
 barapo cae pin nacuathe xua ataya tsane”,  
 jei pomonae xua itabocotha jume  
 daunweya wawai.

<sup>16</sup> Bapoxonae tan barapo pitiri jiwi, po pitiri jiwi veinticuatro poy-  
 obe. Barapo pitiri jiwi ena pia pexeinya peenaethopeibiwatha, Nacom  
 peitabaratha tatsi. Barapo pitiri jiwi pentabocotha irabe taeumendeca  
 xua Nacom wanae pejainchinexatsi. <sup>17</sup> Barapo pitiri jiwi jeye Nacomtha:  
 “Xam pata Nacom, ponxaem jiwi  
 Necanamataxeinaem pajuntũ coyene  
 weiweinan xua pocotsiwa painta neexanaexae.  
 Xam barapo pata Nacom, pon  
 neayapusũ itorobi coyenewantha neexanaein.  
 Xam pon anoxuae ataya poponeibiname yawa  
 xua caena bayatha ataya poponeibameno,  
 yawano xua bexa tsane ataya poponeibinameno.  
 Tsipei anoxuae po mataqueithe nama tamropata  
 pitabame jinya neayapusũ itorobi coyenewa  
 xua tsita itatame xua poxonae daxita  
 carepaya nacuanpiwi itorobiname.

<sup>18</sup> Daxita nacuanpiwi cacaseba, ichitha  
 anoxuae matacabi patopa, po mataqueitha  
 bichocono anaya atene exanaename  
 barapomonae abe peexanaexae.  
 Yawano barapo mataqueitha daxita jiwi  
 yabara paebiname xua  
 penatsicuentsiwa pomonae xua wanae  
 peexanaewi irũ pomonae xua abe peexanaewi.  
 Daxita barapomonae bayatha werapa.  
 Barapo mataqueitha irũ pomonae xua cata  
 nacuita, pomonae jinya neitorobi jume pepaebiwí,  
 irũ pomonae xua pejuntũ coyene xanepanaewi,  
 barapomonae matabũxũmonaebe catsibiname  
 pocotsiwan xua bayatha jũntana jebame  
 xua nematomatsiwan.  
 Barichi catsibiname pomonaetha pomonae jopa  
 judiomonae naexanaeyo pomonae bequein bara  
 ichamonae saya pecui pawimonae, mataũtano  
 bequein bara ichamonae peainya cui jiwimonae.  
 Ichitha xam saya bara catsita najũpa.  
 Mataũtano barapo mataqueitha daxita omeicha  
 atene exanaename pomonae abe peexanaewi  
 barapo cae pin nacuathe”,  
 jei barapo pitiri jiwi.

<sup>19</sup> Bapoxonae Nacom pin pia bo tatsi nacoibo saranaxuba xua itabo-  
 cotheicha. Barapo Nacom pin pia botha jiwi tane pocotsiwa xua ichawa  
 yanta xatababota xua be caja. Barapo cajatha boca Nacom petinae

diwesi, pocotsiwa xua Nacom yabara tsiwunaē muxu duta pomonaetha pomonaē pia petanacuichiwichi pocotsiwa bexa Nacom taexanaena xua barapomonaē taexanaeinchi. Bapoxonaē yamuxu busi xua be jurujurei yawa jerajerei. Matautano ira jijiyata, yawano nawita othopeica xua dederawa, pocotsiwan benata poxonaē po eman ichaxota bichocono aque.

## 12

*Meje yabara po diwesi xua petsiriwa yawa pon pinyo, pon be jomowabi, bapon pon be Joyoinya*

<sup>1</sup> Bapoxonaē itabocotha naitata xua pocotsiwa bexa exanaena po cae pin nacuathe tsique. Tan petsiriwa powa nama xatata po paparuwa bichocono wunaē, icha be xometo ichi poxonaē pentha. Bapowa nataxu yutuncua jomocoichatho. Barapowa mataina tepa, po tepatha doce xoyobe xeina opitei. <sup>2</sup> Bapowa yaporowa jina pexuyo. Bapowa wawai tsipei atene, poxoru pexuyo naexana imoxoyo. <sup>3</sup> Bapoxonaē itabocotha equeicha naitata ichawa. Tan pon pinyo, pon be jomowabi, pon be Joyoinya. Bapon pon be Joyoinya bichocono tsobia yawa siete po pentasipabe xeina yawa diez po pentetobe xeina. Daxita carepaya pentasipantha mataina tepan. <sup>4</sup> Pebosototha ira bereca bebaireca opitei. Ichaxota acobi po opiteitonbe dudubena tsiniya cae opiteiton jiwanan abe eexana tsiniya. Barapon pon be Joyoinya ewatuncua, yabayō ewatuncuatsi, powa xua imoxoyo exanaena pexuyo. Bapon pon be Joyoinya ichichipa xane pexuyo poxonaē naexanaena. <sup>5</sup> Barapo petsiriwa tanaexanatsi pexuyo pebin wato. Barapo pexuyo, po pexuyo poxonaē wichaba itorobiya ewata pomonaē jinompa po cae pin irathe xua daxita carepaya nacuantha. Bapon daunweya beta ewata barapomonaē icha pon oveja peewatsin ichi xua poxonaē daunweya beta ewata ovejan. Bapon exana baxua naewa xua be naebarapato. Poxonaē barapo pexuyo naexana, pitatsi yawa capoinchi Nacom pia pexeinya peecaethopaewatha beicha. <sup>6</sup> Bapoxonaē barapo petsiriwa naetsiriwa ira xuepana susato tsurucuae nacua beya. Baxotiya Nacom tsiwunaeta xua pia ira nexa yawa xua bapowa pexaewa peapatsinexatsi mil doscientos sesenta matakabibetha.

<sup>7</sup> Bapoxonaē itabocotha matatsunpiwi naba. Matatsunpin pon pewun Miguel, bapon matakapona pia matatsunpiwi. Iraru pon be Joyoinya, bapon pia matatsunpiwi matakapona. Daxita barapo bicheito nantiya naba. <sup>8</sup> Ichitha pon be Joyoinya iru pia matatsunpiwi tatsi jopa cui jupaetsi xua Miguel peamanayabaxubiwatsi yawa xua pia matatsunpiwi tatsithano. Daxota pon be Joyoinya yawa pia matatsunpiwi tatsino jopa cui jupaetsi xua peitabocotha pejinompaewa tsipei amanayabapentatsi. <sup>9</sup> Bapon pon be Joyoinya yawa pia matatsunpiwi tatsino itawetsicatsi po irathe tsique. Bapon pon be Joyoinya pon caena bayatha yabara paebatsi xua jeye: “Bapon apara jomo”, jei. Bapon caurimonaē pia pentacaponaēin tatsi xua icha wun pewun Satanás. Bapon pon jiwi pemuxujainyabeibin pomonaetha pomonaē jinompa daxita po cae pin irathe tsique.

<sup>10</sup> Bapoxonaē itabocotha pejume jume tan pon xua jume daunweya wawai, jeye:

“Anoxuae Nacom naca capanepa exana pia

peayapusu itorobi coyenewatha xua pon be  
 Joyoinya jopa wanacanamataxeinaenexa.  
 Yawano anoxuae Wanacom itorobiya ewata  
 daxita carepaya nacuantha pomonae  
 jinompa po cae pin irathe tsique.

Yawano anoxuae Nacom Mesías catatsi  
 pia peayapusu itorobi coyenewa pon  
 Nacom pia peitorobin tatsin.

Daxita barapo coyenein anoxuae pata,  
 tsipei pon be Joyoinya itawetsicatsi  
 po cae pin irathe tsique.

Pon Nacom itawetsica, bapon wajiwimonaetha,  
 pomonae jume cowanta Nacom, abeya  
 muxujainyabeibatsi merawitha yawa  
 mataqueithano xua Nacom peitatha tatsi.

<sup>11</sup> Wajiwimonaetha pomonae iru xua pejume  
 cowantsiwi Nacom, barapomonae amanayaba  
 bapontha pejume cowantsixae xua  
 Mesías tsitupa barapomonae.

Bapon pon Cordero, xua pon oveja pebto penun.  
 Yawano amanayaba bapomonae tsipei Mesías  
 yabara paeba dubenanaebiyatsi pocotsiwa  
 bapon barapomonae taexainchi.

Barapomonae amanayaba, tsipei najei: ‘Bequein  
 bapon pon be Joyoinya ichichipa naca juteba  
 ichitha jopa junuwichi xua werapaeinchi.  
 Awiya jume cowanta dubenanaebiyaeinchi  
 Nacom’, najei.

<sup>12</sup> ¡Pajuntu coyene weiweinare pomonae  
 itabocotha painya nejinompaexae!  
 ¡Daichitha tsobenae pomonae jinompa  
 po cae pin nacuathe deque, yawano  
 xua xuan pin mar mentha jinompa,  
 tsipei Satanás bara bereca  
 bichocono anaepanaya patopareca!

Bapon Satanás yaputane xua jopa  
 bayatha tsaibi tsane poxonae abe  
 exaneibina po cae pin nacuathe deque”, jei.

<sup>13</sup> Poxonae barapon pon be Joyoinya, pon Satanás itawetsicatsi po  
 cae pin irathe tsique, bapoxonae yabuyo barainatsi, powa xua bayatha  
 pexuyo exana pebin wuto. <sup>14</sup> Ichitha Nacom, barapowa pecuarafe  
 catatsi, ainya cuarafebe xua cuiyausi piawan. Daxota Nacom cata  
 xua bapowa tajn beya pepupunaenexa ichaxota po ira beya xua Na-  
 com bayatha tsiwunaeta, xua pepupunaenexa pon be Joyoinya weya.  
 Barapowa pupuna barapo ira xuepana susato tsurucuae nacua beya.  
 Nacom apata bapowatha pexaewa tres po weibetha yawa xua seis po  
 xometobetha. <sup>15</sup> Bapon pon be Joyoinya pecoiboto tsina mene sutaba  
 xua peawabonexa xua bapowa pemonoxubinexa tsainchi awabotha.  
<sup>16</sup> Ichitha ira bapowa yaweinchi. Barapo ira, naira yetaxuba yawa  
 mene apaxoreca, po mene bayatha sutaba bapon pon be Joyoinya.

17 Bapoxonae bapon pon be Joyoinya bichocono anaepana bapowatha. Daxota bapon nainya pona bapowa piamonae tatsi beya tatsi xua penabinexa. Bapon ba xua butsi pomonae jume cowanta Nacom pena-jume caitorobi diwesi xuano xua paeba dubenanaebiya Jesús pejume diwesi. 18 Bapoxonae bapon pon be Joyoinya, pon be jomowabi, pin mar mene itapa taetabotha uncua xua pewabinexa ichamonae xua peyawenaenexatsi.

## 13

*Meje yabara po diwesi pon ayei, pon be Corei, iruno xua ichan pon ayei, pon be Metsametsawa*

1 Bapoxonae ichan tan pon pin mar mene juina pon ayei, pon be Corei. Bapon xeina siete po pentasipabe yawa diez po pentetobe. Daxita carepaya pentetontha mataina tepan. Daxita carepaya pentasipantha tinaduba pewanxi, po wanxi xua Nacom abe yabara paebatsi. 2 Barapon pon be Corei be neuthu xua yaquiquibia. Petaxu be tson taxu. Pecoiboto be neuthu coiboto. Pon petsobian, bapon pon be Joyoinya cata pia peayapusu coyenewa, pon be Corei catatsi. Yawano muxuna catatsi pia pexeinya peecaethopaewa. Yawano catatsi pia peayapusu itorobi coyenewa. 3 Cae matasipatha xua pon be Corei matasipa, wan ducua be poxonae xua pocotsin tupaena. Ichitha barapo matasipa naawanxaebi exana. Daxita barapo irathe nacuanpiwi nabenaeca, tsipei naawanxaebi exana barapo matasipa. Daxota po irathe nacuanthepiwi jume cowanta bapon, pon be Corei jume cowantatsi. 4 Barapon pon be Joyoinya wuna jaintatsi, jiwi wuna jainta, tsipei barapon cata pia peayapusu itorobi coyenewa pontha pon be Corei. Barichi pon be Corei wuna jaintatsi, jiwi wuna jainta. Jiwi jeye: “Maisa barapon, pon be Corei ainya cui, peayapusu itorobi coyenewa pexeinaein. Dapon aibi pon pecui jupaewatsi xua bapon peamanayabixubiwatsi”, jei jiwi.

5 Yawano barapon, pon be Corei copatatsi xua Nacom abe peyabara paebinexatsi. Yawano barapon, pon be Corei copatatsi xua jiwitha peitorobinexa cuarenta y dos po xometobetha. 6 Bapoxonae barapon, pon be Corei bara baxua exana, xua copatatsi. Bapon Nacom abe yabara paebatsi. Matautano Nacom pin pia bo tatsi abe yabara paebatsi. Matautano Nacom piamonae tatsi, pomonae jinompa itabocotha abe yabara paebatsi. 7 Yawano barapon, pon be Corei copatatsi, xua bena xua beinchi pomonae Nacom pejume cowantsiwichi, beya xua poxonae barapomonae amanayabapentsinchi. Yawano barapon, pon be Corei catatsi peitorobi coyenewa, xua daxita jiwi peitorobiwatsi xua pomonae daxita carepaya tsicamonaexi peitorobiwatsi. Matautano catatsi xua daxita carepaya tomaranpiwi peitorobiwatsi. Matautano catatsi xua daxita carepaya pomonae icha jumeintha pecueicueijeijiwi peitorobiwatsi. Matautano catatsi xua daxita carepaya nacuanpiwi peitorobiwatsi. 8 Barapon, pon be Corei wuna jaintatsi xua daxita carepaya po cae pin irathe nacuanpiwi wuna jainta. Barapomonae jopa wan dubenaeyo diborotha, po diboro pon Cordero xeina pecobetha, pon Mesias pon naethohta tupa. Barapo diborotha Nacom wan duba pe-jume cowantsiwichi caena bayatha poxonae Nacom aena forota nacua. Pomonae wan dubena barapo diborotha jopa weweracaeyo.

<sup>9</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope t̃nax̃u tatsi paca tsipaeba xua meje:

<sup>10</sup> “Pomonae xua ich̃n waetabatsi xua atene peexanaenexatsi barapomonae xuya bara teicaeinchi ichamonae atene peexanaenexatsi tsane.

Pon xua cusitha namawainta xua ich̃n bexubatsi, bapon xuya cusitha bexubinchi”, paca jei Nacom pia Pejumope t̃nax̃u tatsi.

Daxota pomonae pejume cowantsiwi Nacom bewa saya j̃nt̃u coyene daunweya jinompae xua xuya jopa taexanae tsane ichamonaetha xua bequein abe taexanaeinchi ichamonae. Yawano bewa jume cowanta dubenanaebiyaena Nacomtha.

<sup>11</sup> Bapoxonae tan ich̃n pon ayei pon be Metsametsawa. Bapon ira wejuina. Yawa mate ducua icha Cordero ichi pon oveja pebto peñn. Daichitha poxonae cueicueije, be poxonae cueicueije pon be Joyoinya. <sup>12</sup> Bapon xeina peayapus̃u itorobi coyenewa, po peayapus̃u itorobi coyenewa xeina pon be Corei. Bapon pon be Metsametsawa, daxita jiwi itorobatsi xua w̃nae pejainchinexatsi pon be Corei, pon pia coutha nantasipa awanxaeibi exana. <sup>13</sup> Yawano pon be Metsametsawa exana nawita xua pexeinya petsita itutsi coyenewa. Yawano bapon exana xua itorobica itaboco wetsica xua pocotsiwa be isoto xua po cae pin iratha tsique xua jiwi petaenexa. <sup>14</sup> Barapon pon be Metsametsawa petsita itutsi coyenewa exana pon be Corei peitabaratha tatsi. Barapo petsita itutsi coyenewantha bapon muxujainyaba xua muxujainyabatsi pomonae jinompa daxita carepaya nacuantha xua barapo cae pin nacuathe. Bapon pon be Metsametsawa itoroba jiwitha xua peexanaenexa ibo nacom xua canaxobiya exana pon be Corei, pon xua xeina pentasipatha xua dejona wan, pon bequein wan ducua, ichitha jopa t̃paeyo. <sup>15</sup> Barapon pon be Metsametsawa peitorobi coyene catatsi xua as̃u exana barapo ibo nacom pon be Corei. Poxonae barapo ibo nacom as̃u tsane, cueicueije tsane yawa jutebina daxita pomonae jopa w̃nae jainchichi. <sup>16</sup> Yawano bapon itoroba ich̃ntha xua daxita cobe juma tinaeinchi po cobein pecoxa weya, yawa xua ichacuitha itapa tinaeinchi, xua pomonae jopa ainya cuiyiyo, ir̃u pomonae xua peainya cui jiwi, ir̃u pomonae xua copei pexeinae jiwi, ir̃u pomonae peacopeibi jiwino, yawano pomonae pia coutha penata exanae jiwi, ir̃no pomonae xua pebusi tatayebeibiwichi. <sup>17</sup> Dapon aibi pon itac̃patsi xua piawan comoca yawa xua caenaeta piawan icha jopa xeinaeyo barapo pecobe juma tinaewa. Barapo pecatinaewa pon be Corei pew̃n tatsi, ichacuitha barapo pecatinaewa saya número xua pew̃n tatsi pia número tatsi.

<sup>18</sup> Beta pananta xeinare xua yabara painya neyaputaenexa baxuan. Pon xua yaputane baxua b̃u bapon yabara nanta xeina xua pon be Corei pia número tatsi. Barapo número j̃pa xua pebin pew̃n. Barapon pon be Corei pia número tatsi baxue: seiscientos sesenta y seis.

## 14

*Meje yabara po diwesi xua pomonae nax̃na 144, 000 po bicheitomonae matab̃x̃u be*

<sup>1</sup> Bapoxonae tan Cordero xua oveja pebto peñn xua uncuia demxuwatha, po demxuwa pew̃n Sión. Barapo Cordero bar̃u uncuia ciento

cuarenta y cuatro mil po bicheitomonae matabuxube. Barapo ciento cuarenta y cuatro mil po bicheitomonae matabuxube daxita carepaya itapa tinatsi barapo Cordero pia wun tatsi, yawano xua Paxa tatsi pia wun tatsino. <sup>2</sup> Bapoxonae jume tan pejume itaboco wet-sica. Barapo pejume bichocono jume daunwei be poxonae xua ainya pin menein busin xua poxonae tajw wemene othopeica. Yawano be poxonae xua yamuxu nameta, yawa be poxonae ainya busin xua pinmonae tanbaba. <sup>3</sup> Barapomonae pomonae tanbaba pexeinya wei naxuna Nacom pia pexeinya peecaethopaewa itabaratha tatsi, xuano xua barapo cuatro poyobe peitabaratha tatsi xua xuan asw, yawano xua pitiri jiwi pia peitabaratha tatsi. Ichamonae jopa itacupaetsi barapo wei xua peyaputaewa xua po wei naxuna barapomonae. Saya jame barapomonae, pomonae ciento cuarenta y cuatro mil po bicheitomonae matabuxube yaputane barapo wei xua pomonae po irathepiwi jiwanamonae, pomonae bayatha Cordero capanenebiya abe pia peexanaewan weya poxonae tsitupa barapomonae. <sup>4</sup> Barapomonae jopa nataxobiyo xua penasi cui exanaewa xua yabuxitha pejeinya enaexae. Yawano barapomonae exaneiba daxita xua pocotsiwan Cordero itoroba xua poxonae barapomonae napuna poneiba ichaxota Cordero poneiba. Barapomonae capanenebiyatsi, Nacom capanenebiya xua daxita carepaya jiwi jiwanamonae tatsi xua bapomonae pecana exanaenexatsi pomonae bichocono pepa pejuntw coyene xanepanaewi Nacomtha irano Corderotha pomonae xua copiya, pomonae xua Nacom pejume cowantsiwichi. <sup>5</sup> Barapomonae jopa penaerabiwi tsipei barapomonae bichocono pepa pejuntw coyene xanepanae jiwi, Nacom peitabaratha tatsi. Barapomonae jopa xeinaeyo xua penatsicuentisiwa Nacom peitabaratha tatsi xua abe peexanaexae.

*Meje yabara po diwesi xua cueicueijejei acoibi poyobe matatsunpiwi*

<sup>6</sup> Bapoxonae tan ichun matatsunpin xua pupuna itabocotha. Barapo matatsunpin capana pexeinya jume diwesi po diwesi xua ataya tsiteca, po diwesi xua jiwi pecapanenebiwatsi abe pia peexanaewan weya. Barapo diwesi daxita carepayan jiwi nexa: pomonae daxita nacuanmonaepiwi nexa, irano pomonae tsicamonaexipiwi nexa, irano pomonae barompaya icha jumein pecueicueijejiwi nexa, iraw daxita tomaranpiwi nexano. <sup>7</sup> Barapon jume daunweya paeba, jeye: “Pacunuwiya jinompare Nacom xua beta painya nejume cowantsiwa. Yawano Nacom wunae pajainde. Tsipei anoxuae nama barapo matacabi patopa po mataqueitha Nacom yabara paebina jiwi xua penatsicuentisiwa xua abe peexanaexae. Wunae pajainde pon exana itaboco, xuano xua exana pin mar mene, yawa exana ira bwxupana mene”, jei barapon pon jume daunweya paeba.

<sup>8</sup> Ichun matatsunpin cotacaya patopa, bapon jeye: “¡Bayatha Babilonia tomarapiwi wetaxotsi po tomara pepa tomara, tsipei barapo tomarapiwi bichocono abe exana! ¡Barapomonae cuiduba ichamonae xua ichamonae abe peexanae coyene peexanaenexa xua penasi cui exanaewa tsane yabuxitha, xua iru pebiwitha!” jei matatsunpin.

<sup>9</sup> Bapoxonae ichun matatsunpin patopa, bapon jume daunweya jeye: “Icha ichun wunae jainta ibo Corei nacomtha xua saya canaxoba yawa icha itapa tinatsi, yawa ichacuitha xua icha cobe juma tinatsi, bapoxonae Nacom bichocono casebina bapon xua bapon casebinchi.

<sup>10</sup> Bapoxonae Nacom bichocono abe exanaena bapon. Baxua Nacom exanaena xua bayatha bapon peyabara nacui w̄naetsixaetsi. Jopa juniya exanae tsane poxoru bichocono Nacom yabara anaepana. Barapon bichocono atene tsane poxonae Nacom tautsina barapon isototha, yawa xua po tsuxu, tsuxu daena, po tsuxu pewun azufre matawun. Nacom baxua exanaena pia matatsunpiwi peitabaratha tatsi yawa Cordero peitabaratha tatsi. <sup>11</sup> Po isototha Nacom tautsina bapon, barapo iso tsuxu athabe jujuneibiyaena ataya. Barapo petautsiwa jopa itacupae tsainchi xua pewetsiwa mataqueithano, yawa merawithano. Barapo isototha tautinchi pomonae pon be Corei w̄nae jaintatsi xuano xua barapo ibo Corei nacom w̄nae jaintatsi, yawano xua barapomonae itapa tinatsi barapo Corei pia w̄ntha tatsi”, jei matatsunpin.

<sup>12</sup> Pomonae exana dubenanaebiya po coyene Nacom itoroba pia peitorobi coyenewantha, yawano xua Jesús beta jume cowanta dubenanaebiyatsi, barapomonae apara xaniwaicha Nacom piamonae tatsi. Barapomonae tsita itapeinya xeina xua Nacom piamonaetsi tsipei barapomonae bepijawa jopa aitaconaeyo xua peewatsiwa pocotsiwa bexa Nacom exanaena pomonaetha, pomonae abe exana Nacom piamonaetha tatsi.

<sup>13</sup> Bapoxonae jume tan pejume xua peitaboco wenebaraichica. Nejei: “Baxua tinare: ‘B̄u bara juntu coyene weiweina pomonae jume cowantsiya werapaena Jesustha, pon jiwi Pecanamataxeinaein’, jei”, nejei.

Nacom pia Pejumope t̄naxu tatsi jeye: “Aa baxua. Yawa wetsina pia penacuichiwan po penacuichiwan Nacom taexainchi yawa nafifina ewatsina Nacom pia nacuathaeicha. Po coyene xua barapomonae juntu coyene xanepana dubenanaebiya, yawa po coyene xua barapomonae beta taexana dubenanaebiya xua ichamonae taexana dubenanaebiyatsi, barapo juntu coyene barapomonae yawa ponaena Nacom pia nacua beicha tatsi”, jei Nacom pia Pejumope t̄naxu tatsi.

*Meje yabara po diwesi xua matatsunpiwi cusin caucuboba po cae pin irathe tsique*

<sup>14</sup> Bapoxonae equeicha tan tsaquinaebowa xua inyapana. Barapo tsaquinaebo jumatha eca ponxae itaboco wetsica pona, ponxae Nacom peitapetsinxae. Bapon mataina tepa, yawa comaeca pocotsiwa be cusi xua xuiyoi. <sup>15</sup> Bapoxonae icha matatsunpin Nacom pin pia bo weya pona. Bapon jume daunweya wawai pon tsaquinaebo jumatha eca beya, jeye: “¡Barapo cusi caucubobare yawa jore pocotsiwa xua naweta tsipei barapo matakabi patopa, po mataqueitha naweta po cae pin irathe deque!” jei matatsunpin. <sup>16</sup> Bapoxonae pon tsaquinaebowatha eca yawa xua cusi comaeca, barapo cusi caucuboba po cae pin irathe, daxita canacui wetsiya exana.

<sup>17</sup> Bapoxonae equeicha ich̄n matatsunpin Nacom pin pia bo weya pona xua itaboco weya. Barapo matatsunpin cusi capona, po wato bichocono xuiyoi. <sup>18</sup> Bapoxonae equeicha icha matatsunpin pocotsiwa be pexaethopaewa weya pona ichaxota duwei tauteiba xua tuxusi exaneiba Nacom nexa. Barapo matatsunpin canamataxeina xua tauta pecana exanaewa. Barapo matatsunpin ir̄u cusi xeina, po wato xuiyoi. Yawa bapon jume daunweya wawai icha matatsunpin beya pon ir̄u pia wato xeina cusi. Bapon jeye: “¡Barapo cusi caucubobare yawa nore uva



peparun xua po cae pin irathe deque dubena tsipei bayatha naweta!” jei barapo matatsunpin. <sup>19</sup> Nexata barapoxonae barapo matatsunpin cusi caucuboba yawa nota uva peparun. Yawa barapo uva peparun bebareca pin pecacubi fetotha xua pemene yucaenexa barapo uva cuei. Icha jiton ichi xua bichocono daunweya cuba uva cuei, bara jata ichi Nacom jiwitha, xua poxonae bichocono atene exanaena jiwitha xua abe peexanaexae jiwi. <sup>20</sup> Barapo uva cuei tomara juma beya cuba. Barapo pecacubi feto wetsina jujuna petsobia mera, be pocotsiwa pejana, beya xua cawayu ponxo jayeichatsi yawa xua iratha iya xua taju beya xua trescientos po kilómetrobe. Icha jiton ichi uva cuei xua tomara juma beya cuba Nacom jiwitha barichi tsane bichocono atene exanaena pomonaetha pomonae abe peexanaewitha, beya poxonae pejanan taju ayei tsoponae tsane.

## 15

*Meje yabara po diwesi xua matatsunpiwi capana siete po coyenewabe xua po coyenewa peabe cui coyenewa*

<sup>1</sup> Bapoxonae equeicha tan peitabocotha icha pin petsita itatsi coyenewa xua nebensaeca. Tan siete poyobe matatsunpiwi yawa xua cajijinca siete po cui coyenewabe xua po coyenewa peabe coyenewan. Poxonae weta xua exana barapo matatsunpiwi barapo siete po peabe cui coyenewabeta bapoxonae Nacom nacui weta xua poxonae anaya bichocono atene exana jiwi abe peexanaexae.

<sup>2</sup> Bapoxonae tan pocotsiwa be pin mene mar, po pin mene mar copiya tan. Barapo pin mene mar icha be bosibu muxupawa ichi xua penthiya. Yawa tan xua muxunaxuba pocotsiwa be isoto xua itadudubiya. Yawa tan pomonae amanayaba xua pon be Corei amanayabatsi. Barapomonae jora wuna jainchiyo pon be Corei yawa pon be ibo Corei nacom, yawano jora itapa tinaetsi pon be Corei pewantha. Barapomonae imoxoyo caquita umena barapo pin mar mene. Yawano barapomonae caumena arpa matawun xua pocotsiwa pecatanbawian xua Nacom catsiba. <sup>3</sup> Barapomonae naxuna Moisés pia wei tatsi, pon Nacom pia penacuichiwa tatsi taexainchi. Yawano barapomonae naxuna Cordero pia wei tatsi, barapo naxobe weibe jeye:

“Pata Nacom, pon jiwi Necanamataxeinaein, daxita xam exaname bichocono peainya cui coyenewa yawano bichocono wuna.

Xam pon, daxita neayapus  
itorobiya coyenewan xeiname.

Jinya coyenewan bara pexainyeiwan  
poxoru beta exaname.

Xam itorobiya neewatsin daxita  
carepaya nacuanpiwi.

<sup>4</sup> Xam pon jiwi Necanamataxeinaein.

Daxita jiwi junuwiya cabaru cui itura jinaena.  
Yawano daxita jiwi wuna cajainchina tsipei  
saya meisa xam nejuntu coyene xeicaem.

Daxita carepaya nacuanpiwi patsina xua wuna  
necajainchinexa tsipei barapomonae bayatha tane  
pocotsiwa xua betiya xanepanaya exaname”,

jei barapomonaē.

<sup>5</sup> Bapoxonaē equeicha tan peitabocotha Nacom pin pia bo. Po boyo tututha uncua barapo Nacom pin pia botha tatsi po boyotha ichaxota Nacom popona, barapo tutu nacoibo saranaxuba. <sup>6</sup> Barapo tutu weya matatsunpiwi pona pomonaē xua siete poyobe yawa capona siete po coyenewabe xua peabe cui coyenewan. Yawano nama xataba paparuwan, po paparuwan bichocono inyapana yawano daedaena. Yawa naepa paba pocotsiwan be coreinya bocoton xua beya juntacari jayabeinatsi. <sup>7</sup> Bapoxonaē tan caein, xua jiwana barapo cuatro poyobe xua xuan asu. Bapon barapo siete poyobe matatsunpiwi catsibatsi coroton xua wunba po coyenewan peabe cui coyenewan pocotsiwan Nacom exanaena, pon ataya popona. <sup>8</sup> Bapoxonaē barapo tututha, bichocono petsuxu wanca. Barapo tsuxu Nacom pia xainya weya tatsi tapichapatsi pon peainya cuin yawa xua peayapusu itorobi coyenewa pexeinaein. Dapon aibi pon pecopatsiwatsi xua pejoniyaewa barapo tututha poxonaē cataunxuae jopa wetsiyo barapo siete po coyenewabe po coyenewan peabe cui coyenewan xua matatsunpiwi capona.

## 16

*Meje yabara po diwesi xua barapo corototha xeina siete po coyenewabe po coyenewa xua peabe cui coyenewan*

<sup>1</sup> Bapoxonaē jume tan xua jume daunweya wawai barapo tutu weya, xua wawai barapo siete poyobe matatsunpiwi beya, jeye: “Paponare po cae pin irathe deque, yawa barapo siete po coyenewabe po coyenewan xua peabe cui coyenewan xua xeina barapo coroton juntututha baxua paepababare bara bereca. Po coyenewan xua corotontha tsijuntutha xeina baraxuan po coyenein xua Nacom bichocono atene exanaena jiwi penatsicuentsexae xua abe peexanaexae Nacomtha”, jei.

<sup>2</sup> Matatsunpin pon xua ichaxota ba “uno”, jei, bapon copiya piawa epataba. Bapoxonaē pomonaē itapa tinatsi xua pon be Corei pewun tatsi, xuano xua wunaē jainta ibo Corei nacom, bapomonaē barapoxonaē nainya xeina xua peaperubewan xua bichocono aperutane.

<sup>3</sup> Bapoxonaē equeicha icha matatsunpin pon ichaxota ba jei “dos”, jei, bapon piawa epataba pin mar mentha. Bapoxonaē barapo pin mar mene bichocono mene janowanaya be poxonaē xua petupaein boca. Barapo pin mar mentha daxita werapa xua xuan baxota jinompa.

<sup>4</sup> Bapoxonaē equeicha ichun matatsunpin pon xua ichaxota ba jei: “tres”, jei, bapon piawa epataba meneintha yawa ira buxupana meneintha, bapoxonaē barapo menein be pejanan tsanaya.

<sup>5</sup> Bapoxonaē jume tan barapo matatsunpin xua yapucauncua barapo menein. Bapon jeye:

“Nacom maisa xaniwaicha betiya yabara  
paebame poxonaē atene exaname jiwi xua  
penatsicuentsexae xua barapomonaē  
bichocono abe peexanaewi.

Bapana jopa abe exanaem.

Xam nejuntu coyene xeicaem,

yawa xua pon anoxuae nepoponaem,

yawa xua pon caena bayatha nepoponaemno.

<sup>6</sup> Tsipei barapomonaē jinyamonaē jutebatsi,

yawano tsipei jutebatsi pomonae  
neitorobi jume pepaebiwi.

Daxota barapomonae xuya werapa exaname,  
peyantomatsiwa exaname abe peexanaexae copiya”,  
jei barapo matatsunpin Nacomtha.

<sup>7</sup> Equeicha ichan jume tan pon cueicueijeji pon uncua ichaxota pocotsiwa be pexaethopaewa xua ichaxota tauteiba duwei xua tuxusi exaneiba Nacom nexa, bara weya jeye: “Xam, Nacom pon jiwi Necanamataxeinaem daxita peayapusu itorobi coyenewan nexeiinaem. Tsipei xam yabara paebame xua jiwi penatsicuentisiwa xua abe peexanaexae daxota bewa atene tsane. Pocotsiwa xua exaname bara xaniwaicha betiya exaname, tsipei bapana jopa abe exanaem”, jei pon xua peaba.

<sup>8</sup> Bapoxonae equeicha icha matatsunpin pon ichaxota ba jei “cuatro”, jei, bapon piawa epataraba xometotha. Barapo matatsunpin xometo catatsi po coyene xua xometo exanaena xua jiwi petautsinexatsi xua xota bichocono atsa. <sup>9</sup> Bichocono daxita carepaya jiwi taxuatsi. Ichitha barapomonae icha juntu coyene jopa xeinaeyo matautano Nacom jopa wuna jainchichi, yawa barapomonae Nacom abe yabara paebatsi yaitama Nacom xeina peayapusuwa xua itoroba barapo coyenewan po coyenewan xua peabe cui coyenewa.

<sup>10</sup> Bapoxonae equeicha icha matatsunpin pon ichaxota ba jei: “cinco”, jei, bapon piawa epataraba pon be Corei pia peecaethopaewatha tatsi. Yawano barapon pon be Corei po coyene xua itoroba piamonae jopa xapain piamonae matacaponaeyo be pon xua pona poxonae quireitha. Daxota piamonae tatsi juntu coyene deideijeji. Barapomonae peparaxaewa nawano sine. <sup>11</sup> Jopa juniya exanaponaeyo barapo coyenewan po coyenewan xua peabe cui coyenewan, yawano cataunxuae barapomonae exanapona xua Nacom abe yabara paebatsi po Nacom itabocotha eca. Daxota barapomonae Nacom abe yabara paebatsi yaitama Nacom barapo peatene cui coyenewa itoroba yawano xua itoroba peaperatanewan.

<sup>12</sup> Bapoxonae equeicha icha matatsunpin pon ichaxota ba jei “seis”, jei, bapon piawa epataraba po pin mene mentha pewan Eufrates. Barapo Eufrates mene namto naexaniya xua pepatsinexa pomonae pocotsiwa werenepiwi pomonae jiwi itorobiya pia pepa peewatsiwichi.

<sup>13</sup> Nexata bapoxonae tan xua pon be jomowabi, pon Joyoinya. Iru tan pon ayei, pon be Corei. Iru tan pon xua naerabiya jeye: “Xan Nacom peitorobi jume tapaebin”, pon jei. Daxita barapomonae barompaya pia coiboton tsina tajujuinatsi acoibi poyobe cauri xua xuan be pocotsiwan cuei. <sup>14</sup> Barapo caurimonae exana pexeinya petsita itutsi coyenewan. Barapo caurimonae ponarucapa xua penacaetuta exanaenexa daxita pomonae jiwi itorobiya pia pepa peewatsiwichi. Baxua exana xua naba peexanaenexa po mataqueitha Nacom nabenabe pon jomowabi pon Joyoinya. Barapon Nacom daxita peayapusu itorobi coyenewan pexeinaein.

<sup>15</sup> Nacom jeye: “Taema, jemeicha patopaein icha be pon pecaibin ichi poxonae jemeicha patopa. Juntu coyene weiweina pon xua yoyoca tsipei nama xatata paparuwa xua jopa petamsa ponaenexa jiwi itatha xua bapon petaewatsi daxita pia pepon”, jei Nacom.

<sup>16</sup> Daxita pomonae jiwi itorobiya pia pepa pecanamataxeinaewichi, barapomonae nacaetuta ichaxota po iratha pewun Armagedón xua hebreo jumetha. Barapo iratha nacaetuta xua naba peexanaenexa xua po mataqueitha Nacom nabenabe pon be jomowabi, pon Joyoinya.

<sup>17</sup> Bapoxonae equeicha ichun matatsunpin pon ichaxota ba jei “siete”, jei, bapon piawa epataba barapo irathe matatsun susatotha. Bapoxonae itabocotha xua tutu wetsica ichaxota Nacom pia pexeinya peecaethopaewatha baxota jume tan pon xua jume daunweya cueicueijeiya jeye: “Bara bayatha nacui xainwaetaba”, jei pon xua paeba. <sup>18</sup> Bapoxonae bichocono jerajerei itabocotha, yawa pejumein, yawa bichocono jurujurei. Matautano bichocono ira jijiyata beyacaincha xua poxonae ira jijiyateiba poxonae copiya jiwi aena naexana po cae pin nacuathe xua beya anoxuae. <sup>19</sup> Po tomara, pepa tomara barapo tomara ainya wanbe exanabe poxonae baxua ira jijiyata. Icha iranthe barichi baxota tomaran abe exana. Nacom yabara nanta xeina Babilonia tomara tsipei barapo tomarapiwi abe peexanaewi. Daxota Nacom barapo pepa tomara abe exana poxoru bichocono anaepana barapomonaetha. <sup>20</sup> Daxita petunaeton yawano daxita demxuwan aichurubena xua ira pejjijiyatsixae. <sup>21</sup> Barichino itaboco weothopeica xua jiwi matatsun othopeicatsi pocotsiwan dederawa xua xuan benata ichaxota po eman bichocono aque. Barapo pedederawiwán bichocono arewe. Bapoxonae barapo jiwi Nacom bichocono abe yabara paebatsi yaitama Nacom itoroba barapo pedederawiwán pocotsiwa bichocono abe barapomonae nexa.

## 17

*Meje yabara po diwesi xua Nacom itaweta powa xua bichocono penasi cui matacaetsiwa xua weiweina pia paratixichi powa xua yabara caunutatsi Babilonia tomara*

<sup>1</sup> Nexata bapoxonae taxantha patopa caein matatsunpin jiwana, po matatsunpiwi siete poyobe yawa xua siete xoyobe matauta capona coroton. Bapon nejei: “Anetha catsita itutinchi xua yabayo powa bichocono penasi cui matacaetsiwa xua weiweina. Barapowa eca ichaxota pin mar mene, powaxae xua yabara caunutatsi Babilonia tomara. <sup>2</sup> Pomonae jiwi itorobiya pia pepa peewatsinchi barapo cae pin nacuathe barapomonae yawa muxuna abe nanabarun exana bapowa. Matautano daxita carepaya pomonae po cae pin irathe jinompa barapo coyene exana bara jupa, icha barapomonae ichi. Barapowa cana exana xua barapo jiwi abe exana, tsipei barapo jiwi ichichipa po penasi cui matacaetsiwa bapowa exana”, nejei matatsunpin.

<sup>3</sup> Poxonae cataunxuae Nacom pia Pejumoje tnanaxun tatsi netsita itata baxua, bapoxonae matatsunpin necapana ira xuepana susato tsurucuae nacua beya. Baxotiya petsiriwa tan xua eca pon ayei pon be Corei bapon pejumatha, xua pon tsobia. Bapon daxita carepaya pepontha tinaduba po jumein xua Nacom abe yabara paebatsi. Yawano bapon siete po matasipabe xeina yawa diez po pentetobe xeina. <sup>4</sup> Bapowa nama xatata paparuwa, po paparuwa mun sujei yawa mun tsobia. Bapowa yawa napepena xua pocotsiwan pewun oro nain, yawano be ibotixi xua pocotsiwan ainya matoman, yawano po warowa xu inyapana xua po warowa xu pewun perla. Barapowa pecobetha xeina coroto penain coroto xua

oro nain yawa wunta pocotsiwan xua be mara, yawa barapowa pia penasi cui matacaetsi coyene xua weiweina. <sup>5</sup> Powa xua yabara caunutatsi Babilonia tomara, barapowa peitapatha tinaduta pewun, po wun jiwí jopa yabara yaputaeyo. Barapo wun jeye: “Powa xua yabara caunutatsi pepa Babilonia tomara, bapowa be coxiwa natsicotane, xua powaxi nasi cui matacaeta xua weiweina barapowaxi pena tatsi. Matauta bapowa daxita pomonae xua bichocono abe peexanaewi barapomonae pena tatsi”, jei xua tinaduta. <sup>6</sup> Pirapaeyo jume tan xua barapo Babilonia tomarapiwi yabara jeichi: “Icha pebin ichi xua peatsaxae mera bichocono cupatsi, barapo Babilonia tomarapiwi barapocotsi coyeneya juta ichiya exana. Baxua exana, tsipei barapo Babilonia tomarapiwi juteba pinmonae pomonae Nacom pijimonae tatsi, iru pomonae Jesús pejume diwesi pepaebiwi”, yabara jeichi barapo Babilonia tomarapiwi.

Poxonae tan xua barapo tomarapiwi be cupatsi bichocono, yabara nabenaecan bapoxonae. <sup>7</sup> Bapoxonae matatsunpin nejei: “¿Eta xua metha nabenaecame? Yabara cayaputane exanaeinchi bapowa xua pocotsiwa jopa yaputaem. Yawano yabara cayaputane exanaeinchi barapon pon be Corei, pontha xua bapowa eca peumatha. Bapon siete po pentasipabe xeina xuano xua diez po pentetobe xeina. <sup>8</sup> Barapon pon be Corei pon taneme caena bayatha popona barapo cae pin nacuathe. Anoxuae jopa poponaeyo. Ichitha bexa tsane juinaena po mathu bichocono pin mathu tsina. Bapoxonae nama yatsicaewa weweracaena. Bapoxonae jinompaena jiwí barapo cae pin irathe. Barapomonae jopa wun dubenaeyo Nacom pia diborotha tatsi, po diborotha xua jei: ‘Pomonae wun dubena barapo diborothe jopa weweracae tsane’, jei. Barapo jiwí caena bayatha jopa wun tinaetsi barapo diborotha. Barapo jiwí poxonae taena barapon xua taeinchi pon be Corei bichocono najuntu coyene cabenaecaena. Daxota najuntu coyene cabenaecaena tsipei caena bayatha popona, xua anoxuae ajibi ichitha equeicha bexa patopaena xua peponaewa tsane barapo cae pin irathe”, nejei matatsunpin.

<sup>9</sup> Equeicha matatsunpin nejei: “Meje tha xua paebichi xua ichamonae itacupatsi peyabara yaputaewa baxua: Barapo siete po pentasipabe xua pon be Corei, barapo siete matasipabe demxuwan yabara caunuta xua po matasipantha ichaxota barapowa peumatha eca, powa xua Babilonia tomara yabara caunutatsi. Barichi barapo siete po pentasipabe xua pon be Corei, yabara caunutatsi pomonae jiwí itorobiya pia pepa peewatsiwichi. <sup>10</sup> Cinco poyobe barapomonae pomonae jiwí itorobiya pia pepa peewatsiwichi bayatha naitapataya werapoinca. Caein anoxuae barapo siete poyobe jiwana matacapona po cae pin irathepiwi, ichun bexa tsane patopaena xua matacaponaena barapo cae pin irathepiwi. Ichitha poxonae bapon patopaena jopa ainya dapaein matacapoponae tsane po cae pin irathepiwi. <sup>11</sup> Bapon pon be Corei pon caena bayatha popona xua anoxuae jopa poponaeyo, bapon ichaxota ba jei: ‘ocho’, jei, bapon pon jiwí itorobiya pia pepa peewatsinchi naexanaena po cae pin irathepiwi nexa, bequein bapon caena bayatha tupa xua barapo siete poyobe jiwana. Bapoxonae nama equeicha weweracaena poxonae tupaena”, nejei matatsunpin.

<sup>12</sup> Equeicha matatsunpin nejei: “Barapo diez po pentetobe xua taneme xua po penteton yabara caunutatsi pomonae jiwí itorobiya pia pepa

peewatsiwichi, barapomonaē cataunxuae jopa patsiyo xua itorobiya peewatsinexatsi po cae pin irathepiwi. Ichitha po peitorobi coyenewa barapomonaē catsibinchi xua saya bara caeto itorobiya ewatsinchi po cae pin irathepiwi xua iru barapon pon be Corei itorobiya ewatsina. <sup>13</sup> Barapo diez poyobe pomonaē piamonaē itorobiya pepa peewatsiwi peburaya nanta xeinarcupa. Matautano barapo diez poyobe pomonaē piamonaē itorobiya pepa peewatsiwi pia peayapusua exanaewan pon be Corei catatsi, yawano peayapusu itorobi coyenewa catatsi. <sup>14</sup> Daxita barapomonaē pomonaē diez poyobe, pomonaē piamonaē itorobiya pepa peewatsiwi iru pon be Corei, Cordero butsi. Ichitha barapo Cordero amanayabina daxita barapomonaetha. Tsipei barapon pon jiwi pia pepa Pecanamataxeinaeinchi pia peayapusu itorobi coyenewa xeina beyacaincha xua ichamonaē xeina pomonaē jiwi pecanamataxeinaewichi. Matautano bapon pon Corderoxae jiwi itorobiya pia pepa Peewatsinchi tatsi pia peayapusu itorobi coyenewa xeina beyacaincha xua ichamonaē xeina pomonaē jiwi itorobiya pia pepa peewatsiwichi xua iru xeina pia peayapusu itorobi coyenewa. Pomonaē Cordero nabaru yawenatsi xua poxonaē amanayaba barapomonaetha, Nacom waba barapomonaē poxoru Nacom pia peitapetsiwichi tatsi, matautano tsipei exana pocot-siwa Nacom itoroba”, nejei matatsunpin.

<sup>15</sup> Equeicha barapo matatsunpin nejei: “Xua xam po menein taneme mar menein xua ichaxota yabuyo eca pon be Corei peumatha, barapo mar menein yabara caunutatsi be tomaramonaepiwi, xua yabara caunutatsi tsicamonaexipiwi, yawano yabara caunutatsi pomonaē icha jumeintha pecueicueijejiwi, yawano yabara caunutatsi daxita nacuanpiwi. <sup>16</sup> Bayatha taneme barapon pon be Corei diez po pentetobe, po penteton yabara caunutatsi diez poyobe pomonaē jiwi itorobiya pia pepa peewatsiwichi. Barapomonaē pomonaē jiwi itorobiya pia pepa peewatsiwichi barapowa bichocono casebinchi powa pesi cui weiweinaewa. Yawano wecobe pitinchi xua bapowa pia peitorobi coyenewa tatsi yawano jumasa xubinchi. Yawano barapomonaē wi xaena, xua bapowa wi xaeinchi. Bapoxonaē bapowa pia pepon tautinchi isototha. <sup>17</sup> Nacom itoroba xua barapomonaē pia pejantu coyenetha peexanaewa tsane xua pocotsiwan Nacom ichichipa. Daxota barapomonaē pomonaē jiwi itorobiya pia pepa peewatsiwichi pomonaē diez poyobe, peburaya nanta xeinarcupa xua barapomonaē pia peayapusu itorobi coyenewanxae tatsi pon be Corei catsinchi. Baxuan catsina beya abu poxonaē wetsina pocotsiwa Nacom bayatha paeba. <sup>18</sup> Petsiriwa powa taneme xua powa nasi cui matakaeta xua weiweina, bapowa cayabara caunutatsi: ‘Po tomara pepa tomara’, jei. Pon itorobiya pepa peewatsin xua barapo pepa tomaratha, bapon itoroba daxita ichamonaē pomonaē jiwi itorobiya pia pepa peewatsiwichi pomonaē barapo cae pin nacuathepiwi itorobiya ewatatsi”, nejei matatsunpin.

## 18

*Meje yabara po diwesi xua daxita omeicha cayabara wetapentatsi Babilonia tomarapiwi xua muxuna tomarano*

<sup>1</sup> Bapoxonaē equeicha tan ichun matatsunpin xua pon peitaboco wet-sica pona po cae pin irathe tsique. Barapo matatsunpin xeina ainya

peayapusu itorobi coyenewan. Bapoxonae bapon exana xua ira bichocono pentha tsurucuae xua pia pepon weya cueicha pona. <sup>2</sup>Yawano bapon jume daunweya wawai, jeye:

“¡Bayatha Babilonia tomarapiwi wetapentatsi yawa tomara abe exanatsi, po tomara pepa tomara!

¡Yawano anoxuae caurimonae baxota jinompa!

<sup>3</sup>Tsipei daxita carepaya nacuanthapiwi bichocono abe exana, po abe peexanae coyenewa pocotsiwa xua barapo Babilonia tomarapiwi exana.

Yawano pomonae jiwi itorobiya pia pepa peewatsiwichi barapomonae cuiduba piamonae xua abe peexanaewa tsane icha barapo Babilonia tomarapiwi ichi xua abe exana.

Yawano pomonae pecaenaetsiwi piawan, bapomonae xuya copei pexeinaewi naexana, tsipei barapo tomarapiwi copei ayei ichichipa xua beta pejinompaewa tsane”, jei matatsunpin.

<sup>4</sup>Bapoxonae equeicha ichawa jume tan xua wawai itabocotha, jeye:

“Pomonae tamonaepiwi pam, barapo tomara weya paponarucypare, xua jopa abe painya neexanaenexaru icha barapo tomarapiwi ichi xua bichocono abe peexanaewi.

Bapoxonae Nacom jopa paca atene exanae tsane icha bayatha ichichi xua atene exainchi barapo Babilonia tomarapiwi.

<sup>5</sup>Tsipei barapo abe peexanae coyenewan xua barapo tomarapiwi exana bichocono ayei xua daxota Nacom pon itabocotha peecaein tane baxuan.

Daxota Nacom yabara nanta xeina xua atene exana barapomonaetha.

<sup>6</sup>Barabu ichamonae jupa exanaena barapomonaetha, icha be pocotsi coyeneya xua bapomonae abe taexana ichamonaetha. Barabu barapomonae pentoma catsibinchi xua po pentoma equeicha mataropataba xua peatenewa.

Barabu barapomonae bichocono atene tsane, icha be pocotsi coyeneya xua poxonae barapomonae atene taexana ichamonaetha.

<sup>7</sup>Pocotsiwa xua bapomonae exana xua atsaca naexana xua penasi cui matacaetsi jiwi naexana, barabu barapomonae bichocono atene tsane, yawa wecoyei tsane.

Tsipei bapomonae pia coutha natsipaeba, jeye:

‘Waxainchi xote enatsi.

Waxainchi jopa dapomonaetsi pomonaetsi pomonae waseuri jiwi wanaca cuenta werapaewi.

Matautano waxainchi pomonae jiwi

itorobiya pia pepa peewatsi jiwichi, jopa bichocono atene tsainchi', jei bapomonaе.  
 8 Daxota saya caentaqueitha tsane jopaena po coyene xua abe peexanaewa tsainchi bapomonaе, xua bichocono peperaxa jubuwa tsainchi, matautano xua pejainpaewa tsane bichocono, yawano xua petautsiwa tsainchi xua werapaena. Tsipei Nacom pon pepa Pecanamataxeinaein jiwi peayapusu itorobi coyenewa xeina, yawano bapon pia coutha yabara paebina po coyene xua tsitatsi xua bapomonaе natsiaenaе cuenta abe peexanaexae", jei matatsunpin.

9 Pomonaе jiwi itorobiya pia pepa peewatsiwichi xua po cae pin irathe, pomonaе xua bayatha iruru abe exana poxonaе barapo Babilonia tomarapiwi abe exana, barapomonaе bichocono wecoyei tsane poxonaе xua taena iso tsuxu xua poxonaе barapo Babilonia tomarapiwi tautsinchi. 10 Barapomonaе taju wetaeumeinyaena poxoru cunuwa xua pocotsiwa Nacom cana exanaena barapo Babilonia tomarapiwi. Barapomonaе pomonaе jiwi itorobiya pia pepa peewatsiwichi najei tsane:

"jPai jaibo Babilonia tomarapiwi pam tsobenaе!

jBabilonia tomara tsocuaem!

Bequein pepa tomara tsocuaem, ichitha saya

bara cae horatha barapo tomaram omeicha

Nacom cawetaxubina", najei tsane barapomonaе.

11 Daxita pomonaе caenaeta piawan barapomonaе bichocono wecoyei tsane xua barapo Babilonia tomara siwa wecoyeichi tsainchi tsipei barapomonaе jopa xeinaе tsane xua comocaeinchi xua pia pecaenaetsiwan. 12-13 Barapomonaе xua pocotsiwan caenaeta dubenanaebiya baxue: xua pocotsiwan pewun oro nain matawun, yawano xua pocotsiwan penainwan xua plata nain matawun, yawano xua ira buxupana iboton xua bichocono ainya matoman, yawano xua pocotsiwan be warowaxu pocotsiwan perla matawun, yawano papabaru pocotsiwan bichocono ainya matoman pocotsiwan seda matawun, yawano po paparuwan mu sunei, yawa xua xuan mu tsobia; yawano napaewan, po naein xua bichocono tuxuei; yawano xua ichawan weya forobano xua pocotsiwan marfil matawun, yawano xua ichawan weya forobano xua naewan xua po naewan bichocono ainya matoman, yawano xua ichawan weya forobano xua pocotsiwa bronce nain matawun, yawano xua ichawan weya foroba xua penainton, po penainton hierro nain matawun, yawano xua ichawan weya foroba xua iboton, po iboton mármol ibo matawun; yawano capana po petuxueiwan canela tseboco matawun, yawano ichawanno capana xua ichawan xua petuxueiwan; yawano capana icha petuxueiwan xua incienso xua po tuxusi tuxueiwa benata poxonaе taxua exana, yawano icha petuxueiwa pocotsiwan be mauto xua jiwi tauta petuxusi tuxuei exanaenexa, yawano icha petuxueiwanno; yawano vino meran, yawano penasiwan, yawano pebenon xua trigo xu benon, yawano pepa xu xua trigo xu; yawano jota duweimonaein, ovejamonaein, cawayumonaein, yawa caronaemonaein, xua cawayu pecaponaе naexi, yawano jiwino capoinchi pecaenaetsinexatsi xua pomonaе jiwi pebusi cui tatayebeibiwichi peexanaenexa tsainchi.



14 Barapomonae jei tsane xua barapo Babilonia tomarapiwi yabara jei tsainchi:

“¡Anoxuae jopa paxeinaem pethei, po pethei ainya matoman po pethei paichichipame bichocono!  
¡Anoxuae nama pacata aichurubenaе xua copei xeina painya nenaexanaewam xua bara ataya tsane!” jei tsane.

15 Pomonaе xua caenaeta dubenanaebiya pocotsiwan xua ainya matoman yawa xua cobe caewita paratixi xua barapo tomarapiwi cobe caewitatsi, barapomonae taja wenewatumendena xua abe peexanaeyainwatsi xua Nacom exanaena. Barapomonae bichocono wecoyei tsane. 16 Barapomonae jei tsane:

“¡Pai jaibo pepa Babilonia tomara tsobenaе!  
Xam Babilonia tomaram bichocono pexeinya tomaram, icha yabayo ichi xua pexeinyawayo poxonae paparuwa nama xatata po paparuwa bichocono sjei yawa bichocono tsobia.  
Yawano bapowa narepena xua pocotsiwa pewan oro nain yawa xua be ibotixi xua pocotsiwan ainya matoman yawano po warowa xu xua inyapana xua pewan perla.

17 ¡Saya bara cae horatha daxita aichurubenaе xua xuan barapo tomara xeina!”  
jei tsane barapomonae.

Pomonaе jera pecanamataxeinaewi, yawano pomonaе xua napona xua warapa icha tomaratha nexa, iru pomonaе petanacuichiwi barapo jera naeintha, iruno pomonaе nacuita jeratha, daxita barapomonae taja wenecotumendena. 18 Poxonaе barapomonae tane xua iso tsuxu xua barapo Babilonia tomara tautatsi, barapomonae jume daunweya wawai, jeye: “Icha pepa tomara aibi po tomara wanae pocotsi tomara icha Babilonia tomara ichi”, jei. 19 Barapomonae pia cui xeina xua tsorobotha nantatsaeba poxoru bichocono wecoyei. Wawaya jeye:

“¡Pai pepa Babilonia tomara tsocuae!  
¡Anoxuae jopa peraichiwa xua pocotsiwan bayatha jera wanbatsi xua copei xeina naexainchi xua poxonae naca comoca barapo tomarapiwi!  
¡Daxita baxuan caayawachurucuae exainchi tomara!” jei barapomonae.

20 Ichitha paxam pomonaе itabocotha painya nejinompaewi pam iru pomonaе tamonaе pam, iru pomonaе Jesús pia peitorobiwi tatsi pam, iru pomonaе Nacom peitorobi jume pepaebiwi pam.

Daxita barapomonae pam, pajantа coyene weiweinare xua pacata peaichurucuaexae barapo Babilonia tomara.

Nacom xuya abe exana barapo Babilonia tomara tsipei bayatha barapo tomarapiwi pacata abe exana.

21 Bapoxonaе matatsunpin pon bichocono pia peayapusu itorobiwa xeina, bapon pita iboto, po iboto bichocono pin iboto xua be pocotsi

ibototha jiwi cuba trigo xu. Bapoxonae barapo matatsunpin xuba barapo iboto pin mar mentha. Bapon jeye: “Icha barapo iboto ichin xua xuban barapo pin mar mentha, Nacom barichi wetaxuba barapo Babilonia tomara xua equeicha jiwi jopa petaewa tsane.

<sup>22</sup> Yawano bapana equeicha jiwi jopa jume tae tsane xua petanbabiwan busin xuan pewun arpa matawun, yawano xuan po peobiwa jumein pewun flauta matawun, yawano icha peobiwan jumein xuan pewun trompeta matawun.

Matautano jopa tae tsane pomonae xua barompaya piawan penata exanae jiwi. Matautano jopa busi tae tsane barapo pin tomaratha xua busi xu yacatoyeraba trigo xu xua pin ibototha.

<sup>23</sup> Matautano jopa yonoyonei tsane pecoichan. Matautano jopa jume tae tsane xua pin penabanaewa exana xua poxonae pebin pecotsiwa pita.

Pomonae pecaenaetsiwi barapo pin tomaratha bichocono copei pexeinaewi xua daxota daxita nacuanpiwi yabara cui yaputane xua barapomonae peainya cui jiwi. Barapomonae pomonae Babilonia tomarapiwi itacupatsi xua daxita nacuanpiwi muxutorobatsi mara peexanaewi pia coyenyatha xua daxota iru abe peexanaenexa tsane, icha barapo Babilonia tomarapiwi ichi xua abe exana”, jei matatsunpin.

<sup>24</sup> Nacom weraweraca exanaena barapo tomara. Barapo tomarapiwi Nacom tsitatsi xua barapomonae penatsicuentiwa xeina xua ichamonae pejutebixaetsi, pomonae Nacom pia peitorobi jume pepae-biwi, iru pomonae Nacom pejume cowantsiwichi tatsi yawano daxita pomonae bayatha jutebatsi po cae pin nacuanthepiwi xua ichamonae juteba icha tomarantha.

## 19

<sup>1</sup> Bapoxonae peitabocotha jume tan xua juinya pinmonae jeye: “¡Barabu Nacom wuna jainatsi, Nacom naca capanepa abe waexanae coyenewan weya! ¡Maisa Nacom pexeinya juntu coyene pexeinaein! ¡Maisa Nacom bepa juniya xeinae peayapusu itorobi coyenewa!

<sup>2</sup> Nacom wuna jaintatsi tsipei bapon Wanacom. Poxonae yabara paeba jiwi xua penatsicuentiwa xua abe peexanaexae, bara beta xaniwaicha exana. Yawano bapon bichocono atene exana

barapowa powa xua penatsicuentisiwa  
xeina xua abe peexanaexae.  
Bapowa penasi cui matacaetsiwa xua  
weiweina pebiwitha pia paratixichi.  
Barapowa yabara caunutatsi Babilonia tomara  
po tomaramonae xua penatsicuentisiwa xeina xua  
abe peexanaexae icha bapowa ichi.  
Bapowa bayatha cuiduba barapo cae pin  
nacuapiwi xua iru abe exana icha  
xua barapowa ichi.

Tsipei bapowa Nacom pijimonae tatsi  
jutebatsi daxota xuya Nacom pijimonae  
yantomata xua poxonae bapowa bexotsi powa  
peyabara caunutsixaetsi Babilonia  
tomarapiwi”, jei xua juinya pinmonae.

<sup>3</sup> Barapo pin ayei jiwi jeye:

“¡Barabu Nacom wuna jaintatsi!

¡Iso tsuxu xua bapomonae tautatsi barabu  
bapana jopa athabe jujuinae tsane xua pepu  
ataya tsane!” jei barapomonae xua juinya pinmonae.

<sup>4</sup> Baroxonae veinticuatro poyobe pomonae pitiri jiwi, iruru cua-  
tro poyobe xua xuan asu daxita barapomonae irabe taeumenareca  
xua Nacom wuna pejainchinexa tsainchi, jeye: “¡Je bara ichi tsane!  
¡Barabu Nacom wuna jaintatsi!” jei daxita barapo matabuxumonaebe.

<sup>5</sup> Baroxonae Nacom pia pexeinya peccaethopeibiwitha, jume tan pe-  
jume, xua jeye:

“¡Daxita pam, pomonae Nacom pata exaname,

Nacom pon pata Nacom, wuna pajainde!

¡Iruu pomonae paexaname pocotsiwa Nacom  
paca itoroba, Nacom wuna pajainde!

¡Iruu pomonae peacopeibi jiwi iruru

pomonae copei pexeinae jiwi, daxita

paxam Nacom wuna pajainde!”

jei pejume xua paeba.

*Meje yabara po diwesi xua poxonae jiwi tsinacaetuta pexaewa pena-  
banaenexa poxonae Cristo, pon Cordero, pecotsiwa nacueyaba*

<sup>6</sup> Yawano jume tan peitabocotha xua pejumein be pin bicheitomonae  
be poxonae xua ainya pin mar menein busin, yawano be xua xuan  
yamuxu jurujurei. Barapo jumein jeye:

“¡Barabu Nacom wuna jaintatsi

pon jiwi Pecanamataxeinaein!

Bapon nama anoxuae tamropata pitaba

xua daxita carepaya nacuanthapiwi

itorobiya ewatsinchi.

Bapon xeina daxita coyenewan xua pia

peayapusu itorobi coyenewan.

<sup>7</sup> ¡Juntu coyene weiweinatsi yawano

jacobatsi, jeichichi: ‘Maisa pexeinya

juntu coyene pexeinaein’, jeichichi!

Baxua bewa exanaetsi tsipei patopa matababi

poxonae po matcabitha jiwi tsinacaetuta  
pexaewa penabanaenexa poxonae pon  
Cordero, piowa nacueyaba.

Barapon pon Cordero, pecotsiwa tatsi nacui  
xainwaeta, poxonae po matcabitha jiwi  
pin penabanaewa tsinacaetuta xua  
penabanaewa tsane.

<sup>8</sup> Barapowa copatatsi xua penama xatatsinexa  
paparuwa, po paparuwa bichocono  
pexeinya paparuwa.

Barapo paparuwa bichocono inyapana yawa  
xua bichocono m̄ daedaena.

Barapo pexeinya paparuwa caunuta xua po  
coyenein Nacom pia peantobewichi tatsi exana  
xua po coyenein Nacom tsita xanepanatsi.

Barapo yab̄yo yabara caunutatsi Nacom  
pijimonae tatsi, pomonae Nacom pejume  
cow̄ntsixaetsi”, jei barapo pin bicheitomonae.

<sup>9</sup> Bapoxonae matatsunpin nejei: “Tinare xuae: ‘Bichocono j̄nt̄  
coyene weiweina pomonae Nacom waba poxonae pin penabanaewa  
tsinacaetuta xua penabanaewa tsane poxonae pon Cordero, nacueyaba  
pecotsiwa’, jande poxonae xua tiname”, nejei barapo matatsunpin.  
Equeicha nejei: “Daxita po jumein xua catsipaebatsi barapo jumein  
xaniwaicha Nacom paeba”, nejei barapo matatsunpin.

<sup>10</sup> Bapoxonae barapo matatsunpin petaxutha irabe taecuarecan  
xua w̄nae tajainchinexa. Ichitha bapon nejei: “¡Bara! Jopa baxua neex-  
anaeinde. Aparaxan ir̄ ponxaein Nacom piawa taexanaein, icha xam  
ichim xuan̄o xua icha jinya jiwimonae ichi pomonae Nacom pejume  
cow̄ntsiwichi, xuan̄o xua jume cow̄nta dubenanaebiya pocotsiwan  
xuan Jesús paeba. Jame Nacom bapon w̄nae jainde”, nejei matatsun-  
pin.

Baxuan xuan pocotsiwan Jesús paeba xua xuan pexainyeiwan, baxu-  
antha yawenatsi nawita pomonae Nacom peitorobi jume pepaebiwi.

*Meje yabara po diwesi xua pebin equeica cawayutha, pon pmainyan*

<sup>11</sup> Bapoxonae peitabocotha tan xua naitaboco yausaranaxuba. Baxota  
naitata cawayu, pon pmainyan. Pon xua cawayutha equeica, w̄n  
dutatsi, jeichichi: “Pon xua pejume cow̄nta ducuanabiyaein, yawano  
xua xaniwaicha pepaebin”, jeichichi. Bapon xainyeya betiya yabara  
paeba jiwi xua penatsicuentisiwa xua abe peexanaexae. Matautano  
bapon xainyeya betiya exana poxonae naba ichamonaetha. <sup>12</sup> Bapon  
peitamaiqueito be isoto itareto xua yonoyonei. Yawano bapon nantat-  
sun etounya pentasipatha ainya tepan. Yawano bapon tinaduta pew̄n  
po w̄n xua saya meisa bapon w̄n yaputane. <sup>13</sup> Yawano nama xatata  
paparuwa, po paparuwa pejanan dubena be poxonae xua jautuxuba  
pejanatha. Bapontha Nacom w̄n duta: “Nacom Pejume”, jei. <sup>14</sup> Bapon  
puna poinchi soldadomonae itabocopi soldadomonae, pomonae Nacom  
pia soldadomonae tatsi. Barapo soldadomonae pexeinya paparuwan  
nama xataba xua xuan m̄ inyapana, yawa xua axuiruibi. Yawano  
barapomonae eneica cawayumonaeintha xua xuantha pmainyawan-  
tha. <sup>15</sup> Barapon pon mata capana pia soldadomonae pecoiboto tsina

tapichapeinatsi cusi, po wato bichocono xuiyoi. Bapon barapo watotha ucuboba xua jiwi ucubobatsi, pomonae po irathe jinompe. Yawano bapon ajumeyapusya itorobi ewatsina jiwi. Yawano bapon daunweya yabara paebina jiwi xua penatsicuentisiwa xua abe peexanaexae, icha jiton ichi xua daunweya nataxu tsapabatouba uva cuei xua vino mera pia exanaetsi. Bapon bichocono atene cana exanaena pomonaetha pomonae jopa pejume cowantsiwichi, tsipei bichocono Nacom caseba barapomonae. Barapon Nacom pia peayapusu itorobi coyenewan xeina xua jiwi peperaxa exanaewatsi. <sup>16</sup> Bapon nawun tinaduta pia peju-mainaewatha, yawa nawun duta pethutotha xua po wun jeye: “Pon Corderoxae jiwi itorobiya pia pepa Peewatsinchi tatsi, pia peayapusu itorobi coyenewa xeina beyacaincha xua ichamonae xeina pomonae jiwi itorobiya pia pepa peewatsiwichi xua iru xeina pia peayapusu itorobi coyenewa. Matautano bapon pon jiwi pia pepa Pecanamataxeinaeinchi pia peayapusu itorobi coyenewa xeina beyacaincha xua ichamonae xeina pomonae jiwi pia pepa pecanamataxeinaewichi”, jei barapo wun.

<sup>17</sup> Bapoxonae matatsunpin tan xua xometo coichatha uncua, bapon jume daunweya wawai peyapupunaewi beya xuan jinompa itabocotha, jeye: “Anetha xua painya nexaewa tsane Nacom pin pia penabanaewa. <sup>18</sup> Barapo penabanaewan paxaema, xua pomonae jiwi itorobiya pia pepa peewatsiwichi pewi, yawano soldadomonae pia pentacaponae tatsi barapomonae pewi, yawa pomonae peamanayabeibi jiwi barapomonae pewi, yawa cawayu pewi, yawa pomonae xua eneica pewi. Daxita xua iruru ichamonaeno barapomonae pewi. Iru pomonae penata exanaewi pia coutha barapomonae pewi, ichacuiha xua iru pomonae amanaya petanacuichi jiwi barapomonae pewi. Iruno pomonae jiwi pebusi cui tatayebeiwichi barapomonae pewi, iruno pomonae copei pexeinaewi barapomonae pewi”, jei matatsunpin.

<sup>19</sup> Bapoxonae tan pon ayei pon be Corei, yawano tan pomonae jiwi itorobiya pia pepa peewatsiwichi xua baru pona pia soldadomonaein. Daxita barapomonae nacaetuta xua nantiya penabinexa tsane pontha pon pia soldadomonae matabapona xuano yawa pia soldadomonaeintha tatsi petanabinexa tsainchi. <sup>20</sup> Barapon pon ayei, pon be Corei, bapon maxu cubiya waetabatsi iru maxu cubiya waetabatsi pon naerabiya jeye: “Xan Nacom peitorobi jume tapaebin”, jei, pon xua petsita itatsi coyenewan exana xua pon be Corei taexanatsi xua pon be Joyoinya pia peayapusu itorobi coyenewatha tatsi. Barapo petsita itubiwantha bapon jiwi muxuitorobatsi xua barapo jiwi peitapa tinaewa tsainchi barapon pon be Corei pewantha tatsi. Yawano jiwi itorobatsi xua wunae pejainchiwa tsane ibo Corei nacom. Barapon pon be Corei iruru pon xua naerabiya jeye: “Xan pon Nacom peitorobi jume tapaebin”, jei baponbe Nacom cana exana xua itowa pexubiwa tsainchibe ichaxota isoto pucuatha. Barapo pucua ataya tsitecaeya taxuncua bichocono aitareyapusu tsuncuae po peitare pewun azufre matawun. <sup>21</sup> Iruu daxita ichamonaeru jutebatsi cusitha, po watotha xua pecoibototha tapichapeinatsi pon xua matabapona pia soldadomonae. Daxita pepupunaewi bichocono tonsana pewi xaexaetsi pomonae xua jutebatsi.

## 20

*Meje yabara po diwesi xua Cristo itorobiya ewatsina jiwi mil po weibetha*

<sup>1</sup> Bapoxonae tan matatsunpin xua peitaboco wetsica pona, bapon catatsi po coyenetha xua itacupatsi xua pecoibo saranaxubiwa tsane barapo pin muthu deca xua ira bereca. Yawa bapon capona pecobetha penainto, po penainto xua pewan cadena xua bichocono pin nainto. <sup>2</sup> Barapo matatsunpin waetaba, pon be Joyoinya waetabatsi, pon po jomo xua poxonae copiya jiwi muxu jainyabatsi. Bapon apara caurimonae pia pentacaponaein tatsi. Bapon icha wan Satanás. Barapon Satanás maxu cūbiya waetabatsi cadenatha xua mil po weibexa. <sup>3</sup> Yawano barapon Satanás xorecatsi barapo pin muthu deca. Bichocono yauxatatabotatsi muthutha. Yaucateitababotatsino bichocono, xua jopa equeicha pemuxujainyabeibiwa tsane xua jopa equeicha pemuxujainyabeibiwa tsainchi po irathepiwi xua beya poxonae abu yapu caewina mil po weibexa. Bapoxonae isanaxubinchi xua saya bara caeto tsane.

<sup>4</sup> Bapoxonae tan xua pexeinya peenaethopeibiwan. Baxota ena pomonae xua bayatha catsibatsi peitorobi coyenewan xua jiwi peyabara paebiwa tsainchi daxita xua penatsicuentisiwa xua abe peexanaexae. Bapomonae pomonae xua bayatha wisi ucubobebatsi xua ichamonae namawainta, apara xua barapomonae peyabara cueicueijeixae Nacom Pejume Diwesi, xua peyabara cueicueijeixaeno po coyene xua Jesús pejume cowantsiwatsi. Barapomonae bayatha jopa wunae jainchiyo pon be Corei. Matautano jopa wunae jainchiyo barapo ibo Corei nacom. Matautano barapomonae jopa copatsiyo xua peitapa tinaewatsi tsainchi pon be Corei pia wuntha tatsi ichacuitha xua pecobe juma tinaewatsi. Barapomonae tan xua equeicha asu exainchi. Barapomonae iru Cristo, naba ru caemonae xua barapomonaebe barapo cae pin nacuepiwi itorobiya ewatatsi xua cien po weibetha tsane. <sup>5</sup> Ichitha nama ichamonae pomonae xua caena bayatha werapa cataunxuae jopa asu exanaetsi. Barapomonae asu exanaeinchi beya abu poxonae yapu caewina mil po weibexa. Barapo peasu coyenewa xua apara copiya nanta carucua xua copiya matha Nacom exana xua jiwi asu exaneibatsi petupaewa weya. <sup>6</sup> ¡Maisa bichocono juntu coyene weiweina pomonae equeicha Nacom asu exana petupaewa coyene weya po peasu coyenewa xua copiya! Barapomonae Nacom piamonae tatsi. Barapomonae jopa werapae tsane poxonae equeicha jiwi caewa werapaena po jiwi jopa pejume cowantsiwi. Saya barapomonae exanaeinchi Nacom pia sacerdotemonaeipiwi tatsi xua iru Cristo pia sacerdotepiwi tatsi. Matautano barapomonae naba ru caemonae xua barapomonae barapo cae pin nacuepiwi itorobiya ewatatsi mil po weibetha tsane.

*Meje yabara poxonae caurimonae pia pentacaponaein tatsi xotsi*

<sup>7</sup> Poxonae yapu caewina mil po weibexa bapoxonae barapo Satanás isanaxubinchi xua peponaewa tsane muthu weya. <sup>8</sup> Poxonae bara weya pona jiwi muxujainyabinchi nawita daxita nacuantha.

Yawano muxujainyabinchi nawita Gog nacuamonaepiwi, irano muxujainyabinchi nawita Magog nacuapiwi. Barapo Satanás cana exana xua barapo naxobe nacuapiwi penacaetutsiwa tsane pia soldadomonaetatsi xua penabinexa pomonaetha pomonaetatsi. Barapo naxobe nacuapiwi pomonaetatsi soldadomonaetatsi. Barapomonaetatsi bichocono pin bicheitonmonaetatsi icha taetowa parun ichi xuan taetabotha bobena xuan acuch xua mar mentha bobena.

<sup>9</sup> Barapo pin bicheiton pomonaetatsi soldadomonaetatsi, pana beiyiya daxita yaira jupa beya poxonaetatsi yacaincha matawacaicha umeinchi ichaxota Nacom piamonaeetatsi jinompa, yawano xua po tomarapiwi Nacom jume cowantatsi. Ichitha bapoxonaetatsi Nacom pin isoto itoroba deca peitaboco wereca, daxita barapo soldadomonaetatsi taxuatsi omeicha. <sup>10</sup> Barapon Satanás, pon be Joyoinya, pon caurimonaeetatsi pentacaponaeetatsi, pon xua barapo soldadomonaetatsi muxujainyabatsi, bapon Nacom xuba isoto pucuatha, po pucuatha ichaxota ataya tsitecaeya taxuncua xua bichocono aitareyapusa tsuncuae po peitare pewan azufre matawan. Barapo pucuatha caena bayatha xotsi pon be Corei iru pon xua naerabiya jeye: “Xan Nacom peitorobi jume tapaebin”, jei. Barapomonaetatsi baxota bichocono atene tsaibi tsane, mataqueitha yawa merawithano tsaibi tsane xua bara ataya tsane.

*Meje yabara po diwesi xua Nacom yabara paeba jiwu xua penatsicuentisiwa poxonaetatsi eca pia pexeinya ecaethopeibiwatha, po pexeinya ecaethopeibiwa xua pemainyawa*

<sup>11</sup> Bapoxonaetatsi tan xua pexeinya peecaethopeibiwa xua pemainyawa. Muxuna tan xua pon eca barapo pexeinya peecaethopeibiwatha. Bapon peitabaratha tan ira xua po ire yawa itaboco, baxua daxita aichurubenaetatsi, equeicha jopa naitatsiyo. <sup>12</sup> Bapon Nacom peitabarathaetatsi umena pomonaetatsi xua caena bayatha werapa xua pomonaetatsi peacopeibi jiwu irano pomonaetatsi copei pexeinaetatsi jiwu. Bapoxonaetatsi diboron patapenta, yawano pataxuba po diborotha ba nacapanenebiya tsaibi pomonaetatsi Nacom pia peantobewichi poxonaetatsi wan tinadubatsi barapo diborotha. Pomonaetatsi xua caena bayatha werapa daxita itawetatsi. Barapomonaetatsi yabara cui jupiya exanatsi be po coyeneya bayatha abe exana xua barapo diborotha pecui yabara tinaexaetatsi xua poxonaetatsi barapomonaetatsi abe exana. Daxota barapomonaetatsi atene tsane. <sup>13</sup> Barichi pomonaetatsi iru pin mar mentha notatsi, barapomonaetatsi Nacomtha pata. Iru pomonaetatsi iratha bobena ira wejujuina xua Nacomtha pepatsinexa. Daxita barapomonaetatsi Nacom peitabarathaetatsi umena xua baxota peyabara paebinexatsi xua Nacom yabara paebina xua penatsicuentisiwa xua abe peexanaetatsi Nacomtha. Barapomonaetatsi atene exanaeinchi xua Nacom bayatha pecui yabara tinaetatsi po coyene xua abe exana. <sup>14</sup> Nacom cana exana po coyenewa xua jiwu tupa pecana exanaewatsi, xua barapo coyenewa isoto pucuatha xotsi xua nacaewita cana exanatsi. Barichi Nacom cana exana xua po nacua pomonaetatsi pewerapeibiwi pia nacuaetatsi xua barapo nacua xotsi isoto pucuatha xua nacaewita cana exanatsi po pucuatha ichaxota ataya tsitecaeya taxuncua. Barapo petapae coyenewa apara xua jiwu caewa werapaena po jiwu jopa pejume cowantsiwi. <sup>15</sup> Iru pomonaetatsi xua jopa wan dubenaeyo barapo diborotha po diborotha ba jiwu nacapanenebiya tsaibi poxonaetatsi wan dubeibatsi, barapomonaetatsi iru barapo isoto pucuatha bebaichi, Nacom behai.

## 21

*Meje yabara po diwesi xua pena itaboco yawa xua pena ira*

<sup>1</sup> Bapoxonae tan pena itaboco yawano pena irano, tsipei po itaboco copiya ducua yawa po ira copiya ducua aichurubena, equeicha jopa naitutsiyo. Yawano pin mar mene aichurucuae. <sup>2</sup> Xan, pon Juan tsocuaein, tan Nacom pia pepa pexeinya tomara tatsi ichaxota jinompa pomonae peantobewichi Nacom. Barapo tomara pena Jerusalén tomara, po tomara Nacom pia xainya wetsica tatsi pona xua itaboco wetsica. Barapo tomara nacui xaxainchiya weta, icha yabayo ichi xua poxonae nacui xaxainchiya weta xua poxonae pecotsiwa per<sub>u</sub> nacoyobina. <sup>3</sup> Jume tan pejume xua peitaboco wetsica jume daunweya jeye: “Taema anoxuae Nacom popona pebiwitha. Nacom bar<sub>u</sub> poponaena, bara barapomonae Nacom pijimonae tatsi tsane. Nacom ataya tsitecaeya bar<sub>u</sub> poponaena barapomonae penacana exanaexae xua piamonae tatsi pia Nacom tatsi. <sup>4</sup> Barapomonae Nacom itacuere mene canotsina xua pewecoyeixa, xua barapomonae equeicha jopa peatenewa tsane. Equeicha jiwi jopa werapae tsane barapo pet<sub>u</sub>pae coyenewatha. Matautano jopa pewecoyeinexa tsane, tsipei xua xuan copiya exana po irathe bayatha aichurucuae nacaewita”, jei po jume xua itaboco wetsica paeba.

<sup>5</sup> Bapon Nacom pon eca pia pexeinya peecaethopaewatha nejei: “Taema daxita exanan xua xuan penawan”, nejei Nacom. Equeicha nejei: “Baxuan tinare, tsipei barapo jumein pexainyei jumein, daxota ichamonae itac<sub>u</sub>patsi xua tana neyabara jume cowantsiwa xua bara exanaein pocotsiwa xua taneme”, nejei Nacom.

<sup>6</sup> Bapoxonae equeicha nejei: “Bara baxuan bayatha nacui weta. Xan ponxaein apara ataya tsitecaeya tapoponaein xua poxonae aena daxita tamropata pitaban. Matautano hexano ataya tsitecaeya bara tapoponaewa tsane. Po pebin xua bichocono meratsipa xua daxota bara amanaya mera neapatsiwa barapo coyenewa icha be ichin poxonae jiwi yawenan. Pon xua bej<sub>u</sub>nt<sub>u</sub> coyene jichatsi xua aj<sub>u</sub>nt<sub>u</sub>coyeneyapus<sub>u</sub> peexanaewatsi bara bapon amanaya catsin peaj<sub>u</sub>nt<sub>u</sub>coyeneyapus<sub>u</sub>wa, po peaj<sub>u</sub>nt<sub>u</sub>coyeneyapus<sub>u</sub>wa xua ataya tsiteca. <sup>7</sup> Pon xua j<sub>u</sub>nt<sub>u</sub> coyene amanayaba caurimonae poxonae caurimonae bequein abe exana bapontha, bapon xeinaena pocotsiwa be pentoma pocotsiwa xua bayatha j<sub>u</sub>ntana jeban bapon. Barapon pia Nacom tatsin tsane yawa barapon apara bara taxanto tsane. <sup>8</sup> Ichitha pomonae pijunuwi jopa nejume cowantsiyo xua ichamonae abe peexanaewa tsane barapomonaetha ir<sub>u</sub>nt<sub>u</sub> pomonae jopa benejume cowantsiyo, ir<sub>u</sub>nt<sub>u</sub> pomonae peaj<sub>u</sub>nt<sub>u</sub>coyenebewi, ir<sub>u</sub>nt<sub>u</sub> pomonae jiwi pejutebiwi, ir<sub>u</sub>nt<sub>u</sub> pomonae xua penasi cui exanaewi xua peweiweinaewa, ir<sub>u</sub>nt<sub>u</sub> pomonae mara pexeinaewi ir<sub>u</sub>nt<sub>u</sub> pomonae w<sub>u</sub>nae pejainchiwi ibo nacom, ir<sub>u</sub>nt<sub>u</sub> pomonae naerabiya pepaebiwi, daxita barapomonae bebai tsainchi isoto pucuatha po pucuatha ichaxota ataya tsitecaeya taxuncua xua bichocono aitareyapus<sub>u</sub> tsuncuae po peitare pew<sub>u</sub>n azufre mataw<sub>u</sub>n. Barapo pet<sub>u</sub>pae coyenewa apara xua poxonae equeicha jiwi caewa werapaena pomonae pejume cowantsiwi”, jei Nacom pon eca pia pexeinya peecaethopaewatha.

*Meje yabara po diwesi xua pena Jerusalén tomara*

<sup>9</sup> Bapoxonae matatsunpin patopa pon xua siete poyobe jiwana, po siete poyobe matatsunpiwi xua xeina coroton siete xoyobe xua w<sub>u</sub>nba



peabe cuiru coyenewan xua bara nama opi ducua pocotsiwa Nacom exanaena. Bapon nejei: “Anetha catsita itútsinchi Cordero pecotsiwa tatsi xua bara yatsicaya piowa tatsi”, jei matatsunpin. <sup>10</sup> Tananetsita itútsiwatha xua poxona Nacom pia Pejumope tənaxú tatsi netsita itúta bapoxona matatsunpin necapona pin demxuwa beya po demxuwa xua bichocono taucha. Yawano baxotiya matatsunpin netsita itúta Nacom pia pepa pexeinya tomara tatsi ichaxota jinompa pomona peantobewichi Nacom. Barapo tomara pena Jerusalén tomara, po tomara Nacom pia xainya wetsica tatsi pona xua itaboco wetsica. <sup>11</sup> Barapo tomara bichocono wənae xua pentha exanuncua Nacom pia pexeinya itəpanae coicha tatsi, tsipei Nacom baxota popona. Barapo pepentha tsuncuae coichawa bichocono daedaena icha iboto ichi xua po iboto itəpana po iboto ira bəxəpana iboto. Bara pocotsi itəpanae iboto jaspe matawən, po iboto xua epa nasaba. <sup>12</sup> Barapo Jerusalén tomara yacaincha matawacaichiya uncuatsi xua pocotsiwa be curara xua ɥ ibo xua bichocono aməxəbərətəiyə xuano xua bichocono taucha. Yawano xeina doce po coibotobe. Daxita barapo coibotontha tsiniya umena matatsunpiwi, xua be caein tsiniya. Barapo coibotontha tsitsiniya wən dudubənəpoinya Israel pia pemomoxi susato bicheiton tatsi. <sup>13</sup> Matautano acoibi po coibotobe ducua ichaxota pocotsiwa xometo weecoina. Icha acoibi coibotobe ducua ichaxota pocotsiwa xometo bejopiya. Yawano epatauta dena ainya acoibibe po coibotobe nantiya ducuabe. <sup>14</sup> Yawano barapo curaratha ira wetsina umena iboton. Barapo iboton doce po ibotonbe xua barapo ibotontha tsiniya wən dubena pewənxi xua doce poyobe pomona Cordero pia peitorobi jiji tatsi.

<sup>15</sup> Barapo matatsunpin, po matatsunpin netsipaeba, bapon capatopa pocotsiwa xua pecanəbəbiwa xua be naewa xua oro nainto peepa canəbənəxə tomara yawa pecoiboton yawa curara. <sup>16</sup> Tomara nantiya naməxəbərə jəpabe xua apiya dena. Barapo matatsunpin epa canəbarena barapo tomara dos mil doscientos po kilómetrobe xeina xua apiya dena yawa xua taucha xua asiyeicha daxita baxuan nantiya naepa jəpə. <sup>17</sup> Vəpoxona epa canəbəbiwa curara məxəbərə sesenta y cinco po metrobe xeina xua reməxəbərə xua aitiyə. Baxuan matatsunpin exana be jiji pia pecanəbəbiya coyenewa tatsi.

<sup>18</sup> Curara iboton ɥ xuan pexeinya iboton, xua ira bəxəpana iboton xuan jaspe matawən. Tomara acaba ɥ xuan pocotsiwan oro matawən be xuan peepa nasabiwan. <sup>19</sup> Po iboton ira weumeina xua doce po ibotonbe, daxita mata pepena xua mata wənae exana icha be iboton ichi pocotsi iboton ainya matoman. Po iboto copiya barapo iboto mata pepena xua jaspe iboton matawən. Po iboto ichaxota ba “dos”, jei, barapo iboto mata pepena xua zafiro ibo matawən. Po iboto ichaxota ba “tres”, jei, barapo iboto mata pepena ágata ibo matawən. Po iboto ichaxota ba “cuatro”, jei, barapo iboto mata pepena esmeralda ibo matawən. <sup>20</sup> Po iboto ichaxota ba “cinco”, jei, barapo iboto mata pepena ónice ibo matawən. Po iboto ichaxota ba “seis”, jei, barapo iboto mata pepena cornalina ibo matawən. Po iboto ichaxota ba “siete”, jei, barapo iboto mata pepena crisólito ibo matawən. Po iboto ichaxota ba “ocho”, jei, barapo iboto mata pepena berilo ibo matawən. Po iboto ichaxota ba “nueve”, jei, barapo iboto mata pepena topacio ibo matawən. Po iboto ichaxota ba “diez”, jei, barapo iboto mata pepena crisoprasa ibo

matawɛn. Po iboto ichaxota ba “once”, jei, barapo iboto mata pepena jacinto ibo matawɛn. Po iboto ichaxota ba “doce”, jei, barapo iboto mata pepena amatista ibo matawɛn. <sup>21</sup> Barapo doce po boupanbe exana ɛ xuan be perla matawɛn xua daxita barompaya peboupan tsiniya. Barapo pepa namto xua tomaratha exana ɛ pocotsiwa xua xuan be oro nainton xua xuan peepa nasabiwan poxoru xua be pepa oro nainton.

<sup>22</sup> Barapo tomaratha jopa taeinyo Nacom pin pia bo tatsi tsipei bara Nacom baxota pepoponaexae po Nacom daxita pia peayapusɛ itorobi coyenewan xeina. Iruru xua baxota pepoponaexae Cordero daxota jopa nantawenonaeyo Nacom pin pia bo tatsi. <sup>23</sup> Barapo tomara jopa nantawenonaeyo xometo xua tomara pentha peexanaewa tsane yawano xua jomocoichatono, tsipei Nacom baxota popona peyacoicha jinaexae xua barompaya pia pexeinya pecoichaxae tatsi, xuan iruru xeina Cordero barapo coicha. <sup>24</sup> Pomonae xua bayatha Nacom capanenebiya, barapomonae barapo coichatha ponaena barapo tomaratha po coicha Nacom pia coicha. Daxita pomonae jiwi itorobiya pia pepa peewatsiwichi barapomonae Nacom catsibinchi barapo tomaratha po coyene xua Nacom wɛnae pejainchiwatsi po coyene xua tsita exanatsi xua bayatha jiwi tsita exana barapomonaetha. <sup>25</sup> Peboupan jopa bapana coibo xatababanobi mataqueitha, xua baxota jopa ataya tsitecaeya pequirei tsaibi tsouneibixae. <sup>26</sup> Daxita nacuanpiwi Nacom capona barapo tomaratha xua Nacom pecatsibiwa tsainchi pocotsiwan pewɛnaewan xua be copei. Matautano Nacom catatsi po coyene xua Nacom wɛnae pejainchiwatsi. <sup>27</sup> Ichitha xua xuan peabe coyenein bapana jopa patsi tsane barapo tomaratha. Matautano jopa patsi tsane baxota pomonae abe peexanaewi iruru pomonae pemuxuitorobiwi. Saya meisa patsina baxota pomonae wɛn dubena po diborotha ba jiwi nacapanenebiya tsaibi poxonae wɛn dubeibatsi baxota, xua po diboro xeina Cordero.

## 22

<sup>1</sup> Nexata matatsunpin netsita ituta mene, po mene xua mene itarana, po mene xua jiwi axumerasɛ exanatsi, xua icha Nacom ichi xua jiwi ajɛntɛcoyeneyapusɛ exanatsi. Barapo mene bichocono mene itarana icha bosibu ichi xua epa nasaba, baxua xua Nacom pia pexeinya peecaethopeibiwa werena pona, yawano xua Cordero pia pexeinya peecaethopeibiwa tatsi werena pona. <sup>2</sup> Barapo mene, mene ducuponarena pepa namto dena tomaratha. Barapo mene dena nantiya ainya muxunene denabe naein xuwa xua po naein jiwi ajɛntɛcoyeneyapusɛ exainchi. Barapo naein nacoiteiba doce po cuiyobe xua cae weitha. Daxita xometontha nawetouneiba. Barapo naein noxuton jiwi yawenatsi xua jɛntema pejinompaewa xua jopa peatenewa. <sup>3</sup> Barapo tomaratha jopa xeinae tsane xua peabe coyenein. Barapo tomaratha uncuaena Nacom pia pexeinya peecaethopeibiwa tatsi iruru baxota uncuaena Cordero pia pexeinya peecaethopeibiwa tatsi. Pomonae Nacom pia petanacuichiwichixaetsi barapo tomaratha barapomonae Nacom wɛnae jainchinchi. <sup>4</sup> Bapoxonae jiwi Nacom itabara taeya cueicueijeji tsainchi. Barapomonae peitapatha cainompaena Nacom pewɛn tatsi. <sup>5</sup> Barapo tomaratha ataya tsitecaeya jopa quirei tsounae tsaibi tsane. Pomonae baxota jinompa jopa nantawenonae

tsane peçoicha xua lámpara coicha xuano xua xometo coichano. Daxota jopa nantawenonaeyo tsipei Nacom pon jiwi Pecanamataxeinaein baxota popona, barompaya pia peçoicha peyacoicha jinaexae xua pia pepontha. Irũ pomonae baxota jinompa jiwi itorobiya ewatsinchi xua ataya tsitecaeya tsane.

*Meje yabara po diwesi xua Jesucristo poxonae patopeicaena xua imoxoyo bara nama*

<sup>6</sup> Bapoxonae equeicha matatsunpin nejei: “Barapo jumein pexainyei jumein. Daxota ichamonaie itacũpatsi xua tana neyabara jume cowũntsiwa xua bara exanaein pocotsiwa xua taneme. Pon jiwi Pecanamataxeinaein bapon Nacom itoroba pia Pejumope tũnaxũ tatsi xua jiwi peyawenaewa tsainchi xua poxonaie jiwi cueicueijeie Nacom nexa. Yawano Nacom itoroba pia matatsunpin xua petsita itũtsinexa pomonaie pia penacajume caitorobi diwesi tatsi petacueicueijeichiwichi xua barapo matatsunpin barapomonaie yabara petsipaebinxatsi po coyene Nacom imoxoyo exanaenaba”, nejei.

<sup>7</sup> Equeicha matatsunpin nejei xua saya Jesús tapaebatsi, jeye: “¡Bara nama imoxoyo patopeican! ¡Jũntũ coyene weiweinaena pon xua exana xuan pocotsiwan Nacom ichichipa xuan pocotsiwan paeba po diborothe!” jeie barapo matatsunpin xua Jesús tapaebatsi.

<sup>8</sup> Xan, pon Juan tsocuaein, tan daxita baxuan yawano jume tan. Poxonaie bayatha jume tan, yawa xua bayatha tan xua pocotsiwan matatsunpin netsita itata, bapoxonaie bapon petaxutha irabe taeuncuarecan xua wũnae tajainchinexa bapon. <sup>9</sup> Ichitha bapon nejei: “¡Bara! Jopa baxua neexanaeinde. Apra xan ponxaein taexanaein Nacom piawa tatsi, icha xam ichim yawa icha pomonaie jinya jiwimonaie ichi, pomonaie Nacom peitorobi jume pepaebiwi, irũno pomonaie xua jume cowũnta dubenanaebiya daxita po coyenein xua po diborothe tinan. Jame Nacom bapon wũnae jainde”, nejei matatsunpin.

<sup>10</sup> Yawano nejei: “Jopa moya yawũn xeinaeinde Nacom Pejume Diwesi, xua xuan pocotsiwan paeba po diborothe. Tsipei imoxoyo nama Nacom exanaena xua pocotsiwan po diborothe pepaebixae. <sup>11</sup> Poxonaie cataunxuae Nacom jopa wetsiyo, pon xua abe peexanaein, bũ moya bara abe exana ducuaanebiya. Irũ pon xua nanthũ coyene xeina peacuiru-coyenebewan, bũ moya bara baxuan nanta xeina ducuaanebiyaena. Ichitha pon wũnae exana Nacom nexa, bũ moya exana ducuaanebiya. Pon xua Nacom petsita naexanaewatsi xua penthũthũ xeicaein penaexanaewa, bũ moya bara Nacom jume cowũnta ducuaanebiyatsi”, nejei.

<sup>12</sup> Bapoxonaie Jesús jeye: “Aa, bara nama imoxoyo patopeicaein. Capatopeicaein pocotsiwan be pentoman, xua caeintha barompaya piawan catsibin. Pon xua nawita inta exana xuya nawita catsin. Pon xua be conotha inta exana xuya be conotha catsin. <sup>13</sup> Xan ponxaein apra ataya tsitecaeya tapoponaein xua poxonaie aena daxita tamropata pitaban. Mataũtano bexano daxita coyenein wetsin tsipei ataya tsitecaeya bara tapoponaewa tsane”, jeie Jesús.

<sup>14</sup> Jũntũ coyene weiweinaena pomonaie najũntũ coyene cui barapenta peabe coyenewan. Baxuan be poxonaie barapomonaie pia paparuwan matanaca xua jopa tsoreiyo. Bapoxonaie barapomonaie itacũpaeinchi xua jojoniyaena tomara coiboto iya tsipei pia paparuwan inyapana yawa jũntũ coyene wũnae. Yawa barapomonaie itacũpaeinchi xua

tomaratha iya xaena po pethei pexaewa, po pethei jiwi ajuntacoyenesu exainchi. <sup>15</sup> Ichitha nama aisowatha xua tomara jumatha umenaena pomonae peajantacuirucoyenebewi iru pomonae mara pexeinaewi. Yawano pesatotha umena pomonae penata siwa xeinaewi yabuxitha, iruno pomonae jiwi pejutebiwino, iruno pomonae ibo nacom wnae pejainchiwi. Daxitano pomonae becu jichatsi xua naerabiya pepaebiwi xua naerabiya exanano, barapomonae pesatotha umenaena.

<sup>16</sup> Equeicha Jesús nejei: “Xan, pon Jesús, itoroban tamatatsunpin xua daxita baxuan pepaebinexa pomonaetha pomonae pejume cowantsiwi. Xan bara yatsicaya David pia pemomoxi susato jiwi jiwana pin tatsin, pon David Israel nacuapiwi itorobiya pia pepa peewatsinchi tatsi. Icha be jarawato ichi poto xua bichocono wnae xua poto baya ecoina poxonae icha matacabi patopa, xan barichin. Patopan tacapatopaenexa jiwitha po coyene xua bichocono wnae po coyene xua Nacom tsiexana, xua jiwi tsiexanatsi”, nejei Jesús.

<sup>17</sup> Nacom pia Pejumo tana xua tatsi, iru Cordero pia pecotsiwa tatsi, pomonae Nacom pia pejume cowantsiwichixaetsi, jeye Jestutha: “Anetha”, jei Nacom pia Pejumo tana xua tatsi iru Cordero pia pecotsiwa tatsi. Pomonae xua iru jume tane, jeye: “Anetha”, jei. “Xan Juan paeban pon xua meratsipa yawa beapaena, moya antha, bu apa po mera jiwi ajuntayapusu exainchi xua saya amanaya nexa”, jan.

<sup>18</sup> Daxita pomonae xua jume tane barapo diwesi xua Nacom Pejume Diwesi xua barapo diborothe tinan barapomonae tsipaeban, meje baxue: Icha ichan mataropeicha paeba icha diwesi xua jopa xainyeyo xua po diwesithe, bapoxonae bapontha Nacom itorobina peabe coyenewan be pocotsi coyene cuirun yabara caunuta po diborothe. <sup>19</sup> Icha ichan jiwana jume wexuba xua po diborothe paeba, xuya Nacom pia diborothe wun xubina, po diborothe jiwi nacapanenebiya tsaibi poxonae wun dubeibatsi baxota. Yawano Nacom jopa copatsiyo xua bapon pepatopaewa Nacom pia pepa pexeinya tomaratha tatsi po tomara pena tomara ichaxota jinompa pomonae peantobewichi Nacom. Barapo pecapanenebiya coyenewa iru barapo tomarano barapo diborothe yabara tina.

<sup>20</sup> Jesús pon pia matatsunpin peitorobixae xua barapo matatsunpin yabara tana netsipaebiwa pocotsiwa xua hexa exanaena, bapon nejei: “Aa, bara nama imoxoyo patopeicaein”, jei.

Je, moya anetha patopeinca xam, Jesús, ponxaem Tanecanamataxeinaem, jan.

<sup>21</sup> Jesucristo, pon jiwi Pecanamataxeinaein, barabu paca yawenaena pia painya nepaca caantobexae daxita paxam. Je bara ichi tsane.

Baja Juan.